

C. e.
41.

C

e:41.

~~21~~

11. 2. 11.

11. 2. 11.

AA. h. p.

BB. h. p.

• 4. 2. 1. 1.

• 4. 2. 1. 1.

HIEROPOLITICON,

S I V E

INSTITVTIONIS

POLITICÆ E SACRIS

Scripturis depromptæ

LIBRI TRES;

Auctore P. IO. STEPH. MENOCHIO
e Societate Iesv.



LYGDVNI,

Sumptibus LVDOVICI PROST,
Hæredis ROVILLE.

M. DC. XXV.

CVM PRIVILEGIO.

1625

22




५५



ALEXANDRO
VRSINO CARDINALI
AMPLISSIMO

IO. STEPH. MENOCHIVS
è Societate IESV, S. D.

VÆ me potissimùm caussæ impulsère, PRINCEPS ILLVSTRIS-SIME, vt ciuilem institutionem à multis cum laude cõtextam ex prophanis scriptoribus, ego sacris è litteris concinnarem, quòd scilicet hæc scribere religiosi hominis institutũ, & studia non dedebeat, & hæc legere Principibus (si qui tamen
ã 3 Princi

Principes ista legent) non vtile
tantum sit, sed etiam citra iactu-
ram dignitatis, quæ nimirum vi-
deatur imminui, si homines ho-
minibus impositi, ab hominibus
præceptis humanis instituantur:
eædem me ambæ admonuerūt,
vt te vnum ex omnibus selige-
rem, cuius inscriberem nomini
has qualescumque lucubratio-
nes meas. Etenim ex vna parte
tenor iste vitæ, quam tu ad ma-
iorem sanctimoniam componis,
ad cuius exemplum suam po-
steri explorabunt, & exigent, in-
currit quidem in omnium ocu-
los, quippe in Principe viro ma-
la iuxta, ac bona eminent om-
nia, sed trahit in primis afficit-
que religiosorum hominū ani-
mos, quibuscum quantum tibi
tempo

temporis à publicis muneribus
superest, familiariter ipse, suaui-
térque dispensas. Inter quos cum
Societatis nostræ viros præci-
pua beneuolentia, ac patrocinio,
quæ tua est benignitas, comple-
ctaris, eorúmque studiis, & co-
natibus in re litteraria delecte-
ris, erit, vti spero, tibi non ingra-
tum, quidquid ex hac familia,
cui tantum tribuis, persoluetur.
Ex altera verò parte (quæ mihi
caussa adhuc potior fuit) cum tu
te in rerû administratione, non
ex præscripto humanæ sapien-
tiæ, quam tamen & præcellenti
istò ingenio, & totius antiquita-
tis notitia perfectam habes, sed
ex diuinis oraculis, æternæque
legis interpretatione modereris:
immò cum hoc ipso de argu-

mento, vt inaudiui,opus aggressus sis,quo regnorum initia,processusque, atque interitus ex sacrarum historia litterarum, ea qua præstas comprehensione rerum omnium ponis ob oculos; accedo ipse, vt arbitror, opportunè,dum tibi in hanc curam intendēti offero hæc à me vtcunque collecta: si forte distrahentibus animum publicis priuatisque negotiis ab otio litterarum, prompta hæc cōgeries mea partem aliquam tui laboris imminuat. Accipe igitur,PRINCEPS, hoc quidquid est operis, quod tibi & nostræ familiæ nomine, & argumenti similitudine, oportunitatēque fretus inscribere ausus sum, atque hominum expectationem, quam me hac denuntia

nuntiatione consilij tui concitaturum scio, tu expertus olim puer quid in omni litterarū genere valeas, maiorem nunc cum virili ætate sapientiæ maturitatem adeptus, morari diutius, ac desiderio, & expectatione torquere noli. VALE.

Romæ Kal. Maij

1624.

ā. 5

ALE


ALEXANDRO VRSINO
Cardinali Amplissimo

LVDOVICVS PROST,
Hæres ROVILLE,
S. P. D.

IN laudes, VRSINE, tuas mea lingua recurrit:
Lingua tamen meritis non erit una satis.
Innumeris variata modis elementa loquantur;
Quotque notas relegis, tot velut ora sonent.
Purpurei cum sis Decus immortale Senatus,
Gloria te voluit non moritura sequi.
Aeternare tuum nota debuit area nomen;
Et qua non ullo tempore lingua silet.
Sic mihi perpetuò, Princeps, laudabere. nam te
Qui non laudat, obest laudibus ille suis.

AD

AD CANDIDVM LECTOREM.

 *Aucula quædam, Amice
Lector, in huius libri li-
mine monendus es. Pri-
mum est, consilium meum fuisse
dum hæc scriberem, testimonijs ex
Sacris tantum litteris depromptis,
in certum ordinem redactis, & in-
ter se cōcinnatis, Politices præcepta
tradere, explicare, confirmare. Al-
terum est, à profanis auctōribus ci-
tandis me cōsultò abstinuissè, quan-
quam ex ijs multa huc commodè
deriuari posse videbam. Cum enim
satis multa huius argumenti volu-
mina ab alijs conscripta sint, vete-
rum Philosophorum, Poëtarum,
Historicorumq; placitis, dictisq; re-
fertissima, quæ passim circumferun-
tur,*

tur, & manibus omnium teruntur; satius esse duxi extra Sacrarum litterarum fines quos mihi præfixeram non vagari, & hanc spartam dumtaxat ornare, quam mihi ipse selegeram. Quanquam non negauerim quadam, rarò tamen, interspersa ex profanis legenti obuia futura, quibus non ut testimonijs, sed ut dicendi formulis, cum aptè cadebant, usus sum. Ea qui in illorum auctorum lectione sunt versati, non difficile agnoscent. Tercium est, sanctorum etiam Patrum dicta, & documenta quæ ad ciuilem institutionem faciebant, me parcè admodum adhibuisse, & tunc tantùm cum ex sacris Scripturis suas positiones ipsi confirmant; quæ enim meis ego verbis dicere debuisssem, si Patrum verbis efferrem, plus grauitatis

uitatis & auctoritatis habitura esse
non ignorabam. Tandem ordinem
librorum esse huiusmodi. In primo
disseri de rerum publicarum formis,
& legitima ratione veniendi ad
principatum, electione scilicet, &
successione. Deinde tribus ultimis
capitibus muniri viam ad ea quæ
secundo libro, qui totus est de virtu-
tibus Principis, dicenda sunt. Ter-
tio verò de ijs quæ Reipublicæ sta-
tui, Principisq; gubernationi com-
modant, aut incommodant. Itaque
disputari de consiliarijs, admini-
stris, legibus, pace, bello, tyrannide,
seditionibus, & huiusmodi. Hac
te nolui Lector nescire. Tu nostra
hec qualia qualia sunt, beneuolo
animo accipe, & vale.

MVTIVS VITELLES CVS,
Societatis IESV Præpositus Generalis.

CVm opus, Politica sacra inscriptum, P. IOANNIS STEPHANI MENOCHII, nostræ Societatis; tres eiusdem Societatis Theologi, quibus id commissum fuit, recognouerint; ac in lucem edi posse probauerint; facultatem concedimus, vt typis mandetur, si ita iis, ad quos pertinet, videbitur. In quorum fidem has litteras manu nostra subscriptas, & sigillo nostro munitas dedimus Romæ 10. Februarij 1624.

MVTIVS VITELLES CVS.

*Facultas R. P. Prouincialis in Prouincia
Lugdunensi.*

EGO IOANNES FORERIVS Societatis IESV in Prouincia Lugdunensi Præpositus Prouincialis iuxta Priuilegium eidem Societati à Regibus Christianissimis HENRICO III. 10. Maij 1583. HENRICO IV. 20. Decembris, 1606. & LVDOVICO XIII. nunc regnante, 14. Februarij 1611. concessum, quo Bibliopolis omnibus prohibetur, ne Libros ab hominibus nostræ Societatis compositos absque Superiorum eius permissione imprimant; permitto LVDOVICO PROST, Hæredi ROVILLE, Lugdunensi Bibliopolæ, vt Librum, qui inscribitur, *Instituio politica ex sacris Scripturis deprompta, Authore P. IOANNE STEPHANO MENOCHIO* è Societate IESV, ad sex proximos annos imprimere, ac liberè diuendere possit. Datum Lugduni 7. Decembr. 1624.

FORERIVS.

Approbatio.

IOANNES CLAVDIUS DE VILLE
In sacra Theologia Doctor in S. Pauli
Lugdunensis Canonicus, & in hac Diœ-
cesi à D. Dionysio Simone de Marque-
mont Illustrissimo & Reuerendissimo Ar-
chiepiscopo in librorum censuram incum-
bere iussi; fidem facimus nos librum hunc
qui inscribitur, *Institutio politica è sacris
Scripturis deprompta, Auctore P. IOANNE
STEPHANO MENOCHIO è Societate
IESV*, vidisse, nec in eo aliquid contra Ca-
tholicæ, Apostolicæ, & Romanæ Ecclesiæ
sanam doctrinam aut bonos mores inue-
nisse. Non. Decembr. 1624.

DE VILLE.

Consensus

Consensus Procuratoris Regij.

Librum hunc R. P. STEPHANI MENOCHII Societatis IESV de Institutione politica è Sacris litteris deprompta : Ego Consiliarius, & Procurator Regius typis mandari, & in lucem exponi consentio, Lugduni septima die mensis Decembris 1624.

PVGET.

Facultas imprimendi.

Libros Hieropoliticon, seu Institutionis politice R. Patris STEPHANI MENOCHII Societatis IESV, à LVDOVICO PROST, Hærede ROVILLE, Bibliopola Lugdunensi, in lucem dari permittimus, ac ne quis citra factam ei potestatem denuò excudat, interdicimus. Datum Lugduni septima mensis Decembris 1624.

DE CHAPONAY.

INDEX



INDEX CAPITVM

LIBRI PRIMI, QVORVM

paragraphi, per numeros marginales distributi, hîc subiiciuntur.

*In sacris Scripturis civilem doctrinam
contineri.*

CAPVT I.

Num. 1. **C**H R I S T V M esse Scripturarum
argumentum præcipuum, multa
tamen in iis tractari, ex quibus
Politices iustum opus colligi possit.

pagina 1

1. Probatur excellentia Politicæ sacræ ex auctoritate præcipuo scripturarum, qui est Deus; & ex ipsis scriptoribus qui sapientes, & in Republica versati fuerunt. 3
 2. Idem probatur ex materia sacræ Scripturæ, historis nimirum & libris, quos illa complectitur. 9
 3. Idem probatur ex forma scribendi horum scriptorum. 12
 4. Idem probatur ex fine sacræ Scripturæ. 13
 5. Cur tam pauci in Scripturis quarant politica præcepta. 16
 6. Adhortatio ad hanc doctrinam ex Scripturis petendam. 17
- c De

INDEX CAPITVM

De Imperij necessitate & Anarchia malis.

CAPVT II.

- Num. 1.* Nullam Rempublicam gubernatione destitutam saluam esse. pag. 19
2. Probatur ex mutua ope qua indigemus. 21
3. Idem probatur ex Angelorum politia. 25
4. Idem probatur, quòd ne scelestorum quidem hominum cætus gubernatore carere possint. 27
5. Idem probatur, quòd etiam in seditionibus, quæ alioqui turbulentissimæ sunt, caput quæ-
ratur. 28
6. Idem probatur quòd ne Satanæ quidẽ regnum sine capite esse possit. 29
7. An olim apud Hebræos fuerit aliquando Anarchia. 33

Potestatem Rerumpublicarum gubernatricem à Deo esse, illig. obtemperandum.

CAPVT III.

- Num. 1.* Potestas gubernatrix in statu naturæ à Deo fuit. pag. 35
2. Idem fuisse in lege scripta. 37
3. Idem esse in lege Euangelica. 38
4. An Apostoli obediendum præceperint Principibus, qui tyrannicè regna occupauerant. 40
5. An infidelibus aut peccatoribus Principibus parendum. 41
6. Principibus in iis duntaxat parendum esse, quæ diuinæ legi non aduersantur. 44
- De*

ET PARAGRAPHORVM.

De Reipublica formis, Democratia, Aristocratia, Monarchia; hancq; ceteris præstare.

CAPVT IV.

<i>Num. 1. Quot sint Imperij formæ.</i>	pag. 47
<i>2. Monarchiam ceteris præstare probatur ex ipsa natura, cœlis, elementis, &c.</i>	48
<i>3. Idem probatur ex Angelorum politia.</i>	50
<i>4. Idem probatur ex Ecclesiæ gubernatione.</i>	53
<i>5. Idem probatur ex Hebræorum antiqua politia.</i>	56
<i>6. Idem probatur ex proprietatibus bonæ gubernationis.</i>	59
<i>7. Vnius dominatum in Scripturis promitti vt magnum bonum.</i>	62

Mulieres Imperijs regendis vt plurimum aptas non esse.

CAPVT V.

<i>Num. 1. Probatur ex naturali earum conditione quia factæ magis ad parendum.</i>	pag. 63
<i>2. Idem probatur, quia destitutæ animi & corporis vigore; qui ad gubernandum necessarius est.</i>	65
<i>3. Idem probatur, quod illarum consilium imbecillum sit, facileque decipiantur.</i>	69
<i>4. Idem probatur, quia vehementibus animi perturbationibus commoueri solent.</i>	71
<i>5. An cum mulieribus Imperij arcana communicanda sint.</i>	72

INDEX CAPITVM
*De legitima ratione Principatus capiendi,
qua est electio & successio.*

C A P V T V I.

- Num. 1.* Duplex ratio ineundi principatus, electio
& successio. pag. 74
2. Argumenta quibus probatur electionem præ-
stare successioni. ibidem.
3. Argumēta pro successione contra electionē. 79
4. Cur summi Pontifices eligantur. 88
5. An Peregrini ad regnum eligendi. 89

*Regna, qua successione incuntur, primo-
genitis deberi.*

C A P V T V I I.

- Num. 1.* Ita vsum Gentium tenuisse. pag. 93
2. Ita factum propter amorem quo parentes pri-
mogenitos filios prosequuntur. 96
3. Idem probatur ex maiori piimogenitorum ex-
cellentia. 98
4. Cur secundo loco nati primogenitis aliquan-
do antelati. 100
5. An expediat foemineam prolem, Regni hære-
dem esse. 100. & 101
6. Quid de illegitimis. 102

*Quibus disciplinis, & Magistris instituendi
sunt ij, qui in spem Imperij educantur.*

C A P V T V I I I.

- Num. 1.* Aliqua de disciplina doctrinaque neces-
sitate. pag. 105
2. Deum

ET PARAGRAPHORVM.

2. Deum ipsum magistrum Principum agere.
108
3. Ipsos Principes in quibusdam liberos erudire
debere. 112
4. Alios etiam magistros addendos. 114
5. Eloquentiæ studium Principe dignum. 120
6. Historiam cognoscat Princeps. 123
7. Præcipuum studium Principis, prudentia ci-
uilibi. 125
8. Moderatè Principi studendum. 129

*Finem boni publici Principi propositum
esse debere.*

CAPVT IX:

- Num.1. Basis, Fundamentum, appellatur Princeps
in Scripturis.* 131
2. Murus, Angulus. 133
3. Pastor. 134
4. Caput. 137

*Principem virtutem colere debere, vt exemplo
subditis prosit.*

CAPVT X.

- Num.1. Quantum possit Principis exemplum in
vtramque partem.* pag. 138
2. Graniter peccare Principes, qui suo exemplo
subditis nocent, subditorumque peccata illis
adscribi. 145

INDEX CAPITVM

Initio Principatuum Principes ferme esse meliores, quàm sint postea: & quanam huius mutationis sint causa.

CAPVT XI.

Num. 1. Probatur exemplo Saulis & Salomonis.

pag. 147

2. Luxum & delicias Regias hanc mutationem afferre. 151

3. Negotiorum etiam multitudinem, quæ mentis culturam impedit. 154

4. Idem efficit adulatorum corruptela. 155

5. Quia latens vitium, virtutis tectum inuolucris paulatim se aperiente natura retegitur, posteaque larua, dira scelerum facies quæ latuerat, tandem apparet. 157

INDEX CAPITVM

LIBRI SECVNDI,

*qui est de virtutibus
Principis.*

*Religionem Principi colendam esse, & de
externo eius cultu.*

CAPVT I.

Num. 1. Omnibus gentibus insitum esse religionis sensum & amorem. pag. 159

2. Exemplis ostenditur, Principem cultum externum religionis cordi habere debere. 161

3. Scriptu

ET PARAGRAPHORVM.

3. Scripturis & rationibus probatur, externum hunc cultum retinendum esse. 163

Principem non simulato animo, sed serio religiosum esse debere.

C A P V T II.

- Num.1. Magnum esse Rerumpublicarum malum, Principem hypocritam. pag.165
2. Quales sint huiusmodi Principes, explicatur exemplis. 166
3. Principes hypocritas simulatione religionis vti ad consequendum id quod cupiunt. 180
4. Quantopere Deus detestetur modum hunc agendi. 184

Nec hareticos in Republica, aut eorum doctrinam, nec eam quam vocant libertatem conscientia, sine graui causa permitti debere.

C A P V T III.

- Num.1. Hareticos extremo etiam mortis supplicio puniendos esse. pag.190
2. Haretici in Republica tolerandi non sunt, quia alios prauitate doctrinae inficiunt. 197
3. Haretici tolerandi non sunt in Republica, quia seditionibus & turbis publicae paci incommodant. 202
4. Soluuntur argumenta, quae contra haecenus dicta afferri possunt. 207
5. Libros hareticorum flammis abolendos. 211

INDEX CAPITVM

*Non debere Principem cum infidelibus inire
fædus, nec illorum opem implorare:
& de locanda spe in diuino
auxilio.*

C A P V T I V.

- Num. 1.* Dominum detestari fædera cum infideli-
bus inita. pag. 214
2. Crebrò accidere, vt qui infidelium auxilia im-
plorant, aut ab illis destituantur, aut etiam
impugnentur. 219.
3. In Deo spem locandam, qui multis, mirisque
modis, suis spem fert. 223

*Principes Ecclesiarum & Sacerdotum iura
sarta tecta seruare debere.*

C A P V T V.

- Num. 1.* Pontifices Hebræorum & Leuitas in re-
bus Ecclesiasticis à Regum potestate exem-
ptos fuisse. pag. 231
2. Leuitas olim in Republica, Hebræorum à Iu-
dicum sæcularium potestate exemptos fuisse.
233
3. De eadē exemptione ex Nouo Testamēto. 237
4. De immunitate à tributis. 239
5. De iure Asyli. 249

*De liberalitate & munificentia Principis
in Ecclesias, & res sacras.*

C A P V T V I.

- Num. 1.* Exemplis ostenditur quanta esse debeat
Chri

ET PARAGRAPHORVM.

Christiani Principis in Ecclesiam liberalitas.

pag. 256

2. Ex auro templi de cæteris expensis capitur coniectura, ex quo eadem liberalitas Principi commendetur.

263

*Qualem Confessarium, Concionatorem, aut
Theologum sibi deligere debeat
Princeps, & quomodo se
cum illo gerere.*

CAPVT VII.

Num. 1. Debere Principes in rebus dubiis Doctores consulere, & de veteri Hebræorum ritu in consulendo Dominum.

pag. 267

2. Contra eos Principes qui tantum auribus blandientia à Concionatoribus audire volunt.

271

3. Quanta cum libertate Concionator aut Confessarius cum Principe agere debeat.

277

4. Concionatorem suo tantum muneri operam dare debere, nec se aulæ negotiis immiscere.

285

*Principes virtutis, ac præsertim Religionis
cultores diutius ferè viuere.*

CAPVT VIII.

Num. 1. Sanctos viros vt Dauid & Iob ex impiorum prosperitate quasi scandalum passos esse; eosdem tamen eorundem infortunia descripsisse, ac præsertim immaturam mortem; ex quo diuina asseritur prouidentia. p. 287. & 288

ẽ 5

. In

INDEX CAPITVM

2. In Scriptura de quibusdam sanctis dici quòd multum vixerint , & tandem mortui sint in senectute bona, & pleni dierum: quod pierati & in Deum religioni acceptum ferendum ostenditur. 296. & 297
3. Ad prolixam vitã in sanctis ipsis multum contulisse pacem animi internam , ex bona conscientia prouenientem. 300
4. Longitudinem vitæ , Dei beneficium esse , & sanctos etiam viros mortem timuisse. 303

*De Principis iustitia : ac primò de ea qua est
in commutationibus.*

CAPVT IX.

- Num. 1.* Exemplis Scripturæ commendatur Principi iustitia commutatiua. pag. 307
2. Rationes duæ explicantur , quibus se permoueri dixit Iob ad iustitiam in commutationibus seruandam. 313
3. Proponitur exemplum Achabi , qui vinea sua spoliauit Noboth. 317
4. Expenduntur quædam adiuncta superioris historię. 319

*De æqualitate & iustitia in ponderibus, mensuris ac numismatibus à Principe
constituenda.*

CAPVT X.

- Num. 1.* Afferuntur quædam testimonia , quibus ostenditur quantopere Deo cordi sit iustitia in mensuris ac ponderibus. pag. 323
2. Va

ET PARAGRAPHORVM.

2. Varietas in ponderibus & menfuris vitanda.
324
3. De generibus monetarum apud veteres Hebraeos. 325
4. Publico aliquo signo seu caractere insignita esse debere. 326

De Principis iustitia distributiva.

CAPVT XI.

- Num. 1.* In Reipublicæ gubernatione Principem administris inferioribus indigere : cauendumque ne ex istis aliquem nimis attollat.
pag. 327
2. Aliquibus Scripturæ locis probatur, absurdè facere Principem, qui immerenti honorem tribuit. 334
 3. Peculiaria quædam præcepta huc facientia, vt de consanguineorum Principum potentia in officio continenda. 337

De iustitia vindicativa Principis.

CAPVT XII.

- Num. 1.* Pœnis inflictis malos à peccando deterri. pag. 347
2. Sontibus parcendum non esse, quia non sunt meliores: & quia sanguis ab ipsiis fusus clamat ad Principem. 349
 3. Formam iudiciorum diligenter seruandam. 352
 4. Quid faciendum Principi cum populus vniuersus peccauit. 358. & 359
 5. Ne sit Princeps nimium minutus in delictis inquirendis. 360
 6. Iram

INDEX CAPITVM

6. Iram Principi cauendam dum punit. 361
7. Iustitiæ vindicatiæ clemētiam copulari posse.
363

De Clementia Principis.

CAPVT XIII.

- Num. 1.* Clementiam Principem Deo similem facere. pag. 368
2. Clementiam Principis munere, qui quasi medicus ac pater esse debet, dignissimam esse. 375
3. Clementiam Principes populis gratos efficere. 378
4. Clementiâ Principibus securitatem parari. 384
5. In gratulationibus publicis, aut cum beneficia insignia diuinitus accipiuntur, clementiâ largiûs vtendum. 385

De affabilitate & facilitate Principis.

CAPVT XIV.

- Num. 1.* Explicatur in quo sita sit affabilitas. pag. 387
2. Affabilitatem Maiestati non officere si prudentia regatur; esse autem Barbarorum & abiectionis conditionis hominum immodicam quandam affectare maiestatem. 388
3. Principem cum pauperibus præsertim affabilem esse debere. 392
4. Etiam cum iis affabilem esse debere Principem, à quibus aliquando læsus, sed iis noxas condonauit. 394
De

ET PARAGRAPHORVM.

De fide ac veritate Principis.

C A P V T X V.

Num. 1. In quo fides hæc veritasque sita est. p. 395

2. Vniuersim Principi hæc virtus commendatur.

399

3. Fidelem Principem & veracem, Deum summum Principem imitari. 401

4. Mendacem dæmoni similem esse. ibidem.

5. Seruile esse mentiri, ac proinde Principem maxime dedecere. 405

6. Mendacium vix latere posse. 407

7. Mendacium Reipublicæ plurimum nocere. 408

8. In mendacio culpam esse grauitérque à Deo puniri. 411

9. Consideratè Principem loqui, & promittere debere. 414

10. Etiam inimicis seruandam fidem. 419

De liberalitate Principis.

C A P V T X V I.

Num. 1. Quomodo hic accipiaturs liberalitas & de eius affinitate cum iustitia. 423

2. De liberalitatis vtilitate. 424. & 425

3. Liberalitatem honestam esse, quia pecuniæ in eos conferuntur vsus ad quos factæ sunt. 428

4. Liberales Deum imitari, Principesque liberalis titulum affectare. 429

5. In dando, sed maxime in reddendo beneficio liberalitatem requiri. 432

6. Dandum hilariter. 435

7. Viden

INDEX CAPITVM

- | | |
|---|-----|
| 7. Videndum cui, & quantum detur. | 437 |
| 8. Cum dederit Princeps, ne impropere ei cui dedit. | 439 |

*An Principi liceat diuitijs augendis studere,
& quibus artibus augeri possint.*

CAPVT XVII.

- | | |
|---|----------|
| Num. 1. Licere Principibus thesauros colligere, & quæ rationes suadeant vt id fiat. | pag. 440 |
| 2. Industria diuitias à sapienti Principe augeri posse. | 443 |
| 3. Primus modus augendi diuitias latifundiis parandis. | ibidem. |
| 4. Alter modus augendi regij census ex fodinis, lapicidinis, syluis, salinis, &c. | 447 |
| 5. Tertius modus ex mercatura. | 449 |
| 6. Quartus modus ex tributis, vbi etiam docetur ea moderata esse debere. | 454 |
| 7. An ars chymica diuitiis parandis utilis esse possit. | 456 |

*De Auaritiæ turpitudine, damnis, eiusdemq;
remedijs.*

CAPVT XVIII.

- | | |
|--|----------|
| Num. 1. Auaros in Sacris litteris ferarum quarundam bestiarum nominibus appellari, & quæ huius rei sit causa. Vbi etiam de avaritiæ insatiabilitate. | pag. 459 |
| 2. Avaritiam detestandam, quia seruitus est idolorum. | 462 |
| 3. Hanc | |

ET PARAGRAPHORVM.

3. Hanc seruitutem turpem esse, quòd Dei seruituti repugnet. 466
4. Hanc seruitutem duram esse, ac laboriosam, ideòque defugiendam. 469
5. Laborem qui ferendus est in hac seruitute malè collocari, quod scilicet malè parta, malè dilabantur. 471
6. Colligitur ex dictis, diuitiis non esse fidendum. 474
7. Principem auarum esse non debere, quia auaritia odiosum facit populo, & periculum amittendi Principatus creare potest. 475
8. Principem non debere auarum esse, quia populorum est Pater. 477
9. Idem probatur, quia est pastor populorum. 478
10. Remedium præcipuum auaritiæ proponitur, vt scilicet Princeps cupiditates suas intra modum suarum virium moderetur. 482
11. Posse etiam Principem non admodum diuitem sibi Reipublicæque prospicere. 487

*De fortitudine Principis, & animi
magnitudine.*

CAPVT XIX.

- Num.* 1. Quid sit fortitudo, de qua hic disputandum: & quatenus corporis fortitudo requiratur in Principe. 488
1. De fortitudine quæ spectatur in faciendis & sustinendis aduersis. 490
 3. An fortitudini repugnet edere signa doloris. 496
 4. Magni

INDEX CAPITVM

4. Magnitudinis animi esse, minùs secundos rumores qui sparguntur, negligere. 498
5. De fortitudine quæ cernitur in aggrediendo. 500
6. Primum adiuumentum ad fortitudinem consequendam, de ea scilicet à Deo postulâda. 504
7. Secundum adiuumentum de iuuanda fortitudine industriæ adminiculis. 505
8. De inanibus terroribus non formidandis. 508
9. De incommodorum, quæ timidos & remissos in aggrediendo consequuntur, consideratione. 510
10. De fortium virorum exemplis & imitatione. 511

De perseverantia & constantia Principis.

CAPVT XX.

- Num.* 1. Explicatur quid sit perseverantia & constantia, vt hic accipitur, & Mosis & aliorum exemplo illustratur. pag. 513
2. Commendatur Principi constantia, quòd eum Deo similem faciat. 517
3. Inconstantes etiam inter homines leuitatis infamia laborare. 519
4. Aliud incommodum proponitur, quod incurrunr ij, qui in bene cæptis non perseverant, quod eorum quæ iam facta sunt, iacturam faciunt. ibidem.
5. Laudabilem esse constantiam in ministris, & magistratibus non facile à suis muneribus amouendis. 520
6. Cauendum Principibus, ne eorum constantia mulierum precibus infringatur. 521
7. Ita

ET PARAGRAPHORVM.

7. Ita amplectendam constantiam, vt vitium pertinaciæ non incurratur. § 25

De magnificentia Principis.

CAPVT XXI.

- Num. 1.* Explicatur quid sit magnificentia, & Salomonis exemplum proponitur. pag. § 27
2. Aliud magnificentiæ exemplum proponitur in conuiuio Assneri. § 29
3. An peccauerit Assuerus tam sumptuoso diurno&que conuiuio instruendo, & de conuiuiliis, quæ in Principum inauguratione celebrata legimus in Scripturis. § 32
4. De Principis magnificentia in largitionibus. § 36

De Principis magnificentia in ædificando.

CAPVT XXII.

- Num. 1.* Studium ædificandi decere Principem: & de variis ædificiorum generibus, necessariis, vtilibus, aut ad voluptatem cõparatis. p. § 38
2. Quo tempore ædificatio vrgenda, & quorum expensis ædificandum. § 40
3. De ædificiorum Regionum magnificentia. § 42
4. De veteribus ædificiis instaurandis. § 44

De Maieſtate Principis.

CAPVT XXIII.

- Num. 1.* De Principis maieſtate in vestibis & corporis cultu. pag. § 46

INDEX CAPITVM

2. An odorum vsus in vestibus Principis laudabilis sit. 551
3. De cælarie promissioque capillo. 555
4. De stipatoribus & cohorte militum corporis custodum. 556
5. De maiestate in aliis quibusdam, quæ Principem circumstant vt throno Regis. 560
6. Ad maiestatem facere si se Princeps in loco à vulgi conspectu subducat. 562
7. De ministrorum numero & aulæ frequentia. 563
8. De Titulis Principis. 568
9. Cur Saul iam Rex Israël creatus, cōtra quam postulat summi Magistratus maiestas, boues secutus fuerit. 570

*De temperantia Principis in cibo, potu
& somno.*

CAPVT XXIV.

- Num. 1. Naturā paucis parabilibusque cibis contentam esse. pag. 573
2. Ciborum multitudinem valetudini incommodare. 575
3. Periculosiorem esse intemperantiam in viro Principe, quia ex illius vita plerunque pendet publica quies. 576
4. Vitam eorum, qui voluptatem in cibis quaerunt, non esse voluptuosam. 578
5. De intemperantia in potu, & ebrietatis malis. 583
6. Intemperantiam in cibo, potuque viam munire grauissimis peccatis. 587
7. De intemperantia in somno. 591

De

ET PARAGRAPHORVM.

*De temperantia Principis in voluptatibus
tactus, ac primò de vitij huius
occasionibus.*

CAPVT XXV.

- Num. 1.* Quanta sit in paratis occasionibus illece-
bra ad peccandum. pag. 593
2. Orium esse occasionem luxuriæ. 595
3. Etiam incustoditos oculos, aliósque sensus. 598
4. De saltationibus aliisque huiusmodi lusibus.
601
5. Intemperantiam in cibo, potúque occasionem
esse luxuriæ. 605
6. Exemplis Davidis & Salomonis idem confir-
matur. 608

*De malis, quibus propter luxuriam
corpora afficiuntur.*

CAPVT XXVI.

- Num. 1.* Luxuriam properatam adducere senectu-
tem morbósque. pag. 610
2. Affertur ratio cur corporibus intemperantia
noceat. 613
3. Agitur de turpitudine intemperantiæ. 614
4. Turpitudinem incontinentiæ parentum redun-
dare in filios, vbi aliqua de nothis tanguntur.
618
5. De malis animi quæ ex intemperantia profi-
ciscuntur. 620
6. Vitio intemperantiæ homines belluis similes
euadere. 624

INDEX CAPITVM

*De malis, quæ Principes aut Respublica
libidinis alicuius occasione
passæ sunt.*

CAPVT XXVII.

- Num.1.* Primum exemplum Pharaonis & Abimelech, qui Saram ab Abrahamo extraxerant. pag.626
2. Secundum exemplum ex historia Dinæ, quæ à Sichem violata est. 629
3. Tertium exemplū ex clade Benjamitarum cum reliquo Israëlè pugnantium. 632
4. Quartum exemplum ex iis, quæ Dauid eiúsque Posterì propter parentis luxuriam passi sunt. 633
5. Quintum exemplum ex damnis quæ Israëlì Salomonis luxuria intulit. 636
6. Vltimum exemplum ex historia diluuij. 638

*De castitate coniugali, & quadam alia
præcepta ad Principum matrimonia spectantia.*

CAPVT XXVIII.

- Num.1.* Amor vnus coniugis suaderetur. pag.639
2. De bigamia, & polygamia Veteris Testamenti. 643
3. Matrimonia cum infidelibus ineunda non esse. 647

De

ET PARAGRAPHORVM.

De modestia Principis, & animi demissione.

CAPVT XXIX.

Num. 1. Facile Principis animum in superbiam attolli, adeo vt superiorem neminem velit agnoscere, seque Deo parem faciat, quod exemplis ostenditur. pag. 649

2. Afferitur remedium contra hoc malum, vt scilicet agnoscat Princeps se Deo subditum esse.

651

3. Afferitur aliud remedium, vt scilicet intelligat, adeo se Deo subditum esse, vt etiam infirmus sit & imbecillis, & more aliarum creaturarum Dei comparatione nihil. 653

4. Ostenditur exemplis quàm malè sibi consuluerint ij, qui Dei obliti, in superbiam elati, sibi nimium placuerunt. 659

De prudentia Principis, & de ingenio regni & populi.

CAPVT XXX.

Num. 1. Regnorum instabilem esse possessionem. pag. 661

2. Principes multorum odiis & inuidiæ patere. 663

3. Principes abundare suspicionibus & metu. 665

4. Peculiares regni cui præest conditiones Principi cognitæ esse debere: vbi de censu. 666

5. Populi ingenium Principi cognitum esse debere, & quale illud sit. 670

1 3

6. Fini

INDEX CAPITVM

6. Finitimorum populorum ac principum mores
& vires, &c. Principi inuestiganda. 673
7. Curandum Principi vt suos bene norit, & qui-
bus ex notis possit eos agnoscere. 674
8. An physiognomiae signis aliquid credendum,
& an ex corporis pulchritudine de animo li-
ceat facere coniecturam. 678
9. An delatores in Republica ferendi. 682

*Alia quadam praecepta ad prudentiam
pertinentia.*

CAPVT XXXI.

- Num. 1.* Non facile aliquid aggrediendum esse,
nisi omnibus rei circumstantiis diligenter ex-
ploratis. pag. 684
2. Prudenti mutandum esse aliquando consilium. 688
3. Prudentis esse ingruenti necessitati se accom-
modare, illique seruire. 691
4. Prudentis esse non facile credere. quod prae-
ceptum latè explicatur. 691
5. Odia inter coniunctos facile reconciliari. 700
6. An Principi hebeti & tardo gerenda Respu-
blica. 701

*Cauendum Principi à Diuinorum, Magorum,
Necromanticorum, aliorumq; huiusmodi
damnatis artibus.*

CAPVT XXXII.

- Num. 1.* Huiusmodi artibus ad Regum aulas adi-
tum nonnunquam patere. pag. 702
2. Has

ET PARAGRAPHORVM.

2. Has artes detestandas, quod illarum authores
dæmones fuerint. 703
3. Fallaces esse has artes, & ea polliceri quæ præ-
stare nequeunt. 705
4. Tractatur breuiter quæstio an Samuelis anima
à Pythonissa euocata, vi illarum incantatio-
num apparuerit. 708
5. Artes istas diuino iure quod sacris Scripturis
continetur, prohiberi. 710
6. Explicantur duo scripturæ loca, quæ his arti-
bus fauere videntur. 712

INDEX CAPITVM LIBRI TERTII.

*De Consiliariorum & consilij capiendi
necessitate.*

C A P V T I.

- Num. 1.* Consilij capiendi necessitas aliquibus sa-
cræ Scripturæ testimoniis probatur. p. 713
2. Probatur idem exemplis Principum & ipsius
Dei. 714
 3. Incommoda quæ illi incurrunt, qui consilium
capere recusant. 717
 4. Capiendum interdum consilium, vt conscien-
tiæ satisfiat. 719
 5. Eum qui cum consilio aliquid aggreditur, pru-
denter habendum, etiamsi id, quod agen-
dum suscepit, infelicem exitum sortiatur.

711

INDEX CAPITVM

Qualis Consiliarius à Principe deligendus sit.

C A P V T II.

- Num.* 1. Senes consilio meliores esse quàm iuue-
nes. pag. 722
2. Senum maturitatem à moribus potiùs & pru-
dentia , quàm ab annis spectandam esse.
723
3. Senum prudentiam experientiæ magna ex par-
te acceptam esse referendam. 724
4. Senes veteri gentium more in consilium adhi-
beri solitos. 725
5. Eos deligendos consiliarios qui à vitæ probi-
tate commendationem habeant. ibidem.
6. Prauorum & astutorum hominum consilia non
eum sortiri exitum , quem ipsi voluissent.
728
7. Illa eadem consilia , quæ prauī homines exco-
gitant , in eorundem perniciem frequenter
conuertri. 730
8. Eos deligendos consiliarios , qui suis commo-
dis quæritandis non studeant. 731
9. Consiliarium in sententia ferenda liberum esse
debere. 740
10. Consiliarium suæ sententiæ non nimis adhæ-
rere debere. 744
11. Consiliarium fidelem esse debere arcanorum
custodem. 745
12. Consiliarium experientia , & rerum , de qui-
bus agitur, vsu præditum esse debere. 748

De

ET PARAGRAPHORVM.

*De Principis Administris, & monita quadam
ad ipsos pertinentia.*

C A P V T III.

- Num. 1. De Administorum Principis ætate, quæ-*
dam. pag. 751
2. *Quàm consideratè ministri eligendi, & de ali-*
quibus conditionibus, quæ in illis spectandæ
sunt. 753
3. *Cauendum ne tantum quis augeatur, vt ipsi*
Principi euadat formidabilis. 756
4. *Quatenus administri Principibus suis obtem-*
perare teneantur. 765
5. *Non facilè credant Principes criminationibus*
quæ magistratibus impinguntur, nam sæpe
ab inuidia proficiscuntur. 767
6. *Principem administris eam facultatem, & agen-*
di potestatem concedere debere, quam nego-
tia requirunt. 770
7. *Administros Principis potius gloriæ, quàm suæ*
deseruire debere, idque commodo suo fa-
cturos. 773
8. *An peregrinis administris potius vtendum sit*
quàm ciuibus. 775
9. *An nō bilibus potius quàm ignobilibus.*
776
10. *An coniugati potius administri sint adhiben-*
di, quàm coniugio soluti. 779
11. *Administros prius probandos esse in inferio-*
ribus magistratibus, quàm ad summos cue-
hantur. 781
12. *An vni tantum administro prudenter omnia*
negotia credantur. 782
- I 5
13. Ali

INDEX CAPITVM

13. Aliqua de legatis qui extraordinarij sunt ministri. 784
14. De inspectoribus prouinciarum, siue visitatoribus. 786

Leges Reipublicæ necessarias esse, quales esse debeant, usq; parendum.

CAPVT IV.

- Num. 1.* Leges vtilēs esse ac necessarias Reipublicæ. pag. 789
2. Legum necessitas in Republica colligitur ex naturali rerum ordine ac lege. 792
3. Idem probatur ex diuinis legibus, quas Deus hominibus præscripsit: vbi etiam de legum obseruatione. 793
4. Curandum Principi vt leges seruentur, præsertim cum recenter latæ sunt. 798
5. Leges paucas esse debere. 801
6. Curandum vt subditi legibus non inuiti pareant. 803
7. Quomodo leges interpretari debeamus. 805
8. Quædam de consuetudinibus. 807

De ciuitatis condenda situ, alijsq; eò spectantibus.

CAPVT V.

- Num. 1.* Gloriosum esse Principi ciuitates condere. pag. 809
2. De situs salubritate in quo locanda ciuitas. 813

3. An

ET PARAGRAPHORVM.

3. An potiores situs earum urbium, qui oræ maris
adiacent. 814
4. Pingue solum, & vber, vrbi ponendæ deligen-
dum. 815
5. Quam ampla ciuitas esse debeat. ibidem.
6. De figura an scilicet quadrata, vel potius ro-
tunda. 817
7. De nomine vrbi imponendo. 818

*An Peregrini in ciuitates admittendi, &
an ciues deductis colonijs aliò
ablegandi.*

C A P V T V I.

- Num.1.* An Peregrini in urbem admittendi, aut
aliqua occasione siue pacis siue belli tempo-
re eiiciendi. 821
2. De Asylis, an licita sint. 828
3. An utilis coloniarum deductio. 829

*Beneuolentiam populi, subditorumque,
Principem sibi conciliare
debere.*

C A P V T V I I.

- Num.1.* Beneuolentiam populorum parari mo-
deratione imperij & lenitate agendi cum
subditis. pag. 832
2. Annonæ vilitate Principes apud populum inire
beneuolentiam. 839
3. Spectaculis beneuolentiam Principi conciliari.
842

Quale

INDEX CAPITVM

Quale sit Tyrannidis ingenium, & de vitanda Tyrannide.

CAPVT VIII.

- Num. 1.* Tyranni nomen non semper in vitio poni in scripturis. pag. 844
2. Prima Tyranni nota, crudelitas. 845
3. Tyrannos timidos esse, & suspicionibus obnoxios. 848
4. Tyrannos auaros esse & rapaces. 849
5. Tyrannos esse legum violatores & contemptores. 852
6. Tyrannos, doctos homines veramque doctrinam odisse. 853
8. Deum Tyrannidis scelus grauibus poenis vindicare. 856
9. Cur Deus in Rebus publicis Tyrannos permittat. 857

De seditionibus, ciuimq; discordijs, quibus Respublica euertuntur.

CAPVT IX.

- Num. 1.* Ingentibus malis subiacere Respublicas propter discordias turbasque ciuiles. p. 859
2. Quibus potissimum occasionibus, temporibusque discordiae gliscant in Republica. 861
3. In discordiis, bellisque ciuilibus quantum fieri poterit, sanguini parcendum. 863
4. De tollendis discordiis ciuilibus documentum. ibidem.

Bellis

ET PARAGRAPHORVM.

*Bellis Respublicas interdum euerri, & liceâne
bellum gerere, quicq; finis in suscipiendis
bellis spectandus sit.*

C A P V T X.

- Num.* 1. Licitum esse aliquando bellum gerere
probat. pag. 865
2. An vtile sit Principi neutrum contra alterum
iuvare, cum bellum inter finitimos exarserit.
867
3. Quæ conditiones requirantur, vt bellum, quod
suscipitur, iure suscipiatur. 869
4. De fœcialibus mittendis, & rebus iniuste abla-
tis, aut occupatis, antequam ad arma venia-
tur, repetendis. 872
5. An pax perpetua ineunda sit, an verò ad tem-
pus tantum. 874

De belli Duce, eiusq; notis.

C A P V T XI.

- Num.* 1. Ducem belli optimum quarendum, cum
belli necessitas incubuerit. pag. 875
2. An debeat Princeps in castris versari & belli
Ducem agere. 877
3. An vnus tantum belli Dux, an verò plures esse
debeant. 879
4. In belli Duce rei militaris peritiam, quæ expe-
rientia colligitur, requiri. 880
5. Corporis etiam fortitudo vt militares labores
ferre possit. 882
6. Prudentia militari Ducem præditum esse de-
bere. 884
7. Pluri

INDEX CAPITVM

7. Plurimum in belli Duce existimationem quæ
de ipsius virtute habetur, ad res bene geren-
das, momenti habere. 886

*De militum delectu, disciplina, exercitatione,
& armis.*

CAPVT XII.

- Num.* 1. Locus quidam Isaiaæ explicatur, quo egre-
gij militis descriptio continetur. pag. 888
2. Huiusmodi milites ad defendendam Rempu-
blicam deligendos esse. 890
3. De militum deligendorum ætate. 893
4. An Christiana religio milites ignauos faciat,
aut minus fortes. 896
5. De disciplina militari monita quædam. 900
6. De militari exercitatione. 903
7. De militum armis. 903
8. De recensendis militibus. 907

*De equestribus copijs, stratagematis,
exploratoribus.*

CAPVT XIII.

- Num.* 1. De equitatu. pag. 908
2. De stratagematis. 912
3. De exploratoribus. 914
4. Aliqua de transfugis. 918

De

ET PARAGRAPHORVM.

De castris & arcibus.

CAPVT XIV.

Num. 1. De castrorum descriptione, vexillis, &c.

pag. 920

2. De arcibus construendis, earumque situ. 924

3. Alia quædam de arcium situ. 925

4. De arcium propugnatoribus. 926

5. De custodiendis ciuitatum & arcium portis.

929

Monita quædam ad pugnam spectantia.

CAPVT XV.

Num. 1. In aggrediendis hostibus loci temporisque opportunitatem captandam. pag. 930

2. An nocturno tempore aggredi hostem expediat. 931

3. Cum hostibus confligendum cum aliqua occasione aut animis sunt consternati, aut fracti viribus. 932

4. An expectandi sint hostes intra regnum, an verò in eorum fines irrumpendum. 933

5. De tubis tympanisque militaribus ad animos in prælia acuendos. 935

6. De fuga, hostibusque persequendis. 936

7. De obsidione. 938

8. De annona in urbem, quæ obsidionem timer, importanda. 939

9. De arcanis litteris, quas cifras vocant, vtro citroque mittendis, 941

De

INDEX CAP. ET PARAGR.

*De victoria, & illius usu, victorumq; præmijs,
triumphis, & trophæis.*

CAPVT XVI.

Num.1. Pro victoria Deo gratias agendas esse.
pag.942

2. Victoriā citra crudelitatem persequendam
esse. 944

3. De spoliis detrahendis, & colligenda præda.
945

4. De præmijs tribuendis qui victoriæ fuerint au-
thores. 950

5. Nobilium parentum & bene de Republica me-
ritorum liberis fauendum. 953

6. De triumphis & trophæis. 954



HIERO



HIEROPOLITICON,

S I V E

INSTITVTIONIS

POLITICÆ EX SACRIS

Scripturis depromptæ

LIBER PRIMVS.

*In sacris Scripturis ciuilem doctrinam
contineri.*

CAPVT PRIMVM.

RÆCIPVVM sacrorum voluminum argumentum Christus Dominus est, vt tradit Apostolus cum ait, *finis legis Christus ad iustitiam omni credenti*, & ipse Christus testatus est, verbo quidem, cum Iudæos ad scripturas, quarum scientiam profitebantur, ablegauit; *Scrutamini, inquit, scripturas, quia vos putatis in ipsis vitam æternam habere, & ipsæ sunt quæ testimonium perhibent de me.* Facto autē, cum duobus discipulis in Emaus pergentibus, *Incipiens à Moysè, & omnibus prophetis interpretatus est illis in omnibus scripturis, quæ de ipso erant.* Hoc verò argumentū à scriptoribus sacris nō paucis, & ieiunè tractatur, sed lucu-

Christū esse scripturarum argumentum præcipuū. multa tamen in ijs tractari, ex quibus politices iustum opus colligi possit.

Rom. 10.

4.

Io. 5. 30.

Luc. 24.

27.

A

lenter,

2^a *Institutio politica ex sacris Scripturis.*

lenter, & copiosè. Nam ab ipsa mundi origine ita descenditur ad Christum, ut dum eius genealogia describitur, ac proinde regum, ac principum eorum incidit mentio, à quibus Dominus secundum carnem traxit originem, simul per amœna diuerticula lector circumducatur, rerum quæ in Hebræorum potissimum Republica temporibus illis acciderunt, prophetarumque recenseantur oracula, sapientum virorum prouerbia, & effata, ex quibus non tantum vera de Christo dogmata solidè fundari, sed etiam vitam priuatim bene instituendi, & Respublicas temperandi saluberrima præcepta peti possint. Quod mihi videtur D. Paulus docuisse, cum ait, *Omnis scriptura diuinitus inspirata utilis est ad docendum, ad arguendum, ad corrigendum, ad erudiendum in iustitia, ut perfectus sit homo Dei, ad omne opus bonum instructus.* Cum enim voluerit Dominus horum voluminum scrutatores, ut hoc loco D. Paulus indicat, ea omnia habere in promptu, quibus hominis perfectio continetur, sanè oportuit Reipublicæ bene gerendæ præcepta non prætermitti, ne ea vitæ humanæ pars minus esset exulta, quæ præclarior est, & præstantior, finemque spectat excellentiorem, quàm ea facultas, quæ priuatam tantummodo vitam instituit. Fauent autem illa Pauli verba cum ait, *Ad erudiendum in iustitia*, quæ iustitiæ vox licet accipi frequenter soleat in scripturis pro omnium complexione virtutum; nihil tamen obstat quo minus hîc ad eam peculiarem virtutem referatur, quæ unicuique suum reddit, & in continendis Rebus publicis, benèq; gubernandis, maximum momentum obtinet. Quare quod de vno codice à se conscripto testatur Salomon, eum scilicet

1. Tim. 3.
16.

licet dirigi *Ad sciendam sapientiam, & disciplinam, Prou. I. I.*
ad intelligenda verba prudentia, & suscipiendam eru-
ditionem doctrinae, iustitiam, & iudicium, & equita-
tem, ut detur paruulis astutia, adolescenti scientia, &
intellectus; totum cum aliis noui veterisque instru-
 menti libris commune esse videtur, ex quibus
 praeclarissimis monitis imbui posse eos, qui ad
 publicas accedunt functiones, tractandamque
 Rempublicam certum puto. Quod ut sentirem
 aliquot me rationes, quas ordine subnectam, per-
 mouerunt.

2 Prima desumitur ex auctore praecipuo sacra- *Probatur*
 rum Scripturarum, qui est Deus ipse, qui per Pro- *excellencia*
 phetas suos, horumque codicum scriptores, qui *politia sa-*
 instar calami velociter scribentis habuerunt, has quasi *cra ex au-*
 paraneticas, & instructorias epistolas ad nos tras- *ctore prae-*
 misit, in quibus ut diuinam decet bonitatem, ac *prio scri-*
 sapientiam, nihil non verum, non sanctum, non *pturarum*
 aptum reperiri potest. *Eloquia enim Domini eloquia*
casta, argentum igne examinatum, probatum terra,
purgatum septuplum, nullis scilicet mendaciorum
aut errorum inquinamentis respersa, secus quam
hominum esse soleant, de quibus ibidem pronun-
tiauit Dauid, Diminute sunt veritates à filiis hominum,
vana locuti sunt unusquisque ad proximum suum, labia
dolosa in corde & corde locuti sunt. Nam vel ipsius
Balaam testimonio: Non est Deus quasi homo ut me-
tiatur, est enim Deus verax, ait Apostolus, omnis au-
tem homo mendax. Nec verò vitiatur diuina ista
veritas quod humano ore proferatur: Non enim
vos estis qui loquimini, ait Christus Apostolis, sed
spiritus Patris vestri qui loquitur in vobis, & qui vos
audit me audit; consentitque Zacharias, qui Deo
plenus testatur in cantico suo Dominum locutum
esse

4 *Institutio politica ex sacris Scripturis.*

esse per os Sanctorum, qui à seculo sunt, Prophetarum eius. Itaque Prophetæ illud crebrò vsurpare consueuerant, Hæc dicit Dominus, & illud, Verbum Domini, verbum Domini. Sunt enim sacri Scriptores

Ezec. I. 12. animalia illa Ezechielis, quæ *vbi erat impetus spiritus, illuc gradiebantur, nec reuertebantur cum ambularent.* Ita enim à spiritu porrò agebantur, vt non retrocederent per dolum, aut mendacium; *Non*

2. Pet. I. 21. *enim, inquit D. Petrus, voluntate humana allata est aliquando prophetia, sed Spiritu sancto inspirati, locuti sunt sancti Dei homines.* Quare S. Gregorius in præfatione suæ moralis expositionis in Iob, docet ipsum Iob sua gesta ita scripsisse, vt quasi de

Iob I. 1. alio quopiam narret, vt cum dicit; *Vir erat in terra Huius, nomine Iob, cuius rei hanc affert rationem.* Scriptores, inquit, sacri eloquij, qui repleti Spiritu sancto super se trahuntur, quasi extra semetipsos fiunt, & sic Dei sententias, quasi de aliis proferunt, &c. Sed quamuis nullo diuino Spiritu afflati fuissent sacrorum bibliorum auctores, tanta tamen plerique eorum prudentiæ ciuili laude floruerunt, tamque diligenter, & assidue in Reipublicæ tractatione versati sunt, vt meritò eorum authoritas ethnicorum scriptorum, qui politica præcepta collegerunt, aut profanas scripserunt historias, præferenda sit. Et ne de singulis dicendo longum faciam, pauca quædam attigisse contentus ero ex libro Ecclesiastici, in quo cum multorum egregiorum virorum, qui de Republica Israëlitarum bene meruerunt, continentur encomia; tum scriptorum etiam aliquot biblicorum laudes recensentur, ex quibus etiam ea prætermittam, quæ de eorum probitate dicuntur, eaque tantum breuiter perstringam, in quibus à ciuili hac

hac facultate de qua nunc agitur commendantur. Ac primò quidem laudantur vniuersim, deinde eæ laudes attinguntur, quæ cuiusque propriæ sunt. *Laudemus*, inquit, *viros gloriosos, & parentes nostros in generatione sua, dominantes in potestatibus suis*, vel vt in Græco est, *in regnis*. Recensentur enim reges aliqui, vt Dauid, & Salomon; aliqui etiam, qui licet reges non fuerint, ad regnorum tamen sederunt gubernacula, iudices, & principes populi, vt Moses, & Iosue. Pergit, *magni virtute & prudentia sua pradii, & imperantes in presenti populo*: Græcus textus habet, *Rectores populi in consilijs, & in intellectu literatura populi*: ea nimirum scientes, quæ doctrina populi regendi requirit, ad eos scilicet in officio continendos, prudentérque gubernandos. *Homines diuites in virtute, pacificantes in domibus suis*. Græcè est *εὐφραίνοντες*, *Pacifici viuentes*, quod magnum prudentiæ ciuilis indicium est, cum non sit procliue contraria subditorum studia ita temperare, aut finitimorum libidinibus resistere, vt nihil domi turbetur, aut foris. Nec verò cum dicitur illos pacificè vixisse in domibus suis, de ea pace sermo est, quæ cum domesticis agitur, & vernaculis, sed vt indicat Græcus contextus, de ea quæ cum externis, & allophylis, quibus cum frequens concertatio est, magnæque iurgiorum seges. Nam *τὸ in domibus suis*, Græcè est *ἐν παροικίαις αὐτῶν*, id est, *cum accolis, & finitimis*. Descendit mox Ecclesiasticus ad eas commendationes quæ vniuscuiusque sunt propriæ, auspicatus à Moyse, cuius opus est Pentateuchus, eumque appellat *dilectum Deo, & hominibus*, cuius *memoria in benedictione sit, quem Dominus similem fecerit sanctis in gloria, & magnificauerit in timore inimicorum*,

Eccli. 44.

1.

Eccli. 45.

1.

6 *Institutio politica ex sacris Scripturis.*

micorum, qui nimirum virtutis illius, & sapientiæ existimatione, & miraculorum diuinitus patratorum eximia opinione concepta, illum formidabant. Hunc autem glorificauit Dominus in conspectu regum, non tantum quia in verbis suis monstra placauit, quæ ad frangendam Pharaonis contumaciam, Dominus serui sui ministerio ediderat, sed etiam quia, vt paulò post subditur, Dominus dedit illi coram præcepta, illum familiariter alloquendo, ita vt ex eo congressu admirabilem à Domino infusam scientiam consequeretur, & legem vitæ, & disciplina, non vt sibi tantum bonus esset, sed vt alios etiam, quippe dux & princeps, gubernaret imperiis, & doctrina cælitus hausta, subditur enim, *Docere Iacob testamentum suum, & iudicia sua Israel.* Moyse planè geminum Iosue filium Naue, cuius est liber nominis eiusdem, facit Ecclesiasticus, siue bellicam spectes fortitudinem, siue prudentiam, sapiensque consilium in tractanda Republica, nimirum ad quem illius spiritus, hæreditario quodammodo iure transierat.

Eccli. 46.
1.

Itaque illum appellat *fortem in bello, successorē Moyse in prophetis*, vel vt est in Græco textu, *In prophetijs*, qui prudentia sua, & auctoritate sciuerit prohibere gentem à peccatis, & perfringere murmur malitia, cum scilicet populus exploratorum sermone deterritus, in seditionem concitatus, reditum in Ægyptum meditatus est. Porro de Samuel à quo liber Iudicum, & Ruth, & magna etiam ex parte libri Regum conscripti sunt, ita loquitur Ecclesiasticus. *Dilectus à Domino Deo suo Samuel propheta Domini, renouauit imperium & vnxit principes in gente sua.* Et paulò post. *Et ante tempus finis vitæ suæ, & sæculi, testimonium præbuit in conspectu Domini,*

Eccles. 46.
16.

Ibid. n. 22.

*mini, & Christi, pecunias, & vsque ad calceamenta ab omni carne non accepit, & non accusauit illum homo. Ex quibus verbis apparet Samuelem præstantissimum fuisse populi iudicem, siue integritatem morum incorruptam spectes, siue dexteritatem in iudiciis absque ullius offensione exercendis; cum nemo repertus sit in tanta hominum multitudine, qui Samueli iniquitatis ullius crimen tot annis ausus esset impingere. Præclarum sanè à populo testimonium quale vix ullus reporter princeps, etiam vitæ integritate conspicuus. Quam enim difficile est placere omnibus, præsertim cum iudicio disceptandæ sunt lites, controuersiaque dirimendæ, in quibus facilius quisque ius suum quàm alterius agnoscit, potiùsque esse sibi, persuadere solet! Nec sanè minor laus illa est, quæ ab Ecclesiastico Samueli tribuitur, cum ait: *Renouauit imperium, & unxit principes in gente sua.* Ipse enim populo importunis precibus mutationem imperij flagitante, aliam politiæ formam ita induxit vt nullus, quod in huiusmodi mutationibus fieri amat, existeret tumultus, aut turbulenta seditio; sed inunctum regem regni gubernaculis admoueret, populùsque summa animorum consensione cum reciperet, eique debitum obedientiæ præstaret obsequium. Post Samuelem laudatur ab Ecclesiastico Nathan propheta, quem aliqui opinantur Dauidis res gestas in Regum historia persecutum esse, illùmque à prophetia tantum commendat quemadmodum Dauidem à bellica fortitudine, cum tamen ex libris Regum constet, vtrumque prudentissimum fuisse, Nathànque in regia crebrò versatum, & ad interiora consilia regni admissum, floruisse excellētis opinione*

8 *Institutio politica ex sacris Scripturis.*

prudentiæ. Sequitur Salomon, cuius monumēta sunt Prouerbia, Ecclesiastes, Sapientia, Canticum canticorum. Huius tale est elogium apud

Ecclef. 47. 14. Ecclesiasticum. *Post ipsum successit filius sensatus, & propter illum deiecit omnem potentiam inimicorum.*

Ibid. n. 16. & paulò post. *Et impletus es quasi flumen sapientia, & terram retexit anima tua, & replesti in comparationibus anigmata: ad insulas longè diuulgatum est nomen tuum, & dilectus es in pace tua. In cantilenis, & prouerbijs, & comparationibus, & interpretationibus mirata sunt terra, & in nomine Domini Dei, cui est cognomen Deus Israel.*

Sed Salomonis sapientia illustrior est apud omnes, ac celebrior, quàm vt commendationem cuiusquam oratione, vel scriptis nancisci possit. Pergit porrò Ecclesiasticus in laudandis viris illustribus gentis suæ, ex quibus sunt (vt eos præteream, qui nullum suæ sapientiæ monumentum posteritati reliquerunt) Ezechiel, Nehemias, duodecimque propheta.

Ecclef. 49. 12. De his ita scribit. *Et duodecim prophetarum ossa pullulent de loco suo, nam corroborauerunt Iacob, suis quippe admonitionibus & increpationibus iniquorum regum vitio labantem Rempubl. fulserunt.*

De Nehemia verò cuius studio, prudentia, & fortitudine recreata est Iudæorum Respublica multis diuturnisque malis priùs afflictata, ita loquitur. *Et Nehemias in memoria multi temporis, qui erexit nobis muros euersos, stare fecit portas, & seras, qui erexit domos nostras.* Sed de te ipso Iesu fili Sirach, qui tam præclarum Ecclesiastici codicem tuæ testem sapientiæ nobis reliquisti, quid sentis,

2. Cor. 12. 16. aut prædicas? *Si enim gloriari volueris, non eris insipiens. Doctrinam, inquit, sapientia, & disciplina, scripsit in codice isto Iesus filius Sirach Hierosolymita, qui*

reno

renouauit sapientiam de corde suo, vel vt in Græco est, ἀνόμελῃσθε σοφίαν, Diffudit instar pluuiæ sapientiam: qui dicendi modus non semel occurrit in sacris Scripturis, vt cum dicitur in libro Iob, *Super illos stillabat eloquium meum, expectabant me sicut pluuiam, & os suum aperiebant quasi ad imbrem serotinum*, & in cantico Moïsis, *concresecat vt pluuiæ doctrina mea, fluat vt ros eloquium meum, quasi imber super herbam, & quasi stillæ super gramina*. Significari autem videtur imbrium metaphorâ copia quædam vbertasque doctrinæ, quam meritò in suis scriptis agnoscit Ecclesiasticus. Et forte etiam per pluuiam quæ minutulis guttis, sed crebris campos infundit, terræ gremium grato liquore paulatim molliens, & fœcundans, doctrinæ sapientum virorum conditio explicatur: quemadmodum enim minutæ guttæ angustî oris vas ingrediuntur, quod alioqui largius infusum humorem non admitteret: ita prudentis doctoris præcepta, & aphorismata paucis verbis comprehensa, ita ad caput auditorum accommodantur, vt non modò acutiores, sed tardiores etiam, & hebetiores, quæ dicuntur assequantur. Sed hoc obiter.

3 Secunda ratio, qua adducor vt credam in sacris bibliis excellentem latere doctrinam ciuilem, desumitur ex materia. In historicis quippe narrationibus crebris, & admirabilibus, quæ toto isto sacro volumine continentur, sanè multa colligi posse contendo ciuilis vitæ documenta; nam in libris à Salomone conscriptis, aut à Iesu filio Sirach, cuiusmodi sunt Prouerbia, Ecclesiastes, Sapientia, Ecclesiasticus, nullus, vt arbitror, inficiabitur multa præcipi ad publicorum mune-

Idem probatur ex materia sacra Scriptura, historiarum nimirum & libris quos illa complectitur.

10 *Institutio politica ex sacris Scripturis.*

rum administros politicis monitis imbuendos. Ponat ergo sibi vnusquisque ob oculos quandam quasi synopsim scripturarum, easque breuiter percurrat, planéque intelliget in tam multis, tamque variis rerum tot sæculis gestarum narrationibus, ciuilibus doctrinæ præcepta nec pauca, nec obscura deprehendi posse. Spectet itaque post nascentis mundi exordia, corruptosque hominum mores, & cataclysmum^a, dura Nembrotis imperia^b, qui suis finibus non contentus, studio regni amplificandi, quâ iure quâ iniuria sui limites proferebat imperij. Molitionem turris^c ausu temerario in altum sublata, vnde nata sermonum linguarumque varietas, hominesque ad varias mundi plagas delati, noua regna fundata, ciuitates extructæ: Iosephi dein ærumnas, & carcerem^d, & mox diuino fauente numine, sælicitatem, & imperium. Postea filiorum Israel profectionem in Ægyptum^e, totique regno salutarem rei frumentariæ constitutionem: Hebræorum in Ægypto calamitates^f: Mosis cum Pharaone altercationes^g: terræ plagas: exitum populi de Ægypto^h, totque myriadam in desertis locis, per tot annorum decadas difficilem cerebro sæ gentis sub Moyse gubernationem: populi censumⁱ: tum exploratores in Chananitidem à Moyse dimissos^l: Gabaonitarum fraudulentam deceptionem^m: cum tribu Benjamin reliquarum tribuum ciuile bellumⁿ, atrox sanè, & plurimorum cæde funestum: tot denique iudicium, post extinctum Moysen successiones: populi post peccata in religionem, ac Dominum, clades, ac seruitutes, à quibus cum primum pænitudine crimen deleuerant, armis, aut astu ducum fortissimorum

^a Genes. 6.

1.

^b Genes.

10. 8.

•

^c Genes.

11. 2.

^d Genes.

30. & seq.

^e Genes.

46. 6.

^f Exod. 1.

10.

^g Exod. 5.

1. & seq.

^h Ibid. 12.

37.

ⁱ Exod. 12.

37. & ali-

bi.

^l Numer.

13. 4.

^m Iosue 9.

3.

ⁿ Ibid. 20.

11.

morum libertati restituti, ad pristinum statum
 emergebant. Strategemata Gedeonis ^o, & Sam- o Iud. 7. 1.
 psonis ^p, eorumdémque bellicam virtutem, & p Iud. 15.
 gloriam: mutationem deinde imperij, nouam- 4.
 que politix datam formam, iudicum antiquata,
 regum noua inducta potestate ^q: Dauidis res in q 1. Reg.
 bello fortiter, & callidè gestas ^r: astuta consilia 10. 21.
 Achitophelis ^s: filiorum Dauidis in parentem r 2. Reg.
 excitatas turbas, & creata pericula ^t: Pacificum 17. & seq.
 Salomonis regnum ^u, templi structura illustre ^x, s 2. Reg.
 diuitiis ex vltimo oriente aduectis abundans ^y, 15. 12.
 reginx Sabæ aduentu nobilitatum ^z: florentissi- t 2. Reg.
 mum postea imperium in duas partes discissum, 15. 1.
 atque distractum, dum prudentiam senum, ferui- u 3. Reg. 1.
 dum iunioris regis ingenium habet despectui ^a: 39.
 tot deinde regum, partim Iudæ, partim Israelis x 3. Reg. 6:
 res domi, ac militix gestas: somniorum Nabu- 14.
 chodonosor ^β & monarchiarum Assyriorū, Per- y 3. Reg. 3.
 sarum, Græcorum, Romanorūque interpreta- 13.
 tionem ^γ: Bethulix obsidionem ^δ, obtruncatum z 3. Reg.
 Holophernem, mulieremque infirmam tanti du- 10. 1.
 cis cruore delibutam ^ε: Hierosolymorum sub a 3. Reg.
 Zorobabele instaurationem ^ζ: Mardochei in Af- 12. 4.
 fueri aula aduersus Amani furentē insolentiam, β Dan. 2. 1.
 constantiam ^η, & promeritum in regem, cuius γ Dan. 2.
 iugulum Eunuchorum mucro petebat ^θ: res dein- 38.
 de a Machabæis gestas fortiter, ac prope modum δ Iudith
 supra fidem, contra potentissimorum principum 7. 5.
 duces, & copias ⁱ. Ex quibus omnibus aliisque ι Iudith
 compluribus, quæ toto volumine recensentur, 13. 10.
 tanta præceptorum, exemplorumque copia, me ζ 1. Esdr.
 quidem iudice, colligi potest, vt nulla sit politi- 3. 8.
 cæ facultatis pars, ad quam irrigandam scriptu- η Esther.
 rarum sacrarum fontes, si quis recludere nouerit, 3. 2.
θ Esther.
6. 2.
ι. 1. Ma-
chab. & 2.
libro.

12 Institutio politica ex sacris Scripturis.

commodè deriuari non possint.

Idem probatur ex forma scribendi horum scriptorum.

4 Tertia ratio ducitur ex forma, modoque scribendi, quem sacri Scriptores secuti sunt: nam nullis animi perturbationibus obsequentes, nihil amicitiae dantes, aut odio, omnia verè, & vt gesta sunt, fideliter suis libris complexi sunt, quod sanè plurimum momenti habet in historia, vt ciuili doctrinae vsui esse possit. Cum enim in ea quid fugiendum, quid amplectendum sit, quid ex hoc, illòue consilio boni consequi possit, aut mali timendum sit, quasi in speculo quodam humanarum actionum proponatur; si ipsum nutet labetque fundamentum, nècesse est omnia etiam illa corruant, quae illo nitebantur: vna enim aut altera circumstantia addita, detracta, immutata, totius facti speciem corrumpit, aliamque inducit faciem, iuxta quam longè diuersum esse debet ciuilis prudentiae iudiciū. At verò profani scriptores, quia (vt dicitur in prouerbiis,) *multi colunt personam prudentis, & amici sunt dona tribuentis*, muneribus corrupti à principibus viris plus iusto gloriae cupiditate flagrantibus, nihil non ausi sunt, vt de illis verè dici possit, quod de scribis ætatis suæ questus est Ieremias: *Verè mendacium operatus est stylus mendax scribarum*, vel vt ex Hebræo vertit Pagninus; *Verè etiam mendacium fecit stylus. Frustra scriba*. Hoc sensu frustra est scribarum officium in Repub. quandoquidē qui scripturas incorruptas in tabulariis, veterumque monumentorum memoriam fideliter conseruare debuissent, adeò quod sui fuisset muneris non præstant, vt eis etiam adpersis, mendaciis vitium afferre non dubitent. Et sanè de huiusmodi hominum genere verè dicitur in psalmo. *Confitebi-*

Prouerb.
19.6.

Ierem. 8.
8.

Psal. 48.
19.

tur

tur tibi cum benefeceris ei, Symmachus eodem sensu legit ἡ ἀντίδοτος σε, laudabunt te. Hoc enim est adulationis ingenium, quæ facili negotio irrepit in historiam, ut veritatem exterminet, aut certè non nisi mendaciorum regminè obuolutam publicum aspicere patiatur. Volunt enim principes viri, & ornari sua vehementius, quàm historici sentiant, & vitia dissimulari, ac præteriri, rebusque gestis, qualescumque tandem sint, plusquàm concedat veritas, indulgeri, vno verbo historiæ leges penitus negligi. Tandem ut demus principes sollicitos non esse quomodo scribatur historia, quoruscumque est, qui ab amore vel odio vacuus sit? quibus perturbationibus scriptorum styli acuuntur & incitantur ad infensorum famam lacerandam, ut meritò qui talem nactus fuerit inimicum, Dauidicum illud usurpare possit; *Lo- Psal. 108.*
cursi sunt aduersum me lingua dolosa, & sermonibus odi circumdederunt me. Quare si dixero historicorum aliquos priuatis affectibus seruientes mentitos esse, nec mihi succensere, nec expostulare iure possint. Vnius enim Scripturæ sacræ propria est laus illa quam suo tribuit Euangelio S. Ioannes cum ait, *Hic est discipulus ille, qui testimonium Io. 21. 24.*
perhibet de his, & scimus quia verum est testimonium eius: qui quamuis esset discipulus ille, quem diligebat Io. 21. 20.
Iesus, vanitatis tamen, aut mendacij, quasi in amici gratiam aliquid non veræ laudis affinxerit, nulla ratione reprehendi potest.
 5 Quarta ratio, quæ paucis supra attigi, ex fine sacra Scripturæ petenda est, vocatur enim hæc à Patribus nonnumquam *Instrumentum*: huius autem vocis duplex ex notio, & utraque in scripturas optimè quadrat, & ad rem nostram facit. Nam
 instru

Idem probatur ex fine sacra Scriptura.

14 *Institutio politica ex sacris Scripturis*

instrumentum apud latinos id significat quod *σχεῖνος*, aut *ὄργανον* apud Græcos, qua significatione calamus graphiarius instrumentum scriptoris est, trulla cæmentarij. Hac verò significatione scriptura dici potest instrumentum, quia licet Deus nullis opus habeat instrumentis ad salutem nostram procurandam, quæ tamen illius est in providendo suauitas, ut se se captui nostro accommodet, libros hosce sacros adhibere voluit, quibus tanquam instrumentis nos dirigeret in eum finem, quem nobis ipse constituit. Altera significatio est, ut vox ista, *Instrumentum*, pressius accipiat, & iis rebus accommodetur, quibus aliqua ratione instruimur: ex quo fit, ut quia Scripturæ sacræ nos instruunt, normam tradendo de Deo, & Christo domino rectè sentiendi, rationemque præscribendo piè sanctèque viuendi, instrumenti nomen meritò sortiantur. Quare D. Paulus discipulum suum Timotheum ad sacrarum litterarum studium sedulò capeffendum cohortatur, *Qua te, inquit, possunt instruere ad salutem per fidem, qua est in Christo Iesu, ac rursus, ut perfectus sit homo Dei, ad omne opus bonum instructus.* Quod verò præcipit Paulus Timotheo, hoc David habebat in votis cum orabat Dominum, *Viam iustificationum instrue me, & exercebor in mirabilibus tuis.* Notandum autem est in Græco D. Pauli contextu cum dicitur; *qua te possunt instruere*, haberi *σοφίας*, sapientem reddere, quod nimirum nullum sit sapientiæ genus, quod à diuina scriptura lumen non accipiat. *Habemus*, ait D. Petrus firmiorem propheticum sermonem, cui bene facitis, attendentes, quasi lucerna lucenti in caliginoso loco, donec dies illucescat: dum enim caligine huius mortalitatis in-

uolui

2. Tim. 3.

15.

Ibid. n. 16.

Psal. 118.

27.

2. Petr. 1.

19.

uoluimus, Ægyptiorum more palpamus in tenebris, nec quò gressum debeamus intendere satis intelligimus, si lucernæ huius, ut illam David appellat, splendore destituamur. *Lucerna*, inquit, *Psal. 118.*
pedibus meis verbum tuum, & lumen semitis meis. & *104.*
alibi. Præceptum domini lucidum illuminans oculos; à *Psal. 118. 9.*
qua parentis metaphora filius Salomon non discedit, cum ait, *Quia mandatum lucerna est, & lex* *Prouerb.*
lux, & via vita increpatio disciplina. Cui ergo hæc *6.23.*
lampas fulserit, perfectus erit homo Dei. Græcè *ἀπλ.* & ita numeris omnibus absolutus, ut nihil eorum desit, quibus opus habere possit. Is enim à Græcis *ἀπλ.* & dicitur, qui omnibus suis partibus ita constat, ut nihil desideretur aut redundet. Cum ergo homini inter alios versanti, nec se à ciuium cætibz subducenti multa incidant tempora, ac negotia ambiguitatibus implicata, & perplexa, si perfectus futurus est in ciuilibus suis functionibus, normam habeat necesse est ac regulam in sacrarum litterarum cusam officinis, qua dicta sua metiatur, & facta, ne à rationis rectitudine ad vitij deflectat prauitatem. Hinc Dominus Iosue populi ducem futurum instituens (quamuis seruum suum dignaretur alloquio, & per se ipsum pleraque doceret) libros Moysi ut semper præ oculis haberet imperauit, ut ad eorum præscriptum, quasi materiata cuiusdam regulæ usu, suas omnes ciuiles actiones diligenter exigeret. *Non recedat*, inquit, *volumen legis huius* *Iosue 1.8.*
ab ore tuo, sed meditaberis in eo diebus, ac noctibus, ut
custodias, & facias omnia quæ scripta sunt in eo, tunc
diriges viam tuam, & intelliges eam. Nec aliam instituit viam sanctus David belli artibus clarissimus, & pacis, cuius illa sunt verba, *Nam & testi-*
monia *Psal. 118.*
24.

16 Institutio politica ex sacris Scripturis.

- monia tua meditatio mea est, & consilium meum iustificationes tue. Immo non veretur honestissima quadam iactantia, & quæ in Domini laudem redundaret, de se ipso prædicare, *Super inimicos meos prudentem me fecisti mandato tuo; & super omnes docentes me intellexi, quia testimonia tua meditatio mea est, super senes intellexi, quia mandata tua quasi.*
- Curtam pauci in scripturis quarant politica precepta.*
- Psal. 118. 98. *6 Sed quid causæ esse dicemus cur tam multi imitentur filios Agar, qui exquirunt prudentiam qua de terra est, fabulatores, & exquisitores prudentiæ, & intelligentiæ, vias autem sapientiæ non intelligunt? An quia deprauatis, corruptisque sunt moribus, qui autem admittendi sunt ad ista oraculorum adyta integri sint vita, probatisque moribus necesse est, dicente Salomone, In maleuolam animam non introibit sapientiæ, nec habitabit in corpore subdito peccatis; & Ecclesiastico, Fili concupiscens sapientiæm conserua iustitiam, & Deus præbebit illam tibi, quare Christus Dominus amicis suis Apostolis multa retexit arcana, & recôdita euoluit mysteria, quæ sapientes in oculis suis, & multum in lectione scripturarum volutatos Pharisæos, Scribasque latebant. Vos autem, inquit, dixi amicos quia omnia quacumque audiui à Patre meo, nota feci vobis? An quia à Domino eximium hoc sapientiæ donum, ea qua par est animi demissione postulare dedignantur, naturalibus ingenij, & iudicij sui viribus fidentes, cum tamen dicat D. Iacobus, Si quis vestrum indiget sapientiæ, postulet à Deo, qui dat omnibus affluenter, & non impropere, & dabitur ei; & Salomon, Vbi est humilitas, ibi & sapientiæ? An quia nonnulli politico- rum infælicis huius sæculi in fide nutant, religio- nèque*
- Baruch 3. 23.
- Sap. 1. 4.
- Eccles. 1. 83.
- Io. 15. 15.
- Iacob. 1. 5.
- Prouerb. 11. 2.

nemque ad suas dumtaxat spes, quibus velifican-
tur, accommodant, cum tamen dicat *Isaias* iuxta
Septuaginta interpretationem : *Nisi credideritis, Isa. 7. 9.*
non intelligetis? An quia non solidam, veramque
prudentiam, sed potius astutiam quandam sibi
comparare nituntur, qua possint ambulantes sim-
pliciter, dolis suis, & fraudibus innectere, & in 1. Thessal.
negotio circumvenire fratrem? Eos verò qui iustitiam 4 6.
colunt, & religionem, ipsi ludibrio habent, Con- Psal. 13. 6.
silium inopis confundentes, hoc est irridentes, quo-
niam Dominus spes eius est, ut quodam loco canit
Psaltes: *Spiritus autem sanctus disciplinae, ut docet Sa-* Sap. 1. 5.
piens, effugiet fictum, & auferet se à cogitationibus, quæ
sunt sine intellectu.

7 Quæcumque autem causa sit, propter quam *Adhorta-*
diuinam hanc lucem auersantur, & fontis huius *tio ad hæc*
aquas haurire detrectant, illos sinamus, qui culpa *doctrinam*
sua *Lumini rebelles* esse voluerunt, quibûsque nul- *ex scrip-
tis peten-*
la alia fulget lampas, quàm peccatum: nam *Lucer-*
na impiorum peccatum. Nos cum S. Iob melius sen- Iob 24. 13.
tiamus, qui pro comperto habuit huiusmodi ho- Prou. 21.
mines vehementer errare, & lumen illud quod 4.
ipsi tantopere adamarunt, ad certissimam perni-
ciam tandem ducere. *Nonne, inquit, lux impij ex-* Iob 18. 5.
tinguetur, neque splendet flamma ignis eius? Lux ob-
renebrescet in tabernaculo illius, & lucerna, quæ super
ipsum est, (consilium scilicet, & prudentia) extin- Apoc. 2.
guetur? Omittamus illorum puteos erroris, & iur- 24.
gij, quos detestatur D. Ioannes; *Aliiudines Satha-* Isa. 8. 19.
ne, siue vtest in Græco, Profunditates: turpe enim 20.
est querere à pythonibus, & diuinis, qui strident in in-
cantationibus suis, Numquid non populus à Deo suo re-
quiret? An non turpe est responsa dubitationum
quæ incidunt expectare pro viuis à mortuis? Ne,
B obse

18 *Institutio politica ex sacris Scripturis.*

- Ibidem. obsecro, tantum dedecus suscipiamus, *Ad legem magis, ad testimonium accedamus, & ad veram genuinamque prudentiam scaturigines iter intendamus,*
- Prou. 18. 4. cum re vera sit *Torrents redundans fons sapientia. Imitemur Sanctum Moysen, cuiusque virga, quæ est crux Christi, aquas de silice eliciamus, ne quadret in nos Prophetæ illa conquestio. Quid est Israël, quod in terra inimicorum es, inueterasti in terra aliena, coinquinatus es cum mortuis, deputatus es cum descendentibus in infernum? Dereliquisti fontem sapientia. Nam si in via Dei ambulasses, habitasses utique in pace sempiterna. Discas ubi sit prudentia, ubi sit virtus, ubi sit intellectus, ut scias simul ubi sit longiturnitas vita, & victus, ubi sit lumen oculorum & pax. Ad aures, & ad mentem parænetica Salomonis verba admittamus, qui in prouerbiiis ita compellat vnumquemque nostrum. Si quæsieris eam (sapientiam) quasi pecuniam, & quasi thesauros effoderis illam, tunc intelliges timorem Domini, & scientiam Dei inuenies, quia Dominus dat sapientiam, & ex ore eius prudentia, & scientia, custodiet rectorum salutem, & proteget gradientes simpliciter, seruans semitas iustitiæ, & vias Sanctorum custodiens. Tunc intelliges iustitiam, & iudicium, & equitatem, & omnem semitam bonam. Si intrauerit sapientia cor tuum, & scientia anima tua placuerit, consilium custodiet te, & prudentia seruabit te, ut eruaris à via mala, & ab homine qui peruersa loquitur: qui relinquunt iter rectum, & ambulant per vias tenebrosas, qui letantur cum male fecerint, & exultant in rebus pessimis, quorum via peruersa sunt, & infames gressus eorum. Hactenus Salomon, qui tamen tam acri adhortatione non contentus, post aliquot prouerbiorum suorum capita, illustri prosopopæia, Sipario reducto sapientiam ipsam*
- Baruch 3. 10.
- Prou. 2. 3.

ipsam producit in hæc verba loquentem. *Meum* Prouer. 2.
est consilium, & equitas, mea est fortitudo, per me reges 14.
regnant, & legum conditores iusta decernunt, per me
principes imperant, & potentes decernunt iustitiam, me-
cum sunt diuitia, & gloria, opes superba, & iustitia.
Melior est enim fructus meus auro, & lapide pretioso, &
genimina mea argento electo. In vijs iustitia ambulo, in
medio semitarum iudicij vt ditem diligentes me, & the-
sauros eorum repleam. Hæc Sapientia. Cum verò iam
 multa præcepta bene viuendi, & rectè Rempubl.
 administrandi Sapiēs tradidisset, *Ecce, inquit, de* Prou. 22.
scripsi eam tibi tripliciter in cogitationibus & in scientia, 20.
 quæ verba sic verti possunt ex Hebræo, vt Rabi-
 nis quibusdam placet, quos Iansenius & Vatablus
 probant, *Ecce descripsi tibi verba Principalia, aut Du-*
calia, ea scilicet de quibus dixerat cap. 8. Audite, Prou. 8. 6.
quoniam de rebus magnis locutura sum. tò De rebus
magnis Chaldæus vertit Principe digna, Symma-
chus ἡγεμονικά, Ducalia, seu Principalia. Quare
cum Ecclesiastico concludamus. Beatus qui in istis Eccles. c.
versauit bonis, qui ponit illa in corde suo sapiens erit. 50. num.
Si enim hæc fecerit, ad omnia valebit, quia lux Dei ve- ultimo.
stigium eius est. Græcè, ὅτι φῶς νοπίου τὸ ἡγιον αὐτοῦ,
quia vestigium, ingressus, actiones illius, qui ista
frequenter meditabitur, diuina luce dirigentur.

De Imperij necessitate, & Anar- *chia malis.*

CAPVT II.

Nulla hominum societas (vt communis est
 hominum sensus, ipsaque docet expe-
 rientia)

*Nullam
 Rempubli-
 cam gu-
 bernatione
 destitutam
 salutem esse
 posse.*

20 *Institutio politica ex sacris Scripturis.*

Prou. II.
14.

rientia) diu stare potest, rectoribus destituta. *Vbi non est gubernator*, inquit Sapiens, *populus corruet*, addunt Septuaginta, *velut folia*. Quod nos in vulgata editione habemus *Gubernator*, in Hebræo est *חֲכָלִיָּהוּ*, quæ vox à radice *חָכַל* deducitur, quatenus significat nauim gubernare, quamuis deinde recepta linguæ sanctæ metaphora, transferatur ad quamcumque aliam gubernationem, in qua consilio, industria, experientia opus sit. Quare si vis Hebræicæ vocis expendatur, hic nobis sensus à Sapiente exhibetur. Quemadmodum nauim Gubernatore vacantem, medióque iactatam mari saluam esse impossibile est; nihilque proclivius quàm eam ad scopulum aliquem allisam naufragium facere, aut syrtibus adhærescere, aut aquarum vorticibus haustam funditus interire; ita Respublica sapienti moderatore carens, incolumis diu perseverare non potest. Porro Rempublicam nauis instar se habere præclare tractata allegoria ostendit Ezechiel, cum ciuitatem Tyrum sic alloquitur. *O Tyre, tu dixisti: Perfecti decoris ego sum, & in corde maris sita. Finitimi tui, qui te edificauerunt, impleuerunt decorem tuum: abietibus de Sannir extruxerunt te cum omnibus tabularis maris, cedrum de Libano tulerunt, ut facerent tibi malum: quercus de Basan dolauerunt in remos tuos, & transtra tua fecerunt sibi ex ebore Indico, & pratoriola de insulis Italia. Byssus varia de Ægypto texta est tibi in velum, ut poneretur in malo hyacinthus, & purpura de insulis Elisa facta sunt operimentum tuum. Habitatores Sidonis, & Arady remiges tui, sapientes tui, Tyre, facti sunt gubernatores tui.* Sed vt ad locum illum Proverbiorum reuertamur, Septuaginta, vt diximus addunt, *ut folia*. Quemadmodum enim fo-

Ezech.
27.3.

lia ex arboribus facillè defluunt, cum radice vi-
riata truncus exarescit, aut cum hyeme ingruen-
te, aut ventis acrius flantibus externa vi decu-
tiuntur; ita respublica, quam sapienti con-
silio prudens aliquis gubernator non admini-
strat, quasi quodam intestino morbo, laborans
vergit ad interitum; quòd si discordiarum etiam,
& seditionum, aut bellicus à finitimis tumultus
accesserit, reipublicæque statum concusserit, iam
verò nulla salutis spes superesse potest, sed omnia
sursum, deorsum eversa præsentissimam politiæ
illi perniciem afferant necesse est.

2 Huius autem rei dum causam inquirò, ea po-
tissimum occurrit, quod homo animal quoddam
sit sociale, non solùm propensione quadam natu-
ræ, sed etiam conditionis suæ necessitate, adeo ut
qui solus sit, mutuâque sociorum ope, qua in mul-
tis indiget destitutus, sibi satis esse non possit. vn-
de Sapiens, *Melius est, inquit, duos esse simul quàm* Eccl. 4. 9.
unum; habent enim emolumentum societatis suæ: si unus
cecidit, ab altero fulcietur. Va soli, quia cum ceciderit,
non habet subleuantem se. Et si dormierint duo, fove-
buntur mutuo; unus quomodo calefiet? Et si quispiam
prevaluerit contra unum, duo resistunt ei. Funiculus
triplex difficilè rumpitur. Quamvis enim rationis
vsum nacti sint homines, & generales quasdam
in mente notiones consignatas habeant, ex qui-
bus si accedat alterius institutio, facillè quid in
quaque re faciendum fugiendûmve sit intelli-
gant; tamen si nostrum unusquisque seorsim in
manu consilij sui relinquatur, nulliûsque magi-
sterio erudiatur, & ad humanitatem informetur,
præstanti hoc animante nihil rudius, hebetius,
tardius reperiri possit. Est in ipsis pecudibus ra-

*Probatum
ex mutua
ope qua in-
digemus.*

22 *Institutio politica ex sacris Scripturis.*

- tione carentibus, & ad pastum proiectis, vis quæ-
 dam admirabilis illis à natura tributa, quò vitam
 tueri & propagare possint, qua sibi conuenien-
 tia inquirunt, & nocitura declinant, noxias her-
 bas à salutaribus distinguunt, regiones etiam
 mutant, longos terrarum tractus eimensæ, semi-
 nèque reponunt, quibus hyeme cum pabulatio
 fuerit interclusa, in suis caueis conditæ securæ
 vescantur. *Quatuor, inquit Salomon, sunt minima*
terra, & ipsa sunt sapientiora sapientibus. Formica po-
pulus infirmus, qui praparat in messe cibum sibi. Lepu-
sculus plebs inualida, qui collocat in petra cubile suum.
Regem locusta non habet, & egreditur uniuersa per
turmas suas. Stellio manibus nititur, & moratur in
adibus regis. Et Ieremias. *Miluus in calo cognouit tē-*
pūs suum; turtur, & hirundo, & ciconia custodierunt
tempus aduentus sui. Homines autem quamquam
 brutis animantibus, utpote rationis lumine il-
 lustrati, multis partibus præstent (verum enim
 est quod de homine prædicat Ecclesiasticus. Con-
 silium, & linguam, & oculos, & aures, & cor dedit illi
 excogitandi, & disciplina intellectus repleuit illos. Crea-
 uit illis scientiam Spiritus, sensu impleuit cor illorum, &
 mala, & bona ostendit illis.) Et posteaquam prima
 illa ruditas deterfa est, & doctrinæ cultura acces-
 sit, alia etiam solertissima animalia longo præ-
 cedunt interuallo, quare dictum est à S. Iob. *Qui*
docet nos super iumenta terra, & super volucres cali eru-
dit nos. Ut ramentum possit lampas hæc in humanæ
 mentis arce splendescere, suscitante, & purgan-
 te magistra manu vehementer indiget. Deteriore
 enim in hoc conditione sumus quàm belluæ,
 quæ, nullo præmonstrante, solo naturæ ductu ad
 ea feruntur, quæ illis necessaria sunt, quod nos
 assequi

assequi sine doctore non possumus. Cum igitur
 humanum genus mutua ope indigeat in multis,
 quoddam quasi corpus ex varijs membris ad di-
 uersa ministeria destinatis, inter se coagmenta-
 tum, ac quasi conflatum ex multis ciuibus fiat
 necesse est, quod vno regatur capite, vt mutuis
 officijs, auxilióque, nō solū sibi priuatim vnus-
 quisque consulat, sed etiam communitati vni-
 uersæ commodare possit. Quemadmodum autem
 in humano corpore membris diuulsis, aut distra-
 ctis, aut alio ordine quàm naturæ auctor Deus di-
 sposuerit collocatis, non incommoda tantum
 plurima creari, sed totam etiam præstantissi-
 mi animalis fabricam euertere necesse est: ita in
 republica si illius partes discordent, si nullius
 magistratus imperio contineatur, si publica mu-
 nera, & honestas functiones ambiat vnusquis-
 que, manus verò aut pedis officia refugiat, & re-
 cuset, quid aliud expectari potest; quam vt dis-
 soluta ordinis compage tota communitas dissi-
 petur, & pereat? Præclaram hanc humanorum
 membrorum similitudinem vrget S. Paulus ad
 Corinthios scribens, cum enim dixisset, *Diuisio-*
nes ministracionum sunt, idem verò Deus, qui operatur
omnia in omnibus, subdit post nonnulla. *Nam &*
corpus non est vnum membrum, sed multa. Si dixerit
pes, quoniam non sum manus, non sum de corpore; &
si dixerit auris, quoniam non sum oculus, non sum de
corpore: non ideo non est de corpore? si totum corpus ocu-
lus, ubi auditus? si totum auditus, ubi odoratus? Nunc
autem posuit Deus membra, vnumquodque eorum in
corpore sicut voluit, quod si essent omnia vnum mem-
brum, ubi corpus? Nunc autem multa quidem mem-
bra, vnum autem corpus. Non potest autem oculus di-

1. Cor.
 12.5.

24 Institutio politica ex sacris Scripturis.

cere manus : Opera tua non indigeo , aut uerum caput pedibus ; Non estis mihi necessarij. Sed multò magis quæ videntur membra corporis infirmiora esse , necessaria sunt , & quæ putamus ignobiliora membra esse corporis , his honorem abundantiorum circundamus ; & quæ inhonestæ sunt nostra , abundantiorum honestatem habent. Honestæ autem nostra nullius egent , sed Deus temperauit corpus , ei cui deerat abundantiorum tribuendo honorem , ut non sit schisma in corpore , sed id ipsum pro inuicem sollicita sint membra , & si quid patitur unum membrum , compatiuntur omnia membra , siue gloriatur unum membrum , congaudent omnia membra.

Hanc verò humani corporis similitudinem video D. Paulo vehementer placuisse , nam & illam fusiùs explicauit , & alibi eandem vsurpauit ,

Rom. 12. ut quum ad Romanos scribit. Sicut in uno corpore
4. multa membra habemus , omnia autem membra non eundem actum habent : ita multi unum corpus sumus in

Ephes. 4. Christo , singuli autem alter alterius membra. Et ad
3. Ephesios. Cum omni humilitate , & mansuetudine , cum patientia supportantes inuicem in charitate , solliciti seruare unitatem spiritus in vinculo pacis. Unum corpus , & unus spiritus , sicut vocati estis in una spe uocationis vestre. Sic enim fiet , ut totius multitudinis in

AA. 4. 32. unam voluntatem cõspirantis cor unum sit & ani-
Colos. 3. ma una. Hocque perfectionis vinculo , quod in mutua
14. charitate , mutuisque officiis consistit , constricti ,
Psal. 132. ciues experimento discant , non solum quàm in-

1. cundum sit habitare fratres in unum , sed etiam quàm bonum , ac salutare. Sanè bonum , ac salutare , nam
Prou. 18. ut monet Salomon : Frater qui adiunatur à fratre
19. quasi ciuitas firma. Nam verè dicere possumus , tunc

demum rempublicam hostium iniuriis opportuniorum esse , propiùsque ab interitu abesse ,

cum

cum inter eius membra diffidium aliquod exoritur, & in diuersa studia præclari huius corporis membra distracta scinduntur. *Diuisum est cor eorum*, inquit propheta, *nunc interibunt.* Nec alius sancti Pauli sensus cum Galatas discordes castigans ait, *Quod si inuicem mordetis, & comeditis, videte ne ab inuicem consumamini.* Ideoque Romanorum respubl. tamdiu stetit, quamdiu verè de iis prædicari potuit, *Non est inuidia, neque Zelus inter eos.* Hæc autem omnia quæ enumerauimus incommoda per Anarchiam importantur in rempub. principe, & quasi quodam capite carentem, cuius beneficio totum corpus bene compactum sit, & connexum, vt alicubi loquitur D. Paulus. Sed alibi fortasse latior se aperiet campus de mutuis ciuium diffidiis atque discordiis disputandi.

Osee 10.2.

Galat. 5.

15.

1. Mach.

8.16.

Ephes. 4.

15.

3 Secunda ratio, qua idem confirmetur, ex Angelorum republica peti potest. Sunt enim Angeli ira in suos ordines, & hierarchias tributi, vt alij superiores sint, inferiores alij, assistant alij, alij ministrent, rursus alij doceant, perficiant, & illuminent, alij verò illuminentur, doceantur, perficiantur. Colliguntur ista ex sacris litteris, nam D. Paulus ad Ephesios scribens ait, *Constituit* (Christum) *ad dexteram suam in celestibus, supra omnem Principatum, & Potestatem, & Virtutem, & Dominationem, & omne nomen.* Et ad Coloss. *Quoniam in ipso condita sunt vniversa in cælis, & in terra, visibilia, & inuisibilia, siue Throni, siue Dominationes, siue Principatus, siue Potestates, omnia per ipsum, & in ipso creata sunt.* Quibus verbis D. Paulus docet Christum Dominum antecellere dignitate, non solum inferiorum ordinum Angelos, sed etiam

Idem probatur ex Angelorum politia.

Ephes. 1.

20.

Coloss. 1.

16.

26 *Institutio politica ex sacris Scripturis.*

superiorum, eosque omnes, cuiuscumque tandem sint ordinis, aut hierarchiæ, ab eodem creatos esse. Hoc ergo, de quo agimus, discrimen ordinum, & hierarchiarum, agnoscit & docet Apostolus. Rursus, Angelorum Assistentes aliqui solent appellari, aliqui Ministrantes, quæ distinctio ex Danielis colligitur prophetia. *Millia millium, inquit, ministrabant ei, & decies millies centena millia assistebant ei.* Quare meritò propter hunc ordinem, & superiorum inferiorumque discrimen, officiorumque quæ assistendi, quæ ministrandi, varietatem, Angelos appellat scriptura *Militiam cæli*, quod etiam nomen propter eandem ordinis rationem stellis tribuitur. De his sermo est in libris

4. Reg. 17. *Regum* cum dicitur. *Et adorauerunt uniuersam militiam cæli:* & in Deuter. *Seruiant Diis alienis, & adorent eos, solem, & lunam, & omnem militiam cæli, qua non præcepi.* Angeli verò militia cæli dicuntur etiam ab Isaia, cum ait, *Educit in eo numero militiam eorum.* & à Iob. *Numquid, inquit, est numerus militum eius?* Est autem hæc Angelorum militia sui ducis, & Archistrategi, Dei scilicet omnipotentis, qui Deus est exercituum, & à quo gubernantur, planè subiecta. Hinc legimus in Psalmis. *Omnes Angeli eius potentes virtute, facientes verbum illius, ad audiendam vocem sermonum eius, & alibi, Circundabo domum meam ex his qui militant mihi euntes, & reuertentes.* Optimè enim quadrat in cælestes hosce milites id quod de suis prædicabat Centurio ille Euangelicus. *Habeo sub me milites, & dico huic, vade, & vadit, & alij, veni, & venit.* Nec verò summo dumtaxat Principi Deo cælestes isti spiritus obtemperare didicerunt, sed alijs etiam Angelis superioribus subsunt, & obediunt.

diunt. Et audiui, inquit Daniel, *vocem viri inter
Flai (est hoc nomen portæ) & clamauit, & ait Ga-* Dan. 8. 16.
*briel; fac intelligere istum visionem, & venit, & stetit
iuxta ubi ego stabam. Cùmque venisset, pauens corruì in
faciem meam, & ait ad me. Intellige fili hominis, quo-
niam in tempore finis complebitur visio. Quis ille fue-
rit qui imperauit, cuius vocem se audiuisse testa-
tur Daniel, non exprimitur à propheta. Videtur
vnus fuisse de sanctis, id est, Angelis: dicitur enim
eodem capite. Et audiui vnũ de sanctis loquentem, &* Ibid. n. 13.
*dixit vnus sanctus alteri nescio cui. Putant tamen
Hebræi teste D. Hieronymo, imperantem fuisse
Michaellem, sed nullam suo more dicti sui affe-
runt rationem, sed ne coniecturam quidem. Illud
nobis satis est, colligi hinc commodè posse, dis-
parem esse Angelorum auctoritatem, & poten-
tiam; aliòsque aliis imperare: quæ graduum, po-
testatis, imperiique diuersitas rempubl. Angelo-
rum constituit, & conseruat.*

4 Tertia ratio peti potest ex iis ipsis cætibz, *Idem pro-*
quos non honestatis alicuius studium, sed potius *batur quod*
aliis nocendi cupiditas, & libido conciliauit, *ne scelestorum quidẽ*
cuiusmodi esse videmus latronum manus, qui suis *hominum*
ducibus, & legibus, & assimilata quadam ad in- *cæius gu-*
stas rerum publicarum formas imperandi, & pa- *bernatores*
rendi ratione reguntur, si quando ad patranda *carere pos-*
facinora coierunt. Cum Iephthe paternis laribus *sint.*
eiecto, *Congregati sunt viri inopes & latrocinantes,* Iud. 11. 2.
illumque quasi principem sequebantur. Rectè dicitur,
quasi principem, neque enim legitimus princeps is
esse poterat, qui ad principatum non legis admi-
niculo aspirauerat, sed prauorum hominum con-
spiratione, & voluntate munus illud adeptus fue-
rat. Similem principatum in dissimili causa (nisi
etiam

28 *Institutio politica ex sacris Scripturis.*

1. Reg. 12.

2.

etiam Iephre cum doctis quibusdam recentioribus culpa eximere placeat) nactus est Dauid, cum Saulis inuidiam, impotentemque furorem cautè declinaret. Nam *Conuenerunt ad eum omnes, qui erant in angustia constituti, & oppressi are alieno, & amarò animò, & factus est eorum Princeps, fueruntque cum eo quasi quadringenti viri.* Prudenter ut in illa fortuna: quid enim illis factum fuisset si temerè, & sine duce palantes in campis, aut montibus vagati fuissent? id sanè contigisset, quod voris omnibus oprabat Saul, ut nimirum in eos casses, quos tandiu, tam multis locis intenderat, aliquando impingeret.

Idem probatur, quod etiã in seditionibus qua aliqui turbulētissima sunt, caput quaratur.

Act. 20.

29. & 32.

& 34.

5 Quarta ratio ex ipsismet seditionibus desumi potest, quæ in ciuitatibus & rebus publicis existunt aliquando. Est sanè vulgus imperitum seditione aliqua concitatum, insanum, vecors, & à prudentibus consiliis planè remotum: quod si alibi certè in seditione illa Ephesi exorta, Deme- trio Argentario cōtra D. Paulum populum concitante, planissimè apparuit, nam ut dicitur in Apostolorum actis; *Impleta est ciuitas confusione, & alij aliud clamabant, erat enim Ecclesia confusa, & plures nesciebant, qua ex causa conuenissent, & vox facta una est omnium, quasi per horas duas clamantium, Magna Diana Ephesiorum.* Insigne proculdubio superstitionis, & popularis insanix, furorisque argumentum. Non tamen ille furor, quo quasi arbitro hi seditionum fluctus concitantur, adeò perturbati vulgi mentem obcæcat, quin intelligat duce aliquo, & rectore opus esse, cuius imperiis in rebus agendis dirigatur. Ardebant Israeli- tæ cupiditate Ægyptum repetendi, desertæ solitudinis squalorem, cum deliciis vrbiū, quas deser

deseruerant, componentes; ea cupiditas exarserat in seditionem, dicebant enim: *Vtinam mortui essemus in Aegypto, & non in hac vasta solitudine. Vtinam pereamus, & non inducat nos Dominus in terram istam, ne cadamus gladio, & uxores, ac liberi nostri ducantur captiui. Nonne melius est reuerti in Aegyptum?* Cùmque hæc obtineret sententia, iamque de itinere Aegyptum versus capeffendo deliberarent, prima eos subit cura de Duce aliquo multitudinis constituendo (nam Moses consilium præceps, & diuinæ contrarium voluntati damnavat) cuius nutu populus vniuersus regeretur; *Dixeruntque alter ad alterum: Constituamus nobis Ducem, & reuertamur in Aegyptum.* Nec capite caruit, aut capitibus, seditio in Moysem à Core, Dathan, Abiron, & Hon suscitata, hi enim alios post se quam plurimos traxerunt, eorum in scelere Duces effecti. sic enim habemus in Numeris: *Ecce Num. 16. autem Core filius Isaar, filij Caath, filij Leui, & Dathan-que Abiron filij Eliab, Hon quoque filius Phelath de filiis Ruben, surrexerunt contra Moysen, alique filiorum Israel ducenti quinquaginta viri procures Synagoga, & qui tempore consilij per nomina vocabantur.* Si ergo seditiosum vulgus cùm ad arma, & ignes, quàm illum rapit impetus discurret, sui furoris duces legit; quis putet statum suum tenere posse rempubl. rectore aliquo, & moderatore destitutam?

6 Quinta ratio. Adeò necessarius est Gubernator aliquis in Regno, aut in Republica, vt ne ipsum quidem perturbatissimum Satanæ regnum stare possit, si induas inter se contrarias factiones distractum fuerit, ac diuulsum, dicente Domino; *Omne regnum in se ipsum diuisum desolabitur, & do*

Idem probatur quod ne Satana quidem regnum sine capite esse possit.

Luc. II. 17.

30 *Institutio politica ex sacris Scripturis.*

*Et domus supra domum cader. Si autem & Satanas in seipsum diuisus est, quomodo stabit regnum eius? illud scilicet regnum quod Dæmones in eos præfertim exercent, quos vario tentationum genere, quâ technis & altu, quâ suauium, & obiectantium rerum obiectu, decipiunt, & inescant, sui-que quodammodo iuris faciunt. Si ergo regnum hoc ita diuidatur in factiones, vt in vexando hominum genere, & ad vitia & corruptelas trahendo, inter ipsos Dæmonas non conueniat; iam regnum hoc alioqui constans, & antiquum, proximum erit ruinæ; non minùs quàm alia regna, quæ seditionibus, ac factionibus ciuium eueruntur, & pereunt. Et quamuis fieri possit vt vnus Dæmonis imperio, qui naturæ suæ viribus aliò potentior sit, alius Dæmon inuitus & repugnans ex corpore aliquò exturbetur, & de illius possessione depellatur; si tamen ipsa Dæmonum vniuersitas, & multitudo, aut ipsæ, vt in Evangelio appellantur, legiones, quasi quodam ciuili bello exardescente, sibi mutuo aduersentur, & confligant; nimirum vetus illud satanæ regnum euersum cadat necesse est. Dicat hic aliquis non tantum prauos, sed etiam sanctos Angelos inter se dissidere, & alterum alteri resistere ac repugnare, ex quo nimirum confici videatur, spiritus istos discordantibus voluntatibus, inter se committi aliquando, ac quasi quodam ciuili bello Rempubl. illam cælestem laborare. Quid enim aliud sibi vult quod legimus apud Danielelem? *Noli metuere Daniel, quia ex die primò, quò posuisti cor tuum ad intelligendum, vt te affligeres in conspectu Dei tui, exaudita sunt verba tua, & ego veni propter sermones tuos. Princeps autem regni Persarum restitit mihi vi-*
ginti*

Dan. 10.
12.

ginti & vnò diebus, & ecce Michael vnus de principibus primis venit in adiutorium meum, & ego remansi ibi iuxta regem Persarum. Sed huic dubitationi facile occurremus, si dicamus sanctis Angelis non esse adeo cognitam atque perspectam diuinam voluntatem, vt semper intelligant quid fieri velit, ac propterea mirum non esse, si contrariis interdum studiis boni bonis resistent, ac contraria velint, ac repugnantia. Ita hîc accidit. Nam inter Principem Persarum & Gabrielem erat dissensio an Iudæi ex Perside liberandi essent. Negabat Princeps Persarum, Angelus scilicet Persidis tutelarior ac patronus, vel quod existimaret eum populum necdum admissorum peccatorum pœnas luisse, vel quod Persas Iudæorum consuetudine, qui scilicet veri Dei cultores erant, proficere cuperet. Contra Gabriel ostendebat Iudæos libertati restituendos esse, ne si diutius in Perside hærent paulatim in Idololatræarum mores transcriberentur. Interim vterque pro gente sibi commissa causam agebat, in idem conspiraturi, cum primùm illis diuinæ voluntatis decretum innotuisset. Satis igitur ex dictis patet magnum esse malum Anarchiam, omniumque calamitatum atque ærumnarum, quæ Reipubl. accidere possunt, seminarium. Hinc Isaias continentibus malis vastatam ciuitatem, & ad hanc de qua loquimur Anarchiam, redactam deflet, illiusque calamitatem mærens ita describit; *Et erit sicut populus sic* Isa. 24. 2. *sacerdos, & sicut seruus sic Dominus eius, sicut ancilla, sic domina eius.* & non multò post, *Atrita est ciuitas vanitatis.* Ibid. n. 10. Vel vt ex Hæbræo verti potest, *Ciuitas inordinationis.* Quod tunc propriè accidit, cum is est ciuitatis status, vt nullus sit in ea imperantium

Ma. 9. 14.

perantium, & parentiū ordo, sed confusa omnia, & perturbata: tunc enim nihil aliud expectari potest, quàm vt ciuitas ad eum statum deueniat, in quo nomen ciuitatis agrè aut ne agrè quidem retinere possit. Talem fore Ægypti statum alicubi per Isaiam minitatur Dominus cum ait. *Et non erit Ægypto opus, quod faciat caput, & caudam, incuruantem, & refranantem.* Facilius intelligitur, quid sibi velit propheta cum ait, *Caput, & caudam,* quàm cum subiicit, *Incuruantem, & refranantem.* Chaldæus totam sententiam disertè refert ad Anarchiam, ita enim locum hunc expressit. *Et non erit Ægyptiis Rex qui regnet, nec Princeps, nec Satrapa, nec Praefectus, nec Dominator.* Alij antithesim in his membris agnoscunt, nam Symmachus & Septuaginta verterunt ἀρχὴ καὶ τέλος, *Principium & finem.* quod commodiùs referri potest ad consilia confusa, & inexpedita, propter stoliditatem, aut diuinitus immissam vertiginem, infatuante Deo deliberationes impiorum; quàm ad dignitatem, ordinemue personarum; vt sensus sit, In consultationibus Ægyptiorum omnia fore impedita, & intricata, vt nec caput illis constet nec cauda, nec ingressum valeant, aut exitum inuenire. Recentiores verterunt, *Ramum, & Iuncum,* & sensus esse potest, ita Rempubl. Ægyptiorum cuertendam, vt propter capitum paucitatem non sit operæpretium in ea subditos, Principesque distinguere, frustra enim Principes sunt vbi subditi non sunt. Pariter enim *Ramus* tolletur, & *Iuncus*, fortis scilicet, & imbecillus; cordatus & vanus, summus & imus. Hancque eandem sententiam nostra exhibet versio. Incuruans enim is est, qui se iugo, & legum imperio submittit: Refranans verò is, qui

qui regens potestate populos, habenas, prout opus fuerit, aut adducit, aut laxat.

7 Verum si tam multa sunt Anarchiæ mala, *An olim*
 Gubernatorque aliquis ira est necessarius, vt ha- *apud He-*
 ætenus dictum est: Quid est quod Moses quan- *braos fue-*
 dam apud suos Anarchiam agnoscit, cum ait in *rit aliquã-*
 Deuteronomio: *Non facietis ibi* (id est, in terra *do Anar-*
 promissionis) *qua nos hic facimus hodie, singuli quod* *chia.*
sibi rectum videtur? Quod sanè tãto duci vitio ver- *Deut. 12.*
 ri posset, si diuinæ custos legis, populique vni- *8.*
 uersi gubernator, in consilij sui manu populares
 suos reliquisset, nec ad diuinarum sanctionum
 normam vitam instituere coegisset. Nec minor
 culpa illis videtur adhæsisse qui ad populi guber-
 nacula sedebant eo tempore, de quo dicitur in
 Iudicum historia. *In diebus illis non erat Rex in Is* *Iud. 17.6.*
rael, sed unusquisque quod sibi rectum videbatur, hoc
faciebat. Respondeo existimandum non esse in so-
 litudine, per quam Moses populum circumduxit
 (de eo enim Israeliticæ reipubl. statu Deutero-
 nomij verba loquuntur) vixisse populum legibus
 planè solutum; sed tantum significari, loci in quo
 vitam agebant conditionem, illam attulisse ne-
 cessitatem, vt sacrificiorum festorumque dierum
 sacras ceremonias à Domino peculiari lege con-
 stitutas, aliàsque huiusmodi obseruationes, rite,
 & ad vnguem seruare non possent, ea fortasse de
 causa, quod finitimi populi Israelitarum hostes
 infensissimi, ea suppeditare recusarent, quæ in
 peragendis sacris vt adhiberentur præscriptum
 erat in lege; boues, agnos, arietes, similam, vi-
 num. Quare cùm ritum horum sacrificiorum con-
 stituebat Dominus, quo etiam tempore esset *Num. 15.*
 vsurpandus, ita explicabat. *Cum ingressi fueritis ter-* *2. & 18.*

34 *Institutio politica ex sacris Scripturis.*

ram habitationis vestra quam ego dabo vobis. Quod & alibi iisdem ferè verbis repetitur. Sermo igitur tantum est de iis præceptis, quæ iuris naturalis non sunt, in quæ etiam dispensatio cadere potest. Nam quod attinet ad naturæ legem, & ea quæ pro loci conditione seruari poterant, ita legibus tenebantur, ut etiam qui illas fuissent transgressi, à Moyse, ipsa etiam morte, si id delicti grauitas postulasset, punirentur. Hoc satis patet in eorum cæde, qui idololatriæ labe se se maculauerant, vitulum constantes, & dicentes, *Hi sunt Dii tui, qui te eduxerunt de terra Egypti;* nam Leuitarum ministerio, Mosis verò voluntate, & imperiò viginti tria hominum millia in sceleris vindictam cæsa sunt. Quod verò attinet ad locum ex libro Iudicum desumptum, difficultatis nodum soluemus, si dicamus, dictum esse non fuisse eo tempore Regem in Israel, ut adderetur ratio, cur Michæ impunè licuerit excitare ædiculam, statuere idolum, vestemque sacerdotalem parare. Cum enim hæc acciderint post Iudicis populi mortem, Interregni tempore, mirum videri non debet, si nullus repertus est sceleris vindex. Idem iudicium de Benjamitarum historiâ, vxoreque Leuitæ per vim compressa, accidit enim per idem tempus, cum scilicet post Iudicis mortem præessent quidem populo seniores, accisâ tamen seu potestate, seu auctoritate, ut potius dirigerent populum ad ea quæ factô opus erant, quàm imperio ac pœnis leges sancirent, aut quæ in eas peccarentur vindicarent. Quare mirum non fuit, si incommoda illa quæ hisce narrantur historiis subsecuta sunt. Ex quò adeo colligi non potest Anarchiâ esse aliqua ratione tolerabilem,
aut

Exod. 32.

4.

aut probabilem, vt potius conficiatur illam esse penitus à Republ. exterminandam, ne scilicet subditi impunitate proposita nihil non audeant.

Potestatem Rerumpublicarum gubernatricem à Deo esse, illique obtemperandum.

CAPVT III.

ANtequam ad Reipublicæ formas descendamus, hoc nobis quasi fundamentum statuendum est, Potestatem rerumpubl. moderatricem ad homines Deo ipso auctore manasse, qui cum hominum conuentibus aspectabilis non interfit, Principes, & magistratus substituit, qui eius quodammodo locum tueantur, legibusque & imperiis ita ciuitates temperent, vt quos mutuatorum officiorum necessitas, morumque, & studiorum similitudo coniunxit, eos nec sceleratorum hominum insolentia, & procacitas, nec rerum ad vitam bene, sæliciterque transigendam necessariarum penuria distrahat, ac dissociet. Hoc vt verum est, ita facili negotio ex sacris Scripturis probari potest, siue veterem illum legis naturæ statum, siue legis per Moysen traditæ, siue tandem Euangelij per Christum accepti placeat replicare memoriam. Cum enim homines naturali lumine ducti (vt de naturalis legis statu dicere incipiamus) ipsaque experientia magistra edocti satis intelligerēt potestatem aliquam reipubl.

Potestas gubernatrix in statu natura, à Deo fuit.

36 *Institutio publica ex sacris Scripturis.*

præficiendam esse, qua publicum bonum procurante, cæterus hominum contineretur in officio, & suum cuique ius tribueretur; aut Regium dominatum, aut popularem potentiam, aut aliam aliquam Reipubl. formam induxerunt. Id autem, quia ratio ipsa dictabat ut fieret, naturali illo lumine illustrata, quod in cuiusque mente Dominus accendit, de quo loquitur David cum ait,

Psalm. 4. 7. Signatum est super nos lumen vultus tui Domine, non immerito institutionis huius auctorem facimus Deum, qui nimirum luminis illius auctor est. Tales fuere Principes Iob, Abraham, & Melchisedech, aliique quamplurimi, etiam apud barbaras gentes, & pravis de religione dogmatibus imbutas, nimirum quicumque non ipsi in principatum irruerunt, aut malis artibus ad illum obrepserunt, sed legitima populorum electione, aut successione ad regnum peruenerunt. Itaque audiendi non sunt, qui primum in orbe imperium à tyrannis institutum putant, eiusque authorem Nembrotum faciunt, nam multò ante ipsum & ciuitates fuerunt, in quibus congregati homines politicè viuerent, & Principes quorum imperio regerentur. Nam Cain Adami primogenitus urbem condidit, eamque Enochiam de filij sui nomine nuncupauit, non latrocinandi studiò, ut quidam dixerunt, cum probabile non sit cum qui pauore diuinitus immisso ab omnibus sibi timebat, alios prædis agendis, & latrociniiis exercendis violare voluisse; præsertim cum nulla adhuc esset illecebra, quæ ad facinus sollicitaret, nam pretiosa metalla nondum è terræ visceribus eruta erant, quæ tanto post effodit Tubalcaim, nec vestes pelliceæ illius temporis pretium haberent;

sed

sed extruxisse credendus est urbem, vel ut se tutum præstaret ab hostium incurſibus, vel ut iis commodis frueretur, quorum ij participes sunt, qui cum aliis communiter in ciuitatibus viuunt.

2 Porro post scriptam legem clariùs etiã patuit Dei volũtate principes quosdã ad populi gubernationem, regiamque ipsam potestatem, & maiestatem vocatos esse. De Moyſe nullus dubitare possit qui diu detrectatus imperium, & multa causatus, præsertim linguæ tardioris impedimentum, admotus tamen est, Deo ita volente, ad populi sui tractanda gubernacula. Idem iudicium de illius successoribus vsque ad Reges, quos post aliquot annorum centurias Samuel instituit, postulante populo, Deoque annuente, & ipsas sortes in Saulis electionem dirigente. Post lapsum verò Saulis, consimili diuini fauore numinis, fauoliciore euentu, Dauid electus est: postremus ille quidem ex filiis Isai, non ætate, non corporis proceritate commendabilis, quem tamen Samuel instinctus numine in Israelis regem inunxit, Dominusque *Spiritus Principalis* vnctione ad Regni munera tractanda, & Domini bella depugnanda confirmauit. Sic igitur ille venit ad regnum, & post illum longa serie Reges Iuda, successionis iure regnum idem tenuerunt, multis plerique eorum sceleribus inquinati, non inficior, regio tamen diademate, ac diuinitus datæ potestate verendi. Quamuis enim dereliquerint filij Dauid legem Domini, & in iudiciis eius non ambulauerint, quamuis iustitias eius profanauerint, & mandata illius non custodierint, misericordiam suam non dispersit ab eis, neque profanare sustinuit pactum, ac testamētum, quod cum eorum parente Dauid

*Idem fuisse
in lege scriptum.*

1. Reg. 10.
21.
1. Reg. 16.
12.

Psal. 50.
14.

Psal. 80.
31.

pepigerat, nec irrita facere quæ de labiis suis tanto ante processerant. Pluribus exemplis rem per se claram confirmare, aut illustrare superse-
deo. Illud addo, ipsa loquendi consuetudine apud Hebræos, Principes, aut Iudices quasi Deo vicariam operam præstantes, eodem quo Deus ipse nomine appellari, nã cum Deus ipse אֱלֹהִים *Elohim* frequenter dicatur in sacris litteris, eadem Hebræorum lingua Iudices dignata est quod ἀντίθεοι, & Dei ipsius viua simulacra sint. Itaque

Exod. 22. præcipitur in Exodo. *Diis non detrahes, & Principi populi tui non maledices.* τὸ, Diis, de Iudicibus accipitur, & est in Hebræo contextu vox, *Elohim*. Rursus in Psalmis dicitur. *Deus stetit in Synagoga*

Psal. 81. 1. *Deorum, in medio autem Deos diiudicat.* Quamvis enim ubi nos legimus, Deus, sit in Hebraico textu vox אֱלֹהִים. ubi verò, *Deos*, vox אֱלֹהִים ita ut non Iudicibus, sed Deo vox *Elohim* tribuatur, ex Hebræo tamen nihil prohibet quin ita vertamus; *Deorum stetit in Synagoga, Deus.* Atque ita *Elohim* Iudicibus tribuetur. Huc etiam facit D. Hieronymi translatio, qui ita locum hunc Latinum fecit. *Deus stetit in Synagoga Dei, & sensus est idem cum sententia, quam Septuaginta viro- rum Græca translatio, & nostra quæ in Psalmis illi inhæret, nobis exhibent: nihil enim aliud est Dei Synagoga, quàm Iudicum conuentus, qui potestate Deum referunt, illiúsque in iudicando locum obtinent: nam D. Iacobo teste, Vnus est Legislatores, & Iudex, cæteri verò iudices sunt quatenus in eos potestas eadem deriuatur, illiúsque participes fiunt.*

Iacob. 4.
12.

*Idem esse
in lege E-
uangelica.*

3 Sed postquam Christus Dominus qui est
Rex regum, & Dominus dominantium in terris visus.
cum

cum hominibus conuersatus est, Euangelium mundo inferens & nouam legem hominibus promulgās; Apoc. 19. 16. adeo Principum, & Regum imperia non abrogauit, vt potius illis parendum docuerit. Argumento est, quod cum Pharisei callidum consilium se inuenisse putarent, quò Christum Dominum eorum sectæ participem efficerent, qui censum à Romanis imperatum pendendum esse negabant, Dominus eorum captiunculas elusit sapientissimo responsò, quò vt Deo quæ Dei, ita Cæsari reddenda pronunciauit quæ Cæsaris essent. Math. 22. Quamuis postea per calumniam crimen negati census illi impingere, Cæsarisque potestatis inimicum facere, & hoc nomine in inuidiam vocare conati sint. Post Christum verò Apostoli eius doctrinæ alumni idem crebrò & luculenter docuerunt; *Subiecti estote*, inquit D. Petrus *omni humanae creaturae propter Deum, siue Regi quasi precel-* 1. Pet. 2. 13. *lenti, siue Ducibus, tanquam ab eò missis ad vindictam malefactorum, laudem verò bonorum, quia sic est voluntas Dei.* & paulo post, *Regem*, inquit, *honorificate.* num. 17. Huic planè geminam doctrinam D. Petri Collega Paulus tradidit, cum ait, *Omnis anima potestatibus* Rom. 13. *sublimioribus subdita sit. non est enim potestas, nisi à* 1. *Deo, quæ autem sunt, à Deo ordinata sunt. Itaque qui resistit potestati, Dei ordinationi resistit, qui autem resistunt, ipsi sibi damnationem acquirunt. Nam Principes non sunt timori boni operis, sed mali. Vis autem non timere potestatem: bonum fac, & habebis laudem ex illâ. Dei enim minister est tibi in bonum. Si autem malum feceris, time: non enim sine causâ gladium portat. Dei enim minister est. Vindex in iram ei qui malum agit. Ideo necessitate subditi estote, id est, quia ita necesse est, non solum propter iram, id est, non solum quia*

Tit. 3. 1.

1. Pet. 2.
18.Matth. 23.
2.

An Apo-
stoli obe-
diendum
præceperint
principibus
qui tyranni-
cè regna
occupauerant.

Dan. 7. 3.

cōtumaces pœnis coërcere possunt, *sed etiā propter conscientiā*, ne scilicet aliquod incurratis peccatū, cōscientiæque vestræ labem aspergatis. Ad Titum verò scribēs, *Admone*, inquit, *illos Principibus & potestatibus subditos esse*, dicto obedire, ad omne opus bonū paratos esse. Nec verò tantū bonis, sanctisque vt pareatur, imperant, sed malis etiam & morosis, vt cum D. Petrus seruos admonet in hæc verba: *Serui subditi estote in omni timore Domini, non tantū bonis & modestis, sed etiam discoloris.* Quod quāuis de seruorum subiectione dictum est, ad ciuilem tamē gubernationem, & obedientiam proportionem quadam nō incommodè transferri potest. Hoc autem Apostoli Christo ipsō Doctore didicerant, qui à Phariseorum moribus & vitā auocandos oculos docuerat; tenendam verò doctrinam, & implenda præcepta; *Super Cathedram*, inquit, *Moyse sederunt Scribae, & Pharisei.* Omnia ergo quaecunque dixerint vobis seruate, & facite; secundum opera verò eorum nolite facere: dicunt enim, & non faciunt.

4 Sed quærat hic aliquis quamobrem Apostoli, quorum verba citauimus, principibus illis, qui tunc imperium obtinebant, Romanis scilicet, parendum dixerint: Satis enim constare videtur ex veterum historiarum monumentis eos per iniuriam in aliorum ditiones irrupisse, bellisque iniustis imperium amplius fecisse. Quam fortè ob causam Romanorum Imperium, vt etiam Assyriorum, Medorum, Græcorum Danieli ostensum est, typō immanium quarundam bestiarum, quæ cum magnis viribus instructæ sunt, non tamen ratione reguntur, sed impetu cæcō rapiuntur. Respondendum censeo Apostolos de subli-
mioribus

mioribus potestatibus generatim dūtaxat disputasse: An verò hic aut ille principatus iure ac legitime fundatus esset, quærere noluisse. Neque enim tunc id agebant, nec ut agerent expediebat: cūmq; passim Imperia illa iuste parta censerentur, satis hoc illis fuisse, ut fideles admoneant, ut dicto audientes essent: quanquam iusta etiam bella à Romanis suscepta fuisse plerumque æquum est existimare, & si non omnes prouincias, certè multas aut plerasque iure belli in eorum venisse potestatem credendū est. Adde quòd licet aliquot fortasse regna tyrannicè occupauerint, ac proinde nullum in ea ius nancisci potuerint, tamen temporis decursu populi volentes & libentes eos admiserunt, & ut legitime gubernantes agnouerunt. Atque ita iustam dominandi potestatem nouo Reipub. consensu consequuti sunt.

§ Nec verò illorum error admittendus est, qui putauerunt principatus legitimi ius in infidelibus idolorum cultoribus, aut quacunque alià ratione peccatoribus esse non posse. Nam sacræ Scripturæ testimonia hunc errorem planè iugulant & conficiunt. Sanè veræ fidei expertes erāt, & verò etiam alijs peccatis obnoxij illi, quibus dicitur in libro Sapientiæ; *A Domino data est potestas vobis, & cum essetis ministri Regni illius, non re-
etè indicastis.* Ut etiam Cyrus de quo dicitur apud Isaiam, *Hec dicit Dominus Christo meo Cyro.* Nabuchodonosor verò multo fortasse deterior his omnibus, audit tamen à Daniele; *Tu es Rex Regum, & Deus cœli dedit regnum tibi.* Quod etiam confirmat Hieremias cum ait, *Ego dedi omnes terras istas in manu Nabuchodonosor Regis Babylonis.* Quod si

An infidelibus, aut peccatoribus Principibus parendum.

Sap. 6. 4.

Isa. 45. 1.

Dan. 2. 37.

42 *Institutio politica ex sacris Scripturis.*

asperitare morum atque sœuitiam Reges aliqui populos vexant, durisque exercent imperijs, diuinô id permissu fieri putandum est, cui populorum cura cordi est, quique Regna malis Principibus asserendo illud consequi conatur, vt ad mentis sobrietatem, à qua per luxuriam secundamque fortunam exciderant, malis erudita reuertantur, aut certè si nulla supersit sanitatis spes, pro peccatorum modo puniantur. Quare legimus apud Isaïam; *Assur virga furoris mei & baculus ipse est, in manu eorum indignatio mea, ad gentem fallacem mittam eum, & contra populum furoris mei, mandabo illi vt auferat spolia, & diripiat pradam, & ponam illum in conculcationem quasi lutum platearum, ipse autem non sic arbitrabitur, & cor eius non sic existimabit.* Loquitur S. Propheta de Salmanasar, & Sennacherib Assyriorum Regibus, quorum opera quasi flagello vsus est Dominus, ad Israëlitas veri numinis desertores cædendos, & puniendos, quamuis superbissimi illi Reges potentiam, opes, reportatasque victorias non Deo acceptas referrent, sed quasi propria virtute partas, suo consilio, ac viribus ascriberent. In quo & ipsi, & qui eorum similes sunt, elati ac præfidentes egregiè falluntur: nam commune est cum Principibus omnibus quod de Cyro apud eundem Isaïam

dictum est. *Subieciam ante faciem eius gentes, & dorsa Regum vertam, & aperiam coram eo ianuas, & portæ non claudentur. Ego ante te ibo, & gloriosos terræ humiliabo, portas areas conteram, & vinctes ferreos confringam, & dabo tibi thesauros absconditos, & arcana secretorum, vt scias quia ego Dominus.* Isaïæ ve-

Jerem. 27. 10 conuenit Ieremias cum ait. *Ego dedi omnes terras istas in manu Nabuchodonozor Regis Babylonis*

serui

serui mei, & bestias agri dedi ei, vt seruiant illi, & seruiant ei omnes gentes, & filio eius & filio filij eius, donec veniat tempus terra eius, & ipsius, & seruiant ei terra multa, & Reges magni: gens autem, & regnum quod non seruiert Nabuchodonosor Regi Babylonis, & quicumque non curuauerit collum suum sub iugo Regis Babylonis, in gladio, & in fame, & in peste visitabo super gentem illam, ait Dominus omnipotens. Vocat Dominus Nabuchodonosor seruū suum, non quòd deuotæ mentis obsequio se diuino numini subiectū agnosceret, eamque quam debuisset exhiberet seruitutem; sed quod illō Dominus, vt ministrō aut carnifice ad puniendos noxios vteretur. Quam etiam ob causam vt seruo, aut carnifici suam Dominus mercedē constituit. vt pulchrè Ezechiel quodam loco. *Fili hominis*, inquit, *Nabuchodonosor Rex Babylonis* Ezech. 19.
seruire fecit exercitum suum seruitute magna aduersus Tyrum, omne caput decaluatum, & omnis humerus depilatus est (gestatione scilicet galearum, & gestatione ponderum, vt fit in bello) *& merces non est reddita ei, neque exercitui eius, de Tyro, pro seruuitate, quā seruauit mihi aduersus eam. Propterea hac dicit Dominus Deus. Ecce ego dabo Nabuchodonosor Regem Babylonis in terra Egypti, & accipiet multitudinem eius, & depredabitur manubias eius, & diripiet spolia eius, & erit merces exercitui illius, & operi quo seruauit aduersus eam. Dedi ei terram Egypti pro eo quod laborauerit mihi, ait Dominus Deus.* 18.
 Ex his autem quæ diximus hætenus, satis apparet arroganter, impiè, & suo more, mendaciter dixisse Dæmonem, *Tibi dabo potestatem hanc vniuersam, & gloriam eorum, quia mihi tradita sunt, & cui volo, do ea.* Luc. 4.6.
 Quamuis enim Dæmon appelletur à Christo

44 *Institutio politica ex sacris Scripturis.*

- Ioan. 12. 31. Christo Princeps huius mundi cum dicit. *Nunc iudicium est mundi, nunc Princeps huius mundi eijcitur foras: non tamen censendum est arbitrum illum esse dispensatoremque regnorum, sed quandam quasi regni speciem exercere in eos qui cum peccato, & Dæmoni militent, ad regnum etiam peccati, quod Dæmonis est, pertinere dicuntur.*
- Ephes. 6. 12. Quare D. Paulus cum dixisset quodam loco. *Non est nobis colluctatio aduersus carnem, & sanguinem, sed aduersus Principes, & Potestates, aduersus mundi Rectores, consulto addidit statim, tenebrarum harum.* Ita notauit S. Augustinus. *Ne forte, inquit, cum dixisset, Mundi, intelligeres Demones esse Rectores celi, & terra; mundi dixit, tenebrarum harum; mundi dixit, amatorum mundi; mundi dixit, impiorum, & iniquorum; mundi dixit, de quo in Euangelio dicit. Et mundus cum non cognouit.*
- In Psalm. 54 ad primum versum. *Ioan. 1. 10. Principibus in ijs duntaxat parendum esse, quæ diuina legi non aduersantur.*
- Prou. 8. 15. Colof. c. 3. vers. 23. Ephes. 6. 5. *6 Quando igitur, vt hactenus demonstratum est, per Deum Reges regnant, & legum conditores iusta decernunt, par est vnumquemque ita Principum iussis obedientiam accommodare, vt quodam loco Colossenses monet D. Paulus. Quodcumque, inquit, facitis, ex animo operamini sicut Domino, & non hominibus, scientes quod à Domino accipietis retributionem hereditatis, Domino Christo seruite. Et Ephesios, cum ait: Obedite dominis carnalibus cum timore, & tremore, in simplicitate cordis vestri, sicut Christo, non ad oculum seruientes, quasi hominibus placentes, sed vt serui Christi facientes voluntatem Dei ex animo, cum bona voluntate seruientes, sicut Domino, & non hominibus. Meminerimus tamen ita Principibus obtemperandum, vt nihil admittamus, aut faciamus, quod Diuinæ legi, quod rationi, quod propriæ conscientiæ, vno verbo, quod*
Deo,

Deo, qui summus Princeps est, & Rex Regum, eiusque voluntati aduersetur, aut etiam minus consentaneum sit. Cum enim *Nemo possit duobus* Matth. 6.
Dominis servire, cum ea præcipiunt quæ simul 24.
consistere non possunt, aut pugnantia sunt inter se, superest vt, si sapimus, illius potio- rem habeamus rationem, qui maior est, & à quo iusta dun- taxat, nobisque salutaria præcepta promanant. Concionabantur Ierosolymis Apostoli, initio nascentis Ecclesiæ, multosque ad Christi gregem nouæ legis promulgatione aggregabant. Tulit hoc ægrius Princeps totusque sacerdotum con- uentus, quare cum adduxissent illos, statuerunt in Act. 5. 27.
concilio: & interrogauit eos Princeps sacerdotum dicens. Præcipiendo præcepimus vobis, ne doceretis in nomine isto, & ecce replestis Ierusalem doctrina vestra, & vul- tis inducere super nos sanguinem hominis istius. Quid hic Petrus, & Apostoli? Obedire, inquit, oportet Deo magis quam hominibus. Quale etiam respon- sum tulerat non multo pridem à Petro, & Ioan- ne, idem magistratus. Si iustum est, aiebant, in con- spectu Dei vos potius audire quam Deum, iudicate. Non enim possumus quæ vidimus, & audiui- mus non loqui. Act. 4. 19.
Similis in pari vitæ discrimine loquendi libertas, atque constantia Mathathiaæ sacerdotis: nam cum venissent Qui missi erant à Rege Antiocho, vt coge- 1. Machab.
rent eos qui confugerant in ciuitatem Modin immo- 2. 15.
lare, & accendere thura, & à Deo discedere: multi de populo Israël consentientes accesserunt ad eos, sed Mathathias & filij eius constanter steterunt. Et respon- dentes qui missi erant ab Antiocho, dixerunt Matha- thia. Princeps, & clarissimus, & magnus es in hac ciui- tate, & ornatus filijs, & fratribus; ergo accede precor, & fac iussum Regis, sicut fecerunt omnes gentes, & viri
Iudæi,

46 *Institutio politica ex sacris Scripturis.*

Iuda, & qui remanserunt in Ierusalem, & eris tu, & Filij tui inter amicos Regis, & amplificatus aurò, & argentò, & muneribus multis. Et respondit Mathathias, & dixit magna voce: Et si omnes gentes Regi Antiocho obediunt, ut discedat unusquisque à seruitute legis Patrum suorum, & consentiat mandatis eius. Ego & filij mei, & fratres mei, obediemus legi Patrum nostrorum. Propitius sit nobis Deus, non est nobis utile relinquere legem & iustitias Dei, non audiemus verba Regis Antiochi, nec sacrificabimus transgredientes legis nostræ mandata, ut eamus altera via. Digna sanè tanto sacerdote vox, atque constantia. Cui, libertate ac fortitudine planè geminus Eleazarus ille à quo nec tyranni minis aut ferro, nec amici precibus, aut blanditiis quod tetenderant, ut scilicet porcina carne vesceretur, obtinere potuerunt: indignum enim existimabat, si veterem gloriam nonaginta annorum spatio collectam, recenti flagitio aboleret, exemplumque triste posteris relinqueret diuinæ legis, viuendi desiderio posthabita. Itaque non illum preces amicorum, non denunciatio mortis, non acerbissimorum cruciatuum incursus, non liberorum conspectus ac miseratio, non salutis, libertatis, vitæ cupiditas permouerunt, ut se ipsum respiceret, ac vivere vellet. Cum ergo tale aliquod tempus nobis inciderit, in quo Principis imperio, aut leges cum diuinis præceptis pugnare animaduuerterimus, ne quid peccemus, caueamus, & si quid lapsi fuerimus, quæ nostra est ignorãtia, & recti inconstantia, usurpemus illud Balaã, Domine Peccaui, nesciens quod tu stares contra me, & nunc si displicet tibi ut vadam, reuertar. Si negotium quod suscepi, si iter quod institui, tuo honori, aut voluntati, si reli-

2. Machab. 6.

Num. 23.
34.

gioni,

gioni, aut virtuti aduersatur, planè reuertar, aliàque viam insistam, quæ sit iuxta legem, & iustificationes tuas. Et si nobis minæ, cruciatus, mors ipsa intentatur, putemus ab Ecclesia matre nostra auribus nostris verba illa insonare, quibus olim septem filios suos virili pectore mulier ad certamen accédens utebatur. *Peto, Nate, ut aspicias* 2. Mach. ad cœlum, & terram, & ad omnia quæ in eis sunt, & 7.28. intelligas quia ex nihilo fecit illa Deus, & hominum genus. Ita fiet ut non timeas carnificem istum, sed dignus fratribus tuis effectus particeps (martyrum scilicet sanctorum, quorum multæ myriades pro Christo sanguinem, & vitam constanter profuderunt) *Suscipe mortem, ut in illa miseratione* (extremo scilicet illo die cum Christus Dominus eos pro suis agnoscat, qui se confessi fuerint) *cum fratribus tuis te recipiam.* Sic fiet ut magno nostro honore *Audiamus disciplinam Patris nostri, & matris* Math. 10. *nostræ legem non dimittamus, & addatur gratia capiti* 32. *nostro, & torques collo nostro.* Prou. 1.8.

*De reipublicæ formis, Democratia,
Aristocratia, Monarchia;
hancq; cæteris præstare.*

C A P V T IV.

I **I**mpérii formæ simplices tres tantum numerantur, Democratia, Aristocratia, atque Monarchia. Prima est populi dominatus, altera Optimum, tertia vnus. Est tamen, cum miscentur inter

*Quot sint
Impérii
forma.*

48 *Institutio politica ex sacris Scripturis.*

inter se formæ istæ , & Monarchiæ adiungitur Aristocratia , aut Democratia , aut hæ duæ in vnam coalescunt, aut tandem ex his tribus vnâ duntaxat Reipub. forma conflatur. Porro ex his formis nobilissimam & optimam esse Monarchiam nonnullæ suadent rationes , quas ordine subiiciam.

Monarchiâ cateris præstare probatur, ex ipsa natura, cæli, elementis, &c.
Deut. 10.

14.

2. Cor. 12.

2.

Iob. 38.

37.

2 Ac primò quidem libet ab ipsa natura argumentum petere. illius enim partes optimo, ac præstantissimo ordine descriptæ, quandam quasi politiam videntur constituere, hæc autem Monarchia est. Cæli plures sunt, Moses enim ait, *Domini Dei tui cælum est, & cælum cæli.* Et D. Paulus *Raptus est usque ad tertium cælum.* Hi autem omnes cælorum orbis, primi mobilis, vt appellant, cursum ita sequuntur , vt quamuis ipsi suo pte nutu, & inclinatione ab occasu ferantur in ortum, assidua tamen conuersione eius cæli cui parent, aduerso motu ab oriente rapiantur ad occasum, admirabili prorsus cursus pernecitate, & ciuilibus obedientiæ singulari quodam exemplo. Quemadmodum enim par est eum qui subditus est, suas actiones ita temperare , vt primùm quæ ab lege , vel Principe publici boni causa imperantur , ad vnguem exequatur , deinde verò cum hæc effecta dederit , priuatas suas res curet : Ita cælestes isti orbis cursum à primo mobili impressum celerissime, hoc est viginti quatuor horis conficiunt, proprium autem temporis spatiò longiore decurrunt; vt cum S. Iob subeat admirari , *Quis enarrabit cælorum rationē, & concentum cæli?* (id est, cursum illius ordinatissimum) *quis dormire faciet?* Porro sol, quem non temporum modo, terrarumque, sed syderum etiam ipsorum , cælique recto-

rem

rem appellare possumus , nōne Monarchā agit, cum cætera sydera, se per diem lucente, quodammodo submouet, ac facessere iubet, noctu verò de suo illis lumine, vt apparere possint, impertitur ? Hoc enim imperium à Domino nactus est, qui, vt sanctus vates canit, *Fecit luminaria magna*, Psal. 135. *solem in potestatem diei, lunam & stellas in potestatem noctis*, & quia, *Alia claritas solis, alia claritas lune, & alia claritas stellarum*; sed claritas solis prima claritas est, & quasi quidem perennis fons luminis vniuersi, propterea omnia alia minutiora lumina, maximæ huic cæli faci famulantur, & obediunt; ipse verò suo pulcherrimò ornatu Tan- Psal. 18.6. *quam sponsus procedit de thalamo suo, exultat vt gigas ad currendam viam, à summò calò* (tanquam à Regiò domiciliò) *egressio eius, & occursum eius vsque ad summum eius*, Principis in morem omnes regni sui prouincias pèrcurrens, & legibus, imperiisque suis componens, *Nec est qui se abscondat à calore eius*. Ibid n.7. Quemadmodum enim Princeps bonos ciues, & de Republica bene meritos muneribus auget, & ornat laudibus; fontes verò, & publicæ quietis perturbatores, verbis castigat, & pœnarum metu continet in officiò, & si opus fuerit, vltimò etiam suppliciò coercet, ita vt nullus sit, qui illius potentix vim declinare possit. Ita sol omnia collustrat, & perambulat, nec est qui se abscondat à calore eius, elementis mixtisque corporibus, & animalibus vniuersis, si bene sint disposita iucundo, & salutari; si verò ad illum excipiendum preparata non sint, noxiò, & ipsius etiam interitus conciliatore. Quid de aquis dicam, quæ licet pluribus discretæ locis, stagna, fluuios, & paludes, aut ampliori conceptæ alueò,

50 *Institutio politica ex sacris Scripturis.*

- maria efficiant, ita tamen inter se communicant, ut de mōtibus & specubus, in quibus fontes suos hebent, agmine factō ad mare semper decurrant, cui tanquam principi tributū pendant vndarum, à quo rursus accipiant ut fluere possint. Omnia enim flumina intrant in mare, & mare non redundat; ad locum unde exeunt flumina reuertuntur, ut iterum fluant. Ut meritō S. Ioannes, siue is, qui illum alloquebatur Angelus, hanc aquarum politiā praeuidens dixerit, *Aqua populi sunt, & gentes, & lingua.* Idem verò in cæteris elementis apparebit, quamuis non ita luculenter, mentis oculos adiucenti.
- Idem probatur ex Angelorū politia.* 3 Alterum argumentum ab Angelorum politia desumi potest. quamuis enim ex supra dictis cum probauimus eorum rempub. gubernatione aliqua contineri, colligi possit eandem Monarchiam esse; placet tamen eundem locum breuiter retractare, ut res fiat plenior, & illustrior. *Huius rei gratia* (inquit D. Paulus) *flecto genua mea ad Patrem Domini nostri Iesu Christi, ex quo omnis paternitas in caelis, & in terra nominatur.* Qui locus ut intelligatur, & ad probandum quod volumus commodari possit, sciendum est Principes & dominos à subditis, & seruis suis, scripturarū phrasi, Patres appellari solitos. Sic *Machir* dicitur *Pater Galaad*, & *Phanuel* pater *Gedor*, & *Ezer* pater *Hofsa*, & *Ioab* pater *vallis artificum*, & *Theinna* pater *urbis Naas*. Hac de causa serui *Naaman Syri*, cum Dominum suum alloquerentur, Patrem appellabant, Detractanti enim lauari aquis *Iordanis*, quod praeceperat *Elisæus*, *Pater*, inquiunt, & si rē grandem tibi dixisset propheta, certè facere debueras. Ex hoc autem vocabulō Patris hac significatione
vltur
- Eccles. 1.
7.
Apoc. 17.
15.
Ephes. 3.
14.
1. Paral. 2.
21.
1. Paral. 4.
4.
Ibid. num.
14.
Ibid. num.
12.
4. Reg. 5.
13.

usurpatō, vox *Paternitas* apud latinum interpretem, & Græca πατρία apud D. Paulum deducta est; idemque significat quod φυλή, familia, tribus, gens aliqua, quæ vel ab vno capite manauit, vel vni capiti obedit. Hinc etiam veteres illi præcipuarum familiarum Israëlitarū Principes, *Patriarche* dicti sunt, hoc est πατριῶν ἄρχοντες, vel πατριῶν ἄρχαί. Cum igitur dicit S. Paulus. *A quo omnis Paternitas.* Græcè πατρία, significat teste D. Hieronymo, Angelos in cælis suos habere, & agnoscere Principes, & vt scripturæ phrasi loquamur, *Patres*, qui classibus illis, atque ordinibus immortalium spirituum præsent, & imperent.

Queritur verò, inquit D. Hieronym. quam ob causam, & in cælis ab eò omnis paternitas appelletur. quomodo nos qui non sumus de genere Abraham; Patriarchas quoque & Prophetas (si tamen nos ab eis peccata non separent) nostros Patres dicamus: ita puto Angelos, ceterasque virtutes habere principes sui generis in caelestibus, quos Patres gaudent appellare. Archangelus enim nisi Angelorum dici non potest, & Dominatio, & Principatus, & Potestas, nisi inferiores habeant subditos, non vocantur. Porro vnus ex huiusmodi Angelorum Principibus fuit perditus ille Angelus, de quo dicitur apud Iob. Ipse est principium viarum Dei, quasi dicat Primogenitus, vt quadraret in illum benedictio illa Ruben, Prior in donis, maior in Imperio. Prior sanè in donis, nam ipse est de quo dicitur. Tu signaculum similitudinis, plenus sapientia, & perfectus decore, in delicijs paradisi Dei fuisti, omnis lapis pretiosus operimentum tuum. & cætera, quæ ibi S. Propheta per pretiosorum lapidum allegoriam latè persequitur. Sed etiam Maior in imperio, quod ex eò confici videtur, quod

D. Hier. 1.
aduersus
Heluidiū
& in c. 3.
ad Ephes.

Iob. 40.

14.

Genes. 49.

3.

Ezech. 28.

12.

52 *Institutio politica ex sacris Scripturis.*

ab Ezechiele dicitur *Cherub extensus, & protegens*. Quemadmodum enim duo Cherubim alas suas expandebant, & arcam obumbrabant; ita tu nobilitate & præstantia tuæ naturæ ad Principatum factus, minorum Angelorum ordines sub tuæ protectionis umbra latentes imperio regere, sapientia illuminare potuisses, nisi quæ tua fuit superbia, *In draconem magnum, rufum*, Deo inimicum inutatus, septenôque diademate redimitus, decémque cornibus armatus, cum Deo pugnare maluisses, donec potentioribus armis oppressus comitem te malè fultæ ruinæ dare coactus es. Nec verò tibi quies post tantam cladem sed libidine vindictæ succinctus, & humani generis odio inflammatum bellum redintegrare, & regnum debilitatum & fractum propugnare non desinis, factus Princeps eorum qui in Dominū amarō sunt animō, quique licet incolant *Terram tenebrosam, & opertam mortis caligine, terram miseria, & tenebrarum, ubi umbra mortis, & nullus ordo, sed sempiternus horror inhabitat*; ordinē tamen in hoc tuentur, & Monarchiam, quo ad nocendum hominibus totum Diaboli regnum promptius esse possit, & expeditius. Quare S. David magis ab his hostibus sibi timens, à quibus fuerat aliquando fœdè prostratus, quàm ab iis qui mortem illi intentabant, quorum magnum numerum Deo bene iuvante deuicerat, ita precatur: *Domine Deus meus in te speravi, saluum me fac ex omnibus persequentibus me, & libera me. Ne quando rapiat ut leo animam meam, dum non est qui redimat, neque qui saluum faciat*. Numero prius loquitur multitudinis, sentiens multas cōtra se perditorum Angelorum phalangas stare, sed quia sub vno militant capite, qui

Apoc. 12.

4.

Iob. 10. 21.

Psal. 7. 1.

qui *Tanquam leo rugiens circumit quarens quem deuor-* 1. Petr. 5.
ret, ut de vnô loquitur, Nequando, inquit, rapiat 8.

ut leo: sermonem verò esse de Diabolo, capere pos-
sumus ex eo valde probabilem cōiecturam, quod
cum inscriptio in hæc verba concepta sit: Psal-
mus David, quem cantauit Domino, pro verbis Chu-
si filij Iemini, Aquila D. Hieronymo teste vertit,
pro verbis Æthiopis, Diaboli autem facies super
carbones denigrata est, peccati teterrima fuligi-
ne, quâ qui infecti sunt, meritò Æthiopes au-
diunt, ut filij Israël apud Amos. Nunquid non ut Amos 9.
filij Æthiopum vos estis mihi, filij Israël ait Dominus? 9.

Quò etiã videri potest respexisse alius propheta
cum populū castigans ait, Si mutare potest Æthiops Ierem. 13.
pellem suam. Omnibus ergo peccatoribus Æthio- 23.
pis nomen non malè conuenit, sed præ cæteris
Damoni, qui etiam super cæteros peccati sordi-
bus & atrore deturpatus est.

4 Cæterum quemadmodum cælestis illa Ieru- *Idem pro-*
salem, cuius supremus Rex & ipse Deus, Rex Re- *batur ex*
gum & Dominus dominantium, suos habet ordines, *Ecclesia*
ut diximus, Angelorum, suosque Principes, qui *guberna-*
Monarchicò more dominantur: ita Ecclesiã suam *tionem.*
Christus quæ etiam regnum cælorum frequenter Apoc. 19.
appellatur in scripturis, in suos ordines digessit, 16.
ut tota administratio ab vnô dūtaxat capite pen-
deret. Est enim cælestis illa Ierusalem typus qui-
dam, & expressio Ecclesiæ, ad cuius exemplar hæc
à Christo Domino fundata est, & in suas distin-
cta Hierarchias, quæ tamen omnes vni summo
Pastori, ac Hierarchiæ Christi in terris vicario,
aspectabilique Ecclesiæ vniuersæ capiti subiiciū-
tur. Quare S. Ioan. in Apocalypsi. Vidi, inquit, Apoc. 21.
civitatem sanctam Ierusalem, nouam descendentem de 2.
cælo,

54 *Institutio politica ex sacris Scripturis.*

Lib. 3. de
confid.
paulò ante
finem.

cælo, à Deo paratam. quem locum explicans sanctus Bernardus, ita scribit. *Ego enim propter similitudinem dictum reor, quod sicut illic Seraphim, & Cherubim, ac ceteri quique usque ad Angelos & Archangelos ordinantur sub vno capite Deo, ita hic quoque sub vno summo Pontifice Primates vel Patriarcha, Archiepiscopi, vel Episcopi, Presbyteri, vel Abbatessæ, & reliqui in hunc modum. Quod si dicat Episcopus nolo esse sub Archiepiscopo, aut Abbas nolo obedire ego, hoc de cælo non est. Nisi tu forte Angelorum quempiam audisti dicentem: Nolo sub Archangelis esse, aut ex alio quolibet inferiorum ordinum aliquem non ferentem subesse cuiquam nisi Deo.* Hactenus Bernardus. Porro Ecclesiam sub vno capite gubernari, figuræ scripturarum quæ de illa sunt, Christique Domini expressa verba declarant.

Cant. 6.3. In canticis de Ecclesia dicitur. *Pulchra es amica mea, suavis, & decora sicut Ierusalem: terribilis ut castrorum acies ordinata.* De eadem Daniel ita vaticinatur. *In diebus autem regnorum illorum, suscitabit Deus cæli regnum, quod in æternum non dissipabitur.*

Dan. 2.
44.

Ioan. 10.
16.
1. Petr. 3.
20.

Apud Ioannem etiam Christus Dominus Ecclesiam suam ouile quoddam esse dicit, & D. Petrus similem naui, seu Arcæ illi Noëticæ eandem facit Ecclesiam. Certum autem est nec exercitum sine Imperatore, nec regnum sine Principe, nec ouium gregem sine Pastore, nec tandem nauim aliquam sine Nauiculario, qui illius cursum dirigat gubernari posse; ac proinde etiā Ecclesiæ vniuersæ vnū aliquem præfici debuisse, cui illius procuratio & regimen demandaretur. Christi autem testimonia quibus hoc idem confirmatur, ad eò sunt aperta, ut nullus, qui fidem nō deseruerit, negare audeat. Vnum & alterum duntaxat proferam, ne longum faciam, in re præsertim eruditè, & solidè, ab aliis

aliis contra Ecclesiæ ac fidei perduelles disputa-
 ta. Primum est apud S. Mathæum, cum Christus
 Petrum alloquens post illustrem illam confessio-
 nem qua Petrus illum prædicauerat, & agnoue-
 rat Deum, ait. *Et ego dico tibi, quia tu es Petrus. &*
super hanc petram ædificabo Ecclesiam meam, & porta Matth. 16.
inferi non præualebunt aduersus eam, & tibi dabo clauēs 18.
regni cælorum, & quodcunque ligaueris super terram,
erit ligatum & in cælis, & quodcunque solueris super
terram, erit solutum & in cælis. Est autem adeo il-
 lustre hoc Christi Domini testimonium, vt scri-
 pserit Gregorius. *Cunctis Euangelium scientibus li-* Lib. 4. epi-
quet, quod voce Dominica sancto & omnium Aposto- stola 32.
lorum Principi Petro, totius Ecclesiæ cura commissa est.
Ipsi quippe dicitur, Tu es Petrus, & super hanc petram
ædificabo Ecclesiam meam. Alterum Christi testimo-
 nium est apud S. Ioannem, cum enim ex Petro
 Dominus trina percontatione quaesiuisset an se
 diligeret, ad extremum addidit. *Pasce oves meas.* Ioan. 21.
 Vox autem pascendi non modo apud scriptores 17.
 sacros, sed etiam apud profanos, adhibetur ad si-
 gnificandum in subditos Imperiū, ita enim Poë-
 ta Græcorum Regem appellauit ποιμένα λαών, Pa-
 storem populorum, & vox Hebraica. רָצַח & pas-
 cere significat & regere. Propterea in Psalmo le-
 gere possis, *Dominus regit me, vel Dominus pascit* Psal. 22. 1.
me, vel vt vertit D. Hieronymus: Dominus Pater
meus. Rursus quod est in Psalms, & Apocalypsi,
Et ipse reget eos in virga ferrea, Græcè est. *καὶ αὐτὸς* Psal. 2. 9.
ποιμαίνει αὐτοὺς ἐν ῥάβδῳ σιδηρᾷ, hoc est, & ipse pascet Apoc. 19.
eos. Quare S. Leo, *De toto, inquit, mundo vnus Pe-* 15.
trus eligitur, qui & vniuersarum gentium vocationi, &
omnibus Apostolis, cunctisq; Ecclesiæ Patribus prepo-
natur: & quamuis in populo Dei multi sacerdotes sint, Serm. de
assumpt.
sua ad Pō-
tificatum.

tusconsultum, ut ista fierent, sed ad Ducum
 imperantium nutum (quod Monarchiæ argu-
 mentum est) facta fuisse in Scriptura narrantur.
 Quod verò attinet ad Reges, quia res est explo-
 ratissima, nec ullus inficiatur, ab eorum dumta-
 xat voluntate rempubl. aptam fuisse, ab afferen-
 dis exemplis supersedebimus. Nec verò regiam
 potestatem improbavit Dominus, quasi minus
 perfectam reipub. gubernandæ formam; imo cum
 populus Regem sibi à Samuele flagitaret, iussit
 Dominus Prophetam illorum postulatis acquie-
 scere, quamquam sibi ab illis illatam iniuriam est
 conquestus, quod Regem optassent, quasi Domi-
 ni Dei, quem tantum ad eam diem Regem agno-
 uerant, satietas illos incessisset. Dixit enim ad
 Samuelem. *Audi vocem populi in omnibus que lo-* 1. Reg. 8.
quuntur tibi, non enim te abiecerunt sed me, ne regnem 7.
super eos. Illum enim populum peculiari cura re-
 gendum sibi Dominus reseruauerat, & cum re-
 gna terræ, quasi mensorio funiculo, Principibus
 distribueret, illum quasi hæreditatem suam esse
 voluit, quem ipse regeret, & peculiari cura tue-
 retur, coleret faceretque meliorem. *Quando di-* Deut. 32.
uidebat Altissimus gentes (dicitur in Deuter.) quando 8.
separabat filios Adam, constituit terminos populorum,
iuxta numerum filiorum Israel. Pars autem Domini
populus eius, Jacob funiculus hæreditatis eius. Et pau- num. 12.
lò post, Dominus solus Dux eius fuit, & non erat cum
eo Deus alienus: Constituit eum super excelsam terram,
ut comederet fructus agrorum, ut sugeret mel de pe-
tra, oleumque de saxo durissimo. Et tamen populus
 hic tam multis auctus beneficiis, *Incrassatus est* num. 15.
dilectus, & recalcitranis, incrassatus, impinguatus, di-
latatus, dereliquit Deum factorem suum, & recessit à

58 *Institutio politica ex sacris Scripturis.*

Deo salutaris suo; Dixitque ut est apud Oseam. *Non*
Osee 10. *est Rex nobis, non enim timemus Dominum, & Rex*
3. *quid faciet nobis?* Hæc igitur querimonia Domini,
& expostulationis causa fuit. Quamquam aliter
etiam peccatum est ab Israelitis, cum Regem sibi
1. Reg. 8. præfici petierunt. Non enim Regem simpliciter
5. postularunt, sed *sicut uniuersa habent nationes*, Per-
sa nimirum, Ægyptij, Syri, Chaldæi, finitimique
populi, apud quos Reges tyrannidi proximam
potestatem obtinebant. Cum enim duplex sit Re-
giæ potestatis modus, finitus alter certisque le-
gum, & conuentorum vinculis astrictus, alter
verò nullis circumscriptus finibus, cum scilicet
Reges quid libet possunt in leges, in subditos,
eorumque fortunas, quod dominandi genus sanè
barbaricum, eo tempore apud multas obtinebat
nationes, & tot postea sæculis pauculis verbis
expressit Dominus cum dixit Zebedæi filiis pri-
Marc. 10. matum affectantibus. *Scitis quia hi qui videntur*
42. *principari gentibus, dominantur eis, & principes eorum*
potestatem habent ipsorum. Græcè *οἱ δατεῖσθαι οἱ ἀνοῦτες*
ἀρχεῖν τὴν ἰθὺν καὶ ἀκυριεύουσιν αὐτοῖς, καὶ οἱ μεγάλοι αὐτοῖς
κατεξουσιάζουσιν αὐτοῖς. Vbi voces *καὶ ἀκυριεύουσιν*, &
κατεξουσιάζουσιν, abusum significant Regiæ pote-
statis, cum scilicet Princeps, non publicum, aut
subditorum bonum, sed commodum suum, suas-
que libidines respicit; hanc inquam dominandi
formam, nondum suo malo docti Israelitæ po-
stularunt, quare vorum illorum damnauit meri-
tòque succensuit Dominus, quod regiæ maiesta-
tis splendore, quam in vicinis populis admira-
bantur, illecti, genus illud gubernationis præ
aliis optassent. Adde Samueli tanto viro, tamque
de republ. diu & sanctè temperata bene merito,
grauem

grauem sanè irrogatam fuisse iniuriam, postulatione, ac præpropere illa Regis creandi festinatione, qua nimium prouecti non refugerunt patriæ parentem, senio confectum in ordinem redigere, Rege superinducto. Hæc igitur peccata ab Israelitis.

6 Quintum sequitur argumentū depromptum ex proprietatibus optimi regiminis. Hæ autem in Monarchia magis elucet, quam in aliis gubernationis formis. Prima autem proprietas sit, Ordo; illa enim melius instituta respubl. censenda est, in qua ut quodam loco præcipit D. Paulus, *Omnia honestè, & secundum ordinem sunt*, quæ verò respubl. ordinem desiderat, ea *Ciuitas vanitatis* appellatur ab Isaia, ita enim vertit noster interpres, quod ex Hebræo vertere potuisset, *Ciuitas inordinationis*. Porro inter superiores & inferiores ordo consistit, cum scilicet subiiciuntur aliqui, aliqui rursus imperant, quod in Monarchia perfectius locū habet, in qua nullus planè est, qui maiori non subdatur, Principi nimirum: cum interim in Democratia pares sint omnes, quamuis sint de facie populi; in Aristocratia autem si non plebs optimatibus, saltem optimates inter se ita sint pares, ut inter eos superiorum, & inferiorum nullus sit ordo constitutus; in vnius autem dominatu illud Ecclesiastæ locum habeat, *Excelsus excelsior est alius*, & super hos quoque eminentiores sunt alij, & insuper vniuersa terra Rex imperat seruienti. Secunda proprietas est concordia, quo quasi glutino ita continentur inter se Reipublicæ partes, ut si hæc desit, statim in diuersa distractæ, & diuisæ funditus intereant. Quare S. Paulus tam frequenter, tam seriò Christianos admonet ut idem sentiant, idem velint,

Idem probatur ex proprietatibus bonæ gubernationis.

1. Cor. 14.
40.
1a. 24. 10.

Eccles. 3.
7.

60 *Institutio politica ex sacris Scripturis.*

I. Cor. I.
10.

Rom. 15.
6.

Rom. 12.
16.

Ecclef. 15.
1.

Iud. 15. 4.

velint, idem loquantur, ne si concordia iacturam fecerint, omnia in rempubl. mala, & incommoda impetum faciant. *Obsecro, inquit, vos fratres per nomen Domini nostri Iesu Christi ut id ipsum dicatis omnes, & nō sint in vobis schismata, sitis autem perfecti in eodē sensu, & in eadē sententia.* & alibi vult eos esse *Vnanimis, & id ipsum inuicem sentientes, non ignorās illud Ecclesiast.* *In tribus placitum est spiritui meo, quae sunt probata coram Deo, & hominibus. Concordia fratrum, & amor proximorū, & vir & mulier bene sibi consentientes.* Porro in Democratia, aut Aristocratia, discordia frequentes existunt, dum in contraria studia alij ab aliis scinduntur, seditiones etiam nonnunquam excitantur, quae corpus vniuersitatis lacerant, imò saepenumero tot sunt sententiae quot capita, ut illis euenire videatur quod trecentis illis Sampsonis vulpeculis, quae caudis quidem inter se colligabantur, capitibus interim aliō spectantibus & tendentibus. Quamuis enim in senatu aliquo, verbi gratia, consilio experientiaeque valeant senatores aliqui, quorum sententia si obtineret saluam rempubl. facere posset, quia tamen suffragia non appenduntur, sed numerantur, aliique aliud volunt, suis quique animi perturbationibus, & cupiditatibus incitati, fit, ut discordiarum ciuiliū incendium existat, quod postquam eas absumpsit respubl. in quibus primū exarsit, finitimos etiam corripit, ac deuastet, ad eum planē modum quo Philistinorum segetes, & maturae fruges flammis ab illis vulpibus importatis conflāgarunt. Tertia proprietas, quae ex secunda consequitur, est, quod in vnum collecta virtus fortior sit quā dissipata: in Aristocratia autem, & Democratia in multas quasi partes

partes virtus distrahitur, ac propterea minus habet ad agendum potentia, & efficacitatis: adeoque cum suas exercere vult vires ad aliquid perficiendum, in vnum ciues omnes conspirent necesse est: Alioqui diremptis diductisque viribus, conatus omnis cassus erit, & in irritum cadens. Ad eum planè modum quo multi in ingentis molis saxo funibus attrahendo ita vires communicant, vt summa conspiratione simul nitantur oporteat, si opus inceptum promouere velint. Quod cum in Democratia, aut Aristocratia contingit, tunc ciues Reipubl. seruiunt humero vno, Sophon. 3. vel vt habet Septuaginta sub iugo vno. Hoc autem, 9. quod rarum admodum est in aliis Reipubl. formis, perpetuum est in Monarchia; cum enim vnus duntaxat expectatur imperium, facilius vires expediuntur, adhibenturque constantius. Quarta proprietas est, facilitas gubernationis: est autem multo facilius Principem vnum bonum nancisci, quàm centum, aut eo amplius probos, integrosque Senatores, qui rem familiarem suam præ republica ampliorem facere non studeant, qui cum aliis æqualibus contentiones non exerceant, qui, dum propriis commodis, aut cupiditatibus seruiunt, rei bene gerendæ occasiones non corrumpant. Beatus enim diues, qui inuentus est Eccles. 31. sine macula, & qui post aurum non abiit, nec sperauit in pecunia thesauris. Quis est hic, & laudabimus eum? 8. fecit enim mirabilia in vita sua. Optandumque magis quàm sperandum est, vt D. Pauli admonitioni pareatur, vt scilicet, Nihil (fiat) per contentionem, Philipp. 2. neque per inanem gloriam, sed in humilitate superiores sibi inuicem arbitrantur. Bonoque publico proposito sua quisque compendia negligat, Non qua sua Ibid. n. 4. sunt

62 *Institutio politica ex sacris Scripturis.*

- sunt singuli considerantes, sed ea quæ aliorum; sed illud*
- Ibid. n. 21. *frequentius locū habet, Omnes quæ sua sunt querūt, & laus illa Timothei cum paucis communicari potest, quem S. Paulus Vnanimem, & sincera affectione pro omnibus sollicitum fuisse testatur.*
- Philipp. 2. 21. *Vnius dominatum in scripturis promittit ut magnum bonum.*
- 7 Tandem ut huic capiti clausulam imponamus, vnus dominatus ita proponitur in scripturis, ut de illo sermo sit quasi de ingenti aliquo bono. Itaque Abimelech nouis rebus studens apud Sichimitas, regnumque affectans apud populares suos, cognatis, & suffragatoribus suis hanc rationem suggerit, qua potissimum animos conciuium suorum pelliciant, ut se eligant in Principem. Loquimini, inquit, ad omnes viros Sichem, quid vobis est melius ut dominantur vestri Septuaginta viri, aut ut dominetur vnus? quasi dubium esse non possit; hac machina ex communi hominum sensu deprompta, Septuaginta filiorum Ierobaal Oligarchiam euerti posse, quod etiam consecutus est. Verum, quod majus habet pondus, ipse Dominus per Prophetas suos non semel Monarchiā pollicetur quasi excellens quoddam bonum, & ipsis vehementer optabile. Et suscitabo, inquit, super eas Pastorem vnum, cui similis est illa pollicitatio, quæ est apud Oseam. Et congregabuntur filij Iuda & ponent sibi caput vnum. & apud Ieremiam, Non dominabuntur eis amplius alieni, sed seruient Domino Deo suo, & David Regi suo, quem suscitabo eis, & idem Salomonis sensus fuisse videtur cum ait; Propter peccata terra multi Principes eius, quod in Aristocratia, & Democratia præcipuè verum est, sed aliquo etiam modo in Monarchia, cum scilicet frequentatis Principum funeribus, crebra Regum successionē multi eodem ferè tempore ad
- reipu

reipubl. gubernacula sedent, & Monarchia in quamdam quasi Aristocratia formam degenerat, certè eadem fere sentit incommoda. Verissimum enim est effatum illud Ieremiæ; *Pastores multi demoliti sunt vineam meam.* Quod etiam euenit cum iustum aliquod regnum inter se aliqui, vel successionis iure, vel etiam gladiis partiuntur. Tunc enim nihilominus Pastores multi populis inducuntur, qui maiores quàm pro ditionis angustiis concipientes spiritus, subiectos populos deglubunt potius quàm tondent. Hinc S. Lucas, cadens ac pene prostratum Iudæorum regnum describens in quatuor tetrarchias diuisum narrat, vt ex eo satis intelligere liceat proximè ab interitu abfuisse, cum in tot frustra distractum esset ac prope dixerim laceratum. Nam iuxta dictum Domini. *Omne regnum in se ipsum diuisum desolabitur.*

Ierem. 12.
10.

Luc. 3. 1.

Luc. 11. 17.

Mulieres Imperiis regendis vt plurimum aptas non esse.

C A P V T V.

RArò admodum contingit fœminam adeò excellenti pudentiâ, constantiâ, consilioque præditam esse, vt Reipubl. gubernandæ par esse possit. Ea causa est quamobrem, si ius sinat (interdum enim successionis iure veniunt ad Principatum) à gubernandi munere sunt, vel remouendæ, vel certè ad illud non adhibendæ.

Ac primò quidem id persuadet ipsa naturalis earum conditio, factæ enim sunt à Deo ad paren-

*Probat
ex natu-
rali earum
conditione,
quia facta
magis ad
parendum.*

dum

64 *Institutio politica ex sacris Scripturis.*

dum magis quàm ad regendum, totàque impe-
randi prouincia viris demandata, fœminæ verò
planissimè, & disertissimè à Domino dictum;

Gen. 3. 16.

Sub viri potestate eris, & ipse dominabitur tui. Qua ra-
tione vtitur D. Paulus, vt docendi munus mulie-
ribus minimè conuenire ostendat, quippe quæ
aliis præesse non debent, sed potius obedire, & à

1. Tim. 2.

II.

viris docentibus discere: *Mulier, inquit, in silen-
tio discat, cum omni subiectione. Docere autem mulieri
non permitto, neque dominari in virum, sed esse in silen-
tio, Adam enim primò formatus est, deinde Eua, (ac
proinde sub potestate viri esse debet, & illius
dominari) & Adam non est seductus, mulier autem
seducta in prauaricatione fuit.* Huc etiam respexit,

1. Cor. 14.

34.

Ephes. 5.

22.

idem Apostolus cum ait; *Mulieres in Ecclesiis ta-
ceant, non enim permittitur eis loqui, sed subditas esse,
sicut & lex dicit. Et rursus, Mulieres viris suis sub-
ditæ sint sicut Domino, quoniam vir caput est mulieris.*
Huius autem viri in mulierem potestatis insigne
est, velamen illud, quo S. Paulus mulieres iubet

1. Cor. 11.

7.

nubere capita, cum ait. *Vir quidem non debet velare
caput suum, quoniam imago & gloria Dei est, mulier
autem gloria viri est. Non enim vir ex muliere est, sed
mulier ex viro. Etenim non est creatus vir propter mu-
lierem, sed mulier propter virum. Ideò debet mulier po-
testatem habere super caput. τὸ Potestatem, Græcè ἐξου-
σίαν sunt qui vertunt velamen, sensum potius Apo-
stoli secuti, quàm vim vocis. Significat autem
Potestas hoc locò auctoritatem, ius, imperium,
principatum viri in mulierem, cuius nota vela-
men est, quod capitibus fœminæ iniiciunt, quasi
professæ virum earum capiti insidere, & domi-
nari. Huius etiam potestatis virorum in mulie-
res argumentum est, quod vxores maritos suos*

Domini

Dominos appellare consueuerant apud Hebræos. Sic enim aliquando (inquit D. Petrus) & sanctæ mulieres sperantes in Deo ornabant se, subiecta propriis viris, sicut Sara obediebat Abraha, Dominum cum vocans. Is locus est in Genesi. Cum enim Angelus Abrahamo filium ex Sara illi nasciturum fuisset pollicitus; Risi oculiè (Sara) dicens. Postquam consenui, & Dominus meus vetulus est, voluptati operam dabo? Iudicum etiam libro de vxore Leuitæ tota nocte vim passa dicitur. At mulier recedentibus tenebris venit ad ostium domus, ubi manebat Dominus suus, & ibi corruit. Et Betsabee eâdem ratione Dauid Dominum suum appellauit. Nonne, inquit, tu Domine mi Rex iurasti mihi? 1. Petr. 3. 5. Genes. 18. 12. Iud. 19. 26. 3. Reg. 1. 13.

2 Altera causa est muliebris imbecillitas animi æquè ac corporis, sexui illi innata, quæ pondus Imperij, sane grauissimum, sustinere non potest. *Ecce hoc inueni, inquit Ecclesiastes, vnum & alterum, ut inuenirem rationem, quam adhuc queris anima mea, & non inueni. Tò vnum, & alterum.* Idem probatur quia destituta animi, & corporis vigore; qui ad gubernandū necessarius est. Caictanus Italicæ linguæ proprietatem secutus ut melius rem exprimeret vertit. *Vnam per vnam*, id est, diligenter, & minutim omnium mulierum naturas, propensiones, studia, consideraui. Quid verò tam diligentem tam sapientis viri inuestigationem consecutum est? *Virum de mille reperi vnum, mulierem ex omnibus non inueni.* Paucos sanè viros reperi, qui viri nomen, factis, & virtute tuerentur; at verò mulieres prorsus nullas, quæ à prudentia, consilio, fortitudine ciuili laudari possent. Itaque egregiè idem Salomon sapientis mulieris characteres descripturus, exorditur ab earum raritate, præsertim si fortitudinem requiras, & cum iis mercibus comparat quæ ab vltimis vsque terræ

66 *Institutio politica ex sacris Scripturis.*

Prou. 31.
10.

finibus ad nos aduehuntur, ac propterea sunt in pretio. *Mulierem, inquit, fortem quis inueniet? procul, & de ultimis finibus pretium eius.* Nec tamen Salomon mulierem hanc cuius ideam quamdam egregiis coloribus describit, & à prudentia potissimum & solertia commendat, continuò ad Reipubl. gubernacula sedere iubet, sed eam tantum domesticæ disciplinæ Præsidem constituit, familiaræque moderatricem, cui præsit imperando, exemplis præeundo, lanam faciendo, colum tenendo, ponendo in gremio calathum, fusum ro-

Ibid. n. 13.

tando, stamina pollice ducendo. *Quasiuit, inquit, lanam, & linum, & operata est consilio manuum suarum. De nocte surrexit, deditque predam (id est cibum) domesticis suis, & cibaria ancillis suis. Considerauit agrum, & emit eum, de fructu manuum suarum plantauit vineam. Accinxit fortitudine lumbos suos, & roborauit brachium suum. Gustauit, & vidit quia bona est negotiatio eius, non exstinguetur in nocte lucerna eius. Manum suam misit ad fortia, vel ut habent Septuaginta, ad utilia, & digiti eius apprehenderunt fusum. Manum suam aperuit inopi, & palmas suas extendit ad pauperem. Non timebit domui suæ à frigoribus nivis, omnes enim domestici eius vestiti sunt duplicibus. Stragulatam vestem fecit sibi, byssus, & purpura indumentum eius. Cum tamen hæc, aliaque nonnulla in tam præstantis foeminæ laudem ore pleno dixisset Sapiens; omnes tamen publicas functiones illius marito reseruauit, eamque à tractanda*

Ibid. n. 23.

Reipubl. penitus remouit. Nobilis, inquit, in porta (id est in senatu, in curia) vir eius, quando sederit cum senatoribus terra, ipsa interim portas non frequentet aut forum, sed domi se contineat, eo

Ibid. n. 31.

contenta quod laudent eam in portis opera eius, vel
vt

ut habet Aquila, Symmachus, Thodotio. *Laudetur in portis vir eius.* hoc sensu, ipsa satis habeat rem domesticam labore, industria, œconomicamque disciplinam continendo facere ampliores: vir autem eius ad Rempubl. accedat, & magistratibus, publicisque muneribus gerendis gloriam consequatur. Facit etiam ad eandem, de qua agimus, mulierum imbecillitatem ostendendam, id quod à Propheta de Ægyptiis, qui sibi aliquid sapere, & nonnihil posse videbantur. *In die illa, Isa. 19. 16.* inquit, erit Ægyptus quasi mulieres, & stupebunt, & timebunt à facie commotionis manus Domini exercituum, quam ipse mouebit super terram. In omnes enim fere mulieres illud quadrat, quod dicitur in Deuteronomio. *Tenera mulier, & delicata, quæ super Deut. 28.* terram ingredi non valebat, nec pedis vestigium figere propter molliem, & teneritudinem nimiam: quæ mollieties ab habitu corporis transit ad animum, & cum illo communicatur. Hic mihi aliquis Deborah obiiciat, quæ *Iudicabat populum, & sedebat Iud. 4. 4.* sub palma, quæ nomine illius vocabatur, inter Rama, & Bethel, in monte Ephraim, ascendeabantque ad eam filij Israel in omne iudicium. Sed qui hæc obiiciunt, animaduertant eam ibidem Prophetidem vocari, ut mirum non sit fœminam populo præesse potuisse, quam Domini Spiritus agebat. Quamquam etiam video in bellica expeditione contra Sisaram, ducem fuisse renunciatum Barac, Dei ipsius iussu, ne tanti facti fœmina dux foret, dicitur enim ibidem. *Quæ misit, & vocauit Barac filium Ibid. n. 6.* Abinoem de Cedus Nephtali, & de filiis Zabulon, dixitque ad eum: Præcepit tibi Dominus Deus Israel, vade, & duc exercitum in montem Thabor, &c. Qui fortissimi sunt, ij in Scripturis sacris vtraque

manu ita scienter uti dicuntur, ac si esset dexte-
 ra. *Inuenique sunt*, dicitur in libro Iudicum, *vigin-
 ti quinque millia de Benjamin educentium gladium,
 præter habitatores Gabaa, qui septingenti erant viri for-
 tissimi, ita sinistra ut dextra præliantes.* & de Aod di-
 citur eodem libro, *Suscitauit eis, Dominus* (scilicet
 Israelitis) *saluatorem vocabulo Aod, filium Gera, filium
 Iemini, qui utraque manu pro dextera utebatur.* Hoc
 autem natura mulieribus denegauit, si enim cu-
 riosis harum rerum exploratoribus credimus, nul-
 la prorsus mulier inuenitur, quæ utraque manu
 pro dextera uti possit, solisque viris naturæ qua-
 dam facultate donatum est, ut id longa assuetu-
 dine consequi possint, quasi mulieribus, natura
 refragante, in numerum, ac censum fortium, ad-
 scribi non liceat. Itaque Dominus cum iubet du-
 ces suos populi vniuersi censum inire. *Quidquid,*
inquit, sexus est masculini à vigesimo anno & supra,
omnium virorum fortium ex Israel, muliebri imbecil-
 litati testimonium dans quod scilicet ad difficilia
 capessenda vires, & animus illis non suppetant.
 Quod ad spirituales sensum suo more transferēs
 Origenes. *Donec, inquit, inest alicui nostrū vel pueri-
 lis, & lubricus sensus, vel fœminea & resoluta segnities,*
*haberi apud Deū in sancto, & consecrato numero nō me-
 remur.* Hinc Pharaō licet Hebræorū genti infen-
 sissimus, quā si posset, radicitus cupiebat excinde-
 re, aut certè adeo atterere, ut ab eis nihil sibi time-
 re posset Ægyptus, non vetuit fœminas educari, à
 virili tantū sexu, sibi, regnóque timēs. Viros enim
 fortes quales postea experta est Ægyptus, Mo-
 sen, & Aaron, malū aliquod imperio suo creare posse
 intelligebat, fœminas verò tātō in pectore spiri-
 tus concipere nō posse sentiebat, ut ab eis incom-
 modum

Iud. 10. 15.

Iud. 3. 15.

Hipoer.

Aphorif.

sect. 7. cap.

44.

Plin. lib. 7.

c. 17.

sum. 1. 2.

Initio Cō
ment. in
Numer.

Exod. 1.

75.

modum aliquod in Ægyptum importari posset.

3 Hæc verò de qua hæctenus dictum est mulieris imbecillitas, & mollitudo, agnatam habet inopiam quamdam consilij, & prudentiæ. Quare quod Eue accidit, quæ blandientis pomi pulchritudine capta, serpentisque venenatis verbis, sed dulcibus pellecta, seipsam, & virum, nòsque omnes in ingens malorum barathrum præcipites dedit, id aliis etiam frequenter vsu venire solet.

Idem præbatur quod illarum consilium imbecillum sit, facileq; decipiantur.

Sexus enim mulierum, inquit Chrysostomus, *incantus & mollis est*: incantus, quia non omnia quæ videt, aut audit, cum sapientia, aut ratione considerat: mollis autem, quia facile flectitur, vel de malo ad bonum, vel de bono ad malum. Imo idem Chrysostomus ali-

Hom. 23.
in Matth.

bi docet mulierum proprium esse, decipi. Quæ etiam causa est, propter quam illas Apostolus à docendo submouet. *Adam enim*, inquit, *non est seductus, mulier autem seducta in prauaricatione fuit*.

Hom. 23.
in epist. 2.
ad Cor.

quasi diceret. Mulieres magis patent erroribus, seducuntur facilius, deceptionibus magis obnoxie sunt, periculosum igitur illis est, aut dogmata fi-

1. Tim. 2.
14.

dei tradere, aut fidelium moribus regendis præsidere, ne fortè quos ipsæ per imprudentiam hauserint errores, cum aliis comunicet, morboque vulgato ingens aliquod detrimentum Resp. patiatur. Enumeret hic mihi aliquis insignes aliquot mulieres ex Scripturæ sacræ monumentis, quorum prudentia aut inimicorum consilia Patriæ noxia discussa sunt, & euerfa, aut solerti iudicio prouisum est, ne impendens aliquod malum, aut familiam, aut gentem Hebræorū vniuersam corriperet. Talis sancta Iudith, quæ ciues suos deditionem meditantes in officio continuit; talis Esther quæ populū suū ab Amani fauore, Rege Asuero Iudæis, placato, & veritatē edocto liberauit;

70 *Institutio politica ex sacris Scripturis.*

Iudith 8.

10.

talīs Abigail quæ Davidis gladium à Nabalis marito sui ceruicibus auertit. Sed Iudith quamuis ad se vocatis presbyteris Chabri, & Charmi, illisque clementer increpitis effecisset ne de facienda hostibus intra tot dies deditio cogitarent, si auxilia à suis non suppeterent; ipsa tamen non prodiuit in publicum, non habuit concionem ad populum, sed quidquid hoc erat honoris, & oneris, senioribus reliquit. *Et nunc fratres, inquit, quoniam vos estis presbyteri in populo Dei, & ex vobis pendet anima illorum, ad eloquium vestrum corda eorum erigite*, ab illa etiam, de qua dixi, increpatione temperatura, nisi id Reipubl. tempōra, diuiniq̃ue nominis gloria postulassent, ipsaque peculiari instinctu, ad id faciendum fuisset impulsæ, quod &

Ibid. n. 11.

Ibid. n. 10.

ipsa testatur, cum ait. *Quod potui loqui, Dei esse cognoscitis*. Porro Esther magnum sanè attulit momentum ad res Hebræorum pene deploratas, ac depositas restituendas, populūq̃ue à cæde ad condictum diem decreta, liberandum. Sed nec inficiari quisquam possit magnum ei ad rem bene gerendam attulisse adiumentum ipsum Mardocheum patrum, insignis prudentiæ virum, & in Assueri aula diuturno tempore versatum, cuius ipsa sapiens consilium, etiam postquam in locum Vasthi renuntiata est Regina, ita excipiebat, ut ab eius præscripto, ne latum quidem vnguem discederet; id enim sacra historia narrante discimus. *Quidquid enim, inquit, ille precipiebat (Mardocheus scilicet) observabat Esther, & ita cuncta faciebat, ut eo tempore solita erat, quo eam parulam nutriebat*. Prudentia verò Abigail de qua dici-

Esther 2.

10.

tur in libro Regum, *Eratque mulier illa prudentissima, & economica potius fuisse videtur quàm politica;*

1. Reg. 15.

3.

litica; quæ etiam in domus incolumitate tuenda, & seruanda Nabalis mariti sui re familiari, & etiam vita, luculenter apparuit, vt Nabali illud accidere potuerit (nisi Dominus illum sustulisset) quod dicitur in Ecclesiastico. *Mulieris bona beatus vir: numerus enim annorum illius duplex, ereptus* Eccles. 26.
enim ab imminente cæde beneficio vxoris, vitam quam stultitia sua ipse sibi accersierat, longius produxisset.

4 Quamquam autem si illud tantum esset incommodum in muliere Principe, quod prudentia consilioque destituta minus quàm viri Reipubl. commodare possit, esset quidem etiam per se sumptum grande malum, & toto nisu à Repub. amoliendum: verùm illud sæpenumero accidit, quod deterius est, vt muliebres cupiditates potentia armatæ magis furant, & tanquam immanes bestię effractis clathris erumpant è caueis, diuina, humanaque omnia permisceant, perturbent, euertant. *Non enim est caput nequius super caput volubri, & non est ira super iram mulieris.* Idem probatur, quia vehementibus animi perturbationsibus commoueri solent.
Exemplo sit Eccles. 25.
Iezabel, quæ Prophetas Domini interfecit, Eliam 18.
capitali odio persecuta est, Naboth virum innocentissimum bonis paternis & auitis per summam iniuriam spoliauit, mariti sui simplicitatem irridens, quod regali potestate ad sua commoda vti nesciret, & quasi precario regnaret, honesta dumtaxat sibi licere ratus. *Dixit ergo ad eum Iezabel* 3. Reg. 18.
uxor eius: Grandis auctoritatis es, & bene regis regnum 4. & 19. 20.
Israel, surge, & comede panem, & equo animo esto, ego dabo tibi vineam Naboth Iezabelita, & consecutus est quidem Achab vineam Naboth, quam optauerat, liberauitque Iezabel fidem suam, quam scelerata pollicitatione viro suo obstrinxerat, in-

72 *Institutio politica ex sacris Scripturis.*

terim se multis grauissimisque scelerbus obli-
gans, quæ omnibus perspectissima sunt, quibus
historia illa nota est. Nec multum dissimiles He-
Matth. 14. rodiadis mores, quæ Regem acuit in S. Ioannem
8. Baptistâ, quem alioqui reuerbatur, & eo tandem
4. Reg. 11. impulit, vt capite truncare non vereretur. Quid
de Arthalia dicam, quæ sui regni exordium cæde
Regalis stirpis funestauit? quam cum Ioiadas Sa-
Ibid. n. 20. cerdos de medio sustulisset; *Latus est omnis po-*
2. Mach. *pulus, & ciuitas conquieuit.* Minus igitur mirum vi-
4. 30. detur si Tharsenses, & Mallotæ seditionem con-
citarunt, quod mulieri dono dati essent (quam-
quam illud etiam ægrè ferre potuerunt quod
diobolare scortum, turpitudinis infamia nota-
tum, illos cum Imperiò esset gubernaturû.) Nam
cum caput mulieris sit vir, vt supra ostensum est,
non ita æquo animo ferunt populi mulierem ha-
bere pro capite. Si enim turpe esse videtur, ac
periculosum, foeminam veste virili amictam, aut
virum stola, cultûve muliebri in publicum pro-
dire, quod vetatur in Deuteronomio. *Non indu-*
Deut. 22. *etur mulier veste virili, nec vir utetur veste feminea, ab-*
5. *ominabilis enim apud Deum est qui facit hac.* Ita etiam
absurdum est, & incommodum si mulier Imperij
thronum occupet, aut viri muliebribus imperiis
subiaceant.

An cum 5 Ex his autem quæ hætenus dicta sunt, colli-
mulieribus gi potest sapiens esse consilium, mulieres etiam
Imperij ar- coniunctissimas cuiusmodi vxores sunt, regni ar-
cana com- cana celare. *Ab ea qua dormit in sinu tuo*, ait Pro-
municanda pheta, *custodi claustra oris tui.* Formulâ autem illâ
sint. loquendi, *qua dormit in sinu tuo*, vxor describitur,
Mich. 7. 5. vt cum dicitur in Deuteronomio, *sine vxor qua est*
Deut. 13. *in sinu tuo*, & alibi. *Et vxori qua cubas in sinu tuo.*
6. *Est*
Ibid. 28. *Est*
56.

Est autem mira quædam vis in mulieribus ad id quod voluerint à maritis suis eblandiendum. Imminebant Sampsoni Philistiim, eum ad necem quærentes. Dalilam ergo, quam mulierem Sampson è Philistæorum gente adamauerat, mille, & centum argenteorum pollicitatione corrumpunt, ut ex ipso Sampson arcana eliciat, discatque in quo tandem sita esset admirabilis illius fortitudo. Vide quibus illum artibus, qualibusque verbis aggrediatur. *Dic mihi obsecro, in quo sit tua maxima fortitudo, & quid sit quo ligatus erumpere nequeas.* Sed Sampson cum fortasse mulieris ingenium suspectum haberet, quæ suis gratificandi studio teneretur, ac propterea vnam, & alteram, imò etiam tertiam petitionem obstinato silentio expulisset, illius tamen blanditiis, & importunitate fractus est. *Dixit enim ad eum Dalila. Quomodo dicis quod* *amas me, cum animus tuus non sit mecum? Per tres vi-* *ces mentitus es mihi, & noluisti dicere in quo sit maxi-* *ma fortitudo tua. Cùmque molestà esset ei, & per multos* *dies iugiter adhereret, spatium ad quietem non tribuens,* *defecit anima eius, & ad mortem usque lassata est. Tunc* *aperiens veritatem rei, dixit ad eam. Ferrum numquam* *ascendit super caput meum, quia Nazareus, id est con-* *secratus Deo sum, de utero matris mea: si rasum fue-* *rit caput meum, recedet à me fortitudo mea, & defi-* *ciam, eròque sicut ceteri homines. Hæc autem Sam-* *psonis inconstantia, & oculos illi, postmodum* *verò etiam vitam ademitt; Aliis mentis oculos* *aperire potest, & vitam dare, si obfirmato ad* *muliebria blandimenta animo, quæ* *tacenda esse statuerint, cum* *vxoribus non commu-* *nicauerint.*

Iud. 16.6.

Ibid. num.
15.

*De legitima ratione Principatus
capiendi, quæ est electio,
& successio.*

C A P V T V I.

*Duplex
ratio in
eûdi Prin-
cipatus
electio, &
successio.*

1 **D**Vplex tantum reperitur ratio ineundi Principatum (si tyrannicam occupationem excludas) ex sunt electio, & successio, de quibus meritò quis possit ambigere quænam potior sit, & Reipub. statui vtilior. Nos rationum, atque exemplorum momenta pro vtraque parte in medium afferemus, ex quibus sapiens lector de tota re iudicium ferre possit.

*Argumen-
ta quibus
videtur
probari
electionem
præstare
successioni.*

2 Ac primò quidem pro electione illud facit, quod si animis perturbatione vacuis ad illam veniatur, optimus eligi potest in Principem, talesque fermè ij fuerunt, quos electio euexit ad regnum. Nam (vt de Moyse, Iosué, aliisque populi ducibus quos ipsemet Deus Israëlitis gubernatores constituit, nihil dicam, quos sanctissimos fuisse satis constat) optimus & strenuissimus fuit Gedeon, de quo in libro Iudicum.

Iud. 8. 12. *Dixerunt omnes viri Israël ad Gedeon: Dominare nostri tu, & filius tuus, & filius filij tui, quia liberaasti nos de manu Madian. Talis Iephthe, qui cum Ammonitæ Israëlitas opprimerent, Principum Galaaditarum suffragio electus est, vt bella Domini depugnaret. Interposita enim iuramenti religione Principatus tradendi formulam in hæc verba Galaaditæ conceperunt. Dominus qui hæc audit ipse mediator, ac testis est, quod nostra promissa facia*

Iud. 11.
10.

faciamus (vt scilicet tu Princeps noster sis.) Abijs itaque Iephie cum Principibus Galaad, fecitque cum omnis populus Principem sui. Talis Saül egregia iuuenis indole, & ad virtutem propensa, nisi postea impotens ambitio, & regnandi cupiditas eam corruipisset, qui in Regem à Samuële inunctus est, Domino iubente, & postea populis volentibus, & Regem acclamantibus, & salutantibus ad Imperium est admotus. Talis Dauid, qui cum extincto Saül, diuino consilio, & iussu ab eodem Samuële Rex inauguratus esset, à viris Iuda in Hebron est ad Regnum admissus, & deinde ab vniuerso Israële, Isboseth ex humanis sublato, honorifica rerum ab eo gestarum commemoratione in Regem super omnes tribus est receptus. Venerunt enim vniuersa tribus Israël ad Dauid in Hebron dicentes, Ecce nos os tuum & caro tua sumus. Sed heri & nudiustertius, cum esset Saul Rex super nos, tu eras educens & reducens Israël. Dixit autem Dominus ad te, Tu pasces populum meum in Israël, & tu eris Dux super Israël. Venerunt quoque & seniores in Israël ad Regem in Hebron, & percussit cum eis Rex Dauid fœdus in Hebron coram Domino, vnixeruntque Dauid in Regem super Israël. Talis Ionathas, qui in Iudæ fratris locum, qui in bello fortiter ceciderat, subrogatus est electione amicorum Iudæ, vt sacra Machabæorum narrat historia. Et congregati sunt, inquit, omnes amici Iudæ, & dixerunt Ionatha. Ex quo frater tuus Iudas defunctus est, vir similis illi non est, qui exeat contra inimicos, Bacchidem, & eos qui inimici sunt gentis nostræ. Nunc itaque te hodie eligimus esse pro nobis in Principem, & Ducem ad bellandum bellum nostrum. Et suscepit Ionathas tempore illo Principatum, & surrexit lo-

1. Reg. 9.

24.

2. Reg. 2.

4.

2. Reg. 5.

1.

1. Machab.

9. 28.

76 *Institutio politica ex sacris Scripturis.*

Genes. 36. 33. *co Iuda fratris sui.* Talis etiam videtur fuisse S. Iob, de quo dicitur in libro Geneseos, *Mortuus est autem Bala, & regnavit pro eo Iobab.* (is est Iob iuxta veriore[m] sententiam) *filius Zare de Bosra.* Accepit ergo regnum electione, non successione, cum enim filius esset Zare, non tamen parentis sui Zare, sed Balæ Principatum dicitur obtinuisse. Tandem electione etiam regnum adepti sunt Melchisedech, & Adonisedech Reges Ierusalem, si vera est quorundam sententia, qui ex nominis originatione, quod Regem aut Dominum Iustitiæ significat, suspicantur non illud proprium Principum illorum nomen fuisse, sed appellationem potius muneris alicuius publici, quod sustinerent, quodque suffragatione circunciectorum Regum consequerentur, inter quos etiam ius dicerent, litésque componerent, si quando aliqua ut vsuvenire solet, contentio extitisset. Quam sententiam quod ad Melchisedech attinet, probabiliorem facit, quod illum binominem, & eundem cum Sem filio Noë multi faciunt. Quod autem pertinet ad Adonisedech, ex illius in vicinos Reges Imperio id satis quod diximus videtur confici. Ita enim dicitur in Libro Iosué.

Ios. 10. 1. & 3. *Quæ cum audisset Adonisedech Rex Ierusalem, misit ad Oham Regem Hebron, & ad Pharam Regem Ierimoth, ad Iaphia quoque Regem Lachis, & ad Dabir Regem Eglon dicens. Ad me ascendite, & ferte presidium ut expugnemus Gabaon. Nec solum illi duo Reges, aut cæteri qui Ierosolymis illis temporibus regnarunt, sed alij etiam aliqui orientis populi, Principes, aut Reges sibi electione optabant, quippe qui Magis hoc est sapientioribus, quosque naturæ bonitas, & diligens studium longius*

longiùs à vulgo, & plebe prouexerat, Imperij habenas credebant. Quam consuetudinem fortè respexit Ieremias cum ait. *Quis non timebit te ô Rex gentium? tuum est enim decus, inter cunctos sapientes terra* (quibus scilicet recepto more ad Regnum licet aspirare) *& in vniuersis regnis eorum nullus est similis tui.* Sunt etiam (vt hoc obiter attingamus, quando de gentium consuetudine in Regibus eligendis mentio incidit) qui putent Egyptios Pharaones eligi solitos fuisse in Principes, capiuntque coniecturam, ex eo quod dixit Dominus. *Media nocte ingrediar in Egyptum, & morietur omne primogenitum in terra Egyptiorum, à primogenito Pharaonis, qui sedet in solio eius, &c.* Cùm enim ipse Rex Pharaon tantæ calamitati superstes fuerit, colligunt eum primogenitum non fuisse, nec successione per quam Regnum in primogenitos traducebatur, cepisse Principatum, sed potius electione. Cæterùm argumentum hoc, vt probabile forte sit, certè non est necessarium, nam nec alij primogeniti videntur occisi quàm ij, qui parentes viuentes haberent, vt filiorum charissimorum cædis dolor in parentes redundaret, essetque parentum ac nominatim Pharaonis ipsius pœna. Et vt concedamus ab Angelo etiam eos interfectos qui primogeniti fuissent, licet parentibus iam essent orbat, nulla tamen ratio nos affirmare cogit, electione potius quàm successione ad regnum peruenisse Pharaonem; cum nonnumquam accadat, vt primogenito absque liberis extincto, successionis iure capiat principatum frater demortui Principis, secundo loco in lucem editus. Porro quemadmodum electione optimus quisque

Ierem. 10.

7.

Exod. 11.

quisque ad regnum vocari potest, ita successione frequenter ad Principis insipientis, tardi, stupidi, aut etiam crudelibus tyrannicisque moribus imbuti manus, habent Principatus deueniunt. Ideo Salomon se tam graui incómodo obnoxium animaduertens, parumque idoneum Regni successorem se relicturum timens, *Rursus, inquit, detestatus sum omnem industriam meam, quã sub sole studiosissimè laboraui, habiturus heredem post me, quem ignoro utrum sapiens an stultus futurus sit, & dominabitur in laboribus meis, quibus desudauit, & sollicitus fui, & est quidquam tam vanum? Vnde cessauit, renunciauitque cor meum ultra laborare sub sole. Nam cum alius laboret in sapientia, & doctrina, & solitudine homini otioso quæsitã dimittit, & hoc ergo vanitas, & magnum malum.* Nec verò solum ita accidere posse aliquando, sed frequenter euenire vsus ipse docuit, & prudentiæ magistra experientia. Quam longa fuerit series Regum Iuda, ex historia librorum Regum & Paralipomenon cognoscere facili negotio quilibet potuerit. Quam verò multi se integros seruauerint, & à Iustitiæ, orthodoxæque religionis tramite, veròque Dei cultu non declinauerint, Iosiam laudans docet Ecclesiasticus his verbis. *Memoria Iosie in compositionem odoris facta opus pigmentarij.* & paulò post additur. *Præter Dauid, & Ezechiam, & Iosiam, omnes peccatum commiserunt. Nam reliquerunt legem Altissimi reges Iuda, & contempserunt timorem Dei. Dederunt enim regnum suum alijs, & gloriam suam alienigenæ genti (quia nimirum ut ita fieret commeriti sunt.) incenderunt electam sanctuatis ciuitatem, &c.* Tandem, ut concedamus eximio quodam Dei beneficio Principes Regni successores optimam natos

Ecclef. 2.
18.

Ecclef.
49. 1.

Etos esse indolem ad virtutem capeſſendam, planéque tales, quales eos votis noſtris ſi daretur eſtingeremus; accidit nihilominus vt parentibus orbatî, dum adhuc puerilem agunt ætatem, nec dum negotiis tractandis apti ſunt, Reſpublica illud experiatur incommodum de quo ſapiens. *Vt Eccleſ. 10. tibi terra cuius Rex puer eſt, & cuius Principes manè 16. comedunt.* Et quamvis non deſint multi Regij curatores, Præfecti, Magiſtratus, Conſiliarij, rerumque gerendarum adminiſtri, illud tamen meritò timendum eſt, ne vel oſcitanter cuncta procurent, quippe mercenarij, non Paſtores; vel certè auaritiæ ſtudeant in omnem rei faciendæ occasionem intenti, illud potiſſimum curantes, qua ratione filios aut propinquos locupletent, & honorum inſignibus augeant, poſthabita interim eâ curâ, quæ potior eſſe debuiffet boni nimirum communis, & publicæ vtilitatis, vt in eos quadret conqueſtio illa Ezechielis. *Vt paſtoribus Iſraël qui paſcebant ſemetipſos. Nonne greges Ezech. 34. à paſtoribus paſcuntur? Lac comedebatis, & lanis operiebamini, & quod craſſum erat occidebatis: gregem autem meum non paſcebatis. Quod infirmum fuit non consolidatiſtis, & quod agrotum non ſanaſtiſtis, quod conſractum eſt, non alligaſtiſtis, & quod abiectum eſt non reduxiſtiſtis, & quod perierat non quaſiſtiſtis, ſed cum auctoritate imperabatiſtis eis, & cum potentia. Hæc Ezechiel, quæ mirum quantum mercenariis quibuſdam Rerumpublicarum, & iudiciorum adminiſtris, cum Dei, hominumque timorem poſthabuerunt, ad vnguem conueniant.*

3 Haſtenus pro electione diſputatum eſt. Nunc ad ſucceſſionem veniamus, pro qua multa afferri poſſunt. Ac primò quidem nobilitas Patrum, & Auorum

Argumenta pro ſucceſſione, contra electionem.

80 *Institutio politica ex sacris Scripturis.*

Auorum longa serie in clarissimos, ac potentissimos Reges genus suum referentium, magnum habet momentum ad ingenerandam in populis de Principe existimationem, virtutis opinionem, maiestatemque conciliandam; & quia ex Aquilis columbæ, ex Leonibus cerui, aut lepores non nascuntur, expectationem quamdam excitant, ut quemadmodum Principis parentes, aui, maiores, politica prudentia, & bellica virtute floruerunt, ita qui ex illis prognati sunt, & in Regno administrando successerunt, earundem virtutum exhibeant actiones. Quare Salomon eos beatos prædicat qui huiusmodi nati sunt Principem, cum ait, *Beata terra cuius Rex nobilis est.* vel ut Hebræo verti potest, *filius candidorum*, vel *candidatorum.* quæ dicendi formula in idem recidit, estque periphrasis nobilium, qui claræ illustrisque stirpis sunt germina. Itaque Patricios appellat Isaïas *altitudinem populi terra*, & ut est in Prouerbiorum libro: *Gloria filiorum Patres eorum.* Ideo in scripturis, qui egregium aliquid facinus perpetrarunt, quamquam propria virtute satis illustres videri poterant, maiorum tamen enumeratione nobilitantur. Phinees sacerdos, cum vidisset vnum de filiis Israël intrasse ad meretricem Madianitidem, zelo legis animo incensus, & efferuescens, virum simul & mulierem pugione confodit. Cum factum hoc scriptura commemorat, Phinees genus illustre nō tacuit. *Quod cum vidisset,* inquit, *Phinees filius Eleazari, filius Aaron sacerdotis, surrexit.* Mathathia etiam cuius virtus in asserenda Israël tamen libertate nobilitata est, genus, & Patria recensetur in Machabæorum libro, ut inde aliqua tanto viro accederet commendatio. *In diebus illis,* inquit, *surrexit*

*rexit Mathathias, filius Ioannis, filij Simeonis, sacerdos
 ex filijs Ioarib, ab Ierusalē, & consedit in monte Modin.*
 Magnū ergo Principi decus accedit ex nobilitate,
 quæ ex maioribus existit, magnum ad tractandum
 regnum adiumentum. Hoc autem spectatur in
 Principatus initiis. Illud enim est in electionibus
 incommodum, quod non ita pacatæ sint, & quietæ,
 sed plerumque seditionum turbinibus obnoxia,
 cum is ferè contemnatur, qui à priuatâ fortunâ
 obrepfit ad Principatus insignia; nec caret invidia,
 qui ex æquali repente cæteris omnibus tanto
 superior factus est, quantum Regium fastigium
 inter priuatos ciues eminet. Quod Saül tantis
 animi & corporis dotibus ornatus, tamque
 luculenta numinis voluntate ad regnum euocatus,
 vitare non potuit. Nam cum primū populo
 acclamante Regni possessionem adiuit; *Filij* 1. Reg. 10.
Belial dixerunt, Num saluare nos poterit iste? & des- 17.
spexerunt eum, & non attulerunt ei munera. Et san-
 ctus David canit in Psalmo. *In circuitu impij ambu-*
lant, secundum altitudinem tuam multiplicasti filios ho-
minū. Vel ut ex Hebræo verti potest. *Cum exaltati* Psalm. 11.
fuerint vilissimi hominum, ut sensus sit. Cum ad 9.
 Principatum infimæ fortunæ homines, nullaque,
 aut certè non adeo clara maiorum commendatione
 illustres, euehuntur (quod in electione contingere
 potest) tunc in circuitu impij ambulant, id est,
 omnia facinorosis & impiis hominibus infesta
 sunt, circuniectamque regionem per seditiones,
 perduelliones, popularesque tumultus obsident,
 certi tam obscuro capiti obsequium non præstare.
 Huc accedit omnium fere gentium consensus,
 quarum legibus sancitum est, vsuque receptum,
 ut regni successores non suffragiis in

82 *Institutio politica ex sacris Scripturis.*

optimatum, aut populi comitiis eligantur, sed filij parentibus, aut propinquis propinqui iure sanguinis succedât. Quæ etiam consuetudo apud Hebræos obtinuit, apud quos parentum imperium traducebatur ad filios iure successionis, vt Regum Iuda longâ seriem consideranti liquidò patebit. quamquam ad constituendos primos illos Reges, siue decem tribuum, siue Iuda, siue Israël's vniuersi, videtur populi accessisse suffragium, vel ad regnum conferendum, vt aliqui putant, vel ad Reges in adepti Regni possessionem mittendos. Nam primo Regum describuntur comitia populi in Galgalis celebrata ad Saullem Regem constituendum, à Samuele conuoca-

1. Reg. 11. 14. *ta. Dixit autem Samuel ad populum. Venite, ut eamus in Galgala & innouemus ibi Regnum. Et perrexit omnis populus in Galgala, & fecerunt ibi Regem Saül coram Domino in Galgala.* Hanc autem populi electionem respiciens Samuël, cum eundem populum alloqueretur, ait. *Nunc ergo præsto est Rex vester, quem elegistis.* David etiam populi conspiratione, & electione Rex primò in Hebron electus est, deinde vt dicitur secundo Regum, venerunt vniuersæ tribus Israël ad David in Hebron dicentes. *Ecce nos os tuum, & caro tua sumus, sed & heri, & nudiustertius cum esset Saül Rex super nos, tu eras educens, & reducens Israël. Venerunt quoque seniores Israël ad Regem in Hebron, & percussit cum eis David fœdus in Hebron coram Domino, vnixeruntque David in Regem super Israël.* Isboseth etiam populi suffragiis electus est, vel certè vt Saulis filius in Regem receptus, populo tamen, vt videtur, suffragante. *Nam Abner filius, Princeps exercitus Saül, tulit Isboseth filium Saül, & circumduxit eum*
per

per castra, Regemque constituit. Illa autem Isbosethi per castra circumductio ad captandas populi voluntates videtur instituta, ut cum postea in suffragia iuissent, Rex Isboseth declararetur. Rursus tribus duodecim ante scissum sub Roboamo imperium in Sichem congregatae ad Regem constitutendum Roboamo suffragari renuerunt, quod tributa quae à Salomonis tempore pendebant, minuere nolisset. Quamquam autem in horum Regum inauguratione aliquam habitam fuisse apparet populi rationem, illumque admissum fuisse ad electionem faciendam, vel saltem calculo suo comprobendam, credibile tamen est procedente tempore, consentiente populo, & de suo iure decedente, ita hoc ius in Reges fuisse translatum, ut eum admitterent Regem, quem legitimae successionis iure ad Principatum venisse, sibi quoque Regem substituisse constitisset. Hoc enim ius penes antiquos Hebraeos obtinuit, ut integrum esset Regi quem maxime ipse probasset, & aliis praefendum censuisset futurum Regem designare, nulla Primogeniorum habita ratione; eo fortè consilio ut successionis & electionis incommoda vitarentur, utilitates verò quae utrique inessent, accerferentur. Hanc ob causam expectabat Israël uniuersus, quem ex multis filiis quos susceperat David, Regni faceret heredem. Verum tamen Domine mi Rex, ait Bethsabée ad David, in te oculi respiciunt totius Israël, ut indices eis quis sedere debeat in solio tuo Domine mi Rex post te. Quod Davidi licere, etiam sensit Nathan Propheta, nam ad Davidem ingressus, ita eum interrogat. Domine mi Rex, tu dixisti: Adonias regnes post me, & ipse sedeat super thronum meum? Quasi dicat, si tuum

4. Reg.

12.

3. Reg. 1.

20.

Ibid. num.

24.

84 *Institutio politica ex sacris Scripturis.*

est hoc decretum, tuæ vt par est voluntati aquiescimus; alioqui caue ne alius aliquis temere irrumpat in regni possessionem. Roboam etiam ex viginti octo filiis masculis quos ex variis vxoribus, quas duxerat, suscepit; *Constituit in capite Abiã filium Maacha*, ducem super omnes fratres suos, ipsum enim Regem facere cogitabat, quia sapientior fuit & potentior super omnes filios eius. Hæc autem parentum in eligendis filiis ad regnum potestas suis incommodis non caret, in primisque suscitatur inter fratres discordias, odiique somentum ministrat, vnde postea alter frater alterius vitæ insidias struat, paratque perniciem, vt eius ad regnum spes possit intercipi. Exemplum habemus

2. Paral.

11. 22.

Genes. 37.

3.

in Genesi, nam *Israel diligebat Ioseph super omnes filios suos*, eo quod in senectute genuisset eum, fecitque ei tunicam polymitam. Videntes autem fratres eius, quod à Patre plus cunctis filiis amaretur, oderant eum, nec poterant ei quicquam pacificè loqui. Adeo autem conceptum odium cepit incrementum, eoque processit, vt fratrem suum in seruitutem tradere non dubitauerint, quamuis parentis sui luctum mente præciperent, & quanto se crimine obstringerent, non ignorarent. Multos genuerat filios Rex

2. Reg. 3. 5.

1.

Dauid, nec magis vni, quàm alteri regnum debebatur. Futurum hoc erat Regis iudicium, vt dictum est. Hinc statim Absalonis extitit ambitio adeo violenta & impotens, vt non blanditiis tantum, & officiis Israëlitas studuerit demereri, sed violato publicè per summam impudentiam parentis thoro, copiisque contractis, sancto Dauid vitæ periculum creare non dubitauerit. Huius exemplum secutus Adonias tristè fratris sui exitum non reformidans, *Elevatus est dicens. Ego regnabo.*

1. Reg. 15.

gnabo. nec deerant ex Regni Magnatibus qui illi fauerent, nam *Sermo ei cum Ioab filio Saruia, & cum Abiathar sacerdote, qui adiunabant partes Adoniae*, adeo vt pro Dauidis successore semel constituendo, non semel turbæ extiterint, regnum in contraria studia distrahentes, & ad cades etiam maximæque regni damna erumpentes. Præterea electioni successio hoc etiam præstat, quod qui ex abiecta fortuna, aut certè non adeo celsa in regale fastigium recepti sunt, superbiam facile, ac contumaciam, morumque asperitatē induunt, nescis secundas res moderatè ferre sèque à subditis, qui pristinæ conditionis memores sunt, sperni metuentes. Vidit Salomon hanc morum inæqualitatem, cum scripsit in Prouerbiis; *Per tria mouetur terra, & quartum non potest sustinere, per seruum cum regnauerit, per stultum cum saturatus fuerit cibo, & per odiosam mulierem, cum in matrimonio fuerit assumpta, & per ancillam cum fuerit hæres Domina sua.* Et forte Ecclesiasticus eosdem notat, cum ait; *Tres species odiuit anima mea, & aggrauor valde anima illorum.* primo autem loco *Pauperem superbum* collocat, qui cum demissè de se sentire, & loqui debeat, aut suæ paupertatis qua premittur oblitus, aut status illius immemor, vnde paulò ante emerferat, typho fastidiosè tumidus, omnium in se odia, & inuidiam concitat. Adde successionem hoc habere commodi quod cum Reipubl. status perpetuus sit, & stabilis; si parentibus filij subrogentur, stabilis etiam quodammodo perpetuusque princeps aulam tenet, publicisque negotiis præsidet, parètèque ex humanis sublato, vix iactura sentitur, nam vt ait Ecclesiasticus, *Mortuus est Pater eius, & quasi non est mortuus,*

Ibid num.
7.

Prou 30.
21.

Ecccl. 25. 31.

Ecccl. 30. 4.

86 *Institutio politica ex sacris Scripturis.*

similem enim reliquit sibi post se. In vita sua vidit, & letatus est in illo, in obitu suo non est contristatus, nec confusus est coram inimicis, reliquit enim defensorem domus contra inimicos, & amicis reddentem gratiam.

Contra verò in electionibus crebræ mutationes Rempubl. perturbant, & in incolumitatis discrimen adducunt. Non est autem prætereundum quod dicitur; *Reliquit defensorem domus contra inimicos, & amicis reddentem gratiam.* Nam & qui Regno alicui imminent, aut aliqua ratione infesti sunt, etsi senio confectum Regem sciant, ac propterea negotiis gerendis imparem, non tamen quidquam mouere audent, propterea quod mox regnaturi Principis offensionem reformidant, & amici, Magistratus, Præfecti, strenuè regni comoda procurant, siue domi in ciuilibus negotiis, siue foris in militaribus expeditionibus. Nam extincto Rege nihilominus expectat à filio industria, fidelitatis, impensique laboris mercedem sibi reddendam. Omnes verò regni partes diligentius curantur ab eo, qui se stirpis suæ successoribus imperium relicturum non ignorat, quàm ab eo qui extraneum aliquem, sibi fortasse suisque rebus infensum, cum mori contigerit, successurum suspicatur. *Nam cum alius, inquit Ecclesiastes, laboret in sapientia & doctrina, & solitudine, homini otioso quasita dimittit, & hoc ergo vanitas, & magnum malum.* Aliud etiam reperio in electionibus incommodum, quod eorum qui paulo ante rerum potiebantur, miserabilis quodammodo conditio esse videtur, si qui prius Regum filij primas in Republ. tenebant, in quos omnium oculi & studia erant conuersa, postea passim si non contemnantur, certè non magnifiant, &

ab

ab iis à quibus primùm fuerant culti, prætereantur, imperio ad alios, cum fascibus, & maiestatis insignibus translato. Itaque Ecclesiasticus cum Aaronis ornamenta commemorasset, illud tantquam egregium addidit priuilegium, quod non esset *Induimus illis alienigena aliquis, sed tantum filij ipsius soli, & nepotes eius per omne tempus.* & fieri etiam possit vt de violandis legibus, & in sua gente retinendo Principatu quàm iure quàm iniuria deliberent, qui illius semel compotes facti fuerint. Neque enim est omnium ea animi moderatio, qua præditum fuisse scimus sanctum virum Moysen, qui etiam proposito Aaronis fratris exemplo, cui sacerdotium ad filios & nepotes transiturum creditum erat, de filiis tamen suis ad Principatū vocandis, sibi que in summo Magistratu subrogandis nunquā egisse reperitur. Tandem qui electione venerunt ad Imperium, si veterem historiarum memoriam replicemus, non multò meliores, imò aliquando non paulò deteriores iis fuerunt, qui successionis beneficio Reges facti sunt, vt animum adiicienti, ex scripturis etiam sacris constare poterit. Præstat ergo, me quidem iudice, electioni successio. Quare Deo bonorum omnium largitori supplicare debent Principes, qui filios nondū susceperunt, vt proles illis contingat Imperio digna, quam suo loco Reipubl. relinquant, non enim desunt exempla in scripturis diuinis principum virorum, quos paternæ, aut maternæ preces mundo, suisque Rebuspubl. pepererunt. Talis Samuël & Sampson par illud Heroum, quorum alter omnis probitatis, & sapientiæ in iudicando; alter bellicæ fortitudinis egregium exemplar omnibus esse potest.

Ecclef. 45.
16.

*Cur summi
Pontifices
eligantur.*

- 4 Quærat hic aliquis, quid ergo causæ est quæ-
obrem summus sacrorum Princeps Pontifex ma-
ximus non successione propagetur, sed electio-
ne ad Pontificatum euehatur? Responderi potest
multiplicem causam, cur ita fieri debuerit, af-
ferri posse. Nam primò id suadet vetus figura
Melchisedechi sacerdotis, iuxta cuius ordi-
nem Christus, & Christiani sacerdotes esse dicuntur.
Is autem à D. Paulo describitur esse. *Sine Patre,*
Hebr. 7.3. *sine matre, sine genealogia*, ut nimirum hinc intelli-
geremus sacerdotes Christianos, nominatimque
summum sacerdotum Antistitem, nõ debere nas-
ci, sed fieri. Deinde ex Isaïæ verbis hoc idem col-
ligitur, cum de futuris olim in Ecclesia sacerdo-
tibus vaticinās ait, *Assumam ex ijs Sacerdotes, & Le-
uitas*, satis indicans ut D. Hieronymus adnotauit,
non ex vna aliqua familia nascituros, sed ex om-
nibus gentibus quæ ad Ecclesiam confluxissent,
eligendos, & assumendos esse. Tertiò idem pro-
batur ex discrimine quod inter nouum, ac vetus
testamentum intercedit. Nam quemadmodum
vetus naturali generatione ex Iacob, ita nouum
spirituali per Christum regeneratione propaga-
tum est: par ergo erat Aaronicum sacerdotium
carnale, mactandisque pecudibus occupatum,
& intentum, carnali etiam generatione ad suc-
cessores transmitti: Ecclesiæ autem spirituale,
& spirituali ac diuinæ hostiæ sacrificandæ de-
stinatum, electione potiùs quàm generatione
ad sacerdotium peruenire. Tandem in sacerdo-
tibus Ecclesiæ qui propter vitæ integritatem,
& morum puritatem, quam tam sanctum mi-
nisterium exercentes profiteri par est, cælibem
vitam agunt, successio locum habere non po-
test,

rest, ac proinde, quod superest electione Pontifex, aliique Antistites, & Sacerdotes quærendi sunt.

§ Rursus autem quod ad electionem pertinet, *An peregrini ad regnū eligendi.* alia dubitatio existit: nam si alicui Reipubl. magis arriserit Principis electio quàm successio, statim vocari potest in dubium; vtrum præstet Indigenas, an peregrinos ad Regnum promouere.

Qua in re video Israelitis imperasse Dominum, vt ne alterius nationis Principem sibi deligerent, ita enim legimus in Deuteronomio. *Cum ingressus fueris terram, quam Dominus Deus tuus dabit tibi, & possederis eam, habitauerisque in illa, & dixeris. Constituam super me Regem sicut habent omnes per circuitum nationes, eum constitues, quem Dominus Deus tuus elegerit de numero fratrum tuorum. Non poteris alterius gentis hominem Regem facere, qui non sit frater tuus.* Deut. 17. 14.

Adeo nō voluit Dominus aduenas, & peregrinos Regno Israelitico potiri, vt etiam eos excluderet, qui cum eadem sacra suscepissent, & Hebræorum Religioni nomē dedissent, Profelyti appellabantur; hi enim fratrum nomine, aut filiorum Israel non censebantur, vt docet Abulensis. Cur autem aduenæ repellerentur, ea potissimum ratio esse potuit, ne veri Dei religio, quam putam, & incontaminatam ab omni errorum, & idololatriæ labe seruabant Hebræi, ab externis Regibus pollueretur, ritus enim exoticos vulgus ignarum facile recepisset, Principis sui imitatione ductum, Deorumque profanam multitudinem, quæ à gentibus colebatur, inuexisset: Profelyti verò reiiciebantur, nam hoc hominum genus non ita est in suscepta fide constans, cum enim ab ineunte ætate aliis Religionibus imbuti fuerint, aliisque sa-

Matth. 23.
quæst. 90.
Et Exod.
12. quæst.
58.

crorum ceremonias diuturno tempore vsurpauerint, sit nonnunquam vt animus identidem cum quadam ad eadem propensione, & inclinatione referatur. Deinde vt sint in suscepto proposito constantissimi, fieri tamen potest vt propinquos suos, quos naturali beneuolentia complectuntur, Principatus participes faciant, honestioribus quibusque muneribus eis demandatis, qua in re vel eadem, vel paulo minora incommoda sentiret Respubl. ac si Rex ipse alienæ Religionis cultor esset. Quare S. Paulus vetat Neophytum eligi in Episcopum, quamquam cum dicti sui rationem affert, periculum potius priuatum Neophyti, quàm publicum Ecclesiæ timere videtur: *Ne in superbiam*, inquit, *elatus in iudicium incidat Diaboli*: sibi enim facile placeret, si cum vix è fonte baptisimatis emerisset, in Pastoris solio constitueretur: Ecclesiámque cui præficeretur, præ se despiceret, quasi illius opera indignisset, nec sine eo salua esse potuisset. Tandem ita Dominum in Deuteronomio mandasse crediderim, quia Regali potestate, quæ præcipuus est honoris gradus in Republica populum suum, quem elegerat à principio, malebat ornare, quàm extraneos; cum præsertim hoc plurimum valeret ad mutuam beneuolentiam inter Principem, & subiectos populos alendam, & augendam. Affectabat Abimelech Sichimitarum imperium, submissisque suffragatoribus suis, hoc præsertim argumento conabatur sibi populares suos adiungere, quod sanguinis coniunctione illos attingeret, ac proinde potius se eligere deberent, quàm quemuis alium de filiis Ierobaal. *Abiit autem Abimelech*, inquit scriptura, *filius Ierobaal in Sichem, ad fratres matris sue,*

1. Tim.
3.6.

Iud.9.2.

& locutus est ad eos, & ad omnem cognationem domus
 Patris & matris sue dicens. Loquimini ad omnes vi-
 ros Sichem. Quid vobis est melius ut dominantur vestri
 Septuaginta viri, omnes filij Ierobaal, an ut dominetur
 vir? Simulque considerate quod os vestrum, & caro ve-
 stra sum. Locutique sunt fratres matris eius de eo ad
 omnes viros Sichem uniuersos sermones istos, & incli-
 nauerunt cor eorum post Abimelech, dicentes, frater no-
 ster est. Seposuerat sibi Dominus Israelitarum pō-
 pulum quem Vineam suam electam, quodam loco Ierem. 2.
 apud Prophetam, appellauit. Huic vineæ ut me- 21.
 lius prospectum esset per Oseam pollicetur, Et Osee 2.
 dabo ei vinitores ex eodem loco. Apud quem Prophe- 15.
 tam etiam legimus, Dies multos sedebunt filij Israel Osee. 3. 4.
 (id est mœsti erunt, & dolentes, sessio enim do-
 lentis habitus est) sine Rege, sine Principe, sed Kal-
 dæa paraphrasis locum aptè ad id quod intendi-
 mus probandum; explicat. Absque Rege, inquit, de Isa. 1. 7.
 domo Dauid. Et Isaias populi sui calamitatem de-
 plorans. Regionem, inquit, vestram coram vobis alie-
 ni deuorant, & desolabitur sicut in vastitate hostili,
 quod malum deprecatur Dauid in Psalmis, cum
 ait. Erue me de manu filiorum alienorum, & alibi, Psal. 143.
 Quoniam alieni insurrexerunt aduersum me. Et Iere-
 mias nuntium, quo omnium animi mœstitia con-
 tracti sunt, commemoraus. Ecce, inquit, auditum Ierem. 4.
 est in Ierusalem, custodes venire de terra longinqua. Cui 16.
 contrarium, & lætitia perfundens eos ad quorum
 aures accidisset, est apud Ioel, cum ait, Erit Ieru-
 salem sancta, & non transibunt alieni (Kaldæus, ex-
 tranei) per eam amplius, & erit in die illa, stillabunt
 montes dulcedinem, & colles fluent lacte, & per omnes
 riuos Iuda ibunt aqua. Et fons de domo Domini egre-
 dietur, & irrigabit torrentem spinarum. quæ allegoria
 floren

92 *Institutio politica ex sacris Scripturis.*

florentem ciuitatis statum exhibet,quem sua benignitate pollicebatur Deus populo suo. His verò allatis ex Scriptura testimoniis illud conficitur. Extrema mala, & totius Reipubl. euersionem illis impendere Rebusp. quibus Principes alieni dominantur, idolis cultum diuinum impendentes, aut de orthodoxa fide malè sentientes. Nam de his Psaltes prophetæque loquuntur. Hos enim cum parum Deo fidi sint, procliue est credere in seruandis foederibus, ac conuentis, quæ cum subditis suis pepigerunt, nihilo magis fideles fore, cumque Deum non reuereantur, nec hominum offensionem reformident, grauissima Reipubl.incommoda allaturos. Quod si contingat alterius nationis Reges, aut voluntaria deditione populos aliquos in suam recepisse fidem, & tutelam; aut iusto bello subegisse: si veri Dei cultores sint, & puram seruent, & incorruptam fidei integritatem, eximij cuiusdam diuinitus accepti beneficij loco numerari debet, sub huiusmodi Principis imperio æuum agere, qui non fortunarum modò,& vitæ, sed etiam probatorum morum, & dogmatum custos sit, & vindex; quo protegente Remp. nec luporum rabies ouiculas

Christi lacerare, nec hæresum vulgata contagio, Pastoribus in pace excubantibus, gregem corripere, aut corrumpere possit.

Regna,

*Regna, quæ successione ineuntur,
Primogenitis deberi.*

C A P V T VII.

Dictum est superiori capite de Electione, & Successione, statuimusque hanc illi præstare, ex hoc alia existit dubitatio, cui potissimum ex filiis debeatur Regnum, si contigerit Principem decedentem multiplicem sobolem sibi superstitem relinquere.

I Huic autem quæstioni respondendum censeo Primogenito principatum deberi, quod usus gentium, ratioque confirmat. Atque, ut de usu dicere incipiamus, reperio apud antiquos Hebræos Primogenitos semper, in honore habitos, melioremque eorum fuisse conditionem, quam cæterorum fratrum: quare Deuteronomij lege cautum erat, ut parentes primogenitos filios largiori hæreditatis portione donarent, nec quidquam odio darent, vel amoris; sed lex ista perpetuo sancta esset, & firma. Si habuerit, inquit, homo uxores duas, unam dilectam, & alteram odiosam, genueritque ex ea liberos, & fuerit filius odiosa primogenitus, volueritque substantiâ inter filios suos diuidere, non poterit filium dilectæ facere primogenitum, & præferre filio odiosæ, sed filium odiosæ agnoscer primogenitum, dabitque de his quæ habuerit cuncta duplicia, iste enim est principium liberorum eius, & huic debentur primogenita. Porro ut in herciscunda hæreditate præferebantur primogeniti reliquis fratribus, ita in optione loci tribuebatur honestior, cuiusmodi est, qui est ad dexteram.

*Ita usum
gentium ob-
tinuisse.*

Deut. 21.
13.

ram. Ideo Ioseph cum ad dexteram parentis sui Iacob Manassem Primogenitū statuisset, ad sinistram verò Ephraim ilque decussatis brachiis dexteram imposuisset Ephraim, Manassi verò sinistram, cum latens mysterium non assequeretur, conatus est Patris dexteram transferre in caput

Genes. 48. Primogeniti. *Videns enim Ioseph quod posuisset Pater*
17. *suus dexteram manum super caput Ephraim, grauitèr accepit, & apprehensam manum Patris, lenare conatus est de capite Ephraim, & transferre super caput Manasse, dixitque ad Patrem; Non ita conuenit Pater, quia hic est primogenitus, pone dexteram tuam super caput eius.* Propter eandem loci dignitatem Christus Dominus, qui Primogenitus est in multis fratribus, constitutus est ad dexteram Patris in celestibus.

Rom. 8.

29.

Ephes. 1.

20.

Rursusque quicumque diuino beneficio cælestis regni participes erunt, dexteram tenebunt in extremi Iudicij die: Dominus enim quas oues in beatas illas cæli caulas erit inducturus, à dextris

Matth. 25. statuet, ipso dicente, *Statuet oues quidem à dextris suis, hædos autem à sinistris.* Nec loci tantum dignioris prærogatiua tribuebatur Primogenitis, sed cultu etiam honestiore, & pulchriore amiciebantur: sunt enim qui putent vestes illas, quibus Rebecca filium suum Iacob induit, cum ad Patrem Isaac, Esau supplantaturus, & benedictionem præcepturus, ingressus est, fuisse Esau quā Primogenitus erat, atque adeo fuisse vestes Sacerdotales, quibus ille inter sacrificandum vteretur. Putant enim Primogenitos in legis naturalis statu fuisse Sacerdotes, quod verum sit an secus, non disputo. Quod verò ad Principatum attinet, illum etiam illius æui consuetudo, & eorum quæ secuta sunt, sæculorum vsus, primogenitis attribuit.

33.

D. Hieronymus in epist. ad Onagriū,

& in cap. 49. Genes.

& alij.

Quare

Quare bonus ille senex Isaac dierum plenus, benedicens filio suo Iacob, de quo paulò ante dicebamus, qui non quidem ætate, sed diuinæ decreto voluntatis pro maiore, & primogenito habendus erat, *Serviant, inquit, tibi populi, & adorent te* Genes. 27. *tribus, esto Dominus fratrum tuorum, & incurventur* 29. *ante te filij matris tuae; & Paralipomenon lib. 2. narratur factum Iosaphat Regis Iuda, qui cum multis filios procreasset, Principem tamen constituit natu grãdiorem, cæteris enim dedit Pater suus* 2. Paral. *multa munera argenti, & auri, & pensitationes, cum* 21. 3. *ciuitatibus munitissimis in Iuda. Regnum autem tradidit Ioram eo quod esset Primogenitus. Similis elicitur probatio ex dissimilis facti narratione, quæ habetur in Regum historia. Quod cum vidisset, inquit, Rex Moab, præualuisse scilicet hostes, tulit secum* 4. Reg. 3. *septingentos viros educentes gladios, & irruerunt ad* 26. *Regem Edom, & non potuerunt. Arripiensque filium suum primogenitum, qui regnaturus erat pro eo, obrulit holocaustum super murum. Ex his autem ad rem nostram, explicari potest D. Paulus, qui virum mulieri præesse vult quodam quasi iure Primigeniorum, ita enim scribit ad Timotheum; Docere au-* 1. Tim. 2. *tem mulieri non permitto, neque dominari in virum, sed* 13. *esse in silentio. Cur autem dominari in virum non permittat, subiicit rationem. Adam enim primus formatus est, deinde Eva, quasi diceret, hoc illi deberi, quod prius in hanc lucem editus, Primogenituræ iura consecutus esset. Hinc sanctus David Deum alloquentem Christum Dominum inducens, quem, utpote primogenitum à dextris suis sedere iubet (Sede à dextris meis) Tecum Principium,* Psal. 109. *inquit, vel tecum Principatus, Græcè enim est ἀρχή,* 1. *quod utrumque significat, quæ gemina eiusdem*
voci

vocis significatio id quod volumus quodammo-
do probat, quasi eidem debeat Principatus, qui,
ut pote Primogenitus, est etiam nascendi princi-
pium. Satis ergo ex his constat, Primogenitis po-
tius quàm cæteris minoribus fratribus Imperium
tradi consueuisse, sed cur ita fiat, rationes aliquas
subiiciamus.

*Ita factum
propter a-
morem, quo
Parentes
primogeni-
tos filios
prosequun-
tur.*

2. Reg. 13.
21,

2 Ac prima quidem sit amoris vis vehemen-
tior, quo parentes filios suos, quos primo loco
susceperunt, complectuntur. Incelsauerat Amnon
sororem suam Thamar, idque per vim: eam ini-
uriam Absalon, Thamaris frater molestissimè
tulerat. Dauidi etiam vtriusque parèti indignum
facinus visum fuerat, de eo tamen ita legimus in
Reg. historia. *Cum autem audisset Rex David ver-
ba hæc, contristatus est valde, & noluit contristare spiri-
tum Amnon filij sui, quoniam diligebat eum, quia Pri-
mogenitus erat ei.* Itaque tantum scelus inultum
transmisit, quamquam non impunè abiit Am-
non, est enim à fratre in vindictam iniuria tru-
cidatus, quæ cædes cum ad Parentis aures perla-
ta est, eius animum mirum quantum perculit!

Ibid. n. 31.

*Nam surrexit Rex & scidit vestimenta sua, & cecidit
super terram, & omnes serui illius qui assistebant ei, sci-
derunt vestimenta sua.* Significationibus hisce mœ-
roris ostendens quam grauitè ferret cædem Am-
nonis Primogeniti, quod etiam Absalonis pro-
scriptio ad multum tempus, planè confirmat. Hu-
ius etiam amoris vehementiam ex dolore quem
parit, si primogenitus moriatur, expressit Zacha-
rias illis verbis. *Et plangent eum planctu quasi super
unigenitum, & dolebunt super eum, ut doleri solet in
morte Primogeniti.* Ægyptij verò etià experti sunt,
nam cum ad frequentes plagas, quibus illos cæ-
debat

Zachar.
12. 10.

debat Dominus, callum obduxissent, grauiore percussione excitandi fuerant, vt doloris sensu acerbior commoti, tandem populum Dei permitterent capeßere iter in desertum, iuxta decretum Domini, nec ampliùs se æquis illorum postulatis opponerent. Moyses ergo minas intrens, & mala quæ erant experturi prædicens, denuntiabat. *Hæc dicit Dominus: Media nocte ingre-* Exod. 11.
diar in Ægyptum, & morietur omne Primogenitum 4.
in terra Ægyptiorum, à Primogenito Pharaonis qui
sedet in solio eius, usque ad primogenitum ancille, quæ
est ad molam, & omnia primogenita iumentorum. Et
 quidem Pharaon minis cominotus non est, vt populum missum faceret, sed cum tandem Primogenitum suum percutientis Angeli mucrone prostratum vidisset, suo malo doctus, Diuinæ cessit potentia, & Israëlitis abeundi fecit potestatem, quique Israël, Dei *Primogenito* (sic enim bene- Exod. 4.
 uolentiæ causa appellatur in Scripturis) restitit, 22.
 ne quo vocabatur, iter posset intendere, Primo- Eccles. 36.
 geniti sui morte, & ingenti populi, iumentorum- 14.
 que strage cognouit, quàm sint infirmæ vires humanæ, si cum Diuina potentia componantur. Quærenti autem rationem, cur parentes tanto amore primogenitos filios prosequantur, ea reddi potest, vel quod diuturniore tempore confirmata beneuolentia etiam maior euadat quotidianis auctibus, vel quod multùm ea amemus, quæ magno labore nobis comparauimus; Primogenitorum verò partus matri laboriosior est, maiorisque periculi quàm cæterorum filiorum, & vtrique parenti plures affert molestias, curas, & sollicitudines dum educantur, cum primogeniti sint etiam aliquo temporis spatio vnigeniti, ac proinde

98 *Institutio politica ex sacris Scripturis.*

de vnica parentum cura, orbitatisque solatium quam parentes maximè timent, & refugiunt. Ea-que causa est, cur in scripturis Primogeniti appellentur primitiæ laborum parentum suorum, vt cum dicitur in Psalmo; *Et percussit omne primogenitum in terra Egypti, primitias omnis laboris eorum.* Et in Genesi. *Ruben Primogenitus meus, tu fortitudo mea, & principium doloris mei.*

Psal 77.

56.

Gen. 49. 3.

Idem probatur ex maiori Primogenitorum excellentia.

3 Sed ne cæca quadam animi propensione, cuiusmodi amor est, credamus homines ductos fuisse, cum Primogenitos paterni Principatus hæredes constituerunt, facti huius probabilis ratio duplex afferri potest. Prima est, quod maior quædam excellentia in illis eluceat, & in suo genere, quæcumque primogenita sunt, eadem etiam perfectiora, & absolutiora esse videantur, ideo dicitur de Abelis sacrificio; *Abel quoque obtulit de Primogenitis gregis sui, & de adipibus eorum.* Studuit autem Abel ea Domino offerre, quæ selectiora essent, & meliora, vnde commeritus est, vt *Respiceret Dominus ad Abel, & ad munera eius.* Hinc

Gen. 4. 4.

Ibid.

Deut. 33.

17.

Exod. 13.

2.

Exod. 34.

26.

Moyse Ioseph benedicens ait, *Quasi primogeniti tauri pulchritudo eius.* Et Dominus iussit Primogenita omnia animalium, & frugum primitias sibi offerri, ac sanctificari. Imò inter res alioqui malas, & auersandas, illa dicitur primogenita, quæ peior, truculentior, feralior. Sic apud Iob. Baldad Suhites, diris nescio quem deuouens, & grauissima quæque mala imprecans ait: *Deuoret pulchritudinem cutis illius, consumat brachia illius primogenita mors, funestissima scilicet, quæ meritò inter luctuosas mortes obtinere possit principatum.* Altera ratio est, quod Primogeniti ætatis prolixioris beneficio pluribus experimentis edo-

Iob. 18. 13.

cti,

Et, solidiorem prudentiam collegisse credantur.
 Idcirco Sapientia, quæ Gyrum celi circuiuit sola, & Eccles. 24.
 profundum Abyssî penetrauit, in fluctibus maris ambu- 8.
 lauit, & in omni terra stetit, & in omni populo, & in
 omni gente primatum habuit, Primogenitam se esse
 gloriatur, cum ait; Ego ex ore Altissimi prodiui, Ibid. n. 5.
 Primogenita ante omnem creaturam. Et Iob. In anti- Iob. 12. 12.
 quus, inquit, est sapientia, & in multo tempore pruden-
 tia. & eodem libro, Eliu se reliquos amicos re-
 ueritum fuisse testatur, quod cum essent natu
 grandiores, plus etiam sapientiæ illis inesse sibi
 persuasisset, ait enim: Iunior sum tempore, vos autem Iob. 32. 6.
 antiquiores, idcirco demisso capite verius sum vobis in-
 dicare meam sententiam, sperabam enim quod ætas pro-
 lixior loqueretur, & annorum multitudo doceret sapien-
 tiam. Et Eliphaz Themanites Iobi eleuans pru-
 dentiam, suamque, & suorum commendans, eo-
 dem argumento vitur ab antiquitate, & expe-
 rientia petito. Nunquid, ait, primus homo tu natus Iob. 15. 7.
 es, & ante colles firmatus? Numquid consilium Dei au-
 disti, & inferior te erit omnis sapientia? quid nosti
 quod ignoremus? quid intelligis quod nesciamus? & se-
 nes & antiqui sunt in nobis, multò vetustiores quam
 Patres tui. Huc etiam Dominus respexit, si D. Hiero- Lib. primo
 nymo credimus, -cum Petro potius seniori, in Iouin.
 quàm Ioanni, dilecto quidem, sed iuniori dixit.
 Pasce oves meas. At dices, inquit D. Hieronymus, Ioan. 21.
 Super Petrum fundatur Ecclesia, licet idipsum alio loco 17.
 super omnes Apostolos fiat, & cuncti clauēs regni calo-
 rum accipiant, & ex aquo super eos Ecclesia foritudo
 solidetur. Tamen propterea inter duodecim vnus eligi-
 tur, ut capite constituto, schismaticis tollatur occasio, sed
 cur non Ioannes electus est virgo? Etati delatum est,
 quia Petrus senior erat.

*Eur secūdo
lqco nati
Primogeni-
tus aliquā-
do antela-
ti.*

4 Sed obiiciat hic aliquis, si quæ de Primogenitis hæctenus disputata sunt, ita se habent, ut diximus, quid est quod in Scripturis sanctis non rarò reperimus minores natu grandioribus esse prælatos, idque Dei ipsius iudicio, quem tamen in his iudiciis falli non posse certius est, quàm ut de eo dubitari possit? Dilexit enim Abel magis quàm Cain, Isaac quàm Ismael, Iacob quàm Esau, Phares quàm Zaram, Ephraim quàm Manassè, Iudam quàm Ruben, David quàm fratres eius, Moysen quàm Aaron. Sed hoc ipsum quod obiicitur, id quod nos de Primogenitorum prærogatiuis attulimus confirmat: quamuis enim Primogeniti aliis præstarent, voluit tamen non semel Dominus minores maioribus anteferri, ut maiorum typhum, superbiamque comprimeret, utque intelligerent homines verum illud esse quod D. Paulus testatur: *Infirma mundi elegit Deus, ut confunderet fortia, & ignobilia mundi, & contempnibilia elegit Deus, & ea quæ non sunt, ut ea quæ sunt destrueret, ut non gloriatur omnis caro in conspectu eius: verumque esse appareat quod Dominus dixit, Multi autem erunt primi nouissimi, & nouissimi primi.* Deinde præcipuum quoddam mysterium ea prælatione regitur: ita enim factum est, ut intelligeremus Synagogam ex Israele collectam, de qua Ecclesiasticus loquitur cum ait: *Miserere plebi tuæ super quam innocatum est nomen tuum, & Israel quem coaquasti Primogenito tuo*, id est quem ut Primogenitum carum habuisti; iam contentione Ecclesiæ secundas tulisse, illique fuisse postpositam.

*An exbe-
diat fremi-
noam pro-
lem Regni
parado esse.*

5 Ex his igitur quæ hæctenus diximus, confici videtur, in Primogenitum debere transmitti Principatum ab eo qui multiplicem prolem masculam susce

Infcepit. Quod si filio parens superstes fuerit, in illius ius, & locum more gentium sufficiendum esse fratrem qui ab illo proximus est, ceterosque deinceps, si natu grandiores contigerit adco immatura morte subduci, vt nec filios procreare, nec ad Principatum venire potuerint. Sed quærat aliquis si fœminæ tantum ex Principe nascantur, quid sit è Reipubl. re, an nimirum commodius putandum sit eas Regni hæredes esse, ita vt cum nuptæ procreauerint filios, his non paterni tantum, sed materni etiam principatus iura cedant, an satius sit illas ab hoc de quo agimus successionis iure submouere? Et submouendas quidem esse ratio videtur suadere, nam fœmina regni alicuius hæres siquidem nubere recusauerit, ac proinde nullam suscepit prolem, Rempubl. in magnum turbatum discrimen adducit, potentissimo quoque imperio imminente, & insidiante. Si verò nupserit, aut peregrino Principi nubit, aut ciui, subditoque suo. Si peregrino, iam Regnum transit ad ceteros, ciuibz frementibus, Principisque suæ coniugium damnantibus, ne dicam peregrino parere recusantibus. Si ciui, subditoque suo, quomodo erit in tanta conditionis disparitate æqualitas illa voluntatum conciliatrix, conseruatricque beneuolentiæ, sine qua matrimonia suspicionibus, rixis, & mutuis odiis, ac quotidianis fere conuictis plena sunt? Pro altera verò parte summi legislatoris Dei decretum afferri potest quo in veteri Hebræorum lege filiabus Salphaad, qui absque mascula prole decesserat, hæreditatē deberi statutum est. Num. 27.] 1. Quamuis enim lex illa iudicialis fuerit, ac proinde cum Hebræorum Republ. extincta sit, naturali tamen

æquitate niti videtur, & multarum gentium moribus recepta consuetudine, ut ne filia paternæ hereditatis iure excludantur. Itaque pro illis pronuntiatum est, & filia Salphaad visæ sunt omnibus æqua postulasse. Fanet etiam naturalis illa parentum propensio, qui liberis suis siue foeminae sint, siue mares, thesaurizare student ut loquitur D. Paulus. Quæ sanè inclinatio animi, cum ab ipsa natura pectoribus nostris ingenita sit, damnanda non videtur, imò potius illi quatenus licuerit obsecundandum. Tandem exemplo esse potest S. Iob, inter Orientis Principes non postremus, qui suis bonis eversus, ac postea diuino beneficio in ampliorem fortunam restitutus, filiabus suis non minus quàm liberis virilis sexus hereditatem partitus est, ut legimus in eius historia cum ait. *Deditque eis Pater suus hereditatem inter fratres earum.* Cæterum, quia aliæ in aliis regnis consuetudines obtinuerunt, aut etiam leges sancitæ sunt; quod in illis constitutum fuerit, iuri, æquitati, & Reipubl. bono consentaneum censendum est, & à Principibus, iisque quorum interest tanquam publicis commodis opportunius vsurpandum.

*Quid de
illegitimis.*

6 Tandem dubitari potest, an qui ex legitimis nuptiis nati non sunt, à Principatu semper excludendi sint. Respondco duplicem esse rationem Principatus adipiscendi, ut supradictum est, electionem scilicet, & successionem. Si de electione agatur, fieri aliquando poterit, ut ea sit spurij virtus ciuilis, aut militaris, dexteritas in negotiis tractandis, morum integritas, iustitiæ tenacitas, aliæque dotes animi, & corporis, ut quandoquidem hoc spectat electio ut optimus eligatur,

tur, meritò euehi possit ad Principatum. Talis
 fuit Iephthe, quem scriptura *filium mulieris meretricis* appellat, qui tamen prudenter & opportunè
 à Galaaditis electus est Princeps, cum bello Am-
 monitico premerentur. Si verò ad summum ma-
 gistratum successionē veniatur, videndum erit
 quid Regni legibus sanctionibusque decretum
 sit, nam vulgo concepti ferè vbilibet gentium
 arcentur ab Imperio, nec iniuria. Nam si licuit
 Abrahamo filios concubinarum, hoc est vxorum
 quæ legitimæ quidem erant, sed secundariæ, &
 minori in pretio habitæ, ab omni hæreditate ex-
 cludere, datis tantum muneribus, auro videli-
 cet, argento, vestibus, pecoribus, quibus se
 suosque alerent, omnium verò reliquorum bo-
 norum suorum hæredem dicere Isaacum ex Sara
 primaria coniuge progenitum; multò magis li-
 cebit nothos ex vago concubitu susceptos, pa-
 triorum bonorum aut Principatus exortes facere.
 Illud tamen semper Parentibus curandum est, vt
 proli quomodocumque suscepta sit, bona con-
 tingat educatio, eaque suppetant quæ ad vi-
 tam propagandam necessaria sunt. In veteri He-
 bræorum Republ. è scortis nati, qui Mamze-
 res apud illos dicebantur, in Ecclesiam Dei ve-
 nire non poterant, hoc est ad societatem politi-
 cam, & iurium communionem, quibus alij gau-
 debant, non admittebantur. Putant aliqui eos in
 populo Dei hereditatis capaces non fuisse, alij à
 dignitatibus tantum publicisque muneribus sub-
 motos existimant, sicque interpretantur illud
 Deuteronomij, *Non ingreditur Mamzer in Eccle-*
siam Domini. quò respexisse videri possit Sapiens
 cum ait, *Filij adulterorum in inconsummatione erunt,*

Iud. 11. 1.

Deut. 23.

2.

Sap. 3. 16.

Græcè τέκνα μοικῶν ἀτίλες, nam apud Græcos ἀτίλες, quamquam alia significat, accipitur etiam pro eo, qui ἐν τέλει non est, aut esse non potest, hoc est qui à publicis muneribus, & functionibus arcetur. Id autem fiebat in Hebræorum politia, quia communi gentium omnium sensu huiusmodi homines propter pudendos natales infamia notantur: quare cum Christus Dominus Iudæis, qui Patre Abrahamo gloriabantur, diceret; *Hoc Abraham non fecit*, quod scilicet vos facitis, adderetque: *Vos facitis opera Patris vestri*, quasi eos semen Abraham esse negaret, ut Origenes interpretatur, ac proinde opinione, aut errore illorum contumeliam impingeret; eos Nothos faciendo, cōmoti vociferebantur, *Nos ex fornicatione non sumus nati*. Adde non infrequenter accidere, ut qui parentum scelere geniti sunt, etiam parentum prauos mores ad quos ediscendos plus æquo dociles sumus, imitentur, & referant, cum præsertim eorum qui præ legitimis liberis non multum diliguntur à parentibus, ferè negligatur educatio, liberalique homine digna institutione destituti, ad vitia capeßenda fiant proniores.

Hebr. 12.
8.

Quod si estis extra disciplinam, inquit D. Paulus ad Hebræos scribens, *cuius participes facti sumus omnes, ergo adulteri & non filij estis*. τὸ *Adulteri* Græcè est νόθοι, indicans eos qui sunt huiusmodi extra disciplinam ferme esse, χωρὶς πατρὶδος, hoc est honestam & ingenuo homine dignam educationem minime nancisci. Non tamen propterea negauerim multos reperiri, qui cum nothi sint, & ut S. Ioannes quodam loco eos appellat. *Nati ex voluntate carnis*, concupiscentia scilicet carnisque volupate, non autem amore prolis parentes ad concubitum

Io. 1. 13.

cubitus incitante, videri tamen possint nati *Ex voluntate viri*, hoc est ex legitimo iustoque congressu, cuiusmodi ille est qui honestum finem spectat procreandæ sobolis, qualem sibi finem virum proponere æquum est: nam & virtutem colunt, & vtilem Reipubl. nauant operam, aut studiis doctrinarum, aut armorum tractatione bellicæque virtute, ut supra de Iephthe dictum est.

Quibus disciplinis, & magistris instituendi sint ij, qui in spem Imperij educantur.

CAPVT VIII.

Qui educantur in spem Principatus, ut *Aliqua de disciplina, doctrinæq; necessitate.* alios vitæ statu antecellunt, ita instrumentis bene Rempubl. gubernandi præstare debent, eaque quantum licet sibi comparare, teneioris ætatis institutione, ut cum administrationem Principatus capessere opus habuerint, earum doctrinarum fructibus vtantur, in quibus elaborauerint. Quamquam enim sunt aliqui ipsius naturæ habitu ita formati ad virtutem, tantaque docilitate ingenij, ut accedente experientia rerum magistra, ad omne decus ipsi per se possint eniti; negari tamen non potest, doctrinam munus quoddam esse diuino beneficio hominibus datum, quo qui præditi sunt, longè à vulgi similitudine abducuntur, & in arce prudentiæ atque *Genes. 6.* sapientiæ constituuntur. *Postquam ingressi sunt filij 4.*

106 *Institutio politica ex sacris Scripturis.*

Dei ad filias hominum, illaq; genuerunt (exorti sunt gigantes) isti sunt potentes a saculo viri famosi. Liceat improbum hoc factum ad rem bonam significandam transferre. Si duo ista, magnum scilicet aliquod & excellens ingenium, cui accedant doctrinæ præsidia, misceantur, tunc viri potentes existunt, Principes rerum in pace, & bello gestarum fama illustres, quorum tanta est virtutis magnitudo, ut cum communem hominum modum supergrediantur, gigantes merito appellari possint, quorum humeris orbis insideat, ut quodam loco S. Iob poetico schemate nobis exprefit, qui illos gigantes esse sub aquis gemētes pronunciauit, magnos proculdubio viros, & pares ferendo tanto ponderi, quod tamen ut hoc obiter dicamus, gemitum ab illis nonnunquam exprimit, dum populorum multitudine, immensaque negotiorum sarcina, quasi aquarum multarum mole premuntur, ac pene obruuntur. Quare

17. Mor.
cap. 12.

D. Gregorius locum hunc S. Iob explicans, ait, *Si autem gigantum nomine potentes huius saculi designamur, in aquis possunt populi figurari, Ioanne attestante, qui ait, Aqua enim sunt populi. & paulo post.*

Apoc. 17.
25.

Quantò quis hic altius erigitur, tanto curis grauioribus oneratur, eisque ipsis populis mente, & cogitatione supponitur, quibus superponitur dignitate. Et sanè doctrina fax quædam est illustrissima, quæ in vitæ huius implicatissima varietate, in qua multis, ac periculo plenissimis erroribus obnoxij sumus, nobis prælucet, ac viam demonstrat, qua gradiendum sit, ut non immerito in sacris literis lucis nomen

Isa. 24. 15.

inuenerit. *Propter hoc, inquit Isaias, in doctrinis glorificate Dominum. Tò Doctrinis, in Hebræo est דָּרָשׁ, quæ vox lucem etiam significat, & in*

Exodo

Exodo occurrit, cum de luce sermo est, quam in sacerdotis Principis pectore splendescere voluit Dominus: quod enim habemus in editione vulgata, *Pones in rationali, iudicii Doctrinam, & veritatem*, ex Hebræo vertere possis, *Illuminationes, & Perfectiones*. Hos autem doctrinæ radios Principi ab ipsa pueritia affulgere plurimum interest: tenacius enim adhærescunt, quæ teneræ illi ætatu- læ, tamquam molliori ceræ imprimuntur, & quo semel imbuti sunt colorem seruant, & sapo- rem doctrinæ, nec annis crescentibus, ab ea, quam instituerunt, via deflectunt, aut diuertunt. *Adoles- cens enim iuxta viam suam ambulans, & dum senue- rit, non recedet ab ea*, siue bona sit, siue mala. Quare S. Iob de iis verba faciens, qui ab ineunte æta- te vitiis assueuerunt, *Ossa eius, inquit, implebuntur vitijs adolescentiæ eius, & cum eo in pulvere dormient. Quas enim labe, & vitia quis in adolescentia contraxerit, ea vix exuit in senectute, sed perpetuos habet vitæ suæ comites, donec sepulchro condatur. Ideo Salomon adolescentem hortatur, vt continenti studio, & pertinaci, doctrinam cape- sserere non desistat, cum ait, Non cesses fili audire doctrinam, nec ignores sermones scientiæ. Quod cum omnibus conueniat, in Principes etiam aptius quadrat, qui Rempubl. ad rectæ rationis præscri- ptum regere debent. Itaque de Ieroboamo filio Nabath Ephratæo, qui in Principem pessimum euasit, fortassis commemorat consulto scriptura illud adiunctum Cuius mater erat nomine Sarua mu- lier vidua, quod viduarum filij liberiùs nullo in- stituente educati, faciliùs vitiorum iter ingre- dian- tur, quàm ij quorum Parentes, & magistri seueriore disciplina, vt loquitur scriptura, Cer- uicem*

Exod. 28.

30.

Prou. 22.

6.

Iob. 20.

18.

Prou. 19.

27.

3. Reg. 11.

26.

Ecclef. 30. *uicem curuant.* Cum ergo primum per ætatem li-
 12. cuerit, futurus aliquando Princeps sub magistro
 probæ ætatis, vitæ, atque eruditionis militare in-
 1. Reg. 19. *In Naioth profectus est,* vel vt Kaldæus reddit
 23. *In domum doctrinæ,* sic Princeps noster limen mu-
 farum maturè terere non detrectet. De Moyse
 qui à Pharaone Ægypti Rege loco filij habeba-
 tur, ita in Apostolorum actis loquitur S. Ste-
 Act. 7. 22. *phanus. Et eruditus est Moyses omni sapientia Ægy-*
 ptiorum, & erat potens in verbis & in operibus suis.
 Qui locus ex iis quæ Philo in Mosis vita consi-
 Philo lib. gnata reliquit, lucem accipit, ait enim. *Moyse iam*
 1. de vita *facto grandiusculo, confestim accesserunt aliunde præ-*
 Mos. *ceptores quidam vlrò venientes è præfecturis Ægypti*
proximis; alij magnis premijs inuitati à Gracia. At il-
le eos intra modicum tempus superauit, natia docilita-
te institutionem præcurrens, vt reminisci videretur non
discere, in rebus difficilioribus de suo comminiscens ali-
quid. Itaque numeros, & geometriam, vniuersamque
musicam, rhythmicam, harmonicam, metricam siue
contemplatiuam, siue per instrumenta vocēsque pro-
mentem se modis varijs, accepit ab Ægyptijs doctori-
bus, & insuper occultam philosophiam descriptam lit-
teris vt vocant hieroglyphicis, hoc est notis animalium,
quæ ipsi venerantur pro numinibus: reliquas liberales
artes Graci docebant. Ex propinquis autem regionibus
euocati Assyrij suas litteras, Kaldæi syderalē hanc & ab
Ægyptijs didicit, Mathematica cum primis deditis.
Hæc Philo, ex quibus, aliisque supra commemo-
ratis apparet puerilem ætatem in Principe litte-
ris imbuendam esse.

*Dei ipsum
magistrum
Principum
agere.*

2. Porro si quis quærat quem potissimum vitæ
 bene instituendæ, morumque ad virtutis præferi-
 ptum

ptum componendorum Magistrum, Princeps futurus habere debeat; antequam de alijs magistris differā, Respondeo à teneris cōdocefaciendū esse, & hac salutari opinione imbuendum Principem, optimum esse eum sibi doctorem eligere, quem sibi olim David tantus Rex, vt iustitiam addisceret, omnéque genus prudentiæ, tantò ante delegerat, qui de se ipso testatur in Psalmo. *Mane astabo tibi, & videbo, quoniam non Deus volens iniquitatem tu es*: quasi diceret, ex matutinis hisce scholis, quibus à te Domino meo erudior, illud præsertim constar operæpretium, quod magis perspicuè intelligo quātopere peccati genus omne, iniustitiāque nominatim detesteris, quæ omnes quidem dedecet, sed potissimum Principes, qui æquitatis assertores, & propugnatores esse debēt. Talem Doctorem vbi euigilauerimus matutino tempore vt adeāmus nobis auctor est Ecclesiasticus, cum ait. *Qui timet Dominum, excipiet doctrinam eius, & qui vigilauerint ad illum, inuenient benedictionem*. Nam cum, D. Iacobo teste, *Omne datum optimum, & omne donum perfectum desursum sit, descendens à Patre luminum*: dubitari non potest quin genus omne doctrinarū, ac præsertim ciuilis illa sapientia, qua Reges indigent, desursum sit, à regalibus illis sedibus descendens, à quibus, si fortè cunctetur, precibus ad Deum fuis sit deuocanda, quod Moysem fecisse, & illius ministrum, ac postea in populi gubernatione successorem, Iosué, cognoscimus ex sacris litteris. Nam moysi quidē facies ex diuini sermonis consortio, longāque ac familiari consuetudine splendorem quemdam contraxit, vt de monte descendens capite radiato suis apparuerit. Iosué verò

Psal. 5. 5.

Eccles. 32.

18.

Iacob. 1.

17.

Sap. 18. 15.

Exod 34.

24.

intro

- Deut. 31. 15. Psal. 103 3. introductore Moyse eiusdem gymnasij limen terere instituit, Dominusque magistralem cathedram conscendere non detrectavit, ut illum institueret, columnam scilicet illam in nube, quam, iuxta Psalterem Dominus *ponit ascensum suum*, primoque à fortitudine, Imperatoria virtute, suas scholas, quas postea sæpius erat habiturus, auspiciatur, cum dixit. *Confortare, & esto robustus.* Tantumque hoc magistro sub quo fortitudinem præsertim didicerat, profecit, ut de illo dixerit Eccles. 41. 1. Ecclesiasticus; *Fortis in bello Iesus Naue, expugnavit insurgentes hostes, ut consequeretur hereditatem Israël.* Eiusdem magistri doctrina, & sololis se eruditum esse gloriatur Isaias Propheta, eodemque matutino tempore monita, ac documenta illa excepisse testatur, cum ait: *Dominus erigit manè, manè erigit mihi aurem, ut audiam quasi magistrum.* Quorum verborum sensus esse potest. Dominus excitat me ad audiendum, & dicendi ardorem inijcit, doctrinamque illam caelestem sine invidia communicat: nam singulis diebus matutino præsertim tempore, cum illi adsto, erudit me in iustificationibus suis. Illa autem repetitio *manè, manè*, idem significat ac quotidie, singulis diebus tempore matutino, ut sit dicendi formula illi similis quæ est in Psalmo, *Illuc ascenderunt tribus, tribus*, omnes scilicet tribus, & illi quæ in libro Genes. 14. 10. Genesis est, ubi habemus. *Vallis autem sylvestris habebat puteos multos bituminis*, in Hebræo enim est, *Puteos Puteos*. Iis autem qui doctrinæ huius studiosi fuerint, laboris ac diligentiae fructus constat non poenitendus, eos enim Dominus ad interiora quædam arcana cognoscenda admittit, quæ cum aliis vulgò communicare non solet. *Firmamentum*

mentum est Dominus timentibus eum, & testamentum
 ipsius ut manifestetur illis. D. Hieron. vertit *Secre-*
rum Domini timentibus eum. Quod cum experimen-
 to didicisset Elisæus, quasi nouum quiddam &
 insolitum miratur, quod mors filij hospitiæ suæ
 sibi diuinitus patefacta non esset. *Et Dominus,* 4. Reg. 4.
 inquit, *celauit à me, & non indicauit mihi.* Salomon 27.
 etiam in Prouerbiis, *Custodiet,* inquit, *Dominus,* Prou. 2.7.
rektorum salutem, & proteget gradientes simpliciter. Ex
 Hebræo bene vertere possis, *Abscondet rectis salu-*
tem, vel *sapientiam.* Quod autem dicitur *Abscon-*
der, significat Dominum quasi thesaurum sapien-
 tiæ se positurum in commodum, vsumque iusto-
 rum, sicut consimili phrasi dicitur in psalmo.
Quam magna multitudo dulcedinis tuæ Domine, quam Psalm. 30.
abscondisti timentibus te. Postea verò quàm ut dixit 20.
 Apostolus, *Apparuit gratia Dei saluatoris nostri om-* Tit. 2.11.
nibus hominibus, erudiens nos, ipsum etiam Christum
 in peculiarem magistrum Principes adoptare de-
 bent. *Et nunc Reges intelligite,* inquit S. David, *Eru-* Psalm. 2.
dimini qui indicatis terrā. Et paulò post magistrum 10.
 indicans quem audiant. *Apprehendite,* inquit, *dis-*
ciplinam, vel ut ex Hebræo vertere possumus. *Oscu-*
lamini filium, hoc est Christum Dominum, ma- Ibid. num.
 gno reuerentiæ ac pietatis affectu, tamquam ma- 12.
 gistrum cœlo delapsum admittite, ipse enim est
 de quo legimus apud Ioël. *Et filij Sion exultate, &* Ioël. 2.23.
letamini in Domino Deo vestro, quia dedit vobis do-
ctorem iustitiæ; ac proinde præcipuus, vnusque
 magister vester esse debet, cum reliquos omnes
 sapientes infinito post se intervallo relinquat, ut
 de se ipso verè testatus est, cum ait: *Magister ve-* Matth. 13.
ster vnus est Christus, quem à vobis auferre nemo 8.
 potest, sed quantum volueritis, & quandiu ex
 illius

Isa. 40. 10.

illius fontibus, qui omnibus semper reclusi sunt, haurire poteritis. *Non enim faciet anulare à te ultra doctorem tuum, & erunt oculi tui videntes Preceptorem tuum.* Quanti verò doctrina hæc de cælo veniens fieri debeat, ex eo perspicui potest, quod hominum sapientia vniuersa quali guttæ cuiusdam tenuissimæ instar habet, vnde nec eos qui eam collegerint penitus imbuere potest, sed leuiter tantum aspergere; doctrina verò quæ de fontibus manat *Saluatoris* perennibus, & vberibus, largius pectus nostrum infundere, mollire, prudentiæque germinibus sæcundum facere potest. Hinc *Isaias* diuinam sapientiam cum humana prudentia componens: *Quis adiuuit, inquit, spiritum Domini, aut quis consiliarius eius fuit, & ostendit illi? cum quo iniiit consilium, & instruxit eum, & docuit eum semitam iustitiæ, & erudiuit eum scientiam, & viam prudentiæ ostendit illi? Ecce gentes quasi stilla situla. Quasi dicat, quemadmodum stilla vnica nihil ferè est, si cum aquis quas complexu suo situla continet, comparetur: nec qui aquam baiulat, de vnica stilla sollicitus est, quæ de madefacto cantharo aut situla inter eundem decidat: ita planè humana prudentia nihil propemodum est, si cum vastissimo diuinæ sapientiæ Oceano in contentionem venerit.*

Ipsos Principes in quibusdam liberos suos erudire debere.

3 Sed præter hunc Magistrum de quo diximus, ipsis parentibus qui Principem genuerunt, magna cura incumbit, non tantum illum educandi ut corpus mole, & viribus adolescat, sed multò magis ut virtutum incrementis augeatur, doctrinarumque prædiis magis semper magisque confirmetur. Hinc frequenter in scripturis sanctis reperio filios & filias à parentibus eruditas fuisse, ut de

de Sufantia primaria femina dicitur apud Danielem. Parentes enim illius, inquit, cum essent iusti, erudierunt filiam suam secundum legem Moysi. Et senior Tobias filium suum multis egregiisque praeceptis imbuir, quæ litteris sacris consignata etiam non multis profunt, ea verò ut non solum ad aures admitteret, sed etiam in pectus altè demitteret bonus senex postulabat. *Audi filij mi verba oris mei, & ea in corde tuo, quasi fundamentum, constitue.* Et Salomon de se ipso testatur se sub parentum suorum disciplina profecisse, sic enim scribit in proverbiis. *Audite filij disciplinam Patris, & attendite ut sciatis prudentiam. Donum bonum tributum vobis, legem meam ne derelinquatis. Nam & ego filius fui Patris mei tenellus, & unigenitus coram matre mea, & docebat me, atque dicebat. Suscipiat verba mea cor tuum, custodi praecepta mea, & viues. Posside sapientiam, posside prudentiam, ne obliuiscaris, neque declines à verbis oris mei.* Et Dominus miranda opera quæ patrauit, ut ex hostibus suis Israëliticum populum eriperet, ea voluit ita ad posteros transmitti, ut parentes ipsi filios ea docerent; ac proinde paterna hac institutione cognoscerent, quàm diligenter, & sedulò, quàm sanctè & piè Dominum tantorum beneficiorum auctore colere deberent, ac venerari. *Quanta, inquit, S. David, mandauit Patribus nostris nota facere ea filiis suis, ut cognoscat generatio altera: filij qui nascentur, & exurgent, & narrabunt filiis suis, ut ponant in Deo spem suam, & non obliuiscantur operum Dei, & mandata eius exquirant.* Voluisse autem Dominum, ut per parentes filij nepotesque ista cognoscerent, tum alibi habemus in scriptura, tum in libro Exodus. *Et dixit, inquit, Dominus ad Moysen; ingredere*

Tob. 4. 2.

Prou. 4. 1.

Psal. 77. 6.

Exod. 10.

1.

ad Pharaonem, ego enim induravi cor eius, & seruum illius, ut faciam signa mea hac in eo, & narres in auribus filij tui, & nepotum tuorum quoties contriuerim Ægyptios, & signa mea fecerim in eis, & sciatis quia ego Dominus. Adeò verò proprium est parentum munus filios instituere, & bonis artibus perpolire, ut Patris nomen in scripturis sacris idem significet quod Magistri. Non vestro consilio, inquit Ioseph fratres suos alloquens, sed Dei voluntate huc missus sum, qui fecit me quasi Patrem Pharaonis, & dominum uniuersæ domus eius. Et eodem

Genes. 45.
8.

Genes. 41.
43.

libro Genes. dicitur. *Præco clamabat ut omnes coram eo genua flecterent*, in Hebræo est, *Clamauerunt coram eo*, *Abrech*, de qua voce non satis constat Ægyptia ne sit an Hebræa, nec omnino quid significet, certò cognosci potest. D. tamen Hieronymus in traditionibus Hebraicis interpretatur *Pater tener*, Ionathas, quod ad rem nostram facit, *Pater Regis*, Thargum verò Hierosolymitanum, ita per paraphrasim locum totum expressit. *Præconizabant coram eo, & dicebant. Viuat Pater Regis.*

4 Reg. 6.
21. & cap.
13. 14.

qui est Princeps in sapientia, & tener in annis. Sic Rex Israël Elisæum parentem suum vocabat, sacræque scripturæ recepta phrasis est, ut qui artis alicuius inuectores fuerunt, verbi gratia, musices, aut artis fabrilis, ij musicorum Patres, aut ferrariam exercitium appellentur, quia nimirum alios docendo, artificij illius præcepta propagabant. sic Tubal dicitur in Genesi *Pater canentium ciuhara, & organa.* Decet ergo parentes magisterium hoc, ut per eosdem filij sint, & boni sint, doctrinisque bene culti.

Genes. 4.
22.

*Alios etiã
magistros
addendos.*

4 Verum quia plurimis grauissimisque negotiis publicis occupantur Principes; vir aliquis probus

probus feligatur, & doctus, qui etiam ipsa prima elementa puero tradat; non enim sunt contemnenda quasi parua, sine quibus magna constare non possunt. Ipse elementorum sonus, & prima institutio præceptorum aliter de erudito, aliter de rustico ore profertur. Ex Bethsabæe suscepit David filium Salomonem, eum, cum primum crescens ætas parenti de magistro cogitare suavit, Nathan credidit, viro, non tantum sanctitate morum insigni, quippe qui propheta Domini erat, sed etiam civilis prudentiæ laude clarissimo, Regioque consiliario. *Quæ genuit (Bethsabæe) filium, & vocavit nomen eius Salomon, & Dominus dilexit eum, misitq; in manu Nathan propheta, & vocavit nomen eius Amabilis Domino, eò quod diligeret eum Dominus. Tò Misit in manu Nathã, quamvis alij ad nomen tantum imponendum referant, ut scilicet Dominus Nathan iusserit infanti nomen imponere, alij tamen putant ad erudiendum traditum esse, ut magni magistri nobilis alumnus magnos sub tanto Doctore progressus faceret. Fecit Ioas rectum coram Domino cunctis diebus quibus docuit eum Ioiada sacerdos, ut dicitur in Regum historia; ita enim fere accidit ut magistris suis quàm simillimi euadant eorum alumni, moribus probabilibus, & sanctis si boni, malis contra & tyrannicis si improbi. De Ioseph dicitur in Psalmis; Constituit eum (Pharao) dominum domus sue, & Principem omnis possessionis sue, ut erudiret Principes eius sicut semetipsum, & senes eius prudentiam doceret. Tò sicut semetipsum, in Hebræo ut nunc legimus est וְשִׁפְטָא in anima sua, sed paulò aliter legisse videntur Septuaginta, modica vnus litterulæ, quæ alteri persimilis est, immutatione וְשִׁפְטָא*

qualisque esse debeat.

2. Reg. 12.

25.

4. Reg. 12.

2.

Psal. 104.

21.

secundum animam suam, & sensus est, optauit Pharaon vt quam ipse Ioseph doctrinam siue diuino munere, siue ingenij bonitate, studii que assiduitate fuerat consecutus, eam cum aula Primoribus communicaret, cõsque sibi similes efficeret (hoc enim significat *sicut semetipsum*, & *secundum animam suam*) multosque quasi Iosephos, si fieri posset, exhiberet Aegypto. Qui ergo huiusmodi pædagogum, quem filiis suis præficiat, nactus fuerit, non minùs habeat in pretio quàm thesauros suos, nam *Pretiosi spiritus vir eruditus*, inquit

Prou. 17.
27.

Salomon, vniusque nonnunquam hominis industria, solertia, doctrina, consilium plus reipublicæ profunt, aut Principi, quàm aliorum plurimorum; maiórque multò iactura est, si huiusmodi hominem aut ad alios Principes transire contingat, aut mortem oppetere, quàm si ex aliis gregariis multæ decades, aut etiam centuriæ, ne dicam chiliades cadant. Primo Regum libro dicitur,

1. Reg. 6.
29.

Percussit autem de viris Bethsamitibus, eo quod vidissent arcã Domini, & percussit de populo septuaginta viros, & quinquaginta millia plebis. Videtur totius loci sensus esse, percussisse Deum in populo illo septuaginta supra quinquaginta virorum millia, sed Hebræi (si tamen illis credendum est) aptè ad rem nostram putant sententiã esse septuaginta quidem solos interfectos fuisse, sed adeo excellentes, & eximios, vt pro quinquaginta millibus computari possent. Porro sub huiusmodi magistro lectissimi & alij pueri legantur, qui cum futuro Principe militent in hoc litterario puluere, vt nimirum assuescat iam à tenero non reformidare homines, neque solitaria & veluti vmbatili vita palle scat. Peruidit hoc sapienter Sa-

lomon,

Iomon, qui Roboamo, quem sibi successorem erat relicturus, studiorū socios videtur adiunxisse, vt capere licet coniecturam ex narratione eius consultationis, quam Roboam instituit de remittendis tributis. *Qui dereliquit, inquit, consilium senum, quod dederant ei, & adhibuit adolescentes qui nutriti fuerant cum eo, & assistebant illi.* Cum enim dicitur *qui nutriti fuerant cum eo*, satis innuitur honorarios quosdam Ephebos fuisse, quibuscum, & studiis daret operam, domesticæque & umbratili animorum exercitationi, vt mores, & spiritus Principe dignos conciperet. Cæterum qui puerum suscepit instituendum, non nimium vigere debet, nec plenam exigere operam, ne qui studia aut Præceptorem amare nondum potest, ode-rit, & amaritudinem difficultatēque disciplina- rum semel præceptam, etiam ultra rudes annos reformidet. Cum viris etiam, ne dum cum pueris maximè opportuna est ista dexteritas, nō enim facile Principis animus Philosophi, aut Magistri medicas manus patitur, præsertim si ressecanda sint vitia, quibus insueuerit. Iussus fuerat Nathan Propheta à Domino ad Dauidem adire, scel- lus quo se maculauerat illi ante oculos ponere, verbis castigare, & ad sanitatem reducere. Hic propheta Regiorum morum bene gnarus, quasi medicus aut pharmacopola sapiens, bolum quem ægroto Principi erat oblaturus, apologo quodam conuestit, animumque Regis tantisper abducit à sceleris admissi cogitatione, quasi que privati cu- iuspiam flagitium narrans. *Duo, inquit, viri erant in ciuitate una, vnus diues, & alter pauper. Diues ha- bebat oues, & boues plurimos valde, pauper autem ni- hil habebat omnino, præter ouem vnā paruulā, quam*

3. Reg. 12.

8.

2. Reg. 12.

1.

emerat, & nutrierat, & quæ creuerat apud eum, cum filiis eius simul, de pane illius comedens, & de calice eius bibens, & in sinu eius dormiens, eratque illi sicut filia. Cum autem peregrinus quidam venisset ad diuitem, parcens ille sumere de ouibus, & de bobus suis vt exhiberet conuiuium peregrino illi, qui venerat ad se, tulit ouem viri pauperis, & preparauit cibos homini illi qui venerat ad se. Iratus autem indignatione David aduersus hominem illum nimis, dixit ad Nathan. *Vinit Dominus, quoniã filius mortis est vir qui fecit hoc. Ouem reddet in quadruplum, eò quòd fecerit verbum istud, & non pepercerit.* Dixit autem Nathan ad David, *Tu es ille vir.* Reiectisque ambagibus postquam ab ipso fonte sententiam elicuerat, liberiori oratione in peccatum inuectus est, tantùmque Diuina gratia iuuante profecit, vt dolore patrati sceleris concepto clamauerit *Peccaui Domino*, parum fortasse aut nihil profecturus si propheta ab acriori ob- iurgatione fuisset exorsus. Còsimili solertia vsus est Ioab in Dauide Absaloni reconciliando, submissa sapiente illa muliere Thecuitide, quæ habitu corporis ad luctum còposito, admirabili illa, & paulatim progrediẽte insinuatione vsa, quod volebat obtinuit, & decretum de exule reducendo extorsit: quod fortasse minus Ioab consequi potuisset, si animam Regis palam expugnare aggressus esset. Par Achimelechi sacerdotis dexteritas, & in Principem suum reuerentia, nam cum ad illum David diuertisset cum suorum manu, itineris labore fractus, & fame propemodũ enectus, panesque sanctos propositionis postulasset, quos nisi à mulierum consuetudine aliquo tempore abstinuissent, illis tribuere sacerdos sibi integrum per religionem non putabat, de Comitibus

2. Reg. 14.

1.

bus interrogat Achimelech non de ipso David, *Non habeo, inquit, laicos panes ad manum, sed tantum panem sanctum, si mundi sunt pueri maximè à mulieribus.* Ibid. n. 4. David verò sentiens se etiam peti sapienti illa sacerdotis interrogatione, pro se etiam, non tantum pro pueris suis respondit, & Achimelech omni religione liberavit. *Equidem, inquit, si de mulieribus agitur, continuimus ab heri & nudius tertius, quando egrediebamur & fuerunt vasa puerorum sancta.* Quòd si cum sancto David, cuius mansuetudini testimonium dant Sacræ litteræ, tam cautè agendum putauerunt viri sapientes, ut nudam, & rectam veritatem illi obicere non auderent, ne fortè quod illam consequi solet odium excitarent; quid cum aliis faciendum putabimus, pueris præsertim, aut adolescentibus, qui non facile se premi patiuntur, qua dexteritate cohibendi erunt, retinendi, sufflaminandi, ne regni licentia ferantur per abrupta vitiorum? Nec tamen dum dexteritatem istam commendo, hoc ago, ut illam seueritate quadam aspersam, atque conditam nolim. Memini Sapientis ita monentis. Eccles. 30. *Equus indomitus euadit durus, & filius remissus euadet præceps. Lacta filium, & pauentem te faciet, lude cum eo, & contristabit te. Non corrideas illi ne doleas, & in nouissimo obstupefiant dentes tui. Non des illi potestatem in iuuentute, & ne despicias cogitatus illius. Curua cernicem eius in iuuentute, & tunde latera eius dum infans est, ne fortè induret, & non credas tibi, & erit tibi dolor anima.* Memini Heli remissam 1. Reg. 2. indulgentiam grauissimis castigatam verbis, & 23. pœnis seuerissimis vindicatam. Illud ergo tantum contendo Magistri hoc munus esse, ut cum blandis verbis Principem in officio continere

potest, ab asperiore absteineat increpatione, quam sibi interdictam putare non debet, si eam vtilem fore crediderit ad curuandam nimis erectam pueri ceruicem, vt discat *Portare iugum ab adolescentia sua.*

Thren. 3.

27.

*Eloquētia
studium
Principe
dignum.*

5 Sed iam videamus quibus studiis Princeps futurus operam suam debeat impendere. Ac primum existimo cum ex Grammaticorum dumeris euaserit, per eloquentiæ campos excurrere debere, hæc enim facultas illi & pacis temporibus, & belli vsui futura est, illiusque beneficio consequetur, vt liberi homines quibus præfuerit, legum decretis, aut Principum iussis æquo animo se adstringi patiantur; & si quando seditiones, turbæue populares publicam quietem turbauerint, eas componere possit, & sedare animos mulcendo, & noxia consilia in melius oratione conuertendo. Rursus si bellandum fuerit vt consternatos militum animos à metu reuocare facultate dicendi, & tot pericula adeuntibus, laudem vita potiore, & antiquiorem esse debere persuadere possit. Hinc olim aliqui ex iis qui ad gubernandum populum à Domino destinabantur, si se infacundiores, & lingua impromptos sentiebant, defugiebant munus hoc publicum, & quantum poterant deprecabantur, vt Ieremias, qui etiam postquam à Domino audiuerat, *Priusquam te formarem in utero noui te, & antequam exires de vulua sanctificaui te, & Prophetam in gentibus dedi te,* suam tamen opponit ineloquentiam, detrectatque munus demandatum. *Et dixi, inquit, A A A. Domine Deus, ecce nescio loqui, quia puer ego sum.* Similem excusationem Moses prætendit, qui mittendus in Ægyptum, vt popu-

Ierem. I. 5.

Ierem. I.

1.

lo suo salutem afferret, quod linguæ esset im-
 peditioris, & ad eloquendum parum expeditæ
 causabatur. *Obsecro Domine*, inquit, *non sum elo-* Exod. 4.
quens ab heri, & nudius tertius, & ex quo locutus es 10.
ad seruum tuum, impeditioris, & tardioris linguæ sum.
 Hanc autem excusationem Dominus non ita
 amolitur, ut dicat eloquentia eum opus non ha-
 bere, quod patrandorum miraculorum potesta-
 tem accepisset, sed potius se illi adfuturum pol-
 licetur, & in os verba positurum promittit, ut
 quæ, & quomodo opus esset dicere posset. *Dixit* Ibid. n. 11.
enim Dominus ad eum: Quis fecit os hominis, aut quis
fabricatus est mutum, & surdum, videntem, & cecum?
Nonne ego? Perge igitur, & ego ero in ore tuo, doce-
bôque te quid loquaris. Apud Ecclesiam etiam simi-
 lem Dominus anteuertere videtur excusationem,
 cum ait. *Fili hominis vade ad domum Israel, & loqueris* Ezech. 3.
verba mea ad eos, statimque aditum excusationi præ- 4.
cludit. Non enim, inquit, ad populum profundi sermonis,
& ignota lingua tu mitteris, ad domum Israël, neque ad
populos multos profundi sermonis, & ignota lingua, quo-
rum non possis audire sermones, & si ad illos mitereris,
ipsi audirent te. Quemadmodum autem ij, qui se
 minus ab eloquentia instructos arbitrabantur,
 publica munera reformidabant; ita qui paratam,
 & promptam haberent facultatem dicendi, tanto
 Dei munere non dissimulanter lætantur, ut Sa-
 lomon, cuius illud est. *Mihi dedit dicere ex senten-* Sap. 7. 17.
tiâ, id est ita dicere, ut quæ mentis agitatione
prius conceperim, ornare etiam eloqui possim,
sententiâque meam efferre oratione luculenta,
quam non libenter tantum admittant auditores,
sed etiam suspiciant. Nam ut idem inquit; *In* Sap. 8. 12.
conspectu potentium admirabilis ero, & facies Princi-

122 *Institutio politica ex sacris Scripturis.*

pum mirabuntur me, tacentem me sustinebunt, & loquentem me respicient, & sermocinante me plura, manus oris suo imponent. Nec vana hæc Salomonis iactatio, sed solida est & vera laus, vt enim testa-

Ecclef. 47. 16. tur Ecclesiasticus *Impletus est, quasi flumen, sapientia*, vt non tam copia rerum, quam verborum etiam ornatissimorum flumine redundaret. Sanctus etiam Isaias, ad quem volauit vnus de Sera-

Isa. 6. 6. phim, & in manu eius calculus, quem forcipe tulerat de altari, & tetigit os illius: sibi propter eandem causam gratulatur cum ait: *Dominus dedit mihi*

Isa. 50. 4. *linguam eruditam, vt sciam sustentare eum, qui lassus est verbo.* vel vt Forerius vertit ex Hebræo, *Vt sciam tempestiue miscere cum defatigato colloquium*, eorum scilicet mitigando dolorem, ac leniendo, qui curis pressi, aliquo indigent leuamento, quique vt dicitur in Prouerbiis *Corde pessimo sunt*, id est afflicto, & malis, ærumnisque fracto, quibus si sermone medicinam facere velis (quod non vulgaris artis est) ita verba componas ac moduleris necesse est, vt nec nimius sis, nec tamen ea quæ dicenda sunt prætermittas, eam quasi suscipiens dicendi necessitatem, ad quam ij se astringunt, qui carmina conscribunt, in quibus omnia ad certam quamdam pedum syllabarumque mensuram exiguntur, cui quidquam addere, vel demere non liceat, nisi totam carminis concinnitatem, artificiosamque structuram corrumpere velis. Qui sensus Sapientis esse videtur cum ait: *Acetum in nitro, qui cantat carmina cordi pessimo.* Importune enim & ad fastidium carmen consolatorium aliqui inculcare, adeo non sedat animum, vt potius illum exasperet, quasi acetum nitro superinfusum. Paret ergo sibi Princeps futurus facultatem

elo

eloquendi, quæ mente conceperit, quæ enim cultiùs efferuntur, gratiam quamdam rebus ipsiſ conciliant, quæ ſermoni ſubiectæ ſunt, quod docuit Salomô cum ait: *Lingua ſapientium ornat ſcientiam*, vel vt ex Hebræo verti poteſt, *Bonam reddit*: quæ enim bona ſunt ipſa per ſe ſe, ſi etiam bene dicantur, & aptè, bonitatem quamdam ab ipſa dicendi forma mutuuntur, vt non ſolùm qui ita loquitur (quod de Nephthali dicitur in Geneſi) *det eloquia pulchritudinis*, pulchra ſcilicet & ornata, ſed etiam vacillantem ſententiam confirmare, & meliorem facere poſſit.

Prou. 15. 2.

6 Alterum futuri Principis ſtudio in hiftoriæ cognitione verſari debet. Cum enim quæ vitæ noſtræ breuitas eſt, non ita facilè colligere poſſimus experientiam, ex iis quæ noſtro æuo gignuntur, annalium lectione incommodum hoc facilè compenſatur: qui enim diligenter in eorum peruolutione verſati ſunt, non ita multi temporis lectione, multorum ſæculorum illuſtria facta cognoscunt; vitæ humanæ commutationes varias, rerum omnis generis inſtabilitatem, & conuerſiones, Imperiorum ortus, & occaſus, ſontium pœnas, præmiâ fortium virorum, vt qui hiftorias legerint, præteritis etiam ſæculis vixiſſe videantur. Hinc de ſapiente dicitur in Eccleſiaſtico; *Sapientiam omnium antiquorum exquiret ſapient*, *& narrationem virorum nominatorum conſeruat*.

*Hiftoriam
cognoſcat
Princeps.*

Eccleſ. 39.

1.

Quod qui faciunt domi reſidentes in ſuo muſæo vaſtiſſimas regiones tranſmittunt, cõſiliis ac deliberationibus regum interſunt, certaminum ac triumphorum ſpectatores ſunt, magnæque animi voluptate, vitæ humanæ theatrum ingreſſi, quam quiſque perſonam, & quam decorè egerit con-

tem

124 *Institutio politica ex sacris Scripturis.*

templantur. Ex hac autem historiæ cognitione, quæ res præteritas repræsentat, veterem memoriam replicans, licet etiam de futuris facere coniecturam: nam eiusdem gentis ferè mores iidem perpetuo sunt, propterea quod sub eodem cælo viuunt in quo etiam nati sunt, iisdem cibus aluntur, easdem hauriunt aquas, & auras, ex quo fit vt similia sint corporum temperamenta, & crases & propensiones etiam animorum. Quare locum hic habet illud Sapientis. *Nihil est sub sole nouum, & quid est quod erit? id quod fuit.* Et forte Epimenides Cretensium Propheta appellatus est à D. Paulo, quia mores eorum describens carmine illo *Cretenses semper mendaces, mala bestia, ventres pigri*, non tam quales fuerint illo æuo, quo Epimenides vixit, sed etiam quales tantò post futuri essent, hoc est D. Pauli tempore, verè & ad viuum expressit: quare illud etiam suo suffragio confirmauit Apostolus cum addidit, *Testimonium hoc verum est.* Capiebat autem Assuerum voluptas illa, de qua dicebamus, historiæ cognoscendæ, quem legimus earum recitatione delectatum, adeo vt cum nocte quadam somnum capere non posset, afferri iusserit Regni annales, vt honesta illa animi oblectatione, molestum illud tempus iucundiùs falleret. Cuius lectionis extitit sanè operæpretium, nam Mardochæus suæ in Regem fidei præmium tulit, & ad ampliora promerita Regi, & Regno salutaria sibi aditum patefecit. Et sanè multùm Reipubl. interest publica extare monumenta historiarum, & annalium, quibus insignium virorum facta, dicta, consilia ab obliuione vindicantur, earumque rerum memoria conseruatur, quæ alioqui diuturnitate temporis ob-
rutæ

Eccles. 1.
9.10.

Tit. 1. 12.

Ibid.

Esther. 6.
1.

rutæ funditus interirent. Itaque iubet Dominus
 Moysen quædam scriptis mandare, ad facti me-
 moriam conseruandam, cum ait: *Scribe hoc ob mo-* Exod. 17.
numentum in libro. Nam accidit nonnumquam, vt 14.
 ad capiendum prudens aliqua de re ancipiti con-
 silium, veteres memorias consulere multum ex-
 pediat; quod Dario contigit, qui Bibliothecæ
 Regiæ monumentis edoctus, Cyro potestatem
 faciente, instituisse Iudæos moliri templum, adeo
 eos non prohibuit, vt etiam ex Regio ærario
 sumptus suppeditarit. *Tunc enim Darius Rex præ-* 1. Esdr. 6.
cepit, & recensuerunt in bibliotheca librorum qui erant 1.
repositi in Babylone, & inuentum est in Ecbathanis,
quod est castrum in Medena prouincia volumen vnum,
talisque scriptus erat in eo commentarius. Valet etiam
 plurimum historia ad accendendos virtutis amo-
 re animos, nam multi rerum præclare gestarum
 commemoratione ita excitantur, vt paribus ce-
 dere turpe ducant, interdum verò etiam maiores
 honestissima virtutis æmulatione superare co-
 nentur. Idcirco in sacra Regum historia tam enu- 2. Reg. 23.
 cleata, tam diligens fortium Dauid enumeratio, 8.
 de quibus multa minutim toto capite bene lon-
 go dicuntur, quæ vt cognitu sunt iucunda, ita
 militarem fortitudinem cote æmulationis vehe-
 menter exacuunt. Verset igitur adolescentulus
 futurus aliquando Princeps veterem, recentem-
 que historiam, & in ea quæ lux est veritatis, &
 magistra vitæ omnis exempli documenta in illu-
 stri posita contempletur, vt inde sibi & Reipubl.
 capiat quod visum fuerit imitandum, aliorumque
 malis, ipse interim periculi exors, erudiatur.

*Præcipuū
 studium
 Principis,
 Prudentiæ
 ciuili.*

7 Venio ad ciuilis prudentiæ doctrinam, quam
 præ cæteris omnibus colere Principes debent,
 huius

Prou. I. 2.

huiusque argumenti libros nocturna versare manu, versare diurna. Instituta enim sunt huiusmodi scripta *Ad sciendam sapientiam, & disciplinam, ad intelligenda verba prudentie, & suscipiendam eruditionem doctrinæ, iustitiam, & iudicium, & equitatem, ut detur paruulis astutia, adolescenti scientia, & intellectus. Quæ præcepta Audiens sapiens sapientior erit, & intelligens gubernacula possidebit.* Itaque Sapiens alio quodam loco prudentiæ huius laudes exquisitissimis Rhetorum pigmentis, elegantissimisque metaphoris exequitur, & inter cætera Sapientiam inducit egregia quædam dona, & quæ plurimum à mortalibus expetuntur suis tenentem manibus, ostentantem, affectatoribusque suis largientem, eamque inter cætera lignum vitæ appellat, cuius illa vis erat, ut vitam hominum qui ex illius fructu degustassent absque morborum ægritudinumque molestiis, imò vigentem hilarémque ad plurimas sæculorum longinquitates extenderet. *Beatus homo, inquit, qui inuenit sapientiam, & qui affluit prudentia, melior est acquisitio eius negotiatione argenti, & auri primi, & purissimi fructus eius, pretiosior est cunctis opibus, & omnia quæ desiderantur, huic non valent comparari. Longitudo dierum in dextera eius, & in sinistra illius diuitie, & gloria. Via eius via pulchra, & omnes semite illius pacificæ. Lignum vitæ est his qui apprehenderint eam, & qui tenuerit eam beatus. Dominus sapientiâ fundauit terram, stabiliiuit celos prudentiâ, sapientiâ illius erupunt abyssi, & nubes rore concrescunt. Fili mi ne effluam hæc ab oculis tuis. Custodi legem atque consiliū, & erit vita anime tue, & gratia faucibus tuis. Tunc ambulabis fiducialiter in via tua, & pes tuus non impinget, si dormieris non timebis, quiesces, & suauis erit*

Prou. 3.

13.

som

ſomnus tuus. Haſtenus Salomon. Capeſſat ergo Princeps hanc bene gubernandi doctrinam, diligentiſque ſtudio in ea tanquam ſibi maximè propria ſe exerceat, ne quod pueris accidit, qui ſub tutoribus ſunt, *Nihil differat à ſeruo cum ſit omnium* Galat. 4. 1.
Dominus, cogaturque miniſtris ſuis aut Conſiliariis omnia credere, illiſque quodammodo ſub-
eſſe, nec audeat ab eorum præſcripto ne latum quidem vnguem diſcedere, quod genus ſeruitutis eſt ſanè miſerum, periculique pleniffimum. Quantum enim præſtaret ipſum Principem res ſuas noſſe, & in deliberationibus, mentis agitatione, & conſilio expedire poſſe, quid agendum ſit, mox manus operi adimoliri, & virtute ſua effecta dare, Præſectorum, Magiſtratuumque ſuorum operam adhibentem, quàm ſub vnius, aut alterius Satrapæ poteſtate ignobilem & inertem vitam agere, illàmque dominationem pati de qua loquitur Salomon in Prouerbiis. *Seruus ſapiens* Prou. 17.
dominabitur filiis ſtultis, & inter fratres hereditatem 2.
diuidet. Et Eccleſiaſticus. *Seruo ſenſato liberi ſeruiant.* Eccleſ. 10.
28.
Exemplo eſſe poteſt Aman ille, quo rerum potente non Iudæorum tantùm res, ſed Aſſueri ipſius regnum, in maximum diſcrimen adductum eſt. Pauci enim ſunt qui cum Iosepho homine peregrino, & fratrum iniuria, ſeruo, conferri poſſint, cni ſalutem tota Ægyptus acceptam retulit, cum eum Terræ Saluatoris titulo honeſtauit. Prudentiæ ergo ciuiliſ ſtudio plurimum vrgeat Princeps, eamque cum Salomone poſtulet à Domino, cuius vota, & preces uſurpare vtiliter poterit; dicebat enim: *Domine Deus tu regnare feciſti* 3. Reg. 3.
ſeruum tuum pro Dauid Patre meo, ego autem ſum 7.
puer paruulus, & ignorans egreſſum & introitum meum,
&

& seruus tuus in medio est populi quem elegisti, populi infiniti, qui numerari, & supputari non potest pra multitudine. Dabis ergo seruo tuo cor docile (vel ut Kaldæus habet, *Intelligens*, vel ut Septuaginta vertunt, *Sapiens*) ut populum tuum iudicare possit, & discernere inter bonum, & malum. Quis enim poterit iudicare populum tuum hunc multum? Placuit ergo sermo coram Domino, quod Salomon postulasset huiusmodi rem. Et dixit Dominus Salomoni. Quia populasti verbum hoc, & non petisti tibi dies multos, nec diuitias, aut animas inimicorum tuorum, sed postulasti tibi Sapientiam ad discernendum iudicium, ecce feci tibi secundum sermones tuos, & dedi tibi cor sapiens, & intelligens, in tantum ut nullus ante te similis tui fuerit, nec post te surrecturus sit. Sed & hac quæ non postulasti dedi tibi, diuitias scilicet & gloriam, ut nemo fuerit similis tui in Regibus, cunctis retro diebus. Hanc verò prudentiam ex sacra Scripturæ oraculis & historiis potissimum petendam censeo, quamquam à lectione profanorum scriptorum, qui tamen orthodoxi sint, nouerintque tribuere *Quæ sunt Cesaris Cesari*, & *quæ sunt Dei Deo*, Principem non arceo; censeo enim ex iis multa vtiliter peti posse ad formandam augendamque prudentiam; nec vero Ethnicorum scripta cognoscere, hoc enim est, ut D. Hieronymus docet, Ægyptum diuitiis suis spoliare, & extorquere de manibus hostiū gladium, Goliæque caput proprio mucrone truncare, hoc est captivæ mulieris radere caput, supercilia, pilos & ungues amputare, & sic habere in coniugio, hoc est ex vxore fornicaria generare filium Iezrahel qui vocatur semen Dei, hoc est nouacula acuta barbam, & crura radere peccantium, hoc tandem est fornicantis tondere casariam.

Et

Epist. 84.

& 86.

Exod. 12.

36.

1. Reg. 17.

51.

Deut. 21.

12.

Osee 1. 4.

Isa. 7. 20.

Ezech. 5. 1.

Et video Moysen, quod supra tetigimus, eruditū fuisse omni sapientia Ægyptiorum, quæ quamuis profana esset, & multa falsa contineret, eam tamen cognoscere illi fuit vtilissimum, vel vt esset maiori in pretio apud Ægyptios, apud quos qui illa ignorabat, doctus haberi non poterat, quod & consecutus est, de eo enim dicitur. *Fuit Moyses* Exod. 11. *vir magnus valde in terra Ægypti, coram seruis Pharaonis, & omni populo;* vel quia pertinet ad sapientiaē consummationem omnia nosse, propria & aliena, vera & falsa, vtilia & noxia, hæc vt cauere possis, illa verò sequi: ideoque Salomon vt numeris omnibus absolutam sapientiam nancisceretur; *Dedit cor suum vt sciret prudentiam atque do-* Eccles. 1. *ctrinam, errorēque ac stultitiam.* Et Ecclesiasticus 17. sapientiaē sectatorem describens ait. *In terram* Eccles. 39. *alienigenarum gentium pertransiet, bona enim & mala in hominibus tentabit.* Quod tamen ita cautè fieri debet, vt tanquam explorator castra inimicorum ingrediaris, non vt transfuga, nec damnatorum opinionum auctores Ecclesiasticis legibus proscriptos, de quibus hîc sermo non est, coneris attingere.

8 Verùm quia quædam esse potest studij litterarum intemperantia, quæ eo magis in Principe damnanda est, quo publica negotia crebriorem, & diuturniorem eius præsentiam desiderant, curandum est, vt moderatè se studiis bonarum artium impendere Princeps assuescat, ne cognitionis dulcedine nimium prouectus, aut Reipubl. functiones negligat, aut remissiùs curet. Neque enim tantum temporis Philosophiæ v. g. contemplatrici dandum est, aut Mathematicis disciplinis, quantum publicus aliquis harum scientia-

*Moderatè
Principi
studendū.*

130 *Institutio politica ex sacris Scripturis.*

rum professor, aut quivis alius otio abundans tribuere potest; sed parcius sunt ista delibanda, manuque suspensiore tractanda, ne philosophum potius agere in lycæo aut academia, quàm Prin-

Prou. 25.
16.

inuenisti, inquit Sapiens, comede quantum sufficit tibi, ne forte satiatus euomas illud. Huc etiam facit commendatio illa sobrietatis sapiendi, quæ est apud

Rom. 12.
3.

D. Paulum, (quamuis alio etiam fortasse spectans) vt scilicet intelligamus modum esse quemdam in disciplinarum studiis, ac litteris, quem deceat vnumquemque tenere, status conditionisque suæ

Eccl. 1. 12.

prudenter æstimata ratione. *Ego Ecclesiastes, inquit Salomon, fui Rex Israhel in Ierusalem, & proposui in animo meo querere, & inuestigare sapienter de omnibus quæ sunt sub sole. Hanc occupationem pessimã dedit Deus filiis hominum, vt occuparentur in ea. Meritò occupatio pessima dicitur, hoc est laboris plenissima, quia multis, arduis, & vix explicabilibus quæstionibus omnia implicata sunt, quas extricare, aut euoluere, operosissimum est.* Vidi, inquit

Eccl. 3. 10.

idem Salomon, *afflictionem quam dedit Deus filiis hominum, vt distendantur in ea. id est affligantur, macerentur in ea. Cuncta fecit bona in tempore suo, & mundum tradidit disputationi eorum.* Rursus Ecclesiastes hanc eandem sciendi difficultatem ma-

Eccl. 8. 16.

gis exaggerans ait. *Et apposui cor meum vt scirem sapientiam, & intelligerem distentionem, quæ versatur in terra. Est homo qui diebus & noctibus somnum non capit oculis, & intellexi quòd omnium operum Dei nullam possit homo inuenire rationem eorum quæ sunt sub sole, & quanto plus laborauerit ad quarendum, tantò minus inueniet: etiam si dixerit Sapiens se nosse, non poterit reperire.* Cum ergo litterarum studia animi

vires

vires in diuersa rapiant, & Principem à publicis negotiis auocare possint; ita attingenda sunt, vt imbuatur quidem animus doctrinis quantum fieri potest, sed intra modum, ne cum publicam personam sustineat, otium auidè consèctans, turbasque deuittans, à publico se subducat, quod idem ferme esset atque si Principis nomine reuento, Principem tamen exueret, quod quàm noxium sit, & indecorum nemo non videt.

Finem boni publici Principi propositum esse debere.

C A P V T IX.

PRæcipua boni Principis cura esset debet in publicis commodis curandis, promouendis, amplificandisque. Imò hanc vnâ illi curam incumbere, quâ Princeps est, meritò affirmare possumus. Vt autem hoc illius munus explicemus, allegorias quasdam hoc capite euoluemus, quæ hoc in sacris litteris significare videntur, vt, dum eas explicamus, animum adiicienti satis constabit.

I. De Principibus ergo in Scripturis ita aliquando sermo est, ac de *Basibus*, ac *Fundamentis*, quibus totius politix structura innitatur. Hinc Moyses Israelitici populi totius Basis sub grauissimo pondere molis illius gemens conquirebatur apud Dominum, quod supra vires impositæ gubernationis sarcina grauaretur. *Sed & Moysi*, Num. II. inquit, *intoleranda res visa est, & ait ad Dominum:* 10.

*Basis.
Fundamentum.*

132 *Institutio politica ex sacris Scripturis.*

cur afflixisti seruum tuum ? Quare non inuenio gratiam coram te, & cur imposuisti pondus vniuersi populi huius

Ibid. n. 14. super me ? Et paulo post. Non possum solus sustinere omnem hunc populum, quia grauis est mihi. Sin aliter tibi videatur, obsecro vt interficias me, & inueniam gratiam in oculis tuis, ne tantis afficiar malis. Cui Dominus iam ex parte exoratus, seniores adiunxit, qui venirent in partem laboris oneris fulciendi. Vt

Ibid. n. 17. inquit, sustentent tecum onus populi, & non tu solus graueris. Quod etiam faciendum monuerat Iethro, cum ad generum suum Moysen venit in deserto. Vltra vires, inquit, tuas est negotium, solus illud non poteris sustinere. Quamobrem etiam illi auctor fuit, vt aliquos sibi ascisceret laboris socios, sicque sublatum humeris pondus minueret,

Ibid. n. 22. Leniusque sit tibi, inquit, paratio in alios onere. Hinc S. Iob Principes, quasi quosdam Atlantes facit,

Iob. 9. 13. mundum humeris fulcientes, cum ait, Sub quo curuamur qui portant orbem ; Reges nimirum ac Principes quorum humeris vniuersa gubernationis machina insedit. Eodem etiam tendit altera

sa. 16. 7. metaphora, Fundamenti, quæ est apud Isaiam ; vbi enim legimus. His qui latantur super muros cocti lateris, loquimini plagas suas. Ex Hebræo verti potest, Propter fundamenta ciuitatis fictilis, cogitabitis vos claudi qui solum euasistis, hoc sensu. Vos obscuri, & inermes prælij infelicis tristes reliquæ, propter fundamenta ciuitatis, id est, propter Principes, solliciti eritis. Sed clariùs etiam Principes fundamenta dicuntur apud alium Prophetam

Micheas cum ait. Audiant montes iudicium Domini, & fortia fundamenta terra. Et apud S. David in Psalmo,

Psal. 81. 5. Moueuntur, inquit, omnia fundamenta terra ; de quibus autem loquatur, ex sequentibus patet cum ait ;

ait: Ego dixi, *Dij estis, & filij Excelsi omnes.* huiusmodi autem sunt Principes, qui Dei locum tuentur in terris, eiusque vices implent.

2 Ab illa autem Basis, & Fundamenti meta- *Murus.*
phora parum recedit alia (vt pote à domorum *Angulus.*
structura desumpta) qua Principes *muri* appellantur, ac præsertim murorum *anguli*, vt scilicet intelligatur non minus Rempubl. Principibus suis inniti, quàm rectum ipsum, & tabulata muris & angulis domus incumbant. Aut si à mœnibus ducta sit similitudo, propterea dicemus Principes muros esse, quod quemadmodum murorum munitione tuti ciues sunt ab hostium excursionibus, & violentia, ita vt publica quies ab illis nihil timeat; ita Principe publicum bonum procurante Respubl. vniuersa, Præfectorum iniustitiam, aut avaritiam, cæterasque labeles quæ Rempub. vastare solent, Principe se illis tanquam murum opponente, non reformidat. Hinc Ieremias conqueritur, Principes sui temporis parietes esse inclinatos, & ruinæ proximos, qui nec stare ipsi, nec alios suo obiectu defendere possint. *Omnes isti* *Ierem. 6.*
Principes, inquit, *declinantes*, Græcè *διεφθαρμένοι*, 28.
corrupti, *ambulantes fraudulenter*, *as & ferrum vniuersi corrupti sunt*, vt iam populis non minus periculum immineat, quàm si murus æreus perfossus esset, aut subrutus, aut suo vitio tam grandes egisset rimas, vt in urbem, aut domum hostes admitteret. Contra quam facit Deus, sub cuius tutela omnis periculi expertibus, omnique sollicitudine vacuis, viuere licet: *Super hoc*, inquit *Isa. 25. 3.*
Isaias, *laudabit te populus fortis*, *ciuias gentium robustarum timebit te*, *quia factus es fortitudo pauperi*, *fortitudo egeno in tribulatione sua*, *spes à turbine*, *umbra-*
culum

134 *Institutio politica ex sacris Scripturis.*

culum ab astu, spiritus enim robustorum, quasi turbo impellens parietem. Sed paries hic cedere nescius est, & quantasuis venti procellas excitarint, stat, tegitque suos, & ab omni discrimine immunes, ac securos præstat. Sunt ergo Principes muri, sed sunt etiam murorum anguli, ita enim illos appellat Isa. 19. 13. *lat* Isaías, apud quem legimus, *Deceperunt Ægyptium angulum populorum eius, vel ut alij vertunt, Errare fecerunt Ægyptium anguli familiarum eius.*

Et sensus est, Principes familiarum Ægyptiarum populos in errorem induxerunt, à fabricis ducta metaphora, ut dictum est. Quemadmodum enim in angulis firmiores collocantur lapides, *Ut faciant utraque unum*, solidiúsque tota moles confluat, ita Principes quibus innititur Respubl. instar habent angulorum, cum ipsam consilio, prudentiâ imperiôque suffulciant. Sic in libro

Iud. 10. 1. *Iudicum dicitur. Egressi itaque sunt omnes filij Israel, & pariter congregati quasi vir unus de Dan usque Bersabee, & terra Galaad ad Dominum in Maspha, omnesque anguli populorum, & cuncta tribus Israel in Ecclesiam populi Dei conuenerunt. Et primo Regum habetur: Dixitque Saut, applicatè huc uniuersos angulos populi. Principes scilicet & Phylarchos.*

1. Reg. 14. 38.

Pastor.

Ioan. 10.

11.

3 Sed frequentissimè in Scripturis sacris Principes Pastores appellantur; Nam quemadmodum Bonus Pastor animam suam dat pro ouibus suis, illudque potissimum curat, ut toti gregi seruiat, & ab ouilibus lupos, aut leones arceat, qui perniciem pecoribus afferre solent; ita Princeps aut externos hostes, aut sceleratos ciues, quibus hand secus quàm lupis Respubl. laceratur, de medio tollit, magnòque studio, & vigilantia subiectis populis parat securitatem. Itaque Pastoris munus

Regni

Regni quoddam rudimentum aliquibus fuit, ut S. Dauid, qui cum parentis sui oues pasceret in deserto, factus est Pastor populorum, ut ipse canit in Psalmo. *Et elegit, inquit, Dauid seruum suum.* Psal. 77. & *sustulit eum de gregibus ouium, de post fatantes accepit eum, pascere Iacob seruum suum, & Israel hereditatem suam.* Imo pastor Dauid, Pastorem non semel facit Dominum, cui Israelis caulæ cordi sint, ut cum ait: *Qui regis Israel intende, qui deducis velut ouem Ioseph,* Et alibi: *Dominus regit me, nihil mihi deerit.* Et *Reges eos in virga ferrea.* Utrobique enim regendi verbum Pastoris officium exprimit, idque clariùs in Græco contextu, in quo τὸ ποιμαίνων sumptam à Pastoribus metaphoram luculenter ostendit. Sunt ergo Principes Pastores, quo etiam allegoriæ integumento frequenter à Prophetis arguuntur, cum accepta ad bonum gregis potestate, ad suas explendas libidines abuntur. *Pastores multi,* inquit Ieremias, *demoliti sunt vineam.* Kaldæus habet, *Reges multi.* & infra. *Va Pastoribus qui disperdunt, & dilacerant gregem pascuæ meæ, dicit Dominus. Ideo hæc dicit Dominus Deus Israel ad Pastores qui pascunt populum meum. Vos dispersistis gregem meum, & eiecistis eos, & non visitastis eos.* Et post pauca; *Suscitabo,* inquit, *super eos Pastores, & pascunt eos; non formidabunt ultra, & non pauebunt, & nullus quæretur ex numero, dicit Dominus.* Quam eandem sententiam pluribus prosequitur Ezechiel toto cap. 34. copiosè sanè, & eleganter, aliique Prophetæ nonnulli, ut Micheas, & Zacharias. Sanctus verò Iob, quem alibi Principem fuisse diximus, munus etiam Pastoris egregiè sustinuit, ut de se ipse testari videtur, qui à grege abstractas ouiculas à bestiarum dentibus

70.

Psal. 79. 1.

Psal. 2. 9.

Ierem. 12.

10.

Ierem. 23.

1.

Ibid. n. 4.

Micheas.

3. 3.

Zachar.

11. 5.

136 *Institutio politica ex sacris Scripturis.*

- Iob. 29. 17. eripiebat. Sic enim ait: *Conterebam molas iniqui, & de dentibus illius auferebam pradam; periculo etiam suo, gregi suo, cui eximia sedulitate seruiebat, prospicere satagens. Sed inuenio etiam aliquid amplius in Scripturis, quod ad Pastores istos populorum pertineat, ut scilicet non more vulgari tantum greges ad læta pascua adducant, domumque reducant tanquam pecudes ratione carentes, sed ita Pastores sint, ut etiam nutrices appellari possint, eam scilicet pascendi rationem adhibendo, quæ hominum naturæ accommodata est, quod*
- Isa. 49. 21. *est apud Isaiam. Ecce, inquit, leuabo ad gentes manum meam, & ad populos exaltabo signum meum, & afferent filios tuos in vlnis, & filias tuas super humeros portabunt, & erunt Reges nutriti tui, & Reginae nutrices*
- Isa. 60. 16. *tue. Et alibi. Et suges lac genium, & mamilla Regum lactaberis. Quod nutricis munus sibi impositum sentiebat, & querebatur Moses, cum Dominum*
- Num. 11. 12. *ita appellat: Numquid ego concepi omnem hanc multitudinem, vel genui eam, ut dicas mihi. porta eos in sinu tuo sicut portare solet nutrix infantulum, & defer in terram pro qua iurasti Patribus eorum? & Isaias populum sibi à Domino creditum instituens, Audite me, inquit, Domus Israel, qui portamini à meo utero, qui gestamini à mea vulua, usque ad senectam ego ipse, & usque ad canos ego portabo, ego feci, & ego feram, ego portabo, & saluabo. Illi planè similis qui de se ipso dicebat: Filioli mei quos iterum parturio donec formetur Christus in vobis. Ipse verò Dominus populi sui ingritudinem accusat, quod ne nutricem quidem suam (quod tamen infantuli faciunt) Deum agnoscerent, qui tanquam Princeps, & nutrix peculiarem illorum curam susceperat. Et ego, inquit, quasi nutritus Ephraim portabam eos in brachiis meis,*
- Galat. 4. 19.
- Osee 11. 3.

meis , & nesciunt quod curarem eos.

4 Tandem capitis etiam nomine Principes significantur in scriptura vt ex hoc intelligant , propterea in arce corporis huius , quod est Respubl. collocatos esse , vt quemadmodum caput , sentiendique facultates , quæ in eo præcipuè sedem habent , pro totius corporis salute excubant , illud in suis functionibus officiisque dirigendo ; ita Princeps totius Reipubl. incolumitati præsidere debet , resque noxias omni conatu à reliquo corpore amoliri. Adeo verò frequenter Principes *Capita* appellantur à sacris scriptoribus , vt necesse non sit operosè multa huius rei testimonia conquirere. Paucula quædam de multis afferam , quæ rem plenam faciant. In libris Regum ait Samuël ad Saül ; *Nonne cum paruulus esses in oculis tuis , Caput in tribubus Israël factus es ? vnxitque te Dominus in Regem super Israël ?* Et Isaias , *Disperdet* , inquit , *Dominus ab Israël caput , & caudam , incuruantem , & refranantem die vna ;* & ne schematis inuolucrum sententiam redderet obscuriorem , statim subdit dicti sui interpretationem , *Longauus* , inquit , *& honorabilis ipse est caput.* Nec dissimiles minæ apud Oseam. *Cæpit* , inquit , *gladius in ciuitatibus eius , & consumet electos eius , & comedet capita eorum ,* Id est Principes eorum , quæ metaphora etiã alibi apud eundem Prophetam occurrit , vt cum ait. *Et congregabuntur filij Iuda , & filij Israël pariter , & ponent sibi met caput vnum , & ascendent de terra.* Quod in vulgata legimus in Psalmo. *Herodij domus dux est eorum* , in Hebræo est. *Herodij domus est in capite eorum.* Id est caput , Dux , ac Princeps eorum. Et Amos Caput sextum suæ prophetiæ his verbis exorditur. *Va qui opulenti estis , & confiditis in mon-*

CAPVT.

1. Reg. 15.

17.

Isa. 9. 14.

Osee 11. 6.

Psal. 103.

20.

Amos. 6. 1.

138 *Institutio politica ex sacris Scripturis.*

re Samaria : optimates, capita populorum , ingredienti-
pompaticè domum Israël. Quando ergo Principes
Bases sunt ac Fundamenta populorum , Pastores, &
Capita , diligenter curent ne suo vitio structura
quam fulciunt labet , aut ruat ; néve greges cre-
ditos lupis prodant ; tandémque ne corporis to-
tius membrorumque incolumitatem negligant.
Sed omnes cogitationes suas eò dirigant, vt quo-
niam Reip. præsunt, illi etiam pro virili prodesse
contendant.

*Principem virtutem colere debere,
vt exemplo subditis prosit.*

C A P V T X.

*Quantum
possit Prin-
cipis exē-
plum in
vtramque
partem.*

1 **Q**Uamquam sua spóte Princeps virtutem
colere debet , vt melior fiat , alia tamen
ratio de qua hoc capite agemus , idem suadet, vt
scilicet exemplo suo , quod in vtramque partem
plurimum potest , subditos ad omne genus ho-
nestatis extimulet. Hanc autem habere vim vi-
tam morésque Principis , vt vel prosint pluri-
mum, vel noceant , facile intelliget qui animad-
uerterit eos esse *Ciuitatem supra montem positam, &
Lucernam super candelabrum*, ita locatam, vt nul-
la possit ratione velari , quo minus in omnium
oculos incurrat , ingentíamque subditis inclina-
tionem quamdam animi ad æmulandos Princi-
pis sui mores & studia , siue quod præclarum vi-
deatur se suáque ad excellentioris imaginé exem-
plúmque componere ; siue quod illius volunta-

Matth. 5.
14.

ti obsequendo compendium aliquod speretur diuitiarum, honoris, aut rerum earum, quas à Principibus consequi solent homines ad adulandum proiecti: siue tandem cæco quodam (quod multis accidit) imperu ferantur, vt quod à primoribus vsurpari vident, & ipsi sequantur, honesta sint an turpia; vtilia, an noxia, non disquirant. Suscepturus Abraham signaculum illud à Domino institutum, quo à cæteris gentibus ipse cum suis distingueretur, & carnem præputij sui, vt scriptura loquitur, circumcisurus, quo vulnere acerbus in primis dolor afferebatur, voluit primus ipse vulnus pati, satis gnarus nec filios nec vernas si exemplo ipse præisset, imperium detrectaturos. Nec sanè mirum domum vniuersam heri sui exemplum secutam, nam *Oculi seruorum in* Psal. 122. *manibus dominorum suorum*, quorum illud ingenium est, nihil obseruare attentius quàm eorum actiones, studia, propensiones, vt in quacunque partem inclinauerint, ipsi etiam eo se conferant. Tulit Iacob virgas populeas virides, & amygdalinas, & ex platanis, ex parte decorticauit eas, de- Genes. 30. 37. *tractisque corticibus in his qua spoliata fuerant, candor apparuit, illa verò qua integra fuerant, viridia permanserunt, atque in hunc modum color effectus est varius. Factumque est vt oves in ipso calore coitus intuerentur virgas, & parerent maculosa, & varia, & diuerso colore respersa.* Eodem planè modo subditi, qui sub Pastoribus populorum Principibus viuunt, quæ illis obiciuntur, & ostentantur exempla, ita contemplantur, vt suarum actionum fætus concipiant, & in lucem edant eiusdem coloris, quem in virgis sceptrisque Regalibus inesse animaduertent. Ac quemadmodum agmina Israëlita- Exod. 136. 21. rum

rum in deserto nube stante consistebant, progrediente castra mouebant, illiusque ductum in omnibus sequebantur; ita populi pro volūtate Principum, aut exemplo actiones omnes suas moderari ac regere consueuerunt. Est autem id Principibus adeo facile, vt vel digito vno admoto ea moliri possint, quæ priuati quantumuis toto conatu adnitantur, loco mouere non possunt. Hinc fortè illa reprehensio. Scribarum, & Phariseorum; *Super cathedram Moysi sederunt Scribae, & Pharisei, omnia ergo quaecumque dixerint vobis seruate, & facite, secundum verò opera eorum nolite facere, dicunt enim & non faciunt; Alligant enim onera graui, & importabilia in humeros hominum, digito autem suo nolunt ea mouere, cum tamen, vt diximus, si vel digitum vnū applicent, facile possint, quippe cathedram Moysi vt populi Capita, & Pastores occupantes. Quanto ardore animi Ieroboam impium Regem securi sunt populi, Regis noui exemplum, in veteri religione, quam cum lacte suxerant, deserenda? Testis Osee propheta, qui, eos *lætificasse Principes*, qui nimium id optabant, *Omnes adulterasse*, hoc est ad Idola, à veri Dei cultu defecisse, idque non remisit aut languidè, sed magno animi ardore fecisse conqueritur, *Omnes enim calefacti sunt quasi clibanus*, calore ab ipso Principe, qui priùs exarserat contracto, nec eos aut veritatis præcones, aut mille conscientiae testes, aut eorum qui steterant, nec genua sua ante Baal curuare sustinuerant exempla, in officio continere potuerunt. Tantus enim aliquando est ardor, quo subditi dicta, aut facta Principum suorum æmulantur, vt à rebus difficilioribus, & quas alioqui refugerent, ad eò non abhorreant, vt etiam*

studiosè

Matth.
23. 2.

Osee 7. 3.

studiosè confectentur. Re in bello infœliciter gesta ; *Arripuit Saiil gladium & irruii super eum.* 1.Reg.31.
Quod cum vidisset armiger eius, videlicet quod mortuus 4
esset Saiil, irruii etiam ipse super gladium suum, & mor-
tuus est cum eo, funestam mortis faciem, qua nihil
terribilius obiici potest hominibus, non refor-
midans, Principis sui exemplum secuturus. Ver-
bis pœnisque grauissimis sanxerat Dominus, ne
quis profana illa & execranda sacra faceret, quæ
Ammonitz exercebant, liberos suos idolo Mo-
loch concremantes. De semine tuo, dicitur in Le- Leuit.18.
uitico, non dabis ut consecretur Idolo Moloch, nec pol- 21.
lues nomen Dei tui. Et rursus. Homo de filiis Israël, & Leuit.20.
de aduenis qui habitant in Israël, si quis dederit de se- 2.
mine suo Idolo Moloch, morte moriatur: populus ter-
ra lapidabit eum. Et ego ponam faciem meam contra
illum, succidámque eum de medio populi sui, eo quod
dederit de semine suo Moloch, & contaminauerit san-
ctuarium meum, ac polluerit nomen sanctum meum.
Quod si negligens populus terra, & quasi parui pen-
dens imperium meum, dimiserit hominem qui dedit de
semine suo Moloch, nec voluerit eum occidere, ponam
faciem meam super hominem illum, & super cognatio-
nem eius, succidámque & ipsum, & omnes qui consen-
serunt ei, ut fornicaretur cum Moloch de medio populi
sui. Quem à scelere non deterreat tam diserta, &
enucleata, tam seuera & grauis malorum denun-
tiatio? & tamen cum genus hoc impietatis suo
tempore Achaz instaurauit (nam ipse est qui ado- 2.Paral.
leuit incensum in valle Ben-ennon, & lustrauit filios 28.3.
suos in igne iuxta ritum gentium) morbus repente
vulgatus plurimos corripuit, & quod Hierosoly-
mis Rex faciebat, in aliis etiam Regni ciuitati-
bus passim vsurpari captum est, plúsque apud
 subdi

142 *Institutio politica ex sacris Scripturis.*

subditos superstitione insana furentes Principis exempla valuerunt, quàm filiorum carissimorum amor, quorum ciulatus tristissimos, ne auribus perciperent, commiserationeque tam sæuæ mortis commouerentur, tympanis ciebant strepitus, corúmque voces penitus obruebant. Sed ecce tibi illo extincto, excitat Dominus pium Regem Ezechiam, qui Sacerdotum Leuitarúmque cætu conuocato, *Audue me, inquit, Leuita, & sanctificamini, mundate domum Domini Dei patrum vestrorum, & auferite omnem immunditiam de sanctuario.* Nec mora, omnis impietatis vestigia continuo abolita sunt, cæsx victimæ, purgatum templum, antiqui mores restituti, & quod ad rem nostram facit, cùm populus priùs contagione impietatis non tantùm afflatus esset, sed planè corruptus, rediit tamen ad pristinam Religionem Principe præeunte, & adhortante, idque volens ac libens, nam eodem capite dicitur: *Et completus est cultus domus Domini, letatusque est Ezechias, & omnis populus, eo quod ministerium esset expletum; de repente quippe hoc fieri placuerat, id est adeò verbis, & exemplo boni Principis incensi sunt omnes, vt quod ipse fieri cupiebat, placuerit etiam cito effectum dare, nullaque temporis mora interposita, vt magis Regi suo gratificarentur. Similis Iosifæ zelus describitur in libris Regū, parque successus, vt velex his duabus historiis satis pateat*

2. Paral.
29.5.

Ibid.num.
55.

Pfalm.2.1.

quanta sit exempli vis in vtramque partem. *Quare fremuerunt gentes, inquit S. Dauid, & populi meditati sunt inania? & statim causam quam habebat in promptu, à prauo Regum, & Principum exemplo petitam, subdit. Astuerunt Reges terra, & Principes conuenerunt in vnum, aduersus Dominum, & aduer*

aduersus Christum eius. Quis enim credat populum tantis, tam crebris, tam insignibus ornatum beneficiis à Christo Domino, qui *Pertransiit cunctis benefaciendo*, ægritudines pellendo, oculis captos illuminando, debiles pedibus erigendo, mortuos ipsos iam conditoriis inclusos ad vitam excitando, tam sæuis cruciatibus, tam acerba, ac turpi morte necaturum fuisse, si Herodes & Pilatus, Annas & Caiphas cæterique populi, ac sacerdotum præsidēs, tam immanis facinoris auctores non fuissent? Quare Psalmum suū Dauid ita concludit, vt ad Reges solos orationē suam conuertat, ac si ipsi duntaxat perpetrati sceleris labem contraxissent; eosque ad Filium Dei debito reuerentiæ, & honoris cultu colendum adhortatur.

Et nunc Reges, inquit, *intelligite, erudimini qui iudicatis terram, seruite Domino in timore, & exultate ei cum tremore: Apprehendite disciplinam*, seu vt alij ex Hebræo vertunt; *Osculamini filium, ne quando irascatur Dominus, & pereatis de via iusta.* Et meritò nititur capita sanitati restituere, hæc enim si morbus aliquis corripuerit, ad reliquas etiam corporis partes lues faciliè proserpit: *Omne caput languidum*, inquit Isaias, *& omne cor marens.* & statim quis effectus existat subiicit, *A planta pedis usque ad verticem non est in eo sanitas.* Nam, vt est in Ecclesiastico, *secundum iudicem populi, sic & ministri eius, & qualis rector est ciuitatis, tales & inhabitantes in ea; Rex insipiens perdet populum suum.* Et in Prouerbiis dicitur, *Princeps qui libenter audit verba mendacij, omnes ministros habet impios.* Talis domus Ieroboam, cuius filius, qui nondum per ætatem capax erat impietatis, propterea *solus in sepulchrum illatus est ex vniuersa Regis illius fami-*

Ibid.num.
10.

Isa. 1. 5.

Eccles. 10.
2.

Prou. 29.
12.

3. Reg. 14.
13.

lia,

x44 *Institutio politica ex sacris Scripturis.*

Dan 5.1.

lia, quod prauam parentum suorum institutionem, & noxia exempla mortis beneficio anteuertisset, fortè nihilo melior cæteris futurus, si diutius viuere licuisset. *Balthassar Rex fecit grande conuiuium optimatibus suis mille, & unusquisque secundum suam bibebat etatem. Tunc allata sunt vasa aurea, quæ apportauerat de templo quod fuerat in Ierusalem, & biberunt in eis Rex, & optimates eius, uxores & concubina illius. Nec ex tanto numero reperi-*

Ionæ 3.6.

tus est quisquam, qui tam immane sacrilegium Rege præeunte, & insaniam illam cum vino propinante, reformidaret. Contra si Rex ad honestatem, & virtutem præiussset, affirmare auisim, composuisset se se turba illa concubinarum, & aulicorum, ad Religionem, & modestiam, vt Niniuitis videmus accidisse, qui cum essent plurimis grauissimisque sceleribus cooperti, Rege tamen, Ionæ prædicatione concusso, & ad pœnitentiam commoto, doloris, & scelerum suorum detestationis significationes ediderunt, quantas qui legunt, vehementer non admirari non possunt. Nam sordidatus Rex saccoque pro Regali paludamento indutus, cum sedisset in cinere, subditisque exemplo suo quid in eo discrimine facto opus esset ostendisset: repente ciues vniuersi cum Principe vestem mutarunt, imò ipsas pecudes instrauerunt faccis, sibi cibum, bestiis solitum pabuli demensum detrahentes, vt imminentem auerterent calamitatem, vt satis appareat quàm verè dictum sit in Psalmo. *Adorabunt eum omnes Reges terra, statimque subdatur quid Regum, & Principum exemplum possit: Omnes gentes seruiunt ei, quasi sit hoc perpetuum, ac necessarium cōsectarium, vt per Regis vestigia populus*

Psal. 71.
11.

pulus

pulus incedat, sicut etiam apud D. Ioannem habemus; *Credidit Regulus, & domus eius tota.* Ex ha- Ioan. 4. 13.

tenus autem disputatis apparet quid timuerit Esther 1.

Assueri consiliarius, qui à Rege consultus, quid cum Regina Vasthi videretur agendum, quæ ab Assuero ad conuiuium accersita venire contem-
pserat, in eam dixit animaduertendum videri, ne si ipsa impunè abiisset, ad reliquas manaret exemplum, totiusque Regni mulieres viros suos parui penderent, obsequiùmque detrectarent. Quod consilium omnibus visum est sapiens, & Rex ipse secutus est. Mirum profectò videtur, sapientissimos viros credere potuisse Reginæ còtumaciam tantùm apud reliquas mulieres valituram, vt merito timeri posset, ne vxores maritis imposterum parere recusarent. Sed nimirum quæ vis esset exempli in principe fæmina perpendebant, quod mulieres in re sibi grata arripere potuissent.

2 Cum ergo tantum habeat momentum Principis exemplum in vtramque partem, vt hæctenus dictum est, nemini mirum videri debet, si peccata Magistratum & Regū, qui aliis facem ad delinquendum præferunt in scripturæ historiis, & apud Prophetas, grauium verborum apparatu, & tanquam seuerissimè à Domino ultore vindicanda, proponuntur. Cum incidit mentio Ieroboam primi Regis Israel super decem tribus, illa nota ferè semper inuritur. *Qui peccare fecit Israël*, vt non citius Regis illius memoria quàm piaculum tanti sceleris recurreret. *Adhuc modicum*, inquit

Osee, *& visitabo sanguinem Iezrahel super domum Iehu.* Sensus est. Paulò post vlciscar scelera (quæ sanguinis nomine in sacris litteris designantur, quòd animæ peccatis quasi lethalibus quibusdam

Grauius peccare Principes, qui suo exemplo subditis nocēt, subditorumq; peccata illis adscribi.
3. Reg. 15. 26.

Osee 1. 4.

vulneribus cruententur) in Iezrahel ciuitate Regni metropoli perpetrata, pestifero exemplo regis domus Iehu, quæ populis illis peccata peccatis cumulandi causa fuit, nam *Et ipsi recesserunt de via*, ut est apud Prophetam. *Et scandalizauerunt plurimos in lege*, quare commeriti sunt, ut disperdat Dominus virum qui fecerit hoc, magistrum & discipulum de tabernaculis Iacob. Eodémque in-

Malach.

2.8.

Ibid.num.

14.

Psal. 1.1.

Ierem. 2.

33.

fortunio inuoluuntur, & qui se discipulos præbent, & qui Magisterium hoc improbitatis suscipiunt, nec verentur sedere *In cathedra pestilentia*. Hos autem Dominus apud Ieremiam inexcusabiles esse pronuntiat, cum ait, *Quid niteris bonam ostendere viam tuam ad querendam dilectionem, quæ insuper & malitias tuas docuisti vias tuas, & in alis tuis inuentus est sanguis animarum pauperum & innocentium?* Sententia est. Quid frustra contendis gratiam meam inire quasi non peccaueris, cum maculatus sis in iniquitate tua, nec multa nitri, sinigmati, aut herbæ fullonum pondera, tantas sordes possint abstergere, nominatimque scelus illud admiseris, quod alios exemplo, doctrinâque tua corruperis. Alas enim tuas quibus scelera perpetrantes defenderes expanderas, ut

Ibid num.

34.

iam non latenter in angulis, recessibus, & fossis, ut paulo post dicitur, sed palam, & in omnium oculis magnâque cum impudentia, ad omne peccati genus tuo magisterio instituti, proiecti essent. Detestatus fuerat Dauid peccatum suum, &

2. Reg. 12.

13.

à Propheta audiuerat; *Dominus transtulit peccatum tuum*. Verum quia Principis adulterium clam populo esse non poterat, ipsèque palam Bethsabæe in Regiam traducta nuptias celebrauerat, crimen hoc prauis exempli, peculiari quodam vindictæ

genere

genere expiandum fuit. *Verumtamen*, inquit Na- Ibid. num.
 than, *quoniam blasphemare fecisti inimicos Domini*, 14.
propter verbum hoc, filius qui natus est tibi, morte mo-
 rietur. nec pœnam hanc, puerique periculum ora-
 tione, ieiunio, humi cubatione, animique dolore,
 ac contractione deprecatus auertere potuit. nam
Percussit Dominus paruulũ quem pepererat uxor Vria, Ibid. num.
Dauid, deprecatusque est Dauid Dominum pro paru- 15.
lo, & ieiunauit ieiunio, & ingressus seorsum iacuit su-
per terram. Tanta verò doloris pertinacia se ipsum
 inacerauit, ut omnibus summotis continēti fletu,
 ac lacrymis indulgeret. Sic enim legimus. *Venerũt*
seniores domus eius cogentes eum ut surgeret de terra, qui
noluit, nec comedit cum eis cibum. Accidit autem die
septima ut moreretur infans. Hinc subditorũ pecca-
 ta Principibus imputantur. Sic Aaró propter vi-
 tulum conflatilem reprehenditur à Moyse: *Quid* Exod. 32.
tibi, inquit, fecit hic populus, ut induceres super eum pec- 21.
catum maximũ. ceterisque discipulis somno sepul-
 tis Petrus arguitur quòd non vigilaret: *Et ait Pe-* Marc. 14.
tro, Simon dormis? ut futurus aliquando Ecclesiæ 37.
Rector intelligeret subditorum peccata ad Prin-
cipes ipsos aliqua ratione pertinere.

*Initio Principatuum Principes
 ferme esse meliores, quàm sint po-
 stea: & quenam huius mutatio-
 nis sint cause.*

CAPVT XI.

*Probatur
 exemplo
 Saulis &
 Salomonis.*

Accidit nonnunquam, siue humanæ im-
 becillitatis vitio, siue Imperij ipsius con-
 ditione,

ditione, ut aliqui cum primùm Principatū adipiscuntur, clementia, animi moderatione, cum omnium ordinum hominibus æquitate, cæterisque virtutibus Principum propriis, se populis egregiè probent, qui postmodum in sœnitiam, tyrānicos mores aliæque omnis generis vitia sensim inclinant. Ac quemadmodū statuæ quæ per quietem Nabuchodonosori Chaldæorum Regi visa

Dan. 2. 32. est, *Caput ex auro optimo erat, pectus autem & brachia de argento, porro venter & fœmora ex ære, tibia autem ferrea, pedum quadam pars erat ferrea, quadam autem fictilis.* ut tam præclarum opus tandem in lutum desineret: ita Regum aliquot initia principatus aurea planè sunt, sed tamen paulatim ita degenerant in vitia, ut luto despicabiliore exitu concludantur. Cuius illustrior modestia, Regni initio, quàm Saül, qui Samueli Prophetæ nescio quæ ad regnum spectantia prænuntianti, quasi exitiabilis alicuius mali denuntiatione cohorruit, omnique nisu amoliri conatus est, generis obscuritatem prætexens cum ait; *Numquid non filius Iemini ego sum, de minima tribu Israël, & cognatio mea nouissima inter omnes familias de tribu Benjamin? quare ergo locutus es mihi sermonem istum?* Nec modestiùs locutus est quàm fecit, nam cum sortibus eductis per tribus, cognationes, & capita, ad ipsum Saül ventum esset, quæsitus non apparuit, se quippe subduxerat, ne Regio fastigio admoueretur. *Quasi erunt ergo eum & non est inuentus, & consuluerunt post hac Dominum utrum nam venturus esset illuc. Responditq; Dominus: Ecce absconditus est domi, vel ut est in Hebræo, Kaldæo, & Septuaginta, Inter vasa, hoc est inter domesticam supellectilem, intra quam ut ab eo discrimine securus esse*

1. Reg. 9.

21.

1. Reg. 10.

21.

esse posset, latebras quæsierat. Hic tamen tam bonus Princeps, moribus tam candidis, tam ab omni fastu, regnandique libidine alienus, quàm à se ipso descivit, aliisque factus est? quàm superbus & contumax, quàm regnandi, & Principatum ad filios transmittendi cupidus; quàm solers in iis amoliendis quæ rerum suarum cursum possent intercipere, quàm in Davidem ingratus, & sævus, quàm in alios etiam suos truculentus, & barbarus? statim simulandi, ac dissimulandi gnarus factus est, nam ab ipsa statim inauguratione, cum perditum quidam dixissent; *Num saluare nos poterit iste?* nec eum muneribus coluissent, *Ille dissimulat se audire.* Sed laudabilis fortè ista dissimulatio; non enim in illos, initio recentis Principatus, nondum diuturnitate firmati sæuiendum fuit, sed tantisper eorum turbæ tolerandæ, dum compositis rebus, & seditiosorum pacatis animis, tempestatem excitatam serenitas optata sequeretur. Illa nulla ratione excusabilis, qua peccatum suum velare potius quàm abstergere pœnitentiâ satagens, & de regno tantùm sollicitus, Samuel ita rogauit. *Sed nunc porta quæso peccatū meum,* 1. Reg. 15. &., *Peccaui, sed nunc honora me coram senioribus populi, & coram Israël, & reuertere mecum, ut adorem Dominum Deum tuum.* 25. Hoc quippe summopere illi curæ erat, ne si Samuële recedente populus intellexisset Saulem Regio iure excidisse, etiam de Regni possessione, quam tenebat, deturbaretur; itaque cum retinere nifus est, ne à sacerdote destitutus, tamquam Deo inimicus, à suis ipse defereretur. Vssit eundem Saül psallentium mulierum chorus, cum Davidis facinora patrio carmine decantantes ingeminabant; *Percussit Saül* 7. 1. Reg. 18.

150 *Institutio politica ex sacris Scripturis.*

mille, & David decem millia. Quid hoc causæ fuit? Regno timuit. Itaque Dauidem tantæ spei imminentem, crebrò mortis periculis obiciebat, finisque alterius discriminis gradus erat futuri, nam protinus reduci nouum parabatur certamen, quo si fieri posset è medio tolleretur, dicebat enim.

1. Reg. 18. *Non sit manus mea in eum, sed sit super eum manus Philistinorum.* Sic filiam Michol ei despondit, si centum cæsorum Philistæorum præputia numeraret, quod nimirum eodem consilio factum est, ut hostium telis obiectus caderet. *Dabo eam, dicebat, illi, ut fiat ei in scandalum, & sit super eum manus Philistinorum.* Tandémque cum fraudes nò succederent, ad apertam inimicitiam, & simultatem malè ad eum diem dissimulatum odium erupit.

Ibid. num. 29. *Nam factus est Saül inimicus David cunctis diebus, illumque quâ aperta vi, quâ dolis, & astu, semper tamen conatu in irritum cadente, sublatum voluit.* Huius autem tam diuturni tamque vehementis furoris causa fuit, quòd filium Ionatham, quem nequiquam sui sceleris participem facere conatus est, in Regno stabilire, Dauide summo-

1. Reg. 20. 31. *to, cupiebat: ita enim eum alloquebatur. Omnibus diebus quibus filius Isai vixerit, non stabilieris tu, neque Regnum tuum.* Nec priùs desit in Dauidem, & in eos quos partes eius fouere suspicabatur debacchari, quàm vitam exiit: præclarum nobis mutationis illius de qua agimus, relinquens documentum. Quid Salomon? cuius tanta fuit sa-

Eccles 47. 17. *Ad insulas longè diuulgatum su nomen eius.* Reginámque Sabam euocauerit, quæ illius sapientiam, & in Deum pietatem admirata. *Non erat pra stupore ultra in ea spiritus, dixitque ad Regem. Verus est sermo quem audieram in terra mea de virtutibus, & sapientia tua. Non credebam narranti-*
bus

bus donec ipsa venissem, & vidissent oculi mei, & probassem vix medietatem sapientiae tuae mihi fuisse narratam. Vixisti famam virtutibus tuis. Tantus tamen Princeps, tantis, & tam multis naturae praesidiis ornatus, tam praeclaris diuinitus acceptis muneribus cumulatus, inclinata iam aetate, qua aetate adco homines à recto virtutis tramite deflectere non consueverunt, ut etiam ij qui virtutis iter per adolescentiam non tenuerunt, maturitatem annorum adepti, multoque magis aetate iam ad senium vergente, ab erroribus reuocent sese: insanis mulierum cæterarum amoribus implicatus, diuino numini debitum honorẽ, ut mulierculis blandientibus gratificaretur, idolis tribuere non dubitauit. Nam Idumæas, & Sidonias, Moabitidas, & Ammonitidas vxores duxit ex Ægypto, etiam filiam Pharaonis, tanta intemperantia, ut septingentis vxoribus, trecentas adhuc concubinas superinduceret, quarum tandem mollitus blanditiis, fana idolis excitauit, in quibus vxores profanis gentium simulacris adolerent thura, tandiūque hæc insania tenuit, ut de Salomonis salute adhuc solliciti simus, & in sapientissimum mortalium illa Diui Pauli quadret reprehensio. Sic stulti estis, ut cum spiritum caperitis, carne consum-
memini.

3. Reg. ii.

1.

Galat. 3. 3.

2 Huius autem rei si quis causas inquirat, non erit difficile inuenire. Ac prima quidem sit luxus, opulentia, regiaeque deliciae, quarum proprium est rigorem virtutis frangere & ad omne genus corruptelae viam sternere. Quis autem nesciat Principum esse delicias illas, de quibus Amos quodam loco: *Va, inquit, qui opulenti estis in Sion, & confiditis in monte Samaria, Optimates,*

Luxum, & delicias

Regias hæc mutatione afferre.

Amos 6. 1.

152 *Institutio politica ex sacris Scripturis.*

Ibid.num.

4.

capita populorum, ingredientes prompatice domum Is-
 raël. & paulò post. Qui dormitis in lectis eburneis, &
 lasciuitis in stratis vestris, qui comeditis agnum de gre-
 ge, & vitulos de medio armenti, qui canitis ad vocem
 psalterij, sicut David putauerunt se habere vasa cantici.
 Exemplum scilicet David psalterio canentis suæ
 luxuriæ prætexentes, quæ tamen defensio illos
 nihil iuuabat cū dispar esset causa. Sanctus enim
 Psalter diuinas laudes exequentis musica pulsauit
 instrumenta, ipsi verò vt aurium dumtaxat volu-
 ptatem captarent. Bibentes vinum in phialis, & opti-
 mo vnguento delibuti. Sed hæc fortasse delitiæ intra
 priuatae fortunæ modum se continere facile vi-
 deri possunt, illæ planè Regiæ quas enumerat Sa-
 lomom, in Ecclesiaste cum ait. Magnificauit opera
 mea, adificauit mihi domos, & plantauit vineas, feci hor-
 tos, & pomaria, & conserui ea cuncti generis arboribus, &
 extruxi mihi piscinas aquarum, vt irrigarem syluam li-
 gnorum germinantium; possedi seruos, & ancillas, mul-
 tàmque familiam habui, armenta quoque & magnos
 ouium greges, ultra omnes qui fuerunt ante me in Ieru-
 salem; coaceruauit mihi argentum, & aurum, & sub-
 stantias Regum, ac prouinciarum; feci mihi cantores, &
 cantatrices, & delicias filiorum hominum, scyphos & vr-
 ceos in ministerio ad vina fundenda, & supergressus
 sum opibus omnes qui ante me fuerunt in Ierusalem:
 tandèmq; concludit, sapientia quoque perseuerauit
 mecum (quod fortè consilio Salomon expressit, qua-
 si rem alioqui difficilem consecutus sit, nam sa-
 pientia vt est apud S. Iob. Non inuenitur in terra
 suauiter viuendum) & omnia qua desiderauerunt oculi
 mei non negaui eis, nec prohibui cor meum, quin omni vo-
 luptate frueretur, & oblectaret se in his qua preparaue-
 ram. Hunc autem tam profusum luxum peccata quæ
 supra

Eccl. 2.4.

Iob. 28. 13.

supra memorauimus secuta sunt, angusto enim admodum limite luxus & luxuria separantur, facileque ex illo ista progignitur. *Ecce*, inquit Ezechiel, *hac fuit iniquitas Sodoma sororis tuae superbia*, ^{Ezech. 16. 49.} ea scilicet, quæ in cultu est corporis, purpura, atrox, ac pictis vestibus, gemmis etiam interlucen-
tibus distinctis, hoc enim exhibet vox Hebraica קָדָר quæ decorum, & speciem significat, ut cum dicitur apud Iob; *Circunda tibi decorem*, ubi eadem ^{Iob. 40.} vox occurrit. Pergit Ezechiel; *Saturitas panis, &* ^{5.} *abundantia*, ciborum scilicet omnis generis quæ palatum intemperantium irritare solent, quare Septuaginta verterunt, *& deliciis affluebat*. Nec se malum intra mania ciuitatis continuit, sed à metropoli ad circumiectos pagos manauit, nam pergit Ezechiel, *Et otium ipsius, & filiorum eius*, eorum scilicet, qui circumiectos pagos, & villas incolebant: nam agrestes etiam homines, qui victu alioqui tenui vitam tolerare cōsueuerant, ciuium tamen elegantiorumque hominum delicias emulabantur, ex quo tandem extremam calamitatem sibi accersuerunt. Itaque Salomon cibi præsertim & potus intemperantiam ab aulis Principum conatur amoliri, cum beatos eos prædicat qui sub Regibus viuunt, qui suis temporibus ad vires corporis instaurandas, non ad noxiam ventris voluptatem cibum capiunt. *Beata*, inquit terra, ^{Eccles. 10. 17.} *cuius Rex nobilis est, & cuius Principes vescuntur in tempore suo, ad reficiendum, & non ad luxuriam*. Et in Prouerbiis cum per omne genus præceptorum, quibus ad honestatem informemur, vagatus esset, paucula quædam quasi aureolam appendicem addere voluit, quæ librum quasi sigillo clauderent, altiùsque legentium mentibus inhaererent.

154 *Institutio politica ex sacris Scripturis.*

Prou. 31.
1.
num. 4.

Osee 4.
11.

Leuit. 10.
2.

Visio, inquit, qua erudiuit eum mater sua. Et paulo post. *Noli Regibus, ô Lamuel, noli Regibus dare vinum, quia nullum secretum est ubi regnat ebrietas, & ne fortè bibant, & obliuiscantur iudiciorum, & mutent causam filiorum pauperis.* Cum enim vt præclare Oseas pronuntiauit; *Fornicatio, & vinum, & ebrietas auferant cor omnibus, qui gubernationis clauum tenent, saluberrimum erit consilium, ita potum deliciasque omnes ciborum moderari, vt bene sobrij ad ius dicendum accedant.* Quare Dominus in Leuitico Sacerdotibus vini vsum certis temporibus interdixit, in Sacerdotalis ministerij reuerentiam: & verò etiam quia iudicatu- ros inter sanctum & profanum, pollutum & mundum, integros sensibus, non torpentes temulentia, ac madidos esse oportebat. Deliciæ ergo quibus Principes abundant pretiosæ vestes, cibi accersiti, ac suauis, multorumque manibus ministrati, domus ipsæ ac pauimenta quæ calcantur pretiosa, affectatorum famulorumque serico, auroque nitentium agmina, reliqua tandem sensuum blandimenta, transuersos illos agunt, & mores ad virtutem propensos deflectunt ad vitia, penitusque corrumpunt.

Negotiorum etiã multitudinẽ quam mentis culturam impedit.

Nahum 3.
16.

3 Altera causa quæ afferri potest, est negotiorum multitudo, quibus ita Principes obruuntur, vt nisi intentâ curâ malum auertant, virtutum semina ex quibus lætæ fruges, si se effunderent, possent existere, mole negotiorum depressa vim suam exercere non valeant. Est enim virtutis, diuturnitate temporis, repetitisque honestis actionibus, confirmata, ita se publico negotiisque per- mittere, vt de priorum integritate morum nihil deterius patiatur. In aulis autem Principum *Plures sunt*

sunt negotiationes eorum quàm stella sint cœli. Quare mirum non est, si Solitudinibus, diuinis, & voluntatibus viæ suffocantur. Principisque animus, licet fortasse olim virtutis cultura subactus, paulatim syluescit, & pro floribus ac frugibus dumos ac fentes procreat, fitque ager illius cum stulri viri agro planè geminus, de quo Salomon ait. Per agrum hominis pigri transiui, & per vineam viri stulii, & ecce totum repleuerant vritica, & operuerant superficiem eius spina, & maceria lapidum destructa erat. Hanc ob causam S. David statum mentis ita tueri conabatur, vt licet pluribus distraheretur negotiis pro Regij muneris necessitate, se tamen illis commodaret potius quàm traderet, ne fortè eorum raperetur impetu, & Turbaretur, circa plurima occupatus, quod tamen perpetuò tenere non potuit, Regni curis illum incursantibus, vocémque illam exprimentibus, Cor meum conturbatum est; vel vt D. Hieronymus legit, Cor meum fluctuabat; vel vt ex Hebræo verti potest, Cor meum circumnagatur, vel Circumcursat. Licet alio postea tempore maiorem adeptus constantiam dicere non dubitauerit: Paratus sum, & non sum turbatus, vt custodiam mandata tua. Ita nimirum virtutis tenax, vt militari honestatis viæ insistens ad nulla vitiorum diuerticula se capi pateretur.

Luc. 8. 15.

Prou. 24. 30.

Luc. 10. 41.

Psal. 37. 11.

Psal. 118. 60.

4 Tertia causa duabus hætenus explicatis addi potest, quòd Principes viros adulatorum agmina semper circumstant, (*Multi enim colunt personam potentis*) veritatisque faciem submoueant, Ponentes tenebras lucem, & lucem tenebras, ponentes amarum in dulce, & dulce in amarum. De quibus Isaïas quodam loco. *Popule meus, inquit, qui te beaurum dicunt, ipsi te decipiunt, & viam gressuum tuorum dissipant. Hi ergo*

Idem efficit adulatorum corruptela. Prou. 19. 6

Isa. 5. 20.

Isa. 3. 12.

156 *Institutio politica ex sacris Scripturis.*

ergo solita vanitate spes Principum inflant, suauiterque blandiendo præsentissimam perniciem deceptis parant, quos tantò cautiùs vitare debemus, quantò ab amicitia quam mentitur, propiùs abest adulatio, quæ submissa, & humana quadam specie, vbi ad aures obrepfit, *fascinatione negacitatis*, abducit à virtutibus, & in turpes vitæ scopulos non aduercentes illidit. Itaque Salomon. *Meliora sunt, inquit, vulnera amici, quàm fraudulentæ oscula inimici, & Melius est à sapiente corripì, quàm stultorum adulatione decipi.* Hinc Dauidis sanus, & ab initio bene fundatus animus, corripientis sermonis austeritatem optabat præ laudantis blanda oratione, cum dicebat. *Corripiet me iustus in misericordia, & increpabit me, oleum autem peccatoris non impinguet caput meum.* Tò Peccatoris, in Hebræo est *שׂוֹרֵר*, quod caput, aut venenum capite serpentum latens significat, vt commodissimè sensus hic elici possit; oleum autem peccatoris, cuius venenata verba, si apertis & propitiis auribus recipiuntur, veneni instar habent, non impinguet caput meum, blandimentis demulcendo, ac demerendo. *Babylonem illam gloriosam in Regnis, inclutamque superbia Chaldeorum,* docet Isaïas sirenes incolere, cum ait. *Et sirenes in delubris voluptatis.* Quid autem aliud sunt sirenes, quàm assentatores, qui ventosa mendacique vanitate suauiter blandiendo, ita loquuntur, vt stuporem quemdam ac somnum audientibus concilient, quo merfos miserrimè conficiant? Hi autem habitant *In domibus voluptatis*, vt Chaldæus & Septuaginta vertunt; meliùs autem & ad significandum aptiùs vulgatæ editionis author, *In delubris voluptatis*, quod Principū ædes, opulètorumque palatia, hoc adula

adulatorū consensu concentūque circumsonent,
meritoque delubra quædā censerī possint idolo
voluptatis consecrata, quorum antistites, & my-
stæ *Tenant tympanum, & citharam, & gaudent ad so-* Iob. 21. 12.
nitum organi, dum ducunt in bonis dies suos. Cum ta-
men si sirenibus hisce faciem suam reddere veli-
mus, nihil aliud sint quàm *Dracones*, vt Chaldæus
vertit, quorum habitu pestifero Principes afflati,
vitiōrum hauriunt corruptelam. Hos ergo Dra-
cones, quia multi Principes amant, & dicunt;
Frater fui draconum, &c, Vadam post amatores meos, qui Iob. 30.
dant mihi oleum meum, in peiora semper, & turpio- 29.
ra vitia deuoluuntur.

§ Ultima tandem mutationis huius in deterius
causa sit, quod latens vitium, virtutis tectum in-
uolucris, paulatim se aperiente naturā retegitur,
positāque larvā, dira scelerum facies quæ latue-
rat, tandem apparet. Multi enim dum in priuata
viuunt fortuna moderationem simulant, altōque
pectore perturbationes animi premunt, ne si for-
tè aliquo indicio eruperint, spes quibus velifican-
tur interceptæ, in irritum cadant. Non fugit hæc
hominū astutorum nequitia Sapientem, qui eam
consummatam, omnibusque numeris absolutam
malitiā appellauit. *Est, inquit, solertia certa, & ipsa* Ecclef. 19.
iniqua, Septuaginta vertūt πονηρία ἀκριβής, exacta, 22.
perfecta malitia. Est qui nequiter humiliat se, & interio-
ra eius plena sunt dolo. Et paulo post. *Et si ab imbecil-* Ibid. n. 25.
itate viriū vetetur peccare, si innenerit tempus malefa-
ciendi, malefaciet, cum scilicet nactus fuerit poten-
tiam, eosque submouerit, quos reuerēbatur, tunc
enim liberè scelus erumpit, Peccatumque suū Isa. 3. 9.
est impudētia) quasi Sodoma pradicant, nec abscondunt.
Quia verò multum Reip. interest huiusmodi ho-
mines

mines nosse, docet Sapiens rationem eorum mo-
res explorandi, & tentandi: vix enim fieri posse
quin ex habitu corporis, ac motu, ex risu, &
amictu, ac præsertim ex sermonibus quos miscer,

Ecclel. 19.
26.

do possimus. *Ex visu, inquit, cognoscitur vir, &
ab occurso facie cognoscitur sensatus, amictus corporis,
& risus dentium, & ingressus hominis enuntiant de illo.*

Prou. 17.
24.

Quemadmodum enim ut dicitur in Prouerbiis,
*In facie prudentis lucet sapientia, ita in deceptoris
vultu, ac moribus notas quasdam sapientes ho-*

Prou. 6. 12.

mines, qui oculos eruditos habent, quibus mini-
mè falluntur deprehendunt. Quare Apostatam,
cuiusmodi planè is est, de quo loquimur descri-
bens Salomon, suisque notis distinguens; *Homo,*

Prou. 10.
10.

*inquit, Apostata, vir inutilis gradiatur ore peruerso,
annuit oculis, terit pede, digito loquitur, prauo corde*

Isa. 3. 9.

machinatur malum, & omni tempore iurgia seminat.
Hæc ergo signa persecutus Sapiens facilè pene-
trat se se ad cubilia recessusque animi, illique
Qui deprauat vias suas manifestus est; vel ut habent

Prou. 54.
16.

Hebræa, & Græca exemplaria, & vulgata editio-
nis sententia est, *Deprehendetur, quippe Agnitio
vultus eorum respondet eis, ut loquitur S. Isaias, ex
vultu enim, incessu, amictuque ut dicebat Salo-*

Prou. 21.
29.

mon, quinam sint haud difficilè cognoscuntur,
Ei nequitia in habitaculis eorum in medio eorum,

*id est ut D. Augustinus interpretatur, in corde
eorum, educuntur in lucem, quantumvis
agnosci nolint, aliisque fucum facere per
summam dissimulationem studeant;*

*Procaciter obfirmantes vultum suum,
ut alicubi locutus est
Sapiens.*



HIEROPOLITICON

LIBER SECVNDVS,

Qui est de

VIRTVTIBVS

PRINCIPIS.

*Religionem Principi colendam esse, & de
externo eius cultu.*

CAPVT PRIMVM.

PRINCIPIO illud tanquam certissimum statuendum est, nullam esse gentem adeo barbarā, quæ, vel ipso naturæ lumine dictante, non sentiat aliquod esse numen, quod humanis rebus intersit, illisque sua prouidentia præsit, & pro arbitratu cuncta moderetur. Hinc vera extitit Religio, quæ præcellenti huic naturæ, & de humano genere optimè inheritæ, cultum debitæ seruitutis impendit. Hinc etiam variz superstitiones exortæ sunt eorum, qui vt loquitur D. Paulus, *Mutauerunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentium, qui commutauerunt veritatem Dei in mendacium, & seruierunt creatura potius quam Creatori, qui est benedictus in secula, in eo dissidentes à legitimis veri numinis cultoribus,*

*Omnibus
gentibus
insitum esse
religionis
sensum, &
amorem.*

Rom. i.
23.

toribus, quod ea pro numinibus habuerunt, quæ diuinitatis erant prorsus expertia; illis verò consentientes, quod naturæ ductu aliquê esse Deum senserunt, qui sacris, religiosisque ceremoniis colendus esset. Est autem sensus hic mentibus humanis adeò altè insitus, vt tunc demum existiment homines se in maximas incidisse calamitates, cum euersâ religione contigerit, diuinum in ciuitatibus cultum intermitteri, & populum ab vsurpandis sacris ceremoniis prorsus arceri. Hinc

- Hosee 3.
4. *grauis illa comminatio apud Hoseam. Quia dies multos sedebunt filij Israel sine Rege, & sine Principe, & sine sacrificio, & sine altari, & sine ephod & sine iheraphim.* Sessuri autem dicuntur filij Israel, quia habitus ille corporis abiectorum est, & mæstorum.
- Tren. 1.1.
Jerem. 13.
23.
Psal. 136.
1. *Sic Ieremias, Quomodo sedet sola ciuitas plena populo? & alibi, Dic Regi, & dominatrici, humiliamini, & sedete, quoniam descendit de capite vestro corona gloria. & Dauid: Super flumina, inquit, Babylonis illic sedimus, & fleuimus, cum recordaremur Sion. Sedebunt ergo filij Israel cum sacrificio, altari, religionisque cultu caruerint; hoc est maximo conficientur mærore, vt vitam planè ingratam, & acerbam purent. Fecerat sibi Michas, vt Iudicum narrat historia, ædiculam quandam, & in ea statuerat idolum, sacerdotisque operas conduxerat, cui etiam, ne quid desiderari posset, instrumentum ad rem sacram faciendam parauerat. Sed ecce tibi sexcenti viri de tribu Dan, cum in montem Ephraim venissent, fanum Michæ compilarunt, idolum, ac sacerdotalem omnem apparatus assumptum, qui cum pergerent, & ante se ire fecissent paruulos, & iumenta, & omne quod erat pretiosum, & iam à domo Micha essent procul, viri qui habitabant in adibus*

adibus Micha conclamantes secuti sunt & post tergum clamare ceperunt. Qui cum respexissent, dixerunt ad Micham: Quid tibi vis? cur clamas? Qui respondit, Deos meos quos mihi feci tulistis, & Sacerdotem, & omnia quæ habeo, & dicitis, quid tibi est? Putabat Michas omni se possessione spoliatum, quia quæ ad sui numinis cultum pertinebant, milites abstulerant, nec clamoris sui causam edendam, censebat, cum res ipsa loqueretur, nec atrociorum iniuriam, aut damnum grauius, quodque iniquius ferendum esset, arbitrabatur, quàm si suis sacris, venerationeque eius Dei, quem sibi ipse fecerat prohiberetur. Hic ergo Michæ, hic humani generis vniuersi sensus est.

2 Est porrò Religio duplex, vel potius vna cum sit, duplici ratione functiones suas exercet, vel corporis adminiculo, vt cum sacrificiis, supplicationibus, cantu, cæterisque huiusmodi externis actibus, ab interna pietate prodeuntibus, diuinum numen honoramus: vel cum intra nos taciti diuinæ illi maiestati nos ipsos submittimus, nullum interea exercentes externum actum, quo prodamus, quid mente, & cogitatione voluamus. Atque vt de externa dicere incipiam, maximè decet Principem optimè affectum esse ad Ecclesiasticos ritus & ceremonias, sacræque supellestilis nitorem, & maiestatem amare, & verò etiam suis pecuniis templorum fabricas excitare, augere vasorum sacrorum numerum, vestiũque sacerdotalium, vt omnia decorè tractentur, & vt diuinam maiestatem decet, magnificè exerceantur, quod proculdubio multum facit ad reuerentiæ affectum in fidelium animis excitandum. Sanè David, vir alioqui militaris, multisque bellis exercitus,

Exemplis ostenditur Principem cultũ externũ religionis cordi habere debere.

- hoc nihilominus meditabatur assidue, hancque animo curam coquebat, qua ratione posset templum Deo suo excitare, quod verba illa Psalmi docent, *Memento Domine David, & omnis mansuetudinis eius.* Tò *Mansuetudinis*, cum D. Hieronymo verti potest, *Afflictionis*, (eam vocat Aquila *κακουχίας*, Symmachus *κακωσιν* eodē sensu) significaturque Davidis animo mordacem quandam & subinde reuertentem curam, ac solitudinem insequisse, quæ illum malè habebat, reputantem, se magnificas ædes, regiumque planè domicilium incolere, cum interim Dei arca stabilem sedem nondum esset nacta. Sicut, inquit, *iuravit Domino, votum vouit Deo Iacob. Si introiero in tabernaculum domus meæ, si ascendero in lectum strati mei, si dederò somnum oculis meis, & palpebris meis dormitationem, & requiem temporibus meis, donec inueniam locum Domino, tabernaculum Deo Iacob.* Hoc ergo Davidis votum, qui cum cedrinam habitaret domum, Dei verò arca sub hirsuto, ac vili pellium tegumento lateret, de magnificentissimo templo diuino nomini excitando cogitauit, ut ipse de se filium Salomonem alloquens, testatur; effectumque dedisset, nisi diuinitus fuisset prohibitus, neque enim Domino placuit tot cætorum hominum millibus sanguine imbutas manus habentem, quamuis alioqui sanctum Regem, sed eius potius filium Salomonem, iuxta nominis etymon Pacificum, tam sancto operi manus admoliri, quanquam David plurimum contulit ad templi fabricam, qui & materie plurimum congeffit, auri, argenti, marmoris; præstantissimosque artifices parauit, quibus deinde Salomon ad destinatum opus perficiendum usus est, ut merito de se

se dicere potuerit sanctus Vates, *Domine dilexi
decorem domus tue, & locum habitationis gloria tua.* Psal. 25. 8.

Quid de Salomone dicemus, qui parentis sui
mandatorum memor templum excitauit, cuius,
vt de inquilinis ipsis nihil dicam, tanta fuit apud
exterarum gentes vel admiratio vel religio, vt
loci illius sanctitate, exciti, eius visendi & in eo
numen adorandi causa, ethnici etiam homines
Hierosolymam se conferrent, aut certe loci san-
ctitatem, si ipsi adesse non possent, destinatis eo
muneribus cultam vellent, quare in historia Ma-
chabæorum, *Famosissimum in toto orbe templum &*
quod in vniuersum mundum honoratur, appellatur. Machab. 2. 23. & cap. 3. 12.

3 Et sanè eorum quæ ad externum religionis
cultum spectant, cur tam diligens, distincta, ac
penè curiosa descriptio Deo ipso dictante, ac
præcipiente, in sacris litteris habetur, nisi quia
docere mortales voluit, *domum eam quam decet
sanctitudo,* etiam decere nitorem, cultum, & orna-
tum externum? Infinitus sim si ea velim hic atte-
xere, quæ in Exodo de Tabernaculo, arca, altari,
sacrificiis, sacerdotalibus indumentis, & aliis hu-
iusmodi locutus est Dominus, excipiente Mose,
quæ deinde Exodi libro, aliisque sacrae legis vo-
luminibus complexus est. Tanti verò fecit exter-
num hunc religionis cultum, qui in sacris cere-
moniis consistit, sapiens ille Iethro focer Mo-
sis, qui multa prudenter generum suum docuit ad
Reipubl. constitutionem pertinentia, vt iudicia
quidem aliis permitti posse censuerit, sacras verò
religionis ceremonias, Mose auctor fuerit, vt
traderet ipse per sese. *Esto, inquit, tu populo in his* Exod. 18.
quæ ad Deum pertinent, vt referas quæ dicuntur ad 19.
eum, ostendasque populo ceremonias, & ritum colendi,

*Scripturis
& rationi-
bus proba-
tur exter-
num hunc
cultum reti-
nendum esse.*
Psal. 91. 7.
Vide Exod.
à cap. 25.
ad 31. & à
cap. 35. ad
39.

viamque per quam ingredi debeant, & opus quod facere debeant. Prouide autem de omni plebe viros potentes & timentes Deum, in quibus sit veritas, & qui oderint auaritiam, & constitue ex eis tribunos, & centuriones, & quinquagenarios, & decanos, qui iudicent populum omni tempore. Putabat itaque Iethro facturum Mo- sen operæpretium si ritus ceremoniasque ipse doceret. Et sanè meritò, nam plurimum refert in Republ. vt id exactè, & ad vnguem seruetur, quod Corinthiis commendat D. Paulus, cum ait,

1. Cor. 14. Omnia autem honestè & secundum ordinem fiai. Quod
49. dicit, honestè, Græcè est *ἡσυχίως* quod signifi-
care videtur, cum honesta, ac decenti corporis
conformatione, quod spectat ad cultum hunc ex-
ternum, de quo verba facimus, Nec verò istæ ce-
rimonix tantum faciunt ad tuendum decorum,
sed præterea multiplex vtilitas ex illis existit; nam
fidei quæ in animo nostro latet, exterior quædam
professio illis continetur, & eas vsurando Confi-
temur coram hominibus eum, qui consuebitur nos coram
Matth. 10. Patre suo. Rudium verò intelligentia & memoria
32. iuuatur, qui nuda fortasse mysteria non caperent,
nisi hoc ceremoniarum apparatu, qui in sensus
incurrit, proponerentur; & vt perciperent citius
audita dilaberentur, nisi externæ illius actionis
species, cui interfuerunt, memoriam renouaret
& harum rerum guaros percontandi occasionem
non præberet. Præceperat Dominus Moyse, &
Aaroni plurima ad Agni esum spectantia, & azy-
morum panum, quibus explicatis ait, Cum introie-
ritis terram quam Dominus daturus est vobis, vt pol-
licitus est, observabitis ceremonias istas, & cum dixerint
vobis filij vestri, quæ est ista religio? dicetis eis: Victimæ
transitus Domini est. Adde quod affectum excitant
volun

voluntatis, qui magis exardescit, cum feruor conceptus in pectore, etiam exeritur actionibus corporis, non enim parum profuisse credendum est publicano pectoris illam tunctionem, qui in imo templo preces fundebat ad Dominum; nec frustra manus ad cælum tendebat Moses, sed illis in altum sublatis haud paulo plus ardoris concipiens, fortius ipse precibus in monte, quàm in campo milites, contra populi sui hostes depugnabat. Tandem sacris hisce ceremoniis Christianæ religionis sectatores ab iis distinguuntur qui aut Ethnici sunt, aut Iudæi, aut cum Christiana sacra susceperint, opinionum tamen peruersitate ab Ecclesia deficientes ad hæreticorum castra transfugerunt. Hos autem nosse plurimum Reipubl. interest, ut vitari possint, ne pestilentium doctrinarum vulgato morbo, etiam sana Reipubl. membra inficiantur, iuxta D. Pauli præceptum, *Qui hæreticum hominem post unam. & secundam correctionem deuitandum monet, quia subuersus est.* Luc. 18. 13. Exod. 17. 11. Tit. 3. 10.

Principem non simulato animo, sed serio religiosum esse debere.

C A P V T II.

VErè de Deo dicitur in libro Iob, qui regnare facit hominem hypocritam propter peccata populi, vix enim maius inuenias Reipubl. malum, quàm Principem hypocritam, qui omnia diuina & humana iura subuertit, ut regnum tueatur; religionem verò, non integro, & fidei ani-

*Magnū esse
Rerumpubi
malū Prin-
cipem hy-
pocritam.
Iob 34. 30.*

mo amplectitur, sed suis libidinibus seruire cogit fictè & simulatè eam colens, quatenus nimirum consiliis fore vtilem crediderit, tunc deserturus, & personam abiecturus, cum sibi noxiam fore persuaserit, aut minus vtilem, quasi præstigiis quibusdam religione abutens ad regnum, aut priuata commoda, cum ingenti numinis iniuria, & Reipubl. totius pernicië. Si qua regio huiusmodi Principem nacta est, existimet licet se grauitate ac multitudine scelerum diuinum numen offendisse, vnde factum sit, vt quod Dominus olim

Osee 13.
11.

comminatus est, *Dabo tibi Regem in furore meo*, populorum noxis irritatus impleuerit. Hi sunt enim illusores illi qui simpliciores homines per speciem quandam falsæ assimulatæque virtutis circumuenire, & in fraudem inducere, veteratoria, & malitiosa peruerfitate conantur, de quibus

Isa. 28. 14.
Isa. 3. 4.

Isaias, *Audite, inquit, verbum Domini illusores, qui dominamini super populum meum*. Et alibi, *Dabo pueros Principes eorum, & effeminati dominabuntur eis. Tò effeminati*, Septuaginta verterunt ἐμπαῖδες, quæ vox illusores, aut irrisores significat: & consentit vox Hebraica תעלילים quæ eandem cum Græca significationem habere potest, vt scilicet grauis Domini comminatio illis verbis contineatur, qua se permissurum asseueret, vt Principes illusores, & qui populis imponant subdola fallacique pietatis, & religionis simulatione, apud eos dominatum obtineant. Sed antequam explico incommoda quæ ab huiusmodi hominibus Resp. patitur, veteratoriam illorum agendi rationem, exemplis ex sacris Scripturis petitis ponam ob oculos.

*Quales sint
huiusmodi
Principes,
explicatur
exemplis.*

Nullum autem illustrius meo quidem animo,
inueniri

inueniri potest, quàm impij illius Ieroboami, qui religionem apud Israelitas penitus euertit, & idololatriam in decem tribus innexit, non alio consilio, quàm vt regnum, cui sibi Roboamo timebat, retineret. Vt autem planiùs agendi ratio Principis huius intelligatur, & in eo quasi in imagine cæterorum pseudopoliticorum ingenium quale sit appareat, res paulo altius reperenda est, & quàm bene fundatas haberet spes regnandi, & quomodo ad regnum venerit, recolendum, vt impia illius consilia certiùs deprehendere, & damnare possimus. Rem totam sacra narrat historia tertio libro Regum. Ac primò Ahix Prophetæ regni prædictionem his verbis. *Factum est* 3. Reg. 11. 29.
igitur in tempore illo, vt Ieroboam egrederetur de Ierusalem, & inueniret eum Abias Silonites propheta in via operius pallio nouo, erant autem duo in agro. Apprehendensque Abias pallium suum nouum, quo cooper- tus erat, scidit in duodecim partes, & ait ad Ieroboam. Tolle tibi decem scissuras, hac enim dicit Dominus Deus Israel. Ecce ego scindam regnum de manu Salomonis & dabo tibi decem tribus. Et post nonnulla. Te autem Ibid. n. 37.
assumam: & regnabis super omnia, quæ desiderat anima tua, erisque Rex super Israel. Si igitur audiueris omnia, quæ praecepero tibi, & ambulaueris in viis meis, & feceris quod rectum est coram me, custodiens manda- ta mea, & praecepta mea, sicut fecit Dauid seruus meus, ero tecum, & adificabo tibi domum fidelem, quo modo adificaui Dauid domum, & tradam tibi Israel. Hæc fuit Regni per Ahiam pollicitatio. Salomone au- tem è viuis erepto, tum populus tributorum pen- sitationem sibi minui postulasset à Roboamo, & repulsam passus esset, Regem dixit Ieroboam, 3. Reg. 12. 10.
quod ita narratur in libris Regum. Factum est au-

tem cum audisset omnis Israel, quod reuersus esset Ieroboam, miserunt, & vocauerunt eum congregato cœtu, & constituerunt eum Regem super omnem Israel, nec secutus est quisquam domum Dauid, præter tribum Iuda solam. Sed ecce tibi praua Ieroboami consilia, qui cum primùm Regnum adeptus est, quasi suo consilio & industria ad illud fastigium euasisset, non diuinæ prouidentię beneficio, de illo stabiliendo sollicitus, eas adhibuit artes, per quas adeo Regni possessionem firmiorem non fecit, vt per easdem & summum sibi parauerit dedecus, & seipsum, regnũque perdiderit. Dixitque Ieroboam in corde suo. Nunc reuertetur Regnum ad domum Dauid, si ascenderit populus iste vt faciat sacrificia in domo Domini in Ierusalem, & scruetur cor populi huius, ad Dominum suum Roboam Regem Iuda, interficientque me, & reuertentur ad eum. Et excogitato consiliõ fecit duos vitulos aureos, & dixit eis: Nolite ultra ascendere in Ierusalem, ecce Dij tui Israel, qui te eduxerunt de terra Ægypti. Posuitque vnum in Bethel, & alterum in Dan: & factum est verbum hoc in peccatum, ibat enim populus ad adorandum vitulum, vsque in Dan. Et fecit fana in excelsis. & Sacerdotes de extremis populi, qui non erant de tribu Leui. Constituitque diem solemnem in mense octauo quintadecima die mensis in similitudinem solemnitatis, quæ celebrabatur in Iuda. Et ascendens altare similiter fecit in Bethel, vt immolaret vitulis quos fabricatus fuerat. Constituitq; in Bethel Sacerdotes excelsorum, quæ fecerat, & ascendit super altare quod extruxerat in Bethel quinta decima die mensis octauo, quem finxerat de corde suo; & fecit solemnitatem filius Israel, & ascendit super altare vt adoleret incensum. Vt autem melius intelligamus quid timuerit Ieroboam, recolendum est Domini præceptum, quo

Ibid. n. 28.

quo Israëlitis mandatum fuerat , vt ter quorannis se Domino sisterent in Ierusalem , in festo scilicet Azymorū Pentecostes , & Tabernaculorum, vt non vno loco haberetur in Exodo, & Deuteronomio. Cum ergo Ierusalem, quò diebus istis festis ascendendum erat, esset in regno Roboam Regis Iuda, timuit impius Rex, ne si populus eò se conferret adorandi causa, auctoritate sacerdotum templi, qui starent à Roboamo , sollicitarentur ad defectionem , quam non ita difficili negotio persuadere possent populis , si promissionem Dauidi à Domino factam illis in memoriam reuocarent , dixerat enim Dominus per Nathan prophetam, *Cum completi fuerint dies tui, & dormieris cum patribus tuis, suscitabo semen tuum post te, quod egredietur de utero tuo, & firmabo regnum eius. Et paulò post. Et fidelis erit domus tua, & regnum tuum usque in aeternum ante faciem tuam, & thronus tuus erit firmus iugiter.* cuius etiam promissionis meminit in Psalmis S. Dauid cum ait: *Semeliuravi in sancto meo si Dauid mentiar, semen eius in aeternum manebit, & thronus eius sicut sol in conspectu meo, & sicut luna perfecta in aeternum, & testis in caelo fidelis.* Augebatur Ieroboami suspicio quod impetu quodam non consilio populus à Roboamo defecerat, cum quo facili negotio reconciliari posse videbatur, postquam repulsæ illius dolor resedisset; præsertim si Roboam illorum animum verbis lenire, & indulgendis postulatis mitigare studuisset. Illud forte etiam veniebat in mentem quod Roboamus parentis Salomonis sapientissimi, & Dauidis aui sanctitate & virtute bellicâ maximè insignis, commendatione, à quibus regnum iure hæreditario acceperat ipse natus in purpurâ gra-

Exod. 23.

14. & 17.

Exod. 34.

23.

Deut. 16.

12.

2. Reg. 7.

12.

Ibid. num.

16.

tior foret, quàm Ieroboam qui floruerat quidem laude prudentiæ, & fortitudinis, sed tamen à priuata fortuna ad regnum venerat per seditio- nem & tumultum. Et fortè etiam vim subditis suis à Roboamo inferendum pertimuit, qui intra fines suos deprehensos Israëlitas, tanquam fidei datæ desertotes, regisque sui proditores, vel suprema supplicio mulctaret, vel ad præstandum rursus obsequiũ, quod denegauerant, adigeret. Sed nimirum à carnis prudentia consilia hæc omnia proficiscebantur, qui enim secundum carnem sunt quæ carnis sunt sapiunt, qui verò secundum spiritũ sunt, quæ sunt spiritus sentiunt. Nam prudentia carnis mors est, prudentia autem spiritus vita, & pax, quoniã sapientia carnis inimica est Deo. Sanè inimica, quippe quæ horrendam peccati faciem, quo solo cum Deo contrahimus inimicitiam, non exhorret, aut refugit, vt accidit Ieroboã cuius graue in primis, ac multiplex peccatum fuit. Nam nouos Deos inuexit, duos scilicet aureos vitulos, alterum in Bethel, alterum in Dan collocando: nouas arcas & templa in editis locis extruxit: nouos veteribus eiectis sacerdotes constituit, eosque ex plebe extrema, & vulgi facie, quo eos ad nutum obsequentiores haberet: nouum Pontificem creauit, se ipsum scilicet, cum ipse altare ascenderet, & sacrificandi munus sibi arrogaret: cum tamen, si saperet, nullã ita agendi causam haberet, sed posset citra periculũ regni veterem religionem non minus colere, quàm antea coluisset. Nam si non est Deus quæ si homo, vt mentiatur, nec vt filius hominis, vt mutetur, quæ probabilis causa timoris poterat superesse cum dixisset Dominus. Te autem assumam, & regnabis super omnia quæ desiderat anima tua, erisque Rex

Dan. 8. 5.

Num. 23.
19.3. Reg. 11.
37.

Rex super Israël. An non cor Regis in manu Domini Prou. 21.
ni, quocunque voluerit inclinabit illud? ac proinde 1.
sperare debuit Roboamum, sacerdotes, Iudæos-
que vniuersos æquo animo laturos Ieroboami
regnum, cum cognouissent ad illud fastigium
diuini numinis voluntate euectum esse, & Do-
minus se diuisionis illius regnorum authorẽ pro-
fessus esset, & Regi Iuda populoque denuntias-
set, vt à capiendis armis contra reliquum Israël
abstineret. Factus est enim sermo Domini ad Semeiam 3. Reg. 12.
virum Dei, dicens. Loquere ad Roboam filium Salo- 22.
monis Regem Iuda, & ad omnem domum Iuda, &
Benjamin, & reliquos de populo, dicens: Hæc dicit
Dominus. Non ascendetis, neque bellabitis contra fra-
tres vestros filios Israël, reuertatur vir in domum suam,
à me enim factum est verbum hoc. Audierunt sermonem
Domini, & reuersi sunt de iuinere sicut præceperat ei
Dominus. Cui præcepto cum tam promptè pa-
ruissent, quæ rogo causa suadebat iura omnia hu-
mana & diuina, euertere nisi furor quidam in-
sanis, quo actus Ieroboam, ne illud quidem per-
uidere potuit, quod ciuilis prudentia præscribe-
bat? Nam si sacerdotum Ierosolymitanorum sua-
siones timebat, habebat inpromptu grauissimam
Ahiæ prophetæ auctoritatem quam opponeret,
ordinemque Leuiticum vniuersum, quem si vt
par erat coluisset, nec eos vt loquitur scriptura
abiecisset, magnum sanè nactus fuisset regni firma-
mentum, cum eorum auctoritas plurimum apud
populares posset. Tandem quod caput est, quàm
inanis erat ille timor, cum regnum diuina pro-
missione niteretur, cuius etiã prouidentia in
posterum fuisset effectum, vt quod regnum diui-
no beneficio acceperat, eiusdem numinis ope re-
tineret.

Psalm. 26.
26.1.

Ios. 5. 3.

tineret. Quanto prudentius dixisset cum Dauide, *Dominus protector vita mea à quo trepidabo? si consistant aduersum me castra, non timebit cor meum; si exurgat aduersum me praelium, in hoc ego sperabo.* Non ita sanè sibi sueque Reipub. timuit Iosué, qui cum Iericho obsidione prope iam cingeret, à Domino iussus est sacram circumcisionis ceremoniã tanto tempore intermissam reuocare, & populum omnem ritu illo initiatum ad Paschalia festa, quæ celebranda erant, præparare. Nec veritus est, ne sicut olim Sichimitæ tunc oppressi sunt, cum recrudescente vulneris dolore per circumcisionem inflicto ad arma tradenda minus idonei esse poterant; ita ipsi à Ierichuntinis in omnem occasionem intentis, & qui quid in hostium castris ageretur facile cognoscere poterant, cladem aliquam acciperent, sed insigne posteris documentum reliquit, pericula quædam interdum negligenda esse, vt diuinæ gloriæ sanctissimisque legibus seruiatur. Quãquam vt dixi nec Ieroboã bellum expectare debuit ab ijs quos diuina auctoritas, iussioque pacauerat, nec si illud excitare perrexissent, cladem timere debuit pro quo pugnasset Dominus exercituum. Videant infelicitis huius sæculi politici, hoc nomine sanè indigni, cuius vestigijs insistant, cum charistiana sacra, sanctissimamque religionem ridiculo habent; eaque ad suas regnorum aucupandorum, aut stabi-
liendorum nundinationes, impiè, & verò etiam (quod sibi persuaderi non sinunt) imprudenter abutuntur. quippe sub Ieroboamo magistro militum, cuius cum facta iuuinentur, & mores, exitus non dissimiles expectare possunt. Ieroboamo autem planè euenit, quod Deo plenus Ahias

tanto

tanto ante illi prædixerat, cuius verba legimus in regum historia. *Quia exaltaui te de medio populi, & dedi te ducem super populum meum Israël, & scidi regnum domus David, & dedi illud tibi, & non fuisti sicut seruus meus David, qui custodivit mandata mea, & secutus est me in toto corde suo faciens quod placitum esset in conspectu meo, sed operatus es mala super omnes qui fuerunt ante te, & fecisti tibi Deos alienos & conflatiles, ut me ad iracundiam pronocares, me autem proiecasti post corpus tuum, idcirco ecce ego inducam mala super domum Ieroboam, & percuriam de Ieroboam mingentem ad parietem, id est masculum iam grandiuſculum & clausum, loco scilicet tuo, intra domum tuam, & nouissimum, vel ut habent 70. derelictū, posteros scilicet quos reliquerit, in Israël, & mundabo reliquias domus Ieroboam, sicut mundari solet finis usque ad purum, qui mortui fuerint de Ieroboam in Ciuitate comedent eos canes, qui autem mortui fuerint in agro, vorabunt aues cœli: quia Dominus locutus est.* Terribiles profecto minæ, de quibus dicere possumus, fecit Dominus verbum in Israël, quod quicumq; audierit, tinnient amba aures eius. Quanto-
 pere autem regno suo incommodarit, ex eo perspicere licet quod habemus in scriptura, regnum Ieroboami firmitus factum esse plurimorum accessione incolarum, qui fugientes impietatem, sedibus mutatis ad regnum Iudæ transibant, ut in ea qua nati, & alti fuerant religione æuum traducere liceret. Haftenus ostendimus quanta fuerit Ieroboami impietas, & imprudentia, cuius exemplum satis esse posset ad rem de qua disputamus illustrandam: quia tamen hodieque Ieroboami errorum sectatores non desunt, qui suam impietatem honesto politicorum consiliorū palio

3. Reg. 14.

7.

1. Reg. 3.

11.

2. Machab. 4. 7.

lio velare satagunt, duo adhuc exempla subnectam, iam allato planè gemina, siue cæca consilia spectes, siue exitum votis planè contrarium. Primum sit Iasonis de quo ita scribitur in Machabæorum historia. *Post Seleuci vna excessum, cum suscepisset regnum Antiochus qui Nobilis appellabatur, amiciebat Iason frater Onie summū sacerdotium, adito rege promittens ei argenti talenta trecenta sexaginta, & ex redditibus alijs talenta octoginta. Et paulò post. Quod cum Rex annuisset, & obtinuisset Principatum, statim ad gentilem ritum contribules suos transferre cœpit, & amotis his quæ humanitatis causa Iudeis à Regibus fuerant constituta, cinium iura destituens, praua instituta sanciebat. Etenim ausus est sub ipsa arce gymnasium constituere, & optimos quosque ephæborum in lupanaribus ponere. Erat autem hoc non initium sed incrementum quoddam, & profectus gentilis, & alinigena conuersationis, propter impij, & non sacerdotis Iasonis nefarium & inauditum scelus, ita ut sacerdotes iam non circa altaris officia dediti essent, sed contempto templo, & sacrificijs neglectis festinarent participes fieri palestra & præbitionis eius iniusta, & in exercitijs disci, & patrios quidem honores nihili habentes, Grecas glorias optimas arbitrabantur, quarum gratia periculosa eos contentio habebat, & eorū instituta amulabantur, ac per omnia his consimiles esse cupiebant, quos hostes & peremptores habuerant. Proiecta sane adulatio, quæ hominum impulit ad patria sacra sanctissima deferenda, nomenque mutandum: nam cum prius Iosepho teste Iesus diceretur, Iasonis nomen cum gentilium superstitione suscepit, utque Regi gratificaretur magis, irrita fecit Iudæorum priuilegia à Syriæ superioribus Regibus constituta per insignem virum Ioannem Eupolemi*

Ioseph. antiq. Iud. l. 12. c. 4.

2. Mach. 4. 12.

mi patrem impetrata, hoc enim est quod dicitur,
*& amotis his quæ humanitatis causa Iudeis à Regibus
 fuerant constita per Ioannem pauperem Eupolemi*, au-
 sus etiam est Gymnasium extruere, impuræ libi-
 dinis officinam, in quo adolescentuli auersæ ve-
 neri mancipati prostituerentur, hoc enim aper-
 tē significat quod S. Hieronymus vertit, *optimos* Ibid.num.
quosque epheborum in lupanaribus ponere, & Lyranus 12.
 interpretatur *Prostibulum pulcherrimorum posuit*,
 quale scortorum masculorum domicilium solo.
 æquavit Iosias Rex de quo dicitur quarto Regū. 4.Reg. 23.
Destruxit quoque adiculas effaminatorum, quæ erant in 7.
domo Domini. Et quamvis quod S. Hieronymus
 vertit *in lupanaribus ponere*, in Græco textu dicatur
ἵσταν τὸν πέτασον ἔκ sub petasum egit, sensus tamen
 idem est, nam vel petasus erat epheborum isto-
 rum exoletorum insigne, vel petasus, quæ vox
 à Græco verbo *πέτασμι* id est extendo, deduci-
 tur, cortinam significat in fornicibus illis præ-
 tensam, post quam libidini darent operam. Ad
 hunc ergo modum corruptis moribus facilè fuit
 religionis etiā mutationem inducere, quod etiam
 impius Iason cōsecutus est. Nam sacerdotes iam non 2. Mach.
circa altaris officium dediti erant, sed contempto templo, 4.14
& sacrificijs neglectis, hoc vnum agebant, vt Græco-
 rum gentilium ritus planè susciperent, illisque
 quantum possent similes fierent, de hoc enim
 apud eos erat contentio, *& eorum*, inquit, *instituta* Ibid.n.16.
emulabantur, ac per omnia his consimiles esse cupie-
 bant, quos hostes ac peremptores habuerant. Verbis
 etiam, & suasionibus iam plus satis ad suam per-
 niciem concitatos populos extimulabat Iason,
 vnus proculdubio ex iniquorum illorum nume-
 ro, de quibus in eodem Machabæorum historia
 narratur

1. Machab. 1. 12. narratur cum dicitur. *In diebus illis exierunt ex Israël filij iniqui, & suaserunt multis, dicentes. Eamus & disponamus testamentum cum gentibus, quæ circa nos sunt, quia ex quo recessimus ab eis, inuenerunt nos multa mala; quod quamuis mendacissimè dictum esset, tamen bonus visus est sermo in oculis eorum, incommoda, si quæ passi fuerant, religioni imputantes, cum tamen ea verius impietati, ac peccatis quibus Deum irritauerant, accepta ferre deberent: non dissimili errore decepti, atque cultores illi simulacrorum, quos frustra Ieremias reuocare conabatur à scelere, dicebant enim: Sermonem quem locutus es ad nos in nomine Domini, non audiemus ex te, sed facientes faciemus omne verbum quod egredietur de ore nostro, ut sacrificemus regina cœli, & libemus ei libamina, sicut fecimus nos, & Patres nostri, Reges nostri, & Principes nostri, in urbibus Iuda, & in plateis Ierusalem, & saturati sumus panibus, & bene nobis erat, malumque non vidimus. Ex eo autem tempore quo cessauimus sacrificare regina cœli, & libare ei libamina, indigemus omnibus, & gladio, & fame consumpti sumus. Sed eos acriter increpat Ieremias, simulque errorem conatur eximere, veramque malorum causam ostendere, ait enim.*
- Ibid. num. 22. *Propter malitiam studiorum vestrorum, & propter abominaciones quas fecistis, facta est terra vestra in desolationem, & in stuporem, & in maledictum, eo quod non sit habitator sicut est dies hac, propterea quod sacrificaueritis idolis, & peccaueritis Domino, & non audieritis vocem Domini; & in lege, & in præceptis, & in testimonijs eius non ambulaueritis, idcirco euenerunt vobis mala hac, sicut est dies hac. Cæterum Iasoni malè omnino cessit impietas, & ambitio, & cōsilia à carnis prudentia profecta, nā qua putauit adminicula fore*
ad

ad stabiliendum sibi Principatum sacerdotum iis numine irritato, sacerdotio caruit, & patria, exul-
 que ipse deceptus, profugus, in Ammanitem expulsus 2. Mach. 4. 26.
 est regionem, ex quo apparuit excogitatum consi-
 lium (quod frequenter accidit) ipsi qui excogi-
 tauerat perniciem attulisse. Tertium tandē exem-
 plum ex ea consultatione petitur, quam Scribe, &
 Pharisei contra Christum Dominum post Laza-
 rum à mortuis excitatum instituerunt. Rem ita
 narrat S. Ioannes. *Quidam autem ex ipsis (Iudais)* Ioan. 11. 46.
abierant ad Phariseos, & dixerunt eis, quæ fecit Iesus.
Collegerunt ergo Pontifices, & Pharisei concilium, &
dicebant. Quid facimus, quia hic homo multa signa
facit? Si dimittimus eum sic, omnes credent in eum, &
venient Romani, & tollent nostrum locum, & gentem.
Vnus autem ex ipsis Caiphas nomine, cum esset Ponti-
fex anni illius dixit eis. Vos nescitis quidquam, nec co-
gitatis, quia expedit vobis ut unus moriatur homo pro
populo, & non tota gens pereat. Hæc prudentes illi
consiliarii, ut sibi quidē videbantur, quorum ta-
men consilia & stulta fuerunt, & impia; & decre-
ta, iuxta ratiocinandi artē vitiosè collecta. Nam
primò hoc pacto melius fuissent ratiocinari, Hic
homo multa signa facit, signa autem hæc eius
sunt generis, ut non nisi Deo auctore fieri pos-
sint, hæc enim illa erant de quibus prædixerat
Isaias. Confortamini & nolite timere, Deus ipse ve- Isa. 35. 4.
niet, & saluabit nos. Tunc aperientur oculi cecorum, &
aures surdorum patebunt, tunc saliet sicut ceruus, clau-
dius; & aperta erit lingua mutorum. Quæ omnia cum
viderent cumularissimè impleri, aliæque etiam
maiора, cuiusmodi est mortuorum suscitatio, po-
rius de Christo eiusque doctrina recipiēda, quàm
de illo è medio tollendo, consultare; saltēque

178 *Institutio politica ex sacris Scripturis.*

Ioan. 10.
38.

operibus, quæ in oculos incurrebant, credere debuissent, si verbis docentis fidem accommodare non audebant: quod ut facerent, Christus ipse eos fuerat adhortatus cum dixit, *Si mihi non creditis, operibus credite.* Altera eorundem deceptio illis verbis continetur. *Si dimittimus eum sic, omnes credent in eum:* nam cōtra planè accidit, ut granum hoc sinapis morte crucis comminutum, & contritum, vires exereret, & frumentum cadens in terram, mortuūque, plurimum fructum afferret. quod multo ante Isaias fuerat vaticinatus cū

Isa. 53. 10.

dixit. *Si posueris pro peccato animam suam, videbit semen longanum,* & Christus etiam affirmauerat dicens, *Si exaltatus fuero à terra, omnia traham ad me ipsum.* Tertius error est, quod putauerint fore

Ioan. 12.
32.

ut Romani venirent, & tollerent gentem & locum, si omnes in Christum credidissent. Cum potius sperandū esset Romanos agnita per Christum veritate sese illi adiuncturos, accedente præsertim tot, tamque illustrium miraculorum testimonio, quibus nihil simile turba illa reorū, quos colebant, patrare poterat. Nec ut falsam hanc sectam crederent Romani, continuo probabile erat illam ita impugnaturus, ut quos illius assertores esse comperissent, persequi, & regno euertere vellent; nam satis notum erat eos, qui omnibus dominabantur gētibus, omnibus etiam illorum erroribus seruire sustinuisse, ad ius diuinitatis, quantum in ipsis erat, admissis falsis victorum populorum numinibus illorūque cultores effectos esse. Et si fidem Christi impugnare instituerent, diuino freti auxilio, optima quæquæ sperare debebant, sibi que certissimè persuadere, eius ope capturam incrementum, quo auctore sum

sumpsisset exordium, oppugnationum audacia, &
 viribus compressis. Nam si Iudith Holopernis Iudith 23.
 caput amputauit, Elisæus latrones cæcitate per- 10.
 cussit, Elias igne de cœlo deuocato quinquage- 4. Reg. 6.
 narios illos duces absumpsit, non minus tanto- 18
 rum miraculorū patratori fuisset procliue, exter- 4. Reg. 1.
 nam Romanorum vim auertere vel frangere. Sed 10.
 ut dixi, meliora sperare debuerant, nam de Chri-
 sto vaticinatus fuerat Isaias: *Fluent ad eum omnes* Isa. 2.2.
gentes, & ibunt populi multi. Et alibi; *Ambulabunt* Idem 60.
gentes in lumine tuo, & reges in splendore ortus tui. 3.
 Quod verò timuerant Christo abire permissio, il-
 lis accidit occiso. Nam hoc scelere prouocatus
 Domini furor, post aliquot annos eorundem Ro-
 manorum ministerio, Templum, Ciuitatem, Re-
 gnum euertit, & pessundedit, iuxta Christi ora-
 culum dicentis, *Non relinquent in te lapidem super* Luc. 19.
lapidem, eo quod non cognoueris tempus visitationis tue. 44.
 quod etiam prophetarum scriptis consignatum
 erat Danielis & Isaiæ, hoc dicente, *Numerabo* Isa. 65. 12.
vos in gladio, & omnes cade corruetis, pro eo quod vo-
cavi, & non respondistis, locutus sum, & non audi-
stis, & faciebatis malum in oculis meis: illo verò his
 verbis, quod futurum erat prænuntiante, *Occi-* Dan. 9. 26.
detur Christus & ciuitatem cum sanctuario dissipabit
populus cum duce venturo, & finis eius vastuas, &
post finem belli statuta desolatio. Quàm verò magna
 peruersio est dum spiritale bonum temporariis
 commodis, & regno postponunt? ita enim sta-
 tuunt. Ne temporarium hoc regnum amittamus,
 hominem hunc quantumuis iustum, & salutaria
 suadentem, de medio tollamus; arque ita iusti-
 tiam, religionemque dominandi cupiditati post-
 habuerunt, quod consilium quàm imprudens, &

noxiū esset, facile cognoscere potuissent, si sacram scripturarum veteres historias replicare vellent, ex quibus satis apparere poterat gentē illam semper Domino protegente ab hostibus securam fuisse, quamdiu à vera religione diuinòque cultu non desciuit, quod Achiori ethnico homini notū fuit, ne dum Hebræis, quorum aures frequentissimè gestis maiorum suorum Sacris litteris comprehensis circumsonabant. *Si non est offensio* (inquit Achior) *populi huius coram Deo suo, non poterimus resistere illis, quoniam Deus eorum defendet illos, & erimus in opprobrium vniuersæ terra.* Quod quia Holophernes credere noluit, quam id verum esset, suo malo expertus est. Caiphæ verò consilium suadentis vt vnum occidant hominem, ne tota gens pereat, eodem laborat vitio. nam ibi trepidauit trepidatione vbi timor non erat, & innocentem morti adiudicandum censuit, vt hac ratione salus vniuersæ Reipub. pararetur, cum tamen ex iniusta illa, impiæque cadē, regni illius calamitates & euersio natæ sint. Tale ergo est pseudopoliticorū ingenium, vt scilicet Religionem, aut iustitiam deserant, cum eas suis commodis minus opportunas esse crediderint.

Iudich 5.
25.

*Principes
hypocritas
simulatione religionis
viti ad consequendum
id quod cupiunt.*

3 Verum, quia impiis istis hominibus religio ludibrio est, qua facilitate illam deserunt, cum ea retenta malum sibi timent; ita cum simulatione illius se ad ea quæ optant facilius aspirare posse confidunt, egregiè religiosos se faciunt, mentita morum honestate, & loquendi religiosa sanctitate ad tempus ita compositi, vt adeo quod sunt non videantur, vt qui eos non nouerint, as-simulatæ sanctitatis actionibus in errorem inducātur. Exemplo sit Achaz rex Iuda, impietatis infamia

famia notatissimus, Nam ambulauit in via regum 4. Reg. 16:
 Israël, insuper & filium suum consecrauit, transfe- 3.
 rens per ignem, secundum idola gentium, quæ dissipauit
 Dominus coram filiis Israël, immolabat quoque victi-
 mas, & adolebat incensum in excelsis, & in collibus, &
 sub omni ligno frondoso. Altare etiam extrui iussit
 Hierosolymis iuxta formam altaris, quod viderat
 Damasci apud Regem Assyriorum, ipseque victi-
 mas ei imposuit, & altare æreum quod erat co-
 ram Domino transtulit, vt narratur 4. Regum 4. Reg. 16:
 libro, quod in Regis Assyriorum gratiam factum 18.
 esse, capere licet coniecturam ex eo, quod ista
 ab eo facta sunt cum Regis illius indigebat auxi-
 lio, opemque aduersus Israël Regem implora-
 bat, qui cum Rege Syriæ cōtra Acham conspira-
 uerat: quodque propter Regem Assyriorū, vt scilicet Ibid. nūm;
 ei rem gratam præstaret dicatur *Musach Sabbathi* 18.
 quod adificauerat in templo, & ingressum Regis exte-
 rius conuerisse in templum Domini. Quæ verba alij
 aliter interpretantur. Nobis satis est, Regis As-
 syriorum metu commotum, ei que placendi stu-
 dio ductum circa ea quæ in templo iuxta vete-
 rem religionem seruabantur, immutasse aliquid
 aut sustulisse, siue Musach tentorium sit sacer-
 dotum, siue regum solium, siue quid aliud, quod
 nunc non disquiro. Hic ergo Achaz tam vile Ido-
 latriæ adulationis que mancipium, post tot sce-
 lera quibus se maculauerat adhuc religionē pie-
 ratemque simulare nō est veritus. Nam cum eum
 Dominus ad saniora cōsilia traducere per Isaia
 prophetam niteretur, hicque animum eius con-
 firmaret, vt locata in Deum spe contra hostiles
 copias staret. intrepidus, dicebat enim, *Vide vs* Isa. 7. 4.
fileas, a quo animo sis, noli timere, & cor tuum ne
 M 3 formidet

Ibid. n. 11.

formidet à duabus caudis titionum fumigantium isto-
rum, à quibus nihil tibi timendum est, nam ipsi
aliquam forte molestiam qualem fumus oculis
affert, creare poterunt, vrendo nocere, me impe-
diente, non poterunt. Et paulo post vt facilius
Regi persuaderet ita fore adderet, *Pete tibi signum
à Domino Deo tuo in profundum inferni, siue in excel-
sum supra. dixit Achaz, non petam, & non tentabo Do-
minum. Quasi diceret. Iubes me securo, & soluto
animo esse, quasi nihil mali ab hostibus istis mi-
hi timere debeam, qui tantis instructi copijs in
regnum meum imperum faciunt. Non ego tibi
parebo Isaia, nam numinis offensionem refor-
mido, noxamque aliquam contrahere refugio,
cum hoc quod suades ad Dei tentationem perti-
nere videatur, nam in aliquo discrimine consti-
tutos iubet Dominus ad illud auertendum auxi-
lia omnia atque adiumenta conquirere, quibus
incolumitati suæ prospiciant. Abundo ego diui-
tijs, & pecunia, cur non potius ærarium refero,
thesauros meos depromo, Assyriorum exercitum
aduoco, quem mihi adfuturum confido, ne forte
si aliam agendi rationem instituamus, Domini
furorem in nos eum tentando prouocemus? Sed
Religio ista commouebat Achaz, scilicet: imo
verò vt hominem prudentia carnis imbutum par-
erat, qui nihil nisi humana sapere didicerat, in
subsidiarijs Assyriorum copijs duntaxat spem suam
locauerat, Domini verò promissa per Isaiam, quasi
aniles fabulas, & malè sani capitis deliramenta
aspernabatur. Vt tamen consilium quod affere-
bat Isaïas, cuius magna apud omnes ordines erat
auctoritas, honesto aliquo prætextu repudiaret,
religionem prætendit, tantisperque se religio-
sum*

sum facit, dum prophetam amoliat, quem aliquam fortasse moram consilijs suis afferre posse animaduertebat. Sed illius reteggit imposturam sanctus vates cum ait: *Audite ergo domus David, Ibid. n. 13.*
Nunquid parum vobis est molestos esse hominibus? Kaldæus habet, prophetis, eos, scilicet, contemnendo, quia molesti estis & Deo meo, scilicet, non credendo, non fidendo, eorum suasionibus repugnando. Satis his verbis indicans non religione motum fuisse Achaz, sed potius eam contemnere, quamvis simulatione pietatis, & in Deum reuerentiæ scelus suum velare niteretur. Non absimilem simulatæ religionis, & pietatis abusum cernere est in Iudæorum hostibus, qui templi structuram sub Zorobabel duce bellè procedere animaduertentes, ut qua ratione possent surgentis operis molitionem impedirent, zelum simulant, & pietatem operamque suam prolixè pollicentur, significationem hanc religiosæ voluntatis, ad nocendum gradum facientes. *Audierunt autem, dicitur in historia Esdræ, hostes Iudæ, & Benjamin, quia filij captiuitatis adificarent templum Domino Deo Israël, & accedentes ad Zorobabel, & ad Principes Patrum dixerunt eis. Edificemus vobiscum, quia ita & nos querimus Deum vestrum. Ecce nos immolauimus victimas à diebus Asor Haddan Regis Assur, qui adduxit nos huc. Et dixit eis Zorobabel, & Iosue, & reliqui Principes Patrum Israël. Non est vobis, & nobis ut adificemus domum Deo nostro, sed nos ipsi soli adificabimus Domino Deo nostro, sicut præcepit nobis Cyrus Rex Persarum.* Cum ergo illis subdolum consiliū non non procederet, intelligerentque thecnas, Iudæorum solertia reiectas, apparere; inchoatum opus, quā vi aperta, quā calumniis apud Persarum Re-

1. Esdræ
4. 1.

gem impedire aggressi sunt, quanquam inito conatu, Deo seruis suis, pro diuinâ gloria sollicitis, opem ferente, nam licet Artaxerxes ad aliquod tempus fabricâ procedere veruisset, anno tamen secundo Darij, intermissa ædificatio iterum promoueri cœpta est.

*Quantope-
re Deus
detestetur
modū hūc
agendi.
Prouerb.
3.31.
Eccles.2.
14.*

4 Satis opinor ostendimus, quo modo prauisti Politici, religione abutantur: quantopere autem eorum mores agendique rationem detestetur Deus, facile erit ex scripturis cognoscere. Dicitur in Prouerbiis.

*Abominatio Domini est omnis il-
lulor, & in Ecclesiastico, va duplici corde, & labijs
scelestis, & manibus malefaciētibz, & peccatori terram
ingredienti duabus vijs.* Ecce enim, inquit David;

*veritatem dilexisti, quem versiculum ex Hebræo
ita vertunt aliqui. Ecce veritatem voluisti in renibus.* non enim exteriori tantum cultu, aut compositis ad pietatem verbis, contentus est Dominus, sed postulat animi, & cordis sensum cum externa specie consentientem. qui autem mali cum sint, probi tamen viri personam tantisper assumunt, donec suis cupiditatibus satisfaciant, gentis illius

Isa. 10.6.

*Fallacis nomine censentur, de qua Isaias. Ad gen-
tem fallacem mittam eum, Chaldæus habet hypocri-
tā, & Hebraicæ vocis vis eos significat, qui tecti
sunt & obscuri, quique aliud verbis præferunt,
aliud corde premūt, quos Dominus lupos appel-
lat ouilla pelle contextos, quibus tamen perso-
nam detrahet magno illorum malo.* Aut placebit,

*Matth.7.
15.*

*inquit Iob, ei quem celare nihil potest? aut decipietur ut
homo vestris fraudulentijz? Ex Hebræo ad verbum.*

Iob.13. 9.

*Num bonum erit vobis si explorauerit vos, Deus, scilicet,
aut si deceperitis hominem, decipietis eum? Quasi
dicat, si retrusa cordium vestrorum peruestiga-
uerit*

uerit Dominus, qui cordiū scrutator est, quomodo scelera, quæ animo concipitis, & fronte perfricta celatis, dissimulare poteritis? An putatis posse vos Deo fucū facere, sicut homines decipitis, qui externo oris habitu falli possunt? Postea verò subdit. *Statim ut se commouerit turbabit vos, & terror eius irruet super vos, memoria vestra comparabitur cineri, & redigentur in lutum ceruices vestrae, tanto odio prosequitur Dominus fictos & duplici corde. Ne fueris hypocrisis, ait Ecclesiasticus, in conspectu hominum, & non scandalizeris in labijs tuis. Attende in illis ne forte cadas, & adducas animæ tuæ in honorationem, & reuelet Deus absconsa tua, & in medio synagoga elidat te, quoniam accessisti malignè ad Dominum, & cor tuum plenum est dolo, & fallacia.* Et sanè mirum est Christianum Principem, cui diuinæ scripturæ oracula, quibus credit, proposita sunt, adeo cæcum in re tanti momenti, esse posse, ut sibi persuadeat aliquid prosperè, & ex animi sententia tibi succedere posse, si à vera religione deflexerit ad impietatem. Quàm enim frequenter in sacris illis historiis & prophetis repetitur, tunc demum Reges longo tempore Imperio pacato potituros, hostium victores futuros, gloriam nomenque clarum consecuturos, si religiosi fuerint? Contra verò si religionem neglexerint, se imperiumque omne, quantumuis firmum alioqui, ac stabile perdituros? Audiamus Dominum, futurum aliquando Principem super Israel in religionis studio instituentem. *Postquam autem, inquit, sederit in solio regni sui, describet sibi Deuteronomiū legis huius in volumine, accipiens exemplar à Sacerdotibus Leuitica tribus, & habebit secum, legetque illud omnibus diebus vitæ suæ, ut discat timere*

Ibid. n. 11.

Eccl. 1. 37.

Deut. 17.

18.

Dominum Deum suum, & custodire verba, & ceremonias eius, quæ in lege præcepta sunt. nec eleuetur cor eius in superbiam super fratres suos, neque declinet in partem dexteram, vel sinistram, ut longo tempore regnet ipse, & filius eius super Israel. Vult ergo Dominus primam noui Regis curam esse in lege cognoscenda, eâque sincerâ, non errorum corruptelis adulteratâ, sed purâ, qualem à Sacerdotibus Leuitici generis accipere poterat, cumque iubet in ea bene versatum esse, & in ea meditari die, ac nocte, ut floreat ipse tanquam lignum quod plantatum est secus decursus aquarum, sobolemque relinquat regni, & paternarum virtutum hæredem. Nec dissimilia

Psal. 1. 2. 3.

Ios. 1. 6.

Domini monita ad Iosue, cui inter cætera, Non recedat, inquit, volumen legis huius ab ore tuo, sed meditaberis in eo diebus, ac noctibus, ut custodias & facias omnia, quæ scripta sunt in eo, tunc diriges viam tuam, & intelliges eam. Et Dauidis, cum iam proximè abesset à morte ad filium Salomonem, Ego ingredior, inquit, viam vniuersa carnis, confortare & esto vir, & obserua ut custodias mandata Domini Dei tui, ut ambules in viis eius, & præcepta eius, & iudicia, & testimonia, sicut scriptum est in lege Moyse, ut intelligas vniuersa quæ facis, & quocumque te verteris. Ut cõfirmet Dominus sermones tuos quos locutus est ad me, dicens. Si custodierint filij tui vias meas, & ambulauerint corâ me in veritate, in omni corde suo, & in anima sua, nõ auferetur tibi vir de folio Israel. De victoriis autè aduersus hostes, quid est opus hic aliquid attexere, cum infinita propemodum exempla ex Scripturis sacris depromi possint, quibus planum fiat religiosos duces quamuis modica militum manu ingentes aduersariorum copias fudisse? Quis nescit Machabæorum aut Gedeonis, ut de cæteris fileam,

de

de idolorum cultoribus insignes reportatas victorias? Sed nobis vnum Iosue testimonium sufficiat, qui plurimis locis contra bellicosissimas, ferocissimasque nationes, præsentissimum numinis auxilium expertus erat. Huius ergo iam morti proximi hæc verba sunt ad maiores natu Principes, ac Duces Israel. *Confortamini & estote solliciti ut custodiatis cuncta quæ scripta sunt in volumine legis Moysi, & non declinetis ab eis neque ad dexteram, neque ad sinistram, ne postquam intraueritis ad gentes quæ inter vos futurae sunt, iuretis in nomine Deorum earum, & seruiatis eis, & adoretis illos, sed adhareatis Domino Deo vestro, quod fecistis usque in diem hanc. Et tunc auferet Dominus Deus in conspectu vestro gentes magnas, & robustissimas, & nullus vobis resistere poterit. Vnus è vobis persequetur hostiū mille viros, quia Dominus Deus vester pro vobis pugnabit, sicut pollicitus est. Hoc tantū diligentissimè præcauete, ut diligatis Dominū Deum vestrum. Contra verò Dominum contemnentes, religionemque aspernantibus ista denunciat. Quod si volueritis gentium harum quæ inter vos habitant erroribus adharere, & cum eis miscere connubia, atque amicitias copulare, iam nunc scitote, quod Dominus Deus vester non eas deleat ante faciem vestram, sed sint vobis in foveam, ac laqueum & offendiculum ex latere vestro, & sudes in oculis vestris, donec vos auferat, atque disperdat de terra hac optima, quam tradidit vobis. Et paulo post. Sicut ergo impleuit opere quod promissit, & prosperè cuncta venerunt, sic adducet super vos quidquid malorum comminatus est, donec vos auferat, atque disperdat de terra hac optima quam tradidit vobis, eo quod præterieritis pactum Domini Dei vestri, quod pepigit vobiscum, & seruiueritis Diis alienis, & adoraueritis eos: citò atque velociter consurget in vos furor*

Iosue 23.

6.

Ibid. n. 12.

Ibid. n. 15.

- furor Domini, & auferemini ab hac terra optima quam tradidit vobis.* Mirum igitur est tantum apud Principes aliquos posse *fascinationem nugacitatis sensum transuertentem*, quæ illis à pseudopoliticis nescio quibus propinatur, vt illa hausta, quasi temulenti palpent in meridie, imo velut cæci per abrupta vitiorum deuoluantur, nec tamen sentiant, nisi malis eruditi, (si tamen vel tunc sentiunt)
- Sap. 4. 12. *Quia malum, & amarum est reliquisse Dominum Deum, & non esse timorem Dei apud eos.* Quàm multi enim sunt, qui Deo percutiente attriti, non tamen malorum suorum veras causas intelligunt, sed aut fati necessitati, aut casui nescio cui calamitates adscribunt, minus miserandi quod mali aliquid passi sint, quàm quod stupore quodam mentis affecti non sentiant vnde infortunia illa cladesque proficiscantur. Rex Syriæ Benadad cum exercitu suo fusus ab Israelitis fuerat, plurimisque in prælio desiderauerat ex suis. Non Rex, non consiliarij veram tantorum malorum causam intellexerunt, sed anili quadam superstitione ducti cum de bello instaurando consultarent, statuunt in posterum à montibus quantum possunt recedere, & in explicata aliqua planitie depugnare.
3. Reg. 10. 23. Psa. 26. 12. *Quid ita? Dij montium, inquit, sunt Dij eorum, ideo superauerunt nos, sed melius est vt pugnemus contra eos in campestribus, & obtinebimus eos.* Sed nimirum causam planè inanem comminiscébatur, ideo *mentita est iniquitas sibi.* Deusque cui idem est in multis vincere, aut in paucis, in montibus, aut in campis altera clade vires Syrorum afflixit, nam
3. Reg. 20. 29. *septima die commissum est bellum; percusseruntque filij Israel de Syris centum millia peditum in die vna. Fugerunt autem qui remanserant in Aphec, in Ciuitatem, & cecidis*

cecidit murus super viginti septem millia hominum, qui remanserant. Hac verò clade Dominus tantas Syrorum copias deleuit, vt scirent omnes quàm procul à verò aberrarent Syriæ Regis consiliarij, nam accedens vnus vir Dei dixit ad Regem Israel. Hac dicit Dominus, quia dixerunt Syri, Deus montium est Dominus, & non est Deus vallium, dabo omnem multitudinem hic grandem in manu tua, & scietis quia ego sum Dominus. Nunc ergo Reges intelligite, erudimini qui indicatis terram, & scitote quod si custodierit Dominus Ciuitatem aut Regnum vestrum vobis bene erit, nam vt inquit Dauid Deus in medio eius, non comouebitur, adiuuabit eam Deus manè dilaculo. id est, cum primū diuina indiguerit ope, feret auxilium, hancque Ciuitatem, aut Rempubl. fluminis impetus letificabit, vel vt Chaldæus vertit, Populi conuentus. Nam florebit ciuium multitudine, fruetur pacatissima tranquillitate, opibus affluet, ita vt nihil desit ad cumulata, quæ in hac vita haberi potest, fælicitatem, sed se ipsa contenta, finitimis etiam hostibus inuidenda sit. Si verò ad praua studia, falsamque religionem conuersi fueritis, nullas non calamitates, & vobis & Reipubl. vniuersæ timere poteritis, Deo iniurias suas immissis malis seuerissimè vindicante.

Ibid. n. 28.

Psal. 2. 10.

Psal. 45. 6.

Ibid. n. 5.

Nec

*Nec hereticos in Republica aut
eorum doctrinam, nec eam quam
vocant libertatem conscien-
tia, sine graui causa
permitti debere.*

C A P V T. III.

*Hereticos
extremo
etiā mortis
supplicio.
puniendos
esse.*

*Deut. 13.
1.*

S Acrarum Scripturarum testimoniis facile
probari potest, hæreticos, qui erroribus suis
pertinaciter adhærent, nec ad sanam mentē Ca-
tholicorum monitis & *reuerentia*, redire volunt, è
Republ. exterminari, & si opus fuerit extremo
supplicio puniri posse. Dicitur in Deuter. Si sur-
rexerit in medio tui propheta, aut qui somnum se vi-
disse dicat, & prædixerit signum, atque portentum, &
euenierit quod locutus est, & dixerit tibi, Eamus, & se-
quamur Deos alienos quos ignoras, & seruiamus eis:
non audies verba propheta illius, aut somniatoris, quia
tentat vos Dominus Deus vester ut palam fiat virum
diligatis eum an non, in toto corde, & in tota anima
vestra. Dominum Deum vestrum sequimini, & ipsum
timete, & mandata illius custodite, & audite vocem eius,
ipsi seruietis, & ipsi adhærebitis. Propheta autem ille
aut fictor somniorum interficietur, quia locutus est ut
vos auerteret à Domino Deo vestro, qui eduxit vos de
terra Egypti, & redemit vos de domo seruitutis, ut
errare te faceret de via, quam tibi præcepit Dominus
Deus tuus, & auferes malum de medio tui. Nulli ma-

gis

gis falsi prophetæ sunt quàm hæretici, *Qui veniunt ad nos pellibus ouium tecti, intrinsecus autem sunt lupi rapaces.* Hi etiam somniorum fictores appellari possunt, nam somnia sua nobis, quasi res gestas obtrudunt, eaque quamuis absurda sint, qualia ægrotantium esse solent, tamen pro veris historiis venditare conantur. Hos ergo lege illa iubebat Dominus interfici, quia à Domino Deo auertunt, illiusque legitimo cultu & ad falsarum opinionum idola traducere satagunt. Nec tamen lex Domini illis parcat, qui alios prauis dogmatibus non corrumpunt, sed vt morte plectantur satis habet, si adorasse idola deprehenso fuerint, aut militiam cœli, sic enim eodem libro dicitur. *Cum reperti fuerint apud te intra vnâ portarum tuarum, quas Dominus Deus tuus dabit tibi, vir aut mulier, qui faciant malum in conspectu Domini Dei tui, & transgrediantur pactum illius, vt vadant & seruiant Diis alienis, & adorent eos, solem, & lunam, & omnem militiam cœli, quæ non præcepi, & hoc tibi fuerit nuntiatum, audiensque inquisieris diligenter, & verum esse repereris, & abominatio facta est in Israel: educes virum ac mulierem, qui rem sceleratissimam perpetrarunt ad portas ciuitatis tuæ, & lapidibus obruentur. Quibus similia capite etiam sequenti præcipiuntur. Quod autem à Domino præceptum acceperat Moses, opere etiam compleuit cum multa idololatrarum millia, quæ vitulum aureum adoraue-
rant, à Leuitis concedi iussit, adeoque noxam aliquam se tanta cæde contraxisse non putauit, vt quos ad patrândam cædem illam immisit, eos manus suas tanto facinore consecrassè, confirmarit. *Consecratis, inquit, manus vestras hodie Domino, vnusquisque in filio, & in fratre suo, vt detur vobis be-**

Matth. 7.
15.

Deut. 17.
2.

Deut. 18.
9.

Exod. 32.
29.

nedi

Leuit. 8.
24.

nedictio, ad consecrationis Sacerdotalis ritum fortasse respiciens. Nam quemadmodum in Sacerdotum veteris illius legis consecratione auris dextra, pollicisque manus & pedis dextri sanguine immolatae victimae imbuebantur, ita Leuitae isti dexterarum suarum caesorum idololatrarum sanguine resperfas non inquinaverunt, sed potius consecrarunt Domino, nec aures pedesque consecratione sua caruerunt, illae dum ad obediendum se promptas accommodarunt, quamvis ij forent obtruncandi quos filios & fratres sacra appellavit historia. Hi verò dum eunt, & redeunt de porta usque ad portam iuxta Moysi praeceptum, qui dixerat, *Ite & redite de porta usque ad portam per medium castrorum, & occidat unusquisque fratrem & amicum, & proximum suum.* Vel etiam dicuntur manus suas consecrasse, quod Dominus Leuiticæ tribui propterea concesserit Sacerdotium templique ministeria tradiderit, quod in gentem suam pro zelo Dei gladium strinxissent in vindictam. Itaque in benedictione Leui quæ est in

Exod. 32.
27.

Deuter. dicitur. *Qui dixit patri suo, & matri suæ, Nescio vos, & fratribus suis, Ignoro vos, & nescierunt filios suos. Hi custodierunt eloquium tuum, & pactum tuum servauerunt, iudicia tua, ô Iacob, & legem tuam ô Israel,* ac deinde quodnam inde præmium reportarint, subdit. *Ponent thymiama in furore tuo* (vel ut ex Hebræo clarius verti potest, *in naso tuo*) & *holocaustum super altare tuum.* Quale etiam præmiū tulit Phinees Eleazari filius, qui zelo diuinæ legis efferuescens Israelitam cum scorto allophylo contra quam Deus præceperat concumbentem pugione confodit. Dixitque Dominus ad Moysen :

Deut. 33.
9.

Phinees filius Eleazari filij Aaron Sacerdotis auertit

Num. 25.
10.

Phinees filius Eleazari filij Aaron Sacerdotis

auertit

auertit iram meam à filiis Israel, quia zelo meo com-
 motus est contra eos, ut non ipse delem filios Israel in
 zelo meo. Idcirco loquere ad eum. Ecce do ei pacem fœ-
 deris mei, & erit tam ipsi quàm semini eius pactum
 Sacerdotij sempiternum; quia zelatus est pro Deo suo,
 & expiauit scelus filiorum Israel. Quid de Eliæ zelo
 dicam, qui quadringentos quinquaginta pseudo-
 prophetas cultores idolorum, à populo iussit in-
 terfici, monens ita agerent, ut ne vnus quidem ef- 3.Reg.18.
 fugeret ex eis? Quid de Iehu Israelis Rege, qui 40.
 quotquot sacrificulos Baal cogere potuit, quasi 4.Reg.10.
 decipula irretitos militibus suis trucidandos ob- 25.
 iecit? Quid de Iosia, qui deleuit aruspices quos po- 4.Reg.23.
 suerant Reges Iuda ad sacrificandum in excelsis per ci- 5.
 uitates Iuda, & in circuitu Ierusalem, & eos qui ado-
 lebant incensum Baal, & soli & luna, & duodecim si-
 gnis, & omni militia coeli? Quid tandem de Matha-
 thia, qui cum ciuem suum vidisset omnibus in-
 spectantibus ad aram accedere ut idolis sacrificar-
 et, Doluit, & contremuerunt renes eius, & accensus 1.Machab.
 est furor eius, secundum iudicium legis, & insiliens tru- 2.24.
 cidauit eum super aram, imo cædem eius, alterius,
 qui ad idololatriam iussu Antiochi Iudæum sti-
 mulauerat, cæde cumulauit, aramque demolitus
 est? Sed possumus etiam ab idololatriis argumen-
 tum petere ad id quod volumus confirmandum.
 Nam Rex ipse Nabuchodonosor, cum tres illos
 adolescentulos fornacis incendium euasisse diui-
 nò miraculo animaduertisset, pœnam mortis in
 eos statuit, qui contra Deum quem tres illi pueri
 colebant, blasphemando ora soluissent. Quo exē-
 plo ad rem de qua agimus comprobendam quo-
 dam loco vsus est D. August. Nabuchodonosor, in-
 quit, miraculo salutis trium puerorum commotus atque

- mutatus pro veritate contra errorem edictum proposuit.
 Dan. 3. 96. *ut quicumque blasphemarent Deum Sidrach, Misach, & Abdenago, in interuem irent, & domus eorum in dispersionem, & non vultis ut tale aliquid contra vos iubeant Imperatores Christiani? Haecenus August. Et hoc quidem præclare Nabuchodonosor; regia enim interpolita auctoritate, quidquid in Repub. existit malorum facile discutitur, ac dissipatur;*
 Prou. 10. 8. *nam ut est à Sapiente dictum, Rex qui sedet in solio iudicii, dissipat omne malum iniurii suo. Et eodem capite. Dissipat impios Rex sapiens, & incuruat super eos*
 Ibid. n. 28. *fornicem, vel ut est in Græco contextu ὁ ἱπκαλὲς ἀντὶ τοῦ τροχῶν, immitet eis rotam. Quæ versio ad rem nostram facit, nam sensus est pœnis à Rege sapiente ita coercendos impios, ut extremo etiam supplicio tollantur è medio, & respexisse videtur Salomon parentis sui factum, de quo dicitur in*
 2. Reg. 12. 31. *Regum historia. Populum quoque eius (regis scilicet Ammonitarum) adductus ferrauit, (id est ferris secuit) & circumegit super eos ferrata carpenta, diuisitque culius, & traduxit in typo laterum, sic fecit vniuersis Ciuiatibus filiorum Ammon. Hoc vltimum quod dicitur, Et traduxit eos in typo laterum, difficile satis est, ac propterea si inuestigauerimus quodnam pœnæ genus verbis illis significetur, operæpretium fortasse fecerimus, nec à re de qua agimus, ut paulo post patebit, hac breui excursiuncula, multum diuertemus. Ac primò si Septuaginta dumtaxat interpretationem consideremus, διὰ τῆς γειν αὐτοῦς διὰ τῆς πλινθίου, traduxit eos per laterem, non esset improbable existimare pœnam hanc in aliquos ex Ammonitis esse statutam, ut per ordinatam militum aciem transirent, eosque milites in ordinem dispositi, dum transeunt, telis impeterent,*

rent, & occiderent. Genus hoc mortis pœna quædam militaris est, in Castris vlitata, quam Itali appellant, *Passar per le picche*. Lateris autem nomine, aciem in lateris formam quadratam intelligi posse patet ex auctore libelli De antiquis ordinibus, & Suida apud quos *πλινθία*, & *πλινθιδόν*, quadratum agmen in lateris formam significant. Quod etiam ex Iosepho discere possumus, in libris de Iudaicis antiquit. qui ita alicubi loquitur. *ἐν πλινθίῳ τάξας τὴν στρατίαν*, quæ verba Interpres vertit, *In lateris formam*. Quod si vulgatæ editionis lectionem solam spectemus, *Trauxit eos in typo laterum*, cum typus laterum sit instrumentum illud quo lateres formantur, & omnes ad eandem mensuram, & modulum exiguntur, significari videtur ita curruum rotis, & equorum calcantium ungulis contritos, & comminutos fuisse Ammonitas, ut quali ex luto subacto lateres ex illis formari, ac fingi possent. Verum ut lectio Septuaginta virorum, & vulgatæ editionis melius intelligantur, ostendamusque utramque cum Hebraico textu consentire, videndum est quid vox Hebræa *מלח* *Maluen* quæ hic habetur, significet. Nahum tertio dicitur: *Aquam propter obfessionem hauri tibi, extrue munitiones tuas, intra in lutum, & calca. subigens tene laterem, ubi Tò laterem in* Hebr. est *מלח* Kaldæus, *Multiplica cimenta, subige lutum, fortifica adificia tua*. Ad verbum ex Hebræovertere possis. *Tene, vel apprehende, robora fornacem, ut Pagninus interpretatus est, & consentit Rabbi Abraham in Commentario huius loci, qui מלח interpretatur locum in quo fiunt lateres, nam iuxta fornaces, aut in ipso fornacis conceptu, nondum flammis succensæ, laterum forma-*

Nahum 3.
14.

tores, lutum subigunt, & admotis typis figuram imprimunt: est ergo sensus traduxisse eos per fornacē, hoc est ignibus fornacis absumpsisse, idēque typum laterum significare in vulgata, & *πλεονθιον*, apud Septuaginta. Verū aduertendum adhuc est in Hebraico textu, de quo nunc agimus, variam esse lectionem propter vnus litterulæ cum alia persimili, mutationem, vel enim legitur *מלכ* ut est in Hebraicorum bibliorum contextu, vel ut ad marginem adnotatur, pro littera *ב* substituitur littera *כ*, & legitur *מלכן*. Quam lectionem si sequamur sensus esse potest, & traduxit eos per ignem, quemadmodum iis fieri solebat, qui Molochi idolo sacrificabantur. Nam Moloch idolum, etiam Melchon, & Malchen appellabatur, pro varietate punctorum; quæ voci *מלכן* subiiciebantur. Equissimum autem erat, ut per quæ Ammonitæ peccauerant, per eadem etiam plecterentur. Nemo autem est qui nesciat fuisse Moloch idolum Ammonitarum, ritumque sacrificandi eum fuisse, ut victima igne cremaretur, & holocaustorum more penitus absumeretur, vel certè per flammās ita traduceretur, ut aliqua ratione, sed tamen citra vitæ periculum, ambureretur. Dignā sanè pœna quæ statueretur in impios, illos Ammonitas; nostrique temporis hæreticis, ut vsus habet Ecclesiæ, accommodatissima: quā qui usurpant Principes, impios ita coërcendo, ut proposita etiā mortis pœnā à scelere perpetrando deterereant, tunc Domino seruiūt iuxta Davidis præceptum, qui Reges ut Domino seruiant, adhortatur Psal. secundo. Quomodo verò hoc præstent exemplis è scriptura conglobatis ostendit D. Augustinus, cuius verba quidni adhibeamus? *Aliter*
seruit,

seruit, inquit, Rex Deo, quia homo est, aliter quia Rex est, quia homo est, ei seruit viuendo fideliter, quia verò etiam Rex, seruit leges iusta precipientes, & cōtraria prohibentes conuenienti vigore sciendo, sicut seruauit Ezechias, lucos, & templa idolorū destruēdo; sicut seruauit Ionas, talia & ipse faciēdo; sicut seruauit Rex Niminitarū, vniuersam ciuitatē ad placandū Dominū cōpellendo; sicut seruauit Darius, idolū frangendū in potestātē Danieli dando; sicut seruauit Nabuchodonosor, omnes in regno suo positos à blasphemando Deo lege terribili prohibendo. Hæc ille.

2 Sed iam veniamus ad causas cur ita faciendum sit. Ac prima quidē est, quòd nisi ita fiat etiam pars illa Reip. quæ sincera est, inficietur; nam vna oue facta morbida reliquū etiam ouile corrumpitur. Nec peruersi isti, aut vt D. Paulus vocat, subuersi, faciliè corriguntur, imo alios etiā subuerrere nituntur, & luporū instar plenis ouilibus insidiātur, irreperere satagētes oratione blanda in animos fidelium, vt inactent & perdant, quare etiā à Domino lupi appellantur, cum cauendū monet à falsis prophetis, qui veniunt ad nos in vestimentis ouium. Quod vt ostenderet Dominus in veteri lege, passus non est in acerrā Sacerdotum prophanum ignem iminitti, nec arcam Dei in eodē templo cum idolo Dagon commorari, & Iebusæos, aliāque gentes Chanaanæorum, intra Israelitarum fines vetuit habitare, nam qui tangit picem, inquinabitur ab ea, & qui communicauerit superbo, induet superbiam. Quam ob causam Iacob Esau, fratrem alioqui suum, fugiebat, & Loth è Sodomis diuino beneficio eductus est. Egregiè verò D. Paulus duplici similitudine fermenti scilicet & cancri, rem totam ponit ob oculos. Ac prima quidem vsus est ad Galatas scribēs, cum eos monet vt à Iudaizantium fermento ab-

Epist. 50.

4. Reg. 18.

4.

4. Reg. 23.

4.

Ionæ 3. 6.

Daniel. 4.

21.

Daniel. 3.

96.

*Heretici
in Republ.
tolerandi
non sunt
quia alios
prauitate
doctrina
inficiunt.*

Eccl. 1. 15.

Tit. 3. 11.

Matth. 7.

15.

Leuit. 10.

1.

1. Reg. 5.

4.

Deut. 7. 1.

Eccles. 13.

1.

Genes. 24.

43.

Genes. 19.

17.

stinerent, qui legalia præcepta seruanda contem-
 Galat. 5. 9. debant. *Modicum*, inquit, *fermentum totam mas-*
 1. Cor. 5. 6. *sam corrumpit*. Quod dictum parauimæ cuiusdam
 vim habet, qua etiam vsus est scribens ad Corin-
 thios, de fornicario illo agens, quem pie absens
 corpore, sed spiritu præsens iudicauerat, Satanæ-
 que tradiderat, cuius impura in Ecclesia Corin-
 thiorum conuersatio, quia alios poterat inficere,
 & suis moribus & exemplo ceteros maculare, vt
 cauea ut monet, adagioque isto vtitur, *Modicum*
fermentum, &c. Cum ergo scribit ad Galatas, cuius
 loci prius meminimus, fermenti hanc similitu-
 dinem Iudaizantibus aptat, eorumque doctrinæ,
 vt ostēdat modicum fermentum paucorum quo-
 rumdam prauis opinionibus imbutorum, posse
 totam corrumpere multitudinem fidelium; idque
 quod modicum, & exiguum videtur, vnum scili-
 cet dumtaxat errorem in fide, totam fidei sub-
 stantiam, ipsamque religionem, ac Christianis-
 mum euertere. Hæc D. Pauli sententia est. Nec
 verò ista, quasi parua contemnendæ sunt, quia à
 paruis initijs sensim progrediendo, se vitium
 semper vltcrius porrigit, & sero ingenti malo
 paratur medicina, cum morbus longa mora con-
 firmatus est. Itaque locum hunc Apostoli ad Ga-
 latas explicans D. Hieronymus. *Doctrina*, inquit,
peruersa ab vno incipiens vix duos aut tres primum in
exordio reperit auditores, sed paulatim vt cancer serpit
in corpore, & iuxta vulgare prouerbum, vnius pecudis
scabies totum commaculat gregem. Igitur & scintilla
statim vbi apparuerit, extinguenda est, & fermentum à
massa vicina semouendum; secanda putrida carnes, &
scabiosum animal à caulis ouium repellendum, ne tota
domus, massa, corpus, & pecora, ardeat, corrumpatur,
putrescat,

putrescat, inereat. Arius in Alexandria una scintilla fuit, sed quia non statim oppressa est, totum orbem eius flamma populata est. Hæc Hieronymus. Altera D. Pauli similitudo est Cancris, ea utitur cum ad Timotheum scribit, epistolarum secunda. Profana 1. Tim. 4.
autem, inquit, & vaniloquia densa, multum enim pro- 17.
ficiunt ad impietatem, & sermo eorum ut cancer serpit, ex quibus est Hymeneus, & Philetus qui à veritate exciderunt, dicentes resurrectionem esse iam factam, & subverterunt quorundam fidem. Apertè sermo est de hæreticis. Quod autem habemus in vulgata editione, Vaniloquia, & in Græco textu est κενωφωνίας, D. Ambrosius, & D. Chrysost. paulo aliter legunt κενωφωνίας, quæ vox significat vocum novitates, ut vulgatus interpres vertit prima ad Timoth. legens κενωφωνίας, cum tamen in Græcis exemplaribus nunc habeamus κενωφωνίας, id est, Inanitates vocum, seu Vaniloquia. Ut ut legamus parū refert ad id de quo agimus: nam hæretici inania loquuntur, & nova affectant, quibus Ecclesiam perturbent: semper autem vitandi sunt, quia sermo eorum serpit ut cancer. Docent autem medici (ut vim similitudinis melius assequamur) Cancris obscura esse rudimenta, ac plerumque tumorem exorientem sentiri ciceris magnitudine, cum dolore, & calore quasi ferientis cadentis acus, interdū etiam dolore nullo. Hinc fabæ, deinde iuglandis, & oui magnitudinem æquare, dum tandem in amplio-rem molem attollatur, & increseat, & eius esse naturæ, ut nisi malignitate ocys interimat, longè latèque prorepat. Morbus utique horrendus, ait D. Chrysostomus in eum locum D. Pauli, & qui medicina contineri nequit, sed omnes in dies corrumpit, ac perimit, ideo nullum ei remedium valet adhiberi.

Additque. Ostendit per hac eos corrigi, emendarique non posse, qui sponte à veritate aberrarunt. Hæc ille. Pertinent ergo D. Pauli similitudines explicatæ ad probandam prauorum hominum, ac nominatim hæreticorum consuetudinem bonis ac simplicibus noxiam in primis esse, ac propterea eos qui fidei iacturam fecerunt amoliendos esse, ne vulgata tabes putrescentis membri, ad reliquum corpus prorepat, & interitum afferat. Huc referri

Genes. 21.
9.

potest Saræ factum, quæ cum vidisset filium Agar Ægyptia ludentem cum Isaac filio suo, dixit ad Abraham: Eiice ancillam hanc, & filium eius, non enim erit heres filius ancilla cum filio meo Isaac. Durè accepit hoc Abraham pro filio suo. Cui dixit Deus. Non tibi videatur asperum super puero, & super ancilla tua, omnia quæ dixerit tibi Sara, audi vocem eius. Alij aliter lusum Ismaelis, quo tantopore commota est Sara, interpretantur. Probabilius ij sentire videntur, qui lusum hunc aut ad turpitudinem aliquam re-

Vide Gen.
26.8.9.
Exod. 31.
6.
Galat. 4.
29.

ferunt, quam Ismael natu grandior Isaac docere voluerit, aut ad idololatriam; cum vtrumque in scriptura lusum nomine significetur. Hunc autem lusum, quo ad vitia instituebatur Isaac, persecutionem appellat D. Paulus ad Galat. scribens. Sed quomodo, inquit, tunc is, qui secundum carnem natus fuerat, persequabatur eum qui secundum spiritum, ita & nunc. Nullam enim acerbiores quis patitur persecutionem, quàm cum à veritate ad errorem, à virtute ad vitium, ab orthodoxa fide ad hæresim à prauis & malè sentientibus hominibus trahitur. Itaque in Apocalypsi Episcopus Pergami increpatur, quod haberet apud se quosdam tenentes doctrinam Nicolaitarum. Habeo, inquit, aduersus te pauca, quia habes illis tenentes doctrinam Ba-
laam,

Apoc. 2.
12.

laam, qui docebat Balac mittere scandalum coram filiis
 Israel, edere, & fornicari, ita habes & tu tenentes do-
 ctrinam Nicolaitarum. Quibus verbis mihi vide-
 tur castigari quorundam Principum remissio, qui
 cum nulla subest causa, hæreticos tolerant, ne
 dicam fouent, quorum dogmata cum erroribus
 Nicolaitarum mirum quantum conueniunt; nam
 illi vagam Venerem licitam esse docebant, hi li-
 bertati carnis laxas quantum possunt habenas re-
 linquunt, perniciosam quandam licentiam car-
 nis, imo necessitatē inducentes, vt non minus Ba-
 laamo similes sint, quàm Nicolaitæ: quemadmo-
 dum enim Balaam auctor fuit Balac Regi Moha-
 bitarum, vt Israelitas per scorta seduceret, vt ha-
 bemus in Numerorum historia, ita isti, libidini-
 bus patrocinātes, scandalum fidelibus opponunt,
 quo multi salutis æternæ iacturam faciunt, effæ-
 minati ipsi, effæminatos & molles etiā alios suo
 prauo dogmate reddentes. Hinc nonnulli Patres,
 & sacræ Scripturæ interpretes, reprehensionē il-
 lā, qua Thiatyræ Episcopus arguitur, quod permit-
 tat mulierem Iezabel, qua se dicit prophetam, docere, &
 seducere seruos Dei, fornicari, & māducare de Idolothy-
 tis, non tam de muliere aliqua impia, quæ mori-
 bus Iezabelam illā Achabi vxorem referat, intel-
 ligi debere putant, quàm de ipsa hæresi, aut hære-
 ticiis. De hæresi quidem per prosopopæiā quan-
 dam, de hæreticis autem propter mores in scēmi-
 neam mollitiem fractos. *Hi autem seducunt seruos
 Dei, & fornicari docent*, vel quia carni quidquid
 libet indulgent; vel quia fideles fornicari docent,
 & datam Domino fidem fallere, qui animas no-
 stras sibi sponsat in fide, quæ fornicatio etiam adul-
 terij scditatem adiunctam habet, non minus

Num. 31.
16.Apoc. 2.
20.

Osce 2.

Jerem. 3. 9. quàm eorum fornicatio, quæ apud Ieremiam reprehenditur, cum dicitur. *Facilitate fornicationis suæ contaminavit terram, & machata est cum lapide & ligno.*

Hæretici tolerandi non sunt in Republica, quia seditionibus & turbis publica paci incōmodant. 4 Altera causa esse potest, ut multis seditionibus & turbis occurratur, quæ in rebus publicis existunt, si varietate sectarum, opinionum, errorumque, populi in varias partes distrahantur. Violentissimè enim seruiunt huiusmodi factiones in negotio religionis, quod vno aut altero exemplo ex sacris litteris deprompto, comprobabo. Demetrius quidam argentarius donariorum quæ in templo Dianæ Ephesiæ offerebantur architectus, & faber, sibi, artique suæ timens, ne quæstus quæ ex suo artificio parabat, interciperetur, Paulum idolorum euersorem apud quosdam opifices, & per hos apud Ephesios plerosque vocauit in inuidiam, & suspicionem iniicere conatus est, fore ut cultus Dianæ Ephesiæ, prædicante Paulo intermitteretur. *His auditis*, inquit S. Lucas, *repleti sunt ira, & exclamauerunt dicentes, Magna Diana Ephesiorum; & impleta est ciuitas confusione, & impetum facerunt vno animo in theatrum, rapto Caio, & Aristarcho Macedonibus, Comitibus Pauli.* Cum verò Alexander nescio quis Iudæus, eorum quæ gesta fuerant rationem reddere vellet, manûque silentium postularet, nihil tamen impetrare potuit à cōcitato populo, qui furenti salo persimilis magis semper inhorrescenti, & grandiores fluctus agenti cœtu quodam cæco, insanôque perturbatus, omnia clamoribus complebat, *nam vox facta una est omnium, quasi per horas duas clamantium. Magna Diana Ephesiorum.* Scriba verò qui tandem turbam composuit, ac sedauit, sentiens tumultum

pro

propterea extitisse, quod Ephesij Dianæ cultores sibi persuasissent peregrinos illos Iudæos in Dianam blasphemos esse, & noui aliquid ad illius religionem spectans moliri, hanc eis opinionem eripere studuit, quasi nullus esset qui contra Dianæ numen loqueretur, aut loqui posset. *Viri Ephesij*, dicebat, *quis est hominum qui nesciat Ephesiorum ciuitatem cultricem esse magna Diana, Iouisq; prolis?* Cum ergo his contradici non possit, oportet vos sedatos esse, & nihil temerè agere. Quibus verbis vulgo persuasit vt sedatiùs ageret, domosque suas, vnde concursus factus fuerat, singuli repeterent. A modico igitur initio progressa suspicio, Ephesiorum turbauit animos, & superstitionis antiquæ zelo imbutis, visa res est indigna, si quis Dianæ diuinitatem vocaret in dubium, adeo vt publicum malum, communi etiam conspiratione conarentur amoliri, nec prius conquiescerent, quàm omnia circa religionem tuta esse, scribæ testimonio sibi persuaderent. Decipiebantur illi quidem erroribus gentium, cum Dianæ diuinitatem tribuebant; nobis tamen suo facto illustre documentum reliquerunt, quo intelligere possimus, quibus fluctibus, ac tempestatibus, cum huiusmodi discordiæ existunt, Respublica distrahatur, ac laceretur. Sed adhuc illustrius huius rei de qua agimus exemplū, ex eo quod alia quadam occasione D. Paulo accidit, petere possumus. Venerat Ierosolymam Apostolus, postquam Asiæ prouincias nonnullas emensus, Euangelium latè disseminauerat, multosque Iudæorum, qui peregrè versabantur, adiunxerat Christo. Eum humaniter exceptum admonebant reliqui Christi discipuli, apud Iudæos nomen ipsius vocatum esse

Ibidem
num. 35.

esse in inuidiam, quasi doceret discessionem à Moyse, eorum qui per gentes sunt Iudeorum, dice, etque non debere eos circumcidere filios suos, neque secundum consuetudinem ingredi. His auditis Paulus, quanquam præfagiebat animus, quid futurum esset, tamen Deo fretus, cuius agebat causam, non abstinuit à publico, sed luce palam profectus est in templum. Itaque *Qui de Asia erant Iudei, cum vidissent eum in templo, concitauerunt omnem populum, & iniecerunt ei manus, clamantes, Viri Israëlita, Adiuvate; Hic est homo, qui aduersus populum, & legem, & locum hunc, omnes ubique docens, insuper & gentiles induxit in templum, & violauit sanctum locum istum.* His ergo clamoribus excitus populus, concursu facto, captum Paulum trahunt extra templi septa, nec manus abstinent, prout cuique promptum erat, verberantes. Aduolat repente cum militibus Tribunus, binas Paulo catenas iniici iubet, quæ turbarum causa sit, interrogat. Ingeminant Iudæi clamores, tolli de medio sceleribus notatissimum caput, postulant. Ille perduci iubet in castra, tam acri studio iis qui confluerant Paulum Tribunumque stipatibus, ut cum ad castrorum gradus peruenissent, portaretur Paulus à militibus propter vim populi. Tandem facto silentio, cum commotos animos Paulus oratione sedare studuisset, adeo non sunt ad tranquillitatem traducti, ut potius furentium more Vociferantes, & proiecientes vestimenta sua, & puluerem iactantes in aërem, eum postulauerint ad necem. Itaque Tribunus Apostolum flagellis cedit, demumque sacerdotum conuocato concilio in eo Paulum causam dicere iubet, cuius disputantis os cum percuti Ananias Pontifex iussisset, ad eas se

angu

Ibid.num.
27.

Ibid.num.
35.

Act. 22.
23.

angustias redactum intelligens Paulus, ex quibus non facile posset emergere, prudenti consilio se ad Phariseorum sectam pertinere, omni audiente concilio palam professus est, *sciens quia una* Act. 23. 6. *pars esset Sadducaorum, & altera Phariseorum. Itaque cum hac dixisset, facta est dissensio inter Phariseos, & Sadduceos, & soluta est, id est, distracta, diuisa in factiones duas, multitudo: Sadduceis contrariæ sectæ hominem cum suo dogmate impugnantibus. Phariseis verò suæ doctrinæ alumnū, quod Pauli consilium fuerat, defendentibus. Quod tunc accidit Sadduceis, & Phariseis, quos iniecta questionum inter ipsos controuersarum mentio duxit in partes atque distraxit; hoc quot diebus familiæ patiuntur, & Respublicæ dum illæ domesticis iurgiis atque conuitiis religionis causa personant, hæ etiam in factiones ferro armatas diuisæ, se ipsas conficiunt, ac perdunt. Quando ergo veram religionē quam profiteamur, mordicus, & per vitæ etiam periculum retinere debemus, si salui esse volumus, profectò consequitur dissidiorum fomitem, atque materiam procul amouendam esse ab iis, quorum interest, Principibus nimirum, Ecclesiæque pastoribus, hæreticos homines pœnis coercendo, vt pacata re publica frui liceat. Alioqui si secus fecerint, merito rimendum erit, ne quod Dominus Israëlitis euenturum prædixit, si promissam terram à gentibus idolorum cultricibus perpurgare neglexissent, ipsi experiamur. Sin autem, inquit, nolueritis Num. 33. interficere habitatores terra, qui remanserint, erunt vobis quasi clavi in oculis, & lancea in lateribus, & aduersabuntur vobis in terra habitationis vestra. Nec est veritas hæc in obscuro posita, nam etiam cultoribus*

1. Mach.

1.43.

Iosue 22.

16.

Psal. 53. 5.

ribus idolorum visum est ad incolumitatem reipublicæ pertinere, si vna religio, cæteris à reipublica exterminatis, obtineret. Conatus est id consequi in regno suo Antiochus, nam vt est in Machabæorum historia, *scripsit omni regno suo, vt esset omnis populus vnus, & relinqueret vnusquisque legem suam.* Idem in meliori causa sensus fuit Israëlitis vniuersi, nam cum duæ tribus cum dimidia, quæ primæ terræ promissæ portionem acceperant, existimarétur noui aliquid in religione moliri, quod altare sibi ædificassent, de bello contra eas suscipiendo cogitarunt, vt nimirum iniuriã in Deum, cuius tam citò essent obliti, armis persequerentur, & reipublicæ incommodum quod à religionis schismate nascebatur, auerterét. Itaque legatos mittunt, qui ab impio cõsilio labantes in veteri Patrũ religione fratres suos reuocent, ostendantque vnius scelus totius populi plaga à Domino vindicatũ fuisse, & cum culpa paucos infecisset, pœnam tamen ad plurimos peruenisse. Sed cum docuissent altaris illius excitatores, non hoc ad religionis auspicandas nouitates factum fuisse sed potius ad veterem stabiliendam, retinendamque, *placati sunt, & verba filiorum Ruben, & Gad, & dimidia tribus Manasse libentissimè susceperunt,* iam sperantes Deum, sub cuius peculiari tutela reipublica illa acquiescebat, propitium se habituros, & à seditionibus, quæ reipublicæ statum turbant, vacaturos. Nam vt querebatur S. David, *Alieni insurrexerunt aduersum me*, ita Principes & reipublicæ multa, & sæua ab *Alienis*, qui scilicet religione mutata ad Hæreticos transfugiunt, passæ sunt. Itaque populorũ moderatori illud cordi esse debet, vt non ipse dumtaxat religionem colat, sed curet

curet etiam ut ij quibus præest, *Conseruent præcepta* Prou. 6.
patrum suorum & matris suæ, Ecclesiæ scilicet leges, 10.
& præscripta, & dogmata, non dimittant.

4 Sed quia nonnulla ex scripturis sacris videntur obiici posse aduersus ea, quæ diximus, ea breuiter discutienda sunt. Ac primò quidē ex iis quæ diximus de Sadducæorum Phariseorumque dissidio, colligi posse videtur in republica Hebræorū hanc fuisse sentiendi, & loquendi libertatem, ut scilicet nullus ad hoc vel illud dogma amplectendum adigeretur, sed liber vnicuique esset opinionum, & dogmatum quæ sequi voluisset, delectus. Et quidem Sadducæi apertè erant hæretici, quippe qui mortuorū resurrectionem aliquando fore inficiebantur, qui error apertè scripturæ sacræ testimonio iugulatur. Cum itaque Ierosolymis habitarent, & ad concilia & synedria admitterentur, confici videtur, Principes & sacerdotum Concilium sensisse, non esse contra eos, qui alieni dogmatis essent, pœnis animaduertendum. Sed hoc facile dilui potest, nam ex allatis hoc capite testimoniis, satis constat non licuisse bene constitutam Hebræorum Rempub. hæreses sequi. Sadducæorū verò impietas non multo ante Christi aduentum exorta, non est à synagoga proscripta, quod senescente eorum qui Conciliis præsidebant authoritate, ij remissius agerent, qui cathedram Moysis obtinebant; præsertim sub Idumæo Rege Herode, qui politicorum more ad regni commoda religionem referebat, nec quid variorum dogmatū assertores inter se digladiarentur, morabatur. Itaque cum Sadducæorum error multos corripuisset, essentq; hi clientelis, & opibus potentes, mirum non est, si ex suo illos sinu excu

Soluuntur argumēta quæ cōtra hæcenus dicta afferri possunt.
 2. Mach. 12. 43.

excutere synagoga non potuit.

Isa. 11. 9.

Secundò obiici potest illud Isaia: *Non nocent, & non occidēt in uniuerso monte sancto meo.* id est, in Ecclesia: sed ibi sermo non est de catholicis, sed potius de hæreticis, quos propheta reguli, & alpidis nomine designauerat: hos ergo, quantumuis venenari serpentes sint, tamen adeo Ecclesiæ non nocituros docet, vt infans ab vbere, innoxie foramina, & cauernas, in quibus delitescunt, protegente Deo Ecclesiæ suæ alumnos, tractare possit, *quia, inquit, repleta est terra scientia Domini, sicut aqua maris operientes.* infantes enim qui lac doctrinæ Ecclesiæ sugunt, & sensus simplicitate mentes inclinant in obsequium fidei, Deo dante, ita abundabunt cognitione rerum ad dogmata fidei pertinentium, vt monstra hæc tumertia superbia, venenôque hæresum armata, tenera adhuc manu, nullo fere negotio elidere possint.

Luc. 9. 55.

Tertiò, afferri potest quod discipulos in Samaritas zelo exardescences, & igne de cœlo deuocato eos comburere cupientes Dominus increpauit dicens: *Nescitis cuius spiritus estis,* & Petro meditantī gladio Christū defendere, *Mitte,* inquit,

Ioan. 18.

11.

gladium tuum in vaginā, quod scilicet sentiret gladium potius spiritus expediendum esse, quàm armis contra aduersarios fidei digladiandum. Sed in promptu est responsio, prohibuit enim Dominus Petro, qui nullo publico munereungebatur, vsum gladij, & discipulorū vltionis affectum, quo ducebātur, verbis illis castigauit. Hinc verò non sequitur non posse Pōrifices & Ecclesiarum præfides, cum è re catholica id esse cognouerint, brachij vt vocant sæcularis auxilium implorare, vt ferreis gladiis illi conficiantur, qui gladio spi-

ritus

ritus cordis duritiam, & in præceptis erroribus pertinaciam, opposuerunt.

Quartò, obiici potest quod Hæretici extra Ecclesiam sint, qui verò sunt huiusmodi, iudicio Ecclesiæ subiecti esse non videntur, dicente D. Paulo, *Quid mihi de his qui foris sunt?* Sed respon- 1. Cor. 5.
detur, hæreticos aberrare à caulis Ecclesiæ, & vi- 12.
tio suo extra Christi ouile vagari; cum tamen baptismali charactere signati, Christumque & eius fidem professi sint, ad illud redire debere, & si non faciant, pœnis in illos animaduertere fas esse. Sanctus verò Paulus de iis loquitur, qui nullo vnquam tempore Christi fidem receperant.

Quintò, potest etiam obiici responsio illa patrisfamilias, qui cum in satis zizania apparuis-
sent, seruis illa extirpare volentibus, dicenti-
busque, *Vis imus & colligimus ea?* *Ait, non, ne forte* Marth.
colligentes zizania, eradicetis simul cum eis & triu- 13. 28.
cum: sinite utraque crescere usque ad messem. Cum er-
go passim interpretes zizania hæc hæreticos esse
doceant, consequi videtur non esse cum eis vi-
agendum, sed tempus messis expectandum, ex-
tremum scilicet iudicij diem, Christoque Domi-
no iudici causæ huius cognitionem integram re-
seruandam esse. Sed argumentum hoc si quid pro-
baret, plus sanè probaret, quàm vellent ij, qui
illud obiiciunt. Conficeretur enim non hæreti-
cos modo impune dimittendos esse, sed etiam fu-
res & homicidas, & huiusmodi fontes, qui ziza-
niorum nomine censentur: quamuis enim hæreti-
ci pessimum genus zizaniorum sint, non tamen
propterea fures, aut homicidæ zizania non sunt.
Cum ergo paterfamilias zizania extirpari vetuit,
satis indicauit quo pacto hoc esset accipiendum.

*Ne forte, inquit, eradicetis simul & triticum, facturus colligendi potestatem si absque tritici detrimento, à quo forte non ita facile secernerentur, euelli possent. Quod si facile internosci possint, nec periculum imminet ne pro nocentibus plectantur innoxij, quid ni extirpentur? si verò periculum sit ne hæretici, quia potentiores, turbas excitent, aliquamue maiorem perniciem Ecclesiæ aut reipublicæ moliantur, tunc sane iudicium Dei patienter expectandum est. Non debent autem facile Principes alicuius incommodi metu, qui frequenter inanis esse potest, eo descendere, ut libertatem, quam conscientia vocant, concedant, sine graui causa, de qua statuendum non esset nisi communicato cum Ecclesiæ capite cōsilio ut despicatur dicendum ne sit, *Sinut utraq; crescere usque ad messem*; parati potius ipsi (si alia ratione corruptos homines ad saniora consilia renocare non possint) in istos vepres ac spinas moliri ferum, & horum zizaniorum radices ac fibras, ne iterum succrescant, euellere, si è re christiana id futurum censuerint ij, quorum iudicium hoc esse*

Isai. l. 16. diximus. Tandem obiici potest quod de Ecclesia vaticinans Isaias, ita loquitur, *Habitabit lupus cum agno, & pardus cum hædo accubabit, vitulus, & leo & onis simul morabuntur.* Sed hæc non de hæreticorum contubernio cum catholicis accipienda sunt, sed de iis qui cum essent esteris moribus & immitibus antequam Christi iugo colla submitterent, posteaquam se Ecclesiæ aggregarunt ex lupis agni facti sunt, compressis diuinæ gratiæ beneficio naturæ propensionibus, prauisque habitibus continenti exercitatione virtutum, superatis. Huiusmodi lupū quis neget fuisse D. Paulum,

lum, qui spirans minarum, & cedis in discipulos Domini, Christi sectatores vinctos in Ierusalem perducere animo destinauerat, quique deuastabat Ecclesiam per domos intrans, & trahens viros, ac mulieres tradebat in custodia? Hic tamen tā trunculentus ac ferox Christi gregis insectator, vnus ex eo grege quem persequebatur factus est. Est enim mutatio hæc dextræ Excelsi, & Christianæ Ecclesiæ propria, in qua magnus eorum prouentus est, qui omnino suspiciēda mutatione in alios viros euaserunt, adeo vt nihil veteri conuersationi simile retinerent.

§ Sed antequam huic capiti clausulam imponamus, aliquid de hæreticorum libris exterminandis, & flammis abolendis, dicendum est. Non est nouitia hæc in huiusmodi impietates animaduersio, sed ab antiquis etiam vsurpata, cuius aliquod in Scripturis sacris vestigiū reperio. Nam in actis Apostolorum legimus, *Muli ex ijs qui fuerant curiosa sectati, contulerunt libros, & combusserunt coram omnibus, & computatis pretijs illorum inuenerunt pecuniam denariorum quinquaginta millium.* Quid fecissent hæreticorum libris, qui inania quædam, & curiosa continentibus, non pepercerunt? sunt in Ecclesia Dei rerum ad fidem pertinentiam sacri quæsitores, qui tanquam os Domini, segregant mundum ab immundo, & pretiosum à vili. His facultas à Principibus permittēda est, vt suo fungantur munere, fontes puniant, noxios libros proscribant, auctorum quorumcumque scripta recognoscant, & si quid errores spargendi studio malitiosè, aut per imprudentiam simpliciter exaratum est, corrigant vel expungant. Qui verò libros in lucem edituri sunt, non æquo tantum animo

Act. 9.1.

Act. 8.3.

Libros hæreticorum flammis abolendos.

Act. 19.18.

Jerem. 15. 19.

212 *Institutio politica ex sacris Scripturis.*

hanc legem pati debent, sed etiam eximij cuiusdam beneficij loco numerare, quod quæ scripserunt ad doctorum & piorum hominum examen, antequam spargantur in vulgus, venire possint. Nec desunt in scripturis sacris insignis in simili materia, modestiæ documenta: *Impleverat Domine Beseleel & Ooliab*, nobiles sui temporis artifices, *spiritus Dei, sapientia, & intelligentia, & scientia & omni doctrina, ad excogitandum, & faciendum opus in auro, & argento, & are, sculpendisq; lapidibus, & opere carpentario, quidquid fabre adinueniri potest, dedit in corde eorum, amboq; erudiuit sapientia, ut facerent opera abietarij, polymitarij, ac plumarij, de hyacintho, ac purpura, coccoque bis tincto, & bysso, & texant omnia, & noua quæque reperiant.* Hi ergo cum adeo exactam, &

Exod. 35.
30.

numeris omnibus absolutam artem à Domino accepissent, ea tamen opera ad quæ manus admoventur, Moyse iubente, & modum præscribente fecerunt, nec quæ absoluerant sacris vñibus adhibita sunt, priusquam *Moyse vidit cuncta completa, & benedixit eis*, nec ægrè tulerunt tanti viri censuræ ea quæ elaborauerant subiicere, cogitabant enim humanæ imbecillitatis errore fieri potuisse, ut in aliquo peccarent, aut certè non ita aptè, & ad vsus ad quos sacra illa supellex destinabatur, accommodatè, omnia perfecissent. Idem S. Pauli sensus, qui cum diuina reuelatione accepisset Euangelium, voluit nihilominus illud

Exod. 39.
43.

cum aliis Apostolis conferre, *ne forte, inquit, in vanum curretem, aut cucurrissem.* in quo modestiæ suæ insigne nobis reliquit documentum non tantum sibi tribuens quasi aliorum ope non indigeret, quæ in ratione docendi Christi Euangelium dirigeretur, nec illam negligens securitatem, quæ

Galat. 2.2.

cum aliis Apostolis conferre, *ne forte, inquit, in vanum curretem, aut cucurrissem.* in quo modestiæ suæ insigne nobis reliquit documentum non tantum sibi tribuens quasi aliorum ope non indigeret, quæ in ratione docendi Christi Euangelium dirigeretur, nec illam negligens securitatem, quæ

ex iudicio Ecclesiæ concionatoribus, & librorum scriptoribus, prouenit. Expedit autem nonnunquam, quod & vsus Ecclesiæ comprobatur, quorundam hæreticorum, qui vel in erroribus disseminandis familiam duxerunt, aut in eisdem propagandis multum elaborarunt, ita libros omnes abolere, vt etiam si partes aliquæ integræ sint, nullaque hæresum labe infectæ, aut respersæ, tamen cum auctore extinguantur, hoc enim hæresis commerita est, quæ cuiusuis generis telis est configenda. Nec adeo pauper est Ecclesia Dei, vt pauculorum aliquot librorum iacturam timere debeat, feracia enim ingenia, & acuta suscitabit Dominus Ecclesiæ suæ, quibus damnum illud, si quod est, facile compensetur. Christus Dominus dæmonia loqui non sinebat, licet clamarent, *Scio te quis sis, sanctus Dei.* Et Di- Luc. 4.34.
 uis Paulus vetuit Diabolo dicere, *Isti homines* Act. 16.17.
serui Dei excelsi sunt, qui annuntiant vobis viam salutis. Ratio autem cur ita agendum sit, ea afferri potest, quia cum libros de rebus ad religionem minimè pertinentibus terimus, si ab ingenioso, & eloquenti scriptore profecti sint, nescio quo modo erga ipsum libri auctorem afficimur; ab eo verò quem amamus vix fieri posse putamus, vt mali aliquid, aut noxi dogmatis prolatus sit, atque ita minus illius doctrinam incipimus detestari, cuius decorum ingenium, aut eloquentiam exosculamur; quæ res hauriendis ipsis hæresum erroribus, viam inuenit. Nec officit quod D. Paulus quodam loco dicat: *Prophetias nolite spernere, omnia probate, quod bonum est* 1. Thess. 5.
tenete. quasi liceat promiscuè cuiusuis doctrinam 20.
 ad aures, aut libros ad oculosmittere, licet il-

la deinde probanda non sint, quæ fidei veritati repugnant. Loquitur enim tantum D. Paulus de Prophetiis illis, aut libris scriptis, quæ bona ne sint aut mala nondum constat; huiusmodi enim non sunt temerè reiicienda, interim dū examinata non sunt: postquā verò de illis per Ecclesiam pronuntiatum aliquid est, amplius integrum esse non debet cuilibet, illa scripta versare, ne forte pro vera ac salutari doctrina, prauis noxiorum dogmatum succis, quibus afferatur animis certa perniciēs, imbuantur.

Non debere Principem cum Infidelibus inire fœdus, nec illorum opem implorare: & de laudanda spe in diuino auxilio.

C A P V T IV.

*Dominum
detestari
fœdera cū
infidelibus
intra,*

DVplex modus est fœderis pangendi cum infidelibus. Alter cū paciscimur ne mutuo noceamus bellū inferendo, prædas agendo, mercatores aut peregrinos intercipiendo, quod nihil aliud est, quàm pacē constituere, & populi quietem, ac securitatem parare, plurimāque incommoda auertere quæ bella consequuntur. Est autē modus hic maximè laudabilis, illiusque exemplum (præter alia plurima quæ passim in scripturis sacris occurrunt) habemus in Genesi, in qua fœdus iuramento firmatum narratur, quod Isaac,

&

& Abimelech contraxerunt. Nam cum venissent de Geraris Abimelech & Ochozath amicus illius, & Phicol dux militum, locutus est eis Isaac. Quid venistis ad me hominem quem odistis. & expulistis a vobis? qui responderunt: Vidimus tecum esse Dominum, & idcirco nos diximus: sit iuramentum inter nos, & ineamus: fre-
 dus, ut non facias nobis quidquam mali, sicut & nos ni-
 bil tuorum attigimus, nec fecimus quod te laderet, sed
 cum pace dimisimus auctore benedictione Domini. Fecit
 ergo eis convivium, & post cibum, & potum surgentes
 manè iuraverunt sibi mutuo, dimisitq; eos Isaac paci-
 ficè in locum suum. Alter modus est si mutuum au-
 xilium sibi Principes polliceantur, ut si exempli
 causa christianus Rex cum alio christiano Rege
 bellum gerens arma infidelium aduocet, aut ipse
 illis præsto sit cum hostium suorum bellis pre-
 muntur, id verò quamquam saluo officio, & ab-
 sique conscientiae labe fieri posse in aliquo raro
 casu non negauerim, si scandalū absit, nec aliun-
 de periculum aliud timeatur, sacrae tamen litte-
 rae pluribus locis damnant, ostenduntque huius-
 modi fœdera exitus plerumque parum felices,
 imo nonnunquam calamitosos, & miserabiles
 nancisci. inter Asa Regem Iuda, & Baasa Regem
 Israël bellum exarserat, quod Baasa in finibus
 Benjamin, quæ tribus ad Regnum Asa pertinebat,
 arcem excitallet in Rama, quæ Asæ plurimum in-
 commodabat, ut enim dicitur in libris Para-
 lip. Ascendit Baasa Rex Israël in Iudam, & mu-
 ro circumdabat Rama, ut nullus intè posset egredi, &
 ingredi de Regno Asæ. Timens ergo Asa vires Is-
 raelitarum, reputansque fieri posse ut Baasa Re-
 gem Syriæ Benadad, armis virisque florentem
 aduocaret, quorum copiae si coniungerentur, ipse

Genes. 26.
26.

2 Paral.
16. 1.

216 *Institutio politica ex sacris Scripturis.*

tanto bello ferendo par esse non posset, prudens consilium esse putauit si Baasam anteuerteret, missisque muneribus Syrum conciliaret sibi, eidemque auctor esset, ut violato fœdere quod inter Baasa, & Syros intercedebat, Israëlitis ultro bellum inferret; quod & consecutus est, nam Asæ gratificatus Benadab Nepthali ciuitates nonnullas cepit, regionemque populationibus vastauit.

Ibid. n. 5.

Quod cum audisset Baasa, desinit edificare Rama, & intermisit opus suum. Bellè processerat consilium, ut Asæ videbatur, nam & hostes ab incepto opere deterruerat, & sibi præpotentem Regē fœdere copulauerat, ex quo non mediocrem sibi accessuram existimationem apud circumiectos populos sperabat, pecuniarumque non maxima iactura plurima redemerat incommoda, quæ à finitimo Rege sibi regnoque suo imminēte timebat. Nec sanè aliud eorum esset iudicium qui Politici audire volunt. Sed mirum quantum ab horum iudicio Domini iudicium dissentit, qui tamen falli aut fallere nulla ratione potest. Misso enim Propheta & stultè illum egisse docuit, & incommoda ex hoc fœdere, quæ ipse minimè credidisset secutura denūtiavit.

Ibid. n. 7.

In tempore illo, inquit, venit Hannani, propheta ad Asa Regem Iuda, & dixit ei, quia habuisti fiduciam in Rege Syria, & non in Domino Deo tuo, idcirco euasit Syria Regis exercitus de manu tua. Nonne Æthiopes, & Lybies multo plures erant quadrigis, & equitibus, & multitudine nimia, quos cum Domino credidisses, tradidit in manu tua? Oculi enim Domini contemplantur vniuersam terram & præbent fortitudinem his qui corde perfecto credunt in eum. Stultè igitur egisti, & propter hoc ex presenti tempore aduersum te bella consurgunt. Habebat autem

hæc

hæc Syri euasio, pœnæ instar, nam si ab isto fœdere abstinuisset Asa, non solum suis, domusque Dei thesauris pepercisset, sed etiam Syriæ Regis spoliis quo cum dimicandum fuisset, ditatus magnam insuper gloriam, & verò etiam securitatem in posterum consecutus esset. Adde quod fœdus hoc bellorum plurimorum sementis fuit ita permittente Domino, *ut qui sub protectione Dei cœli commorari non curauerat, qua obumbrante altissima pace frui potuisset, Israël's Regis offensionem incurreret, ex quo ex bellis bella ferebantur, ut enim dicitur in Regum historia, Bellum erat inter Asa, & Baasa Regem Israel, cunctis diebus eorum.* *Psalm. 90. n.* Quam verò luculenta stulticia fuit *3. Reg. 15. 16.* cum qui diuini vires auxilij expertus fuerat, victoriasque admirabiles ex hostibus ferocissimis, multitudinéque propemodum innumerabilibus reportauerat, tam subito ista fuisse oblitum, & *Psalm. 51. 3.* non posuisse Deum adiutorem suum, sed sperauisse in multitudinē diuitiarum suarum, hancque vanitatem prænauisse certissimæ prophetarum pollicitationi, quas prosper euentus diuinitus editas esse satis superque docuerat. Nam Azarias filius Oded factō *2. Paral. 15. 1.* in se spiritu Dei egressus est in occursum Aza, & inter cætera quæ ore fatidico est elocutus, Confortamini, inquit, & non dissoluantur manus vestrae, erit enim merces operi vestro. Quibus auditis Aza, & omnes qui erant in Iuda, in omni corde suo iurauerunt, & in tota voluntate quasi fuerunt Dominum, & inuenerunt, prestitisque eis Dominus requiem per circuitum. Non dissimili reprehensione castigatus est à propheta Rex Iosaphat Asæ filius à Iehu vidente, quod impiis præberet auxilium, & cum iis fœdus pepigisset, *2. Paral. 19. 1.* Cui, Regi scilicet Iosaphat, occurrit Iehu filius Ha-

218 *Institutio politica ex sacris Scripturis.*

2. Paral.
25.7.

nani, videns & ait ad eum. Impio præbes auxilium, & his qui oderunt Dominum, amicitia inngeris, & idcirco iram quidem Domini merebaris, sed bona opera inuenta sunt in te, eo quod abstuleris lucos de terra Iuda & praparaueris cor tuum, ut requireres Dominum Deum Patrum tuorum. Sed ad rem de qua agimus confirmandam nullum afferri potest illustrius exemplum, quàm Amasias Regis Iuda, qui cum centum talentis argenti decem militum myriadas conduxisset à Rege Israel, venit homo Dei ad illum, & ait. O Rex ne egrediatur tecum exercitus Israel, non enim est Dominus cum Israel, & cunctis filius Ephraim: quod si putas in robore exercitus bella consistere, superari te faciet Deus ab hostibus, Dei quippe est adiuuare & in fugam conuertere. Dixitque Amasias ad hominem Dei, quid ergo fiet de centum talentis, quæ dedi militibus Israel? & respondit ei homo Dei: Habet Dominus unde tibi dare possit multo his plura. Separauit itaq; Amasias exercitum qui venerat ad eum ex Ephraim, ut reuertetur in locum suum, & illi contra Iudam vehementer irati, reuersi sunt in regionem suam. Sed illorum offensionem non reformidauit Amasias, nec ingentis illius pecuniæ iacturam, sed pie admodum, & religiosè Deo fidens, qui mentiri non potest, suas contra hostes eduxit copias, insignemque victoriam consecutus est. Princeps sanè ob egregium hoc facinus laudandus in primis, si constantiam in bene captis tenuisset; sed idola quorum cultores superauerat, stultè adorans, à propheta, cui tamen non aquieuit, meruit verbis illis castigari, *Cur adorasti Deos, qui non liberauerunt populum suum de manu tua?* Omnibus documentum Principibus relinquens, ut hoc obiter moneamus, quanto opere diuinæ gratiæ auxilio indigeant, ne plus æquo, cum

Ibid. n. 15.

cum secūda prosperitatis aura afflauerit, se fortune permittant, vnde misere ad superbiam scopulos adhærescant, quod Amasie accidit, qui re cum Idumæis bene gesta, quasi viribus suis non Dei auxilio fretus, *virtutem illam magnam fecisset* Israelitas ad bellum ultro prouocare non est veritus, à quibus commisso certamine, non solum ipse victus est, sed etiam in hostium potestatem venit, urbsque Ierusalem capta, thesauris tam Regis ipsius, quam domus Dei direptis, & asportatis, tanta regni totius clade peccatum luens, illudque verissimum esse ostendens, quod dixit Achior in Iudith historia, Deum alloquens, *Ostende quoniam non derelinquis* Iudith 6. *presumentes de te; & presumentes de se, & de sua virtute gloriantes, humilias.* 15.

2. Porro Dominus pseudosapiētes istos, qui ponunt *crebro accidero, ut* carnem brachium suum, non modò ipse destituit, sed *qui infidelium auxilia implorant, aut* permittit etiā ut ab iis ipsis deserantur, vel etiam *ab illis destituantur, aut etiam* prodantur, in quibus maximè sperauerunt. *Ut filij* desertores, inquit Isaias, *dixit Dominus, ut faceretis consiliū, & non ex me, & ordiremini tela, & non per spiritum meum; ut adderet peccatum super peccatum, qui ambulatis* ut descendatis in Aegyptum, & os meum non interrogastis, *aut etiam* sperantes auxilium in fortitudine Pharaonis, & habentes *impugnetur.* fiduciā in umbra Aegypti & erit vobis fortitudo Pharaonis in confusione, & fiducia umbra Aegypti in ignominia. Erant enim in Tani principes tui, & nuntij tui usque ad Hanes peruenierunt. Omnes confusi sunt super populo, qui eis prodesse non potuit, non fuerunt in auxilium, & in aliquā utilitatē, sed in confusione, & in opprobrium. Diserte denūciauit Oseas quod Israelitarum Synagoge *Osee 25.* esset euenturum, quæ finitimarum gentium auxilio freta optima quæque sibi pollicebatur dicens: *Vada* Ibid. n. 7. *post amatores meos, qui dant panes mihi, & aquas meas, la-*

- Ibid.n.7.** *nam meam, & lnum meum, olum meum, & potum meum. Sed sequetur, inquit propheta, amatores suos, & non apprehendet eos, & quæret eos, & non inueniet. Quod Chaldaus per paraphrasim elucidans, ait, & persequetur pacem cum populis amatoribus suis, sed ab illis minimè obtinebit, & quæret adiutorium, & non inueniet. Itaque malis grauissimis exercita, vexatione intellectum dante dicere cogetur, Vadam & reuertar ad virum meum priorem, quia bene mihi erat tunc magis quàm nunc. Hanc populi sui calamitatem lamentatur Ieremias, cum ait: Facta est quasi vidua Domina gentium, nam ab ea diuertit Dominus, plurimis illius adulteriis cum Idolis & gentibus falsorū deorum cultricibus, quas quasi pulchritudinis suæ procos Ierusalem admittebat irritatus. Principis prouinciarū facta est sub tributo, plorans plorauit in morte, & lachryma eius in maxillis eius, non est qui consoletur eam ex omnibus charis eius;*
- Ibid.n.19.** *vel vt legunt 70. diligentibus eam. illis nimirum quos Oseas amatores appellat. Omnes amici eius spreuerunt eam, & facti sunt ei inimici. Rursusque eodem capite, idem lamentatur. Vocavi amicos meos, & ipsi deceperunt me. Audierunt, quia ingemisco ego, & non est qui consoletur me. Atque ita quæ prius dum rebus secundis florebat multos amicos numerabat, iam facie rerum mutata, repente ab omnibus deserta est, inimicis facta ludibrium, quibus prius fuerat metuenda, Domino ita volente, vt intelligant omnes, quanto melius sit adhærere Deo, & cum illo pactas amicitiae leges seruare, quas si sanctè coluerimus, venient nobis omnia bona pariter cum illis, & innumerabilis honestas per manus illarum. Sed referamus nos ad fœdera de quibus agebamus. Manus in manu, inquit Salomon,*
- Sap.7.11.**
- Pro.11.21.**

Iomôn, non erit innocens malus. Intelligunt aliqui
 locum hunc de desidiosis, torporéque marcenti-
 bus, quorum habitus est manus otiosas compli-
 care, vt docet Ecclesiast. cum ait. *Stultus complicat* Ecclef. 4.
manus suas, & comedit carnes suas dicens: melius est 5.
pugillus cum requie, quàm plena viraque manus cum
labore, & afflictione animi. Hos autem Salomon ait
 non fore innocentes, hoc est à pœna immunes
 non abituros, idem enim significat hic innocens,
 quàm impunitus, vt etiam in Exodo cum dicitur,
Non habebit insontem Dominus eum qui assumpserit Exod. 10.
nomen Domini Dei sui frustra. Quamuis enim iner- 7.
 res, ac desides non noceant, innocentes tamen
 non sunt, si cum debeant non profunt. Pagninus
 in thesauro linguæ sanctæ in voce מן manus ad
 verbum verti posse putat, *Mox Mox non erit inno-*
cens malus, in Hebræo enim est מן לך לך Iad le Iad,
Manus ad manum, vt respondeat hæc locutio no-
 stræ Italicæ phrasi, à mano à mano, id est Mox, Mox,
 significeturque impiis hominibus, diuinam vin-
 dictam impendere, quam declinare nulla ratione
 possint. Alij ad successionem parentum & filio-
 rum referunt, vt sensus sit, pœnas non effugere
 scelestos, plectique ipsos dum numerantur in vi-
 uis, aut cum ipsi vitâ concesserint filios, & nepo-
 tes, quos post se reliquerint. Et si hoc modo verba
 hæc interpretemur, Hebraicum מן לך לך alteri phra-
 si Italicæ respondere poterit, qua successionem
 significantes dicimus, *Di mano in mano.* Huic au-
 tem explicationi fauet quod statim subditur, *se-*
men autem iustorum saluabitur. Aliqui tandem, quod
 ad rem nostram facit, de fœderibus & pactis in-
 telligunt, quibus se impij mutuo fide data, &
 reddita, obstringere solent, nam gentium ferè
 omnium

222. *Institutio politica ex sacris Scripturis.*

- omnium ritu iniecta dextera fœdera iunguntur.
- Psal. 2.2.** Hos ergo , scelestos scilicet quia frequenter *conueniunt in unum aduersus Dominum , & aduersus Christum eius .* non impune laturos docet sapiens ,
- Isa. 36.6.** quippe qui vt veteres illi Hebræi *Confidunt super baculum arundinum confractum , cui si innexus fuerit homo , intrabit in manum eius , & perforabit eam .* vt etiam hac manus perforandæ metaphora intelligatur eos puniri , qui manus extenderunt ad fœdus pangendum , manusque vulneratæ , ac traiectæ simbolo innuatur , hæc ipsa pacta , & fœdera , quæ crediderant Principes fore salutaria , ipsismet perniciem allatura ipsamque perniciem (vt manui ab arundine) ita ipsis ab iisdem prouenire , à quibus ipsi prius auxilium sperauerant. *Et ab Ægypto confunderis inquit Ieremias , sicut confusa es ab Assur , nam & ab ista egredieris & manus tua erit super caput tuum :* quam enim manum ini-ceras ad fœdus firmandum eam in capitis tui perniciem senties esse conuersam. Longè igitur melius est *vt iungamur Domino fœdere sempiterno , & requiescat manus Domini (pactum scilicet & fauor) in monte sancto isto ,* sic enim fiet quod sequitur , *Et erit urabitur Moab sub eo , sicuti teruntur paleæ in planstro , & extendet Dominus manus suas sub eo , sicut extendit natans ad natandum ,* quasi dicat porrecta vtraque manu puniet , & humiliabit gloriam eius cum allusione manuum eius ; vel vt aliqui vertunt ex Hebræo , cum perforatione manuum eius , malum in hostes nostros reiciendo , quod nobis conciliauissemus , si illis maluissemus inniti quàm Domino , cuius amicitiam si sanctè coluerimus , aliorumque omnium fœderi præposuerimus , experiemur profectò , ipsius nobis adesse fauoré , etiam
- apud

apud Reges & Principes, ut omnia quibus habuerimus opus obtineamus, quod Esdra cōtigisse legimus, cui *Dedit Rex secundum manum Domini eius super eum, omnem petitionem eius*, id est omnia, quæ voluit consecutus est, Domini manu, cui se sancto fœdere obstrinxerat, illum protegente, illiusque res favore suo promouente.

Quamuis autem dubium esse non possit, quin Dominus multis, mirisque modis, nobis auxilio esse possit, *cum non sit difficile Domino saluare vel in multis vel in paucis*, ut sapienter dixit Ionathas ad armigerū suum; & non sit apud eum *ulla distantia, utrum in paucis auxilietur an in pluribus*, fructu tamen, & iucunditate non vacabit, si ex sacris litteris aliqua prompserimus, quibus appereat, quàm ingeniosa, sic loqui licet, fuerit numinis providentia in auxilio iis quos saluos esse volebat, opportunè ferendo, ut his excitati discamus, & nos in Domino spem nostram locare, cuius manus abbreviata non est, ut difficilibus nostris temporibus opem ferre non possit, nec imminuta caritas, ut minus nunc velit, quàm tunc voluerit. Pugnabat Iosue contra Amorrhæos, suasque phalangas in campis explicauerat ad prælium cum Dominus è superiore loco grandes deuoluens lapides plurimos, populi sui hostes contriuit, nam *multi sunt multo plures lapidibus grandinis, quàm quos gladio percusserunt filij Israel*, oratione quippe sua Iosue ingressus fuerat thesauros illius grandinis, quæ preparauit Dominus in tempus hostis in diem pugnae, & belli, ut loquitur S. Iob, & quasi auxiliares copias in aciem eduxerat contra Amorrhæos. Simile de cœlo auxilium Israelitis pugnantibus contra Chananæos præsto fuit, angelis

In Deo sp̃s locandam, qui multis mirisque modis, suis spem fert.

1. Reg. 14.

6.

2. Paral.

11.

Iosue 10.

11.

Iob 38. 22.

lis

224 *Institutio politica ex sacris Scripturis.*

- Iud. 5. 20. lis de cœlo pugnantibus, vt dicitur in libro Iudicum : *De cœlo, inquit, dimicatum est contra eos, stella (Angeli scilicet) manentes in ordine, & cursu suo aduersus Sisaram pugnaverunt.* Narrat autem Iosephus illius conflictus tempore procellâ magnam exortam fuisse, aquæ etiam & grandinis multum Chananæorum oculis offusum, atque ideo arma bellica eis vsui esse non potuisse. Dicuntur autem stellæ pognauisse, quia pugnaverunt Angeli,
- Apoc. 12. 3. qui stellarum nomine censentur aliquando in scriptura, vt cum dicitur in Apocalypsi, *Draconem cauda traxisse tertiam partem stellarum: Sterisse autem in ordine suo, quia Angeli suos seruant ordines, & hierarchias, in quas tributi sunt: Cursum verò tenuisse, quia suum illud solemne tenuerunt, vindicandi ab hostibus Israelitas, quos susceperant defendendos.* Sed non semper Dominus tanto honore dignatus est populi sui hostes, vt vel fulmine caderent, vel maris vorticibus haurirentur, vel ingestis de cœlo lapidibus conficerentur: ranunculis interdum, & culicibus agendum putauit, quemadmodum cum Ægyptio Pharaone, vt cum tam paruis bestiolis se pugnando pares esse non posse intelligerent, multo magis brachium summi Principis, cui omnis militat creaturarum exercitus, formidarent. Nec
- Psal. 56. 3. minor ad defendendum bestiolæ vnius vis, Domino dante, quàm ad lædendum. *Clamabo, inquit David, ad Deum altissimum, Deum qui benefecit mihi.* Chaldaus Paraphrastes locum hunc ita conuertit vel explicat. *Ad Deum qui praecepit aranea, vt conficeret in ore spelunca telam ad defensionem meam.* Sermo est de spelunca Engaddi, in quam secessarat David latebras querens, quibus se à Saulis furore

rore subduceret. Texuit ergo araneola telā suam, vt Chaldaus auctor est, quam cum vidisset Saul non venit Dauid in suspicionem quæsitæ in spelæo illo recentis latebræ, atque ita seruatus est. Quid de terrore panico dicam in Syriæ exercitu concitato, opinionēque incerto auctore dedita, Hebræis aduenisse auxiliares copias Regū Ægypti, Hebræorumque, vnde factum est vt obsidio repente solueretur, quam diu tolerauerant, famesque sit annonæ vilitate depulsa, cum prius ^{4.Reg.6.} *venundaretur caput asini octoginta argenteis, & quarta* ^{25.} *pars cabi stercoreis columbarum quinque argenteis,* imo ab ipsis liberis deuorandis immites matres non abstinere? Sed Dominus sonitum audiri fecit ^{4.Reg.7.} *in castris Syria currum & equorum, & exercitus plu-* ^{6.} *rimum, dixeruntque ad inuicem. Ecce mercede conduxit aduersus nos Rex Israel Reges Hebræorum, & Ægyptiorum, & venerunt super nos. Surrexerunt ergo, & fugerunt in tenebris, & dereliquerunt tentoria sua, & equos, & asinos in castris, fugeruntque, animas tantum suas saluare cupientes. atque ita factum est, vt cum Israelitæ obscæna illa fame prope modum enecti à desperatione non procul abessent, repente debellatum esse cognoscerent, spoliaque plurima direptis hostium castris barbarica opulentia refertissimis, colligerent, tantaque vilitas caritatem illam annonæ exciperet, vt factus sit modius ^{2.Reg.5.} *similia statera vno, & duo modij hordei statere vno* ^{23.} *iuxta verbum Domini. Non absimilem Palæstinis terrorem immissum crediderim, cum auditus sonitus gradientis in cacumine pyrorum, vt secundi Regum narrat historia. Videretur enim illud fuisse Domini consilium, vt Philisthæi qui in valle Raphaim consederant, cum strepitus in pyreto**

226 *Institutio politica ex sacris Scripturis.*

1. Reg. 7.
10.
Iud. 7. 22.

incrépuisset, exercitum aliquem auxiliarem, qui
 Israeli ferret suppetias, esse existimarent, sicque
 terrore percussi verterentur in fugam, ad eum
 forte modum quo sub Samuele tonitruum fragore
 consternati, gladiis Israelitarum ceciderunt, &
 forte suis; ut cum tempore Gedeonis *Immisit Do-
 minus gladium in omnibus castris, & milites mutua se
 cade truncabant.* adeo ut diuersa omnium quæ vn-
 quam acciderunt, ciuiliū armorum facies esset,
 cum non prælio, non aduersis è castris, sed iisdem
 è cubilibus, quos simul vescentes, dies simul quie-
 tos nox habuerat, discederent in partes, tela in-
 gererent, vulneribus se mutuis appeterent, san-
 guis & cædes palam, causa esset in occulto.
 Sed alia interdum ratione usus est Dominus ad
 populos suos ab hostium incurſibus securos red-
 dendos, incusſo nimirum ipsis hostibus timore,
 non specie aliqua externâ, quæ in oculos incur-
 reret, aut deferretur ad aures, ut in allatis exem-
 plis ostendimus; sed opinione quadam virtutis
 Israelitarum in eorum mentibus ingeneratâ, ex
 quo fieret, ut etiam si Israelitæ domos defererent,
 aut vrbes incustoditas relinqueret, militèque va-
 cantes, eos tamen qui domi remansissent laceſſere,
 aut aliqua ratione violare non auderent. Expe-
 riebatur hoc Dei populus quotannis, nam cum
 frequenter ex legis præſcripto masculi omnes in
 Ierusalem ad sacrificia ascendere deberent, solæ-
 que mulieres domi hæterent; nihil tamen finiti-
 mi hostes contra illos moliri vnquam ausi sunt,
 quod diuinæ prouidentia peculiari beneficio fa-
 ctum est, ita Domino in Exodo promittente. *Cum
 tulero gentes à facie tua, & dilatauero terminos tuos,
 nullus insidiabitur terra tua, ascendente re; & apparen-
 te*

Exod. 34.
24.

in conspectu Domini Dei tui ter in anno. Hunc autem
timorem, qui hostes Israelis continebat, ne con-
tra illos quidquam mouere auderent, se immis-
surum populo ipsi suo comminatur, si officium
deseruissent, rectamque virtutis, & diuini ob-
sequij viam, quam fuerant ingressi. *Qui de vobis* Leuit. 26.
remanferint, inquit, dabo pauorem in cordibus eorum 36.
in regionibus hostium, terrebus eos sonitus filij volantis,
& ita fugient quasi gladium, cadent nullo persequente,
& corruent singuli super fratres suos, quasi bella fugien-
tes, nemo vestrum inimicis audebit resistere. Rursus
aliquando Dominus suis opem tulit, animum &
vires mirum in modum sufficiens, vt reuera
fieret quod ibidem Hæbræis euenturum dicitur
his verbis: *Persequemini inimicos vestros, & corruent* Ibid. n. 7.
coram vobis, persequentur quinque de vestris centum
alienos, & centum de vobis decem millia. Adeo verò
euidens erat diuinum hoc auxilium, vt illud nul-
lus non agnosceret, nec posset quisquam, cum id
accidebat, dicere in corde suo: *Fortitudo mea, & robur* Deut. 8.
manus meæ, hæc mihi omnia præstiterunt; sed potius 17.
recordari Domini Dei sui, quod ipse vires præbisset, vt
impleret pactum suum, super quo iurauerat patribus
suis. Tale Domini auxilium Sampsoni adfuisse
videmus, qui cum venisset ad locum Maxille, & Phi- Iud. 15. 14.
listhium vociferantes occurrissent ei, irruit spiritus Domi-
ni in eum: & sicut solent ad odorem ignis lina consumi,
ita vincula quibus ligatus erat, dissipata sunt, & soluta:
inuentamque maxillam id est mandibulam asini, que
iacebat, arrigiens, interfecit in ea mille viros, & ait. *In*
maxilla asini, in mandibula pulli asinarum deleui eos, &
percussi mille viros. Tandem pugnat aliquando Do-
minus pro suis, ipsis omnino quiescentibus, &
manus ad arma non adinouentibus, vt nimirum

diuino nomini planè cedat gloria. Sic Ægyptiorum cladis spectatores fuerunt Hæbræi, dum ipsi maris fluctibus hauisti volutarentur in aquis rubri maris iuxta quod pollicitus fuerat Dominus, cum

Exod. 14. 13. per Moſen ait, *Nolite timere, ſtate & videte magnalia Domini, quæ facturæ ſunt hodie, Ægyptios enim, quos nunc videtis nequaquam ultra videbimus, uſque in ſempiternum, Dominus pugnabit pro vobis, & vos tacebitis.* Vt autem auxiliares copias quas Dominus ſubmittebat, ſibi adeſſe ſentirent illi quibus aderant, eas aliquanto in conſpectu dedit, vt miniſtro Eliſæi, qui timore conſternatus quod ingens hoſtium exercitus vrbi circumfulus eſſet, plures, quàm contra ſtarent, ſuorum propugnatores, & vindices in curribus & equis expeditos ad pugnam animaduertit. *Conſurgens autem diluculo, inquit, miniſter viri Dei, egreſſus, vidit exercitum in circuitu Ciuitatis, & equos & currus, nuntiauitque ei dicens, Heu, Heu, Domine mi quid faciemus? At ille reſpondit, noli timere, plures enim nobiſcum ſunt, quàm cum illis. Cumque orafſet Eliſæus, ait: Domine aperi oculos huius, vt videat, & aperuit Dominus oculos pueri, & vidit, & ecce mons plenus equorum, & currum igneorum in circuitu Eliſæi.* Sic etiam Iofue viſus eſt Angelus euaginatæ tenens gladium, qui contra Iſraelis hoſtes pugnaturus aduenerat. Cum autem eſſet Iofue, inquit ſcriptura, in agro vrbiſ Iericho, leuauit oculos, & vidit virum ſtantiem contra ſe euaginatæ tenentem gladium, perrexitque ad eum, & ait, Noſter es, an aduerſariorum? Qui reſpondit, Nequaquam, ſed ſum Princeps exercitus Domini, & nunc venio. Quare mirum non eſt ſi de Iofue hoſtium ſuorum victore dicitur eodem libro. Vniuerſos reges & regiones eorum vno impetu cœpit, atque vaſtauit, Dominus enim

Deus

Deus Israel pugnavit pro eo. Non absimilis Iudæ visio, cui à Ieremia aureus gladius datus est, quem in hostes victor distringeret, ut habemus in Machabæorum historia, qui locus quoniam insignis est, multraque continet, quibus ad locandam in Domino spem excitari possimus, totus hic adscribetur. Machabæus autem, inquit, semper confidebat cum omni spe auxilium sibi à Domino adfuturum, 2. Mach. 15. 7. & hortabatur suos ne formidarent ad aduentum nationum, sed in mente haberent adiutoria sibi facta de cælo, & nunc sperarent ab omnipotente sibi adfuturam victoriam. Et allocutus eos de lege, & prophetis, admonens etiam certamina quæ fecerant prius, promptiores constituit eos, & ita animis eorum erectis, simul ostendebat gentium fallaciam; & iuramentorum prauaricationem. Singulos autem illorum armavit, non clypei, & hasta munitione, sed sermonibus optimis, & exhortationibus, exposito digno fide somnio, per quod universos laificavit. Erat autem huiusmodi visus: Oniam, qui fuerat summus sacerdos, virum bonum, & benignum, & verendum visu, modestum, moribus, & eloquio decorum, & qui à puero virtutibus exercitatus fu, manus protendentem orare pro omni populo Iudæorum. Post hæc apparuisse, & alium virum, ætate, & gloria mirabilem, & magni decoris habitudine circa illum. Respondentem vero Oniam dixisse. Hic est fratrum amator, & populi Israel, hic est qui multum orat pro populo, & universa sancta Civitate, Ieremias propheta Dei. Extendisse autem Ieremiam dexteram, & dedisse Iudæ gladium aureum dicentem. Accipe sanctum gladium munus à Deo, in quo decies adversarios populi mei Israel. Igitur erecti ingenti fiducia diuini auxilij, cum iam tempus adesset cum Nicanore confligendi, ita Dominum Iudas oravit: Tu Domine qui misisti Angelum

Ibid. n. 22.

230 *Institutio politica ex sacris Scripturis.*

tuum sub Ezechia Rege Iuda, & interfecisti de Castris Sennacherib centum octoginta quinque millia, & nunc dominator cœlorum mitte angelum tuum bonum ante nos in timore, & tremore magnitudinis brachij tui, ut metuant, qui cum blasphemia veniunt aduersus sanctum populum tuum. Nicanor autem, & qui cum ipso erant cum tubis, & canticis admouebant. Iudas verò & qui cum eo erant inuocato Deo per orationes, congressi sunt, manu quidem pugnantes, sed Dominum cordibus orantes, prostrauerunt non minus triginta quinque millia, presentia Dei mirificè delectati. Quid hoc fortissimi viri exemplo afferri potest illustrius? Cum ergo Dominus tam multis, tamque admirabilibus modis populo suo, seque vocantibus in ipso discrimine adesse consueuerit, ut vidimus, statuatur Princeps apud se in Domino potissimum sperandum esse, dicatque cum S. David. *Hi in curibus, &*

Psal. 19. 8.

hi in equis, nos autem in nomine Domini Dei nostri inuocabimus: ipsi obligati sunt, & ceciderunt, nos autem surreximus, & erecti sumus: & rursus cum eodem,

1. Reg. 17.

47.

Tu venis ad me cum gladio, & hasta, & clypeo, ego autem venio ad te in nomine Domini Dei exercituum, Dei agminum Israel. Iraque siue bellum ingruens propulsandum sit, siue aliis inferendum, eundem Dominum sibi precibus conciliet, eiusque impleret auxilium, sic enim incursus aggredientium

Prou. 18.

10.

hostium facile eludet, Turris enim fortissima nomen Domini, ad ipsum currit iustus, & exaltabitur; ipse verò alienas vrbes iusto bello aggrediens expu-

Psal. 59. 11.

gnabit. Nam quis deducet me, inquit S. David, in ciuitatem munitam? nonne tu Deus? Quem animi sensum vtinā Dominus Principibus omnibus communice, ut & ipsi prosperè agant, & quod Deo debent seruitutis obsequium impendant.

Prin

*Principes Ecclesiarum, & Sacer-
dotum iura sacra tecta ser-
uare debere.*

C A P V T V.

I Ecclesiæ, Ecclesiasticique homines diuino cultui mancipati, exemptionibus, immunitatibus, priuilegiisque nonnullis iam inde ab exordio nascentis Christianæ religionis ornati sunt, quæ illis inuiolata manere decet; eaque Principis pietas esse debet, vt de illis quidquam imminuere, aut deterere summæ sibi religioni ducat. De aliquibus nos hoc capite breuiter differemus, quantum ex sacris litteris, pro instituti nostri ratione, colligere poterimus. At primò quidem (vt de exèptione in rebus merè Ecclesiasticis dicere incipiamus) in Hebræorum Rep. reperio summos Sacerdotes, cæterosque Leuitas in causis, quæ Ecclesiastici iuris erant, ita exemptos à iudicium potestate fuisse, vt ne regibus quidem vlla ex parte subiacerent. Nam poterant Pontifices citra Regis auctoritatem sacrificia statis temporibus, & locis offerre, sanctuarium ingredi, expiare populum, Leuitas, & Sacerdotes consecrare, legem interpretari, Deum consulere; nec vllum ex scripturis testimonium afferri potest, quo proberetur ad hæc facienda Reges ius aliquando habuisse, aut illa ne à Sacerdotibus fierent, prohibere potuisse. Quod si qui temere aliquid ausi sunt, reprehensione, & verò etiam pœna di-

*Pontifices
Hebræorū
& Leuitas
in rebus ec-
clesiasticis
à Regum
potestate
exemptos
fuisse.*

232. *Institutio politica ex sacris Scripturis.*

2. Paral.
26. 18.

uinitus inflicta coerciti sunt. Exemplo sit Ozias, qui super altare thymiamatis incensum adolere voluerat, verbis enim à Pontifice castigatus, & fædo, etiam lepræ morbo diuinitus percussus, temeritatis suæ pœnas luit. *Non est tui officij Ozia,* dicebat Pontifex, *ut adoleas incensum Domino, sed Sacerdotum, hoc est filiorum Aaron, qui consecrati sunt ad huiuscemodi ministerium. Egrede de Sanctuario, ne contempseris, quia non reputabitur tibi in gloriam hoc à Domino Deo. Iratusque Ozias, & tenens in manu thuribulum ut adoleret incensum, minabatur Sacerdotibus. Statimque orta est lepra in fronte eius coram Sacerdotibus in domo Domini super altare thymiamatis. Itaque & ipse sensit plagam Domini, & quandiu vixit, Regni administratione caruit, seorsimque ab hominum consuetudine, more leproforum, vitam miserè traduxit. Sed forte obiiciat aliquis factum Salomonis, qui Abiathar Pontificem summo Sacerdotio priuauit, Sadoc in illius locum subrogato, ex quo probari posse videtur ius Regibus fuisse in Pôtifices, quos pro arbitrio ab illo munere possent amouere. Sed in promptu est responsio. Nam si Salomon potestate Regia hoc ausus esset, nec legitimè fecisset, nec magis excusari posset, quam excusari possint reliqui Principes, si violant interdum iura Sacerdotum. Verum probabilius est diuino instinctu, quippe prophetam, fecisse; quod innuere videntur sacri contextus verba, quæ sunt huiusmodi. *Eiecit ergo Salomon Abiathar, ut non esset Sacerdos Domini, ut impleretur sermo Domini, quem locutus est super domum Heli in Silo. Quasi diceret, id effectum dedit Salomon diuino spiritu instinctus, quod olim Dominus Heli fuerat comminatus. Non ergo ex Salomo**

3. Reg. 2.
27.

homopis facto ius aliquod Regibus in Pontifices fuisse confici potest. Sed nec in Leuitas habuerunt, quod ex iis quæ dicturi sumus facile constabit: si enim probauerimus Leuitas in iudiciis etiam spectantibus ad res non Ecclesiasticas fuisse à Regis potestate exemptos, probauerimus etiam, & multo magis, in rebus Ecclesiasticis exemptos fuisse.

2 Colligitur autem ex libro Numerorū exemptio hæc Leuitarum de qua disputamus. Nam ibi legimus à Domino Moyfi dictum fuisse, se loco primogenitorū tulisse Leuitas, eosque sibi peculiari quodam titulo deberi ab eo tempore, quo Ægyptiorum primogenitos exterminatoris angeli ministerio prostravit in Ægypto, filios autem Israëlitarum seruauit incolumes. *Ego tuli Leuitas*, inquit, *à filijs Israël pro omni primogenito, eruntque Leuita mei. Meum est enim omne primogenitum, ex quo percussi primogenitos in terra Ægypti. & alibi. Statuésque Leuitas in conspectu Aaron, & filiorum eius, & consecrabis oblatos Domino, ac separabis de medio filiorum Israël, ut sint mei, quoniam dono dati sunt mihi à filijs Israël pro primogenitis accepi eos. Mea sunt enim omnia primogenita filiorum Israël tam ex hominibus quàm ex iumentis. Ex his autem locis sic argumentari licet: si voluisset Dominus ipsa primogenita accipere, quæ sibi debebantur, proculdubio postquam illa accepisset, transissent in dominium Dei, nec ullus in ea, tanquam in rem alienam, ius habuisset, potestatem, aut iurisdictionem. At Dominus pro primogenitis Leuitas accepit, hi ergo Domini ita facti sunt, ut nullus in eos præter Dominum qui sibi illos seposuit, ius habere possit. Et sanè poterat Dominus hos*

Leuitas
olim in re-
publica
Hebraorū
à Iudicum
secularitē
potestate
exemptos
fuisse.
Num. 3.
12.
Num. 8.
13.

234 *Institutio politica ex sacris Scripturis.*

- Leuitas , quos voluit funiculum esse hæreditatis suæ , tanquam rem suam , aut Regi , aut alij subiicere , vt ab illo in Politicis regeretur. Noluit autem subiicere potestati Regis , sed Pontificis vt loco proximè citato habetur. *Tuli* , inquit , *Leuitas pro cunctis primogenitis filiorum Israël , tradidique eos dono Aaron & filijs eius de medio populi.* Pontifici ergo cui donati fuerant , non Regi debebant obsequium. Quod etiã constat ex alio eiusdem libri testimonio cum dicitur , *dixitq; Dominus ad Aaron: Exultabunt Leuitæ ad præcepta tua.* Plenum itaque ius in tribum illam summo sacerdoti tributum est , dicundi iuris , causasque eorum cuiuscùmque generis essent , cognoscendi. Rursus Principibus familiarum Leuiticarum postulantibus , & Iosué populi duce Eleazaroque sacerdote tribuentibus octo supra quadraginta oppida ex omni terra promissionis consecuti sunt
- Num. 8. 18. *Leuitæ, Nam dederunt filij Israël de possessionibus suis iuxta Imperium Domini ciuitates, & suburbana earum de tribu Iuda , & Simeon , & Benjamin ciuitates tredecim de tribubus Ephraim , & Dan , & dimidia tribu Manasse in Basan ciuitates numero tredecim ; De tribubus Ruben , & Gad , & Zabulon vrbes duodecim.* Cum ergo ciuitates istæ Leuitarum essent propriæ , illisque ad inhabitandum tributæ , singulisque ciuitatibus Iudices præessent , vt ratio ipsa bene constitutę gubernationis persuadet, dubitari non potest quin ex vrbium illarum inquilinis iudices dati sint populo, potius quàm ex alijs tribubus accersiti peregrini , aut à Principibus missi. Imo probabile esse crediderim alios Leuitas sparsim in Israëliticis tribubus habitantes, eadē ratione à Leuitici generis iudicibus fuisse iudicatos,
- Num. 18. 1. Iosue 21. 3.

dicatos, quod probabile dixi, nam adhuc testimonium ex scriptura desidero, aut certiore aliquam coniecturam. Tandē ex amplissima summi sacerdotis potestate colligitur Leuitarū omnium causas ad illius tribunal, aut iudicum ab ipso constitutorum, pertinuisse. Nam si ciuiles, aut criminales omnes cognitiones, quæ paulo intricatiorem haberent expeditionem, adeo ut iudicum variantibus sententiis non facile esset dispicere, quid faciendum esset, ad summum spectabant sacerdotem, nec alia poterant ratione finire, quàm illius expectatā sententia, eā scilicet de causā, quod cum omnia apud populum illum legis Mosaicæ sanctionibus gubernanda essent, nulli melius intelligentia assecuti credendi essent, quàm sacerdotes de quibus dixit Malachias, *Labia sacerdotis custodient scientiam, & legem requirent ex ore eius, quia Angelus Domini exercituum est*, probabiliter admodum colligitur, Leuitas à Leuitis tantum iudicatos, ne qui omnes alios iudicarent, ab aliis ipsi iudicarentur. Hoc verò summi sacerdotis ius, de quo dixi, habetur in Deuteronomij libro vbi legimus. *Si difficile & ambiguum apud te iudicium esse perspexeris, inter sanguinem, & sanguinem, (quod ad crimina vindicanda, fontesque puniendos spectat) causam & causam, (quod pertinet ad componendas dirimendāsque inter litigantes controuersias) lepram & lepram, & iudicum intra portas tuas videris verba variari, surge, & ascende ad locum quem elegerit Dominus Deus tuus, veniesque ad sacerdotes Leuitici generis, & ad iudicem qui fuerit illo tempore, quaresque ab eis, qui indicabunt tibi iudicii veritatem, & facies quodcumque dixeris, qui presunt loco, quem elegeris*

Malach. 2.

7.

Deut. 17.

8.

236 *Institutio politica ex sacris Scripturis.*

elegerit Dominus, & docuerit te iuxta legem eius, sequerisq; sententiam eorum, nec declinabis ad dexteram, neque ad sinistram. Qui autem superbierit nolens obedire sacerdotis imperio, qui eo tempore ministrat Domino Deo suo, & decreto iudicis, moriatur homo ille, & auferes malum de Israël, cunctusque populus audiens timebit, ut nullus deinceps intumescat superbia. Hinc Dominus reipublicæ negotia grauiora, & implicatiora, ita per Principem voluit expediri, ut tamen per sacerdotem Domini voluntas exquireretur, Princepsque nec bellum suscipere, nec aliud magni momenti negotium aggredi posset, nisi consulto per Pontificem oraculo, ut habemus in libro Numerorum. Dixit Dominus ad Moysen: Tolle Iosue filium Nun, virum in quo est spiritus, & pone manum tuam super eum, qui stabit coram Eleazaro sacerdote, & omni multitudine, & dabis ei precepta cunctis videtibus, & partem gloriae tuae, ut audiat eum omnis Synagoga filiorum Israël. Pro hoc (scilicet Principe sæculari) si quid agendum erit, Eleazar sacerdos consulet Dominum, ad verbum eius (Eleazari) egredietur, & ingredietur ipse (Iosue vel quicumque alius Princeps sæcularis) & omnes filij Israël cum eo, & cætera multitudo. Atque propterea, quia negotium partitionis terræ promissæ valde arduum erat, multisque septum difficultatibus, idcirco summo adhibito sacerdote, quæ Dominus seruanda præceperat, Iosue executus est, ut in eiusdem libro dicitur. Hoc, inquit, est quod possederunt filij Israël in terra Chanaan, quam dederunt eis Eleazar sacerdos, & Iosue filius Nun, & principes familiarum per tribus Israël. Cum ergo causæ illæ omnes difficiliores ad sacerdotis tribunal referendæ essent, illiusque iudicio standum, cuiuscun-

Num. 27.
18.

Iosue 14.
1.

iuscunq; tandem tribus essent homines inter quos illa verteretur controuersia; sequitur plenius aliquid ius illum habuisse in homines suæ tribus, quos à Domino dono fuerat consecutus, vt supra vidimus; hoc autem illud esse videtur vt ad nullū aliud sisterentur tribunal, quàm summi sacerdotis, cuius suprema inter Leuitas erat auctoritas. Itaque si tantum in veteri lege tributum est ordini sacerdotali, cuius longè minor fuit potestas & dignitas, quàm sacerdotum noui testamenti à Christo institutorum, facile erit iudicare quàm deceat, nihil à Principibus de hac immunitate, qua gaudent, imminui aut detrahi.

3 Temporibus autem Apostolicis reperio sancti Pauli rescripto mandatum esse Corinthiis, vt lites controuersiasque ciuiles, si quæ inter ipsos existerent, disceptatoribus Christianis adhiberent, & ad hoc in Ecclesia constitutis, componerent, nec ad tribunalia infidelium Christianis iniqua & infesta eos traherent, quibuscum litigarent. Nec solum Clerici, sed laici etiam hisce iudicibus suas lites finiebant. Erant porrò hi iudices aut Episcopi, aut ex Clero selecti viri, grauitate & sapientia insignes, aut etiam laici Episcoporum voluntate, & nutu ad hoc munus destinati. Diu autem tenuit mos iste in Ecclesia vt scilicet fideles in suis causis adirent Episcopos, eorumque sententiæ acquiescerent. Nam aliquot post sæculis D. August. queritur se quippè Episcopum, tumultuosissimas perplexitates causarum alienarum pati de negotijs secularibus, vel indicando dirimendis vel interueniendo praeiudicandis, quibus nos molestis, inquit, idem affixit Apostolus. Respicit au-

*De eadem
exceptione
ex nouo te-
stamento.*

*Lib. de
opere mo-
nachorum
cap. 20.*

tem

1. Cor. 6. 1.

tem Augustinus ad verba illa ad Corinth. quæ sunt huiusmodi. *Audet aliquis vestrum habens negotium aduersus alterum iudicari apud iniquos, & non apud sanctos? An nescitis quoniam sancti de mundo iudicabunt? & si in vobis iudicabitur mundus, indigni estis qui de minimis iudicetis. Nescitis quoniam Angelos iudicabimus? quanto magis secularia? secularia igitur iudicia si habueritis, contemptibiles qui sunt in Ecclesia, illos constituere ad iudicandum. Est autem Apostoli auctoritate sancitum, vt lites & controuersæ, quæ inter Christi fideles extitissent, arbitrorum sententia dirimerentur, ne forte de christiani nominis existimatione aliquid deperiret, si adeo pauper esse crederetur Ecclesia vt nullos haberet, qui causas eorum disceptare posset: neue inter illos aduersæ voluntates aut lites esse deprehenderentur, quorum lex mutuæ charitatis vinculo potissimum contineri passim prædicaretur: aut tandem ne vexarentur Christiani ab iniustis iudicibus & Christiani nominis inimicis, qui contemptoribus idolorum quacumque ratione incommodare possent, maximè vellent. Quæ ergo sanctio Apostoli iussu recepta Ecclesiarum praxi vsurpabatur decursu temporis, postquam Christi legem integræ suscepere prouinciæ translatis ad laicos laicorum iudiciis obsoleuit. Illud tamen semper fixum fuit, vt quæ causæ, aut controuersæ, res, aut personas Ecclesiasticorum attingerent, harum cognitio ad solos Episcopos, iudicesque Ecclesiasticos pertineret. Itaque Apostolus quodam loco ad Timotheum Episcopum scribens iudicij quidem formam præscribit, si presbytero contingat crimen aliquod impingi, vt scilicet non minus quàm tribus, aut certè duobus*

duobus testimoniū contra reum dicentibus admittatur accusatio. *Aduersus*, inquit, *presbyterum* Tim. 5.1. *accusationem noli recipere nisi sub duobus; aut tribus testibus*: iudicium autem hoc ad Episcopum pertinere non exprimit, quod in re satis explorata dubitationi locus non superesset. Hanc ergo iurisdictionem in Ecclesiasticas personas, de qua disputamus, ne minima quidem ex parte violare tentet religiosus Princeps, sibi que persuadeat optimo iure factum esse, ut à iudicium sæcularium potestate eximerentur. Nam cum præcipui actus Ecclesiasticæ potestatis sint doctrinam salutarem proponere, vitia arguere, virtutum officia commendare, & si opus sit imperare; peccantes item corrigere, contumaces plectere, absolueri pœnitentes, obstinatos ac rebelles anathematum reliquarumque censurarum mucrone ferire: non possent ista ea qua par est dignitate, & auctoritate præstari, si qui in spiritualibus negotiis superiores, & iudices futuri sunt, iidem in reliquis laicæ potestati subderentur. Nonnunquam etiam accideret, ut quæ præstanda essent, penitus omitterentur, si aliqua timeretur offensio, aut remissè, & languidè exerceretur: & ut qua par est constantia, & sedulitate præstarentur, contemnerentur nihilominus functiones illæ, earumque administri, ab iis saltem quorum potestati subiecti essent: quod utinam corrupti hominum mores temporæque quibus viuimus minus frequentibus exemplis rem ita ut dicimus se habere, non ostenderent.

Sed iam de immunitate à tributis verba faciamus. Huius autem multa in scriptura reperiuntur exempla, Principum etiam barbarorum, qui
De immunitate à tributis.
 licet

licet veræ religionis lumine carerent, existimabant nihilominus æquum non esse ut sacerdotes tributi pensitatione, sicut reliqua populi pars oneraretur; imo nonnulli eorum publici ærarij impensis eos alendos putabant: nam cum pro vniuerso populo apud Deum quasi sequestres quidam agerent, publicamque totius Reipublicæ causam apud Deum precibus sacrificiisque iuarent, publicis etiam expensis sustentandi videbantur. Ita apud Ægyptios sub Pharaone populus bona sua vniuersa distrahere coactus est,

Genes. 47.
20.

Ibidem.

vendentibus singulis (Ioseph Ægypti gubernatori.) possessiones suas præ magnitudine famis, adeo ut omnia Ægyptiorum latifundia pecuniis regiis emerentur præter terram sacerdotum, quæ à Rege tradita fuerat eis, quibus & statuta cibaria ex horreis publicis præbebantur, & idcirco non sunt compulsi vendere possessiones suas. Quanta verò quamque prolixa fuerit Artaxerxis Persarum Regis in Iudæos sacerdotes liberalitas, illius declarat edictum, quod est huiusmodi. Ego Artaxerxes Rex statui atque decreui omnibus custodibus ar-

1. Esd. 7.
21.

ce publica, qui sunt trans flumen, ut quodcunque petierit à vobis Esdras scriba legis Dei cœli, absque mora detis, usque ad argenti talenta centum, & usque ad frumētū coros centum, & usque ad vini batos centum, sal verò absque mensura. Omne quod ad ritum Dei cœli pertinet, tribuatur diligenter in domo Dei cœli, ne forte irascatur contra regnum Regis, & filiorum eius. Vobis quoque notum facimus de vniuersis sacerdotibus, & Levitis & cantoribus, & ianitoribus, Nathinaïs, & ministris domus Dei huius, & vectigal, & tributum & annonas, non habeatis potestatem imponendi super eos. Hæc pietas Ethnicorum Principum in

eos etiam prolixè liberalis à quorum religioni-
 bus abhorrebant : quam non frustra sacris litteris
 consignari voluit Dominus ad eorum damnan-
 dam auaritiam, qui quidquid in Clericos, Deo-
 que dicatos homines pia antiquitas liberaliter
 erogauit, per Reipublicę detrimenta parum con-
 sultè effusa decernunt, & cum Rempub. tractant
 immunitates hasce quantū possunt accidere ten-
 tant, & minuere. Atque hæc, vt diximus, genti-
 lium exempla sunt. Apud Hebræos autem tan-
 tum abest, vt sacerdotes, aut Leuitica tribus,
 Principibus tributa penderent, vt potius ipsis pri-
 mitiæ traderentur, & decimæ frugum, & ani-
 maliū, vt habemus ex libro Numerorum, in quo Num. 18.
 ista legimus. *Dixitque Dominus ad Aaron: In ter- 20.*
ra eorum nihil possidebitis (loquitur de Leuitis) nec
habebitis partem inter eos. Ego pars, & hereditas tua,
in medio filiorum Israël. Filijs autem Leni dedi omnes
decimas Israël in possessionem pro ministerio, quo ser-
uiunt mihi in tabernaculo federis. Et paulo post. Ni- Ibid. num.
hil aliud possidebunt, decimarum oblatione contenti, quas 24.
in usus eorum, & necessaria separaui. Adde, quod
cum præcepisset Dominus in censu populi singu-
la censitorum capita dimidium sicli pendere; ta-
men Leuitica tribus vniuersa immunis fuit, quia
illius numerus per censum initus non est. Quan- Exod. 30.
do tuleris, inquit Dominus, summam filiorum Is- 11.
raël, iuxta numerum, dabunt singuli pretium pro
animabus suis Domino, & non erit plaga in eis cum
fuerint recensiti. Hoc autem dabit omnis qui transi ad
nomen, dimidium sicli iuxta mensuram templi. Siclus
viginti obolos habet. Media pars sicli offeretur Domino.
Qui habetur in numero à viginti annis & supra, dabit
pretium. Dives non addet ad medium sicli, & pauper
nihil

242 *Institutio politica ex sacris Scripturis.*

nihil minuet. Cum verò adeo exactè colligi tributum hoc vellet Dominus, vt nec paupertatis quidem haberetur ratio, quominus quis quod imperabatur persolueret; Leuitas tamen exemit. Nam cum populus vniuersus recensendus esset, *Locutus est Dominus ad Moysen dicens: Tribum Leui noli numerare, neque pones summam eorum cum filiis Israël; ex quo factum est vt etiam ab illius tributum pensitatione seruantur immunes. Sed dicat fortasse aliquis, mirum non esse si Leuitico generi concessum est, vt à tributorum solutione eximerentur, cum cæteris filiis Israël pauperiores essent, quippe qui nullas habebant possessiones in terra promissionis: quare dicitur in Deuter.*

Num. 1. 48. *Non habuit Leui partem, neque possessionem cum fratribus suis, quia ipse Dominus possessio eius est. Et in*

Deut. 10. 9. *libro Iosue legimus, Tribui autem Leui non dedit possessionem, sed sacrificia & victima Domini Dei Israël, ipsa est eius hereditas, sicut locutus est illi. Sed*

Ios. 13. 14. *non sunt hæc scripturæ testimonia, ita accipienda, quasi nullos agros licuerit Leuitis possidere; sed ita loquitur scriptura, quia in partitione terræ Chanaan, quam Israëlitis Dominus concessit, non erant cum reliquis tribubus vrbes, & agros sortituri. Cæterum & vrbes proprias habuerunt ad habitandum, & suburbana, poterantque agros & vineas emere, aut à Dominis relictas possidere. Clarissimis ex scriptura locis id*

Num. 35. 2. *euinci potest. In Numeris dicitur: Præcipe filiis Israël, vt dent Leuitis de possessionibus suis vrbes ad habitandum, & suburbana earum per circuitum, quæ à muris ciuitatum forinsecus per circuitum mille passuum spatium tenduntur. De Leuitarum etiam domibus, & possessionibus mentio est in Leuitico, cum*

dicitur,

dicitur, *Aedes Leuitarum quæ in urbibus sunt, semper possunt redimi: si redemptæ nõ fuerint, in Iubilao reuertentur ad Dominos, quia domus urbium Leuitarum pro possessionibus sunt inter filios Israël, suburbana autem eorum non veneant, quia possessio sempiterna est.* Et domos ergo, & agros possidere poterant. Rursus Leuitici cap. ultimo, de eo qui vouerat Deo agrum dicitur, *Quod si voluerit redimere agrum ille qui vouerat, addet quintam partem æstimata pecunie, & possidebit eum; sin autem noluerit redimere, sed alteri cuilibet fuerit vendundatus, ultra eum qui vouerat redimere non poterit, quia cum Iubilei venerit dies, sanctificatus erit Domino, & possessio consecrata ad ius pertinet sacerdotum.* Sensus ergo legis est, si quis agrum Domino vouerit, integrum ei sit postquam sacerdos illum æstimauerit, addita quinta parte taxati pretij redimere: quod si redimere noluerit, distractusque fuerit ager, & illum dato pretio aliquis suum fecerit: cum Iubilæi annus recurrerit, quo tempore possessiones ad antiquos Dominos redeunt, iam pertinebit ager ille ad sacerdotes omni primi possessoris iure in agrum illum extincto. Itaque non agrè Domini auctario illo pretij res suas recuperabant, ne illas in perpetuum amitterent. Vt autem lege possessio agrorum sacerdotibus & Leuitis concedebatur, ita eosdem possessiones habuisse ex scriptura docere possumus. Nam Abiathar sacerdos, & Ieremias propheta, qui etiam sacerdos fuit, agrum possedissee dicuntur in Anathoth, illi enim legimus in Regum historię dictum fuisse à Salomone Rege, *Vade in Anathoth ad agrum tuum:* hic verò se agrum à patruale suo emissee testatur, cum ita scribit, *& emi agrum ab Hanameel filio pa-*

Leuit. 25.
32.

Leuit. 27.
19.

3. Reg. 2.
18.
Ierem. 32.
9.

244 *Institutio politica ex sacris Scripturis.*

trui mei, qui est in Anathoth, & appendi ei argentum centum stateres, & decem argenteos, & scripsi in libro, & signavi, & adhibui testes, & appendi argentum in statera; & accepi librum possessionis signatum, & stipulationes, errata & signa forinsecus. Porro Ieremiam fuisse sacerdotem ex initio prophetiæ illius habetur, quæ sic incipit. *Verba Ieremiæ filij Heluie, do-*
sacerdotibus, qui fuerunt in Anathoth in terra Benja-
min. Nec fuit, ut quidam voluerunt, ager ille Ieremiæ hortus olitorius iuxta domum, nam & Hebraica vox agrum significat, qui subigitur aratro, & illa agri emptione propositum erat Domino ostendere quid futurum esset, ut scilicet agri venderentur, & emerentur, quod non satis commodè intelligi potuisset, si quem emit Ieremias verus ager non fuisset. Tandem in actis Apostolorum dicitur de Barnaba, *Ioseph autem qui cognominatus est Barnabas ab Apostolis, Leuitus, Cyprius genere, cum haberet agrum vendidit eum, & attulit pretium, & posuit ante pedes Apostolorum.* Ex his autem, quæ attulimus, colligitur adeo non fuisse pauperes Leuitas, ut potius essent multo quàm reliquis populus opulentiores, & ditiores. Nam cum vix essent sexagesima populi totius pars, decimam tamen frugum partem, animaliumque percipiebant, primitias etiam, plurimasque populi oblationes, quibus largè sustentari possent. Non excessisse autè sexagesimam partem populi, constat ex censu, nam cum de reliquis tribubus numeratis sermo est, dicitur, *Hic numerus filiorum Israël per domos cognationum suarum, & turmas diuisi exercitus sexcenta tria millia quingenti quinquaginta. Leuita autem non sunt numerati.* Cum verò Moyses in deserto Sinai iussus est inire Leuitarum

rum censum, omnium masculorum numerus infantibus etiam computatis, viginti duorum milium summam non excessit, dicente scriptura.

Omnes Leuita, quos numerauerunt Moses, & Aaron iuxta præceptum Domini per familias suas in genere ma- Num. 3.
39.

sculino à mense vno, & supra fuerunt viginti duo milia, reliquus verò Israël ita numeratus est, ut eorum qui vigesimum annum non attigerant, aut expleuerant, nulla haberetur ratio, nec summa iniretur: dicitur enim eodem libro: *Tollite summam* Num. 1. 2.

uniuersæ congregationis filiorum Israël per cognationes, & domos suas, & nomina singularum, quidquid sexus est masculini, à vigesimo anno, & supra omnium virorum fortium ex Israël. His ergo si addas pueros & senes summam proculdubio efficies duplo maiorem, cuius ferè sexagesimam partem fuisse Leuitas supputanti constabit. Porro Christianorum

clerus (ut cum eo Leuitarum numerum conferamus) maior fortasse est, cum nulla ferè domus

quæ paulo amplior sit Ecclesiastico aliquo viro; nullus pagus vno templo careat, aliquando verò alterum etiam habeat & tertium, in quo sæ-

penumero sacerdotes nonnulli factis operantur. Adde Cænobitarum familias sanè frequentes, quæ

plurimis Monasteriis, & domibus ingentem religionum multitudinem alunt, quorum opera

Ecclesiæ Dei utilissima est, nam partim iratum peccatis nostris numen precibus propitiant, quod

sanè cogitaret *ut disperderet nos*, si non sancti hi vi-

ri, *electi eius starent in confractione*, cum scilicet pœ-

narum exercitibus, peccatorum vindicibus ad-

motis labantia & confracta infirmitatis nostræ mænia fatiscerent ac soluerentur, *nisi starent in*

conspectu eius, ut auerterent iram eius ne disperderet

Psalm.

105. 23.

246. *Institutio politica ex sacris Scripturis.*

nos. Partim rudes, litteras christianæque doctrinæ rudimenta docent, contra hæresum monstra pugnant, concionibus adhortationibúsque populum ad pietatem officiúmque faciendum excitant, confessionibus peccatorum audiendis animas expiant, aliisque christianæ charitatis, & pietatis operibus se exercent, quibus mirum quantum reipublicæ vniuersæ cōmodant. Quàm multi verò quod debent Ecclesiasticis viris siue decimæ sint, siue quid aliud, malignè solunt, quàm multa detrahunt, interuertunt, quàm frequenter Principibus concedunt Pontifices, vt Ecclesiæ reddituum bonam aliquam partem in suos vel Reipublicæ vsus conuertere possint? Quæ omnia si prudenter suis momentis expendere voluerimus; percipiemus quam iniuste faciant ij, qui Ecclesiam diuitiarum nomine vocant in inuidiam, quorum voces illius vocibus consentiunt, qui dicebat: *Vt quid perditio hac? potuit enim istud venundari multo, & dari pauperibus.* Vt enim hic pretiosum illud vnguentum in Christi caput effusum, quasi pauperes illi cordi essent, ægrè ferebat, ita his dolent oculi, quod christiani populi pietate, virorúmque principum munificentia liberali, mysticum Christi corpus, quod est Ecclesia, aliquas opes nactum sit, quas tamen ipsemet Christus sequentibus se pollicitus est cum dixit: *Omnis qui reliquerit domum vel fratres, aut sorores, aut patrem aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.* quod centuplum de bonis etiam in hac vita accipi debet, cum expresse dicat D. Marcus: *Accipiet centies tantum nunc in tempore hoc, & in saculo futuro vitam æternam.* Quod au-

Matth.
26.8.

Matth.
19.29.

Marc. 10.
30.

tem

tem Dominus ipse per se promisit Ecclesiae, multo ante prædictum est à Prophetis, præsertim ab Isaia, cuius illud est vaticinium; *Erunt Reges nutritij tui, & Regina nutrices tua, vultus in terram demisso adorabunt te, & pulverem pedum tuorum lingent.* *Qui* verò Regum gavis aluntur, & nutriuntur, pauperes, & malè habiri esse nō possunt. Sed rursus Isaia populorum multitudinem ad christiana sacra conuolantē describens, diuitiarum etiam meminit, quibus Ecclesiam locupletabunt. *Tunc,* *inquit, videbis & afflues & mirabitur, & dilatabitur cor uuum, quando conuersa fuerit ad te multitudo maris, fortitudo gentium venerit tibi. Inundatio camelorum operia te, dromadarij Madian, & Ephra, omnes de Saba venient aurum & thus deferentes: & laudem Domino annuntiantes.* Et paulo post. *Me enim insula expectant, & naues maris in principio, & adducam filios tuos de longè, argentum eorum, & aurum eorum cum eis offerendum scilicet, nomini Domini Dei tui, & sancto Israël, quia glorificauit te.* De diuitiis etiam Ecclesiae illud accipiendum est, quod apud eundem Isaia legimus: *Et stabunt alieni & pascunt pecora vestra, & filij peregrinorum agricola & vinitores vestri erunt. Vos autem sacerdotes Domini vocabimini, Ministri Dei nostri, dicetur vobis. Fortitudinem gentium comedetis, & in gloria eorum superbietis,* id est vt verentes explicant Septuaginta, eritis admirabiles. Et paulo post. *Propter hoc in terra sua duplicitia possidebunt, latitia sempiterna erit eis.* Haecenus ex scripturis veteris testamenti probauimus non modò apud Hebræos, sed etiam apud Principes, & Reges aliquos, quorum mentio in Sacris litteris habetur, à tributorum pensitatione exemptum fuisse sacerdotale genus. Nunc antequam ad alia

Isai. 49.

23.

Isa. 60. 6.

Ibid. n. 9.

Isa. 61. 9.

Ibid. n. 7.

248 *Institutio politica ex sacris Scripturis.*

Marth.
17.23.

transeamus , ex dicto Christi , quod habemus apud S. Matthæum , quomodo idem probetur , videamus. *Cum venisset* , inquit , *Capharnaum* , *acceserunt qui didrachma accipiebant ad Petrum* , & *dixerunt ei. Magister vester non soluit didrachma? At, etiã. Et cum intrasset domũ* , prænexit eum Iesus dicens *Quid tibi videtur Simon? Reges terra à quibus accipiunt tributum , vel censum. A filiis suis , an ab alienis?* & ille dixit : *Ab alienis. Dixit illi Iesus : Ergo liberi sunt filij. Vt autem non scandalizemus eos , Vade ad mare , & mitte hamum , & eum piscem qui primus ascenderit tolle , & aperto ore eius inuenies staterem , illum sumens da eis pro me , & te.* Ex hoc ergo testimonio satis aperte colligitur Clericos , qui sunt filij , & domestici Dei , à solutione tributorum immunes esse debere , nam Christus soluit quidem didrachma , sed tamen addidit , *ne scandalizemus eos* , non soluturus si collectorum illorum scandalum abfuisse. Deinde si ipse , & eius discipuli Ecclesiæ , Clerique primitiæ , ad tributi pensionem tenebantur , cur non pro omnibus soluit , sed tantum pro se , & Petro? Adde quod Christus asseruit filios Regum esse liberos à tributo , aut hoc nomine cunctos significans Apostolos , aut se ipsum tanquam æterni Regis Dei filium? quomodocumque autem id intellexerit , semper sequitur immunes à tributis esse debere Apostolos , eorumque successores , Clericos. Nam si filij sunt Regis , propterea liberi sunt , quia filij : si verò Christus Regis filius est ; adhuc Apostoli liberi , quia in bene cõstituta republica Regũ familiares ac domestici , à tributis soluendis eximuntur. Adde Dominum non ex loculis ad suorum victum destinatis didrachma solui voluisse , sed aliunde pecuniam

cuniam parauisse, vt indicaret Ecclesiæ bona in Principum tributa conuertenda non esse.

Sequitur vt de iure Asyli dicamus aliquid. Asy- *De iure*
lus autem dicitur locus à quo quis abstrahi salua *Asyli.*
religione non potest, etiam si criminis alicuius
reus sit. Apud Hebræos, vt habemus in libro Io- *Iosue 20.*
sue, sex ciuitates diuino iussu constitutæ sunt, ad 1.
quas ij se reciperent; qui per imprudentiam ali-
quem interfecissent. Hi enim si senioribus ciui-
tatis illius innocentiam suam approbassent, legis
eius beneficio aduersus sanguinis vindices, & in-
sectatores protegebantur, quorum dolori indul-
gebatur, vt si homicidam illum extra Asyli Ciui-
tatem nacti essent, impunè possent occidere. Sunt
autem diuina lege refugij ciuitates institutæ, vt
innocentiæ eorum qui inuoluntariam cædem pa-
trassent, præsidium aliquod præstaretur. Deinde
vt rixarum, cædiumque, quibus Respubl. turba-
tur, materia, dolore eius qui propinquum ali-
quem amisisset subtraheretur, superstitie propin-
quo, & homicida in diuersa loca diductis. Vt au-
tem facilius ad istas ciuitates aditus pateret; tres
ex illis vltra, reliquæ verò tres citra Iordanem,
constitutæ sunt, æqualibus inter se spatiis distan-
tes, siue quæ cis Iordanem erant, inter se compa-
rentur, siue cum illis, quæ vltra Iordanem erant.
Quamuis enim pars illa terræ promissionis, quæ
trans fluuium erat, angustioribus finibus coërce-
retur, ita tamen dispositæ erant vrbes, vt respectu
prouinciæ totius, quam Iordanis interfluebat,
æquè distarent inter se se, essetque homicidiis
vtriusque regionis integrū, ad quam voluissent,
opportunioremque sibi credidissent, ciuitatem *Deut. 19.*
confugere. Ita enim locus Deuteronomij acci- 7.

Ibid. n. 3.

piendus est, in quo dicitur: *Præcipio tibi, ut tres ciuitates equalis inter se spatij diuidas: quod clarius paulo ante dictum fuerat eodem libro, In tres equaliter partes totam terram tuam prouinciam diuides, ut habeat è vicino, qui propter homicidium profugus est, quo possit euadere.* Si enim peccatis Israëlitarum non impredientibus vniuersam promissam terram suæ ditionis fecissent, iam nouem, non sex tantum futuræ erant ciuitates refugij, plures pro ampliori Prouinciæ spatio, ternæ scilicet in qualibet tripartitæ illius regionis portione. Erant porro editis ferè, & conspicuis in locis sitæ, ut vel ignaris viarum, facilius ad illas liceret adspirare.

Ios. 10. 7.

Nam ut dicitur indicato Iosue loco; *Decreuerunt Cedes in Galilea montis Nephthali, & Sichem in monte Ephraim, & Cariatharbe, ipsa est Hebron in monte Iuda. Et trans Iordanem contra orientalem plagam Iericho, statuerunt Bosor, quæ sita est in campestri solitudine de tribu Ruben, & Ramoth in Galaad de tribu Gad, & Gaubon in Basan de tribu Manasse.*

Deut. 19. 3.

Sola autem Bosor in planitie sita erat, patente tamen loco, ita eminens ut conspici facillè posset. Viæ autem quæ ad vrbes istas ducebant, commodè strata, complanataque erant, iussu Domini: imò iuxta quorundam auctorum sententiam, subinde in biuiis, aut triuiis fixi erant stipites, aut columellæ, ut iterum erroribus occurreretur, illorumque indicio dirigerentur, & quasi manu ducerentur, qui ad eas confugere opus habuissent. Nec ciuibus tantum, & Hebræi sanguinis hominibus, sed quibuscumque etiam peregrinis concedebatur, ut cum se post cædem ad illas reducerent, salui esse possent, ut in Numerorum libro apertè dicitur. Tandem sex istæ Ciuitates inter

quadra

quadraginta octo oppida numerantur, quæ Leuitis ad habitandum obtigerunt, vt Iosue caput vigesimum primum percurrenti constare poterit, vt non omnino profanum, & ciuili tantum lege constitutum, sed Sacerdotum etiam, & Leuitarum, qui illic habitabant, præsentia verendum asylum illud redderetur. Erat autem proscriptio hæc & exilium homicidarum, aliquando diuturnius, aliquando contractius, pro summi Pontificis vitæ breuitate, aut prolixitate. Statutum enim erat vt cum ipse è viuis excessisset, fas cuilibet profugo esset, patrios lares impunè repetere. Id autem datum vel publicæ hilaritati, vt nouo summo Sacerdote Pontificatum ineunte, exules denuo in cõmuni gratulatione suis pœnatibus redderentur: vel ita institutũ, vt ab homicidio quàm maxime Israelitæ abstergerentur, si cogerentur ij, qui humano sanguine manus imbuissent, tamdiu extra patriam agere, dum superstes is esset, quem in terris, Dei primarium interpretem, & diuinæ maiestatis personam quodam modo sustinentem agnoscerent: quasi sceleris sui diritate ab eius conspectu, interim dum temporis longinquitate noxam abstergerent, arcerentur. Quod si alicui lex ista parum æquitati consentanea videretur, quod fieri posset, vt quis in pari crimine, breue toleraret exilium, alius verò multo diuturnius, prout tempus patrata cædis, à tempore mortis summi Sacerdotis, parum aut multum recederet: animaduertat oportet, hanc esse conditionem earum pœnarum, quæ sortem aliquam habent ad mixtam, vt vno aut altero, pluribûsve; pœnalem illam legem patientibus, aliqui, aut multi sortis beneficio impunitatem consequantur,

252 *Institutio politica ex sacris Scripturis.*

tur, vt accidit in militari pœna apud Romanos olim vsurpata, qua cum in commune aliquid ab aliqua legione aut exercitu peccatum esset, decimus quisque capite truncabatur, cæteris impunè dimissis. Atque hæc de sex Ciuitatum Asylo dicta sint. Sequitur vt videamus, an iis, qui se ad cornu altaris applicuissent; illudque tenuissent, impunitas Asyli iure concederetur. Sunt qui negant. Et sanè in scripturis nusquam disertè lex ponitur, qua hoc statuatur. Coniecturis tamen veterem morem vestiganti, nonnulla occurrunt, quibus probabiliter confici posse videtur, certis quibusdam fontibus exceptis, aliis ius ex recepta saltem consuetudine fuisse, vt inde auelli, & ad supplicium rapi non possent, Id primò indicat exceptio

Exod. 21.

14.

illa quæ est in Exodo. Si quis per industriam occiderit proximum suum, & per insidias, ab altari meo euellat eum vt moriatur: quasi dicat, voluntaria cæde polluto nihil profit loci sanctitas, quæ alios tueri solet.

3. Reg. 2.

28.

Deinde idem confirmat factum Ioab sub Salomone Rege, qui cum cædis duorum insignium virorum reus esset, ingressus tabernaculum, altare Domini, apud quod reliqui fontes salui esse consueuerant, eo consilio tenuit, vt sibi pararet impunitatem. Sed eum Salomon de medio tolli iussit, quod meditata cædis reus, religione loci, iuxta Exodi recitatam legem, tutus esse non posset. Tandem Demetrius Rex in Machabæorum historia, cum sibi Iudæorum voluntates conciliare studeret, illud inter cætera, in loci, & gentis illius gratiam concessit, vt quicumque confugerent in templum quod est Ierosolymis, & in omnibus finibus eius obnoxij regi in omni negotio dimitterentur. Id autem propterea à Rege viderur indultum,

1. Mach.

10. 43.

dultum, vt hac ratione Iudæis ostenderet se illorum religionibus fauere velle, quas farras tectas conseruaret, aut etiam suo priuilegio, eorum causa amplificaret. Cur autem æquum fuerit in ædibus sacris, locisque diuino obsequio destinatis asyla constituere, haud sanè difficile occurreret ratio animum adiicienti. Nam si apud Gentiles, ij, qui deposcebantur ad mortem ob scelus aliquod, si aram, si Dei simulacrum tenuissent, si denique ipsas aquilas signaque castrensia amplexi fuissent, se religione tutabantur; eosque inde abstrahere per vim piaculum erat: nonne æquum fuit vero numini nihil minus venerationis impendi à Christianis, quàm à gentilibus vanissimis illis commentitiisque diis tribueretur? Adde hoc esse diuinæ maiestatis documentum, dum eius ædes & templa in quibus Deum veneramus, illique sacra facimus apud nos sacrosancta adedò habentur, vt illa violari credamus, si qui ad ea confugerint, vt tuti esse possint, in loci sanctitate præsidium, nostro vitio non inuenerint. Tandem pertinere potest ad rectam Reipubl. gubernationem, vt post patratas cædes incitati vindictæ libidine animi eorum, quorum interest, prius resideant, & componantur, vt consilio potius quàm impetu res peragatur. Hæc verò quæ diximus non de confugientibus dumtaxat ad templum, & loca sacra vt asyli iure gaudere possint, intelligenda sunt, sed de iis etiam, quæ in templis aliquando deponuntur, aut religiosis locis, vt pecuniis, & huiusmodi, quæ proinde omnino tuta sacrarum ædium reuerentia esse debent, nec per iniuriam inde abstrahi possunt absque sacrilegio: ita apud Hebræos nefas esse putabant
quid

1. Mach.
3.12.

quidquam attingere eorum quæ templi custodia credita fuissent, quare cum Heliodorus pecunias in templo depositas asportare veller, ita respondit summus Sacerdos. *Recipi eos qui credidissent loco & templo, quod per uniuersum mundum honoratur, pro sui veneratione, & sanctitate omnino impossibile esse, vel vt ex Græco verti potest, Iniuria affici eos, qui credidissent loci sanctitati, & honorati per uniuersum mundum templi venerationi, & integritati omnino difficile esse.* Et sensus est, magnam omnino templo irrogari iniuriam, iisque qui pecunias in eo deposuissent, si iis asportatis intelligerent homines se deceptos, cum crediderunt nullum adeò futurum impium, qui auderet in pecuniam illam sanctissimo loco creditam intolere. Quod si templum Ierosolymitanum ita Principes sacrorum, Reges, vniuersusque populus venerabatur: videant Principes nostri quanto maiorem Ecclesiis nostris debeant reuerentiam; quæ longè sanctiores sunt; caueantque ne similes fiant superbo illi Nemrot, qui turrim illam ingentem excitans iuris sui fines ad cælum vsque protendere velle visus est, cuius tamen Dominus consilium disiecit, operarum voces confudit, molitionemque operis interrupit, & ad perpetuam tantæ temeritatis infamiam locum illum *Babel*, id est, confusionem appellari voluit, vt intelligant Principes debere se intra rationis gyrum suas coërcere cupiditates, nec vlla affulgente lucri spe, alteriusve commoditatis, quæ Ecclesiastici iuris sunt, sibi per iniuriam vindicare. Verum enim est quod dicitur in

Genes. 11.
9.

Prou. 10.
25.

in Prouerbiis, *Ruina est homini deuorare sanctos*, vel vt ex Hebræo verti potest, *laqueus est homini deglutire sanctum*: quod tunc Principibus accidit, cum
aurum

aurum Ecclesiæ auidè sitiunt, à quo si non abstinent fit illis *mensa*, quæ talibus cibis instruitur, coram ipsis in laqueum, & in retributiones, & scandalum. Quamuis enim fortasse dum occupantur, ingrediantur blandè, & dulce sit in ore eorum malum, tamen non multo post, *Panis eius in utero illius verteretur in fel aspidum intrinsecus*. Diuitias quas deuorauerat euomet, & de ventre illius extrahet illas *Dens*. Caput aspidum suget, & occidet eum lingua viperæ. Non videbit riuulos fluminis, torrentes mellis, & butyri. Luet quæ fecit omnia, nec tamen consumetur, iuxta multitudinem adinventionum suarum sic & sustinebit: quoniam confringens nudauit pauperes, domum rapuit, & non edificauit eam. Nec est satiatus venter eius, & cum habuerit, quæ concupierat, possidere non poterit. Non remansit de cibo eius, & propterea nihil permanebit de bonis eius, cum satiatus fuerit, arctabitur, aestuabit, & omnis dolor irruet super eum. Hæc enim multaque alia mala, quæ capite illo enumerantur, impios manent, & Ecclesiasticorum bonorum voratores, qui quoniam pauperibus, Ecclesiisque benignè facere noluerunt, diligentes militiam super benignitatem omniaque verba precipitationis, velut ex Hebræo verti potest, *Deuorationis*, propterea *Dens destruet eos in finem*, euellet & emigrabit eos de tabernaculo suo, & radicem eorum de terra uiuentium. Quod utinā intelligant impij ut corrigantur, videant etiam iusti, & timeant, ut in officio contineantur! Tandemque meminerint Principes Pontificis legibus munita esse iura sacerdotum, additis etiam in violatores grauib. censuris: quas diras execrationesque Sacerdotales qui parum formidant, aut etiam, quod deterius est, penitus aspernantur, videant ne sibi graue aliquod malum diuinitus

accer

Psal. 68.

23.

Iob 20. 12.

Ibid. n. 14.

Psal. 5.

accerlant : quod Hieli de Bethel in simili causa videtur accidisse, nam cum Iosue Ierichuntina mœnia solo æquasset, & imprecatus esset, dicens,

Ios. 6. 26. *Maledictus vir coram Domino, qui suscitauerit, & adificauerit Ciuitatem Iericho, in primogenito suo fundamenta illius iaciat, & in nouissimo liberorum ponat portas eius :* aggressus tamen est ausu planè temerario muros illos moliri, & portas aperire, & urbem instaurare, quo facto minas à Iosue, quam non Pontifice, viro tamen sancto, & numine pleno pridem intentatas, conuertit in caput suum, dicitur enim in Regum historia. *In diebus illis adificauit Hiel de Bethel Iericho, & in Abiram primogenito suo fundauit eam, & in Segub nouissimo suo posuit portas eius, iuxta verbum Domini, quod locutus fuerat in manu Iosue filij Nun.*

De liberalitate, & munificentia Principis in Ecclesias, & res sacras.

CAPVT VI.

*Exemplis
ostenditur
quanta esse
debeat
Christiani
Principis
in Ecclesiâ
liberali-
tas.*

Prou. 8. 15.

1 **M**aximè decet Principem in rebus, quæ ad Diuinum cultum pertinent, cuiusmodi sunt templa, vestes Sacerdotales, vasa sacra, canobitarum domicilia, liberalem esse, ac munificum : cum enim hæc omnia ad Dei honorem referantur, per quem Reges regnant, ratio gratitudinis exigit, vt cui omnia debent, aliqua saltem in illius cultum liberaliter erogando, rependant.

dant. Huius liberalitatis occasionem Israëlitarum Reipubl. Principes, populusque nacti sunt, cum Dominus per Moysen populi ducem, velle se apud eos figere tabernaculum significauit, ac propterea cupere, vt sibi iuxta modulum præscribendum, de populi oblationibus voluntariis sanctuarium excitaretur. *Locutus est enim Dominus ad Moysen dicens: Loquere filiis Israël, vt tollant mihi primitias ab omni homine qui offert vltroneus, accipietis eas. Hæc sunt autem quæ accipere debetis. Aurum & argentum, & æs, hyacinthum, & purpuram, coccumque bis tinctum, & byssum, pilos caprarum, & pelles arietum rubricatas, pellēsque ianthinas, & ligna sethim, oleum ad luminaria concinnanda, aromata in vnguentum, & thymiamata boni odoris, lapides onychinos, & gemmas ad ornandum ephod, ac rationale, facientque mihi sanctuarium, & habitabo in medio eorum.* Igitur Moses Domini placitum populo in vnum coacto enun-
 tiat, cuius tantum fuit in conferendis quæ requirebantur, ardor & studium, vt cum nullus esset modus donorum voluntariorum (quæ, vt scriptura loquitur, *Obiulerunt mente purissima atque deuota*) præconis voce populo edicendum fuit, vt à congerendis oblationibus abstinerent, *Iussit ergo Moyses, inquit, præconis voce cantari. Nec vir nec mulier quidquam offerat vltra in opere sanctuarij. Sicque cessatum est à muneribus offerendis, eo quod oblata sufficerent, & superabundarent.* Eximiam hanc Reipubl. vniuersæ Hebræorum liberalitatem, multis post annis secuti sunt Cyrus & Darius Persarum Reges, Ethnici illi quidem, & à Iudæorum religione abhorrentes, sed tantæ in eorum sacra, templumque excitandum, religionis, & pietatis, vt vel hæc Regum istorum exempla Principes

Exod. 25.

1.

Exod. 35.

20.

Exod 36.

6.

258 *Institutio politica ex sacris Scripturis.*

1. Esdr. 1.1.

1. Esdr. 6.
8.

omnes qui in Ecclesiam adstrictiores sunt pudere possit, & officij sui admonere. Nam Cyrus populo Iudæorum non solum potestatem fecit paternos lares repetendi, templique ruinas instaurandi, sed etiam ex thesauris suis auream, argenteamque suppellectilem, quam Nabuchodonosor Rex olim abstulerat, depromens, restituit, vasa partim aurea, partim argentea ad quinque millia, Iudæorum verò capita supra quadraginta millia è regno suo dimittit, quibus etiam concessit, ut sarcinas suas diuitiis graues auferre possent, greges & armenta libere abducere, & ut urbis mœnia moliri, domos excitare, terramque suam, quâ tot annos caruerant, inter se parti, eamque possidere liceret, edicto regio cauit. Sed Cyro ex humanis sublato, cum hostium suorum calumniis apud Persarum Reges traducti ædificationem templi, quam fuerant aggressi, promouere amplius Iudæi non possent, tandem Dario rei gestæ veritatem edocto, non tantum placuit templi inchoati construendi facere potestatem, sed sumptus etiam ex Regio ærario suppeditare, ut sibi regnoque suo propitium haberet Deum Iudæorum, ut ipsemet scripsit ad Satrapas suos, qui regiones illas cum imperio obtinebant. Imò & vitulos, & agnos, & hædos, & quidquid opus esset ad statuta sacrificia largè suppeditari iussit, capitali pœna iis proposita, qui regis voluntati resistere ausi fuissent. Legi possunt locis indicatis Regum edicta, quæ nullus dubitare possit diuinæ providentiæ consilio sacrarum litterarum monumentis consignata ad nos peruenisse, ut tam proluxa barbarorum Principum, & à Iudæorum sacris alienorum, liberalitas eorum argueret impietatem, qui cum Christi-

stum

stum induerint per baptismum, illiusque fidem, ac legem professi sint, adeo tamen liberales ut barbari illi non sunt in Ecclesiam, eiusque Sacerdotes, ac ministros, ut potius ægrè ferant aliquibus accessionibus illorum augeri bona, quantumque illis tribuitur, tantum sibi detrahi putent, quasi Dominus, in cuius manu *diuitie*, & *gloria*, longè amplioribus diuitiis Principes locupletare non possit. Quamuis enim pseudopolitici non intelligant, quippe *cæci sunt*, & *duces cæcorum*, sit tamen frequenter ut pij Principes, qui sumptibus non parcunt, ut foueant ministros Ecclesiarum, templaque diuino cultui dicata suis donariis ornent, quique nihil habent vera religione antiquius, occultis augeantur incrementis, floreat diuitiis, regna regnis addant, Prouincias Prouinciis, cum interim sapientes illi, qui iacturam se ingentem facere putant, si quid ad Ecclesiasticos homines populorum pietate deriuetur, aut bellis continentibus vexati, aut aliis malis diuinitus immissis attriti, æraria exhaurire, & longo tempore collectas opes effundere cogantur, auaritia in Deum paupertatem illis summam conciliante. Sed iam aliquid de Dauide dicamus, eiusque filio Salomone, quorum alter sumptus ad templum excitandum necessarios præparauit, alter congestas diuitias liberalissimè effundens, templum amplitudine maximum, descriptione elegantissimum, sacra suppellectile aurea, argenteaque instructissimum fabricatus est, de quo quia plurimi plurima scripserunt, paucula ego quædam delibabo, quæ ad rem nostram faciant, ad ostendam scilicet ingentem Regum istorum magnificentiam, quæ sanè tanta fuit, ut omnem admi-

Prou. 3.
16.

rationem superet. Illi enim magnitudinem expensarum non ex ærarij tenuitate pensabant, sed ex Dei summa dignitate, cui templum parabatur, ex quo fiebat, ut maximis etiam aggestis diuitiis, se tamen tanto muneri, quale mente præceperant, impares esse sentirent. Hinc sanctus Dauid de templo à Salomone ædificando verba faciens,

7. Paral. 29. 1. *Opus grande est, inquit, neque enim homini preparatur habitatio, sed Deo. Ego autem totis viribus meis*
2. Paral. 2. 5. *preparavi impensas domus Dei mei. Et Salomon, Domine, inquit, quam ædificare cupio, magna est, magnus est enim Deus noster super omnes Deos: quis ergo poterit præualere, ut ædificet ei dignam domum? Præparandæ verò materiæ studium quantum fuerit in*
1. Paral. 22. 2. *Dauid, patet ex libris Paralipomenon, nam præcepit ut congregarentur omnes proselyti de terra Israël, & constituit eis latomos ad cadendos lapides, & poliendos, ut ædificaretur domus Dei, ferrum quoque plurimum ad clauos ianuarum, & ad commissuras, atque iuncturas preparauit Dauid, & aris pondus innumerable, ligna quoque cedrina non poterant aestimari, quæ Sydonij, & Tyrj deportauerant ad Dauid. Salomonem itaque filium suum compellans, ita loquitur.*
- Id. p. 14. *Ecce ego in paupertate mea preparavi impensas domus Domini auri talenta centum millia, & argenti mille millia talentorum, aris verò & ferri non est pondus, vincitur enim numerus magnitudine, ligna, & lapides preparavi ad vniuersa impendia. Et alibi. Ego autem, inquit idem Dauid, totis viribus meis preparavi impensas domus Dei mei, aurum & vasa aurea, & argentum in argentea, æs in ærea, ferrum in ferrea, ligna ad lignea, & lapides onychinos, & quasi stibinos, & diuersorum colorum, omnemque pretiosum lapidem, & maximorum Parium abundantissimæ, & super hac quæ obuli in domum*

domum Dei mei de peculio meo aurum, & argentum
tuo in templum Dei mei, exceptis his, quæ preparavi in
eandem sanctam. Tria millia talenta auri de Ophir, &
septem millia talentorum argenti probatissimi ad decan-
randos parietes templi. & ubicumque opus est aurum de
auro, & ubicumque opus est argentum de argento, opera-
fiant per manus artificum, & si quis sponte offert, im-
pleat manum suam hodie, & offerat quod voluerit Do-
mino. Polliciti sunt itaque Principes familiarum, &
proceres tribuum Israël, tribuni quoque & centuriones
& Principes possessionum Regis, dederuntque in opera
domus Dei auri talenta quinque millia. & solidos decem
millia, argenti talenta decem millia, & auri talenta decem
& octo millia, ferri quoque centum millia talentorum, &
apud quemcumque inuenti sunt lapides, dederunt in
thesauros domus Domini per manum Ahiel Gersonitis.
Hanc autem collectæ pecuniæ summam per dili-
gens harum rerum indagator Villalpandus, in
suis ad Ezechielem commentariis redactam ad
summam ducatorum Hispanicorum docet, Au-
ream quidem effecisse mille sexcentos tres, ut vo-
cat milliones, & octingenta millia ducatorum:
Argenteam verò mille ducentos, & octo millio-
nes, & centum nonaginta sex millia ducatorum.
Quis autem Princeps unquam tantam auri ar-
gentique vim in thesauris suis congestam habuit,
ne post repertas quidē noui orbis ditissimas auri-
fodinas, ex quibus superiore, nostroque sæculo
tantum auri in Europam inuectum est, quantum
hucusquam (Israëliticis istis exceptis opibus) vidit
antiquitas? Ut ostendere voluisse videatur Domi-
nus, cum regibus istis populoque quodammodo
certasse, & quo ipsi plura, alacrioreque animo
parabant offerre, tanto maioribus eos incremen-

262 *Institutio politica ex sacris Scripturis.*

1. Paral.
29.9.

tis auxillis, ut quod animo destinauerant, effectum dare possent. Offerentum autem alacritatem tum ex pecuniæ oblatae quantitate licet aestimare, tum ex scripturæ verbis, dicentis. *Letatusque est populus cum vota sponte promitterent, quia corde toto offerebant ea Domino; nec cum tam multa dedissent placebant sibi, quasi de Domino bene meriti essent, sed potius cogitabant se Domino reddisse quæ illius erant: ita enim loquitur David cum ingenti lætitia perfunctus, pronam populi sui voluntatem ad offerendum Deo animaduertisset.*

1. Paral.
29.13.

Nunc igitur, inquit, Deus noster confitemur tibi, & laudamus nomen tuum inclitum. quis ego, & quis populus meus, ut possimus hac tibi vniuersa promittere? tua sunt omnia, & quæ de manu tua accepimus, dedimus tibi. Peregrini enim sumus coram te, & aduena sicut omnes patres nostri. Dies nostri quasi umbra super terram, & nulla est mora. Domine Deus noster, omnis hac copia, quam parauimus ut edificaretur domus nomini sancto tuo, de manu tua est, & tua sunt omnia.

Marc. 12.
43.

Ex quo discant illi, qui cum duo minuta inferant in Ecclesiæ gazophylacium, non aliquid ex necessariis sibi detrahentes, ut vidua illa pauper, quæ Christi ipsius ore commendata est, sed ex eo quod abundanti illis,

Matth. 6.
2.

sibi tamen placent, & tuba canunt ante se, cum etiam aliquando ex malè partis, & per iniuriam pauperum quæsitis pecuniis Deo munus inuisum offerre non dubitent, quibus dicit Dominus per

Malach. 1.
1.3.

Malachiam: Intulistis de rapinis claudum & languidum, & intulistis munus, nunquid suscipiam illud de manu vestra, dicit Dominus? Discant inquam, cum

2. Cor. 9.
7.

Domino largius agendum esse, & alacrius, nam hilarem datorem diligit Deus. qualis sanè David, qui

1. Paral.
29.17.

verè dicebat: Ego in simplicitate cordis mei letus obuli vniuersa

universa hac, & populum tuum qui repertus est, vidi cum ingenti gaudio tibi offerre donaria.

2 Porro quamvis ex multis quæ de magnitudine templi, & structura dici possent, impentæ etiam pecuniæ quantitatem æstimare possemus, quia tamen hoc nimis operosum esset, ac longum, vnum caput dumtaxat breuissimè persequar, ex quo aliquam huius rei de qua agimus coniecturam capere possimus: aurum enim quod in templo fuisse scriptura commemorat, recenscimus, nulla argenti, aliorumve metallorum, aut lapidum magni pretij facta mentione. Ac primò oraculum totum, quæ pars erat templi sanctior, totum auro purissimo conuestitum fuit, sic enim legimus in Regum historia. *Oraculum autem in medio domus in interiori parte fecerat, ut poneret ibi arcam fœderis Domini. Porro oraculum habebat viginti cubitos longitudinis, & viginti cubitos latitudinis, & viginti cubitos altitudinis, & operuit illud atque vestiuit auro purissimo. Immo scriptura docente discimus, domum etiam ante oraculum, immò quæcunque erant in templo, aureis laminis contexta; ipsas verò laminas aureis clavis cum parietibus, fuisse confixas. Domum quoque, inquit, ante oraculum operuit auro purissimo, & affixit laminas clavis aureis, nihilque erat in templo quod non auro tegeretur. Rursus altare thymiamatis, mensam cui panes propositionis imponebantur, seu potius mensas (fuisse enim duas colligitur ex Paralipomenon libris) aliâque sacra vasa, & instrumenta templi ex auro purissimo fabrefecit, dicente scriptura: *Fecitque Salomon omnia vasa in domo Domini altare aureum, & mensam, super quam ponerentur panes propositionis auream, & candelabra aurea quinque ad dex-**

Ex auro templi de cæteris expensis capitur coniectura, ex quo eadem liberalitas Principi commèditur.

3. Reg. 6.
19.

Ibid. n. 22.

2. Paralip.
4. 19.
3. Reg. 7.
48.

264 *Institutio politica ex sacris Scripturis.*

- tram, & quinque ad sinistram contra oraculum ex auro puro, & quasi liliy flores, & lucernas desuper aureas & forcipes aureos, & hydrias, & fuscinulas, & phialas, & mortariola, & thuribula de auro purissimo, & cardines ostiorum templi ex auro erant. Quot verò fuerint aurea vasa scripturam docere non memini, sed possumus ex duplici coniectura, Iosephique testimonio existimare fuisse quamplurima. Prima coniectura sumitur ex multitudine vasorum æris, de quibus ita scribitur. *Erat autem multitudo vasorum innumerabilis, ita ut ignoraretur pondus æris.* nam si innumerabilia ærea vasa; aurea sanè vt multo pauciora essent, plurima tamen fuisse credibile admodum est. Altera coniectura ducitur ex numero vasorum quæ post captiuitatem Babyloniam in templū reportata sunt. nam post Septuaginta annorum decursum, adhuc sanè multa vasa, quæ de templi suppellectili essent, reperta sunt, cum tamen par sit credere multa furto sublata periisse, multa in vsus prophanos auro conflato fuisse conuersa. Numerus autem vasorum templi quæ Cyrus restituit, recensetur in Esdræ libro.*
1. Paral. 4. 18. *Phiala, inquit, aurea triginta, phiala argentea mille, cultri viginti nouem, scyphi aurei triginta, scyphi argentei secundi quadringenti decem, vasa alia mille. Omnia vasa aurea, & argentea quinque millia quadringenta, quibus si addas Roboami tempore à Sefac Ægypti Rege thesauros domus Domini fuisse direptos, nam Recessit Sefac Rex Ægypti ab Ierusalem, sublati thesauris domus Domini, & domus Regis, omniâque secum tulit. Quod non de thesauris tantum repositæ pecuniæ, sed forte etiam de sacris vasis intelligi potest: sanè probabile fiet, quod de vasorum multitudine, quæ in vsum templi Salomon*
1. Esdræ 1. 9. *Phiala, inquit, aurea triginta, phiala argentea mille, cultri viginti nouem, scyphi aurei triginta, scyphi argentei secundi quadringenti decem, vasa alia mille. Omnia vasa aurea, & argentea quinque millia quadringenta, quibus si addas Roboami tempore à Sefac Ægypti Rege thesauros domus Domini fuisse direptos, nam Recessit Sefac Rex Ægypti ab Ierusalem, sublati thesauris domus Domini, & domus Regis, omniâque secum tulit. Quod non de thesauris tantum repositæ pecuniæ, sed forte etiam de sacris vasis intelligi potest: sanè probabile fiet, quod de vasorum multitudine, quæ in vsum templi Salomon*
2. Paralip. 12. 9. *Phiala, inquit, aurea triginta, phiala argentea mille, cultri viginti nouem, scyphi aurei triginta, scyphi argentei secundi quadringenti decem, vasa alia mille. Omnia vasa aurea, & argentea quinque millia quadringenta, quibus si addas Roboami tempore à Sefac Ægypti Rege thesauros domus Domini fuisse direptos, nam Recessit Sefac Rex Ægypti ab Ierusalem, sublati thesauris domus Domini, & domus Regis, omniâque secum tulit. Quod non de thesauris tantum repositæ pecuniæ, sed forte etiam de sacris vasis intelligi potest: sanè probabile fiet, quod de vasorum multitudine, quæ in vsum templi Salomon*

Salomon fecit, Iosephus scribit in Iudaicis antiquitatibus, dum illa his verbis enumerat. *Phiale* Lib. 8. c. 3.
 & *patera aurea vigesies mille*, *candelabrorum decem millia*, *cantharorum vinariorum octoginta millia*, & *phialarum aurearum decem millia*. *Lancium aurearum ad offerendum in eis similam maceratam octoginta millia*, *craterarum in quibus similam oleo subigebant aurearum sexaginta millia*. *Mensurarum quales Mosi Sin vocantur*, & *Assaron viginti millia*. *Acerra quibus odora menta in templum inferri solent vigesies mille*, & *alia quibus deferitur ignis à magno altari ad parvum intra templum situm quinquagies mille*. Ex his ergo quæ de auro diximus possumus cogitatione percipere quàm fuerint cætera omnia magnifica, quàm amplum, excelsum, ornamentis instructum templum illud, cui tam diues supellex debebatur, ut merito Ezechiel cum sibi in visione templum ostensum est, de illo quasi de ciuitate aliqua loquatur; ait enim: *Facta est super me* Ezech. 40.
manus Domini, & *in visionibus adduxit me in terram* 2.
Israël, & *dimisit me super montem excelsum nimis, super quem erat quasi adificium ciuitatis vergentis ad austrum*. Habent ergo Principes in Salomone, & Dauid eximix magnificentix admirabile prorsus exemplar, quod pro modulo studeant æmulari; quamuis quantumlibet conentur, non nisi longo proximi interuallo illud consequi possint.

Qualem Confessarium, Concionatorem, aut Theologum sibi deligere debeat Princeps, & quo modo se cum illo gerere.

C A P V T VII.

QVoniam ab aulis quorundam Principum, eorum vel infortunio, vel vitio veritas exulat, omnibus ferè qui in illis viuunt, ad turpem quandam adulationem adeò proiectis, vt licet de rebus bene sentiant, eloqui tamen quod senserint pertimescant, magno etiam animarum, reipublicæque detrimento: facturum me operæ pretium existimo, si, quando agimus de religione, aliquid breuiter dixero de Concionatoris Principum officio, rursusque de officio Principis aduersus ipsum Concionatorem, Theologum, aut Confessarium. Placet enim hæc munera cum valde sint affinia inter se, saltem quod ad rem nostram attinet, non separare. Cum enim multa incidant tempora, in quibus inquiritur possit ne hoc aut illud tuta conscientia saluòque officio à Principe imperari, aut à subditis exigi; aduersetur ne consilium aliquod diuinæ legi, an potius sit illi consentaneum. Rursus cum Principes aliquid audire velint spectans ad mores componendos, vel cum priuatim peccata enuntiant, vel cum palam concionibus publicis interfunt, plurimum reipu

reipublicæ interest quales Theologi, Confessarij, aut Concionatores adhibeantur. Nam si doctrina, pietate, dicendi opportuna libertate fuerint instructi, optimè etiam de Principe negotiorumque de quibus agitur successu sperare poterimus; si verò doctrinæ, & virtutis expertes, si compositi ad adulationem suis commodis velificantes, blandiri, & aures scalpere maluerint, nullum incommodum per huiusmodi homines in reipub. non importabitur.

Ac primò quidem illud statuendum est Christiani Principis munus esse, nihil prius aggredi quod maioris alicuius momenti sit, cuiusmodi est bellum aliquod suscipere, noua subiectis populis onera imponere, cum Principibus fœdera, aut matrimonia conciliare, de fontibus vltimum supplicium sumere, diuino numine inconsulto, ne forte iusti specie deceptus, sui potius animi perturbationibus obsequatur, quàm, quod semper præ oculis habere debet, publico bono commoderet. Exigit autem ab omnibus prudentia, & amor officij faciendi, vt in rebus suscipiendis, aut gerendis, si ambiguitatis aliquid habeant, consilio nostro ita non adhæreamus, vt aspernemur alienum, sed eorum potius sententias exquiramus, quos in rebus de quibus agitur, bene peritos esse cognouerimus, cuiusmodi in nodis qui ad ius cōscientiæ pertinet expediendis Concionatores, & Confessarios, vt pote Theologos, fore credendum est, quos qui consulunt, Deum ipsum consulere mihi videntur, cum ipsi non tam suæ prudentiæ sensa in dicenda sententia sequi debeant, quàm diuina sacra scripturæ oracula, Ecclesiæque doctorum placita, ad quorum normam

*Debere
Principes
in rebus
dubijs do-
ctores con-
sulere cō-
de veteri
Hebraicā
ritu in cō-
sulēdo De-
minum.*

normam, & amissim, qui suas actiones exigunt, ij à diuina voluntate non aberrant. Est autem vetus iste mos Dominum consulendi, & à Principibus viris, quorum mentio est in scriptura, frequenter usurpatus: Nam Saül & Dauid, primi Hebræorum Reges, Dominum consuluerunt an contra Philistæos pugnare deberent, hic etiam cum Amalechitis latrunculis, qui Siceleg succenderant, congressurus, & Saule iam è viuis erepto, aliquam sibi Iudæ ciuitatem in qua Philistæis relictis habitaret, electurus. Quorum exempla alij quoque Principes postea sunt secuti. Hanc autem diuinæ voluntatis indagandę curam sibi cordi fuisse Dominus ostendit, nam variis modis edebantur oraacula fiscitantibus, vt facile colligi potest ex scriptura cum dicitur Saulem nullum ab irato numine responsum tulisse: quo loco tres modi exprimuntur, quibus cum Dominum consulerent, responsa reportabant. *Et non respondit ei, inquit, neque per somnia, neque per sacerdotes, neque per prophetas. Per somnia igitur aliquando, & vt loquitur S. Iob in visione nocturna quando irrui sopor super homines, & dormiunt in lectulo, tunc aperiebat aures virorum, & erudiens eos instruebat disciplina.* Sic Abimelech prohibuit ne Saram Abrahami, quam sororem illius ipse crediderat, vitia-
 ret: nam *Venit Deus ad Abimelech per somnium nocte, & ait illi. En morieris propter mulierem quam tulisti, habet enim virum.* Sic S. Ioseph Christi Domini nutritium, rationem in somnis per angelum docuit, qua sæuientis Herodis furorem declinaret, præcipiens vt collectis nocte sarcinulis in Ægyptum clam iter intenderet. Sic Pharao pinguedine distentas boues septem, & rursus
 alias

1. Reg. 14.

3. & 28. 6.

& 23. 2. &

2. Reg. 5.

19.

1. Reg. 30.

8.

2. Reg. 2. 1.

1. Reg. 28.

6.

Iob 33.

15.

Genes. 20.

3.

Matth. 2.

13.

alias totidem macras; spicas etiam septem plenas, & granorum pondere curuescentes, rursusque alias septem inanibus aristis leues in somnis vidit, quibus per ænigmatum inuolucra velata veritas ostendebatur, quam alius Ioseph diuinitus infusa coniectandi scientia, sapienter, & magno Pharaonis, totiúsque Ægypti compendio rexit. Per prophetas verò frequentissimè cognoscebant Principes, quid in propositis negotiis esset agendum, nam sancti illi viri Deo pleni quid facto opus esset, vel nulla interposita mora respódebant in promptu, vt respondit Elísæus qui tribus Regibus se consulentibus, adducti psaltis modulatione concitatus, statim erupit in prophetiam, vel capto ad consulendum numen spatio temporis, tamdiu precibus Dominum fatigabant, donec responsum aliquid exrunderent. Sic cum completi essent decem dies, factum est verbum Domini ad Ieremiam, & de se ita scriptum reliquit S. Daniel: *In diebus illis ego Daniel lugebam trium hebdomadarum diebus, panem desiderabilem non comedi, & caro & vinum non introierunt in os meum, sed neque unguento unctus sum, donec complerentur trium hebdomadarum dies. Die autem vigesima & quarta mensis primi, eram iuxta fluvium magnum, qui est Tigris, & leuavi oculos meos, & vidi, &c.* pergitque ostensi sibi viri admirabilè speciem describere, quam vt ipse posset intueri, afflictatione corporis, & lachrymarum profusione consecutus fuerat, alijs qui aderant, visionis illius penitus expertibus. Sed tertius oraculorum modus cum scilicet applicato à sacerdote Ephod, diuinæ voluntatis significatio quædam, signis aspectabilibus edebatur, illustriorem habet numinis

Ierem. 41.

7.

Dan. 10. 2.

minis testificationem, pium consulentiū studium approbantis. Id autem qua ratione fieret, non eodem modo explicatur ab auctoribus. Nā conuenit quidem inter eos summi sacerdotis ephod applicantis, id est superhumerales cum rationali, ministerio fieri solitum, ita enim illud interpretantur, quod non semel dicitur in scriptura

1. Reg. 23. *Applica ephod.* Signa verò, quæ applicato ephod
9. consequuebantur, alij alia fuisse contendunt, aliqui enim syngraphæ cuidam quæstionem inscribi solitam fuisse volunt, cui diuinum responsum expressè & disertè exaratum diuino miraculo in eadem charta protinus appareret. Alij Angelorum ministerio vocem quandam aëris percussione formata; ad sacerdotis aures accidere solitam, qua propositæ quæstionis nodus euolueretur. Alij tandem, inter quos est Iosephus vetus auctor, & gente Iudæus, in sardoniche, qui erat in superhumerali ad humerum dextrum, tantum, tamque insolitum fulgorem repente emicare solitum, vt coruscantis lapidis splendor numinis præsentiam indicaret, prosperique euentus certissimam significationem daret. Id verò beneficium perpetuum non fuisse docet idem auctor, nam ducentis circiter annis antequam illa scriberet, senescente iam apud Dominum populi illius gratia, à quo multis magnisque criminibus fuerat irritatus, splendorem illum desuisse affirmat, quod etiam probabili coniectura ex scripturis colligi potest. Nam nusquam legimus Machabæos viros alioqui, vt fortitudine bellica, ita pietate in Deum insignes, Dominū per sacerdotem consuluisse, cum tamen ipsi sacerdotale genus essent, sed cum altare holocaustorum, sacri-

legorum

legorum hominum scelere pollutū purgare vel-
 lent aliquando , animisq̃ penderent quid con-
 silij capērent , *Incidit illis* , vt scriptura loquitur, *1. Machab.*
consilium bonum, vt destruerent illud, ne forte illis esset 4.45.
in opprobrium , quia contaminauerunt illud gentes , &
demoliti sunt illud , & reposuerunt lapides in monte do-
mus in loco apto , quoadusq̃ veniret propheta , & re-
sponderet de eis. Nam si oraculorum vsus per lapi-
 des rationalis eo tempore viguisset , procliuē sa-
 nē illis fuisset à Domino sciscitari quid facto
 opus esset , nec solutio quæstionis ad prophetam
 olim excitandum fuisset reiicienda. Quocunque
 modo se res habeat , insignis profectò temporibus
 illis fuit Domini facilitas , probantis populi
 sui studium, ad se tanquam ad patrem accurrentis
 editisq̃ signis pietatem illius religionēq̃
 fouentis & confirmantis. Sed nec minus sibi propi-
 tium Dominum affuturum , si parem cum ve-
 teribus illis afferrent cum pietate fiduciam, Prin-
 cipes possent polliceri , non quidem patratis mi-
 raculis , quæ in confirmata iam Ecclesia vt mi-
 nus necessaria, ita minus crebra sunt, sed illustra-
 tione mentis , qua rei bene gerendæ rationes, re-
 ctæq̃ cōsilia Dominus suggereret, doctrinæque
 illius quam Ecclesiæ suæ reliquit singulari bene-
 ficio : quam qui sequitur, viris doctis, si rem ipse
 per se expedire non possit, in consilium adhibi-
 tis , non est quod timeat , ne errore aliquo à re-
 cto tramite depulsus ab assequenda excidat ve-
 ritate.

2 Eum igitur Princeps sibi Confessarium , aut *Contra eos*
 Concionatorem optet, qui recti tenax, veritatis *Principes,*
 rigidus satelles sit , nec audire ab illo velit noua, *qui tantum*
 curiosi , auribus blandientia , sed potius solida, *auribus*
 vera, *blandiēcia*

à concionato-
ribus au-
dire volūt,
differitur
ex scriptu-
ris.

vera, & quibus ad virtutem constanter capeffen-
dam excitetur. Est enim sanè misera eorum con-
ditio, qui voce Concionatoris, hoc est Dei ver-
bo, omni gladio ancipiti penetrabiliore, adeo ni-
hil conturbari, aut commoueri se patiuntur, vt
potius tanquam citharædum aliquem fidibus
ludentem audire velint, rem omnium dicere au-
sum, quæ in Ecclesia geruntur, maximè seriam, in
ludibrium vertentes, in quos bene conueniat il-
lud Ezechielis, *In canticum oris sui verterunt sermo-
nes tuos, & tu es eis quasi carmen musicum, quod sua-
ui dulcique sermone canitur, & audiunt verba tua, &
non faciunt ea.* Et illud S. Pauli vaticinium, qui ma-
gno doloris sensu futuram aliquando in Ecclesia
Dei huiusmodi corruptelam, multo ante prædi-
xit, ad Timotheum secundo scribens, cum ita
loquitur: *Erit enim tempus cum sanam doctrinam
non sustinebunt, sed ad sua desideria coaceruabunt sibi
magistros prurientes auribus, & à veritate quidem au-
ditum auerterent, ad fabulas autem conuertentur.* Quan-
quam non facile quis dixerit Principumne vitio,
an Concionatorum factum sit, vt quibus pro offi-
cij sui ratione cum verba faciunt instandū est, ob-
secrandum, arguendum, increpandum, quibúsque
dictum est. *Clama, ne cesses, quasi tuba exalta vocem
tuam, & annuntia populo scelera eorum, & domui Iacob
peccata eorum, consuant potius puluillos sub omni cubito
manus, & faciant cervicalia sub capite vniuersa ata-
ris, vt in stratis peccatorum suorum molliter cu-
bent, nullisque quibus ad surgendum excitari
possint aculeis compungātur.* Ego sanè ad vtros-
que crediderim culpam pertinere, ad Principes
quidem, qui veritatis impatientes illius præ-
cones auersantur; ad concionatores verò, qui ab

ea

ea qua eos vti par est constantia ; aut offendendi timore , aut spe commodi alicuius quod aucupantur, se patiuntur abduci. Sed de Concionatorum vitio, paulo post erit dicendi locus. Principes ergo Theologis suis, aut Concionatoribus, cum eos consuluerint, ita aures & animum accommodent, vt si quæ salutaria suggerunt, aut à noxijs, & culpæ alicui affinis deterrent, dicto audientes sint, nec ad suam sententiam eos, etiam reluctante conscientia, trahere satagant. In quo vehementer aliqui errant; qui si Theologis, aut Confessariis suis persuadere potuerint, vt prodita veritate vitij alicuius aut absurdæ opinionis, quæ suis faueat cupiditatibus, patrocinium suscipiant, omnia sibi tuta existimant: ideoque nullum non mouent lapidem, vt Concionatores deserta veritatis tutela, ad vitij partes deficientes, sua auctoritate viam sternant ad ea, quæ ipsi impotenter optauerint. Illustria habemus huius rei exēpla in sacris litteris. Nam Balac Rex Moabitarum imminenti sibi, regnoque suo Israëlitarum exercitum animaduertens, fierique posse putans, vt si Balaam ariolus populum diris imprecationibus deuoueret, cladem quam timebat auerteret, missis ad eum legatis & muneribus; eius sibi voluntatem conciliare studuit, dicens: *Noni quod benedictus sit cui* Num. 22.
benedixeris, & maledictus in quem maledicta congesse- 6.
ris. Quos cum Balaam diuina voce deterritus, dimisisset irritos, & Israël maledicendi munus detrectasset, non dubitauit tamen Balaac constantiam illius rursus tentare, honestiore legatione, & maiorum pollicitatione donorum; nam, vt ait scriptura; *Multo plures, & nobiliores quam an-* Ibid. n. 15.

tea miserat, misit: qui cum venissent ad Balaam dixerunt, sic dicit Balac filius Sephor. Ne cuncteris venire ad me, paratus sum honorare te, & quidquid volueris dabo tibi, veni & maledic populo huic. Cumque sæpius Moabitarum Principi obsequi voluisset Balaam, nec tamen aliud eloqui potuisset, quam quæ à Domino agitante suggerebantur, Iratus Balac contra Balaam, complexis manibus ait. Ad maledicendum inimicis meis vocavi te, quibus è contrario tercio benedixisti, revertere ad locum tuum. Deceueram quidem magnifice honorare te, sed Dominus prinauit te honore disposito; Infelicibus nimium, & planè miserandis honoribus, ad quos abiurata veritatis contumelia cum certissimo salutis æternæ periculo aditum patefecisset. Quorum splendore vtinam nostris temporibus nulli dementarentur, dum perituræ dignitatis fulgore lactati, nec infamiam metuunt, quam apud sapientes incurrunt, nec æternos cruciatus, quibus se obnoxios reddunt, reformidant. Similis Achabij impij Regis amentia, cuius inanem spem cum quadringenti idolorum sacerdotes vanis promissis inflarent, præsertim Sedecias, qui factis sibi cornibus ferreis dicebat, *Hac dicit Dominus. His venilabis Syriam, donec comeras eam*, quem omnis pseudo prophetarum caterua mendax mendacem secuta est; nam omnes prophete similiter prophetauerant, atque dicebant: *Accende in Ramoth Galaad, & prosperaberis, & tradet eos Dominus in manus Regis*. Vnus tantum Micheas inuentus est, qui Regi Israëlitarum, ingrata quidem, sed si crederet salutaria, etiam cum vitæ periculo dicere non dubitauit: nam Iosaphat Rege Iuda postulante, atque dicente ad Achab, *Nunquid non est hic propheta*

Nnm, 24.
19.

2. Paral.
18. 10.

Ibid. n. 8.

phetes Domini ut ab illo etiam requiramus? Ait Rex Israel ad Iosaphat, est vir unus, a quo possumus querere Domini voluntatem, sed ego odi eum, quia non prophetat mihi bonum, sed malum omni tempore. Est autem Micheas filius Iemla. Hunc autem cum ad Regem Eunuchus adduceret, intempestiua fortassis prophetæ commiseratione motus, aut Regi suo gratificandi studio, ut à cæteris prophetis non dissentirèt hortabatur, dicebat enim: *En verba omnium prophetarum uno ore bona Regi annuntiant, queso ergo te ut & sermo tuus ab eis non dissentiat, loquarisq; prospera.* Sed Micheas qui frontem fingere, & ad alienam voluntatem sermonem componere nesciebat, ita respondit. *Viuat Dominus, quia quodcumque dixerit mihi Deus meus, hoc loquar.* Quæ dicendi libertas carceris squalore, famæque tentata, vinci tamen potuit nunquam, sed clarior multo ex ærumnis illis emicuit, nā clades exercitus, & Regis ipsius Achabi iaculo confixi cædes, quæ illius reditus, ut propheta prædixerat, interceptus est; ingentem illi conciliauit auctoritatem: contra verò pseudo prophetarum illorum grex vniuersus, ut potè mendax, quique Principem suum cum vniuersa republica falsis pollicitationibus perdiderat, omnibus despectui esse cœpit, & odio. Ita enim fermè fit, ut initio cum veritati resistitur, multis illam obruere conantibus, quibusdam obscuretur quasi nebulis mendaciorum; quæ tamen paulo post eiusdem radiis afflatæ ita difficiuntur, ut inde fulgorè illa suum multo lætorem exerat & hilariorem. Porro de iis qui ad veritatis splendorem hunc oculos claudunt, nec illum admittunt, ita Dominus loquitur per prophetam: *Nunc ergo ingressus scribe ei su-*

Ibid. n. 11.

Isa. 50. 8.

276 *Institutio politica ex sacris Scripturis.*

per hunc & in libro diligenter exara illud, & erit in die nouissimo in testimonium usque in eternum, populus enim ad iracundiam prouocans est, & filij mendaces, filij nolentes audire legem Dei, qui dicunt videntibus nolite videre, & aspicere vobis nolite aspicere, ea quæ recta sunt, loquimur vobis placentia, videte nobis errores. Magna profecto malitia, cognita veritati pugnaciter velle resistere, & intelligentia, quæ cum aliquid euidenti cognitione assecuta est, voluntati parere non potest, ita vim afferre velle, ut quæ videri non videatur, & quæ in oculos incurrunt, ita transmittat, ac si omnino non apparent; nec suo tantum errore contentum esse, sed aliis etiam velle fucum facere, & cum feceris, aut ut faceres fueris annisus, ita te iactare, quasi pietatis susceperis patrocinium, quæ meo quidem animo extreme impietatis vltima linea censenda est. Quare Dominus grauissimas tanto scel-

Ibid. n. 13.

leri minas intentas. Propterea, inquit, erit vobis iniquitas hæc sicut interruptio cadens, & requisita in muro excelsso, quoniam subito dum non speratur, veniet portio eius, & comminuetur sicut conteritur tegula figuli contritione preualida, & non inuenitur de fragmentis eius testa, in qua portetur igniculus de incendio, aut hauriatur parum aqua de fouea. Vel ut vertunt 70. quorum verba afferro, ut cum Vulgatæ contextu coniuncta clarius tota sententia percipiantur: Propterea erit vobis peccatum hoc sicut murus decedens subito ciuitatis munita capta, cuius repente adest ruina, & ruina eius erit sicut contritio vasis testacei ex figuli officina comminuta, ita ut non inueniatur in eis testa in qua ignem tollas, & in qua extrahas aquam pressillam. Nam quemadmodum si murus ciuitatis alicuius subita ruina procumbens adeo conteratur

tur

tur, vt nulla in frustra diremptorum lapidum pars tantæ magnitudinis inueniatur, vt vel vna de incendio pruna possit in illa circumferri, nulla proculdubio spes superesse possit ex illa materia mania restaurandi: ita Deus, quia percussione præualida se illos percussurum minatur, qui non vera sed placentia sibi à prophetis nuntiari volunt, omnem post inflictam plagam spem salutis excludit. Quod etiam lagenæ figuli similitudo ponit ob oculos, vasa enim quæ ex luto ducuntur, possunt quidem cum adhuc recentia sunt in varias partes flecti, vt libuerit fingenti, & si casu aliquo in terram deferantur, & frangantur, rursus aqua macerata formari: at postquam flammis in fornace durata sunt, si in plures partes comminuantur, priorem quam habuerat formam, aut aliam amplius accipere non possunt: Ita quos Dominus *virga ferrea furoris sui* percutiendos, Psal. 2.9. censuerit, *tamquam vas figuli confringet eos*, vt dicitur in psalmis, nec ullus erit qui vas hac ratione percussum cum in varias dissiluerit partes, instaurare possit.

3 Sed iam de ipsorum Concionatorum officio dicamus, quibus in primis commendanda est animi constantia, & fortitudo, vt scilicet potentium purpuram & sceptrâ nō formidare condiscat, quæque pro veritate Principibus dicenda censuerint, ea qua par est libertate proloquantur. *Ne timeas*, inquit Dominus ad Ieremiam, *facie eorum*, quia tecum ego sum, vt eruam te dicit Dominus. *Ecce dedi verba mea in ore tuo*, ecce constitui te hodie super gentes, & super regna, vt euellas & destruas, & disperdas, & dissipes, & edifies, & plantes. Et post aliqua. *Tu ergo accinge lumbos tuos*, &

*Quanta cū
libertate
concionator
aut conses-
sarius cum
Principe
agere de-
beat*
Ierem. 1. 8.

Ibid. 2. 27.

surge, & loquere ad eos omnia, qua ego precipio tibi. Ne formides à facie eorum, nec enim timere te faciam vultum eorum. Ego quippe dedi te hodie in civitatem munitam, & in columnam ferream & in murum æreum, super omnem terram, Regibus Iuda, Principibus eius; & sacerdotibus, & populo terra, & bellabunt aduersum te, & non praualebunt, quia ego tecum sum, ait Dominus, vt liberem te. Quibus sanè verbis propheta contra exilia, carceres, verbera, mortem denique ipsam subornatus, tyrannorum minas securus audiuit. Nec verò cum constantiam Concionatoribus commendo, id ago, vt Reges ac Principes reuerentiæ honore fraudari velim, quos Apostoli præcepto, naturæque lege honorificandos scio; sed illud tantum contendo, pompam illam stipatorum, & satellitum, purpuræ vestiûmque pretiosarum, reliquumque supremæ potentia apparatus, quæ imbecillas quorundam mentes timore percellere solent, adeò Concionatoris aut Confessarij mentem obstupescere non debere, vt sui muneris partes nō agnoscat, aut exequatur. Si enim rebus externa ista species, quæ multorum perstringit oculos, quasi persona quædam dematur, illisque sua facies reddatur, se adeo Principē inferiorem non esse intelliget, vt si quā Concionator est, & præco veritatis spectetur, sit ipsomet Rege longè superior. Quod enim à Domino dictum est Ieremiæ, *Constitui te super gentes, & super regna*, non ad Ieremiam dumtaxat pertinet, sed ad omnes qui vsquam sunt Concionatores, qui idem in Ecclesia Dei cum Ieremia munus exercent, qui propterea diuo Gregorio teste illud Moysis dictum ad Pharaonem vsurpare possunt, *Vsquequo non vis subijci mi-*

hi?

D. Greg.
lib. 7. moral. c. 22.
Exod. 10.
3.

hi? Nam vt idem Gregorius ait. *In electorum oraculis quidquid temporaliter eminet, alium non est, nam veluti in magni vertice montis siti, presentis, vlla plana despicuntur: Vnde & nullis contra veritatem potestatibus parcent, sed quos attolli per elationem conspiciunt, per spiritus auctoritatem premunt.* Ita Gregorius. Si ergo status sui conditionem Concionator agnoscat, confirmabit animum, timorẽque minuet, in maioris præsertim Principis metu sibi proposito, & Dei nimirum ipsius, cuius imperio concionatoribus magna necessitas imposita est enuntian-
dæ veritatis. Quis enim potius timendam putauerit faciem potentium præsentissimum etiam periculum denuntiantem, quàm Deum? cuius illa sunt verba apud Ezechielem. *Si dicente me ad impium, morte morieris, non annuntiaueris ei, neque locutus fueris vt auertatur à via sua impia, ipse impius in iniquitate sua morietur, sanguinem autem eius de manu tua requiram.* Si autem tu annuntiaueris impio, & ille non fuerit conuersus ab impietate sua, & à via sua impia, ipse quidem in iniquitate sua morietur, tu autem animam tuam liberaſti. An vllus aded demens inueniri potest, vt aliena crimina multa, & graua, qualia potestate Regia abutentiũ esse solent, tanquam sua vellet arcessere, & alienum peccatum, quod cupiebat Saül, dissimulando portate sustineat, cum nullus inueniri possit, qui tam diligẽter conscientiaẽ sordes eluerit, tam castè vixerit, & sanctè, vt nulla in extremo illo iudicio, cui sistẽdi sumus omnes, formidãdi materia supersit: Quanto facilius est, & melius contra inanes istos timores obfirmare frõtem, & Nathan Domini prophetam imitari, qui Dauidi dicere non dubitauit: *Tu es ille vir qui fecisti hanc rem: & quando Domini*

Ezech. 3.
18.

2. Reg. 15.
25.

2. Reg. 12.
7.

Exod. 32.
Vide D.
Greg. 3.
Pastor. c.
28.

gladio, hoc est verbo Dei semur accincti sunt, Leuitarum illorum more, qui per Israël's castra, de porta ad portā idololatrias obtruncando Moyse præcipiente discurrerunt, ita æqualiter in omnes, pauperes, & diuites, nobiles, & obscuros aciem veritatis exercere, ut nemini parcat, quā animo timore contracto, grauissimis pœnis obnoxios fieri. Ex his autem satis intelligitur quanto in periculo versentur Cōcionatores aliqui, aut Confessarij, qui potentibus, & principibus viris securitatem quandam, & impunitatē pollicentur, cum tamē mortiferis criminibus obstringantur: contra verò tenuioris fortunæ homūculos, à quibus nihil sperant, aut timent, quos benignè tractari christiana charitas suadet, seuerō vultu, & verbis asperioribus accipiunt, istos æternæ mortis denuntiatione terrent intempestiuē, illis cum

Genes. 3. 1. serpente dicunt. *Nequaquam moriemini.* Hoc enim est diuersis ponderibus eadem peccata appendere, contra quam faciendū præcipitur in scriptura, cum dicit, *Non habebis in sacculo diuersa pondera, maius, & minus, nec erit in domo tua modius maior, & minor. Ponderis habebis iustum & verum, & modius aqualis, & verus erit tibi, ut multo viuas tempore super terram, abominatur enim Dominus Deus tuus eum, qui facit hæc.* Cum enim qui peccatis mortiferis tenentur, graues cum Deo, qui omne genus iniquitatis detestatur, gerāt inimicitias, pacē tamen iam conciliatam esse pronuntiant, eosque securos reddūt, quos maximē trepidos esse conueniret, & de expiando crimine, numinēq; propitiando, sollicitos.

Ezech. 13. 7. *Nunquid non visionem cassam vidistis, ait Dominus apud Ezechielem, & diuinationem mendacem locuti estis? & dicitis, Ait Dominus, cum ego non sim locutus.*

Propterea hac dicit Dominus Deus: Quia locuti estis vana, & vidistis mendacium, ideo ecce ego ad vos dicit Dominus Deus: Et erit manus mea super prophetas, qui vident vana, & diuinant mandacium, in consilio populi mei non erunt, & in scriptura domus Israel non scribentur, nec in terra Israel ingredientur; & scietis quia ego Dominus, Deus. Eo quod deceperint populum meum dicentes: Pax, & non est pax, & ipse edificabat parietem, illi autem linebant eum luto absque paleis. Dic ad eos qui lineunt absque temperatura, quod casurus sit, erit enim imber inundans, & dabo lapides praegrandes de super irruentes, & ventum procella dissipante. Si quidem ecce cecidit paries, nunquid non dicetur vobis: Vbi est litura quam lineistis? Hæc propheta. Israëlitarum enim populus inclinati muri, & multas rimas agentis instar habebat, multis enim grauiusque sceleribus vetus illa sanctitas, & pura vnius Dei Religio labem fecerat, cumque tam malè habitus paries omni ex parte ruinam minaretur, Dei præsertim vindicta illum subruente, & euertente, hoc etiam malum omnium maximum addebatur, quod quo statu res essent, populus ipse non intelligebat, & prophetae qui periculum reterege debuissent, confirmabant potius populi securitatem, falsis, infirmisque rationibus, quas Dominus lutum appellat absque paleis. Quod ut intelligatur, sciendum est, consuetudinem esse in quibusdam regionibus, ut paleæ comminutæ, & contritæ luto perinisceantur, ut quod tenue est ac solutum, spissius fiat, & coactius; quam consuetudinem usurpatam fuisse in Ægypto à coctilium laterculorum formatoribus filiis Israël discimus ex libro Exodi. In hos igitur inuehitur Dominus, qui ne

Exod. 5.

scentibus afferrent, eos à periculorum suspitione
 auertebant, quibus tamen paulo post repentinus
 superuenturus erat interitus ad eum planè mo-
 dum, quo male materiatus paries, ventis, aut im-
 bribus, aut incumbentis machinæ impetu ruinam
 trahit, etiamsi bene læuigato tectorio, reï exter-
 na superficie tantum æstimantibus, procul à pe-
 riculo positus crederetur. Nullius ergo tanta po-
 tentia esse debet, vt à recto tramite gratificandi
 studio, aut offendendi metu Concionatorem ab-
 ducat. Sed nec vllius quantumuis docti viri tam
 grauis auctoritas, vt bene perspectam ac penitus
 cognitam veritatem, prodere persuadeat. Fieri
 enim potest aliquando vt non tam Confessarium
 commoueat turba satellitum circa se fremētium,
 quàm auctoritas conturbet docti alicuius viri,
 scientia sua abutentis, & in communionem scele-
 ris alios attrahere satagentis. Sic propheta sim-
 plicitati alius illudit propheta, persuasitque vt in-
 interrupto itinere quod diuino iussu susceperat, &
 priusquam cibum caperet, conficere debuerat, ad
 se diuerteret & pranderet. *Et ego, inquit, propheta*
sum similis tui, & angelus locutus est mihi in sermone
Domini, dicens, reduc eum tecum in domum tuam, vt
comedat panem, & bibat aquam, fefellitque eum, &
reduxit secum, & comedit. Qui tamen culpæ affinis
 fuit, cum statim omni spiritui credendum non sit,
 quod præsertim tunc habet locum, cum quis di-
 uina reuelatione aliquid est edoctus, cui contra-
 rium aliquid temerè credere, aut moliri absque
 peccati labe esse non potest; vt suo malo prophe-
 ta hic de quo loquimur expertus est. Nam abeun-
 ti leo occurrit, à quo interfectus est, nec cadauer
 illius in patrum suorum sepulchrum illatum est

3. Reg. 13.
 18.

vt seductor propheta prædixerat. Quia, inquit, *Ibid. n. 21.*
non obediens fuisti ori Domini, & non custodisti man-
datum quod precepit tibi Dominus Deus tuus, & re-
uersus es, & comedisti panem, & bibisti aquam in loco in
quo precepit tibi ne comederes panem, neque biberes
aquam, non inferetur cadauer tuum in sepulchrum Pa-
trum tuorum. Cùmque comedisset, & bibisset strauit asi-
num suum propheta quem reduxerat, quia cum abiisset
inuenit eum leo in via, & occidit, & erat cadauer eius
proiectum in itinere, asinus autem stabat iuxta illum, &
leo stabat iuxta cadauer. Est autem in hac historia
egregiè expressum exemplar eorum, quæ à Prin-
cipibus viris cum Confessariis, aut Theologis ge-
runtur. Quemadmodum enim hospitem suum
propheta, qui habitabat in Bethel, omnibus arti-
bus in fraudem inducere conatus est, & postea
cum eum fefellisset, peccatum quod ille suscepe-
rat exprobrauit, & mala etiam pronuntiauit, quæ
illum essent exceptura: ita Principes cum à Do-
ctoribus extorserunt, vt pro mendacio stent con-
tra veritatem, quam perturbatione aliqua oppu-
gnatum iuerant, postquam tumor ille tandem
resedit, contemptui habent, nec eos vt causæ suæ
propugnatores fouent, sed vt veritatis deserro-
res auersantur, vilesque animas esse deputant, pro
tantula pecunia salutem æternam licitantes: con-
tra verò eos quos erectos viderint, & excelsos,
quibus veritatis tutelam nulla vis potuit excu-
tere, quique intrepidi, & inconcussi etiam telis
nocentissimis, exilij, carceris, plagarum petiti, se
commoueri passi non sunt, virtutis miraculo ad-
miracioni esse incipiunt, illisque tandem Princi-
pes æquiores facti, maiori quàm vnquam fuerint,
sunt in pretio, eosque prolixioris beneuolentiæ
signifi

284 *Institutio politica ex sacris Scripturis.*

significationibus complectuntur. Quoniam verò non semel hoc capite Concionatoribus animi constantiam, dicendique libertatem commendavi, eos monitos volo (quod etiam supra me dixisse memini, cum de Principis magistro sermo esset) fortitudinem hanc ita temperandam esse, ut cum increpatione, si quando adhibenda sit, lenitatem admisceat; eosque, ut S. Paulus docet, *instruat in spiritu lenitatis, increpétque in omni patientia,*

Galat. 6. 1.

2. Tim. 4.

1.

vel ut in Græco est *μακροθυμία longanimitate*: ut enim D. Augustinus ait in locum illū ad Galatas scribens, *quidquid lacerato animo dixeris, punientis est impetus, non charitas corrigentis.* Quare sermoni suo ita debent moderari Confessarii, & Concionatores, ut in vitia inuchi eos voluisse omnes intelligant, nullo verò modo peccantis personam acerbiori reprehensione perstringere: quod mihi mirum quātum sapienter præstitisse videtur propheta à Domino missus ad Ieroboam filij Nabath

3. Reg. 13.

1.

castigandam impietatem. Nam *Ieroboam stante super altare, & ihus iacente, exclamavit contra altare in sermone Domini, & ait. Altare, Altare, hæc dicit Dominus. Ecce filius nasceretur domui David Iosias nomine, & immolabit super te Sacerdotes excelsorum, qui nunc in te thura succendunt; & ossa hominum super te incendet. Deditque in illa die signum, dicens: Hoc erit signum quod locutus est Dominus. Ecce altare scindetur, & effundetur cinis qui in eo est.* Cur enim propheta ad altare potius sermonē conuertit quàm ad Regem, qui utpote peccati auctor appellandus potius videretur? Ob eam nimirum causam, ut ipse Rex omnesque intelligerent increpatione illa peccatum potius ipsum peti, quàm sceleris auctorem Ieroboamū; quem alioqui nec odisset Dominus,

hec

nec propheta reprehenderet, nisi nefario idololatriæ piaculo, se populûmque suum contaminasset. Sed quia, ut dixi, de hac dexteritate agendi, nonnulla diximus alibi, quæ huc commodè transferri possunt, in præsentia ista sufficiant.

4 Porro antequam caput istud claudamus, aliud præceptum tanquam laciniam attexamus oppido quam necessarium, ut nimirum fines sui muneris; quod est spiritualia tractare, Concionator nulla ratione transiliat, nec operam suam polliceatur, aut impendat iis, quæ à sacrarum tractatione litterarum auocare possunt. Nam si sui immemor se negotiis sæcularibus tradere sustinuerit, nec ab illis se vindicare poterit cum voluerit, ut sibi vacet, & studiis; nec invidiam effugiet obrectationesque multorum, qui cum Sacerdotes aulam terrentes aspiciunt, stomachantur, remque indignam putant, si qui negotiis sæcularibus vale dixerunt, iterum in aula se illis implicare non dubitent, contra Apostoli præscriptum, dicentis, *Nemo militans Deo implicat se negotiis sæcularibus.* Quemadmodum enim qui viuunt in Castris seuera militiæ disciplina continentur, nec suis aut familiæ commodis seruire possunt, in id tantum intenti, ut strenuè depugnando victoriam contra Principis hostes consequantur; ita qui Deo mancipatus sub illius vexillis militauerit, non matrimonia in aula conciliantibus, non persequentibus, aut periclitantibus in iudiciis, non ad ampliores dignitates promoueri cupientibus adesse debet, falsa quadam deceptus specie charitatis, sed in continenti illa fluctuum aulicorum volutatione se sibi asserere, & quasi à terra cum Christo Domino

Concionatore suum tantum muneris operam dare debere, nec se aula negotiis immiscere.

2. Tim. 2.

4.

Luc. 5. 3.

pulsillum reducere, ne circumstantium negotiorum turba

turba adeo prematur, quin orationi, aut sacrarum litterarum studiis operam dare queat; sique aliquis ex aulicis, spiritualibus auxiliis iuuare velit, ex proximo à concionatore petere possit, illud tantum spectans. vt peccatorum pestes quantum potuerit profliget, & verbi gladio iugulet monstra vitiorum, sic enim fiet vt plurimis sit utilis, nullis molestus, omnibus verò iucundus, & gratus, amplioremque sibi in dies campum diuinæ gloriæ promouendæ, cui tantum seruire debet, patefaciat. Qui verò iniquius ferunt religiosos viros à Principibus adhiberi, ac propterea eos ab aulis omnino submotos vellent, parum æqui rerum æstimatores censendi sunt; cum Christianæ philosophiæ professores Principum animos ad virtutem erudiendo, & concionibus, spiritualibusque monitis iuuando, rem faciant honestatis, Reipublicæ, humanitatisque studioso homini conuenientem, non vt quidam falsò opinantur, ambitioso. Ac quemadmodum Sacerdotes, qui inter Deum, & homines, quasi interpretes quidam sunt, *pro hominibus constitui in iis, quæ sunt ad Deum*, propterea honore colendos existimamus, quòd bona à Deo non sibi tantum suisque amicis, aut familiaribus, sed in commune ciuibz omnibus vniuersæque Reipubl. precantur, cum tamen Deum suapte natura ad benefaciendum propensum, & beneficum, & largitorem non faciant, sed tantum precibus, & sacrificiorum oblatione, placare, & ad benefaciendum inclinate studeant, quidni Sacerdotes, Confessarios, & Concionatores existimemus esse Reipubl. utiles, honoréque dignos, cum Principes, qui Deorum quorundam iuitar habent in teriis, non vt libera-

Hebr. 5. 1.

liter

liter agant, aut iustè indicent cum se obtulerit occasio has virtutes exercendi, precibus obtinēt; sed vt habitu virtutis contracto moderati sint, liberales, iusti, monendo, instituendo, à vitiis reuocando, efficiunt? Nam ad hunc modum Elias, Elisæus, & vt alios præteream, Ioann. Baptista, Regum aulas frequenter adiuerunt, nec sibi religioni duxerunt solitariæ, & ab hominum frequentia reductæ vitæ quietem quam adamarant, cum actuosæ laboribus coniungere, sed è suis spelæis, in quibus sibi & Deo vacabant, cum res postulabat, ad Regum palatia ciliciis paludati, & paupere pellium amictu intecti veniebant, nec à suis consiliis vitæque ratione alienum existimabant, si aberrantes reuocarent ad virtutis semitam, morum corruptelas tollerent, contumacium etiam superbiam diuini spiritus efficacitate comprimerent. Itaque qui eodem spiritu ducti, aut è monasteriis à Principibus euocati, aut à moderatoribus suis emissi Christianos mores inter aulicos ferere conantur, rem sanè honestam faciunt, & veterum illorum prophetarum gesta, quos sanctitatis miraculo omnis antiquitas admirata est, cum laude æmulantur.

*Principes Virtutis, ac præsertim
Religionis cultores diutius
ferè viuere.*

C A P V T V I I I.

1 **N**otius est quàm vt probandum sit, Principes strenuòs virtutis cultores, religio- *Sanctos Vi-
ros vt Da-*
sequē

uid & Iob
ex impiorū
prosperita-
te quasi
scandalum
passos esse;
eosdem ta-
mē eorum-
dem infor-
tunia de-
scripsisse, ac
præsertim
immaturā
mortem, ex
quo diuina
asseritur
providētia.
Psal. 33.

11.

Deut. 17.

20.

Iob 22. 14.

Iob 22. 17.

Ibid. n. 18.

Sap. 4. 19.

seque inquirentes Dominum, non minui omni bono, potentiam, victorias, gloriam, pacem denique conciliante pietate. Nulla tamen re magis delectantur homines quàm diuturnioris vitæ expectatione; hanc enim si Dominus pacatam à iactationibus, quæ Respubl. nonnunquam perturbant, Principibus concesserit; putant se bonorum omnium quæ in hac vita haberi possant, cumulum complexionemque consecutos. Itaque Dominus in Deuter. cum futurū olim in suo populo regis institutionem traderet, ea præsertim commendans, quæ ad religionis ceremoniarumquæ præscriptarum obseruationem pertinent, tandem addit: *Neque declinet in partem dexteram vel sinistram, ut longo tempore regnet ipse & filius eius super terram.* Dominus enim qui sua providentia rebus humanis interest, nec, ut impij fabulantur, *Nubes latibulum* quoddam in eis sibi constituit, *nostra non considerans, & circa cardines cæli otiosus perambulans*, quos videt eorum vestigiis insistere, qui dicebant Deo: *Recede à nobis, & quasi nihil posset facere omnipotens, æstimabant eum, coërcet eos pari pœna*; nam ut illi sublati sunt ante tempus suum, & fluvius subvertit fundamentum eorum, cataclysmi aquis vitam ante tempus ab ipsis fundamentis subruente, & euertente, ita hos *disrumpit inflatos sine voce, & commouet eos à fundamentis, adeo ut usque ad supremum desolentur.* Hoc enim ad diuinæ providentiæ rationem pertinet, ut eos principes, qui nullos habent in terris à quibus coërceantur, nec se tamen à praua malè agendi consuetudine abduci pariuntur, more sapientis medici, qui membrum abscindit priusquam totū corpus lues importuna peruasit, quasi funestam Reipubl. pestem,

pestem, dum se morbo gliscente latius diffundere parat, præcidat in tempore. Id autem præstare Dominum discimus ex libro Ecclesiastici, in quo hæc legimus: *Omnis potentatus brevis vita, languor polior grauius medicum; breuem languorem præcidit medicus, sic & Rex hodie est, & cras morietur.* Eccles. 10. 11.

Quorum verborum ea sententia est quam dixi. Principibus nimirum, qui impotenti dominatione populos premunt, suntque in homines parum iusti, in Deum verò parum religiosi, multo citiorem vitæ terminum à Deo constitui, quàm iis, qui in populos subiectos æqui sunt, & diuini numinis reuerentes; imitarique Deum medicos, qui breuem languorem præcidunt, hoc est recenti, & nondum confirmatæ medentur ægritudini, ne si ægrotus in prolixiorem incidat languorem, fiat morbus omni arte validior; atque propterea inde fieri, vt Rex aliquis hodie sit inter viuos, sed repente è vita eripiat, cum tamen annos, non scelera computanti morti immaturus videri possit. Sed nimirum Dominus, qui rebus publicis consultum vult, *Non relinquit virgam peccatorum* Psal. 124. *super sortem iustorum, vt non extendant iusti ad iniquitatem manus suas;* 3. quia licet ad virgam sceptrumque tractandum veniant in altum sublatis, suo tamen malo ad istos dignitatū gradus attolluntur, nam casu grauiore ruunt: Dominus enim *deiciit* Psal. 72. *eos dum alleuantur.* Id autem eo consilio à Domino fieri docet Dauid, ne forte qui virtutis cultores fuerant, ab ea deficiant, impiorum prosperis successibus commoti, qui cum ista vident, sollicitantur *ad extendendas ad iniquitatem manus suas.* Nam non vulgus tantum imperitum immeriti prauorum hominum honores, resque prosperè fluentes

perturbant, sed etiam candidatos interioris sapientiae, quales erant sanctus David, & Iob, qui pluribus verbis scelestorum foelicitatem describentes, diuinam quodammodo prouidentiam requirere videbantur, quasi rem indignam faceret Deus, qui cum nullo negotio zizania haec inter triticum succrescentia posset euellere, ad ea tamen demerenda potentiae suae falcem non moliretur. *Quare ergo impij*

Iob 21. 7. *vinunt, inquit Iob, subleuati sunt, confortatique diuitiis, semen eorum permanet coram eis, propinquorum turba, & nepotum in conspectu eorum: Domus eorum secure sunt, & pacata, & non est virga Dei super illos. Bos eorum concepit, & non abortiuit, vacca peperit, & non est priuata fetu suo. Egrediuntur quasi greges paruuli eorum, & infantes eorum exultant lufibus Tenent tympanum, & ciuhara, & gaudent ad sonitum organi. Ducunt in bonis dies suos, & in puncto ad inferna descendunt. Nec his dissimiles querelas, similis Davidis dolor euocauit, Zelau, inquit, super iniquos pacem peccatorum videns, quia non est respectus mortis eorum (quia scilicet mortem, non respuendam nanciscuntur, est enim in Graeco ἀνάμνησις renutus, despectus, repulsa) & firmamentum in plaga eorum: si enim aliquando morbis, aut aliis huius vitae malis tentantur, illico conualescunt, nec admodum diuturna est illa vexatio. In labore hominum non sunt, & cum hominibus non flagellantur, ex enim molestiae quibuscum ceteri homines conflitantur, illos non attingunt, Ideo tenuit eos superbia, operis sunt iniquitate, & impietate sua, prodiit quasi ex adipe iniquitas eorum, magna scilicet abundantia se effundens: transierunt in affectum cordis, cum essent ea quae in hac vita suis affectibus optauerant, consecuti: Cogitauerunt, & locuti sunt nequitiam, iniquitatem in excelsis locuti sunt, posuerunt in*

Psal 71. 3. *in excelsis*

caelo os suum, ausi cœlestia, & diuina scelerata lingua incessere, & lingua eorum transiuit in terra, minus enim hominibus parcebant, qui Deum ipsum blasphemis verbis impetere non dubitabant. Ideo conuertetur populus meus hic, ad hæc scilicet consideranda, & quomodo se habeant perpendenda, & dies pleni, calicis scilicet, vt Hebræi interpretantur, inuenientur in eis, plenæ nimirum afflictionis. Et dixerunt, quomodo scit Deus, & si est scientia in Excelsis? Habet ne rerum humanarum procurationem Deus? Agnoscit ne ista, & si agnoscit vt sanè agnoscit, cur impunè abire permittit? Ecce ipsi peccatores, & abundantes in secula obtinuerunt diuitias, & dixi: Ergo sine causa iustificauit cor meum, & laui inter innocentes manus meas, & fui flagellatus tota die, & castigatio mea in matutinis. Frustra igitur cultor pietatis fui, & innocentia, ab omni scelerum contagione abstinens, cum mihi modo malè sit, & nulla vitæ pars ab infortuniis vacet; quæ domum meam quodammodo videntur obsidere, & cum primum euigilo, in me impetum faciunt. Hæc sancti viri Iob, & Dauid, quorum pene mori Ibid. n. 2. pedes, & gressus effusi sunt, quasi dubitare cæperint, an Deus rebus humanis sua prouidentia prospiceret. Sed tandem re meliùs interiùsque perspecta, abstulit Deus hunc turbatarum mentium tumultum, nam si sanctus Dauid cum illa omnia quæ recitauimus pronuntiaisset, subdit; Si dice- Ibid. n. 15. bam, narrabo sic, ecce nationem filiorum thorum reprobaui. hoc est. Si ita de tota ista re statuo, prouidentiamque diuinã tollo, iam omnes filios Dei, qui illam agnoscunt, & fatentur damno, quod tamen vt faciam animus refugit. Existimabam, & mecum ipse diligenter reputabam, vt cognoscerem

hoc, sed quia difficilis admodum, & implicata quæstio est, *labor est ante me*, nec illam euoluere potero, *donec intrem in sancluarium Dei*, & ad illius secreta intelligenda admittar, & intelligam in nouissimis eorum, diligenter cōsiderando, quem finem tandem impij nanciscantur. nec enim ista certior vlla ratio iniri potest, qua diuinam prouidentiam humana ista moderari intelligamus. *Veruntamen propter dolos posuisti eis, deiecisti eos dum alleuaretur.* Quia enim pauperes, ac innocentes circumuenire, & dolos in eorum perniciem neclere studuerunt, tu, vt diuinæ tuæ prouidentię specimen dares, effecisti, vt doli impiorum in eorum capita reciderent, eosque dum honoribus, diuitiisque sublatis superbirent, accisis eorum viribus deiecisti, & ad terram afflixisti: quique felicitatis miraculo ab aliis suspiciebantur, nunc è conuerso instar ciuitatis bellicis machinis disturbatæ, & euerstæ, cuius nihil superest præter ruinas antiquæ testes magnitudinis, & potentiæ, eos bonis omnibus, quibus florebant euertisti: nam, *quomodo facti sunt in desolationem, subito defecerunt: perierunt propter iniquitatem suam, velut somnium surgentium Domine, in ciuitate tua imaginem ipsorum ad nihilum rediges.* Adeo enim cito fœlicitas eorum euanesceat, vt somnij cuiusdam instar habitura sit, quo nihil inanius esse potest, cum huius mundi figura non prætereat modo, sed præternolet, & illi fidentes deludantur, & transuersi agantur, tu verò Domine imaginum istarum quas sibi homines fingunt, inanitatem retegēs, & quantopere falsi fuerint, qui ludicra ista, & leuia sectabantur, ostendes. Nam *Tu Deus deduces eos in puteum interitus, virique sanguinum, & dolosi non dimidiabunt dies*

dies suos, neque permanebit spiritus tuus, vitæ scilicet, in homine huiusmodi, quia caro est, cum tantum carnalia sapiat, Deumque & spiritualia nihili pendat. Contra verò religiosos, & sanctos in hac vita replebis longitudine dierum, & in alia, ostendes salutare tuum quo plenam habeant, & cumulatam bonorum omnium complexione felicitatem. Sanctus etiam Iob post eorum bonorum enumerationem, quibus iniquos abundare dixerat, adeo illis non esse invidendum docet, ut etiam sit eorum conditio deprecanda. nam & cum multis ærumnis in hac vita conficiantur, & imminutura morte rapiuntur è viuis, & tandem ad æternos inferorum cruciatus destinantur. Veruntamen, inquit, quia non sunt in manibus eorum bona, sed vicissitudines etiam ipsi experiuntur, malis & ærumnis prosperitates, & res secundas excipientibus, consilium impiorum longè sit à me. quoties lucerna impiorum exstinguetur, & superueniet eis inundatio, ut iis similes sint, qui in mari deprehensi, cum diem nubes eripiunt & salum ventis impelleixibus commouetur, quid consilij capiant, timore perculsi penitus ignorant, illis enim Dominus dolores diuidet furoris sui, erunt sicut palea ante faciem venti, & sicut fanilla, quam turbo dispergit. Deus seruabit filiis illius dolorem patris, ut non in se ipsis tantum, sed in prole etiam quam susceperint, impij puniantur, & cum reddiderit, tunc sciet: cum enim grauissimas pœnas dederint, tunc tandem quam graues sint, & atroces intelligent, neque enim ij satis quid sint assequi possunt, qui experientia monstrante non didicerunt. Videbunt oculi eius interfectionem suam, & de furore omnipotentis bibent: nam ante tempus, cum adhuc sensus

Genes. 6. 3.

Psal. 90. 16.

Iob 21. 16.

vigent senectute nondum hebetati, & retuli, cum adhuc melior sanguis in venis turget, quasi bruta quædam animalia ad macellum trahentur, & ipsi suæ interfectionis spectatores erunt, quod iis non accidit, qui morte minus violenta in senectute bona moriuntur, sensibus, ac viribus paulatim deficientibus, & languentibus. *Quid enim ad eum pertinet de domo sua post se, & si numerus mensium eius dimidiatur?* Quamvis enim filiorum pœna ad parentes, qui cum illis magno amoris nexu coniuncti sunt, aliquo modo pertineat, tamen in se ipsis puniendi sunt, & de medio tollendi, violenta morte immissa, dum annis florent, & rebus; vt illis planè accidat quod in eodem

Iob 15.32. libro Iob legitur, *Antequam dies eius impleantur peribit, & manus eius arescent, ledetur quasi vinea in primo flore botrus eius, & quasi oliua proiciens florem suum,* à qua nimirum prius decidunt flores, quàm debitum capiant incrementum, & suam maturitatem assequantur. Hæc S. Iob, cui concinit Salomon, qui mortem malis ante tempus imminentem, eosque de medio tollentem peruidens, ab impietate, & à stultitia, quibus vocibus in scriptura omne genus peccati significatur, sed præsertim illud quo in religionem contra Deum peccatur, de quo propriè dicitur quod *Impij sint multum* qui illud admittunt, auertere satagens, *Ne impiè agas multum,* inquit, *& noli esse stultus, ne moriaris in tempore non tuo.* Quem locum aliqui ita interpretantur, vt mori tempore nō suo, idem sit ac tunc extingui, cum minus putaueras. Improbis enim quamvis longissimam vitam duxerint, in mortis tamen expectatione nunquam sunt, quam adhuc plurimum distare putant, atque ita mors

semper

Eccles. 7.
18.

semper illis præcox esse videtur, & immatura, certe inopinata, & ingrata, quippe quæ tempore non suo, id est non eo quod ipsi mente, & cogitatione præceperant, sed alio ut ipsis videtur importuno aduenerit. Ut cuidam ex hoc stultorum numero accidisse dicitur apud Lucam, cui cum Luc. 12. 20.
 vberes fructus ager attulisset, cogitabat intra se dicens: *Quid faciam quia non habeo quo congregem fructus meos? & dixit: Hoc faciam: Destruam horrea mea, & maiora faciam, & illuc congregabo omnia quæ parata sunt mihi, & bona mea, & dicam anima mee: Anima habes multa bona posita in annos plurimos, requiesce, comede, bibe, epulare. Dixit autem illi Deus. Stulte hac nocte animam tuam repetunt à te, quæ autem parasti cuius erunt? Quamquam autem hoc verissimum est, sensus tamen sapientis esse videtur, ut alij plures explicant, ut nimirum impij tempore non suo extinguere dicantur, quia plerique eorum moriuntur morte intempestiva, violenta, & anticipata, & ante naturalem vitæ terminum quem attingere potuissent. Id autem verissimum esse filiorum Heli Sacerdotis probat historia, qui cum eo deuenissent impudentiæ, & impietatis, ut ritum sacrificiorum, sanctissimasque religiones perturbarent, idque vi etiam sacrificia oblaturis intentata, ita ut esset peccatum i. Reg. 2. 17.
 puerorum grande nimis coram Domino, quia retraherant homines à sacrificio Domini, ut scriptura ipsa testatur; ita Samuelem alloquens comminatus est Dominus, Helique Sacerdoti sacrilegorum illorum parenti suis verbis renuntiari iussit, ibid. n. 31.
*Ecce dies venient. & præcidam brachium tuum & brachium domus patris tui, ut non sit senex in domo tua: & videbis amulum tuum in templo, in uniuersis prosperis**

296 *Institutio politica ex sacris Scripturis.*

Israël, & non erit senex in domo tua omnibus diebus. Et pars magna domus tue morietur, cum ad virilem aetatem venerit. Hoc autem erit tibi signum quod venturū est duobus filiis tuis Ophni, & Phinees: In die vno morientur ambo. quod accidit cum arca capta à Philistæis, vterque ab hostibus cæsus est, vt quæ euentura prædixerat Dominus, ipso adhuc superstitite patre adimplerentur, omnesque intelligerent verissimum esse quod ab Ezechiele dictum

Ezech. 22. est contra Ciuitatem idolis seruientem: In idolis
4. tuis qua fecisti polluta es, & appropinquare fecisti dies tuos, & adduxisti tempus annorum tuorum: quia enim religione conculcata, diuinique numinis legitimo cultu posthabito, ad idola conuersa es, ea- que pro diis habuisti, propterea tuo hoc scelere vitæ tempus tibi breuius, & contractius fecisti, ita impietatem tuam Domino vindicante. Hoc enim genus hominū iusto Dei iudicio non infre-

quenter sicut fœnum tectorum priusquam enellatur exarescit: contra verò iusti & pij homines, quibus
6. religio cordi est, tanquam lignum quod plantatum est secus decursus aquarum, esse solent, quod non modo amœnissima foliorum viriditate conuestitur, sed etiam fructum suum dat in tempore suo,

Iob 15. 32. nec sunt vt oliua illa quam dicebat Iob proicere florem suum, illum scilicet amittere, sed ad debitam maturitatem, hoc est ad bonam, & fructibus iustitiæ plenam senectutem perueniunt, de qua paucula quædam ex scripturis more nostro excerpta subiiciemus.

In scriptu- 2 Sacra ergo Scriptura de aliquorum virorum
ra de qui- sanctitatis laude insignium morte verba faciens,
bustis san- hoc de senectute quam attigerunt adiunctū non
ctis dici prætermisit, nam de Abraham dicitur in Genesi,
quod mul-

& deficiens mortuus est in senectute bona, prouectusq; tum vixerint, & eadē mortui sint in senectute bona, & pleni dierum, quod pietati, & in Deū religioni acceptum re-ferendum ostēditur.
 atatis, & plenus dierum. De Isaac etiam eius filio Genef. 25. 8.
 dicitur eod. libro, & completi sunt dies Isaac cen- Genef. 35. 29.
 tum octoginta annorum, consumptusque atate mortuus 1. Paralip. 23.
 est, & appositus est populo suo senex, & plenus die- Iob. 42. 16.
 rum. Dauid etiam senex dicitur in libris Paralipomenon, & de Iob ita scribitur in extrema il- Tob. 14. 1.
 lius historia: Vixit autem Iob post flagella hæc cen- Ibid. n. 14.
 tum quadraginta annis, & vidit filios suos, & filios Genef. 25. 8.
 filiorum suorum vsque ad quartam generationem, & Genef. 35. 29.
 mortuus est senex, & plenus dierum. De vtroque 1. Paralip. 23.
 etiam Tobia idem notatur in scriptura. De se- Iob. 42. 16.
 niore quidem cum dicitur, & postquam illumina- Tob. 14. 1.
 tus est Tobias, vixit annis quadraginta duobus, & vi- Ibid. n. 14.
 dit filios nepotum suorum. Completis itaque annis cen- Genef. 25. 8.
 tum duobus sepulchus est honorifice in Ninive. De iu- Genef. 35. 29.
 niore autem eodem capite ita legimus, Factum 1. Paralip. 23.
 est autem post obitum matris sue, Tobias abscessit à Ni- Iob. 42. 16.
 nine, cum uxore sua, & filiis, & filiorum filiis, & re- Tob. 14. 1.
 uersus est ad socios suos, inuenitque eos incolumes in se- Ibid. n. 14.
 nectate bona; & curam eorum gessit, & ipse clausit Genef. 25. 8.
 oculos eorum, & omnem hereditatem domus Reguelis Genef. 35. 29.
 ipse percepit, viditq; quintam generationem, filios filio- 1. Paralip. 23.
 rum suorum, & completis annis nonaginta nouem in Iob. 42. 16.
 timore Domini, cum gaudio sepelierunt eum. Agnos- Tob. 14. 1.
 cit ergo scriptura, & prædicat tanquam Dei be- Ibid. n. 14.
 neficium insigne vt reuera est, vitæ diuturnita- Genef. 25. 8.
 tem, cum præsertim vegeto corpore, & sensibus Genef. 35. 29.
 integris spatium illud totum decurritur, vt iis 1. Paralip. 23.
 accidit quos enumeravi, & peculiariter exprimi- Iob. 42. 16.
 tur de Moyse in libro Deuteronomij cum dici- Tob. 14. 1.
 tur, Moyses centum & viginti annorum erat, quando Ibid. n. 14.
 mortuus est, non caligauit oculus eius, nec dentes illius Genef. 25. 8.
 moti sunt. Septuaginta verterunt, neque corrupta Genef. 35. 29.

298 *Institutio politica ex sacris Scripturis.*

sunt libro eius, Chaldæus, neque mutatus est splendor gloria vultus eius. Vatablus, & Caietanus, Maxilla eius nihil defecerant, vel, Nec emarcuerat viror eius, vt scilicet Moyse grandæuo viridis & cruda senectus esset, corpus validum, vires integræ facies non exsucca, & arida, vt senibus esse solet, sed succulenta, & florida. Hoc autem in omnibus his quos recensui pietatis præmium fuisse quis dubitet? Genus quoddam sacrificij instituerat Abraham, vaccis, arietibus, auibusque iuxta Domini præceptum mactatis, & quia suas hasce victimas volucres inuolabant, in illis abigendis adeo fatigatus est, donec illum labore maceratum somnus complexus est, cùmque sol occumberet, inquit scriptura, sopor irruit super Abraham, & horror magnus, & tenebrosus inuasit eum, dictumque est ad eum, scito prænosces, &c. Et paulo post, Tu autem ibis ad patres tuos in pace sepultus in senectute bona. Tunc ergo potissimum Abrahamo vitæ longioris facta per somnium, aut vt vertunt Septuaginta, Ecstasim, promissio est, cum sacrificij laborem somnus excepisset, vt intelligeremus frequenter pietatem hoc ferre præmium, vt in hac etiam vita diuturna foelicitate perfruatur. Idem verò de cæteris iudicium esse debet. Quis enim Isaac pietatem in Deum ignorat, cuius ea fuit consuetudo, vt ad diuina animo pertractanda prodiret in agrum: de eo enim scribitur in Genesi, & egressus fuerat ad meditandum. Kaldæus, ad orandum in agro inclinata iam die. Cui eximia Dauidis in Deum religio, & pietas, vel ex Regum historia, vel ex libro psalmorum perspecta non est? qui verè prædicat de se ipso septies in die se Deo laudem dixisse, idque non interdiu tantum,

aut matutino tempore (nam etiam hoc tempus ad orandum valde idoneum oratione vacare non permittebat) sed etiam nocte concubia , cum reliqui homines diurno labore fracta mēbra componunt ad quietem , vigilabat ipse , *nam media nocte surgebat ad confitendum nomini Domini.* Quam Psal. 118. 62.
 decantata sancti Iob patientia , & in Deum religio , qui sacrificiis non semel repetitis filiorum peccata expiare satagebat , qui tam multarum , tam grauium ærumnarum tolerantia , quas Deo sciebat auctore ad explorandam mentis constantiam immissas , sui , vel ex ipso fimeto suauissimum holocausti odorem exhalabat ? Cui verò nota non sunt Tobix in proximos eleemosynæ , & in Deum pietas per orandi studium diligenter exulta , cui vni accepta referenda sunt , quotquot beneficia diuinitus accepit ? Nam si Angelus filium eius in peregrinatione longinqua , & periculosa incolumem , & absque errore duxit , & reduxit , si creditam Gabelo pecuniam recepit , si vxori diuiti , piæque adiunxit , si dæmonium ne sponsis noceret , compescuit , si longam ipse senex vitam traduxit , horum bonorum omnium tunc semina iaciebat , *Quando orabat cum lacrymis , & sepeliebat mortuos , & derelinquabat prandium suum , & mortuos abscondebat per diem in domo sua , & nocte sepeliebat eos.* Alterius verò Tobix mors , quia seni accidit , & bonorum omnium diuturna vsura perfuncto , quia doloribus illis , & cruciatibus caruit , quibus torquentur ij qui nondum ætate confecti moriuntur , quia plures vt bonorum suorum hæredes , ita etiam virtutum , ac pietatis imitatores reliquit , *nā omnis cognatio eius in bona vita , & in sancta conuersatione permansit , ita* Tob. 14. 17.

ut accepti essent tam Deo quàm hominibus, & cunctis habitantibus in terra, luctum filiorum non elicit, sed potius cum gaudio elatus est, ut scriptura docet, cum ait, *cum gaudio sepelierunt eum*, quia nimirum dierum plenum ita tempestiuè mortuum intelligebant, ut si diutius viueret, cominodatiua hæc, & desertura corporis bona deuexa senectus iam non augeret, sed corrumperet, ingressusque est, ut dicitur in libro Iob, *in abundantia sepulchrum*, sicut infertur *aceruus tritici in tempore suo*.

Ad proli- 3 Huius autem longæ fælicisque senectutis ut
xã vitã in diximus, auctor est Deus, qui ea remouet im-
sanctis ipsi- pedimenta, quibus vitæ cursus solet intercipi,
multũ con- morbos, angores animi, curarum mordaces so-
tulisse pacẽ licitudines, quibus pectus foditur, & lancina-
animi in- tur; animi verò & conscientiæ tranquillitatem
ternam, ex impertit, qua qui curis vacuus sub Domini la-
bona con- tens tutela perfruitur, dicere potest cum sancto
sciẽtia pro- ueniẽtem.
Psalm. 27. Daud, *Dominus adiutor meus*, in ipso sperauit cor
meum, & adiutus sum, & refluoruit caro mea. Vel ut
7. vertit D. Hieronymus & Kaldæus. *Et gauisum est*
cor meum, itaque refluoruit caro mea, quia ut docet
sapiens, *animus gaudens etatem floridam facit*, & læ-
titia mentis redundat in corpus, illudque vege-
tum, florens & viuax reddit; contra verò qui cu-
rarum & sollicitudinum fluctibus æstuant, corpus
attenuatum, & macilentum circumferunt, nam
Genes. 42. *spiritus tristis exsiccat ossa*, deducunturque cum mœ-
58. & 44. *lore ad inferos*, ut de iis loquitur scriptura, qui do-
29. & ali- lore confecti & curis tabescunt ante tẽpus. Hanc
bi, igitur tranquillitatem animi, quæ iustis familia-
ris est, ab impiis autem longissimè abest, bonam
illis conciliare senectutem crediderim. Nam cum
impij

impij sint quasi mare feruens, vt ait Isaïas, *Quod* Isa. 57. 20.
quiescere non potest, cuius fluctus redundant in concul-
cationem, & in lutum, nec sit illis pax, contra iusti-
tix sectatores in pace nutriuntur, vt Abrahamo
promissum est in Genesi, cum ei à Domino di-
ctum est, vt legunt 70. & sequuntur Patres Au-
gustinus & Ambrosius. Tu autem ibis ad patres tuos, Genes. 15.
in pace nutrius, sepultus in senectute bona. Quæ ver- 15.
 ba de pace potius, & tranquillitate animi, quam
 externa ab armis quiete accipienda sunt, nam &
 bella suscepit aliquando Abraham, vt legimus in
 Genesi, & patria caruit, & suæ fælicitatis aduer-
 sarios, & oppugnatores nactus est, quorum ta-
 men violentia statum mentis, animique constan-
 tiam commouere nulla ratione potuit, quo mi-
 nus sedatis perturbationibus, æqualitatem quam
 diuino munere, & virtutis exercitatione fuerat
 adeptus retineret. Magnam enim conciliat tran-
 quillitatem, Nihil conscire sibi, nullaque admis-
 sæ culpæ formidine pellescere, nam cum fugiat
 impius nemine persequente, conscientix stimulis pe-
 ctus fodientibus, contra iustus quasi leo confidens
 absque terrore erit. Cui sapientis effato consentit
 sanctus Iob, apud quem legimus. *Cunctis diebus* Iob 15. 20.
 suis impius superbit, vel vt ex Hebræo verti potest,
 Omnis impij vita in cura versatur, & numerus anno-
rum incertus est tyrannidis eius. quod 70. vertunt,
 Anni verò numerabiles potenti tributi sunt, mensura
 breuiore, & contractiore tempus vitæ illis ad-
 metiente Deo: subditur autē huius rei causa cum
 dicitur, Sonitus terroris semper in auribus illius, & cū
 pax sit, ille semper insidias suspicatur, non credit quod
 reuerti possit de tenebris ad lucem, circumspiciens un-
 dique gladium, cum se mouerit ad querendum panem,
 nouit

nouit quod paratus sit in manu eius tenebrarum dies, propinati veneni suspicionibus perturbatus, iererebit eum tribulatio, & angustia vallabit eum, sicut regem qui preparatur ad bellum. Harum autem sollicitudinum ac molestiarum causam statim subdit, *Tendit enim aduersus Deum manum suam, & contra omnipotentem roboratus est, cucurrit aduersus eum erecto collo & pingui ceruice armatus est.* Quam verò sit timida nequitia, &

Sap. 17. 10.

Ibid. n. 17.

quomodo, semper presumat sua perturbata conscientia, elegantissimè describitur in libro sapientiae, his verbis. *Siue spiritus sibilans inter spissos arborum ramos, aut sonus suavis, aut vis aqua decurrentis nimium, aut sonus validus praecipitatarum petrarum, aut ludentium animalium cursus inuisus, aut mugientium valida bestiarum vox, aut resonans de altissimis montibus Echo, deficientes faciebat illos praetimore.* Magna sanè animi consternatio, quae ea etià formidantur quibus ceteri mirum quantum delectantur. Nam tenues ventorum susurri arborum comis leniter ventilatis, & aurum in syluis garritus, aut Echo in cauernis vallibusque resultans, quos non oblectet? Et tamen ista fiunt impiis terriculamenta, quibus obstrepente conscientia, nihil tutum, aut pacatum esse potest. Manus suas Cain fraterna caede maculauerat, ideoque tanti sceleris sibi conscius dicebat, *Omnis qui inuenerit me, occidet me.* Euidentius, inquit D. Ambrosius, generalisque ratio, quia omni impio mala adsunt, & adfutura sunt; quae adsunt tristitiam operantur, quae futura, formidinem. Et post nonnulla, sed à quo, inquit, timebit occidit, qui solos parentes habebat in terris? Sed nimirum per conscientiam quieto illi esse non licebat; quae cum peccati sui faciem ante oculos illi frequenter obiceret, totum pectus grauissimo timore percellebat. At verò iustorum etiam in praesentissi

Genes. 4.

14.

D. Ambr.

l. 2. de
Cain &
Abel.

sentissimis periculis illæ sunt voces, si consistant ad-
 uersum me castra, non timebit cor meum. Dominus illu-
 minatio mea, & salus mea, quem timebo? Deus noster
 refugium & virtus, &c. propterea non timebimus. Ecce
 Deus. Saluator meus, fiducialiter agam, & non time-
 bo. Non enim contristabit iustum quidquid ei acciderit,
 nam qui pacis sequuntur consilia, sequitur eos gaudium.
 4 Sed hic forte dicat aliquid dies hominis deside-
 randos non esse quorum vnumquemque sua mali-
 tia comitetur, dies potius antiquos cogitandos, &
 annos æternos in mente habendos, cum cunctis diebus
 psalmos cantabimus in domo Domini. Sanè non infi-
 cior æternarum illarum mansionum, quæ in do-
 mo cælestis Patris sunt, pulchritudinem consi-
 deranti, omnia ista bona aspectabilia vilescere,
 magnæque sanctitatis viros aliquando deposita
 mortalitatis sarcina, in meliorem beatorum for-
 tem optauisse trāscribi, cum præsertim huius vi-
 tæ malis iactarentur. Ideo S. David, partim ma-
 nifestæ inimicorum violentiæ, partim dubiorum
 amicorū inconstantie pertæsus, clamabat ad Do-
 minū: *Libera me à persequentibus me. Educ de custo-*
dia animā meam. Qui igitur tantam adeptus fue-
 rit vitæ sanctioris perfectionem nostræque mor-
 talitatis conditionem, se supra cōmunē hominum
 modum extollendo transilierit, vitæ huius com-
 moda negligat & per paucitatē dierū præsentis vi-
 tæ, qui breui finientur, ad æternam illā aspirare cō-
 tendat: sed quorus quisque est, qui iuxta D. Pauli
 sententiam non gaudeat, pietatem promissionem ha-
 bere vitæ eius, quæ nunc est pariter & futura: imò qui
 iuxta eiusdē dictū, expoliari nō timeat, malitque si
 fieri aliqua ratione possit, vestibis illis gloriæ su-
 peruecturi? Equidē animaduerto sanctissimos etiā
 viros

Psal. 26. 3.

Psal. 26. 1.

Psal. 46. 1.

Isa. 12. 2.

Prou. 12.

20. 21.

Longitudi-

nem vitæ

Dei bene-

ficis esse &

sanctos

etiā viros

mortē ti-

muisse.

Ierem. 17.

16.

Matth. 6.

34.

Psal. 76. 6.

Psal. 141.

6.

Iob 10. 20.

1. Tim. 4.

8.

2. Cor. 5.

4.

viros mortis faciem exhorruisse, illamque fuisse
 Isa. 38. 10. deprecatos. Nam Ezechias ægritudine inuale-
 cente contabescens flebiliter lamentatur, quod in
 dimidio dierum vadat ad portas inferi, quod prae-
 cisa esset velut à texente vita sua, dumque adhuc ordiretur, suc-
 cideret eum Dominus, hoc verò timore conturbatū
 se sicut pullum hirundinis clamasse, & sicut columbam
 meditatū fuisse, testatur. Quid? nonne ab ipso Da-
 uid vocem illam expressit mortis formido, Ne
 Psal. 101. 25. reuoces me in dimidio dierum meorum? Quid de Abra-
 ham, Iacob, Helia dicemus, quos etiam ut ex scri-
 pturis discimus, mortem timuisse comperimus?
 Eleganter tractat locum hunc sanctus Chryso-
 stomus, cuius verba, quia in exemplis ex scri-
 ptura depromptis explicandis, & amplificandis
 versatur, describam. Patriarcha, inquit, Abraham
 Serm. de SS. Berni- iustus Dei amicus, qui patriam reliquerat, qui domum,
 ce, & Pros- cognatos, amicos & presentes res omnes ob Dei manda-
 doce. tum contempserat, ita timebat, ac reformidabat mor-
 tem, ut in Aegyptum ingressurus hac uxori suae dice-
 Genes. 12. rei. Noui quod pulchra sis mulier, & quod cum viderint
 11. te Aegyptij, te vendicabunt, me autem interficient. Quid
 igitur? Dic, soror illius sum, ut bene sit mihi propter
 te, & viuet anima mea. Quid hoc rei est, o sancte, &
 Patriarcha? Pro nihilo habes ut uxori stuprum affera-
 tur, ut thorus ledatur, & coniugium violetur? ita ne
 tandem mortem reformidas? neque verò tantum pro ni-
 hilo habes, sed etiam cum uxore dolum nectis, ac stupri
 fabulam cum ea simulas, omnemque das operam, ut
 Rex dum adulterium inceptat, latere possit, & ablato
 coniugis nomine, personam illi sororis adaptasti, &c. Et
 paulo post. Videamus ergo quam intolerabile, ac mole-
 stam rem passus sit, ut scilicet mortem effugeret:
 nam uxorem cernere constupratam, & adulterio polluta-

tam intueri, sexcentis mortibus est intolerabilis. Quid dico adulterio pollutam? si vel tenuis de ipsa suspicionis cogitatio mentē occupet, acerba illi vita omnis & minimē vitalis videtur. Est enim ignis illi quidam, & indomita flamma zelotypia morbus, cuius tyrannicam, & inenitabilem vim declarans quispiam dicebat, Plenus enim zelo animus viri eius, non commutabit vlla redemptione odium, neque parcat in die iudicij, neque dissolvetur multis donis. & alibi. Durus ut infernus est zelus. Sicut enim non potest infernus, inquit, pecuniis flecti, sic neque is qui zelotypia laborat leniri atque placari. Multi utique saepe vita sua libenter redemissent ut adulterum inuenirent, sanguinem ipsum viri eius qui uxorem constuprarat, perlubenter degustassent, & quavis aut agere, aut pati eius rei causa contenti fuissent. Sed nunc nihilominus intolerandum morbum, hunc violentum, & implacabilem, iustus patientissimē tolerauit, & stuprum uxoris, pra nimio mortis, & interitus timore contempsit. Post hæc S. Chrysost. ingeniosè & solidè Abrahamum in hoc facto ab omni peccati suspicione liberat, quæ qui volet, apud ipsum legat. Transit deinde ad Iacobi exemplum, de quo ita scribit. Restat ut ad eius nepotem Iacob orationem traducamus, ut illum quoque necem metuentem, & trementem, videas, hominem, qui à prima iam ætate Philosophiam Apostolicam præfeturat. Paulus enim discipulis in hæc verba precipiebat. Habentes alimenta, & quibus tegamur, his contenti erimus, hoc & ipse postulabat à Deo dicens. Si dederit mihi Dominus panem ad vescendum, & vestimentum ad induendum, sufficit nobis. Sed & iste tamen, qui nihil præter necessaria quarebat, qui domum neglexerat, qui benedictiones acceperat, qui matri paruerat, qui Deo amicus erat, qui sapientia natura vim attulerat, posterior

Prou. 6.

34.

Cant. 8.6.

1. Tim. 6.

8.

Genes. 28.

20.

306 *Institutio politica ex sacris Scripturis.*

quippe natura cum esset, benedictionibus prior euasit, qui tam multa potuerat, qui tantam philosophiam, tantamque pietatem pra se iulerat, post sexcenta certamina, post sexcentos agones, post sexcentas luctas, & plurimas illas coronas, cum in patriam reuenteretur, & occursum fratri esset, quasi belluam conspecturus,

Genes. 32.
21.

eiúsque memoriam iniuriarum pertimescens, supplex Deo fit, & orat. Erue me de manu fratris mei Esau, quia valde eum timeo ego, ne forte veniens percutiat me, & matrem super filios. Vides ut hic quoque mortem pertimescat? ut tremat, Deumque illius causa precetur? Visne ostendam & alterum virum magnum hoc eodem modo rursus affectum? Pone tibi ante oculos Eliam, animam ad coelum pertingentem, ac diuinam; ille enim qui coelum clausit, rursusque reuerauit, qui desuper ignem deiecit, qui mirabile illud sacrificium obiulit, qui pro Deo zelo exarsit, ille qui in corpore humano angelico vitam exhibuit, qui praeter ouinam pellem nihil habuit, qui rebus omnibus humanis superior euasit, adeo mortem metuit ac reformidat, ut post illa cuncta, post coelum & sacrificium, post desertum, & philosophiam, tantamque

3. Reg. 19.
2.

fiduciam, vilem mulierculam pertimescat, & idcirco fugiat. Nam quia dixerat Iezabel. Haec faciant mihi Dii, & haec addant, nisi cras animam tuam ponam sicut animam unius ex illis, qui mortui sunt, timuit Elias, in-

Psal. 33.
13.

quit, & fugit itinere dierum quadraginta. Vides ut mors sit terribilis? Haecenus D. Chrysost. Quis igitur

Ibid. n. 14.

est homo, qui vult vitam, & diligit dies videre bonos? Prohibeat, qui hoc habet in optatis, linguam a dolo, nec manus suas extendat ad iniustitiam, praesertim verò numen diuinum sanctè & religiosè colat; sic enim fieri poterit ut diuturna, & felix vita contingat, nec tamen ab illa excidat hereditate quam Deo iuuante expectamus in patria.

De

*De Principis Iustitia: ac primò
de ea quæ est in commu-
tationibus.*

C A P V T IX.

Iustitiam philosophi in duas præcipuas didu-
cunt formas, commutatiuam, & distribu-
tiuam. Hæc in munerum, honorum, præmio-
rùmque distributionibus, & inter Rempub. aut
ipsius Principes, & capita, & priuatos versatur: il-
la semper versatur inter priuatos, aut certè eos,
qui priuatorum more se habent, etiamsi Principes
alioqui sint, æqualitatẽque constituit inter
ipsas res nullo habito respectu conditionis per-
sonarum, cum distributiua in eo potissimùm la-
boret, vt æqualitatem constituat personarum pro
meritis, ac conditione spectata. Nunc ergo de cõ-
mutatiua breuiter dicendum. Accidit enim non-
nunquam vt Principes emant, vendant, aut cum
subditis suis alia ratione contractus ineant, in
quibus ne aliquis potentix abusus interueniat,
Principi curadum est, vt priuatis, quibuscũ agit, ita
ius suũ tribuat, & cum æquitas postulauerit, pro-
sequi permittat, ac si ipse non princeps esset, sed
priuatus: vt iustitiæ huius, de qua nunc agimus,
rationem postulare dictum est. Hanc ergo iusti-
tiam vt cum cinibus seruarent sollicitos olim fuis-
se Iudæos magistratus inuenio apud Isaiam, nam
cum murorum munionem virgerent, vt ho-
stium impetum sustinere possent, si forte ingruer-

*Exemplo
scriptura
commẽda-
tur Princi-
pi iustitia
commuta-
tiua.*

rent, domos priuatorum quas diruerant, aut quarum aream occupauerant diligenter numerarunt, vt illorum ratio haberi possit qui damni aliquid demolitione illa passi essent, cauereuturque ne Reipublicæ causa detrimentum aliquod priuatorum fortunis irrogaretur, hoc enim significat id

Isa. 22. 10. quod legimus apud prophetã, *Domos Ierusalẽ numerastis & destruxistis domos ad muniendũ murum:*

quod factum proculdubio laude dignũ est, cum à iustitia, quæ unicuique ius suum reddit, proficiscatur. Nec eos propheta propterea reprehendit eo loco, sed tantum eo nomine in eos inuehitur,

quod spem omnem in humanis consiliis, auxiliisque collocassent, ad Deum verò non leuassent

unde auxilium illis venire poterat. Quod ex ipso

Isaiæ contextu apertè constat, nam cum dixisset in extruendis muris, fossisque ducendis eos fuisse

occupatos; addit, & non suspexistis ad eum qui fecerat eam, (Ierusalem scilicet) & operatorem eius

de longè non vidistis. Maior etiam Davidis exactiorque iustitia, qui aream ad excitandum altare

coempturus ab Areuna Iebusæo, vltro ipse ad Areunam accessit, aream oblato pretio postulauit, nec pecuniam repudianti acquieuit, sed illi

dedit David pro loco siclos auri iustissimi ponderis sexcentos, & cur ita fieri deberet addidit rationem,

Neque enim tibi, inquit, auferre debeo, & sic offerre Domino holocausta gratuita. Nam cum iuxta sapientis dictum honorare Deum vnusquisque debeat de

sua substantia, id præsertim Davidi faciendum eo tempore videbatur; nam cum sacrificium illud pro expiando Davidis peccato institueretur non

ab Areuna, quæ ad sacrificium necessaria erant suppeditari, sed ab ipso David ex bonis suis pro-

ferri

ferri

Psal. 120. 1.

1. Paral. 21. 25.

Pro. 3. 9.

ferri par erat. Et quamuis liberali animo, vt credibile est, dixisset Areuna, *Tolle, & faciat Dominus meus Rex quodcunque ei placet. Omnia libens præbebo*: donum tamen admittendum non existimauit. Cum enim *beatius sit magis dare quam accipere*, Act. 10. iuxta verbum Domini, honestius dant Principes 35. priuata fortunæ hominibus, quam ab illis quidquā accipiunt. Est autem vox ista Dauidis Areunæ donum reiicientis illi persimilis, qua vsum aliquando Abrahamum legimus in libro Genesis: *Leuo manum meam ad Dominum Deum excelsum, possessorem cæli, & terre, quod à filo subtegminis, usque ad corrigiam caligæ, non accipiam ex omnibus quæ tua sunt, ne dicas. Ego ditavi Abraham.* Id verò in iis præsertim locum habet, quæ tunc demum absque pretio offeruntur, cum ea Princeps vt sibi venderentur postulauit. Maior enim suspicio subesse potest ne officiosius ista dicantur quam verius, si præsertim alia accedant adiuncta, ex quibus constet Principem rei illius potiundæ cupiditate flagrare, vt si non per internuntium, sed per se ipsum vltro Dominum adiens postulauerit, vt Dauid; istis enim externis significationibus magis cominouentur priuati, turpèque putant Principum suorum voluntati etiam cum aliqua rerum suarum iactura, non obsecundare. Quando verò Abrahami incidit mentio, egregium illius factum huc spectans commemoremus, cum scilicet agrum, & duplicem speluncam, ad vxorem suam Saram speliendam ab Ephron Hebræo mercatus est. Quanquam enim cum subditis non agebat Abraham, quippe *aduenæ, & peregrinus apud eos*, Genes. 23. tanta tamen erat apud barbaros illos viri reuerentia, virtutis, & verò etiam potentia opinione 4.

excitata, ut magni cuiusdam Principis loco apud eos esset. Ipso enim sepulchri ius postulante, respondit hoc ab Hethæis tulit, *Audi nos Domine, Princeps Dei es apud nos, in electis sepulchris nostris sepeli mortuum tuum, nullusque te prohibere poterit, quin in monumento eius sepelias mortuum tuum.* Nec populi tantum placitum sed ipsius Ephronis, speluncæ Domini, hæc fuit in Abrahamum voluntas, ut scilicet nulla erogata pecunia, tibi agrum quem postulauerat haberet, & in dublici spelunca, quæ in eo sita erat, extinctæ vxoris cadauer inferret. Nam cum pretij mentio ab Abrahamo

Ibid. n. 11. fuisset illata, ita locutus est Ephron. *Nequaquam ita fiat Domine mi, sed tu magis ausculta quod loquor. Agrum trado tibi, & speluncam qua in eo est presentibus filiis populi mei, sepeli mortuum tuum.* Sed Abraham donum admittere nulla ratione sustinuit, sed adorauit coram populo terra, eis scilicet gratias agens, quod tam liberalem, ac beneficam aduersus hominem peregrinum gererent voluntatem, & locutus est ad Ephron circumstante plebe: *Quæso ut audias me. Dabo pecuniam pro agro, suscipe eam, & sic sepeliam mortuum meum in eo.* Quam Abrahami constantiam cum vidisset Ephron, diutius repugnandum non existimauit, sed agro

Ibid. n. 14. suo pretium dixit siclos quadringentos, Responditq; Ephron, inquit scriptura, *Domine mi, audi me. Terra quam postulas quadringentis siclis argenti valet, istud est pretium inter me, & te. Sed quantum est hoc? sepeli mortuum tuum.* Quasi diceret, eo me adigis, ut pretium agri postulem, quod sanè feci, quando ita voluisti: sed quia tam modicæ pecuniæ facilis est iactura, agenti præsertim cum tanto viro, rogo te ut ne pecuniam numeres, sed quod iam

non

non semel ego populûsque animo libenti obtulimus, spelunca tanquam tua vtaris, de eius enim iure libenter decedo. Sed nihilominus Abraham pretium persoluit, appendis enim pecuniam, quam Ephron postulauerat, audientibus filijs Heti, quadringentos siclos argenti probata moneta publica, vel vt habet Græcus contextus Septuaginta interpretum, ἀργύρου δοῦναι ἐκ τῶν πόλεως argenti probati à mercatoribus. Italicè diceremus, *Moneta corrente* sra mercanti. quæ probatissima esse debet, vt multis in regionibus in quibus ipsi negotiantur, faciliè possit expendi.

Idemque vox Hebræa עובר *Hober*, transeuntis significat: quod enim probatissimum est, adeo vt à nullo reiici possit tanquam adulterinum, id ab Hebræis dicitur עובר *transiens*. Italicè diceremus *Corrente*. Sic enim habemus in Canticis, *digui mei pleni myrrha probatissima*. Td *Probatissima*, in Hebræo est עובר non adulterina, sed maximè vendibili, ac propterea à venditore ad emptorem faciliè transeûte. Nec minùs Iosephi in Ægyptiorum subleuandis necessitatibus apparuit studium commutatiuæ iustitiæ. Nam primum iustum à populis pretium accipiens, frumentum quantum opus habebant suppeditauit, deinde cum anno-

Cant. 5.5.

næ charitate nihilominus premerentur, Venit cum Ægyptus ad Ioseph dicens. Da nobis panes, quare morimur coram te deficiente pecunia? Quibus ille respondit: Adducite pecora vestra, & dabo vobis pro eis cibos, si pretium non habetis. Quæ cum adduxissent, dedit eis alimenta pro equis, & ouibus, & bobus, & asinis, sustentauitq; eos illo anno pro commutatione pecorum. Venerunt quoque anno secundo, & dixerunt ei Non celabimus Dominum nostrum, quod deficiente pecunia, pecora simul defecerunt, nec clam te est quod ab-

Genes. 14.

15.

312 *Institutio politica ex sacris Scripturis.*

sq̃ue corporibus, & terra nihil habemus. Cur ergo moriemur te vidente? Et nos & terra nostra tui erimus, eme nos in seruitutem regiam, & prabe semina, ne per-eunte cultore redigatur terra in solitudinem. Emit igitur Ioseph omnem terram Ægypti, vendentibus singulis possessiones suas pra magnitudine famis, subiecuq̃ eam Pharaoni, & cunctos populos eius, à nouissimis terminis Ægypti, vsque ad extremos fines eius. Cum itaque illos haberet in potestate, iustoque emptionis titulo agros Ægypti vniuersos Reges fecisset, atque propterea cum Ægyptiis imponere posset tributorum pendendorum conditionem, quam maluisset instar pastoris greges suos amanti, tondere satis habuit, deglubere non sustinuit, eosque ad hunc modum allocutus est: *En ut cernitis, & vos, & terram vestram Pharao possidet, accipite semina, & serite agros ut fruges habere possitis. Quintam partem Regi dabitis, quatuor reliquas permuto vobis in sementem & in cibum familijs, & liberis vestris. Qui responderunt: Salus nostra in manu tua est, respiciat nos tantum Dominus noster, & lati seruiemus Regi. Ex eo tempore vsque in presentem diem in vniuersa terra Ægypti Regibus quinta pars soluitur, & factum est quasi in legem absque terra sacerdotali, quæ libera ab hac conditione fuit. In hoc autem Iosephi facto æquitatis, & liberalitatis plenissimum consilium subit admirari, qui non tantum quintam ab Ægyptiis partem frugum exegit, quam illis quatuor reliquas remisit, quarum Rex ex inito contractu dominus erat, idque ipsis maxime volentibus, & probantibus; quod ex eo patet, quod non mœrentes, & inuiti, sed hilares, alacresque conditionem oblatam admiserunt, diuturnoque seruauerunt tempore, non tanquã onus graue*

Ibid.n.23.

grauē conantes excutere, sed vt vectigal iustè, & ad rationis præscriptum consentaneè imperatum, persoluentes. Ipse verò iuxta Sapientis præceptum, dicentis, *Non ladas seruum in veritate operantem, neque mercenarium dantem animam suam, seruus sensatus sit tibi dilectus quasi anima tua, non defraudes illum libertate, neque inopem derelinquas illum:* ita subditorum inopiam subleuauit, vt simul Regis negotium vtiliter gereret, iustitiámque, vt bonum Principem erga suos decet, liberalitate temperaret.

2 Putet ergo Princeps hanc ex præcipuis suis laudibus vnā esse, si cum potestate omnibus sit superior, voluntate tamen sua in contractibus, & aliis huiusmodi ad commutatiuam iustitiam spectantibus, priuatis quibuscumque infimæ etiam conditionis hominibus parem se faciat, adeo vt nemo inueniri possit adeo tenuis fortunæ, qui cum ipso Rege contrahens ius suum tueri non possit, non secus ac si cum aliquo priuato agendum esset. Hoc se cumulatissimè præstitisse commemorat S. Iob, cum ait quodam loco: *Si contempsi subire iudicium cum seruo meo, & ancilla mea, cum disceptarent aduersus me.* Cuius loci sententia hæc est: Quamuis seruus abiectissimæ sit conditionis, atque ideo cum Rege comparatus contemnendus, premendusque videatur; humanæ tamen naturæ, conditionisque, cuius particeps est æqualitate spectata, diuinique iudicij, cui magnus ac paruus, diues ac pauper, Princeps, ac seruus sistendi sunt, serueritate pensata, disco superbè non sapere, sed me ad æqualia cum subditis iudicia demittere, eorumque ius factum, tectumque in omnibus conseruare. Hanc enim

*Rationes
duæ expli-
catur, qui-
bus se per-
moueri di-
xit Iob ad
iustitiam
in commu-
tationibus
seruādam.*

Iob 31.13.

314 *Institutio politica ex sacris Scripturis.*

- S. Iob rationem affert, cur cum servis suis ita
 Ibid. n. 14. agendum existimaret. *Quid enim, inquit, faciam, cum surrexerit ad iudicandum Dominus, & cum quaesierit quid respondebo illi? Cuius iudicij severitatem si crebrò, & seriò cogitent Principes, intelligentque sibi ab eo qui Rex Regum est, & Dominus Dominantium, factorum omnium reposcendam esse rationem, facile in officio continebuntur, nec per alienam iniuriam rem suam priuatam ampliore facere audebunt. Propterea frequenter in sacris Scripturis hæc virgetur ratio, quæ ad frænandam potentiorum cupiditatem momenti plurimum habere potest. Audite Reges terra, & intelligite (dicitur in libro Sapientix) discite iudices finium terra, quoniam data est à Domino potestas vobis,*
 Apoc. 19. 16. *qui interrogabit opera vestra. Et Isaias, Ve, inquit, qui condunt leges iniquas, & scribentes iniustitiam scripserunt, ut opprimerent in iudicio pauperes, & vim facerent cause humilium populi mei, ut essent vidua prada eorum, & pupillos diriperent. Quid facietis in die visitationis, & calamitatis de longe venientis? ad cuius confugietis auxilium? & D. Paulus ad Colossenses scribens, Domini, inquit, quod iustum est, & æquum, præstate, scientes quod & vos Dominum habetis in cælo. Et ad Ephesios, & vos Domini, inquit, eadem facite illis remittentes minas, scientes quia illorum & vester Dominus est in coelis, & personarum acceptio non est apud Deum. Aliam deinde rationem subdit S. Iob, cur ita humaniter se gereret cum servis suis, ex eo petitam, quod eandem cum iis naturam*
 Sap. 6. 2. *naactus esset. Nunquid, inquit, non in vero fecit me qui & illum operatus est, & formavit me in vulva unus? Optimè enim illud intelligebat, quod postea*
 Isai. 10. 1. *sensit, & docuit Sapiens cum ait, Sum quidem &*
 Coloss. 4. 1. *ego*
 Ephes. 6. 9.
 Iob 31. 15.

ego mortalis homo similis omnibus, & ex genere terreni illius, qui prior factus est, & in ventre matris figuratus sum caro, decem mensium tempore, coagulatus sum in sanguine, ex semine hominis, & delectamento somni conueniente. Et ego natus accepi communem aërem, & in similiter factam decidi terram, & primam vocem similem omnibus emisi plorans, in inuolumentis nutritus sum, & curis magnis, nemo enim ex Regibus aliud habuit natiuitatis initium. Vnus ergo introitus est omnibus ad vitam, & similis exitus, vt frustra sint qui in tumorem propter regnum elati, putant se transcendere mortalitatem, sibi que quæ habent tribuentes, ita se gerunt, quasi à Deo omnium bonorum largitore profecta non essent, sed Dominus constituit super eos legislatorem, vt sciant, quia homines sunt, & quidem miseriis & laboribus obnoxij vt cæterorum hominum vulgus, id enim significat vox Hebraica עֲנוּשׁ Enosch. Magna profectò laus Regis Tyri apud Ezechielem habetur, cum illum compellat his verbis, Tu signaculum similitudinis, & plenus sapientia, & perfectus decore in deliciis paradisi Dei fuisti, omnis lapis pretiosus operimentum tuum, sardius, topazius, & iaspis, chrysolithus, & onyx, & berillus, sapphirus, & carbunculus, & smaragdus, aurum opus decoris tui. Sed statim subditur. Et foramina tua in die qua conditus es præparata sunt, quod Chaldæus in hanc sententiam interpretatur. Adeo elatus fuisti, vt conditionis tuæ oblitus, vt non consideraues te hominem esse, tibi que quo die natus es, tanquam homini mortali foramina oris, & narium ad spirandum data esse. Vt hinc Tyri Rex discere posset, quod suo malo edoctus tandem intellexit Nabuchodonosor, quia scilicet, potestas Domini potestas sempiterna,

Psal. 9. 21.

Ezech. 28.

13.

Dan. 4. 31.

316 *Institutio politica ex sacris Scripturis.*

Et regnum eius in generationem, & omnes habitatores terra apud eum in nihilum reputati sunt, iuxta voluntatem enim suam facit, tam in virtutibus cœli, quam in habitatoribus terræ, & non est qui resistat manui eius, & dicat ei, Quare fecisti? Hanc autem æquitatem didicisse videtur S. Iob ab omnium virtutum perfectissimo exemplari Deo, qui ut quodam loco docet idem propheta, adeo detestatur iniquitatem in iudiciis, ut si fieri posset aliqua ratione ut pro iniustitia staret ipse Deus, ignorans v.g. se iustam oppugnare causam, contra se mallet, quàm pro se à iudice pronuntiari, adeoque offenderetur si iudex Dei personam reueritus, illi causam adiudicare niteretur, ut scelus hoc grauissimis pœnis vindicandum censeret. Nunquid, inquit

Iob 13.8.

Ibid. n. 11.

Iob, faciem eius accipitis, & pro Deo iudicare nitimini? statim ut se commouerit, turbabit vos & terror eius irruet super vos. Memoria vestra comparabitur cineri, & redigentur in lutum ceruices vestra. Æquo igitur animo ferre debent Principes, si priuatus aliquis contra regium fiscum v. g. aliquid euicerit, hoc enim maximum decus Principis est, cum ius suum hoc pacto obtinere priuati non possint, nisi sub optimo Principe.

Proponitur exemplum Achabi qui vinea sua spoliavit Naboth.

3 Vidimus in allatis exemplis quæ imitari Principes velint, iustitiæ documenta, nunc quando vitiis, contentione, & oppositu, virtutis splendor clarius elucescit, vnum dumtaxat Achabi Regis, tyrannicum factum afferamus in medium, ex quo facile intelligere poterimus, quo tandem euadat, ardens alienæ rei cupiditas, potentia armata, & quam non pertimescat diuina omnia, humanaque iura peruertere. Rei gestæ narrationem habemus in historia Regum libro tertio. *Post verba*

3. Reg. 21.

1.

Antem

autem hac, inquit, tempore illo vinea erat Naboth Iezraelita qui erat in Iezrael, iuxta palatium Achab Regis Samaria. Locutus est ergo Achab ad Naboth dicens. Da mihi vineam tuam, ut faciam mihi hortum olerum, quia vicina est, & prope domum meam, daboque tibi pro ea vineam meliorem, aut si commodius tibi putas, argenti pretium quanto digna est. Cui respondit Naboth. Propitius sit mihi Dominus, ne dem hereditatem Patrum meorum tibi. Venit ergo Achab in domum suam indignans, & frendens super verbo quod locutus fuerat ad eum Naboth Iezraelites, dicens non dabo tibi hereditatem patrum meorum, & proiciens se in lectulum suum, auertit faciem suam ad parietem, & non comedit panem. Ingressa est autem ad eum Iezabel uxor sua, dixitque ei. Quid est hoc unde anima tua contristata est, & quare non comedis panem? Quæ cum à Rege mœtoris causam tandem elicuisset, simplicitatem illius amarè irridens, ait, Grandis auctoritatis es, & bene regis Regnum Israël: surge, & comede panem, & equo animo esto, ego dabo tibi vineam Naboth Iezraelita, scripsit itaque literas ex nomine Achab, & signauit eas annulo eius, & misit ad maiores natu, & optimates qui erant in Ciuitate eius, & habitabant cum Naboth. Litterarum autem hac erat sententia. Prædicate ieiunium, & sedere facite Naboth inter primos populi, & submitte duos viros filios Belial contra eum, & falsum testimonium dicant. Benedixit Deum, & Regem, & educite eum, & lapidate, sicque moriatur. Ita autem factum est sicut Regina præceperat. Miseruntque ad Iezabel dicentes, lapidatus est Naboth, & mortuus est. Quod cum audisset Achab surrexit, & descendebat in vineam Naboth, ut possideret eam. Sed obuium habuit Eliam Thesbiten prophetam, qui Domini iussu, quæ illum pœnæ pro tanto

tanto scelere manerent, denuntiaret, fore nimirum ut quo loco linxerant canes sanguinem Naboth, Achabi etiam sanguinem lamberent, nullusque de illius domo superstes esset, germina omnia tam atrociter iniusti Principis extirpante Domino. Iezabeli verò, quem vitæ exitum esset habitura, prænuntiavit, dicens. *Canes comedent Iezabel in agro Iezrabel:* quæ omnia ut à propheta sunt Regi prædicta, ita prorsus euenerunt; nam Achab sagitta ad mortem sanciato, & mox extincto, cadaver perlatum est in Samariam, cumque regium currum sanguine imbutum lauissent

3. Reg. 22.
38.

in piscina Samariæ, linxerunt canes sanguinem eius, & habenas lauerunt iuxta verbum Domini quod locutus fuerat. Ioram verò Achabi filium, regni-que

4. Reg. 9.
24.

post Ochoziam, qui duobus tantum annis regnum tenuerat, successorē, Iehu sagitta percussit inter scapulas, & egressa est sagitta per cor eius, statimque corruit in curru suo. Dixitque Iehu ad Badecer ducem. *Tolle, proice eum in agro Naboth Iezrabelitæ.* Memini enim quando ego, & tu sedentes in curru sequebamur Achab patrem huius, quod Dominus onus hoc leuauerit super eum, dicens. *Si non pro sanguine Naboth, & pro sanguine filiorum eius, quem vidi heri, ait Dominus, reddam tibi in agro isto dicit Dominus.* Nunc ergo tolle, & proice eum in agrum iuxta verbum Domini. Ultima restabat Iezabel, quæ technas illas, exitiumque in innocentem Naboth fuerat architectata,

Ibid. n. 30.

cuius mortem ita narrat Regum historia. Porro Iezabel introitu eius audito (Iehu scilicet qui Ioram interfecto regnum inuadebat) depinxit oculos suos sibi, & ornavit caput suum, & respexit per fenestram ingredientem Iehu per portam, & ait, Numquid pax potest esse Zambri, qui interfecit Dominum suum? Le-
uauitque

nauitque Iehu faciem suam ad fenestram, & ait, quæ est ista? & inclinauerunt se ad eum duo, vel tres Eunuchi. At ille dixit eis. Precipitate eam deorsum, & precipitauerunt eam, aspersusque est sanguine paries, & equorum ungula conculcauerunt eam. Cumque introgressus esset ut comederet, biberetque, ait. Ite, & videte mandictam illam, & sepelite eam, quia filia Regis est. Cumque issent ut sepelirent eam, non inuenerunt nisi caluariam, & pedes, & summas manus. reuersique nuntiaverunt ei, & ait Iehu. Sermo Domini est, quem locutus est per seruum suum Eliam Thesbiten, dicens. In agro Iezabel comedent canes carnes Iezabel, & erunt carnes Iezabel sicut stercus ante faciem terra in agro Iezabel, ita ut pratererentes dicant, Hæcne est illa Iezabel? Habemus historiam agri per Nabothi cædem iniuste occupati, diuinitusque in sceleris auctores immissam vindictam. Nunc quanta fuerit facti huius atrocitas, ex adiunctis quæ in sacra exprimuntur historia, perpendamus.

Ac primò quidem quam impotentem fuisse oportet cupiditatem illam Achabi, qui cum amplas & planè regias domos, ac villas possideret, tanto tamen vineæ illius æstualet desiderio, ut nisi vicinum submoueret, ac paternis, auitisque agris spoliaret, vitam sibi acerbam duceret? Amano illi persimilis, qui amicis, & vxore conuocatis, exposuit illis magnitudinem diuitiarum suarum, filiorumque turbam, & quanta cum gloria super omnes Principes, & seruos suos Rex eleuasset, &c. addiditque, & cum hac omnia habeam nihil me habere puto, quandiu video Mardocheum Iudeum sedentem ante fores regias. Ita planè Achab Regium palatium ædificauerat, quod Eburneam domum, propterea scriptura nuncupauit, quod multo ebore omni

Expèduntur quadã adiuncta superioris historia.

Esther 5. 11.

3. Reg. 12. 39.

ex parte conuestita niteret; nec aliæ deerant domus, aut villæ, non horti, non piscinæ, non syluæ, & cum omnia ista haberet in potestate, nihil tamen, quo oculos, & animum pasceret, habere se existimabat, nisi reuulsis hortorum suorum terminis, in vicinam Nabothi vineam irrumperet, quam iure, etiam ipso Naboth concedente, possidere non poterat. Nam vetuerat Dominus in Leuitico, ne agri in perpetuum venderentur, sed ita dumtaxat, vt cum annus quinquagesimus recurreret, ad Dominum etiam suum vetus possessio reuerteretur. *Terra quoque, inquit, non vendetur in perpetuum, quia mea est & vos aduena, & coloni mei estis, unde cuncta regio possessionis vestra sub redemptionis conditione vendetur. Quemadmodum enim qui alienum agrum vt colonus obtinet, fructus quidem percipere potest, & vt libuerit vendere, vel conficere, fundum verò non potest, quod illius Dominus non sit, ita eo tempore in Hebræorum Republ. seruabatur, vt nullus agrum nisi ad certum tempus diuenderet, nec priusquam attenuatus esset vt scriptura loquitur, hoc est cum necessitate premente coactus esset; at verò Ahab qui domus suæ pomaria, & hortos laxiores facere volebat, cum animo destinauerat vineas extirpare, sulcosque complanare, elegantique descriptione areolis campum distinguere, oleribus floribusque conferere, aliamque planè faciem, vt Principes solent, toti agro inducere: id vt faceret libero iure coemere satagebat à Naboth primario viro, & locuplete, etsi Iudæorum traditioni credimus patruo suo. Hoc autem nihil aliud erat quàm diuini iuris præcepta conuellere, & in alienam possessionem inuolare, non tantum Naboth*

inuito,

Leuit. 25.
23.

Ibid. n. 25.

inueto, sed etiam Domino, legis auctore repugnante. Excogitata verò à Iezabele ratio agri potiundi, quàm plena iniquitatis fuit? Quid enim magis à iustitia alienum esse potest, quàm ut aliquem fortunis euerteret, in famæ etiam, ac vitæ discrimen adducere, grauissimi criminis impacta calumnia, immerentemque ita falsis testibus iactare, ac circumuenire, ut extremo tandem supplicio lapidibus obrutus quæ pœna atrocium delictorum compertis statuta erat, afficiatur? Idque dum agitur pietatem prætere, quasi diuini numinis iniurias persequaris, non tuis obtemperes cupiditatibus, & ut videaris omnia consilio, ac prudenter gerere, populo ieiunium, ac preces indicere, quasi, ut propitiato Domino, quid faciendum sit dispicere possis? Quæ sanè si ut excogitata fuerant processissent, nec ut solet veritas tandem emerisset, Naboth blasphemum, ac perdullionis reum, in Deum ac Regem grauissimè peccasse, tamque grauibus sceleribus obnoxium re vera fuisse, omnis credidisset antiquitas. Nec verò Achabi dissimulatio vllam apud prudentes rerum æstimatores excusationem meretur, nam ut concedamus consilio cum Rege minimè communicato Iezabelem ad optimates literas dedisse, & ad mortem innocenti inferendam impulsisse, non tamen propterea culpa vacare credendus est Achab, qui ut uxoris nouerat ingenium, ita agri possessionem pollicentem debuit habere suspectam, diligentérque cauere, ne quid fortè contra Naboth æquitati minus consentaneum moliretur: nec illi annulus, quo epistolæ obsignantur à Rege concedendus erat, ne fortè tanta potestate ad Nabothi perniciem mu-

312 *Institutio politica ex sacris Scripturis.*

3. Reg. 21.
19.

Iob 20.5.

liercula abuteretur. Iniustæ verò cædis consulta-
tionem & culpam, ad Regem etiam pertinuisse
videtur illud in primis ostendere, quod allato
mortis Naboth nuntio, tanquam fausto, mirum
in modum Rex lætatus est, & ad incundam pos-
sessionem confestum se conuertit, quare meritò
illum Dei iussu obiurgans Elias, *Occidisti*, inquit,
& *possedisti*. Multo verò minùs à culpa liberandi
sunt ciuitatis principes, qui falsis conquisitis te-
stibus in Naboth sententiam mortis dixerunt;
cum nemo nesciat Deo potiùs quàm hominibus
parendum esse, nec vlla ratione siue commodi ali-
cuius percipiendi spe; siue damni incurrendi ti-
more prauis, & à rationis præscripto repugnantibus
Regū iussionibus esse obtemperādum. Quàm
verò brevis Achabi lætitia fuit, & verè, vt alicubi
scriptura loquitur, *ad instar puncti*. Nam cum gau-
dio ad visendum ac possidendum Nabothi agrum
progredienti Elias occurrit, qui pœnarum tanto
scelere commeritarum grauissimis intentatis mi-
nis, cōceptam lætitiā vehementer conturbauit,
vt vel hoc vno exemplo discere possimus quàm
inania sint somnia illa, quæ cum aliquid vehe-
menter optamus, nobis fingimus, quæ tunc de-
mum malè sanorum caputū deliramenta fuisse
cognoscimus, cum iis potiti, experientia ipsa
docente, deprehendimus, nihil nos fuisse
adeptos, quo tanquam solidæ
voluptatis fructu
possimus ex-
pleri.

De aequalitate & iustitia in ponderibus, mensuris ac numismatibus à Principe constituenda.

C A P V T X.

QUOD præceptum non semel in scriptura reperitur ut scilicet statera dolosa tollatur & modius maior & minor, illud non ad priuatos tantum deterrendos ne in contractibus proximos suos circumueniant dictum est, sed etiam ad Principes erudiendos spectat, quorum munus est curare, & quantum consequi possunt efficere, ut in commutationibus, ac contractibus iustitia seruetur, & æqualitas. *Statera dolosa* (inquit Salomon) *abominatio est apud Dominum, & pondus æquum voluntas eius.* Et in Deuteronomio. *Non habebis, inquit Moses, in sacculo diuersa pondera maius & minus, nec erit in domo tua modius maior & minor, pondus habebis iustum & verum, & modius equalis, & verus, erit tibi, ut multo viuas tempore super terram, quam Dominus Deus dederit tibi. abominatur enim Dominus Deus tuus cum, qui facit hæc, & auersatur omnem iniustitiam.* Et in Leuitico. *Nolite, inquit, facere iniquum aliquid in iudicio, in regula, in pondere, in mensura statera iusta, & aqua sint pondera, iustus modius, æquusque sextarius, ego Dominus.* Mirum enim quantum augeantur illæ Ciuitates & emporia, in quibus bona fide, qui res

Afferuntur quadam testimonia quibus ostenditur quantopere Deo cordi sit iustitia in mensuris ac ponderibus.

Prou. II. I. Deut. 25.

Leuit. 19. 35.

distrahunt, quique illas mereantur, agunt inter se, & à Principe cuius est omnia moderari, fraudibus, malisque dolis, aditus omnis intercluditur.

*Varietas in
ponderibus
& mensu-
ris vitanda.*

2 Quoniam verò facilè fraus irrepit si in ponderibus & mensuris, & pecuniis, quæ publica cudentur auctoritate, constantia, idémque tenor non seruetur, censeo curandum Principi, ut numismata eiusdem semper sint ponderis ac metalli, nec patiatur compendij alicuius faciendi auiditate numismatum materiæ adulterinū aliquid admisceri, nec pondera aut veterum mensurarum capacitatem inmutari, sic enim infinita prope modum seges præcidetur iurgiorum, ac litium, quas aliqui difficillimum sit tollere vel componere. Et sanè in Hebræorum Republ. quantum ex sacris litteris colligere fas est, ponderum, mensurarū, numismatum ratio egregiè constituta reperitur; nam ut mensuræ constantes essent, minimeque incertæ ex iis rebus petitæ fuerunt, quæ naturales sunt, ac proinde semper eadem sunt, nam ad digiti vnus constituendam mensuram (quæ aliarum minima est) hordei adhibuerunt grana, eamque tandem vnus digiti latitudinem esse statuebant, quæ senis hordei granis iuxta se, qua parte crassiora sunt, collocatis est æqualis. Porro digiti vnus indiuisibili, certaque mensura semel constituta proclive illis fuit alias maiores constituere, cuiusmodi ea erat, quæ Hebraico vocabulo *עֲבָיִת* *estbagh* appellatur, quæ quatuor digitos continet, cuius in Exodo, & alibi mentio reperitur. Hinc etiam cubiti quantitas, quæ digitos continet quatuor & viginti, cuius frequentior est mentio in sacris litteris, quàm ut exempla afferre, sit necesse. Idem iudicium de aliis ar-

dorum,

Exod. 25.

24.

Exod 37.

12.

2. Reg. 7.

18.

dorum, liquidorumve mensuris, quas qui huius-
 modi res attigerunt, ad naturalem mensuram re-
 uocant, cui nimirum gallinacei capacitatem, ut
 v.g. Satum (cuius mentio est in sacra Genesi &
 apud D. Mattheum) tantum contineat quantum
 centum quadraginta quatuor oui gallinacei, pu-
 taminibus contineri potest. Ephraim autem sata tria
 continet, Gomer autem est Ephraim pars decima, ut
 expresse dicitur in Exodi libro, & idem iudicium
 de reliquis mensuris cuiusmodi sunt Corus, Ca-
 dus, Batus, Hin, &c. quorum mentio frequenter
 occurrit in sacris Bibliorum litteris. Rursus in
 agris metandis ac diuidendis suas eos mensuras;
 & quidem exactas habuisse constat, nam certæ
 eiusdem longitudinis resticulis longitudinem,
 latitudinemque fundorum metiebantur, ut ex eo
 colligitur, quod legimus apud S. David, *Funes ce-* Psal. 15. 8.
tiderunt mihi in præclaris. Cuius loci sensus est, præ-
 claram se nactum possessionem. Cui phrasi illa
 persimilis est, vel potius eadem, cum in eisdem
 Psalmis alicubi dicitur. *Sorte diuisit eis terram in* Psal. 77.
funiculo distributionis, & in Deuteronomio cum
 canit Moyses. *Pars autem Domini populus eius, Iacob* Deut. 32.
funiculus hereditatis eius. 9.

Quod verò ad pecunias attinet antiquissima
 omnium monetarum, quas scriptura commemo-
 rat siclus est, cuius in omnibus ferè veteris instru-
 menti libris occurrit mentio etiam antiquissimis,
 ut in Genesi, in qua legimus Abraham pro sepul-
 chro, quod ab Ephron coëmerat, appendisse
 quadringentos siclos argenti probata moneta publica.
 Huius autem monetæ quantitas & valor habetur
 in Exodi libro cum dicitur. *Siclus viginti obolos* Exod. 36.
habet. in obolis autem minutis admodum mone- 13.

326 *Institutio politica ex sacris Scripturis.*

tis non faciliè mutatio poterat incidere, nam tanti erat oboli vnus argentei pondus, quantum est grani vnus fructus illius, quem siliquam scripturæ interpretes appellauit apud S. Lucam in historia prodigi, quod in Græco est *κεράτιον*, quòd oblongus sit fructus ille & *κέρας*, id est, cornu similitudinem quandam præ se ferat. Rursus sicles in partes etiam minores diuidebatur, nam & dimidij sicle mentio est in Exodo, & tertiæ partis in libro Esdræ, & quartæ illius partis in historia Regum, quibus respondisse creduntur pecuniæ illæ, quæ Græco vocabulo dicuntur drachma, didrachmum, stater, nam hic siclo fuit pondere, & valore æqualis, didrachmum autem dimidio siclo, drachma verò idem fuit cum quarta sicle parte. Sed ista diligentius discutere nostri non est instituti, quibus satis est ostendisse in bene constituta Republ. rem istam nummariam constantem ordinem habere debere, ne turbæ exoriantur inter ciues, & iustitia in contractibus, & æqualitas detrimentum aliquod patiatur.

Publico aliquo signo seu caractere insignia numismata esse debere.

4 Est autem receptissima apud omnes gentes consuetudo, vt pecuniis, quæ publica Principis auctoritate procuduntur, signum etiam publicæ potestatis apponatur, exempli gratia, imago ipsius Principis & inscriptio, quæ cuius auctoritate & imperio nummus ille cusus sit significetur, nec facile sit alios huiusmodi supposititios tamen, & adulterinos efformare. Fuit ista Romanorum consuetudo, quod ex S. Matthæi Euangelio colligimus. Nam cum Pharisei consilium iniussent, vt Christum Dominum in sermone caperent, proposita quæstione de censu Cæsari persoluendo, iussit eos Dominus numisma census

osten

Luc. 16.

16.

Exod. 30.

13. 15.

2. Esdr. 10.

32.

1. Reg. 9.

8.

Matth. 22.

15.

ostendere. At illi obtulerunt denarium, & ait illis IESVS. Cuius est imago hæc & superscriptio? Dicunt ei, Cesaris, &c. In Hebræorum autem vetere Republ. siclo reliquisque numismatibus symbolum aliquod impressum fuisse probabile admodum est. Imo Moses Gerundensis & post ipsum Arias Montanus in siclo effectum fuisse affirmant vasculum illud, quod manna plenum in arca, ad memoriam tam insignis beneficij apud posteros propagandam Dei iussu seruabatur, præterea admirabilem illam Aaronis virgam, quæ cum aliis in vnum fasciculum collectis in amygdalinos se se flores explicuit, vt habemus in Numeris. Vnius verò partis hanc fuisse inscriptionem SEKEL ISRAEL, id est, *siclus Israël*. Alterius IERVSALEM KEDESSAH, id est, *Ierusalem sancta*. Imo Arias argenteos siclos, cum huiusmodi vetustissima inscriptione non vidisse se tantum, sed vnum etiam ex illis numismatibus apud se habere confirmat opusculo indicato.

Arias in suo Tubalcain.

Num. 17. 8.

De Principis iustitia distributiva.

CAPVT XI.

Quemadmodum in humano corpore principem locum obtinet caput, in quo sensus maximè vigent, quodque reliquorum membrorum functiones omnes moderatur, & dirigit, ita tamen vt reliquæ etiam partes, & membra suos actus habeant, vt quodam loco dicit D. Paulus, adeo vt sine illis, nec caput ipsum, nec

In Reipub. gubernatione Principē administris inferioribus indigere: cauendumque ne ex

*istis aliquē
nimis asto-
lar.
Rom. 12. 4.*

reliquum corpus consistere possit, ita in Republ. Principis, qui est instar capitis, munus est cæteris præsidere magistratibus, illisque prouincias, & munera quæ obeant demandare, & quomodo in illis administrandis se gerant cognoscere; omnino autem magistratibus minoribus, aut administris carere non magis potest, quàm possit caput sine pedibus aut manibus, reliquorumve membrorum adminiculis, vniuersis corporis necessitatibus prouidere. Quod si quærat aliquis an quemadmodum ad Rempubl. bene gerendam Princeps inferioribus magistratibus opus habet, quorum ministerio ius dicat; ipse etiam Princeps per sese suorum causas, & controuersias cognoscere debeat, & disceptare. Respondendum cenſeo, nullam aliam difficultatem à iure dicendo Principem auocare debere, quàm eam, quæ in hoc munere exercendo vires superat: nam Principi laboriosum munus impositum esse, omnes qui sapiunt, satis intelligunt, cui conueniat illud Ieremiæ, *Constitui te super gentes, & regna*, non ut otio indulgeas, & voluptatibus, sed *ut euellas & plantes, ut ædifices, & disperdas*. Quæ duæ Agricolæ cæmentariorumque metaphora, assiduum bonorum principum laborem in Republ. excolenda, & in melius attollenda ponunt ob oculos; ea autem difficultas tunc accidit, cum latè admodum patet principis iurisdicção & litium, controuersiarumque immensa quædam moles existit, cui salua valetudine, ne remissionibus quidè certis temporibus admissis, par esse possit. Nam si exiguus sit principatus modus, paucosque numeret subditos, qui & ad Principem adire propter modicam locorum distantiam non grauentur,

&c

*Ierem. 1.
10.*

& quos ipse per se ipsum audire possit, eum affirmo, & rem officio suo consentaneam, & populis gratam, suæ dignitati non indecoram facturum, si per seipsum illos audiuerit, & lites controuersiasque aut composuerit, aut iudicando diremerit. Cum Iethro Mosis socer genero suo auctor fiebat, ut inferiores iudices constitueret, non alia ratione usus legitur, quam ea, quæ ex rei immensa difficultate petebatur, dicebat enim.

Ultra vires tuas est negotium, solus illud non poteris sustinere; quod & Moses ipse vidit, qui populum ita alloquebatur, Non possum solus sustinere vos, quia Dominus Deus vester multiplicauit vos, & estis hodie sicut stella cæli plurimi, non valeo solus negotia vestra sustinere, & pondus, & iurgia. Nec tamen aut Iethro, aut Moses putauerunt à iudiciis penitus abstinendum supremo reipublicæ moderatori, sed partito in inferiores iudices labore onus dumtaxat humanæ imbecillitati tolerabilius reddendum. Ipse Salomon quo nullus principum in orbe sapientior fuit, an non ipse suis ius dicebat, etiam meretriculis, quæ res adeo eius auctoritati nihil detraxit, ut potius multum estimationis addiderit, *Nam audiuit omnis Israël iudicium quod iudicasset Rex, & timuerunt Regem, videntes sapientiam Dei esse in eo ad faciendum iudicium,* idque eo tēpore contigit, cum iam in Rempublicam Hebræorum regia dignitas, & maiestas erat inducta: nam qui ante Reges summam rerū moderabantur, & iudices appellabantur, & erant: nam Samuël vnus ex eorum numero quandiu vixit, populum iudicauit in Ramatha, & cum senuisset, filios qui eodem munere fungerentur sibi ipse substituit. Et cum Israelitas Regis habent-

Exod. 18.

18.

Deut. 1.

10.

3. Reg. 3.

28.

1. Reg. 8. di cupido incescit iuxta morem aliarum gentium
 1. dixerunt Samuëli, *Constitu nobis regem ut iudicet*
 1. Reg. 8. *nos, sicut & vniversæ habent nationes, & duæ illæ*
 5. *mulieres, quæ ingentis illius famis tempore,*
quæ Samariam inuasit, de infantulo in cibū tra-
dendo, & absumendo litigabant super hac con-
 4. Reg. 6. *trouersia, se Regi stiterunt in muro deambulan-*
 28. *ti; & Salomon in prouerbis bene ominatur prin-*
cipibus, qui pauperum etiam causas iudicant,
 Prou. 19. *cum ait, Rex qui iudicat in veritate pauperes, thronus*
 14. *eius in æternum firmabitur. Dominus autē per pro-*
 Jerem. 22. *phetam ut etiam ita fiat præcipit cum ait, Audi*
 2. *verbum Domini Rex Iuda, qui sedes super solium Da-*
uid, tu & serui tui, & populus tuus, qui ingredimini
per portas istas. Hæc dicit Dominus, facite iudicium &
iustitiam. Et liberate vi oppressum de manu calumnia-
toris, & aduenam, & pupillum & viduam nolite con-
tristare, &c. Multum verò refert ad fouendam sub-
 ditorum in Principem beneuolentiam, si eos ipse
 audiat per se se, nam & communicatio illa per se
 iucunda est, & sic intelligunt non contemni se,
 quo nihil ægrius ferunt, facilius enim & animo
 æquiore à Principe auditi causa cadant, quàm
 si saluis rebus suis ad eius conspectum non ad-
 mittantur, & si audiri postulent, submoueantur.
 Rursus nihil esse potest quod tantam iustitiæ au-
 ctoritatem conciliet, quàm si Princeps idem sit
 & iudex, qui nec violentiam potentium refor-
 midat, *sed in solio suo sedens*, ut ait sapiens, *dissipet*
 Prou. 10. *omne malum*; nec legum apicibus ad eum modum
 8. *astrictus sit, quo iudices minorum gentium obli-*
gantur. Optandum ergo est, ut ipsi Principes ius
subditis quantum fieri potest dicant, ut verè de
illis vaticinium illud Isaïæ prædicari possit, fa-

Etus est Principatus super humerum eius, aut certè *Isa. 9.6.*
in tribunalia inferiorum iudicum aliquando, aut
etiam frequenter descendant. Sic enim fiet, vt si
non iustitiæ, certè principis reuerentiæ, exactiùs-
sque fideliùsque ius suum ad se accedentibus tri-
buant. Haëtenus quæstioni propositæ satisfactum
est. Verùm quia omnium Principatum ea est
conditio, vt sine minoribus Magistratibus con-
sistere nulla ratione possit, cumque nihil magis
optent Regni proceres, aliique primarij viri, qui
vel à nobilitate, vel à doctrinarum cognitione,
vel à rebus præclarè gestis commendationem ha-
bent, quàm publica munera & eorum insignia,
honoresque adipisci, diligentissimè Principi cu-
randum est, ne aliquis error, aut perturbatio in
illis distribuendis interueniat, quæ vel ipsi rei-
publicæ vel honorum istorum candidatis frau-
di esse possit. Nam vt honorum titulos dignita-
tùmque fastigium ciues refugiant, & se publicis
muneribus impares putent, & verò etiam sub-
ducere conentur, optandum potius est, quàm spe-
randum, quamquam fuit, vt obiter hoc dicamus,
demissio hæc & modestia in magnis viris, qui
quo conatu alij ad magistratus grassantur, eo-
dem illi declinarent, ac deprecarentur. Prophe-
tabant in Hebræorum castris Eldad, & Medad:
commouit ea res Iosue, qui statim ad Moysen ac-
currens, *Domine mi Moyses*, inquit, *prohibe eos*, vel *Num. 11.*
vt ex Hebræo verti potest, *Mitte illos in carcerem*: 28.
quæ causa tantum virum in prophetantes, & di-
uino Spiritu afflatos incitauit, vt eos prohiberi,
& in carcerem dari voluerit? Sunt qui dicant,
penes quos tamen fides sit, id curasse, propterea
quod vaticinantes, & futura prædicentes, cum
post

332 *Institutio politica ex sacris Scripturis.*

post Mosis obitum reipublicæ præfuturum diceret : cuius diuinationis ipsa etiâ verba sunt apud Thargum Ierosolymitanum. *En Moses propheta, scriba Israëlitarum congregatus est de medio mundi, & Iosue filius Nun eius discipulus post eum administrabit res exercitus.* Hæc Thargum. Nimirum quò studio quis prophetas istos sibi conciliare studuisset, vt apud populum eorum testimonio non idoneus tantum, sed diuinitus etiam destinatus ad reipublicæ gubernationem videretur; tanto vir sanctus easdem voces, quibus sibi imperium polliceri sentiebat, qua erat modestia, & animi demissione, coërcere conabatur. Sed ad institutum nostrum redeamus. Est sanè admodum proclive in magistratibus demandandis impingere, vel quia Principes subditorum ingenia morèsq; cognoscere non ita facile possunt, vel quia iis quos satis cognitos habent, alios quos magis amant,

Eccles. 10.
5.

anteponunt. Est malum, inquit Salomon, quod vidi sub sole, quasi per errorem ingrediens à facie Principis posuim stultum in dignitate sublimi, & diuites (virtutum scilicet & doctrinarum opibus abundantes) sedere deorsum. Vidi seruos in equis, & Principes ambulantes super terram quasi seruos. In nullum aptius conuenit iustissima hæc conquestio Salomonis,

Esther 3.
1.

quàm in Aman Agagiten, quem Rex Assuerus exaltauit, vt scriptura loquitur, & posuit solium eius super omnes Principes quos habebat, cunctiq; serui Regis, qui in foribus palatii versabantur, flectebant genua, & adorabant Aman, sic enim præceperat eis Imperator, qui cum omnia videret ex se vno pendentia; ita iubente Assuero, hominibusque ac gentibus fortunam se dare posse existimaret; omnium ab ipso vno ambitione suspensa; adeo

agrè

agrè tulit sibi à Mardocheo cultum illum dene-
gari, quem reliqui omnes exhibere consueuerant,
vt suæ iniuriæ vindicandæ satis esse non putaret,
si illum de mediò tolleret ; sed de vniuersa Iu-
dæorum gente penitus abolenda cogitarit. Tam
verò supinus, & negligens in Amani moribus, &
studiis explorâdis fuit Assuerus, vt quidquid ipse
suggereret oraculi cuiusdã loco haberet, ipsique
quantum vellet in subiectos populos concede-
ret potestatem, tradito etiam annulo signato-
rio, quo ipse ad Iudæorum perniciem vteretur.
Tulit ergo Rex annulum, inquit scriptura, quo vie-
hatur, de manu sua, & dedit eum Aman filio Amada-
zhi de progenie Agag hosti Iudæorum, dixitque ad eum.
Argentum quod tu polliceris tuum sit, de populo age
quod tibi placet. Hunc autem stultum merito di-
cere possimus non tantum eo nomine, quod scri-
pturarum phrasi improbi omnes stultitiæ cuius-
dam notentur ignominia, sed etiam propterea
quod fortunam suam reuerenter habere nesciue-
rit, non satis intelligens quàm in lubrico sit eo-
rum potentia, qui ab humili loco, malis etiam
artibus progressi ad summos magistratus prorep-
serunt ; quibus si moderatione animi, comitate
in omnes, morumque facilitate locum quem sunt
adepti non tueantur, ferè accidit, vt & se ipsos
perdant, & alios etiam multos in idem exitium
trahant. Hoc quàm verum sit Amani exitus sa-
tis superque declarauit, nam collectam multo
tempore gratiam vna duntaxat effudit offensio,
& quam inimico suo parari iusserat crucem, as-
cendit ipse, Dominóque illi pro malo iustam re-
pendente vindictam, cum suis funditus euersus,
& extinctus est. Mardocheus verò cuius eximia
fue

Ibid. n. 19.

fuerant in Regem promerita, à cuius iugulo coniuratorum Eunuchorum gladios auerterat, ab Amanò prius despectui habitus, & odio; postea ab inuito etiam triumphantis habitu circumductus, non iam amplius ut loquitur Ecclesiastes *super terram ambulauit quasi seruus*, sed equo Regio infidens, honoribus auctus & potentia, populum suum à cæde liberauit, multisque auxit beneficiis, ut quemadmodum prosperitas Amanum perdidit (nam iuxta sapientem *Prosperitas stultorum perdet illos*:) ita Mardochei prudens moderatio, in proposito constantia, religio denique, & populi sui veri Dei cultoris amor, ad ea omnia bona quæ consecutus est, Dei potissimum dextera opitulante, prouexerit.

*Aliquibus
scriptura
locis pro-
batur ab-
surde face-
re Princi-
pem, qui
immerenti
honorem
tribuit.
Prou. 26.
8.*

2 Illud igitur in primis intelligat Princeps, nihil absurdius, & verò etiam periculosius esse, quam si Magistratus, Præfecturæ, aliæque honorificæ munera, ineptis, aut minus idoneis demandentur. Sicut qui mittit lapidem in aceruum Mercurij, inquit Salomon, ita qui tribuit insipienti honorem: cuius dicti eum sensum esse volunt aliqui, ut doceat sapiens rem absurdissimam eum facere, qui immerentem dignitatum titulis, & muneribus publicis ornat, non minus quam faceret illè qui adamantem, aut carbunculum, aut lapidem alium pretiosum in aceruum communium lapidum proiiceret, quales cumuli ad statuas Mercurij in biuiis aut triuiis, iuxta veterum consuetudinem, passim cernebantur. Paulo diuersam sententiam, sed eodem planè spectantem exhibet 70. virorum interpretatio, qui legunt, *sicut qui ligat lapidem in funda*, vel ut est in Græco *ὡς σφενδύνην*, ita &c. cuius versionis sententia, quidquid alij dicant, meo quidem

quidem animo ea est, ut doceat sapiens, non minus absurdum esse in stultum hominem honoris aliquid, aut dignitatis conferre, quam lapidem aliquem nullius pretij, aureâ annuli palâ includere, hoc est latiori annuli, turgidioréque parte: quam enim Latini palam vocant, eam Græci *σφενδύλιον* dicunt, ut Græcè vel mediocriter eruditus notum est. Sunt etiam qui vocem Hebraicam Margema, purpuram significare contendunt, sensumque hunc ex Hebræo elici velint. Quemadmodum stultum est, lapidem aliquem rudem purpura inuoluere, & in curuli aliqua sella quasi ius dicturum collocare, ita planè stultum est stolidum aliquem hominem & bardum, aut pravis moribus imbutum, muneri alicui, iurique dicundo præficere, periculum enim est ne vel per inscitiam dum lites ad se venientium controuersiasque disceptat, à recto veritatis tramite deflectat: vel animi perturbationibus transuersus agatur, volensque ac prudens eis noceat, quos ab iniuria inimicorum incolumes seruare debuisset. Sed fortè Septuaginta Hebræam vocem Margema *σφενδύλιον* id est *palam* verterunt, quod duplicem significationem haberet, & purpuram, aut annuli palam significare posset. Fauet autem huic coniecturæ, quod aurifices solent palam annuli, cui gemma aliqua interenda est, bracteola aliqua purpurea, vel alterius coloris ab interiori parte munire, ne gemmæ usque ad aurum visum transmittant, neue fulgor ex lapillis existens flaccidus, & iners sit, sed viuidus & vibrans: quare qui Hebræum contextum de purpura illa palæ intellexerit & sensum commodissimum eliciet, & Septuaginta interpretes cū Hebraica lectione conciliabit

336 *Institutio politica ex sacris Scripturis.*

ciliabit. Huiusmodi autem homines, qui iis carent dotibus, quibus par est præditum esse eum, qui aliis gubernandis præficitur, idola vocat Zacharias, pulcherrima sanè similitudine, & cum Salomonis similitudine, quam hactenus explicauimus, optimè consentiente. *O pastor*, inquit, *& idolum*. Quemadmodum enim saxum aliquod ex aliqua rüpe excisum, & in humanam formam edolatum speciem quidem exhibet hominis, homo tamen non est, cum nec audire possit quæ dicuntur, nec quæ in eorum conspectum perperantur intueri, *Os enim habent & non loquentur, oculos habent & non videbunt: aures habent & non dicit, nares habent & non odorabunt, manus habent & non palpabunt, pedes habent, & non ambulabunt*, vt de mutis simulacris canit sanctus Dauid: ita homines isti lapidibus nihilo sapientiores, licet ad instar statuarum sericis, aut purpureis vestibus amicianantur, licet magistratum insignia, & ornamenta circumferant, lapides tamen sunt ad omnia muti, & sensibus carentes, ad ea tantum vigilantes, erecti, maioremque in modum imminentes, & intenti, quæ lucri alicuius aut honoris spem aliquam patefaciunt. *Nam licet derelicta non visent, dispersa non querant, & contrita non sanent, & id quod stat non enuriant, carnes tamen pinguium comedunt, & ungulas eorum dissolunt*, vt quod falso de suo Idolo Bel iactabant illius sacerdotes nocte scilicet eum comedere, & idcirco inter viuentes Deos esse censendum, vt propterea Regi persuaferint, vt ei per singulos dies simile artaba duodecim, & oues quadraginta, vini que amphoræ sex apponerentur, quas ipsi fideles scilicet tanti dei cultores in suos & filiorum vsus conuertebant,

de

Zachar.
11. 17.

Psal. 113.
15.

Zachar.
11. 16.

de illis verissimè prædicari possit. Eum verò esse loci illius Zachariæ sensum vox Hebræa ^{ה'לל} *Elil* satis ostendit, quæ nihil, vanum, inutile significat, atque propterea pro idolo frequenter ponitur in scriptura, *idolum enim nihil est*, ut ait D. Paulus alicubi, quia nullum verum numen illi respondet simulacro, quod diuinitatem inanem, & hominum errore vel vicio inductam repræsentat. Idem igitur est apud prophetam dicere, *O pastor, & idolum*, ac si diceret, *O pastor nihili, ô pastor qui præter figuram, & speciem pastoris nihil habes*. Qui ergo huiusmodi pastores eligunt, id agere videntur, ut rem simul indecoram faciant, & gregi quem hac ratione perdunt, perniciosam. *Nam quo modo nix in æstate, & pluuia in mense, sic indecens est stulto gloria*, inquit Sapiens. Nam quemadmodum si æstiuis caloribus cum fœtus arborum erumpunt, aut maturescunt, cum fruges solibus excoctæ colligendæ sunt, & in horrea condendæ, magna vis niuium effunderetur, proculdubio & segetes quæ falcem expectarent, & arborum bacca, ac poma corrumperentur, magna campis vastitas, ciuitatibus annonæ caritas induceretur; ita qui ineptis istis, stolidisque magistratibus, idoneis ac sapientibus præteritis, ciuitates populósque regendos credit, rem facit non modo intempestiuam, & inutilem, sed mirum quantum noxiam, & perniciosam.

3 Et quamuis viros nauos, & strenuos, boni publici amantes, quique publicis potius commodis malint deseruire, quàm propriis, & quod caput est, qui fidelem Principi operam nauent, difficile admodum sit nancisci, dicente Salomone, *Peculiaris quadam præcepta huc facienda, ut de consanguineorum*

Virum autem fidelem quis inueniet? Cordato tamen

Y Princi

*Principum
potentia in
officio con-
tinēda est.
Prou. 20.
6.*

*1. Machab.
1.1.*

Principi & in hanc rem non oscitanter intento, multi deesse non poterunt, qui cum suam industriam, & virtutem in minoribus magistratibus Principi egregiè probauerint, sensim ac per gradus ad maiores attollantur; sic enim illi rerum gestarum præmium aliquod consecuti animos erigunt, & ad rem in posterum optimè gerendam redduntur alacriores & in ampliorem educti campum, clariora exhibent suæ documenta virtutis. Sic Alexander Macedonum Rex, postquam toto Oriente arma circumtulit, plurimâsque gentes Macedonico subiecit imperio, cum plurimis tam diuturno bello commissis pugnis, suorum virtutem cognitam haberet, atque perspectam, Prouincias inter præcipuos suos duces, viuens ipse, sed morti tamen proximus, paritus est, vt ex sacra Machabæorū historia discimus, vt scilicet quemadmodū eos in adeundis periculis alacres, in laboribus tolerandis fortes, in cōsiliis deliberationibûsque prudentes esse compererat, ita præmiū quàm posset amplissimum eorū virtuti decerneret; illisque constitutis Principibus; prouinciarum suarum incolumitati, quam optimè fieri posset, cōsultum esset. Sed non omnibus Principibus ea est solertia, vt quid cuique debeatur, cui quisque muneri à natura factus sit, quæue doctrinarum, aut experientiæ sibi comparauerit adiumenta, dispicere possint, & vt possint, periculum tamen est, ne alia omnia interdum spectent, aut ærarium locupletius reddere studentes, aut animi propensione in adulatores nescio quos, ne quid grauius dicam, inclinantes; eosque in vltimis hære finentes, qui cum malis artibus ad magistratus consequendos grassari indignum putent, à virtu-

te duntaxat, quæ minimum in aliquorum Principum aulis potest, commendationem habent. *In duobus*, inquit Ecclesiasticus, *contristatum est* Eccles. 16.
cor meum. Vir bellator deficiens per inopiam, & vir sen- 25.
satus contemptus, qui etiam si cum difficilia reipublicæ tempora incidunt, adhibeatur in consilium, vel rebus gerendis præficiatur. tamen postquam periculosa tēpestare defuncti sunt Principes, nullam, ut par esset, strenui, & de republica beneficii viri rationem habent, sed despectum, contemptum, omnibûsque posthabitu esse patiuntur. *Hanc quoque* (inquit Salomon) *sub sole vidi sapientiam, & probavi maximam: Civitas parva, &* Eccles. 9.
pauci in ea viri, venit contra eam Rex magnus, & val- 13.
lauit eam, extruxitq; munitiones per gyrum, & perfecta est obsidio. Inueniſque est in ea vir pauper, & sapiens, & liberauit urbem per sapientiam suam, & nullus deinceps recordatus est hominis illius pauperis. Ut
 ergo Princeps bonorum Magistratuum delectum sapienter habere possit, omnes animi perturbationes exuere studeat, reipublicæque dumtaxat commodo ob oculos posito, eos apud se constituat ad præfecturas, & magistratus euehere, quos ad veram laudem solida virtus & aliquibus probata experimentis, erexit. Et quamvis nobilibus viris fauere æquum sit, & diuitibus etiam, quos ab avaritiæ sordibus longius abesse meritò credendum est, quibus etiam generis, & opulentiæ fama existimationem conciliat, quæ in negotiis tractandis, plerunque magno vsui esse solet: non tamen tenuioris fortunæ homines propterea consentaneum est eum aspernari, cum sub sordido palliolo sapiētia latere possit: nam quem admodum insanum esset equum aliquem ad cur-

sum expeditissimum existimare, quod pretiosis phaleris, aureoque fræno esset ornatus; ita non mediocriter errant illi, qui cum aliquem fericis indutum vestibus, aureo torque de collo suspenso ornatum cernunt, magna etiam clientum, famulorumque caterua stipatam, continuo sapientem hominem suspicantur, quasi cultus hic sapientiæ debitus stulos etiam homines frequenter nō circumfistat. Reddenda ergo est unicuique nativa sua facies, phalerisque cogitatione detractis, ad exactum vocanda sunt examen vitia quæ latent, virtutesque si quæ forte sunt; hoc si facere nescimus, stulti sumus rerum æstimatores. Etenim, inquit D. Iacobus, *si introierit in conuentum vestrum vir anulū aureum habens in veste candida, introierit autem & pauper in sordido habitu, & intendatis in eum qui indutus est veste præclara, & dixeritis ei. Tu sede hic bene, pauperi autem dicatis. Tu sta illic, aut sede sub scabello pedum meorum, nonne indicatis apud vosmetipsos, & facti estis indices cogitationum iniquarum?* Sed à Principum consanguineis, & propinquis tanto fortasse magis sibi distributiva iustitia timere potest, quanto facilius beneuolentia, qua propinquos complectimur, fucum nobis facere potest, quam externa illa diuitiarum species, & apparatus, quem licet tenuioris fortunæ homines admirentur, viri tamen principes quorum census tanto ampliores sunt, & frequentior stipantium numerus, adeo non suspiciunt, ut opulentissimos quosque præ se, etiam contemnere nonnunquam consueverint. At coniunctio illa sanguinis ita veritati nonnunquam velum obtedit, ut ignauissimus quisque ad summos etiam Reipublicæ honores non alia de causa admoneatur,

tur,

tur, quàm quia eiusdem gentis est, & familiæ, tantaque indulgentia corruptissimi eorum mores tolerentur, ac si virtutes essent. Nimirum oculi carnei aliquibus Principibus esse solent, & si- Iob 10.4.
cui videt homo & ipsi vident, sensumque suum emerunt, oculosque suos declinant ut non videant cælum, neque recordentur iudiciorum iustorum. Sed illud tantum quantum possunt modis omnibus vrgent, ut diuitiis & honoribus augeantur: si verò ad munera reipub. inepti sunt, si in subditos acerbis, si fastu superbiæque turgidi, hoc scilicet pro minimo habent, illos ne verbis quidem leuiter increpare sustinentes. Sicut de Dauide legimus iu tertio Reg. qui Adoniam eleuantem se, & 3. Reg. 1. 6.
regnum affectantem. *Non corripuit aliquando dicens, quare hoc fecisti?* Cuius negligentia (nam ab aliquo, licet forte non ita graui negligentia crimine Dauidem plerique Sacrae scripturae interpretes non liberant) causam in nimium amorem, quo Adoniam secundo loco genitum post Absalon, illique pulchritudine planè geminum prosequeretur, conferre possumus. Nam paternam in filium charitas, & Absalonis extincti imago in Adonia fratre superstite elucens, ætâsque in senium iam inclinata, quæ homines ad audendum timidiores facit, impedimento fuerunt, quominus asperiore aliquo verbo filium ea mouentem quibus publica pax, & quies turbabatur, increpare non auderet. Ut ex hoc vno exemplo colligere possimus quid de de Principibus qui sine delectu cõsanguineos suos ad summos honores euehant, quorû virtus cum Dauidis sanctitate conferenda nõ est, sperare possimus. Huc etiam facit Heli summi sacerdotis in filios grauissimè peccantes

cantes remissio , de qua alibi diximus, quæ à Domino per prophetam acriter reprehensa est, & grauissimis pœnis, ad posterorum exemplū vindicata. Affectum hunc egregiè vicerat S. Moyses, qui cum diuinitus se proximè à morte abesse cognouisset, mentèque reputaret fieri posse, vt in successore designando, quæ est humanorum iudiciorum imbecillitas, falleretur; non filios, non consanguineos nominauit, sed quia multi sunt in hominum animis recessus, totum hoc iudicium Deo cordium scrutatori relinquendum putauit, vt ipse quem vellet, atque idoneum esse sciret, siue propinquus esset, siue alienus, ad Reipublicæ illius gubernacula admoueret. *Prouideat*, inquit, *Dominus Deus spirituum omnis carnis, hominem qui sit super multitudinem hanc, & possit exire, & intrare ante eos, & educere eos vel introducere, ne sit populus Domini sicut oues absque pastore.* Huius facti adiuncta elegantissimè, vt solet, & grauissimè persequitur Philo libro de charitate, cuius verba quia ad rem nostram mirum in modum faciunt, adscribere erit operæpretium. Cum, inquit, *mortalis huius vite finis instaret, oraculo aperto de hoc pramonitus, nullum vel Regem, vel priuatum imitatus est, quorum unicum votum habetur, ac studium, heredes liberos relinquere; sed quamuis pater esset duorum filiorum, neutrum successorem sibi optauit, victor affectuum erga cognatos, & domesticos, & poterat si filios suspicabatur parum idoneos, certe fratris filios extollere, iam virtute meritis sacerdotium: sed fortasse aut non placebat eos à diuinis rebus distrahi, aut potius cogitabat impossibile esse eundem hominem rectè curare simul regnum, & sacerdotium, quātoquidem alterum religionis, alterum subditorum curam profitetur: aut fortasse non putauit rem tam ma-*
gnam

Num. 27.

15.

Philo lib.
de chari-
tate.

gnam pertinere ad suum iudicium maluiq; iudicandam Deo committere qui pro sua potentia perspicit etiam intima pectorum. Hac vera esse vel hinc colligitur. Erat ei amicus, & familiaris pene à puero Iesus nomine, non vulgaribus conciliatus artibus, sed amore integro celestique, ex quo omnes virtutes proueniunt. Is etiam conuictor, contubernalisque propheta fuit, nisi si quando illè secessum quasuit propter diuina colloquia. Idem admixtationis Reipubl. particeps, & tantum non Principis vicarius, multa pro potestate solitus erat gerere. Attamen quamuis sciret hunc esse diu spectatae probitatis hominem, dictisque factisque honestatem eius expertus, & quæ maximè requirebatur ad beneuolentiam erga populum, nec sic quidem ausus est ei principatum committere, ne forte opinione falleretur, non satis fidens humano iudicio, itaque ne sibi ipsi quidem credens supplex inuocauit Deum, qui solus inuisibilem animam introspicit, & mentium arcana penetrat, ut ex optimatibus eligeret unum aliquem idoneum Principem, qui paternam curam subditorum gereret: subleuatisque ad cælum puris, & virginæ (ut ita loquar) castitatis manibus sic precatus est. Prospiciat Dominus Deus spirituum, & uniuersa carnis de homine, qui plebem hanc curet, pascatq; sine crimine, ne corrumpatur, sicut grex dispersus carens Magistri cura & diligentia. Quis non miretur has preces, dicatque. Here quid ais? Ita ne tibi fratrique desunt germani filij, successorésque à natura dati? aut his aut illis principatum relinquito. Quod si neutros existimas idoneos, & potior est tibi Reipublica quam necessitudinis domestica ratio; habes certè amicū irreprehensibilem, ac probata virtutis, vel tuo iudicio sapientissimo. Quin igitur hunc, si probitas non genus spectatur, eligis? Verum respondebit, cum in omnibus rebus non esse præcipitandum iudicium, cum

in his potissimum, qua rectè aut secus administrata, plurimis felicitatem, aut calamitatem afferunt. Nihil autem principatu maius, cui belli, pacisque arbitrium committitur à ciuibus. quemadmodum enim ad prosperam navigationem opus est bono peritòque gubernatore, sic etiam sapiente Principe ad iuendam tranquillitatem bene constituta Reipublica. Caterum de sapientia, qua non me tantum, sed & toto mundo est antiquior, non est fas quemquam iudicare nisi Deum, aut aliquem & sincerum, purum, germanumque amatorem ipsius sapientia. Et iam ante exemplo meo didici, ne alijs quidem vicumque idoneis in speciem, principatum decernere. Nam Reipublica curam inuitus suscepi, non humanis suffragijs Princeps designatus, sed manifestis oraculis, diuina voce iubente, quantumlibet deprecarer, molem rerum veritus, donec iterum atque iterum iubenti parere, metu coactus sum. An non igitur absurdum fuerit nunc non per eadem incedere vestigia, & cum ipse noluerim principatum nisi ex Dei sententia sumere, nunc arbitrato meo successorem eligere, ne hominum quidem expectatis suffragijs? praesertim cum agatur de regimine gentis non vulgaris, sed primum populosissima omnium quousque usquam sunt, deinde professæ rem maximam, cultum eius qui est pater conditorque rerum omnium. Quidquid enim alijs contigit ex optima cuiusque philosophia studio, id Iudais ex suis legibus, ac moribus, videlicet summi Dei noitia, repudiato errore Deorum, ex creaturis consecratorum. Nullus enim creatus verè Deus est, quantumvis habeatur pro Deo, cum aternitate, sine qua non est numen, careat. Hoc unum euidens argumentum est eximia erga suam gentem charitatis, ac fidei. Haftenus Philo. Quibus planè consensunt quæ quodam loco habet Origenes, siue

sententiam spectes, siue utilitatem; quæ ex iis percipi potest. *Recessurus*, inquit, *Moses* de seculo orat Deum, ut provideat ducem populo. Quid agis *Moses*? nunquid filij tibi non sunt *Gerson* & *Eleazar*? aut si aliquid de illis dubitas, non sunt filij fratris magni, & egregij viri? quomodo non oras Deum pro ipsis, ut eos constituat populo duces? Sed discant Ecclesiarum Principes, successores sibi non eos qui consanguinitate generis iuncti sunt, nec qui carnis propinquitate sociantur, testamento signare, neque hereditarium tradere Ecclesie principatum, sed referre ad iudicium Dei, & non eligere illum quem humanus commendat affectus, sed Dei iudicio totum de successoris electione permittere. Nunquid non poterat *Moyſes* eligere principem populo, & vero iudicio eligere, & recta instaque sententia? ad quem dixerat Deus, *Elige presbyteros populo, quos tu ipse scis presbyteros esse, & elegit tales in quibus continuo Dei spiritus requiesceret, & prophetarent omnes. Quis ergo ita potuit eligere principem populi, ut Moyſes poterat? Sed hoc non facit, non eligit, non audet. Cur non audet? Ne posteris presumptionis relinquat exemplum. Sed ausculta quid dicit, Provideat, inquit, Dominus Deus spirituum & omnis carnis, hominem super Synagogam hanc, qui egrediatur ante faciem eorum & qui ingrediatur, & qui producat eos, & qui reducat. Si ergo tantus ille ac talis Moyſes, non permittit iudicio suo de eligendo Principe populi, de constituendo successore; quis erit qui audeat vel ex plebe, quæ saepe clamoribus ad gratiam, aut ad pretium fortasse excitatis, moveri solet; vel ex ipsis etiam Sacerdotibus quis erit, qui se idoneum ad hoc iudicet, nisi si cui oranti, & petenti à Domino reveleetur?* Hæc *Origenes*. Illud tandem observatione dignum videtur quod alicubi *S. August.* notavit, quamo-

Hom. 22.
in Numer.

Serm. 81.
de tempore,
tom. 10.

brem scilicet Iosephus postquam fratrum scelere in Ægyptum delatus est, & è carcere eductus toti regno cum summa potestate præpositus, parentem tamen quem vehementer diligebat, quemque mœrore & lacrymis confici non ignorabat, status sui certiores non fecerit. Nam nec obliuisci potuit parentis indulgentissimi, qui fratres tanto post agnouit cum primum eos aspexit in Ægypto, nec qui omnia cum potestate moderabatur, à rege prohibitus est nuntios destinare, nec longè dissitarum regionum intercapedo prohibuisse credenda est, cum minus quàm trecenta millia passuum inter Ægyptum, & Chananitidem, in qua Iacob agebat, numerentur, nec deessent mercatores, aliique viatores, qui vltro citroque frequenter commearent, cuiusmodi illi erant Ismaëlitar, qui de Galaad portabant aromata, & resinam, & stacten in Ægyptum, quibus, accepto pretio, Ioseph à fratribus venditus fuerat. Quæstioni responder Augustinus, diuino id accidisse consilio, ne tribulationis, & doloris illius fructu sanctus senex fraudaretur; cui responsioni non repugno, sed illud addi posse puto, consultum esse putauisse Iosephum, si parentem, fratres, consanguineosque suos, donec diuinæ prouidentiae consilio aliud statueretur, procul haberet, ne forte eorum gratia in Reipubl. administratione impingeret ipse, aut aliqua eius famæ labes aspergeretur, si eos apud se honorificè habere, & potestatis suæ participes facere voluisset. Quam etiam constantiam tenuit postquam in Ægyptum omnes descenderunt, nam nec in Regia eos degere, nec à pastoralis vita cui assueuerant, ad aulicam transire passus est. Sed iam ad

tertiam iustitiæ partem, quæ Vindicatiua dicitur, veniamus.

De Iustitia vindicatiua Principis.

C A P V T XII.

AD sanciendam salutarem legum disciplinam, scelerum quæ perpetrantur vindicta in primis necessaria est in quacumque bene constituta Republ. quamvis enim amore virtutis, & honestatis ab iniuria, violandisque legibus abstineant boni; nunquam tamen mali desunt, qui formidine dumtaxat pœnæ in officio contineri possunt. Illud autem in primis statuendum est, vt boni ciues recti amantes, & honesti habendi sunt in pretio, fouendi, & modis omnibus ornandi; ita contumaces, & turbulentos, iugumque legum excutere molientes, seueritate pœnarum in officio contineri debere. Ac quemadmodum de Deo dicitur in psalmo, *Cum sancto sanctus* Psal. 17. *eris, & cum viro innocente innocens eris, & cum electo electus eris, & cum peruerso peruerteris.* Et in Prouerbiis iuxta 70. *Pueris peruersas vias immitte Dominus.* ita Princeps bonos & innocentes benignè complecti debet, & tractare, malos autem terrore pœnarum à scelere, atque flagitio reuocare, sic enim si peccantibus ipsis sanitatem afferre non poterit, certè cæteros à suscipiendis criminibus deterrebit. *Pestilente flagellato,* inquit sapiens, *stultus sapientior erit.* Et alibi, *Mulctato pestilente sapientior erit paruulus.* Et Isaias, *Cum feceris* (inquit) *indicia* Pœnis inflicti malos à peccando deterrebi. Prou. 19. 25. Prou. 21. 11.

348 *Institutio politica ex sacris Scripturis.*

- Isai. 26. 9. *dicia tua in terra iustitiam discunt habitatores orbis.*
 3. Reg. 20. 23. Hinc grauiter in Regū historia castigatur Achab Rex Israel, quod Regem Assyriæ Benadad, quem habebat in potestate, ac pro eo quod multis malis Israëllem vexauerat, Deo volente interficiendus erat, non solum liberum dimississet, sed in curru suum sustulisset, fratremque nominasset. *Quia dimisisti (inquit propheta) virum dignum morte de manu tua, erit anima tua pro anima eius.* Quod vaticinium tunc impletum est, cum in pugna aduersus eundem Benadad commissa, sagitta in incertum à milite excussa, grauiter sauciatus Achab, post aliquot tandem horas extinctus est. Illud verò multo magis vitandum est, ne qui morti omnino debentur aut alio supplicij genere ad aliorum terrorem puniendi sunt, pecunia, aut muneribus sibi parent impunitatem, eamque in ciuibus opinionem ingenerent, scelus quodlibet, quantumvis graue, oblata pecunia redimi posse. Quamuis enim pecuniaria multa leuiora aliqua peccata vindicari rationi consentaneum sit; atrociora tamen, & quæ magis exempli prauitate Reipubl. bono incommodant, pari poenarum seueritate punienda sunt. nec si quando visum fuerit crimen aliquod pecunia compensandum, eam decet in proprios vsus Principes conuertere, ne studio potius avaritiæ, quàm facilitatis, aut clementiæ ductos, eam quam infligere iure potuissent, poenam condonasse videantur. *Va qui iustificatis impium pro muneribus,* inquit Isaias, & alibi. *Quomodo facta est meretrix ciuitas fidelis plena iudicii, iustitia habitauit in ea, nunc autem homicida:* Quemadmodum enim meretrices accepto pretio vulgant corpora, ita iudices iniqui, & Principes pecunie potius,

potius, quàm æquitatis amatores, iustitiam, cuius integritatis tanquam virginis cuiusdam regiæ satellites acerrimi, solertissimique esse debuissent, tanquam meretricem passim prostituunt, id enim propheta querebatur. Nam cum prius iuri dicundo præpositi inècorruptè iudicando suam fidem ita populis probarent, vt nullus expostulationibus locus superesset, factum postea erat, vt plerique eorum auri splendore cæcati, omnem iudiciorum rectitudinem, auaritia animos corrumpente, confunderent. Pauci enim erant, aut fortasse nulli, qui cum Samuele gloriari possent, *Loquimini de me coram Domino, & coram Christo eius*, i. Reg. 12. *utrum bouem cuiusquam tulerim, aut asinum, si quem-* 3. *piam calumniatus sum, si oppressi aliquem, si de manu cuiusquam munus accepi, & contemnam illud hodie, restituamque vobis;* vel vt ex Hebræo vertit Pagninus, *'De manu cuius acceperim propitiationem, & occultauerim oculos meos.* vel vt alij. *Et super eo dissimulaui.* Kaldæus, *& inclinaui ab eo oculos meos in iudicio.* Semper autem eadem sententia est asserentis se nunquam à fontibus accepisse pecuniam, aut munus aliquod, vt ad eorum crimina conuiueret, aut oculos auerteret, sed in rectè iudicando constantiam perpetuò ita tenuisse, vt sibi nullus posset, quantumuis maleuolus obrectator, destitutæ, aut prostitutæ iustitiæ crimen impingere.

2 Quod si causam queramus, cur pœnæ fontibus remittendæ facile non sint, eam affert Isaias, *Misereamur, inquit, impio & non discet iustitiam:* nam vt docet Salomon in Ecclesi. *Perversi difficile corriguntur.* contracti enim longa consuetudine habitus, in naturam quodammodo transeunt, ac quemadmodum, quæ naturalia sunt, natura ipsa

*Fontibus
parcendum
non esse
quia non
sunt me-
liores: &
quia san-
guis ab ip-
sis fusus
clamat ad
Principem.
Isai. 26. 10.
Ecclesi. 1.
15.*

repugna

- repugnante tollere non possumus, aut mutare, sed eadem semper in omnibus sunt, ita qui sceleribus diuturno tempore insueuerunt, viciosi illius coloris quem imbibetunt adeo tenaces sunt, vt etiamsi se lauerint nitro, & multiplicauerint sibi herbam borith, maculati tamen sint in iniquitate sua: ac quemadmodum atrum colorem Æthiopis qui tentauerit eluere, operâ ludet, cum naturalis ille color tali debeat corporis temperamento, ita qui longa assuetudine malè facere didicerunt, vitio peruersæ voluntatis virtutis coloris quodammodo incapaces esse videntur, vt quodam loco
- Jerem. 2. 22. queritur Ieremias cum ait: *Si mutare, inquit, potest Æthiops pellem suam, aut pardus varietates suas, & vos poteritis bene facere cum didiceritis malè.* Ergo quemadmodum prudentes medici membra illa à reliquo præcidunt corpore, quæ ita corrupta sunt, vt etiam communicato morbo reliqua tabefaciant; ita sapientes Reipubl. moderatores à Reipubl. corpore sceleratos homines, quos pestilentes scriptura frequenter appellat, ita præcidere debent, vt nullum periculum sit, ne partes illæ quæ infectæ nondum sunt, morbo correptæ
- Eccles. 10. 12. putrescant, ac pereant. *Breuem enim languorẽ præcidit medicus, inquit Sapiens, id est cum in primordiis adhuc versatur, nec adeo gliscit, vt corpus omne peruadendo morbi contagio populetur.* Altera causa est, quod cum priuati homines suas ipsi iniurias persequi prohibeantur, publicæ potestatis, quæ omnium nomine gladium portat, munus est ita illos vindicare, vt Reipubl. consulatur, & priuatis etiam qui violati sunt, fiat satis.
3. Reg. 2. 31. Idcirco Salomon Banaïæ imperans, vt Ioab iam pridem mortis reum interficeret: *Interfice, inquit, eum,*

eum, & sepeli, & amouebris sanguinem innocentem, qui effusus est à Ioab, à me, & à domo patris mei. Nihil autem aliud est amouere sanguinem innocentem effusum, quàm contra iustitiam perpetratam cædem, debitam pœnam rependendo, expiare. Phra- si enim scripturæ satis frequenti sanguis cæso- rum clamare dicitur, & vindictam postulare, & donec fontibus, qui illum iniustè effuderunt, ea pœna inflicta sit, quam meruerunt. Sic de Abelis sanguine dixit Deus: *Vox sanguinis fratris tui clama- mai ad me de terra.* Et apud D. Lucam Deus dicitur *facturus vindictam electorum suorum clamantium ad se die, ac nocte.* & in Apocalysi legimus, *Vindica sanguinem sanctorum tuorum, qui effusus est.* Et de Christo sanguine in Epistola ad Hebræos habemus, *sanguinis effusionem melius loquentem quàm Abel.* Vt ergo muneri suo Princeps satisfaciat in re tam graui, apud se planè constituat fontes im- punè non dimittere, accepto præsertim pretio, & sibi legem illam, quam Dominus in Hebræorum Republ. seruari volebat, penitus indicat, ita enim legimus in libro Numerorum. *Hac sempiterna erūt, & legitima, in cunctis habitationibus vestris. Non accipietis pretium ab eo qui reus est sanguinis, statim & ipse morietur:* sic enim fiet vt Rex sapiens impios dis- sipet, vt est in Prouerbiis, vel vt est apud 70. illo- rum sit *Ventilator.* quemadmodum enim paleæ & frumenti retrimenta ab ipso tritico ventilando separantur, & vt est in Christi parabola, flammis destinantur; ita Ciuitatem ab istis hominum no- xiis quisquiliis sapiens moderator vindicariuæ iustitiæ ventilabro purgare debet, ne rotum sin- ceri integrique frumenti cumulum inficiant, & corrumpant.

Genes. 40.
10.

Luc. 18. 7.

Apoc. 6.
10.Hebr. 11.
4.Num. 35.
29.Prou. 20.
26.Matth. 3.
12.

352 *Institutio politica ex sacris Scripturis.*

Formā iudiciorum diligenter seruādam.

- 3 Quod verò attinet ad iudiciorum formam, diligenter ea omnia seruanda sunt, quæ à iure in iudiciis seruanda præscribuntur, sic enim fiet vt Princeps hanc secutus normam, non impingat, & quæ fecerit toti Reipubl. magis probet, minúsque pateat obrectatorum calumniis. Cum ergo crimen aliquod patratum audierit, illius auctores diligenter inuestiget, certóque cognoscat, ne forte innocentes aliqui pro nocentibus puniantur. Ita Gedeon cum Principes Soccoth nescio quid in ipsum eiusque exercitum peccassent, eos puniturus, vt fuerat comminatus. *Apprehendit puerum de viris Soccoth, interrogauitque eum nomina Principum, & seniorum Soccoth, & descripsit Septuaginta septem viros.* Et sanctus Iob de se ipso testatur: *Causam quam nesciebam diligentissimè inuestigabam.* & vniuersè de omnibus timentibus Deum testatur sapiens, eos omnia in iudicando circumspicere, & inuestigare, ne forte fallantur. *Viri mali, inquit, non cogitant iudicium, qui autem inquirunt Dominum, animaduertunt omnia.* Et quia vulgus imperitum ex leuibus coniecturis temerè aliquando de rebus iudicat, scriptura monet, vt imperitæ turbæ sententiam non sequatur, qui iudicaturus est: *Non sequeris, inquit, turbam ad faciendum malum, nec in iudicio plurimum acquiesces sententia, vt à vero deuies.* Et Iosaphat Rex Iuda sanctè instituens iudices suos, inter cætera hoc etiam dat in mandatis, *Vt cum diligentia cuncta faciant.* Propter hanc causam sapienter à Daniele Susannam innocentem condemnans reprehensus est populus, quod non diligenter causam sanctæ illius mulieris cognouissent, sed, sed nimium ad credendum faciles eam morti adiudicassent. Sic

fatui

fatui, inquit, filij Israël non iudicantes, neque quod verum est cognoscentes condemnatis filiam Israël? Hæc tandem illa veritas esse videtur, quam rationali summi Sacerdotis inferi iussit Dominus, quæque iudicium comitari debet, iuxta illud quod habemus in Psalmo, *Opera manuum eius Veritas, & Iudicium*. Imò quandoque Dominus sceleris alicuius reos, ne falli quemquam contingeret, miraculo prodidisse constat ex scripturis, vt in adulteris mulieribus, quarum scemur vno dumtaxat aquæ illius haustu, quam amarissimam scriptura appellat, statim putrescebat, in violari maritalis thori vindictam, vt in libro Numerorum legimus. Nec graues auctores desunt, qui putent comminuti vituli; quem impiè Israëlitaë adorauerant, pulueres, cum aqua Moysen populo propinasse, quod signum aliquod vnde agnosci possent, in iis qui idololatriæ crimen admisissent, post potum illum diuinitus existeret. Porro denuntiatione, aut indiciis, criminis auctores deprehensi, citâdi sunt, aut si detrectent, cogendi vt iudicio sistant se, & si quid habeant quod afferre possint ad crimen diluendum proferant. Absconderat se Adam peccati admissi sibi conscius, diuinumque declinans aspectum se dederat in latebras. At Dominus aspiciaturus iudicium, *Vocauit Adam, & dixit ei. Vbi es?* Et multis postea sæculis lege iam per Moysen à Domino tradita, ita seruatum est in omnibus iudiciis, vt reus vocaretur, & audiretur. Itaque Nicodemus Iudæos aliquid contra ius in Christum, cui infensi erant, molientes officij admonuit, dicens: *Nunquid lex nostra iudicat hominem, nisi prius audiuerit ab ipso, & cognouerit quid faciat?* Nec verò apud Hebræos tantum ita lege

Exod. 28.

30.

Psal. 110.

7.

Numer. 5.

18.

Exod 32.

20.

Genes. 3. 9.

Ioan. 7. 51.

sancitum erat, sed naturali lumine dictante apud alias etiam nationes vsus obtinuerat, vt nullus inauditus, aut saltem non appellatus damnaretur: quod de Romanis ex scriptura discimus, ita enim loquitur Festus in actis Apostolorum, *Non est Romanis consuetudo donare aliquem hominem, priusquam is, qui accusatur, praesentes habeat accusatores, locumque defendendi accipiat, ad abluenda crimina.*

Act. 25.
16.

Ibid. n. 15. Dicit, *donare*, quia Paulum Principes Sacerdotum & seniores Iudaeorum postulauerant, vt damnaretur, etiam inauditus; hoc autem fuisset reum illis donare, vt ipsi prout collibitum fuisset, interficerent. Ex Graeco autem contextu nostra versio lumen accipere potest, in quo habemus *χρηζέσθαι τινα ἀνθρώπου εἰς ἀπώλειαν, donare aliquem hominem ad perditionem.* Ad eandem etiam iudiciorum formam spectant testes, qui ad reuincendum reum, & rei gestae veritatem certius cognoscendam faciunt; hos autem adhiberi iussit Dominus in veteri lege. Sic enim praecipitur in Deuteronomio. *In ore duorum aut trium testium peribit qui interficietur. & alibi. Non stabit testis vnus contra aliquem, quidquid illud peccati, & facinoris fuerit, sed in ore duorum, aut trium testium stabit omne verbum.* quæ verò ex testium dictis contra reum constiterint, ea mos est scriptis excipere, & in acta referre, vt cum opus fuerit, ostendi possit quibus causis adducti iudices morti aliquem addixerint, aut aliis poenis in eum animaduernerint. Hinc S. Iob, qui se quodammodo iudicio contendere cum Deo intelligebat, modum hunc agendi satis indicare videtur: nam de testibus quidem ita lo-

Deut. 17.
6.
Deut. 19.
15.

Iob 10. 17. *Instauras testes tuos contra me, & multiplicas iram tuam aduersum me:* alibi verò de delictis in
commen

commentarium relatis, ait, scribis enim contra me *Iob 13*
amaritudines, & consumere me vis peccatis adolescentie
meae. De iudicio autem quo delicta ad puniendum
inquiruntur, ista dici satis patet vel ex ipsis ver-
bis, vel ex proximè antecedentibus, ac conse-
quentibus. Nam capite illo decimo dixerat, *Di-* *Iob 10.2.*
cam Deo: Noli me condemnare, indica mihi cur ita
me iudices: nunquid tibi bonum videtur si calumniaris
me, & opprimas me opus manuum tuarum, & consilium
impiorum adiuvet? Capite autem decimo tertio, se,
dum iudicium hoc exercetur, compedibus qui-
busdam constrictum fuisse confirmat, ad eum
modum quo capitis rei carceribus ne fuga ela-
bantur concludi solent, ita enim loquitur, *Po-* *Iob 13.27.*
suisti in nervo pedem meum. Quamvis autem possit
Princeps in testibus conuictum reum, mortis sen-
tentiam pronuntiare, ab eo tamen semper tentet
commissi delicti confessionem elicere. Ita Ge-
deoni interroganti, Zebee, & Salamana cædem
quam patrauerant, confessi sunt. Dixitque Gedeon, *Iud.8.18.*
inquit scriptura, *quales fuerunt viri quos occidistis in*
Thabor? qui responderunt, similes tui, & unus ex eis
quasi filius Regis. Quibus ille respondit, *Fratres mei*
fuerunt, filij matris meae. Vivit Dominus, quia si servas-
setis eos, non vos occiderem. Similem ex Acham vio-
lati anathematis reo confessionem expressit Io-
sue; quamvis enim diuino testimonio per sortes
edito confixus planè esset, nullusque pateret ef-
fugio locus, illum tamen ita interrogat. *Filii mi,* *Ios.7.19.*
da gloriam Domino Deo Israel, & confitere, atque in-
dica mihi quid feceris, ne abscondas. Responditque
Aham Iosue, & dixit ei. *Verè ego peccaui Domino*
Deo Israël, & sic, & sic feci, vidi enim inter spolia pal-
lium coccineum valde bonum, & ducentos siclos argenti,

regulamque auream quinquaginta siclorum, & concupiscens abstuli, & abscondi in terra contra medium tabernaculi mei argentumque fossa humo operui. Qua confessione audita ad vallem Achor seductus est, lapidauitque eum omnis Israël, & cuncta quæ illius erant igne consumpta sunt, filij nimirum & filia, boues & asini, & ones, eiusque tabernaculum, & cuncta suppellex, vt ibidem sacra narrat historia. Huius autem facti occasione dubitari potest liceat ne aliquando Principibus, in criminibus præsertim quibusdam atrocioribus, cuiusmodi proditio est, aut noxa læsæ maiestatis, eadem cum parente pœna filios culpæ eius minime affines inuoluere. Cui dubitationi respondendum est breuiter, posse filios innoxios in grauioribus patrum criminibus, honoribus, facultatibusque licitè spoliari: vitam verò adimi nulli licere, qui peccato suo id commeritus non sit, id enim nemini Principum summus vitæ arbiter Deus concedit. Expresserat id olim in veteri lege Dominus, nam in

Deut. 24. 16. Deuteronomio ita Iudicibus præcipiebatur. *Non occidentur patres pro filiis, nec filij pro patribus, sed unusquisque pro peccato suo morietur.* Cui consonat illud

Ezech. 18. 20. Ezechielis, *Anima quæ peccauerit ipsa morietur, filius non portabit iniquitatem patris, & pater non portabit iniquitatem filij, iustitia iusti super eum erit, & impietas impij erit super eum; & illud Ieremiæ, In diebus illis non dicetur vltra, Patres comederunt vnam acerbam, & dentes filiorum obstupuerunt, sed unusquisque in iniquitate sua morietur, omnis homo qui comederit vnam acerbam, obstupescant dentes eius. Quod si quæ scripturæ testimonia, aut sanctorum veteris legis principum facta repugnare videntur, atque adeo parentum culpam ad filios pertinere ex iis locis*

locis probari posse, multiplex responsio è sanctis Patribus, Scripturæque sacre interpretibus afferri potest, quamvis fortasse non vna quælibet cuique loco, sed aliis alia accommodari possit. Dici enim potest primò, tunc demum parentis improbitatem filiis nocere, cum filij parentum scelera, quod plerumque usu venire solet, imitantur. Secundò, tunc filios innoxios à Domino puniri, cum eorum pœna in superstites parentes vindictæ conscios, aut spectatores redundare potest. Tertiò, pœnas quidem temporales aliquando, spirituales nunquam à parentibus ad filios innocentes transmitti posse. Quod autem spectat ad filios Acharr, non desunt qui putent eos aliqua ratione paterni sceleris participes fuisse, importatæque in domum vestis pretiolæ, ac pecuniæ aspectu delectatos esse, atque ita parem fuisse à Domino pœnam irrogatam iis, quorum dispar culpa non erat. Quod si forte aliqui ex iis infantes propter rudes annos, & consilij imbecillitatem culpæ penitus expertes fuerunt, id diuinæ sapientiæ, & voluntatis decreto absque occisorum culpa, sed non absque causa factum fuisse, asserendum est. Nam de potestate nullus ambigat cum Dominus vitæ & necis arbiter sit, quam ob causam cum in quinque Ciuitates incendium, & in vniuersum orbem cataclysmum immisit, infinitam propemodum infantium multitudinem, qui nullam adhuc culpam contrahere poterant, aquis, aut ignibus aboleuit.

Sed quæri posset an foret è Republ. si ius vitæ, & necis parentibus in filios concederetur à lege, qua illis potestas fieret natorum delicta, morte etiam vindicandi, si peccati grauitas id postulare

358 *Institutio politica ex sacris Scripturis.*

videretur. Respondeo videri noxium hoc Reipubl. futurum, nam filij quidem seruilem potius in modum parentes timerent, quàm diligerent vt liberos decer, &, contra quàm optabat Apostolus, *pussillo animo* fierent & deiecto: parentes verò vel in sceleribus puniendis remissi nimium essent, vt Dauid & Heli Sacerdos, quorum primus Absalonem perduellionis reum, & pessimè de vniuersa Republ. meritum seruatum cupiebat, alter adeo molliter grauissimè peccantes increpuit, vt non propterea à scelere sint deterriti, vel forte potestate abuterentur, & exigui criminis reos destinarent ad necem subita & impotenti aliqua animi perturbatione prouecti. Dicat aliquis lege Deuteronomij datam fuisse parentibus necis potestatem in filios còtumaces, eosque, qui pietatem in parentes contumelia violare veriti non fuissent. Præterea Ioseph ad parentem Iacob fratrum crimen detulisse admodum graue, & morte fortassis expiandum. Tandem Iudas nurum suam ad incendium damnasse, vt legimus in Geneseos historia, quæ omnia hanc illo æuo in patribus familias potestatem fuisse, videntur ostendere. Sed facile responderi potest parentes in delictis filiorum contumacium, aut eorum qui eis maledicere ausi fuissent, testes tantum, sed præcipuè cuiusdam auctoritatis fuisse apud populi Iudices, Iosephi verò delatio ad correptionem potius fratrum, quàm ad iudiciariam criminis cognitionem spectare videtur, nec Iudas alia ratione, quàm vt populi princeps parabat in nurum suam sceleris compertam, vt ipse arbitrabatur, animaduertere.

Coloss. 3.

21.

1. Reg. 2.

22.

Deut. 21.

18.

Exod. 21.

17.

Leuit. 20.

9.

Genes. 37.

2.

Genes. 38.

14.

Quid faciendum

4 Quia verò fieri nonnunquam potest vt criminis

minis alicuius plurimi participes fuerint, aut etiam populus vniuersus, tunc sanè ipsi parcendum est vniuersitati, aliquibus duntaxat in vindictam sceleris, contumaciumque terrorem de medio sublatis. Viguit olim apud aliquos populos ea consuetudo, vt si legio aliqua, aut exercitus vniuersus aliquid peccasset, quod grauiorem poenā mereretur, decimus quisque interficeretur, aliis impunè abire permissis, ea poena decimatio dicebatur. Hac Dominus poena se vsurum comminari quodāmodo videtur, cum ait apud Isaiam, *Et adhuc in ea decimatio, & erit in ostensionem.* Principi cum populus vniuersus peccauit. Isai. 6. 13.

Cuius loci sententia esse potest. licet iam multis plagis populum hunc meum attriuerim, manus tamen mea adhuc extenta est ad feriendum, ex omni populi numero decimam partem in scelerum poenam interire permittam, aut quod grauius est, tam multos, vt decima tantum pars, reliqua fiat. Ita etiam Moses in Exodo à porta ad portam districtis gladis discurrere iussit Leuitas & obuium quemque demetere, & quamuis populum vniuersum sceleris illius contagio peruasisset, pars tamen duntaxat, in sceleris detestationem, expiationemque obruncata est, ceteræ verò partium multitudini. Hinc etiam Israel vniuersus cum filios Benjamin, pro eo, quod peccauerant, ita vno prælio afflixisset, vt viginti quinque hominum millia caderent, seque iuramento astrinxisset, vt sexcentis illis viris, qui soli ex vniuersa illa tribu superstites erant, filias aut sorores in matrimonium minimè daret, se postea inconsultè fecisse animaduertit. *Venerunt itaque omnes ad* Exod. 32. Iud. 21. 2.

domum Dei in Silo, & in conspectu eius sedentes lenauerunt vocem, & magno ululatu, coeperunt flere, dicen-

tes. Quare Domine Deus Israël factum est hoc malum in populo tuo, ut hodie una tribus auferretur ex nobis? Moxque victimis mactatis, & propitiato numine rursus ad consultandum conuenit. Quod ita in sacra narratur historia. Ductique pœnitentia filij

Ibid. n. 16. Israël super fratre suo Benjamin cœperunt dicere. Ablata est tribus una de Israel, unde vxores accipient? Omnes enim in cōmune iurauimus non duros nos his filias nostras. Sed tandem cum habitatores lates Galaad contra Benjamitas arma nō sumpsissent, nec se illo obligassent sacramento, quadringentas Virgines ex eo oppido selectas, tribui ad interitum vergenti tribuerunt vxores, atque ita & iurisiurandi religioni satisfactum est, & tribus illa ab interitu vindicata. Est igitur toti multitudini si quando peccauerit parcendum, capitibus dumtaxat, aut certè aliquibus ex populo in admissi sceleris vindictam, è medio sublatis: si secus faciat Princeps, & notam sœuitiæ non euadet, & suas vires populo deleto, penitus accider.

Ne sit princeps nimium minutus in delictis inquirendus. Iudith. 8. 3.

Iob 14. 6.

Ibid. n. 7. 19.

§ Nec verò minutim cuncta scrutari & explorare princeps velit, & subditis importunè in omnibus instare, ut maritus ille Iudithæ, qui dum instabat super alligantes manipulos in campo mortuus est, imo consulto ad quædam conniueat, ne subditos nimium premat, sed illis, ut sic loquar, permittat respirandi facultatem iuxta S. Iob querimoniam, aut votum cum precabatur Dominum verbis illis, Recede ergo paululum ab eo ut quiescat, donec optata veniat, & sicut mercenarij dies eius, & alibi, Usquequo non parcis mihi, nec dimittis me ut glutiam saluam meam? Quanquam enim optandum est, ut toto nisu in hoc moderatores Reipubl. incumbant, ut corruptos mores aut emendent, aut excindant, quædam

quædam tamen vitia radices adeo altas egerunt, vt quicunque illa extirpare tentauerint, non solum frustra sint, sed etiam illud, quod minime vellent consequantur, vt cum in irritum conatus euaserit, minuatur existimatio illorum potestatis, quæ amoliendis prauis moribus par esse non poterit. Hæc cum incidunt tempora, prudens consilium est dissimulando transmittere quæ corrigi non possunt, & audiendus Ecclesiastes cum ait, *Pretiosior est sapientia, & gloria parua, & ad tempus stultitia.* & Booz imitandus, qui messores iussit spicas aliquas de industria inter metendum prætermittere.

Ecclesi. 10.

1.

Ruth 2.

16.

6 Illud præterea monendus est Princeps, vt quemadmodum Dominus, vt est in libro sapientiae, *cum tranquillitate iudicat*, ita ipse cum tempora incidunt, quibus puniendi necessitas incumbit, zelum ita exerceat, vt omnem iracundiæ remoueat suspicionem, potiusque ad irascendum lentus credatur, quàm procliuius. Nam si, vt est apud Salomonē, *spiritum ad irascendum facilem, non est, qui possit sustinere*, quanto grauior Principis ira, quam idem sapiens non semel Leonis iræ similem esse docet? *sicut fremitus Leonis, ita & Regis ira.* & alibi, *sicut rugitus Leonis, ita & terror Regis, qui pronocat eum, peccat in animam suam.* Quare quemadmodum, qui in Libyæ arenis verbi gratia deprehensi sunt, aut in sylua Leonibus infesta, rugitum eorum quasi nuncios mortis auribus excipiunt: ita qui Regem sibi iratum esse animaduertunt, certam expectant perniciem, nisi blanda sapientis hominis oratione placatus furor ille resederit, *Indignatio Regis, inquit Salomō, nuncij mortis, & vir sapiens placabit eam.* Sapienter

Irā Principi cauēdam dum punit.

Sap. 12. 18.

Prou. 13.

14.

Prou. 19.

12.

Prou. 20.

2.

Prou. 16.

14.

362 *Institutio politica ex sacris Scripturis.*

itaque Assuerus, qui à Regina Vasthi vxore contemptui habitus, quod ad Regem accersita, Imperium detrectasset, licet vt scriptura loquitur

Esther 1. nimio furore succensus esset, nihil tamen durius in eam statuendum putauit priusquam Regni Pro-

Ibid. n. 13. ceres adhibuisset in consilium, itaque Interrogauit sapientes, qui ex more Regio semper ei aderant, & illorum faciebat cuncta consilio, scientium leges, ac iura maiorum (erant autem primi & proximi Charsena, & Sethar, & Admatha, & Tharsis, & Mares, & Marsana, & Mamuchan, septem duces Persarum, atque Medorum, qui videbant faciem Regis, & primi post eum residere soliti erant) cui sententia Vasthi Regina subiaceret, qua Assueri Regis Imperium, quod per Eunuchos mandauerat, facere noluisset. Nec prius Regi visum est pœnam aliquam decernere, quàm à consiliario quodam excogitatum consilium, non sibi tantùm sed Principibus etiam probatũ fuisset.

Ibid. n. 21. Alius etiam quidam Rex in parabola Evangelica à Domino inductus, cum nuptias filio suo fecisset, & qui inuitati fuerant, varias prætexentes excusationes, venire noluisissent, ex compitis & triuiis obuios quosque ad nuptiale cõuiuium introduxit, quos cum inspecturus intrasset, quendam deprehendit nuptiali veste non amictum, quod crimẽ grande fuisse ex eo intelligitur, quod qui id facere ausus fuerat, ligatis manibus & pedibus in tenebras exteriores missus est, ubi erat fletus, & stridor gentium, non tamen sententiam pronunciauit iratus, sed placidè illum compellans Amice,

Ibid. n. 12. inquit, quomodo huc intraſti non habens vestem nuptialem? Cum verò ille suum crimen agnoscens obmutuisset, tunc demum lictores iussit manus illi iniicere, & ad pœnarum locum abripere.

Quan

7 Quanquam verò arduum est seueritati miscere mansuetudinem, cum pugnare quodammodo inter se ista videantur, sanctorum tamen virorum, sapientissimorumque Principum exemplis docemur, ista sapienter copulari posse, ita vt seueritas quædam existat clemenciæ dulcedine temperata, quæ nec nocentibus pareat, nec exasperet animos populorum. *Iustitia & pax*, inquit Psalm. 84. *osculata sunt*, nec pax placidis gaudens iustitiæ auersata est auctoritatem, nec iustitia pacem, & Dominus qui inflexam amat rectitudinē, dulcis nihilominus æquē appellatur ac rectus à S. David: *Dulcis*, inquit, *ac rectus Dominus*: quibus dotibus, quæ ad populos gubernandos mirifice profunt, quia absolutissimè erat ornatus, propterea subiicitur, *Propter hoc legem dabit delinquentibus in via*. Mitissimus etiam David, cuius est illa vox ad Dominum, *Memento Domino David & omnis mansuetudinis eius*: plurimum tamen sanguinis effudit hostium, ac nocentium: quam ob causam ab ædificatione templi, quod excitare moliebatur, à Domino prohibitus est: *Non poteris*, inquit, *adificare domum nomini meo, tanto effuso sanguine coram me*. De eo autem legimus in historia Regum. 2. Reg. 8. *Mensus est autem duos funiculos, unum ad occidendum, & unum ad viuificandum*, hoc est duplicem cum Moabitis agendi rationem instituit, alios è medio tollendo, rebelles, scilicet contumaces, sediciosos, & eos, qui cum aliorum essent capita, publicam quietem conturbabant; aliis quidquid suo scelere meruerant condonando, minuitiori nimirum plebi, & iis, quos obsequij legumque patientes, futuros animaduvertebat, atque ita hos duos temperabat funiculos, vt illos modò ad-

Iustitia
vindicati-
ua clemē-
tiā copula-
ri posse.

Psalm. 84.
11.

Psalm. 24. 8.

Psalm. 132.
1.

1. Paral.
22. 8.

2. Reg. 8.
2.

duce

364 *Institutio politica ex sacris Scripturis.*

Leuit. 8.
30.

Ecclef. 7.
17.

Matth. 7.

4.

Matt. 23.

24.

Iob 29.

15.

Luc. 10.

34.

duceret, modò remitteret, vt varia Reipublicæ tēpora postulabant. Quare Moses Aaronem cum filiis sacro ritu sanctificās, vt sacerdotes essent coram Domino, quibus de multis iudicādi potestas erat committenda, *Assumens unguentum* (vel vt alij legunt, *oleum*) & *sanguinem qui erat in alteri aspersit super Aaron, & vestimenta eius, & super filios illius, ac vestes eorum*; forte vt intelligerent sanguini iustitiæ seuerioris, oleum clementiæ semper esse miscendum. Itaque Salomon in Ecclesiaste, *Noli*, inquit, *esse iustus multum*, non summum ius summam continere videtur iniuriam, illique meritò reprehenduntur, qui festucam educere volunt, aut culicem excolare. Nec aliter se gessit S. Iob, qui de se ipso prædicat, *Cum sederem quasi Rex circumstante exercitu, eram tamen merentium consolator*. quem locū S. Gregor. ad rem nostram accommodatissimè explicat in suis moralibus cōmentariis ad eum locum; & aliis etiam illustrat locis ex Sacra scriptura depromptis. Sciendum nobis est, inquit, quod valde lectorem adificare etiam iuxta historiam potest, si perpendat quomodo bonis rectoribus mixta sit, & regendi auctoritas, & benignitas consolandi. At enim. Cūque sederem quasi Rex circumstante exercitu, ecce auctoritas regiminis. Eram tamen merentium consolator; Ecce ministerium pietatis. Disciplina enim vel misericordia multum destruitur, si una sine altera teneatur. Sed circa subditos suos inesse rectoribus debet, & iuste consolans misericordia, & pie sauiens disciplina. Hinc est, quod semini illius vulneribus, qui a Samaritano in stabulum ductus est, & vinum adhibetur & oleum, vt per vinum mordeantur vulnera, per oleum foveantur, quatenus unusquisque, qui sanandis vulneribus præest, in vino morsum distractionis adhibeat.

in oleo militiam pietatis : per vinum mudentur putrida , per oleum sananda foueantur. Miscenda est ergo lenitas cum seueritate , faciendūq; quoddam ex utroque temperamentum , ut neque multa asperitate exculcerentur subditi , neque nimia benignitate soluantur. Hoc nimirum illa tabernaculi arca significat , in qua cum tabulis virga simul , ac manna est , quia cum scriptura sacra scientia est in boni rectoris pectore , si est virga districtiois , sit est manna dulcedinis. Hinc etiam David ait , Virga tua & baculus tuus ipsa me consolata sunt: Psalm. 22. virga etenim percutimur , & baculo sustentamur. Si 4. ergo est districtio virga , qua feriat , sit & consolatio baculi , qua sustentet. Sit itaque amor , sed non emolliens : sit rigor , sed non exasperans : sit zelus , sed non immoderate sauiens ; sit pietas , sed non plusquam expediat parcens. Intueri libet in Moyse pectore misericordiam cum seueritate sociatam. Videamus amantem pie & districtè seuientem. Certè cum Israëliticus populus ante Dei oculos penè ineuitabilem contraxisset offensam ; ita ut eius rector audiret : Descende , peccauit populus tuus: Exod. 32. ac si diuina vox diceret ; qui in tali peccato lapsus est , 7. iam meus non est , atque subiungeret : Dimitte me ut Ibid. n. 10. irascatur furor meus contra eos , & deleam eos , faciámque te in gentem magnam , ille semel & iterum pro populo cui praeerat , obicem se ad impetum Dei irascentis opponens ait. Aut dimitte eis hanc noxam , aut si non facis , dele me de libro tuo , quem scripsisti. Pensemus ergo quibus visceribus eundem populum amauit , pro cuius vita de libro vita deleri se petiit , sed tamen iste , qui tanto eius populi amore constringitur , contra eius culpas pensemus quanto zelo rectitudinis accendatur. Mox Ibid. n. 27. enim ut petitione prima ne delerentur , culpa veniam obtinuit , ad eundem populum veniens ait , Ponat vir gladium suum super femur suum , ite & redite de porta

366 *Institutio politica ex sacris Scripturis.*

ta usque ad portam, per medium Castrorum, & occidat unusquisque fratrem, & amicum, & proximum suum. Cecideruntque in die illo, quasi viginti tria milia hominum. Ecce qui vitam omnium, etiam cum sua morte periit, paucorum vitam gladio extinxit. Intus arsit ignibus amoris, foris accensus est zelo seueritatis. Tanta fuit pietas, ut se pro illis coram Domino morti offerre non dubitaret; tanta seueritas, ut eos quos diuinitus feriri timuerat, ipse iudicii gladio feriret. Sic amauit eos, quibus praeuit, ut pro eis nec sibi parceret, & tamen delinquentes sic persecutus est quos amauit, ut eos etiam Domino parcente prosterneret. Vtrobique legatus fortis, utrobique mediator admirabilis causam populi apud Deum precibus, causam Dei apud populum gladijs allegauit. Intus amans diuina ira supplicando obstitit, foris seuiens culpam feriendo consumpsit. Succurrit citius omnibus, ostensa morte paucorum. Et idcirco omnipotens Deus fidelem famulum suum citius exaudivit agentem pro populo, quia vidit quid super populum acturus esset ipse pro Deo. In regimine ergo populi utrumque Moyses miscuit, ut nec disciplina deesset misericordia, nec misericordia disciplina. Haecenus Gregorius. Hunc autem agendi modum S. Moyses à Domino, quem sibi magistrum proposuerat, didicerat, cuius iustitia clementiae dulcedine mitigatur, & misericordiae suauitas, iustitiae fortitudine ac rigore, cum est opus, armatur: Animadvertis, inquit D. Basiliius, quanta cum discretionem misericordia Dominus utatur? si quidem neque citra iudicii discretionem clemens est, neque inclementer iudicat. Misericors enim & iustus est Dominus. Haec igitur cum ita sint, nolimus quaeſo nos Deum ex dimidia tantum parte cognoscere, neque eius erga nos bonitatem ad ignavia occasionem arripiamus. Propterea tonitrua, pro

S. Basil. in
procem.
regularum
filius ex-
plicat ver-
sus finem.
Psal. 114.
5.

propterea fulminum terrores, ut ne bonitas contemna-
 tur. Qui Solem oriri facit, is cecitate etiam mulctat. Qui
 imbrem dat, etiam ignem pluit. Illa clementia, hæc se-
 ueritatis. Aut enim per illa ad amandum alliciamur,
 vel per hæc ad metum assuescamus, ne nobis quoque di-
 catur. An diuitias bonitatis eius, & patientia, & lon-
 ganimittatis contemnitis? Hactenus Basilius. Fieri er-
 go potest ut nihil remittat Princeps de seuerita-
 te pœnarum, sceleribus debita; ita tamen se ge-
 rat in ferendis sententiis, mortisque imperanda,
 ut quilibet intelligat inuitum illum ad ista des-
 cendere, nec alia de causa, quam ut Rempub. ser-
 uet incolumem, irati hominis personam ad tem-
 pus assumere: quod qui faciunt iuxta Dauidis
 præceptum dicentis. *Iraſcimini & nolite peccare, ira-* Psal. 4.5.
cundiam quandam præ se ferunt, cum tamen ani-
mo sedato sint & tranquillo. Hoc autem iracun-
 dia genus est maximè probabile, quia non è cæ-
 co quodam impetu nascitur perturbatæ mentis,
 & vindictæ libidine concitatæ, sed ab animo
 quieto, nullisque motibus commoto proficiscit-
 ur, ac propterea comperimus iis adfuisse Do-
 minum, qui voluntariam hanc iram suscepis-
 sent. *An non in iracundia eius, dicitur de Iosue in*
Ecclesiastico, impeditus est sol, & una dies facta Eccl. 46.5.
est quasi duo? Inuocauit Altissimum potentem in oppu-
gnando inimicos undique, & audiuit illum magnus, &
sanctus Deus in saxis grandinis virtutis valde fortis.
Imperum fecit contragentem hostilem, & in descensu
perdidit contrarios. Fuisse autem mitem Iosue ex
 eo discimus ex scriptura, quod Acham capita-
 li sententia damnaturus, verbis tamen appella-
 uit humanissimis. *Fili mi, inquit, da gloriam Do-* Iosue 7.
mino Deo Israël. Samuël etiam cuius mansuetudo 19.

cōmendari pōtest, quod totius populi testimonio non calumniatus esset, nec oppressisset aliquem, sed ita se gessisset in tāti populi gubernatione, vt nullus auderet conqueri : non tamen propterea, cum opus fuit, zelo, & iracundia, accensus non est, non modo contra Amalechitas, de quibus

1. Reg. 15. ita ad Saül Domino dictante locutus est. *Vade & percute Amalech, & demolire vniuersa eius, non parcas ei, & non concupiscas ex rebus ipsius aliquid, sed interfice à viro vsque ad mulierē, & paruulum atque lactētem, bouem, & ouem, camelum & asinum;* sed contra ipsum Saül Regem, qui Samuēlis imo Dei ipsius praecepta seruare neglexerat, Pro eo, inquit, quod 23. & 29. *abiecisti sermonem Domini, abiecit te Dominus ne sis Rex. Porro triumphator in Israël non parcat, & pœnitudine non flectetur, neque enim homo est vt agat pœnitentiam.* Ita ergo Princeps cum fuerit opus, irascatur, vt facile possit animaduerti, quæ geruntur, aut imperantur, non perturbato animo fieri, aut præcipi sed sedato & tranquillo; geri tamen quia Reipub. rationes, quibus id debetur postulant, vt fontibus punitis, toti ciuitati quies, & securitas paucorum periculo paretur.

De Clementia Principis.

CAP V T XIII.

*Clementia
Principem
Deo similem
facere.*

1 **N**Vlla virtus Principem adeo facit Deo similem, Principis nomine, & munere dignum, subditis gratum, regnandique securum, ac Clementia, de qua nunc dicendum est, cum
extre

extremo superiori capite docuerimus à iustitia separandam non esse.

Facit ergo Clementia Principem Deo maximè similem, in quo omnes perfectiones æquales sint, si tamen effectus spectemus, qui ab illis prodeunt, altera alteri præstare videtur: & in his quidem diuina clementia primum locum obtinet, quare S. Iacobus ait, *Superexultat autem misericordia iudiciū*, vel vt in Græco est *κατακαυχᾶται exultat, gloriatur*, aduersus iudicium, quasi de illo victoriam reportauerit. Nam cum Dominus in nefarios homines pœnarum fulmina molitur, id inuitus facere videtur, repugnantèque natura, & quasi laborans, & necessitati cuidam id ab inuito extorquenti seruiens, quod Isaias videtur illis verbis expressisse. *Verumtamen seruire me fecisti in peccatis tuis, præbuiisti mihi laborem in iniquitatibus tuis.* Iacob 2.
23.
sensus enim esse potest. Et me peccatis tuis adigisti, vt correctoris cuiusdam munus mihi inuisum, & quod cum labore quasi seruiens sustineo, subirem. Hinc Deus dicitur à Mose *Deus misericors, & clemens, patiens, & multa miserationis*, vbi Isa. 43. 24.
Exod. 34.
pro *patiens* in Hebræo est *lōgis naribus*, hoc est iris, eadem enim vox quæ nasum propriè significat, frequenter in scriptura adhibetur ad significandum iram, quod iræ quædam indicia in naso conspiciantur. Ita in lamentationibus Ieremiæ: *In die furoris Domini.* & in Prouerb. *Munus absconditum extinguit iras*, vtrobique pro *furore*, & *Ira* est Prou. 28.
14.
q̃ *Nasus*, quod alibi admodum sæpe occurrit.

Dicitur ergo Deus à Mose *longis naribus* enallage quantitatis, pro latis naribus, qui enim angustis naribus sunt, citius irascuntur, fumos enim & vapores biliosos ex stomacho ascendentes citius

conciipiunt, & tardius efflant, ob meatuum angustias in naribus: qui vero iisdem sunt latioribus, placidiores sunt, nam bilem facilius efflant, multumque frigidi aëris extrinsecus attrahunt, quo bilis æstus temperetur. Tanta verò est Dei clementia (vt plurima alia, quæ de illa dici possent, & quæ passim in scriptura obuia sunt, taciti prætereamus) vt in ipsis etiam minis, quas hominibus aliquando intentat, vt à peccando deterreat, frequentissimè clementiæ cuiusdam altè impressa vestigia possimus intueri: quod etiã si fusius quàm soleo persequar, lectori tamen, vt arbitror, minimè iniucundã fore excursiunculã istam existimo. Sanè S. David in virga diuinæ punitio-
nis multũ se consolationis nactum affirmat, cum

Psal. 22. 4. ait, *Virga tua & baculus tuus ipsa me consolata sunt,* nam in minis & seueritate correptionis amoris

Genes. 6. Domini magnitudinem agnoscebat. Huc facit quod legimus in Genesi, *Non permanebit spiritus meus in homine quia caro est.* Quibus verbis in corruptum hominum genus, grauis quædam comminatio continetur, quam tamen variis modis explicare possumus, cum vox ista spiritus multiplicem in sacris litteris habeat significationem. Primò enim *spiritus meus* significare potest ipsum

Ioan. 4. 24. Deum, qui Spiritus est iuxta illud Ioannis, *Spiritus est Deus, & eos, qui adorant eum in spiritu, & veritate oportet adorare.* & sensus erit: *Delicia quidem meæ esse cum filiis hominum.* Sed quia humanum genus vitiis omnis generis nunc implicatum est, & coopertum, ita vt carnis desideriis & voluptatibus seruiat, illud deferam. Secundò significare solet spiritus in scriptura, Dei curam, & prouidentiam: sic videtur accipi hæc vox in psalmo
cum

cum dicitur, *Emittes spiritum tuum & creabuntur*, Psal. 103.
& renouabis faciem terra. Si ergo in propositis ex 30.
 Genesi verbis Prouidentiam accipi dicamus, hæc
 erit sententia. Non pergā amplius peculiari pro-
 uidentia fouere, & complecti perditum hoc ho-
 minum genus, imo perdam aquarum immisso
 cataclysmo. Tertiò spiritus animam rationis par-
 ticipem significat, ita apud Ecclesiast. legimus,
Donec puluis reuertatur in terram suam, unde erat, Eccles. 12.
& spiritus redeat ad Deum qui dedit illum. Et sensus 7.
 erit, non permanebit anima in homine (hanc vo-
 cat Deus spiritum suum, quia illam creat, & in-
 fundit in corpus) quia caro est, vt hæc commi-
 natio sit similis illi, quæ habetur in psalmo, *Au-* Psal. 103.
feres spiritum eorum & deficient, & in puluerem suum 29.
reuerentur. Quartò significat spiritus sanctum il-
 lum Spiritum, qui est tertia persona Trinitatis
 adorandæ, quæ significatio notissima est. De hoc
 autem spiritu hunc locum interpretatur Ambro-
 sius. Datur, inquit, Spiritus sanctus hominibus, Lib. de Ar-
 sed in eis non permanet, quia caro sunt, carnis ca & Noë
 enim natura disciplinæ repugnat, quia voluptati cap. 3.
 obtemperat. Cum tamen tam multiplicem cõmi-
 nationis modum hæc verba contineant, clemen-
 tiam tamen admirabilem in his verbis, altius ea
 considerantibus agnoscere fortè possimus. Spi-
 ritus ergo in scriptura nonnunquam pro indi-
 gnatione, & ira accipitur, vt apud Isaïam, *Quies-* Isa. 2. 22.
cite, inquit, *ab homine cuius spiritus in naribus eius,*
id est cuius ira in promptu, & vehemens est, &
eodem sensu accipitur illud eiusdem, spiritus eius Isa. 30. 28.
velut torrens inundans ad perdendas gentes in nihilum.
 Et Zachariæ: *Ecce*, inquit, *qui egrediuntur in ter-* Zachar. 6.
ram Aquilonis, requiescere fecerunt spiritum meum in 8.

terra Aquilonis. Hæc ergo acceptionem, & significationem spiritus secutus D. Hieron. in quaestionibus Hebraicis sic loquitur. *In Hebræo*, inquit, scriptum est, non iudicabit spiritus meus homines illos in æternum, quia carnes sunt; hoc est quia fragilis est in homine conditio, non eos ad æternos servabo crucians, sed hic illis restitutum, quod merentur. Ergo non severitatem ut in nostris codicibus legitur, sed clementiam Dei sonat, dum peccator hic pro suo scelere visitatur. Vnde & iratus Deus

Osee 4. 14. loquitur ad quosdam; Non visitabo filias eorum cum fuerint fornicatae, & sponsas eorum cum adulteraverint. Et

Psalm. 88. in alio loco. Visitabo in virga iniquitates eorum & in flagellis peccata eorum, verum amen misericordiam non dispergam ab eis. Haecenus D. Hieron. Sed mihi alia

quædam ab hac non dissimilis, & fortasse non repudianda explicatio venit in mentem, quæ clementiam hanc Dei, de qua nunc agimus præclare ostendat. Ut scilicet verbis illis polliceatur Dominus se cum hominibus mitius acturum imo in gratiam rediturum, quia scilicet caro sunt, quam ipse aliquando assumpturus sit, & sibi arctissimo matrimonij cuiusdā iure sit adiuncturus, quasi dicat; Par est me condonare hominibus omnem iniuriam, meumque furorem aliquando desidere, quia cum homine aliquando affinitatem contraham. Porro incarnationem Dominicam matrimonium quoddam esse ex illis verbis Cantico-

Cant. 3. 11. rum colligi posse videtur, Egredimini, & videte filia Sion Regem Salomonem in diademate, quo coronavit illum mater sua, in die desponsationis illius, & in die latitiae cordis eius. Quæ verba ad Christi incarnationem referunt, D. Gregor. Cassiodor. Beda, Haymo, Alcuinus, Bernardus & alij. Nec verò istæ interpretationes, quæ ad bonum trahuntur sensum,

sum, communi interpretationi, quæ minas illis verbis contineri affirmat, ita repugnant, ut cum illa consistere minimè possint. Nam nihil impedit, quo minus vnus, & idem scripturæ locus, quæ illius fecunditas est, diuersos sensus nanciscatur.

Peculiariter verò comminationibus hoc conuenire posse crediderim, cum à Iudice quidè iustissimo proficiscantur, qui tamen simul mortaliū sit

Pater amantissimus. Dicitur in psalmo: *Deficiant peccatores à terra, ita ut nō sint.* Sensus est, ita pereant,

Psalm. 103.

ut non appareant amplius super terrā, ad eum ferè modum, quo ventus puluerem à facie terræ dissipare solet, ut habemus in 1. Psalmo. *Non sic impij,*

35.

non sic, sed tanquam puluis, quem projicit ventus à facie terræ. Sanctus tamen August. locum illum ita explicat, ut iniquis bene precatum velit. *Quid ergo,*

Psalm. 114.

inquit, est quod dicit, *deficiant peccatores à terra?* planè deficiant, auferatur spiritus eorum, & deficiant, et emittat spiritum suum, & recreentur, deficiant peccatores

à terra, & iniqui, ita ut non sint, quid non sint nisi iniqui ergo iustificentur, & non sint iniqui. Hæc August.

Simili planè modo explicat D. Gregor. illud Proverbiorū. *Verte impios, & non erunt:* Conuersi, inquit,

impj non erunt, non quia non erunt omnino in essentia,

Prover. 12. 7.

sed non erunt in impietatis culpa, &c. Ad hunc eundem modum duplicem explicationem admittet illud, quod est in psalmo, *Nisi conuersi fueritis, gladium suum vibrabit.* Quibus sanè verbis minæ

Psalm 7. 13.

sceleris non pœnitentibus intentantur, iuxta litteræ sensum per gladium intelligendo instrumentorum genus omne, quo Deus ad homines puniendos utitur. Diuus tamen August. de Christo explicat, qui gladius dicitur, quod humanitate

tanquam vagina circumseptus venerit in hunc

mundum

A a 3

mundum

mundum. Hic ergo sensus esse potest, nisi conuer-
 si fueritis, vel quia nō conuertemini, Filium suum
 mittet in mundum, cuius gladij acie vitiorum
 omnium spinæ præcidantur. Ad hunc etiam mo-
 dum non incommodè explicauerit aliquis locum
 Deut. 31. illum Deuteronomij, in cantico Moïsis, *Et gladius*
 42. *meus deuorabit carnes*, vt sensus sit, Christus Domi-
 minus vitia carnis absumet, quod in Sacramento
 præsertim Eucharistiæ fieri experiuntur, qui il-
 lud frequentant. Illud etiam, quod habetur eo-
 dem Cantico, *Ego occidam, & ego viuere faciam.*
 Deut. 32. quibus verbis Dominus in manu sua vitam &
 39. mortem esse docet, ad sensum trahemus, si in-
 terpretemur. Ego occidam vitia, & viuere vos
 Psal. 105. faciam vita gratiæ. Legimus in Psalmo. *Et eleua-*
 26. *uit manum suam super eos, vt prosterneret eos in deser-*
to, & vt deiceret semen eorum in nationibus, & di-
spenderet eos in regionibus, sensus est. Eleuauit ma-
 num suam ad percutiendum, grauēque de illis
 sumere vindictam decreuerat, ita vt illos proster-
 neret in deserto, & vt posteros eorum corruere
 faceret inter impias gentes, & dispergetet eos
 per regiones varias. Similis comminatio habe-
 Ezech. 36. tur apud Ezechielem. *Ego leuaui manum meam, vt*
 7. *gentes, quæ in circuitu vestro sunt; ipsæ confusionem*
 Zachar. 2. *suam portent.* Et apud Zachariam, quia ecce ego le-
 9. *uo manum meam super eos, & erunt praeda his, qui ser-*
 Isai. 9. 12. *uebant sibi.* Et apud Isaiam. *In omnibus his non est*
auersus furor eius, sed adhuc manus eius extenta. Di-
 xi has omnes comminationes esse, nam manus
 Domini extenta, & eleuata ferientis habitum
 præ se ferre videtur, sed tamen in his etiam mi-
 nis misericordiæ & clementiæ vestigium quod-
 dam possumus deprehendere: nam manus in al-
 tum

tum sublata , pacis & amicitiaꝝ symbolum est. Cum ergo Dominus manum attollit non tam ferientis , ac percutientis seueritatem , quàm ad amicitiam & fœdus prouocantis gestum agnosce-re debemus. Hinc forte illa conquestio quam in Prouerbiis legimus , *Extendi manum meam & non fuit, qui aspiceret.* Queritur enim quod cum mul-tos ad se se spe veniaꝝ inuitasset , illi tamen ve-nire recusassent.

Prouerb.1.
24.

2 Iam verò Clementiam Principis nomine & munere dignissimam esse ostendamus. Princeps in scriptura medicus appellatur , quod quemad-modum sapiens medicus ita suas adhibet cura-tiones , vt diuersis ac contrariis morbis , diuersa etiam ac inter se contraria medicamenta accom-modat , lenia quædam , & suauia , aspera alia , & iniucunda, cibos aliquando aut potiones ad hau-riendum gratissimas propinet , aliquando sectio-nibus & vstionibus vexet , salutaribus illis qui-dem , sed à quibus vt à rebus molestissimis , ple-rique omnes ægroti refugiant. Imò vnum & eum-dem morbum & ægrotum vtroque medicamen-torum genere reuocat ad sanitatem , quemad-modum pius ille Samaritanus vulneribus illius, qui in latrones inciderat , vinum , & oleum in-fudisse ex Euangelica discimus parabola, quorum illud austerioris cuiusdam naturæ est , hoc lenio-ris & mitioris. Principem autem esse medicum habemus ex Isaia , apud quem dicitur cuidam, *Princeps noster esto* ; ille verò munus hoc depreca-tur , & detractat dicens : *Non sum medicus , nolite me constituere Principem* : Kaldæus *non sum sufficiens vt sim Princeps* : Septuaginta , *Non ero tuus Prin-ceps.* Quid ita ? quia nimirum artem istam me-dicandi non calleo, nec Reipub. vulneribus me-

Clementiã
Principis
munere ,
qui quasi
Medicus ,
ac Pater
esse debet.
dignissimã
esse.

Luc. 10.
34.

Isa. 3.7.

dicinam facere scio, modò austeris medicamentis vtendo per iustitiæ rigorem, modo suauibus, & lenibus, per Clementiam. Rursus in Psalmo. *Nunquid Medici suscitabunt, aut confitebuntur tibi?* in Hebræo, vt etiam D. Augustinus confirmat. *Nunquid Gigantes?* eadem enim vox Hebræa, punctis detractis, vtrumque significat. Cum ergo Gigantes, vt alibi me dixisse memini, Principes sint, Gigantes inquam illi qui *gemunt sub aquis* populorū, qui aquarum nomine designantur grauiissimam sarcinam sustinentes, satis apparet eosdem dici medicos propter eam potissimum rationem, quam attigi, quod nimirum languenti Reipublicæ facere debeant medicinam, in idque studium suum omne conferre: ac quemadmodum Medici non semper sanguinem mittunt, aut putrescentes carnes resecant, sed interdum imbecillitati decumbentiū consulentes, vires suauis cibo, ac potione reficiunt: ita Princeps non semper rigorem illum seueritatēque iustitiæ sectari debet, sed mitius interdum agere, si saluam velit esse Rempublicā. Hinc Isaias de eodem Reipubl. statu, cum Principem sub Medici nomine, populi quærebant, verba faciens, *Omne, inquit, caput languidum, & omne cor marens à planta pedis vsque ad verticem capitis non est in eo sanitas, vulnus, & liuor, & plaga tumens, non est circumligata, nec curata medicamine, neque fota oleo.* Sed alio etiam nomine, quo Principes appellari cupiunt cum Patres Patriæ audire volunt, Clementia illis commendatur in primis; quemadmodum enim parentes omnia tentant, vt dubiam filiorum indolem ad saniora reuocent consilia, nec statim ad primam offensam illos exhæredant, aut exturbant domo, sed

sed tum demum, cum perditī mores, & iniuriæ iniuriis additæ patientiam euicerunt: ita Princeps intelligat oportet datam esse sibi patriam potestatem, quæ est omnium temperatissima, ac proinde tunc tantum ad extrema deueniendum esse remedia, (quod faciunt Patres) cum alia defuerint, aut ea minus vtilia esse cognouerit. Id à se videbat exigi Moyses, cuius erat vox illa ad Dominum. *Cur afflixisti seruum tuum, & cur imposuisti pondus vniuersi populi huius super me? nunquid ego concepi vniuersam multitudinem hanc, vel genui eam, ut dicas mihi porta eos in sinu tuo, ut portare solet nutrix infantulum, & defer in terram, pro qua iuravi Patribus eorum.* Præcipiebat enim Moyse Dominus vt ea cura & sedulitate populi commodis seruiret, qua Parentes infantulis, quos genuerunt, ac quemadmodum illis blandiri solent nutritij, matresque, quæ infantulos ad vbera portant, & super genua illis blandiuntur: ita ipse populum suæ commissum curæ, tanquam datos à Deo filios imperandi suauitate mulceret potius, quàm odiosa seueritate exasperaret. Nec mirum hanc agendi rationem à Moyse Dominum exegisse, cum ipse summus omnium Princeps Rex regum & Dominus dominantium, eundem clementiæ modum sequatur, vt Dauid testatur cum ait, *Quomodo miseretur Pater filiorum, misertus est Dominus timentibus se.* Imo ipsa natura docente Principes, & eos, qui in alios dominatum exercere possunt honestissima & humanissima Patris appellatione vocare solita fuit antiquitas. Hinc Ecclesiasticus populi Iudaici Principes aliquot insigniores, Moysen, Iosue, Dauidem, Salomonem, Ezechiam, & alios huiusmodi laudaturus, *Laudemus*, inquit, Eccles. 44.

Num. II.

II.

Isai. 66. 12.

Apoc. 19.

16.

Psal. 102.

13.

378 *Institutio politica ex sacris Scripturis.*

- 4.Reg. 5. *viros gloriosos Patres nostros, & serui Naamam Prin-*
 13. *cipis militiæ Regis Syriæ, Dominum suum Pa-*
trēm appellabant, quod quemadmodum potesta-
te, illorum erat Dominus, ita pro affectu (vt Ra-
 2.Machab. *zias ille, qui pater Iudeorum appellabatur) quo il-*
 14.37. *los prosequabatur, Parentis apud illos inereretur*
nomenclaturam. Sanctus etiam Iob, quem Prin-
cipem fuisse ex scriptura colligi posse videtur se
 Iob 29.16. *Pater eram Pauperum. Et Ecclesiasticus Iudicibus*
præcipiens, quo modo se in munere suo rectè
 Eccles.4. *possint gerere. In iudicando, inquit, esto pupillis mi-*
 10. *sericors ut Pater, & eris tu velut filius Altissimi.*
Quemadmodum enim Deus miseretur homini-
bus, eosque tanquam filios amore singulari com-
plectitur, & eorum delicta, cum illa incurrunt,
benignè condonat; ita Rex si subditis suis, pu-
pillis præsertim, qui parentibus orbatī sunt, be-
nignum se exhibuerit, & clementem, Altissimi
filius, quem imitatur, merebitur appellari. Hinc
sapienter illi fecisse mihi videntur, qui Principi-
bus quibusdam nomen indiderunt, Abimelech.
huius enim nominis Regem habemus in Genesi
& in libro Iudicum filius Ierobaal, qui aliquo
tempore Israëlem iudicauit, hoc nomine appel-
latus est, ipso enim nomine officij admonebatur,
cum Abimelech nihil aliud significet quàm Pater
meus Rex, ut scilicet quotiescumque nominis
veniret in mentem, humanitas etiam & clemen-
 Clementiâ *tia parentis in filios versaretur ob oculos.*
 Principes
 populis gra- 3 Sed populis sanè gratissima est Principis sui
 tos efficere. clementia, nam sicut fremitus leonis ira Regis, ita ros
 Prou.19. super herbam hilaritas eius: nam quemadmodum ad
 11. Leonis fremitum cætera omnia animalia imbe-
 cilliora

cilliora contremiscunt, quippe quæ illius violentiæ resistere non possunt, ita Rege irato, & sua abutente potentia in subditos, quis non pertimescat, cum illius voluntati citra periculum resistere nemo possit? Rursus quemadmodum æstiuo tempore cum campos diurni solis vapor, non calefacit modo, sed etiam adurit, nocturno rore recreantur herbæ, & inclinata ac languentia capita rursus attollunt, quasi ad vitam rursus reuocata; ita quieto moderatoque imperio, populi recreantur, & florent, & qui sub aspero Principe, & ad immanitatem propenso languere visi fuerant, & ad interitum quodammodo vergere, si sæuum hunc, & truculentum benignus excipiat, alia repente facies est Reipubl. læta, hilaris, iucunda, omnibus ordinibus noua parta securitate gaudentibus. Hinc Principes regnâdi initio, cum Imperij habenas capessunt, hanc Clementiæ aucupantur opinionem, vt Reipubl. veniant gratiores. Propterea Salomon Adoniæ fratri Regni affectati reo, tanti criminis pœnas condonauit, nam cum iubente Dauid Salomon ad Regni gubernacula esset admotus, rei gestæ fama conturbatus Adonias, *Timens Salomonem surrexit & abiit,* 3. Reg. 2.
tenuitque cornu altaris. Et nunciauerunt, inquit scrip- 50.
ptura, Salomoni dicentes. Ecce Adonias timens Regem Salomonem tenuit cornu altaris dicens. Iuret mihi Rex Salomon hodie, quod non interficiet seruum suum gladio. Dixitque Salomon. Si fuerit vir bonus, non cadet ne vnus quidem capillus eius in terram: sin autem malum inuentum fuerit, in eo morietur. Misit ergo Rex Salomon, & eduxit eum ab altari, & ingressus adorauit Regem Salomonem, dixitque ei Salomon. Vade in domum tuam. Quid de Dauidis clementia dicam?
nam

2. Reg. 3. 1. nam cum facta esset, vt loquitur scriptura, longa concertatio inter domum Saul, & inter domum Dauid, eo tamen cum discrimine vt esset Dauid proficiens, & semper se ipso robustior, domus autem Saul decrescens quonidie; tandem cum omnes tribus Dauidem sequerentur, adeo Saulis filios, aut nepotes non quæsiuit ad cædem, vt potius diligenter inuestigauerit aliquis ne esset ex illa familia superstes, vt cum illo clementer ageret, amore præsertim Ionathæ, quem dum vixerat, singulari quadam beneuolentia fuerat prosequutus. Et dixit
2. Reg. 9. 1. Dauid: Putasne est aliquis, qui remanserit de domo Saul, vt faciam cum eo misericordiam propter Ionatham? Erat autem de domo Saul seruus nomine Siba, quem cum vocasset Rex ad se, dixit ei. Tu ne es Siba? Et ille respondit. Ego sum seruus tuus: & ait Rex. Nunquid superest aliquis de domo Saul, vt faciam cum eo misericordiam Dei? Dixitque Siba Regi. Superest filius Ionathæ, debilis pedibus. Vbi, inquit, est? Et Siba ad Regem; Ecce ait in domo est Machir filij Ammiel in Lodabar. Misit ergo Rex Dauid, & tulit eum de domo Machir filij Ammiel de Lodabar. Cum autem venisset Miphiboseih filius Ionathæ, filij Saul ad Dauid, corruit in faciem suam, & adorauit, dixitque Dauid, Miphiboseih? qui respondit. Adsum seruus tuus. Et ait ei Dauid. Ne timeas, quia faciens faciam in te misericordiam propter Ionatham patrem tuum, & restituam tibi omnes agros Saul Patris tui, & tu comedes panem in mensa mea semper. Qui adorans eum dixit, quis ego sum seruus tuus, quoniam respexisti super canem mortuum similem mei? Vocauit itaque Rex Sibam puerum Saul, & dixit ei. Omnia quaecumque fuerunt Saul, & vniuersam domum eius, dedi filio Domini tui. Operare igitur ei terram tuam, & filij tui, & serui tui, & inferes filio Domini tui cibos

ut alatur: *Miphiboseih autem filius Domini tui comedet
 semper panem super mensam meam, &c.* Quid hic
 pseudopolitici ganniant, quibus ad stabiliendum
 Regnum consultius forte videretur, omnes Re-
 gij sanguinis stirpes exscindere, ne si forte aliqua
 existeret inter Principem, populúmque offensio,
 adolescentis illius in purpura nati spiritus aduer-
 sæ fortunæ iniuria non extinctos, sed tantum so-
 pitos suscitaret, & aura populari inflante magno
 Rempubl. inflammaret incendio? Sed nimirum
 David illud penitus hauserat, quod Salomon po-
 stea scriptum reliquit in Prouerbiis, *Misericordia* Prou. 20.
& veritas custodiunt Regem, & roboratur; Clementia, 28.
thronus eius. Secefferat Saul in speluncam ad dei-
 ciendum aluum, delitescibat in ea David cum
 armata militum manu. Erat in procliui manus
 iniicere, perpetuique hostis se molestia, & peri-
 culo liberare, nec deerant, qui ut hoc faceret sti-
 mularent. Sed David dixit ad viros suos: *Propitius* 1. Reg. 24.
sit mihi Dominus ne faciam hanc rem Domino meo 7.
Christo Domini, ut mittam manum meam in eum, quia
Christus Domini est. Et confregit David viros suos ser-
monibus & non permisit eos ut consurgerent in Saul:
 ipse tantum clamydis Saulis oram præcidit, ut
 Saul intelligeret, quo in periculo fuisset versatus,
 & cuius beneficio præsentissimam mortem eua-
 sisset. Porro David, inquit scriptura, *Exurgens de* Ibid. n. 8.
spelunca clamauit post tergum Saul dicens. Domine mi
Rex, & respexit Saul post se, & inclinans se David
pronus in terram adorauit, dixitque ad Saul. Quare au-
dis verba hominum loquentium, David quærit malum
aduersum te? Ecce hodie viderunt oculi tui, quod tra-
diderit te Dominus in manu mea in spelunca, & cogi-
tavi, ut occiderem te, sed pepercit tibi oculus meus. Dixi
enim

enim: Non extendam manum meam in Dominũ meum, quia Christus Domini est. quin potius pater mi vide & cognosce oram clamidis tua, in manu mea, qui cum præscinderem summitatem clamidis tua, nolui extendere manum meam in te. Hæc & alia locutus Dauid, quibus ostenderet Saulem nullo suo merito in se exasperatum esse, animumque eius leniret & ad saniora, mirioraque consilia reuocaret: ita sui sceleris conscium præsentis beneficij magnitudine commouit, vt ab vberibus lacrymis non temperauerit, placatique animi signa dederit, quod ita

Ibid. n. 17. narrat scriptura. Cum autem compleisset Dauid loquens sermones huiusmodi ad Saul, dixit Saul. Nunquid vox hæc tua est fili mi Dauid? & eleuauit Saul vocem suam, & fleuit: dixitque ad Dauid. Iustior tu es, quàm ego, tu enim tribuisti mihi bona, ego autem reddidi tibi mala, & tu indicasti hodie, qua feceris mihi bona, quomodo tradiderit me Dominus in manum tuam, & non occideris me. quis enim cum inuenerit inimicum suum, dimittet eum in via bona? Sed Dominus reddat tibi vicissitudinem hanc pro eo quod hodie operatus es in me. Et nunc quia scio quod certissimè regnaturus sis, & habiturus in tua manu Regnum Israel, iura mihi in Domino ne deleas semen meum post me, neque auferas nomen meum de domo Patris mei, & iurauit Dauid Sauli. Sed Dauid meliore fide Sauli vitam dedit, quàm ille accepto beneficio sit vsus, nam ad ingenium reuersus Dauidi insidias struere, non destitit, quamuis non meliore successu: nam rursus venit in Dauidis potestatem, qui suæ, in infestissimum inimicum voluntatis & mansuetudinis non oblitus, violentas ab eo manus abstinuit, lanceam tantum, & aquæ scyphum abstulit, & quo in periculo fuisset uersatus,

fatus, Regem, è proximo vociferatus, admonuit, cui Saul. *Peccavi, reuertere fili mi David: nequam enim ultra tibi malefaciam, eo quod pretiosa fuerit anima mea in oculis tuis hodie: apparet enim quod stultè egerim, & ignorauerim multa nimis.* Non tamen propterea David se placatum Saulem habiturum sperauit, nam postquam illum à spelunca missum fecit, & *Abiit Saul in domum suam David & viri eius ascenderunt ad tutiora loca; & altera vice post redditam lanceam, & scyphum, ait David in corde suo: Aliquando incidam una die in manus Saul,* atque propterea se se ad Achis Regem Seth recepit, vt Saulis declinaret insidias: cuius consilium prudens admodum fuit, nam cum prauis hominibus, & qui non bona fide & ex animo amicitiam sarciant, sed externa tantum specie fictè ac simulatè, quæ pax esse potest? Clementiæ igitur famam, veritatè subnixam, plurimi facere debent Principes, eamque diligenter colligere, initio præsertim cum ineunt Principatum; sic enim fiet vt à subditis populis ferantur in oculos, imò sint illis non minus grati, charique quàm oculi, ac propterea *Oculi populorum* merito dici possint, vt quodam loco illos appellauit Hais. Hanc vt iniret viam Roboamum senes docebant consiliarij, vtque sibi clementia omnium subditorum animos deuinciret, auctores erant; nam dixerunt ei: *Si hodie obedieris populo huic, & seruiers, & petitioni eorum cesseris, locutusque fueris ad eos verba lenia, erunt tibi serui cunctis diebus.* Sed ille iuniorum secutus sententiã, quippe iuuenis præferuido ingenio, & nondum experientia magistra bene doctus, populum ita est allocutus. *Pater meus aggrauauit iugum vestrũ, ego autem addam iugo vestro. Pater meus cecidit*

1. Reg. 26.

21.

1. Reg. 24.

23.

1. Reg. 27.

1.

Isai. 29. 10.

3. Reg. 12.

7.

Ibid. n. 14.

384 *Institutio politica ex sacris Scripturis.*

vos flagellis, ego autem cadam vos scorpionibus. Quæ responsio non seditionem modò concitauit, sed Regni maiorem partem à Roboamo abstraxit. Quanto melius Assuerus, qui ad conciliandam sibi Clementiæ opinione beneuolentiam, in edito quod publicè proponebatur legendum, ita

Esther 13. locutus est: *Cum plurimis gentibus imperarem, & 2. uniuersum orbem mea ditioni subiungassem, volui nequaquam abuti potentia magnitudine, se Clementia & lenitate gubernare subiectos, ut absque ullo terrore, vitam silentio transigentes, optata cunctis mortalibus pace fruerentur.*

*Clementia
Principi-
bus securi-
tatem pa-
vari.*

4 Ex hac verò populorum erga Principes beneuolentia magna eisdem securitas paratur, adeo enim illius vitæ non insidiantur, ut laterum suorum obiectu paratissimi sint hostium mucrones excipere, ut Reipubl. Principem seruent incolumem. Hic erat sensus eorum, qui pro Dauide pugnant contra Absolonem: nam cum Rex dixisset, *Egrediar & ego Vobiscum. Respondit Populus. Non exibis: siue enim fugerimus, non magnopere ad eos de nobis pertinebit, siue media pars ceciderit e nobis, non satis curabunt; quia tu vnus pro decem millibus computaris, melius est igitur ut sis nobis in urbe presidio. Ad quos Rex ait, quod vobis videtur, rectam hoc faciam.* Huic planè gemina pro Rege suo David ducum fuit sollicitudo. Nam cum factum esset

2. Reg. 21. 16.

rursum prælium Philistinorum aduersum Israël, descendit David, & serui eius cum eo, & pugnant contra Philistim. Deficiente autem David lesbibenob, qui fuit de genere Arapha, cuius ferrum hasta, trecentas uncias appendebat, & accinctus erat ense nouo, visus est percutere David, presidioque ei fuit Abisai filius Sarnia, & percussum Philistaum interfecit. Tunc inrauerunt viri

viri David, dicentes: Iam non egredieris nobiscum in bellum, ne extinguas lucernam Israël. Tanta enim erat populorum, ducumque in Dauidem beneuolentia, ut suo periculo ac sanguine vitam illius redimere optarent, præclarèque secum agi arbitrantur, si suo capite Israël's vniuersi caput ab interitu vindicarent, quo extincto se planè in tenebris ac luctu, non secus ac si clarissimum solis sidus tolleretur è mundo, se perpetuò futuros putabant. Cum ergo beneuolentiam in primis conciliet Clementia, mirum non est, si de hac ut superius dicebamus Salomon pronuntiauit: *Miserericordia & veritas custodiunt Regem, & roboratur clementia thronus eius.* Et alibi: *Clementia præparat vitam.* Nam admirabilis quidem est populorum vrbiumque consensus, & amica conspiratio in defendenda Principis vita, nec vllum firmitus, validiusque satellitium inueniri potest quàm populorum amor, quem qui nactus est, non excubitoribus, non stipatoribus, aut arcium eget munitis, sed fide populorum tutus, beata quadam securitate perfruitur.

Prou. 20.

28.

Prou. 11.

19.

In gratulationibus publicis, aut cum beneficiis insignia diuinitus accipiuntur, Clementia largiès vendum.

1. Reg. 11.

11.

§ Illud verò obseruandum est antequam caput istud claudamus, incidere aliquando tempora, cum largiores quasdam Clementiæ significationes, aut beneficium aliquod diuinitus acceptum, à Principe videtur exigere, aut recepta, rationique consentanea consuetudo. Vtriusque exemplum scriptura suppeditat. Luculentam de Ammonitarum exercitu victoriã reportauerat Saul: *Nam constituit Saul populum in tres partes, & ingressus est media castra in vigilia matutina, & percussit Ammon usque dum incalesceret dies: reliqui autem dispersi sunt, ita ut non relinquerentur in eis duo pariter.*

ter. Cum ergo tantæ victoriæ magna fuisset pars Saul, cui ad Regnum venienti multi obtrectatores fuerant aduersati, victoria elatus populus, eos postulauit ad necem, quos de nouo Rege oblocutos esse sciebant. *Quis est iste, inquiunt, qui*

Ibid. n. 12. *dixit : Saul non regnabit super nos ? Date viros & interficiemus eos.* Sed Saul faustum illum diem tanto consignatum beneficio, ciuium cæde adeo non putauit funestandum, vt publicam lætitiā Clementiæ suæ significatione duxerit cumulandam.

Ibid. n. 13. *Et ait Saul, non occidetur quisquam in die hac, quia hodie fecit Dominus salutem in Israel.* Consuetudini etiam debita clementia populus fraudandus non est, quasiq; de suo iure deiiciendus. Hinc quia apud antiquos ea obtinuerat consuetudo, vt ingrediente Principe Ciuitatem carcerum portæ recluderentur, vinctisque fieret potestas exeundi, ne tota Ciuitate in occursum Regis effusa vllus esset expers publicæ gratulationis; apud Isaiam, dum tyrannici cuiusdam mores describuntur, illud etiā additur, quod vinctis custodias non patefecisset, *Nunquid, inquit, iste est vir, qui contur-*

Isai. 14. 16. *bauit terram, qui concussit regna, qui posuit orbem desertum, & vrbes eius destruxit, vinctis eius non aperuit carcerem ? nec vetus illa consuetudo damnanda, quā Pilatus abusus est, cum Per diem solemnem con-*

Matth. 27. *sueuerat Prasfes populo, dimittere vnum vinctum, quem voluissent; quam consuetudinē in Iudaico populo antiquam fuisse, & ab eo tempore in mores eius populi inuectā, quo Ionathas parentis Saulis decreto tradendus neci, populi repugnantis fauore creptus est, idque concessum eorum promerito in Remp. aliqui putauerunt. Multū verò auget publi-*

cam totius populi lætitiā, si se ad modicum illud
tem

tēpus vitæ senferint, necisque arbitros fuisse, plurimumque lætantur si eum à faucibus mortis eriperint, quem vindicibus iugulatū legibus intelligebant, tandiuque beneficij illius lætitia perseuerat, quandiu reus ille ciuibus versatur ob oculos. Nec timendum est, ne si vnus aut alter ciuitatis beneficio seruatus est, cæteri fiant proiectiores ad audendum; nam cum ad paucos perueniat impunitas, illius spe nullus se in eas concitiet angustias, à quibus se expedire non possit nisi populi, quo nihil magis incertum est, conciliata voluntate. Cum præsertim possit Princeps, quoties ita expedire publicæ quieti iudicauerit, populi postulationē anteuertere, priusquā de patibulo suspendere, aut capite truncare, quam populi beneficio commeritis supplicij subtrahatur.

*De affabilitate, & facilitate
Principis.*

C A P V T XIV.

Clementiæ affinis est affabilitas, quæ in Cæo potissimum consistit, vt ad se negotiorum causa adeuntes, comiter & cum quadam beneuolentiæ significatione excipiat Princeps, pauperibus etiam aurem facile accominodando, querimonias audiendo, & quis desiderijs, se propensum, nec tamen iniquis acerbum exhibendo. Indicibus quos constituerat ita præcepit Moses: *Audite illos* (populos scilicet quibus præerant) & *Deut. 1. 16. quod iustum est indicare, siue ciuis sit ille, siue peregrinus.*

*Explicatur
in quo sita
sit affabi-
litas.*

388 *Institutio politica ex sacris Scripturis.*

3. Reg. 3.
8.

Nulla erit distantia personarum, ita paruum audietis
ut magnum, nec accipietis cuiusquam personam, quia
Dei iudicium est. Hanc fortassis ob causam Salomon Deo gratias agens ait, *Et seruus tuus in medio
est populi*, quod scilicet Dei beneficio intelligeret
se Principem à Domino constitutum crebro cum
populo agere, eorum lites componere, contro-
uersiasque disceptare debere, ac proinde nō in cu-
biculis regij palatij abditum, & reclusum, sed in
omnium oculis ac conspectu debere versari, itaut
facilis esset aditus tenuissimo cuique, satellitum,
ac stipatorum multitudine neminem submo-
uente, parique aduersus omnes æquitate, & æqua-
litate, ut non huic magis, quàm illi faueret: sed
quemadmodum, qui à plurimis circumstititur, si
in medio situs est, æquè ab omnibus distat, æquè
etiam vicinus est, ita omnibus adesset, aures præ-
beret, negotiisque quamprimum expeditis beni-
gnè dimitteret. Nec aliam sanctus David in sua
domo administranda rationem se tenuisse for-
tasse significat, cum ait: *Perambulabam in innocen-
tia cordis mei, in medio domus mee.* Quasi dicat, ita
vniuersæ familiæ præeram, ut omnibus me præ-
berem æqualem, ac facilem, cunctisque si possem
prodessem, satagerem certè nemini nocere.

Psal. 100.
3.

*Affabilita-
tem maie-
stati non
officere, si
prudentia
regatur, es-
se autem
Barbarorū
& abie-
ctioris con-
ditionis ho-*

2. Illud autem in primis sibi Princeps persua-
deat, affabilitatem istam, & facilitatem, quam re-
quirimus, si prudentia regatur, nihil officere ma-
iestati. Certe Moses suam apud populum aucto-
ritatem tuebatur, nec vsquam legimus propterea
à populo minus habitum in honore, quod, ut
scriptura testatur, esset *vir mitissimus super omnes
homines qui morabantur in terra.* Nec quisquam
sapientis Ecclesiastici dictum culpauerit ita præci-
pientis;

pientis; *Quanto magnus es, humilia te in omnibus.* Et alibi, *Rectorem te posuerunt, noli extolli, esto in illis, quasi unus ex ipsis.* Barbaros sapit mores, vel solo aspectu, cupere congregientibus esse terrori, ut quondam Assuerus, ad quem aliquando non vocata Esther Regina, cum esset ingressa, stetit contra Regē, ubi ille residebat, super solum Regni sui indutus vestibus Regiis, auroque fulgēs, & pretiosis lapidibus, eratque terribilis aspectu. Cumque eleuasset faciē, & ardentibus, oculis, furorem pectoris indicasset (putabat enim Rex ad suæ maiestatis contemptionem spectare si vel ipsa Regina ad illū iniussu auderet accedere) regina corruit, & in pallorē colore mutato lassum super ancillulam reclinavit caput. Conuertitque Deus, inquit scriptura, spiritū Regis in mansuetudinem, & festinus ac metuens, exiliuit de solio, & sustentās eam vlnis suis donec rediret ad se, suis verbis blandiebatur, quid habes Esther? Ego sum frater tuus, noli metuere. Non morieris (quasi aliquid peccasset in legē, quæ inuocatos ad Rege accedere prohibebat) non enim pro te sed pro omnibus, hæc lex constituta est (quasi diceret, pertinet hæc lex ad cōmunes homines, te autem Reginā non adstringit) Accede ergo, & tange sceptrū. Cumque illa resciceret, tulit auream virgā, & posuit super collum eius, & osculatus est eam, & ait. Cur mihi non loqueris? quæ respondit, vidite Domine quasi Angelum Dei, & conturbatum est cor meum pra timore gloriae tuae. Valde enim mirabilis es Domine, & facies tuā plena est gratiarum. Cūque loqueretur rursus corruit, & pene exanimata est. Rex autē turbabatur, & omnes ministri eius consolabantur eam. Haftenus scriptura. placuit enim integram historiam recitare, ut barbaricam gentis illius consuetudinem, quæ à communium hominum conspectu Regem submo-

minū im-
modicam
quandam
affectare
maiestatē.
Num. 12.

3.
Eccles. 3.

20.
Eccles. 32.

1.
Eccles. 15.

9.

uendo, ita maiestatem illius exasperabat, vt ad illius aspectum homines conturbari cuperet, melius intelligeremus. Sed non tantum Barbarorum est ista consuetudo, est etiam infirmiorum & abiectionis conditionis hominum: cum enim sibi optimè conscij timeant ne ab aliis contemnantur, non ex virtutis opinione, sed ex truculentia quadam oris, asperitatēque verborum, ac minis ascitam induunt maiestatem, qua nihil aliud consequuntur, quàm vt grauius odium incurrant subditorum. Horum ingenium graphicè descriptum habemus in Apologo Ioatham in libro Iudicum. Nam cùm Arbores sibi Regem vellent deligere, Oleæque primò Principatum detulissent, tum ficui, tandem viti, omnesque imperium deprecarentur, quod fructibus suis, & liquoribus, operam dare mallent, quàm in Principatu fructuum suorum, & quietis iacturam facere, hac spe deiecta *Dixerunt omnia ligna ad rhamnum: Veni & impera super nos, quæ respondit eisi. Si verè me Regem vobis constituistis, venite, & sub umbra mea requiescite; si autem non vultis, egrediatur ignis de rhamno, & deuoret cedros Libani.* Quantum enim olea, quantum ficus, & vitis fructiferæ in primis arbores sterili rhamno, & spinarum dumtaxat feraci præstant; tantum rhamnus & rhamno similes Principes, qui arborum infructuosarum instar habent, timentes, ne contemptui habeantur à viris primariis & virtutum commendatione præstantibus, ab iis humilioris demissionis obsequium exigunt, ne placido quidem illos dignantes aspectu, se maiestate illa magis verendos subditis apparituros credentes. Quod si quid subditi fortè peccauerint, quo suam minui existima-

tionem

Iud. 9. 14.

tionem putent, in eos statim impotenter exarde-
 scunt. Sed nimirum sua eos fallit opinio, verissi-
 mæ enim dictum est à sapiente: *Fili in mansuetudi-* Eccles. 3.
ne opera tua perfice, & super hominum gloriam dilige- 19.
ris. Cuius dicti sententia est, mansuetudinem in
 agendo magis conciliare benevolentiam, quàm
 quosuis honorum gradus, aut quamuis maicsta-
 tem, hæc enim metum potius incutit, illa verò
 animos hominum, sibi adeò deuincit, vt in quam-
 cunque voluerit partem, qui ita se gerit, illos
 possit inflectere. Aut quod ad rem nostram etiam
 magis facit, sensus est, *In mansuetudine opera tua*
perfice. Nam si comiter & humaniter cum sub-
 ditis egeris, adeò non facies tuæ dignitatis iactur-
 ram, vt potius super, id est præter gloriam, quam
 habes à potentia & Principatu benevolentiam
 etiam omnium, & amorem consequaris. Huius
 artis bene gnarus Absalom, cum ad Regnum
 grassaretur, voluntatesque populorum & studia
 sibi conaretur adiungere, non eos alia magis ra-
 tione sibi deuinxit, quàm benignitatis & affabi-
 litatis opinione; nam *manè consurgens Absalom,* 2. Reg. 15.
stabat iuxta introitum porte, & omnem virum, qui ha- 2.
bebat negotium vt veniret ad Regis iudicium, vocabat
Absalom ad se, & dicebat: Ex vna Tribu Israël ego
sum seruus tuus. respondebatque ei Absalom. Videntur
mihi sermones tui boni, & iusti, sed non est, qui te au-
diat constitutus à Rege. Dicebatque Absalom, quis me
constituat Iudicem super terram, vt ad me veniant om-
nes, qui habent negotium, & iustè iudicem? Sed & cum
accederet ad eum homo, vt salutaret illum, extendebat
manum suam, & apprehendens osculabatur eum. Fa-
ciebatque hoc omni Israël venienti ad iudicium vt audi-
retur à Rege, & sollicitabat corda virorum Israël. vel vt

Osc. 11. 4.

est in Hebræo, & Kaldæo, *furabatur corda*: nulla enim re magis homines trahuntur, quàm humanitate, hi sunt enim *funiculi illi Adam*, quos Oseas commemorat; hæc vincula charitatis, quibus ita vinciuntur animi, ut quos ita constrinxeris in id, quod velis, facile ducere possis, non repugnantes, aut reluctantes, aut se ab illis nexibus expedire molientes, sed lætos, & alacres, nihilque magis optantes, quàm ut ei, à quo capti tenentur, in omnibus quantum possunt obsequantur.

Principem cum pauperibus præsertim affabilem esse debere.
Esther 4.
2.

3 Remoueat ergo à Principe typhus ille Persicus, mos ille superbiæ aboleatur, quo, si non ut olim lege prohibetur, certè multorum Principum, consuetudine dicam, an abusu? seruatur, *ne licitam sit indutum sacco aulam Regis intrare*: sed potius audiant Reges Ecclesiastici consilium ita præcipientis. *Congregationi pauperum affabilem te facito*, seque ita gerant, ut quantum fieri potest nemini necessitas incumbat molles aditus captandi, sed suæ benignitatis fores recludant omnibus pauperibus æquè ac diuitibus. Nec forte mysterio vacat, quod in Deuteronomij loco huius capitis initio indicato, dicitur: *Imo paruum audietis ut magnum*, non è conuerso, ita magnum ut paruum: neque enim hoc præcipere voluit Dominus, ut nobiles viri, aut magistratuum insignibus illustres, contemnuntur, aut minus honestè tractentur, quàm eorum dignitas postulat: sed ut pauperes ita comiter, & cum amoris significatione excipiantur, benignas eorum necessitatibus aures accommodando, ut se præ viris nobilibus, aut diuitibus despectui haberi, iure conqueri non possint. Hanc sanè ob causam olim
apud

Deut. 1. 17.

apud Hebræos iudicia in ciuitatum portis exercebantur, vt ex multis Sacræ scripturæ locis cognosci potest: cur autem id fieret, ea fuit causa, si diuo Hieronymo credimus, vt publicis tenuiorum præsertim hominum commodis seruiretur. *Ne agricola*, inquit D. Hieronymus, *litis causa veniens ciuitatis frequentia, & nouo terreretur conspectu, nec urbis habitator longè ab urbe properaret.* Hæc ille. Ex quo cognoscere facile possumus quantum à boni iudicis officio deflectant illi, qui ne se nimium, vt ipsi loquuntur deiciant, non facile litigatores admittunt, sed diutissimè in aulis, aut atriis præstolari cogunt, & cum in præsentia possint negotia de quibus agitur expedire, in alium tamen diem reſciunt, magnum scilicet inde suæ auctoritatis, & maiestatis incrementum aucupantes. Præclare Salomon. *Noli*, inquit, *prohibere benefacere eum, qui potest, si vales, & ipse benefac.* *Ne dicas amico tuo, vade & reuertere, cras tibi dabo, cum statim possis dare.* Primâ huius effati partem ex Hebræo ita licet conuertere: *Ne prohibeas bonum ab eo, qui Dominus eius est, cum est in fortitudine manus vt facias.* Sententia verò hæc esse ad rem nostram potest. Cum adsunt ciues & audiri volunt, (cuius rei Domini sunt, id enim iure à Principe reperunt) vt eos hoc bono commodoque priuatos velis, si ferendo labori sufficis, sed illis faciles aures præbe, nihilque procrastinatus quàm primum lite disceptata, aut re, quàm postulant concessa, aut si fuerit opus negata, dimitte; vt enim quod postulant non concedas, habent tamen vel eo nomine gratias, quod statim dimissi ad sua negotia potuerint reuerti, expensisque superuacaneis parcere, quas sapenum-

Thren. 5.

24.

Prou. 22.

22. & alibi.

D. Hier.

in c. 5. Annos.

Prou. 3.

27.

mero peregrini magno rei familiaris dispendio facere coguntur.

*Etiā cum
ijs affabile
esse debere
Principē à
quibus ali-
quando la-
sus fuit, sed
ijs. noxas
cōdonauit.*

4 Illud tandem addiderim, affabilitatem hanc etiam ad eos à Principe porrigendam esse, à quibus fuerit aliquando violatus, ne scilicet ij, quos admissi criminis fodit conscientia, suspicari possint, non bona fide noxam à Principe fuisse condonata, sed illius adhuc hærere memoriam, aliquando fortassis magno cum subditi incommodo foras erupturam. Id verò facilius Princeps consequetur si recolat, id quod, cum de Clementia ageremus, dictum est, Patrem scilicet patriæ ciuiumque esse debere, ac quemadmodum Ioseph tantum non ad Regnum in Ægypto elatus, cum illatas à fratribus iniurias posset vlcisci, eos tamen humanissimè complecti voluit, & praua illorum consilia diuinæ prouidentiae prætextu mitigare, eosque quos sceleris conscientia videbat conturbatos, amantissimis verbis ad spem

Genes. 45.
5.8. 15.

erexit, ita eos affatus. *Nolite pauere, neque vobis durum esse videatur, quod vōdidistis me in his regionibus: pro salute enim vestra, misit me Deus ante vos in Ægyptum. Non vestro consilio, sed Dei voluntate, huc missus sum: qui fecit me quasi Patrem Pharaonis, & dominum vniuersæ domus eius, ac Principem in omni terra Ægypti. Osculatusque est Ioseph omnes fratres suos, & plorauit super singulos. Post quæ ausi sunt loqui ad eum. Item Princeps omnem ex animo memoriam detergat iniuriarum, verbis compellet blandis, exporrecta excipiat fronte: ita enim consequetur, vt qui prius de illo fuerant malè meriti, pro malefactis obsequia rependere satagant, iniuriasque Principi fidelissimè seruiendo, compensare nitantur.*

: De

De fide, ac veritate Principis.

CAPVT XV.

HAtenus disputauimus de iustitia & clementia, cui affabilitatem propter quandam argumenti cognationem adiunximus, nunc de veritate, ac fide dicere ingredimur: insigni virtute, & viro Principe digna: quam qui cum superioribus hisce coniunxerit, prospera sibi cuncta poterit polliceri. Sic enim affatur Dauid Regem illum suum, quem miris laudibus ornat in Psalmo. *Intende, inquit, prosperè procede, & regna* Psal. 44.5. vel ut est in Hebræo, *vehere, inequitas, inside*, qui habitus quia eorū est, qui rerum potiuntur, propterea hac metaphora ad gubernacula Reipublicæ suum Principem vocasse videtur, quem iis videbat instructum ornamentis, quæ absolutissimum regni alicuius præsidem maximè decet. Hæc autem, quæ sint, subiicit, cum ait; *Propter veritatem, & mansuetudinem, & iustitiam, deducet te mirabiliter dextera tua.* His enim tribus virtutibus, quæ cæterarum Principe dignarum chorū ducunt, modo quodam mirabili, ad eum finem aspirabis, ad quem contendis.

In hoc autem potissimum veritas hæc, & fides In quo sita est, ut animo sincero, & candido sensa mentis enuntiet oratio, nec aliud verbis, & ore prætendamus, aliud premamus pectore: in promissis verò atque conuentis constantia seruetur. Talem nobis virum exhibet Iobi historia, qui fuit simplex & rectus; talis ille, quem S. Dauid in Domini

In quo sita est, ut animo sincero, & candido sensa mentis enuntiet oratio, nec aliud verbis, & ore prætendamus, aliud premamus pectore: in promissis verò atque conuentis constantia seruetur.

Iob 1.1.

ni

396 *Institutio politica ex sacris Scripturis.*

- ni tabernaculis habitaturum dixit, qui nimirum
 Psal. 14.3. *loquitur veritatem in corde suo*, quod statim explicat
 cum ait, *qui non egit dolum in lingua sua*; qui non ut
 ille vaser, ac subdolos, *in corde & corde loquutus est*,
 Psal. 11.3. corde nimirum duplici, *sed viam pravam, & os bi-*
 Prou. 13. *lingue detestatus*, morésque eorum, *qui terram in-*
 8. *grediuntur duabus vijs*, nullum mendaciis, fraudi-
 busque circumueniendum putauit. Is planè, quem
 alio loco describit David, cum eum. appelleret
 Eccl. 2. 14. *mundo corde, qui non iurauit in dolo proximo suo*, nec
 Psal. 23. 4. *molitus est amico suo malum, qui in illo habebat fidu-*
 Prou. 3. *ciam*, vel ut est in Hebræo, *non arauit malum*. Qua
 29. metaphora etiam alibi vsi sunt sacrorum codi-
 Eccl. 7. 13. cum auctores, ut cum ait Ecclesiasticus. *Noli ara-*
re mendacium aduersus fratrem tuum, neque in amicum
similiter facias: Quæque rem de qua agimus pla-
 nè nobis ob oculos constituit. Quemadmodum
 enim aratores terram aratro proscindunt, & hu-
 mo sabacta quædam spargunt semina, quæ ar-
 uorum gremio concepta paulatim existunt, &
 adolescunt, donec solibus excocta maturescant;
 ita qui proximo suo calumnias machinantur,
 materiam ad excipiendos insidiarum satus dili-
 genter præparant, tum occulta quædam semi-
 na iaciunt, eorum, quæ ipsi moliuntur, eaque
 diligenter dissimulatione obducunt, donec suo
 tempore technæ, quas struxerunt maturitatem
 adeptæ, præclari artifices, qui arauerunt impietatem,
 Osez 10. *iniquitatem metant, & comedant frugem mendacij*. Nec
 13. dissimilis Iobi Metaphora, qui genus hoc homi-
 Iob 13. 14. *num, Fabricatores mendacij* appellauit, id arbitror
 exprimens, quod dolos & mendacia concinna-
 re dixerunt David, & Salomon. Hic enim in Pro-
 Prou. 12. *uerbiis. Testis, inquit, repentinus concinnat linguam*
 19. *menda*

mendaciy : illę verò in Psalmis. *Os tuum*, inquit, Psalm. 49.
abundauit malitia, & *lingua tua concinnabat dolos*. 19.

Quemadmodum igitur, qui telis, verbi gratia, tomento fartis persona, vestibúsque intectis, ita aliquem assimulare student, vt intuentium fallat oculos, ita corporis molem, & habitum oris, & capillamenti colorem imitari satagunt, vt omnia aptissimè sint composita ad decipiendum, nihilque omnino appareat, quod eius speciem non exhibeat : ita qui mendacia adornant, ita illa verisimilium narrationum velamenti obducunt, atque conuestiunt, ita oculos faciémque conformant dum mentiuntur, vt simplicioribus nullo negotio fucum faciant. Huiusmodi fraudum mirus fuit architectus Ioab, Dauidis exercitus Præfectus; nam Abner, & Amasam, quamuis cordatos viros, fraudibus circumuentos interfecit. *Egressus*, inquit Regum historia, *Ioab à Dauid misit nuntios post Abner, & reduxit eum à cisterna Sira,* 2. Reg. 3. 26.
ignorante Dauid. Cúmque redisset Abner in Hebron, seorsum adduxit eum Ioab ad medium porta vt loqueretur in dolo, & percussit illum ibi, in inguine & mortuus est. Amasæ verò eadem, eadem historia ita exequitur. Porro Ioab, inquit, vestitus erat tunica 2. Reg. 20.
stricta ad mensuram habitus sui, & desuper accinctus 8.
gladio dependente vsque ad ilia in vagina, qui fabricatus leui motu egredi poterat, & percutere. Dixit itaque Ioab ad Amasam. Salue mi frater, & tenuit manu dextera mentum Amasæ, quasi osculans eum. Porro Amasæ non obseruauit gladium, quem habebat Ioab, qui percussit eum in latere, & effudit intestina eius in terram, nec secundum vulnus apposuit, & mortuus est.
Ioab planè geminus Tryphon, qui cum Asiæ 1. Mach. 12 40.
Regno ad quod oculos adieccrat, immineret,

Timens

Timens ne forte non permitteret eum Ionathas, sed pugnaret aduersus eum, quarebat comprehendere eum, & occidere. Et exurgens abiit in Bethsan, & exiuit Ionathas obuiam illi, cum quadraginta millibus virorum electorum, in praelium, & venit Bethsan, & vidit Tryphon, quia venit Ionathas, cum exercitu multo, ut extenderet in eum manus, timuit. Et excepit eum cum honore, & commendauit eum omnibus amicis suis, & dedit ei munera, & praecepit exercitibus suis ut obedirent ei sicut sibi. Et dixit Ionatha. Ut quid vexasti vniuersum populum cum bellum nobis non sit? Et nunc remitte eos in domos suas, elige autem tibi viros paucos, qui tecum sint, & veni mecum Ptolemaidam, & tradam eam tibi, & reliqua praesidia, & exercitum, & vniuersos praepositos negotij, & conuersus abibo, propterea enim veni. Et credidit ei, & fecit sicut dixit, & dimisit exercitum, & abierunt in terram Iudae. Retinuit autem secum tria millia virorum, ex quibus remisit in Galileam duo millia, mille autem venerunt cum eo. Ut autem intrauit Ptolemaidam Ionathas, clauserrunt portas ciuitatis Ptolemenses, & comprehenderunt eum, & omnes qui cum eo intrauerant, gladio interfecerunt. Cumque Ionatham haberet in custodia insidias sibi bellè processisse animaduertens, porro fraudibus fraudesnectere perrexit. Ut enim cognouit Tryphon quia surrexit Simon loco fratris sui Ionathae, & quia commissurus esset cum eo praelium, misit ad eum legatos, dicens. Pro argento quod debebat frater tuus Ionathas in ratione Regis, propter negotia, quae habuit, detinuimus eum. Et nunc mitte argenti talenta centum, & duos filios eius obsides, ut non dimissus fugiat à nobis, & remitemus eum. Et cognouit Simon, quia cum dolo loqueretur secum, iussit tamen dari argentum, & pueros, ne inimiciam magnam sumeret

I. Mach.

13. 14.

ad

ad populum Israël dicentem, quia non misit ei argentum & pueros, propterea periit. Et misit pueros & centum talenta, & mentitus est, & non dimisit Ionatham.

Tale Tryphonis ingenium, tales alij, quos commemorare piget, ut Ptolomæus, qui Ionathæ huius fratrem Simonem amicitiae specie deceptum cum sociis obtruncavit in conuiuio. Tales Iacobi filij, qui Sorori Dinæ illatum stuprum ulturi, per fœderis pangendi simulationem, ut susciperent Hebræorum sacra, Religionemque, Regi Hemor, & filio eius Sichem, vniuersæque Ciuitati persuaferunt, sacrilegè sanctis illis ceremoniis ad sternendam ultioni viam abutentes, eo enim consilio ut circumcisionis ritu initiarentur, illis auctores fuerunt, ut cum dolor suscepti vulneris esset acerbissimus, ac propterea ipsi ad arma tractanda, resistendumque minus idonei, stupratorem cum parente necarent, urbemque vniuersam masculis interfectis popularentur. Sed non est necesse plura perfidiæ exempla conquirere, cum multo sit difficilius aliquem inuenire, qui in promissis seruet constantiam, quàm qui datam fidem, aut aliqua ductus cupiditate, aut odia persecutus, violare non dubitet. Quare, Sapiens inquit, *Virum fidelem quis inueniet? quasi procul, & de ultimis finibus sit pretium eius*; ac proinde dicere possumus: *Quis est hic, & laudabimus eum? fecit enim mirabilia in vita sua.*

2 Hæc igitur in oratione simplicitas & veritas; hæc in seruandis promissis constantia Principi maximè cordi esse debet, ut nimirum iuxta sapientis præceptum, *sit firmus in sententia sua certa, & unus sit sermo eius*, ut est apud Septuaginta, id quod in vulgata nostra editione legimus, *Esto*

firmus,

1. Mach.
16. 11. &
seqq.

Prou. 26.
6.
Prou. 31.
10.
Eccles. 31.
10.
Vniuersim
Principi
hac virtus
commenda-
tur.
Eccles. 5.
12.

firmus, in via Domini & in veritate sensus tui, & scientia, & prosequatur te verbum pacis & iustitia.

Ibid. n. 15. Quam etiam constantiam præcedentibus verbis commendauerat, cum in *omni vento ventilandum esse negauerat*, iuxta Septuaginta. Quæ metaphora ab agricolis desumpta est, qui ventilabris cum aliquid aspirat auræ, triticum à paleis secernunt, tritico utpotè grauiore subidente, paleis ventorum flabris alio temere abreptis. Id verò significari videtur non cum primum aliqua compendij aut commoditatis spes affulserit, continuo eam veteri mutato cōsilio prosequendam, sed quemadmodum Agricola non omni aspirante vento triticum ventilando purgant (neque enim verbi gratia, si turbinibus area perfletur, paleæque agantur in gyrum, & rursus tritico admisceantur, ventilationi locus erit) sed opportuniorem ventum expectant; ita in iis negotiis, quæ se offerunt, non facile viro cordato aliquid esse aggrediendum, aut repudiandum, sed prius diligenter animaduertendum non modò an vtile & quæstuosum, sed multo magis an virtuti, ac honestati consentaneum sit, huncque ita agendi tenorem, perpetuo ac constanter retinendum. Vulgatæ verò editionis lectio, *non ventiles te in omnem ventum*, eandem continet constantiæ commendationem; suadet enim vt grauitatem induamus, cuius beneficio non faciliè omni vento circūferamur, tanquam arundines, quas vel tenuissimæ auræ flatus in quamlibet inclinât partem, sed in dictis factisq; omnibus constantiâ perpetuo teneamus. Quod cum in omnibus verum sit, in Principe tamen præcipuè locum habet, vt enim docet Sa-

Pro. 16. 7. Iomon: *Non decet stultum verba composita, nec Principem*

ciuem labium mendax; vel ut est in Hebræo. Non decet stultum labium excellentia. vel auctoritatis, nec Principem labium mendacij vel falsitatis. Et sententia esse videtur, non minus Principem, imo multo magis dedecere mendacium, quàm ineptum aliquem hominem, & de triuio petiit, dedecant verba auctoritatis, si nimirum nulla personæ, decorique habita ratione, loquatur ut Princeps Regna, & Imperia, bella & exercitus, consilia, & magistratus crepet, quasque nutritus in purpura, de rebus magnis arduisque Reipubl. negotiis, quæ nimirum non intelligit, sermones misceat. Quemadmodum enim qui sic ageret, meritò stultus haberetur, magnùmque sibi dedecus compararet; ita Princeps si mentiatur, rem facit persona, quam sustinet, maximè indignam, nec ignominia turpissimam notam effugere potest. Ut verò hæc mendacij turpitudine magis appareat, pauca quædam delibabimus ex scripturis, quibus bene perceptis *Vanitatem, & verba mendacij longè faciat à se noster Princeps, candidamque simplicitatem adamet, & veritatem.*

PROV. 30.
8.

3 Primò igitur mendax Princeps, à Dei optimi maximique Principis similitudine, qui prima veritas est, cum mentitur, abscedit. Isaias enim cum Dominum nobis exhibet in sua prophetia, ut Principem, eiusque mores, ac gesta describit, & *erit, inquit, fides cinctorium renum eius.* quo loco vox, *Fides*, constantiam in dictis & factis, cernitudinem veritatemque designat. *Non enim est Deus quasi homo ut mentiatur, nec ut filius hominis ut muletur, sed sunt cogitationes eius antiquæ fideles, Amen.* Sanè antiquæ, quia quibus olim in sua æternitate constituit nos bonis gloriæ, aut gratiæ ornare, nulla ló-

*Fidelem
Principē,
& veracē,
Deū summū Prin-
cipē imita-
ri.*

Isa. 11. 5.
Num. 23.
29.
Isa. 25. 1.

- gissimi temporis tractu, facta mutatione, cum constitutum tempus aduenerit decorat, illaque priuilegia, quæ per Prophetas suos pollicitus est Ecclesiæ, illi manent inmutata, nec ullis, adeo
- Psal. 88. irritatur offensionibus nostris, *ut quæ processerunt de ore suo faciat irrita, sed in æternum verbum illius*
35.
Psal. 118. *permanet & in generationem & generationem veritas eius.* Pollicitus fuerat Dauidi seruo suo nonnulla, quæ commemorantur in psalmo, tum subdit,
89.
Psal. 89. *in æternum seruabo illi misericordiam meam, & testamentum meum fidele ipsi,* hoc est, quod Dauid promisi, & iurisiurandi sacramento confirmaui. *Nam semel iurauit Dominus in sancto suo si Dauid mentiar,* summa fidelitate seruabo, testamentum enim meum, pactum scilicet, quod cum illo iniij, fidele erit, stabile scilicet & firmum, quod nulla vnquam temporis longinquitate labefactari poterit. Hebraica enim phrasi, quod stabile est & dururnum, fidele dicitur: ita Abigail Dauidem alloquens. *Faciet, inquit, Dominus tibi Domino meo domum fidelem, quia prelia Domini, Domine mi, tu preliaris:* Et Itaias, aquas perennes *Fideles* appellat, eodem sermonis schemate. *Iste, inquit, in excelsis habitabit, munimenta saxorum sublimitas eius, panis ei datus est, aqua eius fideles sunt.* Et Moyse in Deuteronomio. *Augebit, inquit, Dominus plagas tuas, & plagas seminis tui, plagas magnas, & perseuerantes.* Tò *Persseuerantes* in Hebræo est *fideles*, Sunt ergo Dei promissiones ratæ, firmæ, stabiles, nullo vnquam tempore mutabiles, quippe qui ipsa veritas est, nam vt est in Cantico Moyse *Deus fidelis*, vel vt est in Hebræo, *Deus veritas*, vt tanto ante Moses à Domino illustratus cecinerit, quod postea de se ipso Christus prædicauit,

uit, *Ego sum via, veritas, & vita.* Domini igitur Ioan. 14.
mores, ac fidelitatem Princeps imitetur, vt quam 6.
habet cum Deo potestatis similitudinem, dicto-
rum & conuentorum constantia tueatur.

4 Nec verò potest Princeps, eam quam cum Do- Mendacem
mino habet similitudinem exuere, quin eadem Damoni
opera, antiquum illum mendacij parentem amu- simile esse.

letur, illiusque se affectatorem, & discipulum
profiteatur. Quis enim quæso primus fuit men-
daciorum artifex; & magister, sanè diabolus, de
quo S. Ioannes ita loquitur: *Ille homicida erat ab* Ioan. 8.
initio, & in veritate non stetit, quia non est veritas in 44.

eo. Cum loquitur mendacium, ex proprijs loquitur, quia
mendax est & pater eius. Dicitur autem ex pro-
prijs loqui cum mentitur, quia mendacium, Dæ-
monis inuentum est, primus enim omnium men-
titus est, cum Parentibus humani generis in hor-
to voluptatis est pollicitus, *Eritis sicut Dij scientes* Genes. 3.
bonum & malum. Homines verò cum mentiuntur, 5.

non loquuntur ex proprijs, quia re aliena, alic-
nòque inuento vtuntur. Et propter eandem
causam, idem dicitur mendacij Pater, illius sci-
licet inuentor, & architectus: scripturæ enim
phrasi, qui primi aliquod artificium excogita-
runt, illius parentes dicuntur, vt alibi docui-
mus. Nullum est autem mendacij genus, quod
aut ipse non inuenerit, aut nobis non commen-
det, vt illud amplectamur. Reperio enim in scri-
pturis mendacij nomine censeri actiones illas,
quæ ita ab aliquo proficiscuntur, vt personæ illi
ita non conueniant, vt si illas exerceat, recedat
ab officio, alioque planè modo se gerat, quàm
illius status conditio videtur polliceri. Vt si quis
munus aliquod in Republica exerceat, quod exi-

miam requirat sanctitatem, ut verbi gratia, sacerdotis, si sacerdos hic sui gradus, & dignitatis oblitus, aut turpi lucro, aut corporis oblectamentis voluptatibus seruiat, mentitur, aliud enim quotidianæ illius actiones clamant, aliud promittit gradus, in quo constitutus est, & munus, quod obeundum suscepit. Sic Ieremias, *A propheta, inquit, usque ad sacerdotem cuncti faciunt mendacium.*

Ierem. 8.
10.

Ibid. n. 5.

& eodem capite: *Apprehenderunt mendacium, & noluerunt reuerii.* D. Paulus suadens ut mendacium hoc fugiamus, quod in actionibus consistit, ita scribit in epistola ad Ephesios, *Veritatem autem facientes per omnia crescimus in ipso.* Rursus mendacium Idola significat in scriptura, cum enim in templis verbi gratia, aut aris quasi numen aliquid verum repræsentantia statuatur, fallunt & mentiuntur, nam ut ait alicubi S. Paulus,

Ad Ephes.
4. 15.

Idolum nihil est, Id est Idolo, quod simulacrum quoddam est, nihil veri numinis correspondet, quod illo significetur: & ita D. Hieronymus illud Osee accipit, cum populum reprehendit, quod operari sint mendacium, quod scilicet Idolis seruerint, eorumque simulacra pro verorum Deorum imaginibus coluerint. Tandem mendacium inanes hominum spes significat, cum scilicet diuitiis plus nimium fidunt, honores & voluptates tanquam solida bona consecantur, quos mendacij redarguit David, cum ait in Psalmo, *Fili hominum usquequo gravi corde? ut quid diligitis vanitatem, & quaritis mendacium?* Et Oseas cum ait,

1. Cor. 8. 4.

Ephraim pascit ventum, & sequitur aestum, tota die mendacium, & vastitatem multiplicat. Dicitur pascere ventum, id est vento nutrir, pariterque cum mendacio interitus sibi causas vastitatisque con-

Osee 7. 1.

quirere.

Psal. 4. 3.

Osee 12. 1.

quirere. Nec dissimilis Isaia querela, cum falsas quasdam, & nomine tantum telas, peccatores sibi texuisse commemorat, quas ipsi fortasse, ut præclarum opus, & ingeniosum admirabantur, re tamen vera, plenum erat inanitatis, & nullis plane vñbus profuturum. *Telas*, inquit, *arana re-*
xerunt, tela eorum non erunt in vestimentum, neque
operientur operibus suis. Horum ergo mendaciorum, quis versutior architectus, quàm humani generis hostis Diabolus? Quis enim cuiusvis conditionis hominibus suadet, ut muneris sui obliti, ea consecrentur, quæ ad illos non pertinent, officiique desertores Pastorem, Ducem, Doctorem, Concionatorem, Consiliarium, Magistratumque probum mentiantur? Quis credulas mortalium mentes superstitione implevit, & ad muta simulacra colenda, quàm vi tyrannorum, quàm impiorum hominùm astu impulit? Quis falsa bona pro veris obtrusit, & rerum inanium admiratione cæcas stultorum mentes adeo defixit, ut pro illis consequendis nullos non labores sponte subirent, eosque qui ea fuissent, etiam malis artibus consecuti, beatos crederent, ac prædicarent? sane id Dæmonis calliditati atque versutiæ acceptum referre debemus, qui nullum non movit lapidem, ut à veri Dei cultu ad superstitionem, à veritate ad errorem, à virtutis castris ad vitia, quam plurimos posset mortales suis irretitos fallaciis deceptionibusque traducere. Est ergo Principi turpissimum mentiri, & spiritus illius veteratoris, quasi discipulum fieri, à quo mendaciorum, calumniarumque genus omne profluxit, unde & Diaboli nomen apud Græcos inuenit.

Isa. 59. 6.

*Servile esse
mentiri ac*

5 Sed alia etiam turpitudine mendaces comita-

proinde
Principem
maximè
dedecere.

tur, nam mentiri seruilis, & abiecti animi certissimum est argumentum, qui enim forti, & erecto sunt animo, cum sibi à nullo metuant, quod sentiunt, liberè proloqui non verentur; qui verò timidiore sunt & animo deiectione, consutis mendaciis, quæ celata cupiunt, prætexere conantur, ut quod virtute consequi se posse diffidunt, ad ea saltem aspirent calliditate mentiendo. Quare David Regnum Christi describens sub eximij cuiusdam Principis allegoria, tantam illius fore virtutem commemorans, ut illius nostris hostes illi vel inuiti subiiciantur. *In multitudine*, inquit, *virtutis tue mentientur tibi inimici tui.* quod ut melius intelligatur, aduertendū est schemate quodam sermonis non infrequenti alias in scriptura voces pro aliis poni, cum scilicet res significantur vel affines, vel coniunctæ, vel quarum una ex alia sequi solet: sic fuga ponitur pro cursu concitatissimo, quod ij, qui fuga sibi consulere satagunt, timore pedibus alas addente quam citissimè currant: ita aliqui accipiunt illud Canticorum: *Fuge dilecte mi, & assimulare caprea hinnulūque ceruorum.* Sic consolatio pro dolore sumitur, quod dolentiū animas consolatione lenire soleamus, qua ratione explicant aliqui illud Isaia: *Heu consolabor super hostibus meis.* Quia ergo seruis, & seruili animo præditis hominibus mentiri est ad modum familiare, hinc fit ut locutione scripturæ pro eodem capiantur seruire, & mentiri, atque propterea testimonij illius dauidici sensus est maximè litteralis. *In multitudine virtutis tue seruiant tibi inimici tui*, seque etiam non volentes subiicient, seruorumque more qui inuiti seruitutem seruiunt, mentientur. Idemque fortasse signifi

Psal. 65. 3.

Cantic. 8.

14.

Isa. 1. 24.

signifi

significatur, alio Psalmo cum dicitur. *Inimici Do-* Psalm. 80.
mini mentiti sunt ei. & quod legimus in Deutero- 14.

nomio : *Negabunt te inimici tui, & tu eorum colla*
calcabis. nam illud, *Negabunt te inimici tui,* est apud Deut. 33.
 70. *Ἐλεούται σε ὁ ἔχθρὸς σου* quod vertere possis, 29.

Mentientur tibi inimici tui. Principes ergo quorum
 conditio à feruorum statu longissimè distat, quàm
 se abiciant, considerent cum mentiuntur; nam
 quicquid præclarum & illustre secum affert exi-
 mia illa potestas quam habent in Rempub. men-
 daciorum dehonestamento planè corrumpunt,
 ipsique sibi turpissimam infamiae notam, loquen-
 di ista vanitate conciliant, quod docuit olim sa-
 piens; *Mores,* inquit, *hominum mendacium sine ho-* Eccles. 28.
nore & confusio illorum cum ipsis sine intermissione, vel 27.

ut alij interpretantur : *Familiaris homini mendaci*
est ignominia, suumque dedecus comitatur eum assidue.
 Sed vulgata nostra editio aliquid amplius vide-
 tur innuere, scilicet tam esse turpem, ac pra-
 uam istam mentiendi peruersitatem, ut etiamsi
 temperans alioqui sit aliquis, aut liberalis, aut
 aliis virtutum ornamentis conspicuus, tamen
 mores illi, quantumvis laude digni, penitus iac-
 ceant, & debito honore careant, si qui illis præ-
 ditus est, mendax appellari merito possit: verissi-
 mè enim eodem capite dixit Ecclesiasticus. *Op-* Eccles. 20.
probrium nequam in homine mendacium, & in ore in- 25.
disciplinarum assidue erit.

6 Nec verò sibi satis consulunt, qui se à men- *Mendacii*
 tiendi consuetudine abduci non timent, quod se *vix latere*
 tam multis mendaciorum inuolucris veritatem *posse.*
 obducere posse confidunt, ut nullo vnquam tem-
 pore fraudum appareat, mendaciorumque turpi-
 tudo: ea enim veritatis vis est, ut si non statim, cer-

tè temporis longinquitate aliquibus se prodat indiciiis, nonnunquam etiã omnibus perruptis impedimentis in lucem clarissimã emergat. Venderat Iosephum fratres, illum in Ægyptum peregrini mercatores abduxerant, vestẽque sanguine imbuta seni parenti filij mortẽ probauerant, quis tam bellè concinnatum mendacium relegendum aliquando credidisset? Retectum tamen est, tantũque sceleris auctoribus perniciem peperisset, nisi Iosephus fraternæ charitatis non oblitus maluisset beneficiorum magnitudine fratrum immanitatẽ superare, quàm illatas iniurias in memoriam reuocando de fontibus, vř facile potuisset, vindictam sumere. *Qui deprauat vias suas, manifestus erit,* inquit Salomon, *& nihil opertum est, quod non reuelatur, neque absconditũ, quod non sciatur.* Hoc sanè præclare Moyſis nobis ostendit historia, qui cum omnia circum oculis lustrasset, priusquã manus Ægyptio inferret, se tamen deprehensum sentit. Hoc verò cum in omnibus locum habet, tum præcipuè in principibus, in quos omnium oculi, atque ora conuersa sunt, quorum omniũ dicta, factaque diligentissimè obseruantur, ab aulicis præferrim, qui eos perpetuò circumstant, sitque frequenter, vř quæ ipsi arbitris semotis occultè patrata crediderunt, in vulgus tamẽ miris quibusdã modis emanent, à domesticis prius animaduersa, *Oculi enim seruatorum in manibus dominorum suorum,* qui diligẽter explorant, quid faciat, quid loquatur, nec infrequenter quid moliatur facturũque sit, aut expiscatur à consciis, aut ipsi probabilibus ducti coniecturis, Principisque naturæ cognitione diuinant.

7 Sed si mendacium hoc duntaxat afferret incommodi, quod opus mendacibus conciliareturpi

Genes. 27.
28.

• Prou. 10.
9.
Luc. 12. 2.
Exod. 2. 11.

Psal. 112.
2.

*Mendaciũ
Reip. plurimũ
nocere.*

turpitudinem, esset sanè tolerabilius malum, nam ei tantum noceret, qui illius auctor esset, & culpam peccantis pœna comitaretur. Nunc verò adco Rebuspubl. incommodat, vt si veritas à Ciuitatibus exulet, omnia publica priuataque negotia perturbentur, necesse sit, eoque res deducatur, vt communis vita amplius retineri non possit. Quid enim aliud sunt Respubl. quàm corpora quædam inter se ita compacta, atque connexa, vt mutuis membrorum officiis, sibi inuicem singuli seruiant, atque ita non solum vitam tueantur ea parando, quæ ad victum sunt necessaria, sed ea etiam quæ ad ornatum cultumque corporis, sensuumque oblectamenta ingeniosa voluptas excogitauit? Quemadmodum autem si in Luc. 11. 12. humano corpore, cum stomachus cibum appetit, illi mentiretur manus, & panem postulanti porrigeret lapidem, aut petenti piscem, serpentem daret, aut ouo indigenti offerret scorpionem, veneno in visceribus concepto totius humani corporis structura corrumpereetur: ita in qualibet Republ. *Cum frater fratrem circumuenit in negotio,* 1. Thes. 4. illéque decipitur, qui simpliciter gradiebatur ^{6.} Reipubl. partes, quæ prius mutuis inter se officiis nexæ erant, & apræ, dissociantur, totaque Reipub. ratio prorsus euertitur. Vidit hoc D. Paulus, qui ad Ephesios scribens: *Deponentes,* inquit, *mendacium,* Ephes. 4. *loquimini veritatem unusquisque cum proximo* ^{25.} *suo.* statimque cur ita faciendum sit, rationem subdit, *quoniam sumus inuicem membra.* Ecclesiastici vero auctor adeo magna importare incommoda mendacium existimauit, vt illud cum furto composuerit, inò etiam deterius esse pronuntiauerit, si fuerit frequens. *Potior,* inquit, *fur quam* Eccles. 10. 27.

assiduitas viri mendacis, perditionem autem ambo hereditabunt. Bene ista inter se vitia copulauit, nam ferè se mutuo comitantur, concordiam vtrique tollunt, ignominiamque auctoribus suis conciliant, omniaque confundunt, ipsumque mendacium, furtum quoddam esse videtur, dum ei veritas subtrahitur, cum patefacienda fuisset. Cur autem deterius furto mendacium sit, ea fortassis causa afferri potest, quod nobiliora bona mendaces subducant, quàm fures; nam quantula tandem iactura videbitur rectè rem æstimanti, si mihi è re familiari, aliquid quis furto sublegerit? si verò inuadat in famam, meque apud alios traducat, proscindatque mendaciis, aut si mihi falsam aliquam perniciosamque opinionem quis obrudat pro vera, quàm grande hoc malum est, si modo veritatis pretium scimus, de qua illud merito

Iob 28.15. *dici possit, quod habemus apud Iob; Non dabuntur aurum obrizum pro ea, nec appendetur argenti in commutatione eius, non conferetur tinctis India coloribus, nec lapidi Sardonycho pretiosissimo vel sapphiro. Non adequabitur ei aurum, vel vitrum, nec commutabitur pro ea vasa auri. Excelsa & eminentia non memorabuntur comparatione eius, non adequabitur ei topazius de Æthiopia, nec tinctura mundissima componetur. Tandem illud addi potest, eos qui furantur,*

Prou. 6.
30.

eo frequenter adigi, vt sibi ad victum parent necessaria: quo etiam nomine Salomon illorum culpam extenuat, cum ait: Non grandis est culpa cum quis furatus fuerit, furatur enim vt esurientem impleat animam, deprehensus quoque reddet septuplum, & omnem substantiam domus sue tradet: damnūque quod intulerunt, pecuniam refundendo reparari potest; qui vero mentitur assidue proximi-

misque

• misque damnum infert, aut famam illorum violando, aut prauis dogmatibus decipiendo, aut promissa, quæ illi rata putauerant, non adimplendo, linguæ fuit intemperantia, itaque frequenter loquitur, ut damnum, quod suis obrectationibus infert, nulla sit arte reparabile. *Quis est homo, qui vult vitam*, inquit Dauid, *& dies videre bonos?* Psal. 33. 13.

Quasi dicat, est ne aliquis, qui vitam in pace velit traducere, & absque molestiis? Nihil enim, ut arbitror impedit, quo minus locum hunc, quem de æterna vita alij interpretantur, etiam ad dies, vitamque quam in hoc mundo viuimus extendamus: *Prohibe*, inquit, *linguam tuam à malo, & labia tua ne loquantur dolum.* Hoc enim si diligenter præstiteritis, & omnia rixarum fomenta facile abstuleritis, & vitam poteritis in pace propagare, proximorumque vestrorum amantes, omnibusque amabiles. Quod si priuatorum hominum mendacia, & infidelitas ita Rempubl. perturbant, ac pessundant, quid de Principe sentiendum erit, cuius negotia plura sunt, & grauiora, & ad commune Ciuitatis, aut Regni bonum pertinentia? *corrui in platea veritas* (in curia nimirum, subselliisque magistratuum) *& equitas non possit ingredi. fiat veritas in obliuionem*, ut de ea alicubi loquitur Isaias, vel ut Daniel, *In terram prostrata sit*, Dan. 8. 12. perditus planè erit Reipub. vniuersæ status, quod & Isaias indicauit, qui euersam Rempub. illa debilitate veritatis metaphora nobis ob oculos ponere studuit.

8 Sed nullum nos damnum, aut incommodum quantumuis grande magis à perfidia, & mendacio deterrere debet, quàm numinis offensio. Frustra enim sunt, qui mendacium necessitatis cuiusdam

In mendacio culpam esse, grauiusque à Dei puniri.

412 *Institutio politica ex sacris Scripturis.*

- iustitiam prætextu honestare conantur, eius esse commodum, ac bonum usum nonnunquam affirmantes non minus quàm medicamentorum, quibus bene valentes minimè utuntur, sed ea cum egritudine corporis tentantur, coguntur admittere. Sed hunc errorem apertissima testimonia scripturarum iugulant, ea etiam, quæ ab illis prima facie stare videntur. Ut cum ait Ecclesiasticus, *Noli velle mentiri omne mendacium, assiduitas enim illius non est bona.* non enim monet sapiens ab aliquibus dumtaxat mendaciis abstinendum, aliis, lenioribus, v.g. permissis, sed idem est ac si dixisset. Ne prorsus mentiaris, quemadmodum in Leuitico dicitur, *iuxta Hæbraicum contextum, Omnem adipem, & omnem sanguinem non comedetis.* Sensus is est; quem vulgatus expressit, *Nec sanguinem nec adipem omnino comedetis:* quod verò additur, *assiduitas enim illius non est bona,* idem est ac si dictum esset, est valde mala; ita enim loquitur interdum scriptura, ut cum dicitur in Prouerbiis *Cognoscere personam in iudicio non est bonum;* hoc est valde malum; omnem verò dubitandi ansam planè præcidunt Salomon & Zacharias: ille enim ita loquitur in libro Sapientiæ, *Os, quod mentitur, occidit animam;* hic in sua prophetia, *Vnusquisque, ait, malum contra amicum suum, ne cogitetis in cordibus vestris, & iuramentum mendax ne diligatis, omnia enim hæc sunt quæ odi, dicit Dominus.* Rursus ex grauitate pœnarum, quibus mendacia perniciofa vindicantur, præsertim cum iuramenti religio violata est, de culpæ magnitudine licet capere coniecturam. *Omnibus mendacibus* dicitur in Apocal. *pars est in stagno ardenti igne, & sulphure, quod est mors secunda;* & David in Psalmo, *Disperdet,* inquit,
- Ecclesi. 7.
14.
- Leuit. 3.
17.
- Prou. 24.
23.
- Sap. 1. 11.
Zachar. 8.
17.
- Apoc. 21.
8.
- Psal. 11. 4.

inquit, Dominus vniuersa labia dolosa. Et auctor Ecclesiastici, Si frustrauerit, inquit, fratrem, illum scilicet decipiendo, delictum illius super ipsum erit, & si dissimulauerit, errorem scilicet suum corrigere, delinquit dupliciter: & si in vacuum iurauerit, non iustificabitur: replebitur enim retributione domus illius. Expertus hoc est Pharaos, & Aegyptiorum exercitus vniuersus, nam postquam Conuersum est cor eorum ut odirent populum eius, & dolos facerent in seruos eius, posuit in eis verba signorum suorum, & prodigiorum in terra Cham. Misit tenebras, & obscurauit, conuertit aquas eorum in sanguinem, & occidit pisces eorum. Edidit terra eorum ranas in penetralibus Regum ipsorum. Dixit & venit cœnomyia & cinises in omnibus finibus eorum, posuit pluuias eorum grandinem, ignem comburentem in terra ipsorum, & percussit vineas eorum & ficulneas eorum & contriuit lignum finium eorum. Dixit & venit locusta, & bruchus, cuius non erat numerus. Et comedit omne fœnum in terra eorum, & comedit omnem fructum terra eorum. Et percussit omne primogenitum in terra eorum, primitias omnis laboris eorum. Expertus etiam est Sedechias Rex Iuda is, qui à Nabuchodonosor Regno donatus est, quod ita narratur in historia Regum: Et constituit Matthaniam patrum eius pro eo, imposuitque nomen ei Sedechiam; additur verò in libris Paralipomenon, eum fidem Regi Nabuchodonosor datam, iuramentumque firmatam fefellisse. ita enim dicitur. A Rege quoque Nabuchodonosor recessit, qui adiurauerat eum per Deum. Ut autem huius iuramentum semper memor esset, illiusque religione contineretur in officio, eum Sedechiam voluerat appellari, quasi vindicem Dei iusticiam scelus illius puniturum indicaret, si fidem datam irritam facere,

Eccles. 13.

13.

4 Reg. 24.

17.

2. Paral.

36. 13.

414 *Institutio politica ex sacris Scripturis.*

- Loco citato. cere, non dubitasset, sed cum ille à Nabuchodonosor defecisset (quæ defectio inter Sedechiæ crimina numeratur in Paralipomenis) ab eo victus, & captus est, qui in perfidiæ pœnam *Filios eius occidit coram eo, & oculos eius effodit vinxitque cum catenis, & adduxit in Babylonem*: quam pœnam de perfido, ac periuro Rege captam scriptura probat, cum ait de Nabuchodonosor, *Locutus est cum eo iudicium*, quod etiam repetitur à Ieremia; loqui autem iudicium, idem esse crediderim, quod simili dicendi formula scriptura appellat *Facere iudicium*, hoc est à Iustitiæ, æquitatis, virtutisque præscripto non discedere, ut cum à Domino dicitur Abrahamo: *Scio enim quod præcepturus sis filiis tuis, & domui suæ, post se, ut custodiant viam Domini, ut faciant iudicium, & iustitiam. & filiis Israël præcipitur in Leuitico: facietis iudicia mea, & præcepta mea seruabitis, & ambulabitis in eis. Ego Dominus Deus vester.* Hoc ergo merito in perfidiæ ultionem Sedechias passus est. Nec verò deessent alia exempla, ex scriptura petita, quibus quod contendimus probaretur, sed pro nostri instituti ratione ista sufficiunt.

*Cōsideratè
Principem
loqui &
promittere
debere.*

9. Quomodo igitur Princeps in promissis, obstringendaque fide se gerere debeat, videamus. In primis autem suadeo, ut non temerè quidquam polliceatur, sed tunc demum, cum rem etiam atque etiam considerauerit, & quid fieri expediat probè intellexerit; quod enim de Fideiussore dixit Salomon ad sponsores omnes, quacunque tandem ratione nomine promissi teneantur, extendi potest: *Fili mi, inquit, si sponponderis pro amico tuo, defixisti apud extraneum manum tuam, illaqueatus es verbis oris tui, & captus propriis sermonibus.*

Fac

*Fac ergo, quod dico, fili mi, & temeripsum libera, quia incidisti in manum proximi tui. Discurrere, festina, suscita amicum tuum, ne dederis somnum oculis tuis, nec dormitent palpebra tua. Eruere quasi damula de manu, & quasi avis de manu aucupis. Sanè aptissimè Sapiens susceptæ obligationis vinculum nobis ponit ob oculos, cum illud laqueum appellat, quo se qui promissit constringi passus est, manumque qua fidem dedit, quasi clauo apud extraneum defigi passus est, suadetque ut nullum non moueat lapidem, ut se expedire quacunque possit ratione contendat, idque ut intelligatur melius, festinationis, cursus, curæ peruigilis, & ferarum, laqueis aucupum, ac venatorum implicatarum, appositissimis metaphoris explicat. Quare sapienter etiam Ecclesiasticus admonet, *Aurum tuum & argentum tuum conflat, & verbis tuis facito stateram, & franos ori tuo rectos. Quibus verbis, ut nobis stateram paremus docet, ne scilicet temerè verba effutiamus, sed antequam proloquamur aliquid, illud ad stateræ examen vocemus, accuratèque pendamus, quid eloquendum sit, quid silentio premendum, quid utile possit esse, quid noxium; quia verò ut suadet alicubi Salomon cum ait, Veritatem eme, nullis parcendum est sumptibus ut illam tandem nancisci possimus, aurum, argentumque conflandum dixit, ut ex illo stateram istam veri examinatricem, prudentiæque certissimam normam, aut conficiamus ipsi, aut ab aliis dato quantumvis grandi pretio comparemus; est enim omnibus sanè necessaria prouisio diligens, ne in verbis, aut promissis concipiendis aliquid inconsulte proloquantur, sed multo etiam diligentior cautio adhibenda Principibus viris, iis-**

Ecclesi. 28.
29.

Prou. 23.
23.

que

416 *Institutio politica ex sacris Scripturis.*

que omnibus, quorum apud alios magna est auctoritas; quorum singula verba, non ut notantur diligenter, ita fideliter referuntur. Dixerat Chri-

Ioan. 21. 22. *Sic eum volo manere donec veniam, quid ad te? tu me sequere. Exiit ergo sermo iste inter fratres, quia discipulus ille non moritur. Et non dixit ei Iesus, non moritur, sed sic eum volo manere donec ve-*

Ioan. 2. 19. *niam, quid ad te? Rursus dixerat Dominus, Soluere templum hoc, & in tribus diebus excitabo illud: Sed testes, quos merito falsos Euangelista appellat, eum dixisse affirmarunt, Possum destruere templum Dei, & in triduo readificare illud. Quare merito re-*

Matth. 26. 61. *prehendit Salomon eum, qui altero sermone repetit, aliam enim huiusmodi homines rebus faciem*

Prou. 17. 9. *inducunt, & cum inter loquendi formulas, latum sit discrimen, omnia confundentes, bene sapienterque locuto, dum falsum affingunt, infamiae alicuius nota, quae illi fraudi esse possit, impudenter aspergunt. Nec tantum staterae illius usus necessarius est, ut satisfiat iis, quibuscum agit Princeps, sed etiam ut suae consulat conscientiae, ne postquam suam pollicitatione aliqua fidem obstrinxerit, si inconsultò se longius prouectum intellexerit, quam esset opus, conscientiae stimulis fodiatur. docet hoc Salomon cuius est illa monitio, Est qui promittit & quasi gladio pungitur conscientiae. quod alij vertunt, Temere effutire perinde est atque gladio perfodere. conscientiam scilicet, quod in idem recidit: est enim sensus. est qui temerè aliquid promittit, & postquam promisit poenitentia ductus, conscientia promissionis pungitur, quasi gladio. Huiusmodi Herodis promissio, qui cum temere promississet saltatrici puellae, vel dimidium Regni sui, si illud postulare voluisset,*

Prou. 12. 18. *con*

contristatus est, cum Ioannis Baptistæ caput in disco postulatum est, nam virum sanctitate clarissimum magnificiebat, & libenter illum audiebat, Marc. 6. & audio eo multa faciebat. Quamquam omnia ista 20. posthabuit, vitamque sanctissimo Propheta truncato capite eripere, ut promissi fidem liberaret, adulteræque filia postulatum impleret, non dubitavit. Inconsultè etiam David, vir alioqui sanctissimus, & Deo in primis carus, qui se vitam Nabali Abigailis marito erepturum, minatus est, minasque iurisiurandi religione firmavit, ita enim locutus est: *Hac faciat Deus inimicis David, & hac* 1. Reg. 25. *addat, si reliquero de omnibus, qua ad ipsum pertinent* 22. *usque mane, mingentem ad parietem.* Inconsultè inquam, nam nec alia suberat causa propter quam Nabali violentas manus iniiceret, quàm propter iniurias, quibus fuerat laceffitus; eas autem illata morte priuata auctoritate vindicare iure non poterat. Nec si in Regem fuerat inunctus à Samuele, continuò etiam Regni administrationem acceperat, sed tantùm erat sacra illa ceremonia ad Regnum destinatus, ut tunc eius gubernacula capesseret, cum Saul è viuis excessisset; quod verò Nabal, pro acceptis beneficiis ingratitudinem rependerat, non cum capitis reum constituebat, imo nec tam atrociter vitium illud fuisset vindicandum, si pactum aliquod aut contractus, qui tum inter eos nullus erat, intercessisset: iam verò domum illius exscindere, qui iustitiæ titulo nihil deberet, omnibus etiam, qui ad illum pertinerent ad vnum extinctis, ad nimiam sanè vindictæ libidinem spectare videtur. Prudenter verò Abigail, quæ cum mariti sui mortem aptissimis verbis deprecaretur, peccati religionem Dauidi

Ibid. n. 30.

viro Deum timenti iniiciendam putauit, ita enim post multa locuta est: *Cum ergo fecerit Dominus tibi Domino meo omnia, qua locutus est bona de te, & constituerit te Ducem super Israël, non erit tibi hoc in singulum, & in scrupulum cordis Domino meo, quod effuderis sanguinem innoxium, aut ipse te vltius fueris, & cum benefecerit Dominus Domino meo, recordaberis ancille iua.* Hanc verò Davidis temeritatem præter alios agnoscit D. Augustinus, cuius illa sunt verba.

Sermo 1.
de sanctis,

Quod David iuramentum per sanguinis effusionem non impleuit, maior pietas fuit. Video David piuum hominem & sanctum, in temerariam iurationem cecidisse, & maluisse non facere, quod iurauerat, quam iurationem suo fuso hominis sanguine implere, &c. & iurauit David temere, sed non impleuit iurationē maiori pietate. Et infra; *Ecce sanctus David, non quidem iratus sanguinem hominis fudit, sed eum falsum iurasse negare, quis poterit?* Hæc August. Ex quibus etiam obiter illud animaduerti potest non facile iuramenti religione interposita, quidquam affirmandum esse, aut promittendum, ne labes aliqua temerè iurantibus adhærescat.

Eccles. 23.

11.

Sicut enim seruus, inquit Ecclesiasticus, interrogatus assidue à luore non minuitur, sic omnis iurans, & nominans, in toto à peccato non purgabitur; cuius loci sententia est, quemadmodum seruus, qui frequenter torquetur à Domino, quæstionique subiicitur, ad eliciendam veritatem vibicibus, verberumque vestigiis exarata cute plagarum signa circumfert, ita qui frequenter iurat (est autem iuramentum quoddam quæstionis genus, quo numinis violandi timore verum extorquetur) si quid peccet, quod in tanta frequentia est proclive, labem non facile abstergendam contrahet.

10 Illud tandem addendum est promissa etiam inimicis facta, præstanda esse, ut quod semel egres-
sum est de labiis nostris, observetur, ut iubetur in Deu-
teronomio. Probat hoc egregie Gabaonitarum
impunitas, quibus fides à Iosue data salutis fuit,
quamvis illis post retractam fraudem parcere non
teneretur, cum Gabaonitarum dolus promisso
causam dedisset, nec iurandum illud iniqui-
tatis vinculum esse posset, fuisset autem si eos
impunitos dimittere cogeret, quos delendos
penitus Dominus imperasset. nisi dicamus po-
tuisse Iosue illos absque noxa servare, id conce-
dente Domino, ad commendandam apud Gen-
tes Hebræorum fidem. Sed D. Ambrosium, ita in
libris de officiis differentem audiamus. *Veterem*
autem istam, inquit, de dolo non iurisperitorum formu-
lam, sed Patriarcharum sententiam, scriptura divina
evidenter expressit, in libro testamenti veteris, qui Iesu
Naue inscribitur. Nam cum exisset fama per populos,
siccatum esse mare, in Hebræorum transiit, fluxisse
aquam de petra, de coelo diurnam ministrari alimoniam
101 populi millibus abundantem, corruisse muros Hierico,
sacro tubarum sono ictos, & ululatu plebis arietatos,
Getheorum quoque Regem vinctum, & suspensum in li-
gno usque ad vesperam Gabaonitæ metuentes validam
manum, venerunt cum versutia, simulantes se de terra
longinqua esse, diuque peregrinatos dirupisse calceamen-
ta, detriuisse amictus vestium, quarum veterascentium
indicia monstrarent. Causam autem tanti laboris eme-
rende pacis, & ineunda cum Hebræis esse amicitie cu-
piditatem, & ceperunt ab Iesu Naue poscere, ut secum
firmaret societatem. Et quia adhuc erat ignarus loco-
rum, atque incolarum inscius, non cognovit fraudes eo-
rum, neque Dominum interrogavit, sed cito credidit.

*Etiam ini-
micis ser-
uandam fi-
dem.*

Deut. 23.
23.

3. de offic.
c. 10.

Iosue 3.

Iosue 6.

420 *Institutio politica ex sacris Scripturis.*

Adeo sancta erat illis temporibus fides, ut fallere aliquos posse non crederetur. Quis hoc reprehendat in sanctis, qui ceteros de suo affectu existimant? & quia ipsis amica est veritas, mentiri neminem putant, fallere quid sit ignorant, libenter credunt, quod ipsi sunt, nec possunt suspectum habere, quod non sunt. Hinc Salomon ait: Innocens credit omni verbo. Non vituperanda facilitas, sed laudanda bonitas. Hoc est innocentem esse, ignorare, quod noceat, etsi circumscribitur ab aliquo, de omnibus tamen bene iudicat, qui fidem esse in omnibus arbitratur. Hac igitur mentis suae deuotione inclinatus, ut crederet, testamentum disposuit, pacem dedit, confirmauit societatem, sed ubi in terras eorum venium est deprehensa fraude, quod cum essent finitimi, aduenas se esse simulauerant, circumscriptum se se populus Patrum indignari capit. Iesus tamen pacem, quam dederat renouandam non censuit, quia firmata erat, sacramenti religione, ne dum alienam perfidiam arguit, suam fidem solueret. Multauit tamen eos vilioris obsequio ministerij, clementior sententia, sed diuturnior. Manet enim in in officiis poena veteris astutia hereditario in hunc diem ministerio deputata. Haecenus Ambrosius. Itaque Iosue fidem Gabaonitis semel obligatam, quia iurisiurandi intercesserat religio, sanctè seruauit. qua in re sanctus Imperator barbaris idolorum cultoribus similis esse non sustinuit, quibus fides pendet ex fortuna, quique religionem iuramenti qua se obstrinxerant, nihili pendunt, parum aut nihil sibi metuētes à Diis suis quantumuis pacta violauerint, ut enim dicitur in libro Sapientiae.

Prou. 14.

15.

1 Sap. 14. 29.

Dum confidunt in idolis, quae sine anima sunt, malè iurantes nocere se non sperant. Hanc autem fidem à Iosue Gabaonitis datam, adeo ratam voluit esse Dominus, ut famem Dauide regnante in vniuersum

sum populum immiserit, quæ tres continentes annos tenuit, propter fœdus à Saule violatum: id autem quomodo acciderit, & qua ratione Gabaonitis à Dauide satisfactum ex historia Regum discamus, quæ sic ait. *Facta est quoque fames in die-* 2. Reg. 21.
bus David tribus annis ingiter, & consuluit David 1.
Oraculum Domini. Dixitque Dominus: Propter Saul, & domum eius sanguinum, quia occidit Gabaonitas. Vocatis ergo Gabaonitis Rex dixit ad eos (Porro Gabaonita non erant de filiis Israël, sed reliquia Amorrhæorum, filij quippe Israël, iurauerant eis, & voluit Saul pernetere eos zelo quasi pro filiis Israël & Iuda.) Dixit ergo David ad Gabaonitas: quid faciam vobis? & quod erit vestri piaculum, ut benedicatis hereditati Domini? Dixeruntque ei Gabaonita. Non est nobis super argento, & auro questio, sed contra Saul, & contra domum eius, neque volumus ut interficiatur homo de Israël. Ad quos Rex ait, Quid ergo vultis ut faciam vobis? qui dixerunt Regi. Viram qui attriuit nos, & oppressit iniquè, ita delere debemus, ut ne unus quidem residuus sit de stirpe eius, in cunctis finibus Israël. Dentur nobis septem viri de filiis eius ut crucifigamus eos Domino in Gabaon Saul, quondam electi Domini. Et ait Rex: Ego dabo. Pepercitque Rex Miphiboseth filio Ionathæ filij Saul, propter iusiurandum Domini quod fuerat inter David, & inter Ionatham filium Saul. Tulit itaque Rex duos filios Respha filia Aia, quos peperit Sauli, Armoni, & Miphiboseth, & quinque filios Michol filia Saul, quos genuerat Hadrieli filio Berzellai, qui fuit de Molach. & dedit eos in manus Gabaonitarum, qui crucifixerunt eos in monte coram Domino, & ceciderunt hi septem simul occisi in diebus messis primis, incipiente messione hordei, &c. Ex his ergo, quæ diximus satis patet etiam hostibus fidem datam seruandam esse. Qua-

422 *Institutio politica ex sacris Scripturis.*

re si constitutus sit cum hoste, aut locus aut dies prælio, magna perfidiæ sit, aut loco præuenire, aut tempore, aut si in bellica virtute superatus tributum pendere, aut obliques dare coactus; aut contra victor hostes tuos liberos dimissurum te fueris pollicitus, si fecerint imperata, grande sit piaculum fallere fidem, & honestate contempta, solius utilitatis habere rationem, hoc enim non solum est turpe apud omnes gentes, sed à Deo perfidiæ vindice, admissi sceleris pœnas accersit. Tandem ex dictis etiam colligitur quatenus verum sit vulgare illud dictum quod multorum sermonibus frequenter iactari solet, nimirum frangenti fidem, eam vicissim esse frangendam. Neque enim sententia est licere fallere fidem hæreticis verbi gratia, idolorum cultoribus, aut alioqui facinorosis hominibus, qui obligatam Deo fidem, cum baptismo abluti sunt, & Christi militiæ nomen dederunt, non seruant; sed sic accipiendum esse commune illud effatum, ut liceat non præstare promissum, si vicissim qui tibi aliquid pollicitus fuerit, ipse non præstiterit, tunc enim illius perfidia fidem tuam liberat. Moses exempli causa postulabat ab Amorrhæo, ut per eius fines exercitum traducere liceret: *Transibimus*, inquit, *per terram tuam, publica gradiemur via, non declinabimus neque ad dexteram, neque ad sinistram, alimenta pretio vende nobis ut vescamur, aquam pecunia tribue, & sic bibemus, tantum est ut concedas nobis transitum.* Si annuisset Amorrhæus, & Moses promissis non sterisset, sed milites tractus illius incolis violentas manus intulissent, aut cibariis acceptis debitis pecuniis fraudassent, si agros vastassent, vineas diripuissent, concussis-

Deut. 2.

27.

sent

sent agricolas, ferocitèrque tractassent, quis dubitet Amorrhæum pacti obligatione solutum vim illatam prohibere, & suis finibus Israëlitas arce-re potuisse conditione ab illis non impleta? Sed rem de qua agimus aptius etiam & expressius ponunt ob oculos exploratores ab Iosue missi in le- richo, qui cum in meretricis Raab domo latebras quæsiuissent, *Anima nostra*, aiebant, *sit pro nobis in Iosue 2. mortem, si tamen non prodideris nos, cumque tradiderit 14. nobis Dominus terram, faciemus in te misericordiam ac veritatem.* expressius autem conditionis vim paulo post explicantes: *Quod si nos prodere volueris, in- Ibid n 10. quiebant, & sermonem istum proferre in medium, eri- mus mundi ab hoc iuramento, quo adiurasti nos.* Nisi ergo aliquid tale inciderit, quo soluti promissis censi possimus, etiam cum hæreticis, aut infidelibus conuentorum constantiam seruare debe- mus. Alij, quod eodem recidit, ita docent pro- missum seruandum, si possit absque noxa, & nisi quid inciderit quod rei faciem planè aliam indu- cat, vt cum D. Paulus, qui se Corinthum iturum 2. Cor. 1. receperat eo tamen non iuit, quod interuenien- 15. tibus nouis causis, consilium mutare iure po- tuisset.

De liberalitate Principis.

C A P V T XVI.

ANtequam de liberalitate dicere ingredia- mur, illud aduertendum est, non ita nos pressè de illa loqui vt distinguitur à misericordia,

*Quomodo
hic acci-
piatur li-
beralitas
& de eius
affinitate
cū iustitia*

424 *Institutio politica ex sacris Scripturis.*

aut amicitia, sed ita illam accipere, vt siue ex contemptione pecuniæ affectuque aduersus illam moderato quis largiatur; siue alienæ calamitatis paupertatisue miseratione commotus; siue, vt amicitiam colat, ac tueatur, id totum liberalitati tribuamus. Hic autem est de virtute ista dicendi locus, cum de virtutibus agimus, quæ ad alios referuntur, & cum Iustitia affinitatem habent, nam in scripturis erogatio ista pecuniæ, Iustitiæ nomine appellatur, vt cum dicitur in Psalmo: *Dispersit, dedit pauperibus. Iustitia eius manet in seculum seculi:* & apud S. Matthæum præcipit Dominus; *Attendite, ne iustitiam vestram faciatis coram hominibus.* Quo loco Græcus cōtextus ἐλεημοσύνην habet, vt etiam legit D. Chrysostomus loco Psalmi proximè citato. Huc etiam referri potest, quod habemus in Prouerbiis, *Qui negligit damnum propter amicum, iustus est.* Prior enim huius versiculi pars periphrasim quamdam liberalis hominis cōtinere videtur, qui suarum pecuniarum non habet rationem, sed cum aliqua amici necessitas inciderit, illas animo liberali profundere non veretur. Quem etiam loci huius sensum ex versione Pagnini confirmare possumus, qui particulam illam, *qui negligit damnum*, vnico expressit verbo, *Abundans.* quod ad rem nostram valde facit. Quis enim alius abundantis nomine propter amicum censeretur melius potest, quàm liberalis, cui licet angusta res sit, si tamen necessitas exigat, abundanter depromit, quod amico tribuat, amoréque honestatis, quæ in virtute latet, pecuniæ parcendum non existimat?

Psal. III.

9.
Matth. 6.

I.

Prou. 21.
26.

De libera-
litate vi-

2 Porro de liberalitate illud in vniuersum dici posse videtur radicem illam esse bonorum omniū,
nam

nam si de auaritia verissimè dictum est ab Apostolo, *radix omnium malorum est cupiditas*, sanè liberalitas, quæ cum illa aduersa fronte pugnat, omnium radix bonorum merito poterit appellari. Ac sanè de honestatis & gloriæ bono nō multum fortasse repugnauerint ij ipsi, qui astrictiores sunt in expendendis pecuniis; vtilitatem verò adeò à liberalitate separabunt, vt potius per eam multa fortunarum damna Principibus, & priuatis importari contendant. Quem errorem vt eximamus, primò hoc de vtilitate caput breuiter exequemur, tum etiam de honestate pauca quædam, quæ ad rem nostram faciunt ex scripturis nostro more delibabimus. Ac primò quidem Principis præcipua cura in eo esse debet, vt regnum, quod à maioribus suis accepit, aut virtute propriâ comparauit, omnibus, quibus iure potest artibus stabiliat, eaque omnia amoliat, quæ minus firmam illius possessionem, minúsque aut à domesticis turbis, aut ab externis bellis securâ reddit. Hoc autem liberalitas præstat in primis, de qua ita loquitur Salomon in Prouerbiis.

Misericordia & veritas custodiunt Regem, & roboratur Prou. 20.

Clementia thronus eius: vel, vt vertit Vatablus, Be- 29.

neficientia, & Fides seruant Regem; Beneficentia suffulcitur solium eius. Illius enim Principis magnitudo stabilis & fundata est, qui ita à subiectis populis diligitur, vt nihil aliud publica omnium vota expetant, quàm eum incolumem esse. Non enim corporis stipatores, armatique satellites, non munitarum arcium muri odio prosequentium ciuium vim satis arcere possunt, quæ aut sibi facilem aditum inuenire non nescit, aut si omnia clausa repererit, & obsepta, perumpere

tamen quidquid obstat potest, iisque quos odit parare perniciem. At verò Ciuium beneuolentia certissimæ securitatis parens est, quæ nullis artibus facilius conciliatur quàm beneficentia ac liberalitate: multi enim, vt Principis ope indigent, ita ad illius amicitiam obrepere satagunt, illique bene esse desiderant, vt illius liberalitate, quàm diutissimè frui possint: *Muli colunt personam potentis, inquit Sapiens, & amici sunt dona tribuentis, vel vt ex Hebræo verti potest; Muli colunt personam liberalis, & omnes amici sunt dona tribuentis.* Nec verò fucatam semper hanc amicitiam dixeris, tamdiu duraturam apud homines iustos, quamdiu ex Principis fontibus aliquid se haurire posse sperabunt, qui si repente exaruerint, etiam amicitia perenni ad eum diem liberalitate irrigata, penitus exarescet. Vt enim concedam initio, non Principis magis virtutem istos suspicere & amare, quàm propria commoda confectari, non tamen adeò dura sunt hominum pectora, vt beneficiis continentibus, aut repetitis non molliantur, eosque quos prius vtilitatis tantum aucupandæ causâ colebant, etiam ex animo beneuolentia complecti non incipiant, cupiantque si se dederit occasio in eos, à quibus beneficiis ornati sunt, non tantum beneuolam mentem ostendere, sed etiã regerere beneficia, nam vt ait Sapiens in Prouerbiis, *Victoriam & honorem acquirit, qui dat munera, animam autem aufert accipientium.* Cuius loci sententiam eam esse putat Iansenius, vt dicatur munera accipientes adeo dantibus obstringi, vt quæ est humana fragilitas fermè ad quodlibet agendum sint parati, vt donatoribus gratificentur, quod quamquam pessimè

Prou. 19. 6.

Prou. 11.
9.

mè fit, cùm nullus cum æternæ salutis periculo aliis placere, aut seruire debeat; ostendit tamen id de quo agimus, verissimum esse, maximâ scilicet esse vim liberalitatis, quæ accipientes, ita de se suspensos habet, vt quicquid libuerit, possit de illis sibi polliceri. Sed alius fortasse non incommodus sensus, & ad rem nostram accommodatissimus dici potest, vt nimirum dicantur donantes animas accipientium auferre, quia summx illas sibi astringunt beneuolentiæ vinculis, iuxta id quod in Hebræo contextu de Absalone dicitur cum populis blandiebatur eosque sollicitabat.

Furabatur corda virorum Israël: ita ergo liberales 2.Reg. 15.
furantur animas eorum, in quos beneficii sunt, 16.

dum eos sibi humanitatis & liberalitatis significationibus raptos adiungunt. *Iunenerat Ioseph gratiam coram Domino suo*, & licet fratrum suorum 4
Genes. 39.

iniuria seruitutem seruiret, adeo tamen Domini animam furatus est, vt totius domus administratorem illum, ac tantum non Dominum constitueret. Hoc ergo beneficium, proluxaque ista in seruum liberalitas, Iosephi animam maximè ingenuam adeò abstulit, vt adolescens id ætatis domina vltro inuitante non acquieuerit operi nefario eamque reddiderit rationem, quam his verbis scriptura expressit. *Ecce Dominus meus omnibus mi-*

hi traditis, ignorat, quid habeat in domo sua, nec quidquam est, quod non in mea sit potestate, vel non tradiderit mihi, præter te, quæ eius uxor es, quomodo ergo possum hoc malū facere, & peccare in Deum? Quasi diceret, qui possum ego tantum scelus admittere, quod diuinis mandatis aduersatur, in eū præsertim à quo tam multis sum ornatus beneficiis, qui cum me inter mediāstinos, ad abiectissima qua-

uis domus munia destinare potuisset, mihi tamen domum suā, pecunias, prouentúsque omnes credidit, neque quasi alterum vniuersæ familiæ harum constituit? Possum equidem tam benigni, & liberalis heri causa multos exantlare labores, & quælibet, quantumuis dura perpeti; eam verò quam de mea in eum fide opinionem concepit, fallere sanè non possum.

*Liberali-
tatē hone-
stam esse,
quia pecu-
nia in eos
conferri: ut
usus ad
quos facta
sunt.*

Matth. 25.

24.

Ecclef. 41.

17.

Psal. 5. 16.

3 Sed iam de honestate liberalitatis aliquid dicamus quæ satis ex eo perspicitur, quod qui in expendendis tractandisque pecuniis tenax non est, is non ut seruus ille euangelicus defodit pecuniam, vnde inertiae nomine reprehensus, & infamia notatus, in tenebrasque exteriores eiectus est; sed thesauris suis ita utitur, ut recta præscribit ratio, quare omnium ore celebratur. Non enim ignorat illud Ecclesiastici, *Sapientia abscondita, & thesaurus inuisus, quæ utilitas in verisque?* Quemadmodum enim vir aliquis omnium laudandarum artium scientia absolutissimus, si non deriuat foras doctrina sua fontes, eosque ita recludat, ut qui indigent haurire possint, quantum satis sit ad restringendam sitim, frustra in doctrinis comparandis, quarum nullus sit usus, laborauerit: ita qui pecuniarum usum ignorat, & in auro congesto pauper est, sanè frustra thesaurum illum comparauit: quo enim diuitiæ, si iis uti cum opus fuerit, non conceditur? In quo etiam aliud est stultitiæ genus, quod dum pecuniarum tenaces, illis omnino parcunt, quasi illas perpetuo sibi habere possint, grauitur falluntur; nam vel utiliter & honestè in amicos, aliosque humanæ vitæ necessarios usus erogantur, vel certè relinquuntur ab inuitis, qui nihil cum ex hac vita est

est excedendum, auferre possunt, aut etiam quod frequenter accidit, furto sublata, aut aliquo alio casu, repente pereunt, ut eas quodammodo putres auolasse. Vidit hoc Salomon, qui docuit in Prouerbiis diuitias facere *sibi pennas ut aquila, & volare in cælum.* Quasi nimirum indignantes, quod arcis inclusæ, seruitutem indignam seruiant, ad ea non adhibitæ ad quæ factæ sunt, ac propterea hominum istorum *vanitati non volentes subiecta, & quasi parturientes, & ingemiscetes, in libertatem se conantur asserere,* ac propterea sibi pennas aptant, quibus à custodia euolantes, libertatem optatam nanciscantur.

Prou. 23.

Rom. 8.

20.

Sed ex eo etiam liberalitatis honestas intelligi potest, quod qui ad dandum sunt proclines, Deum imitantur, qui diuitiarum suarum thesauros largè effundit, adeo ut non hominibus tantum, sed brutis etiam animantibus ratione carentibus, & ad pastum abiectis, ea omnia suppeditet, quæ necessaria sunt, & eorum naturæ consentanea. *Oculi enim omnium, ut inquit Psalter, in te sperant Domine, & tu das illis escam in tempore opportuno, aperis tu manum tuam & imples omne animal benedictione.* Ipse enim ille est, qui operit cælum nubibus, & parat terræ pluuiam, qui producit in montibus fœnum, & herbam seruituti hominum, qui dat iumentis escam ipsorum, & pullis coruorum innuocantibus eum. Id verò liberali prorsus animo facit, ut consentaneas naturæ suæ operationes exercean, non quasi hominibus aut alijs indigens creaturis, verissimè enim dixit de se in Psalmis, *Quoniam mea sunt omnes fera sylvarum, iumenta in montibus, & boues. Cognoui omnia volatilia cæli, & pulchritudo agri mecum est.* Si esuriero non dicam tibi, meus est

*Liberales
Deū imi-
tari. Prin-
cipeſq; li-
beralis ti-
tulum af-
fectare.*

Psal. 144.

15.

Psal. 146.

8.

Psal. 49.

10.

est enim orbis terra, & plenitudo eius. Verum ita agit, quia iuxta Christi Domini verbum, *Beatius est magis dare, quam accipere*: qui enim aliquid accipit, actum exercet utilem, seque quodammodo illis rebus, quas accipit, egenum profiteatur; qui verò aliis tribuit, nec ab alio cui dat, quidquam expectat, honestum exercet actum & quasi non indigens ea quibus abundat, cum egentibus communicat. Quare Christus Dominus veræ ac solidæ gloriæ parandæ in largiendo rationem cum vellet ostendere, eis docet esse benefaciendum, à quibus nihil propter paupertatem rependi pos-

LUC. 14. 12. *lit: Cum facis, inquit, prandium, aut cœnam, noli vocare amicos tuos, neque fratres tuos, neque cognatos, neque vicinos divites, ne forte te & ipsi reinvitent, & fiat tibi retributio. Sed cum facis convivium voca pauperes, debiles, claudos, & cecos, & beatus eris, quia non habent retribuere tibi. Quam etiam agendi rationem, servandam docuerat in mutuo dando,*

LUC. 6. 35. *quod genus est quoddam beneficii, Munus, inquit, date, nihil inde sperantes.* Divinum ergo quiddam esse videtur, cum res fert omnibus ita tribuere, ut non couponum more, aut faneratorum ponantur beneficia, quid reddituri sint, qui acceperunt supputando, datamque pecuniam expensam ferendo, sed animo liberali, virtutis, hostatisque amore illis largiendo, apud quos largitionis beneficium bene collocetur. Id senserunt Principes qui beneficii appellari cupiebant, ut Christus docuit, cum ait ad Discipulos. *Reges gentium dominantur eorum, & qui potestatem habent super eos, beneficii vocantur.* Videtur autem Dominus cum hoc diceret, Hebraica usus voce, aut certè ad eam respexisse qua Principes **נְדִיבִים** appellantur, cuius

LUC. 11. 25.

ius vocis primaria radix est, נָדַח. Quod verbum
 largum, & munificum esse significat, sponteque
 & liberaliter aliquid largiri, idque nomen Prin-
 cipes inuenerunt apud Hebræos, quod Principem
 liberalem atque munificum esse conueniat.
 Quare David spiritu principali, postulat à Domi-
 no confirmari, vel vt Kaldæus interpretatur spi- Psalm. 50.
 ritui munificentia, vt nimirum adeò in posterum 14.
 alicui non noceat, vt fecerat Uriæ, vt potius
 cum omnibus sit liberalis, & largus, vt bonum
 decet Principem. Est autem eo loco Psalmi
 vox נָדַח quæ ab eadem radice deducta, mu-
 nificentiam significat, aut quod idem est, spi-
 ritu Principe dignum, liberalem scilicet & mu-
 nificum; *Homo indigens* (inquit Salomon) mi- Prou. 19.
 sericors est & melior est pauper, quàm vir mendax, in 22.
 textu verò Hebræo, huius dicti pars prior, sic ha-
 bet: *Desiderium hominis beneficentia eius.* & sensus
 est, esse in hominum animis, quoddam insitum
 desiderium quò benefici, largi, liberalésque ha-
 beri velint, & prædicari. Verùm quia aliqui hanc
 laudem affectant, qui eam minimè merentur,
 propterea subditur, *Et melior est pauper, quàm vir*
mendax, quasi dicat: Præstat autem pauperem es-
 se, ac propterea aliis largiendi facultate destitu-
 tum, quàm diuitiis abundare, & cum avarus sis,
 velle tamen tuam beneficentiam, quam nō exer-
 ces, ab omnibus prædicari. Nec ab hoc loco Pro-
 uerbiorum abludit alius locus eodem libro, vbi
 dicitur: *Multi homines misericordes vocantur, virum* Prou. 20.
autem fidelem quis inueniet? quorum verborum sen- 6.
 tētia duobus præcipuè modis accipi potest. Alius
 est proximè explicatæ sententiæ persimilis, mul-
 tos scilicet esse, qui suam frèquenter prædicent
 libe

432 *Institutio politica ex sacris Scripturis.*

liberalitatem, & beneficentiam, quam exercent in alios, difficile tamen esse fidelem virum inuenire, qui scilicet in hoc ipso, in quo se laudat non mentiatur, aut qui iis adiunctis circumstantiis largiatur, ut norma virtutis exigit. Vel etiam sensus esse potest, multos esse, qui laudent, & prædicent eum, qui in ipsos est beneficus, sed laude ista contentos, cum se offert occasio, beneficium non rependere, nec par pari referre, ut postulat fidelitas, æquitas, ratioque gratitudinis. Ita enim se res habet, multi vitio laborant ingrati- tudinis, postquam acceperunt, multi verò cum dant, inani gloriæ velificantur, dumque libera- les, & munifici, largi audire volunt, adeo in sinum eorum quibus benefaciunt, beneficia non abscon- dunt, ut potius quantulumcumque tribuerint, tuba canant ante se, omniumque per ora cupiant volitare, qui in eo quidem non falluntur, quod beneficentiæ comitem esse intelligunt gloriam, in eo autem non mediocriter peccant, quod quæ Dei amore, aut studio virtutis largiri debuissent, ea de causa tantum tribuunt, ut hominum lau- dem consequantur, quod totum ad insignem quandam pertinet inanitatem.

Marth. 6.
2.

*En dando,
sed maxi-
mè in red-
dendo be-
neficio li-
beralitatẽ
requiri.*

1. Offic.
cap. 31.
Prou. 24.
30.
Iuxta Sc
ptuaginta.

§ Cum verò in dando beneficio, laudabilis sit liberalitas, in reddendo tamen est necessaria, nec mensura pari, sed vberiore reddendum est. Ete- nim, inquit D. Ambrosius, *superiorem non esse in re- ferendo beneficio, hoc est minorem esse; quoniã qui prior cõtulit, tempore superior est, humanitate prior. Vnde imi- tanda nobis est in hoc quoque natura terrarum, qua sus- ceptum semen multiplicatori solet numero reddere, quàm accepit. Ideo est tibi scriptum, sicut agricultura est ho- mo insipiens, & tanquam vinea homo egens sensus, se reliqueris*

reliqueris eum desolabitur: sicut agricultura ergo etiam sapiens, ut tanquam fanerata sibi maiore mensura semina suscepta restituat. Terra ergo non spontaneos fructus germinat, aut creditos uberiore cumulo refundit, ac reddit. Virumque debes quodam hereditario usu parentis, ne relinquare sicut infœcundus ager. Estò tamen ut aliquis excusare possit, quod non dederit, quomodo excusare potest, quod non reddiderit? Non dare cuiquam vix licet, non reddere verò non licet. Ideo pulchrè Salomon ait, si federis cenare ad mensam potentis, sapienter intellige ea, quæ apponuntur tibi, & mitte manum tuam sciens, quod oportet te talia preparare. Hæc Ambrosius. Huius vitij reum agebat Salomonem, quamvis amicè & amanter, Hiram Rex Tyri, cuius singularia in Salomonem promerita recensentur in Regum historia. Nam cum Salomon in templi structuram ligna cedrina succidi optasset in Sylvis Libani, quæ in Tyriorum Regis erant ditio, & in Latomis lapides cædi. Cum audisset Hiram verba Salomonis, la-
 3. Reg. 5.
 7.
 ratus est valde, & ait. Benedictus Dominus Deus ho-
 die, qui dedit David filium sapientissimum, super populum hunc plurimum, & misit Hiram ad Salomonem dicens. Audivi quaecumque mandasti mihi, ego faciam omnem voluntatem tuam in lignis cedrinis & abiegnis. Serui mei deponent ea de Libano ad mare, & ego componam ea in ratibus in mari, usque ad locum, quem significaveris mihi, & applicabo, ea ibi, & tu tolles ea, prebebisque necessaria mihi, ut detur cibus domui meæ. Itaque Hiram dabat Salomoni ligna cedrina, & ligna abieгна, iuxta omnem voluntatem eius. Salomon autem prebebat Hiram coros tritici viginti millia in cibum domui eius, & viginti coros purissimi olei. Hæc tribuebat Salomon Hiram per singulos annos. Quanta
 E e verò

434 *Institutio politica ex sacris Scripturis.*

1. Reg. 9.
19.

verò fuerit operarum multitudo, ligna cedentium & olera cōuehientium, ex quo etiam lignorum, lapidūque multitudo quanta fuerit, conicere possumus, ita narratur: *Elegitque Rex Salomon operarios de omni Israël, & erat indictio triginta millia virorum. Mittebātque eos in Libanum, decem millia per menses singulos vicissim, itaut duobus mensibus essent in domibus suis, & Adoniram erat super huiusmodi indictione. Fuerūtque Salomoni septuaginta millia eorum, qui onera portabant, & octoginta millia latomorum in monte, absque prepositis, qui praeerant singulis operibus numero trium millium, & trecentorum praecipientium populo & his, qui faciebant opus. Praecipitq; Rex, ut tollerent lapides grandes, lapides pretiosos in fundamentum templi, & quadrarent eos, quos dolauerunt cementarij Salomonis, & cementarij Hiram. Salomonem ergo Rex Hiram amanter, ut dixi, accusauit, quod tam multis beneficiis non satis dignam vicem rependisset, quod eodem libro ita narratur. Expletis autem annis viginti, postquam edificauerat Salomon duas domos, id est domum Domini, & domum Regis (Hiram Rege Tyri praebente Salomoni ligna cedrina & abiegna, & aurū iuxta omne, quod opus habuerat) tunc dedit Salomon Hiram viginti oppida in terra Galilae, & egressus est Hiram de Tyro ut videret oppida, quae dederat ei Salomon, & non placuerunt ei, & ait: *Hae sunt ciuitates, quas dedisti mihi frater? & appellauit eas, terram Chabul, usque in diem hanc.* Non est autem existimandum ut obiter hoc dicamus oppida illa fuisse, ita Tyriorum Regi donata, ut in illius possessionem planè transirent, in iisque ipse ius diceret, sed tantum oppidorum eorum ad certum aliquod tempus assignatos fuisse prouentus, qui ex vectigalibus*

galibus, & tributis colliguntur, vt lignorum, lapidum, operarumque pretium, quibus Salomoni opem tulerat, compensarentur. Nam si Hebræi agros suos, alterius tribus hominibus vendere non poterant, *ne commisceretur possessio filiorum Israël, de tribu in tribum*, vt dicitur in libro Numerorum, nec nisi vsque ad lubilæi annum; sanè multominus in alienigenarum possessionem transire poterant, eius præsertim, qui cum esset cultor Idolorum, à vera religione subditos ad impietatem traducere potuisset. An verò iure conquestus sit Hiram qui regionem illam *terram Chabul* appellauit (id est terram displicentiæ, seu vt alij interpretantur, terram tenacitatis, quod lutosa esset, aut arenosa, ita vt per eam ingredientium retineret vestigia) non facile dixerim, nam sapientiæ Salomonis id parum consentaneum esse videtur: contra verò prolixa constansque Tyrj liberalitas, mutuis continentibusque cum Dauid & Salomone officiis confirmata, iniustæ querelæ locum relinquere non videtur.

Num. 36.
7.
Leuit. 25.
15.

6 Illud verò in primis seruandum censeo in liberalitate, vt hilari vultu tribuamus, & explicata fronte, verbis etiam non malignis, & vix exeuntibus, sed in quibus volentis animi & liberalis emineant notæ. Corruptit enim beneficij gratiam, qui cum aliquid petitur, adducit frontem, vultum auertit, occupationes simulat, longis sermonibus, & de industria non inuenientibus exitum occasionem aufert postulandi, & variis artibus properantes necessitates eludit. *Ne dicas*, inquit Sapiens, *amico tuo, vade & reuertere, & cras dabo tibi, cum statim possis*. Nam non sponte tributa, sed extorta ista sunt beneficia, plûsque dilatio

*Dandum
hilariter.*

Prou. 3.
28.

436 *Institutio politica ex sacris Scripturis.*

Prou. 13.

12.

2. Cor. 9.

7.

Ecclef. 35.

11.

Psal. 104.

12.

cruciat, quàm res tandem accepta delectet. Verissimè enim dictum est à Salomone, *Spes qua differtur, affligit animam*: ac quèmadmodum teste D. Paulo, *Hilarem datorem diligit Deus*, ira homines, quibus cordium intima penetrare non licet, comitate sermonis, & vultus hilaritate, ex quibus de animis facilius coniecturam, maxime capiuntur; quare monet Ecclesiasticus, *In omni dato hilarem fac vultum tuum*. duplo enim gratius hilaritatis commendatione beneficium venit, quod si ab expugnato per vim animo exprimitur, non habemus illi gratiam, quod tandem voluerit, sed quod tamdiu noluerit stomachamur. Hoc plane Pharaonis ingenium, qui postulatam à Moyse facultatem, cum populo in desertum abeundi, ut Deo suo facta operarentur, tamdiu retraxit, donec *Misit Dominus tenebras & obscuravit, conueritque aquas eorum in sanguinem, & occidit pisces eorum, edidit terra eorum ranas in penetralibus Regum ipsorum, dixit, & venit cynomya, & ciniphes in omnibus finibus eorum, posuit pluuie eorum, grandinem, ignem comburentem in terra eorum, cæterisque plagis, quæ in Exodi libro, & psalmo indicato commemorantur, attrita est Ægyptus vniuersa, quæ tandem mala vel ab inuito, & reluctante profectiois instituendæ facultatem extundere potuerunt. Eos verò, qui ita dant, nullus dixerit liberales, quamuis enim postulantium precibus fatigati tandem tribuant, animus tamen inuitus est, atque ideo non liberalis, cum non ex ipsis rebus, quæ conceduntur, sed ex voluntate benefaciendi, spectanda sit liberalitas, quæ parua etiam munuscula extollere potest, sordida illustrare, & rebus omnibus,*

quæ

quæ tribuuntur qualescunque tandem illæ sint, pretij modum imponere. Si enim, inquit Divus Paulus, voluntas prompta est, secundum id quod habet accepta est, non secundum id quod non habet. Sic Dominus respiciens eos, qui mutebant munera sua in Gazophylacium divites, vidit & quandam viduam pauperculam mittentem ara, minuta duo, & dixit. Verè dico vobis, quia vidua hæc pauper plusquam omnes misit: nam alij opibus abundantes, quamvis largè tribuerent, non tamen propterea, aut de victu aliquid, aut de cultu corporis detrahare cogebantur; illa verò pauper tanto adtribuendum affectu ducebatur, ut duobus illis minutis in arcam iniectis, nihil sibi reliquum faceret, quo vitam propagare posset, præter spem, quam in eo fixam, locatamque habebat, cui se cum munera offerret, largiri intelligebat.

2. Cor. 8.
12.
Marc. 12.
4.

7 Est autem diligenter videndum, cui & quantum detur, ut liberalitatis modus ratione regatur, sine qua perit omnis honesti ratio, & licet Deum imitari gloriosum sit, qui omnibus tribuit, cum etiam piratis maria pateant, & sceleratis sol non minus oriatur, quàm probis, ut dicitur à Christo Domino, qui Solem suum oriri facit super bonos & malos, & pluit super iustos, & iniustos: quia tamen vera illa bona, quæ seposuit amicis suis, non omnibus tribuit Dominus, sed iis duntaxat, qui probatis moribus, & divinæ legis obedientia ad ea capeffenda viam sibi munierint, iisque digni fuerint, facile poterit intelligere Princeps, ut omnia honestè & secundum ordinem fiant, rationi consentaneum esse, ut personarum ratio habeatur, & dignitatum, & promeritorum in Rempub. Nec minus spectandum est

Videndum
cui, &
quantum
detur.

Matth. 5.
45.

1. Cor. 14.
40.

438 *Institutio politica ex sacris Scripturis.*

- Iob 4. 8. quantum detur, in quo præclare mihi senior Tobias filio suo præcepisse videtur. *Quomodo potueris, inquit, ita esto misericors. Si multum tibi fuerit, abundanter tribue; si exiguum tibi fuerit, etiam exiguum libenter impertiri stude.* Nam in Leuitici lege præscribitur. *In omni oblatione tua offeres sal, ut nimirum intelligamus quidquid tribuimus condendum sole prudentiæ, quæ largitionum modum ita moderatur, ut non minus ab auaritia, quàm à prodigalitatibus extremo recedatur.* Nam Regis honor, qui plurimum in largitate consistit, iudicium diligit. Ita Artaxerxes Persarum Rex pecuniæ modum præscribit, quem Iudæis in Patriam redeuntibus tribui voluerat. Ego, inquit, Artaxerxes Rex, statui atque decreui omnibus custodibus arca publica, qui sunt trans flumen, ut quodcumque petierit à vobis Esdras sacerdos, scribe legis Dei cæli, absque mora detis, usque ad argenti talenta centum, & usque ad fumentum coros centum, & usque ad vinicados centum, & usque ad batos olei centum, sal verò absque mensura. Cur autem ita sit agendum, in promptu ratio est. Nam licet multi sint prouentus Regij, diuèsi que sit ærarium multis in eo thesauris repositis, tamen quia, ubi multa sunt opes, multi sunt, qui comedunt eas, ut ait Sapiens; idcirco prudenter tantum depromendum est, quantum præscripserit ratio, cuius munus erit prospicere, ne tantum exhauriantur regij thesauri, ut si bellum ingruerit, aut alia Reipub. necessitas, adeo pecuniarum, quæ nerui belli sunt, inopia laboretur, ut Respub. detrimentum aliquod graue patiatur, aut illius incurrédi adducatur in discrimen. Stultitia enim prodigorum illorum vox est, qui nihil aliud spectantes quàm quod præsens est, ventri indul

indulgent, & voluptatibus, quæ multis prodigendarum pecuniarum causa sunt, & iis consecutandis & aucupandis intenti. *Comedamus, in-* Isa 22.13:
quiunt, & bibamus, cras enim moriemur. & illa vsur- Sap. 2.6:
 pant verba quæ sunt apud Salomonem, *Venite*
& fruamur bonis, quæ sunt, & utamur creatura, tan-
quam in iuuentute celeriter. Vino pretioso, & unguen-
tis nos impleamus, & non pratereat nos flos temporis,
coronemus nos roses antequam marcescant, nullum pra-
tium sit, quod non pertranseat luxuria nostra, nemo no-
strum exors sit luxuria nostra, quoniam hæc est pars
nostra, & hæc est sors. Qui autem hoc vitæ genus
instituunt, nullamque voluptatem oculorum, aut
ventris non consecretantur, quia in sumptus ad
istâ necessarios, multæ sunt parandæ pecuniæ,
statim inde consequitur, ut nulla ab iis iustitiæ
ratio habeatur, sed dicant, Opprimamus pauperem Ibid. n. 10:
iustum, & non parcamus viduæ, nec veterani reuereamur Isa. 9.4:
canos multi temporis. Sit autem fortitudo nostra,
lex iustitiæ, quod enim infirmum est, inutile inuenitur.
Qui loquendi modus tyrannorum proprius est,
qui sceptrum exactoris præ manibus habentes, id Isa. 14.4:
agunt, ut non cesset exactor, nec quiescat tributum,
sed virga dominantium, baculoque impiorum cadunt
populos in indignatione, plaga insanabili, subijcientes
in furore gentes, & persequentes crudeliter. Sed de in Prou. 30.
explebili auaritia, eorum qui deglubunt potius, 33:
quàm tondent, & emungendi finem non faciunt,
donec eliciant sanguinem, paulo post erit dic-
cendi locus.

8 Illud tandem admonendi sunt Principes, ut
 quando eos Deo similes diximus fieri, cum lar-
 giuntur, ita illius morem imitentur, qui cum det
 omnibus affluenter, non tamen improperat, ut ait. D.
 Cum de-
 derit Prin-
 ceptis, ne
 impropere
 ei, cui de-
 dit.

- Iacob. 1. 5.** Iacobus. Quemadmodū enim in accipientis memoria perpetua accepti beneficij recordatio habere debet, adeo fixa, vt illius obliuio nunquā subeat, ita qui tribuit, ita se cum accipiente gerere debet, ac si nunquā tribuisset. Lacerat enim animū, ac premit frequens meritorū cōmemoratio, & quodammodo etiam, eum, qui accepit, ingratum pronuntiare videtur, quasi non satis apud alios acceptum prædicet beneficium. Quare Ecclesiasticus, cum nonnulla erubescenda commemorasset, & hoc subdit. *Erubescite ab amicis de sermonibus improprij, & cum dederis non impropere.* Honestius enim de beneficiis quæ in alios contulimus ipsi tacemus, quæ nimium prædicare eorum est, qui acceperunt: & monet Sapiens, *Laudet te alienus & non os tuum, extraneus, & non labia tua.*
- Eccles. 41. 26.**
- Prou. 27. 2.**

An Principi liceat diuitijs augendis studere, & quibus artibus augeri possint.

C A P. V T X V I I.

Licere Principibus thesauros colligere, & qua rationes suadeant, ut id fiat.

PRIUSquam de avaritia, quæ liberalitati opponitur, dicere aggrediar, quærendum est, liceatne Principibus ad rem faciendam, thesaurosque coaceruandos attentis esse: cum verò probatum fuerit licere, artes quædam proponendæ erunt, quibus citra noxam, pecuniarum magnam vim, sibi parare facile possint. Tandem

dem proximis capitibus de auaritia nonnulla disputabuntur, quibus nimiam pecuniarum colligendarum cupiditatem detestandam, ac proinde compescendam esse demonstramus. Principio igitur possit aliquis ambigere, liceatne Principi thesauros colligere, cum Dominus Deuteronomij lege olim futurum in suo populo Principem instituens, id facere vetuerit, *Non habebit*, Deut. 17. inquit, *argenti & auri immensa pondera*. Sed quid 17. loci huius sensus sit, ex ipsis verbis, satis intelligitur: nam nimia cogendæ pecuniæ cura reprehenditur, præsertim cum quis *facit diuitias, & non in* Jerem. 17. *iudicio*, non autem moderatum, & rationis præ- 11. scripto consentaneum thesauri colligendi studium. Vt enim ingentes diuitiæ Principum animos sui confidentia inflant, & in alios parum æquos reddunt, ita paupertas despicabiles facit, & accipiendæ à potentioribus iniuriæ opportunos, quare Salomonis, qui *Coaceruauerat sibi argen-* Eccles. 2. *tum & aurum, & substantias Regum ac Prouinciarum*, 8. sapientissimum votum legimus in Prouerbiis: *Mendicitatem*, inquit, *& diuitias ne dederis mihi*. Prou. 30. Cur autem pecuniæ parandæ sint à Principibus, 8. in promptu ratio est, nam præclarum sunt, quietem agenti, tranquillæque Reipubl. ornamentum, perturbatæ verò aut bellis externis implicatæ, subsidium necessarium. Parum enim est sapere, ac consilio, ac prudentia bonum esse, nisi quæ acutè videris, etiam exequi, easque omnes difficultates & impedimenta, quæ obiciuntur expugnare possis, quod fermè pecunia præstare solet. Quare Sapiens *Corona*, inquit, *sapientium diuitiæ eorum*; Prou. 14. nec corona tantum, qua illorum frontes hone- 24. stiores reddantur, sed prælidium etiam, muni-

- mentum, & murus, *substantia enim diuvis, urbi fortitudinis eius*, teste Salamone, quod ipsum alio etiam loco, totidem ferè verbis repetiit cum ait ;
- Prou. 18. *Substantia diuvis urbs roboris eius, & quasi murus*
 11. *validus circumdans eum.* nam cum pecunia obediant
 Eccles. 3. *omnia*, necesse est eum, qui illis abundet, omnia
 19. etiam habere præsidia, rerum bene gerendarum; cum verò, qui à pecunia malignè sit instructus, iis omnibus destitui adiumentis, quibus Reipubl. difficilibus temporibus, incommodis omnibus obuiam ire potuisset. Quare ille apud Isaiam, cui Principatus deferrebat, illum, paupertatem excusando, ita deprecatur : *In domo mea*, inquit, *non est panis, neque vestimentum, nolite constituere me Principem populi.* Quemadmodum igitur prudens Paterfamilias, ea parat æstatis tempore, quæ mensibus hibernis vniuersæ familiæ vsui esse possint,
- Prou. 10. *iuxta sapientis consilium dicentis ; Qui congregat in messe filius sapiens est, qui autem stertit in æstate, filius confusionis.* & alio loco pigrum ad formicam, sedulum & industrium animal mittentis, quæ ore trahit, quodcumque potest, & aceruo addens, ingenti labore, victui necessaria congerit ; *Vade*, inquit, *ad formicam, ô piger, & considera vias eius, & discite sapientiam, quæ cum non habeat ducem, nec præceptorem, nec Principem, parat in æstate cibum sibi, & congregat in messe quod comedat.* ita Princeps, qui sibi Reipublicæque consultum esse cupit, colligendæ pecuniæ studium nullo vnquam tempore negligere debet, vt parata semper habeat opportuna Reipubl. præsidia, largitèrque cum fuerit opus, ea possit depromere, quæ sapienter, & prouidè reposuerat, cum nulla necessitas vrgebat.

2. Posse autē sapientes sibi pecunias bonis artibus parare, docet sapientum primus Salomon, qui illustri quadam Prosopœia sapientiam inducens de se ipso magnificè prædicentem, ita loquentem facit, *Mecum sunt diuitia, & gloria, opes superba, & iustitia.* Et eodem libro de Sapientia disserens, *In sinistra,* inquit, *illius diuitia & gloria.* Et in libro Sapientiæ, *si diuitia,* inquit, *appetuntur in vita, quid sapientia locupletius, qua operatur omnia?* Hi autem ferè fontes sunt, ex quibus thesauros sibi Principes comparant, propria latifundia; mercatura classibus in longinquas regiones missis; auri, argentique fodinæ; tributa & vectigalia, quæ Principi penduntur à Republ. De istis autem singulis breuiter aliquid dicendum est.

Industria diuitias à sapienti Principe augeri posse.
Prou. 8.
18.
Prou. 3. 16.
Sap. 8. 5.

3. Ac de agris quidem propriis, gregibus, & armentis à se possessis, ita scribit Salomon in libro Ecclesiastæ: *Magnificauit opera mea, edificauit mihi domos, & plantauit vineas, feci hortos, & pomaria, & conserui ea cuncti generis arboribus, & extruxi mihi piscinas aquarum, ut irrigarem syluam lignorum germinantium, possedi seruos, & ancillas, multamque familiam habui, armenta quoque & magnos ouium greges ultra omnes, qui fuerunt ante me in Ierusalem.* Similes Iobi diuitiæ, de quibus in eius historia ita scribitur. *Et fuit possessio eius septem millia ouium, & tria millia camelorum, quingenta quoque iuga bouum, & quingenta asinæ, ac familia multa nimis.* Nulla hic agrorum mentio, vel quod illis temporibus, propter infrequētes habitatores terræ possessio nullo fermè esset in pretio; vel quod ex iugis bouum, ingentique famulatio de terræ à Iob possessæ amplitudine capere liceat cōiecturam, quod vtrumque verum esse crediderim, alterum quidem, quia

Primus modus augendi diuitias latifundii parendis.
Ecclef. 2.

4.
Iob 1. 3.

anti-

antiquis illis temporibus multos fuisse, eosque amplissimos terræ tractus, qui cum à quoquam occupati non essent, in nullius venerant possessionem. Alterum verò, quia consuetudine etiam Latinę linguę iugum pro iugero promiscuè accipitur, ut iugum sit terræ spatium illud, quod iuncti boues vno die exarare possunt, & fauet Septuaginta interpretatio, qui vertunt ex Hebræo. *Et opera magna erant ei super terram.* Amplissimas autem fuisse Iobi diuitias facile apparebit supputanti, quantum telluris inuertere possint boues mille, præsertim si non restibiles illos agros fuisse dicamus, qui nimirum quotannis feruntur, sed nouales, & requietes, qui alternis tantum annis subiguntur. Et adhuc ampliorem Iobi possessionem fuisse iudicabimus, si in agris proscindendis asinarum illarum quadringentarum vsus erat, quod probabile fit, ex loco quodam Isaia, ubi huic operi addicuntur. *Tauri, inquit, tui, & pelli asinarum, qui operantur terram, commissum migma comedent sicut in area ventilatum est.* Quod autem dicitur de Iob, *Et familia multa nimis*, eodem referri potest, & fauet Hebraica vox עֲבָדָי *ghauda*, cuius radix עָבַד quæ ad vtrumque significandum, & seruitutem, quæ hominibus, & cultutam, quæ agris impenditur, traduci potest, sicut apud Latinos bene dicimus Parentes, Magistratus, Principes, & agros etiam, & vineas colere: quare agricolæ ab Hebræis עֲבָדֵי *ghonedim* dicuntur, עֲבָדֵי *ghauadim* autem serui, voce ab eadem radice deducta, exiguo sanè vocis sono distincta, nec maiore discrimine, quod attrinet ad significationem, quàm sint hæ duæ voces Latinæ *seruus*, & *seruiens*, cum ex illis etiam duabus vocibus Hebraicis,

Isai. 30.

24.

Iob 1. 3.

braicis, quas adduxi, prima participium sit, secunda nomen, vtrumque ab eadem radice profectum. Hinc in Genesi, quod habemus, *Fuit autem Abel pastor ouium, & Cain agricola*, in Hebræo est *seruiens terra*, vel *colens terram*. Sed quamuis nullus esset vsus bouum, asinarumve in terræ solo vertendo, maximus tamen ex iis, cæterisque armentis prouentus percipi poterat, capitibus, quæ subinde nascebantur distrahendis. nam camelis v.g. veteres illi Arabes, apud quos agitabat Iob, utebantur ad pugnandum, & tempore etiam pacis ad onera sarcinasque conuehendas, nec illorum carnes in cibis auersabantur. Ex ouium etiam gregibus non modica vtilitas capi poterat, quæ multis modis hominibus commodant, lacte, carne, velleribus, nam de bobus & asinis dictum est. Facileque crediderim Salomonem in cuius equilibus, tam multa equorum millia stabulabantur, eos non in vsum tantum belli paratos habuisse, sed ex tam copioso armento pullos etiam expectiuisse, quibus venditis pecuniæ plurimum inferret in ærarium. Ac Iobi quidem hunc fuisse prouentum facile sibi persuadebit, qui animaduernerit asinarum pullis insidere solitos fuisse viros etiam Principes, habitaque in deliciis iumenta illa in Palæstina, orientisque solis regionibus, ea forte de causa, quod corporis mole satis procerâ, viribus ad ferendum validis, molliissimo etiam gressu incedentia sessores non succuterent. De filiis Iair, qui Hebræi populi iudex fuit, ita narratur in scriptura, *Iair Galaadites iudicauit Israël per viginti & duos annos, habens triginta filios sedentes super triginta filios asinarum*. Et de Abdon filiis ita habemus eodem libro, *Abdon habuit quadraginta*

Genes. 4.

2.

3. Reg. 4.

26.

Iud. 10. 1.

Iud. 12. 14.

446 *Institutio politica ex sacris Scripturis.*

ginta filios, & triginta ex eis nepotes, ascendentes super triginta pullos asinarum. Ex quibus colligere possumus Principe viro dignissimū studium esse, equorum armenta generosissima possidere, quibus instruendo equitatu, cum postulauerit necessitas, uti possit, foreque studium illud quæstuosum, dum generosa soboles, subinde succrescens, aut pretio, aut aliis rebus commutatur. Sed redeamus ad agros, quos sibi plurimos, imò omnes emisse Pharaonem habemus in sacra Geneseos

Genes. 47.
18.

historia, quod ita narratur. *Venerunt quoque anno secundo, & dixerunt ei. Non celabimus Dominum nostrum, quod deficiente pecunia, pecora simul defecerunt, nec clam te est, quod absque corporibus & terra nihil habeamus. Cur ergo moriemur te vidente? Et nos & terra nostra tui erimus, eme nos in servitutem regiam, & prabe semina, ne pereunte cultore redigatur terra in solitudinem. Emit igitur Ioseph omnem terram Aegypti, vendentibus singulis possessiones suas præ magnitudine famis, subiecitque eam Pharaoni, & cunctos populos eius, à novissimis terminis Aegypti, usque ad extremos fines eius, præter terram sacerdotum, qua à Rege tradita fuerat eis. Ad hunc modum Pharaon omnia latifundia, escis, quibus vitam propagare possent, suppeditatis, sui iuris fecit, quamvis ea postea propriis dominis remisit, ut ea colerent, ac possiderent, quinta dumtaxat fructuum parte sibi reservata: quam conditionem læti, & alacres Aegy-*

Genes. 47.
x.

ptij admiserunt, nam cum dixisset Ioseph, Quintam partem Regi dabitis, quatuor reliquas permitto vobis in sementem, & in cibum familiis & liberis vestris. Qui responderunt: Salus nostra in manu tua est, respiciat nos tantum Dominus noster, & læti serviemus Regi. Ex eo tempore, usque in præsentem diem in uniuersa terra

terra Egypti, Regibus quinta pars soluitur, & factum est, quasi in legem, absque terra Sacerdotali, qua libera ab hac conditione fuit. Ex quo prouentuum magnitudo, quos regio ærario Iosephus addidit, facile apparet, cum animo reputanti cultissimi regni frugumque feracissimi amplitudinem, fidem Egyptiorum, qui non sua tantum, sed se ipsos Regi propter accepta beneficia obnoxios esse sentientes, quod promiserant, integrè persoluebant, tanquam legi nulla ratione violandæ, aut labefactandæ ad amissum obsequentes.

4 Altera censûs regij, augendique ratio, ex auri, argenti metallorumque fodinis petitur, idemque iudicium de salinis, lapidinis, aut syluis expetitorum lapidum aut lignorum feracibus: solent enim huiusmodi possessiones Principum esse, ex quibus mirum quantum prouentuum possit existere, si diligenter sepositos à natura, intimisque terræ visceribus abstrusos thesauros inuestigare quis scinerit, & in lucem producere. Ideo in sacris litteris, cum Palæstinæ feracitas commendatur inter cæteras eximias laudes, quibus ornatur à Mose, metallorum mentio non præteritur. Cuius, inquit, lapides ferrum sunt, & de montibus eius aris metalla fodiuntur. Et in Machabeorum historia ubi Romanorum potentia, quæ vulgante fama ad Iudæ Hebræorum ducis aures peruenerat, describitur, ita de Fodinis habetur: Et audierunt quanta fecerunt in regione Hispania, & quod in potestatem redegerunt metalla argenti, & auri, quæ illic sunt, &c. Maxima verò cura operi huic Romanos instituisse, ut pote quæstuosissimo, discimus ex Polybio, qui in fodinis ad Carthaginem nouam in Hispania testatur, non minus quadragin-

Alter modus augendi regij censûs ex fodinis, lapidinis, syluis, salinis, &c.

Deut. 8. 2.

1. Machab. 8. 3.

448 *Institutio politica ex sacris Scripturis.*

*ta hominum millia assidue in opere versari. Et sanè iure optimo tanto studio negotium hoc vrgebant, nam qui metallis eruendis operam dant, sine furto diuitias rapiunt, & absque vlla nundinatione, citra bellorum, marisve pericula, citra iniustam aliorum criminationem, aut oppressionem, eas quas in suo sinu tellus reconditas habet opes, quæ inertes alioqui iacuissent, depromunt, & ad Reipubl. vsus, commodumque conuertunt. Reperio etiam in scriptura, lapidibus, lignisque ex syluis quæstum fecisse Hiram Tyri Regem; nam vt habemus in Regum historia, *Hiram dabat Salomoni ligna cedrina, iuxta omnem voluntatem eius, Salomon autem præbebat Hiram coros tritici viginti millia in cibum domui eius, & viginti coros purissimi olei. Hac tribuebat Salomon Hiram per singulos annos. Præter hunc autem annuum prouentum, quid post annorum viginti decursum Tyrio Hiram tribuerit Salomō, narrat Scriptura in Regum historia, quæ superiore capite descripsimus. Ex salinis etiam siue salis fossilis sint, siue eius, qui in locis, ad id destinatis, effuso mari, & in illud aquæ dulcis riuis deductis paratur, reliquisque adhibitis, quæ illius rei artifices præscribunt, vtilitas non modica Principibus existere poterit, nam cum scriptura teste, non possit comedi insulsum, quod non est sale conditum, nulli non homines etiam tenuissimi, salis expetunt condituram; eæ verò res, quæ humanis vsibus magis accommodatæ sunt, imò necessariæ cum à plurimīs expetantur, pluris etiam æstimantur, pretiòque maiore à propolis venduntur, ex quo amplior ad Principes vtilitas manat. Quare Demetrius Iudæorum gentem eximij alicuius beneficij significatione ornaturus il-**

lis

3. Reg. 9.

Iob 6.6.

lis remittit *arcas salinarum*, velut habent Septuaginta τὰς τοῦ ἀλὸς λίμνας *salis stagna*; quod tamen idem est, nam stagna ista, quæ vocant Septuaginta, nihil aliud sunt; quàm aræ quædam, ad vsum salis conficiendi comparatæ, in quas cum aqua, quæ in salem concrefcit, immissa est, stagni cuiusdam speciem exhibet: cum verò has remittit areas, omnem eum prouentum remittit, quem ex salinis illis capiebat, quem non exiguum fuisse ex eo coniicere licet, quod, vt dixi, magni alicuius beneficij loco vna cum tributorum, ac decimarum, coronarumque pensitatione, quæ Regi tribuebantur, remittuntur.

1. Machab.
11.25.

§ Sequitur vt de mercatura dicamus, quam modis omnibus in suis ciuibus fouere, & augere Princeps debet: quamuis enim artificia multa sint, quæ iis sordida sunt à quibus exercentur, Principi tamen maxime honorificum est, si tenuiorum etiam opificum studia, & ingenia artibus omnibus excitet ad rem mercatoriam, quantum potuerit promouendam; mirum enim est, quàm beatæ sint, & opulentæ ciuitates illæ, quæ ab institoribus frequentantur, præsertim si adiacentis maris beneficio, cum exteris, longèque sepositis nationibus communicare possint. Satis hoc indicat elegantissima Tyri descriptio, quæ est apud Ezechielem. *O Tyre tu dixisti. Perfecti decoris ego sum, & in corde maris sita. Finitimi tui, qui te adificauerunt, impleuerunt decorem tuum: abiectionibus de Sanir extruxerunt te, & cætera, quæ per maris allegoriam subiiciuntur; mox verò quæ tantæ opulentæ ac fœlicitatis esset causa explicatur, Carthaginenses, inquit, negotiatores tui, à multitudinem cunctarum diuitiarum, argento, ferro, stanno, &*

Tertius
modus ex
mercatura.

Ezech. 27.

3.

Ibid. n. 12.

piumbòque replerunt nundinas tuas, Gracia, Thubal,
 & M. joch, ipsi institores tui, mancipia, & vasa area
 aduexerunt populo tuo. De domo Thogorma, equos, &
 equites, & mulos aduexerunt ad forum tuum: filij Do-
 dan, negotiatores tui, insula multa, negotiatio manus
 tua, demes eburneos, & hebenninos commutauerunt in
 pretio tuo. Syrus negotiator tuus propter multitudinem
 operum tuorum, gemmā, & purpuram, & scutulata, &
 byssum, & sericum, & chodchod (genus est pretiosi la-
 pidis) proposuerunt in mercatu tuo. Iuda & terra Israël
 ipsi institores tui in frumento primo balsamum, & mel
 & oleum, & resinam proposuerunt in nundinis tuis.
 Damascenus negotiator tuus in multitudine operum
 tuorum, in multitudine diuersarum opum, in vino pin-
 gui, in lanis coloris optimi. Dan, & Gracia, & Mosel
 in nundinis tuis proposuerunt ferrum fabrefactum:
 stacte, & calamus in negotiatione tua. Dedan instito-
 res tui in tapetibus ad sedendum, Arabia & vniuersi
 Principes Cedar, ipsi negotiatores manus tue cum agnis,
 & a ieribus, & hadis venerunt ad te negotiatores tui.
 Venditores Saba & Reema ipsi negotiatores tui, cum
 vniuersis primis aromatibus, & lapide pretioso, & auro,
 quod proposuerunt in mercatu tuo. Haram & Ebene,
 & Edem negotiatores tui: Saba, Assur, & Chelmad ven-
 ditores tui. Ipsi venditores tui multifariam inuolucris
 hyacinthi, & polymitorum gazarumque pretiosarum,
 quæ obuoluta & astricta erant funibus. Cedros quoque
 habebant in negotiationibus tuis. Naue maris, princi-
 pes tui in negotiatione tua. Quare mirum non est,
 quod statim subditur à Propheta, Repleta es, &
 glorificata nimis in corde maris, nam ipsi institores,
 qui permutandis mercibus operam dant, ad am-
 plas ferè opes, pecuniásque perueniunt, ex qui-
 bus, cum multi sunt, totius ciuitatis conflatur
 opulen

opulentia, ex qua dum vectigalia soluuntur & porroria, aut dum pro censu Principi aliquid erogatur, mirificis auctibus ærarium amplius fit, & locupletius. Suas verò opes, sanè amplissimas, Salomon classibus acceptas referre debuit, quæ in Ophir aliasque regiones profectæ cùm alias pretiosas merces multas, tum præcipuè ingentia auti pondera referebant, id verò ita narrat scriptura. *Classẽ quoque fecit Rex Salomon in Afionga- 3 Reg. 9. ber, quæ est iuxta Ailath in littore maris rubri, in terra 26. Idumæa. Misitque Hiram in classe illa servos suos viros nauticos, & gnaros maris, cum servis Salomonis, qui cum venissent in Ophir, sumptum inde aurum quadringentorum viginti talentorum, detulerunt ad Regem Salomonem. Et eodẽ libro dicit: Sed & omnia vasa qui- 3 Reg. 10. bus potabat Rex Salomon erant aurea, & univẽsa su- 21. pellex domus salus Libani de auro purissimo nõ erat argentum, nec alicuius pretij putabatur in diebus Salomonis. Ratio autem tantarum diuitiarum statim subditur, quia classis Regis per mare, cum classe Hiram semel per tres annos ibat in Tharsis, deferens inde aurum, & argentum, & dentes elephantorum, & simias, & paños. Magnificatus est ergo Rex Salomon super omnes Reges terra diuitiis, & sapientia. De classe etiam Regis Hiram dicitur, sed, & classis Hiram, qua 3. Reg. 10. portabat aurum de Ophir, attulit ex Ophir ligna thyina 11, multa nimis, & gemmas pretiosas. Fecitque Rex de lignis thyinis fulcra domus Domini, & domus regia, & citharas lyrasque cantoribus, non sunt allata huiusmodi ligna thyina, neque visa usque in præsentem diem. Itaque Zabuloni benedicẽs Moyse & Isacar ait, qui inundationem maris, quasi lac sugent. Hebraicus Deut. 33. textus habet, *Affluentiam maris, Septuaginta, Di- 19. uitias maris*, opes nimirum per mare aduectas &*

452 *Institutio politica ex sacris Scripturis.*

thesauros absconditos arenarum fodinarum. scilicet. Septuaginta habitantium prope mare. Quas enim diuitias habent populi, mari circumcincti, eas cum aliis prouinciis per institores communicare solent. Hoc autem diuitiarum fuctu vix credi potest quantum ciuitates virium capiant & incrementi: quare Ezechiel Regem alloquens Tyriorum ait, In multitudine sapientia tua, & in negotiatione tua multiplicasti tibi fortitudinem. ex Hebræo, cum Pagnino in Lexico vertere possis Multiplicare fecisti opes tuas. & de Babylone idem Propheta

Ezech. 18. *rum ait, In multitudine sapientia tua, & in negotia-*
5. *tione tua multiplicasti tibi fortitudinem. ex Hebræo,*

cum Pagnino in Lexico vertere possis Multiplica-

Ezech. 17. *re fecisti opes tuas. & de Babylone idem Propheta*
4. *alibi loquens, In vrbe, inquit, negotiatorum posuit*

illam, Septuaginta habent, In vrbe murata. Quæ

enim ciuitas mercatorum, opibus abundat, iis

quasi mœnium sepimento munita est. Quò etiam

sermonis schemate alibi vtitur scriptura, cum de

priuatorum diuitiis loquitur, iis enim, cum am-

plæ sunt, & ingentes, vim quandam tribuunt, &

robur, ita apud Iob legimus, Diuites confortatos

diuitiis. Et apud Micheam dicitur, Interficiet Do-

mino rapinas eorum, & fortitudinem eorum Domino

uniuersæ terre. Tò Fortitudinem, Chaldæus vertit

pretiosam pecuniam. & Salomon Substantia, inquit,

diuitis vrbs fortitudinis eorum, paupor pauperum, egestas

eorum. Quod autem in magnis vrbibus passim fa-

ctitari videmus, vt celebriores aliqui vici, qui

propius distant à foro, & prætorio, ac propterea

frequentiores sunt, ita ab opificibus incolantur,

vt non promiscuè habitent, sed vicus vnus aurifi-

cibus v.g. alter fabris ferrariis, aut lignariis, ter-

tius sutoribus tribuatur, etiam in scriptura repe-

rio seruatum ab Esdra, cum Ierusalem ciuitatum

Palæstinæ frequentissimam instauraret: nam vici,

in quo aurifices, negotiatores, seruta etiam

venden

vendentes sedes suas haberent, mentio est: ita
 enim legimus in secundo eius libro. *Post eum ad-* 2. Esdr. 3.
30.
ficanit Melchias filius aurificis usque ad domū Nathi-
neorum & seruta vendentium, contra portam iudicia-
lem & usque ad canaculum anguli, & inter canaculum
anguli in porta gregis edificauerunt aurifices & nego-
tiatores. Facit autem huiusmodi vicorum distri-
 butio non solum ad ciuitatis speciem, quæ ex or-
 dine existit, sed emptoribus etiam non parum
 commodat, cum variarum rerum propolas, non
 passim tota vrbe dissipatos quærere coguntur,
 sed eos in vnum collectos habeant; vt si minus
 apud vnum aliquem, quod optauerant, nancisci
 possint, idem apud alium, nulla temporis facta
 iactura reperiant. Quod in vulgata editione ha-
 bemus apud Ezechielem, *Mater tua quasi vivea in* Ezech. 19.
sanguine suo super aquam plantata est, Septuaginta 10.
 paulo aliter legerunt: nam *Tò in sanguine tuo, & s*
ovθ & ποās, sicut flos malogranati interpretati sunt;
 non enim legisse videntur in textu Hebræo vt
 nunc habemus *בדממה* bedammecha, in sanguine
 tuo, sed similibus litteris *כרמון* cherimmon, sicut
malum granatum. Aptissimè autem ad rem no-
 stram Ierusalem, de qua hic sermo est, opulenta
 ciuitas, maximèque frequens, malo granato com-
 paratur. Vt enim in hoc malo sub vno corticis
 complexu plurima grana inter se vniuntur, ea-
 que suis quæque oculis ordinatè inserta, folli-
 culisque, & membranulis discreta continentur:
 ita in bene instituta ciuitate, ciues omnes, qui
 quæ ciues sunt, eiusdem quasi coloris participes
 sunt, variis tamen locis tribuuntur, vt vel libera-
 libus, & nobili viro dignis muneribus se impen-
 dant; vel mechanicis, sellulariisque opificiis, vt
 ff 3 cuius

454 *Institutio politica ex sacris Scripturis.*

cuiusque status, ac fortunæ exigunt, suis quique locis, foris, vicisque contributi.

*Quartus
modus ex
tributis,
ubi etiam
docetur ea
moderata
esse debere.*

6 Sed iam aliquid de tributis dicamus : quod ex propositis capitibus, ex quibus pecunia iure confici potest à Principe, quartum erat. Possunt ergo Principes tributa imponere Reipubl. siue rebus venalibus, quæ importantur, aut exportantur ex urbibus, siue singulis capitibus, pro census cuiusque ratione, obligatio imponatur aliquid soluendi, quod in Principis ærarium inferatur, unde pro necessitatis ratione depromi possit, quantum satis fuerit, ut illi cum inciderit occurratur. Cum enim Principes publicæ tranquillitatis custodes sint, ea omnia imperandi facultatem habuerunt à Republica, quæ ad illam parandam, ac tuendam necessaria sunt. Quia verò multi sumptus in hanc rem necessariò fieri debent, qui in Reipublicæ commodum redundant, æquum est pecunias à Republ. suppeditari, quæ huiusmodi erogationibus satis esse possint. Quare Christus Dominus cauillandi, & calumniandi occasionem querentibus Pharisæis respondit, *Reddite ergo qua sunt Cesaris Cesari, & qua sunt Dei Deo.* & D. Paulus ad Romanos scribens, *Ideo, inquit, & tributa præstatis, ministri enim Dei sunt, in hoc ipsum seruientes. Reddite ergo omnibus debita: cui tributum, tributum: cui vectigal, vectigal.* Ea autè moderatione Principes exigere debent, ut nihil amplius quàm necessitas imperat repetatur. Acriter Micheas in eos Principes inuehitur, qui cum Pastores populorum esse debuissent, non lanas tantum detrahunt, sed pelles etiam detrahunt, & carnes immani crudelitate deuorare non dubitant. *Audite, inquit, Principes Iacob, & duces domus Israël. Nun-*

quid

Matth. 22.
21.
Rom. 13.
6.

Mich 3.1.

quid non vestrum est scire iudicium, qui odio habetis bonum, & diligitis malum: qui violenter tollitis pelles eorum desuper eis, & carnem eorum desuper ossibus eorum? Qui comederunt carnem populi mei, & pelles eorum desuper excothauerunt, & ossa eorum confregerunt, & conciderunt sicut in lebetes, & quasi carnem in medio olla? Et Salomon ab eadem Pastoris allegoria non discedens, sufficiat, inquit, tibi lac caprarum in cibos tuos, & in necessaria domus tue: & alibi, qui nimis emungit, elicit sanguinem. Similis Ezechielis conquestio, & increpatio, sufficiat, inquit, vobis Principes Israël: iniquitatem, & rapinas intermitte, & iudicium, & iustitiam facite, separate coniugia vestra à populo meo, ait Dominus. Tò consuetudo ex Hebræo verti potest tributa, vel vt vulgari sermone dicimus, *Angarias*. quare Dominus iam dudum miseratus populi sui calamitatem, qui Principum quorundam iniquitate bonis fuerat spoliatus, continetibus pecuniarum exactionibus, vt per Isaiam conqueritur cum ait, *Populum meum exactores sui spoliauerunt*, ita graue iugum leuius se facturum pollicetur, ait enim apud eundem Prophetam, *Et ponam visitationem tuam, Pacem*, vel vt ex Hebræo conuerti potest, *Tributum tuum*. Ponam inquit pacem, quia pecuniarias exactiones, quibus non minus populus meus atteritur quàm bello, ita cessare faciam, vt in magna pace ac tranquillitate vitam traducant. Principum autem interest humaniter se gerere, in tributis exigendis, nam nulla populis grauior seruitus videtur, quàm si perperuis exactionibus se videant exhauriri, tamque atrociter hanc calamitatem ferunt, vt in apertas etiam seditiones, interdum inclusus dolor erumpat. Cum Imperij gubernacula cape-

Prou. 27.

27.

Prou. 30.

33.

Ezech. 45.

9.

Isai. 3. 12.

Isai. 60. 17.

3. Reg. 12.
3.

seret Roboamus, multitudo Israël locuta est ad eum dicens. Pater tuus durissimum iugum imposuit nobis, tu itaque nunc imminue paululum de Imperio Patris tui durissimo, & de iugo grauissimo, quod imposuit nobis, & seruiemus tibi. Sed Roboam capto ad deliberandum tempore senioribus qui consilia saniora suggerebant non auditis, adolescentium secutus sententiam, ferociter respondit; atque ita qui exigui prouentus iacturam facere noluit, quam subditorum beneuolentia abundè compensasset, maiore parte regni spoliatus est, tamque grauitur verborum asperitate animos suorum offendit, ut nec ipse, nec in regno successores, regni scissuram potuerint vnquam resarcire. Paucula hæc ad cupiditatem frænendam in exigendis tributis addere placuit, quia in hoc procliuius multo est, ut Principes iustitiæ limites transiliant, quàm in aliis augendi ærarij modis, quos hoc capite numerauimus.

*An ars
chimica
diuitiis par-
randis uti-
lis esse pos-
sit.*

7 Tandem potest inquiri quid de arte chimica sentiendum sit, vtrum scilicet digna videatur cui studeant Principes ut ærarium locuplerent, aut certè faueant hanc scientiam professis, iis nimirum, qui in peruestigatione desudant rationis alicuius, qua viliora metalla in pretiosiora & nobiliora transmutent, cuiusmodi sunt aurum, & argentum. Non desunt qui artificium hoc utile esse credant, & vero etiam aliis ut ita sentiant persuadere conentur, illique ab inuentoribus auctoritatem conciliare contendunt: illius enim ut generis humani, parentem constituunt Adamum, propterea quod sapientissimus fuerit, aut Mo- sen, quem ex sacris litteris in omni Ægyptiorum sapientia eruditum fuisse scimus, aut Salomonem

Agt. 7. 22.

propter

propter eandem rationem, quod scilicet in Regum libris dicatur præcessisse sapiëntia orientales omnes, ac nominatim Ægyptios, quos isti artis chimicæ peritos faciūt in primis, à quibus etiam chemia ars ipsa dicatur, quasi chamia, deducto vocabulo à Cham filio Noë, quem toti illi tractui nomen dedisse constat; Ægyptum enim terram Cham vocari patet ex Sacris litteris, ut cum dicitur in Psalmo, *qui fecit magnalia in Ægypto, mirabilia in terra Cham, & alibi, Percussit omne primogenitum in tabernaculis Cham.* Adde libellum circumferri nomine Salomonis inscriptum, qui huius artis præcepta contineat. Et vero simile esse putant hoc artificium Salomonem non latuisse, qui cum esset mortalium omnium sapientissimus, in naturæ se penetrabat arcana, occulta vestigando, quamobrem etiam botanicem scriptis suis illustravit, stirpiūque omnium scientiam, *disputans à cedro, quæ est in libano, usque ad hyssopum, quæ egrediuntur de pariete,* persequens etiam *volucrum naturas, iumentorum, piscium reptiliūque,* ut credibile videatur eam partem interioris animiorisque philosophiæ, quæ auro faciendo insistit, ab eo minime neglectā fuisse. Quod etiam confirmari potest ex eo quod artificium hoc sapientiæ tribui videtur in Sacris litteris, cum de ea prædicant his verbis, *Quid sapientia locupletius, quæ operatur omnia, & quis horum quæ sunt magis quam illa est artifex?* Ex quo colligi posse videtur, sapientiū solertia rationem excogitatam fuisse qua veru aurum conficiatur, quandoquidem Sapientia eorum quæ sunt generatim architecta, & opifex pronuntiatur. Tandem ex imensis Salomonis diuitiis argumentum etiam ducitur, eum

3. Reg. 4.
30.

Psal. 105.
22.
Psal. 77.
51.

3. Reg. 4.
33.

Sap. 8. 5. 6.

2. Paralip.
1. 15.

Chryſopæū calluiſſe: quomodo enim tanta pretioſorum metallorū vis Ieroſolymis eſſe potuiſſet, vt argentum & aurum quaſi lapides haberentur, vt dicitur in Paralipomenis, niſi ex viliori materia, arte fuſoria, impurioribus metallis liquatis, excoctis, defæcatis, & ad ſuperiorem ſpecie adductis magna illa diuitiarum vis parta fuiſſet? Hæc Chimici, qui, vt ego quidē ſentio, fruſtra ſibi Salomonem patronum aſciſcunt, nam in primis chemiæ nomen à chamo deductum non eſt, alioqui chamia dicenda fuiſſet, potius quàm chemia, nec loca, quæ ex libro ſapientiæ afferuntur, quidquam probant, cum ibi præcipuè de diuina ſapientia rerum omnium creatrice ſermo ſit, aut ſi de humana ea accipere velimus, dicere poſſimus ſapientiam metaphoricis mentis diuitiis eſſe locupletem, aut etiam externis ſed non chimico vt iſti volunt artificio comparatis. Liber ille de chemia pſeudepigraphus eſt, nec illum vt Salomonis agnoſcunt ſapientes. Ingentes verò Regis huius theſauri, donis, vectigalibus, tributis, claſſeque in Tharſis, & in Ophir deſtinata, comportati & congeſti ſunt, vt ſcriptura non vno loco teſtatur. Nec ſi Salomon ſapientiſſimus fuit, etiam chimicæ operam dediſſe credendus eſt, ſimul enim nouerat fallacibus eā niti experientis, difficillimūque eſſe ita omnia quæ cōſpirare debent miſcere, & attēperare, & materiæ operatrices effectricēſque cauſas adiouere & applicare, vt optata illa metallorū conuerſio conſequatur. Et ſanè ita paſſim uſu venire ſolet. Vt enim concedamus aliquando contigiſſe vt poſt multa tentata ſemel aut iterū Chryſopæo alicui conatus ſuccederet, aliis tamen propemodū infinitis aberrare

rate contigit, adeo ut prudentium non sit fallacis artificij illecebra duci, & verum, ac solidum aurum quod tenent profundere, ut inanes quaedam spes confectentur, & captent. Sentio ergo huic malo, si gliscat in rempublicâ, legibus occurrendum, statuendumque quod alicubi seruari audio, ut nemini liceat chimicem exercere, aut profiteri, nisi Principis permissu; sic enim fiet ut seges subducatur multarum fraudum, quibus metallis adulteratis fucus fieri simplicioribus facile possit: superstitiosis etiam obseruationibus, quæ in res huiusmodi facile irrepunt, aditus præcludetur, & tandem bene merebuntur Principes de priuatis familiis, quarum bona curiositate & spe noxia prouecti aliqui fornaculis fusoriis intabescerent dilapidant. Qui utinam Sapienti auscultarent cum ait, *In superuacuis rebus noli scrutari, multipliciter, & in pluribus operibus eius* (Dei scilicet) *non eris curiosus, multos enim supplantauit suspicio eorum* (vana scilicet spes, qua lætantur dum meliores semper artificij toties ludificantis successus expectant) *& in vanitate detinuit sensus eorum.*

Eccles. 3.

24.

*De Auaritia turpitudine, damnis,
eiusdemque remedijs.*

C A P V T XVIII.

N Vllum ferè in Principe viro tetrius vitium inueniri potest quàm auaritia, si præsertim imperij potestate ad suam explendam cupiditatem abutatur: nam quæstui habere Rem-

*Auarus in
sacris literis
ferarum
quarundam
bestiarum*

pub.

nomi-
nibus
appellari,
& qua hu-
ius rei sit
causa. Vbi
etiam de
auaritia
insatiabi-
litate.

Prou. 28.
15.
Prou. 33.
13.

pub. non modo turpe est, sed sceleratum etiam, & nefarium. quare nonnunquam sacrarum litterarum oracula cum sermo incidit de avaris, tanquam de teterrimis, ferocissimisque belluis loquuntur, aut certè hominibus ipsis belluis deterioribus, cuiusmodi latrones sunt, qui publicas obsidentes vias peregrinos intercipiunt, pecunia spoliant, & vitam etiam immani crudelitate eripiunt. *Leo rugiens*, inquit Salomon, & *Vrsus esuriens*, *Princeps impius super populum pauperem*. Qua etiā metaphora David vsus est, quod enim habemus in Psalmo *Diuites eguerunt, & esurierunt*, ex Hebræo verti potest *Leones esurierunt*. Quemadmodū enim Leones venatu sibi victum parant, & cum cibi naturale desiderium ad quærendam prædam eos euocauit, in animalia, quæ habent obuia, violentissimè sæuiunt, ea discerpunt, dilacerant, deuorant, & si prædam facile nancisci non possint, saltus montesque discutunt, vt aliquid sibi parent; quo famem, qua stimulantur exsaturent: ita auarus latentis lucri solertissimus indagator est, & vbi prædam inuenerit, feræ belluæ instar habet, quæ expleri non potest, nam licet cupiditari, quæ semper augetur, pabulum suggerat, adeo tamen non exinguitur habendi fames, vt potius pecuniarum incremento, tanquam nouo habendi irritamento vehementius excitetur. Hi enim sunt, de quibus ait Psalter, *Dilexisti omnia verba precipitationis vel deuorationis*, vt verti potest ex Hebræo. Hinc opulentorum vota describens David, *Ne dicant*, inquit, *deuorauimus eum*, nimirum de quo eodem Psalmo dicitur; *Eripiens indopem de manu fortiorum eius, egenum, & paupe-*

Psal. 51.5.

Psal. 34.5.

Ibid. n. 10.

rem

rem à diripientibus eum. Metum verò pauperum Psal. 123.
 alio Psalmo, Cum exurgerent, inquit, homines in 2.
 nos, fortè viuos deglutissent nos, & , Benedictus Ibid. n. 6.
 Deus, qui non dedit nos in captionem dentibus eo-
 rum: & Iob eadem deuorandi vsus metapho- Iob 20. 5.
 ra, Diuitias, inquit, quas deuorauerat, euomet.
 Et idem significare videtur illa Domini per Isa-
 iam pollicitatio, Longè fugabuntur, qui absorbe- Isa. 49. 19.
 bant te. Sed Prædones etiam, vt dixi, appellan-
 tur, ita enim accipio illud apud Iob, Abundant Iob 12. 6.
 tabernacula prædonum, & audacter prouocant Deum,
 cum ipse dederit omnia in manibus eorum, Quæ vlti-
 ma verba Principis periphrasim continent, qui
 Dei voluntate, aut permissione, ita Rempub. ad-
 ministrat, vt omnia in manu, hoc est in potesta-
 te, habere dicatur. Aptissimè autem deuorandi
 metaphora inexplebilem auarorum cupiditatem
 ponit ob oculos: quemadmodum enim voraces
 bestię, vt Leones aut lupi non facile carnibus
 occisorum animalium explentur, ita auarī quan-
 tumuis crescat pecunia, habendi tamen deside-
 rium non minuitur, sed dum ad maiores diuitias
 aspirare perpetuò contendit, augetur etiam libi-
 do colligendi vt verissimè pronuntiauerit Salo-
 mon, Auarum non impleri pecunia. Itaque Isaias Eccles. 5. 1.
 diuites reprehendens, qui vicinorum agrorum 9.
 dominis summotis, possessiones suas, aut domos
 amplificare student, eorūque ingenium, ea-
 dem opera describens, Vae, inquit, qui coniungi- Isa. 5. 8.
 tis domum ad domum, & agrum agro copulatis vsque
 ad terminum loci, nunquid habitabitis vos soli in me-
 dio terre? Quemadmodum ignis si materiam, quæ
 flammis possit absumi corripuerit, nō prius com-
 burēdi finem facit quàm pabulum ac fomentum
 omne

Prou. 30.
14.

omne deficiat, ita diues quasi ignis cuncta populatur, nec vnquam habendi desiderio modum facit, donec cuncta deuorauerit. Quare Salomon de auaris ita scribit in Prouerbijs, *Generatio, quæ pro dentibus gladios habet, & commandit molaribus suis, ut comedat inopes de terra, & pauperes ex hominibus.* Statimque subdit: *sanguisuga duæ sunt filie dicentes, Affer Affer.* Iniaturabilis nimirum cupiditas in duobus spectatur, imò verò in quatuor, quæ numerantur à sapiente eodem loco

Ibid. n. 15.

cum dicit. *Tria sunt insaturabilia, & quartum quod nunquam dicit sufficit. Infernus & os valua, & terra quæ non saturatur aqua. Ignis verò nunquam dicit sufficit.* Hisce metaphoris significari videtur vlciscendi cupiditas, quæ multos per mutuas cædes ante tempus demittit ad infernū, ad sepulchrum scilicet, quod scripturæ vulgata phrasi inferni fere nomine designatur. Libido etiam, tactusque voluptates quæ maximè vigent in foeminis, eadēque diuitiarum, honorumque cupiditas, quibus se in altum homines conantur attollere, ad ignis modum, cuius natura est in sublime semper emitti. Tale ergo auarorum ingenium, qui talia nomina in Sacris litteris meritò nacti sunt. Sed aliqua subiiciamus ex quibus intelligi possit, quantopere vitium hoc, cum omnibus, tum Principibus potissimum detestandum sit.

Auaritiā detestandā quia seruirus est Idolorum.

Coloss. 3.
5.

2 Ac primò quidem illud omnes commouere debet, me quidem iudice, quod qui auaritiæ student, durissimam seruitutem seruiunt, nunquam excutiendam, nisi ipsi cupiditati modus aliquis imponatur. Id sanè D. Paulus nos docuit, cum ad Colossenses scribens ita præcipit, *Mortificate ergo membra vestra, quæ sunt super terram, fornicationem,*

tionem, immunditiam, libidinem, concupiscentiam malam, & auaritiam, quæ est simulacrorum seruitus. Nec aliud sensit Isaias cum ita scripsit, *Abstuli terminos populorum, & Principes eorum depredatus sum*: quod enim vulgatus dicit, *Principes*, ex Hebræo *thesauros* verti potest, quos auari tanquam Principes suos colunt, & quodammodo adorant, ac frequenter inuisunt seruorum more, qui subinde sistunt se Dominis suis, vt videant si in aliquo opera illorum vti velint. Quare Hebræis diuitiæ, visitatio dicuntur nonnunquam, vt apud Isaiam, cum dicitur *secundum magnitudinem operis, & visitatio eorum, ad torrentem salicum ducent eos*: sententia autem est, iuxta peccatorum magnitudinem, futurum etiam esse punitionis modum, eosque qui peccauerunt, ducendos esse ad torrentem salicum, quem aliqui Euphratem interpretatur, coniecturam eo capientes, quod qui in captiuitate sedebant ad Euphratem, In salicibus dicuntur organa suspendisse. Sed tamen ex Hebræo verti potest, *Et opes suas ad torrentem salicum deferent*; ac si dicat, inquit, Rabbi Abraham, ad locum alium suas diuitias deferent, nec dissimilis Rabbi David interpretatio, qui sensum hunc esse putat: Diuitias eorum hostes ad torrentem salicum, qui erat prope urbem Moab, deferent, vt eas inter se partiantur. Eadem igitur vox & visitationem significat, & diuitias, quod diuitias suas auari frequenter visitare consueuerint. Ac quemadmodum Idola adeò reuerentur eorum cultores, vt propius manus admouere non audeant, ne fortè reuerentis pœnas ferant, qui res sanctas communibus manibus attrectare non dubitauerint: ita auari pecuniis suis, quasi sacris

par

Isa. 10. 13.

Isa. 15. 7.

Psal. 136.

Eccles. 14.
3.

parcunt, nec audent eas conuertere in vsus suos ac suorum, vt verè dixerit Ecclesiasticus: *Viro cupido, & tenaci sine ratione est substantia, & homini liuido* (qui scilicet sibi aliisque pecuniæ vsus inuidet) *ad quid aurum?* in quo magnam animaduerrere licet humani cordis deceptionem, nam vt ibidem dicitur *qui acervat ex animo suo* (id est toto suo conatu) *iniuste alijs congregat, & in bonis illius, alius luxuriabitur. Qui sibi nequam est, cui alij bonus erit?* Quasi dicat, qui totus in eo positus est, vt pecunias, quâ iuste, quâ iniuste congreget, eas non sibi sed alijs parat, qui auari diuitiarum istarum collectoris immemores, iis ad voluptates captandas abutantur prodigè: nec est, quod quisquam se putet ab auaro quidquam accepturum, nam si sibi ipsi, cum opus habet, non prouidet, vt idolo pecuniarum suarum parcat, proculdubio consequens est, vt credamus neque erogaturum pecuniam, vt aliorum necessitatibus prospiciat: & *non iucundabitur in bonis suis; qui sibi inuidet, nihil est ipso nequius, & hac redditio est malitiæ eius*: dum enim genium suum sordidus homo defraudat, vt pecunias multas colligat, dat peccati sui iustas poenas, nam multa sibi subtrahendo, quæ natura desiderat, se ipsum macerat, & tandem cum pecuniis pepercerit, hæredem plerumque accipit, qui, quod minimè vellet, eas, omne voluptatis genus sectando, largè profundit. Quanquam etiam videmus fieri nonnunquam, vt pecuniæ possessionesque auarorum bonos hæredes nanciscantur, & in vsus cedant Ecclesiarum, aut priorum virorum, Deo ipsas ad meliores vsus conuertente, iuxta ea, quæ legimus in libro S.

Iob 27.16. Iob: *Si comportauerit quasi terram argentum, & sicut lutum*

litum preparauerit vestimenta, preparabit quidem, sed iustus vestiatur illis, & argentum innocens diuidet. Quod ita vsu venisse discimus ex scriptura, nam opes multæ Laban datæ sunt Iacob, quod ipse testatus est, cum ait, Tulit Deus substantiam Patris vestri, & dedit mihi. Regna etiam eorum, qui Palæstinam tenuerant, filiis Israël data sunt, & regnum ad quod Saül fuerat euectus, postquam illo excidit, Dauid collatum est, qui propterea experimento edoctus ita canit in Psalmo. Expecta Dominum, & custodi viam eius, & exaltabit te, ut hereditate capias terram: cum perierint peccatores, videbis. Hanc autem auarorum stultitiam de qua sermo nobis erat, cognouerat Salomon, qui ita in Ecclesiaste scriptum reliquit. Rursum detestatus sum omnem industriam meam, qua sub Sole studiosissime laboravi, habiturus heredem post me, quem ignoro utrum sapiens an stultus futurus sit, & dominabitur in laboribus meis, quibus desudaui, & sollicitus fui, & est quid tam vanum? Vnde cessavi, renuntiauiq; cor meum ultra laborare sub Sole, coaceruandis nimirum pecuniis, sapientiorique cōsilio me ad fruendum iis quæ paraueram conuerti. Nam hanc ratum sum partem meam, si uterer labore meo: hic enim finis diuitiarum est, vsus earum; quare D. Paulus ad Timotheum scribens, ait, Diuitibus huius sæculi præcipe non sublime sapere, neque sperare in incerto diuitiarum, sed in Deo viuo, qui præstat nobis omnia abunde ad fruendum. In quibus verbis duo notāda sunt, quæ ad rem nostram faciunt. Alterum est, quod diuitias à Domino docet suppeditari, non ut arcis recondantur, sed ut cum opus est ad nostros, aliorumque vsus liberaliter depromātur. Alterum est, quod sperare iubet non in incerto diuitiarum,

Genes. 31.

9.

Psalms. 36.

34.

Eccl. 1. 18.

1. Tim. 6.

17.

sed in Deo viuo , quoniam scilicet diuitiæ , quæ pro Deo habentur ab auaris , numen quoddam mortuum sunt , quod eos audire non potest, nec illis prodesse, nisi ipsum Idolum , cui prius seruiuerant, vice mutata seruire coegerint, illud scilicet comminuendo , vt olim Moses aureum vitulū, quem Israelitæ pro Deo coluerant, & egentibus propinando , cauendūque ne id accidat, quod apud Isaiam legimus, *Repleta est terra argento & auro, & repleta est idolis.* Et apud Oseam cum ait: *Hæc nesciunt, quia ego dedi ei frumentum, & vinum, & oleum, & argentum multiplicavi ei, & aurum, quæ fecerunt Baal:* hoc autem accidit, cum diuitiis congestis ita seruitur à possessoribus, vt illas quodammodo pro Deo colant.

Exod. 32.
29.

Isa. 2. 7.
Osc. 2. 8.

Hanc seruitutē turpem esse, quod Dei seruituti repugnet.

Matth 6,
24.

Horn. 22.
in Matth.

3 Hæc autem seruitus, cum multis modis homine est indigna, cum præsertim, quod cum ea seruitute, quam Deo cōditori nostro multis ex capitibus debemus, consistere non potest: verissimum enim est Christi Domini pronuntiātū, *Non potestis Deo seruire, & Mammona:* quem locum explicans Chrylost. *Hoc loco, inquit, & animo prorsus toto perhorrescamus, & corpore, intelligentes istud, quod Christū dixisse memorauimus, ex aduerso scilicet Deum aurūq; consistere, & componi: si igitur istud sono quoque sermonis horribile est: quāto est horribilius, cum ipsis operibus tyrannis auri, Dei timori præfertur? Et rursus eadem homilia. Non hoc solo vobis, inquit, diuitie nocent modo, sed contra vos latrocinantium armant manus, nec quia magno cum cumulo intellectum vestre mentis obnebrant; verum etiam, quod vos à seruitute Dei diuellunt, & rei mortua pecuniarum scilicet captiuos efficiunt, satis proculdubio ex utroque ladentes dum & earum vos seruitio subiungant in quas oportuerat*
exer

exercere dominatum, & à Deo obsequio excludunt, cui supra omnes profectò servire, & necessarium est vobis pariter & commodum. Hæc Chrylostomus, qui quod paulo supra notauimus, ex diuo Paulo diuitias scilicet idolam esse mortuum, cui servire turpe sit, expressius ipse pronuntiauit eodem spiritu imbutus, quem ex Apostoli scriptis hauserat, cuius erat studiosissimus. Porro diuitiarum seruitutem, quam auari seruiunt, Christi Domini repugnare seruituti, satis explicauit Apostolus cum eorum texens catalogum, qui à Dei regno excludendi sunt, avaros etiam numerat: *An nescitis, inquit, quia iniqui Regnum Dei non possidebunt? Nolue errare, neque fornicarij, neque idolis seruientes, neque adulteri, neque molles, neque masculorum concubitores, neque fures, neque auari, neque ebriosi, neque maledici, neque rapaces regnum Dei possidebunt.* Et huius rei causam indicat, ad Timotheum scribens, quia humanæ cupiditatis propensionem odoratus hostis humani generis, diuitias, quasi escam illicem nobis ostentat, vt illa per oculos animo blandiente in eius laqueos nos inducere nò dubitemus. *Qui volunt, inquit, diuites fieri incidunt in tentationem, & in laqueum diaboli.* Quod ipsum affirmat Ecclesiasticus cum ait; *Si diues fueris, non eris immunis à delicto.* Itaque Dauid potentes avaros, qui pauperes iniustis modis opprimunt, descripturus commune peccatorum nomen, quod aliis etiam conuenit, tanquam proprium accommodauit, indicans auaritiam à scelere nunquam dissociatam inueniri, cunctorumque malorum radicem, ita peccatores eos facere in quibus reperitur, vt absque vllò addito peccatores per antonomasiam nuncupentur: in

I. Cor. 6.

9.

I. Tim. 6.

9.

Eccles. 11.

10.

468 *Institutio politica ex sacris Scripturis.*

Psalmo enim quodam Iudices increpans, qui pervertunt iustitiam, & diuitum pecuniis corrupti, aut potentiam veriti, causas illis contra inopes ad-

judicant: *Vsq̃uequo, inquit, indicatis iniquitatem, & facies peccatorum sumitis? Eripite pauperem, & egenum de manu peccatoris liberate, eos peccatores appellans, qui pauperes, viduas & pupillos, de sua possessione iniuste deiciunt; hi autem auari sunt, qui propriis quibus abundant diuitiis non contenti, aliorum agellis, aut domibus imminent, in easque per summam iniuriam inuadunt. Merito etiam peccatoris nomenclaturam meretur auarus, si criminis grauitatem spectemus; nam cum quædam peccata sint, quæ ad eò diuinam prouocant iustitiam, vt in cœlum dicantur clamare, quasi vindicem, numinis dexteram ad percutiendum excitent; in his illud auarorum genus continetur, quod à Dauide describitur; nam D. Iacobus ait, *Ecce merces operariorum, qui messuerunt regiones vestras, quæ fraudata est à vobis, clamat, & clamor eorum in aures Domini Sabaoth introiuit. Ecclesiastici verò auctor hos pares ijs facit, qui sanguinem fundunt innoxium, quod peccatum (vt de homicidio Cain scriptura testatur) in cœlum clamat. Qui effundit, inquit, sanguinem, & qui facit fraudem mercenario fratres sunt. Est autem admodum procliuè diuitibus, tenuioribus hominibus iniuriam in aliquo facere, nam cum paria propter humilitatem status reponere nō possint, nec audeant fortibus verbis, si in aliquo violati fuerint, exerere libertatē, diuitum violentiæ sunt magis opportuni; quare monet sapiens tenuioris fortunæ homines, ne se ditioribus socios adiungant, aut vlla ratione, quantum fieri potest,**

com

Psal. 81. 2.

Iacob 5. 4.

Genes. 4.
10.

Eccles. 34.
27.

communicent, ne ex hac consuetudine multiplicia incommoda reportent. *Pondus*, inquit, *super Eccles. 13.* se tollit, qui honestiori se communicat; & dicitur te, ne socius fueris: quid communicabit cacabus ad ollam? quando enim se colliserint, confringetur. *Dives iniuste egit, & fremet; pauper autem laesus tacebit.* Si largitus fueris, assumet te, & si non habueris, derelinquet te: si habes, conuiuet tecum, & euacuabit te, & ipse non dolebit super te. Si necessarius illi fueris, supplantabit te, & subridens spem dabit, narrans tibi bona, & dicet quid opus est tibi? & confundet te in cibis suis, donec te exinaniat bis, & ter, & in nouissimo deridebit te, & postea videns derelinquet te, & caput suum mouebit ad te. Hoc ferè potentiorum ingenium; quo diligentius Principi cauendum est, ne quando amplio rem, quàm ullus alius in Republica potestatem nactus est, ita cum tenuioribus hominibus agat, ut clamor eorum, quos iniuste vexauerit, numen irriter ad vindictam, sed ut supra dictum est Patrem se populi esse meminerit, qui adeo subditos expilare, & fortunis euertere non debet, ut potius hoc illi diligentissimè curandum sit, ut unicuique sua possessio tuta, & ab iis, qui in aliena inuolant bona, facta & recta sit, verum hanc rationem à parentis munere, quo Princeps in Republica fungitur, urgebimus infra, locis ex scriptura iuxta nostrum morem allatis.

4 Sed alia etiam est huius seruitutis conditio, quæ illam valde laboriosam reddit. Hæc autem in eo posita est, quod auaris plurimi sunt exantlandi labores, & exhaustiendæ molestiæ, ut ad eas peruenire possint diuitias, quas cogitatione, & cupiditate præceperunt. Ac quemadmodum Israëliticus populus dum Pharaonis impe-

Hanc seruitutē dixerunt esse, ac laboriosā, ideoq; defugiendam;

Exod. i. 13. rio pressus, lutum totos dies tractare cogebatur, paleasque colligere. Nam *Aegyptij*, qui oderant filios *Israël*, eos affligebant illudentes eis, atque ad amaritudinem perducebant vitam eorum, operibus duris luti & lateris, omniq. famulatu, quo in terra operibus premebantur: ita qui aurum tractantes cumulos illius aggerare student, plusquam credi possit à non expertis fatigantur. Et quâvis ad Principes labor iste pertinere non videatur, qui more mercatorum maria, ac terras compendia sectantes non discurrunt, sed solo imperio censum augent; tamen si nimiam rem faciendi cupiditate tenentur, ea cura proculdubio coquuntur, quæ omnibus auaris est communis, nec laborare, & affligi animo non possunt, cum se populorum obrectationibus lacerari sciunt, ac diris in vulgus deuoueri. Quare in libro *Iob* argentum dicitur lassitudinum, quod nimirum dum illud colligunt mortales, vehementer & usque ad lassitudinē fatigentur: quod enim *Iob* 12. 25. quodā capite legimus: *Erit Omnipotens contra hostes tuos, & argentum coaceruabitur tibi*: ex Hebræo verti potest, *Argentū lassitudinum tibi*, nam vox מַשָּׂהוּמִים à radice שָׂהוּ deducitur, quæ fatigare, lassareque significat, & sensus esse potest, idem cum eo, quem *Vulgatus* expressit, magna tibi coaceruabitur argenti copia, in quo conquirendo, computandoque multorum industriæ, & verò etiam corpora fatigentur: verè enim diuitias colligentibus usu venit, ut multis modis laboribus sint obnoxij: quod sibi accidisse testatur *Iacob*, qui in domo *Laban* soceri sui, ad amplas pecoris armentorumque diuitias, in quibus sita erat æui illius opulentia, aliquot annorum decursu peruenerat. Nam abitus sui afferens causas, excusique

sique seruitutis iugi, quod ad illum diem tolerauerat; *Die noctūque*, inquit, *astu urebar & gelu, fugebātque somnus ab oculis meis*, sicq; per viginti annos ^{40.} in domo tua seruiui tibi: nisi Deus Patris mei Abraham & timor Isaac affuisset mihi, forsitan modo nudum me dimisisses: afflictionem meam, & laborem manuum mearum respexit Deus, & arguit te heri. Multa enim talia pati necesse est non eos solum, qui cum paupertate luctantur, sed etiam eos, qui cum diuites sint, ad vltiorem, pinguioremque fortunam aspirare contendunt, quod iugum Principibus etiam viris, suo modo, vt supradiximus, ferendum est.

5 Sed nimirum stultus est labor istorum, plerumque enim accidit, vt quæ diuitiæ malis artibus sunt partæ, eadem malè dilabantur, & quasi aceres aut glumæ, aut modicus vapor, vento rapiante, dispereant, iusto Dei iudicio auarorum cupiditatem, in eo ipso in quo peccarunt, puniente. *Qui congregat thesauros lingua mendaci, vanus & excors est*, & impingetur ad laqueos mortis, vel vt ex Hebræo verti potest, *Operatio thesaurorum in lingua mendaci, vanitas impulsæ quærentium mortem*. Vanitatem impulsam intelligit Sapiēs aliquid valde leue aut tenue, quod facile abstrahitur, dissipatur, & euanescit, idcirco Theodotio vertit *ἀτμός φερόμεν* & vapor, aura tenuis, halitus qui fertur, aut rapitur. Eadem verò similitudo vocibus aliquantulum diuersis, sed idem significantibus, eo spectat, vt intelligant omnes, malis artibus quæsitæ pecunias (idem enim est quod ad propositum nostrum attinet, siue mendaciis decipiendo, siue per violentiam rapiendo, aut extorquendo in alienas res inuadas) non esse diuturnas: quare alibi

Labore qui ferendus est in hac seruitute, malè colligari, quod scilicet malè parta malè dilabatur.
Proa. 21. 6.

Prou. 11. idem Salomon; *Alij, inquit, diuidunt propria, &*
 24. *ditiores fiunt, alij rapiunt non sua, & semper in egesta-*

Iob 28. 18. *te sunt.* Et S. Iob, eorum, qui multos thesauros colligunt, inanem laborem arguens: *Ædificauit, inquit, sicut tinea domum suam, & sicut custos fecit umbraculum.* Quemadmodum enim qui autumnii tempore vineas custodiunt, temporariam quandam casam ex ramalibus excitant, & stramine, statim post absolutam vindemiam dissipandam: & quemadmodum tinea lignum excauando sibi domunculam quandam, aut cauernulam construere videtur, quæ tamen ad breuissimum tempus durat, nam ligno arrosione illa labefactato, & confracto etiã tineæ domus perit, imo sibi perniciem illam comparat, & conciliat, dum sibi domum ædificare videbatur; ita qui iniuste aliena rodendo, rem suam amplificare studet, perniciem sibi certissimam struit. Græcus interpres eãdem similitudinis vim retinuit, voce mutata, nam vertit, *Euasit domus eius sicut tinea, & sicut aranea,* nullus enim nescit aranearum telas multo labore diligentiaque contextas tenuissimis filis artificio prorsus mirabili ita ductis, vt ratione carentis animalis solertiam omnino superare videantur, aut vento dissipari, aut incidente lapillo, aut folio perforari, totumque laborem in eis contexendis impensum momento temporis interire.

Hanc autem similitudinem etiam usurpauit Bal-
 Iob 8. 14. dad eodem libro cum ait. *Sicut tela aranearum fiducia eius: innitetur super domum suam, & non stabit, fulciet eam, & non consurget. Humectus videtur antequam veniat Sol, & in ortu suo germen eius egredietur super acervum petrarum, radices eius densabuntur, & inter lapides commorabitur.* Et Isaias,

qui

qui cum violatam iustitiam fuisset lamentatus, iniustos hos homines araneorum telas ait tenuisse, quas tamen eum vsum non esse habituras confirmat, quem ipsi voluissent, ac sperauissent: *Telas, inquit, araneorum texuerunt, tela eorum non erunt in vestimentum, neque operientur operibus suis, opera eorum opera inutilia.* Et Ieremias Sellum Iosiae Regis Iuda filium acriter reprehendens, quod auarè regnasset & iniuste, quod scilicet ut ipse loquitur, *Eius oculi, & cor ad auaritiam, & ad sanguinem innocentium fundendum, & ad calumniam, & ad cursum mali operis intenti fuissent,* ac propterea (quod nos diuitibus ferme contingere affirmamus) breuem, imo nullam ex raptarum diuitiarum possessione lætitiā percipiturum, frustra que mercedes eorum, qui eas fuissent promeriti per iniustitiam retenturum: *Va, inquit, qui adificat domum suam in iniustitia, & canacula sua non in iudicio: amicum suum opprime frustra, & mercedem eius non reddet ei.* Quod etiam confirmat Iob, qui potentes istos potentia impotenter abutentes, eas diuitias quas congesserunt prius docet esse relicturos, quàm frui possint: *Diuitias, inquit, quas deuorauit enomet, & de ventre illius extrahet illas Deus, prius scilicet quàm in succum eius, qui eas deuorauerat, sanguinemque transeant; cui simile illud Ezechielis, Argentum eorum foras proicietur, & aurum eorum in sterquilinium erit. Argentum eorum & aurum eorum non valebit liberare eos in die furoris Domini. Animam suam non saturabunt, & vestes eorum non implebuntur, quia scandalum iniquitatis eorum factum est.* Quod idem alia metaphora eleganter expressit Salomon cum ait, *Non roborabitur homo ex impietate, contra quam accidit iustis,* de

Isai. 59. 6.

Jerem. 22.

17.

Ibid. n. 13.

Iob 20. 15.

Ezech. 2.

19.

Prou. 14.

3.

474 *Institutio politica ex sacris Scripturis.*

- quibus subdit, & radix inſtorum non commouebitur,
 Iob 17.29. quod etiam Iobi pronuntiatum eſt, qui ait; *Non*
ditabitur, neque perſeuerabit ſubſtantia eius, neque mi-
ſet in terram radicem ſuam. Vt quod Ezechiae Regi
 dictum eſt, qui in diuitiis inaniter fuerat gloria-
 tus, multo magis in eos quadret, qui non pecca-
 to dumtaxat iactantiae peccant, ſed etiam iniuſti-
 4 Reg. 10. tiae, dum aliena per iniuriam rapiunt, *Ecce, inquit,*
 15. *dies venient, & auferentur omnia, quae ſunt in domo*
tua, & quae condiderunt Patres tui, uſque in diem hanc,
in Babylonem. Nam quemadmodum ſubſtantia,
 Prou. 13. *quae paulatim colligitur manu, multiplicabitur, ita fe-*
 11. *ſtinata ea nimirum, quae malis artibus ab auaro,*
 Prou. 28. *qui ditari feſtinat, collecta eſt, minuetur; qui enim*
 20. *feſtinat ditari, non erit innocens, & Hereditas ad quam*
 Prou. 20. *feſtinatur, in principio benedictione carebit.*
 21.

6 Parum ergo prudenter, parumque conſulte
 faciunt, qui in diuitiis ſpes ſuas omnes collocant:
 Colligitur ex dictis, diuitiis non eſſe fidendum.
 quod ſanè vitium adeo latè patet, vt propterea
 ſcriptura ſatis frequenter cum de diuitiis incidit
 ſermo, eas appellet robur aut fiducia, quod ſcili-
 cet in earum poſſeſſione robur ſitum eſſe, pleri-
 que hominum ſibi perſuadeant, & qui illis abun-
 dant, ſe firmiſſimo præſidio munitos eſſe falſa
 perſuaſione confidant; quaſi in illis tantum om-
 nia poſita ſint, parum interim iuſtitiam curantes,
 aut Dei bonorum omnium largitoris iuſſa, leges-
 que, qui regnum Dei prius quaerendū præcipit &
 iuſtitia eius, tuncque hæc alia omnia vitæ, rerum-
 que publicarū, ſeu præſidia, ſeu ornamenta abun-
 dè ſuppeditanda. Quare Baldad Suhites apud Iob
 Iob 18.12. potentibus iniuſtis malè precatur his verbis: *At-*
 Ibid. 9, 14. *tenuetur fame robur eius: & paulo poſt, Auellatur de*
tabernaculo ſuo fiducia eius. & eodem libro ſanctus

Propheta, se ab horum eximens consortio, omné-
que auaritiæ crimen amolians, quippe qui non
sperasset in pecuniæ thesauris; Si putari, inquit, Iob 31.24.
aurum robur meum, si obrizo dixi, fiducia mea. Eodem
etiam spectat illud Salomonis, *Substantia domus* Prov. 18.
urbis roboris eius, & quasi murus validus circumstans 11.
eum. Et illud Baruc, *Ubi sunt Principes gentium, &* Baruch 3.
qui dominantur super bestias, quæ sunt super terram? 16.
qui in auihus cœli ludunt, qui argentum thesaurizant,
& aurum in quo confidunt homines? Idem enim est,
ac si dixisset, quod est hominum fiducia, & robur,
eorum opinione.

7 Sed aliud etiam incommodum secum affert Principem
auaritia. Nam populo, auarorum quorumcunque anarū esse
capita execrabilia facit, & innumeris diris fre- non debere,
quentissimè deuouenda. Id de quodam auarorum quia aua-
genere docet sapiens cum ait, *Qui abscondit fru- ritia odio-
mentum, maledicetur in populis, benedictio autem super sum facit
caput vendentium. has autem vulgi deuotiones, & populo, &
populi dolentis vota, non vt inania verba, & in periculum
irritum iactata contemnenda esse sapienter mo- amittendi
net Ecclesiasticus cum ait: *Animam esurientem ne* Principa-
despexeris, & non exasperes pauperem in inopia sua, tus creare
cor inopis ne afflixeris, & non protrahas datum angu- potest.
stianti. Rogationem contribulati ne abiicias, & non Prov. 11.
auertas faciem tuam ab egeno. Ab inope ne auertas ocu- 26.
los tuos propter iram, & non relinquo querentibus tibi Ecclef. 4.
retro maledicere. Maledicentis enim tibi in amaritudi- 2.
ne anima, exaudietur deprecatio illius, exaudiet enim
eum, qui fecit illum. Maledictionis autē istius quam
Dominus exaudit, effectus quis sit, exprimitur à
Mose in Leuitico, & Deuteronomio. *Frustra, in-* Leuit. 26.
quit, sereris sementem, quæ ab hostibus deuorabitur. 17. & 20.
Consumetur incassum labor vester, non proferet terra
*germen,**

476 *Institutio politica ex sacris Scripturis.*

germen, nec arbores poma praebeunt, immittamque in vos bestias agri, quae consumant vos, & pecora vestra, & ad paucitatem cuncta redigant, desertaque fiant viae vestrae. Et in Deuteronomio: Maledictus, inquit, eris in ciuitate, maledictus in agro, maledictum horreum tuum, & maledicta reliquia tua. Maledictus fructus ventris tui, & fructus terra tua, armenta bouum tuorum, & greges ouium tuarum. Mutet Dominus super te famem, & esuriem, & increpationem in omnia opera tua, quae tu facies, donec conterat te, & perdat ve-

Deut. 28.
16.

lociter. Et post nonnulla, Domum adifices, & non habites in ea. Plantes vineam, & non vindemies eam. Bos tuus immoletur coram te, & non comedas ex eo. Asinus tuus rapiatur in conspectu tuo, & non reddatur tibi. Oues tua dentur inimicis tuis, & non sis qui te adiuuet. Fructus terra tua, & omnes labores tuos comedat populus, quem ignoras, & sis semper calumniam sustinens, & oppressus cunctis diebus, & stupens ad terrorem eorum, quae videbunt oculi tui. Sementem multam iacies in terram, & modicum congregabis, quia locusta deuorabunt omnia. Vineam plantabis, & fodies, & vinum non bibes, nec colliges ex ea quippiam, quoniam vastabitur vermibus. Oliuas habebis in omnibus terminis tuis, & non ungeris oleo, quia defluent, & peribunt. Omnes arbores tuas, & fruges terra tua rubigo consu-

Ibid. n. 38.

met. Huius maledictionis vim expertus est Roboam, qui ut saepius memorauimus, afflicti nimis exactionibus populi preces non admittens, decem integras Regni sui partes, duabus dumtaxat retentis amisit, & non multo post anno mirum quinto Regni eius Ascendit Sefac Rex Aegypti in Ierusalem, & tulit thesauros domus Domini, & thesauros regios, & vniuersa diripuit; scuta quoque aurea, quae fecerat Salomon, Regisque opulentif-

3. Reg. 14.
19.

simi

simi filius, angusta admodum ditione circumscriptus, thesaurisque plurimis spoliatus, tantum Regis nomen, potestatemque non amisit.

8 Ut autem facilius possit Princeps gliscientes auaritiæ impetus comprimere, quædam illi frequenter, mente voluenda proponam, quibus affectus suos componat, & amplius habendi cupiditatem minuat. Ac primò quidem illud recolendum est, quod supra posuimus reges ac Principes instar habere Patrum in Republ. ac propterea eorum curas eo spectare debere, non ut filios suos exhauriant tributis, ac vectigalibus grauioribus impositis, sed potius ut eos, si qua ratione possint locupletent. quare par'esset Principem eum inducere affectum, quem se habuisse S. Paulus ostendit cum ait ;

Non quero quæ vestra sunt, sed vos ; non enim debent filij thesaurizare parentibus, sed

Principes non debent avari esse, quia populorum est pater.

parentes filiis. Quod idem probat Christi Domini dictum, nam cum Dominus discipulis comitantibus venisset Capharnaum, accesserunt, qui di-

drachma accipiebant, ad Petrum, & dixerunt ei. Magister vester non soluit didrachma ? Ait, etiam : & cum intrasset in domum, præuenit eum I E S V S, dicens, quid tibi videtur Simon ? Reges terra, à quibus accipiunt tributum vel censum ? à filiis suis, an ab alienis ? Et ille dixit ab alienis. Dixit illi I E S V S. Ergo liberi sunt filij.

2. Cor. 12.
14.

Matth. 17.
23.

Et autem non scandalizemus eos, &c. Si enim Princeps non sua tantum compendia spectare velit, sed subditorum, quasi filiorum, ea dumtaxat exiget, quæ ad Reipubl. necessitates subleuandas, necessaria sunt, ac proinde in populorum commodum redundant, quod non tam sibi, quam subditis thesaurizare est ; eas verò exactiones omnes, tanquam supernacaneas, & ab auaritia

profe

Ecclef. 7.
22.

profectas refecabit, quæ explendis Principis cupiditabus potius deferuire videbuntur, quàm opportunitati publicæ cōmodare. Non enim amanti parentis, aut domini est eum filium, aut seruum, quem se totum videt impendere in parentis obsequiū, grauioribus etiam quàm ferre possit oneribus velle vexare. *Non ladas*, inquit Ecclesiasticus, *seruum in veritate operantem, neque mercenarium dantem animam suam, seruus sensatus sit tibi dilectus, quasi anima tua, non defraudes illum libertate, neque inopem derelinquas eum.*

Idem probatur, quia
est Pastor
populorum.
Prou. 30.
32.

9 Pastoris etiam nomen, quod Principi conuenit, & munus, quod in Republ. sustinet, auaritiā suadent detestari. Idcirco Salomon à re pastoritia metaphoram mutuatus, *Qui fortiter*, inquit, *premit ubera, ad eliciendum lac, exprimit butyrum, & qui vehementer emungit, elicit sanguinem.* eandem verò sequutus metaphoram Ezechiel, luculentè & copiosè in eos pastores inuchitur, qui gregis bonum posthabentes, pascebant potius semetipsos, suis cupiditatibus magis seruiantes, quàm necessitatibus gregum, quos variis modis vexabant, non tantum lac emulgendero, detondendo lanam, sed etiam deuorando, & vulneribus aut morbis, si quos incurrebant, medicinam non faciendo. Est autem locus planè insignis & qui multorum aliorum instar esse possit. *Va*, inquit, *Pastoribus Israël, qui pascebant semetipsos, nonne greges à Pastoribus pascuntur? Lac comedebatis, & lanis operiebamini, & quod crassum erat occidebatis, gregem autem meum non pascebatis: quod infirmum fuit non consolidastis, & quod agrotum non sanastis, quod confectum est non alligastis & quod abiectum est non reduxistis, & quod perierat non quasiistis, sed cum austeri-*

Ezech. 34.
2.

tate

*tate imperabatis eis & cum potentia, & dispersa sunt
 oues mea, eo quod non esset pastor, & facta sunt in deu-
 rationem omnium bestiarum agri & dispersa sunt. Erra-
 uerunt greges mei, in cunctis montibus, & in uniuerso
 colle excelsso, & super omnem faciem terra dispersi sunt
 greges mei, & non erat qui requireret, non erat inquam
 qui requireret. Propterea Pastores audite verbum Do-
 mini. Vtuo ego dicit Dominus Deus, quia pro eo, quod
 facti sunt greges mei in rapinam, & oues mea in deu-
 rationem omnium bestiarum agri, eo quod non esset pa-
 stor. Neque enim quiesierunt pastores mei gregem meum,
 sed pascebant pastores semetipsos, & greges meos non
 pascebant. Propterea Pastores audite verbum Domini.
 Hec dicit Dominus Deus. Ecce ego ipse super Pastores,
 requiram gregem meum de manu eorum, & cessare fa-
 ciam eos ut ultra non pascant gregem, nec pascant am-
 plius pastores semetipsos, & liberabo gregem meum de
 ore eorum, & non erit ultra eis in escam. Hoc inge-
 nium Principum eorum, qui Tyrannico more po-
 pulos gubernantes nihil minus propositum ha-
 bent, quàm subditorum suorum bonum. Quanto
 sapientior pastor Iacob, qui fratris sui Esau locie-
 tatem defugiens, necessitatem gregum armento-
 rumque prætendit, quibus eum seruire deberet,
 nimis in ambulando vigere non posset? Nosti, Genes. 33.
 inquit, quòd paruulos habeam teneros, & oues & bo- 13.
 ues foetas mecum, quas si plus in ambulando fecero la-
 borare, morientur in una die cuncti greges. Et propter
 hanc fortasse causam, quædam in sacris scripturis
 reperiuntur, quæ ita præcepta sunt, ut iis Domi-
 nus, cuius spiritus mirum quantum liuvis est,
 etiam ipsis brutis animantibus rationeque raten-
 ribus prospicere voluisse videatur, ut nimirum
 intelligerent ij, qui populorum pastores sunt,
 quam*

480 *Institutio politica ex sacris Scripturis.*

- quam humaniter ratione præditos homines tractare debeant, si etiam bestiis in quibusdam, legis veteris præscripto, parcendum erat. Nam in libro Exodi, ubi hebdomadaria Sabbathi quies præscribitur, dicitur, *sex diebus operaberis, septimo die cessabis.* Huius autem præcepti ratio cum affertur, non solum dicitur *Ut refrigeretur filius ancille tue & aduena, sed dicitur etiam, ut requiescas bos, & asinus iuus.* & in Deuteronomio legimus, *Non arabis in boue simul, & asino,* ne videlicet totum iugi pondus in asinum mole corporis minorem recumbat, & plus iusto fatigetur. & eodem libro præcipitur, *Non ligabis os bonis terentis in area fruges tuas:* nimis enim durum videtur si iumentum quod magno labore, in gyrum actum, spicasterit, & grana ex aristis excutit, pauculas peleas in cibum carpere non possit, quibus inter laborandum reficiatur. Sed quod legibus hisce diuinis præceptum est, sponte sua à iustis ac piis hominibus fieri affirmat Sapiens cum ait: *Nonne iustus iumentorum suorum animas, viscera autem impiorum crudelia.* Cuius dicti sententia. Iustus non hominum tantum sibi commissorum rationem, sed & iumentorum suorum curam gerit, prouidetque sollicitè, ne plus æquo in laborando exigatur ab eis, & ne quid eis desit eorum, quæ necessaria sunt: ex quo facile quilibet intelligat iustos multo id præstare diligentius erga familiares ac subditos. Imo Dominus ipse, de quo dicitur in Sapientiæ libro, *Diligis Domine omnia, quæ sunt, & nihil odisti eorum, quæ fecisti.* Niniuem sicut fuerat comminatus, pepercit euertere, non hominum tantum misertus sed etiam iumentorum, quæ nimirum nihil peccauerunt, & quodammodo

modo iam pœnitentiam egerant faccis instrata,
 & ieiunio macerata, ita enim legimus in Ionæ
 prophetia, qui cum doleret hederam vermibus ar-
 rofione exaruisse, audiuit à Domino: *Tu doles su-* Ionæ 4.10.
per hederam, in qua non laborasti, neque fecisti ut cre-
sceret, quæ sub una nocte periit, & ego non parcam Ni-
nive civitati magna, in qua sunt plusquam centum vi-
ginti millia hominum, qui nesciant, quid sit inter dex-
teram, & sinistram suam & iumenta multa. Quemad-
 modum ergo, & diuinæ legis mandato, & recta
 etiam ratione dictante ab ipsis iumentis, plus exi-
 gendum non est, quàm eorum vires patiantur, ne
 dum ipsa nimio labore atterimus, etiam nobis,
 quibus seruiunt noceamus: ita multo magis cum
 hominibus agendum est, quibus maior debetur
 reuerentia, & à quibus vberiores in Principem
 utilitates redundant. *Homo, inquit Iob, cum mor-* Iob 14. 10.
tuus fuerit & nudatus, atque consumptus, ubi quæso est?
 Ita si perpetuis exactionibus semper aliquid à
 subditis extundatur, migrationem cogitant, alio-
 que fortunis translatis, in regno in quo vixerant
 solitudinem faciunt, apparetque tandem verissi-
 mum esse, quod Salomon dixit in Prouerbiis, *Rex* Prou. 29.
iusus erigit terram, vir auarus destruit eam, & qui tri- 4.
buta extorquet, euertit eam. Et Ecclesiasticus, *Rex* Eccles. 10.
insipiens, inquit, perdet populum suum, & ciuitates in- 3.
habitabuntur per sensum prudentium, imo se ipsum
 euertit, nam cum omne opus corruptibile in fine desi-
 ciat, ut ait idem Ecclesiasticus, *& qui illud operatur* Eccles. 14.
abit cum illo, abeuntibus enim incolis, ciuitate- 20.
 que ad infrequentiam redacta, stultitiæ suæ pœ-
 nas Princeps in primis dabit. Huius autem ni-
 miæ in populis exhauriendis auaritiæ exemplum
 habemus in Pharaone, qui cum populum indigno

premeret seruitio, paleasque, quæ prius suppedi-
tabantur, subtraheret, & nihilominus imperatum
laterum numerum exigeret, rem eò deduxit, vt
miserante Domino, populi sui calamitatem, ex
Ægypto sexcenta hominum millia armis feren-
dis idonea proficiscerentur, regnumque tam
multis capitibus imminueretur, ex quibus antea
multa ad Regem manare comoda necesse erat.
Vt interim taceamus de ea clade, quam accepit,
cum rubri maris vorticibus haustus est, vnà cum
exercitu vniuerso.

*Remedium
præcipuum
auiditæ
proponitur,
vt scilicet
Princeps
cupiditates
suas intra
modū sua-
rum viriū
moderetur.
Ecclef. 2.
10.
Ibid. n. 4.*

10 Sed facilius fortassis huic malo remedium
facerent Principes, si suis moderarentur affecti-
bus, suasque cupiditates intra potentia & opu-
lentia suæ modum continerent. Nam si Princeps
non admodum diues Salomonem imitari velit,
qui de se ita scribit: *Omnia quæ desiderauerunt oculi
mei, non negavi eis, nec prohibui cor meum, quin omni
voluptate frueretur, & oblectaret se in his, quæ prepara-
ueram; ea nimirum, quæ eodem capite describit
his verbis, Magnificavi opera mea, adificavi mihi
domos, & plantavi vineas, feci hortos & pomaria, &
conseui cuncti generis arboribus, & extruxi mihi pisci-
nas aquarum, vt irrigarem syluam lignorum germinan-
tium. &c.* Quæ prosequitur in eandem sententiam,
suas delicias atque opes enumerans, quas con-
gesserat. Si inquam Princeps tantos concipiat
seruitus, vt se plus æquo velit attollere, atque
ita se in profundendis pecuniis, cum se dant oc-
casiones, gerere, ac si largissimi, & vberissimi pro-
uentus essent, illisque oneribus, quæ subit, feren-
dis idonei, proculdubio multa iniuste patret ne-
cesse est, dum pecuniam omni studio corrådere
satagit, & modò ærarium fiat locupletius, iura
omnia,

omnia, siue humana, siue diuina pro nihilo habet. Talis Moabitarum superbia, quam per Ieremiam reprehendit Dominus cum ait, *Audiuius* Ierem. 48. *superbiam Moab, superbus est valde: sublimitatem eius,* 29. *& arrogantiam, & superbiam, & alitudinem cordis eius, & quod non sit iuxta eam virtus eius.* Quod ipsum de Ægypto dixit Isaias cum ait, *Superbia* Isai. 30. 7. *tantum est, quiesce.* Quod autem de Moab dixerat Ieremias, ab Isaia etiam totidem fere verbis repetitur. *Audiuius, inquit, superbiam Moab, superbus* Isai. 16. 6. *est valde, superbia eius, & arrogantia eius, & indignatio eius plusquam fortitudo eius.* Huiusmodi Principem describit Eliphaz apud Iob, cum ait inter cætera, *Tetendit aduersus Deum, manum suam, &* Iob 15. 23. *contra omnipotentem roboratus est, &c.* & paulo post. *Habitauit in ciuitatibus desolatis, & in domibus deser-* Ibid. n. 28. *tis, qua in tumulos sunt redacta.* Quæ verba non impiorum miseriam, sed potius felicitatem, qua in hac vita fruuntur, diuitias & potentiam ostendunt: nam sensus est, tantum fore superbi hominis typhum & superbiam, vt quod aliqui Reges, & Imperatores fecerunt, ciuitates alioqui infrequentes, & ab incolis desertas excitare rursus nitantur propemodum à fundamentis, instauratis mœnibus, templis, prætoriis, arcibus: quæ in re pecuniarum vim prope infinitam consumi necesse est. Hunc autem esse sensum, ex eo confirmari potest, quod eiusdem libri capite tertio describens Iob eum, cui omnia ad voluntatem fluunt, ait, *Cum Regibus, & consulibus terra, qui edificant sibi* Iob. 3. 14. *solitudines.* Cuius dicti eadem est sententiâ vt exposuimus. Cum ergo Principem talis aliqua inceserit cupiditas, ab exigendis per omne nefas pecuniis vix temperare poterit. Quod autem de

infanis fabricis dictum est, ad alia omnia transferri potest, in quibus pecuniarum plurimum infumitur, ita Antiochus, cum pecuniam ad immoderatos sumptus & munera deficere animaduertisset, ad rapinas sacrilegas est conuersus. *Et vidit* (inquit scriptura) *quod defecit pecunia de thesauris suis, & tributa regionis modica, propter dissensionem, & plagam quam fecit in terra, ut tolleret legitimam, que erant a primis diebus, & timuit, ne non haberet ut somel, & his in sumptus, & donaria, que dederat ante largam manu, & abundauerat ante Reges, qui ante eum fuerant, & consternatus erat animo valde, & cogitauit ire in Persidem, & accipere tributa regionum, & congregare argentum multum. Et Rex Antiochus perambulabat superiores regiones, & audiuit esse ciuitatem Elymaidem in Perside nobilissimam & copiosam in argento, & auro, templumque in ea locuples valde, & illic velamina aurea, & lorica, & scuta, que reliquit Alexander Philippi Rex Macedo, qui regnauit primus in Grecia, & venit & quarebat capere ciuitatem, & depredari eam, & non potuit, quoniam innotuit sermo his, qui erant in Ciuitate, & insurrexerunt in praelium, & fugit inde, & abiit cum tristitia magna & reuersus est in Babyloniam. Cum ergo potiundæ Ciuitatis, thesaurorumque diripiendorum spe excidisset, tristitique insuper nuntio rei à suis ducibus in Iudæa infæliciter gestæ fuisset perculsus, Expauit & commotus est valde, & decidit in lectum, & incidit in languorem præ tristitia, quia non factum est ei sicut cogitauerat, & erat illic per dies multos, quia renouata est in eo tristitia magna, & arbitratus est se mori. Et vocauit omnes amicos suos, & dixit illis. Decessu somnus ab oculis meis, & concedi, & corruui corde præ solitudine, & dixi in corde meo. In quantâ tribulationem deueni, & in quos fluctus*

1 Machab.
3.29.

Ibid. n. 8.

*fluctus tristitia, in qua nunc sum, qui incundus eram,
 & dilectus in potestate mea? Nunc verò reminiscor ma-
 lorum, quæ feci in Ierusalem, unde & abstuli omnia
 spolia aurea, & argentea, quæ erant in ea, & misi au-
 ferre habitantes Iudæam sine causa. Cognoui ergo, quia
 propterea inuenerunt me mala ista. & ecce pereō in iusti-
 tia magna in terra in aliena. Hoc Tyrannorum in-
 genium, qui cum proximorum regnorum domi-
 natum cogitatione, cupiditateque præceperint,
 omnesque thesauros spe deuotauerint, si in irri-
 tum conatus ceciderint, nec factum sit eis sicut
 cogitauerant; perinde cominouentur & dolent,
 ac si iniuste aliquid passi essent, cum ij sint, qui
 alios inuadentes iniuste violant. Ita Nabuchodo-
 nosor Rex Assiriorum cum Medorum Rege Ar-
 phaxad superato, misisset ad omnes, qui habitabant in Iudith 1.7.
 Cilicia, & Damasco, & Libano, & ad gentes, quæ sunt
 in Camelo & Cedar, & inhabitantes Galileam in cam-
 po magno Esdrelo, & ad omnes qui erant in Samaria, &
 trans flumen Iordanem, usque ad Ierusalem & omnem
 Terram Iesse, quousque perueniatur ad terminos Æthio-
 pie; conatusque fuisset, ut gentes istæ omnes iu-
 gum seruitutis acciperent, seque suæ adiunge-
 rent ditioni, idque facere detrectallent, & quos
 ipse legauerat nuntios, nullo honore prosequuti
 essent, sed repulsam passos irritos remisissent,
 quasi iniuria aliqua ultro ab eis prouocatus esset
 adeo exarsit, ut belli aduersus eos gerendi cogi-
 tationem susciperet, quasi illatam iniuriam vindi-
 dicaturus. Tunc indignatus Nabuchodonosor Rex ad- Ibid. n. 11
 uersus omnem terram illam, iurauit per thronum, & re-
 gnum suum, quod defenderet se de omnibus regionibus
 his. Quanto melius Reges isti suas frangentes cu-
 piditates, & intra modum fortunarum suarum*

- coërcentes, bonis quibus affluebant fruerentur, *incundique essent & dilecti in potestate sua*, vt dicebat Antiochus, tantisque sumptibus, quos colligendis exercitibus fecerant pepercissent, imo sibi ipsis, quos multas curas continenter exercuisse & exedisse necesse est (vt de Antiocho videmus) quem etiam fluctibus illis tristitiæ, quos memorauit, scriptura ibidem docente, haustum fuisse
- Eccles. 14. 9. *scimus. Sed nimium insatiabilis est oculus cupidi, in parte iniquitatis, id est non expletur auarus, etiam si partem quam iniquè optauit, fuerit consecutus, Non satiabitur donec consumat arefaciens animam suam.* cupidus enim aliis inuidet, inuidiæque tabescit, & macrescit, & vniuersim quicumque cupiditatibus suis tradunt se, in quamcumque partem ipsæ incubuerint, rapiendos, nusquam quietem animi tranquillitatemque consequentur: nam hydropicis similes sunt, qui quo plus aquarum hauserint, plus sitiunt, *nec enim saturatur oculus visu, nec auris auditu impletur*; cumque multa pretiosa, oculisque aut aliis sensibus blandientia comparauerint, alia præterea exoptant, nec vllus modus est, aut finis, quia radix omnium malorum non præciditur, quam cupiditatem esse discimus ex Apostolo. Sapienter igitur monet Eccles. cum ait: *Si spiritus potestatem habentis, ascenderit super te, locum tuum ne dimiseris, quia curatio faciet cessare peccata maxima.* Quem locum iuxta litteralẽ sensum interpretationem hanc recipere posse puto. Si te inuaserit cupiditas aliqua, quales frequenter in iis excitantur, qui potestatem in alios habent, quia Principes sunt, caue ne de statu illo deiciaris, quem recta præscribit ratio: nam si perturbationem illam sedaueris, eique medicinã feceris,
- multas

multas euitaueris culpas, quibus illi implicantur, qui oculos cupiditatis ad ea, quæ aliena sunt adiciētes, omnem lapidem mouent, vt id quod optauerunt, malis etiam artibus consequantur.

11 Illud etiam sibi persuadeat Princeps plus sapientiæ ac consilio fidendum esse, quàm thesauris: nam sine ingentibus pecuniis ac diuitiis Princeps sapientia res suas moderatur & tractat, vt sibi & populis paret incolumitatem. Princeps verò insipiens, quamuis Salomonis diuitias habeat, vt contigit Roboamo, omnia tamen prudentiæ, ac consilij inopia perdit, vt ex eiusdem Roboami historia, de qua sæpius diximus, clarissimè patet.

Posse etiam Principem non admodum diuites sibi Reipublicæq; prospicere.

Hanc quoque sub sole vidi sapientiam, inquit Ecclesiastes, & probaui maximam. Ciuitas parua, & pauci in ea viri: venit contra eam Rex magnus, & vallauit eam, extruxitque munitionem per gyrum, & perfecta est obsidio. Inuentusque est in ea vir pauper & sapiēs, & liberauit urbē per sapientiam suam.

Ezech. 9. 13.

Et Christus Dominus ait, Videte & cauere ab omni auaritia, quia non in abundantia, cuiusquam vita est ex his, quæ possidet. Quemadmodum enim hominis vnius salus non ex eo pendet, quod multas diuitias parauerit, quibus ea sibi possit coëmere, quæ ad victum, & cultum necessaria sunt; ita totius Reipubl. incolumitās non in eo vertitur, quod pecuniarum abundet copia (quamquam non sit negandum plurimum hoc prodesse, vt supra dictum est) sed potius illius securitas, Principis, ciuiumque virtuti accepta ferenda est, quæ si adsit, & pericula amoliri, & commoda omnia importare in Rempubl. potest: ideo David in Doëg Idumæum inuehitur, quod sperauerit in multitudine diuitiarum suarum, & preualuerit in vanitate sua,

Luc. 12. 15.

Psal. 51. 9.

vel ut vertit Kaldæus, *Fortis factus sit in pecunia sua.* quæ reprehensio in omnes eos conuenit, qui Deo virtutēque posthabita, diuitiarum tantum subsidia, cura intentiore conquirunt.

*De fortitudine Principis, &
animi magnitudine.*

C A P V T XIX.

*Quid sit
fortitudo
de qua hic
disputādū:
& quate-
nus corpo-
ris fortitu-
do requira-
tur in Prin-
cipe.*

Fortitudo, de qua in hoc capite disputamus, est moralis virtus, per quā animus erga ea, quæ sunt acerba, & terribilia, ira rectē se habet, ut neque prauē timendo, neque temerē audendo desciscat propter illa ab officio rectæ rationi consentaneo. Cum igitur hoc sit virtutis huius officium, satis intelligitur corporis imbecillitatem viriumque tenuitatē impedimento esse non posse, quo minus fortitudinis laudem consequi, & tueri possimus. Quanquam autem in Principe viro, bonum corporis habitum, firmasque vires, & laboris patientes omnino necessarias esse non dicimus, cum illius munus vigore potius mentis indigeat, quā firmitate membrorum; tamē quia labores aliqui, in bellis præsertim, Principibus subeundi sunt; qui viribus firmis sunt à natura instructi, eas diligenter tueri; qui paulo sunt imbecilliores, eas quantum industria consequi possunt, augere debent, ut necessitate ingruente ferendis laboribus pares esse possint. Id verò ut Principi contingat etiam magis optandum est, quod frequenter accidit, ut qui valido sunt corpore

pōre, periculis etiam repellendis, aut excipiendis
 animo sint præsentiore, minúsque frangantur ad-
 uerſis : quanquam etiam, vt dixi, fieri poteſt vt
 imbecilla corpora ingentes animos verſent in
 pectore, quod ſapiens docuit cum ait; *Spiritus viri* Prou. 18.
ſuſtentat imbecillitatem ſuam. Porro in Sacris litte- 14.
 ris nonnullos reperio viros in Republica Prin-
 cipes, magnis fuiſſe viribus inſtructos. Nam Ca-
 leb vir primarius, ita de ſe prædicat in libro Io-
 ſue : *Hodie octoginta quinque annorum ſum ſic valens,* Ioſue 14.
vt eo valebam tempore, quando ad explorandum miſ- 10.
ſus ſum, illius in me temporis fortitudo uſque hodie per-
ſeuerat, tam ad bellandum quàm ad gradiendum; Mul- Iudic. 14.
 to verò mirabilius Samſonis robur, qui Leones 6.
 tamquam hædos lacertorum violentia lacerauit,
 funes iniectos, quibus conſtrictus erat, ita diſ-
 rupit, ſicut ſolent ad odorem ignis ligna conſumi, aſi- Iudic. 15.
 nique arrepta mandibula interfecit in ea mille viros, 24.
 tandèmq; cum in hoſtium ſuorum poteſtatem
 veniſſet, columnas domus, quibus innitebatur, ita
 concuſſit, vt ingenti ruina procumberet, Philis-
 tæorūmq; ingentem ederet ſtragē, multoq; plu- Iudic. 16.
 res interficeret moriens, (nam ipſe domus ruina op- 30.
 preſſus eſt) quàm ante viuus occiderat. nec diſſimi-
 lis Dauidis fortitudo, qui de ſe ipſo, Saūle au-
 diente, ita commemorat in Regum hiſtoria. *Paf-* 1. Reg. 17.
cebat ſeruus tuus patris ſui gregem, & veniebat leo, vel 34.
uſus, & tollebat arietem de medio gregis, & perſeque-
bar eos, & percutiebam, eruebamque de ore eorum, & il-
li conſurgebant aduerſum me, & apprehendebam men-
rum eorum, & ſuffocabam, interficiebamque eos, nam
& leonem & uſum interfeci ego ſeruus tuus. Porro
 victus, corporiſque voluptatum temperantia,
 corporis valetudo ſuſtentatur, & vires augentur,

de qua virtute paucula quædam, quæ in hanc sententiam disputari possent, tunc perstringemus, cum de ea paulo post differemus.

De fortitudine qua spectatur in faciendis & sustinendis aduersis.

2 Quoniam autem, ut ex allata definitione colligitur, fortitudinis est mediocritatem quandam inter timorem, audaciâque constituere, timor autem non solum segnes efficit ad aggrediendum ea, quæ videntur ardua, sed etiam molles in eis perpetiendis, quæ dura sunt, ut in angoribus animi tolerandis, cum res aduersæ incidunt, de utrâque parte disputandum erit. Est autem sapientis viri ac fortis, cum difficilia tempora incidunt, curas graues, quas mente versat, ita premere, ut quantum fieri potest, nullum tristic aut deiectionis animi signum deprehendi possit; sed quemadmodum rebus prosperis non exultat, ita duris & malè cedentibus, tristitiæ ac timoris motus comprimat.

Eccles. 17. *Homo sanctus*, inquit Ecclesiasticus, *in sapientia manet sicut sol, nam stultus ut luna mutatur*: qui enim sanctus est, suarumque animi perturbationes ita compressit ut rationi pareant, eundem semper tenorem seruat, semperque sibi similis est: qui verò sunt animo pusillo, & angusto, vel nimis effervuntur rebus secundis, vel deprimuntur aduersis; illudque cernitur discrimen, in duplici hoc hominum genere, quod in solis lunæque syderibus; nam sol masculinum quodammodo sydus, non ex altero suum lumen mutuatur, nec modò clarum est, modò obscurum, sed eodem semper tenore clarissimum; luna verò fœmineum sydus ac molle nunquam eundem retinet statum, sed cum à sole, cuius radiis incenditur, lumen mutuetur, quantum ad solem accedit, vel ab eo recedit, crescit pariter vel senescit, interdum etiam luminis

luminis defectum patitur, cum scilicet terræ obiectu lumen solis intercipitur; ita qui masculo animi vigore destituuntur variam pro temporum vicissitudine, ac varietate faciem induunt, quique se *in æternum mouendos* non putarant, ingruentibus curis, ac sollicitudinibus, vel etiam periculis repentè conturbantur, & franguntur. Huius rei præclarū exemplū habemus in Roboamo, qui tumoris & iactantiæ plenissimus iuxta iuniorum consilium populo respondit duriter, ac planè vt ipsi suggererant, cum dixerant; *Sic loqueris populo qui dixit tibi, Pater tuus aggrauauit iugum nostrum, tu subleua, & sic respondebis eis. Minimus digitus meus grossiore est lumbis Patris mei. Pater meus imposuit vobis graue iugum, & ego maius pondus apponam: pater meus cecidit vos flagellis, ego verò cadam vos scorpionibus.* Sed quanta esset Roboami fortitudo paulo post euentus ostendit, nam *surrexit Ieroboam filius Nabat seruus Salomonis filij Dauid, & rebellauit contra Dominum suum, congregatique sunt viri vanissimi & filij Belial, & prauauerunt contra Roboam filium Salomonis: Porro Roboam erat rudis, & corde pauido, nec potuit resistere eis.* Ex quo apparuit ita frequenter accidere, vt qui se magnificè iactant, & gloriosè, cum se se obtulerit occasio fortiter faciendi, ignauia, & pauore torpere, contra verò fortes, nec suas res laudare intemperanter solitos esse, & cum in discrimen veniendum est, animo esse præsentī & erecto, vt Salomon monuit sapienter, cum ait: *Non contristabit iustum, quidquid ei acciderit, & sicut leo ad nullius pauebit occursum.* Vix autem credi potest, quantopere Principis metus ac perturbatio cæteris omnibus, qui ab illius nutu pendent, nocere soleat. Nam priua-

Psal. 29.7.

2. Paralip.
10. 10.2. Paral.
13. 6.Prou. 12.
21.
Prou. 30.
30.

Deut. 20.
5. & 8.

ti etiam vnus timor, ne dum Principis, cum aliis etiam communicatur, facileque quasi vulgato morbo, cunctos inuadit: quare in Deuteronomio præcipitur, vt cum ad bellum cum hostibus gerendum produendum erit, *duces per singulas turmas audiente exercitu proclament, quis est homo formidolosus & corde pauido? vadat & reuertatur in domum suam, ne pauere faciat corda fratrum suorum, sicut ipse timore perterritus est.* Quod accidisse videmus Israël cum reuersi exploratores, qui iussu Moysi promissam à Domino regionem perambulauerant, laudauerunt quidem soli vbertatem ac pinguedinem, sed omnia in maius atollentes, incolarum fortitudinem, corporumque vastitatem, urbium munitiones ciuiumque frequentiam ita commemorarunt, vt populi animis perculsi de terra illa occupanda penitus desperarent. Nam illius cultores fortissimos esse dixerunt, vrbes verò grandes atque muratas, gigantum stirpem alere, ac tandem terram esse huiusmodi vt habitatores deuoraret, incolas verò tantæ proceritatis, vt ipsi exploratores cum illis comparati quasi locustæ viderentur. Ita quidem ipsi locuti sunt, quantum verò metum populus omnis conceperit, & quam obdurato animo constituerint in Ægyptum potius reuerti; ad veterem illam, durissimamque seruitutem, quam Moysè duce, ad certissimum, vt ipsi existimabant, interitum rueret, scriptura narrat his verbis. *Igitur vociferans omnis turba fleuit nocte illa, & murmurati sunt contra Moysen, & Aaron cuncti filij Israël, dicens: Vtinam mortui essemus in Ægypto, & in hac vasta solitudine; utinam pereamus, & non inducat nos Dominus in terram istam, ne cadamus gladio, & vxor-*

Num. 14.
1.

*res ac liberi nostri ducantur captiui, Nonne melius est
 reuerti in Egyptum? Dixeruntque alter ad alterum:
 Constituamus nobis ducem, & reuertamur in Egy-
 ptum. Qua verò ratione seditio compressa sit, &
 quæ pœna rebelles, & seditiosos, consecuta sit,
 legat, qui volet loco indicato. Hoc autem vulgi
 ingenium exploratum habuit Iudas Machabæus
 dux fortissimus, qui cum Antiocho Rege pu-
 gnaturus, Deuteronomij legi parens; Cum con- 1. Mach.
 stituisset duces populi, tribunos & centuriones, & pen- 3.55.
 tæcomarchos, & decuriones, dixit his, qui edificabant
 domos, & sponsabant uxores, & plantabant vineas,
 & formidolosus, vt redirent unusquisque in domum
 suam secundum legem. Si igitur vel vnus meticu-
 losus, metum suum cum reliquis facile commu-
 nicat, quamuis ab illius arbitrio non pendeant:
 quanto magis populum, aut exercitū metus Prin-
 cipis conturbabit, cuius vnus imperium expe-
 ctant omnes, quemque sapientia, & animi ma-
 gnitudine cæteris præstantiorem adedò arbitran-
 tur, vt eo timente, timere, aut fugam capesse-
 re, iam non turpe, sed necessarium esse videatur.
 Prouocabat Goliath in valle Terebinthi ad singu-
 lare certamē fortissimos quosque Israëlitarū, nec
 vllus in tanta multitudine reperiebatur, qui cum
 illo congredi aūderet, imo pauore marcebant
 in tabernaculis, & attonitis similes stupebant:
 Audiens autem Saül, inquit Regum historia, & 1. Reg. 17.
 omnes Israëlita sermones Philisthai huiusmodi stupe- 11.
 bant & metuebant nimis; facile crediderim, tan-
 to metui causam non magis attulisse proceri il-
 lius gigantis immania membra, aut cassidem
 æream, squamatamque loricam, quàm pauorem
 Principis; quem animo consternato, consilij ino-
 pem*

peim intuebantur. Nihil enim aliud quàm ingentem aliquam cladem expectare potest, qui timore prostratos viderit bellatorum animos, ac praefertim ducis. Propterea sapienter meretrix illa Ierichuntina certissimam se dicebat capere coniecturam victoriæ, quam Israelitæ consecuturi erant, quod ciues sui ingentem aduenientis exercitus metum concepissent. *Novi, inquit, quod*

Iosue 2.9.

Dominus iradiderit vobis terram, etenim irruui in nos terror vester. Huius autem fortitudinis in aduersis præclarum specimen edidit S. David, nam cum Absalonem magna regni pars sequeretur, illumque ad regni gubernacula conaretur admouere, repentini mali violentiæ resistere quidem non potuit, sed impetum, quem sustinere non valebat, sapienter declinavit: nam cum ei nuntiatum

2. Reg. 15.

13.

Ibid. n. 23.

fuisse. *Toto corde vniversus Israël sequitur Absalon;* nõ tamen propterea animo consternato se merori dedit, sed cum *flerent voce magna*, quicumque illũ comitabuntur, & abeuntem e ciuitate deducebant, ipse tamen in diuinæ prouidentiae consilio acquiescens, nihilque perturbatus, calamitatis

Ibid. n. 25.

magnitudine, & atrocitate, *Si inuenero, inquit, gratiam in oculis Domini, reducet me, & ostendet mihi eam* (Arcam scilicet fœderis) *& tabernaculum suum. Si autem dixerit mihi, non places, praesto sum, faciat, quod bonum est coram se.* Cũque tanto in discrimine versaretur, de suorum potius salute, quàm de suo periculo sollicitus, Ethai Gethæum, qui se Regi comitem volebat adiungere, Sadoc quoque & Abiathar Sacerdotes in urbem reuerti iussit, ne, si profugum sequi pergerent, eodem periculo inuoluerentur. Quoniam autẽ timor mentem perturbat, ne quid facto opus sit dispicere possint

possint ij qui periclitatur, se eo vacuum satis probavit David, cum Chusai Arachitem *scissa veste* Ibid.n.32.
& terra pleno capite obuiam habuit, qui cum Regem suum sequi vellet, optimo sanè consilio à Rege dimissus est, vt cum Sadoc, & Abiathar Sacerdotibus ab Absalone stare se simularer, occultè tamen Regi faueret, & Achitophelis astuta cõsilia disturbarer. *Si veneris mecum*(inquit David Chusai alloquens) *eris mihi oneri, si autem in ciuitatem reuertaris, & dixeris Absalon: Seruus tuus sum Rex: sicut fui seruus patris tui, sic ero seruus tuus, dissipabis consilium Achitophel. Habes autem tecum Sadoc & Abiathar sacerdotes, & omne verbum quod audieris de domo Regis indicabis Sadoc, & Abiathar sacerdotibus: sunt autem cum eis duo filij eorum Achimaas filius Sadoc, & Ionathas filius Abiathar, & mitteris per eos ad me omne verbum quod audieritis.* Eandem verò animi cõstantiam perpetuo tenuit, donec Absalone extincto, & regno & suis restitutus est. Nihil attinet hoc loco dicere de Iobi in aduersis tolerandis patientia & animi æquitate, cuius vox *Dominus dedit, Dominus abstulit*, omnium ore celebratur, cum non Regibus tantum, qualem & ipsum fuisse non leuibus probatur coniecturis, sed omnibus planè hominibus patientiæ exemplar propositus sit, vt discant, qui ærumnis, doloribùsque conficiantur quomodo se in illis perferendis gerere debeant: quod ipsum de Tobia affirmare possumus, nã de vtriusque ita scribitur in historia Tobia: *Hanc autem* Tob.2.17.
temptationem ideo permisit Dominus peruenire illi, vt posteris daretur exemplum patientie eius, sicut & sancti Iob. Hanc ergo fortitudinis partem, quæ in malis constanti animo perpetiendis consistit, ad
 se

se etiam pertinere Principes putent, nam frequenter accidit potentissimis etiam Regibus, ut ad voluntatem res, quæ geruntur minimè fluant, multæque existant, perturbationis, timoris, aut cerè mæoris causæ, quibus cedendum non est, sed contra potius obliſtendum, animusque vincendus; quod qui faciunt non minorem merentur laudem, quàm qui admotis machinis, & exercitibus arces munitissimas quatunt, & in potestatem redigunt, iuxta sapientis dictum, ita pronuntiantis, *Melior est patiens viro forti, & qui dominatur animo suo expugnatore urbium.* Quem locum explicans D. Gregorius homilia quadam, *Minor est ego victoria,* inquit, *urbes expugnare, quia extra sunt, quæ vincuntur. Mius autem est, quod per patientiam vincitur, quia ipse à se animus separatur, & somniosum sibi metipsi subicit, quando cum patientia in humilitate tolerantia sternit.*

Prou. 16.
32.

Homil.
35. in
Euang.

An fortitudini repugnet edere signa doloris.

3 Fortitudini autem non repugnat in priuatis, aut publicis calamitatibus signa quædam doloris edere, quemadmodum scriptoris frequenter legimus fortissimos sapientissimosque viros, iuxta æui illius morem vestimenta scidisse, cum primum tristi aliquo nuntio aures eorum percussæ sunt. Sic Iacob ad conspectum cruentæ illius tunicæ, quam Ioseph nati sui sanguine infectam putauit: sic Iob, & Dauid; ille, cum in caput filiorum suorum domum procubuisse, & sub ea oppressos iacuisse; hic verò, cum fusis Hebræorum copiis Saulem Ionathamque in bello cecidisse cognouit, vestes in argumentum, significationemque doloris scidisse leguntur. Quod etiam fecit Iosue cum ad Hai infelicitè ab Israëlè pugnatum esset, Domino propter vnus dumtaxat

Genes. 37.
34.

Iob 1.20.

2. Reg. 1.
11.

xat scelus in multorum capita sæuiente. Huc etiā Iosue 7.6.
 spectat lapidearum contractio tabularum, quas
 Moses cum de Monte descenderet, & populum Exod. 32.
 in religionem, conflato adoratóque vitulo, pec- 19.
 casse comperisset, complosas collisátque commi-
 nuit. Neque enim ad constantiam pertinet ad
 mala, quæ nobis diuinitus intentantur, non com-
 moueri, ut egregiè docuit D. Gregor. explicās il-
 lud Iob, scidit vestimenta sua. Nonnulli, inquit, D. Greg. 1.
 magna constantia philosophiam putant, si disciplina 2. moral.
 asperitate correpti, ictus verberum dolorésque non sen- cap. 16.
 tiant. Nonnulli verò tam nimis percussionum flagella
 sentiunt, ut immoderato dolore commoti, etiam in exces-
 su lingua dilabantur. Sed quisquis veram philosophiam
 nitiur tenere, necesse est ut inter utraque gradiatur. Nō
 est enim pondus vera virtutis insensibilitas cordis, quia
 & valde insana per stuporem membra sunt, quæ & in-
 cisa sentire dolorem nequaquam possunt. Rursus virtu-
 tis custodiam deserit, qui dolorem verberum ultra quam
 necesse est sentit, quia dum nimia afflictione cor tangitur,
 usque ad impatientie contumelias excitatur, & qui per
 flagella corrigere male facta debuerat, agit ut nequitia
 per flagellum crescat. Contra insensibilitatem quippe Ierem. 5.
 percussorum per prophetam dicitur, Percussisti eos, nec 3.
 doluerunt, attriuiisti eos, & renuerunt accipere disci-
 plinam. Contra pusillanimitatem verò percussorum per
 psalmistam dicitur. In miserijs non subsistent, in mise- Psal. 139.
 rijs namque subsisterent, si æquanimiter aduersa tolera- 11.
 rent. At postquam mente inter flagella corruunt, quasi
 inter illatas misérias subsistendi constantiam perdunt.
 Hæc aliáque S. Doctor in eandem sententiam.
 Princeps ergo in publicis præsertim calamitati-
 bus, quibus Rempublicam affligi contigerit, sen-
 sum doloris ostendat: hac enim significatione

exhibita, pietatem in patriam, charitatem in suos ostendet, dum ea quibus ipsi premuntur infortunia ad se etiam pertinere profiteretur; quare sibi apud omnes beneuolentiam conciliabit, tandemque summi Principis Christi exemplum imitabitur, qui Ierosolymæ impendens excidium animo præcipiens solutus est in vberes lacrymas, suæ gentis miseratione commotus.

Luc. 15.
41.

Magnitudinis animi esse minus secundos rumores qui sparguntur, negligere.

4 Fortitudinis etiam & magnitudinis animi est, minus secundos rumores, qui de Principibus viris aliquâdo sparguntur, magno animo ferre, nec statim aut lubricum linguæ ad pœnam trahere, aut eorum, quæ iactantur, impatientia officium prodere. Exemplo sit Moyses, qui cum populum Ægypto eduxisset, iamque suorû ceruicibus barbarorum gladios, qui proximè aberant, impendere videret, ipse verò cum vniuerso exercitu, quâ maris planitie, quâ immanium môtium dorso interclusus cogeretur in angustum, nec arma aut tela muniendis corporibus, aut hostibus propulsandis suppeditarent, imminentisq; mali expectatio vulgi linguas in ductorem acueret, inuidiam tamén erecto animo passus est, & ipsis vt confiderent, diuini auxilij spe proposita, auctor factus est. *Cûmque appropinquasset Pharao, leuantes filij Israël oculos, viderunt Ægyptios post se, & timuerunt valde, clamaueruntq; ad Dominû, & dixerunt ad Moysen. Forsitan nō erant sepulchra in Ægypto, ideo tulisti nos vt moreremur in solitudine, quid hoc facere voluisti, vt educeres nos ex Ægypto dicentes. Recede à nobis, vt seruiamus Ægyptijs? Multo enim melius erat seruire eis, quàm mori in solitudine. Et ait Moyses ad populum. Nolite timere, state & videte magalia Dei, quæ factururus est bodie. Ægyptios enim quos*

Exod. 14.
10.

nunc

nunc videtis, nequaquam ultra videbitis, usque in sempiternum. Quod Mosi, id Principibus omnibus usu venire solet, ut etiam cum moderatè subditis præsunt, malè audiant, quibuldam rerù ignoratione, aliis perturbatione aliqua animi, plerisque intemperantia linguæ obloquentibus. Quamquam verò latere Principes ista nò possunt, quando maximè etiam arcana, & quæ in cubiculorum penetralibus quis loquutus est, aut cum animo suo meditatus, per delatores, regiis auribus accidunt, ut docet sapiens, *In cogitatione tua Regi ne detrabas, & in secreto cubiculi tui ne maledixeris diuiti, quia aues cæli portabunt vocem tuam, & qui habet pennas, annuntiabit sententiam: nihilominus Principibus propterea irascendum ferè non est, ne forte vitia, quæ obiiiciuntur, videantur agnoscere, sed potius fortiter ferendum: sic enim fiet ut quæ obiiiciuntur sprete citius exoleant. iustitia potius, cæterisque virtutibus, quibus Principes de subditis bene mereri consueverunt, curandum ut populorum voluntates sibi adiungant, quamquam ne tum quidem cum his artibus usi fuerint, ausim polliceri ab obtreptatoribus fore securos, Iniquos, ut ait David, odio habent: scelera vindicant? inclementes audient, aut crudeles: fontibus ratione ducti condonant? pœna aut legis aliqua obligatione bene de republ. meritos solvunt? iam remissi, languidi, & in legum custodia, negligentes appellantur. Sape aliquid, inquit D. Greg. à maioribus dispensatoriè agitur, aut precipitur, quod à minoribus error putatur, quod bene bobus calcitrantibus inclinata illa testamenti arca signavit, quam quia casuram credens leuiter erigere voluit,*

Eccl. 10.
20.Psal. 118.
113.D. Greg.
5. moral.
cap. 10.
2. Reg. 6.

luit, mox sententiam mortis accepit. Quid est enim mens iusti, nisi arca testamenti, quæ gestata à bobus calcitrantibus inclinatur, quia nonnunquam etiam, qui bene præst, dum subiectorum populorum confusione concutitur, ad dispensationis condescensionem ex sola dilectione promouetur: sed in hoc, quod dispensatorie agitur, inclinatio ipsa fortitudinis casus putatur imperiis. Unde & nonnulli subditi contra hanc, manum reprehensionis mittunt, sed à vita protinus ipsa sua temeritate deficiunt; Leuitæ verò quasi adiuuans manum extendit, cum delinquens vitam perdidit, quia dum infirmi quique fortium facta corripunt, ipsa uiuentium sorte reprobantur. Et paulo post. Unde rectè Leuitæ idem Oza dicitur, quod uidelicet, robustus Domini interpretatur, quia presumptores quique, nisi audaci mente robustos, se in domino crederent, nequaquam meliorum facta vel dicta, velut infirma indicarent. Hactenus Gregorius. Satiùs itaque est, cum animo reputare Regium esse, cum bene feceris male audire, eoque impensius curare ut Deo, cui omnis nostra militare debet industria, reliquis omnibus spretis, placeamus, & cum Apostolo dicere; *Mihi autem pro minimo est, ut à vobis iudicer, aut ab humano die.*

1. Cor. 4. 3.

De fortitudine qua cernitur in aggrediendo.

5 Altera fortitudinis pars in audendo posita est, ut nimirum nulla arduarum, terribiliumque rerum formidine deterriti, ea aggrediamur, quæ recta præscribit ratio: in quo temeritas in primis vitanda est, quod illi non faciunt, qui nulla spe bonæ frugis se dant in pericula, ex quibus incolumes euadere nulla ratione possunt. Cuius rei exemplum illustrius in Sacris historiis non reperio, quàm Pharaonis, & Ægyptiorum

ptiorum , qui cum Hebræos insecuti fuissent , *Exod. cap. 14.*
 vt illos reuocarent in seruitutem , cūque Is-
 raëlita in vltiorem ripam superato mari ru-
 bro , quod illis paruerat Diuino miraculo , tra-
 iecissent , ausi sunt cum vniuerso exercitu per
 eandem viam hostes insequi : cuius tamen teme-
 ritatis pœnas statim dederunt , aquis , quæ vtrin-
 que in aggeris modum steterant refluentibus ,
 & vorticibus ita multitudinem illam absorben-
 tibus , vt ne vnus quidem superstes relinque-
 retur , qui tantæ cladis nuntium ferret in Ægy-
 ptum. Nec temeritatis effugerunt notam *Iosephus Zacharia filius , & Azarias Princeps virtutis , 1. Machab. 5.56.*
 qui dixerunt. *Faciamus & ipsi nobis nomen , & ea-
 mus pugnare aduersus gentes , quæ in circuitu nostro
 sunt.* Verum , quia temerarius fuit eorum cona-
 tus , quia non audierunt *Iudam , & fratres eius existi-
 mantes fortiter se facturos ; fugati sunt vsque in fines
 Judæ , & ceciderunt illo die de populo Israël ad duo
 millia viri , & facta est fuga magna in populo.* Et sub-
 ditur paulo post , *In die illa ceciderunt Sacerdotes
 in bello , dum volunt fortiter facere , dum sine consi-
 lio exeunt in prælium.* Par Azaëlis temeritas ; quam *Ibid. n. 61.
 Ibid. n. 67.*
 etiam par exitus est consecutus , nam cum Ab-
 ner Princeps exercitus Isbosethi Saülis filij cum
 exercitu Dauidis infeliciter pugnasset , fugaque
 sibi consuleret , Afaël Saruiæ Dauidis sororis fi-
 lius , qui cursor velocissimus fuit , quasi vnus de capreis , *2. Reg. 2.
 18.*
 quæ morantur in syluis persequabatur Abner , & non
 declinauit ad dexteram neque ad sinistram , omittens
 persequi Abner. Respexit itaque Abner post tergum
 suum , & ait : Tu ne es Afaël ? Qui respondit , ego sum.
 Dixitque ei Abner. Vade ad dexteram , siue ad sini-
 stram , & apprehende vnum ex adolescentibus , &

tolle tibi spolia eius. Noluit autem Asael omittere, quin
 vrgeret eum. Rursumq; locutus est Abner ad Asael; Re-
 cede, noli me sequi. ne compellar confodere te in terram, &
 leuare non potero faciem meam ad Ioab fratrem tuum.

Qui audire contempsit, & noluit declinare. Percussit ergo
 eum Abner auersa hasta in inguine, & transfodit, &
 mortuus est in eodem loco. Absit ergo à viro Principe
 temeritas, quæ tanto est in illo periculosior, quã-
 to aditis temere periculis, rebus infelicitè gestis,
 maius Reipublicæ detrimentum creatur, quàm si
 priuatus aliquis hominibus in aliquod se vitæ dis-
 crimen coniiciat, à quo Reipub. status, & tran-
 quillitas non dependet. Ea verò adsit fortitudi-
 nis pars, quæ spectatur in periculis, arduisque
 negotiis aggrediendis, difficultatibus, quæ iter
 impeditum, ac difficile reddunt, superatis. Hu-
 ius fortitudinis exemplum habemus in Caleb in
 libro Numerorum, qui cum animaduertisset po-
 pulum, non audere Palæstinorum terram inua-
 dere, quam illis promiserat Dominus, territum
 inani quadam monstrorum specie, quæ explora-
 tores se vidisse iactabant, murmur subortum di-
 ctis compescere conatus est, metuque perculsis
 animos addere, vt sperarent se proculdubio eas
 omnes perrûpere difficultates posse, quibus pro-
 missionis terram putabant obseptam, sibi que per-
 suaderent, se ad illius possessionem, modo au-
 derent, non ita multo post peruenturos esse. Af-
 cendamus, inquit, & possideamus terram, quoniam
 poterimus obtinere eam. Et quamuis alij, qui terram
 illam lustrauerant, contra niterentur, dicerent-
 que, Nequaquam ad hunc populum valemus ascende-
 re, quia fortior nobis est; vrgerè tamen non desine-
 bat, animosque addere quantum poterat cona-
 batur,

Num. 13.

31.

batur, dicens : *Ne timeatis populum terra huius, quia* Num. 14.
sicut panem, ita eos possumus deuorare. Nec silentio 19.
 inuoluenda Abrahami fortitudo, qui cum Loth
 consanguineum suum à quatuor Regum exerci-
 tu captum audiuiſſet, *numerauit expeditos vernacu-* Genes. 14.
los suos trecentos decem & octo, & persecutus est vsque 14.
Dan, & diuisis socijs irruit super eos nocte, percussit-
que eos : & persecutus est eos vsque ad Hoba, quæ est ad
lauam Damasci, reduxitque omnem substantiam, &
Loth fratrem suum, cum substantia illius, mulieres
quoque & populum. Quamuis autem non dicatur
 in scriptura copiarum Regum illorum quatuor,
 quanta fuerit multitudo, par tamen est credere,
 multo plures milites habuisse in castris quatuor
 Reges, quàm potuerit Abraham in tanta celeri-
 tatis necessitate contrahere. Atque propter hanc
 causam crediderim numerum militum Abra-
 ham, in sacra historia expressum fuisse, vt qui-
 cumque factum illud legeret, intelligeret, egre-
 giæ fortitudinis facinus ab eo patratum fuisse,
 qui cum tumultuaria illa paucorum vernaculo-
 rum manu, copiosum Regum nonnullorū exer-
 citum aggredi nō dubitauit. Aliud sanè eximium
 fortitudinis exemplum, imo nō vnicum tantum,
 sed multiplex spectare licet in Machabæis, qui
 Mathathiam filium Ioannis, qui sicut Phinees,
 zelatus est legem Domini, audacter secuti, Ma-
 thathia proclamante, *Omnis qui zelum habet legis* 1. Machab.
statuens testamentum, exeat post me, ausi sunt post 2. 27.
 sacrilegè nefarium hominem, uitæ religionis
 violatorem, trucidatum, bellum aduersus Antio-
 chum Regem potentissimum, eiusque duces sus-
 cipere, & fortiter gerere; & quamuis numero es-
 sent haud paulo inferiores, acie tamen decerne-

re veriti non sunt, secundis etiam euentibus hoste non semel cæso, & in fugam acto, assertaque genti suæ libertate, ex quo magnam sibi bellicæ fortitudinis gloriam pepererunt. *Sed deficiat me*
 Ad Hebr. 11.32. *tempus enarrantem, de Gedeon, Barac, Samson, Iephthe, David, & reliquis quamplurimis, qui fortes facti sunt in bello, castraque verterunt exterorum.* Nam vel ex vno Machabæorum libro plurima afferri possent, quæ ad absolutissimam fortitudinis speciem ob oculos ponendam mirificè facere possent.

Primum 6 Aliquot ergo proponamus adiumenta, quæ
adiumentū ad fortitudinem consequendā, de ea scilicet à Deo postulanda,
 Prou. 8.14.

Isa. 11.2. Aliquot ergo proponamus adiumenta, quæ
 Deuter. 8.17. *ad fortitudinem consequendā, de ea scilicet à Deo postulanda,* Prou. 8.14.

Psal. 17.1. Aliquot ergo proponamus adiumenta, quæ
 Ibid. n. 33. *ad fortitudinem consequendā, de ea scilicet à Deo postulanda,* Prou. 8.14.

runt stare : cadent subtus pedes meos , & praeinxiſti me virtute ad bellum , & ſupplantasti inſurgentes in me ſubtus me , & inimicòs meos dedisti mihi dorſum , & odientes me diſperdidisti , clamauerunt , nec erat , qui ſaluos faceret ad Dominum , nec exaudiuit eos , & comminuam eos , vt puluerem ante faciem venti & lutum platearum delebo eos : quibus addit S. Vates alia nonnulla in eandem ſententiam ex quibus , quod ipſe probè intelligebat , omnibus conatur perſuadere , ſe quicquid naſtus erat fortitudinis , & potentiae , qua hoſtium ſuorum ſuſtinebat impetum , eoſque cladibus atterebat , diuinum eſſe munus à Domino conſeſſum , à quo bona omnia nobis proueniunt , ac proinde in eo dumtaxat eſſe gloriantum , cuius beneficio fieret , vt ea perficere poſſemus , ad quæ manus admoueremus. Quare hanc S. Dauidis fortitudinem extollens D. Ambroſius de illo ita ſcribit , ſanè eleganter. *Nunquam (Dauid) niſi conſulto Domino bellum adorſus eſt , ideo in omnibus victor praliis , uſque ad ſummam ſeneſtam manu promptus , bello aduerſus Titanas ſuſcepto , ferocibus bellator miſcebatur agminibus , gloria cupidus , incurioſus ſalutis.* Propter hanc eandem cauſam S. Iob hoſtes ſuos ad certamen prouocare , aut de illis ſibi victoriam polliceri non prius audet , quàm ſibi Numen adſit , cuius fretus potentia , nullius declinat congreſſum , nullumque defugit aduerſarium , quantumuis virium confidentia ferocientem , ſed victorem ſe in pugna futurum certiffimè ſtatuit , deque eo pollicetur triumphum. *Pone , inquit , me iuxta te , & cuiuſſus manus pugnet contra me.*

Lib. I. de
off. c. 35.

Iob 17. 3.

7 Alterum fortitudinis adiumentum à Prudentia petendum eſt , neque enim robore tantum corporum , ac violentia lacertorū depugnandum

Secundum
adiumen-
tum , de in-
uanda fer-

titudine
industria
adminicu-
lis.

Prou. 30.
30.

Iacob. 3. 7.

Genes. 14.
15.

est, sed vires consilio regendæ sunt, quæ licet longè inferiores videantur, frequenter tamen accidunt, vt aduersarios suos deiiciant, victoriamque consequantur. Quæ bellua leone sæuior aut fortior, de quo dicitur in Prouerbiis : *Leo fortissimus bestiarum ad nullius pauebit occursum* : & nihilominus hominum longè imbecilliorum industria, ita domantur leones, vt etiam sub iugum missi legantur aliquando. Quod etiam in aliis belluis ferocissimis locum habet, quare S. Iacob. *Omnis, inquit, natura bestiarum, & volucrum & serpentium, & ceterorum domantur, & domita sunt à natura humana.* Cum igitur venitur in certamen fortitudinis compositis v. g. exercitibus, non tantum stolidè de fortitudine corporum decertandum est, quod belluarum proprium est, sed quod humanam decet solertiam, ingenij etiam vires exercendæ sunt, & exerendæ, quod adeo à fortitudine alienum non est, vt multorum fortissimorum ducum exemplis probari possit id, quod asserimus. Nam Abraham cuius paulò superius mentionem fecimus, cum quatuor Regum exercitus superare se posse diffideret, si illos interdiu explicata acie prouocasset ad pugnam, nocturnis vsus tenebris nihil minus opinantes aggressus est; tantumque abest, vt hoc aliquid, de fortitudinis gloria detrahat, vt addat quasi cumulum, singularis cuiusdam solertiæ militaris eximiam laudem, stulti enim ac furentis est in pugnam ruere, & totius corporis nisu in id quod semel inuaseris incumbere, cum fieri videamus frequenter, vt qui hunc pugnandi modum sectantur, se ipsos hostium telis induant imprudenter, cum interim qui consilio rem gerunt, vel leui corporis declinatione

natione maxima pericula euadere possint. Hinc varius in bellis stratagematum vsus, vt cum Gedeon pauculis militibus, nam trecentos tantum ad eam expeditionem eduxit, facibus, testaceis lagenis inclusis instructos, de nocte ad Madianitarum hostium castra admouit, ad quæ cum peruentum esset, lagenis repente complofis, micantium ignium ludibrio, in speciem terribili, perculsi hostes clangentibus Gedeonis tubis; ita conturbati sunt, vt *vociferantes, ululantesque fugerent*, luculentamque victoriam Gedeon nulla sanguinis effusione reportaret. Res autem quam tractamus de coniungenda nimirum cum viribus industria, non malè fortassis nobis exprimitur in Prouerbiis, cum fortis illius mulieris facinora describuntur, quam cum dixisset Salomon, *ma-* Prou. 31.
num suam misisse ad fortia, statim subiungit, & *digiti* 19.
eius apprehenderunt fusum, quod artificij genus exercetur industria, vt nimirum intelligeremus hæc duo non tantum in æconomicis officiis, sed in aliis etiam publicis muneribus, siue pacis tempore, siue belli, semper coniungenda esse, vt scilicet fortitudini comes esset industria, sine qua nihil præclarum perfici potest. Nec mysterio vacare videtur, quod apud Hebræos eadem vox חריץ fortem significat, & sollicitum. Quare quod S. Hieronymus Prou. cap. 21. vertit *cogitationes* Prou. 21.
robusti semper in abundantia, ex Hebr. Pagninus & 5.
alij verti posse putant *cogitationes solliciti*, quod & Prou. 12.
alibi locum habet, cum eadem occurrit vox, vt 24.
in eodem libro Prou. cap. 12. & 13. videtur enim Prou. 13.
indicari sollicitudinem istam ad virum fortem ita 4.
pertinere, vt ad perficienda, quæ fuerit aggressus, plerumque necessaria sit. Neque fortitudini re-
pugnat

pugnat cum metus aut discrimen mortis incidere, ad quædam se demittere, quæ alioquin vilia videantur, si tamen absit noxa, nec diuinæ legi aduersentur: nec enim mentiri licet, aut peierare, aut dolis grassari. Quæ omnia repugnant rationi, & sine peccato admitti non possunt. Sic

- Iosue 1. 1. tioni, & sine peccato admitti non possunt. Sic
 1. Reg. 21. apud meretricem delituerunt; sic David apud
 13. & 22. 1. Achis Getheorum regem stultitiam in loco simu-
 2. Reg. 17. lauit; sic Ionathas, & Achimaas Absalonis arma
 19. fugientes, in puteum descenderunt, cuius os
 mulier velo quodam obduxit ne videri possent;
 Act. 9. 25. sic tandem D. Paulus sporta per murum demissus
 2. Cor. 11. est ab amicis, ut ab inimicorum violentia se ser-
 13. uaret incolumem.

- 8 Tertium adiumentum est, ut inanibus terro-
 ribus remotis, res quas aggressuri sumus, ut reue-
 ra sunt, consideremus, non ut se nobis ostendunt.
 Nam plerumque fit, ut metu perturbatis, quæ-
 dam magna videantur aut terribilia, quæ si sedato
 animo, detractaque persona quæ sensibus no-
 stris illudit, suæ veræ faciei reddantur, satis ap-
 pareat inanem illum fuisse metum; quo perculsi
 pueriliter formidauimus, ut scilicet nobis illud
 acciderit, quod alicubi dicit Regius Psalter. *Illis*
 Psal. 13. 5. *trepidauerunt timore. ubi non erat timor.* Talē sed falso
 Zebul putauit esse Gaal, qui cum militum cuneos
 aduentantes vidisset è specula, Zebul hostilis
 exercitus aduenientis admonerat, qui illū timi-
 dorum more, sine causa trepidare credens, *Um-*
 Iud. 9. 36. *bras,* inquit, *montium vides quasi capita hominum &*
hoc errore deciperis. & quidem opinio speculatorem
 non fefellit, increpatio tamen Zebul nobis ele-
 ganter timidorum expressit ingenium, qui nihil
 non

non timent, & si de nocte somniarint, sibi mali aliquid accidisse, quasi futuri euentus omen sit, sollicitè sibi cauent, nec ad ea, quæ facienda sunt aggredi audent, metu infauti exitus retardati. Egregium huic rei probandæ testimonium sup-
peditaretur ex eodem libro Iudicum, si somnium, de quo ibi agitur, diuinitus ad Gedeonem confirmandum immissum non fuisset: quamuis autem ita sit, tamen illa narratione satis ostenditur quàm facile terriculamentis quibusdam nullius momenti, mentes hominum quorundam meticulo-
forum percellantur. *Cùmque venisset Gedeon*, Iud. 7. 13. *inquit (ad castra scilicet Madianitarum) narrabat aliquis somnium proximo suo, & in hunc modum referebat, quod viderat. Vidi somnium & videbatur mihi, quasi subcinericius panis ex ordeo volui, & in Castra Madiam descendere, cumque peruenissent ad tabernaculum, percussit illud, atque subuertit, & terra fundius coaquauit. Respondit is cui loquebatur. Non est hoc aliud nisi gladius Gedeonis filij Ioas viri Israëlita, &c. Ita duo illi disserebant Madianitæ, qui fortassis cum aliis communicato somnio ita exercitus illius milites affecerunt, vt cum primum increpuit Gedeonis tuba, in effusissimam fugam vererentur. Sic Israëlita exploratoribus, quæ viderant in terra, quam lustrauerant, in maius attollentibus, ac dicentibus: Terra quam lustrauimus, deuorat Num. 13. habitantes suos, populus, quem aspeximus procera statura est. Ibi vidimus monstra, quedam de genere giganteo, quibus comparati quasi locustæ videbamur: adeo commoti sunt & consternati, vt sibi esse putarent vtilius Ægyptum repetere, vbi durissimam seruiuerant seruitutem, quàm terram illam inuadere, quam vel ipsorum exploratorum testimonio vber-*
rimam

510 *Institutio politica ex sacris Scripturis.*

rimam esse didicerant, melléque & lacte fluentem, qui si populi aggredientis multitudinem ac vires, quodque caput erat, præsentissimum, quod ad eam diem experti fuerant, numinis auxilium perpendissent, fierique posse putassent, ut quæ dicebantur ab exploratoribus, non omnino certa essent, tanto suo malo, Domini eos ducentis Imperium non detrectassent.

9 Quartum adiumentum est, in mentem reuocare malorum & incommodorum magnitudinem, quæ eos sequuntur, qui remissiores sunt, & languidiores in agendo, contra verò bona plurima quæ fortitudinem, & strenuitatem comitantur. Multus est Salomôn in hoc loco tractando, idemque monitum frequenter inculcat, ut excussa pigritia negotiis fortiter manum admoventdam esse persuadeat. *Egestatem, inquit, operata est, manus remissa, manus autem fortium diuitias parat. Et manus fortium dominabitur, quæ autem remissa est, tributis seruiet. Et Pigredo immittit soporem, & anima dissoluta esuriet.* Re enim vera ita est, qui magno animo imperium, aut negotium aliud quodcumque capeffit, difficultates, quæ existunt examinat, quæ adhiberi possint remedia solerter inuestigat, & cum inuestigauerit adhibet, & quodcumque facere potest manus sua, instanter operatur, omnes difficultates discutit, omnes salebras complanat, gressusque suos dilatat, ut scriptura loquitur, ut confidenter possit incedere, & res ad publicum ciuitatis statum pertinentes feliciter administrare, & promouere. Contra verò piger, & remissus omnia ita formidans, ac si ab illis extremum aliquod malum metuere deberet, dicit, ut est apud Salomon: *Leo est foris, in medio platearum occidendus sum.*

De incommodorum, quæ timidos & remissos in aggrediendo consequuntur, consideratione.

Prou. 10.

4.

Prou. 12.

24.

Prou. 19.

15.

Ecclef. 9.

10.

Prou. 22.

13.

sum. Ex quo fit, ut cum per huiusmodi difficultates, quas aggredi reformidat, muneri suo desit, omnia pellum eant, ut de eodem inerte sapiens testatur, cum ait: *Per agrum hominis pigri transiui, & per vineam viri stulti, & ecce totum repleuerant vritica, & operuerant superficiem eius spine, & maceria lapidum destructa erat: quod cum vidissem, posui in corde meo, & exemplo didici disciplinam. Parum inquam dormies, modicum dormitabis, paucillum manus conferes ut quiescas, & veniet tibi quasi cursor egestas, & mendicitas quasi vir armatus.* Prou. 24. 30.

10 Quintum adiumentum est, ut fortissimorum virorum exempla nobis ponamus ob oculos, ut eorum excitati exemplo nos etiam fortiter facere condiscamus. Quamuis autem nonnulla hoc capite dicta sunt, ex quibus de fortitudine virorum quorundam eximiorum, quorum scriptura res præclare gestas cum laude commemorat, capere possumus coniecturam; placet tamen S. Ambrosij verba hic inferere, quibus probat bellicam fortitudinem veræ fidei sectatoribus non esse inusitatam: quæ verba propterea afferro, quia exempla dumtaxat ex scripturis petita continent, ac proinde sunt instituto nostro accommodatissima, qui nullis aliis utimur in hoc opere firmamentis, ad ea, quæ dicimus stabilienda, quàm iis, quæ ex sacris Scripturis depromi possunt. *Quam fortis, inquit Ambros. Iesus Naue, ut vno pralio quinque Reges captos sterneret, cum populis suis? deinde cum aduersum Gabaonitas surgeret pralium, & vereretur ne nox impediret victoriam, magnitudine mentis & fidei clamauit. Stet sol, & stetit, donec victoria consummaretur. Gedeon in trecentis viris de ingenti populo, & acerbissimo hoste reuexit triumphum. Ionathas adolescens virtu-* De fortiss. virorum exemplis & imitatione. Lib. 1. off. c. 40. Ios. 10. Iudic. 7.

512 *Institutio politica ex sacris Scripturis.*

1. Reg. 14. tem magnam fecit in pralio. Quid de Machabais lo-
 quar? Sed prius de populi dicam Patribus, qui cum es-
 sent parati ad repugnandum pro templo Dei, & pro le-
 gitimis suis, dolo hostium die lacessui Sabbathi, malue-
 runt vulneribus offerre nuda corpora, quàm repugnare,
 ne violarent Sabbathum, itaque omnes lati se obtulerunt
 morti. Sed Machabai considerantes, quod hoc exemplo
 gens omnis posset perire, Sabbato etiam cum ipsi in bel-
 lum pronocarentur, vlti sunt innocentium necem fratrum
 suorum. Vnde postea stimulatus Rex Antiochus, cum
 bellum accenderet per duces suos Lysiam, Nicanorem,
 Gorgiam, ita cum Orientalibus suis, & Assyriis attri-
 tus est copiis, ut quadraginta, & octo millia in medio
 campi, à tribus millibus prosternerentur. Virtutem du-
 cis Iudæ Machabæi de vno eius milite considerate.

1. Machab. 6. Namque Eleazarus cum supereminentem ceteris ele-
 phantem lorica vestitum regia aduerteret, arbitratus
 quod in eo esset Rex, cursu concito in medium legionis
 se proripuit, & abiecto clypeo, utraque manu interfici-
 ebat donec perveniret ad bestiam, atque intrauit sub
 eam, & subiecto gladio interemit eam, itaque cadens
 bestia oppressit Eleazarum, atque ita mortuus est. Quan-
 ta igitur virtus animi primò ut mortem non timeret,
 deinde ut circumfusus legionibus inimicorum in confer-
 tos raperetur hostes, medium penetraret agmen, & con-
 tempta morte ferocior, abiecto clypeo, utraque manu
 vulnerata, molem bestie subiret, ac sustineret, post infra
 ipsam succederet, quo pleniori feriret ictu, cuius ruina
 inclusus magis quàm oppressus, suo est sepultus trium-
 pho. Nec fefellit opinio virum, quamvis regius fefellerit
 habitus. Tanto enim virtutis spectaculo defixi hostes
 inermem occupatum incurfare non ausi, post casum
 ruentis bestie sic trepidauerunt, ut impares se omnes
 vnius virtuti arbitarentur. Denique Rex Antiochus,
 qui

qui cum centum viginti millibus hominum armatus venerat, & cum triginta duobus elephantis, itant ad ortum solis per singulas bestias velut montes quidam armorum corusco tamquam lampadibus ardentibus refulgerent, vnius territus fortitudine, pacem rogare. Itaque Eleazarus heredem virtutis sue pacem reliquit. Haftenus Ambrosius.

De perseverantia & constantia Principis.

C A P V T XX.

AD fortitudinem perseverantia pertinet, cuius pars potentialis est, ut morales Philosophi loquuntur. Eius enim munus est animum perficere, & obdurare, ut licet diuturnitas operis molestiam afferat, in opere tamen inchoato perficiendo persistatur, quamdiu recta ratio praescripserit. Nec multum differt constantia, cuius officium est efficere, ut firmiter persistatur in bono contra difficultates ex quibuscumque aliis circumstantiis proveniant. De utraque accipi potest illud D. Iacobi, *Vir duplex animo inconstans est in omnibus viis suis.* Quem enim S. Apostolus *duplicem animo* dixit, is in Graeco textu διψυχος, appellatur, qua voce interpretes eum significari volunt, qui in diversa rapitur, ac distrahitur, nec institutum tenet, sed subinde ad alia mentem & studium applicat. Syrus in sua paraphrasi hunc eundem sensum exhibuit, ait enim *dubius seu divinus mente sua, & commotus in omnibus viis suis.* Has

*Explicatur
quid sit
perseverantia & constantia, ut
hic accipitur, & Moyses & aliorum exemplo
illustratur.*

Iacob. 1.8.

K k ergo

ergo virtutes, quæ tam modico discrimine separantur hoc capite coniungemus, nam quæ de vna afferri possunt ad aliam etiam facile accommodabuntur. Occurrit autem inter alios omnes S. Moyses, quem perseuerantiæ & constantiæ singularis absolutissimum exemplar Principi ponamus ob oculos, qui diuturno tempore plurimas exhausit molestias in opere complendo, quod Deo mandante susceperat, populi nimirum ex Ægypto educendi, & in promissionis terram inducendi, quod tamen decus Iosue Moysis successoris reservatum est. Primum enim quot repulsas à Pharaone passus est, abeundi facultatem Israëlitis denegante, & rem in longum trahente, ut non dierum tantum, aut mensium, sed annorum etiam aliquot spatium, non improbabilibus argumentis, putent aliqui intercessisse, ab eo tempore, quo primum abeundi in desertum facultas postulata est, usque ad illud, quo tandem malis fatigatus & fractus Pharaon, expressam tot cladibus discedendi potestatem concessit. Quas verò difficultates expertus non est cum populo illo duræ cervicis & refractario, is cui ut inquit S. Stephanus, noluerunt obedire Patres nostri sed repulerunt, & auersi sunt cordibus suis in Ægyptum dicentes ad Aaron. Fac nobis Deos, qui precedant nos. Moyses enim hic, qui eduxit nos de terra Ægypti, nescimus quid factum sit ei, & vitulum fecerunt in diebus illis, & obtrulerunt hostiam simulacro, & latabantur in operibus manuum suarum. Quæ scelera quantum mœoris Moysei afferrent, facile quis æstimare potest, & ex illius etiam facto cognoscere, cum in tanti vindictam sacrilegij multa civium suorum millia in castris cædi iussit. Adde molestissimam ioris dicendi

Act. 7. 30.
Exod. 32.
2.

dicendi sollicitudinem, quam aliquamdiu, in tanta populi multitudine, tamque multis controuersis, quantas in ea exstitisse par est credere, solus sustinuit. Nam *sedebat Moyses ut iudicaret populum, qui assistebat Moysi à manè usque ad uesperam,* Exod. 18. 14. quamquam laborem cum aliis minoribus iudicibus postmodum partitus est, lethro illius socero modum illum agendi reprehendente, dicebat enim: *Non bonam rem facis, stulto labore consumeris tu, &* Ibid. n. 17. *populus iste, qui tecum est: ultra vires tuas est negotium, solus illud non poteris sustinere.* Nec verò paucis aliquot diebus, aut mensibus, sed solidis quadraginta annis tantæ gubernationis tædium deuorauit. Hoc ego sanè præstantissimum perseverantiæ paradigma esse existimo. Nam si multi reperiuntur; qui onera ista gubernationum libenter subeant, magistratusque ambiant, non est sanè mirum, sua enim commoda, suos honores, suos quæstus, & compendia quærunt: at cum qui inanibus honorum titulis nihil moueatur, qui auaritiæ non seruiat, sed diuinæ tantum vocationi parendi studio tantos, tam diuturnos labores sustineat, cum præsertim pro beneficiis in Rempubli-
cam collatis obrectationes rependuntur, & conuitia, hunc ego excellenti perseverantia & constantia præditum affirmo. Hoc autem passus est Moses, de quo S. David canit in Psalmo: *Et irritauerunt Moysen in Castris Aaron sanctum Domini.* Psal. 105. 16. Nec tamen cum ista pateretur, quidquam de ea beneuolentia remisit, qua populum illum complectebatur, sed peccantem, sceleribusque diuinam prouocantem vindictam, ita apud Dominum imminuentia, & debita ipsis mala deprecando tuebatut, ut se pro illis aut mactandum, aut de libro

Exod. 32.

32.

Ibid. n. 19.

Lib. 3. in
epist. ad
Ephes. c. 4.

vita, in quo se scriptum nouerat, delendum offerret, tantum ut à suorum ciuium ceruicibus impendentem perniciem auerteret. *Obsecro, dicebat, aut dimitte eis hanc noxam, aut si non facis dele me de libro tuo, quem scripsisti*; tandiuque Dominum precibus fatigando institit, donec quod volebat impetravit, in quo etiam illud obseruatione dignum est, non sua Moysen commoda, aut honorem spectasse, cum tanto nisu imminentem populo calamitatem conabatur amoliri, quippe qui si voluisset, magnæ ipse gentis Parens ac Princeps esse potuisset Domino illi pollicente, *Faciam te in gentem magnam*: sed suum ipse urgere propositum maluit, suisque posthabitis commodis populum sibi creditum esse optauit incolumem, quod etiam diu oratione luctando consecutus est. Hoc igitur Princeps constitutum habeat apud se, cum semel re bene per se ipsum perpensa, aut in consilium adducta, sententia steterit, in ea permanendum esse, nec ullis difficultatibus, blanditiis, precibus cedendum, sed omnia perseverantia, ac constantia perumpenda. Talem in arrepto proposito constantiam & perseverantiam in SS. Ioseph, & Iob agnoscit & prædicat D. Hieronymus. cuius illa sunt verba: *Ioseph unum habebat propositum placere Deo, hoc nulla varietate temporis immutatum est, nec fratrum inuidia, nec condicione seruitutis, nec atavis illecebris, nec Domina repromissis, nec squalore carceris, nec postea rumore Egyptia potestatis, sed semper unus fuit, & varietatem temporum redimens, malos dies vertit in bonos. Hoc idem est de Iob sentiendum, quod per varia temeramenta vexatus, nec diuitiis nec damnis, nec orbitate, nec vulnere, nec exprobratione amicorum, nec solitudine, nec postea bonorum omnium restituta*

restitutione mutatus est. Hæc D. Hieronymus. Quare D. Paulus cum vereretur, ne forte veniret in suspicionem apud Corinthios leuitatis cuiusdam quod propositum Corinthum veniendi, ut pollicitus fuerat, mutasset, hanc suspicionem, abstergere conatur diligenter. *Cum ergo hoc voluissim,* 2. Cor. 1. 17. *inquit ut scilicet venirem ad vos, nunquid leuitate usus sum? aut qua cogito, secundum carnem cogito.* Græc. βουλευόμενος, id est, delibero, & statuo, ut nimirum leuitate quadam, mobilitateque naturæ, ac mutabilitate, aut (quod ij facere solent, qui carnis sectantur prudentiam) mea dumtaxat comoda, aut lucra secutus, ita mutavi sententiam *ut sit apud me, est, aut non.* Se autem ab isto agendi modo vehementer abhorrere propterea probat, quod in docendo vanus nunquam fuerit aut fallax, sed semper idem ac sibi constans, *Fidelis autem Deus, quia sermo noster, qui fuit apud vos, non est in illo, est, aut non.* Par igitur non est credere eum, qui nunquam in docendo fefellerit, quamuis tam multos habuerit aduersarios, tamque grauibus periculis propterea caput suum obiecerit, deinde in tantula re voluisse cuiquam fucum facere.

2 Porro ad constantiam Principi commendandam illud opportunum esse crediderim quod Deus, cuius viuum quoddam simulacrum in terris Princeps est, voluntatis suæ propositum non mutat, ut de se ipse testatur apud Malachiam cum dicit, *Ego Dominus, & non mutor.* & sententia est. Nullus existimet me nunc malos hominum mores probare quos antea solebam detestari, & auersari, nam idem semper sum, nec placitum meum in diuersa distrahitur, ita ut modò in hanc partem propendeam, modò in illam, sed semper eodem

*Commenda-
tur Prin-
cipi constan-
tia, quod
cum Deo
simile fa-
ciat.*
Malach 3.
6.

tenore constantiam seruo, eadem probans, eademque improbens. Vbi notandum in Hebræo vocem illam, mutor, esse שָׁנִית, quod verbum inconstantiam quamdam significat, cum scilicet quis nunc hoc vult, nunc illud: cui opinor apud Græcos optimè respondere id, quod ipsi dicunt ἐνδοιάζειν sive ἐνδοάζειν, quorum verborum radix, est vox δύο, duo. illi autem dicuntur ἐνδοάζειν, qui nō vnum volunt sed duo, nunc scilicet hoc, postmodum illud. Quod inconstantium est, & in eodem mentis proposito minimè perseverantium. Idem verò significat vox Hebræa, quæ est in contextu Malachiæ, nam est à radice שָׁנִית à qua deducitur שָׁנִי & שָׁנִים duo. nec sine mysterio dixit ego יְהוָה scilicet Dominus, eo vocabulo vtens, quod ab esse deriuatur vt significaret se eum esse, cui conuenit semper eodem modo esse, & à quo omnis mutatio alienissima est. Hanc eandem Dei immutabilitatem humanæ mobilitatis contentione commendat etiam Balaam in libro Numerorum. *Non est, inquit, Deus quasi homo, vt mentiat*

Num. 23. 19. tur, nec vt filius hominis vt mutetur. Dixit ergo & non faciet, locutus est & non implebitur. & D. Iacobus in sua Canonica epistola de Deo dixit. *Apud quem non est transmutatio nec vicissitudinis obumbratio.* Hanc autem constantiæ laudem magnam, & humano fastigio celsiorem esse putauit sapientissima illa mulier Thecuitis, quæ Absaloni reditum in Patriam impetrauit. quæ Dauidem laudans & in promissione stabilem reddere cupiens cum

2. Reg. 14. 17. Angelo compararat verbis illis: Fiat verbum Domini mei Regis sicut sacrificiū: sicut enim Angelus Dei, sic est Dominus meus Rex, vt nec benedictione, nec maledictione moueatur, vnde & Dominus Deus tuus est rectus.

3 Nec verò, qui facile mutatur, à diuinæ tantum perfectionis imitatione, aut Angelorum longe abest, sed inter homines etiam effugere non potest leuitatis, & stultitiæ cuiusdam notam.

*Inconstantes
etiã inter
homines
leuitatis
infamia
laborare.*

Itaque omnes, qui honoratiorem aliquem locum occupauerint in Republ. hanc constantiæ laudem affectare solent. Quare Pilatus vrgentibus Iudæis, quibus gratificari studebat, & in quorum gratiam scelus omnium grauissimum susceperat vt scilicet innocentem Christum cruci adiudicaret innoxium, se tamen è sententia dimoueri non est passus, vt aliis verbis crucis inscriptionem conciperet, sed eam quam semel dictauerat retineri voluit, petentesque vt eam mutaret, reiecit dicens, *Quod scripsi scripsi.* Et Christus Dominus Ioan. Baptistam publicum veritatis præconem, egregiè laudare volens, eo nomine præsertim commendat, quod non instar arundinis, auræ cedens in quamlibet partem inclinaretur, sed quod fortis esset, constans, rigidusque satelles iustitiæ.

*Ioan. 19.
22.*

Quid, inquit, existis in desertum videre? Arundinem vento agitatam? & tandem Ecclesiastici auctor de inconstantibus, & constantibus hoc iudicium profert. *Homo sanctus in patientia manet, sicut sol: Stultus autem sicut luna mutatur.*

*Matth. 11.
7.
Eccles. 17.
12.*

4 Sed alia etiam ratio afferri potest, propter quam par est, eum qui ad opus aliquod manum adimouit, in eoque non nihil progressus est, inchoatum bonum prosequi debere, & vrgere, donec illud omni ex parte perfecerit, quia nimirum labor omnis, qui in promouendo illo opere vtiliter, & laudabiliter positus est perit, & in irritum cadit, si opus imperfectum relinquatur. Præclare vt omnia, hoc docuit S. Gregor. & testimo-

*Aliud incommodum
proponitur,
quod incurrunt ij,
qui in bene
captis non
perseuerant,
quod eorū
qua iam
facta sunt
iacuram
faciunt.*

520 *Institutio politica ex sacris Scripturis.*

- niis ex sacra Scriptura depromptis confirmauit.
- Pastor. p. 3. Si inchoata, inquit, bona fortis operantis manus ad
admonit. perfectionem non subleuat, ipsa operandi remissio contra
35. hoc quod operatum est, pugnat. Hinc est enim, quod per
- Prou. 13. Salomonem dicitur, qui mollis & dissolutus in opere suo
9. fuerit, frater est sua opera dissipantis, quia videlicet qui
capta bona districte non exequitur, dissolutione negligentiæ
manum destruentis imitatur. Hinc Sardis Ecclesia
- Apoc. 3. 2. ab Angelo dicitur. Esto vigilans, & confirma cetera,
que moritura erant, non enim inuenio opera tua coram
Deo meo. Quia ergo plena coram Deo eius opera in-
uenta non fuerunt, moritura, reliqua etiam, que erant
gesta predicebat. Haftenus D. Gregorius.

5. Sed his, quæ haftenus generatim disputauimus, paucula quædam monita subiicienda sunt, quæ huc spectant, & Principes magis peculiari-
ter instruunt, qua ratione se gerere debeant. Primum est, valde laudabilem esse constantiam in
administris aut ducibus, quos semel ut gubernationis suæ instrumenta adhibendos censuerit, re-
tinendis, fouendis, & quatenus ratio recta præscripserit, amplificandis. Quamuis enim si in ali-
quo prauitas reperiatur loco mouendus sit, & debitis mulctandus pœnis, alio in eius vicem subrogato, nec tunc turpe censeatur, imo valde honorificum, si ab omnibus dicatur illud, quod
est in libro Iob, *Ecce qui seruiunt ei non sunt stabiles:*
id tamen passim facit & quælibet offensuscula ita commoueri, ut quem omnibus honorum titulis cumulaueras, statim deicias, & inconstantiæ nota non vacat, & prudentes ac cordatos homines ab illorum Principum aulis, qui huiusmodi sunt, deterret, & reuocat, vel si adhuc in illis hæreant, segniores reddit & timidiore
virgen

*Laudabile
esse constā-
tiā in mi-
nistis, &
magistra-
tibus non
facile à
suis mune-
ribus amo-
uendis.*

Iob 4 18.

urgendis, quæ Principis commoda, aut vtilitates promouere possent; illud enim tantum student, vt offensionibus euitatis, res suas collocent in tuto. In quo sanè optimam conditionem (vt in reliquis etiã omnibus) ij nacti sunt, qui se ab illis aularum fluctibus subducentes, & arri- dentem pelagi malaciam suspectam habētes, Da- uideim audierunt monentem. *Nolite confidere in* Psal. 145.
Principibus, in filiis hominum, in quibus non est salus. 3.
 atque propterea eam vitæ rationem instituerunt, vt cum gaudio dicere possent, *Mihi adherere Deo* Psalm. 72.
bonum est, qui exhibita sibi obsequia, & agnos- 28.
 cit, & largè muneratur, nec ita nostris culpis ir- ritatur, vt irreconciliabiles cum seruis suis inimi- citias gerat.

6 Alterum monitum est, vt constantiam suam contra muliebres assultus bene muniat: fit enim frequenter vt Princeps recti tenax, & virorum in aula Principum precibus inuictus, vxoris aut filia, aut quod peius est scorti alicuius aulici frā- gatur mellitis verbis, aut lacrymis, eaque con- cedat, quæ neganda fuerant; aut etiam ad ea de- signanda moueatur, quæ sine aliorum iniuria fie- ri non possunt. Sunt enim mulieres quā blādien- do, quā irascendo, & minando, quā dolos ne- ctendo, in iis, quæ obtinere volunt eblandien- dis, admirabili arte instructæ, vt se ab illis iusti- tia & officio incolumi expedire facile non sit.

Blandiebatur Sampson Dalida, qua fundebat apud Iud. 14. 6.
Sampson lachrymas, & querebatur dicens. Odisti me,
& non diligis, idcirco problema, quod proposuisti filiis
populi mei, non vis mihi exponere. At ille respondit: Pa-
tri meo, & Matri nolui dicere, & tibi indicare pote-
ro? Septem igitur diebus conuiuij flebat ante eum. tan-

Cauendum
Principi-
bus ne eorū
constantia
mulierum
precibus
infringa-
tur.

322 *Institutio politica ex sacris Scripturis.*

démque die septimo, cum ei esset molesta exposuit, qua statim indicavit ciuibus suis. Irascebatur Iobi coniux marito suo, quem tot ærumnis circumuentum putabat, quod nimis constanter, iustitiam simplicitatémque coluisset, & quasi vnguis in vlcere illius dolorem reddebat acerbiorē: nam
Tob. 2.9. *dixit illi vxor sua: Adhuc tu permanes in simplicitate tua? Benedic Deo, & morere.* vel vt est in aliquibus Genesis codicibus ita illum alloquebatur. *Quousque persequeris dicens, ecce adhuc paulisper permaneam sperans salutem meam? Ecce enim extincta est memoria tua, uteri mei labores atque dolores, quos cum angore tuli. Tu autem in vermium sterquilinio confides, sub dio pernoctans, & ego errabunda, & ancilla locum ex loco peragrans, domumque ex domo, spectans dum sol occidat, & à laboribus acquiescam, à doloribúque qui me opprimunt. Loquere verbum aliquod aduersus Deum, & morere.* Persimili modo exercitus est Tobias, nam cum ipse domui suæ bene præpositus cauendum adinonuisset, ne aliquid inferretur, quod furto sublatum esset, vehemēter vxor illius commota pietatem illius amatè irridere cœpit, vt eas, quas fecisset eleemosynas quasi penitus inutiles exprobrare: dicebat enim. *Manifestè vana facta est fides tua, & eleemosyna tua modò apparuerunt.* atque his, & aliis huiuscemodi verbis exprobrabat ei. Sed nec Anna Tobix vxor, nec Iobi cōiux molles viros, & qui duris rebus frāgi possent, nactæ sunt. Imbecilliorē Iezabel, quæ virum suum Achab
3. Reg. 21. *his verbis irridebat. Grandis auctoritatis es, & bene*
7. *Regis Regnum Israël. Surge & comede panem, & equo animo esto, ego dabo tibi vineam Naboth Iezrahelita.* Quibus verbis adeo fractum est prius illud Achabi propositum, iustique tenacitas, (quam

quam illud recti studium non fuit, sed potius abiectio quædam degeneris animi), ut qui prius vineæ cupiditatem ita comprimebat, ut tristitia ac mæore propemodum contabesceret, vxoris animatus verbis, consenserit audaciæ, eamque facinus impium ac detestandum patrantem non prohibuerit. Nec fortior Herodes, qui Ioannē Baptistam, quem sanctitatis nomine venerabatur, quem libenter audiebat, quoque audito multa faciebat, impuræ tamen mulierculæ postulationi resistere non sustinuit, sed annuit postulatis, magnæque iustitiæ peruersione reus adulter in insontem monitorem, capitalis supplicij pœnam statuit, & quia Herodiadem noluit contristare, *mis-* Marc. 6.
so speculatore precepit afferri caput eius in disco, & de- 26.
dit illud puellæ, & puella dedit matri suæ. Quanto sapientius Salomon, ad quem cum Mater Bethsabee venisset, ut loqueretur ei pro Adonia (vxorem postulabat Adonias Abisag Sunamitidem) eam quidem perhonorificè, ut matrem excepit, nam surrexit Rex in occursum eius, adorauitque eam, & *se-* 3. Reg. 2.
dit super thronum suum, positisque est thronus matri 19.
Regis, quæ sedit ad dexteram eius. Dixitque ei, Petitionem vnâ parvulam ego deprecor à te, ne confundas faciem meam, & dixit ei Rex. Pete mater mea, neque enim fas est ut auertam faciem tuâ. Quæ ait, detur Abisag Sunamitis Adonia fratri tuo vxor. Sed cum Salomon, causis quibusdam ductus, id omnino publicæ paci noxium iudicaret, adeo matri postulanti quod volebat non concessit, ut etiam Adoniam, quem his artibus ad regnum grassari sentiebat, iusserit interfici. Quam utinam constantiam ad exitum vsque vitæ semper seruasset, sic enim mulierum blanditiis & precibus supera-

524 *Institutio politica ex sacris Scripturis.*

3. Reg. II.
4.
3. Reg. II.
2.
 rus, idololatriæ scelus grauissimum non suscepisset. Nam cum iam esset senex deprauatum est cor eius per mulieres, ut sequeretur Deos alienos, nec erat cor eius perfectum cum Domino Deo suo, sicut cor Dauid patris eius. Sed colebat Salomon *Astharthē* Deam Sidoniorum, & *Moloch* idolum Ammonitarum. Fecitque Salomon, quod non placuerat coram Domino, & non adimpleuit ut sequeretur Dominum sicut Dauid Pater eius. Tunc edificauit Salomō fanum *Chamos* idolo Moab, in monte qui est contra Ierusalem, & *Moloch* idolo filiorum Ammon. Atque in hunc modum fecit vniuersis vxoribus suis alienigenis, quæ adolebant thura, & immolabant dys suis. Hic igitur tantus vir, quem vniuerso Hebræorum Regno imo cæteris etiam nationibus admirationi fuisse scimus, propter ingenij, sapientiæ, opulentiæ propemodum infinitæ magnitudinem, de constantiæ statu mulierculis trahentibus miserè deiectus & à veri Dei cultu ad Idolorum profanitates fœdè traductus est, ut vel hoc vno exemplo liquidissimo appareat, verissimum fuisse quod Dominus tanto ante prædixerat, cum populo suo vetuit ne gentilium idololatrarum filias sibi vxores adiungerent, dicens: *Non ingrediemini ad eas, neque de illis ingrediemini ad vestras, certissimè enim auerrent corda vestra, ut sequamini Deos earum.* Quod sit in grauissimo religionis negotio, in quo etiam aliis sceleribus maculati homines constanter omnem labeculam auersantur, euincunt tamen mulieres ut eiurata veteri religione mutâ simulacra Dæmonum colantur pro numinibus, Deo ipso contempto cui grauissima infertur iniuria; quàm procliuēs fore putamus ad alia minora peccata, quæ cum Dei cultu non ita aduersa fronte pugnant,

gnant, cuiusmodi sunt iniuriæ, rapinæ, cædes, quæ tamen, qui committere sustinent, cum constantia, æternæ salutis iacturam faciunt, nulla humana ope reparabilem.

7 Illud tandem aduertendum est dum constantiam aut perseuerantiam sectamur, vt caueamus pertinaciam, quæ tunc potissimum incurritur cū post captum consilium de aliqua re perficienda, aut etiā post eam inchoatam, nouæ aliquæ rationes apparent, quæ prius latuerant, quibus suadetur vt desistamus ab incepto, nam rationi ceddendum est, consiliaque in melius mutanda. Nec verò huius rei pudere nos debet, nam cum sint *incerta, prudentia nostra*, vt dixit Salomon, debent etiam esse *cogitationes mortalium timida*, vt ibidem dicitur, vt scilicet, nunquam sententiæ nostræ ita adhæreamus, quin suspicio aliqua nos subeat fieri posse, vt nostra nos fallat opinio, ac proinde melius sit rem illam contra quam aggressi fueramus, diuersa omnino ratione, instituere, ac prosequi. Propterea dicitur in Ecclesiastico. *Homo sapiens in omnibus metuet*, quippe qui experientia didicit, nonnunquam accidere, vt quæ nobis optima videbantur consilia, appareant deinde deterrima, & maximè noxia. Est autem maximè vitandum genus illud pertinaciæ, quod omnium pessimum iudico, cum scilicet, non solum consilia, quæ ab amicis, aut prudentibus consiliariis suggeruntur, reiiciuntur, sed nec ad aures admittuntur, sunt enim aliqui *Sapientes apud semetipsos, prudentiaque sua adeo innitentes*, contra quam præcipit Salomon, vt aliorum cogitata fastidiant quasi inutilia, aut minus bona, eaque etiam audire contemnant. Imo fieri potest vt eo

Ita amplectendā constantiā, ut vitium Perinacia nō incurra-
tur.

Sap. 9. 14.

Eccles. 18.
27.

Prou. 3. 5.

deue

526 *Institutio politica ex sacris Scripturis.*

deueniatur interdum vt respuantur , aut non audiantur , quæ salutariter admonent alij , quia libidine v. g. vindictæ , aut alicuius alterius perturbationis clauduntur aures , ne si forte meliora consilia suggerantur , pudeat in ea sententia , quæ stetit , pertinacius hærerere. In os optimè quadrat

Psal. 57. 3. mea quidem sententia illud Dauidicum. *Furor illis secundum similitudinem serpentis sicut aspidis surda & obturant aures suas , quæ non exaudit vocem incantantium , & venefici incantantis sapienter. Quem admodum enim vulgari Philosophorum placito traditum est , surdas aspides cum à veneficis incantationibus vrgentur , aurem alteram terræ applicare , in alteram extremam caudam immittere , ne magico illo carmine ad illud adigatur quod facere recusant ; ita pertinaces isti nolunt intelligere vt bene agant , consiliaque salutaria audire recusant , quia veram salutem auersantur , hi plane sunt ij , de quibus dicitur apud Zachariam:*

Zachar. 7. 9. *Hæc ait Dominus exercituum dicens : Iudicium verum indicate , & misericordiam & miserationes facite unusquisque cum fratre suo ; & viduam , & pupillum , & aduenam , & pauperem nolite calumniari. Quæ sanè capita hypothesis quædam sunt , & thema earum adhortationum , quibus viros Principes consiliarij fideles & sapientes admonere solent , vt ad virtutis normam actiones suas exigant , quæ si audire refugiant vt liberiùs peccet , iam in eos conuenit quod Propheta subdit. Et noluerunt attendere , & auerterunt scapulam recedentem , & aures suas aggravauerunt ne audirent. Sed de consiliariis audiendis alius erit dicendi locus.*

De

De magnificentia Principis.

CAPVT XXI.

PRincipem, qui in Republica maxima est, parua non decent, sed vt potestate gradu-
 que inter cæteros omnes excellit, ita par est in
 pecuniis expendendis cum opus aliquod facien-
 dum est, sordidum non esse, sed ita largum, vt
 status sui magnitudinis operi etiam amplitudo,
 & dignitas proportionem respondeat, appareatque
 cogitationem illam, & administrationem rerum
 magnarum & excelsarum, ex ampla quadam &
 splendida animi propositione proficisci quæ pe-
 cuniis non seruit, vt auari homines faciunt, &
 illiberales. Non desunt autem in Scripturis san-
 ctis eximiæ cuiusdam magnificentia exempla ma-
 ximè illustria: ex quibus duo illustriora seligo, al-
 terum Salomonis, alterum Assueri. Ac de Salo-
 monis quidem magnificentia in Ierosolymitano
 templo ornando dictum est, cum de religione di-
 sputaremus; quare satis nunc fuerit Regiarum
 domorum, quas sibi Rex sapientissimus & opu-
 lentissimus ædificauit, vt in sacris litteris propo-
 nantur, magnificentiam describere: ita autem
 legimus in tertio libro Regum. *Domum autem suam* 3. Reg. 7. 1.
ædificauit Salomon tredecim annis & ad perfectum vs-
que perduxit. Ædificauit quoque domum salus Liba-
ni centum cubitorum longitudinis, & quinquaginta cu-
bitorum latitudinis, & triginta cubitorum altitudinis;
& quatuor deambulacra inter columnas cedrinæ, ligna
quippe cedrina exciderat in columnas; & tabulæ ce-
drinæ

*Explicatur
 quid sit
 magnificē-
 tia, & Sa-
 lomonis
 exemplum
 proponitur.*

drinis vestituit totam cameram, qua quadraginta quinque columnis sustentabatur. Vnus autem ordo habebat columnas quindecim contra se inuicem positas, & è regione se respicientes, aequali spatio inter columnas, & super columnas quadrangulata ligna in cunctis equalia. Et porticum columnarum fecit quinquaginta cubitorum longitudinis, & triginta cubitorum latitudinis & alteram porticum in facie maioris porticus, & columnas, & epistylia super columnas. Porticum quoque solij, in qua tribunal est, fecit, & texit lignis cedrinis à pavimento usque ad summitatem, & domuncula, in qua sedebatur ad indicandum, erat in media porticu simili opere. Domum quoque fecit filia Pharaonis (quam uxorem duxerat Salomon) tali opere quali & hanc porticum. Omnia lapidibus pretiosis qui ad normam quandam, atque mensuram, tam intrinsecus quam extrinsecus serrati erant, à fundamento usque ad summitatem parietum, & extrinsecus usque ad atrium maius. Fundamenta autem de lapidibus pretiosis, lapidibus magnis decem siue octo cubitorum. Et desuper lapides pretiosi equalis mensura secti erant, similiterque de cedro. Et atrium maius rotundum trium ordinum de lapidibus sectis & unius ordinis de dolata cedro. Porro regiae domui Libani magnificentissimæ luculentissima conueniebat supellex, qua illam Salomon instruxit, nam vasa plurima aurea, thronusque ex elephanto elegantissimo opere perfectus, in ea collocatus est, adeo vt omnia eboris candore, aurique flammea claritate splenderent. Quare eodẽ Regum libro dicitur. Fecit quoque Rex Salomon ducenta scuta de auro purissimo, sexcentos auri siclos dedit in laminas scuti unius; & trecentas peltas ex auro probato, trecenta mine auri unam peltam vestiebant, posuitque eas Rex in domo salus Libani. Fecit etiã Rex Sa-

lomon

lomon thronum de ebore grandem, & vestiuit eum auro fuluo nimis, qui habebat sex gradus, & summitas throni rotunda erat in parte posteriori, & due manus hinc atque inde tenentes sedile, & duo leones stabant iuxta manus singulas, & duodecim leuunculi stantes super sex gradus hinc atque inde. non est factum tale opus in vniuersis regnis. Sed & omnia vasa quibus potabat Rex Salomon, erant aurea, & vniuersa supellex domus salus Libani de auro purissimo. Ex quo satis intelligi potest quantam vim pecuniarum in tam egregio perficiendo opere effuderit Rex opulentissimus.

2 Alterum regiae planè magnificentiae exemplum habemus in Assuero Rege, quod accuratè & minutim describitur statim initio libri Hester, in hæc verba. *In diebus Assueri, qui regnaui ab India usque in Æthiopiam super centum viginti septem prouincias, quando sedit in folio regni sui, Susa Civitas regni eius exordium fuit. Tertio igitur anno Imperij sui fecit grande conuiuium cunctis Principibus, & pueris suis, fortissimis Persarum, & Medorum incliis, & prefectis Prouinciarum coram se, ut ostenderet diuitias gloria regni sui, ac magnitudinem atque iactantiam potentiae sua multo tempore, centum videlicet & octoginta diebus. Cumque implerentur dies conuiuii, inuitauit omnē populum, qui inuentus est in Susa, à maximo usque ad minimum, & iussit septem diebus conuiuium preparari in vestibulo horti & nemoris quod regio culin & manu consitum erat, & pendebant ex omni parte tentoria aërii coloris, & carbasini, ac hyacinthini, sustentata fumibus bissinis, atque purpureis, qui eburneis circulis inserti erant, & columnis marmoreis fulciebantur. Lectuli quoque aurei, & argentei super pauimentum smaragdino, & pario stratum lapide dispo-*

Aliud magnificentiae exemplum proponitur in Conuiuium Assueri.

sui erant, quod mira varietate pictura decorabat. Bibebant autem, qui inuitati erant aureis poculis, & alijs atque alijs vasis cibi inferebantur. Vinum quoque ut magnificentia regia dignum erat abundans, & præcipuum apponebatur. Nec erat qui nolentes bibere cogeret ad bibendum, sed sicut Rex statuerat præponens mensis singulos de Principibus suis, ut sumeret unusquisque quod vellet. Hæc ibi, ex quibus quamuis statim appareat quàm amplum, quàmque Regio splendore ac magnificentia dignum fuerit hoc conuiuium, sunt nihilominus singula illius adiuncta, ut res melius percipiatur seorsim consideranda. Nam cum duplex epulum datum fuerit, alterum Principibus Regni, alterum populo ciuitatis, conuiuium Principum centum octoginta dies tenuit, hoc est menses sex, in quod tempus sanè nescio an vllum vnquam conuiuium productum sit. Populi verò conuiuium breuiori quidem temporis spatio absolutum est, septem nimirum diebus, sed populi frequentissimæ ciuitatis maxima multitudine quod temporis spatio deerat, abundè compensatum est. Iam verò quantus fuerit conuiuarum numerus, cum vocati sint non aulici tantum, qui Regi perpetuo aderant, quorum maximam fuisse multitudinem par est credere, sed centum viginti septem Prouinciæ Præfecti, & procures omnes, quos vicariis suo loco relictis adfuisse par est credere, ut res maiorem in tanta frequentia admirationem & ex mutuo conspectu hilaritatem haberet; rursus quanta exquisitissimorum ciborum copia, Regis iussu parata fuerit, qui tam multis, tamque egregiis viris tamdiu regio more epulum dare constituit, facilius cogitari potest, quàm dici. Accessit etiam

etiam conuiuio magnificentia ex loci ornatu, in quo celebratum est, nam præterquam quod ad exhibendum conuiuium delectum est vestibulum horti & nemoris, quod regio cultu, & manu consitum erat, tentoria etiam quibus inumbrabantur mensæ & materiae pretio, & artificij subtilitate, visenda erant. Quod verò in vulgata nostra editione habemus; tentoria columnis marmoreis fuisse suffulta, distinctius explicant Septuaginta, nam ita describunt, *super cubos aureos, & argenteos, & super columnas parias, & lapideas.* Sūt autem cubi taxilli qui columnis, pilis aut pyramidibus, molibúsque eiusmodi substruuntur, vt firmiter insistant. Quod verò de smaragdino lapide, quo ex parte pauimentum dicitur instratum, quamuis propter lapidis pretium & raritatem fidem superare videatur, tamen non in vulgata tantum habetur, sed etiam apud Septuaginta, qui verterunt smaragditem lapidem, apud quos etiam quædam de veste stragula, & lectorum ornamentis adduntur, quæ vulgata non expressit. Sic enim habent. *Et strata pellucida variè ornata floribus, in circuitu rose sparsæ. Pocula aurea & argentea, & gemmatus calix propositus è talentis triginta millibus, vinum multum, & suauis quod ipse Rex bibebat.* Ita habet latina interpretatio Romæ edita, quæ tamen minus exprimere mihi videtur, quid sit, quod dicunt Septuaginta ἀνδράκιον καλίκιον, significant enim calicem paruulum quidem fuisse, quare & voce diminutiua καλίκιον vsi sunt, sed quia ἀνδράκιον id est ex carbunculo excavato, vt puto, propterea pretio immeni, quod expresserunt Septuaginta, non indignum, triginta enim talentorū millibus æstimabatur, quæ

talentorum summa aureorum nostrorum milliones, ut vocant, decem & octo efficit, si singula talenta Iudaica sexcentos habere aureos, cum recepta opinione dicamus, par enim est credere Iudæorum scriptorem, Iudaicorum talentorum rationem securum esse. Quod autem de vino dicitur in editione vulgata quæ habet; *Vinum ut magnificentia regia dignum erat, abundans, & præcipuum ponebatur.* & Kaldæus interpretatur, *dignum quod à Rege biberetur.* Dixerunt Septuaginta, *quod ipse Rex bibebat.* Quod tandem attinet ad ministros, latinus noster interpretes Principes appellat mensis Præpositos, quos Septuaginta oeconomos, Kaldæus voce Græca ἐμπόρους curatores habet, textus autem Hebræus appellat Magistros, seu Præfectos domus Regiæ. Constat ergo omnium sententia viros fuisse primarios, & principes, quales ij esse solent in aulis magnorum Regum, qui domus Magistri vocitantur; qui aderant ipsi mensis ut conuiuas blandè exciperent, suis locis collocarent, & quasi quidam symposiarchæ, & modiperatores, ita conuiuium præessent, ut curarent omnia ordine fieri, & honestè, ne fortè aliquæ existerent turbæ, quales inter homines, mero calentes, super mensis nasci solent.

An peccaveris Assuerus tam sumptuoso diuturnoque conuiuium instruendo, & de conuiuijs que

3 Quod si quærat aliquis, peccaueritne Assuerus, tam diuturno, tam sumptuoso epulo tam multis conuiuijs exhibito? Respondeo id ex causis, quibus motus est ad illud instruendum & celebrandum, iudicandum esse, & etiam ex eiusdem adiunctis quibusdam. Ac primò aliqui colligunt ex profanis scriptoribus celebrati conuiuij

uluij causam fuisse reportatas ex hostibus victo- *in Principi*
 rias, quod scilicet Babylonios, Ægyptiosque re- *inaugura-*
 bellantes & Persarum iugum excutere conantes. *tione cele-*
 armis domuisset, & sanè huiusmodi victorias iu- *brata legi-*
 stissimam publicæ lætitiæ causam afferre, exem- *mus in*
 plis ex sacra Scriptura depromptis, & communi *scripturis.*
 gentium more, quem nullus iure possit repre-
 hendere, probari potest. Sic Philistarum Prin-
 cipes Sampson, à quo multis cladibus fuerant
 attriti, tandem in potestatem redacto, conuene- Iud. 16.
 runt in vnum, ut immolarent hostias magnificas, ma- 23.
 gno Deo suo, & epularentur dicentes. Tradidit Deus
 noster inimicum nostrum Sampson in manus nostras.
 Sic Amalecitæ capta Siceleg, discumbebant super 1. Reg. 30.
 faciem uniuersa terra, comedentes & bibentes, & qua- 16.
 si festum celebrantes diem pro cuncta prada, & spo-
 liis, qua ceperant de terra Philistym, & de terra lu-
 da. Nam, ut ait Isaias, letabantur, sicut qui letantur
 in messe, sicut exultant victores capta prada quando
 diuidunt spolia. Altera epuli dandi causa non mi- Isai. 9. 3.
 nus laudabilis ea fuit, quod regnandi tunc cape-
 ret initium. Nam Susis præcipuus erat Regni
 thronus, in quo Reges sedere consueuerant, non
 quasi ea cæremonia regni possessionem adirent,
 pridem enim regnare cœperat Assuerus, sed quod
 ea adhibita tunc demum crederetur Rex omnibus
 numeris absoluta inauguratione, in regni posses-
 sione collocatus. Huic autem epulo causam de-
 disse solemnem hanc inaugurationem satis indi-
 cat Scriptura. Nam Septuaginta habent *וְהָיָה*
סְפִידָן, cum in throno collocatus est. Hebræus verò
 textus. In diebus, inquit, istis cum sederat (id est sede-
 re inciperet) Rex super throno regni sui, qui Susis est, in

534 *Institutio politica ex sacris Scripturis.*

anno Regni sui tertio fecit conuiuiū, &c. Kaldæus, quādo quasiuit sedere super folio regni sui, quod in *Susan*. Cum igitur celeberrimo apparatu concursūque frequentissimo, huiusmodi inaugurationes celebrari soleant, mirum non est, si tam celebre conuiuium Assuerus instituit. Sic cum David in Hebron Rex constitutus est, plurimi ex variis tribubus confluxere, quorum catalogum habemus libro primo Paralipomen. superatque trecentorū quadraginta millium numerum, hīsque omnibus triduo epulum largè tributum dicitur. Omnes isti viri bellatores expediti ad pugnandum corde perfecto venerunt in Hebron ut constituerent Regē David super vniuersum Israël, sed & omnes reliqui ex Israël, vno corde erant, ut Rex fieret David. Fueruntque ibi apud David tribus diebus comedentes & bibentes, preparauerant enim eis fratres sui. Sed & qui iuxta eos erant vsque ad Isachar, & Zabulon, & Nephthali, afferebant panes in asinis & camelis, & mulis & bobus ad vescendum, farinam, palathas, vnam passam, vinum, oleum, boues, arietes ad omnem copiam, gaudium quippe erat in Israël. Sic Adonias cum regnum affectaret, iamque illi immineret, Regis filiis omnibus, excepto Salomone, vocatis, epulare sacrificium instituit, in quo faustis omnium acclamationibus ad regnum admoueretur, Rexque recepta illa formula, *Vivat Rex*, salutaretur, Adonias autem filius Haggiith, inquit scriptura, eleuabatur, dicens: Ego regnabo. Et post nonnulla. Immolatis ergo Adonias arietibus & vitulis, & vniuersis pinguibus iuxta lapidem Zobelet, qui erat vicinus fonti Rogel, vocauit vniuersos fratres suos, filios Regis & omnes viros Iuda seruos eius. Et rursus post aliqua cōmemorans, quibus verbis Nathan propheta

1. Paralip.

11.38.

3. Reg 1.

5.

Ibid. n.9.

pheta, qui partes Salomonis sequebatur, cum Rege Dauid ex postulauerit, ita legimus. *Domine mi Rex, tu dixisti: Adonias regnet post me, & ipse sedeat super thronum meum? quia descendit hodie, & immolauit boves, & pingua, & arietes plurimos, & vocauit uniuersos filios Regis & Principes exercitus, Abiathar quoque sacerdotem, illisq; uescantibus, & bibentibus coram eo, & dicentibus, Vinat Rex Adonias, &c.* Poterat ergo Assuerus iure optimo Principes suos, & populum ciuitatis excipere conuiuio, ut illi largioribus epulis, mutuâque symposij hilaritate recreati eius lætitiæ essent participes, qua nouus Rex ipsa inauguratione perfundebatur, cósque sibi ea magnificentia significatione deuincirer, ut conciliatis beneuolentia animis, promptiores eos haberet, & paratiores ad ea obsequia præstanda, quæ subditi Principibus debent. Postrema causa conuiuij quam scriptura expressit, fuit, *Ut ostenderet diuitias gloria regni sui, ac magnitudinem, atque iactantiam potentia sue, multo tempore, centum uidelicet, & octoginta diebus.* Propterea autem conuiuia, aut solēnes instituere apparatus, ut inde capiatur superbiæ fomentū, & arrogantia, piaculum esse nemo non intelligit, dicente Apostolo. *Quid habes, quod non accepisti? Si autem accepisti, quid gloriaris, quasi non acceperis?* Quare Ezechias quod Chaldeis thesauros suos per iactantiā ostentasset, graues pœnas, Deo iubente, cōminatus est Isaias propheta, ut quarto Regum libro narratur, & alio fortasse loco fusius dicitur. Rursus, quatione à peccato excusari possit, tam diuturnum conuiuium non satis video: nam honestæ cuiusdam hilaritatis causa amicos conuenire ad conuiuium laudabile sanè est, & amicitia tuendæ of-

Ibid. n. 24.

Ester 1.

4.

1. Cor. 4. 7.

4. Reg. 20.

13.

- Luc. 18. 19. *ficium consentaneum. Epulari autem quotidie splendide, symposiâque multum frequentare, multa importat incommoda, quorû aliqua à sapiente tanguntur in Prouerbiis, cum ait. Cui va? cuius patri va? cui rixæ? cui fouea? cui sine causa vulnera? cui suffusio oculorum? Nonne his, qui commorantur in vino & student calicibus epotandis? Cum verò omnes dedeceat ebrietas, tum maximè Reges, quibus Salomon præceptum illud tanquam à matre auditum præscribit: Noli Regibus dare vinum, quia nullum secretum est, ubi regnat ebrietas, ne forte bibant, & obliuiscantur iudiciorum, & mutent causam afflictorum. Effectus autem, qui consequi solent, etiam hoc Assueri conuiuium consecuti sunt, nam ipse potando hilarior factus est, ut si ebrius non esset, proximè tamen abesset à temulentia, parûmque prudenter vxorem Vasthi iussit adduci, ut illius pulchritudinem omnibus spectandam, & admirandam proponeret, cui cum regina parere noluisset, Rex ira exarsit, eamque repudiavit, sicque iuxta Sapientem. *Extrema gaudij luctus occupauit.**
- Prou. 23. 29. *quamuis omnibus istis incommodis pro sua sapientia Dominus ad gloriam suam amplificandam, nòsque salutaribus monitis imbuendos vsus est. Quamuis ergo regia magnificentia, qua Principibus & populo datum est epulum, sit laudabilis, finis tamen iactantiæ, quem sibi Rex proposuit, temporisque tam diuturni circûstantia facti illius gratiam corrumpunt, faciuntque ut exemplum hoc Principibus proponi non possit, nisi moneantur simul, quid in eo peccatum sit, ne ad easdem ipsi metas luxuriæ, & profusionis immodicæ adhærescant.*
- Prou. 31. 4. *De Principis magni-*

De Principis magni-

4 Quoniam autem exemplis propositis Salomonis

*scientia in
largitioni-
bus.*

monis & Assueri quales Reges deceant fabricæ,
& conuiuia docuimus, facile erit, ex iis, quæ di-
ximus coniecere, quomodo in reliquis expensis,
quæ occurrunt, vt in itineribus suscipiendis, tri-
buendisque muneribus munificus Princeps se ge-
rere debeat. Huius autem rei si quis exemplum
requirit, habet luculentissimum in Regina Saba,
quæ cum Salomonis fama excita venisset ad Sa-
lomonem, cum regiis planè muneribus donauit,
nam vt ait scriptura. *Dedit Regi centum viginti ta-
lenta auri, & aromata multa nimis, & gemmas pre-
tiosas. Non sunt allata ultra aromata tam multa, quàm
ea, quæ dedit Regina Saba Regi Salomoni. Quia verò
munera, quæ Principibus tribuuntur non ad eo-
rum subleuandam inopiam, sed (quemadmodum
ea, quæ Deo offeruntur) ad testificandam eam,
quam de eorum magnitudine & excellentia con-
cepimus opinionem instituuntur, ideo ampla esse
debent, & magnifica, & ad istam opinionem ex-
primendam idonea. Quare Dominus apud Pro-
phetam holocaustorum victimarumque oblatio-
nes reiicit, si forte quasi indigenti tribuantur,
adeo enim tali animo factis sacrificiis non pla-
cetur Deus, vt potius tanquam insigni contu-
melia, vt reuera esset, commoueretur in offeren-
tem. *Non accipiam, inquit, de domo tua vitulos, ne-
que de gregibus tuis hircos, quoniam mea sunt omnes
fera sylvarum, iumenta in montibus, & boues. Cognoui
omnia volatilia cæli, & pulchritudo agri mecum est, si
esuriero non dicam tibi, meus est enim orbis terra, &
plenitudo eius. Nunquid manducabo carnes taurorum,
aut sanguinem hircorum potabo?* Sed iis tantum se
sacrificiis delectari affirmat, quibus eius apud
populos crescit existimatio, quibusque debitam*

3. Reg. 10.
10.

Psal. 49.

9.

multis ex capitibus laudem tribuimus. *Immola,* inquit, *Deo sacrificium laudis.* Ita Principes iis capiuntur muneribus, quæ eorum magnitudinem & excellentiam ostendunt.

De Principis magnificentia in edificando.

CAPVT XXII.

*Studium
edificandi
decere
Principem:
& de va-
riis adifi-
ciorum ge-
neribus,
necessariis,
utilibus,
aut ad vo-
luptatem
cōparatis.*

ÆDificandi studium Principes decet in primis, quo sibi sapientum, ac magnificentium nomen parant, & honestæ relaxationis cum à negotiis fessi sunt, iucundissimum leuamentum. Mirum enim quantum delectat moliri arces, muris vrbes circumdare, portus effodere, templa excitare, aut ædes regias, & cum operibus extremam manum artifices imposuerint, ea tanquam fœtus ac partus à se in lucem eductos contemplari. Est autem triplex ædificiorum genus, quædam enim necessaria sunt, quædam vtilia, quædam ad voluptatem dumtaxat comparata. De singulis breuiter paucula quædam attingemus. Atque in primis necessaria illa duco, sine quibus securitas ciuibus non constat, nec commercia tuta sunt, nec vno verbo politica munera functionesque exerceri commodè possunt. Huiusmodi proculdubio fuit murorū Hierosolymitanorum instauratio sub Nehemia, quam frustra Sanaballat prohibere conatus est, nam milites submouere se passi non sunt, sed *media pars iuuentutis eorum faciebat opus, & media parata erat ad bellum,*

*bellum, & lancea, & scuta, & arcus, & lorica, & Principes post eos in omni domo Iuda adificantium in muro, & portantium onera, & imponentium, una manu sua faciebant opus, & altera tenebant gladium, adificantium enim unusquisque gladio erat accinctus ad renes. Sentiebant enim nihil magis communiter in ciuitate viuentibus necessarium esse, quàm munitum aliquem locum habere vnde ad pugnam exirent, & quo iactati ab hostibus, quibus vndique premebantur, receptum haberent. Idem studium ædificandi ciuitatum munitiones in aliis eiusdem populi principibus fuit, nam de Salomone legimus in Paralipomenis, *Ædificauit Palmiram in deserto, & alias ciuitates munitissimas adificauit in Emath. Extruxitque Bethoron superiorem, & Bethoron inferiorem, ciuitates muratas habentes portas, & vectes, & seras, Balaath etiam, & omnes vrbes firmissimas, quæ fuerunt Salomonis, cunctasque Vrbes quadrigarum & vrbes equitum, &c. De Roboam verò eodem libro: Habitauit autem Roboam in Ierusalem, & adificauit ciuitates muratas in Iuda, extruxitque Bethlehem, & Atam, & Thecue, Bethsur quoque, & Socho, & Odollam, nec non & Geth, & Mareta & Tiph, sed & Aduram, & Sachis, & Azeca, Saraa quoque & Aialon, & Hebron, quæ erant in Iuda, & Benjamin, ciuitates munitissimas. Cumque clausisset eas muris, posuit in eis Principes, ciborumque horrea, hoc est olei, & vini: sed & in singulis urbibus fecit armamentarium scutorum, & hastarum, firmavitque eas summa diligentia, & imperauit super Iudam, & Benjamin. Porro ad voluptatem illa spectant ædificia, quæ numerat Salomon in Ecclesiaste, & quamquam à se constructa, tamen quod in eo genere nimius fuisset, ea damnat longo nimirum vltu sapientior factus, tandem**

2. Paral. 8.

3.

2. Paral. II.

5.

tandem

Ecclef. 2.
4. 10.

tandemque intelligens se in illis frustra desudasse, cum omnia ad vanitatem, & afflictionem spiritus pertinerent. *Magnificavi*, inquit, *opera mea*, *edificavi mihi domos*, & *plantaui vineas*, *feci hortos*, & *pomaria*, & *conseni ea cuncti generis arboribus*, & *extruxi mihi piscinas aquarum*, ut irrigarem sylvam lignorum germinantium, &c. Omnia, quæ desiderauerunt oculi mei, non negavi eis, nec prohibui cor meum quin omni voluptate frueretur, & oblectaret se in his quæ præparaueram. Tandem vtilia sunt quibus carere quidem Respublica potest, si tamen ea habeat, aut iis abundet, commoditatis alicuius non mediocris fructum percipit. Huius generis sunt fontes aquarumque derivationes, portus, ampliores viæ, porticus, & explicatiores plateæ aut aræ, apothecæ laxiores ad publicam annonam condendam, triticum, vinum, sal, aliaque huiusmodi, qualia fecisse Roboam paulo ante memorauimus, qualia etiam parauit Pharaon, ut hoc eodem capite infra paucis attingemus.

Quo tempore adificatio vr-genda & quorū expensis adificandum.
2. Paral.
14. 6.

2 Cæterum ædificationis vr-gendæ tempus illud aptissimum esse videtur, cum pacato Regno quies domi est ab externis tumultibus, & bellis, quod vidit Asa Rex Iudæ de quo legimus in Paralipomenis; *Edificauit quoque vrbes munitas in Iuda*, quia quietus erat, & nulla temporibus eius bella surrexerant. *Dixit autem Iuda*, *edificemus ciuitates istas*, & *vallemus muris*, & *roboremus turribus*, & *portis* & *seris*, donec à bellis quieta sunt omnia. Quibus in verbis facile quilibet animaduertit propterea Regem consilium suum Iudæ communicasse, & ad muniendas ciuitates inuitasse, ut libentius populi eam stipem erogarent, quæ ad ædificationis impensas necessaria censebatur, quod forte regium

ærarium à pecuniis non bene instructum, tanto operi faciendo par esse non posset. Porro Principibus cauendum diligenter, ne immensis, & intolerabilibus ædificationibus populos atterant, & exhauriant, à quo genere iniuriæ Nabuchodonosor non abstinuit, cui Habacuc propheta minas intentat illis verbis; *Va qui edificat ciuitatem in sanguinibus, & preparat urbem in iniquitate.* Cuius loci sententia est, Væ Nabuchodonosor impio, qui Babylonem magnificis ædificiorum structuris angustiores facit in sanguinibus, hoc est opibus per iniquitatem, & rapinam, & iniuriam in pauperes, comparatis. Quæ loquendi formula vernaculæ nostræ similis est, eorum enim qui angustas res domi habent, supellectilem, pecuniolas, & reliqua bona, sanguinem pauperum appellare cõsueuimus. Quod spectat etiam illud Ecclesiastici. *Panis egentium vita pauperum est; qui defraudat illum, homo sanguinis est:* & illud Micheæ: *Qui edificatis Sion in sanguinibus, & Ierusalem in iniquitate.* Sed Nabuchodonosore etiam durius egit Pharao cum Israëlitis, quos seruilem in modum, ad opus faciendum, intentatis etiam verberibus adigebat. *Proposuit itaque eis, vt dicitur in Exodo, magistros operũ, vt affligerent eos oneribus, edificaueruntque urbes tabernaculorum Pharaoni Phithom & Rameses. Tò Urbes tabernaculorum;* 70. *uertunt πόλεις ὀχυράς, Urbes munitas,* alij ex Hebræo *urbes conclusas,* alij *granaria, apothecas,* seu *repositoria* interpretantur, in quibus publica frumenta, oleum vinũmve reconderetur. Quæcumque tandem essent fabricæ illæ, certum est Israëlitas indignis modis habitos, & vexatos fuisse, quæ agendi ratio cauenda Principibus est, ne in se ciuium odia, aut etiam arma conuer

Habac. 1.

12.

Eccles. 34.

25.

Mich. 3.

10.

Exod. 1. 12.

3. Reg. 11.
26.

conuertant. Passus est hoc Salomon in ea seditione, quæ duce Ieroboam contra illum exarsit, de qua hæc legimus in Regum historia. *Ieroboam quoque filius Nabath Ephrataeus de Sareda, seruus Salomonis, cuius mater erat Sarua, mulier vidua, leuauit manum contra Regem, & hæc est causa rebellionis aduersus eum, quia Salomon edificauit Mello, & coëquauit voraginem ciuitatis Dauid patris sui.* Quod ut clarius intelligatur, sciendum est inter ciuitatem Dauid, & templum à Salomone excitatum, mediam fuisse ingentem quandam inter duos montes voraginem quæ Mello dicebatur. Quia ergo à ciuitate Dauid ad templum adire cupienti, aditus non patebat propter interiectam illam voraginem, aggressus est Salomon duos montes ponte vno, vel ut aliis placet, duobus iungere, quorum ædificationem sumptuosissimam fuisse necesse est, dum pilæ immensæ cuiusdam altitudinis quæ pontem fulcirent excitantur, quæ res populos offendit, quorum communibus cum Rege sumptibus opus promouebatur, & ad seditionem incitauit. Si ergo Salomon cuius sapientia miraculo erat, ac proinde maxima apud suos auctoritate pollebat, tamen ædificiorum magnis, continentibusque expensis commotos & ad arma spectantes populos expertus est, videant nostri æui Principes quid à suis timere possint, si nimium illos premere, & pecuniis in ædificia collatis exhaurire non dubitauerint.

De adificiorum regionis magnificètia.

3 Porro quia magnificum Principem esse decet, meminerit quæcumque ædificare instituerit cellitatem, & magnitudinem animi, pecuniarum suarum minimè tenacem exhibendam, ac proinde templa, portus, fora, curias, basilicas, vias publi

publicas, aquæ ductus, porticus & similia, quæ molitus fuerit; amplitudine, maiestate, descriptionis elegantia spectabilia esse debere. Præstitit hoc Salomon in templi structura, & ædium illarum, quas sibi vxorique parauisse cognoscimus ex Regum historia. Eas tres fuisse nonnulli existimant, ac propterea asserunt alteram sibi à Rege ædificatam, alteram filiæ Pharaonis quam duxerat in matrimonium, tertiam ad animi remissionem, & voluptatem instructam, quam domum saltus Libani indigitauerit. Colligi hoc videtur ex scriptura. Nam de prima dicitur: *Domum autem suam ædificauit Salomon tredecim annis, & ad perfectum usque perduxit.* De secunda: *Domum quoque fecit filia Pharaonis.* De tertia: *Ædificauit quoque domum saltus Libani.* Accedit ipsius Salomonis testimonium in Ecclesiaste, vbi ait: *Magnificauit opera mea, ædificauit mihi domos.* Verius tamen est, vnicam tantum domum à Salomone ædificatam fuisse, sed amplissimam vt magnum opulentissimumque Principem decebat, eamque tribus partibus, quasi totidem domibus distinctam, quæ aperta est scripturæ sententia. Nam dicitur in tertio Regum: *Expletis annis viginti postquam ædificauerat Salomon duas domos, id est, domum Domini & domum Regis, &c.* Itaque quemadmodum nomine domus Domini plura comprehendebantur ædificia, plurimum à se forma & magnitudine distincta, & diuersorū habitationi destinata, ita regias ædes domum appellauit, quanquam diuersæ illarum partes essent Regis, aut Reginae habitationi attributæ, quibus illa pars accedebat, quæ saltus Libani dicebatur. Par igitur est, domos Principum adeo amplas esse, vt non familiam tantum regiam

3. Reg. 7. 1.

Ibid. n. 8.

Ibid. n. 2.

Ecclef. 2.

4.

3. Reg. 9
10.

regiam capiant, sed etiam illarum pars magna habitatore vacua principibus viris si forte in Republ. nostra peregrinentur, aut eorum legatis, ut cuiusque eorum conditio postulauerit, laute, liberaliterque excipiendis relinquatur.

Nec tamen cum hæc dico, auctor Principibus fieri volo ut difficillima quædam, & quibus natura contumaciter resistit aggrediantur, cuiusmodi esset isthmi alicuius fossio, aut perfossio montium, vallium ingentium complanatio, fluviorum ex suo in alium alueum deriuatio, ne forte pro gloria quam aucupantur, stultitiæ notam incurrant, & offensionem etiam populorum, qui in tam difficili opere cum naturæ pertinacia, Reipublicæ priuatoque incommodo luctari compellantur: quæ forte causa fuit inuidiæ in Salomonem excitatæ cum Mello ædificare instituit, de quo paulo supra dicebamus. Aquarum certè ductus, & exauationes fossarum, quæ nauigiorum patientes sint, quos scriptura *fluvios diorygas* appellat in libro Ecclesiastici, aut aquæ tramites, utiles esse ciuitatibus nemo nescit, in quibus si operam suorum collocauerit, & expensas ex ætario publico suppeditauerit, rem sanè commodam princeps faciet & commendatione dignam.

4 His addendum videtur non exiguum mereri laudem eos Principes qui ædificia vetera iam fatiscencia, & ad ruinam vergentia, vel ea quæ hostium iniuria disturbata sunt, fulciunt, instaurant, reficiunt. Sic legimus Iosiam Iudæorum Regem curasse, ut pecunia quam à populo Sacerdotes collegerant, curatoribus operis reficiendi & sarcienti templi tribueretur. Scribæ enim templi in hæc verba mandauit. *Vade ad Helciam Sacerdotem*

magnum,

Ecclef. 24.
41.

De veteribus ædificiis instaurantis.

4. Reg. 22.
4.

magnum, ut confletur pecunia quæ illata est in templum Domini, quam collegerunt ianitores templi à populo, deturque fabris per præpositos domus Domini, qui & distribuunt eam his qui operantur in templo Domini ad instauranda facta tecta templi, tignariis videlicet, & camentariis, & iis qui interrupta componunt, ut emanantur ligna, & lapides de lapicidinis, ad instaurandum templum Domini. Nec impari causa dispar studium Iudæ Machabæi, qui deuicto Lysia Antiochi Epiphanis duce, Ierosolymitanum templum gentilium profanitatum contaminatione pollutum purgavit, & ubi opus erat instaurauit. Qua de re in primo Machab. libro hæc legimus. Et adificauerunt altare nouum secundum illud quod fuit prius, & adificauerunt sancta, & quæ intra domum erant intrinsecus, & adem & atria sanctificauerunt.

1. Machab.
4. 47.

De Maiestate Principis.

C A P V T XXIII.

Magnificentia Maiestatem placet subnectere, quod hæc sine illa agrè consistere possit; quodque eæ artes quibus paratur maiestas, eiusmodi sunt corporis augustior cultus, ædium, palatiorum, hortorum amplitudo, frequens corporis stipatorum, satellitum, aulicorum, magistratuum, regnique procerum corona, domus luculenta, supellex, auro, argentoque renidens, curruum, equorumque multitudo, & varietas & alia, quæ sunt generis eiusdem, largiores sumptus desiderent, quos Princeps ad rem fa-

M m

cien

ciendam attentior, minimèque magnificus facere non sustinet. Quamuis autem solidæ maiestatis fundamentum est excellens virtus Principis, quæ nullis etiam externis ornamentorum apparatumque adminiculis grato & iucundo introitu animis hominum illabitur, admirationemque ciet; quia tamen gradus ille virtutis ad paucos pertinet, extrinseca quædam adiumenta contemnenda non censeo, de quibus deinceps dicendum est.

De Principis maiestate in vestibus & corporis cultu.

I Et quidem quod ad vestes attinet, eam semper obrinuisse consuetudinem reperio, ut qui dignitatis excellentioris prærogatiua inter ceteros emerent, cultu corporis honestiore vterentur, non tantum ut facilius ab aliis dignosci possent, sed etiam ut externa illa species auctoritatem illis, & maiestatem conciliaret. Cum Rebecca filium suum dolis subornauit, ut ad Patrem accedens, Esau benedictionem acciperet, cauit etiam ne senex, cuius oculi caligauerant, atrectando, fraudem posset deprehendere; quare non tantum pelliculis hædorum, manuum, collique nuda protexit, *sed vestibus etiam Esau valde bonis*, ut loquitur scriptura, *quas apud se habebat domi, induit eum.* Tò *valde bonis*; alij teste Hieronymo legunt, *vestimenta desiderabilia*, Kaldæus *vestes mundas* interpretatus est, Septuaginta *Pulchras*. Hæ autem omnes interpretationes eodem spectant, ut scilicet explicent vestes illas pretiosas fuisse, mundas, usu non detritas, quas fortasse in Sacerdotij usum domi conditas haberet. Ut enim loco indicato docet D. Hieronym. tradunt Hebræi primogenitos Sacerdotum officio esse functos, & habuisse vestimentum Sacerdotale, quo induti

Deo

Genes. 27.
15.

In trad.
Hebr. in
Genes.

Deo victimas offerebant, antequam Aaron in Sacerdotem eligeretur. Ex quo colligimus stolam illam Esau pulchram, ac desiderabilem, insignem fuisse Primogenitorum, & Sacerdotij, ita postulante dignitatis illius ratione, ut cultu illo honestiore à cæteris fratribus, qui Sacerdotes non erant, distingueretur. Eamdem consuetudinem cultioris ornatus corporis in viris primariis indicat S. Iacobus cum ait. *Si introierit in conventum vestrum vir anulum aureum habens in veste candida, introierit autem & pauper in sordido habitu, & intendatis in eum, qui indutus est veste præclara, &c.* Cum autem vestis candida dicitur à Iacobo, non tam de colore albo videtur intelligendum, quàm de splendore ac nitore, qui in vestibus etiam alterius coloris esse solet: & fauet vox Græca, non enim dicitur ἰσθῆτι λευκῇ sed λαμπρῇ, λαμπρὸς autem splendidum, nitensque significat. Significat ergo vestes pretiosiores, nitidiores, molliores, vno verbo, eiusmodi vestes quales ferre ij solent, qui in Principum aulis versantur, de quibus Dominus dixit: *Qui mollibus vestiuntur in domibus Regum sunt.* Porro viris primariis regum amicis, cuiusmodi forte sunt Megistanes quidam, qui frequenter in aulis magnorum Principum versantur, usum purpuræ fuisse concessum legimus in scripturâ. Ita Ionathæ Alexander cuius exemplar epistolæ habemus in Machab. historia. *Rex, inquit, Alexander, fratri Ionatha salutem. Audiimus de te, quod vir potens sis viribus, & apius es, ut sis amicus noster, & nunc constituimus te hodie summum Sacerdotem gentis tuæ, & ut amicus voceris Regis (& misit ei purpuram, & coronam auream) & quæ nostra sunt senias, &c.* Et eodem libro rursus dicitur.

Iacob. 2. 2.

Matth. 11.

8.

1. Machab.

10. 20.

1. Machab. 11. 58. tur. Et scripsit Antiochus adolescens Ionatha dicens, Constituo tibi Sacerdotium, & constituo te super quatuor ciuitates, vt sis de amicis Regis: & misit illi vasa aurea in ministerium, & dedit ei potestatem bibendi in auro & esse in purpura, & habere fibulam auream, &c. Similibus honoris insignibus Simonem honestauit Demetrius, & Rex Demetrius, inquit scriptura, 14. 38. statuit illi summum Sacerdotium. Secundum hac fecit eum amicum suum & glorificauit eum gloria magna, & populo post concessisse commemorat vt operiatur purpura & auro, & utatur fibula aurea. Primarij ergo viri, qui amicorum Regis nomine censebantur, hoc illis regio priuilegio indulgente, purpura indui poterant, aureisque quibusdam ornamentis vti, quæ alioqui Regum propria esse videbantur. Ipsorum verò Regum ornamenta fuisse pretiosissima, facile sibi quilibet persuadebit, & scripturæ testimoniis pluribus probari poterit. Certè Regina illa, quam celebrans Dauid à dextris Regis astitisse ait in vestitu deaurato, vel vt est in Hebræo, in auro Ophir, quamquam vox Hebr. אֹפִיר non tantum aurum significat, sed illud cui artifices accesserunt manus, fundendo, poliendo, maculisque variorum colorum exactè pingendo & variando, nam & aliquādo pro colore accipitur in scriptura, vt cum dicitur in Threnis, Mutatus est color optimus, & apud Iob, Non conferetur tinctis India coloribus, vtroque est vox אֹפִיר. nec abludit Aquilæ interpretatio, qui vertit ἐν βάμνατι ὠφείρ in tinctura Ophir. Nisi forte vestes peregrinis coloribus imbutas intelligat, cuiusmodi illæ erant, quæ de Ophir, quæ Regio in India fuisse putatur, aduehebantur, quæ colore florido, vegeto, rutiloque magis oculis spectantibus

tium blandiebantur: celebrantur enim Scripturæ
 sacre testimonio colores Indici, ut cum dicitur
 apud Iob, loco citato. *Non conferetur tinctis India* Iob 28.
coloribus. ubi etiam in Hebræo, & Græco est *chetem* 16.
Ophir. Talis Regina Estheris, atque adeo Assue-
 ri regius ornatus, de quo ita legimus in Scriptura,
Die autem tertio (Esther) deposuit vestimenta ornatus Esther. 15.
sui, & circumdata est gloria sua, cumque regio fulgeret 14.
habitu, &c. Paulò verò post de Assuero loquens ita
 dicit. *Ingressa igitur (eadem Esther) cuncta per ordi-* Ibid. n. 9.
nem ostia, stetit contra Regem, ubi ille residebat super
solium regni sui, indutus vestibus regis, auroque ful-
gens, & pretiosis lapidibus, eratque terribilis aspectu.
 Quibus in verbis notandum vestimenta, quæ
 ornatus dicuntur, esse feræ vestes, & ad mæ-
 rorem indicandum appositæ, eas scilicet de qui-
 bus Scripturâ ita narrat. *Cumque deposuisset vestes* Esther. 14.
regias, fleibus & luctui apta indumenta suscepit. 2.
 Septuaginta *ἰσχυρία* *γενοχαρίας* *ἢ* *πένθους*, vestimenta
 angustia & luctus. Quod autem dicitur *circumdata*
gloria sua, de regio ornatu intelligendum est, quo
 eam indui oportebat, cum in publicum erat pro-
 deundum, aut cum apparendum coram Rege,
 quod tempus ipsamet appellat, *Dies ostentationis.*
 Græc. *ὁπλοχώρας* diceremus Italicum. *Nè i giorni* Cap. 14.
che bisogna, che si lasci vedere. Qui dies opponebatur 16.
 diebus, ut ipsa vocat, *silentij.* Græc. *ἡσυχίας*, quietis.
 quibus scilicet domi aut in conclavi sui gynæcei
 priuatim desidere licet. Vestes autem quibus in-
 duebatur in diebus ostentationis, Gloriæ nomine
 significantur; hoc enim nomen, nonnumquam
 in Scriptura, ad ornatum vestium explicandum,
 ex quo gloria existit, & maiestas, adhibetur. Sic
 de Nicanore dicitur in Machabæorum historia.

550 *Institutio politica ex sacris Scripturis.*

2. Mach.
8.35.

Deposita veste gloria per mediterranea fugiens, &c. Græcè τὴν δόξαν ἀπεθίμεν & ἰδῆτα, *Deposita veste gloriosa.* & eiusdem historiæ libro priore, describens auctor, quàm fœliciter cuncta Israëlitis cederent, Remp. gubernante Simone Machabæo,

1. Mach.
14.9.

post nonnulla alia commemorata. Seniores, inquit, in plateis sedebant omnes, & de bonis terra tractabant, & iuvenes induebant se gloriam. Græcè καὶ νεανίσκοι ἐνεδύοντο δόξας. Vocat δόξας, & gloriam ornatorem corporis cultum, qui gloriam quamdam maiestatemque conciliat. Quare loco indicato Estheris historiæ Assueri maiestas, quæ ex pretiosis vestibus throno Regio, vultu etiam ad gravitatem, severitatemque composito existebat, describitur, eademque vox δόξα apponitur ad maiestatem exprimendam: quod enim habemus in vul-

Esther 14.
9.

gata editione. Ingressa igitur cuncta per ordinem ostia stetit contra Regem, ubi ille residebat super solium Regni sui indutus vestibus Regiis, auroque fulgens, & pretiosis lapidibus, eratque terribilis aspectu. Cumque eleuasset faciem, & ardentibus oculis furorem pectoris indicasset, &c. Et ingressa omnes ianuas stetit in conspectu Regis, & ipse sedebat super thronum Regni sui, & omnem stolum splendoris sui induerat, totus in auro, & lapidibus pretiosis, & erat terribilis valde, & eleuans faciem suam inflammata gloria, in vigore furoris aspexit, &c. Quare Moses summi Sacerdotis vestes, quæ ad augendam muneris illius auctoritatem, & maiestatem, Dominus voluit esse ex pretiosa materia, gemmis etiã appositis ornatas, dicit esse factas in gloriam & decorem. Faciesque, inquit, vestem sanctam Aaron fratri tuo in gloriam & decorem. Cæterum quod ad rem attinet de qua agimus, non est necesse pluribus ostendere, cultum corporis in primariis viris,

ac præsertim Principibus laudabilem esse, & ad maiestatem muneri illi necessariam, accommodatum; nam præter allata loca idē aliis ex scriptura productis testimoniis confirmari possit, vt Abrahami, Iosephi, Dauidis, Danielis, Mardochæi, atque Iudithæ, & Iob, apud quem disertè dicitur. *Si habes brachium sicut Deus & simili voce tonas, circumdabitibi decorem, & in sublime erigere, esto gloriosus, & speciosis induere vestimentis.* Quali dicat, si te cum Deo summo Principe confers, quod consequens est, ornamenta etiam quæ Principatum decent, assume, gloriam scilicet prætiosarū vestium; nam & ipse Deus huiusmodi vestibus induitur, vt canit Dauid, *Domine Deus meus magnificatus es vehementer, confessionem & decorem induisti amictus lumine sicut vestimento.* Sed de Dei maiestate paulo infra. Nunc videamus, nam quemadmodum vestium pretium & ornatum laudabilem esse ostendimus in viro Principe, ita etiā gratus aliquis eorumdem vestimentorum odor arte quæ situs probari possit.

2 Sanè crediderim moderatum vsum odorum in Principe laudari posse, non tantum quia ad corporis incolumitatem prodesse potest, cum suauitate odoramentorum hominis cor delectetur, vt dicitur in Prouerbiis. *Inguento & variis odoribus delectatur cor;* sed etiam quia illorum vsum in scriptura reperio, non in molliori tantum mulierum sexu, sed etiam in viris præsertim primariis. Itaque S. Dauid cum Principem illum laudasset à multis egregiis dotibus, quæ Regem ornant, quod scilicet esset *speciosus forma præ filiis hominum, quod diffusa esset gratia in labiis illius, quod propter veritatem & mansuetudinem, & iustitiam, quam dilexisset, esset foeliciter in iis ad quæ ma-*

Genes. 24.
22. 30. 47.
53.
Genes. 41.
42.
2. Reg. 12.
20.
Dan. 5. 29.
Esther. 9.
15.
Iudith. 10.
3.
Iob 40. 4.
Psal. 103.
1.

*An odoris
vsum in
vestibus
Principis
laudabile
sit.*
Prou. 27.
9.

Psal. 44 3.

Ibid. n. 9.

nus admouisset deducendus, aliquid etiam addidit ad externum corporis cultum, de adoratis vestibus mentionem inducens, *Myrrha*, inquit, & *gutta*, & *casia à vestimentis tuis*, à domibus *eburneis*, &c. nemo autem nescit ex huiusmodi aromatis suauissimum odorem efflari. Bonus etiam senex Isaac mirificè scribitur delectatus odore vestimentorum filij sui, quem Esau esse putauit; nam statim ut sentit vestimentorum illius fra-

Genes. 27.

27.

grantiam, benedicens illi ait. *Ecce odor filij mei, sicut odor agri pleni, cui benedixit Dominus. Quam benedictionem sic extulit Kaldæus. Sicut odor incensi, ex optimis aromatibus, quæ tandem offerrentur in monte, ubi erit domus sanctuarij, siue templum cui benedixit, qui vinit in æternum.* Metaphora ergo agri pleni ad flores vel fructus referenda est: nam verè cum tellus omnis noua florum pube vestitur, tunc prata variis colorum picturis in certamen vsque luxuriant & campos omnes longè latèque violaria reddunt purpureos, ac suaueolentes. Imo ipsa tellus à cultoribus altius versata halitum quandam gratissimum emittit, ex sole conceptum, cui comparari suauitas nulla possit. Sponsæ verò in Canticis vestimentorum suaueolentia his verbis

Cantic. 4.

11.

commendatur. *Odor vestimentorum tuorum sicut odor thuris*: quod in vulgata dicitur thuris, in Hebr. est לבנון *Leuanon*, quam vocem Septuaginta retinuerunt, nam verterunt λιβανον. Quemadmodum autem apud Hebræos לבנון & thus significat, & montem etiam Libanum; ita apud Græcos λιβανον, eandem duplicem habet significationem. Nemi- ni autem mirum videri debet, si vestimentorum fragrantia cum odore Libani montis comparatur; nam par est credere, montem illum in

quo

quo plurimæ arbusculæ & frutices optimi odoris nascebantur, longè latèque gratissimum sparsisse odorem : quare eodè loco indicato subditur non post multa. *Nardus, & crocus, fistula & cinamomum* Ibid. n. 14. *cum vniuersis lignis Libani.* Ad odorem etià referri posse videtur quod Saluator Dominus Salomonis vestimenta cum liliis comparauit, non enim tantum eximius candor cōmendatur in liliis aut decens, ad modum calathi figura resupinis se per ambitum labris pandens, sed etiam odor planè admirabilis, qui ex illis efflatur, omnem post se æmulatricis artis conatum longo spatio relinquit. *Considerate*, inquit, *lilia agri, quomodo crescunt : non laborant, neque nent. Dico autem vobis quoniam nec Salomon in omni gloria sua coopertus est sicut vnum ex istis.* Quamquam illud monuerim cauendum esse in huiusmodi abusum, qui tunc accidit cum aut voluptas sensuum captatur, aut quod deterius est, cum ad luxum libidinèque refertur : quo nomine filiarum Sion curiosa licentia reprehenditur in cultu corporis & odoramentis, quibus minatur Isaias cum ait, *Et erit pro suauitate odore fœtor, & pro zona funiculus, & pro crispanti crine caluitium, & pro fascia pectorali cilicium.* Eum verò qui corporis cultum statui decorum quæsiuerit, aut odores adhibuerit, culpa vocare crediderim, imo rem honestam, & personæ quam sustinet consentaneam. In quo non satis laudari potest Reginæ Estheris, rerum humanarum, honorum, Regiisque splendoris, qui in externo elucet cultu, despicientia, quæ licet sumptuosissimis vestibus auro gemmisque illuminatis vestiretur, adeo tamen hoc vniuerso cultu non abutebatur ad superbiam, vt potius illud magna detesta-

Matth. 6.
28.

Isa. 3. 24.

554 *Institutio politica ex sacris Scripturis.*

Esther. 14. *15.* tione auersaretur. Quare Dominum alloquens. *Nosti, inquit, quia oderim gloriam iniquorum, & detester cubile incircumcisorum, & omnis alienigena.*

Tu scis necessitatem meam, quod abominer signum superbia, & gloria mea, quod est super caput meum in diebus ostentationis mea, & detester illud, quasi pannum menstruata, & non portem in diebus silentij mei, & nunquam letata sit ancilla tua, ex quo huc translata sum usque in presentem diem, nisi in te Domine Deus Abraham. Cui tantæ mulieris modestiæ si libet superbi alicuius typhum opponere, nõ alius mihi quærendus est, quàm Herodes, de quo ita

Act. 12. 21. dicitur in actis Apostolorum. *Statuto autem die Herodes vestitus veste regia sedit pro tribunali, & concionabatur ad eos. Populus autem acclamabat Dei voces & non hominis. Confestim autem percussit eum Angelus Domini, eo quod non dedisset honorem Deo, & consumptus à vermibus expiravit.* Quamuis autem præcipua tam atrocis mortis diuinitus illatæ causa ea sit, quam D. Lucas expressit, quod scilicet assentatorum voces tanquam Deum salutantium, illique gratulantium non repulisset, sed potius libens admisisset, eisque fuisset gauisus; simul tamen punitam crediderim cedonoxiam illam, quam ex regiarum vestium cultu captare studebat apud vulgus: quod sacer historicus videtur innuere, cum regiæ illius vestis mentionem facit, & expressiùs Iosephus eandem narrans historiam, cuius hæc sunt verba. *Amictus veste, tota ex argento mirabili opere contexta, qua radius exorientis solis percussa & diuinum quendam fulgorē emittens venerationem cum honore incutiebat spectantibus.* Hæc Iosephus.

3 Cæsaries etiam, & copiosior coma quibusdam

dam gentibus fuit in usu, vel ut pulchritudinem oris hilariorem redderent, vel ut augustiorem facerent. Ea etiam Principibus viris usurpata. De Absalon Davidis filio, munditiarum, & cultioris capilli studiosissimo, ita habemus in Regum historia. *Quando tondebat capillum (semel autem in anno tondebatur, quia gravabatur cum cæsaries) ponderebat capillos capitis sui ducentis siclis, pondere publico.* Hos crines puellæ Ierosolymitanæ expetebant, ut ascititiis comis, vel deformitatem regerent, vel meliore quàm essent forma spectantibus apparerent. Adde quod apud Nahum comatus, aut cæsarie promissa spectandus, Principis periphrasis est, quod fortasse eo tempore cæsaries insigne Principum esset apud Assyrios (de quibus est sermo) ut putat Ribera, ubi enim legimus *Custodes sui quasi locustæ*, quod Pagninus vertit, Maiores, Rabbi David Principes interpretatus est in librum radicum, alij verò *coronati*, versio alia Hebraicæ proprietati insistens, ita reddidit: *Comati tui locustas referunt.* Nec parum ad rem nostram aptè cum locustis facta videretur à propheta comparatio, si de eo genere locustarum sermo esset, quæ in Apocalypsi Regia quadam specie describuntur cum dicitur. *Et similitudines locustarum similes equis paratis in prælium, & super capita earum tanquam corona similes auro, & facies earum tanquam facies hominum, & habebant capillos sicut capillos mulierum.* David etiam cum sibi & Christo Domino prospera cuncta, diuinitus afflatus, ominatur, *Inimicos eius*, inquit, *induam confusione* (capite nimirum raso) qui habitus est captiuorum, atque mœrentium: contra verò, *super ipsum efflorescit, germinabit, sanctificatio mea.*

De cæsarie promissa capillo.

2. Reg. 14.
26.

Nahum 3.
17.

Apoc. 9. 7.

Psal. 138.
18.

mea. D. Hieronymus ex Hebræo, & Chaldæo, *Corona*, aut *Cæsaries*, hæc enim in vertice germinat, & in humeros diffluit, diciturque sanctificatio, quia qui Nazaræorum ritu sancti erant, diuinoque cultui per eam ceremoniam sepositi, cæsariem nutriebant. Hic ergo mos fuisse videtur æui illius, quem postea sæpius intermissum, & repetitum, nostris temporibus, ut est rerum consuetudinumque vicissitudo, iterum à quibusdam reuocatur. Sanè si rem ipsam spectemus, parum refert siue alat capillum Princeps noster, siue detonso capite malit incedere. Itaque vel eam quæ obtinet apud suos sequetur consuetudinem, vel si ea minus placuerit, nouam ipse faciet: nam quod ab illo probari senserint, alij etiam vsurpabunt, quandoquidem Principis ad exemplum, & aulæ procures, & reliqui ciues ferè componi solent.

De stipatoribus. & cohorte militum corporis custodum.

4 Ad Principis etiam maiestatem pertinet cohortes habere corporis stipatorum, qui cum prodeundum est circumfusi latera tegant, & incurrentibus periculis si fuerit opus se opponant, & & somnum etiam nocturnis excubiis muniant. Munus hoc apud Hebræorum Reges olim expleisse legiones Cerethi & Pheleti colligitur ex scriptura. Quemadmodum autem videmus nunc Principes peregrino militi, ex Heluetia plerumque aut Germania accersito, corporis custodiam credere, ita olim factitatum coniectura satis probabili, ex eadem scriptura deducitur. Nam Cerethi vel Cretenses fuerunt in Creta orti & educati, vel certè in Palæstina nati ex aduenis Cretensibus: nam quod apud Sophoniam legitur, *Ve qui habitatis funiculum maris gens perditorum*, in Hebr.

Sophon. 2.
5.

Hebr. est *Gens Cerethim*, & Septuaginta verterunt *Cretenses*. Facile autem creditu est, Cretenses nonnullos in Palæstina vixisse, & regiones præsertim incoluisse oræ maritimæ, cum ex Insula Creta in Palæstinę continentem non admodum longa sit nauigatio. Appellantur autem *interfectores* & *gens perditorum*, quod ipsi Regi essent pro lictoribus, & ad Principis iussa ad interficiendum, & ad perdendum prompti. Et hi forte sunt de quibus dicitur in Canticis. *En lectulum Salomonis sexaginta fortes ambiunt, omnes tenentes gladios, vniuscuiusque ensis super femur suum. Quamquam quod ad genus armorum spectat, quo vti sunt, eos Kaldaus interpres, arcu, sagittis & funda instruit, nam pro Cerethi & Pheleti, vertit sagittarios, & fundibularios. Eos verò lictores fuisse, videtur etiam ex eo capi posse coniectura, quod eorum dux Banaias Ioab & Adoniam iussu Salomonis interfecerit, ut in Regum historia natratur; & hi etiam forte sunt, quos Saül legitur misisse, ut custodirent Dauid, & interficerent manè. Hæ verò militum legiones, quia fidæ admodum Principi suo erant, Dauidē secutæ dicuntur, cum fugeret Abalonem. Egressusque Rex & omnis Israël pedibus suis stetit procul a domo, & vniuersi serui eius ambulabant iuxta eum, & legiones Cerethi & Phelethi, & Gethai, pugnatores validi, sexcenti viri, qui secuti fuerant eum de Geth pedites, præcedebant Regem. Quamuis autem plerique existiment Gethæos istos nō fuisse ex gente Philistinorum sed ex filiis Israël, sic autem appellatos, quod Dauid apud Regē Achis commorantem, & postea inde abeuntem persecuti essent: id tamen non admodum exploratum esse mihi videtur, nec coniecturæ quibus nituntur*

Cant. 3.7.

3.Reg.2.

1.Reg.19.

11.

2.Reg.15.

17.

Abulenſ.

2.Reg.15.

quæst. 26.

tur

Theodor.
q. 29. in 2.
Regum.

tur adeò firmæ, vt còtrarium defendi cum Theodoretò, & scholasticæ historiæ authore, aliqua ratione non possit. Eius ergo opinionis duo sunt fundamenta. Alterum, quod Dauid urbem Geth non habitaret, sed Siceleg, quod oppidum Gentiles non incolebant, sed Dauid tantùm cum suis: quare nec inde petere poterat Gethæos quos sibi adiungeret, nec verò si potuisset eos sibi adiungere sustinuisset, ne forte aliquis Regis sui damnis commotus, Dauid ad Regem Achis deferret, quod alterum est sententiæ huius firmitas: solertissima enim animi prouisione cauebat Dauid, ne cum prædas è regno Achis egisset, incursionum illarum, damnorumque auctor haberetur, vt in historia Regum legimus libro

1. Reg. 27.
9.

Et percutiebat, inquit, Dauid omnem terram, nec relinquebat viuentem virum & mulierem, tollensque oves, & boues, & asinos, & camelos, & vestes reuertebatur, & veniebat ad Achis. Dicebat autem ei Achis: In quem irruisti hodie? Respondebat Dauid: Contra meridiem Iuda, & contra meridiem Ierameal, & contra meridiem Ceni. Virum & mulierem non viuificabat Dauid, nec adducebat in Geth, dicens: ne forte loquantur aduersum nos. Cæterum pro Theodoretò, quis diceret, Gethæos illos fuisse quidem de gente Philistinorum, secutosque Ethai Gethæum, qui aliqua fortasse offensione, exilio causam dante, patrium verterat solum, operamque suam Dauidi ad bellum locauerat, aut corporis custodiam, secutosque fuerat Dauid abeuntem, nam primò ipsum Ethai Gethæum fuisse ex scriptura aperte constat, nam dixit Rex ad Ethai Gethæum, reuertere, & habita cum Rege, quia peregrinus es, & egressus es de loco tuo. Quemadmodum ergo Ethai natione Ge-

2. Reg. 15.
19.

thaus

thæus non in exercitu tantum David, sed inter
amicos etiam centebatur, ita probabiliter credi
posse alios etiam sexcentos Gethæos sub Ethai
meruisse, illiusque auctoritatē secutos, cum illo
sub David militasse. Quāvis autem David Siceleg
incoleret frequenter, tamen in aula Regis Achis
versatū fuisse, credibilēque esse, habuisse eum ibi
aliquos amicos, & factores, quamvis plures habe-
ret aduersarios, quos etiā ibi iniquos experieba-
tur, & gloriæ suæ obrectatores, quorum tandem
cessit inuidiæ, ut lib. I. Regum historiæ cōmemo-
rat scriptura, fierique potuisse, ut tanta haberet
Ethai fidelitatis pignora, ut ei, totique Gethæorū
cohorti, corporis sui custodiā credere prudenter
posset, quemadmodum Achis Dauidi se credere
constituerat, cui dixit: *Ego custodē capitis mei ponam* 1. Reg. cap. 29.
te cunctis diebus. Quam etiam alienigenarum in se
fidem in Psalmo videtur David celebrasse, cū ait:
Populus quem non cognoui seruiuit mihi, in auditu oris 5. Reg. 28.
obediuit mihi. Quæ verba de Gethæis Bellarmin. in-
telligit in eum locū. Quidquid hac de re sentien-
dum sit, ratio suadet prudenter peregrino militi
potius, quam ex indigenis collecto Regium credi
satellitium. Nam indigenarum fidelitas magis sus-
pecta esse potest quā peregrinorum, hi enim
præter sua stipendia, quæ merentur in aliena pa-
tria occasione rerum nonandarū non habent, nec
plus huic ex Regni Principibus fauent, quā illi,
cum omnibus sint æquē peregrini, & ignoti. Indi-
genæ verò, qui ex ciuibus suis alij ex aliis pēdent,
iisque aut animi propensione suapte sponte, aut
beneficiis deuincti adhærent, facilius in suspicio-
nē venire possunt, ne fortè salutem capūtque Re-
gis alicui prodant, quem regnum affectare vidēt,
aut

aut alioqui Reipublicæ alia aliqua ratione incommodare molientem. Quod verò diximus de Cerechi & Gertheis, dicendum etiam est de Phelethi; cum enim Phelethi legio cum legione Cerechi coniungatur, idem etiam illius munus fuisse credibile est, & nominis fauet etymologia: nam פֶּלֶת siue פֶּלֶת est *seligere, segregare*, ex quo fit Phelethi inde nomen nactus fuisse, quod selectorum militum manus essent ad Regis custodiam deputatæ.

De Maiestate in alijs quibusdā qua Principem circumstant, ut throno regis, &c.
3. Reg. 10.
18.

5 Spectatur etiam maiestas Principis in externis quibusdam rebus, quæ illum circumstant, cuiusmodi est thronus Regius, aut lectica, qua vehatur, & alia generis eiusdem; & Rex quidem Salomon thronum mirabili artificio perfectum ex auro, eboreque elaboratum fieri iussit, cuius descriptio est in historia Regum. *Fecit etiā, inquit, Rex Salomon thronum de ebore grandem, & vestiuit eum auro fuluo nimis, qui habebat sex gradus, & summitas throni rotunda erat in parte posteriori, & duæ manus hinc atque inde tenentes sedile, & duo leones stabant iuxta manus singulas, & duodecim leuunculi stantes super sex gradus hinc atque inde. Non est factum tale opus in uniuersis regnis. Aptè autem ad maiestatem Leones additi, quod animal propter prærogatiuam fortitudinis inter cætera facile obtinet principatum, ipsoque corporis habitu, licet arte tantum picturæ, aut sculpturæ assimulatum sit, terrorem quendam incutit, quod facit ad maiestatem. De ferculo verò Salomonis magnificentissimo ita scribitur in Canticis. *Ferculum fecit sibi Rex Salomon de lignis Libani, columnas eius fecit argenteas, reclinatorium aureum, ascensum purpureum, modica charitate constravit, propter filias Ierusalem.* Hebraicam*

Cantic. 3.
9.

braicam vocem, quam *Ferculum* noster interpretes, & cum illo cōsentientes Septuaginta φορτίον verterunt, cum semel tantum in scriptura occurrat, hoc nimirum loco: alij aliter interpretati sunt à vulgata editione, sine idonea causa recedentes. Erat igitur *Ferculum* sella quædam, aut lectica Salomonis, qua ipse Rex cum Maiestate circumferretur. Eius ferculi partes minutim scriptura describit, vt operis artificium, materiæque ex qua fuerat elaboratum, pretium ostendat, nam columellæ apſidi ſuſtinendæ, & fulciendæ, ex argento fuerunt. Reclinatorium, ſive acclinatorium, cui ſcilicet humeri, brachiæque inniterentur fecit ex auro, aſcenſum, hoc eſt ipſum ſedile ex purpura, vel, vt alij volunt, ipſum integumentum, ac lecticæ teſtudo, media autem charitate conſtrauit, rebus ſcilicet, quæ multū amantur, & magni pretij ſunt, lapidibus nimirum pretioſis, mira arte diſpoſitis; nam Septuaginta habet ἐν τῷ αὐτῷ λίθον ἔσπετε ἀγάπην, in interiore ipſius opus lapidibus conſtratum ipſam dilectionem: nam τὸ ἀγάπην poſitum eſt appoſitiuè, hoc ſenſu, quod ipſam dilectionem dixeris, adeo eſt amabile, pulchrum, pretioſum. Quinta autem edito ex lectis lapillis pretioſis ſcilicet opus coagmentatum ſignificat, ita enim habet τὸ μέσον αὐτῆς ἐν φολόγησεν medium eius electis calculis ornavit. Adeo verò præclarum hoc fuit Salomonis ferculum, vt cum eo Salomon circumferretur regio inſignis diademate, ad eum ſpectandum filiæ Sion euocarentur. Nam ſtatim ſubditur: Egredimini & videte filia Sion Regem Salomonem in diademate, quo coronauit illum mater ſua, in die deſponſationis illius, & in die latitiæ cordis eius. Videretur enim ſpectaculum admirabile

Ibid. n. 11.

simul & iucundum, Regem illum, auro purpurâque nitentem, tam eleganti & pretioso ferculo circumferri.

Ad maiestatem facere si se Princeps in loco à vulgi conspectu subducatur.

6 Sed facit etiam ad maiestatem ac reuerentiam, si se in loco & tempore Principes ab hominum vulgarium præsertim conspectu, & consuetudine subducant, ne scilicet continuus aspectus minus verendos ipsa satietate faciat, neue aliqua forte noceant vitia, quibus sine viuit nemo, quæ si frequenter in eorum oculis versentur, nullo negotio deprehendant, ac propterea minoris faciant. Maior enim summæ potestati ex longinquo venit reuerentia. Fuit quorundam mos iste Persarum, ut ne ad interius quidam Regis atrium inuocatis penetrare liceret, ne dum ad eius cœclauia, aut conspectum, proposita etiam capitis poena, iis qui legem violassent. Quare Esther Regina vel in summo populi eius periculo ad Assuerum ingredi formidabat. *Omnes serui Regis* (inquit ipsa ad Mardocheum) *& cunctæ, quæ sub ditione eius sunt, norunt* *provincia, quod siue vir, siue mulier, non vocatus, interius atrium Regis intrauerit, absque ulla cunctatione statim interficiatur, nisi forte Rex auream virgam ad eum tetenderit, pro signo clementiæ, atque ita possit viuere.* Ego igitur quomodo ad regem intrare potero, quæ triginta iam diebus non sum vocata ad eum? Hæc Regina Esther, quæ tamen cum urgente Mardocheo, ut imminens toti Hebræorum genti periculum ab eorum cervicibus depellere curaret, ausa est, Regi se sistere, sed magnitudine periculi, quod subibat, adeo commota est, ut repente corruerit, & in pallorem colore mutato lassum super ancillulam reclinaret caput. Sed non immerito videri possit alicui seuerior iusto lex ista, ut Abbati Ruperto visa est, cuius

Esther 4.
11.

Esther 15.
10.
Lib. 8. de
vict. verbi
cap. 10.

ius ista sunt verba. Cur, inquit, tanta erat difficultas adeūdi Regem? Nimirū hoc venerat ex nimia vērōsitate misere vanitatis, vt Rex magni Imperij plus homine putaretur habere aliquid, nec vilior fieret ex vsu publicæ visionis; maximēque apud Persas mos ille sancitus fuit, vt persona Regis occultaretur sub specie maiestatis. Ita Rupertus.

7 Ad Principis etiam maiestatem, si vlla res alia maximē facit, aulicorū, ministrorūque lectissimorum numerus, qui illi astent; illum comitentur, prodeuntem, redeuntemque deducant. Sic Daniel cum diuinam maiestatem, de Antichristo iudicantem describit, cum adiuncta nōnulla expressit, quæ ad Maiestatem faciunt, tum hoc de ministrantium, assistentiūque multitudine non prætermisit; *Aspiciebam*, inquit, *donec throni positi sunt, & antiquus dierum sedet: vestimentum eius candidum quasi nix, & capilli capitis eius quasi lana munda, thronus eius flamma ignis, rota eius ignis accensus. Fluuius igneus, rapidusque egrediebatur à facie eius. Millia millium ministrabant ei, & decies millies cetera millia adstebāt ei.* Throni positi sunt, maior enim auctoritas est, sanctiorque Maiestas; si Rex plures Principes circum se habeat sedentes, quàm si solus ipse sedeat. Quare in Apocalypsi præter thronū summi Iudices viginti quatuor sedilia totidē senioribus posita dicuntur, & Christus Discipulis suis pollicitus est, fore vt & ipsi *sederent super sedes duodecim, indicantes duodecim tribus Israël.* Candor etiam vestium ad maiestatem facit, Deus enim lucis candore quodammodo vestitur, vt non seinel expressit scriptura, nam à Mose dicitur Deus esse ignis consumens, & à S. David *amictus lumine, sicut vestimento; & rursus verbum*

De ministrorū numero & aula frequentia.

Dan. 7. 9.

Apoc. 4. 4.

Matth. 19. 28.

Deut. 4. 24.

- Pfal. 103. *in splendoribus sanctorum, ex utero ante luciferum genitus.* Tandemque in transfiguratione Christi vestimenta alba fuisse dicuntur sicut nix. Candor
- Pfal. 109. *verò capillorum præter æternitatem, quæ canitie significatur; maiestatem etiam sanè verendam repræsentat.* Porro thronus igneus, & totæ igneæ curruli throno subiectæ, ad eandem pertinent maiestatem augendam, ut etiam ignis ille à Dei throno, quasi fluuius erumpens, quod etiam le-
- Pfal. 96. 1. *gimus apud David, apud quem cum Dominus quasi Rex describitur præcedentis istius ignis mentio fit.* Dominus, inquit, *regnauit, exuliet terra, &c.* Et paulò post, *ignis ante ipsum præcedet, & inflammabit in circuitu inimicos eius,* tandemque additur id, de quo nunc agimus, numerum prope modum infinitum Angelorù Regio summi Principis throno astitisse, paratorum ad illius iussu capessenda, quod ad diuinam maiestatem amplificandam non mediocriter facit. Quare frequens in scripturis multitudinis istius incidit mentio,
- Iob 15. 3. *ut cum legimus apud Iob Nunquid est numerus militum eius, & super quem non surgat lumen eius?* (differitur autem eo loco de diuina maiestate, quare
- Ibid. n. 2. *& statim ante præmiserat, Potestas, & terror, apud eum est, quæ maximè ad maiestatem faciunt) &*
- Hebr. 12. 21. *apud D. Paulum cum ait: Accessistis ad Sion montem, & ciuitatem Dei viuientis Ierusalem caelestem, & multorum millium Angelorum frequentiam; & in S.*
- Apoc. 5. 11. *Ioan. Apocalypsi, Et audiui vocem Angelorum multorum in circuitu throni, & animalium, & seniorum,*
- Psal. 67. 18. *& erat numerus eorum millia millium.* Et in Psalmo, *Carrus Dei decem millibus multiplex millia letantium,* Angelorum scilicet, qui tanquam auxiliares copiæ ad Elisæum tuendum missi sunt, ne veniret
- in

in manus Regis Syriæ. Nam cum *Minister viri* 4. Reg 6.
Dei egressus vidisset exercitum in circuitu ciuitatis, & 15.
equos & currus, Elisao nunciauit, dicens. *Heu, heu, heu!*
Domine mi, quid faciemus? At ille respondit: *Noli time-*
re, plures enim nobiscum sunt, quàm cum illis. Cùmque
orasset Elisau, ait. *Domine*, aperi oculos huius ut vi-
deat. Et aperuit Dominus oculos pueri, & vidit, & ec-
ce mons plenus equorum & curruum igneorum in cir-
cuitu Elisai. Sed ut à Diuinis ad humana descen-
damus, hanc Principum virorum Regi adstandi
consuetudinem reperio apud Persas, nam in li-
bro Esther legimus Reginam Vasthi Principum
virorum consilio, qui Regi adstabant, exauctora-
tam, regno excidisse. *Iratu*, inquit, *Rex*, & ni- Esther 1.
miu furore succensus, interrogauit sapientes, qui ex mo- 13.
re Regio semper ei aderant, & illorum faciebat cuncta
consilio, scientium leges, ac iura maiorum, erant autem
primi & proximi *Charsena*, & cæteri, qui recensentur,
qui videbant faciem Regis, & primi post eum resi-
dere soliti erant. Quibus nimirum alij minoris po-
testatis & auctoritatis in Regis aula versabantur,
qui licet non semper, frequenter tamen Regi
adesse consueissent, ut eius facerent imperata, &
Maiestatem augerent, tales illi erant, qui tem-
pore conuiuij ab Assuero instructi præsidebant
mensis ut omnia decorè fierent, & citra tumultum,
qui in sacra historia Principes appellantur. Memorat
etiam scriptura in Dauidis aula com- Esther 1.
plures fuisse, ut potè sub Rege bellatore viros 8.
fortissimos, qui Regi & Regno non minus essent
ornamento, quàm præsidio. Horum verò catalo-
gus texitur in historia Regum, vbi etiam aliquo-
rum egregia facinora commemorantur Eleazari,
qui tam pertinaci spiritu, tantæque fortitudine

2. Reg. 13. contra Philisthæos pugnavit, donec deficeret manus eius, & obrigesceret cum gladio Semma, qui Philisthæos à campi lente pleni ingressu per vim prohibuit, campumque tuitus est, percussitque Philisthæos, & fecit Dominus salutem magnam; trium fortium, qui cupienti David haustum aque de cisterna, quæ erat in Bethleem, irruerunt in castra Philistinorum, & hauserunt aquam, & attulerunt ad David.
- Ibid. n. 10. Abisai, qui levanit hastam suam contra trecentos, quos interfecit: Baianæ, filij Ioiadæ magnorum operum de Cabseel, qui percussit duos Leones Moab, & ipse descendit, & percussit Leonem in media cisterna in diebus niuis, ipse quoque interfecit virum Ægyptium virum dignum spectaculo, habentem in manu hastam. Itaque cum descendisset ad eum in virga, vi extorsit hastam de manu Ægyptij, & interfecit eum hasta sua. Cæterorumque fortium, quorû nomina pergit commemorare scriptura, quæ qui volet legat loco indicato: quæ igitur Davidis maiestas cum tam fortibus, tamque multis bellatoribus stipatus incederet? sunt enim quos historia Regum nominatim recenset, omnes triginta septem. Nec minus florens aulæ regiæ status Salomone regnante, quare diligenter scriptura plures commemorat nominatim ex Principibus viris, eorumque munera quibus præpositi fuerant à Salomone.
- Ibid. n. 39. Erat autem, inquit, Rex Salomon regnans super omnem Israël, & si Principes, quos habebat Azarias filius Sadoc sacerdotis, Elioreph, & Ahia filij Sisa scriba. Crediderim scribas Regi à secretis fuisse epistolis expediendis præpositos, Regiis decretis ac diplomatis. Iosaphat filius Ahilud à cōmentarijs. Kaldæus interpretatur Præpositum super monumenta. 70. Commonefacientem. Pagninus in thesauro linguæ sanctæ
3. Reg. 4.

sanctæ , commune factorem , vel à secretis , cum
 scilicet qui Regi reuocat in memoriam negotia ,
 quæ gerenda sunt , aut qui supplices porrigit li-
 bellos. Banaias filius Ioiadæ super Exercitum, Sa-
 doc autem, & Abiathar sacerdotes. Azarias filius Na-
 than , super eos , qui existerant Regi. Qui verò fue-
 rint hi , qui assistebant Salomoni , qualèque eo-
 rum munus scriptura non exprimit. Forte fue-
 rint Regij Consiliarij de quibus alicubi mentio-
 nem faciens scriptura assistendi vocabulum vsur-
 pat. *Inij*, inquit, *Consilium Rex Roboam cum seniori-* 3. Reg. 12.
bis, qui assistebant corā Salomone patre eius, cum adhuc 16.
viueret. Pergit Catalogus ministrorum Salomo-
 nis. Zabud filius Nathan sacerdos, amicus Regis. Ami-
 cus Regis, dignitatem quandam importat , pecu-
 liarémque nomenclaturam, vt ij quos Rex eo ho-
 nore dignatus esset, Amici Regis dicerentur, vt ex
 productis hoc eodem capite testimoniis colligi
 apertè potest. Et Abisar prepositus domus, Adoniam
 filius Abdor super tributa. Habebat autē Salomon duo-
 decim prefectos super omnem Israël , qui præbebat anno-
 nam Regi, & domui eius, &c. Ex his ergo, quæ hæc-
 tenus diximus satis patet , ad maiestatem & decus
 Principis maximè facere, si selectissimos quosque
 generis nobilitate , ac præcipuè virtute apud se
 habeat in aula, quorū opera vratur , cum se se of-
 fert occasio , cuiusmodi ministros & aulicos de-
 scribere videtur Sapiens cum ait. *Vidisti virum ve-* Prou. 22.
locem in opere suo: corā Regibus stabit, nec erit ante igno- 29.
biles. Sipientis enim Principis est diligenter , so-
 lertetque inuestigare sintne aliqui , quorum exi-
 mia sit laus in bellicis , vrbaniſue rebus tractan-
 dis, eūque aulæ suæ tanquam præcipuum quod-
 dam decus adiungere.

Num. 1.
 Machab.
 10. 20. &
 11. 58. &
 14. 38.

568. *Institutio politica ex sacris Scripturis.*

De titulis
Principū.

1. Machab.
1:11.
2. Mach.
4:7.

8 Sed tituli etiam Principum aliquid conferunt ad maiestatem, ideoque aut à populis suis Principibus pro virtutis modo impositi, aut ab ipsis ambitiosius etiā, quā par fuisset, affectati. In sacris literis Antiochus Syriæ Rex appellatur *Illustris & Nobilis*, Græcè ἐπιφανὴς *Epiphanes*, quod idē significat; qui tamen ob insanū in veros Dei cultores furorē, sordidissimāsque cum quibuslibet helluationes & scortationem ἐπιμανὴς, hoc est *furens*, seu *insanus* veriùs appellatus est. Sic alij Syriæ Reges à titulis cōmendationem quæsiuēre, nam & νικᾶντες & σωτῆρες, & καλλίνικοι, & κεραινοί, atque adeo Deo nuncupati sunt. *Victores* scilicet, *hominum seruatores*, *illustrum victoriarum reportatores*, *Fulmina*, *Dij*. Sed Antiochum illum Epiphanem optimè in eum conueniente epitheto sacra Machabæorum historia decorauit; quia enim plurimorum peccatorum fuerat causa, quæ ab illo auctore, quasi à radice exorta sunt, propterea eum *Radicem peccatricē* indigitauit, vt vel hinc appareat, quā diuersa inter se sint hominum, Deique iudicia; nam quos homines honorificentissimis cumulant titulis & laudibus attollunt ad sydera, eos Deus tanquam ignobiles despicit, abiicitque iuxta id, quod Samueli dixit Dominus; *Quicumque glorificauerit me, glorificabo eum; qui autem contemnent me, erunt ignobiles*. Faciunt ergo tituli ad maiestatem, si verè Principi conueniant, non adulatoria assentatione sint inditi, ad scalpendas Principis aures. Quare magnus ille Princeps, qui cum in forma Dei esset, *parvulus tamen nasci dignatus est*, cuius Principatus super humerum eius, tanto ante ab Isaia titulorum præconio, quibus olim esset ornandus, celebrari vo-

Isa 9.6.

luit,

luit, *Vocabitur*, inquit, *nomen eius Admirabilis, Consiliarius, Deus, Fortis, Pater futuri sæculi, Princeps pacis*. Et inter mortales rerum gestarum magnitudine & claritate Principes aliqui Magni nomē sibi pepererunt, ut Alexander Macedo, cuius mentio est in ipso statim limine Machabæorum historiæ, in qua licet magnus non dicatur, ita tamen à bellica fortitudine, reportatisque victoriis cōmendatur, ut hoc nomine non indignus, ipsius sacræ Scripturæ testimonio censeri possit. *Et factum est*, inquit, *postquam percussit Alexander Philippi Macedo, qui primus regnavit in Græcia, egressus de terra Cethim, Darium Regem Persarum, & Medorum constituit prælia multa & obtinuit omnium munitiones, & interfecit Reges terra, & pertransiit usque ad fines terra, & accepit spolia multitudinis gentium, & siluit terra in conspectu eius, & congregavit virtutem, & exercitum fortem nimis, & exaltatum, & eleuatum est cor eius, & obtinuit regiones gentium, & Tyrannos, & facti sunt illi in tributum, &c.* in sacris etiam litteris ex Principibus aliqui Magni dicti sunt ut Iob. *Eratque vir ille magnus inter omnes Orientales*. ut etiam Salomon, quem Regum historia docet *Magnificatum fuisse super omnes Reges terra, dinitiis, & sapientia, & uniuersam terram desiderasse vultum eius*. imo in libro Ecclesiastæ, prædicat Salomon de se ipso, *Magnus effectus sum*. Et Dauidi exprobrat Nathan propheta, ita Deo iubente. *Feci tibi nomen grande, iuxta nomen magnorum, qui sunt in terra*. Et Moyses etiam valde magnus dicitur in Exodo. *Fuit, inquit, Moyses vir magnus valde in terra Egypti coram seruis Pharaonis, & omni populo*. Quod etiam testatur Ecclesiasticus, cum ait: *Dilectus Deo & hominibus Moyses, cuius memoria in benedictione est*.

Ibidem.

1. Machab.

1. 1.

Iob 1. 3.

3. Reg. 10.

23.

Ecclef. 1.

16.

2. Reg. 7.

5.

Exod. 11.

3.

Ecclef. 45.

1.

370 *Institutio politica ex sacris Scripturis.*

similem illum fecit in gloria sanctorum, & magnificauit eum in timore inimicorum, & in verbis suis monstra placauit. Glorificauit eum in conspectu Regum, &c.

Ibid.n.7.

Aaron etiam Moïsis frater Excelsus dicitur. *Excelsus*, inquit, *fecit Aaron fratrem eius, &c.* Sed ista ad virtutem potius & promerita, quàm ad cognomina spectare quis dixerit. Illud sine dubio à re in Ægypto foeliciter & salutariter gesta Iosepho Iacobi filio à Pharaone cognomentum, siue no-

Genes. 41.
45.

men impositum est, quod in Genesi legimus, *Veritque nomen eius, & vocauit illum lingua Ægyptiaca, Saluatorem mundi*, quod nimirum imminens toti Ægypto à fame exitium prouidentia sua, anteuertens depulisset, totque hominum Myriadas saluas fecisset. Voluit enim Pharaon ad cætera ornamenta, & insignia quibus Iosephum magnificè

Genes. 41.
42.

ornauerat (nam tulit annulum de manu sua, & dedit illum in manu eius, vestiuitque illum stola byssina, & collo torquem auream circumposuit, fecitque eum ascendere super currum suum secundum, clamante pracone, ut omnes coram eo genu flecterent & prepositum esse scirent uniuersa terra Ægypti) hoc etiam addere, ne quid ad viro Principi, & in aula Regia post Pharaonem secundo, maiestatem conciliandam desideraretur.

Cur Saul
iam Rex
Israëlis
creatus, cõ-
tra quam
postulat
sãmi Ma-
gistratus
maiestas,
boues secu-
rus fuerit.

9 Sed priusquam huic de maiestate dissertatio-
ni finem imponam, dispiciamus, quid Sauli ve-
nerit in mentem, ut postea quam publica populi
totius electione ad Regni gubernacula admotus,
faustisque acclamationibus salutatus, ritùque so-
lemni inauguratus fuerat Rex à Samuele, depo-
sito regali sceptro agrestem aratri stiuam repete-
ret, rusticoque operi intentus terram versare, re-
giàmque maiestatem ad tam vilia ministeria ab-

iicere

iicere non erubesceret, aut Religioni duceret.
 Historiæ seriem habemus in libris Regum, nam
 cum Naas Ammonites duris admodum condi-
 tionibus Israëlitis pacis ineundæ spem fecisset, si
 nimirum singuli dextro lumine se paterentur or-
 bari, *Venerunt nuntij in Gabaa Saulis, & locuti sunt* 1. Reg. 11.
verba hæc, audiente populo, & leuauit omnis populus 4.
vocem suam, & fleuit, & Ecce Saul veniebat sequens
boves de agro. Crediderim Saulem multis è popu-
 lo repugnantibus illiusque imperium detrectan-
 tibus, in priuatæ fortunæ officiis adhuc aliquan-
 tis per hærare, consultum esse putauisse. *Filij enim* 1. Reg. 10.
Beſial dixerant. Num saluare nos poterit iste? Et despe- 27.
xerunt eum, & non attulerunt ei munera, ille verò dis-
ſimulabat se audire. Prudenter nimirum expectans
 donec inuidiæ desideret feruor, quo eorum co-
 quebantur pectora, qui hominem ex abiecta con-
 temptaque conditione ad Regni claritatem re-
 pente emerſiſſe, æquo animo ferre non pote-
 rant, nisi forte populo regiam purpuram, lictor-
 um secures aut gladios, aulicorumque frequen-
 tiam spectare nondum aſſueto, non fuerunt iſta
 repente oculis inuidioſè ingerenda, præſertim
 poſt tam inſignem modestiam Iudicum, qui Rem-
 publicam ad id vſque temporis clementi admo-
 dum imperio, nulloque potentiæ oſtentandæ ap-
 paratu, Iſraëli vniuerſo iura dederant. Tales cum
 alij fuerunt, tum Sangar filius Anath, qui vt erat
 ad ruris opera ſuccinctus vomere in reli vſum
 conuerſo ſexcentos obtriuuit Philiſtæos, vt dici-
 tur in historia Iudicum, *Post hunc, inquit, fuit* Iud. 3. 31.
Sangar filius Anath, qui percuffit de Philiftiim ſexcen-
tos viros vomere, & ipſe quoque defendit Iſraël. Poſtea
 verò quam Saul ruſtico opere attritis manibus,
 ſibi

1. Reg. 11.

2.

sibi pariter regnum, Reipublicæque salutem stabilivit, ingentibus hostiū copiis pessumdatis, illustrique victoria reportata, maiori auctus apud populum existimatione, *nam dixit Populus ad Samuelem, quis est iste, qui dixit, Saul non regnabit super nos? Date viros, & interficiemus eos*, ad regni tractanda gubernacula quietus assedit, populoque quem malis fessum ad certam salutis spem erexerat, ius dicere pro officio ita instituit, vt ad ruris opera non amplius reuertisse memoretur.

*De temperantia Principis in cibo,
potu, & somno.*

C A P V T X X I V .

DE temperantia in capiendo cibo, potuque aliquid Principibus præscribere ita necessarium puto, vt frequens in eorum aulis est mensarum abusus conquistissimis epulis, regia sumptu instructarum, à quibus vtinam semper abesset luxuria, quæ immanibus paratas sumptibus escas, conchilia, pisces, auiculas peregrino aliquo gustu commendabiles, ex longinquo etiam accersere adeo non veretur, vt huiusmodi gulæ irritamenta, Principe dignas, ac tantum non necessarias lantitias esse putet: in quo si pecuniarum tantum esset profusio, ferendum esset fortasse malum in hominibus abundantibus, celsiorisque fortunæ; sed cum etiam corpora hisce corrupta deliciis, morbis tententur, sitque in Principe viro sanitatis aut vitæ iactura, non ipsi dumtaxat, sed toti etiam Reipubl. perniciofa,

quæ

quædam ex sacris litteris more nostro delibanda sunt, quibus si fieri possit, peruersitas ista corrigatur.

I Ac primò illud statuendum est, naturam pau- *Naturam*
cis, parabilibusque cibis esse contentam, nam vt *paucis pa-*
ait Ecclesiasticus, *Initium vite hominis aqua, & pa-* *rabilibusq;*
nis, & vestimentum, & domus protegens turpitudinem. *cibis con-*
tentâ esse.
Quod idem docuit D. Paulus cum ait, *Habentes* *Ecclef. 29.*
alumenta, & quibus tegamur, his contenti simus. *Quod* *28.*
si cui videtur hæc disciplina astrictior, quàm vt *1. ad Tim.*
homini elegantiori præscribi debeat, aliquid *6.8.*
amplius cum eodem Ecclesiastico indulgeamus.
Initium, inquit, *necessaria rei vite hominum, aqua,* *Ecclef. 39.*
sal, lac & panis similagineus, & mel & botrus vna & *31.*
oleum, &c. Illud tamen meminerimus Parabile &
expositum esse, quod natura desiderat, nec vt id
alleguamur quod sat est, necesse esse tentare in-
aria, aut tanto labore ac periculo saltus, syluas-
que peruadere. Ac primis quidem illis verè au-
reis sæculis nascētis mundi homines saltem pie-
tatis sectatores à carne abstinuissent scimus, frugi-
búsque dumtaxat & pomis victitasse, quæ vel
sponte, vel cultu prouocata gignebat tellus, vel
quod, vt aliqui putant, Dominus in vniuersum
carnium vsum vetuisset, vel, quod verisimilius est,
quia sua ipsi sponte carnes non attingerent. Qua-
re Dominus post cataclysmum cum herbarum,
frugumque virtus aquarum eluuione facta esset
hebetior, & ad corpora enutrienda minus ido-
nea, sibi non ingratum fore significauit, si carni-
bus deinceps æquè ac oleribus pascerentur. *Et* *Genes. 9.3.*
omne, inquit, *quod mouetur & viuit, erit vobis in ci-*
bum, quasi olera virentia tradidi vobis omnia. Quam-
uis autem facta sibi potestate homines non inui-

- ti vñ sint, exiguo tamen gustu rerum parabilium, famem sitimque sedare soliti fuerunt; ex quo factum est, vt cum alicui etiam lautiores epulæ appararentur, recepta tamen sacrarum litterarum phrasi panem comedisse, & aquam bibisse dicatur, vt antiquæ frugalitatis vestigia, si non in mensis, saltem in loquendi formulis resideret, vt
- Genes. 43. cum dicitur in Genesi de filiis Iacob. *Illi verò parabant munera, donec ingrederetur Ioseph meridie, audierant enim, quod ibi comesturi essent panem.* Fuisse autem illud conuiuium satis ex eo apparet, quod
- Ibid. n. 34. Ioseph Benjamin fratrem suum melioribus missibus honorauit, & ex aliis eius historiæ adiunctis apparet. Sed res in scripturis vel mediocriter versatis clarior est, quàm vt pluribus exemplis explicanda sit. In ipsis porro conuiuiis etiam procerum & Megistanum, cuiusmodi proculdubio erat Abrahamus, nullæ cupediæ, aut scitamenta, nullæ ganeatorum ciborum deliciæ, quæ in tam opulenta domo, si ita obtinuisset vsus, non defuissent, sed omnia simplicia describuntur, ita enim
- Genes. 18. legimus in Genesi. *Festinauit Abraham in tabernaculum ad Saram, dixitque ei. Accelera, tria sata simila commisce, & fac subcinericios panes; ipse verò ad armentum cucurrit, & tulit inde vitulum tenerimum, & optimum, deditque pueri, qui festinauit, & coxit illum. Tulit quoque butyrum & lac, & vitulum quem coxerat, & posuit coram eis.* Paucis ergo, quod initio dicebamus natura contenta est, nec est creditor molestus, paruoque dimittitur, si modò illi quod debemus tantum dare inducamus in animum, non quod possumus, aut impotens voluptas suaserit, cui dum homines intemperantius parent, plurima sibi accersunt incommoda.

*Ciborum
multitudi-
nem vale-
tudini in-
comodare.*

2 Ac primò quidem sanitas euertitur, quam simplicium ciborum vsus tuetur, saporum autem aceruatio, & varia cōdimenta corrumpunt. Conuiuio omnibus rebus apparatissimo, instructissimoque Assuerum, & Aman exceperat Regina Esther, vt in illius historia legimus. Nam cum se Assuero Regina stitisset. *Quid vis*, inquit Assuerus, *Esther Regina?* At illa respondit: *Si Regi placet, obsecro, ut venias ad me hodie, & Aman tecum, ad conuiuium quod parauit. Statimque Rex, Vocare citò Aman, vt Esther obediat voluntati. Venerunt itaque Rex & Aman ad conuiuium, quod eis Regina parauerat. Dixitque ei Rex postquam vinum biberat abundanter, Quid petis vt desur tibi, &c.* Non igitur mirum si Rex vino languidus, ciboque confectus, *Noctem illam duxit infomnem*: nam cum assis elixa miscentur, turdis pisces, & conchylia, cum dulcibus tragematis, quæ in bilem versantur, stomachus oneratur, mirum non est si tanta dapium varietate distentum corpus, partem vllam quietis capere non potest; ideo Salomon, *dulcis*, inquit, *est somnus operanti siue parum siue multum comedat, saturitas autem diuitis non sinit eum dormire.* Ita enim experientia docet eum, qui diuino labore corpus exercuit, vbi cibo fessas restituit vires, lectuloque fatigata membra composuit, arcto illum teneri somno, moxque sopore curato corpore; surgere vegetum, vt intermissa reperat munia: qui verò temperantiæ modum excedunt eos, vinolentiæ, & cruditate quiete prohiberi, & cum mane consurgunt, ventriculi, aluique conuulsione lancinari, nec priusquam edormierint crapulam, rebus agendis aptos esse posse. Idem docet Ecclesiasticus, *Vigilia*, inquit, *cholera & torinra viro infrunito*: 23.

Esther 5.
3.

Esther 6.
1.

Eccles. 5.
11.

Eccles. 31.

somnus

somnus sanitatis in homine parco. dormiet usque mane, & anima illius cum ipso delectabitur. Virum infrumtum Ecclesiasticus eum appellat, qui insaturabili ingluvie plus ingerit cibi quam possit concoquere. Quare in Græco est ἀπλήρης inexplēbili. Quod verò dicitur anima illius cum ipso delectabitur, in Græc. est, ἡ ψυχὴ αὐτοῦ μετ' αὐτοῦ. *Anima eius cum ipso.* Nam ij quorum ars ventris sagina est, nec viuere possunt diu, nec sani esse, animusque eorum nimio sanguine & adipibus quasi luto inuolutus, vt vigilans nihil tenue, nihil celeste, sed semper de ventris cogitat ingluvie, ita cum somno sopitus est, immoderato pastu, potuque obstupefactus, absurdis iactatur insomniis, vt meritò mentis humanæ sit expers; cum è contra hominis parcè, continenter, seuerè, sobrièque viuētis somnia iucunda esse soleant, vt cum expectectus illorum meminerit, & inter dormiendum etiam,

Luc. 8 43.

quod dicit Sapiens; *anima illius cum ipso delectetur.* Hinc opulētis etiam viris, aliquando accidit quod mulieri hæmorrhoidis euenisse ex Euangelica discimus historia, quæ erat in fluxu sanguinis ab annis duodecim, & in medicos erogauerat omnem substantiam suam, nec ab ullo potuerat curari, sed citius multi breuiore tempore cum morbo colluctati illius violentia absumuntur. Quare Ecclesiasticus. *Noli,*

Ecclef. 37.
32.

Periculo-
fio-
riorem esse
intemper-
tiā in viro
Principe.
quia ex il-
lius vita
plerumque
pendet pu-
blica quies.

inquit, auidus esse in omni epulatione, & non te effundas super omnem escam, in multis enim escis erit infirmitas, & auiditas appropinquabit usque ad choleram. Propter crapulam multi obierunt, qui autem abstiniens est, adiiciet vitam.

3 Cum ergo, vt idem Ecclesiasticus tradit, *Nulla diuitia meliores sint sanitate corporis, & vita, pro qua tuenda, vt dicitur in libro Iob Pellem pro pelle,*

le, & cuncta quæ habet homo dabit pro anima sua, id est, artum pro artu (vt habet Kaldæus) exponendo scilicet vt natura docet brachium v.g. pro capite, vt cum partis iactura totum corpus & vita conseruetur (nam de pecuniis dubium esse non potest, quin morbis tentati eas largè effundere parati sint, cuncta melior sit pauper sanus, & fortis viribus, quàm dives imbecillus, & flagellatus malitia, & melius sit corpus validum quàm census immensus.) Prudentia docet omni ope nitendum esse, vt sanitas conseruetur, Principibus præsertim viris, in quorum vita totius Reipubl. salus interdum periclitatur, vt v.g. cum nulla mascula prole suscepta in ipso iuuentutis flore Princeps extinguitur, quod Alexandro Macedoni accidit, qui cum Macedonum arma tota Asia circumtulisset, æternumque bellica virtute decus sibi suisque peperisset, Decedit in lectum, & cognouit quia moreretur, & vocauit pueros suos nobiles qui secum erant nutriti à iuuentute, & diuisit illis Regnum suum cum adhuc viueret, & regnavit Alexander annis duodecim & mortuus est, & obtinuerant pueri eius Regnum unusquisque in loco suo, & imposuerunt omnes sibi diademata post mortem eius, & filij eorum post eos annis multis, & multiplicata sunt mala in terra. Nam incitati cupiditate regnandi mutuis se se bellis impetiuerunt, mutuisque attriti cladibus regnum in multas distraxerunt, aut verius lacerauerunt partes, cum multis hominum myriadibus concisis totam Asiam funestassent. Quod si Alexandro diutius vitam prorogare licuisset, legitimique iure thori sibi adiunxisset uxorem, & ex ea liberos suscepisset, regia stirps iure hæreditario venisset ad Regnum, ciuiliùmque bellorum inter Alexandri duces causa subla-

Eccles. 30.

14.

Ibid. n. 15.

1. Machab.

1. 6.

2 Reg 21.
17.

ta fuisset, quod inter ipsos sæuum sanè ac diuturnum exarsit, inque morem flagrantissimi incendij Asiam vniuersam populatum est. Quare prudenter Israelis duces cum David proxime abfuisset à mortis periculo, vetuerunt illum amplius in aciem descendere, ne si forte in bello caderet, clades illa non tam Regem ipsum, quàm Regnum vniuersum affligeret. Tunc iurauerunt, inquit scriptura, *virī David, dicentes: Iam non egredieris nobiscum in bellum ne exstinguas lucernam Israël.* Cum igitur Princeps non sibi tantum sed Reipubl. viuatur, ne suo vitio detrimenti aliquid capiat, diligenter cauere debet.

Vitam eorum qui voluptatē in cibis querunt, nō esse volupuosam. In tract. primo quod nemo læditur nisi à se ipso.

4 Nec verò existimandum est, quod falsò putant aliqui, vitam eos viuere iniucundam, qui intempestiuis abstinēt conuiuiis, senerioreque victus disciplina cupiditates regentes & vbi opus sit coërcētes, multa sibi negant, cum potius iucundior multo sit & hilarior. In quo argumento tractando aurea sua illa eloquentia egregiè versatur D. Chrysostomus, quibusdam ex sacra Scriptura productis testimoniis vel exemplis: cuius verba, quia ad rem nostram faciunt & ex iisdem fontibus argumenta deriuat, vnde & nos nostra depromimus, dare non pigebit. Ac primùm si

„ placet, inquit, diuitum mensas, inopumque per-

„ pendamus, & conuiuas percontemur, vtri maxi-

„ mè liquidam ac germanam percipiant volupta-

„ tem, an qui ad inclinatum iam in occasum diem

„ in stratis decumbunt, prandia cum cœnis iun-

„ gunt, ventrem distendunt, sensus habent, in-

„ genti epularum pondere nauigium obruunt ac

„ deprimunt, illudque tanquam in naufragio cor-

„ poris demergunt; compedes, manicas, linguæ

im

impedimenta moliuntur, totumque corpus ebri-
tatis illo deliciarum vinculo constringunt catena
ferrea grauiore? qui non sincerum capiunt, non
verum somnum, non horribilibus liberantur som-
niis & furentibus miseries? qui dæmonem vl-
tro quemdam in animum admittunt, famulorum
turbæ risum mouent, vel tragædiam potius exci-
tant, lacrymarumque causam modestioribus præ-
bent? qui nihil intelligunt rerum humanarum,
non dicere quidpiam valent, non audire sed ra-
ptim ad cubile ex mensa feruntur? An non vera
voluptate perfunduntur, qui animo semper ex-
cubant, languore omni abiecto, atque desidia,
qui modum necessitate metiuntur, secundis
ventis vtuntur in cursu, cibi, potionisque con-
dimentum & voluptatem in fame ac siti sibi ma-
ximam ponunt? nihil enim æquè tum voluptati
tum valetudini conducit, atque esurgentem, ac
sitientem, quæ sint apposita & parata contin-
gere, satietatem in vna necessitate collocare, ne-
cessitatis fines non transilire, neque corpori ma-
ius onus imponere, quàm vires ferant. Quod si
hæc minus mea tibi persuadet oratio, vtrorum-
que corpora, & singulorum animos explorato.
Neque mihi quod raro accidit, ac si qui altera
quapiam de causa minus valent, adducas; sed ex
iis, quæ perpetuo frequenterque contingunt sub-
ducito rationes. Nonne firma sunt illorum cor-
pora, qui moderatum adhibent cibum, & sensus
integri, quique suo facillimè funguntur officio?
aliorum verò enervata, languida, cera ipsa mol-
liora, & morborum turba circumfessa? Etenim ad
illos podagræ illico volitant, tremor membro-
rum intempestius, senectus immatura, capitis

„ dolores, neruorum distensiones, ac dissolutiones,
 „ stomachi vitia, cibi fastidium, assidua medicorum
 „ opera indigent, assiduis medicamentis, quotidiana
 „ curatione. Istane sunt obsecro voluptatis? quis
 „ hoc tandem dixerit modo norit, quid sit volu-
 „ ptas? tunc enim oritur voluptas, cum praeunte
 „ cupiditate sequitur illud, vt re concupita fruaris.
 „ Quod si fruaris nullo tamen appetitu, voluptas
 „ omnis pereat, & euanescat necesse est. Propterea
 „ sanè etiam ægroti quàm lautissimos cibos appo-
 „ sitos ita degustant vt nauseare, turbarique vi-
 „ deantur, quoniam abest desiderium, quo fit vt
 „ cum iucunditate potiamur: neque enim cibi,
 „ potionisque natura, sed vescentium apparentia,
 „ cupiditatem parere, & voluptatem efficere con-
 „ suevit. Quo circa vir ille sapiens, qui ea optimè
 „ norat, quæ pèrtinent ad voluptatem, & de iis
 Prou. 27. præclare disputare poterat, aiebat. *Anima satiata*
 7. *fauis illudit.* Quibus verbis ostendit, voluptatem
 „ non natura mensarum, sed eorum, qui comedunt
 „ affectione contineri, quapropter etiam vates cum
 „ res illas admirabiles, quæ tum in Ægypto tum in
 „ solitudine acciderant, recenseret, id quoque in-
 „ ter alia commemorauit videlicet *ex petra melle sa-*
 Psal 80. *surauit eos.* Atqui petram melle manasse nusquam
 17. legitur; quid est igitur, quod ait? Nimirum quo-
 „ niam labore confecti fessi de via, siti ingenti ene-
 „ cti, aquam gelidam nacti sunt, cum sitim pro
 „ magno quodam haberent condimento, cumque
 „ aquarum illarum propheta vellet iucunditatem
 „ ostendere, mellis nomine aquam vocauit, non
 „ quod esset in mel aquæ natura conuersa, sed quod
 „ voluptas aquæ, cum dulcedine illa certaret, quod
 „ que illi sitientes aquarum in quas inciderant po-
 tiren

titentur. Cum igitur ita se res habeat, nec ullus, ,
 vel sensus totius expers quidquam possit obiice- ,
 re, nonne perspicuum est liquidam, synceram, ,
 ingentem ex pauperum mensis manare volupta- ,
 tem, ex diuitum verò epulis fastidium, satieta- ,
 tem, fœditatem, atque adeo (vt sapiens ille vir ,
 ait) res etiam iucundas videri fastidiis adhæresce- ,
 re? Hactenus Chrysostomus.

Sed voluptariorum hominum quantumvis
 opulentorum propterea etiam minor est volu-
 ptas, quod minus diuturna; cum morbos conci-
 liet intemperantia, ægrotique medicorum præ-
 scripto iis cibis arceantur, qui licet palato sa-
 pient, integrisque concedi soleant, tamen quia
 valetudini noxijs esse censentur, decumbentibus
 concedi minimè solent. Rem eleganter expressit
 Ecclesiasticus, nam cum dixisset: *Melior est mors*, Eccles. 30.
quàm vita amara, & requies aterna, quàm languor 18.
perseuerans; addit, *Bona abscondita in ore clauso, quasi*
appositiones epularum circumposita sepulchro. cuius di-
 cti priorem partem ita habemus in Græcis Co-
 dicibus, ἀγαθὰ κεχυμένα ἐπὶ στόματι κεκλεισμένῳ, id
 est *bona effusa, ori clauso*, quod scilicet clausum ægri
 sit os, vel propter stomachi auersantis nauseam,
 vel quod seueriore medicorum disciplina cibis
 expleri prohibeatur, si sanitatem recuperare ve-
 lit. Cum verò dicitur, *quasi appositiones epularum*
circumposita sepulchro, alluditur ad veterum morem,
 qui extinctorum hominum sepulchris appone-
 bant epulas, quibus licet viuentes, qui vt mortuo
 parentarent, huic supremi dici celebritati intere-
 rant, vesci possent, tamen mortui ipsi epularum
 tilarum prorsus essent expertes. Porro veteris il-
 lius consuetudinis, etiam Baruch meminisse vi-

- Baruch. 6.
31. detur cum ait, *Rugiant autem clamantes contra Deos suos, sicut in cœna mortui.* Pergit Ecclesiasticus: *Quid proderit libatio idolo? nec enim manducabit, nec odorabitur.* Alia est elegantissima similitudo eodem pertinens. Quemadmodum enim dapes & libationes idolis appositæ, ab iis non tanguntur, nec ipsa eis ad pastum uti possunt, quippe, quæ vita & sensu carent, ita cibi quantumlibet suaues & exquisiti ægrotantibus frustra apponuntur, cum vis morbi anorexiam fecit, aut medicorum dogmata illis interdiciunt. Est autem similitudo hæc ut superior ex veteri libationum, sacrificiorumque ritu; quæ idolis offerebantur consuetudine petita, cuius cum multa sunt in scriptura testimonia tum eximium apud Dānielem, cuius hæc verba sunt; *Erat quoque idolum apud Babylonios nomine Bel, & impendebantur in eo per dies singulos simile artaba duodecim* (mensuræ genus est, continentque singulæ artabæ sextarios septuaginta duos) *& oves quadraginta, vinique amphora sex.* Cuius idoli Sacerdotes Regis, populorumque simplicitati imponentes, quasi Bel ea omnia voraret, mendacij coarguit Daniel, quod cum Bel intrinsecus luteus esset, & forinsecus areus, non comedisset aliquando. Pergit Ecclesiasticus. *Sic qui effugatur à Domino & portans mercedes iniquitatis. Qui effugatur à Domino, in Græco cōtextu est, ὁ ἐκδιωκόμενος & τὸ ἐκείνου, id est, qui persecutionem patitur à Domino, aut quem Dominus persequitur & infestat.* Aliquorum enim peccata Dominus ægritudinibus immixtis vindicat. Quare idem Ecclesiasticus ait: *Qui delinquit in conspectu eius, qui fecit eum, incidet in manus medici.* Et Dominus ei, quem sanauerat ad probaticam piscinam. *Ecce sanus factus*
- Dan. 14. 2.
- Ibid. n. 6.
- Eccles. 30.
20.
- Eccles. 38.
15.
- Iob 5. 4.

es, iam noli peccare, ne deterius tibi aliquid contingat. Tandem tertiam similitudinem addit Ecclesiasticus cum ait. *Videns oculus & ingemiscens sicut spado complectens virginem & suspirans*, cui tamen propter concubitus impotentiam optata voluptate frui non licet. Ex quibus liquidissimo apparet eam quam voluptarij homines in epulis venantur voluptatem, minimè diuturnam esse, cum morbis voluptatum cursum intercipientibus, non conquisitis tantum palati irritamentis, sed communibus etiam benevalentium cibus (ita vi morbi postulante, quæ ingestis cibus naturam sæuius depeculatur, atque depascit) carere coguntur.

Eccles. 30.
21.

§. Sed nulla est turpitudine, quæ fœdior sit, aut plura importet incommoda, quàm ebrietas, de qua cum multa sint in sacris litteris, tum locus sanè insignis est in Ecclesiastico: *Diligentes*, inquit, *in vino* (id est vinum amantes, potatores) *noli prouocare*, in Græco est, *ἐν οἴνῳ μὴ ἀνθρίσκειν*, id est ne coneris in vino epotando tuam ostentare strenuitatem, laudem scilicet ex eo quærendo, quod ingentes calices exhaurire possis, ne in te quadret illud Isaïæ. *Va qui potentes estis ad bibendum vinum, & viri fortes ad miscendam ebrietatem*. Pergit Ecclesiasticus: *Multos enim exterminavi vinum*. cum enim largius ventriculo infunditur, nec stomachi robore vincitur & edomatur, cor inuadit & cerebrum, totumque corpus concutit, & rationis usum adimit, morbisque materiam ac pabulum præbens, sanitatem prorsus enerrat: *Ignis probat ferrum durum, sic vinum corda superbarum arguit in ebrietate potatum*. Quemadmodum ignis & tinctura, βαφή, ferri aciem, & fortem temperaturam ῥόμωμα (Italicè dicimus, *la tempera*) & probat

De incommo-
perant. in
potu, &
ebrietate
malu.

Eccles. 31.
30.

Isai. 5. 22.

& facit; ita qualis sit homo facile cognoscitur cum vino per ebrietatem immaduit. Sententia hæc Græcè ita habet, κάμινθ' ὀκνεμάζει σόμῳμα ἐν θαφῇ, οὕτως οἶνθ' καρδίας ἐν μάχῃ ὑπερφάνων, *For-
nax probat aciem siue temperaturam in tinctura, sic vi-
num cordis scilicet temperaturam probat in pugna su-
perborum*: nam cum mero potatorum animi in-
caluerunt, feruidius agunt, secreta produnt, oper-
ta recludunt, omnes artes, & simulatæ mentis
industrias excutiente vino. Qualis autem homo
sit, & cuius temperaturæ, apertiùs, etiam patet,
ἐν μάχῃ ὑπερφάνων, *in pugna superborum*, cum scilicet
quod in conuiujs intemperantibus frequens est,
leui aliqua occasione orta contentio, dum alter
alteri superbè resistit, vino madidi conuiuæ, lin-
guæ intemperantia furentes, alios lacessunt, ver-
bæque mortifera proloquuntur, redituraeque per
iugulum voces non continent, quibus exasperati
illi in quos cōuitia iaciuntur, ad arma prosiliunt,
eaque designant, quorum paulò post, ebrietate
discussa illos valde pœniteat, *aqua vita hominibus
vinum in sobrietate*, vita scilicet æquabilis seu com-
moda, *Si bibas illud moderatè, eris sobrius. Qua vita
est, quæ minuitur vino?* id est, quis, dixerit eam esse
vitam, quam is viuit, cuius dies propter vini cra-
pulam minuuntur? quanquam etiam conuenien-
tissimus sensus esse possit vitam illius, qui vino
carere cogitur, infelicem esse, quod vinum sobriè
potatum vitam, vt paulo ante dixerat, cōmodam
faciat, & æquabilem. *Quid defraudat vitam? mors.*
quasi inferat, si vinum dies ebriosorum immi-
nuit, quid aliud erit quàm mors quædam, cuius
proprium est vitæ vsura homines defraudare?
Vinum in incunditatem creatum est, & non in ebrieta-

sem ab initio. Exultatio anima, & cordis vinum moderatè potatum, sanitas est anima, & corpori sobrius potus. Vinum multum potatum, irritationem, & iram, & ruinas multas facit. Amaritudo anima vinum multum potatum. Ebrietatis animositas, imprudentis offensio, minorans virtutem, & faciens vulnera. Exemplum cædium in conuiujs paratarum non desunt in scriptura. Nam Godolias in conuiuio ab Ismahele filio Nathanix obruncatus est, & Amnon Dauidis filius cum temulentus esset, occisus est. Præclaram sanè & elegantem descriptionem instituit S. Ambrosius multis, quæ ex ebrietate proficiuntur, conglobatis incommotis, illud etiam Ieremiæ dictum suo accommodans instituto. Bibite & inebriamini & vomite, & cadite, neque surgatis, &c. Ebrietas, inquit, fomentum libidinis, ebrietas incentiuum insanix, ebrietas venenum sapientix. Hæc sensus hominum mutat & formas, & per hanc sunt ex hominibus equi adhinnientes (alludit Sanctus Doctor ad illud Ieremiæ. Equi amatores & emissarij facti sunt, unusquisque ad uxorem proximi sui hinniebat) si quidem naturali vapore corporis calidi & præter naturam vini calore flammæ cohibere se nequeunt, & in bestiales libidines excitantur, ut multum tempus habeant, quod doceat indulgere concubitu. Vocem amittunt, colore variantur, oculis ignescunt, ore anhelant, fremunt naribus, in furore ardescunt, sensus excidunt. Hinc phrenesis periculosa, hinc calculi grauis pœna, hinc exitialis cruditas, hinc vomitus frequens, semefas epulas cum internorum viscerum cruore fundentium. Mentior nisi eadem Dominus per Ieremiam locutus est dicens: Bibite & inebriamini & vomite & cadetis, & non consurgetis. Hinc etiam vana imagines, incerti visus, instabilis gressus, umbras sæpe transiliunt

Ierem. 41.

2.

2. Reg. 13.

28.

Ierem. 25.

27.

S. Ambr.
de Elia. &
ieiunio
cap. 16.

Ierem. 5.

8.

Ierem. 25.

27.

sicut foueas. Nutat his cum facie terra, subito erigi, & inclinari videtur, & quasi vertatur iumentes in faciem ruunt, & solum manibus apprehendunt, aut concurrunt montibus sibi videntur includi, murmur in auribus tanquam maris fluctuantis fragor, & resonantia fluctu littora. Canes si viderint, Leones arbitrantur, & fugiunt. Alij risu solvuntur incondito, alij inconsolabili merore deplorant, alij cernunt inconsolabiles pauciores, vigilantes somniant, dormientes litigant, vita his somnium est, somnus his mors est, excitari nullis vocibus possunt; quantolibet stimulando impulsu petas; nisi resipuerint, enigilare non possunt. Unde bene Ieremias huiusmodi hominem tanquam superfluum creaturam deplendum putat. Quid est homo nisi superflua creatura? Hactenus D. Ambrosius. Mirum igitur non est si Salomon à matre sua eruditum se fuisse ait veris-

Prou 31.4. simo illo, vtilissimoque præcepto. Noli Regibus ô Lamuel, noli Regibus dare virum, quia nullum secretum est ubi regnat ebrietas, ne forte bibant & obliuiscantur iudiciorum, & mutent causam filiorum pauperis. Nam vt dicit Oseas. Fornicatio & vinum & ebrietas auferunt cor. Ex quo sequitur, vt iudicia peruertant, & iis quibus minimè deberent, causas adiudicent. Quare sacerdotibus etiam, quorum munus erat de sacris, & prophanis, de mundis & immundis iudiciũ ferre, vini vsus interdicitur in Leuitico. Vinum, inquit, & omne quod inebriare potest, non bibetis tu, & filij tui, quando intrabitis in tabernaculum testimonij, ne moriamini, quia præceptum sempiternum est in generationes vestras, & vt habeatis scientiam discernendi inter sanctum & prophanum, inter pollutum & mundum, doceatis filios Israël, omnia legitima mea, quæ locutus sum ad eos.

Osee 4. ii.

Leuit. 10. 9.

6 Tandem vt paucis multa complectar, nullum

tam tetrum flagitium est, ad quod ebrietas, nimiaque saturitas homines non adducat, ea enim est mortaliū vecordia, vt Dei muneribus ad suum malum, imo & ad Dei ipsius contēptum, in quem erumpunt, abutantur. Populum Israēliticum Dominus constituit super excelsam terram, vt comederet fructus agrorum, vt sugeret mel de petra, oleūque de saxo durissimo, butyrum de armento, & lac de ouibus, cum adipe agnorum, & arietum filiorum Basan, & hircos cum medulla tritici, & sanguinem vna biberet meratissimū. Incrassatus est dilectus, & recalcitravit, incrassatus, impinguatus, dilatatus, dereliquit Deū factorem suum, & recessit à Deo salutari suo. Pro-uocauerunt eum in dijs alienis, & in abominationibus ad iracundiam concitauerunt. Immolauerunt Demonijs, & non Deo, dijs, quos ignorabant: noui recentē-que venerunt, quos non coluerunt patres eorum. Deum, qui te genuit dereliquisti, & obliuiscis Domini creatoris tui, &c. Ita planē illi, qui idolo in vituli speciem fabrefacto, & populo ad adorandum proposito dicuntur in Exodo sedisse manducare, & bibere, & surrexisse ludere, choreas scilicet ducētes more eorum, qui colebant idola. Et Salomon in Prouerbijs quantum sibi hinc timuerit, ostendit, cum ait se à Domino postulasse, vt victui dumtaxat necessaria tribueret, resecatis superfluis. Tribue, inquit, tantum victui meo necessaria, ne forte satiatus illiciar ad negandum, & dicam quis est Dominus? Et S. Iob cum viderat filios suos conuiujs operam dare, nam ibant filij eius, & faciebant conuiuium per domos, unusquisque in die suo, & mittentes vocabant res, sorores suas vt comederent, & biberent cum eis. Non mediocriter timens, ne per licentiam lautioris cibi, potationisque largioris, aliquot gra-

Intemperantiam in cibo potuque viam munire grauissimis peccatis.
Deut. 32.
13.

Exod. 32.
6.

Prou. 30.
8.

Iob 1. 4.

- Ibid. n. 5. ue scelus susciperent cum in orbem transissent dies conuiuij, mittebat ad eos, & sanctificabat illos (præparans scilicet vt futuro sacrificio, quod pro ipsis offerendum erat, ritè expiati interesse possent) consurgensque diluculo offerebat holocausta pro singulis, Dicebat enim, ne forte peccauerint filij mei, & benedixerint Deo in cordibus suis. Quod dicitur obtulisse holocausta pro singulis, Septuaginta ex Hebræo clarius vertunt, habent enim Κατὰ τὴν ἀριθμὸν αὐτῶν iuxta numerum eorum, pro singulis scilicet singula sacrificia. Immo addunt Septuaginta pauca quædam, quæ in vulgatis latinis editionibus non sunt, καὶ μόρον ἑνα τοῦ ἀναπρίας τοῦ πρὸς τὸν αὐτῶν & vitulum unum pro peccato, pro animabus illorum, hoc scilicet vrgens, vt eos ab omnibus quas contraxissent animi sordibus sacrificiis, & precibus expiaret, & propitiato numine subduceret diuinæ vindictæ, quæ intemperantium hominum furibsam licentiam & libidinem, nec semel nec leuiter vlta est.
- Dan. 5. 1. Balthassar Rex fecit grande conuiuium optimatibus suis mille, & unusquisque secundum suam bibebat atatem. Precepit ergo iam temulentus, vt afferrentur vasa aurea, & argentea, quæ asportauerat Nabuchodonosor Pater eius de templo, quod fuit in Ierusalem, vt biberent in eis Rex & optimates eius, uxoresque eius, & concubinae. Tunc allata sunt vasa aurea & argentea, &c. bibebantque vinum, & laudabant Deos suos aureos, & argenteos, areos, ligneosque & lapideos. Crapulæ, & ebrietati idololatriam, verique numinis, cuius vasa profanabant, contemptum adiungentes. Sed illico vindex numinis manus adfuit, nam in eadem hora apparuerunt digiti quasi manus hominis scribentis contra candelabrum in superficie parietis aula Regia, & Rex aspiciebat articulos
- Ibid. n. 5.

culos manus scribentis. Tunc facies Regis commutata est, & cogitationes eius conturbabant eum, & compages renum eius soluebantur, & genua eius ad se inuicem collidebantur. Cùmque post haruspices, & coniectores qui adducti fuerant Daniel propheta Domini aduocatus adfuisset, characteres illos legit, & qua par erat tantum virum loquendi libertate vsus, veram prodigij causam elocutus est, quia, inquit, non humiliasti cor tuum, sed auersum dominatorem cœli eleuatus es, & vasa domus eius allata sunt coram te, & tu, & optimates tui, & uxores tue, & concubina tua vinum bibistis in eis, Deos quoque argenteos, & aureos, & æreos, ferreos, ligneosque & lapideos, qui non vident, neque audiunt, neque sentiunt laudasti: porro Deum, qui habet flatum tuum in manu sua, & omnes vias tuas, non glorificasti. Idcirco ab eo missus est articulus manus, quæ scripsit hoc, quod exaratum est. Hac est autem scriptura, quæ digesta est. *Manè, Thecel, Phares.* & hac est interpretatio sermonis. *Manè*, numerauit Deus Regnum tuum, & compleuit illud. *Thecel*, appensus es in statera & inuentus es minus habens. *Phares*, diuisum est Regnum tuum, & datum est *Medis* & *Persis*. Quod à Daniele dictum, ita factum est. Nam eadem nocte interfectus est Balthassar Rex Chaldeus, & Darius Medus successit in regnum. Sed grauior fuit ea ultio, plurisque complexa, quàm legimus in Genesi aduersus quinque illas ciuitates, à quibus numinis naturæque legibus debita reuerentia prorsus exulabat. Nam ignis & sulphur de cœlo lapsum, nefarios homines, eorumque tecta, ac ciuitatem vniuersam latè fuso incendio prorsus absumpsit; Nam Dominus, vt loquitur scriptura, *Pluit super Sodomam & Gomorrhæam sulphur & ignem à Domino de cœlo, & subuertit ciuitates has, & omnem circa regionem*

Ibid. n. 22.

Ibid. n. 30.

Genes. 19.

24.

Ezech. 16.
49.

Pastoral.
p. 3. ad-
mon. 20.
4. Reg. 25.
10.

gionem & uniuersos habitatores urbium, & cuncta terra virentia: scelerum verò tot, ac tantorum certissima origo ea fuit, quam memorat Ezechiel cum ait: *Ecce hac fuit iniquitas Sodome sororis tue, superbia, saturitas panis, & abundantia & olium ipsius, & filiarum eius.* Ex quo illud consequitur, eum, qui turpitudines flagitiosorum illorum auerfetur, inflietâsque diuinitus pœnas perhorrescat, tãti mali non radices tantum, sed fibras etiam euellere debere, ne paulatim dum corpori cibo, potu cæteroque luxu blanditur, ad ea delabatur, quæ atrocioribus pœnis vindicari mereantur. Porro ventris intemperantia, luxuriam induci, imo virtutum vniuersitatem euerti, egregiè docet diuus Gregorius his verbis. *Quia, inquit, gula deditos luxuria sequitur, propheta testatur, qui dum aperta narrat, occulta denuntiat, dicens. Princeps coquorum destruxit muros Ierusalem, Princeps namque coquorum venter est, cui magna cura obsequium à coquis impenditur ut ipse delectabiliter cibus impleatur. Muri autem Ierusalem virtutes sunt anima ad desiderium supernæ pacis eleuata. Coquorum igitur Princeps muros Ierusalem deiecit, quia dum venter ingluuie extenditur, virtutes animi, per luxuriam destruuntur.* Ita diuus Gregorius. Alludit S. Gregor. ad historiam, quæ habetur in 4. Regum & ad officium Nabuzardanis, qui licet in vulgata editione dicatur Princeps militiæ, aut exercitus, aut militum, appellatur tamen à Septuaginta ἀρχιμαγειρος. 1. coquorum Princeps. Nam vox Hebræa ad utrumque commodè trahi potest, est enim in Hebræo רב שבתים, est autem שבת deriuatum à radice שבח, quæ mactare significat, iugulare, occidere; quia verò coquorum est, animalia quibus

bus ad cibos parandos vtuntur, mactare, & in frustra secare, propterea מַחַטּוֹ appellati sunt, quod nomen milites etiam significat, qui cum hostibus confligentes homines mactant & iugulant.

7 Illud tandem Principi cauendum est, ne plus temporis somno indulgeat, quàm par est eum curando corpori impendere, cui tam multa negotia curæ esse debent. & ex quo tam multi pendunt, quibus cum Principe agendum est: quare viros aliquos Principes inuenio in Sacris litteris, somno tempestiuè discusso, publicis negotiis operam dedisse. Oportet Pharaonem membra è strato summo manè corripuisse, nam Do-

De intemperantia in somno.

minus Moyse præcipit. *Consurge diluculo, & sta co-* Exod. 8.

ram Pharaone, egredietur enim ad aquas & dices ad 20.

eum, &c. Abraham etiam dicitur manè consur- Genes. 19.

rexisse. Hebr. בִּבְקֶר eo scilicet tempore, quo 27.

primùm illucésciente die homines labores & opera repetunt, & vnusquisque nouæ lucis beneficio, artis suæ instrumenta inquirunt. Ducitur enim vox בִּקֶר à radice בָּקַר, quæ significat quærere: locum etiam clarius Septuaginta expresserunt, ita enim habent, ὡπδεὺς δὲ Ἀβραὰμ τῷ πρωί id est

Manè autem surgens Abraham diluculo, cum scilicet Genes. 21.

dies appeteret. Idemque alibi de eodem reperi- 14. & 22.

tur eodē loco, vt scilicet intelligamus solemne il- 3.

li fuisse cum primùm euigilauerat, somno valere

iusso, rebus agendis se impédere. De Iob etiam vi-

ro magno inter Orientales, & multorum iudicio

Principe, dicitur in eius historia. *Consurgensque* Iob 1. 5.

diluculo. Et Absalon, qui se populo probare tan-

quam regno aptum, dum eorum voluntates sibi

conciliare & adiungere studebat, dicitur ma-

nè

nè consurrexisset, & iuxta introitum portæ stetit, &c. Tandem adeò verum est eos, qui diligenter ea, quæ muneris sui sunt, exequi volunt, bene manè consurgere, vt Sacræ scripturæ phrasi, is qui diligenter aliquid & sollicitè facit, ad illud faciendum, manè consurgere dicatur. Certè Dominus, qui neque dormit, neque dormiet, de se ita loquitur apud Ieremiam. Et nunc, inquit, quia fecistis omnia opera hæc, dicit Dominus: Et locutus sum ad vos manè consurgens, & loquens, & non audistis, &c. dicit se manè surrexisse, quia diligenter populi illius salutem ab exordio ipso mundi, missis Prophetis & prædicatoribus procurauerat. Eadè verò phrasi rursus occurrit in Ieremia, nec aliud quàm diligens studium significant formulæ illæ dicendi. Ego diligentes me diligo, & qui manè vigilat ad me (sapientiæ quærendæ diligenter inistentes) inuenient me. Et tunc innocabunt me, & non exaudiam, manè consurgent & non inuenient me. Verba sunt Sapientiæ vt superiora) Vanum est vobis ante lucem surgere, quod idem est, ac si diceretur, si diuino auxilio destituti, domum aut ciuitatem ædificare aggrediatur quis, quantumuis connitatur, inanis erit omnis labor, & diligentia. Et qui parcat virga, odit filium suum; qui autem diligit illum, instanter erudit. Tò instanter, in Hebræo est, diluculo, quasiuit ei diluculo correctionem, vt Pagninus vertit, & alia huiusmodi. Tandem Principibus illa peruersitas vitanda est, quæ ex diuturno somno facilè existit, vt scilicet officia lucis, noctisque peruertant, ac quasi turpe sit, ac minimè regium id facere, quod populus, diem totum stertant, tuncque tandem cum publico omnium incommodo ad se adeuntibus aures præbeant, negotia

quæ

Psal. 120.

4.

Ierem. 7.

13.

Ierem. 11.

7. 25. 4. &c.

29. 19.

Prou. 8.

17.

Prou. 1.

28.

Psal. 126.

2.

Prou. 13.

24.

quæ occurrunt , tractent , cum se noctis tenebræ intenderint, noctem facibus, cereis, funalibusque vincentes: ferinus quodammodo est iste mos, nam de belluis dicitur in Psalmo. *Posuisti tenebras*, & *facta est nox*, in ipsa pertransibunt omnes bestia sylva. *catuli leonum rugientes ut rapiant*, & *quarant à Deo escam sibi*, (eam nimirum quam diuina obtulerit prouidentia) *ortus est Sol & congregati sunt*, & *in cubilibus suis collocabuntur*. Cum enim illucescentem diem viderint, antra sua, & lustra repetunt, & in suis conditi cubilibus rursus noctem præstolantur. Huic verò egendi modo prorsus contraria esse debet agendi ratio, quam sequuntur homines de quibus dicitur. *Exibit homo ad opus suum*, & *ad operationem suam usque ad vesperam*. Hoc enim consilio supremus ille rerum opifex solis lampadem hominibus accendit, ut diurno tempore suis insisterent operibus, quemadmodum etiam post solis occasum tenebras effudit, ut per nocturnam quietem se ad somnum componerent, & vires fatigatas repararent.

Psal. 103.
20.

Ibid. n. 24.

De temperantia Principis in voluptatibus tactus, ac primò de vitijs huius occasionibus.

C A P V T XXV.

Quanta sit in paratis occasio- bus illecebra ad peccandū.

Dicturus de Intemperantia in voluptatibus tactus, prius ab iis occasionibus exordiar, à quibus illæ plerumque in viris Principibus

Pp

cipibus

cipibus exitere solent, ut nimirum qui salui esse volent, prius fomitem ac mali irritamentum excludant, quàm periculum trahant, quod ubi se intulerit, non faciliè excuti poterit. Mirum autem quantum honestatem & virtutē amantibus proffit prima morbi semina elidere, occasionésq; submouere, in quibus cum tenuis quædam esse videatur vis ad suadendum peccatum, fallit tamen opinionem nostram; nam frequenter paruula scintilla neglecta magnum excitare solet incendium. Quantulus erat lapillus ille, qui per montem deuolutus, & pedibus ingentis illius statua materiæ pretio, structuræque admirabilis illiusus, eam tamen euertit, contriuit, & redegit in

Dan. 2. 34. pulueres? *Abscissus est lapis, inquit Propheta, de monte sine manibus, & percussit statnam in pedibus eius ferreis, & fictilibus & comminuit eos. Tunc contrita sunt pariter ferrum, testa, æs, argentum, & aurum, & redacta quasi in fanillam astina areæ, qua raptæ*

Num. 6. 3. *sunt vento, nullusque locus inuentus est eis. Quare Nazæorum natio, quæ peculiaribus quibusdam ceremoniis consecratur Domino, cum à vino, liquoribusque omnibus qui inebriare possent, Deo ita iubente abstinere deberet, vuarum etiam siue recentium, siue aridarum gustu prohibebatur, ea forte de causa, ne dulcissimo gustato fructu, vini etiam, quod ex vuis exprimitur, gustandi cupiditate incenderetur. Cum ergo tanta sit occasionis vis ad animos etiam fortes, & virtutis cultura diligenter subactos, molliendos, quanto diligentius se ipsos ab occasionibus abducere debent, qui animum suum dubium & in prauum inclinabilē esse animaduertent. Quæ autem in primis occasiones cauendæ sint, ne ad*
sco

scopulos intemperantiæ impingamus , iam dicendum erit.

2 Ac prima quidem sit Otiū, de quo Sapiens ait: *Multam malitiā docuit otiositas. Qui enim otio torpent ac marcent, omnibus quidem vitiis sed carnis potissimum intemperantiæ fiunt opportuni. Quare Ezechiel causas enumerās, per quas Sodoma ciues ad tam nefaria flagitia delapsi fuerant, otium non præteriit. Hac , inquit , fuit iniquitas Sodomæ , &c. otium ipsius & filiarum eius. Circumiectionum scilicet pagorum , qui phrasi Hebr. filia dicuntur. Nec otiosè malèque collocati temporis crimen , aut pericula euitant incontinentiæ, qui voluptatibus , quæ sensibus corporis percipiuntur captandis , quasi honesta distinerentur occupatione, semper sunt intenti, cuiusmodi hominum ingenium & voces eleganter descripsit Salomon. Venite , inquit , & fruamur bonis , quæ sunt , & utamur creatura tanquam in iuuentute celeriter. Vino pretioso & unguentis nos impleamus , & non prætereant nos flos temporis. Coronemus nos rosis antequam marcescant , nullum præuium sit , quod non pertranseat luxuria nostra. Nemo nostrum exors sit luxuria nostra , ubique relinquamus signa latitiæ , quoniam hac est pars nostra , & hac est fors. Hac enim oculorum sensuumque voluptates ad libidines præparant , quique illis indulgent , aut intemperantes sunt , aut ab intemperantibus proximè distant , maximamque temporis iacturam facere censendi sunt , quantumvis sibi occupati , imo multarum rerum actu fatigati videantur. Et quidem voluptates istas venari intemperantium esse proprium ostendit Salomon , cum impudens illius scorti malè cautum adolescentulum ad*

Otium esse occasionem luxuriæ. Ecclesi. 32. 29.

Ezech. 16. 49.

Sap. 2. 6.

peccatum allicientis inuitationes proponit : *In-*
Prou. 7. 16. texui , inquit , funibus lectulum meum , stravi tape-
tibus pictis ex Aegypto , aspersi cubile meum myrrha
& aloe , & cinnamomo. Hæc sunt enim quasi con-
 dimenta quædam illarum voluptatum quibus
 ætas illa facile capitur. Quare sapiens alio loco
 intemperantiæ huic salutare antidotum præparans
 dissoluensque auctoritate sua grauissima, eorum
 paralogismos, qui quoniã vita hominibus angu-
 stis concluditur limitibus, ideo confici putabant,
 Sap. loco quod ipsi dicebant : *Non prætereat nos flos temporis ,*
 cit. *coronemus nos rosis , &c.* melius suggerit consilium:
 Ecclef. 14. *Non defrauderis , inquit , à die bono & particula boni*
 14. *doni non te prætereat.* Quasi diceret, vtiliter pone
 tempus, quod cum angustum sit, & rapidum,
 eiusque multum somnus & necessariæ occupa-
 tiones auferant, par non est, vt id, quod vtiliter
 collocari potest, temere prodigas; imò religiosè
 admodum illud debes expendere, & quomodo
 otium tuum disponas diligenter subducere ratio-
 nem, ne forte particula aliqua tam pretiosæ rei
 per imprudentiam aut socordiam malè pereat.
 Tò *particula boni doni. &c.* Græcè est *μερίς ἐπιθυμίας*
ἡ ἀγαθῆς, *particula boni desiderij vel bona cupiditatis*, vt
 sit consilium luxuriosorum illorum consilio, de
 quibus sapientia loquitur, omni ex parte oppo-
 situm. Quemadmodum enim illi malis obsequun-
 tur cupiditatibus, easque explere conantur, om-
 nemque adhibent diligentiam, ne occasionis vo-
 luptuosæ vitam traducendi particula ita elaba-
 tur, vt ea frui non possint, ita nos, qui sobriam
 vitam viuere, & ad virtutis præscriptum mores
 nostros exigere cupimus, illud curere debemus,
 ne bonorum illorum cupiditatem, quibus inci-

tamur

tamur ad honestatem capessendam, particulam
vllam vitio nostro irritā esse velimus. Hæc enim
demum est magna sapientia reputantes vitæ hu-
ius, quam viuimus, breuitatem ita viuere, vt nu-
meros omnes impositi muneris expleamus, & vt
ventris mancipiorū est vox illa. *Comedamus & bi-* Isa. 22.
bamus, cras enim moriemur. Ita sapiētiae alumnorum 13.
sunt illæ: *Dum tempus habemus, operemur bonum.* Et. 1. Cor. 15.
Notum fac mihi Domine finem meū, & numerum anno- 32.
rum meorum, quæ est, vt sciam quid desit mihi. Quod Psal. 38. 5.
tandem verius esse voluptatum sectatores intel-
ligent cum dicent. *Ergo errauimus à via veritatis,* Sap. 5. 6.
& iustitia lumen non luxit nobis, & sol intelligentia non
est ortus nobis. Lassati sumus in via iniquitatis & per-
ditionis, & ambulauimus vias difficiles, viam autem
Domini ignorauimus, &c. nam *Transierunt omnia illa* Ibid. n. 9.
tanquam umbra & tanquam Nuncius percurrentes, &
tanquam naus, quæ peritansit fluctuantem aquam,
cuius cum præterierit non est vestigium inuenire, neque
semitam carina illius in fluctibus, &c. Ac quemad-
modum pueri ex luto, fragmentis que testarū, aliis-
que viarum quisquiliis domunculas concinnant,
quas aut ipsi paulo post, aut transeuntes viaro-
res impacto calce disturbent, in quibus licet lu-
to sordidi, & tanquam rem seriam agerent, ve-
hementer occupati videantur, nullus tamen non
intelligit eos tempus, & operā perdere: ita otiosi
isti homines seriarum vtiliumque rerum exerci-
tatione vacantes, licet multa moliantur & agant,
sunt tamen penitus otiosi; quia licet per multa
discurrant, nihil tamen agunt, quod solidam ali-
quam vtilitatem afferre possit, Imò dum occa-
siones voluptatum indagant, ac persequuntur,
certissimam sibi & aliis perniciem parant.

598 *Institutio politica ex sacris Scripturis.*

*Etiā in-
custoditos
oculos a-
liosq; sen-
sus.*

*Ierem. 9.
21.*

Prou. 1.7.

2. Reg. 11.

2.

Daniel. 13.

8.

Genes. 39.

6.

Genes. 6.2.

Eccles. 9.

3.

3 Altera intemperantiæ occasio oculi sunt, per quos dulce venenum in præcordia delapsum, plerisque æternæ mortis est causa. *Hæc est enim mors illa, qua ascendens per fenestras ingreditur domos nostras, disperdere paruulos de foris, & iuuenes de plateis.* Hi enim sunt paruuli illi vecordes iuuenes, qui transeunt per plateas prope angulum. Quibus Sapiens tam multa suggerit, vt laqueos, quos illi adultera meretricio ornata cultu retendit, possit euadere. Huc impegerunt Dauid, cum vxorem Vriæ detractis vestibibus se lauantem vidit. *Vidit, inquit scriptura, mulierem se lauantem, ex aduerso super solarium suum, erat autem mulier pulchra valde.* Senes illi populi Iudices apud Danielelem, qui videbant *Susannam, quotidie ingredientem & deambulantem.* Ex quo factum est, quod statim dicitur: *Et exarserunt in concupiscentiam eius, & euerterunt sensum suum, erant ergo ambo vulnerati amore eius.* Et Ægyptia illa Putipharis vxor; nam cum esset Ioseph *pulchra facie & decorus aspectu, iniecit Domina sua oculos in Ioseph, & ait: Dormi mecum.* Tandem ne plura, quàm necesse est, exempla congeram, *Videntes filij Dei, filias hominum, quod essent pulchra, acceperunt sibi vxores ex omnibus, quas elegerant.* Pulchritudine enim vincti contra quam debuerant à miscendis connubiis cum filiabus Cain, quæ filia hominum dicuntur, filij Seth, qui Dei filij appellantur (quod præ cæteris illius æui hominibus veteri parentum institutione, pietatem iustitiâque sanctius colerent) magno suo malo non abstinuerunt. Quare Sapiens pluribus idem præceptum, de oculorum continentia in mulieribus aspiciendis inculcat in Ecclesiastico. *Ne respicias, inquit, mulierem multivolam, Græcè μὴ ὀράω-*

τα γυναικὶ ἐτασιζομένη, non obtutum tantum, sed
 etiam occursum illius ut rem periculo plenam
 prohibens: *Ne occurras mulieri meretrici.* Et paulo Ibid. n. 9.
 post. *Virginem, inquit, ne aspicias ne forte scandali-*
zeris in decore eius. Hoc enim est Christi Domini
 doctrinam amplecti, cuius illud dictum est: *si ocu-*
lus tuus scandalizat te, erue eum, & projice abs te. Se-
 quitur Ecclesiasticus: *Noli circumspicere in vicis ci-* Eccl. 9. 7.
uitatis, nec aberraveris in plateis illius. Auerte faciem
tuam à muliere compea, & ne circumspicias speciem
alienam. Propter speciem mulieris multi perierunt, &
 ex hoc concupiscentia quasi ignis exardescit. Speciem
 mulieris aliene multi admirati reprobi facti sunt, collo-
 quium enim eius quasi ignis exardescit. Et Christi Do-
 mini Oraculum est. *Qui viderit mulierem ad concu-* Matth. 5.
piscendam eam, iam machatus est eam in corde suo. Cum
 ergo culpam contraxerit, poena etiam huiusmo-
 di manet, adulterij perpetrati, aut certè cupidi-
 tate desiderioque concepti. Quare mirum non
 est, si viri sanctitate præcellentes, arctissimam si-
 bi oculorum custodiam indixerunt, ut Iob, cu-
 ius sunt illa verba. *Pepigi fœdus cum oculis meis, ut* Iob 31. 1.
ne cogitarem quidem de virgine, quam enim partem ha-
beret in me Deus desuper & hereditatem Omnipotens
de excelsis? Nec forte Davidis votū, cuius illa pre-
 catio est. *Auerte oculos meos ne videant vanitatem.* Psal. 118.
 Quæ verba cum lego, muliebris pulchritudinis 37.
 mihi venit in mentem, de qua Salomon pronun-
 tiavit. *Fallax gratia, & vana est pulchritudo,* om- Prou. 31.
 nisque ille ascititius ornatus planè fucatus, & ad 30.
 insipientes inani quadam specie fallendos factus.
 Huius mundi muliebris meminit Isaias cum ait.
In die illa auferat Dominus ornamentum calceamento- Isa. 3. 18.
rum, & lunulas, & torques, & monilia, & armillas, &

muræ & discriminalia, & periscelidas, & murenulas, & olfactoriola, & inaures. & anulos, & gemmas in fronte pendentes, & mutatoria. & palliola, & lintheamina, & alius, & specula, & sindones & vultas. & thestræ. Mulieris verò huiusce ornamentis aut artificiosæ pulchritudinis instrumentis, quantumvis comptæ, *Vana*, inquit Sapiens, *est pulchritudo.* Immo Christus Dominus, cuius vitæ actionibus ad omne virtutis genus instruimur, docuisse nos videtur quid esset agendū, cum mulieres obuiæ sunt, quæ cultu corporis, ætatisque aut pulchritudinis illecebra periculū struere possunt; cum enim mulier

Ioan. 8.5.

illa in adulterio deprehensa illi sisteretur à Pharisæis, ut quo animaduersionis genere illius adulterum vindicandum censeret, propuntiarer; non in eam defixit oculos, sed terram potius aspexit, digito in terram scribens, ut intelligeremus multo magis nobis oculos deiiciendos esse, in quibus peccati fomes igne concupiscentiæ facile corripiri

Cantic. 4.

20.

potest. *Vulnerasti cor meum*, dicitur in Canticis, *in uno oculorū tuorum*, in Græco est *ἐκxας δ' ὀφθαλμοῦ*, *cor rapuisti, cor abstulisti*, ictibus scilicet oculorū quibus tanta vis inest, ut de continentia statu viri etiam præstantissimi deiiciantur. Quare præceptum Domini, quod Israëlitis olim datum fuisse legimus in libro Numerorum, transferāmus ad nos. *Dixit*

Num. 15.

37.

quoque Dominus ad Moysen (inquit Scriptura) *loquere filiis Israël, & dices ad eos ut faciat sibi simbras per angulos palliorum ponentes in eis vultas hyacinthinæ, quas cum viderint, recordentur omnium mandatorum Domini, nec sequantur cogitationes suas, & oculos per res varias fornicantes, sed magis memores præceptorum Domini faciant ea, sintque sancti Deo suo.* Quemadmodum enim Hebræi fila quædam non texta in extrema

vestis

Vestis ora dependentia circumferebant, vt legis à Domino traditæ memores perpetuo essent, imo vt ait S. Hieronymus, soliti fuerunt, acutissimas etiam spinas interfereere, quibus & cum ambularent, & cum sederent compungerentur, eoque dolore diuinam legem in mentem reuocarent: Ita nos legis Domini memores simus iuxta Salomonis præceptum, qui ait. *Conserua fili mi præcepta patris sui, & ne dimittas legem matris tue. Liga ea in corde tuo iugiter, & circumda gutturi tuo. Cum ambulaueris gradientur tecum, cum dormieris custodiant te, & vigilans loquere cum eis, quia mandatum lucerna est. & lex lux, & via vita, increpatio disciplina.* Hoc autem si fecerimus id consequemur quod quarimus, statim enim subdit Sapiens: *Vt custodiant te à muliere mala, & à blanda lingua extranea. Non concupiscat pulchritudinem eius cor tuum, nec capiaris nutribus illius.*

Prou. 6.
10.

Ibid. n. 24.

4 Sunt etiam intemperantiæ occasiones saltationes, & choreæ, aliaque huiusmodi aularum oblectamenta, in quibus viri cum mulieribus versantur, colloquuntur, iocantur, aut eas etiam tangunt. Quare hanc occasionem amoliri sargens Ecclesiasticus, *Cum saltatrice*, inquit, *ne assidens sis, nec audias illam, ne forte pereas in efficacia illius.* Et bona illa Sara, quæ postea iuniori Tobix nupsit, *Nunquam*, inquit, *cum ludentibus miscui me, neque cum his, qui in leuitate ambulant, participem me præbui.* Hos autem lusus de quibus Sara, Hugo choreas esse interpretatur; hanc enim significationem habet aliquando in scriptura verbum ludere, vt cum dicitur in Exodo. *Sedit populus manducare & bibere, & surrexerunt ludere.* Fuisse autem lusum hunc saltationem & tripudium, patet ex

De saltationibus
aliisque
huiusmodi
lusiis.

Ecclef. 9.
4.

Tob. 3. 17.

Exod. 32.

7.

- voce Græca χορός, quæ aut ipsam saltationem significat, aut saltantium in vnam collectam multitudinem; & ex voce Hæbraica נִחְנָח, quæ est significationis eiusdem. Nec minus Ieremias prophanos istos lusus auersabatur, qui de se ipso prædicat. *Non sedi in consilio ludentium, solus sedebam, quoniam comminatione replesti me: tinniebant enim ambæ aures eius, cum graues illæ comminationes, quas Dominus intentat huiusmodi oblectamentorum studiosis auribus eius insonarent. Harum autem minarum specimen, qui vult, petat ab Ezechiele, cuius illa sunt verba. Pro eo, quod*
- plausisti manu, & percussisti pede, & gavisus es ex toto affectu, idcirco extendam manum meam super te, & interficiam te.* Septuaginta ἐκπόνησας τὴν χεῖρά σου, καὶ ἐπόνησας τὸ πᾶς σου, id est, *plausisti manu tua, & insonuisti pede tuo.* videtur autem τὸ ἐκπῶν τὰς χεῖρας, καὶ ποιεῖν τοῖς ποσὶ, exprimere actum ipsum saltandi, & ad numerum pedes terram pulsando, & manus certa quadam lege mouendi; sic per prosepopœtam dicuntur flumina plaudere manu & exultare montes à S. David. Apud Isaiam etiam grauis comminatio est in filias Israël, quæ choreis & lusbis, & nimis exquisito corporis ornatu delectabantur; *Et dixit Dominus: Pro eo, quod eleuata sunt filia Sion, & ambulauerunt extento collo, & nubilus oculorum ibant, & plaudebant, ambulabant pedibus suis, & composito gradu incedebant.* Forerius vertit ex Hebr. *Propterea quia elata sunt filia Sion & incedebant extensa gutture, & fallaces oculis ambulando & plaudendo ambulabant, & pedes suos laqueolis vinciebant.* Quid autē aliud sunt saltationes quàm ambulare pedibus plaudendo, & laqueolis pedum, animos spectantium constringere, dum pedum

dum agilitatem ad numerum compositè se mouentium admirantur, & amant? Quod Herodi accidit, qui Herodiadis filia saltatione captus, Ioannis Baptistæ caput viri sanctissimi, quem ipse alioqui reuerabatur, & magnificiebat, inter conuiuij læticias amputare sustinuit. Pergit autem Esaias pœnas enumerans, quas huiusmodi mulieribus infligendus erat Dominus: *Decalubabit, inquit, Dominus verticem filiarum Sion, & Dominus crinem earum nudabit.* & paulo post. *Et erit pro suauitate odore fœtor, & pro zona funiculus, & pro crispanti crine caluitium, & pro fascia pectorali cilicium, pulcherri mi quoque viri tui gladio cadent, & fortes tui in prælio, & mœrebunt, atque lugebunt portæ eius, & desolata in terra sedebit.* vt nimirum paria sceleribus supplicia reponantur, & quantum glorificauerunt se, & in deliciis fuerunt, tantum detur tormenti & luctus, in eoque ipso plectantur in quo delicias quæsiuerunt: sicut vice versa, qui malis vexati fuerunt & pressi, Deo illis fauente ad lætiam emergunt, vt experientia doctus testatur Dauid, cum ait: *Conuertisti planctum meum in gaudium mihi, conscidisti saccum meum, & circumdedisti me læticia.* Quali diceret: Ego circumstantium malorum mole obrutus mœrens iacebam sacco amictus vt exterior corporis cultus, cum animi habitu conueniret, sed tu Domine grata vice pro sacco pannosoque indumento lætitiæ, stolâ mihi reddidisti, & quia statû meum deplorans, plangebam me, & pulsabam vt in magno luctu fieri solet pro planctu, chorum, tripudiumque renocasti. Esse autem hanc antithesim in verbis istis Prophetæ expendētis vocem illam *planctum* & *gaudium* clarius apparebit. nam *planctus* Septuaginta *νοστής*, est cum quis inter la-

Isai. 3. 17.

Ibid. n. 24.

Apoc. 18.

7.

Psal. 29.

12.

men

mentandum aut pectus aut aliam corporis partem *κόπτε*, id est, pulsat, pro voce autem gaudium in Hebræo est *חִנּוּ*, quam vocem recte veritas Chorum. Pulsus igitur, qui luctum comitatur, in lætiæ & alacritatis pulsus, quale est tripudium conuersum dicit. Sed redeamus ad pœnas eorum, qui chœreis intemperanter indulgent, inter quas illa maxima censenda est, quam expressit Iob

Iob 21. 11. cum ait. *Egrediuntur quasi greges paruuli eorum, & infantes eorum exuliant lusibus, tenent tympanum, & citharam, & gaudent ad sonitum organi, ducunt in bonis dies suos, & in puncto ad inferna descendunt*, quæ tandem est vitæ eorum miserrima catastrophe. Scio interpretes Hebræos, & aliquos Latinos vltimam hanc partem de descensu ad infernum, de morte suauis, & quæ absque longæ ægritudinis molestia contingat interpretari, vt hoc etiam ad fœlicitatem pertineat impiorum, quod illis vacent molestiis quibus multis & miserabilibus modis decumbentes & cum longo luctantes morbo, ægroti vexantur. Sed D. Gregorius, Origenes, Beda & in Catena Philippus, hunc descensum ad pœnam referunt, infernique cruciatus: quorum sententiam ex recentioribus sequitur & confirmat Martinus del Rio

par. prima
adagiali.
197.

Isai. 13. 31. in Adagialibus, nec certè alio deducendi videntur isti chorearum agitadores cum habeant Dæmonem præfultorem, huc enim accommodari possunt verba Ieremiæ cum ait: *Pilosi saltabunt ibi, & respondebunt ibi vlula in adibus eius, & Syrenes in delubris voluptatis*. Nam quænam dicamus commodius voluptatis delubra, quàm Principum palatia cum mulierum, virorumque choris saltationi indulgent, cantibus, lusibus, potationibus.

Quæ

Quæ Syrenes cum videntur, audiuntur, tanguntur, parum cantis serpens in pectore malum relinquunt, tenue primum, & quod vix notari possit, sed postea resurgens, & gliscens, totumque animum depascens. Quid autem aliud sunt Pilosi illi, quàm id quod Kaldæus interpretatus est, qui *Dæmones* verrit? qui igitur sapit, suæque conscius est imbecillitatis, infirmum animum huiusmodi occasionibus blandè trahentibus ne committat, ne qui in sicco vix stat, facilius labatur in lubrico.

§ Sed intemperantia etiam cibi, vinique, luxuriae frequens occasio est. Quare D. Paulus ad Ephesios scribens ait: *Nolite inebriari vino in quo est luxuria.* admodum enim proclive est, ut venter mero æstuans despumat in libidinē. Itaque idem Apostolus perfectum instituens Episcopum, inter cætera, quæ præcipit (quorum pleraque ad Principes etiam transferri commodè possunt) illud etiam tradit, *oportere episcopum non esse vinolentum.* Ad Tim. 1. 7. 1. Tim. 3. 3. in quem locum aptè ad rem nostram scribit D. Hieronymus, Prohibet quoque, inquit, Episcopum esse vinolentum de quo ad Timotheum scribitur, non multo vino deditum. Quale est autem Episcopum (Principem) videre vinolentum, ut sensu occupato vel exaltet risum contra gravitatis decorem, & labiis dissolutis cachinnet, vel si paululum tristis cuiusdam rei fuerit recordatus, inter pocula in singultus prorumpat, & lacrymas. Longum est ire per singula, & insanias, quas ebrietas suggerit explicare. Videas alios pocula in tela vertentes, scyphum in faciem iacere conuiuæ: alios scissis vestibus in vulnera aliena proruere, alios clamare, alios dormire, qui plus bibe

Intemperantiam in cibo, potu- que occasi- onem esse luxuria.
Ephes. 5. 18.

Ad Tim.

1. 7.

1. Tim. 3.

3.

„

„

„

„

„

„

„

„

„

„

„

„

„

„

„

„

„

- „ biberit fortior computatur, accusationis occasio
 „ est, adiuratum per Regem frequentius non bibis-
 „ se. Vomunt vt bibant, bibunt vt vomant. Dige-
 „ stio ventris, & guttur vno occupantur officio.
 „ Hoc vnum dixisse sufficiat, quod secundum Apo-
 Ephes. 5. stolium *in vino luxuria est*, & vbicumque saturitas
 18. atque ebrietas fuerint, ibi libido dominetur.
 „ Specta ventrem & genitalia, pro qualitate vitio-
 „ rum ordo membrorum. Nunquam ego ebrium
 „ castum putabo, qui etsi vino consopitus dor-
 „ mierit, tamen potuit peccare per vinum. Mira-
 „ mur autem Apostolum in Episcopis, siue presby-
 „ teris damnaſſe vinolentiam, cum in veteri quo-
 Leuit. 10. que lege præceptum sit: Sacerdotes cum ingre-
 9. diuntur templum ministrare Deo, vinum omnino
 Numer. 6. non bibere, & Nazaræum, quam diu sanctam
 3. comam nutriat, & nihil contaminatum, nihil
 „ mortale conspiciat, & à vino abstinere, & vua
 „ passa, & à delicatiori, quæ solet ex vinaceis fieri
 „ porione, omnique sicera, quæ mentem ab integra
 „ sanitate peruertit. Dicat quisque quod volet, ego
 „ loquor conscientiam meam, scio mihi abstinem-
 „ tiam & nocuisse intermissam, & profuisse repe-
 „ titam. Hactenus Hieronymus. Quibus addi po-
 test mulieres Madianitidas filios Israël docuisse,
 Apoc. 2. *Edere & fornicari*, vt dicitur in Apocalypsi, & in
 14. libro Numerorum, ita suggerente Balaam, vt ni-
 Num. 24. mirum populum suum propter peccata iratus
 3. & 25. 2. Dominus destitueret, & Madianitis vincendum
 & 31. 16. traderet. Suadebant autem mulieres illæ Israëliti-
 tis vt de Idolothytis manducarent, non alia con-
 ditione corporis copiam facturæ, nisi se se pro-
 phanas illas carnes manducando, idololatriæ
 labe contaminassent, vt etiam colligitur ex initio
 vige

vigesimi quinti capitis Numerorum. Sed quærat fortasse aliquis, quomodo Pergami Episcopus reprehendatur in Apocalypsi, quod habeat in sua Ecclesia aliquos tenentes doctrinam Balaam, qui docebat Balac mittere scandalum coram filiis Israël, edere & fornicari: ita & ipse habeat tenentes doctrinam Nicolaitarum. nam vt docerent Nicolaitæ Christianos fornicari, non tamen vsquam legimus eos ad idololatriam pellicere studuisse. Sed nimirum ventris indulgentia & seruitus, qua illum exple-re intemperantes satagunt, idololatria quædam esse videtur iuxta D. Pauli dictum, *quorum Deus venter est*, ac proinde Nicolaitarum praua dogmata, qui ventri & voluptatibus carnis obsequendum docebant, cum Balaami consilio quod Madianitarum Principi suggessit, optimè conuenit, & inter vtrosque magna similitudo intercedit. Docebant ergo Nicolaitæ non vt Madianitides mulieres de Idolothytis manducare (non enim fuerunt idololatræ, aut ad idololatriam trahere studuerunt, vt dicebamus) sed docebant seruire ventri parandis deliciarioribus epulis, & pudendis libidinibus, ac si peccata non essent, operam dare: coniungebant autem cum libidine, gulæ intemperantiam, quia friget venus cum ciborum ac præsertim vini fomenta desiderat, quibus si abundet, gliscit, & fernet. Propter quam fortasse causam Assuerus in Principum, Satraparumque conuiuio, tunc demum Regina Vasthi recordatus fuisse dicitur, eamque iussisse vocari, vt illius pulchritudo spectaretur à conuiuiis, cum vino intemperantius hausto incaluerat. Cum Rex, inquit, esse hilarior, & post nimiam potationem incaluis-
set mero, præcepit septem eunuchis, qui in conspectu eius
mini

Apoc. 2.
14.Philip. 3.
19.Esther 1.
10.

ministrabant, ut introducerent Reginam Vastii coram Rege, posito super caput eius diademate, ut ostenderet cunctis populus ac Principibus pulchritudinem illius, erat enim pulchra valde. Sed de intemperantia in cibo non est necesse plura dicere, cum ex supradictis multa peti possint, & ad argumentum præsens accommodari.

6 Ex his autem occasionibus, quas enumeravimus, pleræque in Davidis adulterio reperiuntur.

Exemplis
Davidis
& Salomonis idem
cōfirmatur.
2. Reg. 11.
2.

Nam primò cum Ioab cum exercitu Ammonitas oppugnaret, & Rabba illorum oppidum obsiderent, ipse domi desidebat otiosus, saltem cum pulchritudine Bersabeæ captus est: nam *ambulabat in solario domus Regiæ*, Oculorum etiam captus est illecebra; nam cum oculos circumtulisset, *Vidit Mulierem se lavantem ex aduerso super solarium suum, erat autem mulier pulchra valde*, nec contigit ieiunum Davidem hac libidinis tentatione pulsari; nam post meridem hoc contigisse sacra narrat

Ibidem.

historia cum *de strato suo surrexisset*, in quo nimirum post sumptum cibum iacuerat ad meridianandum. Nec Davidis cibos deliciis caruisse credibile est, ut potè regis, cuius etiam rei capere possumus coniecturam, ex eo, quod Uriam de domo

Ibid. n. 8.

Regis egredientem *secutus est cibus Regius*, lautus nimirum & opiparus, qualis Davidis Regis esse solebat, qualemque esse decebat, qui aptè Regis amico pro deliciis ad benevolentiae significationem mitti posset, ut minùs mirum videatur si tribus hisce occasionibus in vnum conspirantibus tentationis impressionem David non sustinuit. Nec aliudè quàm ex enumeratis occasionibus extitisse credenda est intemperantia Salomonis, qui septingentas uxores, quasi reginas, tre-

3. Reg. 11.
3.

centasque concubinas sibi parauit, tanta libidinis impotentia, vt ab alienigenis mulieribus iuxta Domini præceptum non abstinuerit. *Rex autem* Ibid.n.1.
*Salomon, inquit scriptura, adamanit mulieres alieni-
 genas multas, filiam quoque Pharaonis, & Moabiti-
 das, & Ammonitidas, Idumaas, & Sidonias, & Het-
 zhaas, de gentibus super quibus dixit Dominus filiis
 Israël. Non ingrediemini ad eas, neque de illis ingre-
 dientur ad vestras, certissimè enim auerient corda vestra
 vt sequamini Deos earum. Ac primò quidem abun-
 dabat otio, Israëlitici generis hostibus admira-
 tione potentia ac sapientia Salomonis obstupe-
 factis, nec arma in sillum mouere audentibus. De hac autem pace ita scripsit Salomon ipse ad
 Hiram Regem Tyri. *Nunc requiem dedit Dominus* 3.Reg.4.
Deus mihi per circuitum, & non est Satan, neque occur- 5.
sus malus. Hinc ergo factum est, vt diceret apud
se Salomon, Vadam, & affluam deliciis, & fluar bonis. Eccles.2.
Quod vt consequeretur. Feci, inquit, mihi cantores 1.
& cantatrices & delicias filiorum hominum, in Græco
Septuaginta est, ἐν τρυφήματι, Aquila τρυφάς, Sym-
machus πατάλας vertit: sunt autè πατάλαι, deli-
ciae, voluptates omnis generis, & παταλᾶν est in
deliciis viuere, voluptariam vitam agere, omnis
generis voluptates captando: quod ipsum signi-
ficat Salomon cum appellat delicias filiorum homi-
num, hoc est voluptates ac delicias quas in libi-
dines & luxum, ingeniosi homines excogitarunt.
Itaque & epulæ lautissimæ, vinæque pretiosissima
non defuerunt, & quod ad modum bibendi atti-
net, alij atque alij calices variè efformati, & in di-
uerfas figuras cælatorum industria ducti, hoc
enim est, quod dicit fecisse sibi scyphos & urceos in Eccles.2.
ministerio ad vina fundenda, quam vini intemperan- 8.*

Ibid. 1. 3. *Cogitans in corde meo abstrahere à vino carnem meam.*
 Alia etiam non defuisse oblectamenta sensuum omnium cuiusmodi sunt saltationes, & ludorum varia genera, facile crediderim. Quid enim aliud otiosus Princeps tam multis in aulam Reginis & concubinis inductis, in vineis, hortis, & pomariis confitis cuncti generis arboribus iuxta piscinas aquarum, in lætissimis sylvis aquis irriguis, agitarer, quàm saltationes & tripudia, lusus, & cantus, & conuiuia, ex quibus ea de qua diximus tam sapientis Regis, intemperantia carnis, & luxuria originem traxit?

De malis, quibus propter luxuriam corpora afficiuntur.

C A P V T XXVI.

*Luxuriam
 properat
 adducere
 senectutē,
 morbosque.*

1. **C**ERTISSIMUM est, pluribusque sacre Scripturæ testimoniis probari potest, multis ægritudinibus corporis esse obnoxios eos, qui turpibus seruiunt voluptatibus, vitæque spatia illis fieri contractiora, quàm pro corporis constitutione, & viribus, quibus à natura fuerant instructi. Exempla non est necesse ex longinquo repetere, nam ille ipse Salomon, de quo paulo ante locuti sumus, cum quinquagesimū primum ætatis annum agens mortuus sit, aliquanto ante mortem sacre litteræ Senem appellauerunt, ita enim legimus in Regum historia. *Cumque esset se-*
 nex

3. Reg. 11.
 4.

nex, deprauatum est cor eius per mulieres. hoc autem ei accidisse putant anno ferè 48. aut 49. ætatis, vt qui accuratius ista scrutati sunt ex probabili-
 bus coniecturis, vt in re obſcura collegerunt, ne-
 que enim quanto tempore vixerit Salomon pro-
 ditum reperitur in ſcriptura. Cauſa præcocis ſene-
 ctutis non alia commodius afferri poteſt, quàm
 in voluptatibus venereis intemperantia, & fre-
 quens cum tam multis vxoribus & concubinis
 congreſſus, quod cum Samolone, accidit etiam
 cæteris mulierolis hominibus, quibus accommo-
 dari poteſt, quod dicitur in Deuter. *Sicut dies in-*
uentus tua, ita & ſenectus tua. Qui autem tempe-
 ranter viuunt, & continenter, iis contingit etiam
 longæuitas, viridis, proſperæque ſenectus; qui
 verò voluptatibus hiſce plus æquo indulgent, iis
 corpus effæctum, morbisque pluribus obnoxium
 citius conſenſcit. Quare Aſtarthe Dea Sidonio-
 rum Venus à nonnullis eſſe putatur, quæ eadem
 Dea hominum natalibus, mortique Libitinæ no-
 mine præſidebat. Itaque non ineprè quis dixerit
 Salomonem Veneris cultorem, (nam *colebat Salo-*
mon Aſtarthem Deam Sidoniorum) citiùs ſenectu-
 tem contraxiſſe; ſapienter enim & ortum homi-
 nis & exitum è vita in huius Deæ tutela eſſe fin-
 xit antiquitas, quod putarent vt illius beneficio
 in hanc lucem homines emergunt, ita nimis fre-
 quenti eiſdem vſu ad ſenectutē, & mortem pro-
 perare. Quare dicitur apud Iob: *Oſſa eiſ implebun-*
tur vitiiſ adoleſcentia eiſ, & cum eo in puluere dormiēt.
 nam intemperantiū oſſa, & corpora, quæ prius be-
 ne valebant, ſucculenta erant, & valida: poſtmodū
 cum veneris ignem conceperunt, arefacta ſunt, vt
 eorū quilibet merito Dauidicum illud vſurpare

Pined. de
 rebus Sa-
 lomonis
 l. 8. c. 2.

Deut. 33.
 25.

3. Reg. 11.
 5.

Iob 20. 12.

Psal. 107.

4.

possit. *Ossa mea sicut cremum aruerunt.* Hanc autem ariditatem ex vitiis adolescentiæ contraxerunt, voluptatibus nimirum carnis, quibus illa ætas feruidior intemperantius indulget. De huiusmodi autem voluptatibus locum hunc capiendum esse, illud suadere videtur, quod pro *vinis adolescentie* in Hebr. est, *occultis*, quæ vox ad concubitum commodè referri potest, cum nulla tam impudens lupa reperiatur, aut perditus amator, qui ista non tegat summotis arbitris omnibus cum patrantur. Dicuntur autem in pulvere dormire cum intemperantibus, quia eos vitia, & vitiorum effectus ad mortem usque & sepulchrum comitantur, non tantum propter consuetudinis vim, quæ vix exui potest, sed etiam quia contracti per intemperantiam morbi, nullo artificio delenda corporibus relinquunt impressa vestigia, in eos

Nahum 2.

10.

enim quadrat, quod alicubi dixit Nahum. *Cortabescens, & dissolutio geniculorum, & defectio in cunctis renibus, & facies omnium illorum sicut nigredo olla.* Et

Ierem. 51.

30.

quod est apud Ieremiam. *Deuoratum est robur eorum, facti sunt quasi mulieres.* Et in eos recidit in

Genes. 49.

4.

Rubem iactata maledictio, de quo dicitur, *Effusus es sicut aqua, non crescas, cur hoc? Quia ascendisti cubile patris tui, & maculasti stratum eius.* Nec verò

Exod. 4.

25.

Sephora opportuniore artificio à filio intentatam ab Angelo mortem auertere potuisset, quàm eo quo vsa est, circumcisione videlicet; nam tulit illico Sephora acutissimam petram, & circumcidit præputium filij sui. Quod remedium vt Mosis primogenito peperit incolumitatem, ita per continentiae virtutem circumcisis voluptatibus, vitam præstare plurimis posset, quam temere prodigunt, Sapientem in Prouerbiis sana consilia suggeren-

tem

tem non audientes, cuius illa sunt verba: *Ne des alienis honorem tuum, & annos tuos crudeli, ne forte impleantur extranei viribus tuis.* Quid autem aliud est *Dare annos suos crudeli*, quàm immodico libidinis vsu de annorum dimenso sibi aliquid detrachere? qui propterea crudeli dicuntur tradi, quia meretrices de quibus eo loco dictum est, non prosequuntur amore amatos suos, sed illud tantum agunt, vt pecuniam emungant, eosque exhauriant, eos cum defecerint nummi, ingressu domus prohibeturæ.

2 Quod si quis causam quærat, propter quam corporibus nocet intemperantia, ea est in promptu. Nam cum semen humanum ex meliori, ac præstantiori sanguine, quo corpora irrigantur, & aluntur conficiatur, illius frequens detractio sanguinem minuit, viresque debilitat. Et fortassis propter hanc causam sanguinis nomine in sacris litteris libido intelligitur, vt cum dicitur apud Oseam: *Maledictum, & mendacium, & homicidium, & furtum, & adulterium inundauerunt, & sanguis sanguinem tetigit.* Et in Psalmo, *Libera me de sanguinibus Deus.* Et apud S. Ioannem. *Qui non ex sanguinibus, neque ex voluntate carnis.* Quia verò ex sanguine vita nostrâ dependet, licet sanguis non sit anima, frequenter tamen in scriptura animæ nomine appellatur, vt cum dicitur in Leuitico: *Anima omnis carnis in sanguine est, unde dixi filiis Israël, sanguinem vniuersa carnis non comedetis, quia anima carnis in sanguine est, & quicumque comederit illum, interibit.* Et in Deuteronomio. *Caue ne sanguinem comedas, sanguis enim eorum (animalium) scilicet quæ numerauerat) pro anima est.* Et in Genesi dicitur, *Excepto quod carnem cum sanguine non comedetis.*

Afferatur ratio cur corporibus intemperantia nocet.

Osec 4. 2.

Psal. 50.

15.

Ioan. 1. 13.

Leuit. 17.

14.

Deut. 12.

23.

Genes. 9. 4.

deus : in Hebræo expressius hoc etiam loco significatur quod dicitur in proximè citatis locis ex Leuitico , & Deuter. scilicet animam sanguine contineri. ita enim ad verbum. *Excepto quod carnem in anima sua in sanguine suo non comedetis.* Quasi diceret , Excepto quod non comedetis sanguinem in quo residet anima. Ex quo colligitur frequentem cum mulieribus congressum, multum de vitæ spatio detrahere ; eos verò, qui ab illis abstinent, longiorem vitam vivere, multisque vacare a gritudinibus , quibus illi conflantur , qui luxuriosi sunt. Et sanè vera est illa prædicatio , qua Ioachim Summus Pontifex , vniuersusque presbyterorum cætus fortissimæ mulieri Iudith victoriam gratulantes, castitatem illius præ cæteris laudibus extulerunt : *Tu gloria Ierusalem , tu lætitia Israël, tu honorificentia populi nostri, quia fecisti viriliter & confortatum est cor tuum, eo quod castitatem amaueris, & post virum tuum alterum nescieris.* in quibus verbis notandum , fortitudinem sanctæ mulieris castitati tribui, vt forte etiam tribuenda est vitæ prolixitas, nam de ea dicitur in extrema historia.

Iudith 15.
10.

Iudith 16.
28.

Mansit autem in domo viri sui annos centum quinque & defuncta est, ac sepulta, &c.

3 *Hæc igitur incommoda & multo plura , quæ sciens prætereo , hominum corporibus creat intemperantia, tantam verò si de honestate agatur, conciliat turpitudinem , vt nullum vitium maius secum afferat. Præclare tractat hunc locū S. Paulus epist. 1. ad Corinth. Nescitis, inquit, quoniam corpora vestra membra sunt Christi ? Tollens ergo membra Christi, faciam mēbra meretricis ? Absit. An nescitis, quoniam qui adheret meretrici vnum corpus efficitur , erant enim, inquit, duo in carne vna: qui autē adheret Domino,*

1. Corinth.
6. 15.

erant enim, inquit, duo in carne vna: qui autē adheret Domino,

vnius

Unus spiritus est. Fugite fornicationem, omne peccatum Genes. 2.
quodcumque fecerit homo, extra corpus est; qui autem 24.
fornicatur, in corpus suum peccat. An nescitis quoniam
membra vestra templum sunt Spiritus sancti, qui in no-
bis est, quem habetis à Deo & non estis vestri. Empti
enim estis pretio magno. Glorificate & portate Deum
in corpore vestro. Quasi dicat. O Corinthij maio-
rem in modum vobis auctor sum, ut fornicatio-
nis turpitudinem fugiatis, qua nullum maius ani-
mae, atque corporis vestri dehonestamentum esse
potest. Nam cum sitis membra Ecclesiae ac Chri-
sti, qui Ecclesiae ipsius caput est, quàm indignum
esse putatis hæc Christi membra in lupanar abi-
icere & scorti vilissimi, per corporum commix-
tionem membra facere? Scitis enim quid olim
dixerit Dominus, Erunt duo in carne vna, quod
tam de legitimo thoro verum est, quàm de concu-
bitu fornicario, si actus naturam dumtaxat spe-
ctaueritis. Hoc igitur dedecus admittere sustine-
bitis, ut corpora vestra sancta, quæ Christi mem-
bra esse dixi, vnum cum meretrice corpus facia-
tis? Quanto honestius castissimos Domini am-
plexus, qui animas nostras singulari beneficio sibi
desponsavit, affectaretis? Sanè intelligeretis quàm
bonum sit adhærere Deo, & funiculis charitatis
cum illo constringi. Fugite ergo fornicationem.
Ac cætera quidem peccata, quæ quis admittit,
aliam plerumque materiam habent à proprio
perpetrantis corpore: qui autem fornicando pec-
cat, non animum tantum peccati labe inficit, sed
corpus ipsum fœditatem quandam, turpitudi-
nemque contrahit, ut non immerito iniuriam illi
non mediocrem inferri dici possit, cum illius ni-
morem & pulchritudinem tollat, exhauriat etiam

ac debilitet. Illud præterea memineritis corpora vestra Spiritus sancti templum esse, quod libidinis turpitudine polluere ac prophanare gravissimum est. Præterquã quod vobis hoc impunè non licet, cum fornicatio sit rei alienæ abusus, corporis scilicet vestri quod Domini est, qui sanguine suo valoris immensi pretio illud cõparavit. Glorificate ergo Deum in corpore vestro, castum illud, impollutumque servando. Hæc D. Pauli verborum sententia in quibus. illa potissimum ratio continetur, quæ ad rem nostram facit, quod qui fornicantur, se ipsos scædunt ac dehonestent, contumeliãque corporibus suis, quibus honos debetur, infligant. Quare de hoc crimine illud dici

Eccles. 10.

32.

potest, quod est apud Ecclesiasticum. *Peccantem in animam suam quis iustificabit, & quis honorificabit exhonorentem animam suam?* id est. Quis iustum illum esse pronuntiet, aut honorem aliquem mereri putet, qui in se ipsum peccat, & corpus suum libidinis inquinamento deturpat? Huius autem turpitudinis exemplum habemus in magno Principe Salomone, cuius gloriæ magnitudo etiam

Eccles. 47.

19.

Christi Domini ore celebrata est, qui cum impletus esset, quasi flumen sapientia, divulgatumque esset nomen eius ad insulas longè, & in cantilemis, & proverbiis, & comparationibus mirata essent terra, ad voluptates tamen se demisit, & quam sapientia, & rerum gestarum magnitudine collegerat gloriam,

Ibid. n. 24.

nequitia, & intemperantia penitus effudit, & inclinasti (inquit Ecclesiasticus) femora tua mulieribus, potestatem habuisti in corpore tuo, in illud scilicet nimiam sibi licentiam sumens, eoque plusquam pro potestate abutens: quanquam ex contextu Græco alius sensus elicitur, nam passivus aori-

stus,

stus ἐνεχόμενος potius significare videtur sæuam libidinem corporisq; dominationem passum Salomonem, eumque funibus peccatorum, blandimentisque corporis circumplicatum, in corporis sui redactum fuisse seruitutem: quod quam indignum sit non solum tanto rege, sed etiam homine, nemo non intelligit. Quare statim subdit Ecclesiasticus, *Dedisti maculam in gloria tua, & profanasti semen tuum, inducere iracundiam ad liberos tuos, & in ceteris stultitiam tuam.* Cuius peccati labem Salomon contraxit, etiam posteaquam illud poenitentia diluit (si vera est eorum sententia, qui libidines suas, idololatriamque detestatum volunt antequam vita defungeretur) eius enim poena ad filium, regniq; heredem transiit, imo & ceteri stultitiæ illius fuere participes: nam scisso in duas partes regno, mirum quantum toti Israëlitarum reipublicæ incommodarit. Itaque Salomoni illud vsu venit, quod quodam loco Synagogæ Dominus exprobrat per Ezechielem: *Edificasti tibi lupanar, & fecisti tibi prostibulum in cunctis plateis, ad omne caput via, edificasti signum prostitutionis tue, & abominabilem fecisti decorem tuum, & diuisti pedes tuos omni transeunti, & multiplicasti fornicationes tuas.* Hoc autem quam turpe sit, ex eo colligi potest, quod in Ecclesiastico dicitur de muliere fornicaria. *Omnis mulier quæ est fornicaria, quasi stercus in via ab omnibus prateruntibus conculcabitur, auersantibus nimirum illius turpitudinem.* Quod quamuis de muliere potissimum dictum est, pertinet tamen etiam ad viros, quibus mulierosis esse & cum meretricibus frequenter versari turpissimum est: præsertim si sint alioqui, aut sapientiæ, aut dignitatis laude, ac præsertim Principis aut Regis ma-

Ibid. n. 25.

Ezech. 16.

24.

Eccles. 9.

10.

iestate, vt fuit Salomon, commendabiles.

Turpitudinem incon-
tinētia pa-
rentum re-
dundare in
filios. ubi
aliqua de
nothis tan-
guntur.

Sap. 3. 15.

Ibid. n. 16.

4 Cæterum antequam ab incómodis corporis transeamus ad vitia mentis, doceamus frequenter accidere vt parentū incóntinentia in filios redundet, quod non solum ab experientia dicere possumus, sed etiam ex sacris litteris, nam in Sapientiæ libro ita legimus. *Bonorū laborum gloriosus est fructus, & quæ non concidat radix sapientiæ.* Quorum verborum sensum cum sequentibus cohærentē ac commodum hunc esse posse puto. Filius est, quasi fructus quidā, quem ex se parentes gignunt, & multis laboribus educant, qui ergo fuerit fertilis arbor & bona, fructus bonos faciens, cuiusmodi illi sunt, qui prolis tantum amore, non cupiditatis, ac libidinis impetu filiis procreandis dant operam, horum gloriosus erit fructus, & radix nouis pululans filiorum bonorum germinibus non extinguetur, aut peribit quamuis vetula sit, sed exurgentibus propaginibus in illis viuet. *Filij autem adulterorum in inconsummatione erunt, & ab iniquo thoro semen exterminabitur.* Græcè sic habet prima pars, *τὴν αὐτὴν δὲ μοιχῶν ἀτίλιστα*, *Filij autem Mæchorum non perfecti*: nam propter frequentem coitum vis seminis hebetior, filios viribus infirmioribus procreat, si tamen procreat, quare dicitur, *& ab iniquo thoro semen exterminabitur*, id est, qui damnatū concubitus, aut fornicationē frequentant, ij prolem non suscipient, aut ita Domino in sceleris vindictam statuente, aut naturalibus causis id postulantibus: sed quia Græca vox ἀτίλιστα sacris non initiatum significat, aliqui sapientis dictum eò referunt, vt scilicet significet nothos à sacris arceri, quod notati sint infamia, benéque cum sequentibus sensus congruit: nam subditur: *Et si*

quidem

quidem longa vita erunt, in nihilum computabuntur, & sine honore erit nouissima senectus eorum. Quasi dicat. Sed fac ex damnato concubitu natum hominem bonis esse validisque viribus, & longeuum, tamen tanquam vilissimum caput ab omnibus contemnetur, & ut ad vltimam senectutem perueniat, tamen propter natalium vitium adeò non afficietur honoribus, ut etiam passim despiciatur. Quod si ἀτίλκτος & sacris non initiatum, aut ab illis prohibitum significare dicamus, illud addere possumus probabile esse sapientem ad Deuteronomij locum respexisse, in quo statuitur, ut qui seorsum matrem habuissent, nec ipsi, nec ex ipsis progeniti, usque ad decimam generationem Ecclesiam Domini possent introire, sic enim habet lex. *Non ingreditur Mamzer*, hoc est de scorto natus in Ecclesia Domini, usque ad decimam generationem. retinuit interpretes hebraicam vocem מַמְזֵר addita interpretatione Septuaginta virorum, qui verterunt ἐκ πόρνης, ex scorto. Quid autem sit non ingredi Ecclesiam usque ad decimam generationem, non eodem modo ab omnibus explicatur. Nam aliqui, Hebræi præsertim interpretes, de connubiorum communicatione intelligunt, ut scilicet vetitum esset scortorum filiis vxores ducere ex Ecclesia Dei, hoc est ex filiabus Israel, sed daretur ut ex profelytis acciperent, qui cum non essent ex Hebræorum gente, se se tamen populo illi adiungerent, eorum susceptis sacris. Alij de loco sancto intelligunt, quem ingredi poterant etiam sacris non initiati, ut scilicet aliqui offerrent, comederentque hostias pacificas, à quo tamen excluderentur Mamzeres, ut non minus immundi reputarentur, quàm tactu rei alicuius immundæ contaminari, leprosi,

Deut. 23.
2.

leprosi, vel gonorrhæam patientes, mulierésque menstruatæ, quæ eiusdem loci ingressu prohibebantur. Tandem aliqui putant publicis tantum muneribus hac lege caruisse, nihilque aliud esse volunt non ingredi in Ecclesiam Domini, quàm à politicis reipub. dignitatibus arceri, quod minus vtilis sint illis administrandis, vel quod parentum vitia imitentur, vel quod vitiorum, pravorumque morum suspicione, ab iis homines abhorreant, eosque contemnant. Quæcumque sit loci interpretatio, nobis satis est fuisse in ea repub. notatos infamia, parentumque intemperantiam, quod dicebamus supra, filiis minimè nocentibus nocuisse, & parentibus voluptatem captantibus

Jerem. 31.

in vis acerbis comedendis dentes filiorum obstupescere, quamvis filiorum culpa nonnunquam etiam intercedat, de quibus illud dici potest, quod de Idolatris quodam loco dicit scriptura. Filij eorum, & nepotes, sicut fecerunt Patres sui, ita faciunt usque in presentem diem.

4. Reg. 17.

41.

Do malis animi, quæ ex intemperantia proficiuntur.

5 Veniamus nunc ad damna, quæ animis hominum carnis infert intemperantia. In quibus non ultimo loco numerandum est, quod mentis lumen, quod in animis nostris diuino beneficio signatum est, obscurer, dum de limosa carnis concupiscentia, nebula terribilissima exhalantur, quibus, quasi velum obtenditur, quo impediende intemperantiæ foeditatem, pulchritudinemque virtutis ægrè admodum possint aspicere, qui huiusmodi voluptatibus implicantur. Nam ut est apud

Osee 4. 11.

Oseam, Fornicatio, vinum & ebrietas auferunt cor. & cum illorum pectoribus ac mentibus ignis ille se se implicat, qui ad turpes voluptates inflamat, cæcitas consequitur interiorum luminum, ut quæ

meri

meridiana luce clariora sunt, videre non possint. *Supercecidit ignis*, inquit Dauid, *& non viderunt so-* Psal. 57.9.
lem. Hoc igne cum prius correpti fuissent Sodo-
mitæ, cæcitate corporum percussi sunt diuinitus,
à minimo usque ad maximum, ita ut ostium inuenire Genes. 19.
non possent, & non multo post igne & sulphure de
cælo delapso funditus deleti. Nec aliunde profe-
cta Sampsonis cæcitas, quàm ex cæco Dalilæ
amore quo eò redactus est, ut in iumentum mo-
tem ad versandam in pistrino molam conclude-
retur. Ea verò cæcitas maximè deploranda est, Iud. 15.21.
quod sua mala non sentiunt, adeoque turpibus
hisce voluptatibus teneri, turpe aut noxium esse
non putant, ut arbitrentur nihil libidinibus istis
in quibus volutantur honestius esse, aut magis
appetendum. De adolescentulo illo, quem mere-
trix irretiuuit multis sermonibus, & blanditijs labiorum Prouer. 7.
protraxit, dixit Sapiens: Statim eam sequitur, quasi bos 21.
ductus ad victimam, & quasi agnus lasciuens, & igno-
rans, quod ad vincula stultus trahitur, donec transfigat
sagitta iecur eius, veluti si avis festinet ad laqueum, &
nescit quod de periculo anima eius agitur. itaque sana
consilia suggerens à via inferi eum reuocare cona-
tur, ne si pergat eam, quam instituit viam insiste-
re, barathro aliquo exceptus deuoluatur in præ-
ceps, nam via peccantium complanata lapidibus, & in Eccles. 21.
fine illorum inferi & tenebra & poena. Milites legimus 11.
visa Iudith dixisse, *Quis contemnat populum Hebræo-* Iudith 10.
rum, qui tam decoras mulieres habent, ut non pro his me- 18.
rito pugnare cōtra eos debeamus? insignis planè cæci-
tas, tanquam præcipuum populi alicuius decus
prædicare pulchritudinem, itaque illa capi, ut pro
turpi voluptate, militiæ labores, ac pericula meri-
tò suscipi potuisse constituent. Denique eo deue-
nit

622 *Institutio politica ex sacris Scripturis.*

nit libidinis impotentia & cæcitas, vt nec homines timeat, nec Deum reueretur, sed quò rapit impetus, reuulsis diuinarum humanarumque legum repagulis, irrumpere non reformidet. Quid filiis magis reuerendum est, cubili paterno, eaque quam sibi patens iure matrimonij adiunxit vxorem? de qua dicitur in Leuitico, *Turpitudinem vxoris patris tui non discooperies, turpido enim patris tui est.* Quali dicat, cum coniuges duo sint in carne vna, parentis tui reuerentia ductus, in cuius dedecus tam coniunctæ personæ violati pudoris redundat iniuria, nouercam tuam caue ne contingas. Quamquam vt nulla à Domino vnquam lata lex esset, non sunt hominum corda adeo hebetia (nisi libidinis cæcitas obstaret) quin intelligât huiusmodi flagitium quale sit. Sunt tamen interdum, qui tantum nefas admittere non vereantur, vt Ruben, *qui dormiuit cum Bala concubina patris sui.* nec cum audis concubinam, inde fortasse culpam minui putes, quod vxor legitimo thori iure copulata Iacobo non esset, nam in scripturis frequenter concubinæ vocantur secundariæ vxores, quæ sine cæremoniis ritibusque solemnibus nupserunt, seruilis vel libertinæ conditionis. Hinc iusta parentis in filium indignatio, & paulo ante obitum maledictio. *Effusus, inquit, es sicut aqua, non crescas, quia ascendisti cubile patris tui, & maculasti fratrum eius.* In huiusmodi autem nefarij stupri auctorem S. Paulus Ecclesiastica expediuit arma, diròque anathemate, qui se tam immani facinore implicauerat, sèterè animaduertit, ne fortè aliquis esset Corinthi vbi hoc acciderat, aut aliquando alibi in orbe Christiano, qui flagitij illius cum primis detestandam, auersandamque turpitudinem,

nem, non intelligeret. *Omnino*, inquit D. Paulus, *1. Cor. 5. 1.*
auditur inter vos fornicatio, & talis fornicatio, qualis
nec inter gentes, ita ut uxorem patris sui aliquis habeat,
& vos inflati estis, & non magis luctum habuistis, ut
tollatur de medio vestrum, qui hoc opus fecit. Ego qui-
dem absens corpore, præsens autem spiritu, iam iudicavi
ut præsens eum, qui sic operatus est, in nomine Domini
nostri Iesu Christi congregatis vobis, & meo spiritu cum
virtute Domini nostri Iesu, tradere huiusmodi Satanæ
in interitum carnis, ut Spiritus saluus sit in die Domini
nostri Iesu Christi. Quasi dicat D. Paulus, Itane ve-
rò Corinthij adeo apud vos naturalis legis, diui-
næque numinis reuerentia exoleuit, ut sit apud
vos, qui infando nouerca amore, & congressu, pa-
rentis thorum violare non dubitauerit? Tam fœ-
do autem facinore, cum deberetis zelo proculca-
tæ in parentem pietatis, & iustitiæ exardescere,
segnes desidetis, nec ea vos cura sollicitat, ut tan-
ti criminis reus meritis pœnis coërceatur, sed in-
flati estis, vobisque placetis, nec quam fœda labe
vestræ adhæserit Ecclesiæ satis intelligitis. Quare
ego, qui non vago rumore, sed certa fama compe-
ri, scelus hoc apud vos admissum esse, quamuis
præsens adesse non possim, tamen re, ac si præsens
essem, probè cognita, constitui diuinitus accepta
à Christo Domino potestate qua fungor, vobis in
vnum collectis, spirituque meo, qui animo, affe-
ctu, auctoritatēque præsens sum, scelestum incesti
hominis caput anathematis ferire gladio; ita ut
extra Ecclesiam eiectus tradatur Satanæ corpore
etiam cruciandus, ut corpore sæui hospitis vexa-
tione macerato, sapere discat, & corporis vi-
gore exhausto, salus paretur animæ, cæterique
omnes intelligant, quàm turpe sit & noxium tam
fœdis

fœdis libidinibus implicari. Vltimus tandem cæ-
 citatis huius gradus est, cum ita periit pudor, vt
 non clanculum & remotis arbitris peccata perpe-
 trentur, sed palam exuto penitus pudore. Ita So-
 domitæ illi pessimi, qui publicè Lothi hospites
 postulabant vt eis abuterentur. *Vbi sunt*, dicebant,
Gen. 19. 5. *virī qui introierunt ad te nocte? educ illos huc, vt cogno-*
scāmus eos. Quibus similem dicit Isaias fuisse ci-
 uium suorum impudentiam, cum ait. *Agnitio vul-*
Isa. 3. 9. *tus eorum respondit eis, & peccatum suum, quasi Sodo-*
ma prædicauerunt, nec absconderunt. Væ anima eorum,
quia reddita sunt eis mala. Fererius vertit. *Apertio*
vultus eorum respondit contra eos, & peccatum suum si-
cut Sodoma annuntiauerunt, non absconderunt. Væ ani-
ma ipsorum, quia retribuerūt sibi malum. Et sensus esse
 videtur, adeo perfricta sunt fronte, vt cum pec-
 cant, aut posteaquam peccauerunt, illos minimè
 pudeat, sed hilaritatem, & securitatem quamdam
 vultu præ se ferunt, similes Sodomitis, quos ita
 depuduerat, vt fœdam illam libidinem cuius ar-
 dore æstuabant, palam reterege non dubitaue-
 rint.

Vitio intē-
perātia ho-
mines bel-
luis similes
euadere.

6 Porro huic cæcitati proximum malum est,
 humanis moribus exutis, belluinos induere: cum
 enim per cæcitatem mentis, rationis acies, qua
 distamus à belluis, retusa est, iam externa dumita-
 xat hominis species restat, qua bestia quæpiam, &
 quidem teterrima, humana specie contegitur, ita
 vt quod Nabuchodonosori accidisse memorat
 scriptura, vt scilicet mutaretur in belluam, ita il-
 lis eueniat, qui intemperanter turpibus indul-
 gent amoribus. Nam fortassis non incommode
 eos canes esse dicemus *ad vomitum* suum reuersos,
 & sues lotas in volutabro luti, vt est apud S. Pe-
 trum.

2. Petr. 2.
 22.

trum. Itaque D. Gregorius onocentauros illos, 7. Moral.
 quorum mentio est apud Iſaiam luxuriosos eſſe cap. 19.
 non dubitat, addens non tantum lubricos, vt ipſe
 loquitur, ſed etiam elatos ſignificare, quod etiam
 ad rem noſtram facit, cum Principes facilius hoc
 ſuperbiæ malum propter ſtatus excellentiam cor-
 rипere poſſint. Quid verò, inquit Gregorius, onocen-
 taurorum nomine, niſi lubrici figurantur & elati?
 Græco quippe eloquio ονταυρος, aſinus dicitur, & ap-
 pellatione aſini luxuria deſignatur, Propheta atte- Ezech. 13.
 ſtante, qui ait, vt carnes aſinorum, carnes eorum. Tauri 20.
 autē vocabulo cernix ſuperbiæ demōſtratur, ſicut
 voce Dominica de Iudæis ſuperbiētibus per Plal-
 miſtam dicitur, Tauri pingues obſederūt me. Onocen- Psalm. 21.
 tauri ergo ſūt, qui ſubiecti luxuriæ vitiis inde cer- 13.
 uicē erigunt vnde humiliari debuerant, qui carnis
 ſuæ voluptatibus ſeruientes expulſa longè vere-
 cundia non ſolū ſe amittere verecundiam non
 dolent, ſed adhuc etiā de opere cōſuſionis gaudēt.
 Hæc D. Gregor. & alia quædam huc ſpectantia di-
 gna, quæ legantur. Quod ſi cui minus probabile
 videretur blandum hoc amoris malum, quo homi-
 num molliri pectora ac miteſcere videntur, eoſ-
 dem efferare, & ſanguini minimè parcentes effi-
 cere, meminerit Dauidem Vriam de medio ſuſtu-
 liſſe, & Herodem caput Ioannis amputaſſe; hunc
 vt fidem ſuam, quam ſaltatriculæ temerè obſtrin-
 xerat liberaret; illum vt Bethſabeæ, quam
 vitiauerat famæ conſuleret, & fortè vt à
 periculo legis, quæ adulteras lapidari
 præcipiebat, criminis confor-
 tem, quam malè dilexe-
 rat, liberaret.

* * *

*De malis , quæ Principes aut Re-
spubl. libidinis alicuius occa-
sione passa sunt.*

CAPVT XXVII.

*Primum
exemplum
Pharaonis,
& Abime-
lech , qui
Saram ab
Abrahamo
abstraxe-
rant.*

*Genes. 12.
11.*

PLurima rebus publicis, & viris Principibus
mala ex intemperantiæ vitio exitisse, faci-
lè probari potest ex scriptura, in qua huius rei
exempla sanè insignia reperiuntur. Ac primo lo-
co Saræ Abrahami vxoris in Pharaonis domum
abductæ recenseamus historiam: magnum enim
præbet hic locus testimonium, documentumque
castitatis, vt nemo alienum affectet thorum, aut
alienam incester vxorem. ita ergo legimus in Ge-
nesi. Cumq; propè esset vt ingrederetur Ægyptum, di-
xit Sarai vxori suæ: noui quod pulchra sis mulier, &
quod cum viderint te Ægyptij dicturi sunt. Vxor ipsius
est, & interficient me, & te reseruabunt. Dic ergo obsecro
te, quod soror mea sis, vt bene sit mihi propter te, & viuat
anima mea ob gratiam tui. Cum itaque ingressus esset
Abram Ægyptum, viderunt Ægyptij mulierem,
quod esset pulchra nimis, & nunciauerunt principes
Pharaoni, & laudauerunt eam apud illum, & sublata
est mulier in domum Pharaonis. Abram autem bene
visi sunt propter illam, fueruntq; ei oues, & boues, & asi-
ni, & serui, & famula, & asina, & cameli. Flagellauit
autem Dominus Pharaonem plagis maximis, & do-
mum eius propter Sarai vxorem Abram. Ad viuum
planè hac exprimitur historia, quid in aulis Prin-
cipum vsu venire consueuerit, in quibus cum pa-
rasitis

raſitis interdum , lenonibúſque ſecus quàm merentur honeſtus locus ſit , ipſi luxuriæ materiam Principibus quærunť, ipſi libidines torpentes incitant, ipſi culpæ, aut pœnarum metum minuunt, aut etiam adimunt : quod ſi coniugatæ ſint , aut alios propinquos habeant, quos earum pudicitiz vindices timeant, iis pecunias offerunt , & magiſtratus, titulis honeſtioribus decorant , quo dedecus quod illis ſcelere impingunt , aliquo modo tegant, iuſtum dolorem temperent , & eas, quas accipiunt iniurias ſilentio transmittere, quodammodo cogant. Id ſatis indicat ſcriptura, cum ait,

Abram bene uſi ſunt propter illam. Quamvis enim Abram priuatus & peregrinus inuitus iſta pateretur, eum tamen Pharaonis adminiſtri huiuſmodi blanditiis quantum poterant , ſi fortè rem agrè ferret, mitigare ſatagebant. Sed maritalis pudicitiz potentiſſimus vindex Deus Flagellauit Pharaonem plagis maximis , peſtilentiam & tumultus, ſeditioneſque populares immittens, vt aliquibus placet, vel, vt ſcribunt alij, multiplicibus morbis, grauique animi & corporis cruciatu uſque adeo Pharaonem torquens, vt ne puncto quidem temporis poſſet acquieſcere, quæ mala cum diuinitus intellexiſſet immitti, Saram reddidit, & Abram honorificè deductum abire permiſit. Nec diſſimile factum Abimelech Regis Geraræ , qui cum Saram tuliſſet, proximè abſuit à mortis periculo, nam venit Deus ad Abimelech per ſomnium nocte , & ait illi : En morieris propter mulierem quam tulíſti, habet enim virum. Abimelech autem non tetigerat eam, qua mortis denunciatione territus Rex, mortem, ſe apud Deum purgando deprecatur , ait enim: Domine num gentem ignorantem, & iuſtam interficies?

Ioſeph.
lib. I. ant.

Philo in
libr. de Abraham.

Gen. 20.2.

- Ibid. nu. 4. *Nonne ipse dixit mihi, Soror mea est, & ipsa ait, Frater meus est? in simplicitate cordis mei, & munditia manuum mearum feci hoc. Dixitq; ad eum Deus. Et ego scio, quod simplici corde feceris, & ideo custodiui te, ne peccares in me, & non dimisi ut tangeres eam. Nunc ergo redde viro suo uxorem, quia propheta est, & orabit pro te & viues: si autem nolueris reddere, scio quod morte morieris tu, & omnia, quae tua sunt. Stetitq; de nocte consurgens Abimelech vocauit omnes seruos suos, & locutus est vniuersa verba haec in auribus eorum, timueruntq; omnes viri valde. Aduocato igitur Abrahamo, causaque cognita, cur Saram sororem potius, quam uxorem esse dixisset, donis oneratos dimisit, facta illis potestate ut vbi cumque libuisset habitarent, dixit enim: Terra coram vobis est, vbi cumque tibi placuerit habita. Orante autem Abraham sanauit Deus Abimelech, & uxorem, ancillaq; eius, & pepererunt, concluderat enim Dominus omnem vuluam domus Abimelech propter Saram uxorem Abraha. Quo morbo laborauerit Abimelech, scriptura non expressit. Aliqui tradunt graui admodum morbo correptum fuisse, ut de illius salute Medici desperarent. Alij volunt eum in veretro ita esse diuinitus percussus, ut nec coire cum muliere posset, & magnis in ea parte cruciatibus affligeretur: quod autem ad uxorem, & ancillas spectat, scriptura docet earum vteros fuisse à Domino clausos, ut parere non possent, ex quo efficitur maximos, acerbissimosque eas cruciatus fuisse, perpeffas, cum foetum iam maturum eniti non possent. Ex duabus autem hisce historiis sic ratiocinari licet: si Dominus duos istos Reges nullo iure vetitum coniugium Saræ existimantes, seditionibus & turbis, morbis etiam grauissimis*

Ioseph.
lib. i. ant.

mis exercuit, & in propinquas etiam personas, cuiusmodi erant vxores, licet noxæ nullius participes, morbos graues, dirósque cruciatus immisit, quid mirum si plura, grauiora, & ad plures pertinentia mala, aliorum vindicaturus intemperantiam, grassari permisit, quibus magna in respubl. damna illata sunt: vt ex iis exemplis, quæ subiiciemus, apparebit.

2 Infœliciorem exitum habuit Sichem Heuæi amor, qui indignum facinus, quod Dinam Iacobi filiam constuprando administrauit, capite suo, suorumque luit. Historiæ summa hæc est. Egressa Dina è parentis tabernaculis, quæ, reuersus è Mesopotamia fixerat in terra Chanaan, vt videret illius regionis virgines æquales suas, eam conspiciatus Sichem illiusque captus pulchritudine rapuit, eamque inuitam compressit, compressamque blanditiis à tristitia reuocare conatus est. Re cognita, fratres Dinæ cum iracundia exarsissent, vindictæ talem occasionem nacti sunt. Sichem cum impotenti adolescentulæ amore flagraret, eam sibi à fratribus in vxorem dari postulauit, nec abnuerunt illi, modò Hebræorum sacra, & circumcisionem in primis suscipere vellet, qua qui insigniti non essent, connubia cum Hebræis contrahere nullo modo possent. Accipit Hemor conditionem studio gratificandi Sichemo carissimo filio, cumque vniuerso ciuitatis populo cui Princeps Hemor præerat, rem proposuissent, facile suaserunt, vt & ipsi circumciderentur, & fœdus cum filiis Israel pangerent. Maribus ergo cunctis circumcisis. *Ecce, inquit scriptura, Genes. 34. die tertio quando grauissimus vulnerum dolor est, arre-* 25.
ptis duo filij Iacob, Simeon, & Leui fratres Dina, gladijs,

630 *Institutio politica ex sacris Scripturis.*

ingressi sunt urbem confidenter, interfectisq; omnibus masculis, Hemor & Sichem pariter necauerunt, tollentes Dinam de domo Sichem sororem suam, quibus egressis irruerunt super occisos ceteri filij Iacob, & depopulati sunt urbem in ultionem stupri. Oves eorum & armenta, & asinos, cunctaq; vastantes, qua in domibus & in agris erant, paruulos quoque eorum & uxores duxerunt captiuas. Et quidem meritò Iacobo tanta Sichimitarum strages probata non est, qui calentes adhuc cæde, & sanguine, filios castigauit, ait enim

Genes. 34.
30.

ad Simeon & Leui. *Turbastis me, & odiosum fecistis me Chananeis & Pherezæis habitatoribus terra huius. Nos pauci sumus, illi congregati percutient me, & delebor ego, & domus mea.* Hæc Iacob, eas potissimum cur filiorum facinus damnet, causas afferens, quas ad ferocia iuuenum pectora in officio in posterum continenda idoneas esse posse existimabat. Iam verò morti proximus cum tam atrocis

Gen. 49.5.

facinoris memoriæ hæret recordatio, ita Simeonem & Leui illius auctores allocutus est. *Simeon & Leui fratres, vasa iniquitatis bellantia, in consilium eorum non veniat anima mea, & in casu illorum non sit gloria mea, quia in furore suo occiderunt virum & in voluntate sua suffoderunt murum. Maledictus furor eorum, quia pertinax, & indignatio eorum, quia dura; diuidam eos in Iacob, & dispergam eos in Israel.* Quorum verborum hæc est sententia. Simeon & Leui fratres, non rantum natura, sed etiam dolo, furore, crudelitateque germani, qui conceptam mente iniquitatem in flagitium strenui, tunc exprompsistis cum Sichimiras propter sororis dedecus obtruncastis, absit vt vestrum consilium, aut facinus approbem, aut de vindicta, quam de Sichimitis expetiulistis, glorier. Nam etiam nunc detestor

detestor facinus quod patraſtis, cum Hemor ciuitatis Principem, eiúsque filium, populum vniuerſum hoſtilibus interceptum manibus, interemiſtis, & muros ſubruíſtis, & deiecíſtis. Maledíctus furor veſter, quia pertinax & flecti neſcius, & ſæua indignatio. Diuidam vos qui ad prauum in-eundum conſilium capita contulíſtis, vt inuicem ſeparati aliis in poſterum veſtro iſthoc agendi modo fraudi, ac damno eſſe non poſſitis. Quamuis autem in vindicta ſumenda Simeon & Leui, eorúmque adiutores & adminiſtri peccauerint in vindicta modum non ſeruantes, eoque non iuſti-tiæ zelo, ſed furore quodam & impetu proue-cti, præſertim contra fidem in fœdere datam, Deus tamen in libidinis vindictam non ſolum Sichem, qui virginem violauerat, ſed eius etiam parentem, ac ſubditos, qui factum probauerant deleri permíſit, vt omnibus extaret documentũ, eorum malorum quæ ſua ſibi libidine, imo etiam aliis Principes interdum accerſunt. Quare Iudith pœnam Sichimitarum, vt à Deo in ſclerum eorum vindictam, profecta eſt, ita extollit & prædi-cat. *Domine Deus Patris mei Simeon, qui dediſti illi* Iudith 9.
gladium in deſenſionem alienigenarum, qui violatores 2.
extiterunt in coinquinatione ſua & denudauerunt femur
virginis in conſuſionem, & dediſti mulieres illorum in
predam, & filias illorum in captiuitatem, & omnem præ-
dam in diſmiſſionem ſeruis tuis, qui zelauerunt zelum
tuum, ſubueni quaſo te Domine Deus meus mihi vidua,
 &c. Quibus in verbis obiter notandum eſt, licet à Iudith Simeonis & Leui zelus laudetur, quo ex-citati Hemor Principem, eiúsque filium Sichem, cum alia ratione ius ſuum proſequi non poſſent, armata manu aggreſſi ſunt, non tamen id laudare,

quod damnatum est à Iacob, & honesto zeli obtentu velari non potest, excessum nimirum in sumenda vindicta à Sichimitis fraude deceptis.

*Tertium
exemplum
ex clade
Beniamini-
starum cum
reliquo Is-
raele pu-
gnantium.
Iudith 19.
1. & seq.*

3 Sed atrocius aliud infœlicis intemperantiæ exemplum legimus in historia Iudicum, quo vniuersa Israelitarum respub. turbata est, & concussa, & vna ex duodecim tribubus fermè deleta, nonnullis hominum myriadibus bello ciuili extinctis. Historiæ summa hæc est. Leuites quidam montem Ephraim incolebat, sed occasione vxoris suæ Bethlemitis, cum à socero qui habitabat in Bethlem venisset in Gabaa, se iam tenebris intendentibus, vxore, pueroque vno comitatus, ab omnibusque exclusus sedebat in platea, donec senex quidam à rustico reuersus opere, domi suæ illos recepit, à quo etiam perhumaniter habitati sunt. Illis ergo necessario cibo corpora labore fessa reficientibus, oppidi illius cines, domum senis illius, qui peregrinos hospitio exceperat circumdantes, educi postulabant Leuitem, vt eo præpostera libidine abuterentur. Rem senex indignissimè tulit, sed cum tam multis solus, nullo tanti sceleris vindice opem ferente, resistere non posset, à grauiori crimine abducere studuit, & dummodo parceretur hospitibus, & ipsi à turpi illo concubitu abstinerent, concubinam hospitis sui concessit, quam cum multi ea nocte cognouissent, eam albente iam calo reliquerunt, quæ cum ad hospitis sui domicilium reuersa esset in ipso ædium limine extincta procubuit. Eam vir in asinam sustulit, domumque suam reuersus, cadauer illius in duodecim frustra concidit, vnicuique tribui partem vnâ mittens: quod cum vidissent singuli, rei indignitate commoti, caput Israelis

conci

concilium cogunt, in eoque statuunt, ut si tribus Benjamin Gabaa ciues, qui se tam foedo crimine maculauerant, tradere ad supplicium detrectet, exercitus urbi admoueat, ut patratu flagitij meritas luat poenas. Imperio Israëlitis vniuersi obtemperare recusant filij Benjamin, & se ad bellum collecto exercitu & expeditis armis comparant. Quid plura? descenditur in aciem, phalanges concurrunt, primoque commisso praelio Benjamitæ victores viginti duo hominum millia Israëlitarum ceciderunt, rursusque alio die instaurata pugna, secundam Benjamitæ reportant victoriam, decern & octo millibus hostium obtruncatis: sed tertio tandem certamine sorte commutata, qui vicerant, insidiis intercepti sunt ab Israëlitis, cæsaque amplius viginti quinque hominum millia, ut Benjamitarum tribus prope abesset ab interitu. Benjamitarum quoque ciuitati subiectæ facies, quas qui euadere potuerunt, in solitudinibus palantes periculum declinabant. Fuerunt hi sexcenti dumtaxat, qui cum munitum natura locum occupassent, quatuor menses obsidionem tolerarunt, cum interim Israëlita omnes reliquias oppidi illius euertissent, imo cunctas vrbes & viculos Benjamin voracibus flammis populati essent. Hæc summam, quæ fusiùs historia Iudicum persequitur, memorandum planè omnibus sæculis exemplum relinquens, quàm diras clades, paucorum intemperantia in Rempubl. vniuersam importare possit.

4 His subnecti possunt Dauidis & Salomonis filij eius exempla. Dauidi enim propter adulterium cum Bethsabæ, ita iubente Domino, & verba in ore eius ponente, locutus est Nathan,

*Quartum
exemplum
ex iu., qua
Dauid
eiusque po-
steri pro-
pter par-
tu luxuriã
passi sunt.*

634 *Institutio politica ex sacris Scripturis.*

2. Reg. 12. 10. *Quamobrem non recedet gladius de domo tua usque in sempiternum, eo quod despexeris me, & tuleris uxorem Vria Hethai, ut esset uxor tua. Itaque hac dicit Dominus. Ecce ergo suscitabo super te malū de domo tua, & tollam uxores tuas in oculis tuis, & dabo proximo tuo & dormiet cum uxoribus tuis in oculis solis huius. Tu enim fecisti absconditè, ego autem faciam verbum istud in conspectu omnis Israël, & in conspectu solis. Nec secus accidit, atque à Propheta dictum est,*
2. Reg. 12. 18. *nam verè gladius de domo eius non recessit. Filius enim, quem ex Bethsabee susceperat, diuinæ ultionis gladio percussus est, violento morbo extinctus die septimo, nec quantumvis ieiunio, & humi cubatione ab infantulo cladè Dauid auertere conatus esset, quidquam profecit, nec multo post, superstitè adhuc Dauide, Amnon eius primogenitus ab Absalone propter violatam Thamar interemptus est. Post hunc Absalon ipse cædis Amnoni auctor, cum aduersus Patrè regnum occupaturus arma mouisset, tribus à Ioabo consobрино suo lanceis confixus est. Postea verò quam Salomon Rex declaratus est, regnique adiit possessionem, extincto iam Dauide, eiusdem filius Adonias propter affectatum regnum iussu Salomonis à Banaia est interfectus. Hactenus numerati Dauidis nati fuerunt. De domo verò Dauid ex eius posteris multi gladio periisse comperiuntur in Regum historia. Nam Iosaphat Rex, cum sex liberos suscepisset, ex iis quinque ab eorum fratre Ioram sublatis sunt, sed Domino eius crudelitati vicem rependente, omnes eius filij à latronibus occisi sunt, vno tantum paruulo regiæ domus stirpe superstitè Ioacham, qui cum venisset ad regnum, longa consumptus tabe extinctus est.*
2. Reg. 13. 29.
2. Reg. 18. 14.
3. Reg. 1. 34.

est. Huic successit filius Ochozias, qui à Rege Israël est interemptus. Ochosiæ autem filius Ioas peruenit quidem ad regnum, omnes tamen fratres ab Athalia necatos amisit. Rursus ipse Ioas cum quadraginta annos regnum tenuisset, à seruis suis obtruncatus est, cuius filius Amasias eodem lethi genere, à seruis suis occisus, mortuus est. Imo regum optimus Iosias in bello cecidit, cuius mortem vniuersus Israël, sed in primis Ieremias propheta lacrymis plurimis prosequutus est. Rursus Sedechiæ filij à Nabuchodonosor occisi sunt, & Sedechias oculis orbatus est. Ex quibus apparet, quàm verè à Nathan dictum fuerit. *Non recedet gladius de domo tua.* Et hæc quidem in necis Vriæ ultionem cui adulterium occasionem præbuerat, domus David passa est. Quod verò ad adulterium attinet, peculiari etiam pœna & quidem graui vindicatum est. *Ecce, inquit, ego suscitabo super te malum de domo tua, & tollam uxores tuas, in oculis tuis, & dabo proximo tuo, & dormiet cum vxoribus tuis in oculis solis huius, &c.* Quod ad vnguem impletum est. Absolone enim regnum affectante bellum exarsit, Rexque Danid domestico malo propemodum extinctus est. Cumque David pugnando se Absaloni parem esse posse diffideret, quem fama vulgauerat vniuersi Israël consensu ad regnum admoueri, relictisque decem concubinis è ciuitate egressus esset; ecce tibi Achitophelis consilio ingressus est Absalon ad concubinas parentis sui. *Tenderunt ergo, inquit scriptura, Absalon tabernaculum in Solario, ingressusque est ad concubinas patris sui coram vniuerso Israël.* Cumque David vxorem Vriæ vnā dumtaxat extraneam, & in occulto cognouisset, decem ipsius

2. Paralip.

21. 17.

Ibid. num.

cod

2. Paralip.

22. 9.

Ibid. n. 10.

2. Paralip.

24. 25.

2. Paralip.

25. 27.

2. Paralip.

35. 20.

4. Reg. 25.

7.

2. Reg. 12.

11.

2. Reg. 16.

21.

§ 36 *Institutio politica ex sacris Scripturis.*

Sap. 11. 17. ipsius à filio palam vitiatae sunt. Ex quibus omnibus apparet, per quae qui peccauerit, per ea etiam torqueri, peccatorumque fructus admodum accerbos esse, ita ut cum parentes vuas comederint, multo post tempore natorum dentes obstupescant.

5 Sed veniamus ad Salomonem, de cuius intemperantia supra diximus, quantas bone Deus calamitates accersuit sibi? *Iratuſ est Dominuſ Salomoni* (propter immoderatam libidinem, alienigenarum coniugia, & eam, quae secuta est idololatriam) inquit scriptura. *Et dixit Dominuſ, quia habuiſti hoc apud te, & non cuſtodisti pactum meum, & praecepta mea, quae mandavi tibi, diſrumpens ſcindam regnum tuum, & dabo illud ſeruo tuo. Verumtamen in diebus tuiſ non faciam propter David patrem tuum, de manu filij tui ſcindam illud, nec totum regnum auferam, ſed tribum vnā dabo filio tuo, propter David ſeruum meum & Ieruſalem quam elegi.* Hæc scriptura quae priuſquam ſciſſi regni commemoret hiftoriam, tres adhuc ſuperſtiti Salomoni aduerſarios ſuſcitatos narrat, quorum primuſ Adad Idumæuſ fuit, qui diu apud Pharaonem commoratuſ illi-
Ibid. n. 14. que p̄opinq̄uitate coniunctuſ, ducta Taphneſ, Reginæ ſore ſ germana. Alter fuit Razon filiſ Eliada, qui latronum manu, quorum Princepſ erat, opitulante, regnum Damafci adeptuſ eſt, Ibid. n. 26. Salomonemque quantum poterat oppugnauit. & 40. Tertiuſ fuit Ieroboam filiſ Nabath Ephrathæuſ ſeruuſ Salomonis, qui & ipſe leuauit manum contra Regem. Cum autem Salomon Ieroboamum ad necem quæreret, ipſe ſe periculo ſubduxit, & ad Seſac Ægypti regem confugit, apud quem fuit uſque ad mortem Salomonis, quo tan-

dem

dem è viuis erepto in patriam reuersus occasione
 seditionis quæ fuscitata est contra Roboam, qui
 Israëlitarum postularis, tributorum remissionem
 aliquam postulantibus, acquiescere recusauit, ad
 regnum Israël peruenit, iuxta Abiæ Silonitæ
 prædictionem, qui pallio suo nouo, quo erat ami-
 ctus in duodecim partes dilacerato Ieroboam,
 quem obuium habuerat, decem scissuras iussit
 accipere, clariusque euoluens facti huius myste-
 rium ait, *Tolle tibi decem scissuras. Hac enim dicit* 3.Reg.11.
Dominus Deus Israël. Ecce ego scindam regnum de 31.
manu Salamonis, & dabo tibi decem tribus. Hoc au-
 tem Rege Israël creato, quanta mala occupa-
 uerint Hebræorum Rempubl. non est dictu faci-
 le. Nam nouarum superstitionum architectus Ie-
 roboam, vitulos aureos adorandos proposuit, &
 à veri numinis cultu fidelem populum ad impie-
 tatem idolorum traduxit. Hinc multa à Domino
 immissa mala in gentem illam, hinc captiuitates,
 seditiones, bella cum Regibus Iuda, cumque alijs
 circumiectis Principibus, quæ si recensere veli-
 mus, infiniti sumus. Hæc autem mala Salomoni
 accepta referenda sunt iuxta illud Ecclesiastici
 de eadem. *Dedisti maculam in gloria tua & profana-* Eccles.47.
sti semen tuum inducere iracundiam ad liberos tuos, & 22.
incitari stultitiam tuam, ut faceret Imperium biparti-
tum, & ex Ephraim imperare imperium durum. Tò, &
incitari stultitiam tuam, in Græco est, ἡ καταρυσθῆναι
 τῶν τῆ ἀποστονῶν, hoc est, & compungi, vel ut com-
 pungereris in stultitia tua. Quod forte significauit
 idem Salomon cum ait, *Teduit me vite meæ, vi-* Eccles.1.
dentem mala vniuersa esse sub sole, & cuncta vanitatem 17.
& afflictionem spiritus. Septuaginta verterunt Ma-
 lum super me, opus quod factum est sub sole, ut scilicet
 indi

*De castitate coniugali, & quadam
alia præcepta, ad Principum
matrimonia spectantia.*

CAPVT XXVIII.

1 **E**Gregiè Salomon in Prouerbiis ad coniugalem castitatem hortatur, cum ait. *Bibe aquam de cisterna tua & fluent a putei tui. Deriuentur fontes tui foras, & in plateis aquas tuas diuide, habeto eas solus, nec sint alieni participes tui. Sit vena tua benedicta, & latare cum muliere adolescentia tua. Cerna charissima, & gratissimus hinnulus vbera eius, inebriente omni tempore, in amore eius delectare iugiter. Sunt autem hæ, quibus utitur Sapiens, euoluendæ metaphoræ, vt plenius Salomonis sententiam assequamur. Bibe, inquit, aquam de cisterna tua, ita etiam Aquila, Symmachus, & Theodotio, qui verterunt ἐκ λάκκου σου, paulo aliter Septuaginta qui habent, ἐκ τῶν ἀγείων, è vasis tuis. Sed metaphoræ istæ parum inter se distant, & eundem sensum repræsentant. Suadet enim vt libidinis sitis, propriæ coniugis vsu restinguatur, non abusu alienæ. Sequitur alia metaphoræ. Deriuentur fontes tui foras. In aliquibus codicibus Græcis particula negatiua apponitur, & consensit Aquilæ interpretatio, qui vertit, μὴ διασκορπίζωσιν αἱ πηγῆς σου ἔξω, Ne dispergantur fontes tui foras. Et sensus clarus est, suadet enim ne scortorum consuetudine utatur, in eas pecunias effundendo, & per concubitum vires exhauriendo, iuxta ea, quæ paulò*

*Amor u-
nius con-
iugis sua-
detur.
Prou. 5. 15.*

paulò ante dixerat. *Ne des alienis honorem tuum, & annos tuos crudeli, ne forte impleantur extranei viribus tuis, & labores tui sint in domo aliena.* Sed vulgatæ editionis lectione retenta, quæ cum Hebræo contextu conspirat, in quo non est negatio, hac significatur metaphora, quis finis, & fructus coniugiorum esse debeat, proles nimirum, quem finem voluptarij homines nec expetunt, nec, ut est infœcunda libido, consequuntur. Quoniam autem non nobis tantum vivere debemus, sed Reipubl. etiam servire, propterea in plateas cortiuandas aquas docet, ut scilicet priuati suscipiant liberos ex legitimo coniugio, eosque ut bonos decet ciues in foro, & curia, in publicis administrandis muneribus, operam suam Reipubl. impendere doceant. Pergit Salomon. *Habeto eas solus, nec sint alieni participes tui,* ne scilicet prolem spuriam suscipias, qualis ex vago concubitu nasci solet, quod sanè magnum malum est, & ab Isaia reprehensum cum ait. *Proiecisti enim populum tuum, domum Iacob, quia repleti sunt, ut olim, & augures habuerunt, ut Phylistim, & pueris alienis adhaeserunt.* Forer. vertit ex Hebræo. *In natis alienis sibi satisfaciunt,* id est, satis multos nothos gignunt, quippe qui frequenter adulterantur. vel etiam sensus esse potest, in nothis, & spuriiis sibi placent, nec legitimam, ut deberent, prolem quærunt. Hæc autem peruersitas cum aliis Israëlitis iniquitatibus recensetur, quibus irritatus Dominus domum Iacob proiecisse dicitur. Pergit. *Sit vena tua benedicta.* continuatio est eiusdem allegoriæ, loquitur enim de aquarum vena, quæ fons est, ut patet ex Hebræa voce מקור quæ fontem, aut aquarum scaturiginem significat, ut cum dicitur apud Ieremiam :

iniam: *Me dereliquerunt fontem aqua viva.* ubi eadem vox est. Huius autem venæ benedictio in eo potissimum consistit, ut fecunda sit, ut scilicet in eam conueniat, quod alia vsus metaphora eleganter explicauit Sanctus David. *Vxor tua sicut vitis abundans in lateribus domus tua, filij tui sicut nouella oliuarum, in circuitu mensæ tuæ, ecce sic benedicetur homo, qui timet Dominum.* Addit Salomon. *Et latere cum muliere adolescentiæ tuæ, cum eā scilicet quam adolescēs adolescentem duxisti.* Septuaginta, *μετὰ τῆς γυναῖκος τῆς ἐκ νεότητός σου*, id est, *cum uxore, quæ à iuuentute tuā.* Cerua charissima, &c. In canticis etiam ab eodem Salomone vsurpata metaphora, cum sponsam ita facit loquentem. *Similis est dilectus meus caprea, hinnuloque ceruorum.* Significat ergo vxorem amandam, & in deliciis habendam, quemadmodum à nobilibus viris cicurata ceruæ habentur, quæ ad delectationem honestam aluntur in paradisis. Nisi forte etiam ad proprias quasdam ceruæ dotes, sibi benè notas respexit Sapiens, qualis illa quod serpentes fuget, ut etiā vxor scorta, quæ serpentium instar habent, qualis etiam ea, cuius Physiologi meminerunt, quod scilicet maria tranant gregatim nantes porrecto ordine, & capita imponentes præcedentium clunibus, vicibusque ad terga redeunt. Hoc autem sensit D. Augustinus, qui quodam loco ita scriptum reliquit: Sicut, inquit, de ceruis nonnulli talium cognitionum studiosi scripserunt, cum fretum ad insulam transeunt, pascuorum gratia, sic se ordinant, ut onera capitum suorum, quæ gestant in cornibus, super inuicem portent, ita ut posterior super anteriorem ceruice projecta, caput colloquet, & quia necesse est vnum esse,

Ierem. 2.
13.

Psal. 127.
3.

Cantic. 2.
9.

Plin. l. 8. c.
32.

Lib. 83.
99. 9. 17.

„ qui ceteros præcedens, non ante se habeat, cui
 „ caput inclinet, vicibus id agere dicuntur, vt las-
 „ satus sui capitis onere ille, qui præcedit, post om-
 „ nes redeat, & ei succedat cuius ferebat caput
 „ cum ipse præiret, ita inuicem onera sua portan-
 „ tes fretum transeunt, donec veniant ad terræ sta-
 „ bilitatem. Istam fortasse naturam ceruorum in-
 tenderat Salomon dum ait. *Cervus amicitia, &*
pullus gratiarum tuarum colloquantur tecum. Nihil
 enim sic probat amicum, quemadmodum oneris
 amici partitio. Hactenus D. Augustinus, qui hunc
 locum iuxta interpretationem Septuaginta cita-
 vit, qui ita habent, *ἐλαφὸς φίλιος καὶ πᾶσι τῶν χα-*
ρίτων ὁμιλεῖτω σοι. Quia verò apud Græcos *ὁμιλεῖν*,
 non solum colloqui, & conuersari, sed etiam
 concumbere significat, probabile existimo Se-
 ptuaginta vocem in hac significatione accepisse,
 quamvis qui in Latinum verterunt, *colloquantur*,
 aliam exhibuerint significationem, non ignora-
 tione idiotismi, sed honestioris sermonis gratia,
 vt etiam apud ipsos accidit Græcos, qui *ὁμιλίαν*, &
ὁμιλεῖν, dicunt vt pudentiùs loquantur, vt etiam
 Latini consuetudinis, & consuescendi vocabula
 ad eadem significanda accommodauerunt. Qua-
 re quod in historia Susannæ habemus. *Nunc er-*
go si vidisti eam, dic sub qua arbore videris eos colloquen-
tes sibi. in Græco est, *ὁμιλοῦντας ἀλλήλοις*, vt etiam
 quod dicitur. *Sic faciebatis filiabus Israël, & illæ ri-*
mentes loquebantur vobis, Græcè est, *φοβούμεναι ὁμι-*
λουν ὑμῖν, concumbebant. Sed redeamus ad Salomo-
 nem. *Vbera eius*, inquit, *inebrient te omni tempore, in*
amore eius delectare iugiter. Vox Hebraica quæ hic
 habetur *אָהַבָה* amorem charitatemve significat,
 vt docent lexicographi. Vulgatus, cuius grauissi-
 ma

Dan. 13.

54.

Ibid. n. 57.

ma est auctoritas, etiam vbera significare existi-
mauit, nec alia sedes amoris, quàm cor, quod
sub vberibus latet: ex quo factum, vt commorari
inter vbera, quod habetur in Canticis, nihil aliud
sit, quàm in corde commorari, & quod est apud
Oseam. *Auferat fornicationes suas à facie sua, & adul-* Ose. 2. 2.
teria de medio vberum suorum, idem esse videtur, ac
si dixisset, omnes turpes de corde cogitationes
profliget. Quod ergo dicitur, *vbera eius, inebrient*
te, idem est cum sequenti particula. *In amore eius*
delectare iugiter. Haftenus Salomonis coniugale
præceptum. Ex quo apparet etiam in veteri te-
stamento bigamiam, aut polygamiam, non ad-
modum fuisse probatam, licet ipse Salomon plu-
rimas vxores habuisse legatur, & alij etiam viri
sanctissimi, vt Dauid, & Abraham, vna dumtaxat
vxore contenti non fuerint: de qua re, quia argu-
mento de quo agimus conuenit, & non iniucun-
dam cognitionem continet, aliquid dicendum
est.

2 Principio igitur nascentis mundi, ita matri- De Biga-
monium inter Adamum & Euam constitutum mia, &
est à Domino, vt vnus vna dumtaxat vxor esset. Polygamia
Itaque Dominus non plures mulieres Adami fu- veteris te-
turas vxores, sed vnā dumtaxat excitauit è co- stamenti.
ستا, quam ab hominis latere abstraxerat, & Chri-
stus interrogantibus Phariseis liceretne vxores
repudiare, respondit, *Nonne legistis, quia qui fecit* Matth. 19.
hominem ab initio, masculum & foeminam fecit eos? &
dixit. Propter hoc dimittet homo patrem, & adhere-
bit uxori suæ, & erunt duo in carne vna. Itaque iam
non sunt duo, sed vna caro. Quæ ratiocinatio ed
quidem dirigitur, vt conficiat vxorem dimitten-
dam non esse à marito, ita tamen explicatur, vt

Ibid.n.9.

Rom.7.

1.Cor. 7.

Ephes.5.

32.

significet vnā vnus dumtaxat vxorem, in matrimonij institutione fuisse. Satis enim hoc indicant particulae illae *Erunt duo in carne vna. &. Iam non sunt duo sed vna caro.* Quod etiam clarius ex eo intelligitur quod subditur. *Dico autem vobis, quia quicumque dimiserit vxorem suam, nisi ob fornicationem, & aliam duxerit, mœchatur, & qui dimissam duxerit mœchatur.* Si autem plures vxores ducere licitum esset, qui postquam vnā duxisset vxorem, vel aliam superinduceret priore retenta, vel etiam priore dimissa, quomodo mœcharetur non apparet. Quare magistri sui Domini doctrinae consentanea docens S. Paulus, cum de viri, & vxoris officiis disputat, siue in epistola ad Romanos, siue in secunda ad Corinthios, semper ita loquitur vt dubitari non possit, eum tanquam de re explorata, de vna tantum vxore verba facere. Accedit quod Sacramenti huius, quod sanè magnum est, vt dicit Apostolus, in Christo & in Ecclesia, periret ratio & significatio, si viri vnus essent plures vxores: neque enim vnus Christi cum vnica Ecclesia spirituale connubium significari posset. Quamuis autem primaria matrimonij institutio duos tantum coniuges requireret, quia tamen proli suscipiendae, & educandae, qui matrimonij finis primarius est, non repugnat, si quis simul duas, aut etiam plures habeat vxores, diuina dispensatione non bigamia tantum, sed etiam polygamia inducta est, vt sacras literas legenti facile constabit, neque enim damnandi sunt viri sanctissimi, quasi aliquid contra diuinas leges fecerint, quos duas aut plures habuisse vxores, cognoscimus ex scriptura. Et quidē Bigamiae exempla habemus in Abraham, cuius duae recensentur

in

in Genesi, & in Elcana, qui totidem habuisse dicitur initio Regum historię, & expressè videtur in Deuteronomio concedi cum dicitur: *Si habuerit homo uxores duas, unam dilectam, & alteram odiosam, &c.* Polygamus autē fuisse legitur Iacob, qui Liam & Rachelem duxit, & hisce consentientibus & tradentibus Balam etiam & Zelpham: & David, cuius multę vxores nominatim in scripturis numerantur, Michol, Abigail, Achinoam, Maacha, Haggit, Abital, Eglā, Bethsabee præter alias, quas videtur habuisse cum legamus in historia Regum, *Accepit ergo David adhuc concubinas, & uxores de Ierusalem, postquam venit de Hebron*; cumque fugiens Absalon filium suum regnum occupare satagentem, decem mulieres concubinas reliquisse dicatur domus regię custodes. Sed omnes multitudine vxorum superavit Salomon, cuius septingentę vxores, concubinę trecentę fuisse leguntur, in quo sacra Scripturę interpretes in eo saltem peccatum agnoscunt, quod ardentissimo amore illis copulatus, vt loquitur scriptura, se & voluptatibus carnis, & quod deterius est idolis earum (nam multas duxerat alienigenas) manciparit. Quamuis ergo diuina dispensatione licuerit iis temporibus plures vxores ducere, vt frequentius fieret genus humanum cataclysmo, & vitę breuitate imminutum, in nouo tamen testamento à Christo Domino vetus institutio reuocata est, vt scilicet vnus viri vna dumtaxat esset vxor, & quidem merito; nam eum vxor, non famula mariti sit sed sociā (quod videtur Dominus ostendisse, cum illam non ex Adami capite, aut pedibus, sed ex latere eductant formauit, vt scilicet nec viro præesset, nec ita

Genes. 16.
1. Reg. 1.
Deut. 21.
15.

1. Reg. 5.
13.

1. Reg. 15.
16.

subesset vt mancipium, sed laborum & domesticæ solitudinis particeps, pro modo suæ conditionis cum viro suo, domui præesset) rationi consentaneum fuit vnam dumtaxat esse, ne functiones domesticæ, si multæ essent in domo matresfamiliâs, impedirentur, vt ferè vsu venire solet, cum in aliqua Republ. multorum consensus ad aliquid faciendum exigitur: cum enim in varias distraherentur sententias, segniùs quàm par esset ea, quæ necessaria sùnt, executioni mandantur. His adde coniugium incontinentiæ non tam virilis, quàm etiam muliebris, remedium esse debere, quod sanè obtineri non potest, si tam multæ mulieres vni dumtaxat viro dentur in matrimonium; porrò rixarum, conuiciorum, quantam putamus fuisse segetem in iis domibus, in quibus tam multæ mulieres simul viuebant, quæ ad clamores & iurgia procliues sunt, cum ab iis ne sanctas quidem immunes fuisse legamus? nam in domo Abraham Sara & Agar; in domo Iacob Lia, & Rachel; in domo Elcanæ, Anna & Phenenna, parum inter se consentiebant, sed muliebribus eorum querelis & rixis, lacrymis, iurgiis, & conuiciis tecta personabant. Melior igitur, & humanis moribus conuenientior ea ratio est, quam Christus à vetere institutione repetitam, in fidelium suorum leges & mores induci voluit, vt scilicet vna dumtaxat vxore contenti homines essent. Nec merito conqueri quisquam potest, cum veteres illos Patriarchas, aut Principes legit tam multas vxores habuisse; nam tunc temporis ita fieri decuit, & alioqui priuata voluptate potius & antiquius, rectæ rationis præscriptum esse debet.

3. Sed à polygamia transcamus ad ea coniugia, *Matrimonia cum infidelibus inunda non esse.* quæ cum infidelibus aut hæreticis contrahuntur, à quibus maius Principi periculum esse potest cum accidere possit interdum; ut alicuius commodi causa huiusmodi coniugiorum auctores, & suasores non desint, à quibus tamen sapiens Princeps abstinebit, & quia non licent, & publicæ quieti, Reipublicæque bono minus expediunt. Et sanè apud Hebræos lex fuit, quam legimus in Deuteron. ne foedera pangerent, aut matrimonia cum Chananæis, aliisque gentibus circumiectis sociarent, quorum regiones à Domino erant accepturi. *Non inibis, inquit, cum eis fœdus, nec miseraberis earum, neque sociabis cum eis coniugia. Filiam tuam non dabis filio eius, nec filiam illius accipies filio tuo, quia seducet filium tuum ne sequatur me, & ut magis seruiat diis alienis, irasceturque furor Domini, & delebit te cito.* Deut. 7.2.

Et de iisdem in Exodo præcipit Dominus, *Nec uxorem de filiabus eorum accipies filiis tuis, ne postquam ipsa fuerint fornicata, fornicari faciant, & filios tuos in Deos suos.* Exod. 34. 16.

Et in historia Regum cum de Salomone sermo est, qui duxit uxores Moabitidas & Ammonitidas, Idumæas, Sardonias, & Hetthæas additur. *De gentibus super quibus dixit Dominus filiis Israël: Non ingrediemini ad eas, neque de illis ingredientur ad vestras, certissime enim auertent corda vestra, ut sequamini Deos eorum.* 3. Reg. 11. 2.

Quamuis autem vetus illa lex antiquata iam dudum obsoleuerit, astringitur nihilominus unusquisque cauendi periculi obligatione, ne scilicet tibi periculum creet lapsus alicuius à fide, quod sanè periculum omnibus imminet, cum videamus Salomonem mortalium omnium sapientissimum, uxorum & concubinarum suarum

1. Corinth.
7.39.
2. Cor. 6.
14.

blandimentis ad idola colenda turpiter esse prolapsum. Itaque S. Paulus, nubere volentibus id quidem integrum esse affirmat, dummodo infideli non nubant. *Cui vult, inquit, nubat, tantum in Domino, & alibi verat iugum ducere cum infidelibus.* quod de matrimonio cum infidelibus non in eundo commodè accipi potest, nec sanè vt dixi Principibus expedit, nam præterquam quod orthodoxæ fidei sartæ rectæ seruandæ cura omnibus aliis commodis potior esse debet, huiusmodi matrimonia periculum secum trahunt, ne proles malè à matre educata, cum adoleuerit, maternos errores, quos cum lacte suxerat, imitetur, ex quo Reipubl. ea omnia impendent pericula, quæ hæresim aut à fide defectionem comitantur. Adde fieri vix posse, vt ipso initio cum ducitur vxor, ab eorum latere prauorum dogmatum seminatores, qui huiusmodi Principes comitantur, abstrahantur, aut cohibeantur, ne suorum errorum spargant venena, quæ dum incautè ab aliquibus hauriuntur, Respubl. in diuersa studia, sectasque distrahitur cum maximo publicæ pacis incommodo. Nec verò obiiciat quispiã in scripturis exempla reperiri eorum coniugiorum, in quibus fideles cū infidelibus copulati fuerunt, quæ tamen adeo non reprehunduntur, vt etiam quædam diuino consilio facta dubitari minimè possit. Scimus enim Assuero Reginam Esther nupsisse; filiam Puthipharis Ægyptij Iosepho, Moyse filiam, Iethro Æthiopissam, Salmoni Rahab Iericunthinam, Booz Ruth Moabitidem, Dauidi Maacham filiam Tholmai Regis Gessur. Nam quod obiicitur, facile diluitur. vel enim infideles sacra fidelis coniugis professi sunt cum nupsent, aut iuris illius

Genes. 41.
45.
Exod. 2.1.
Matth. 1.
5.
Ruth. 4.
13.
2. Reg. 3.3.

illius ignoratione excusabantur, aut etiam illo non astringebantur, cum res ante ius scriptum gesta sit, eo tempore conciliato connubio cum lex per Moysen data nondum erat, tunc enim satis fuit legis naturalis præscripto audientem esse, qua in lege disparitas cultus, non ita huiusmodi vetabantur matrimonia, ut validè contrahi nequirent.

De modestia Principis & animi demissione.

C A P V T XXIX.

Humanum ingenium cum suapte sponte in superbiam proclive sit, nec suæ satis conscium infirmitatis, si prærogativa regiae potestatis accesserit, quam adulatores plerumque circumfistunt Principum vanitatem miris modis inflantes, tantos concipit spiritus, ut miserandum in modum attollatur. Mite Sauli erat ingenium, & ad modestiam compositum, quippe qui rusticis assuetus operibus, asinas aut boues affectabatur, & quamvis diuinitus electus esset ad Principatum, quasi tamen regiae maiestatis fulgore eius oculi perstringerentur, domi inter supellectilem domesticam sibi latebras quæsierat, ne produceretur ad regnum: quod enim legimus in Regum historia. *Ecce absconditus est domi.* Hebr. Kaldæus, 2. Reg. 10. & Septuaginta legunt *inter vasa*: sed tamen non 21. ita multo post exuta veteri illa simplicitate morum, quam attulerat ad regnum, adeò degenera-

Facile Principis animum in superbiam attolli, adeo ut superiorē neminē velis agnoscere, seq̃ Deo parem faciat, quod exemplis ostenditur.

uit in superbiam, ut illius actiones ac rerum, post adeptum regnum, seriem consideranti, Dei oblitus à quo fuerat admotus ad Principatum, suæque pristinae humilitatis à qua fuerat excitatus, planè immemor videri possit, de stabiliendo autem regno sollicitus suoque consilio ita fidens, ac si Deo posset obniti, nec qui regnum tribuerat nihil cogitanti, inuito etiam & reluctanti auferre posset. Audiendus itaque Sapiens, qui saluberrima Principibus suggerit consilia, cum ait. *Audite reges, & intelligite, discite iudices finium terre. Præbete aures vos, qui continetis multitudines, & placetis vobis in turbis nationum, quoniam data est à Deo potestas vobis & virtus ab Altissimo, qui interrogabit opera vestra, & cogitationes scrutabitur, quoniam cum essetis ministri regni illius, non rectè indicastis, nec custodistis legem iustitiæ, neque secundum voluntatem Dei ambulastis. Horrendè & citò apparebit vobis, quoniam iudicium durissimum his qui præsumunt fiet. Ex quo enim conceditur misericordia, potentes autem potenter tormenta patientur. Non enim subtrahet personam Deus, quoniam pusillum & magnum ipse fecit, & equaliter cura est illi de omnibus. Fortioribus autem fortior instat cruciatio. Ad vos ergo reges sunt hi sermones mei, ut discatis sapientiam, & non excidatis. Quibus verbis Sapiens acriter eorum castigat arrogantiam, qui eo insolentiæ, aut potius amentia procellerunt, ut se humano fastigio celliores arbitrentur, nec quam acceperant à Deo potestatem illi acceptam referant, sed potius contra illum eiusque præcepta superbè cervicem erigere non reformident. Talis*

Ezech. 29.

3.

Pharao cui Dominus apud Ezechielem, Ecce ego ad te Pharao Rex Aegypti draco magne, qui cubas in medio fluminum tuorum, & dicis, meus est fluvius, &

ego

ego feci memetipsum. Talis Princeps ille, cuius est illa superbiæ plenissima iactatio apud Isaiam, *In celum conscendam, super astra Dei exaltabo solium meum, sedebo in monte testamenti, in lateribus Aquilonis. Ascendam super altitudinem nubium, similis ero Altissimo.* Talis Rex Nabuchodonosor, qui cum ambularet in aula Babylonis dicebat, *Nonne hæc est Babylon magna, quam ego ædificavi in domum regni, in robore fortitudinis meæ, & in gloria decoris mei?* Talis Rex Assyriorum, qui dicebat, *In fortitudine manus meæ feci, & in sapientia meâ intellexi, & abstuli terminos populorum, & Principes eorum depradatus sum, & detraxi quasi potens in sublimi residentes, & inuenit quasi nidum manus meâ fortitudinem populorum, & sicut colliguntur ova, quæ derelicta sunt, sic uniuersam terram ego congregavi, & non fuit, qui moueret pennam, & aperiret os, & ganniret.* Talis Arphaxad ille, cuius mentio est in Iudithis historia, *Qui gloriabatur quasi potens in potentia exercitus sui, & in gloria quadrigarum suarum.* Talis tandem Antiochus, qui se supra naturæ leges statuens, *Existimabat se præ superbia terram ad nauigandum, pelagus verò ad iter agendum deducturum propter mentis elationem.* Nam quis finis sit, aut superbos, aut eorum voces tumore ac superbia plenissimas recensere volenti?

Isa. 14. 13.

Dan. 4. 27.

Isa. 10. 13.

Iudith 14.

2. Mach. 5.

21.

2 Statuat ergo prudens & religiosus Princeps, apud semetipsum frequenter in mentem reuocare, Principe quantumvis potente plurimisque regnis imperante alium esse Principem longè potentiorē, cui dictorum omnium, factorumque ratio reddenda sit, quemadmodum dicebat Sapiens, cuius verba supra attulimus. Hæc autem recordatio mirum quantum proderit, nullū enim

Afferitur remedium contra hoc malum, ut scilicet agnoscat Princeps se Deo subditum esse.

est

652 *Institutio politica ex sacris Scripturis.*

- est tam atrox scelus, quo se maculare Principes non audeant, si vindicis supremi numinis iræ obliuiscantur: dixit insipiens in corde suo, *Non est Deus.*
- Psal. 13. 1. Quid inde secutum est? *Corrupti sum, & abominabiles facti sum in studiis suis; non est, qui faciat bonum, non est usque ad unum. sic via omnium.* Dicitur apud
- Iob 8. 13. Iob, qui obliuiscuntur Deum, cum nimirum eueriunt sensum suum, & declinant oculos suos, ne videant celum, nec recordantur iudiciorum iustorum, nec probant Deum habere in notitia.
- Dan. 13. 9. Itaque sanctus Dauid cum multa hominum scelera commemorasset, quæ scelestis hominibus frequenti usu facta essent familiaria, quod, scilicet, odissent disciplinam, & proiecissent sermones Domini retrorsum, quod videntes firem currebant cum eo, & cum adulteris portionem ponerent, quod os abundaret malitia, & lingua illorum concinnaret dolos, quod sedentes aduersus fratrem suum loquerentur, & aduersus filium matris sue ponerent scandalum; quod tandem existimassent Deum illis fore similem, tamque grauia & immania scelera, ac si ea non detestaretur, sperassent silentio transmittenda: tandem fontem unde ista omnia manassent & pharmacum quo morborum ista contagio sananda esset, indicans, ait. *Intelligite hac, qui obliuiscimini Deum.* quasi diceret, obliuiscimini diuini numinis, ac propterea impunitate proposita, nihil non ausi estis. Resipiscite, quodque res est intelligite, *Excelsus excelsiorem esse alium, cui gubernationis vestræ rationem probare debeatis.*
- Eccles. 5. 7. 3 Mirum autem in modum proderit ad modestiam vel inferendam, vel conseruandam, si suæ mortalitatis infimæque conditionis, cuius, quippe homines, participes sunt, obliuio Principes non capiat. Hac enim omnes lege in hanc lucem
- Afferitur alind remediū, ut scilicet intelligat ad se Deo*

emer

emergimus, vt post decursum huius vitæ stādium *subditum*
 metam mortis, quocumque cursum nostrum dire- *esse, ut etiam*
 xerimus, rādem attingamus. Vnus Deus est, quem *infimus sit*
 Apostolus *Regem Regum* appellat & *Dominum Do-*
 minantium, qui solus habet immortalitatem. Porro de *imbecil-*
 mortalibus mortalitatique subiectis dicitur ab *is, & more*
 eodem. *Vanitati enim creatura subiecta est, & sicut*
vestimentum veterascet, & si Deus faciem suam auer-
teret, auxiliūque suum quo omnia conseruan-
tur subduceret, turbarentur, & in puluerem suum re-
uerterentur. Et quantumvis ditionis amplitudine, *aliarum*
 auri immensis ponderibus, militum innumerabili *creaturarū*
 multitudine, regalisque splendore maiestatis sibi *Dei com-*
 reges placeant, tamen frustra sunt, nam cum solus *paratione*
 Deus sit *is qui verè est*, illius contentione gentes, *nihil.*
quasi stilla situla, & quasi momentum statera, reputate
sunt, insula quasi pulvis exiguus. Omnes gentes quasi
non sint, sic sunt coram eo, & quasi nihilum & inane
reputata sunt ei. Quid ergo est, quod tantopere sibi
 plaudant homines, cum huius pulvisculi tenuissi-
 mam particulam occupare potuerunt, quasi in-
 gentem possessionem propter quam merito exul-
 tare possint, sint adepti? Cur non potius sibi ma-
 ximè vilescunt, quippe qui tantula stillæ huius
 portiuncula sunt, vt lynceis planè oculis opus ha-
 beat, qui tam tenuem, & propter paruitatem mi-
 nimè aspectabilem reculam velit intueri? Hoc
 probe sanctus intelligebat Dauid, qui cum alibi,
 tum in Psalmo primo supra sexagesimum, hanc
 hominum vanitatem, inanitatem, & nihilum ex-
 aggerauit, quem locum, vtpote insignem, paulò
 latius explicare animus est. *Verumtamen*, inquit, *Psal. 61. 9.*
vani filij hominum, mendaces filij hominum in stateris, vt
decipiant ipsi de vanitate in idipsum. Multi interpre-
 tes

tes de dolosis stateris locum accipiunt, & verò illis fauet, quod non semel in sacris litteris de illis ut de re abominabili mentio est. in Prouerbiis, *statera dolosa abominatio est apud Dominum, & pondus aequum voluntas eius.* cui consonat præceptum illud Deuteronomij; *Non habebis in sacculo diuersa pondera maius & minus, nec erit in domo tua modius maior, & minor, pondus habebis iustum, & verum; & modius equalis, & verus erit tibi, ut longo viuas tempore super terram, abominatur enim Dominus Deus tuus eum, qui facit hæc.* Eandem etiam ponderum iniquitatem cap. 6. reprehendit Michæas, cum ait: *Nunquid iustificabo stateram impiam, & sacelli pondera dolosa?* Si ergo iuxta istos interpretes de stateris locum intelligamus, sensus erit. Vani & mendaces homines sunt in stateris, adeo ut ex ipsa videatur vanitate omnes pariter conflati. Nihilominus si rem altius perscrutemur, longè diuersum huius loci sensum esse reperiemus. Est enim elegantissima hyperbole in minuendo, qua mirificè vanitas hominum nobis ponitur ob oculos. Sensus enim est, ut Iansenio placet & Genebrardo, & ut ex Hebræo contextu colligitur. Filij hominum, qui alioqui aliquid magnum sibi videntur esse, adeo leues sunt, vani & nullius ponderis, ut si vanitas ipsa & inanitas, qua nihil vanius aut inanius esse potest, in alteram lancem inferatur, in alteram verò omnes homines quotquot sunt, ipsa vanitas præponderatura sit: atque ita decipiunt de vanitate, quia nullus sibi vnquam persuadere potuisset tantam in hominibus inesse vanitatem, quantam ipsa doceret experientia, si omnes libra aliqua appendi possent. Ne verò aliquis de vulgo, & facie populi ista intelligi putet, primariòque

ac Principes viros eximat, notandæ sunt illæ duæ voces. Filij hominum, nam in Hæbræo non est בְּנֵי אָדָם *Bene Adam*, quod simpliciter significat filios hominum, sed est בְּנֵי אִישׁ *Bene isc*, filij viri id est nobiles. Ista verò ita distingui, præterquam quod Hebraicè scientibus notissimum est, patet etiam ex Psalmò 48. statim initio, sibi enim Psaltes attentionem concilians. *Audite hæc*, inquit, Psal. 48. 1. *omnes gentes, auribus percipite omnes, qui habitatis orbem, quicquid terrigena & filij hominum. simul in unum diues & pauper.* Quo loco terrigenas, plebeios, & ignobiles appellat. Græcè Septuaginta habent *γῆσθεν, terra genitos, terra filios*: filios verò viri nobiles & illustres, ut sensus sit. Adeste omnes siue nobiles sitis, siue obscuri, siue diuites, siue pauperes. Vani. Vis ergo hominum magna continetur hoc loco. Ratio, quandoquidem nullus planè reperitur, quod isquis tandem ille sit, qui ab hac inanitate vacuus esse possit. Quod si homo præstantissimum animal adèò vanum est, ut ipsa vanitate leuius iure dici possit merito; *Totum mundum in maligno positum esse*, cum D. Ioanne affirmare possumus, hoc etiam sensu ut nimirum omnia, quæ mundi nomine censentur, creaturas scilicet omnes paruas esse, tenues, obscuras, & quæ propter natiuam vanitatem vix appareant, hæc enim est vocis huius, *Malignus*, valde propria significatio, ut scilicet exiguum tenuémque significet, quo sensu lucem malignam & ignem malignum dicimus. Quare S. Paulus eos adhortatur, qui hoc mundo utuntur, ut sint tanquam non utentes; rationémque affert ab hac vanitate petita, cum ait: *Præterit enim figura mundi huius. ac si dicat: Mundus hic inanis quædam figura est, & idolum, cui nihil subest,*

subest, iuxta illud, quod eadem in epistola legimus. *Scimus quia nihil est idolum in mundo; & quamuis hæc idola, & figuræ istæ speciem quamdam præ se ferant rerum solidarum, nostrasque ad se appetitiones trahant, qui tamen illis suam veram reddiderit faciẽ, reperiet eas picturis similes esse, quæ veram quidem rem mentiuntur, proximè tamen accedenti, & tractanti nullo negotio, apparet oculis nostris pictoris artificio fucum fieri, quo non decipiuntur ij, qui oculos habent eruditos. Id sensisse videtur David, cum de iniquis, qui in mundi huius secundis rebus se beatos putant,*

1. Cor. 8. 4. *ait, Transferunt in affectũ cordis. Hebraicè est in picturas, vel imaginationes cordis, quia videlicet ea, in quæ per affectum feruntur, & transeunt homines, adeo inania sunt, nulliusque momenti, vt picturæ potius, & vana phantasmata esse videantur, quàm res veræ & solidæ. Alia metaphora, sed eandem inanitatem mirificè explicante, vsus est sanctus Iob, cum ait: Homo nascitur ad laborem, & avis ad volatum. Quem locum ita expressit Kaldæus. Filius hominis ad laborem natus, & finis eius tanquam scintilla, qua saltant ex prunis, & eleuant se ac si volarent. Est autem sententia, homo multis atteritur laboribus, vt aliquam boni alicuius partem consequatur, sed sera illum spes frustratur: nam cum ad id, quod votis omnibus optauerat, tandem peruenierit, quid aliud esse comperiet, quàm rem inanissimam, & scintillis ex prunis existentibus simillimam? quæ nescio quid splendoris videntur habere, cum tamen nihil aliud sint, quàm accensus cinis, paulo post omni amisso splendore in focum descensurus. Nec minus apta est illa metaphora, qua Ecclesiastici auctor vsus est cum ait,*

Iob 5. 7.

quasi

quasi qui apprehendit umbram, & persequitur ventum, Ecclef. 34.
sic & qui attendit ad visa mendacia. Quemadmodum 2.
 enim umbræ cum nihil sint, aliquid tamen esse
 videntur, ita res istæ omnes quas homines effli-
 ctim adamant, potentia, magistratus, imperia ad
 verum solis iustitiæ lumen admodum nihil sunt: sed
 quemadmodum cum sol à meridie recessit lon-
 gius, maiores etiam umbræ sunt, ita umbrarum
 istarum admiratoribus vsu venire consuevit, nam
 quo minus solis huius iustitiæ radiis afflantur,
 umbras istas inanes maiores putant, & quasi res
 momenti alicuius stupentes admirantur: quod
 ipsimet videntur tandem agnouisse, cum apud
 Ieremiam dolentes dicunt. *Vae nobis, quia declinavit Iere. 6.4.*
dies, quia longiores factæ sunt umbræ. Et in libro Sa-
 pientiæ iidem conqueruntur, quod vias difficiles
 ambulauerint. & Salomon ait: *Cuncta res difficiles, Ecclef. 1.8.*
non potest eas homo explicare sermone, non satiatur ocu-
lus visu, nec auris auditu adimpletur. Ad quæ verba
 sensus hic forte accommodari potest, cunctæ res
 duræ, morosæ, auaræ: non enim se satis dant, ne-
 que sui copiam faciunt (hæc enim omnia, vox,
 difficilis, apud Latinos significare solet) nec verò
 facere possunt, cum inanissimæ planè sint, atque
 propterea non potest eas homo explicare sermo-
 ne, cum eas vix gustet, vix oculis, vix auribus ac-
 cipiat. Quare Iob ait: *Nec est satiatus venter eius, Iob 20.21.*
& cum habuerit, quæ concupierat, possidere non potuit.
 Et Dauid. *Dormierunt, inquit, somnum suum, & nihil Psal. 75 6.*
inuenerunt viri diuitiarum in manibus suis. Nimios
 ergo spiritus Principes comprimant, nec se aut
 adulatorum fallacibus vocibus, aut innatæ tu-
 more superbiæ in errorem patiantur induci, sed
 illud planè intelligant, nullam eos insolescéd. ha-
 bere

bere occasionem, si suarum virium tenuitatem, si suæ mortalitatis conditionem penitus noluerint obliuisci. Legimus apud Ezechielem. *Fili hominis leua planctum super Regem Tyri, & dices ei. Hac dicie Dominus Deus. Tu signaculum similitudinis plenus sapientia, & perfectus decore in delicijs Paradisi Dei fuisti, omnis lapis pretiosus operimentum tuum, sardius, topazius, & iaspis, chrysolitus, & onyx, & berillus sapphyrus, & carbunculus, & smaragdus, aurum opus decoris tui, & foramina tua in die qua conditus es, parata sunt.* Hebræi post vocem, *aurum*, punctum figunt. Et quæ sequuntur ita legunt. *Opus tympanorum tuorum, & fistularum tuarum in te, in die, quo creatus es, parata fuerunt*, id est, ut Rabbi David interpretatur, resonantibus in domo tua omnibus instrumentis musicis natus es; Principum scilicet respiciens consuetudinem, qui cum prolem, masculam præsertim, suscipiunt, plurima edunt signa lætitiæ tubis clangentibus, omnibûsque musicis instrumentis personantibus; & vox *קקק* commodè eam recipit interpretationem, nam tibias, fistulasque significat, quæ multis sunt distinctæ foraminibus: radix enim *קק* perforare significat, cui noster interpretes insistens vertit *foramina tua*, & Kaldæus ad rem nostram aptissimè ita interpretatus est. Adeo elatus fuisti, oblitusq; conditionis tuæ, ut non consideraueris te hominem esse, tibiq; quo die natus es, tanquam homini mortali foramina oris, & narium ad spirandum data esse. Verissima ergo vox est Antiochi, impij alioqui hominis, & æterni Numinis contemptoris, sed vel ab inuito malorum vi diuinitus expressa. *Iustum est subditum esse Deo, & mortalem non paria Deo sentire.* Mirum enim quantum eos auersatur Dominus, qui post

postquam Dei beneficio aliquid quod suis viribus minimè potuissent, perfecerunt, Chaldaeos illos imitantur, quos reprehendit Habacuch illis verbis. *Totum in hamo subleuauit, traxit illud in sagena sua, & congregauit in rete suam, super hoc letabitur, & exultabit, propterea immolabit sagena sua, & sacrificabit reti suo.* Illud nimium arroganter intra se ipsum dicens, quod vetuit Dominus in Deuteronomio, cum ait: *Ne dicas in corde tuo. Fortitudo mea & robur manus mea, hac mihi omnia praestiterunt, sed recorderis Domini Dei tui, quod ipse vires tibi prae-buerit, ut impleret pactum suum, super quo iurauit patribus tuis, sicut praesens indicat dies.* Verè enim ut canit sanctus Dauid, *Deus qui praeinxit me virtute, qui docet manus meas ad praelium, & posuit ut arcum arcum brachia mea, Dominus firmamentum meum, & refugium meum, & liberator meus, adiutor & protector meus, cornu salutis mea, & susceptor meus.*

Habac. 1.
15.

Deut. 8. 17.

Psal. 17.
33.

4 Cum verò veritatis huius cognitio Principis menti altè federit, aberit proculdubio omnis arrogantia & tumor, omnis in verbis iactantia ac contumacia, nec inferioris conditionis homines contemnet, nec in pares, aut in superiores insurget, sed celsioris illius Principis memor cui dicta sua omnia & facta probare debet, in dictis omnibus & factis modestiam colet. Itaque recolenda sunt Regum exempla, qui suae mediocritatis obliti, aut regia opulentia, aut regni frequentia, aut exercitibus suis sibi placuerunt, quasi non munere diuino illa fuissent consecuti, ac propterea diuinam sensere vindictam, qua vel ad pristinam reuocarentur animi demissionem, vel si illius capaces non essent, ita tamen tremor ille mentis diuina ultione ingruente premeretur, ut vel tan-

Offenditur
exemplis
quæ malè
sibi consu-
luerint ij,
qui Dei
obliti, in
superbiam
elati, sibi
nimium pla-
cuerunt.

- dem inani suam agnoscerent tenuitatem, & si diuinitus immixta correptione non proficerent, aliis tamen exemplo prodesse, qui olim factum essent cognituri. Talis Syriæ Rex Benadad, qui non minus superbiæ typho, quàm vino temulentus (nam ut ait scriptura, *Benadad bibebat temulentus in umbraculo suo; & Reges triginta duo cum eo, qui ad auxilium eius venerant*) tantum viribus suis tribuebat, ut in illa insanissimæ iactantiæ verba erumperet, *Hec faciant mihi Dii, & hac addant si suffecerit pulvis Samaria pugillis omnis populi, qui sequitur me.* Cui prudenter paucisque verbis, fortium virorum more, qui factis potius quàm verbis exhibent fortitudinem, Rex Israel respondit, *Ne glorietur accinctus aequè ut discinctus.* Quorum verborum illa sententia est, Non canendum esse triumphum ante victoriam, nam cum Mars communis sit, variusque bellorum euentus, fieri posset, ut qui certam sibi victoriam pollicebatur, cum ventum esset ad manus, turpiter terga darent, victique succumberent, quod etiam vñ venit. *Nam accedens Propheta unus ad Achab Regem Israel ait ei. Hac dicit Dominus: Certè vidiisti omnem multitudinem hanc nimiam? Ecce, ego iradam eam in manu tua hodie, ut scias quia ego sum Dominus.* Ut autem tantæ auctor victoriæ, quisnam esset clarius cognosceretur, & vero ut Syri superbia magis contunderetur, non selecto exercitus flore ad eam expeditionem uti voluit Dominus, sed *pedissequos Principum provinciarum dumtaxat adhibere, qui ducentorum triginta duorum numerum non superabant, ut ingentes illas copias pessumdaret, ac trucidaret.* In quo suum morem tenuit Dominus, qui *humilia, & contemptibilia mundi elegit, ut confunderet.*

dat, & euertat fortia. Quemadmodum ranis, mu-
scis, ac cynipibus. ita Pharaonem, vniuersamque
Ægyptum vexauit, vt ferocem Regis animum
mitescere cogeret, & à Moysè tantorum malorum
molem deprecari. Et superbum Philisthæum con-
tra Dauid cum gladio, & hasta & clypeo venientem 1. Reg. 17.
adolescentuli pastoris, sed Dei exercituum virtu- 45:
te fidentis, saxo è funda emisso deiecit in terram,
vt nimirum aduersus Dominum non gloriatur om-
nis caro.

*De prudentia Principis, & de
ingenio Regni & Populi.*

C A P V T XXX.

I DE prudentia Principis paucula quædam *Regnerum
instabilem.
esse posses-
sionem.*
delibanda potius sunt, quàm tractanda:
cum toto hoc opere nihil aliud contineatur quàm
ciuilis prudentiæ præcepta; ac potissimum ea sunt
attingenda, ex quibus probè cognitis, quasi ex
fontibus reliqua omnia doctrinæ huius præcepta
dimanare certissimum est; ea sunt quæ proposui-
mus, Ingenium Regni & Populi, quæ qui bene
perspecta habuerit, magnum telum ad Rempubl.
bene gerendam nactus fuerit. Ac primò quidem
illud statuendum est Regnum omne in lubrico
stare, fierique nonnunquam vt cum firmioribus
niti videtur radicibus, propius tamen absit ab in-
teritu. Sic enim in humanis rebus, altissimo suo
consilio ludit Numipis sapientia. Ingentibus Sa-

- lomon diuitiis, armis, finitimorum Regum fœderibus, ac potissimam admirabili sapientiâ adeo videbatur Israelis regnum stabilivisse, ut nulla externa vis, nulla civium seditio, illud aliqua ex parte labefactare posset. Et tamen sub Roboamo, quem fortasse propterea *Rudem* sacra Scriptura appellavit, quod non satis humanarum rerum vicissitudines intelligeret, exorta seditio florentissimum regnum discecidit, decem tribubus à Roboamo per illum tumultum abstractis, aliisque Israelis Rege constituto; quam iacturam nec Roboam ipse, nec qui illius Regnum postea tenuerunt, vlllo vnquam tempore sarcire potuerunt.
2. Paralip. 13. 7. 2. Reg. 12. 14. *Baltassar Rex fecerat grande convivium optimatibus suis mille, dumque temulentus plus iusto hilaris potationibus indulget, nihil minus metuens quàm Regni cuius erat mirè securus amissionem,*
- Dan. 5. 1. *ecce tibi. In eadem hora apparuerunt digiti, quasi manus hominis scribentis iuxta candelabrum, in superficie parietis aula Regia. Quo viso, Rex mirum in modum conturbatus, cum neminem inueniret, qui parieti impressorum characterum sententiam posset euolvere, tandem adductus est Daniel, qui diuino collustratus lumine. Hac est scriptura, inquit, quæ digesta est, MANE THECEL PHARES. & hac est interpretatio sermonis. MANE numeravit Deus Regnum tuum, & complevit illud. THECEL appensus es in statera, & inuentus es minus habens. PHARES divisum est Regnum tuum, & datum est Medis, & Persis. Ut autem à Daniele prædictum est, ita continuò est factum, varis sui prophetiam implente Domino. Nam eadem nocte interfectus est Baltassar Rex Chaldeus, & Darius Medus successit in Regnum, annos natus sexaginta duos. Atque ita vna*
- Ibid. n. 25. Ibid. n. 30.

& eadem nox, & Baltassar's & Kaldæorum Regno finem imposuit.

1. Secundò, de Regno & de Regibus dici potest, *Principes multorum odii, & invidia patere.* Si non dixerunt, inquit Iacob, *viri tabernaculi mei, quis det de carnibus eius ut saturemur?* Quem locum explicans S. Gregorius ita scribit, Iob 31. 31.

Pensemus quanta fortitudine sancti viri animus, extra intraque sollicitus, ad omnia paratur, qui se iniuste agentibus aut nunquam per silentium cederet, aut per rectitudinem non contrairer, profectò aduersarios non habuisset, sed in eo quòd vias vitæ tenuit, exoptatores suæ mortis inuenit.

Et paulò post Sapientis consilium omnibus sanè qui aliis præsumt necessarium subdit Gregorius, quod est huiusmodi: *Cunctis sermonibus qui dicuntur ne accomodes cor tuum, ne fortè audias seruum tuum maledicentem tibi.* Nam de Principibus mul-

Ecclesi. 7.
32.

tus est vulgi sermo, & rectè etiam facta carpuntur, quibus tamen rumusculis adeo Princeps moueri non debet, vt ne aures quidem illis audiendis accommodare debeat, ne fortè iactis in se vulgaribus, & nullius momenti cauillis irritatus, erumpat ad vindictam, aut ad virtutis & iustitiæ regiam viam insistendam segnior populi oblo- cutionibus reddatur. Illud quidem diligenter cauere debet, ne fortè ansam aliquam facta sua damnandi subditis tribuat, sed vbi ab officio se minimè discessisse cognouerit, otiosos, desides, garrulos planè negligat. Quanquam illa etiam odij causa est, quòd Principem non timere non possumus, ex cuius arbitrio vita hominum pender, itaque vt mitissimus sit, quia tamen nocere potest, formidatur: quæ verò formidamus, ea

664 *Institutio politica ex sacris Scripturis.*

Rom. 13.

4.

odio fermè prosequimur, quo etiam timore grauius vrgentur ij qui sceleris alicuius conscij tibi sunt. *Si malum feceris*, inquit D. Paulus, *time* (Principem scilicet) *non enim sine causa gladium portat, Dei enim minister est, vindex in iram ei qui malum agit.* Porro ex odio frequenter erumpunt insidiæ, quem enim aperta vi aggredi verentur, eum clanculum oppugnant, & occasione nata euertere sa-

Psal. 55.6.

tagunt. *Tota die*, inquit David, *verba mea execrabantur, aduersum me omnes cogitationes eorum in malum, inhabitabunt & abscondem*: hoc est, mecum sub eodem tecto habitabant, & quod virus premebatur in pectore, beneuolentiæ & amicitiae velum prætendentes, regere studebant. *Ipsi calcaneum meum obseruabant*, vestigia mea, gressus, actionesque diligenter obseruabant, vt data occasione aliqua opportuna insidias adornarent, & innocentem dolis interceptum de medio tollerent: &

Psal. 40.5.

alibi. *Inimici*, inquit, *mei dixerunt mala mihi*, hoc est de me, *quando morietur, & peribit nomen eius?* Quasi dicat, si quando in aduersam incidissem valetudinem per simulationem officij decumbentem inuisebant, *Si ingrediebatur*, inquit, *vt videret, vana loquebatur*, mellitis, humanitatèque plenissimis sermonibus se pro amico gerebat, sed *cor eius congregauit iniquitatem sibi*, nam apud se improbum aliquid animo conflagabat, quod foras egressus cum aliis communicaret. *Egrediebatur foras, & loquebatur in idipsum*, omnibus enim qui eiusdem erant sententiæ in vnum coactis, ea quæ viderat loquebatur, salutem meam iam desperatam esse, nec iam inuisum caput diu posse esse superstes. *Aduersum me susurrabant omnes inimici mei, aduersum me cogitabant mala mihi. Verbum iniquum*
confli

constituerunt aduersum me, nunquid qui dormit non adiciet, vt resurgat? quasi ex composito constituerunt iniustum aliquod facinus aduersum me perpetrare, sed eos fallit opinio, nam cum in protectione Dei cali lateam, qui ita lecto affixus est, morboque prostratus decumbit, adiciet vt resurgat, cum pristina restitutus valerudini aduersariorum suorum spes ludet, qui quem extinctum sperabant aut volebant; incolumem, & integris viribus optimè valentem, vel inuiti cernere cogentur.

Psal. 90.1.

3 Nec tamen istud ignorant Principes, qui propterea pharmaca metuentes prægustatores adhibent, & latus armato tegunt milite, & nocturnum somnum excubitorum custodia muniunt, ne qua possint vitæ insidiatores obrepere. Hinc de Salomonis lectulo dicitur in Canticis. *En lectulum Salomonis sexaginta fortes ambium ex fortissimis Israël, omnes tenentes gladios, & ad bella doctissimi, uniuscuiusque ensis super femur suum propter timores nocturnos.* Ita enim vsu venire necesse est, vt qui à multis timetur, multos etiam timeat, nec satis virtutis & iustitiæ, cui plerumque inuidia insidias struit, præsidio tutus esse possit: Quamquam fieri nonnunquam videamus, vt plus iusto formident, & eos suspectos habeant, à quibus nihil timere debuissent. Ita Saul Dauidem generum suum lancea configere conatus est, & diuturno tempore sed irritò semper conatu quæsiuit ad necem, quo tamen ad eum diem nullum magis fidum inuenerat, sed quia acer erat consilio, manu strenuus, charus primoribus, & vulgo militum acceptissimus, eum adhuc crescentem decreuerat opprimere, ne Ionathæ filio debitum occu-

Principes abundare suspicionibus, & metu.

Cant. 3.7.

1. Reg. 18.
11.

666 *Institutio politica ex sacris Scripturis.*

1. Reg. 20. 31. paret Imperium, ita enim Ionathæ dicebat Saul, *Omnibus diebus quibus filius Isai vixerit; non stabilieris tu neque Regnum tuum:* in quo tamen falsus est, nam quibus artibus eum euertere conatus est, iisdem ad Principatum inuitus admouit. Sed sæuius etiam Herodis ingenium, qui quo tempore Magi ab Oriente stellæ ductu Ierosolymam venere, quærentes Iudæorum Regem nuper natum, non tantum occidit omnes pueros qui erant in Bethleem, & in omnibus finibus eius, à bimatu & infra, secundum tempus, quod exquisierat à Magis: Sed à filio suo sibi metuens, ne illi quidem parcendum esse iudicauit, ut meritò quidam dixerit in Herodis domo melius esse porcum esse quàm filium: nam cum filium ingularer parcebat tamen porco, cuius carnibus vesci Iudaicæ legis obseruatione prohibebatur.

4 Præter ista autem, quæ hoc capite de Regni ingenio disputauimus generationi, alia sunt, quæ Principem quemlibet diligenter cognoscere par est. Quo iure ad Regnum venerit, an successione, an electione, an iure belli. Quæ leges Regni sint, quæ consuetudines, quæ vires, qui numerus vrbium, qui ex iis prouentus, quot hominum millia possit habere in castris, & huiusmodi. Hoc autem quia censu cognosci potest, quærat aliquis an sit è re publica, & Principis, inire ciuium censum populumque numerare. Eorum sententiæ qui affirmant fauet, quod Moses, Dei ipsius iussu, populi capitum per cæsum numerum subduxit, præceptum enim illi est in hæc verba;

Num. 1. 2. *Tollite summam vniuersa congregationis filiorum Israël, per cognationes, & domos suas, & nomina singulorum quidquid sexus est masculini à vigesimo anno, & supra*

omnium

*Peculiare:
Regni cui
præst con-
ditiones
Principi
cognitas
esse debere:
ubi de cen-
su.*

omnium virorum fortium ex Israël, & numerabitis eos per turmas suas, tu, & Aaron. Et idem ratione confirmari posse videtur, nam census beneficio subditorum numerum, ætatem, suorum qualitates cognoscit Princeps, quot hominum millia, si bellum ingruat, sub signis habere possit, quantum armorum aut annonæ parandum sit, si urbem v.g. obsidione premi cōtingat. Rursus quam quisque artem profiteatur, qua ratione sibi suisque victum parer: an vagi in vrbe homines sint, & facinorosi qui propter rei familiaris difficultates, aut propter crimina alibi patrata, passim sedes mutant, & Reipubl. incommodant, cum ad maleficia, ad furta, & cædes promptiores sint, vt de illis deliberari possit, sint ne vrbe, & finibus exigendi, quis modus sit diuitiarum cuiusque familiariz, vt facilius matrimonia inter æquales, & eiusdem census copulari possint, aliæque utilitates percipi, quæ ex hac notitia existunt, quæ omnia ad bonam Reipubl. gubernationem non parum conducere existimantur. Sed pro huic aduersa sententia non pauciora argumēta afferri possunt. Primum, quòd non modò David grauitèr à Deo plexus est, quòd censum iniisset, cum populo Dei, sæuiente pestilentia, in criminis à Principe patrati pœnam, morte subducta sunt septuaginta hominum millia, sed ipsemet etiam David consilium suum damnauit verbis illis, *Suauiter enim, & peccavi valde in hoc facto*; quòd nimirum populum censere tempore pacis ad inanem gloriam, iactantiamque pertineat, quo vitio lapsus est tantus Rex, sibi placens quòd tot hominum myriadibus Princeps ipse præpositus esset: vt enim Sapiens ait; *In multitudine populi dignitas*

2. Reg. 24.

15.

2. Reg. 24.

10.

Prou. 14.

28.

Regis,

668 *Institutio politica ex sacris Scripturis.*

- Regis, & in paucitate plebis ignominia Principis. Quo etiam typho inflatus Syriæ Rex sui magnitudinem exercitus gloriosè iactabat, & Regi Israël*
3. Reg. 10.
10. *minabatur cum dicebat, Hac faciant mihi Dy, & hac addant, si suffecerit pulvis Samariae pugillis omnis populi, qui sequitur me. Itaque Ioab, cui census peragendi prouincia licet inuito demandata fuerat, cum undecies centena millia virorum censuisset, trecenta millia, numero quem ad Regem detulit subtraxisse eo consilio creditur à quibusdam auctoribus, ut quantum posset superbiæ materiam culpamque minueret. Quod si non capita tantum numerentur, sed etiam fortunarum quisque suarum, ac bonorum quæ possidet rationem reddere iubeatur; iam durum hoc sanè, atque inhumanum subditis videri possit. Nam cum, ut ait*
- Prou. 13.
7. *Salomon, aliqui sint quasi diuites, cum nihil habeant, & sint quasi pauperes cum in multis sint diuitiis, quàm iniquo animo ferent utrique, si in publicas tabulas cuiusque bona referantur, unde quæ occulta voluissent retegantur, & non oculis tantum omnium, sed etiam linguis exponantur? An non*
- Genes. 31.
36. *verba illa Iacob usurpare poterunt; Quam ob culpam meam sic exarsisti post me, & scrutatus es omnem suppellectilem meam? Quod etiam magni cuiusdam mali nomine recensere visus est Dauid, cum in dirarum catalogo, quæ quodam Psalmo continentur, ait, Scrutetur foenerator omnem substantiam eius. Quam multi etiam decoquerent, si patefacta eorum paupertate, ansa creditoribus præberetur pecunias ab iis reperendi, qui illas deberent, quorum etiam industria Respubl. spoliaretur, qua satagunt res suas afflictas restituere, ut suæ, familiæque existimationi, commodisque*
- Psal. 108.
11. *prospi*

prospiciant. Præterea si quos quisque domi thesauros pecuniarum, aut gemmarum, auri facti infective copiam asseruet, recludere compellatur, ut publicis tabulis inscribantur, non exiguum securitati periculum creatur, & potentium rapaciumque hominum cupiditas quodammodo provocatur ad prædam. Quod Iudæis accidisse cognoscimus ex Machabæorum historia, in qua Heliodori facinus narratur, qui Seleuci Asiæ Regis iussu in suam redigere potestatem conatus est thesauros pecuniarum, quæ in Ierosolymitani templi ærario servabantur, quibus Rex imminabat cupiditate, postea quam Simonis cuiusdam delatione certior factus fuerat, *pecuniis innumera-* ^{2. Mac. 3.}
bilibus plenum esse ærarium Ierosolymis. Tandem ut ^{6.}
cogantur ciues per Principum edicta dare nomina censoribus, quæ catalogis inscribantur, vix tamen cogi poterunt, ut alia quæ celata cupiunt aperiant, atque ita, sicut nec Davidis census, Esdræ, aut Augusti ad emendandos corruptos Reipubl. mores quidquam profuerunt, ita nec æui nostri Principes ullum commodum capient, nisi fortè hac occasione pecuniæ alicuius accessione ærarium fiat locupletius, si qui censentur aliquid erogare compellantur, quod ex Evangelio discimus fecisse Romanos, & ex libro Exodi He- ^{Exod. 30.}
bræos, qui cum censebantur, dimidium sicli iuxta ^{13.}
mensuram templi in singula capita tenebantur erogare. Hæc tamen pecunia quæ à censis exigebatur non in ærarium Principis inferebatur, sed cedebat tabernaculo, ad inhibendam fortè Reip. moderatorum avaritiam, qui corradendæ pecuniæ cupiditatem census honestamento prætere potuissent. Quod si Domini iussu populi
census

census initus est à Mose, vt diximus, non propterea id factum videtur quasi in Reipubl. illius mores vsu census vellet inducere, sed vt omnes intelligerent Dominum, quod pollicitus fuerat præstitisse, cum scilicet gentem Israëlitarum semirum in modum aucturum promisit, ad instar *Stellarum cæli, & arene quæ est in litore maris*: Cum enim septuaginta tantum capita Ægyptum essent ingressa, non longissimo temporis spatio sexcentorum millium exercitum eduxit Moses, ad arma tractanda expeditorum militum, præter mulieres, infantes, senes, imbecillos, & adulescentulos, qui nondum vigesimum ætatis annum expleuerant.

Populi ingeniū Principi notum esse debere, & quale illud sit.
Isai. 17. 12.

Apoc. 17.
13.

Dan. 7. 2.

5 Sequitur vt de populi ingenio dicamus aliquid, qui sanè bellua est multorum capitum, monstrumque immane ex multorum colluione vitiorum coagmentatum & conflatum; nam primò vulgus omne instabile est, & prouum in contraria, vt optimo iure in sacris litteris aquarum nomine populi significantur. *Vt*, inquit Isaias, *multitudo populorum multorum vt multitudo maris sonantis, & tumultus turbarum, sicut sonitus aquarum multarum.* & in Apocal. dicitur: *Aqua quas vidisti populi sunt, & gentes, & lingue*; & apud Daniele. *Videbam*, inquit, *in visione mea nocte, & ecce quatuor venti cæli pugnabant in mari magno, & quatuor bestie grandes ascendeabant de mari diuersa inter se.* Crediderim aquas maris populos designare, ventos autem quatuor, Principes, qui quemadmodum venti inquietorum fluctuum volumina conflant, attollunt, cum verò posuere detumescere patiuntur, ita ipsi populorum turbidos affectus auctoritate sapientiæque moderantur quantū possunt,

&

& modò incitare, modò cohibere, prout vsus tulerit consueuerunt, sed magnum sanè discrimen intercedit, quod cum æquori ventus incubuit, in quamcumque voluerit partē aquas agit, populorum verò turbidi æstus temerè sæuientes aliquando nec Principis imperiis sedantur, nec verentur auctoritatem, omnia susdeque prout libido tulerit permiscentes, *Orum est murmur populi in Israëlitarum castris*, vt dicitur in Numeris, *quasi dolentium pro labore contra Dominum. Quis porro fremitum illum excitauit, nisi vulgus promiscuum, quod ascenderat cum eis, flagrauit enim desiderio sedens & flens, iunctisque pariter sibi filiis Israël dixerunt, quis dabit nobis ad vescendum carnes? Cum enim alacri animo Ægyptum post se reliquissent, inceptumque iter in promissionis terram prosequerentur, quidam animo parum constanti allia, & cæpas, ollasque carniū, quibus olim seruitutis tempore assueuerant repetentes, tam abiecti cibi cupiditate populum vniuersum incendunt, sed magno suæ gentis malo; nam Dominus iratus est, & accensus in ea ignis Domini, deuorauitque extremam castrorum partem. Ac quemadmodum fluuij cum aquis intumuerunt superatis aggeribus, aut euersis circumiectos campos obruunt aquarum mole, fata lata, & agricolarum labores populantes, ita vulgus insanum, cum impunitatem sperat, si quis torpentes excitauerit, torrentis instar decurrunt, prædas agentes & ferentes, omnia terroribus, sanguine cædibúsque complentes. Abimelech Principis iugum inuiti Sichimitæ tolerabant, nam vt dicitur in scriptura, *Misit Dominus spiritum pessimum inter Abimelech & habitatores Sichem, qui ceperunt eum detestari. Verum conceptum**

Num. 11.

1.

Ibid. n. 4.

Ibid. n. 1.

Iudic. 9.

23.

ceptum in eum odium effundere potentiam illius veriti non audebant. Cum ecce tibi, *Venit Gaal filius Obed cum fratribus suis, & transiit in Sichem. Ad cuius aduentum erecti habitatores Sichem, egressi sunt in agros, vastantes vineas. vnaque calcantes, & factis cantantium choris, ingressi sunt fanum Dei sui, & inter epulas & pocula maledicebant Abimelech, clamante Gaal filio Obed. Quis est Abimelech, & quæ est Sichem ut seruiamus ei?* Est etiam vulgus nouarum rerum cupidum, quietis & publici cuius impatiens: ideo Absalonem Israëlitarum non tam gubernationis

2 Reg. 15.

3. Reg. 1.

5.

Davidis Regis optimi pertæsi, quàm noui alicuius motus desiderio, ad Regnum admouere studuerunt. Nec dissimilis in simili causa furor illorum, qui Absalonis fratrem Adoniam Davidi in Regno sufficere satagebant. Est præterea vulgus insanum, turbidum, credulum, comprimi nescium, & ut in affectibus vehemens, & impotens, ita in rebus iudicandis stolidum, & vecors. Satis hæc omnia patuerunt in ea seditione, quam Demetrius Argentarius contra D. Paulum Ephesi commouit. Nam Argentario contra Paulum, plebem non tam religionis quàm priuati sui commodi causa concitante, ne scilicet exolescente Dianæ Ephesiarum maiestate, ipse quæstum artis amitteret; populus causa minimè cognita, Paulo

A. 2. 19. 28.

non audito maximum tumultum excitarunt. *Hic audis, ait D. Lucas, repleti sunt ira, & exclamauerunt, dicentes, Magna Diana Ephesiorum, & impleta est ciuitas confusione, & impetum fecerunt uno animo in theatrum rapto Caio, & Aristarcho Macedonibus, comitibus Pauli. Alexander autem manu silentio postulato, volebat rationem reddere populo, quem ut cognouerunt Iudæum esse, vox facta una est omnium quasi*
per

per duas horas clamantium. Magna Diana Ephesiorum. Quid furor est, si hic non est?

6 Sed & de vicinis, finitimisque populis benenoscendis cura suscipienda est, cognoscendaque illorum vires, animorum studia, propensionesque vestigandæ; nam fieri potest, ut hostilis & infestus animus, in omnem nocendi occasionem imminens amicitia signis exhibitis altè prematur, tunc demum erupturus, cum difficiliora tempora inciderint, Principemque alinæ iniuriæ, ac violentiæ opportunum reddiderint. Experti sunt Iudæi, cum euersum Domini templum sub Zorobabel Principe cœpissent instaurare, nam Audierunt hostes Iudæ & Benjamin, quia filij captiuitatis adificarent templum Domino Deo Israël, & accedentes ad Zorobabel, & ad Principes Patrum dixerunt eis. *Adificemus vobiscum, quia ita ut vos, quarimus Deum vestrum, ecce nos immolauimus victimas à diebus Asar Haddam Regis Assur, qui adduxit nos huc.* Sed Zorobabelem doli non latuerunt, simulatæque mente locutos sensit. Et dixit eis Zorobabel, & Iosue, & reliqui Principes Patrum Israël, Non est nobis & vobis ut adificemus domum Deo nostro, sed nos ipsi soli adificabimus Domino Deo nostro, sicut præcepit nobis Cyrus Rex Persarum. Nec meliore in Israëlitas animo fuerunt Ammonitæ, & Moabitæ æterni populi illius hostes; nam cum Holophernes Bethuliam obsidione cinxisset, & aquas in oppidum deriuari canalibus incisis prohibuisset, Filij Ammon, & Moab, accesserunt ad Holophernem dicens. Filij Israël non in lancea, nec in sagitta confidunt, sed montes defendunt illos, & muniunt illos colles in præcipitio constituti. Ut ergo sine congressione pugna possis superare eos, pone custodes fontium, ut non hauriant

Finitimorum populorum ac Principum mores, vires, &c. Principi inuestiganda.

1. Esdr. 4.

1.

Iudith. 7.

8.

Vu

aquam

aquam ex eis, & sine gladio interficies eos, vel certè fatigari tradent ciuitatem suam, quam putant in montibus positam superari non posse. Et processissent sanè consilia nisi fortitudinis spiritu diuinitus armato muliebri pectore, in Holophernis castra Iudith penetrasset, eiusque alto & graui somno sopiti, stricto ferro, quod iuxta lectulum pendebar, caput abscidisset. Vicinorum itaque ingenia, mores, studia, propensionesque Principi diligenter noscendæ sunt, ne fortè aut commodi alicuius specie, aut rerum secundarum inuidia, quibus æmula finitimorum pectora plerumque flagrant, malum aliquod struant; & verò etiam si amicitias sincerè coluerint, quid ab illis cum fuerit opus sperare possit, cognitum habeat.

*Curandum
Principi ut
suos bene
norit, &
quibus ex
notis possit
eos agno-
scere.*

Isai. 40.

23.

Abac. 1.

10.

Prou. 8.

15.

7 Sed ut ab externis ad domesticos & familiares Principis curam reuocemus, cēseo maximum ad Rempubl. administrandam habere momentum, si Princeps suorum quibus præest, ac præsertim eorum quibus ut consiliariis, & rerum gerendarum ministris vsurus est, naturam, & mores habuerit bene perspectos. Hoc Principibus tribuit Isaias, cum eleganti quadam periphrasi Reges, ac Principes, *secretorum scrutatores* appellauit, quo loco esse de Principibus sermonem ex eo perspicuè patet, quod eam vocem Septuaginta, ἀρχοντας, id est *Principes* verterunt, & alibi vulgatae editionis auctor *Tyrannos*, aut *Legum latores* interpretatus est. Hac autem circumlocutione tanto aptius Principes significantur, quàm Philosophi (quamuis hi curis omnibus negotiisque soluti in arcanis naturæ contemplantis sint defixi) quantò difficilius est pectoris humani secreta, quod cordatus Princeps facere debet, quàm natura

turalium effectorum causas speculari aut inuenire, quod Philosophorum studium esse solet. Nam cum alioqui *prauum sit cor hominis & infernabile*, vel vt alij interpretantur, *profundum pra omnibus*, aut *desperabile*, quod scilicet tantæ est altitudinis, vt de illius cognitione desperare possit quiuis, vt D. Hieronymus explicat, cumque multos habeat recessus, quibus sua consilia omnibus tegan, id tamen maiore, & contentione, & studio fit ab iis qui versantur in aulis, qui ita se Principum voluntati attemperare student, vt quantum possunt eos affectus quibus perturbantur premere satagant, quanquam vt multum laborent, consequi tamen non possunt, vt Sapientem diligenter cuncta notantem diutius lateant: eminent enim quædam in oculis, & in vultu affectuum vestigia, quæ qui probè notare didicerit, studia etiam hominum in quibus illa apparent, naturasque cognouerit. *Cor hominis*, inquit Sapiens, *immutat faciem illius siue in bona siue in mala*; Quamuis enim ad modicum aliquod tempus tristi mente iocum fingere quis possit, plerumque tamen iracundiæ, clementiæ, hilaritatis, tristitiæ, timoris aut verecundiæ signa, oris contractio, explicatio, color, motus, ostendere consueuerunt; Sicut enim *ex abundantia cordis os loquitur, & bonus homo de bono thesauro cordis profert bona*, & malus mala, ita corporis externus habitus, vt variè dispositus animus est, ita & ipse variam faciem solet induere: & quemadmodum diuturna tristitia corpori tabem, & maciem affert, iuxta illud Salomonis. *Spiritus tristis exsiccat ossa*, ita cum repente aliquis incidit timor, aut lætitia, aliaue huius generis perturbatio, licet

Ierem. 17.

9.

Eccles. 13.

21.

Matth. 12.

24.

Prou. 17.

22.

diuturna non sit, sui tamen, aliqua in corpore vestigia imprimere solet, quæ qui solerter indagare & persequi non erit, ad affectionum, consiliorum, desideriorumque cubilia quamvis abstrusa penetrare poterit. Ac quemadmodum ex interiore temperamento, & crassi, cum plus aut minus caloris, aliarumve huiusmodi qualitatibus, in vno corpore quàm in alio reperitur, varietas existit in animalium figuris, conformationibus, ac coloribus qui cum ab ipsa natura promanent, nulla possunt arte

Jerem. 13.
23.

elui, nam *Nec mutare potest Ethiops pellem suam, aut pardus varietates suas*: Ita qui prauæ naturæ propensione, cui virtutis oblectati exercitatione non sunt; aut longo contracto habitu vitiis aliquibus insueuerunt, ea perpetua dissimulatione celare minimè possunt. In primis autem sermo, animi certissimus index esse solet, nam quantumvis mendacibus, & simulandi arte bene peritis, verba aliqua imprudenter excidere solent, ex quibus animus latens, qualis sit deprehendi potest.

Prou. 15. 2.

Quare Salomon, *Lingua, inquit, sapientium ornat scientiam, os fatuorum ebullit stultitiam*. Quemadmodum enim aquarum scaruriges aquas ebulliunt, nec faciliè humo ingesta obrui possunt, sed tandem aliquà sibi patefaciunt aditum, ita gliscens in fatui pectore stultitia, per os erumpere solet, & si ad breue aliquod tempus cohibeatur, tandem tamen emergit. Ac quemadmodum ex somniis quæ de se ipso Ioseph narrabat, qualis futurus esset, bonus coniector diuinare potuisset, ut etiam parens ipse, à quo tamen puer arguebatur, interpretabatur; ita quæ homines dicunt aut faciunt cum sui potentes non sunt, habitum quem contraxerunt, aut animi studia ac propensiones

Genes. 37.
7.

siones ostendunt, hominémque, ut Petrum lo- Matth. 18.
 quela, manifestum faciunt: verum ut ex verbis, 73.
 quæ temerè dicuntur, aliqua capi possit conie-
 ctura, ad hominis ingenium cognoscendum,
 certiolem tamen regulam ex ipsis rebus gestis
 desumi posse crediderim, nam *Nec arbor bona fru-* Luc. 6. 43.
ctus malos, nec mala bonos facere potest: Et Christus
 Dominus ad opera tanquam ad lydium quem-
 dam lapideum eos ablegavit, qui dubitabant esset
 ne Christus tanquam Propheta, aut veritatis do-
 ctor recipiendus, *Ipsa*, inquit, *opera quæ ego facio,* Ioan. 5. 38.
testimonium perhibent de me, & rursus. *Si mihi non* Ioan. 10.
vultis credere, operibus credite. Si quis olim dubi- 38.
 tasset, qualis tandem futurus esset Dauid, si cum
 animo reputaret, *cum leonibus lusisse, quasi cum* Eccles. 47.
agnis, eosque non venabulo exceptos, non iacu- 3.
 lis, aut alio teli genere confixos, sed lacertorum
 dumtaxat vi, rictu illorum apprehenso, & in di-
 versa per vim diducto dilacerasse, solum in sal- 4. Reg. 3.
 tibus, an non & robustissimo præditum corpore, 16.
 & animo ad pericula præsentissimo prudenter
 pronuntiasset? Si quis adolescentulum Salomo-
 nem in ipso Regni exordio, litigantium mere-
 tricem causam ita sapienter disceptantem co-
 gnouisset, ut materni amoris quadam quasi quæ-
 stione tortam mulierem, veritatis haud dubio ar-
 guimenta in tam obscuro negotio exprimeret,
 an non prudenter de tota gubernandi ratione,
 qua Israëlitarum Rempubl. esset temperaturus,
 faceret coniecturam? Ita sanè arbitror.

8 At fortè quærat aliquis, an etiam ex corporis An Phj-
 habitu, oris lineamentis, & physiognomiæ præ- siognomia
 ceptis, quæ circumferuntur de moribus homi- signis ali-
 num, de ingenij facultate, de propensionibus ab quid cre-
dendum &

*an ex cor-
poris pul-
chritudine
de animo
liceat fa-
cere conie-
cturam.*

Ecclef. 19.

26.

Prou. 17.

24.

Prou. 27.

19.

Eccle. 8. 1.

Ecclef. 13.

32.

1. Par. 12.

8.

ipsa natura insitum iudicium absque temeritatis periculo fieri possit. Respondeo, aliquem horum præceptorum vsum tanquam vtilem, Sapientem videri agnoscere, cum ait. *Ex visu cognoscitur vir, & ab occurſu faciei cognoscitur ſensatus.* Et Salomonem in Prouerbiis, cum ait. *In facie prudentis lucet sapientia.* & alibi. *Quomodo in aquis reſplendent vultus proſpicientium, ſic corda hominum manifeſta ſunt prudentibus.* Et Eccleſiaſtem dicere. *Sapientia hominis lucet in vultu eius.* Et auctorem Eccleſiaſtici. *Faciem bonam veſtigium cordis boni* appellare. Fauet etiam quod legimus primo Paralipomenon. *Sed & de Gaddi transfugerunt ad David cum lateret in deſerto, viri robuſtiſſimi & pugnatores optimi, tenentes clypeum & haſtam, facies eorum quaſi facies leonis.* Imò rationem ipſam ſuadere aliquam artem eſſe phyſiognomiæ; quemadmodum enim generoſum equum nouerunt Equiſones ex conformatione corporis, & Venatores, canes venaticos, nec eos fallit opinio, ſed plerumque verum ex illis coniecturis aſſequuntur: ita de hominibus aliqua ad naturales animi aut corporis vires noſcendas, propenſiones etiam & ſtudia ex phyſiognomia capi poteſt coniectura, non ita quidem certa, vt in brutis, quæ ipſam naturam nunquam non ſequuntur, probabilis tamen, quæ iis hominibus, in quibus ea apparuerint ſigna, tales ineſſe ad virtutem aut vitia, ad fortitudinem vel inertiam incitationes, & inclinationes, niſi quod à natura inſitum erat, educatione & diſciplina, & quod in his omnibus præcipuum eſt, diuinæ gratiæ auxilio emendatum fuerit. Huc pertinet corporis pulchritudo & decor, nam omnium ferè gentium opinione in corporum maiestate quædam eſt venerationis,

neratio, quosque eximia specie donare natura dignata est, eos maiorum operum capaces iudicamus; quemadmodum enim corporis pulchritudo in apta quadam membrorum conformatione consistit, cum suauitate quadam coloris, ita in animo perturbationum, opinionum, iudiciorumque equalitas, & constantia, pulchritudo quadam mentis est, illamque huius indicem esse non ineptè putamus. Et sanè physica ratio suffragatur, nam cum vehementes animi affectiones, & perturbationes cuiusmodi sunt iræ, timores, odia multum ex corporis temperamento & crasi pendeant, ita ut illis magis sit obnoxius is, in quo aut bilis, aut sanguis, aut alius humor, aut qualitates illæ primariæ caloris aut frigoris, humoris aut siccitatis vitiosè redundarint, necesse est fateri easdem pulchritudinis corporis, & compositæ sedatæque mentis causas esse, humorum scilicet & qualitarum bene temperatam mixtionem. Propter hanc causam Theologi & Patres nonnulli Christi Domini corpus pulcherrimum fuisse assenerant, non quidem ea pulchritudine quæ muliebris est, & venustas dicitur, sed ea quæ virum decet, & formæ dignitas appellari potest. Nam in Canticis in quibus propheticè vaticinando Christi Domini cum Ecclesia canitur epithalamium, dicitur: *Ecce tu pulcher es dilecte mi, & decorus.* & de eodem dicitur in Psalmis. *Speciosus forma præ filiis hominum, diffusa est gratia in labiis tuis.* Quamuis tamen pulcher esset Christus, imò mortalium omnium pulcherrimus, quia tamen, ut ipse de se testatus est, nec tectum habebat quod subiret, nec lectulum in quo fessum diurnis laboribus corpus somno reficeret, diuturnisque ieiuniis corpus at-

Cāt. 1. 15.

Psal. 44. 3.

- Luc. 6. 12. terebat, & noctes integras pernoctabat in oratione Dei: factum est ut amabilis illa pulchritudo defloresceret, ut etiam ante passionis tempus in illum quadraret saltem ex parte Isaïæ quærimonia;
- Isa. 53. 3. *Non est species ei, neque decor, & vidimus eum & non erat aspectus, & desiderauimus eum despectum & nouissimum virorum, virum dolorum, & scientem infirmitatem, & quasi absconditus vultus eius, & despectus.* Huc aliqui referunt, quod vulgus Iudæorum dicenti Domino se ante ipsum Abrahamum fuisse obiecit. *Quinquaginta annos nondum habes, & Abraham vidisti?* Nam propter ærumnas, perpetuosque corporis labores multò videbatur esse senior quàm esset, ac communi iudicio proximè à senectutis limine abesse. Primum etiam parentem Adamum, cuius corpus ex terræ limo summus opifex Deus fingere non est dedignatus, ut animi præclaram indolem, ita corpus elegantissimum egregièque temperatum diuino beneficio nactum esse dubitandum non est; cuius rei Philo Iudæus eam potissimum affert rationem, quod à Deo, & ad imaginem & similitudinem ipsius Dei conditus sit. Turpe enim videretur si quasi imperiti artificis opificium, rûde esset, aut vitiosum, quasi-que primum artis rudimentum Dei, homines adhuc perfectè fingere nescientis. Rursus consentaneum rationi non erat, si eximia ea sapientia, qua Adami mentem præditam esse conueniebat, in corpore vitioso aut distorto, malè quodammodo habitaret, sed potius eius nobilitate dignum domicilium excitandum erat, in quo suæ dignitati consentaneè animi vires & functiones exerceret.
- Sap. 8. 26. Itaque Salomon qui de se ipso ait; *Puer eram ingeniosus, & sortitus sum animam bonam, venisse se af-*
firmat

Libr. de
mûdi opi-
cio.

firmat ad *corpus incontaminatum*, id est, corpus habuisse nulla labe aut vitio inquinatum, quod scilicet impedimento esse posset, quo minus animus virtutis satus exciperet, sed tale prorsus, quale ab anima regi, & ad rationis præscriptum aptum esset gubernari, cuiusmodi eorum esse solent, quorum membra decorè, & iuxta conuenientem symmetriam posita sunt. Hoc tamen de quo agimus pulchritudinis argumentum, ut afferat nonnullam de morum probitate, animique dotibus coniecturam, non tamen tale est ut illi multum, si cætera desint, inniti debeamus. Nam licet Ioseph, v. g. & Dauid cum pulchritudine corporis animi, etiam excellentes virtutes copulauerint, Absalonis tamen, & Adoniæ illius fratris non minus inclyta est pulchritudo, quàm sceleratorum studiorum infamis memoria; nam igniculi illi quos ad virtutem humanis pectoribus præclara indole præditis natura inleuit, aut prauæ educationis vitio, aut sociorum exemplis, aut aliis corruptelis, quæ passim obuiæ sunt, ita obruuntur, ut qui virtute, rebûsque gestis clari esse potuissent, aut obscuri iaceant in populi fæce, aut corporis forma ad vitia abutentes, non virtutis laude, sed scelerum immanitate nobilitentur.

Itaque monet Sapiens, *Non laudes virum in specie sua, neque spernas hominem in visu suo: brevis in volatilibus apibus, & initium dulcoris habet fructus eius.* Ecclesi. xi. 2.

Fieri enim potest ut quis statura pusillus, aut alioqui specie despiciabilis, apibus tamen sit similis, quæ cum exiguo adhuc sint corpusculo, suauissimi tamen liquoris sunt artifices, qui inter omnes obtinet Principatum. Quod enim vulgatus vertit ex Græco *initium*, clariùs verti potest

682 *Institutio politica ex sacris Scripturis.*

Principatum, cum vox ἀρχὴ vtrumque significet. Sed iam aliquid de delatoribus dicamus, quibus Principes nonnunquam ad suorum mores & studia exploranda vti solent.

An Delatores in Rep. ferendi.

9 Delatorum duplex genus constituo. Alterum eorum, qui ferè pretio à Principe conducti ad colligendos rumores destinati, cætibus hominum sese ingerendo, legum iustitiæque violatores, criminum patratores, alienarum fortunarum appetitores, raptorésque ad Principem deferunt. Hoc genus hominum quamquam Principibus commodat, & bono publico famulatur, abiectum tamen est, & omnium odiis expositum, quod aliis periculum facessere siue iure siue iniuria, sordidum ad famam, ac pudendum passim censeatur. Alterum genus eorum est, qui non publici boni studio, sed aut malignitate quadam prauitatéque naturæ ducti, aut etiam suis compendiis per Principum suspiciones seruientes, delationes exercent, quid quis in foro, in conuiuio, in amicorum cætu fidenter, aut per imprudentiam locutus sit in aures Principum instillando, vt eos in inuidiam vocent, fortunis euertant, & in vitæ etiam discrimen adducant. Vtrorúmque magnus in aulis Principum prouentus esse solet. Pueri tres Ananias, Misach, & Azarias statuam, quam erexerat Nabuchodonosor, non adorauerant; *Statimq;* in ipso tempore, ait scriptura, *accedentes viri Chaldaei accusarũ Iudeos, dixeruntq;* Nabuchodonosor Regi. *Sunt viri Iudæi quos constituisti super opera regionis Babylonis Sidrach, Misach, & Abdenago: viri isti contempserunt Rex decretum tuum, Deos tuos non colunt, & statuam auream quam erexisti non adorant. Nec Daniel in eadem aula delatorum petitiones euasit.*

Dan. 3. 8.
12.

euasit. Cum enim Darius Rex cogitaret *constituere* Dan. 6. 4.
eum super omne Regnum, Principes & Satrapa quare-
bant occasionem ut inuenirent Danieli ex latere Regis,
nullamq³ causam & suspicionem reperire potuerant eo
quod fidelis esset, & omnis culpa, & suspicio non inue-
niretur in eo. Ut ergo Danielelem innocentia muni-
tum fontem facerent, & sic expugnare possent, &
euertere, eum ad Regem his verbis deferunt. Da- Ibid. n. 13.
niel de filiis captiuitatis Iuda non curauit de lege tua, &
de edicto quod constituisti, sed tribus temporibus per
diem orat obsecratione sua. Ea delatio periculum
Danieli creauit, quod contra Persarum atque Me-
dorum decretum, quod immutare nō licebat, ve-
nire ausus fuisset, ac propterea in caueam leoni-
bus discerpendus obiectus est, quamquam Do-
minus, qui est *Liberator atque Saluator, faciens signa*, Ibid. n. 27.
& *mirabilia in calo, & in terra*, eum inde incolu-
mem eduxerit, & quas Danieli struxerant insi-
dias, in insidiantium caput, perniciemque con-
uerterit. Mirum autem est, quod in hoc genere
Moyse accidisse legimus in Exodo, qui licet prius-
quam manus Ægyptio iniiceret, oculos in omnes
partes circumtulisset, ut scriptura notauit, nemi- Exo. 2. 12.
nemque qui factum illud arbitraretur, adesse cre-
didisset, se tamen deprehensum sensit, ac propter
ea meritò timuit, & sese fuga Pharaonis violen-
tiæ subduxit. Et sanè commodum elapsus est, nam
fama criminis per delatores ad Principis aures
confestim accidit: *audiuitq³ Pharaon sermonem hunc*, Ibid. n. 15.
& *quarebat occidere Moysen*. Huiusmodi ergo de-
latoribus si per calumnias grassantur (quod iis fa-
miliarius est, quos in secunda classe constitui) si
falsa crimina bonis viris impingunt, faciles aures
accommodare Princeps non debet, sed tanquam
homines

homines publico exitio natos, legibus pœnisque
 coërcere, ne fortè per impunitatem malum gli-
 fcat, & cum nocentibus etiam bonos integrósque
 corripit, Princeps ipse dum delatores non casti-
 gat, quodammodo inuitare videatur, & à probi
 etiam viri officio desciscere, qui vt est in Psalmo
 non modo opprobrium non accipit aduersus pro-
 ximos suos, sed etiam ad nihilum malignos de-
 ducere consuevit.

Psal. 14.4.

*Alia quædam præcepta ad Pru-
 dentiam pertinentia.*

C A P V T X X X I.

Non facile
 aliquid
 aggredien-
 di esse, nisi
 omnibus
 rei circun-
 stantijs di-
 ligenter ex-
 ploratis.

Prou. 19.2.

PRæter ea quæ superiore capite tradita sunt,
 paucula quædam præcepta addenda restât,
 quæ cum latè pateant, multiplicem vsus habere,
 & cum res tulerit emergentibus nouis necessita-
 tibus accommodari poterunt. Et quidem primò
 illud perpetuò seruandum est, vt nulli negotio
 prius manum admoveamus, quàm diligenter om-
 nia excusserimus, circumstantias rei, quæ propo-
 nitur, ad examen reuocando, ne fortè si aliqua
 nos lateat, olim suscepti negotij sera pœnitentia
 subeat. Huius præcepti ratio ea afferri potest,
 quod omnis præpropæ festinatio plena sit alex,
 monet enim Sapiens, *Qui festinus est pedibus, offen-*
det, stultitia hominis supplantat gressus eius. Quasi di-
 cat, moneo lentè festinandum esse, nam quemad-
 modum qui lapidibus & offendiculis plena via,
 quò

quò figat vestigia non satis aduertens, gressus festinè glomerando, eò quò destinauit animo peruenire contendit, non sine grauioris lapsus periculo pedibus impingit: ita in tractandis negotiis rerum de quibus agitur adiuncta diligenter circumspicere negligentes, offendent, nec in ipsas res culpam conferre iure poterunt, sed quidquid incommodi passi sunt, suæ stultitiæ, quæ illorum gressus supplantauit, acceptum referre debebunt.

Ascenderat Moyſes montem ad legem Deo dictante accipiendam, dùmque populo illius reditum præstolanti congressus ille videretur diuturnior, tam longæ moræ pertæsi, in idololatriæ crimen lapsi sunt. *Videns autem populus, inquit scri-*

Exo. 32.1.

ptura, quod moram faceret descendendi de monte Moyſes, congregatus aduersus Aaron dixit. Surge, fac nobis Deos qui nos precedant, Moyſi enim huic viro, qui nos eduxit de terra Egypti, ignoramus quid acciderit.

Eam verò quam vitulum conflatilem adorando susceperunt iniquitatem, suo postea sanguine luerunt, vt indicato loco scriptura prosequitur. Samuelem expectauerat Saul hebdomadâ vnam, vt holocausta offerret & pacifica, cum autem non appareret, populûsque dilaberetur, iam factus moræ impatiens holocaustum offerre, quod sui muneris non erat occupauit, quæ plurimorum illi malorum seges fuit. Nam Cum compleſſet offerens

1. Reg. 13.

holocaustum, ecce Samuel veniebat, & egressus est Saul

10.

obuiam ei vt salutaret eum, locutusq; est ad eum Samuel: *Quid fecisti? Respondit Saul: Quia vidi quod populus dilaberetur à me, & tu non veneras, iuxta placitos dies, porro Philistiim congregati fuerant in Machmas: dixi, Nunc descendam Philistiim ad me in Gálga-*

la, & faciem Domini non placam. Neccſſitate compulſus,

obuii

obiuli holocaustum. Dixitq; Samuel ad Saul; stultè egisti, nec custodisti mandata Domini Dei tui, quæ præcepit tibi: quod si non fecisses, iam nunc preparasset Dominus regnum tuum super Israel in sempiternum, sed nequaquam regnum tuum ultra consurget. Quæsiuit Dominus sibi virum iuxta cor suum, & præcepit ei Dominus ut esset Dux super populum suum, eo quod non seruaueris quæ præcepit Dominus. Hæc autem mala omnia, ut à Samuele spiritu prophetico prædicta sunt, ita suo tempore exactè euenerunt. Omnium autem horum malorum origo fuisse videtur expectandi Samuelem impatientia, qui ut septimo die se ad sacrificandum affuturum promiserat: ita antequam eo die septimo sacrificij opportunum tempus elapsum esset aduenit, sed Saul auspicatus fuerat sacrificium, itaque Propheta nullis à Rege prætensis excusationibus acquiescens, & stultè eum egisse, & facti sui pœnas luiturum pronuntiavit, ut vidimus. Quare Saul comminationem

Eccles. 2. illam incurrit quæ est apud Ecclesiasticum, *Va*
 17. *his qui perdiderunt sustinentiam* (Græcè ὑπομονήν, patiētiam) ex quo factum est ut in errores & peccata laberentur ut statim sequitur; & *qui dereliquerunt vias rectas, & diuerterunt in vias prauas*. Si verò rursus quærat aliquis quam ob causam periculosa sit festinatio, in suscipiendis tractandisque negotiis, ratio est in promptu: nam accidit frequenter, ut quæ prima specie honesta videntur, aut vtilia, si diligentius consideremus, turpia esse inueniamus aut noxia: hoc autem sapientes distant ab imprudentibus, quod hi quæ considerata erant facile transmittant, quid in illis lateat, quid consequi possit, non aduertentes; illi verò omnia bene discutiant, & quid ex quaque

re nasci possit, solerter explorent. Itaque Salomon. Sapiens, inquit, *timet & declinat à malo, stultus transiit & confidit. Innocens credit omni verbo, astutus considerat gressus suos.* Non est autem laudabilis ista innocentia, sicut nec laude caret astutia illius qui gressus suos considerat, astutus enim ponitur pro prudenti & circumspecto, ut innocens pro vitiosè simplici & imperito. Hoc enim vox Hebraica significat חָפֵז, eū scilicet, qui facile suaderetur credens omnibus, qui declinat & flectitur ad omne verbum, radix enim huius vocis est פָּחַז quæ significat inclinare, declinare cor ad ea quæ sunt præter rationem & veritatem, ut cum dicitur apud Iob; *Stultum interficit iracundia, & paruulum occidit inuidia.* רֶכֶּז Paruulum, est in Hebræo פָּחַז declinantem, & sensus est, & eum qui declinauerit ad omnia quæ viderit, & concupiuerit sibi, interficiet eum inuidia, quia inuidebit omnibus quæ videbit. Vocem autem חָפֵז D. Hieronymus, insipientem, stultum, paruulum, ut loco Iobi explicato, vertere solet. Rursus in eandem sententiam Sapiens. *Callidus, inquit, vidit malum & abscondit, innocens pertransiit, & afflictus est damno.* Quasi dicat: Qui sapiens est, vidit sibi ab inimicis insidias positas esse, itaque prudenter ab itinere abstinuit, ne se, videns, & volens in eas indueret: at simplex & imprudens, qui omnes circumstantias præuidere non potuit, interceptus est, & ab iis quos minimè sibi putabar aduersarios fore, circumuentus & malè habitus. Sed quod deterius est, ea est insipientis vecordia, ut ne malis quidem castigatus erudiatur; quare Salomon huiusmodi homines canibus similes facit, qui ad vomitum suum reuertuntur, *Sicut canis, inquit,* Pro. 26. 11.
qui

Prou. 14.
16.

Iob 5.2.

Pro. 22.3.

Pro. 26.11.

qui reuertitur ad vomitum suum, sic imprudens qui ierarat stultitiam suam. Quemadmodum enim canes id quod nauscente stomacho eiecerunt, iterum in cibum assumptum ferre non possumus, sed vehementer auersamur, ita stultitiæ eorum ignoscendum minimè putamus, qui cum suo malo, quid facto opus esset discere potuissent, adhuc tamen in sua illa parum probabili, imò multum noxia hærent simplicitate, ex qua, magistra experientia, cum læsi sunt, emergere debuissent. Sed mirum etiam, Si contuderis stultum in pila quasi prisanas feriente desuper pilo, non auferetur ab eo stultitia eius. Longè autem dispar est prudentium conditio, qui ut de sapientia dicitur, Sciunt præterita, & de futuris æstimant, ex iis scilicet quæ fuerunt, de futuris coniecturam capientes, suâque inde actiones prudenter moderantes.

*Prudenti
mutandum
esse ali-
quando con-
siliū.*

2 Alterum præceptum est, primis nostris consiliis quæ capimus, quæque animo nostro insederunt, non esse adeo pertinaciter insistendum, ut nulla ratione ab illis abstrahi velimus. Accidere enim potest, ut quæ prius visa fuerant salutaria, postmodum noxia fuisse appareant, & rursus quædam, quæ tanquam minus utilia repudiata fuerant, ad finem quem consequi volumus, accomodatissima esse reperiantur, nam ut ait Sapiens: Est via, quæ videtur homini recta, & nonissima eius ducunt ad mortem; & rursus, viæ aliquæ multis videntur asperæ ac difficiles per illas ad ardua nitentibus, quas tamen cum fuerimus emensi, & honestatem afferunt, & delectationem. Est ergo prudentis, consilium aliquando mutare, cum nouæ ita faciendi rationes, quæ prius nos latuerant apparuerint. Nec Principem pudere debet, quod

in

*Prou. 16.
26. & Pro-
uer. 14. 12.*

in huiusmodi constantiam non seruet, cuius sapientia maior esse non potest quàm Dei, de quo Ecclesiasticus. *Cognouit enim Dominus omnem scientiam, & inspexit in signum ani, annuntians quæ præterierunt, & quæ superueniunt, reuelans vestigia occultorum. Non præterit illum omnis cogitatus, & non abscondit se ab eo ullus sermo. Magnalia sapientia sue decorauit, qui est ante seculum & usque in seculum, neque adiectum est, neque minuitur, & non eget alicuius consilio.* Et tamen eadem sacræ litteræ, quæ tam magnifica de illius sapientia prædicant, de eodem dicere non dubitarunt, consilia ipsum mutaturum, si nos mores nostros in melius mutare condiscamus; ita enim loquitur Ieremias. *Nunc ergo bonas facite vias vestras, & studia vestra, & audite vocem Domini Dei vestri, & poenitebit Dominum mali, quod locutus est aduersum vos.* Et alibi. *Si poenitentiam egeris gens illa à malo suo, quod locutus sum aduersus eam, agam & ego poenitentiam super malo, quod cogitavi ut facerem ei.* Et in Genesi legimus. *Poenituit eum quod hominem fecisset in terra, & taclus dolore cordis intrinsecus, delebo inquit hominem quem creavi à facie terra.* Et in libris Regum. *Poenitet me quod constituerim Saul Regem.* Alibi etiam quædam euentura prædixit Deus, quæ postea non euenerunt, ut quòd Ezechias statim esset moriturus: quòd Ninive post quadraginta dies subuertenda, quòd tamen postea factum non est. Quod si Dominus ista de se in scripturis prædicari voluit, non video cur tantopere hominem infirmum, cuius *Cogitationes timida sunt, & prouidentia incerta, pudere debeat, si cum res tulerit consilium aliquod mutet in melius.* Illud tamen aduertendum est, cum dicitur Deum poenituisse, non ita in Deo accipien-

Eccles. 42.

19.

Ier. 26. 13.

Iere. 18. 8.

Genes. 6. 6.

1. Reg. 15.

11.

4. Reg. 20.

1.

Ionæ 3. 4.

Sap. 9. 14.

dum esse, sicut cum de hominibus dicitur. Nam in hominibus, cum illos pœnitet, & internus est voluntatis dolor, quò factum detestantur, & infectum vellent, ex quo sequitur, vt quod fecerant quantum possunt retractare, & destruere conentur. In Deo autem hoc posterius esse potest, nam cataclysmo genus humanum, cuius auctor fuerat, absumpsit, & Saulem regno spoliauit, prius autem non potest, itaque non propriè sed metaphoricè tantum de Deo dicitur illum pœnituisse, quod scilicet quemadmodum homines cum voluntatem mutant, id etiam quod prius fecerant mutare aut destruere conentur, ita Deus qui id mutauit, cuius prius auctor fuerat, sententiam, consiliũque mutasse dicatur. Quod autem ad prædictiones futurorum attinet, si aliquid quod à Domino prædictum sit postea non euenit, ideo accidit, quòd non absolutè sed sub conditione enuntiata sunt. Nam Niniuem prædixit euertendam, si pœnitentiam non egissent, & Ezechiam moriturum, nisi naturalium causarum cursus impediretur, quod sanè factum esset, nisi lacrymĩs propitiato numine singulari eius beneficio seruatus fuisset. Itaque præclarè Assuerus fraudibus & mendaciis Amani circumuentus còque deductus, vt Hebræorum gentem quæ in suo regno diuersabatur iuberet interfici, reiectis dolis consilium mutauit in melius, & ad populos sibi subiectos epistolam super hoc negotio scripsit, in qua hæc habentur inter cætera. *Nec putare deberis, si diuersa iubeamus, ex animi nostri leuitate, sed pro qualitate & necessitate temporum, vt Reipub. possit utilitas ferre sententiam.* Tum Iudæorum explicata innocentia prius edictum abrogat. *Vnde, inquit, eas litteras*

quas

Esther 16.

9.

quas sub nomine nostro ille direxerat sciat is esse irritas: putauitque sibi honestissimum esse, si quæ Aman potestate abutens, Regisque auctoritate in populum Iudaicum peccauerat, ipse in irritum reuocando corrigeret, oppressamq; impotentis Amani violentia Iudæorum innocentiam tueretur.

3 Tercium præceptum est superiori non absimile, ut scilicet necessitati seruire discat, & in cõsiliis capiendis ita se accomodet, ut quam illi legem necessitudo imposuerit, æquo animo ferat, cumque illum difficilia viderint tempora, consilium in arena capere sciat. *Homo sapiens*, inquit Ecclesiasticus, *tacebit usque ad tempus*. Nam si ab aduersario suo v.g. iniuriam sibi viderit inferri, nec illi propulsandæ par esse possit, rem sapiens silentio transmittet tantisper dum maioribus viribus contractis ius suum tueri possit. Nihil verò magis hominis prudentiam ostendit, quàm cum omni ex parte rebus implicatis, ita tamen ab iis negotia sua expedit, ut explicatis aut perruptis omnibus difficultatibus se ab illis eripiat. Ita David cum à facie Saulis fugeret, & ad Abimelech sacerdotem venisset in Nobe, & panibus propositionis vesci sibi non iudicauit interdictum, & Goliæ gladium quo armaretur impetrauit, indeque cum suis curatis corporibus, euasit incolumis, ut aliàs frequenter, cum à Saule quæreretur ad necem.

4 Sed quia magnum est prudentiæ telum non facile credere, licet huius capituli initio quædam attigerimus, quæ hoc suadeant, plenius tamen hic locus tractandus est, ut paruulis detur salutaris astutia. Huic rei probandæ luculenta suppetunt exempla in scripturis. Notum est Iosue solertem alioqui prudentemque populi Ducem à Ga-

Prudentis esse ingratum si necessitati se accomodare, illi, seruire.

Eccles. 20. 6.

1. Reg. 21.

1.

Prudentis esse non facile credere, quod præceptum latè explicatur.

Iosue 9.

baonitis ita fuisse deceptum, ut eos crederet longè distitas regiones incolere, qui in finitimis iis, quas occupabat, regionibus habitabant; est enim ad decipiendum ingeniosa hominum calliditas, præsertim cum aliqua detrimenti alicuius declinandi, aut commodi consequendi spes affulserit.

- Prouer. 4. Itaque faciendum quod monet Sapiens, ut palpebra nostra præcedant gressus nostros, nec faciliè credamus iis præsertim, quos alioqui nobis infestos aut infensos esse, aut nostris incrementis inuidere deprehenderimus. Non credas, ait Ecclesiasticus, inimico tuo in æternum, sicut enim aramentum aruginat nequitia illius, & si humiliatus vadat curuus, adijce animum tuum, & custodi te ab illo. Non statuas illum penes te, nec sedeas ad dexteram tuam, ne forè conuersus in locum tuum inquirat cathedram tuam, & in nouissimo agnoscas verba mea, & in sermonibus meis stimuleris, quis miserebitur incantatori à serpente percusso, & omnibus qui appropiant bestiis. Quibus verbis eleganter docet non faciliè credendum iis præsertim quos semel habuerimus inimicos, appositissimæque similitudine rem illustrat: nam quemadmodum vas ex ære factum, etiam si politum sit studio artificis, omnisque videatur arugo deterfa, tamen rursus æruginat, quia materiæ ex qua conflatum est, eius est naturæ: ita faciliè accidit ut is qui semel inimicus fuit, qualibet leui offensione irritatus veteris odij memoria recrudescente, nobis malum aliquod struat. In Græco autem contextu ante illa verba, *Ne statuas illum penes te*, alia additur similitudo his verbis: *ὡς ἰσὼν αὐτοῦ ὡς ἐκ μαχρῆς ἑσθίοντος, καὶ γινώσκον ὅτι ἐκ τοῦ αἵματος καὶ τῆς σαρκὸς καὶ τῶν ὀστέων αὐτοῦ*. Et eris, inquit, ei tanquam is qui abstergerit speculum, & cognosces quod non in finem deposuit aruginem. Et sensus

sensus videtur esse, quantumvis bona fide in gra-
 tiam cum inimico tuo rediisse videaris, itaque ab-
 sterfa sit inimicitiae rubigo, quemadmodum ab
 speculis ex metallo confectis deterfam esse oportet,
 tamen non ita multo post intelliges *quod non
 in finem deposuit aruginem*, ea rursus speculum infi-
 ciente. Ab eo itaque cauendum monet, ne forte
 deceptum serò nimiae credulitatis pœniteat, nullus-
 que sit, qui decepti vicem doleat, quippe qui co-
 ties & tam disertè monitus, sibi tamen malum ultro
 accerserit, quemadmodum nullus incantato-
 ris serpentes tractâris vicem dolet, si ab illis mor-
 deatur, cum potuerit ipse periculum si voluisset
 animaduerrere. Huius prudentiae insigne docu-
 mentum habemus in Dauid, qui cum latens in
 spelunca Saulis periculum suum non intelligen-
 tis, atque ideo eandem speluncam ingressi, oram
 clamydis latenter abscidisset, post nonnullos ser-
 mones reconciliatae amicitiae indices ultro citro-
 que habitos, sibi tamen adhuc à Saule cauendum
 existimauit: sic autem eum loquentem narrat Re-
 gum historia. *Domine mi Rex, quare audis verba lo-*
quentium, Dauid querit malum aduersum te? ecce ho-
die viderunt oculi mi quod tradiderit te Dominus in
manu mea in spelunca, & cogitavi ut occiderem te, sed
pepercit tibi oculus meus. Dixi enim non extendam ma-
num meam in Dominum meum, quia Christus Domini
est. Quin potius, pater mi, vide, & cognosce oram cla-
mydis tuae in manu mea, quoniam cum prae-scinderem
summitatem chlamydis tuae, nolui extendere manum
meam in te, animaduerte & vide quoniam non est in
manu mea malum, neque iniquitas, neque peccaui in te,
tu autem insidiaris animae meae, ut auferas eam. Iudicet
Dominus inter me & te, & vilesatur me Dominus ex

1. Reg. 24.

9.

te, manus autem mea non sit in te, sicut & in Prouerbio antiquo dicitur. Ab impijs egredietur impietas, manus ergo mea non sit in te. Quem persequeris Rex Israel? quem persequeris? canem mortuum persequeris, & publicum unum. Sit Dominus iudex, & iudicet inter me, & te, & videat, & iudicet causam meam, & eruat me de manu tua. Cum autem compleisset Dauid loquens sermones huiusmodi ad Saul, dixit Saul. Nunquid vox hac tua est fili mi Dauid? & eleuauit vocem suam & fletuit. Dixitq; ad Dauid. Iustior tu es quam ego, tu enim tribuisti mihi bona, ego autem reddidi tibi mala. Et tu indicasti hodie, qua feceris mihi bona, quomodo tradiderit me Dominus in manum tuam, & non occideris me. Quis enim cum inuenerit inimicum suum, dimittet eum in via bona? sed Dominus reddat tibi vicissitudinem hanc, pro eo quod hodie operatus es in me. Et nunc quia scio, quod certissime regnaturus sis, & habiturus in manu tua regnum Israel, iura mihi in Domino ne deleas semen meum post me, neque auferas nomen meum de domo Patris mei, & iurauit Dauid Sauli. Quis non credat post tot reconciliati animi signa, quae Saul edidit, post lacrymas poenitentiae, & amoris indices, post violatae amicitiae confessionem Dauidem cum socero simul in aulam rediisse, cum praesertim apud Saulem omnis absterisa esset suspicio iurisiurandi Religione interposita, ut etiam si ad regnum aliquando veniret, Saulis tamen domui parceret, nec contra eam exerceret inimicitias? & tamen subdit scriptura. Abijt ergo Saul in domum suam, & Dauid, & viri eius ascenderunt ad tutiora loca, Saulis nimirum perfidiam metuens. Nec eum fefellit opinio, nam non ita multo post Venerunt Ziphei ad Saul in Gabaa dicentes. Ecce Dauid absconditus est in colle Hachila, qua est ex

aduersa

Ibid. n. 13.

1. Reg. 16.

1.

aduerso solitudinis. & surrexit Saul, & descendit in desertum Ziph, & cum eo tria millia virorum de electis Israel, ut quæreretur David in deserto Ziph. Quod cum cognouisset David audaci sanè consilio, vno duntaxat Abisai comite descēdit ad Saulem in castra, illiusque dormientis tentorium ingressus, hastam quæ ad caput Regis erat, & scyphum aquæ abstulit, nulloque prorsus ex corporis custodibus aut militibus aduertente è castris elapsus, cum in tuto constitisset Abner repetitis clamoribus suscitauit à somno, indicans quid gestum esset. *Ibid. n. 17.*

Cognouit autem Saul vocem David, & dixit. Nunquid vox hæc tua fili mi David? & ait David, vox mea Domine mi Rex. Et ait; Quam ob causam Dominus meus persequitur seruum suum? quid feci? aut quod est malum in manu mea? Nunc ergo audi, oro, Domine mi Rex, verba serui tui. Si Dominus incitat te aduersum me; odoretur sacrificium: si autem filij hominum, maledicti sunt in conspectu Domini, quia eiecerunt me hodie ut non habitem in hereditate Domini dicentes. Vade, serui dijs alienis, & nunc non effundatur sanguis meus in terram coram Domino, quia egressus est Rex Israel, ut quærat pulicem vnum, sicut persequitur perdix in montibus. Davidis verborum sensus est. Si aliquo meo maleficio in me commotus Dominus ut sceleris poenas reposcat, te in me incitat, illius acquiesco voluntati, oroque ut quod ego illius voluntate patior, sit quasi sacrificium quoddam per te Domino oblatum, cuius ipse odore suauitatis ut accidit in sacrificiis delectetur (hunc sensum exhibent etiam Septuaginta, qui verterunt *ὁσπρὰς εἰς σου ὁσ, odor sacrificij tui ad eum perueniat:*) si autem maledicorum hominum, mihi que infestorum calumnijs, quibus tu aures faciles accommodas, ista

X x 4

patior,

patior, execrabile ipsi munus exercent, nam eo
 me quod in ipsis est adigunt, ut cum in heredita-
 te Israël, & intra populi mei fines consistere non
 possim, ad finitimos alienigenas transeam, abiur-
 rataque vera Domini religione, illorum supersti-
 tiones suscipiam, quo carior illis sim, & inter
 eos magis turus. Absit autem, ut mea aliqua cul-
 pa reus ego sim mortis ad quam tamen expetor à
 te tanto Rege, tantulus ego, ut perinde sit ac si-
 quis pulicem vnum, aut auceps perdicem in
 montibus persequatur. *Et ait Saul, peccavi, reuertere
 fili mi David, nequaquam enim ultra tibi malefa-
 ciam, eo quod pretiosior fuerit anima mea in oculis tuis
 hodie, apparet enim quod stultè egerim, & ignorauerim
 multa nimis. Adeo verò David Saulis verbis metu
 solutus non est, ut curas etiam magis intenderit,
 ut aduersarij sui insidias euaderet. Et ait, inquit*
 2. Reg. 27. *scriptura, David in corde suo: Aliquando incidam
 1. una die in manus Saul: nonne melius est ut fugiam, &
 saluer in terra Philistinorum ut desperet Saul, cesset-
 que me querere in cunctis finibus Israël? fugiam ergo
 manus eius: & surrexit David, & abiit ipse & sex-
 centi viri cum eo, ad Achis, filium Maach Regem Geth.
 Apud quem cum aliquo tempore commoratus
 fuisset, bellumque inter Israëlitas & Philistæos
 exarsisset, cumque Philistæi castra locauissent in
 Aphec, eiusque expeditionis David Achis Regem
 Geth secutus particeps esset, prudenter Philis-
 tæorum Sarrapæ David è suis castris remoue-
 runt, nam cum natione Hebræus esset, non faci-
 le credebant adeo suæ genti infestum esse, ut mal-
 let à Philistæis quàm à populo Israëlitarum vi-
 ctoriam stare. Quod Sarraparum consilium id
 confirmat de quo agimus, scilicet non facile ini-
 micis*

micis præsertim fidendum esse. *Dixeruntque Principes Philistiim ad Achis ; Quid sibi volunt Hebraei isti ? & ait Achis ad Principes Philistiim. Num ignoratis David , qui fuit seruus Saul Regis Israël , & est apud me multis diebus , vel annis , & non inueni in eo quidquam ex die , qua transfugit ad me , usque ad diem hanc ? Irati sunt autē aduersus eum Principes Philistiim , & dixerūt ei. Reuertatur vir iste & sedeat in loco suo in quo constituisti eum , & non descendat nobiscū in prælium ut fiat nobis aduersarius , cum præliari cœperimus : quomodo enim aliter poterit placare Dominum suum , nisi in capitibus nostris ? Nonne iste est David cui cantabant in choris discantes : Percussit Saul in millibus suis , & David in decem millibus suis ?* Nec Satrapas coniectura fallebat. Nam si David cum apud Achis moraretur , gentium quæ cum populo Dei gerebant inimicitias , fines perpetuis incursionibus vastabat prædas agens , habitatoresque interficiens ; atque ita simulatione rem tegebat , ac si Iudæorum fines irrupisset , idque tunc agebat cum nullum populo suo ab allophylis illis periculum imminebat , quid obsecro fecisset , cum explicatis Phalangibus inter Israëlitas & Philistæos confligendum esset ? credimus ne temperatum à Philistæorum cæde , & sanguine in tanto suorum discrimine , qui hostibus gentis suæ pacatis tanta multa inferebat damna ? Tertium ad rem de qua agimus confirmandam exemplum sanè illustre peti potest ex historia Iacob & Esau fratrum , inter quos cum simultates occasione primogeniorum venditorum , benedictionisque fraude interceptæ olim extitissent , essetque Esau feroci ingenio , & armis tractandis assuetus ab illo sibi Iacob non mediocriter metuebat. *Elevans autem Iacob*

1. Reg. 29.
3.1. Reg. 27.
8.

Genes. 33.

1.

oculos suos, inquit Scriptura, vidit venientem Esau, & cum eo quadringentos viros, diuisitque filios Lia & Rachel, ambarumque famularum, & posuit utramque ancillam & filios earum in principio, Liam verò & filios eius in secundo loco, Rachel verò & Ioseph nouissimos: & ipse progrediens adorauit pronus in terram septies, donec appropinquaret frater eius. Currens itaque Esau obuiam fratri suo, amplexatus est eum, stringensque collum eius, & osculans flevit. Leuatisque oculis vidit mulieres & paruulos earum, & ait. Quid sibi volumi isti? & si ad te pertinent? Respondit: Paruuli sunt, quos donauit mihi Deus seruo tuo, & appropinquantes ancilla, & filij earum incuruati sunt. Accessit quoque Lia cum pueris suis, & cum similiter adorassent, extremi Ioseph & Rachel adorauerunt. Et dixit Esau, quenam sunt iste turme quas obuiam habui? Respondit, ut inuenirem gratiam coram Domino meo. Et ille ait. Habeo plurima frater mi, sint tua tibi. Dixitque Iacob. Noli ita obsecro, sed si inueni gratiam in oculis tuis, accipe munusculum de manibus meis, sic enim vidi faciem tuam quasi viderim vultum Dei, esto mihi propitius, & suscipe benedictionem quam attuli tibi, & quam donauit mihi Deus tribuens omnia. Vix fratre compellente suscipiens ait. Gradiamur simul eroque socius itineris tui. Dixitque Iacob. Nosti Domine mi, quòd paruulos habeam teneros, & oues & boues fectas mecum, quas si plus in ambulando fecero laborare, morientur una die cuncti greges. Præcedat Dominus meus ante seruum suum, & ego sequar paulatim vestigia eius, sicut videro paruulos meos posse, donec veniam ad Dominum meum in Scir. Respondit Esau. Oro te ut de populo qui mecum est saltem socij remaneant via tue. Non est inquit necesse, hoc vno tantum indigeo ut inueniam gratiam in conspectu tuo Domine mi. Reuersus est itaque illo die Esau itinere, quo venerat

in Seir, & Iacob venit in Sochoth, transiitque in Salem urbem Sichimorum, quæ est in terra Chanaam. Admirabili dexteritate & artificio usus est Iacob, ut se ab Esau expediret, incolumisque euaderet. Nam primò demissione animi, verborum modestia, externis reuerentiæ signis, adorans septies, obuiam procedens, munera offerens, Dominum suum appellans Esau sibi beneuolentiam conciliare studuit. Deinde ab Esau comitatu, se variis allatis excusationibus subducere quantum potuit fategit. Videbat enim parum fidendum esse fratris voluntati, qui diu antea multumque ei fuerat infensus, & quamuis multa reconciliati animi edidisset signa, lacrymis etiam in eius amplexu profusis, cogitabat tamen fieri posse, ut si nona aliqua extitisset offensio, præteritarum etiam meminisset, itaque licet promiserit se post illum venturum in Seir, declinauit tamen in Sochoth, & inde transiit in Salem urbem Sichimorum, quæ est in terra Chanaam, ut quàm posset longius abiret à fratre, præclare secum actum putàs, quod innoxius manus eius euadere potuisset. Illud tamen notandum est, cum dicimus ab iis cauendum nobis esse, qui nobiscum aliquando simulrantes gesserint, nolle nos cuiquam fieri auctores ut minus bona fide cum iis à quibus violatus fuerit redeat in gratiam; cum sciamus boni viri officium esse iuxta Christi præceptum illatas iniurias ex animo condonare: sed tantùm hoc agere, ut quando nonnulli malignitate naturæ Saullem, aut Esau nonnunquam referunt, cordato homini Davidis aut Iacobi cautionem imitandam videri, Salomonisque monitum, de quo supra dictum est, minimè negligendum esse.

*Odia inter
coniunctos
facile re-
conciliari.*

- Quemadmodum autem non facile fidendum est iis, quorum animum nobis infensum esse cognouerimus, ita eorum qui inter se maximè coniuncti sunt, odia fore diuturna, non statim nobis persuadere debemus. Est enim arcana quædam vis longo usu confirmata beneuolentiæ, aut propinquitatis eius, quæ inter parentes ac filios, aut fratres intercedit, ut etiam si iurgia existant, aut rixæ, reconcilientur tamen inter se; imò offensiones illæ, & iræ redintegratio quædam sint, & renouatio amoris. Itaque Achitophel, cuius prudentia vel potius astutia, ut scriptura testatur, maximo erat in pretio: nam *consilium Achitophel quod dabat in diebus illis, quasi si quis cõsuleret Deum*, quamuis turpe consilium Absaloni dederit, cui suasset, ut publicè ad Patris concubinas ingrederetur: nam auctor illi erat ut Patris thorum, quod apud omnes gentes sanctum est, violaret, parentique maximam afferret iniuriam; utile tamen erat ad abstergendum Israëlitarum metum, qui cum bellum, quod gerendum erat inter coniunctissimas personas esse animaduverterent, intelligerentque facile fieri posse, ut depositis odiis reconciliarentur totaque commotæ seditionis noxa iis qui Absalomi partes fuissent sectati, luenda esset, non audebant Absalonem sequi; & contra David arma capere, nisi certo aliquo signo illis constitisset tantis interuenientibus offensionibus, nullam reconciliandæ pacis spem superesse. In hoc autem Achitophelis consilii astutia posita est, quod his verbis expressit scriptura. *Dixit autem Absalom ad Achitophel. Inite consilium quid agere debeamus, & ait Achitophel ad Absalom. Ingredere ad concubinas Patris tui, quas dimisit ad custodiendam domum,*
2. Reg. 16.
23.
2. Reg. 16.
20.

domum, ut cum audierit omnis Israël quod fœdaueris patrem tuum, roborentur tecum manus eorum. Tescnderunt ergo Absalom tabernaculum in solario, ingressusque est ad concubinas Patris sui coram universo Israël.

6 Tandem quæri potest, quid faciendum sit Principi qui hebetiore sit ingenio, & obtusior & à prudentia, de qua agimus, minus instructo, quàm ut negotiis gerendis facile par esse possit. Respondendum censeo, cum, qui planè stolidus sit, & rudis ab Imperij administratione abstinere debere: cum verò, qui tardius quidem percipiat quæ tractantur, nec facilè videat quomodo prospici, & occurrì debeat ingruentibus Reipubl. necessitatibus, parare sibi ministros, & consiliarios debere, ut quod ipse consilij sui imbecillitate minus assequitur, aliorum solertia percipiat & peragatur. Huiusmodi fortè tarditatem ingenij in Roboamo tanti parentis filio, notauit scriptura cum ait, *Porro Roboam erat rudis, & corde pauido.* Septuaginta legunt, *νεώτερος*, & *καὶ δειλὸς καὶ δειλός*, iuuenis, & animo vili & deiecto. Sed vox Hebraica *נַעֲר* non solùm significat puerum ætate, sed eum etiam qui puer est sensu, ut loquitur D. Paulus cum ad Corinthios, scribens ait, *Nolite pueri effici sensibus*, quales à Græcis *νῆμωτες* dicuntur. Et hoc fortè sensu intelligendum est, quod dicitur in Ecclesiaste, *Va tibi terra, cuius Rex puer est.* Cum ergo vulgatæ nostræ editionis auctor de Roboam dixit, *erat rudis*, vocem *נַעֲר* potius ad mētis, ac sensuum habitudinem retulit, quàm ad ætatem: quod fecerunt Septuaginta, qui *νεώτερος*, *iuuenis* vel *iunior* interpretati sunt. Præclare ergo agitur cum huiusmodi Principibus, si tantum

An Principi hebeti, & tardo gerendo Respublica.

2. Paral., 13.7.

1. Cor. 14, 20.

Eccles. 10. 16.

acuminis nacti sint vt bonos consiliarios à malis,
 ministros fidos ab infidis possint agnoscere,
 quod quia Roboamo non contigit, propterea se
 & Rempubl. perdidit.

*Cauendum Principi à Diuinorum,
 Magorum, Necromanticorum,
 aliorumq; huiusmodi dam-
 natis artibus.*

C A P V T XXXII.

*Huiusmodi
 artibus ad
 Regū au-
 las aditum
 nonnunquā
 patere.*

ANtequam huic de Principis prudentia
 dissertationi finem imponam, opportu-
 num sanè fuerit de Magica vanitate paucula que-
 dam adiungere, vt monitus Princeps diligenter
 caueat, ne ad illius scopulos adhærescat, ad quos
 læuia quædam & inepta ambitiosorum homi-
 num ingenia blâdissimis & desideratissimis dam-
 natæ huius artis promissis abrepta, naufragium
 passa sunt. Nec verò inter vulgares tantum frau-
 dibus opportuniore malum serpit, sed ipsas
 etiam summorum Regum aulas corripuit, in qui-
 bus reperio pestes istas locum & eum quidem ho-
 nestissimum tenuisse. Itaque cum apud Phara-
 onem Moses prodigiis fidem quæreret admirabili
 illo facto administrato, quo virgam suam con-
 uertit in colubrum. *Vocauit, inquit Scriptura, Pha-
 rao sapientes & maleficos, & fecerunt etiam ipsi per in-
 cantationes Ægyptiacas, & arcana quedam similiter.*

Exod. 7. ii.

Quos

Quos vulgatus noster vertit maleficos, Aquila *ἡρυπίαγας* appellauit, occultorum scilicet patratores, aut cognitores, iis enim potissimum aditus patet ad Principum gratiam, qui vt aliis incognita se cognituros recipiunt, aut rerum arduarum, & naturam superantium scientia effecturos pollicentur, vt ad ea quæ maximè habet in votis aspirare Princeps possit. Nec Balthassar Rex Scripturæ illius characteribus, quos parieti arcani scriptoris digitus impresserat, mirū in modum conturbatus, coniectores & diuinos, & harum artium de quibus agimus professores necesse habuit è longinquo petere aut magno labore conquirere, nam cum timore perculsus eos iussisset introduci, statim adfuerunt Magi, Chaldæi, & Aruspices, qui tamen quid monstri illius nouirare, aut characterum figuris significaretur expedire non potuerunt. Ne igitur hac se peste afflari Princeps patiat, sibi penitus persuadeat, quidquid hoc est artis non irritum tantum, & inane esse, sed sacrilegum & nefarium, omnique nisu tanquam præsentissimum venenum à Reip. visceribus amoliendum.

2 Id verò ita se habere inducet in animum, qui animaduenerit magicarum artium primum auctorem, & doctorem dæmonem fuisse, qui cum sit mendacij pater fraudulentissimam artium exco-gitauit, vt commentis fraudibus, imposturisque muniret viam & homines à veri numinis cultu, ad omne superstitionum genus, impietatemque traduceret. Nam spiritus nequissimi sub statuis atque imaginibus consecratis delitescere cœperunt, afflatu suo vatum pectora inspirare, extorum animare fibras, auium volatus gubernare, oracula

Has artes, detestandas, quod illarum auctores Dæmones fuerint.

Ioan. 8. 4.

la edere, vera falsis, & falsa veris inuoluere, mendaciis suis veritati caliginem iniicere, iuxta illud quod apud S. Ioannem legimus. *Homicida est ab initio, & in veritate non stetit, quia non est veritas in eo.*

Genes. 6. 2.

Osee 4. 2.

Cum loquitur mendacium ex propriis loquitur, quia mendax est, pater mendacij. Huius verò profani artificij semina ante ipsum cataclysmum iecisse Dæmonem aliqui auctores sunt, eo nimirum tempore, quo videntes filij Dei filias hominum quòd pulchræ essent; ex eis sibi vxores delegerunt: nam cum terrarum orbis eo tempore cor-

ruptissimus esset, priusque *maledictum*, & *mendacium*, & *homicidium*, & *furtum*, & *adulterium* inundasset, & *sanguis sanguinem tetigisset*, quàm marium aquæ cœlestibus auctæ imbribus, & cœli cataraetarum eruptione inflatæ, mortales admirabili illa eluione deleuissent, inde sibi persuadent artem hanc ab inferis emeruisse, multosque mortales ad sui studium rerum quas patraret admirabilitate traxisse. Nam primò quidem filij Seth, qui filij Dei propterea vocantur in Scripturis, quòd pietatem & virtutem impensè colerent à filiorum Cain consuetudine, aliquanto temporis spatio abstinnerunt, ne scilicet ex horum conuictu & moribus, qui à vera pietate defecissent, labem aliquam contraherent, paulatim filiarum hominum eorum scilicet qui erant de Cain sobole, illecebra prouocati, sibi acceperunt ex illis vxores, & longa consuetudine inolitam, & à parentibus quasi per manus traditam pietatem, & simplicitatem in vxorum suarum mores transfuentes corruerunt. Cum verò (inquit Cassianus) impiæ generationi fuisset admixtum (genus, scilicet Seth Cain filiabus) ad res profanas &

Collat. 8.

cap. 28.

noxias

noxias quæ piè didicerat instinctu quoque Dæ-
 moniorum deriuauit, curiosasque ex ea malefi-
 ciorum artes, atque præstigias, ac magicas su-
 perstitutiones audacter instituit, docens posteros
 suos, vt sacro illo cultu Diuini nominis derelicto,
 vel elementa hæc, vel ignem, vel aëreos Dæmo-
 nes venerarentur, & colerent. Et post paucula
 quædam docet idem Cassianus, quomodo dam-
 nata hæc ars cum diluuiò non perierit. Quan-
 tum itaque, inquit, antiquæ traditiones ferunt
 Cham filius Noë; qui superstitionibus istis &
 sacrilegis ac profanis fuerat artibus institutus,
 sciens nullum se posse super his memorialem li-
 brum in arcam prorsus inferre, in quam erat vnà
 cum Patre iusto, ac sanctis fratribus ingressurus,
 scelestas artes ac profana commenta diuersorum
 metallorum laminis, quæ scilicet aquarum cor-
 rumpi inundatione non possent, & durissimis in-
 sculpsit lapidibus, quæ peracto diluuiò eadem
 qua celauerat curiositate perquirens, sacrilegio-
 rum ac perperuæ nequitie seminarium transmisit
 in posteros. Hac itaque ratione illa opinio vulgi
 qua credunt Angelos, vel maleficia vel diuersas
 artes hominibus tradidisse in veritate completa
 est. Hactenus Cassianus.

3 Hanc porrò artem, quæ mendaciorum pa-
 rentem Diabolum habuit, mendacem etiam esse,
 & humanis sensibus præstigiis, & fallaciis illu-
 dere necesse est, multoque plura polliceri quàm re
 ipsa præstare possit. Quâuis enim Dæmones pos-
 sint per motum localem actiua passiuè applicare
 v.g. ignem ex sua naturali sede deducere, domos-
 que & alia inflammare, vt legimus in Iob histo-
 ria, *Ignis Dei decidit de cælo & tactas oues, puerosque* Iob 1.16.

*Fallaces
 esse has ar-
 tes, & eas
 polliceri
 qua præsta-
 re nequeunt.*

consumpsit. Immittere vehementes, & turbulentos ventos, quibus optimè fundata ædificia evertantur, iuxta illud eiusdem Iob, *Repente venit vehemens irruit à regione deserti, & concussit quatuor angulos domus, quæ corruens oppressit liberos suos, & mortui sunt.* Possint etiam in mari tempestates & terræ motus excitare, & in humanis corporibus morbos, somnia, & cruciatus conturbatis humoribus, motis & conformatis spiritibus animalibus, distractis & disiunctis cōpagibus, & connexionibus membrorum, applicando etiam herbas aut alia pharmaca quæ naturali facultate morbos sanant, aut alios admirabiles effectus efficere, tandemque possint corpora ex vno loco in alium transferre, vt Christum Dominum, ita ipso permittente, Diabolus sustulit in montem excelsum, & in templi pinnaculum; Non tamen tanta est Dæmonis potentia, vt possit mundum destruere, aut eius ordinem subuerrere, nam,

Matth. 4.
3.

Hebr. 2. 5. *ait D. Paulus. Non subiecit Deus Angelis orbem terra, nec præcipuas mundi partes, cuiusmodi totum vnum aliquod est elementum è sua naturali sede commouere, nec cœli conuersionem sistere, nec in contrarias incitare partes, nec duo corpora ita in eodem loco collocare vt se mutuò penetrarent, aut vnum & idem in duobus aut pluribus ponere, nec cum per motum ea de loco aliquo ad alium transferunt, qua voluerint pernecitate, & temporis breuitate transferre, nec in corporibus immediatè formam vllam, aut substantialem aut etiam accidentalem producere, licet multa, vt dictum est, passiuæ actiuæ applicando efficere possint, non tamen ultra naturalium illorum agentium vires ac facultates, itaque*

ex

ex lapide aut ligno equum, aut leonem producere nequeunt, nec iam extinctos ad vitam reuocare, nec alia huiusmodi, quod ita agentium naturalium vires ista superent, ut à nullo tam excellentes effectus præstari possint. Itaque præclare dictum est à sapiente. *Diuination erroris & auguria, mendacia & somnia malefactorum vanitas est. Ab immundo quid mundabitur, & à mendace quid verum dicetur?* nec fallacia tantum, sed nullius ferè etiam momenti aduersus cultores pietatis, qui diuino freti auxilio *super aspidem & basiliscum ambulant & conculcant leonem & draconem.* nam cum Deus sit qui omnia potest, & iuxta voluntatem suam faciat, tam in virtutibus cœli, quam in habitatoribus terra, nec sit qui resistat manui eius, oderitque omnes observantes vanitates superuacue: ab insidiis Dæmonum ac præstigiatorum securos præstat eos, qui in protectione Dei virtutem & pietatem colendo commorari satagunt. Itaque ridet Isaias eorum vecordiam, qui ex astrorum meatibus, & cœlurum cursibus, Babylonis euersione vaticinari non potuerant, & eorum qui supputantes mensium numerum prædicere se posse crediderant, quam ætate Regnum illud casurum esset. *Sicut, inquit, & saluent te augures cœli, qui contemplabantur sydera, & supputabant menses, ut ex eis annuntiarent ventura tibi.* Et sanè frustra erant, huiusmodi enim hominibus qui iudiciariam hanc astrologiam vel sequuntur, vel profitentur, illud occini potest. *Non est vestrum nosse tempora vel momenta quæ Pater posuit in sua potestate.*

4 Sed fortè non erit abs re illud explicare quod in Regum historia habemus, in qua Samuelem legimus mulieris Pythonissæ incantationibus euo-

Eccles. 34.

5.
Ibid. n. 4.

Psal. 90.

13.

Dan. 4. 23.

Psal. 30. 7.

Psal. 90. 1.

Isa. 47. 13.

Act. 1. 7.

Tractatur
breuiter
questio an
Samuelis

*anima à
Pythonissa
euocata, vi
illarum in-
cantationū
apparue-
rit.*

1. Reg. 28.

6.

Ibid. n. 15.

catum, vt Saulis responderet postularis. Historiam habemus in sacris litteris primo Regum, nam cum Saul bellum cum Philistæis gereret, Dominumque consulisset, vt cognosceret quid facto opus esset, nullumque planè responsum tulisset, mentito habitu ad mulierem Pythonissam se contulit, postulauitque vt carminibus suis Samuelem suscitaret. Fecit illa quod iussa fuerat, cumque Samuelem præsentem exhibuisset, sic Saulem Propheta rediuius compellauit. *Quare inquietasti me vt suscitarer? Et ait Saul: Coarctor nimis, si quidem Philistiim pugnat aduersum me, & Deus recessit à me, & exaudire me noluist, neque in manu prophetarum, neque per somnia; vocaui ergo te, vt ostenderes mihi quid faciam. Et ait Samuel: Quid interrogas me, cum Dominus recesserit à te, & transierit ad emulum tuum? Faciet enim tibi Dominus sicut locutus est in manu mea, & scindet regnum tuum de manu tua, & dabit illud proximo tuo Dauid, qui non obedisti voci Domini, neque fecisti iram furoris eius in Amalech, idcirco quod pateris fecit tibi Dominus hodie, & dabit etiam Dominus Israël tecum in manus Philistiim; cras autem tu, & filij tui mecum eritis, sed & castra Israël tradet Dominus in manus Philistiim.* Hactenus Samuel. Quamquam autem sunt qui dubitent, num verè fuerit Samuel, an potius illius spectrum aliquod à Pythonissa suscitatum: quæ opinio graues sanè doctores auctores habet; multo tamen probabilior eorum sententia est, qui docent ipsammet Samuelis animam, non idolum tantum inane Sauli apparuisse, non quidem vi carminum Pythonissæ exhibitam, sed diuino imperio ab inferis eductam, se aspectabilem Sauli exhibuisse; quod ita esse satis colligitur ex ipso sacrae Scripturae

pturae

pturæ contextu, quem paulò ante recitauimus, cum ait. *Faciet tibi Dominus sicut locutus est in manu mea, & illud etiam. Quare inquietasti me ut suscitarer?* Quæ sanè verba optimè conueniunt in Samuelem, nec in alium quadrare possunt. Nec vllum absurdum cogit inficiari verum illum Samuelem fuisse, vt paulò post patebit; quare cum disertè textus eum Samuelem appellauerit, cur nos eum Samuelem fuisse negare audeamus? Accedit libri Ecclesiastici grauissima & clarissima auctoritas, in quo ita de Samuele legimus. *Et post* Eccles. 46.
hec dormiuit & notum fecit Regi, & ostendit illi finem 23.
vite sue, & exaltauit vocem suam de terra in prophetia, delere impietatem gentis. Quibus verbis significatur eundem illum Samuelem qui mortuus fuerat, & de quo plura ab Ecclesiastico commemorantur, notum fecisse Regi, quid proximè in certamine cum Philistæis passurus esset. Illud autem, *exaltauit vocem suam de terra*, hunc sensum habet: Cum è terra Diuino iussu extitisset, clara voce prophetauit, quid futurum esset, delendam scilicet gentis impietatem, nec tamen propterea affirmo Samuelem vi incantationum euocatum, sed tantùm illud assero veri Samuelis animam occasione illarum incantationum Deum apparere voluisse, vt & amplior esset atque illustrior gloria Samuelis, Saulis verò ad Diuina iussu & ad monita eiusdem Samuelis, dum viueret, contumacis poena esset acerbior. Nec obstat quod Samuel dixit: *Cras tu, & filij tui mecum eritis*: quasi Dæmonem oportuerit hæc protulisse, ad cuius sedes post mortem Saul delatus est; nam sermo est de eo loco; qui probis & improbis communis erat: vtrique enim ante patefactas paradisi fores ad

inferos descendebant, quamuis alia esset apud eosdem inferos sedes piorum, alia impiorum. Itaque prudens Princeps omnem suam spem in Diuino locet auxilio, studioque virtutis, & pietatis cuius *si bonus emulator fuerit*, nemo sanè ei nocere poterit. Nam quamuis in aliquem à Domino permittatur Dæmoni facultas, tamen ipse Dominus habenas adducit, aut laxat, quantum illi qui cum Dæmone & incommodis ab eo immixtis conflatur, vtile esse animaduertit. Itaque S. Iob tam multis spoliatus bonis, fortunisque omnibus euersus, corpore etiam tam fadè à Dæmone laceratus, non in eam erupit vocem, vt diceret, Dæmon dedit, aut Dæmon abstulit, sed verum omnis boni & poenarum salutarium auctorem agnos-

Sap. 16. 13. *scens. Dominus, inquit, dedit, Dominus abstulit, sicut Domino placuit ita factum est.* Nam vt ait Sapiens: *Tu es Domine qui vita & mortis habes potestatem, & deducis ad portas mortis & reducis.* Dæmoni verò, si quando aliqua conceditur potestas, ea nec ampla est, nec diuturna, quemadmodum dixit Dominus. Luc. 12. *Hac est hora vestra & potestas tenebrarum;* eaque ipsa 53. incommoda, quæ ab illo irrogantur, si commodè ea excipere nouerimus, multas & admirabiles utilitates afferre consueuerunt, Deo illa in nostrum commodum conuertente.

Artes istas diuino iure quod sacris Scripturis continetur, prohiberi.
Deut. 18. 10.

§ Decet autem, vt in omnibus bene constitutis Rebus publicis factum videmus, artes huiusmodi, legibus proscribi, certè in Hebræorum politia grauissimis pœnis scelera ista vindicabantur. Quare in Deuteronomio legimus, *Non inueniatur in te qui ariolos sciscitetur, & obseruet somnia, aut auguria, nec sit maleficus nec incantator, nec qui Pythones consulat aut Diuinos, aut quærat à mortuis veritatem;*

omnia

omnia enim hac abominatur Dominus, & propter istiusmodi scelera delebit eos (populos scilicet gentiles, & idolorum cultores) in introitu suo: & in Leuitico præcipit Dominus. Non augurabimini, nec obserua-

bitis somnia, & anima qua declinauerit ad magos, & ariolos, & fornicata fuerit cum eis, ponam faciem meam contra eam, & interficiam illam de medio populi sui. & vir siue mulier in quibus Pythonicus vel diuinationis fuerit spiritus, morte moriantur. Lapidibus obruent eos: sanguis illorum sit super illos. Non est itaque mirandum si mulier illa Pythonissa, quam Saul habitu Regio dissimulato consulebat, vix adduci poterat, vt incantationibus suis necromanticis mortuum quem Rex volebat suscitaret. Nam dicebat: *Nosti quanta fecerit Saul, & quomodo eraserit magos & ariolos de terra, quare ergo insidiaris anima mea vt occidas?* Cum enim initio regnandi bonus esset Saul, adedò vt de illo scriptura dicat non fuisse in Israël illo meliorem iuxta legis præscriptum, cuius verba recitauimus, profanas istas magorum artes ex finibus Israël exterminare conatus est: sed vt nulla esset, diuinationes hasce per Dæmonem exercentibus proposita poena, satis per se turpe est, & ignominiosum fœdus cum Dæmone humani generis hoste teterrimo contrahere, & cum illo familiariter agere. Quare Iudæi cum Christum Dominum contumeliis proscinderent, Samaritanum eum appellabant, & Dæmonium habentem, eumque in Belzebuth Dæmoniorum Principe, cum quo fœderatus esset, Dæmonia eicere, criminabantur; quod scilicet, intelligerent nullum grauius aut fœdus crimen honesto viro impingi posse, quàm si cum Dæmone paredro & familiari ad decipiendum, & in fraudes inducendos mortales abuti confirmassent.

Leuit. 19.

26.

Leuit. 20.

6.

Ibid. n. 27.

1. Reg. 28.

2.

Ioan. 8. 48.

Explican-
tur duo
Scriptura
loca, quæ
his artibus
favere vi-
dentur.
Iob. 37. 7.
Genes. 44.
15. & 5.

6 Dicat fortè aliquis, auguria & præsentiones futurorum, quæ per diuinandi artem inuestigantur, non esse damnabiles. Nam chiromantiæ fauere videtur quod legimus in libro Iob. *Qui in manu hominum omnium signat, ut singuli nouerint opera sua*; & in Genesi Ioseph dicit fratribus, *An ignoratis, quod non sit similis mei in augurandi scientia?* & œconomus eius, Scyphus, inquit, *quem furati estis, ipse est in quo bibit Dominus meus, & in quo augurari solet.* Ioseph ergo aut augur fuit, aut certè videri voluit, noluisse autè videri, si rem veritam aut malam putauisset. Respondeo loci illius Iob hanc esse sententiam. *Qui in manu omnium signat*, id est, qui per tempestates, niues, imbres, manus omnium claudit & otiosas reddit, impediens ab agriculturæ & pasturæ operibus. Dicitur autem signare in manu, pro signare & claudere manus, Hebraica dicendi formula. *Ut singuli sciant opera sua*, id est, ut singuli sibi prospiciant, quid quouis tempore agere debeant, vel ut singuli sciant opera sua pendere à Deo; unde Septuaginta vertunt, *ut singuli norint infirmitatem suam.* Ioseph se augurem per iocum dixit, vel ex opinione vulgi, qua fuimus augur habebatur. Adde nomen augurandi latè patere, & extendi ad omnem diuinationem, etiam ex signis, quæ diuinitus diriguntur. Itaque Ioseph noluit videri augur, vel Diuinus talis, quales erant alij in Ægypto, sed longè excellentior, ut qui spiritu Dei diuinaret, sicut iam ante non semel ostenderat, & pro tali illum habebant Ægyptij.



HIEROPOLITICON

LIBER TERTIVS.

*De Consiliariorum & consilij
capiendi necessitate.*

CAPVT PRIMVM.

COMMUNIS eorum opinio est, quibus pectus sapit, in rebus ambiguis debere nos non tantum serio quid faciendum sit meditando coquere, sed cum fidelibus etiam amicis communicare animi nostri sensa, qui nobis salutarium consiliorum auctores esse possint. Itaque Salomoni, *Ne innitaris*, inquit, *prudencia tua.* & alibi. *Salus ubi multa consilia.* & bonus ille Tobias, cum se à morte prope putaret abesse, inter aurea illa praecepta, quibus filium, quem superstitem relinquebat, instituit, etiam illud addidit: *Consilium* Iob 4. 19. *semper à sapiente conquire.* Cur autem ita faciendum sit, in promptu est ratio: nam cum prudentia, quæ nostrarum actionum moderatrix esse debet, in bonorum malorumque delectu potissimum versetur, nec proclive sit res implicatas explicare, aut quid in quaque re verissimum sit perspicere, æquum est impensius rebus cognoscendis insistere, aliorumque sententiam exquirere, à quibus salutaria consilia proficisci posse sperauerimus.

Consilij capiendi necessitas aliis quibus sacra Scriptura testimonijs probatur.

Prou. 3. 5.

Prou. 11.

14.

Iob 4. 19.

714 *Institutio politica ex sacris Scripturis.*

- Prou. 12.** mus. *Est enim, ut Salomon docet, lingua sapientum*
18. *sanitas, & ubi sunt plures consiliarij, cogitationes confir-*
Prou. 15. *mantur, quemadmodum dissipantur ubi non est consi-*
22. *lium. & ut alibi. Cogitationes consilij roborantur, &*
Prou. 20. *gubernaculis tractanda sunt bella: nam bella etiam*
18. *ipsa, in quibus violentiæ potius quàm consilio*
locus esse videtur, consiliis tamen regenda sunt:
Luc. 14. 31. *nam cum suscipiuntur sedendo, animo scilicet à*
perturbationibus vacuo, cogitandum est, an cum
decem millibus ei possimus occurrere, qui cum viginti
millibus venit ad nos. Et cum iam sub pellibus fue-
rimus, aut in acie, attentum esse oportet, & quid-
quid infestum esse potest circumspicere, paratâ-
que habere præsidia, militemque ita disciplina
institutiisque militaribus formatum, ut nutum re-
gentis sentiat, signumque ab vno datum peditem
simul, equitemque percurrat, quæ omnia arte
constant, & consiliis, quæ sapiens gubernacula
vocat, optimè administrantur.
- Probat** 2 *Nec secus à cordatis Principibus fieri con-*
idem ex- *suevit. Itaque Assuerus in Reginam Vasthi, quod*
plis Prin- *se Regi, Satrapisque sistere recusasset, paulo com-*
cipum, & *motior, in eam tamen non prius animaduertit,*
ipsius Dei. *quàm Regni procerum sententiam exquireret.*
- Esther 1.** *Iratus, inquit, Rex & nimio furore succensus, interro-*
12. *gavit sapientes, qui ex more Regio semper ei aderant, &*
illorum faciebat cuncta consilio, scientium leges, ac iura
maiorum. Et Nabuchodonosor Rex exercitus suos
in expeditionem, sub Holoferne duce emissurus.
- Iudich 2.** *Vocavit omnes maiores natu, omnesq; duces, & bellatores*
3. *suos, & habuit cum eis mysterium consilij sui, dixitq;*
cogitationem suam in eo esse, ut omnem terram suo sub-
Apoc. 19. *ingaret imperio, & ipsemet Deus, qui Regum Rex est,*
16. *& Dominus Dominantium, quasi de re aliqua deli-*
beratu

beraturus Senatum conuocare, & cum suis de rebus agendis consultare describitur, non quod Deus, qui summa est sapientia, de alicuius sententia consilium capiat aliquando, cum dicat D. Paulus. *Quis nouit sensum Domini? aut quis consiliarius eius fuit?* & Isaïas. *Quis audiuit Spiritum Domini, aut quis consiliarius eius fuit, & ostendit illi? Cum quo inijt consilium, & instruxit eum, & docuit eum semitam iustitiarum, & erudiuit eum scientiam, & viam prudentiæ ostendit illi?* Sed quod res ita geri describatur, quemadmodum à summis Principibus geritur, qui dum animo per se ipsos consilia non expediunt, ea quæ ab amicis afferuntur amplecti consueuerunt, itaque apud Daniele legimus sententiam in Nabuchodonosor Regem latam, vt scilicet; *Cor eius ab humano commutaretur, & cor fera daretur ei, & septem tempora mutarentur super eum. In sententia vigilum decretum fuisse, hoc est Angelorum, qui vigilantes propterea dicuntur, quod alacres, & ad Principis sui Dei iussa capeSSenda expediti semper adstant, eò, quò fuerint ablegati, perneciter aduolaturi.* Itaque Michæas Propheeta vt in Regum historia habemus. *Vidi, inquit, Dominum, sedentem super solium suum, & omnem exercitum celi assistentem ei à dextris, & à sinistris, & ait Dominus: Quis decipiet Achab Regem Israel, vt ascendat & cadat in Ramoth Galaad? Et dixit unus verba huiusmodi, & alius aliter. Egressus est autem spiritus, & stetit coram Domino, & ait: Ego decipiam illum. Cui locutus est Dominus. In quo? Et ille ait. Egrediar, & ero spiritus mendax in ore omnium Prophetarum eius. Et dixit Dominus: Decipies & praualebis, egredere, & fac ita.* Itaque ipsemet Deus consultationis huius præses, & moderator, rem quæ veniebat in deliberatio

Rom. 11.

34.

Isa. 40. 13.

Dan. 4. 13.

Ibid. n. 14.

3. Reg. 22.

19.

Iob 2.1.

berationem cælitum Senatui proponit, illi diuersis studiis ac sententiis in varias distrahuntur opinioniones, existit tandem vnus aliquis ex prauorum spirituum numero, vt quondam Satan cum venissent filij Dei vt assisterent coram Domino, adfuit & ipse inter eos, vt habemus initio historię sancti Iob, is ad rem de qua agebatur agendam accomodatè se mendacem spiritum in ore Prophetarum futurum pollicetur, idque vt ita fieret, Principis illius peccatis postulantibus Dominus permisit. Vt vel ex hoc intelligere possint, qui de sua vnus sententia, omnia statuere consueuerunt, quasi sapientiæ laudem reportaturi, quam non mereantur illam sapientum nomenclaturam, qua tantopere delectantur. Verè enim dictum est à

Prou. 12.

15.

Prou. 13.

17.

Salomone. *Qui sapiens est, audit consilia. &, Astutus, cordatus scilicet & prudens vir, omnia agit cum consilio, qui autem fatuus est, aperit stultitiam.* Fecit hoc Moyse tantus vir, quem Dominus suo dignabatur

Exo. 18. 17.

alloquio, qui soceri sui Iethro salutare consilium amplexus est, nec sibi pudendum putauit, si ad diuina colloquia admissus, ex quibus Reipublicæ administrandæ rationem hauserat, amici hominis & affinitatis iure propinqui monita sequeretur. Fecit & David, cuius fuisse consiliarius dicitur in scriptura Achitophel, ille, quem tanti faciebant omnes, vt *Consilium Achitophel, quod dabat in diebus illis, quasi si quis consuleret Deum.* Fecisse etiam videtur Salomon, cum in Regum historia legamus *Azariam filium Nathan super eos fuisse qui assistebant Regi.* Cur enim assistebant? mirum vt consilium darent, si interrogarentur, quemadmodum, vt paulo supra dictum est, Assuero septem illi sapientes aderant, ex quorum con-

2. Reg. 15.

12.

2. Reg. 16.

23.

3. Reg. 4.

8.

Esther 1.

12.

filio

filio cuncta faciebat, & ipsemet Salomon, qui sapi-
 piētiam à Domino postulauit, vt sibi adesset quasi
 consiliaria, cum ait; *Da mihi Domine sedium tua-* Sap. 9. 4.
rum, assistricē sapientiam, eo scilicet fine, vt regnum
 sibi commissum *disponeret in aequitate & iustitia,*
& in directione cordis iudicium indicaret. Quoniam, Ibid. n. 5.
 inquit, *seruus tuus sum ego, & filius ancilla tua, homo*
infirmus & exigui temporis, & minor ad intellectum
iudicij, & legum: credendus est ad aures & animum
 sapientum consilia libenter admisisse, quibus in
 temperanda Rep. iuuari posset.

3 Porro qui plus iusto sapiunt, cūque hebetes Incōmoda
 sint & tardi, acuti tamen & cordati sibi videntur, qua illi in
 proximè absunt ab extremo rei pessimæ gerendæ currāt, qu-
 periculo, vt in illos optimè conueniat illa prædi- consilium
 ctio, quæ est apud S. Iob *Consilium tuum precipitabit capere re-*
te, qui enim superbi sunt, itineris quantumlibet cufant. Iob 18. 7.
 imperiti, & erroribus expositi, duces non requi-
 runt, nec suam agnoscunt stultitiam, si tamen ali-
 quando agnoscunt, priusquam per deuia, & an-
 fractus varios eò tandem deuenerint, vnde inco-
 lumes pedem referre, viamque quam emensi sunt
 retexere non possint. Itaque precatur Dauid, Non Psalm. 35.
veniat mihi pes superbie, quòd scilicet ad eas deue- 12.
niam semitas, in quibus nulla apparent hominum
vestigia, tramitēque quo in viam salutis deduce-
bar amisso in præcep- tuam; nam impiorum &
stultorum via, cum ampla initio videatur, & com-
planata, in angustum tamen, & in abrupta & sco-
pulosa loca paulatim desinit, quemadmodum ali-
cubi Propheta dixit, cum in Psalmo cecinit. Et Psal. 1. 6.
iter impiorum peribit. Itaque Isaias, *Va inquit, qui* Isa. 5. 21.
sapientes estis in oculis vestris, & coram vobismetipsis Prou. 26.
prudentes. Et Salomon ait. *Vidistis hominem sapien-* 12.
tem

rem sibi videri? magis illo spem habebit insipiens. Expertus est hoc Godolias, qui cum ab amicis moneretur parari sibi ab Rege Ammonitarum insidias, certòque ab eo homines fuisse destinatos à

Ierem 40. quibus interficeretur, *Non credidit eis*, & ait: *Fal-*
14. 16. *sum tu loqueris de Ismahel.* Sed quis eorum falsus

Ibi. c. 41. I. fuerit, statim exitus indicavit; nam *Venit Ismahel*
& optimates Regis, & decem viri cum eo ad Godoliam
filium Abicam in Masphat, & comederunt ibi panes si-
mul in Masphat. Surrexit autem Ismahel filius Na-
thania, & decem viri, qui cum eo erant, & percusserunt
Godoliam filium Abicam filij Sapham gladio, & interfe-
cerunt eum. Quique suo malo discere non potuit,
aliis saltem documentum reliquit salutare, quo
intelligant prudentis non esse, ira in sua fixum
esse sententia, vt consilia, quæ ab amicis sugge-
runtur, audire nolint. Expertus est etiam Holo-
fernes, qui cum exercitus sui viribus præfideret,
seque satis instructum putaret ad quoscumque
obuios habuisset hostes obterendos, saniora con-
silia, quæ Achior Ammonitarum Dux suggere-
bat, suo magno malo, secutus non est. *Dicite mihi,*

Iudith 5.

3. *inquit Holofernes, quis sit populus iste, qui montana*
obsidet, aut qua, & quales, & quanta sint ciuitates eorum,
qua etiam sit virtus eorum, aut qua sit multitudo eorum,
vel quis Rex militia eorum? Et quare præ omnibus qui
habitant in Oriente isti contempserunt nos, & non exie-
runt obuiam nobis, vt susciperent nos cum pace? Pru-
dens sanè & opportuna interrogatio, si Achioris
responsionem, qui Hebræorum res habebat per-
spectissimas, veraque subiicere non dubitauit, vt
ad aures ita ad animum admittere sustinuisset.
Sed Holofernus purpuratis solita vanitate spem

Ibi. n. 27. *eius infantibus dicentibusque: Quis est iste, qui*
filios

filios Israel posse dicat resistere Regi Nabuchodonosor & exercitibus eius, homines inermes, & sine viriute, & sine peritia artis pugna? Veritatis impatiens, maxime vtilia suadentem ad Hebræos transire iussit, se verò consiliariosque suos perditum ire perrexit. Nam & Holofernes, Deo Iudith imbecillæ mulieri animos & vires addente, capite truncatus, & exercitus omnis in fugam versus, ab Hebræis concisus & deletus est, insigne posteris relinquens documentum, homines, cum se permisere fortunæ, tunc in maximo versari discrimine, non enim impetum, quo feruntur moderatis consiliis sufflaminari patiuntur.

4 Verum ex alio etiam capite capiendi consilij necessitas existit, sit enim nonnunquam ut perplexæ admodum nodisque implicatæ difficultates occurrant, veniatque in controuersiam, liceat ne hoc an illud, quod cum accidit scrupulis peccatus hæsitantis foditur & lancinatur, nec vlla pars quietis interim dum scrupulus nõ eximitur, conceditur dubitanti. Itaque quod habemus in libro Iob nervos testiculorum Leviathan serpentis implicatos esse ad conscientia perplexitates significandas accommodat D. Gregorius his verbis. *Horum, inquit, testiculorum nervi perplexi sunt, quia suggestionum illius argumenta implicatis inuentionibus illigantur, ut plerisque ita peccare faciant; quatenus se fortasse peccatum fugere appetant, hoc sine alio peccati laqueonon euadant, & culpam faciant dum vident, ac nequaquam ab una se valeant soluere, nisi in alia consentiant ligari.* Hactenus Gregorius, qui dictum suum exemplis explicat, quæ fusè prosequitur, & apud ipsum videri possunt. Huic ergo malo consilium medicinam facit; auditis enim Consili-

*Capiendū
interdum
consiliū, ut
conscientia
satisfiat.*

Iob 40. 12.

riorum,

Ro. 14. 5.

riorum, & si opus fuerit Theologorum sententiis, quorum est ista disquirere; facile Princeps quid faciendum sit peruidebit, Diuúmque Paulum audiet, cum ad Romanos scribit ita præcipientem. *Vnusquisque in suo sensu abundet*, quod non tantum significat integrum esse vnicuique in rebus *ἀδιαφόρως* suum sequi iudicium, & illud quod magis arriserit amplecti, sed etiam debere vnumquemque certum esse, ac sibi persuadere, id quod facit licitum esse, & Deo gratum; ne scilicet si dubitet, reluctantéque conscientia aliquid aggrediatur, peccati noxam incurrat, *qui enim periculum amat, in illo peribit*. Eam autem interpretationem recipere S. Pauli sententiam ex eo probatur, quod apud Græcos *πυροπορεῖται* certissimè nosse, & compertum habere significet, vel plenè persuasum esse ita se rem habere: quare Syrus hunc locum

Eccles. 3.
27.

Ro. 14. 24.

Pauli exprimens. *Quisq;*, inquit, *in scientia anime sue confirmetur*. Imò ad eandem explicationem, eundémque sensum exhibendum, nō inuitam trahere possumus vocem illam *Abundet*, vt sensus sit. Plenè & abundè certus sit, id quod agit bonum esse ac licitum; nulláque ex parte diuinis præceptis, aut rectæ rationi repugnans, nullíque rei agendæ manus admoueat, dubitante, ac fluctuante conscientia. *Qui enim secus agunt, peccant*, eodem Apostolo dicente. *Omne autem quod non est ex fide, peccatum est*. Quo loco fides nihil est aliud, quàm persuasio, dictaménque conscientiæ, existimantis id quod aggreditur bene fieri, actionémque illam peccato obnoxiam non esse. Hæc autem vt dixi in Consiliariorum, Theologorúmque congressibus & confessibus plenè discutuntur, quibus componendæ conscientiæ modus Principibus

bus aperitur, ut pede inoffenso spatium diuinorum mandatorum decurrere possint. Talem Principem fuisse oportet Ioas Regem Iuda, quamdiu Ioiadæ sacerdotis consiliis secundas aures præbuit, de eo enim dicitur in historia Regum. *Fecitq; Ioas rectum coram Domino cunctis diebus, quibus eum docuit Ioiada Sacerdos.*

4. Reg. 12.
2.

§ Illa tandem ex crebra seriâque consultatione commoditas existit, quod licet fracta, rebûsque aduersis impulsa consilia foelicem exitum non sortiantur, non tamen minus prudens à cordatis viris, qui res ab euentibus non metiuntur, habetur Princeps, si adhibitis in consilium fidis, prudentibûsque consiliariis, id agendum susceperit, quod cum prudenter institutum sit, æquior tamen finis exceptit, nam multi interueniunt casus, quos assequi humana mens numquam potuisset, qui inita prudenter consilia disturbant, & euerunt; quod si accidit, non tamen minùs prudens ille existimandus est, qui circumspectis benèque perpenlis rei, de qua agitur, adiunctis omnibus, consilium ceperit. Itaque quod dicit Sapiens, *Fili sine consilio nihil facias, & post factum non pœnitabis*; semper locum habet apud prudentes viros quos nunquam pœnitet, licet captum consilium infœlix exitus frustretur; in eo enim acquiescunt quod quidquid actum est, id prudenter & iuxta rationis præscriptum actum est. Quanquam

Eum, qui cum cōsilio aliquid aggreatur, prudentem habēdum, etiam si id quod agendum suscepit, infelicem exitū sortiatur.

Ecclesi. 32.
24.

frequentius euenit, ut prudens
consilium faustus etiam
& fortunatus exitus
consequatur.

* * *

Z z

Qualis

Qualis Consiliarius à Principe deligendus sit.

CAP V T II.

*Senes con-
silio melio-
res esse quàm
iuvenes.*

I Multa sunt, quæ Princeps spectare debet in eligendis Consiliariis, in quo quantò periculosius erratur, tantò attentius insistendum est, ne quid in hoc delectu Principem fallat. Nos aliquas bonorum Consiliariorum notas, quantum ex sacris litteris colligere poterimus, indicabimus, quibus iuuetur ut possit bonos à malis internoscere. Ac primò quidem quod ad ætatem spectat, senes consiliis dandis aptiores puto, quàm iuvenes, nam longæ ætatis beneficio sapientiam colligere potuerunt, qua iuvenes plerumque carent. *In antiquis, inquit S. Iob, est sapientia, & in multo tempore prudentia.* Et Ecclesiasticus ait. *Quam speciosa veteranis sapientia, & gloriosus intellectus, & consilium; corona senum multa peritia; & alibi monet idem auctor, Ne despicias narrationem presbyterorum sapientium, & in proverbijs eorum conuersare, ab ipsis enim discas sapientiam, & doctrinam intellectus, & seruire Magnatibus sine querela. Non te pretereant narratio seniorum, ipsi enim didicerunt à Patribus suis, quoniam ab ipsis discas intellectum, & in tempore necessitatis dare responsum.* Ita Ecclesiasticus, quod sanè dictum verissimum esse, Roboami cum senibus & iuuenibus consultatio cum ad Regni gubernacula sedere cœpit, de qua sapius dictum est, liquidò satis ostendit.

2 Nec

2 Nec tamen cùm senes dico, eos tantùm intel- *Seni ma-*
 ligo, quorum defectum est ac præmortuum cor- *turritatem*
 pus, cutis exarata rugis, caputque ac mentum ca- *à moribus,*
 nitie conuestitum, quamuis enim illa ætas veren- *potius, &*
 da sit, suamque habeat dignitatem; qua de re legi- *prudencia,*
 mus in Prouerbiis, *Dignitas senum canities, & alibi.* *quàm ab*
Corona dignitatis senectus, in cuius venerationem *annis spe-*
 in Leuitico præcipit Dominus *standam*
Coram cano capite *esse.*
confergere; de ea tamen canitie potissimùm sermo *Prou. 20.*
 est, quæ mentis & consilij maturitatem affert, *29.*
 non de illa, quæ effæctum corpus, & humanis mi- *Prou. 16.*
 nisteriis reddit inutile. Itaque legimus in Sapien- *21.*
 tiæ libro. *Senectus venerabilis est non diuturna, neque* *Leuit. 19.*
annorum numero computata, cani autem sunt sensus ho- *32.*
minis, & ætas senectutis vita immaculata. Fieri enim *Sap. 4. 8.*
 potest, atque vtinam aliquando non fieret, vt ho-
 mines iam grandæui in suis vitis, quibus assue-
 uerunt consenescant, nec aut virtutis amore, aut
 impendētis mortis periculo, à turpitudine, quam
 adamarunt, reuocari possint, vt moribus improbi,
 ita consilio minimè boni. Tales fuere seniores il-
 li, qui in Susannæ concupiscentiam exarserant, il-
 lāmque iniquo circumuenire iudicio, opprimerē-
 que decreuerant, quod sanctus Propheta Daniel
Inueteratos dierum malorum appellauit. Tales illi de *Dan. 13.*
 quibus dicit Isaias. *Puer centum annorum morietur,* *52.*
& peccator centum annorum maledictus erit. Quare *Isa. 65. 20.*
 Dominus cum Moyse populi sui Duci præcepisset:
Congrega mihi septuaginta viros de senibus Israel, sta- *Num. 11.*
 tim addit. *Quos tu nosti, quod senes sint.* Quem lo- *16.*
 cum explicans S. Gregorius. *Rectè,* inquit, *Domi-* *Mor. li. 19.*
nus ad Moysen, dicit: Congrega mihi septuaginta viros *c. 11. aliàs*
de senioribus Israel, quos tu nosti, quod senes populi sunt. *13.*
In quibus quid aliud quàm senectus cordis requiritur,

724 Institutio politica ex sacris Scripturis.

cum tales iubentur eligi, qui senes esse sciuntur. Si enim senectus in eis corporis quareretur, à tantis sciri poterant, à quantis videri. Dum verò dicitur, quos tu nosti, quod senes populi sunt, profectò liquet, quia senectus mentis non corporis eligenda nuntiatur. Hæc ille. Talis

- Eccles. 4.
13. Rex ille, de quo in Ecclesiaste Salomon ait. *Melior est puer pauper, & sapiens, Rege sene, & stulto, qui nescit prouidere in posterum, & senex ille fatuus, quem se odio persecutum fuisse testatur Ecclesiasticus, cum ait: Tres species odiuit anima mea, & aggrauor valde anima illorum. Pauperem superbum, diuitem mendacem, senem fatuum & insensatum.*

Senū prudentiā experientia magna ex parte acceptam esse referendā.
3 Cur autem senes aliis prudentiores sint illud est in causa, quòd cū diutius vixerint, mores etiam multorum hominum videant, vrbesque lustrarint, nec semel fuerint in rebus agendis aut aliorum nequitia, & dolo, aut quod ipsi minùs ad ea quæ opus fuisset aduerterint implanari, suo malo cautiore facti sunt, & in iudiciis ferendis doctiores. Egregium hac de re testimonium habemus apud Ecclesiasticum, cum ait: *Qui non est*

- Eccles. 34.
9. *tentatus quid scit? Vir in multis expertus, cogitabit multa; & qui multa didicit, enarrabit intellectum; qui non est expertus pauca recognoscit, qui autem in multis factus est, multiplicat malitiam, qui tentatus non est, qualia scit? qui implanatus est, abundabit nequitia; multa vidi errando, & plurimas verborum consuetudines. Aliquoties ad mortem vsque periclitatus sum horum causa, & liberatus sum gratia Dei. Quibus verbis, quia lucem afferre potest alia ex Græco conuersio, eam hic subiungam, sic enim se habet. *Qui non est tentatus, quid scit? vir qui vagatus est, vidit multa, & multum expertus enarrabit intellectum; qui non expertus est, nonit pauca, & qui deceptus est, multiplicat**

astutiam,

Biblia regia.

astutiam, multa vidi in deceptione mea, & fictiones verborum meorum intellectus meus, pluries usque ad mortem periclitatus sum, & liberatus sum horum gratia.

4 Hæc autem fuit causa propter quam omnium Senes veteri gentis more in consiliis adhiberi solitos. Iud. 2. 16.
gentium more receptissimo senes ad consilia publica adhibeantur. Atque ita in libro Iudicum seniores consultant, *Dixeruntq; maiores natu, Quid faciemus?* vt etiam in libris Regum, & Iudith historia, cum Nabuchodonosoris consultatio proponitur dicitur aduocasse; *omnes maiores natu*: & 1. Reg. 4. 3. Iud. 2. 2.
cum apud Incolas Iabes Galaad consultatur admittendæ ne essent conditiones Naas Ammonitæ pacem ita pollicentis si erui sibi paterentur oculos dextros, seniores quid facto opus sit statuunt, 1. Reg. 11. 3.
& tandem in Hebræorum Republ. Senatus erat capitum septuaginta ex senioribus Israel, cuius frequens est mentio in sacris litteris; quorum Num. 11. 16. & alibi.
consilium quantopere publicis negotiis esset utile, illa Domini per Prophetam comminatio ostendit, cum præfidiis se nudaturum minitatur Rempub. quibus ipsa stabat, de Israel sublaturum se Isa. 3. 3.
honorabilem vultu, & senem, quibus si Resp. caruisset, ad certam perniciem rueret, salutaribus consiliis destituta: sed de Consiliariorum ætate ista sint satis.

5 Nunc aliquid de vitæ morumq; probitate dicamus, qua qui destitutus est, eum quantumvis Eos deligēdos consiliarios, qui à vita probitate commedationem habent. Eccles. 14. 5.
acri ad iudicandum ingenio præditum, minùs tamen aptum Consiliarium esse existimo, nam *Qui sibi nequam est, cui bonus esse poterit?* cum præsertim variis perturbationibus, quæ exercitatione virtutis comprimi debuissent, in diuersas partes rapiantur, vitiisque implicatus, iustitiæ ac omnis virtutis patrociniū suscepturus vix debeat ille existimari,

- mari; cuius animum voluptates occupant, libido
 deuincit, subiugat auaritia, cupiditates pertur-
 bant, quatit metus. Itaque liquor ille præstantis-
 simus sapientiæ, quam Deus amicis suis, qui à pec-
 catorum sordibus defecaram habent animam lar-
 gè concedit, iis denegatur, qui vitiorum labe sor-
 descunt; quemadmodum à Sapiente verissimè di-
 ctum est cum ait: *In maleuolam animam non introi-*
bit sapientia, nec habitabit in corpore subdito peccatis:
Spiritus enim sanctus disciplina effugiet fictum, & au-
feret se à cogitationibus, quæ sunt sine intellectu: quem-
 admodum enim bonus senex Iacob iam morti
 proximus filiis suis bene precaturus Simeonis &
 Leui consilia & facta se non probare significauit,
 quod ab ultionis libidine profecta essent, non ab
 amore iustitiæ, cum scilicet *In furore suo occiderunt*
virum, & in voluntate sua suffoderunt murum, Hemor
 & Sichem, qui Dinam rapuerat, interfecerunt, vr-
 bémque in stupri ultionem depopulati sunt. Dixit
 enim: *In consilium eorum non veniat anima mea, & in*
casu illorum non sit gloria mea, ita Dominus fouet &
 Pro. 12. 5. exosculatur *Cogitationes iustorum,* quæ sunt iudi-
 cia, quemadmodum *Consilia impiorum fraudulenta*
 detestatur. Impij enim & scelesti homines ex frau-
 dibus & dolis planè constituti sunt, tuncque de-
 Pſal. 81. 4. mum se putant arcem tenuisse sapientiæ, cum *Su-*
per populum malignati sunt consilium, vel, vt vertit
 D. Hieronymus, *Contra populum tuum nequiter tra-*
 Pſal. 51. 3. *Etauerunt tota die iniustitiam cogitantes, & sicut noua-*
cula acuta dolum facientes, diligunt enim malitiam su-
 per benignitatem, iniquitatem magis, quàm loqui aequi-
 tatem, diliguntq; omnia verba præcipitationis linguamq;
 dolosam. Quare S. David ab huiusmodi homini-
 bus, qui nec Deum timent, nec homines reueren-
 tur,

tur, circumueniri timens diuinum sibi auxilium
ad quod confugit, putauit esse necessarium, atque
ideo clamat ad Dominum. *Exaudi Deus oratio-* Psal. 63 2.
nem meam, cum deprecor, à timore inimici eripe ani-
nam meam. Pròtexisti me à conuentu malignantium,
qui scilicet collatis inter se capitibus, vt me euer-
terent, conspirauerant, *A multitudine operantium*
iniquitatem, quia exacerunt vt gladium linguas suas,
intenderunt arcum rem amaram, vt sagittent in ocul-
is immaculatum: Est enim illis solemne astu, re-
ctisq; consiliis grassari, & simpliciter, confiden-
terque gradientem telis, ex pseudosapientiæ suæ
pharetra depromptis ex insidiis impetere. *Subito*
enim sagittabunt eum, & non timebunt, firmauerunt si-
bi sermonem nequam: In suis enim confessibus illud
omnino fixum, & firmum esse cupiunt, vt per-
dant innocentem. *Narrauerunt vt absconderent la-*
queos, dixerunt quis videbit eos? Tanta enim artis
subtilitate technas suas texunt, vt putent posse se
etiam acutiorum visum fallere: tandem omnem
euertunt officinam, in qua mille artes nocendi
conditas habent, *Scrutanturq; iniquitates, & ad cor*
alium accedunt, mira scilicet astutiæ profunditate
excauatum, & tenebris suæ prudentiæ inuolutum,
in quo machinas omnes bonis, rectisq; homini-
bus oppugnandis, & si fieri possit deliciendis, &
euertendis adornant. Sed nimirum in irritum ca-
dunt conatus omnes scelestorum, nam non solum
Sagittæ paruulorum factæ sunt plaga eorum, & infirma-
ta sunt contra eos lingua eorum, sed etiam Dominus
eas ipsas fraudes, quas ad iustos circumueniendos
noctere satagebant, in eorundem perniciem, ma-
gno ipsorum malo conuertit; quod vtrumque ex
scripturis nullo negotio probari potest.

Prauorum & astutorum hominum consilia non cum sortiri exitum, quæ ipsi voluissent. 6 Ac primò quidem astutis & prauis hominibus consilia subdola non procedere, quemadmodum ipsi cupiunt, multis locis docet scriptura, dicente D. Petro, *Deus superbis resistit, humilibus autem dat gratiam.* Et Isaia. *Ego sum Dominus irrita faciens signa diuinorum, & ariolas in furorem vertens, conuertens sapientes retrorsum, & scientiam eorum stultam faciens.* & Dauide in Psalmo, *Dominus dissipat consilia gentium, reprobatur autem cogitationes populorum, & reprobatur consilia Principum.* & S. Iob, *Qui dissipat cogitationes malignorum, ne possint implere manus eorum quod cœperant. Qui apprehendit sapientes in astutia eorum, & consilium prauorum dissipat.* Quod dicitur in vulgata, *Ne possint implere quod cœperant.* Septuaginta verterunt, *Et non facient manus eorum veritatem,* quia nimirum cogitatis, quæ animo destinauerant, opus non respondebit, diuina virtute manus eorum obstupefaciente, ne quæ animo conceperant, externo opere moliantur, & exequi possint; quod fortè Salomon docuit, cum ait in Prouerbiis, *Impius facit opus instabile,* torpente nimirum manu, & animi conceptiones & vota, externis conatibus non adæquante. Illustrissimum huius rei exemplum habemus in iis, qui temerario ausu insanam illam celsissimæ turris structuram excitare instituerunt, vt nōminis celebritatem ingenti illa mole sibi conciliarent apud poteros, nam cum ad eum diem terra, *labij vnus fuisset & sermonum eorundem,* ita voces eorum Dominus confudit, vt alter alterum, diuersum quiddam barbarumque sonantem non intelligeret, quæ res operis prosequendi consilium discussit, & diuinæ voluntati minimè consentientes conatus, in irritum cadere planissimè ostendit. Illis enim

*Prauorum
& astuto-
rum hominū
consilia nō
cum sortiri
exitū, quæ
ipsi voluif-
sent.*

1. Pet. 5. 5.

Isa. 44. 24.

25.

Psal. 32.

10.

Iob 5. 12.

Prou. 11.

10.

Gen. 11. 1.

enim accidit , quod Isaias dicit quodam loco;
Dominus miscuit in medio eius spiritum vertiginis , & Isai. 19. 14.
errare fecit Aegyptium (dicemus nos turris ædifica-
tores) *In omni opere suo, sicut errat ebrius & vomens.* Isai. 59. 10.
Elongatum est enim iudicium ab eis ; palpauerunt sicut
cæci meridiem , & quasi absque oculis atrectauerunt,
impegerunt meridiem, quasi in tenebris. Vt enim dicitur
in Prouerbiis. *Non est sapientia , non est prudentia,* Prou. 21.
non est consilium contra Dominum. Et meritò preces 30.
fundens ad Dominum Mardocheus in Estheris
historia ita loquitur ; *Domine , Domine Rex omni-* Esther 13.
potens, in diuione tua cuncta sunt posita , & non est, qui 9.
tua possit resistere voluntati. Quare Pharaon Israël ve-
xare quidem potuit miris modis : obterere , Do-
mino illum defendente , non potuit ; Saul etiam
Dauidem, quem ad necem quærebat , iactare , in
exilium pellere , vt interficeret autem , quamuis
eum votis omnibus sublatum veller , nulla ratio-
ne assequi potuit. Nec Darij satrapis felicius pro-
cesserunt doli , quamuis callido consilio violatæ
Religionis prætextu, Daniele mortis reum fa-
cere statuisent , dicebant enim. *Non inuenimus* Dan. 6. 5.
Danieli huic aliquam occasionem, nisi fortè in lege Dei
sui ; nam Dominus obturauit ora leonum , Da-
nielemque ab eorum rictibus ereptum pristinæ
restituit amplitudini ; Iubentéque Rege adducti sunt Dan. 6. 24.
viri illi, qui accusauerant Danielem , & in lacum leo-
num missi sunt ipsi & filij , & uxores eorum , & non
pæruenerunt vsque ad pavementum lacus donec arripe-
rent eos leones , & omnia ossa eorum comminuerunt.
Deus enim scientiarum Dominus est, & ipsi preparan-
tur cogitationes, vel vt alij vertunt Conatus eius per-
ficiuntur. Hominum verò temeritas & astutia in
cassum contra pios homines , Deumque ipsum

saos conatus vrget, quasi eorum cogitatio Deum fallere possit, aut si Deus quid cogitent intel- ligat, obistere non possit, vt iam contra insa-

I. Sai. 29. 15.

nos istos clamare libeat cum Isaia. *Va qui profun- di estis corde, vt à Domino abscondatis consilium, quorum sunt in tenebris opera, & dicunt, quis videt nos? & quis nouit nos? Puerua est hac vestra cogi- tatio, quasi si lutum contra figulum cogitet, & dicat*

I. Sai. 30. 1.

opus factori suo, non fecisti me, & figmentum dicat fictori suo, non intelligis. & alibi. Va filij desertores dicit Do- minus, vt faceretis consilium, & non ex me, & ordire- mini telam, & non per spiritum meum, vt addereis peccatum super peccatum, qui ambulatis vt descendatis in Aegyptum, & os meum non interrogastis, sperantes auxilium in fortitudine Pharaonis & habentes fiduciam in vmbra Aegypti, & erit vobis fortitudo Pharaonis in confusione, & fiducia vmbra Aegypti in ignominiam.

7 Alterum quod probare institueram, illud

illa ea tem erat, astutorum ista consilia, quæ ad alios fallen- dos, & capiendos adornantur in auctorum ipso- rum perniciem, plerumque conuerti. Egregie di- ctum est hoc à Sapiente, cum ait. Qui in altum mittit lapidem, super caput eius cadet, & plaga dolosa, dolosi diuidet vulnera. Et qui foueam fodit, incidet in eam, & qui statuit lapidem proximo, offendet in eo, & qui laqueum alij ponit, peribit in illo. Facienti nequissi- mum consilium super ipsum deuoluetur, & non agnosce- unde adueniat illi; illusio & improprium superborum, & vindicta sicut Leo insidiabitur illi. Laqueo peribunt qui oblectantur casu infortiorum, dolor autem consumet illos

frequentem conuerti. Eccles. 27. 28.

Psal. 7. 15.

antequam moriantur. Et sanctus Dauid. Ecce, inquit, parturit iniustitiam, concepit dolorem, & peperit ini- quitatem, lacum aperuit & effodit eum, & incidit in foueam quam fecit. Conuerteretur dolor eius in caput eius,

&

& in verticem ipsius iniquitas eius descendet. Adducit Iob 12. 17.
enim Dominus consiliarios, prudentes scilicet huius
seculi, qui prudentia illa pollent, quæ inimica
est Deo, in stultum finem, vt dicitur in libro Iob; Iob 5. 13.
Eosque apprehendit in astutia eorum: quamuis enim Isai. 5. 26.
Inueniantur in populo impij insidiantes quasi aucupes,
laqueos ponentes, & pedicas ad capiendos viros, & sicut
decipula plena est auibus, sic domus eorum plena sint
dolo: eos tamen supplantat Dominus, & iuxta
ipsum laqueos ponit, aut cippos fodit in quos ca-
dant, nec emergendij aut se explicandi faculta-
tem concedit, iuxta illud Dauidis. Veruntamen Psal. 72.
propter dolos posuisti eis, deiecisti eos, dum allenarentur. 18.

8 Sed illud imprimis diligenter prospiciendum Eos deligē-
 est Principi, ne is quem voluerit in consilium ad- dos consi-
 hibere, specie boni publici, priuata compendia liarios, qui
 confectetur consiliorum suorum rationes eò di- suis cōmo-
 rigendo, vt suis commodis velificetur: quod dis quari-
 ipsum est sapientis consilium apud Ecclesiasticum tandis non
 cum ait. *A consiliario serua animam tuam, prius scito,* studeant.
quæ sit illius necessitas, & ipse enim animo tuo cogitabit Ecclef. 37.
ne forte mittat sudem in terram, & dicat tibi. Bona est 9.
via tua, & stes e contrario videre quid tibi veniat. Qua-
si dicat: Diligenter caue, quid consiliarius tuus
consilij afferat, quamuis enim consilium petere
sit frequenter necessarium, est tamen periculose
aleæ res plenissima: quare explorandum prius
est, an consiliarius aliqua prematur necessitate, an
aliquod illi cum alio Principe vinculum, aut ne-
cessitudo intercedat, quid sibi ab iis, de quibus
consultatur timere possit, quid sperare; nam cum
ipse res suas magis caras habeat, diligentiusque
promouere studeat, quàm Principis, sedulo co-
gitabit, qua ratione possit sua vitare incommoda,
sua

suæque seruire utilitati, resque publicas aut Principis præ suis negliget, cùmque vocatus fuerit in consilium, cippum in quem incidas aperiet, aut sudem in quam impingas in terram panger, stru-ctisque dolis, omnia tamen longè à periculo abesse pronuntiabit, ipse interim è regione obser-uans an aliquid tibi mali accidat, ex quo ipse uti-litatis aliquid percipere possit. Exemplum huius rei, maximè illustre, habemus in historia Regum. Nam cum vrbe excessisset Dauid sibi metuens à filio Absalone, iamque Absalon Ierusalem in-gressus cum suis consultaret quid facto opus es-set, vt sibi Regnum quod videbatur adeptus, sta-biliret, educendæ ne essent repente copiæ, & in Dauidem suscipienda expeditio, iis duntaxat ad bellum emissis militibus, qui ad manum essent, an verò contrahendus esset ex vniuerso Israële exercitus, qui cum esset coactus tum demum in Dauidem immitteretur. Achitophel cuius eo tempore sapientia tanti fiebat, vt oraculi Diuini

1. Reg. 17.

1.

instar haberet, ita loquebatur: *Eligam mihi duo-decim millia virorum, & consurgens persequar Dauid hac nocte, & irruens super eum (quippe qui lassus est & solutis manibus) percutiam eum; cumque fugerit omnis populus, qui cum eo est, percutiam Regem desolatum, & reducam vniuersum populum, quomodo vnus homo reuerti solet; vnum enim virum tu queris, & omnis populus erit in pace, placuitque sermo eius Absalom, & cunctis maioribus natu Israël.* Et sanè rei, quam ag-grediebatur Absalom, utile in primis, & accom-modatam consilium dederat Achitophel, steterit-que sententia, nisi rem totam Chusai Arachites ad dicendam sententiã vocatus discussisset; nam cum à Dauidis partibus staret, illique faueret, li-

cet

cet ignorantibus hoc Absalone & consiliariis eius, ita consilium suum temperauit, vt cum de Absalone in regno firmiter stabiliendo sollicitus videri vellet, id tamen præcipuè ageret, vt Dauidi, quem opprimi posse videbat, si Achitophelis vinceret sententia, pararet incolumitatem. Nam 2. Reg. 17. dixit Chusai ad Absalom: Non est bonum consilium 7. quod dedit Achitophel hac vice. Et rursus intulit Chusai. Tu nosti patrem tuum, & viros qui cum eo sunt, esse fortissimos, & amaro animo, veluti si vrsa raptis catulis in saltu scuiat; sed & Pater tuus vir bellator est, nec morabitur cum populo, forsitan nunc latitat in foveis, aut in vno quo voluerit loco; & cum ceciderit vnusquisque in principio, audiet quicumque audierit, & dicet: Facta est plaga in populo, qui sequebatur Absalom, & fortissimus quisque, cuius cor est quasi Leonis, pauore soluetur; scit enim omnis populus Israël fortem esse patrem tuum, & robustos omnes, qui cum eo sunt; sed hoc mihi videtur rectum esse consilium. Congregetur ad te vniuersus Israël à Dan vsque Bersabee, quasi arena maris innumerabilis, & tu eris in medio eorum, & irruemus super eum in quocumque loco inuentus fuerit, & operiemus eum, sicut cadere solet ros super terram, & non relinuemus de viris qui cum eo sunt, ne vnum quidem. Quod si urbem aliquam fuerit ingressus, circumdabit omnis Israël ciuitati illi funis, & trahemus eam in torrentem, vt non reperiat ne calculus quidem ex ea. Dixitque Absalom & omnes viri Israël. Melius est consilium Chusai Arachita consilio Achitophel. In quo tamen vel ipsius Scripturæ testimonio falsi sunt, ex qua discimus offusas à Domino fuisse tenebras consiliariorum illorum mentibus, ne quàm vtile Achitophelis consilium esset, possent agnoscere, ait enim. Domini nutu dissipatum est consilium Achitophel

rophel utile, ut induceret Dominus super Absalon malum. Itaque in viro etiam probo, qualis erat Chusai, apparet quàm periculosa res sit, consilium ab eo petere qui priuatis affectibus ducitur, aut qui si aliquod à Principe ineatur consilium, veretur ne rerum suarum incrementum intercipiatur, aut etiam damnum aliquod incurrat. Hoc enim hominum genus nihil non agit, seque in omnem versat partem, ut ea quæ sibi utilia esse intelligit, quasi bono publico opportuna consilia Princeps amplectatur, semperque eò dirigit aciem mentis, ut honorem suum, rem familiarem, potentiàmque in aula amplificet, illaque omni nisu amolitur, quæ aliqua ratione nocitura videantur. In Regis Assueri aula fuerat Aman ad magna & honorata ministeria Regio fauore productus, itaque in omnem occasionem potentiæ huius augendæ intentus, cum quæsiisset ab eo Assuerus, quam ratione ille esset honorandus, quem Rex honorare decreuisset, ille putans se potissimum, qui gratiosissimus esset Principi, nouis istis honoribus adinueniendum, cum clarissimi triumphi spem animo præsumpisset, ita respondit; *Homo quem Rex honorare cupit, debet indui vestibus Regiis, & imponi super equum, qui de sella Regis est, & accipere regium diadema super caput suum, & primus de Regiis Principibus ac Tyrannis teneat equum eius, & per plateam ciuitatis incedens clamet & dicat, sic honorabitur quemcumque voluerit Rex honorare.* Quod si triumphum illum Mardochæo, cui erat infensus parari sensisset, aliam planè instituisset orationem, ac fortè quod aulicis familiare est, Assuero fuisset auctor, quasi Mardochæi crescentis magnitudini faueret, ut eum ad aliquam gubernan-

Ester 6.

7.

dam

dam prouinciam destinaret, non eo consilio, vt creditæ illius fidei gubernatio virtutis & Regiæ beneuolentiæ testimonium esset, sed vt eum longius submoueret, quem suis luminibus officere animaduerneret; *Multi pacifici sint tibi*, inquit Ec- Ecclef. 6.

clesiasticus, & consiliarius sit tibi unus de mille, si 6.

possides amicum in tentatione posside eum, & ne facile credas ei. Est enim amicus secundum tempus suum, & non permanebit in die tribulationis, & contra est amicus qui conuertitur ad inimicitiam, & est amicus, qui odium & rixam & conuitia denudabit. Est autem amicus socius mensæ, & non permanebit in die necessitatis.

Cuius moniti sententia ea est, paucos admodum esse fideles amicos, qui sincero animo consilium dent postulantibus, ac proinde maximè attentum debere esse eum, qui ab amico consilium petit, ne fortè is cui se credit cum postulat consilium, spe aliqua, aut timore instinctus sibi potius quàm illi consulat. Prudentium est ista laus, & eorum, qui longo rerum usu docti sunt, hi enim facilè, quò consilium dantes spectent deprehendunt:

nam, *Quomodo in aquis resplendent vultus prospicientium, sic corda hominum manifesta sunt prudentibus.* Prou. 27. 19.

Hanc ego solertiam in Rege Iuda Iosaphat requiro, qui Achab Israël's Regis suadenti vt prælium quod imminebat, cultu regio amictus iniret: id sibi passus est persuaderi, cum tamen ipse Achab dissimulato Regis habitu, sub privati cuiuspiam militis armis latuisset; quod sanè consilium vel eo nomine suspectum illi esse oportuit, quòd qui Regij cultus retinendi auctor erat, ipse mentito habitu prælium est ingressus. Itaque proximè abfuit Iosaphat à periculo, Achabi consilio, in extremum discrimen adductus, nisi vociferando

736 *Institutio politica ex sacris Scripturis.*

3. Reg. 22.
31.

ferando sibi consulisset, illique intellexissent eum non esse Regem Israël, quem Syriæ Regis arma potissimum petebant ad necem. *Rex autem, Syria, ut dicitur in Regum historia, preceperat Principibus curruum triginta duobus dicens. Non pugnabitis contra maiorem & minorem quempiam, nisi contra Regem Israël solum. Cum ergo vidissent Principes curruum Iosaphat, suspicati sunt, quod ipse esset Rex Israël, & impetu facto pugnabant contra eum, & exclamavit Iosaphat, intellexeruntque Principes curruum, quod non esset Rex Israël, & cessauerunt ab eo. Quod si etiam ab amicis cauendum est, cum petimus consilium, quid de iis erit sentiendum, quos offendimus aliquando, aut à quibus ipsi offensi sumus? sanè multò magis horum fidem suspectam esse conuenit, ne fortè tempore soporatus dolor noua se se aperiente nocendi via recrudescat, & in caput innocentis, etiamsi nulla recens offensio extiterit, odij virus effundatur. Exemplo est Zebul, qui Gaal infensus eum decipere conatus est; nam cum procul venientium hostium globos Gaal intueretur, remque cum Zebul communicaret, hic suspicionem hostilium agminum aduenientium eximere conatus est, ne si periculum imminens animaduerneret, sibi suisque consuleret. Cum vidisset populum Gaal, dixit ad Zebul. Ecce de montibus multitudo descendit: cui ille respondit, umbras montium vides, quasi capita hominum, & hoc errore deciperis. Illud etiam addiderim consanguineorum ipsorum, qui nos amant, beneque nobis volunt, & rebus nostris aduersis tanquam ad se spectantibus tanguntur, in consiliis dandis suspectam fidem esse posse, cum etiam ipsi immodicis animi perturbationibus agitari possint, spe, metu,*

Iud. 9 36.

tu, inuidia, aliisque huiusmodi motibus, quibus cum cietur animus, vel quid facto opus sit non videt, vel si quod verum est videt, amico inuidet ut sibi commodet, suisque perturbationibus obsequatur. Magnus erat Ioab apud David auunculum suum, eamque magnitudinem sibi ingentibus promeritis, bellica virtute, multisque in rebus explorata in Regem fide parauerat: cum tamen Abner, Isbosetho regiae Saulis domus stirpi, quem pleraque Israëlitis tribus Regem sequebantur, insensus, ad David transire statuisset, & cum ipso Davide foedus pepigisset, veritus Ioab ne plus gratia apud Dauidem Abner posset, quam ipse maluisset (erat enim Abner vir strenuus, & maximae apud Israëlitas auctoritatis) eum omni qua fieri posset ratione amoliri statuit, & ab Regis latere tantum virum abstrahere, qui si Regi adesset, iam ipse non tanto apud Dauidem esset in pretio. Itaque illum apud Regem calumniari aggressus est, & in inuidiam vocare, quasi non bona fide transfugisset ad Dauidem, sed eo consilio se se illi adiunxisset, ut exploratis eius consiliis eum tandem Isbosetho, cui ad eum diem seruierat, facilius proderet. *Et ingressus est Ioab ad Regem, & ait: Quid fecisti? Ecce venit Abner ad te, quare dimisisti eum, & abiit, & recessit? Ignoras Abner filium Ner, quoniam ad hoc venit ad te, ut deciperet te, & sciret exitum tuum, & introitum tuum, & nosset omnia qua agis?* Sed cum fortè non persuaderet, tandem gliscens inuidia eò erupit, ut virum innocentem, & nihil tale suspicantem, interimeret: quanquam alia etiam intercedebat offensio propter Asaelem Ioabi fratrem, quem Abner se cum fugeret insequentem hasta transfixerat. Mi-

Eccles. 32.
24.

nus itaque miror Sapientis in Ecclesiastico consilium, qui cum prius valde omnibus commendasset, ut in rebus ambiguis amicos consulerent, ait enim. *Fili, sine consilio nihil facias, & post factum non pœnitebis, in via ruina non eas, & non offendes in lapides, nec credas te via laboriosa, ne ponas anima tua scandalum.* Statim subdit, *& à filiis tuis caue, & à domesticis tuis attendo.* Quamvis enim laudabilem putem eorum Principum consuetudinem, qui filios aut nepotes rebus administrandis præficiunt potius quàm alios, quibus non ita cordi futura speratur Principis amplitudo, cum ei tantæ necessitudinis benevolentiaque fœdere coniuncti non sint; modus tamen quidam, meo iudicio, adhibendus est, ut scilicet Princeps bene exploratis, & quantum fieri potest cognitis eorum affectibus, sic cum illis quæ gerenda sunt communicet, illorûmque utatur opera, ut tamen æstu perturbationum, quibus fortè commouentur, iræ, spei, timoris, ambitionis, diuitiarumque amplificandarum cupiditatis, non abripiatur, aut deflectat à recto virtutis cursu, dumque illis gratificari studet, ipse ad vadosa loca, scopulosque deferatur. Quare quod Ionathas de parente suo Saul prædicat cum ait. *Neque enim faciet pater meus quidquam grande vel paruum, nisi prius indicauerit mihi.* Sanè in viro Principe non probaue- rim, cum sæpe tempora incidere possint in quibus rationi consentaneum sit, arcanum aliquod nepoti aut filio non patere, ne fortè inde Reipublicæ incommodandi occasionem arripiant, dum se & sua, qua bonis artibus, qua fraudibus & dolo, qua innocentium damno & iniuria promovere student. Inter affectus autem potissimum in huius

1. Reg. 10.
2.

huiusmodi hominibus dominari video, diuitiarum censuūque amplificandorum immodicam cupiditatem, quæ cupiditas Apostolo teste, *Radix est omnium malorum*, nominatimque in consiliario cauenda, nam *qui querit locupleteri, auertit oculum suum*, & à scopo in quem intendere suauisque omnes actiones dirigere debuisset, aliud auertit oculum, quò scilicet cum rapiunt fulgor auri, diuitiarumque illecebræ, quibus captus ita sua accommodat consilia, vt præ diuitiis honestatem spernat, tenuéque aliquod emolumentum, ipsa virtute, qua nihil pulchrius esse potest, antiquius ducat. Quare Ecclesiasticus cum consilium capimus, abiis cauendum monet, qui vehementi aliquo ducuntur affectu, quo impediti minus perspicere possunt quid fugiendum sit, quid amplectendum, veratque cum pauido de bello, cum Religionis contemptore de diuino numine colendo, cum liuidis de gratiis alicui agendis agitare consilia, quæ omnia, aliâque ita ab Ecclesiastico lapidè efferuntur per ironiam. Cum viro ir- Eccles. 37.
religioso tracta de sanctitate, & cum iniusto de iustitia, 12.
*& cum muliere, de ea qua emulatur, cum timido de bello, cum negotiatore de traiectione, cum emptore de venditione, cum viro liuido de gratiis agendis, cum impio de pietate, cum inhonesto de honestate, cum operario agrario de omni opere, cum operario annuali de consummatione anni, cum seruo pigro de multa operatione. Non attendas his in omni consilio. Et quidem meritò. Nam, vt quisque affectus est, ita ferè iudicat, sententiâque exquirenti, de rebus ita pronuntiat, vt ipse sentit. Itaque Ionadab homo impurus 2.Reg. 13.
 Ammonis consilia expedit in scelere, cum sorore 5.
 Thamar, quam deperibat perpetrando. Contrà*

Genes. 13. Loth castus & sanctus, ciues suos quantum poterat, à damnato illo concubitu arcere conabatur. Rursus liberalis & largus ipse *Miseretur & commodat*, & aliis vt idem faciant auctor est, vt

2. Esdræ 5. bonus ille Nehemias faciebat, cuius est illa oratio ad ciues suos. *Et ego, & fratres mei, & pueri mei commodauimus plurimis pecuniam, & frumentum, non repetamus in commune istud, as alienum concedamus, quod debetur nobis. Reddite eis hodie agros suos, & vineas suas, & oliueta sua, & domos suas, quin potius & centesimam pecunie, frumenti, vini, & olei, quam exigere soleris ab eis, date pro illis.* Contra Giezi si ipsum

Elisæus consulisset, accipiendumne videretur à Naaman Syro viro opulento, talentum vnum aut alterum; quo suam ipsi facilius tolerarent paupertatem, præsertim cum ipse liberaliter admodum offerret, imò vim faceret, sanè censuisset, viri Principis liberalitatem repudiandam non esse, ne fortè parum urbanus, propositique sui nimium tenax videretur, contra quam Elisæus vir sanctus iudicabat, qui vrgenti Syro respondit. *Viuat Dominus ante quem sto, quia non accipiam.* Itaque audiendus Ecclesiasticus, cuius illa vox est.

Eccles. 3. *Cum futurus consilium non habeas, non enim poterunt diligere, nisi que eis placent.*

9 Sed transeamus ad libertatem, in sententia dicenda, quam vercor ne Principes oderint in consiliariis suis, quorum *spiritus multiplices* offenduntur, vehementi scilicet, & acri liberâque oratione, vt Baldad ille Suhites apud Iob: ea enim conditio est veritatis, vt odium inuidiamque conciliet. Expertus est Achior, qui cum de Israëlitarum populo verè dixisset Holoferni pugnare pro illo cæleste Numen, nec fieri posse vt ab exercitu

Assyrio

Consiliariis in sententia dicenda liberum esse debere.

Iob 8. 2.

Iudith 5.

9.

Assyriorum vinceretur, si propitium Dominum habuissent, quasi violata esset Regis sui maiestas, superbus Imperator excanduit, & ad hostes Achior transire compulit, quæ illi res fuit maxime salutaris; nam qui cum Assyriis periisset eadem inuolutus clade, cum Hebræis incolumitatem est consecutus. Æquum igitur est, ut Princeps nanciscendæ veritatis cupidus, consiliariis suis tribuat facultatem libere proloquendi, nec factis aut verbis, aut nutu, cuiusquam sententia se offensum ostendat, nisi velit veritatis, quam summopere adamare debet, facere iacturam: plerique enim hominum adeo sunt imbecilles, ut minimam etiam Principis offensionem plurimum reformident, ac propterea cum consuluntur, ut sibi caueant, *Dicunt malum bonum, & bonum malum, ponentes tenebras lucem, & lucem tenebras, ponentes amarum in dulce, & dulce in amarum.* ex quo plurima in Rempublicam incommoda redundare consueverunt. Illud tamen monendi sunt consilij, ut illius memores sint reuerentiæ, qua Principem suum prosequi par est eum, qui priuatus est, ne libertas in licentiam transeat, dumque sententia aliqua, quæ fortasse Principi placuit, damnatur aut rationibus allatis confutatur, carpatur ipse Princeps linguam in eum vibrando, quem pro ratione dignitatis, & muneris quod sustinet, venerari magis oportuisset, seruauit hoc Achior, de quo nunc dicebamus, cuius est illud procæmium orationis, quam habuit ad Holofernem. *Si digneris audire Domine mi, dicam veritatem de populo isto in conspectu tuo, qui in montanis habitat, & non egreditur verbum falsum ex ore meo.* Et Samuel, qui Sautem ita alloquitur. *Sine me, & in-*

Isa. 5. 20.

Iudith. 5.

5.

1. Reg. 15.

16.

- dicabo tibi, quæ locutus sit Dominus ad me nocte. Et Eliphaz Themanites non dissimili industria putauit sibi auditorem præparandum, ne iis foras se offenderetur quæ dicturus erat. Ita enim legimus
- Iob 4.1. *Respondens autem Eliphaz Themanites dixit: Si caperimus loqui tibi, forsitan molestè accipies. Quasi dicat: Si ea quæ hæcenus à te disputata sunt oppugnando refutauerimus, faciemus fortasse tibi rem parum gratam, si quod plerisque Principibus accidit, ita volueris omnia tua verba excipi, ut illis nequeat contradici. Sed dabis nobis hanc veniam, ut amici, amicè contra amicum, non euertendæ, sed potius eruendæ veritatis studio differamus. Huc enim facit Salomonis præceptum in Prouerbiis cum ait: Vir obediens loquetur victorias.* Septuaginta ἀνὴρ ὑπακούων & φυλασσόμενος & λαλήσει, *vir obediens, qui scilicet subditus est, cautè loquetur.* Sed sunt aliqui ab ipsa natura, quam ipsi ratione non moderantur, ita facti, ut paulò etiam quàm par esset concitatus in ipsos Principes inuehantur ipsis audientibus, sibi quæ malum aliquod impudentia accersant, quam tamen ipsi libertatem indignant. Talis mihi semper visus est Ioab Dauidis patruelis & consiliarius, qui licet sui Principis incolumitati, & amplitudini studeret, acrius tamen & vehementius illum allocutus est, quàm par fuisset, cum Dauid nece Absalonis nimium quantum dolens æterno luctu squalorè quæ contabesceret. Ingressus ergo Ioab ad Regem, inquit Scriptura, in domum dixit. Confudisti hodie vultus omnium seruorum tuorum, qui saluam fecerunt animam tuam, & animam filiorum tuorum, & filiarum tuarum, & animam uxorum tuarum, & animam concubinarum tuarum. Dili-

gis odientes te, & odio habes diligentes te, & ostendisti hodie, quia non curas de ducibus tuis, & de servis tuis, & verè cognoui modò, quia si Absalom viveret, & omnes nos occubuissemus, tunc placeret tibi. Nunc igitur surge, & procede, & alloquens satisfac servis tuis, iuro enim tibi per Dominum, quod si non exieris, ne vnus quidem remansurus sit tecum nocte hac, & peius hoc erit tibi, quàm omnia mala, quæ venerunt super te ab adolescentia tua, vsque in præsens. Hæc Ioab : cuius oratio asperior est, quàm vt ea, Rex tanto mœrore confectus compellendus esset, cum præsertim mendaciis passim aspersa sit, vt enim Absalonem diligeret Dauid, eumque optaret superstitem, incolumemque, non tamen seruos suos aut Duces clade illa contritos cupiebat, quod inuidiosè Dauidi Ioab affingit. Itaque animi ardore plus iusto prouectus Ioab in ea erupit verba, quibus stomachum suum effunderet, & Regem adeo perstringeret, vt quod ipse suadebat non facere non auderet. Sed eorum consiliariorum libertas propiùs recedit à culpa, imò dixerim ab insania, qui quamuis se nihil profuturos intelligant, adeò tamen linguæ furunt intemperantia, vt quæ mente conceperunt, quidquid tandem accidat, eloqui non vereantur. Nam conceptus sermo factus est in Jerem. 20. corde eorum, quasi ignis exastuans, claususque in ossibus, & deficiunt ferre non sustinentes, cum Eliphaz Themanithe clamantes : Conceptum sermonem tenere Iob 4. 2. quis poteris? Eliu Buzithi persimiles, qui de se ipso ita loquebatur : Plenus sum sermonibus, & coarctat Iob 32. 18. me spiritus uteri mei. En venter meus quasi mustum absque spiraculo, quod lagunculas nouas dirumpit : loquar & respirabo paululum, aperiam labia mea, & respondebo. Huiusmodi homines meritò farus

Eccles. 19. vocat Ecclesiasticus cum ait. *A facie verbi parturit*
 11. *fatuus tanquam gemitus partus infantis. Sagitta infixæ*
fœmori carnis, vel vt alia habet lectio, canis, sic ver-
bum in corde stulti. Quorum verborum hæc est sen-
 tentia. Quemadmodum mulieres vterum gestan-
 tes, cum tempus aduenit partus enitendi, maxi-
 mis tentantur doloribus, nec prius leuationem
 aliquam ab illis cruciatibus sentiunt, quàm edi-
 derint fœtum; ac rursus quemadmodum si canis
 fœmori sagitta altè infigatur, sensum maximum
 doloris facit, & latratum ac vociferationem, vel
 ab inuito exprimit: ita stulti aliqui conceptum
 sermonem intra septum dentium continere non
 possunt, sibi que bene nunquam futurum putant
 nisi quod sentiunt effuderint, parum interim cu-
 rantes, si importuna ista loquacitate sibi damnum
 aliquod quantumuis grande concilient.

*Consilia-
 rium sua
 sententia
 non nimis
 adharere
 debere.*

10 Illud etiam cauendum censeo in consilia-
 rio, ne suæ sententiæ nimium adhæreat, alios
 præ se contemnens, quasi nihil ipsi videant, nec
 alia rei bene gerendæ ratio quàm ea, quæ ipsi
 placuit, iniri possit. Ab ipsa quidem natura ho-
 minibus insitum est, vt sententias quas dixerint
 quasi partus suos exosculentur, & diligant, quod
 docet Sapiens cum ait, *Latatur homo in sententia*
 13. *oris sui, vel vt habent. Hebræa ad verbum. Gaudium*
 Eccles. 37. *est viro in responsione oris sui.* Et Ecclesiasticus, *Om-*
 8. *nis, inquit, consiliarius prodiit consilium.* Græcus con-
 textus habet ἐξάρπει, hoc est *extollit*, quia nimirum
 sententiam suam, tanquam aliis anteponendam
 laudare consuevit, non tamen propterea sibi pla-
 cere debent, vt alios omnes bardos aut fatuos
 putent, sed credere, sibi que persuadere, alios
 etiam sapere, & si frequentes in aliam sententiam
 iuerint,

iuerint, eam potius sequendam esse, nec temerè de illis, tanquam de hominibus tardis, imbecillique consilij pronuntiare. Talis mihi videri solet Caiphas ille Pontifex, qui in Concilio quod collegerunt Pontifices & Pharisei, vt quomodo Christum, cuius fama in dies magis augebatur, opprimerent, ita collegas suos, & symmystas alloquitur: *Vos nescitis quidquam & cogitatis.* Cum huiusmodi ergo hominibus, docet Ecclesiasticus, ne consilia ineamus, eosque fatuos appellare non dubitat. *Cum fatuis, inquit, consilium non habeas:* vt verò intelligamus quodnam genus hominum hoc sit, quos dicit fatuos, subdit, *Non enim poterunt diligere, nisi que eis placent.* Cùmque aliorum inuenta non probent, ad rixas, & contentiones proclives sunt (nam *inter superbos semper sunt iurgia*) & cum alios audiunt, sese continere non possunt, quin signo aliquo sibi sententiam istam displicere prodant, in quo rursus stultos se esse ostendunt, si sapienti credimus dicenti; *Impatiens operabitur stultitiam.* & *Impatiens* in Hebræo est, *Breuis irarum*, is nimirum, qui facile iram concipit, quem Græci *ὀξύχολον* vocant, vel *ὀξύθυμον*. Itaque multò sapientius amici illi Iob, atque ideo imitandi, qui licet acriter cum Iob disceptando congrederentur, ita tamen loquendi & tacendi tempora inter se partiebantur, vt vno differente silentent alij, & rursus, cum is qui tacuerat, dicere erat exorsus, reliqui fauerent linguis, & secundis auribus orationem eius ad finem vsque prosequerentur.

11 Nec minus requiritur, imò fortasse magis, fidelitas, vt nimirum quæ illius fidei committuntur arcana, quasi Principis depositum in imo pe-

Io. 11. 49.

Ecclef. 8.

10.

Prou. 13.

10.

Prou. 14.

17.

*Cōsiliariū
fidelem esse
debere ar-
canorū cu-
stodem.*

746 *Institutio politica ex sacris Scripturis.*

ctore custodire, resque auditas silentio premere sciat, adeò ut non modò rem ipsam eloquatur, sed ne signis quidem aut indiciis præbeat occasionem suspicandi, iis qui sagaciter omnia odorantur, ut ad consiliorum cubilia penetrare possint. Itaque fidelis amicus miris à Sapiente laudibus extollitur in Ecclesiastico, cum ait: *Amicus*

Eccles. 6.

14.

fidelis protectio fortis, qui autem inuenit illum, inuenit thesaurum. Amico fideli nulla est comparatio, & non est digna ponderatio auri & argenti, contra bonitatem fidei illius. Amicus fidelis medicamentum vite, & immortalitatis, & qui metuent Dominum, inuenient illum. Cum huiusmodi ergo amico communicanda consilia,

Eccles. 8.

20.

sunt. Cum fatuus (inquit Ecclesiasticus loco paulò supra indicato) consilium non habeas, non enim poterunt diligere, nisi quæ eis placent. Græcus non σέβει legiti, ut legisse videtur vulgatæ editionis author, sed σεβει, quod est regere, continere, & sensus est. Ne communices cum stultis consilia, qui quæ ab amicis audiuerunt, fideli pectore condita asseruare non nouerunt, sed illa temerè effutiunt, & in vulgus emanare sinunt, quæ nemini fuissent aperienda. Itaque quemadmodum sacrorum myste-

Matt. 7.6.

ria non initiatis vulganda non sunt, ne fortè Projiciantur margaritæ ante porcos, qui eas negligant, pretium illarum ignorantes, imò despiciant & conculcent, ita credita arcana continere nescientes, tanquam minimè initiati, & prophani, ab aditis consultationum arcendi sunt. Hinc scriptor historiæ Iudith consilium, quod Rex Assyriorum Nabuchodonosor conuocauit, mysterium appellauit, ad commendandam nimirum

nitatis

nitatis huius virtutem, quæ consiliarium virum maximè decet. *Vocauitq;*, inquit, omnes maiores *na-* Iudith 2.
tu, omnesq; duces, & bellatores suos, & habuit cum eis 2.
mysterium consilij sui. Meritò autem Rex Syriæ molestissimè tulit sua hostibus patere consilia, quod tamen nullius Regij consiliarij vitio eueniebat, sed Deo Prophetæ Elisæo rem patefaciente, quod cum Rex ille nesciret, seque & arcana sua hostibus prodita existimaret, perfidiam sibi noxiam sustinere non valens. *Conturbatum est,* inquit, *cor Regis* 4. Reg. 6.
Syrie pro hac re, & conuocatis seruis suis ait: Quare 11.
non indicatis mihi quis proditor mei sit apud Regem Israel? Dixitq; vnus seruorum eius. Nequaquam Domine mi Rex, sed Eliseus Prophetæ, qui est in Israel, indicat Regi Israel omnia verba quacumque locutus fueris in conclauis tuo. Quo audito Syrus omnes suas curas cò intendit, vt Elisæum in suam redigeret potestatem, satis intelligens nulla sua consilia eum quem oprabat exitum nancisci posse, donec aliquis esset qui ea Israelitis patefaceret. Si ergo arcana tua iis dumtaxat consiliariis, qui ea silentio tegere nouerunt patefacis, non prudenter tantum facis, sed hostibus, aliisque, qui tuæ inuidet magnitudini, tibi nocendi ansam eripis, quemadmodum qui in aduersariorum arcana se penetrare possunt, magnum nanciscuntur telum, quo eorum res labefactent & euertant. Sic David cum fuga se subduceret, ne in filij Absalonis manus perueniret, obuiumque habuisset Chusai Arachitem, veterem, fidumque consiliarium suum, se sequi volentem non sustinuit, sed Absalonem sequi iussit, vt eius beneficio, quid in consultationibus Absalonis ageretur cognoscere posset, eiusque consilia aut maturè præuenire, aut aliqua ratione posset

748 *Institutio politica ex sacris Scripturis.*

posset intercipere ; ne quod sceleratè moliebatur

2.Reg.15. Absalon, perficere posset. Dixit ergo ei David. Si

34.

veneris mecum, eris mihi oneri, si autem in ciuitatem reuertaris, & dixeris Absalon: Seruus tuus sum, Rex, sicut fui seruus Patris tui, sic ero seruus tuus, dissipabis consilium Achitophel. Habes autem tecum Sadock, & Abiathar sacerdotes, & omne verbum quodcumque audieris de domo Regis indicabis Sadock & Abiathar sacerdotibus: sunt autem cum eis duo filij eorum Achimaas filius Sadock, & Ionathas filius Abiathar, & mitetis per eos ad me omne verbum, quod audieritis. Quod vt dixit, planè successit; nam per hosce ad-

2.Reg.17.

21.

lescentes, cognitis David Absalonis consiliis, sibi suisque commodissima ratione prospexit.

*Cōsiliariū
experiētia,
& rerum
de quibus
agitur v-
su, pradiū
esse debere.*

12 Huc tandem facit experiētia, & rerum vsus, qui in viro consiliario, vel imprimis requiritur, altissima enim eorum est prudentia, præsenti-
mumque in rebus implicatis consilium, qui va-
riis rebus iactati, & in iis negotiis, de quibus con-
sultatur, diu multumque versati sunt. Itaque si de bello suscipiendo deliberetur, non togatulus ali-
quis consulendus est, qui numquam castra vide-
rit; aut agricolæ, qui vt in colendis agris, aut in rebus urbanis versati sint, tamen cum de bello agitur, quid sit aciem instruere, dirigere frontem, cornua exercitus promouere, quid cunei sint, le-
giones, aut phalanges, ne de nomine quidem satis

Ecclef.38.

25.

norunt. Qua sapientia, inquit Ecclesiasticus, replebitur qui tenet aratrum, & qui gloriatur in saculo (quo scilicet bouum arantium latera fodiuntur, & instar iaculi habet, cum sit hastile quodam stimulo præfixum & armatum, quod Græcus textus δόρυ λέγει dixit, hoc est, hastile stimuli.) Stimulo boues agitat, & conuersatur in operibus eorum, & enarratio eius

in

in filiis taurorum. Cor suum dabit ad versandos sulcos, & vigilia eius in sagina vaccarum. Sic omnis faber & architectus, qui noctem tanquam diem transigit, qui sculpsit signacula sculptilia (Græcè γλυμματά σφραγίδες cœlaturas signaculorū, vel sigillorum) & assiduitas eius variat picturam. Multus scilicet est in novis excogitandis inuentis, & alio, atque alio modo metalla, quæ tractat efformandi & effingendi, hoc enim est, quod habemus in Græco ἀμοιβῶσι ποικίλαις, Cor suum dabit in similitudinem pictura, & vigilia sua perficiet opus; sic faber ferrarius sedens iuxta incudem, & considerans opus ferri, vapor ignis uret carnes eius, & in calore furnacis concertatur. Cum æstu, qui ex camini vicinitate existit conflictans quodammodo & pugnans. Vox mallet innouat aurem eius, cum novis subinde. tunctionibus ferrum subigitur, Et contra similitudinem vasis oculus eius, in exemplar quod opere suo cōstat exprimiere frequenter aspiciens. Cor suum dabit in consummationem operum, & vigilia sua ornabit imperfectionem: nam vigilans & frequenter manum operi admouens, tandem opus omni ex parte absolutissimum reddit. Sic figulus sedens ad opus suum, conuertens pedibus suis rotam, qui in solitudine positus est semper propter opus suum, & in numero est omnis operatio eius. Tantum enim materiæ præparat, quanta sufficere possit, ad eum vasorum numerum effingendum, quem apud se statuit efformare. In brachio suo formabit lutum, & ante pedes suos curuabit virtutem suam, vires scilicet suas exercendo in subigenda ex artis prescripto luto illa materia; Cor suum dabit ut consummet linitionem, extremam scilicet vasi manum adhibendo, & luto crustam ex alia materia inducendo, quæ excocto ritè vasi nitorem conciliet,

liet, & splendorem, & vigilia sua mundabit fornacem: opere nimirum expleto, ut vasa iam formata ignis vapore durentur. Omnes hi in manibus suis sperauerunt, & unusquisque in arte sua sapiens est; nam & agricola de subigenda terra, & malleator de ducendis ex metallo vasis aut statuis, & figulus de luteis vasis effingendis bene disputat. Inò eorum opera ciuitatibus adeò sunt necessaria, ut sine huiusmodi mechanicarum artium fabris & artificibus cœtus vlli aut ciuitates consistere non possint; Itaque sine his omnibus non edificatur ciuitas, & non inhabitabunt, nec inambulabunt homines in eis. Quod si de muneribus agitur publicis, deque Republica tractanda in Ecclesiam non transilient, siue legamus in Græco (ἱερὰ καλῶν), siue vna detracta litterula (ἱερά καλῶν) eodem semper sententia recidit; nam sensus erit, in Ecclesiæ cœtibus, hi dignitatum titulis non fulgebunt, neque priuatæ fortunæ fines transilient. Super sellam iudicis non sedebunt, & testamentum iudicij non intelligent, neque palam facient disciplinam, & iudicium, & in parabolis non inuenientur. Ita Ecclesiasticus. Ex quo intelligitur quanta eorum sit temeritas, qui ad ea manus adinouere non dubitant, quæ tractare nesciunt, aut de iis respondent, quæ numquam didicerunt, cuiusmodi fuisse videtur Sedecias ille, qui cum Propheta non esset, nec Prophetæ filius Iosaphat & Achab gentis Hebrææ Reges ad bellum inuitabat, victoriæque certam spem, quam tamen præstare non poterat, faciebat. Fecit quoque, inquit scriptura, sibi Sedecias filius Chanaam cornua ferrea, & ait. Hac dicit Dominus. His ventilabis Syriam donec deleas eam, cum tamen secus eueniret: nam in eo prælio, quod Prophetæ huius instin-

instinctu commissum est, adeò victoria ab Israelitis non stetit, ut àlter ex illis sagitta in incertum emissà confossus, extinctus sit. Cur autem aliquando apud Principes aliqui temerè de rebus, quæ ignorant pronuntient, ea causa esse potest, quod eos pudeat fateri se id ignorare, de quo interrogantur à Principe, quasi aliquid de eorum existimatione pereat si de omnibus rebus, quarum etiam vsum non habent, etiam in promptu sententiam dicere non possint, contra quam monet Ecclesiasticus, cum ait: *Penes Reges noli velle videri sapiens.* Et Salomon. *Ne gloriosus appareas coram Rege.* Fieri enim potest, ut si interrogationibus vrgearis à Principe, tua tandem insipientia prodatur, aut etiam grauem aliquam animæ labem contrahas, si temerè de rebus agendis pronuntiaueris, cum tamen vtpote talium rerum ignarus, & rudis, non satis perspectum habeas, quid expediat.

13 Huc tandem faciunt alia monita quæ ad prudentiam spectant, de quibus supra libro 2. disputatum est, cum de Principis virtutibus disseremus, quæ ibi videri poterunt.

De Principis Administris, & monita quadam ad ipsos pertinentia.

C A P V T III.

1 **D**E Principum Administris, minoribûsque Magistratibus eligendis, nonnulla superiore

De Administrorum Principis astate, quadam.

riore libro dicta sunt, cum de illa iustitiæ parte, quæ in distributionibus versatur, disputaremus: nunc quod restat paucula quædam attexenda sunt, ne rem magni momenti, & in quo potissimum versatur Reipubl. salus, paucis contenti, penè taciti prætereamus. Ac primò quidem in eis deligendis magno studio elaborandum est, curandūque ut ij à Principibus ad publicæ munia adhibeantur, qui iis notis fuerint insignes, quæ publico magistratui præfectum, muneri illi gerendo idoneum esse demonstrant; eæ ferme sunt quæ superiore capite, in quò de consiliariis disseruimus, allatæ sunt; illud fortasse discrimen possit intercedere, quod cum consiliis dandis aptiores esse dixerimus eos, qui ætate iam prouectiores sunt, rebus ipsis gerendis, quod ministrorum est virilis ætas, in qua plus inest non solum roboris in membris, sed etiam vigoris in animo, meritò accommodatior videri potest. Hoc consilio bonus Mathathias in duos filios rerum summam ita partitus est, ut ætate prouectior, consiliòque melior Simon tanquam pater cæteros dirigeret. Iudas verò quem melior sanguis acrem in rebus bellicis manūque promptum reddebat, rem bellicam administraret. Et ecce, inquit, *Mathathias Simon frater vester, scio quod vir consilij est, ipsum audite semper, & ipse erit vobis pater, & Iudas Machabeus fortis viribus à iuuentute sua, sit vobis Princeps militia, & ipseaget bellum populi.* Huiusmodi rerum administratos strenuos scilicet & in rebus agendis expeditos, maxime probauit Salomon, cum ait: *Vidisti virum velocem in opere suo? coram regibus stabit, nec erit ante ignobiles, sua nimirum dexteritate, & virtute eum ad eò promouente, ut apud ipsos Principes*

1. Mach. 2.
65.

Prou. 22.
29.

pes gratiosus sit, illisque charus in primis. Quare apud eundem Salomonem legimus. *Acceptus est* Prou. 14.
Regi minister intelligens, iracundiam eius inuiculis suis 35.
stinebit.

2 Exutis ergo omnibus si fieri potest animi perturbationibus, consideratè admodum eligat Princeps ad magistratus eos, quos vitæ probitas, & integritas, prudentia etiam & rerum publicarum experientia commendauerit, Apostolorum Ecclesiæ capitum exemplum imitatus, qui Diaconos per populum electuri, quibus, ut vox ipsa sonat, ministris vterentur in subleuandis Ecclesiæ necessitatibus ad victum, aliâque huiusmodi pertinentibus, quæ si ipsi per se curare vellent, à concionandi, Christianamque legem docendi munere auocarentur, populo persuaferunt, ut septem viros eligerent diligenti prius attentâque cogitatione præmissa, quos illi ministerio meritò præficiendos existimarent. *Considerate ergo fratres, inquit, viros ex vobis boni testimonij septem, plenos Spiritu sancto, & sapientia quos constituamus super hoc opus.* Quasi dicerent. Non faciliè debetis cuique in hac electione suffragari: rem apud vos taciti prius diligenter considerate, triâque in iis, qui eligendi sunt, potissimum desiderari animadvertite: ut excellenti virtute præditi sint, ut sapientia & prudentia insigniter ornati, tandem ut secunda apud omnes fama vixerint, opinionèque sanctitatis. Huiusmodi homines cum nacti fueritis, eos putate idoneos, qui Ecclesiæ pecunias tractent, fideliumque necessitatibus, ea qua par est integritate prospiciant. Hinc S. Paulus dotes hisce consentaneas in Diaconis requirit, quos Timo- 1. Tim. 3.
theus Episcopus electurus erat. *Diaconos, inquit,* 10.

Quàm consideratè ministri eligendi, & de aliquibus conditionibus, quæ in illis spectanda sunt.

Act. 6.3.

similiter pudicos non bilingues, non multo vino deditos, non turpe lucrum sectantes, habentes magisterium fidei in conscientia pura. Et hi autem probentur primum: Et sic ministrent, nullum crimen habentes. Græc. ἀνίσταται, hoc est, quibus propter vitam sanctè & inculpate gestam, nullus audeat crimen ullum impingere. Quanquam verò ista dicantur de Diaconis Ecclesiæ, rerumque Ecclesiasticarum administris, nihilominus ad Reipubl. magistratus commodè transferri possunt, quorum præcipua laus est, ut ab omni turpi lucro abhorrentes, ita sapienter se in suo munere gerant, ut populi obtreptionibus nullum locum relinquant. Illud tandem addam suspectos illos Principi esse debere, qui cum se aliqua offert occasio Magistratus alicuius aut Præfecturæ, quæ alicui demandanda sit, non tantum operam suam deferunt, dicentes cum Propheta, sed spiritu longè diverso, *Ecce ego, mitte me*, sed eos omnes adhibent, quos apud Principem gratiosos esse arbitrantur, commendatitias etiam à Regibus litteras aucupantur, omnemque lapidem mouent, ut ad honorificum illud, aut questuosum munus, quod optauerunt, aspirare possint. Hoc, inquam, hominum genus Principi suspectum esse iubeo, qui si non aliud, certè ambiciosi sunt, atque propterea longè minus ad hæc munera idonei, quam ij qui illud agunt, ut se magistratu potius dignos exhibeant, quam importunè à Principe extorqueant, nam ut aliqui in Reipubl. inueniantur, qui ab honoribus dignitatumque titulis refugiant, optandum potius quam sperandum est; quam pauci enim sunt qui pareant sapienti suadenti. *Noli querere ab homine Ducatum, neque à Rege cathedram honoris.* Blandiuntur enim ista

Isa. 6. 8.

Eccle. 7. 4.

ista nescio quomodo mortalium oculis, ad sui quæ
 amorem trahunt specie quadam honestatis, &
 utilitatis quam ostentant, eaque est hominum
 conditio, ut sibi facile persuaderi patiantur se ad
 illa, quæ cupiunt, satis aptos esse, imò etiam cæ-
 teris aptiores, adeò ut miraculo sit paucorum
 quorundam hominum despicientia, qui oblatas
 pinguum sacerdotiorum infulas aut Regni dia-
 demata aliquando repudiarunt: cuius virtutis
 frequentiora videremus exempla, si honorum
 istorum candidati quemadmodum vehementi
 quodam cupiditatis ardore ad illa aucupanda fe-
 runt, ita pericula, quæ in illis latent studio di-
 ligentiori rimarentur, à quibus illi potissimum
 proximè absunt, qui non ut *Aaron vocati* diuino
 consilio, sed suapte sponte illa suscipiunt, in illas
 se induentes difficultates, à quibus postea expe-
 dire se nulla ratione possunt. Si enim Saul diuinâ
 electione Rex Israelis designatus, nihilque tale
 cogitans, imò quantum poterat recusans (ad re-
 gnum enim adiuuendus se data opera subduxe-
 rat, latebrâsque quæsiuerat) in Regio throno col-
 locatus, veterem illam suam maximèque proba-
 bilem simplicitatem amisit, & ex Rege Tyrannus,
 Regni occasione effectus est; quid de illis dice-
 mus qui tantum ad honores ad quos perueniunt,
 virtutis afferre non possunt? Si igitur aliquem
 Princeps tanta animi moderatione præditum na-
 ctus fuerit, qui honestiora ista munera deprece-
 tur, satagâtque cum honore etiam onus & peri-
 culum amoliri, ut quondam Moyses, qui populi
 Ducatum subire non audebat, sed cum alia tum
 potissimum linguæ tarditatem causatus omnibus
 modis munus sibi impositum defugiebat, dicebat

Hebr. 5. 4.

1. Reg. 10.

22.

756 *Institutio politica ex sacris Scripturis.*

- Exod. 4. enim. *Non sum eloquens ab heri & nudius tertius,*
 10. & 13. *mitte quem missurus es : hunc sciat cæteris omnibus*
 1. Reg. 12. *magis idoneum futurum, speretque imposito mu-*
 3. *nere defunctum cum Samuele dicturum. Loqui-*
mini de me coram Domino & coram Christo eius, utrum
bonum cuiusquam tulerim, aut asinum, si quemquam ca-
lumniatus sum, si oppressi aliquem, si de manu cuius-
quam munus accepi, & contemniam illud hodie, resti-
tuamq; vobis, nec dissimile responsum laturum,
 Ibidem. *quàm tunc ipse tulerit. Et dixerunt, Non es calum-*
niatus nos, neque oppressisti, neque tulisti de manu ali-
cuius quidpiam. Sed ut dixi vix ullus inuenietur,
qui refugiat honores, magistratúsque quæstuo-
 Ecclef. 31. *sos, ut enim pauci admodum sunt: Qui post aurum*
 8. *non abeant, nec sperent in pecunia & thesauris; ac pro-*
pterea ista modis omnibus non consecretur.
 Ibidem. *Quis est hic, inquit Sapiens, & laudabimus eum? fe-*
cit enim mirabilia in vita sua. Ita pauci planè sunt,
 Luc. 20. *qui honores detrectent, quique non cupiant am-*
 46. *bulare in stolis, insignibus magistratuum, & poten-*
tia in populo, nec ament salutationes in foro, cum
longa clientium famulorumque caterua in forum
aut in curiam deducti, Senatores audiunt, Præfe-
cti, Præsides, Gubernatores; & primas Cathedras
in Synagogis, cum publici celebrantur conuentus;
& primos discubitus in conuiujs, cum in priuatorum
 Ecclef. 10. *ædes inuitantur. Quamuis enim reuera, non sit*
 27. *maior illo qui timet Dominum, tamen apud imperi-*
 Ibidem. *tum vulgus, Magnus & iudex, & potens est in honore,*
aliq; passim vel contemnuntur, vel non magni
fiunt.

Cauendum 3 Sed postquam Princeps aliquem elegerit re-
ne tantum rum gerendarum administrum, munúsque ali-
quis au- quod demandauerit, caueat ne tantum illi con-
geatur, ut cedat

cedat potestatis, ut ipsi etiam Principi formidandus euadat, olimque ipsi Principi, si illum in ordinem redigere tentauerit, periculum aliquod creare possit. Vsu enim venire solet aliquando, ut Principes seruos suos, quos potentia ipsi auxerunt, postea contumaces aded experiantur, ut non audeant, aut non possint ut volunt, de rebus Regni grauissimis decernere, sed id demum cogantur eligere, quod istis Principum Principibus collibitum fuerit. *Multi*, dicitur in libro Esther, *bonitate Principum, & honore, qui in eos collatus est, abusi sunt in superbiam, & non solum subiectos Regibus nituntur opprimere, sed datam sibi gloriam non ferentes, in ipsos qui dederunt moluntur insidias.* Ac seruorum quidem, qui Dominis violentias attulerunt manus, exempla suppeditat Scriptura: nam vno duntaxat capite quatuor narrat Reges à seruis cæsos esse; qui cum Regni accepissent gubernacula, ipsi rursus interempti sunt. Nam Zachariam Regem Israel Sellum filius Iabes percussit palam & interfecit, *4 Reg. 15. 10.* regnavitq; pro eo: sed Sellum non plus vno mense Regnum tenuit; nam à Manahen interfectus est. *Ibid. n. 14.* Manahen verò filium quidem Phaceiam Regni successorem reliquit, sed *Ibid. n. 25.* Coniuravit aduersus eum Phacee filius Romelia dux eius, & percussit eum in Samaria, & in turre domus Regie, & interfecit eum, regnavitq; pro eo. *Ibid. n. 32.* Coniuravit autem & tetendit insidias Osee filius Ela, contra Phacee filium Romelia, & percussit eum & interfecit, regnavitq; pro eo. Eorum verò, qui licet Principibus perniciem afferre non sint moliti, plus tamen iusto, apud illos, potentia valuerunt, in eiusdem Scripturæ historiis exempla non desunt. Hoc enim passus videtur Dauid Rex tantus, apud quem Ioab militiæ Princeps tantum

tantum sibi potentiae vendicauerat, ut Abner exercitus Saulis ducem, qui post Domini sui caedem relicto Isboseth se ad Dauidis partes adiunxerat, occiderit proditoriè, cuius mortis nuntio ad Dauidem allato, diris quidem grauissimis Ioabi caput deuouit, à quo scelus istud profectum fuerat, grauius autem aliquid statuere in eum ausus non est, quod in Regni primordiis versaretur

1. Reg. 3. adhuc. *Ego autem, inquit, adhuc delicatus, & vnctus*
 39. *Rex, id est, recens factus Rex, & nec dum viribus confirmatus, ut possim nocentes istos punire. Porro viri isti filij Saruia duri sunt mihi, vel ut est in*

Hebræo, Chaldaeo, & etiam apud Septuaginta, Duriores me, id est, fortiores sunt & potentiores. Retribuat Dominus facienti malum iuxta malitiam suam. Rursus cum Absalon bellum excitasset aduersus Parentem suum Dauid, iamque praelium esset committendum de filij periculo sollicitus

1. Reg. 18. pater, *Præcepit Ioab, & Abisai, & Ethai dicens. Ser-*
 5. *uate mihi puerum Absalon, & omnis populus audiebat præcipientem Regem, cunctis Principibus pro Absalon.*

Cùm tamen Dauidis exercitus victoriam reportasset, Absalonque de quercu esset suspensus: *Tulit Ioab tres lanceas in manu sua, & infixit eas in corde Absalon, Regisque præceptum violare non dubitauit, tantùmque abfuit, ut Dauidis metueret offensionem, ut etiam ipsum Regem duriori reprehensione increpare ausus sit, quod nimio se mœrore conficeret, mortuùmque Absalonem nimis*

2. Rex. 19. lacrymis prosequeretur. *Confudisti, inquit, hodie*
 5. *vultus omnium seruatorum tuorum, qui saluam fecerunt animam tuam, & animam filiorum tuorum, & filiarum tuarum, & animam vxorum tuarum, & animam concubinarum tuarum. Diligis odientes te, & odio habes di-*

ligentes

*ligentes te, & ostendisti hodie, quia non curas de ducibus
 tuis, & de servis tuis, & verè cognovi modò, quia si Ab-
 salon viueret, & omnes nos occubuissemus, tunc placeret
 tibi: Quæ Ioabi reprehensio licet ab amore in Re-
 gem nasci potuerit, asperior tamen aliquanto
 fuit, quàm ab eo proficisci deberet, qui ipsum in-
 terfecerat Absalonem; Ioabique potentiam, quod
 nunc agimus, quanta fuerit ostendit, qui cruen-
 tis adhuc Absalonis sanguine manibus non tan-
 tùm se Regi sistere, quem charissimo orbauerat
 filio, sed liberiore etiam oratione arguere nõ du-
 bitauit. Nec mirum est, si cum Ioab Absalonis
 Regis filij cædem impunè tulisset, Amasæ etiam
 Dauidis ex sorore nepoti violentas attulit ma-
 nus, quæ cædes nihilo meliore fide, quàm Abner
 patrata est; nam cum Ioab Amasam habuisset ob-
 uitium, humanissima salutatione acceptum, in ipso
 congressu quasi osculaturus amplexus, gladio
 quo erat accinctus, Percussit eum in latere, & effudit
 intestina eius in terram, nec secundum vulnus apposuit,
 & mortuus est. Causam verò etiam habuit dete-
 riorem, ambitionis nimirum impotentiam; nani-
 cum Amasæ qui Absalonem fuerat secutus, re-
 conciliatus Dauid, militiæ ducatum fuisset polli-
 citus, veritus Ioab ne redigeretur in ordinem,
 Amasam occupauit occidere. Reconciliationis
 huius, quæ Amasæ conciliauit interitum, sermo
 est in Regum historia; nam cum Dauid, Sadoch
 & Abiathar sacerdotes legasset ad tribus Israel,
 quæ Absalonem secutæ rebellauerant, dedit illis
 in mandatis, vt Amasæ dicerent, Nonne os meum,
 & caro mea es? Hæc faciat mihi Deus, & hæc addat si
 non Magister militia fueris coram me omni tempore
 pro Ioab. Propterea verò Ioab Amasam de medio*

2. Paralip.
 2. 17.

2. Reg. 10.
 10.

2. Reg. 19.
 13.

- sustulisse, ne ipse regendi exercitus munere fortassis excideret, ex eo discimus, quod Amasa cæso, illiusque cadauere in terra adhuc iacente; *Quidam viri cum steterissent iuxta cadauer Amasa de socijs Ioab dixerunt: Ecce qui esse voluit pro Ioab comes David: quasi dicerent. En quò Amasæ consilia reciderūt, qui submoto Ioab exercitus ducatum satagebat inuadere, quam bene spes illius omnes Dux noster, vno duxitaxat ictu, illo nihil minus cogitante præcidit. Cum ergo Ioab cædes cædibus cumulasset, multisque modis offendisset Regem, potentiam tamen illius veritus David, quem apud milites gratiosum esse intelligebat, omnia dissimulare & silentio transmittere coactus est: quamquam tantorum scelerum memor debitam pœnam non condonauit, sed in aliud tempus tantisper distulit, donec aliqua se daret occasio, qua tutò posset, & citra discrimen tumultus alicuius militaris, in tantorum criminum reum animaduvertere. Quia verò morte præuentus, quod cogitauerat implere non potuit, iam morti proximus Salomoni filio, Regni successori mandauit, vt ipse effectum daret. Quod postea Salomon, cum parentem suum David composuisset, executus est, nam Ioab altare tanquam asyli locum tenentem à Banaia nihilominus iussit obtruncari. *Interfice, inquit, eum & sepeli, & amoue bis sanguinem innocentem, qui effusus est à Ioab à me, & à domo patris mei: vt nimirum nullo modo sim, aut videar culpæ particeps, qui in criminis vindictam ipsum Ioab iampridem mortis reum interfici iusserim: Et reddet Dominus sanguinem eius super caput eius, quia interfecit duos viros iustos melioresq; se, & occidit eos gladio, patre meo David ignorante, Abner filium Ner**
- Princi*

2. Reg. 10.

11.

3. Reg. 2.

5.

3. Reg. 2.

31.

Principem militia Israël, & Amasam filium Iether Principem exercitus Iuda, reuertetur sanguis eorum in caput Ioab, & in caput seminia eius in sempiternum. Huc tandem Ioab euasit potentia, qua ne aliquando excideret tantum laborauerat primariis illis viris per prodicionem de medio sublatis. Sed multò etiam maior Abner potentia apud Isboseth Saulis filium Regem Israël, non quidem Isboseth voluntate, sed potius necessitate temporum: nam cum de Israël regno perpetua illi esset cum Dauide contentio, plurimùmque apud exercitum Abner valeret auctoritas, tantum ille sibi potentiæ arrogabat vt nihil sibi licere nollet; quare cum Respham olim Saulis concubinam adamasset, & cum illa habuisset consuetudinem, idque ægerrimè tulisset Isboseth, dixissetque ad Abner; Quare ingressus es ad concubinam Patris mei? 1. Reg. 3. Iratus Abner nimis propter verba Isboseth ait. Nun- 8. quid caput canis ego sum aduersum Iudam hodie, qui fecerim misericordiam super domum Saul patris tui, & super fratres & proximos eius, & non tradidi te in manus David, & tu requisuisti in me, quod argueres pro muliere hodie? Hac faciat Deus Abner & hac addat ei, nisi quomodo iurauit Dominus David, sic faciam cum eo, vt transferatur Regnum de domo Saul, & eleuetur thronus David super Israël, & super Iudam, à Dan vsque Bersabee. Quibus minis Isboseth non ausus est totidem saltem verba rependere, quia Ducis exercitus sui potentiam formidabat. Et non posuit, inquit scriptura, respondere ei quidquam, quia metuebat illum. Nec fortassis adeo iustam irascendi occasionem nactus fuerat Abner, namque vel tanquam ad scortum ingressus fuerat ad Respham nullo cum ea contracto matrimonio. Hoc

verò Regiæ domus, non vulgare erat dehonestamentum, si Saulis vxore (concubinarum enim nomine vxores censentur, licet primariæ non essent, nec Reginarum nomen consecutæ) Saulis administer ad suam explendam libidinem abuteretur. Si verò legitimi iure thori Respham sibi iungere cogitauerat, alia poterat Isbosethi animam tentare suspicio, ne fortè nouis istis nuptiis sibi Abner ad Regnum viam sterneret, vt postea Adonias filius Dauid, qui Abisag Sunamitidem Dauidis concubinam à Salomone postulauit vxorem, Bersabee submissa, quæ quod volebat impetraret à Rege. Cui Salomon. *Quare postulas Abisag Sunamitidem Adonias? Postula ei & Regnum. Ipse est enim frater meus, maior me, & habet Abiathar Sacerdotem, & Ioab filium Saruie. Iurauit itaque Rex Salomon per Dominum, dicens. Hæc faciat mihi Deus, & hæc addat, quia contra animam suam locutus est Adonias verbum hoc. Et nunc vinit Dominus, qui firmavit me, & collocauit super solium Dauid Patris mei, & qui fecit mihi domum, sicut locutus est, quia hodie occidetur Adonias. Misitque Rex Salomon per manum Banaje filij Ioiada, qui interfecit eum & mortuus est.* Si igitur Salomon sapientissimus ad Regnum consequendum Adonias cum Abisag connubium aliquid, imò multum conferre posse putauit, auctoque hoc postulare tanquam reo affectati regni, & perduellionis iam conuicto, crimen morte luendum existimauit, nec vt parceret, fraternæ propinquitatis coniunctione permoueri potuit, quid mirum si Isboseth Abneris factum audax, & in Regem iniuriosum silentio ferendum esse non censuit? Cæterum Abner alienato ab Isboseth animo se conuertit ad Dauidem, id potissimum

3. Reg. 2.
22.

mum cogitans, quomodo Isboseth à quo se putabat offensum Regno exturbarer, cui proculdubio negotij multum facessere potuisset, nisi priuatas persecutus iniurias, illum Ioab, vt supra diximus, occidisset. Sed tertium ad rem de qua agimus confirmandam, Ieroboami exemplum asseramus, hunc enim *Videns Salomon adolescentem bona indolis, & industrium, constituerat eum Præfectum super tributa vniuersa domus Ioseph.* Hanc verò Præfecturam magni momenti fuisse ex eo coniicimus, quod inter primarios viros apud Dauidem etiam tributorum Præfectus recensetur, libro Regum secundo & tantarum diuitiarum administratorem, aut exactorem, quantæ in Regium ærarium sub Salomone inferebantur, magnæ in aula Regia potentia fuisse necesse est. Ad hoc verò munus euectus Ieroboam, tantos concepit spiritus, vt Regi suo cum Mello exadificaret repugnare auderet, opusque vt aliqui existimant reprehendere. *Ieroboam quoque, inquit Scriptura, filius Nabath Ephrataeus de Sareda seruus Salomonis, cuius mater erat nomine Sarua mulier vidua: leuauit manum contra Regem, & hac est causa rebellionis aduersus eum, quia Salomon edificauit Mello, & coaquauit voraginem ciuitatis David patris sui, erat autem Ieroboam, vir fortis & potens. Voluit ergo Salomon interficere Ieroboam; qui surrexit, & aufugit in Egyptum ad Sesac Regem Egypti, & fuit in Egypto vsque ad mortem Salomonis, quo extincto, in vindictam peccatorum Salomonis, perimilit Deus vt eorum seminum, quæ cum rebellauit Ieroboam iecerat, fructus maturescerent, tandèmq; appareret suo malo Salomonem magnitudinis Ieroboami fundamenta posuisse, nam decem tribus à filij Salomonis*

3. Reg. 11.
28.

2. Reg 20.
14.

3. Reg. 11.
26.

monis regno distraxit, & in eis ad summum euectus magistratum, nouum Regnum, ita Deo, vt diximus, permittente fundauit. Quanquam autem periculosa alex negotium plenissimum est, vnum aliquem vltra aliorum magistratuum modum plurimum attollere, vt in allatis exemplis videre possumus: Iosephi tamen ad Aegyptiorum Regnum tantum non elati demonstrat historia fieri posse, vt tanta sit hominis alicuius integritas, fides, & in omni virtutum genere excellentia, vt singulari Dei beneficio, ad Regni alicuius, aut prouinciæ salutem factus aliquando videri possit. Quare Pharaon cum sapientiam illius in coniectanda somniorum interpretatione deprehendisset.

Genes. 41.
40.

Tu, inquit, eris super domum meam, & ad tui oris imperium cunctus populus obediet, vno tantum Regni solio te precedam. Dixitque rursus Pharaon ad Ioseph. Ecce constitui te super vniuersam terram Aegypti. Tulitque anulum de manu sua, & dedit eum in manu eius, vestiuitque eum stola byssina, & collo torquem aureum circumposuit, fecitque eum ascendere super carrum suum secundum, clamante pracone vt omnes coram eo genuflecterent, & Præpositum esse scirent vniuersa terra Aegypti. Dixit quoque Rex ad Ioseph. Ego sum Pharaon, absque tuo imperio non mouebit quisquam manum aut pedem in omni terra Aegypti. Vertitque nomen eius, & vocauit eum lingua Aegyptiaca, Saluatorem mundi. Tam verò latè patens Iosephi potentia non Aegypto tantum, sed circumiectis etiam prouinciis fuit admodum salutaris, nam ingenti tritici numero in horrea Regia importato, fame ingruente, ita prudenter, quæ ad alendos populos erant necessaria deprompsit, atque distribuit, vt fame perituris vitæ necessaria subsidia submina-
nistra

nistrauerit, & Regium ærarium multo quàm antea, nulla subditorum interueniente offensione fecerit locupletius.

4 Sed quæri potest quatenus administri ea, *Quatenus administri*
quæ à suis Principibus habet in mandatis, effecta *Principibus suis*
dare debeant. Quo loco primùm mihi Principes *obtemperare teneantur.*
monendi videntur, vt eos publicis muneribus, &
præfecturis, & functionibus præficiendos eligant, quos morigeros esse, minimè ceruicosos,

nec sui iudicij sententiæque tenaces experimento didicerint: quæ enim iis commendantur qui huiusmodi non sunt, aut exitum minimè faustum, aut eum quem nolisset Princeps, non infrequenter sortiuntur. Talis fortè erat Ioab, quem Dauid cùm aliàs durum, vt dicebamus, tum præfectum in populi censu ineundo expertus est; nam cum illam prouinciam suscepisset inuitus, non constanter solum, sed minus etiam perfectè Regis voluntati obtemperauit, nam duas integras tribus non recensuit, vt in Paralipomenis expressè à Scriptura notatū est.

Deditque Dauid, inquit, 1. Paralip. 21.5.6.
numerum eorum quos circueerat, &c. Nam Levi, &

Benjamin non numerauit, eò quod Ioab inuitus exqueretur Regis imperium. Sed rursus etiam administri monendi, vt si fortè Principem nacti sint, qui sibi sapere videatur, quique salutaria suggerentibus non solum indociles aures, & animum præbeat, sed etiam asper sit verbis, & iracundus; à sententia sua promenda quantum fides officiumque patiuntur supersedeant, ne ludant operam, aut etiam malum sibi aliquod imprudenter accersant; Nam *Expedi magis vrsæ occurrere raptis*
feribus, quàm fauore confidenti in stultitia sua, indignatio autem Regis nuntij mortis. & vsu venit aliquando,

Prou. 17.

12.

Prou. 16.

14.

do,

1. Reg. 20.
30. 33.

do, ut quantumvis beneuolentia, aut etiam propinquitate coniuncti, si huiusmodi hominibus iratis interueniant, malè verbis, aut etiam factis accipiantur, ut Ionathæ accidit, cum Dauidis absentiam excusare apud Saulem parentem exorsus est. Si verò Princeps placidis sit moribus, nec facilè quouis leui irritamento commouetur, poterunt interdum administri, non sine spe bonæ frugis, modo summa cum reuerentiæ significatione, ut par est, fiat, rem quæ imperatur differre, Principem edocere, & rationes quæ in contrarium occurrunt proponere; nec enim credendum est, aut Principem, qui huiusmodi est, rationi repugnare velle, sicut nec Principi prudentem administrum ratione aliqua qua moueatur, destitutum. Quandiu Moses linguæ tardioris impedimentum excusans, populi ex Ægypto educendi munus detrectauit, quia non improbabilis afferri videbatur ratio, patienter tulit Dominus, quæ à Mose obiiciebantur, diluens atque dissoluens; sed cum primum Moses rationem vrgere desiit, & tantum institit munus detrectare, quasi vellet quacumque tandem ratione posset onus excutere, illis verbis. *Mitte quem missurus es*, tunc demum Dominum iratum fuisse legimus. Quod si aliquod tempus contingat in quo res aliqua mandetur Administro, quam ipse dubitet possit nec ne citra peccati labem executioni mandari, tunc viros doctos in consilium adhibeat, & siquidem in vtramque partem res fuerit anceps propter rationum momenta, & doctorum suffragia, qui vtrique parti patrocinantur, Principi accommodet obsequium, nisi fortè certa aliqua euidentique ratione ductus ipse sciuerit saluo iure conscientia

Exod. 4.
13. 14.

scientiæ illud fieri non posse ; tunc enim locum habere videtur monitum illud quod habemus in Exodo : *Non sequeris turbam ad faciendum malum*, Exod. 23. *neque in iudicio, plurimorum acquiesces sententia, ut à* 2.

vero denies. Tandem si res apertè mala iubeatur, nec tergiuersari liceat, aut deprecari, nec se Princeps à sententia dimoueri patiatur, tunc, quia obedire oportet Deo magis quàm hominibus, imitandæ Act. 5. 29. sunt Ægyptiæ illæ obstetrices, quæ *Timuerunt Deum, & non fecerunt iuxta præceptum Regis Ægypti*; non autem Doeg ille Idumæus, qui Sacerdotibus manus iniicere Saule imperante veritus non est, quod alij facere detrectauerant. Sed nimirum in hoc etiam parum felices plerique Principes sunt, quorum administri etiam ad scelera imperata expediti adcò sunt, ut etiam Dominorum iussa nonnunquam anteuertant, quales Assueri fuisse discimus ex scriptura ; nam cum iratum se Rex Amano ostendisset, occuparunt illi infelici caput obnubere, non secus ac si in illum capitis sententia lata fuisset.

5 Illud etiam admonendi sunt Principes, ut ministrorum suorum, quos ad magnos in Republica dignitatis gradus euexerunt, criminationes non faciliè ad aures, aut ad animum admittant, multos enim inuidia suscitante patiuntur obtrectatores, quicumque Principum fauore super alios in Republica caput extulerunt, raraque paucorum felicitas est ita omnibus satisfacere, ut nullus, quid desideret, aut carpat, in publicarum rerum administratione reperire possit. Placuit Dario, inquit Daniel, & constituit super Regnum Satrapas centum viginti, ut essent in toto Regno suo ; & super eos Principes tres, ex quibus Daniel unus erat, ut

Act. 5. 29.

Exod. 1.

17.

1. Reg. 21.

18.

Esther 7.

8.

Non faciliè credant Principes criminationibus qua magistratibus impinguntur, nã saepe ab inuidia proficiuntur.

Dan. 6. 1.

Sarra

Satrapa illis redderent rationem, & Rex non sustineret molestiam. Igitur Daniel superabat omnes Principes & Satrapas, quia Spiritus Dei erat in illo. Porro Rex cogitabat cōstituere eum super omne Regnum, unde Principes & Satrapa querebant occasionem, ut inuenirent Danieli ex latere Regis. Vel, ut in aliquibus Græcis codicibus est, ἐν τῷ βασιλείᾳ, vel ἐν πλεονίᾳ βασιλείᾳ. ex Regno, & latere regni; accommodatissimam enim criminationem ad Danielelem euerrendum fore putauerunt, si Regi malè, parùmque fideliter administrati à Daniele Regni suspicionem iniicerent. Verùm, quia mira Danielis integritas erat, plurimisque argumentis testata, tam luculento mendacio illum petere non sunt ausi.

Ibid. n.4.

Nullamque causam, inquit Scriptura, & suspensionem reperire potuerunt, eò quod fidelis esset, & omnis culpa & suspicio non inueniretur in eo. Quare cum illum non à crimine tantùm, sed à suspitione criminis longissimè abesse intelligerent, edictum veræ Religionis cuius Daniel sectator erat repugnans, Rege illud approbante, scripserunt, cuius reus facilè factus Daniel, quippe qui vel proposita capitis pœna, ab ea religione quam cum lacte suxerat, verissimamque esse intelligebat, abstrahi se non patiebatur, in leonum caueam ad certissimum vitæ discrimen iniectus est, ex quo tamen Dei benignitate liber euasit, ut ex illius historia cognosci potest. Quia ergo est admodum in proclui, ut etiam innocentibus Principis ministris, ab inuidis crimina impingantur, ita illa audiat Princeps, ut ei, qui agitur reus, se ab obiectis purgandi locum relinquat. Sic prudens ille Paterfamilias, Qui habebat villicum, qui diffamatus est apud illum, quasi dissipasset bona ipsius, non statim domo extur

Luc. 16.1.

exturbauit, aut in carcerem misit, sed animo sedato, & ad moderationem composito ad se vocauit, criminisque diluendi, si qua ratione posset, fecit potestatem. *Et vocauit, inquit, illum, & ait illi: Quid hoc audio de te? redde rationem villicationis tue; iam enim non poteris villicare; si nimirum obiectis satisfacere non potueris. Quod si immerentem per calumniam traductum ab inuidis fuisse repererit, ab inimicorum petitionibus securum reddat, illaque vsurpet verba quibus Dauid Abiathar Sacerdotem affatus est. Mane mecum, ne timeas, si quis quaesierit animam meam, quaeret & animam tuam, mecumque seruaaberis.* Quoniam tamen fieri potest, & verò non infrequenter accidit, vt aliqui Principum Administri aut muneribus, ad quæ admoti sunt, pares non inueniantur, aut etiam potentia & gratia quam apud Principes nacti sunt, aut perturbationibus acti, aut commodis priuatis seruientes, abutantur; extremum aliud cauendum moneo, ne scilicet ita Principes probent quæcumque geruntur à ministris, vt sibi persuadeant, eos numquam aut per oscitantiam impingere, aut à recto æquitatis tramite de industria deflectere; ac propterea licet omnibus frementibus, & indignantibus, eos à muneribus & Præfecturis amoueri, animo obfirmato non patiantur. Mirum est, quod in secundo Regum libro legimus. *Calcitrabant boues,* 1.Reg.22. 25.
plaustrum nouum trahentes quo arca Domini uehebatur, iamque periculo proxima erat, vt deuolueretur in terram, boues enim Declinauerant eam. Sensit hoc Oza, labantemque manu extensa sustinuit, sed suo malo; nam *Dominus percussit eum*, ibique ipse iuxta arcam stratus occubuit: 2.Reg.6. 6.

celebris est quæstio inter sacrarum litterarum interpretes, quid peccauerit Oza, ut tam graui tamque repentino exitio plecti mereretur, cum potius prudenter ac piè fecisse videri possit, arcam fulciens, & prouidens ne indecorè deferretur in terram. Alij, alia. Nonnullorum ego, eorumque grauium scriptorum sententiam probo, qui ab Oza peccatum putant, quod arcam Diuino præscripto Leuitarum humeris portandam, ipse plaustro à bobus trahendam imposuisset. Quod ad mores translatum ad rem nostram facit, Principibusque documento esse potest, ut scilicet caueant ne aut onera regendarum Ecclesiarum, aut ciuiliū magistratuum functiones & munia iis imponi velint, qui aut legibus prohibentur ne illa subeant, aut aliqui idonei non sunt qui illa pro dignitate sustineant. Sed cur Oza, dicat aliquis, non prius plectitur quàm arcæ manum admouerit, illiusque casui occurrere tentauit? Ut nimirum iidem intelligant, non tam plectendos esse Principes quod parum aptos, aut etiam prauos administratos aut magistratus elegerint, quàm quod postquam captum de iis est experimentum, ipsique inepti deprehensi sunt, aut etiam noxij, adhuc tamen in publicarum functionum Præfecturis illos pergere, aut etiam ad maiora promouere non dubitent.

*Principem
Admini-
stris eam
facultatē,
& agendi
potestatem
concedere
debere, quā
negotia ro-
quirunt.*

6 Porro quod ad potestatis modum attinet, multum valere puto ad res bene gerendas, si ita prouincia aliqua, aut munus administris aliquibus credatur exercendum, ut simul facultas fiat, cum in rem præsentem venerint, negotioque quod peragitur, manus admouerint, rem de qua agitur pro arbitratu moderandi, modò ex re Prin-
cipis

cipis id futurum prudenter existimetur. Nam qui Principes secus faciunt, & omnia ad se integra deferri volunt, præterquam quod administratorum suorum ingenia nimis premunt, & ad præclare audendum segniora faciunt, eo etiam negotia ipsa deducunt, vt occasiones si quæ existunt rei bene gerendæ corrumpantur. Inferiores enim Præfecti, quo plus credi sibi, & quo liberaliùs tractari se vident, eo libentiùs, ne videlicet humanitate vincantur, sese rebus agendis impendunt, omnesque suas curas intendunt quasi in negotio proprio, vt illud ad optatum exitum perducant. Quod si se se in arctum cogi videant, & quibusdam præscriptorum, & præceptorum, finibus, quasi angusto quodam gyro circumscribi intelligant, indignantur scilicet, & eorum industria, quæ latiore campum in quem excurreret desiderabat, arctis illis cancellis compressa languescit. Rursus cum Principis administer, certis præceptis, quæ transilire non liceat alligatur, rarum est vt ex sententia quidquam possit efficere, magna enim consilij pars est in tempore, & nouis emergentibus casibus, rebûsque pro variis adiunctis, aliam subinde faciem induentibus, nisi pro re nata, consilium capere liceat, sed ad absentes referre sit opus, occasionis præteruolabit opportunitas, quam nec reuocare poteris, & frustra, quantumuis nitaris in posterum captare, tentaueris. Discere hoc possunt minores Principes, ex summo illo Principe, ac rerum omnium moderatore Deo, qui cum hominem præstantissimû animal efformasset, cæteris hisce rebus aspestabilibus dominaturum, dum eum in orbis terrarum possessionem immitteret, tamque amplæ

Genes. 1.
19.

prouinciæ administrationem crederet. *Formatis de humo cunctis animantibus terra, & vniuersis volatilibus cæli, adduxit ea ad Adam, vt videret quid vocaret ea: pro arbitrato suo nomina quibusslibet rebus imponere permittens, quemadmodum & in eas dominatum exercendi faciebat potestatem.* Deus enim quamuis summa sit sapientia, optimèque calleat rerum omnium naturas, & quid cuique tempori, loco, personæ aptum sit, & conueniens: quia tamen hominem libertate dona-

Sap. 12. 28.

tum, sui compotem fecit; *Cum magna reuerentia disponit nos, vt dicitur in libro Sapientiæ, vel vt est in Græco μετὰ πολλῆς φειδῶς, cum multa parcitate, parcens nimirum, iis rebus suum imperium interponere, quas nostræ subiectas esse libertati, & arbitrio semel indulsit.* Huiusmodi administri imago elucet in Iosepho, qui cum luculento experimento, suam Pharaoni probasset Sapientiam, (nam & somnij mysteria diuinitus edoctus prudenter euoluerat, & ingruenti fami opportunum remedium excogitauerat) Præfecturæ Ægypti ab Rege admotus est cum proximæ à Rege potestatis, & honoris insignibus. Nec quisquam dixerit in Iosepho ornando modum excessisse Pharaonem, nam eximia viri virtus, nullius honoris fastigium non æquabat, vt quantumuis in altum sublatus, amplissimamque Ægyptij Regis beneficio nactus esset potestatem, celsitudinem tamen quam apud Principem adeptus erat, re præclare gesta, beneficiisque quibus populos illos cumlavit mirum quantum illustrauit, nam toti prouinciæ annonæ confecit vilitatem, & à præsentissimo discrimine Ægyptum vniuersam circumiectasque Regiones liberauit, ex quo factum est,

vt *Saluatoris mundi* honestissimum sibi nomen compararet. Huic planè geminus Daniel, ille Dario Persæ acceptissimus administer, què Rex vniuerso Regno præficere habebat in animo. Quod consilium aulæ magnates, excitata in innocentem conspiratione, omni conatu interciperent sunt conati, sed nimirum inuidia impar virtuti, prauæ molitionis auctoribus perniciem attulit, Danielque maximam apud Regem adeptus potestatem, regni negotia summa fide, Reipublicæque bono ita administrauit, vt rationem quâ Darius Daniele amplificare instituit, toti regno maximè salutarem fuisse satis apparuerit.

Genes. 41.
45.
Dan. 6. 1.

7 Cæterum administrorum ea debet esse in suos Principes reuerentia, vt si pugna infelix, si turpe foedus, si funesta deditio, denique si tristius aliquid acciderit quantum fas erit, à Principe inuidiam amoliantur, nec illius famam, inscientiam, aut temeritatem criminando, & apud alios traducendo comminuant. Rursus si sæliciter pugnatum fuerit, si res aliqua domi, aut militiæ bene gesta, si aliqua Principis existimationis, & gloriæ augendæ se se aperuerit occasio, eam non prætermittant; sic enim fiet, vt & beneuolentiam Principis sibi concilient, & suam potentiam magis confirmant, nouo in Principem collato beneficio. Vidit hoc Ioab Israëlitarum Dux, qui re sæliciter gesta, non in suam famam exultauit, sed ad Principem vt ad auctorem minister ipse famam referebat, extra inuidiam futurus, non extra gloriam, nam Cum pugnaret contra Rabbath filiorum Ammon, & expugnaret urbem Regiam, misit nuncios ad Dauid dicens; Dimicaui aduersum Rabbath, & capienda est urbs aquarum. Nunc igitur con-

*Admini-
stros Prin-
cipis potius
gloria,
quàm sua
deseruere
debere, idq;
cōmodo suo
facturos.*

2. Reg. 11.
26.

grega reliquam partem populi, & obside ciuitatem, & cape eam, ne cum à me vastata fuerit vrbs, nomini meo ascribatur victoria. Sanè prudenter: nam illud est ingenium Principum, vt suis luminibus obstrui ministrorum gloria putent, eorúmque incrementa, tanquam Principatui imminencia habeant suspecta, nihilque illi gratius possit accidere, quàm si eam gloriæ partem, quam in se administrari deriuare possent, in ipsos transfundant, nec magis commouentur, quàm si laudis suæ particulam aliquam, aut togati magistratus, sibi decerpant, aut belli duces, cuius rei exemplum planè luculentum habemus in Saule; nam cum Dauid in Goliæ caput vibrato saxo in spatium ingens ruentem porrexisset hostem, capitèque truncasset, mulierúmque chori, lætum victori, in hæc

1. Reg. 18.

7.

verba canerent epinicium. *Percussit Saul mille, & Dauid decem millia. Iratus est Saul nimis, & displicuit in oculis eius sermo iste, dixitque: Dederunt Dauid decem millia, & mihi mille dederunt, quid ei superest nisi solum Regnum? Non rectis ergo oculis Saul aspiciebat Dauid, a die illa, & deinceps.* Porro quia omnis potentia in aulis, posita est in lubrico, eúmque de statu magis deicere conantur inuidiæ stimulis instincti, quicumque eandem æmulantur magnitudinem apud Principem, quem supra ceterorum priuatorum modum se se aliùs viderint efferentem, modestia, & comitas, & cum iis quibuscum agendum est, facilitas Principum Administris præsertim maioribus, cordi esse debet, ne scilicet, qui eos oderint stomachentur, ægréque ferant hominem à priuata fortuna, Principis fauore subuectum, quasi Princeps esset, in verbis, in cultu, in moribus, maiestatem, Regiúmque super

supercilium induere. Itaque quod Salomoni mon-
 net in Prouerbiis. *Non decent stultum delicia, nec* Prou. 19.
seruum dominari Principibus; Septuaginta ita con- 10.
 uerterunt, ε' συμφέρει ἀφρονι ἡρυφῆ, καὶ ἐὰν οὐκ ἐπὶ τῆς ἀρετῆς
 ταί μετ' ὕβρεως διασάτευεν, id est, *Non est utile insipien-* Prou. 30.
ti deliciarum, & si seruus dominatus fuerit, cum contume- 13.
lia imperare, vel gubernare: vix enim est, qui ferat
generationem, cuius excelsi sunt oculi, & palpebra eius Prou. 30.
in alta surrecta. Nam inter illa per quæ Sapiens ter- 22.
 ram commoueri docet, etiam illud est. *Per seruum*
cum regnauerit; qui enim seruilis, aut certè abie-
 ctæ conditionis prius fuerunt, si ad magistratus,
 aut Regni fastigium attollantur fortunæ secundæ
 prosperitate, cui non assueuerunt, vrinesciunt,
 sed plus iusto sibi assumunt, illud etiam fortasse
 verentes, ne si se se faciles quibuscumque exhibue-
 rint, ab iis contemnantur, qui meminerunt illos
 ex terræ puluere excitatos, & in alto collocatos,
 vt sedeant cum Principibus & senatoribus terræ:
 ideoque magnatum personam fastidiosè induunt,
 ac propterea, ciuium suorum incurrunt inuidiam,
 à quibus initiis ad eam procellerint magnitudi-
 nem recolentium.

8 Verùm, quia Principes aliqui peregrinis ad- *An pere-*
 ministris, aut in ductandis exercitibus, aut in iure *grinis ad-*
 dicundo sibi potius vtendum putauerunt, quàm *ministris*
 ciuibus, quos facilius à recto iustitiæ tramite *potius vti-*
 amicorum aut propinquorum charitas possit ab- *dum sit,*
 strahere, quique opibus & clientelis porentes *quàm ci-*
 patriæ Principatum, si armis instructi fuerint, & *uibus.*
 exercitibus imperauerint affectare possint, ita fi-
 dem suam Principi probare debent qui sunt hu-
 iusmodi, vt nulla, quantumuis tenuis in illos ca-
 dat suspicio, nam etiam innoxij, nulliusque cri-

minis comperti, eo duntaxat nomine calumniis patent, quod peregrini sunt, quos non eadem beneuolentia Principem aut Rempublicam, cui operam suam nauant, complecti facile credi potest; hinc enim obrectatores ansam arripient, Administri illius apud Regem aut Principem criminandi, & in inuidiam vocandi, vt aliquod illi periculum creent, cuius magnitudini, quasi sibi præreptæ inuident. Ea fortasse causa fuit, cur Daniele apud Darium traducere Satrapæ illi satagerent, vt supra dictum est; & Dauidem Achis Regis Megistanes conspiratione in illum facta ab exercitu submouerent. Dicebant enim Princi-

Dan. 6.

1. Reg. 29.

9.

pi suo. *Reueriatur vir iste, & sedeat in loco suo, in quo constituisti eum, & non descendat nobiscum in prælium, ne fiat nobis aduersarius, cum præliari cœperimus: quomodo enim aliter poterit placare Dominum suum, nisi in caputibus nostris? Nonne iste est Dauid, cui cantabant in choris, dicentes. Percussit Saul in millibus suis, & Dauid in decem millibus suis? Vocauit ergo Achis Dauid, & ait ei. Viuit Dominus, quia rectus es tu, & bonus in conspectu meo, & exitus tuus, & introitus tuus mecum est in castris, & non inueni in te quidquam mali ex die qua venisti ad me, vsque in diem hanc, sed Satrapis non places. Reuerte ergo & vade in pace, & non offendas oculos Satraparum Philistiim.* Fide autem incorrupta, multisque experimentis probata, sedulitate, negotiisque creditis adhibita diligentia, suspiciones diluet prudens administer, & si non omnibus carum, saltem se calumniis minimè violabilem reddere poterit.

An nobilibus porius, quam ignobilibus.

9 Sed fortasse quis quærat, quid vtilius sit Principi, Reipublicæque administrationi conducibilis viros ne generosa stirpe, stemmatibus ac

ceris

ceris maiorum nobiles ad tractandam Rempubl. vocare, illósque in publicis muneribus administrare, an satius sit eos præterire, qui à nobilitate commendationem habent, viros tamen alioqui prudentes, cordatos, nauos, cui publica commendentur munera seligendo? Rem hanc non faciliè quilibet disceptauerit, nam neutra pars firmamenti argumentorum, exemplisve destituitur. Ac primò quidem plebeiis fauet, quod Dominus ipse, cuius summa sapientia est, Iosephum ex ergastulo eductum toti Ægypto quàm latè patebat præfecit. Dauid etiam ab ouium caulis, ad aulam Regiam traduxit; nam vt ipse canit in Psalmo. *Elegit Dauid seruum suum, & sustulit eum de gregibus ouium, de post fortantes accepit eum, pascere Iacob seruum suum, & Israel hereditatem suam.* Et ratio idem suadere videtur, nam laboris magis sunt patientes, & ad eos faciliùs patet aditus, quàm ad maiorum nobilitate tumidos, qualis D. Augustino fuisse videtur Pharaon, qui se alloqui volentes satellitio submotos, eminus quid vellet, cogebat profari. *Quod Moyses dicit* (inquit Augustinus) *Ecce ego gracili voce sum, & quomodo exaudiet me Pharaon? Non videtur tantum propter magnitudinem populi excusare de vocis gracilitate, verum etiam propter vnum hominem.* Mirum si tam gracilis vocis fuit, vt nec ab vno homine possit audiri, an fortè Regius fastus, non eos permittebat de proximo loqui? Ita ille. Adde Principes expeditiùs plebeios in ordinem redigere posse, si suo vitio illos minus vtilis, aut etiam noxios esse Reipubl. compererint: qui enim opibus florent, & potentia, si in illos Principes velint animaduertere, magnos cient in Rep. motus, estque cum tantum possunt, vt vniuersum

Genes. 41.

14. 40.

Psalm. 77.

70.

16. in Exo.

illius statum non sine ingenti periculo concutiant. Sed nimirum verius videtur, multum adiumenti nobilitatem afferre posse ad rem præclare gerendam : nam præterquam quod in maiores suos respicienti, generosus quidam impetus ad virtutem existit, dicto etiam magis audientes subditos habebit, qui longa patrum serie, virtute spectabilem, commendabilis est, quàm qui novus homo terræque filius, vel ad Rempubl. sua prorepsit industria, vel Principis alicuius favore, ut illam posset attingere, productus est. Porro publicam pecuniam, qui suis censibus opulenti sunt, sanctius tractabunt, quàm ij, qui priuatas angustias, publicis pecuniis laxare student, magis etiã primariis viris æqualibus suis gratus erit, quàm ignobilis, quem scilicet illi præ se contemnunt, & auersantur. Tandem nobilium, qui verè nobiles sunt, mores mitiores esse solent, liberali educatione humanitatis cuiusdam suauitatem instillante, quæ in congressibus mirum quantum mortales allicit; iisdem rebus duris & aduersis animus infractor, ut contra abiectæ conditionis homines, qui cum ex pauperibus diuites, ex contemptis metuendi facti sunt, truces, & asperi esse solent, si aduersam experiri fortunam contigerit, deiiciunt animos tam in rebus duris abiecti, quàm in prosperis & secundis fuerant insolentes. Cuiusmodi fuisse credendus est Adonibezech ille, qui plusquam tyrannica crudelitate septuaginta Reges amputatis manuum ac pedum summitatibus, ciborum reliquias sub mensa sua cogebar colligere, quem cum Iudas Israelitarum Dux rede-gisset in potestatem, extremitatibus manuum amputatis, idque ut experiretur compulisset, quod

Iud. 1. 7.

ab

ab ipso passi fuerant alij tam graui ærumnæ ferendæ impar, dolore ac squalore confectus examinatus est. Sed fortassis vtraque sententia conciliari poterit, si dixerimus maioribus Præfecturis Prouinciarum ac Ciuitatum, in quibus multi agitant antiquæ nobilitatis claritate insignes, quibuscum frequenter agendum est, non nisi primarios generososque viros præficiendos esse, alios verò minores Præfectos, qui iuri dicundo totos dies in tribunalibus sedent, causas disceptando aut alia huiusmodi ministeria tractanda nihil prohibere, quominus etiam ignobiles adhibeantur.

10 Sed ambigi potest, an coniugati potius Ministri ad Reipubl. munera adhibendi sint, an vinctulis connubialibus soluti. Sanè, quia plurimis laboribus atteruntur, qui publica tractant negotia, æquum esse videtur, si post laborem reuertentibus vxorium leuamentum, curarum molestias, abstergat, & cum vxore, charissimisque liberis honestissimo perfruantur oblectamento.

An coniugati, vel coniugio soluti.

Perfruere, inquit Sapiens, vita cum vxore, quam diligis, cunctis diebus vite instabilitatis tue, hæc est enim pars in vita, & in labore tuo, quo laboras sub sole.

Eccle. 9. 9.

Rursus Magistratum Regumque vxores, viros suos consilio, & ope iuuerunt, vt Pilati coniux, quæ viro suo Præsidem in Iudæa agenti auctor erat, ne innocenti Christi sanguine se ipsum macularer; & Michol, quæ à præsentissimo vitæ periculo maritum suum Dauidem eripuit, & Saulis in ipsum sæuiantis impetum ingenioso elusit inuento. Adde coniugatos pluribus nominibus Reipubl. esse oppigneratos, pro qua magis strenuè se se impendunt, cum sciunt se pro liberis &

Matth. 27.

29.

1. Reg. 19.

13.

vxori

vxoribus laborare, & si in bello ceciderint, meminerunt filios se habere superstites, nec totos extinguere. Pro contraria sententia afferri possunt quæ primo libro de ingenio mulierum disputata sunt; ex quibus probari posse videtur expeditiores, & Reipubl. vtiliores fore magistratus si cælibem vitam agant, seque totos coniugalibus tricis soluti, rebus agendis impendant. Reuertenti Moyse in

Exod. 4.

24.

Ægyptum cum vxore & filiis. Cum esset in itinere in diuersorio, occurrit ei Dominus & volebat occidere eum.

Cuius rei causam aliam alij attulerunt. Ad rem nostram facit quod teste D. Augustino quidam existimarunt, propterea infesto mucrone mortem Angelum Moyse intentasse, quod fœminam secum adduceret, quæ iter illud, quod hominem

Lib. quæst.

in Exod.

q. 12. to. 4.

postulabat expeditum, retardaret. Quidam (inquit D. Augustinus) putauerunt propter hoc Angelum terruisse, ne ad impedimentum ministerij, quod diuinitus impositum Moyses gerebat, fœmineus sexus comitaretur, lege verò Deuteronomij cautum erat in hæc verba.

Deut. 24.

5.

Cum acceperit homo nuper uxorem, non procedet ad bellum, nec ei quippiam necessitatis iniungetur publica. & ratio statim redditur: Et vno anno lateatur cum vxore sua. Quamuis alia ratio, quam scriptura non expressit, nec tamen illi repugnat, addi potest, quia dum sponsus ab vxoriis blanditiis inuitus abstrahitur, illæque menti subinde obuersantur, & recurrant, nec animus ad pugnam ferox, nec ad negotia publica expedienda alacer, & promptus esse potest. Frequens in sacris litteris Eunuchorum occurrit mentio, in libro Geneseos, in Regum historia, in Danielis prophetia, in libris Esther, & Iudith; satisque constat ex illis electos fuisse præcipuos Magistratus, Regiosque administratos,

stros, & consiliarios, cuius moris causam Heliodorus in Æthiopicis reddit, cum ait: *Persarum enim Regis aulis oculi sunt & aures eunuchorum genus, qui cum neque liberos, neque cognatos habeant, quibus eorum animi deuincti esse possint, pendent ex eo solo, qui se illis credidit.* Quibus verbis significatur propterea idoneos iudicatos à Persis fuisse Eunuchos, qui Rempubl. tractarent, quod illorum fidelitas, & beneuolentia filiorum, aut cognatorum charitate quibus melius vellent, magisque quàm Principi gratificari studerent, non corrumpetur, & ad plures distraheretur, cum in coniugatis contra accidat; nam dum filios aut propinquos locupletiores reddere satagunt, ita illorum seruiunt vtilitati, aut cupiditati, vt publicam rem, aut negligant, aut etiam euertant. Nec tamen facile Eunuchis (quod Reges illi faciebant) Resp. credendas esse putauerim, quorum genus, & hominum ludibrio ferè expositum est, & vitiis notatum non ignoro: satis nobis fuerit si Eunuchorum exemplo eorum firmauerimus sententiam, qui eos Principibus vtiliores esse putant, qui vt Eunuchi à mulieribus expediti sunt.

II Sed quibuscumque tandè administris Princeps vtatur, æquissimum est, neminem ad summum aliquem Magistratū prius admouere, quàm in inferioribus suæ documentum virtutis præbuerit. Quemadmodum enim natura res magnas quas molitur, à paruis exorditur initiis (quæ enim magnæ sunt arbores, humiles primùm stirpes fuerunt, & quæ flumina magnarum nauium patientia, fontes ignobiles, aut riuli exiguas trahentes aquas) ita in Rebusp. fieri oportet, magnum enim est ad virtutem calcar, & incitamentum spes maiorum

Heliodori
Æthiop.
lib. extre-
mo.

Admini-
stros prius
probandos
esse in in-
ferioribus
magistra-
tibus, quæ
ad summos
euehantur.

782 *Institutio politica ex sacris Scripturis.*

- iorum decorum, quæ ubi quis consecutus est à Principe, congestis in eundem hominem honoribus omnibus, plurimisque diuitiis, iam ut segnior fiat proclive est, aut etiam nouæ magnitudinis insolentia, cuius parum fortè capax est, tumens, ac typho inflatus, in omnium odia & offensiones incurrat. *Per tria enim mouetur terra*, ut docet Salomon, & *quartum non potest sustinere*, horum autem primum est, *per seruum cum regnauerit*, quod supra monebamus, cum scilicet quis à Principe ab humili ac propemodum seruili statu, non processibus, sed saltu, ad summum dignitatis, ac potestatis culmen euehitur. Et sanè docuit vsus, non ut decuisset ab huiusmodi hominibus reuerenter habitam fuisse fortunam, imò sibi suisque, dum ad celsiora contendunt, ruinam parauisse. Nec si Ioseph ab ergastulo vniuersæ Ægypto præpositus est, aut Mardocheus ab humili afflictoque statu admirabili quadam conuersione fortunæ ad magnam potentiam, summósque honores sublatus; id continuò cum cæteris passim fieri prudenter posse censendum est, nam huiusmodi legibus Deus solutus est, in *Cuius oculis faciliè & subito honorare pauperem*, ut loquitur Ecclesiasticus; & alioqui videmus Apostolos, quos Ecclesiæ Principes volebat Dominus constituere, plusquam triennio ad munus illud eximium fuisse institutos: & Ioseph, qui Mosi Hebræorum Imperatori subrogandus erat, sub eodem Mose tyrocinium posuisse, & D. Paulum Timotheo præcepisse in illa verba;
- 1. Tim. 5. Manus citò nemini imposueris.*

17.

*An cui
tantū Ad-
ministrō*

Quamquam verò vsus obtinuit, ut unusquispiam cæterorum omnium qui in aula famulantur quasi Princeps ac moderator constituatur, ut
ampli

amplitudine potestatis præstans, sic etiam prærogatiua virtutis ac sapientiæ, cuius munus sit domesticorum aulicorum continere disciplinam, & curare vt inferiores Ministri attentè, & suis cuncta temporibus opportunè munia obeant, qualis fuit Eliezer Abrahami, de quo dicitur in Genesi; *Servus senior domus illius, qui præerat omnibus que habebat*; & Ioseph in domo Putipharis cum adhuc servitutem serviret, de quo legimus, *Ioseph ministrabat Domino suo, à quo præpositus omnibus, gubernabat creditam sibi domum, & uniuersa que ei tradita fuerant*; tamen vt omnia, quæ ad Rempubl. pertinent, vnius dumtaxat consilio aut opera administrentur, non facilè probandum censeo. Nam vt quis tot negotiorum capax, iisque cognoscendis, & expediendis par esse possit: summus tamen ille potestatis apex administro inuidiosus, periculosus Principi, Reipublicæque esse solet. De mari æneo quod in sacrificiorum vsum in templo statuit Salomon, dicitur in Paralipomenis, *Capiebat tria millia metretas*; at in libris Regum dicitur, *Duo millia batos capiebat*; in contextu Hebræo est eadem vtrobique vox כב quam interpres semel batos, semel metretas vertit, ad leniendam fortasse difficultatem, quam locorum ingerebat dissonantia, quæ multorum interpretum torsit ingenia. Abulensis & Lyranus apud Riberam censent trium millium metretarum capax fuisse vas illud, sed tamen duo tantum millia infundi solita, atque ita conciliant textus, vt in altero loco de aquarum modo qui adhiberi solebat sermo sit, in altero de aquis, quas explere ad summum vsque volenti, capere mare illud potuisset. Cui explicationi fauet Paralipomenon textus, vbi habetur ex Hebræo

*prudentes
negotia
omnia cre-
dantur.*

Gen. 14. 2.

Gen. 39. 4.

2. Par. 4. 5.

3. Reg. 7.

26.

Libr. 2. de

templo,

cap. 16.

bræo

784 *Institutio politica ex sacris Scripturis.*

bræo ad verbum ; *Fortificare facienti, capiebat batos tres mille.* Quasi dicatur: Si quis vas impleat quantum quantum est, & vsque ad summum. Sed iam ad rem nostram. Quanquam fieri possit, vt magnarum rerum multipliciúmque negotiorum capacia quædam ingenia reperiantur, tantum tamen ingerere dignitatum, innumerum, potestatis, quantum capere quis possit, è re Principis esse non facile crediderim: præterquam quod qui Magistratus ambiunt, vt quondam Zebedæi filij *possumus* dicunt, cum ea quæ cupiunt proponuntur, cum tamen reuera si vniuersa moles illis imponatur sub onere succumbant, quamuis rerum potiundi desiderio prouecti, fortè non gemant.

Matth. 20.
22.

*Aliqua de
legatis qui
extraordi-
narij sunt
ministri.*

13 Hic de legatis aliquid addi potest, quod est administratorum extraordinarium quoddam genus, ij esse debent, dignitate, ætate, prudentiâque & rerum vsu spectabiles. Itaque (quod attinet ad ætatem) Abraham cum filio suo Isaac vxorem

Gen. 24.2.

quæreretur, *seruum seniore domus sue, qui præerat omnibus, quæ habebat,* qui de nuptiis conciliandis ageret, legauit. Et Balac Moabitarum Rex Balaam filium Be or, ariolum sibi adiungere cupiens eo consilio, vt Israelitarum populo malè precaretur, illúmque diris Orco deuoueretur, grandiores natu misit, vt ex Numerorum libro habemus, in quo

Nam. 22.
7.

legimus. *Perrexeruntq; seniores Moab, & maiores natu Madian, habentes diuinationis pretium in manibus.*

Cúmque Balaam à Domino prohibitus, iter illud suscipere detrectasset, nec ad Balac, vt ipse

Ibid. n. 15.

postulauerat venisset. *Rursum ille multo plures, & nobiliores, quàm antea miserat, misit.* Et Ezechias Rex cum ab Assyriorum Regis exercitu intra mænia compulsus obsideretur, ad Rabfacem exercitus ducem

ducem tres primarios viros legauit Eliacim, scilicet filium Helciæ *Præpositum domus & Sobnam* 4 Reg. 18. *scribam* (magnum Cancellarium nos appellare 18. consueuimus) & *Iohæ filium Asaph à commentarijs*: eum scilicet, quem nostrates à secretis appellant. Cur autem ita agendum sit, ratio est in promptu: nam, quo amplior, & clarior est eorum dignitas, qui mittuntur, tantò illustrius testimonium est opinionis, quàm de Principis ad quem legantur excellentia concepimus, iique cum se impensius coli sentiunt, animum magis beneuolum induunt, erga Principem illum, qui mittendę legationis auctor fuit. Porro de prudentia quid attinet dicere, cum in negotiis tractandis, pace componenda, nuptiis conciliandis, fœderibus iungendis, aliisque huiusmodi summa dexteritas & prudentia necessaria sit, cum in huiusmodi rebus impingere maximè sit in procliue. Itaque Salomon temerarij Principis in extremum discrimen res suas adducentis, errores legati sapientis dexteritate & sapientia emendari docuit; quod enim in vulgata legimus. *Nuntius impij cadet in malum, legatus autem fidelis sanitas.* Prou. 13. 17. Septuaginta verterunt, *Rex temerarius cadet in mala; legatus autem sapiens liberabit eam.* Illud etiam plurimum iuuerit, si legatus Principis illius linguam ad quem mittitur calleat, nam remotis arbitris expeditius, & fidentius, sua fas erit tractare negotia, nulliusque interpretis fide interposita, qui si parum consideratè, parùmve fideliter, quæ vltro, citroque dicuntur interpretetur, faciliè animos, qui responsum humanitate leniendi essent, exasperabit, totumque negotium corrumpet. Vidit hoc prudenter Ezechias qui cum eos quos supra memo-

4. Reg. 18. *rauimus legatos ad Rabfacem misit, hoc specta-
uit vt Syriacum idioma, quod Rabfati erat fami-
liare, tenerent. Dixerunt autem (inquit Scriptura)
Eliacim filius Helcia, & Sobna & Iohae Rabfati. Pre-
camur vt loquaris nobis seruis tuis Syriacè, si quidem
intelligimus hanc linguam, & non loquaris nobis Iudai-
cè, audiente populo, qui est super murum. Sed ante om-
nia fidelitas in legatis exigitur, ne scilicet publi-
ca Principis negotia negligendo, aut etiam pro-
dendo, priuata sua compendia consecretur, cu-
ius rei exemplum habemus in Menelao in Ma-
chabæorum historia. Et post triennij tempus, inquit,
misit Iason Menelaum supradicti Simonis fratrem por-
tante pecunias Regi, & de negotijs necessarijs responsa
perlaturum. At ille commendatus Regi, cum magnifi-
casset faciem potestatis eius in semetipsum reuertit sum-
mum sacerdotium, superponens Iasoni talenta argenti
trecenta. Acceptisq; à Rege mandatis venit, nihil qui-
dem habens dignum sacerdotio. Itaque Menelaus, quâ
adulatoria assentatione Regis animum demul-
cendo, quâ pecuniis demerendo, nam plus obtu-
lit, quàm Iason obtulisset, res suas promouit, alte-
rius euerit.*

*De inspe-
ctoribus
Prouincia-
rum, sive
uiscatori-
bus.*

14 Tandem de Prouinciarum inspectoribus, si-
ue uiscatoribus breuiter agamus, quos aliquando
Principes, qui per se ipsos regna lustrare non pos-
sunt, eo consilio mittunt in Prouincias, vt earum
statum cognoscant, magistratum fidem, iudicio-
rum integritatem explorent, rectè ne omnia vt
par est, & iuxta legum præscriptum fiant, an po-
tius è contrario iura negligantur, & pessunden-
tur, populique malè habeantur, exhauriantur,
tyrannicè tractentur. Sanè Samuel præcipuas Is-
raelis ciuitates cum populum iudicaret, ipsemet
circuire

circuire consueuerat, eo crediderim consilio, vt
 sui copiam faceret eum adire, & ius suum perfe-
 qui volentibus, vtque minores magistratus con-
 tineret in officio, & ab iniuria subditos prohibe-
 ret, de eo enim dicitur: *Iudicabat Samuel Israelem* 1. Reg. 17.
cunctis diebus vite sue, & ibat per singulos annos cir- 15.
cumiens Bethel, & Galgala, & Masphat, & iudicabat
Israelem in supradictis locis. Hoc autem visitandi
 munus, aut supremi Principis est, aut alicuius,
 quem ipse cum ampla potestate sibi substituerit,
 suasque ei partes demandauerit: qui enim visitan-
 di sunt, eos sub aliorum potestate constitui ne-
 cesse est. Itaque Eliu apud Iob de Deo Principum
 summo verba faciens. *Quis poterit, inquit, scrutari* Iob 36.23.
vias eius, aut quis poterit ei dicere, operatus es iniquita-
tem? Ex Hebræo propriè verti potest. *Quis visita-*
bit super illo? Cùm ergo ad Prouincias, aut Regna
 inspicienda visitatores huiusmodi destinati fue-
 rint, vt eos officij sui nomen satis admonet, dili-
 genter inspiciant qui mores in melius emendan-
 di, quæ vitia exscindenda, nec amicos illos S. Iob Iob 2.11.
 imitentur, qui cum afflictam eius fortunam in-
 spexissent, eumque ad summam egestatem reda-
 ctum, vlceribus plenum, ab omnibus destitutum
 reperissent, non tamen eius malis leuamentum
 aliquod attulisse, sed potius calamitatem impor-
 tunis disputationibus exasperasse, innoxium ve-
 xasse, & quasi violati numinis reum peragere vo-
 luisse memorantur. Non parum ad rem nostram
 facit quod in Machabæorum historia legimus, in 1. Mach. 2.
 qua post ingentes enumeratas calamitates qui-
 bus impius Rex Antiochus Hierosolymam cir-
 cumiectasque ciuitates vexauit, afflixit, ac tan-
 tum non attriuit, cum de Mathathia, & quinque

- Ibid. nu. 6. eius liberis sermo incidit, dicitur. *Hi viderunt*, vel ut est in Græco textu, *εἶδε, vidit*, solus scilicet Mathathias *mala quæ fiebant in populo Iudæ, & Ierusalem*. An non videbant hæc mala cæteri omnes qui aderant, in quorum oculos incurrebant, cum in eorum conspectu fierent? Sanè videbant, sed ij tantum vidisse dicuntur, qui vidisse non contenti, ad Rempubl. defendendam, & è tyranni manibus eripiendam, animum adiecerunt, eiusque furori sese opponere non dubitarunt. Et fortè hoc sensu dicitur in Genesi, *Descendisse Dominum*
- Gen. 11. 5. *ut videret civitatem, & turrim quam edificabant filij*
- Ibid. c. 18. *Adam*; & rursus eodem libro descendisse, ut videret an clamor Sodomorum qui ad eum ascenderat, verus esset an falsus. Proculdubio Dominus, qui ut canit S. David, *alta à longè cognoscit*, necesse non habet quemadmodum homines ad res ipsas accedere, quas vult contemplari, cum iis semper intersit, & præsens sit; sed ea loquendi formula usus est Moses iuxta humanum agendi morem, ut nos intelligamus, eos quorum fidei Respublicæ inspiciendæ creditæ sunt, propiùs accedere ad res ipsas debere, negotia quæ proponuntur diligenter versare, atque cognoscere, & tandem (quod potissimum ab iis omnes expectant) prauos corrigere, fontes plectere, publicæque quietis perturbatores compescere: quod consequentur, si omnia ad æquitatis libellam diligenter exegerint, & si fieri possit antequam ad Principes suos redeant, ita omnia constituta reliquerint, ut etiam postquam provincia excesserint, cursum teneant, & bene constantèrque procedant.

*Leges Reipublicæ necessarias esse,
quales esse debeant, usq̃
parendum.*

C A P V T IV.

Legum præscripta Rebuspublicis utilia esse, nullus vnquam, qui sanæ quidem mentis esset dubitauit: illarum enim metu humana comprimitur audacia, tutâque redditur inter improbos innocentia, multâque sanciendo Reipubl. statui accommodatâ omne genus hominû, quod sinu suo, ciuitas aut regnum complectitur, instituunt, & ad officium vocant: *Lex sapientis*, inquit Salomon, *fons vite, vt declinet à ruina mortis*; & sensus est, à legum fontibus, quos sapiens toti Reip. recluserit, promanare latices, qui, ex iis haurientibus, salutare sint: & leges quasi indicem esse, cuius beneficio à periculis imminentibus auertamur, & abducamur, si ad earum præscriptum rectum iter insistere studuerimus. Itaque S. David diuinam legem lucernam appellat. *Lucerna*, inquit, *pedibus meis verbum tuum, & lumen semitis meis*. Et Salomon. *Quia*, inquit, *mandatum lucerna est, & lex lux*: cum enim mortalitatis huius semitæ nihil aliud sint, quàm *tenebre & lubricum*, Legis *Præceptum lucidum, & illuminans oculos*, tanquam pharus clarissima accendi solet, vt omnes ad cursum intendant, & pericula si quæ interueniunt, declinent; sic per legem quæ non concupiscendum præcipit, se cognouisse affirmat D. Paulus cauendum

Leges utiles esse ac necessarias Reipub.

Prou. 13.
17.

Psal. 118.
105.
Prou. 6.
23.
Psal. 34 6.
Psal. 118.9.

Rom. 7. 7. *Peccatum, inquit, non cognoui nisi per legem, nam concupiscentiam nesciebam, nisi lex diceret, Non concupisces: In pericula autem cognita, qui se ipsum induit, suo vitio perit, non legis quæ bona est, & peccatum omne ac nefas, quantum in ipsa est amolitur. Contra verò cum nullæ sunt leges, quæ ad iustitiam, ac pietatem homines erudiant, aut cum sunt quidem, sed minimè seruantur, quod perinde est ac si non essent, nullum est incommodum, quod Rempubl. non inuadat; quare mala illa omnia, quæ ab Isaia, quodam loco recensentur, populùmque Israelis pessum dedisse describuntur propterea, quòd diuina lex neglectui fuisset habita, & pactum quod cum illis Dominus pepigerat violatum, eas omnes Respublicas occupant, quæ legum negligunt sanctiones, prauis inuentis, consuetudinibus, quæ cum in ciuitatis mores irrepunt, omnem virtutem ac decus populantur;*

Isa. 24. 4. *Luxit, inquit, & defluxit terra, & infirmata est, defluxit orbis, infirmata est altitudo populi terra, & terra infecta est ab habitatoribus suis, quia transgressi sunt leges, mutauerunt ius, dissipauerunt fœdus sempiternum. Propter hoc maledictio vorabit terram, & peccabunt habitatores eius, ideoq; insanient cultores eius, & relinquentur homines pauci; luxit vindemia, infirmata vitis, ingemuerunt omnes qui latabantur corde. Cessauit gaudium tympanorum, quicuit sonitus letantium, conticuit dulcedo cithara. Cum cantico non bibent vinum, amara erit portio bibentibus illam. Attrita est ciuitas vanitatis, clausa est omnis domus nullo introeunte. Clamor est super vino in plateis, deserta est omnis latitua, translatum est gaudium terra, relicta est in vrbe solitudo, & calamitas opprimet portas, quia hac erunt in medio terra,*

in medio populorum , &c. quæ in hanc eandem sententiam prosequitur sanctus Propheta. Nam reuera cum legum murus à potentioribus qui legibus parere nolunt, subruitur; aut cum vigor ille senescit, qui subditos legibus obedire compellit, ciuitas redigitur ad vastitatem: nam incolæ dilabuntur, agrorum cultura deseritur, ciuitasque tota ciuilibus turbis distrahitur, & laceratur, tandemque ad interitum ruat necesse est. Huc facit felix illa arbor, quæ Nabuchodonosori Regi per quietem diuinitus ostensa est. *Videbat, inquit, & Dan. 4. 8*
ecce arbor in medio terra, & altitudo eius nimia. Magna arbor, & fortis, & proceritas eius contingens calum, aspectus eius erat vsque ad terminos vniuersæ terra, folia eius pulcherrima, & fructus eius nimius, & esca vniuersorum in ea, subter eam habitabant animalia, & bestia, & in ramis eius conuersabantur volucres cali, & ex ea vefcebatur omnis caro. Cùm verba ista considero, optimè mihi videtur congruere arboris istius similitudo, opulentæ alicui ciuitati aut regno; quemadmodum enim arbor pingui solo innata, aquis irrigata perennibus, aperto, sinceròque solis nitore illustrata in magnam excrescit altitudinem, foliorum lætissima viriditate vestitur, pomisque aut baccis abundans peregrinos inuitat, vt patulis succedentes vmbraculis sub ramis acquiescant, aues verò vt in eiusdem complexu nidulentur; ad eundem planè modum, ciuitates diuitiis, ac potentia beatæ, sed potissimum iustis legum fundatæ sanctionibus, non solum spectantium oculos tenent ac rapiunt ordinis, ac decoræ descriptionis admiratione defixos; sed quod caput est rebus omnibus necessariis ad vitam ac delicias opportunis abundant, integrum-

que est, non inquilinis tantum, sed aduenis etiam, & peregrinis in ea stationem figere, & tutis esse ac quietis nullo planè accedente, legum beneficio securitatem adeptis inferre molestiam. Quare quod S. David de homine prædicat, qui in lege Domini meditatur die ac nocte, id vniuersis bene

Psal. 1. 3. constitutis ciuitatibus conuenit, *ut scilicet sint tanquam lignum, quod plantatum est secus decursus aquarum, quod fructum suum dabit in tempore suo, & folium eius non defluet, & omnia quaecumque faciet prospera-buntur.*

Legum ne- 2 Hunc autem legum ordinem, præscriptum-
cessitas in que in Rebus publicis seruandum esse, illud etiam
Rep. colli- suadet, quod naturæ leges, cuius author est ipse
gitur ex Deus, in mundo constantissimè seruari videmus,
naturali quas si qua potestas interueniens, aut tolleret, aut
verū ordi- turbaret, molem hanc vniuersam tam sapienter
ne, ac lege. inter se coagmentatam penitus labefactaret &

Eccle. 1. 5. euerteret. *Nam oritur sol & occidit, & ad locum suum reuertitur, ibiq; renascens gyrat per meridiem, & flectitur ad Aquilonem, lustrans vniuersa in circuitu, pergit spiritus, & in circulos suos reuertitur. Omnia flumina in- trant in mare, & mare non redundat, ad locum unde exeunt flumina reuertuntur, ut iterum fluant. Ad eun- dem modum stellæ suas nocturno tempore ser- uant stationes, & in militiæ castrorumque mo- rem iuxta Domini leges lumen suum exerunt,*

Bar. 3. 34. *faces orbi terrarum circumferentes. Stella autem, inquit Baruch, dederunt lumen in custodijs suis & le- tata sunt, vocata sunt, & dixerunt; Adsumus, & lux- erunt ei cum incunditate, qui fecit illas. Rursus terra, & mare, quod illius sinu fouetur, eiusdem Legisla- toris mandatis ita parent, ut ne latum quidem vn- guem ab illius præscripto discedant. Audiamus*

Domini

Dominum de turbine sic alloquentem seruum suum Iob. *Vbi eras quando ponebam fundamenta* Iob 38.4. *terra? Indica mihi si habes intelligentiam. Quis posuit mensuras eius si nosti? vel quis retendit super eam lineam? super quo bases illius solidatae sunt? aut quis demisit lapidem angularem eius? Cum me laudarent simul astra matutina & iubilarent omnes filij Dei? Quis conclusit ostiis mare, quando erumpebat, quasi de vulnua procedens, cum ponerem nubem vestimentum eius, & caligine illud quasi pannis infantia obuoluerem? circumdedit illud terminis meis, & posui vestem & ostia, & dixi: Usque huc venies, & non procedes amplius, & hic confringes iumentes fluctus tuos; quemadmodum enim ignis, nix, glacies, spiritus procellarum faciunt* Psal. 148. *verbum eius, ita coeli & omnia elementa, quæque* 8. *in illis continentur diuinis imperiis constanter parent, iisque cientur motibus, quos ipse præscripserit, sua seruantes loca, naturæque suæ consentaneas functiones eodem semper tenore exhibentes, vt meritò cum discipulis stupore defixis dicere possimus. Quis putas est iste, quia & ventus* Marc. 4. *& mare obediunt ei?* 40.

3 Quid porrò dicemus de legibus illis quas iis naturis dedit, quæ rationis participes sunt? verè cum S. David dicere possimus, *Tu mandasti mandata tua custodiri nimis.* nam non solum quale sibi præstari veller obsequiū legibus datis aperuit, sed seueris etiam in violatores animaduersionibus quantoperè Reip. interesset ostendit, earum sanctionibus ad virtutē, & publicum bonū ciues institui, & si opus sit, inflictis pœnis in officio contineri. Discere possumus hoc ex Angelis, quos cum Dominus ad sui ipsius imaginē ac similitudinem condidisset, eximiisque naturæ, & gratiæ orna-

- mentis decorasset, ut propterea in omnes conueniat, quod de vno quopiam illorum prædicat
- Ezech. 18. 17. Ezechiel Propheta. *Tu signaculum similitudinis, plenus sapientia, & perfectus decore, in deliciis paradisi fuisti, omnis lapis pretiosus operimentum tuum: tamen cum in superbiam elati legem Domini seruare contempserunt, illis peccantibus Dominus non pepercit, ut quodam loco dicit S. Petrus. sed rudentibus inferni detractos in tartarum tradidit cruciandos. quod aliis verbis sanè grauissimis S. Iudas expressit in catholica epistola sua, cum ait. Angelos verò, qui non seruauerunt suum Principatum, sed dereliquerunt suum domiciliũ, in iudicium magni diei vinculis æternis sub caligine reseruauit. Nec dissimilis in homines primos animaduersio quos in paradiso voluptatis collocatos ita gratia, & originali iustitia donauerat, ut eorum appetitiones rationi, & carnem spiritui subiiceret, eosque à mortalitatis necessitate, aliisque malis & ærumnis eximeret, vitamque foelicem & tranquillam largiretur. Hos ergo, postquam præscriptam legem violarunt, iustitia originali spoliatos, & paradiso exturbauit, & morti fecit obnoxios, cæterisque malorum examibus, quæ nos quotidie experimur ita subiecit, ut pro meris voluptatibus, quibus in amœno illo deliciarum viridario fruebantur, nunc malorum pœnarumque calix, cuius fex non exinanitur, nobis propinetur, ut reuera quicumque mortalem hanc vitam viuimus, absynthio inebriari nullam quietis partem capere possimus; nec maiores tantum culpas, quæ leges illius in rebus grauioribus violant, seuerioribus pœnis inflictis vindicat, ut Sodomitarum & Gomorræorum infame crimen, de quibus S. Iudas cum ait: Sodoma & Gomer*
2. Petr. 2. 4.
- Iudæ 1. 6.
- Psal. 74. 9.
- Thren 3. 15.
- Iudæ 1. 7.

Gomorrah & finitima ciuitates, simili modo exformicata, & abeuntes post carnem alteram, factæ sunt exemplum, ignis æterni pœnam sustinentes: sed etiam peccata illa & noxas, quæ non ita graues nobis videntur, atrociter aliquando, si ita de Diuina iustitia licet loqui, pœnis etiam mortis, ad legum suarum sanciendam disciplinam puniendas censuit, vt prophetæ illi accidit, qui cum cibum contra Domini præscriptum, alio Propheta illi offerente & decipiente sumpsisset, à Leone quem obuium habuit in via occisus est. Itaque leges suas Dominus ante Principis oculos versari iussit, easque apud se descriptas habere, omnesque subditorum actiones ad earum normam exigere. Nam Regi futuro ita præscribitur in Deuteronomio. *Postquam autem sederit in solio Regni sui describet sibi Deuteronomium legis huius in volumine, accipiens exemplar à Sacerdotibus Leuitica tribus, & habebit secum, legetque illud omnibus diebus vite suæ, vt discat timere Dominum Deum suum, & custodire verba & ceremonias eius, quæ in lege præscripta sunt, nec eleuetur cor eius in superbiam super fratres suos, neque declinet in partem dexteram aut sinistram, vt longo tempore regnet ipse, & filij eius super Israël.* Quibus verbis tria monita maximi momenti continentur. Primum est, vt legem Dei optimè calleat, atque vt obliuioni, & illius ignorationi occurratur, illam ipse describat, quod præceptum non tam significat diuinam legem Regis manu in membranis exscribendam, quàm iuxta Sapientis consilium, *In tabulis cordis describendam* ita exactè, & ad amissum, vt Principis cogitationes, verba, & facta perfectissimum quoddam exemplar sit ad diuinæ legis præscriptum efformatum, & effectum, sitque ipse lex quæ

3. Reg. 13.
24.Deut. 17.
18.

Prou. 3. 4.

quædam viuens, & spirans, in quam ciues omnes oculos suos coniicientes Principis sui exemplo proficiant ad omne decus. Quicumque enim dat præcepta hominibus, ad vitam, moresque fingendos, ipsi eodem modo viuendum est, quem aliis præscribit, ne si aliter ipse vixerit, præceptis suis fidem detrahat, leuioremque doctrinam suam faciat, si re ipsa resolverit, quod verbis conatur astringere; cuius enim importunitatis est homini libero leges imponere velle, quibus ipse non pareas? aut quibus cum ipse tuleris fraudem facias? Itaque Moyse qui Israëlitiçi populi caput erat, cum è montis vertice reuerteretur ad suos, tabulas legis, manibus tenuisse dicitur, facto suo monens non tantum præceptis illis capita submittenda, eorumque auctorem veneratione ac reuerentia prosequendum, sed etiam præ manibus Principi habenda esse, & executioni mandanda, ne leges sine moribus vanæ sint, nihilque proficiant. Alterum monitum est, vt leges Sacerdotum exemplaribus congruant, vt nimirum cum suarum legum exemplaria, cum Sacerdotum exemplaribus composuerint, cum illis consentiant, ne fortè mundi aut Dæmonis placita pro legitimis, probatis, rationique consentaneis legibus admittant. Quare quæcumque leges Sacerdotum doctrinæ, quæ in Ecclesia recepta est repugnant, eæ tanquam iniquæ abrogandæ sunt, & abolendæ, si fortè iam latæ fuerint; nulla autem ratione si non extent Reipubl. cui maximè noxiæ essent proponendæ aut ingerendæ. *Labia enim Sacerdotis* (vt est apud Malachiam) *custodiunt scientiam, & legem requirent ex ore eius, quia Angelus Domini exercituum est.* Bene Sacerdotes appellantur Angeli, vt
nimi

nimirum intelligamus quemadmodum Angeli hominibus naturæ excellentia præstant, eosque dirigunt, & docent ea quæ à Domino præcipiuntur; ita Sacerdotes quibuscumque hominibus, Principibus etiam & Regibus antecellere, hosque ab illis consilium capere debere, iis in rebus, quæ ad Diuinam legem aliqua ratione spectauerint: quod ipsum Dominus docuit, cum Iosue belli exercitusque ducem constitui, Eleazarum verò summum Sacerdotem initiari iussit, qui, *Si quid agendum esset, consuleret Dominum, & ad illius verbum egrederetur ipse, & ingrederetur* (qui modus loquendi cuncta facere significat) *& omnes filij Israël cum eo, & cætera multitudo.* Cumque Iosue magistratum iniret, ita illum Dominus allocutus est. *Confortare, & esto robustus valde, ut custodias, & facias omnem legem, quam præcepit tibi Moyses seruus meus: ne declines ab ea ad dexteram vel ad sinistram, ut intelligas cuncta, qua agis; non recedat volumen legis huius ab ore tuo, sed meditaberis in eo diebus ac noctibus, ut custodias, & facias omnia, qua scripta sunt in eo, tunc diriges viam tuam, & custodies eam.* Tertium monitum est, ut caueat ne nimios spiritus assumat, eleueturque cor eius in superbiam super fratres suos, atque propterea leges negligat, quasi ipsis minimè obnoxius, cum nullus sit, qui leges euerrentem possit coërcere. Itaque Princeps ne illis similis sit, in quos Christus inuehitur cum ait, *Dicunt enim & non faciunt, alligant onera grania & importabilia, & imponunt in humeros hominum, digito autem suo nolunt ea mouere.* Pontificique illi Ananiam quem D. Paulus verbis illis increpuit. *Percutiat te Deus paries dealbate, nam tu quidem sedens iudicas me secundum legem, & contra legem iubes me percuti.* Rigidus

Num. 27.
21.

Ios. 1. 7.

Matth. 23.
3.

Act. 23. 3.

dus sit legum satelles , quasque aliis præscripse-
 rit, etiam ipse patiatur, memor se maiori Principi,
 factorum, dictorumque suorum rationem redditurum,
 & si nullus subditorum dicere potest, cur ita facis,
 non propterea si leges violauerit, præscriptumque
 mandatorum Dei transilierit, impunitè laturum:
 quod S. David agnouit, & verò etiam prædicauit,
 cum peccati sui labes deplo-
 rans in Psalmo ita flebiliter canit. *Tibi soli pec-
 caui*; quamuis enim in Vriam, cuius thorum vio-
 lauerat, quem periculo expositum interfecerat,
 offendisset, quamuis Bersabee ad peccati consue-
 tudinem pellexisset, & ut Scriptura loquitur
blasphemare fecisset inimicos Domini, tamen ait, *Tibi
 soli peccaui*; quia scilicet nulla erat tanta in Re-
 publ. illa potestas, quæ pænæ alicui fontem Da-
 uidem posset addicere: sed quidquid in Deum, in
 Vriam, in leges denique ipsas peccauerat, diuinæ
 ultionis vindicta, à qua se ipsum eximere, aut
 subducere non poterat, erat expiandum.

4 Sed ad legum obseruationem reuertamur,
 quæ cum omnibus temporibus & locis, à viola-
 torum iniuria vindicandæ sunt, tum potissimum
 cum recentes adhuc sunt, & nuper latæ, ne si
 contemni statim incipiant cum feruntur, illarum
 ius & auctoritas obsolescat, & concidat. Quod
 enim scelus incredibile alioqui, & ultra auda-
 ciam positum videbatur illud primi legum euer-
 sores fieri posse ostendunt, & verò ut fiat timi-
 dius agredientibus viam munientes animos ad-
 dunt. Hinc Adami, & Eux peccatum tam diu-
 turnis, tam grauib. pœnis vindicatum, hinc
 cædes Abel à Cain illius fratre patrata, vnde pri-
 mò tellus aperuit os suum, & suscepit sanguinem fra-
 tris

Psal. 50. 6.

2. Reg. 12.
14.

*Curandum
 Principi,
 ut leges
 feruentur,
 præsertim
 cum recen-
 ter lata
 sunt.*

Genes. 4.
11.

tris de manu Cain : cum ad illum diem nullo sanguine esset polluta , illas Domini in Cainum diras euocauit. *Nunc igitur maledictus eris super terram.* Ibidem.

cum operatus fueris eam , non dabit tibi fructus suos, vagus & profugus eris super terram : grauis admodum pœna, & expedito aliquo genere mortis longè grauior ; nam quod nos legimus *vagus & profugus* , Septuaginta habent , *εἰς ὅν καὶ τριμὼν* *gemens & tremens*, alij *σαλευόμενος* & *καὶ ἀκαταστάς*. ac si diceret, curarum ac mœroris salo agitated, carnificinaque pectus fodientis & lancinantis conscientiae instinctus, alias subinde regiones mutans. Hinc ludas Crepuit *medius & diffusa sunt omnia viscera eius* , quòd nuper instituti Sacramenti sanctitatem non reueritus primus ore ac corde, quo dirum illud conceperat facinus, quod mens cogitare refugit, sacrum illud mysterium indignè tractare, nec minùs quàm alij, quorum sincerus erat animus , & pectus pietate subactum, vsurpare non dubitauerit. Hinc cum Christi tunc primùm nascens Ecclesia versaretur in primordiis, tantàque esset Christianorum liberalitas, vt propriis latifundiis ac domibus pretio distractis, pecunias quas confluauerant, ad Apostolorum pedes proiicerent, Ananiae ac Saphiræ crimen, qui venditi agri pretij partem aliquam sibi retinuerunt, non verbis tantùm acribus castigauit, sed etiam exanimauit ; nam dixit Petrus. *Anania* Aët. 1. 18.

cur tentauit Satanas cor tuum, mentiri te. Spiritui sancto, & fraudare de pretio agri? Nonne manens tibi manebat, & venundatum in tua erat potestate? quare posuisti in corde tuo hanc rem? non es mentitus hominibus, sed Deo. Audiens autem Ananias verba hac cecidit, & expirauit, & factus est timor magnus super omnes

Num. 15.

32.

Theodo-
ret. q. 31.
in Numer.
Saluian.
lib. 6. de
prouiden-
tia circa
medium.
Iosue 6. 19.
Iosue 7.
26.

omnes, qui audierunt : quo scilicet alij qui mortuum viderant Ananiam , aut ad quos facti fama peruenerat , à diuinæ legis præceptis violandis reuocarentur. Hinc etiam lege Domini Moſis præconio constituta , cum filij Israël in ſolitudine inueniſſent hominem colligentem ligna in die Sabbathi , obrulerunt eum Moſi & Aaron , & vniuerſa multitudini , qui recluſerunt eum in carcerem , neſcientes , quid ſuper eo facere deberent. Dixitque Dominus ad Moſem. Morte moriatur homo iſte, obruat eum lapidibus omnis turba extra caſtra. Cùmque adduxiſſent eum foras, obruerunt lapidibus, & mortuus eſt, ſicut præceperat Dominus. Quamuis enim fieri potuerit vt non diuturnus labor eſſet colligentis ligna , aliquoque neceſſitatis prætextu à grauioris criminis noxa liberari poſſe videatur , ſecus tamen, vel ex eo iudicandum eſt, quod morti oppetendæ iuſto Domini iudicio addictus eſt, eam ob cauſam vt aliqui Patres putant, quod primus legem illam de Sabbatho non violando eſſet transgreſſus. Hinc tandem Acham filius Charmi, cum legem primus violaeſſet, qua iuſſerat Dominus, ne quis ex ſpoliis Iericho ſibi quidquam reſeruare auderet, *Sed quidquid erat auri, & argenti, & vaſorum aneorum, & ferri, Domino conſecraretur, & in theſauris eius reponeretur* : Iosue Dux populi, Domino per ſortes tanti criminis reum iudicante, in vindictam ſcleris, cæterorùmque terrorem lapidibus obruit, magnum ſuper eum lapidum aceruum aggerando, vallique in qua eſt occiſus, *Vallis Acher*, id eſt, *turbationis*, triſte nomen imponendo, quæ appellatio Scriptura atteſtâte loco illi diutiſſimè hæſit, non minus ad patrati criminis memoriam renouandam, quàm ad vindictæ terrorem incutiendum,

riendum, absterrendosque posteros, qui olim lapides illos in vnum aggestos conspecturi essent, noménque vallis audituri, ne sanctitatem legum parui pendere, aut perrumpere auderent. Sed de his hactenus : nam superiore libro, cum de vindicatiua Principis iustitia disputarem, nonnulla dicta sunt, quæ huc commodè transferri possunt, quæ qui volet cognoscere, inde petat licet.

Quærat hic aliquis, melius ne sit, & Reipublicæ salutaris, multas ferre leges, illudque conari nequid à legislatore prætereatur, quod legibus comprehensum non sit ; an verò parcius adhibendæ, ea tantum præscribendo, quæ maioris sunt momenti, reliqua Principis arbitrio reservando. Sanè magis placet leges paucas esse ; nam præterquam quod plurimas habere leges corruptæ Reipublicæ signum est, flagitiorum æquè, ac legum mole laborantis, illud etiam incommodum est, quod multis obruti præceptis, ea vel obliuiscimur, vel etiam, quod deterius est, contemptum imus. Adde hominum naturam liberatis ténacem ad ea ut plurimum niti quæ vetita sunt, ut exemplo discimus vxoris Loth, cui cum imperatum esset ne oculos ad flagrantis incendio ciuitatis aspectum reflecteret, humano malo, quo ægrius veritis abstinetur, parum dicto audiens in statuam salis conuersa est. Itaque Apostoli in Synodum coacti, nouamque Ecclesiam legibus fundantes, paucula quædam eo tempore necessaria statuerunt, reliqua omnia missa facientes in hæc verba concilij illius canonem concipientes.

Visum est Spiritui sancto, & nobis, nihil ultra imponere vobis oneris quàm hæc necessaria, ut abstineatis vos ab

Leges paucas esse debere.

Genes. 19.
17.26.

Act. 15.28.

immolatis simulacrorum, & sanguine, & suffocato, & fornicatione, à quibus custodientes vos bene agetis. Va-

lete. & S. Petrus eos verbis castigans, qui onera Ecclesiæ conabantur imponere grauiora, quàm

*Act. 15. 10. vt ferri commodè possent. Nunc ergo, inquit, quid tentatis Deum imponere iugum super cervices discipulorum, quod neque Patres nostri, neque nos portare potuimus? Sanè iugum graue, nam si iis credimus qui curiosius ista persecuti præceptorum veteris legis numerum supputarunt, vniuersæ legis præcepta sexcenta tredecim fuerunt, verantia quidem ad trecenta sexaginta quinque, quot nimirum dies annum conficiunt; affirmantia verò, ducenta octodecim, vt verè S. Augustinus, legis illius multiplex præscriptum, *Innumerabilem observationum sarcinam* appellarit: quod tamen nullus sapientissimo legislatori vitio vertat, nam perui-*

Abulens.

in cap. 1.

Ruth. 9.

24.

Serm. 9. de

verbis Do-

mini.

cax ille, & duræ cervicis populus, & ad idololatriam procliuis graui multarum legum obseruatione premendus fuit, vt scilicet ceremoniis illis, ritibusque peragendis intentus, circumiectarum nationum errores non hauriret. Adde multiplicibus illis, quasi lineamentis ac picturis euangelicam legem fuisse rudibus illis populis exprimendam, Christi que olim venturi necessitatem aperiendam, qui humanarum virium imbecillitati ferret opem, aliquid de pondere minuendo, & ad id quod fuisset impositum, commodiùs portandum, vires sufficiendo. Cæterum noua lex ceremonialibus illis, ac iudicialibus legibus abrogatis ad pauciora multo sacramenta, & ritus, vnicumque sacrificium reuocata est, vt proinde meritò à D. Paulo nouum testimonium, *verbum breuiatum* dictum sit, nullusque iure conqueri

Rom. 9.

28.

possit,

possit, quasi legum cumulo pressus, aut eas memoria complecti, aut opere præstare arduum sit & difficile, cum dixerit Dominus. *Iugum meum suave est, & onus meum leue.* Sed potius legum hanc facilitatem & paucitatem exosculando, *subiciens illis collum, suscipere debeat disciplinam*, ut alicubi loquitur Ecclesiasticus.

Matth. 23.

30.

Eccles. 51.

34.

6 Illud tandem optandum est, & verò etiam sperandum in Republ. iustis legibus temperata, quam sapiens aliquis Princeps, & communis boni cupidus moderetur, ut non tam atrocitatem pœnarum timentes subditi legibus pareant, quam virtutis amore & beneuolentia ducti, qua Principem prosequuntur: quod si consequi Princeps possit, tunc demum Rempubl. omni ex parte beatam futuram putet. Iudæi qui Ierosolymis versabantur, ad eos qui erant in Ægypto cum scriberent aliquando, nihil se melius optare posse illis, sunt arbitrati, quam si eam mentem ipsis iniici diuinitus precarentur, qua volenti animo diuinæ legis mandata capesserent. *Det vobis, inquit, cor omnibus, ut colatis eum, & faciatis eius voluntatem, corde magno, & animo volenti:* tunc enim *iugum suauis, & onus leue*, quod imponitur à lege, esse videtur, cum non propterea illi paremus, quia lex per metum à nobis exprimit ut illud faciamus, sed nos, quæ iubentur, alacriter facimus, quia legum sanctionibus subiacere delectat. Ideo S. Dauid de se ipso prædicat in Psalmis. *Dilexi mandata tua super aurum, & topazion, propterea ad omnia mandata tua dirigebar:* quasi diceret, cum mandata tua maximi facerem, & mirum in modum placerent, quippe, quæ rationi sunt ac virtuti consentanea, propterea rectum virtutis tra-

Curandum ut subditi legibus non iniuste pareant.

2. Mach. 1.

3.

Psal. 118.

127.

804 *Institutio politica ex sacris Scripturis.*

mitem constanter tenebam nusquam à virtutis via declinans, siue ad dexteram siue ad sinistram. Sed egregiè meo quidem animo Ecclesiasticus, qui auditorem suum ita vult sapientiæ præscripta, atque instituta capeßere, vt ea non tanquam graue iugum, sed potius tanquam præclarū quoddam honestamentum, & quasi torques quosdam non vincula, aut compedes esse putet, sic enim loquitur. *Audi fili, & accipe consilium intellectus, & ne abicias consilium meum. Inice pedem tuum in compedes illius & in torques illius collum tuum, subiice humerum tuum, & porta illum, ne accidieris vinculis eius. In omni animo tuo accede ad illū, & in omni virtute tua conserva vias eius.* Et paulò post. *Et erunt tibi compedes eius in protectionem fortitudinis, & bases virtutis, & torques illius in stolam gloria, decor enim vita est in illa, & vincula illius alligatura salutaris, stolam gloria indues eam, & coronam gratulationis superpones tibi.* Ita enim frequenter vsu venit, vt quæ virtutis studiosis grata accidunt, & mirum quantum iucunda, eadem si eiusdem virtutis osoribus agenda proponantur, ardua, aspera, difficilia appareant, ac proinde ab illis opere præstandis, quantum possunt refugiant. Cum Dominus in Sinæ montis vertice seruo suo Moyßi legis tabulas digito suo conscriptas, populoque vt seruarentur proponendas traderet, magnum ij, qui ad montis radicem confederant, timorem conceperunt: nam cum nubes verticem occupassent, tonitruorum tumultum exaudiebant, fulgurationes intuebantur, elisorumque fulminum iactus formidabant. *Tamque aduenerat tertius dies, inquit Scriptura, & manè inclaruerat, & ecce coeperunt audiri tonitrua, ac micare fulgura, & nubes densissima operire montem.*

Eccles. 6.
24.

Ibid. n. 30.

Prod. 19.
16.

clau

clangorque buccina vehementius perstrepebat, & timuit populus qui erat in castris. At Moses, si Philoni credimus, adeò terrificis illis tumultibus non perturbabatur, vt potius suauibus musicorum instrumentorum sonis, vocibusque modularis mulceretur, quod etiam in sua Apocalypsi D. Ioannes expertus est, qui ait. *Audini vocem cithararum, citharizantium in citharis suis, & vocem quam* *audini sicut vocem tonitruu magni* : vt nimirum ex hisce locis intelligamus facile, plurimum interesse, quo quis modo sit dispositus, nam easdem leges quas duras aliqui, & ad seruandum difficiles existimabunt, faciles alij imo verò iucundas arbitrabuntur; quod si Princeps ita animos subditorum moderari nouerit, & molliter leges proponere, vt subditi volentibus animis illas complectantur, expeditam viam inuenerit, qua citra pœnarum terrorem publicum ciuitatis bonum constanti, suauique legum obseruantia promouere possit.

7 Porro, cum nodus aliquis in germano legis sensu percipiendo inciderit, curandū est, vt iuxta Legislatoris mentem, adhibitis fidis legū illarum Interpretibus, difficultatem quæ negotium nobis facessit euoluamus: fit enim nonnunquam vt animi perturbationibus transuersi agantur homines, & ad sua commoda, aut compendia, legum verba traducant, interpretationibus in eam quam voluerint partem, mala fide torquentes. Huiusmodi Phariseorum, & Scribarum erat ingenium, quos Christus Dominus increpat apud Matthæū, quod minus verè legem de parentibus colendis interpretarentur. *Deus dixit*, inquit Christus, *Honora patrem & matrem, & qui maledixerit patri aut*

Philo.lib.
de som-
niis.

Apoc. 14.
2.

Quomodo
leges inter-
pretari de-
beamus.

Math. 15.

4.

Ecc 3 matri,

Marc. 2.
11.12.

matri, morte moriatur. Vos autem dicitis: Quicumque dixerit patri vel matri, Munus quodcumque est ex me, tibi proderit: & non honorificabit patrem suum, aut matrem suam: & irritum fecistis mandatum Dei propter traditionem vestram: Qui locus sanè difficilis, ex alterius Euangelistæ verbis illustrari potest & explicari. sic enim legimus apud S. Marcum. Vos autem dicitis, si dixerit patri aut matri Corban, quod est donum, quodcumque ex me tibi profuerit, & ultra non dimittis eum quidquam facere patri suo aut matri. Et sensus est, vos Pharisei & Scribæ verum præceptorum Domini sensum prauis vestris interpretationibus corrumpitis, nam cum Dominus iubeat filios, parentes honore afficere, eosque, cum opus habuerint, alere, vos contrà filiorum auaritiâ & in parentes impietatem obsecundantes, aut etiam priuata lucra captantes, & in vos deriuantes ea, quæ parentibus potiori iure deberentur, filiis auctores estis, vt cum sacrificia aliqua offerunt, pro parentibus etiam suis offerant, qui proinde ad partem aliquam sacrificio oblatæ rei percipiendam admittantur, qua iuuentur quidem, & aliqua ratione eorum subleuetur inopia; cæterum eos, non id præstare compellitis, quod diuino iubentur præcepto, vt scilicet eorum occurrant necessitatibus, & quibus in rebus opus habuerint pro facultate prospiciant. Mendax planè interpretatio, & à mendacij parente profecta. Antiquus enim mos est callidi illius serpentis, ac veteratoris diuinarum legum, verba secùs interpretari, quàm iuxta Legislatoris mentem capienda sint. Sic enim primorum humani generis parentum simplicitati imposuit, cum eo consilio pomi illius esum vetitum dixit; quod

quod Deus rerum omnium ingenium ac facultates perspectas habens vereretur, ne si illius arboris fructu vescerentur, tantam rerum omnium scientiam consequerentur, ut Deorum quorundam instar haberent. *Sic enim Deus, inquit, quod* Genes. 3.
in quocumque die comederitis ex eo, aperientur oculi 1.
vestri, & eritis sicut Di scientes bonum & malum.
 Quod quàm verum esset, exitus satis ostendit.

8 Tandem, quia legibus omnia complecti non possumus, nec fortè, si possemus, expediret, veteribus receptisque consuetudinibus suis honos habendus est, illisque tanquam non temere inductis insistendum, curandùmque ut sartæ rectæ in Republ. custodiantur. Nam si cum ipsa lege consuetudo componatur, quàmquam illi concedit in multis, in aliquibus tamen hæc illi præstare deprehenderetur. Legem enim aut unus duntaxat, aut pauci, qui in varias ferme sententias distrahuntur, certè non omnes ferunt. At consuetudo omnium usu & moribus usurpatur. Lex pœnis, quas intentat, armata sibi ciues obtemperare compellit: consuetudo blandè hominum subit voluntates, mentibûsque sibi conciliatis, quæ fieri vult, ut etiam fiat persuadet. Lex vno Principis verbo antiquatur & rescinditur, consuetudo difficiliùs à civium abstrahitur complexu, sitque nonnunquam, ut quantumvis Principes obnitantur obtineat. Leges tandem obscuræ plerumque sunt, multisque pravis explicationibus patent. Consuetudo aperta est, & perspicua, ut nullus illius obtentu alterum circumvenire, aut fucum illi facere possit. Itaque reperimus consuetudines quasdam longo usu confirmatas, eandem ferè vim quam leges obtinuisse. Exemplum ha-

Quoddã de consuetudinibus.

bemus in ea, quam facto suo Dauid, ac deinceps
 perpetuò militaris castrorum mos retinuit, ut
 scilicet ij milites, qui ad custodiendas sarcinas
 sedissent in castris, non minùs essent participes
 prædæ quàm ij qui cum prodissent in expeditio-
 nem, pericula adissent, suoque sudore, aut etiam
 sanguine prædam illam peperissent. *Et factum est,*
 inquit Regum historia, *ex die illa & deinceps con-*
stitutum & præfinium, & quasi Lex in Israël, usque in
diem hanc, ut scilicet, aqua pars esset descendens ad
prælium, & remanentis ad sarcinas, similiterque dini-
derent. In sacra etiam Evangeliorum historia ha-
 bemus eam fuisse Hierosolymis consuetudinem,
 ut quot annis, cum dies sollemnis Paschatis reuo-
 lueretur, vnum aliquem Præses populo liberum
 à carcere dimitteret, quem ipsi postulassent. *Per*
diem autem solemnem, inquit D. Matthæus, *consue-*
uerat Præses populo dimittere unum vinculum quem vo-
luisset: quæ consuetudo ad publicam festi illius
 dici lætitiâ augendam inuenta est; Plurimum
 enim populus lætatur, si vel vni periclitanti sa-
 lutem afferre possit, qui tam insignis beneficii
 auctorem populum agnoscat, & quandiu vixerit
 prædicet, quanquam laudabili consuetudine in
 Christum Dominum à Pharisæis, Scribisque concitatus
 populus abusus est, cum nocentissimum
 Barrabam, plurimisque & grauissimis sceleribus
 coopertum liberum dimitti voluit; eum verò qui
 adeo nullum crimen aut noxam admiserat, ut
 etiam esset de multis priuatum, & de vniuerso
 populo optimè meritis, ut sibi ad mortem dede-
 retur, postulauit. Laban tamen, qui genero suo
 Iacob, pro Rachele quam adamauerat, & ut sibi
 in uxorem daretur postulauerat, Liam natu gran-
 diorem

diorem supposuit, quantumvis consuetudine suæ gentis se satis excusatum putaret, dicebat enim. *Non est in loco nostro consuetudinis, ut minores antea tradantur ad nuptias*, violatæ fidei iniuriæque Iacobo impactæ crimen non euasit, nam tunc demum laudabiliter consuetudinem, quam obtendebat, seruasset, si nulla interueniente fraude de Lia cum ipso matrimonio iungenda transsegisset, nec contra quàm naturæ leges postulant, fidem fefellisset, & Liam filiam, nullo matrimonij vinculo intercedente, prostituisset potius, quam legitimo iure Iacobo quid ageretur ignoranti coniunxisset. Tunc enim consuetudo in abusum degenerat, cum aduersus naturæ iura molitur aliquid, aut contra id quod diuinis legibus est constitutum, quas totius Reipubl. consentientis auctoritas (vtpote supremi Principis Dei voluntate latas) abrogare non potest.

Genes. 29.
26.

*De Ciuitatis condenda situ, aliisque
eodem spectantibus.*

C A P V T V.

1 **S**I vlla res alia Principum nomen illustrat, Seorùmque famam propagat, & ad posteros transmittit, ea est constructio ciuitatis, si opportuno loco sita, si ædificiorum descriptione elegans, si ciuium multitudine celebris fuerit; verissimè enim dictum est ab Ecclesiastico. *Filij & ædificatio ciuitatis confirmabit nomen.* Quemadmodum enim qui filios genuit, etiam si fato ipse

Gloriosum
esse Principi
ciuitates
condere.

Eccles. 40.
12.

810 *Institutio politica ex sacris Scripturis.*

- concefferit, in liberis tamen superstitibus expressam sui reliquit imaginem, iuxta eiusdem Sapientis dictum, cuius illa sunt verba, *Mortuus est Pater, & quasi non est mortuus; similem enim reliquit sibi post se.* Ita qui ciuitates fundarunt, legibusque datis vniuersæ politiæ statum constituerunt, instar parentum habent, & à ciuium illorum pietate perpetuos honores ferunt. Itaque post terræ eluionem, quæ sub Noe fuit, cum hominum familiæ plurimæ essent, & quæ ex iis nascébantur capita propemodum essent innumerabilia, adeo ut eos vnius regionis fines complecti non possent, cum de aliis quærendis sedibus consilium agitarent, antequam alij ab aliis separarentur, de ciuitate condenda, ad tantæ rei memoriam celebrandam, statuerunt. *Dixitque aliter ad proximum suum (inquit Scriptura) Venite, faciamus lateres & coquamus eos igni. Habueruntque lateres pro saxis, & bitumen pro cemento, & dixerunt: Venite, faciamus nobis ciuitatem & turrim, cuius culmen pertingat ad cælum, & celebremus nomen nostrum antequam diuidamur in vniuersas terras.* Facit enim ad celebritatem nominis, quam quærebant, constructio ciuitatis, quanquam illi pro gloria quam impotentius affectauerant, arrogantique consilio vrbs molliendæ, illorum captis resistente numine, superbix infamiam consecuri sunt. Nec dissimilis Princeps ille, cuius superbia describitur in libro Iob, de quo præter cætera, qua superbix, qua potentix suæ argumenta, quæ illic enumerantur, illud etiam dicitur. *Habitauit in ciuitatibus desolatis, & in domibus desertis, quæ in tumulos sunt redactæ: cuius loci sententia est, Principem illum pro sua potentia vrbes euerfas, & solo æquatas instaurare,*

& prætorio ac palatiis Regio sumptu, ac magnificentia excitatis ibi sedem figere, vbi prius vastitas fuerat, & solitudo. Quàm autem gloriosum est Principi, si dirutam ciuitatem, in qua, vt Isaias loquitur, *requiescebant bestia, & replebantur domus draconibus, & in qua struthiones habitabant, & saltabant pilosi, & respondebant ulula in adibus, & sirenes, in delubris voluptatis, egestis ruinis, tectisque excitatis primam faciē ciuitati inducat, & à summa vastitate & solitudine ad celebritatem, frequentiamque traducat?* In huiusmodi ciuitates optimè conuenit, quod Isaias habet quodam loco. *Primo tempore, inquit, alieniata est terra Zabulon, & terra Nephtali, & nouissimo aggrauata est via maris trans Iordanem Galilæa gentium, populus qui ambulabat in tenebris vidit lucem magnam: habitantibus in Regione umbra mortis, lux orta est eis.* Ex Hebræo vertit Forerius. *Primo tempore vilis fuit terra Zabulon, & nouissimo honorata fuit via maris.* Quemadmodum enim regiones illæ, de quibus loquitur Isaias, ignobiles prius fuerant, sed posteaquam Apostolos genuerant, quorum sonus ex illis egressus regionibus in omnem terram exiuit, & vsque ad fines terræ ingentem gloriam sunt consecutæ: ita ciuitates quæ raro fuerint habitatore semirutæ, si Principum industria ad magnam perueniant frequentiam & celebritatem, cum prius essent quasi umbra mortis sepultæ, caput exerunt, & incolarum multitudine & opulentia, quasi lucem aspiciunt. Ex quo magnum in Principem decus redundat, nam vt est in Prouerbiis Salomonis. *In multitudine populi dignitas Regis, & in paucitate plebis ignominia Principis.*

2. Illud autem primò curandum est, si noua aliqua

Isa. 13. 21.

Isa. 9. 1.

Prou. 14.
18.De situs
salubritate.

812 *Institutio politica ex sacris Scripturis.*

*re in quo
locanda ci-
uitas.*

qua ciuitas constituenda sit, vt saluberrimus lo-
cus eligatur, is autem erit excelsus non nebulo-
sus, regionésque cœli spectans, non æstuosas, ne-
que frigidas sed temperatas; cum enim calores
aut frigora nimia sunt, vitia corporibus infun-
duntur; temperatæ verò regiones, vt corporibus
salubres, ita mentis functionibus exercendis sunt
accommodatæ: Paludes autem præsertim vitan-
dæ, quæ ex stagnantibus & inertibus aquis graues
& pestilentes emittunt auras, quæ cum in adia-
centes sparguntur ciuitates, mirum quantum cor-
poribus nocent; quod si ea cautio ratione caren-
tibus animalibus à natura ipsa tributa est, vt sa-
lubribus & temperatis loca mutent insalubria, &
quæ aut nimio frigore laborant aut æstus intole-
rando vapore aduruntur vt in ciconiis, hirundi-
nibus, turturibusque videmus, de quibus ita lo-

Iere. 8. 7.

quitur Ieremias, *Milvus in cælo cognouit tempus
suum, turtur, & hirundo, & ciconia custodierunt tem-
pus aduentus sui*, quæ hominum sit stulticia, si ea
sedibus figendis eligant loca, in quibus aut calo-
ribus nimis coquantur corpora, aut frigoribus
affiduis torpescant, vitæque incommodis viuen-
di cursum contractiorem faciant? De præclara

Psal. 47.

3.

ciuitate Ierusalem, ita loquitur Dauid. *Fundatur
exultatione vniuersa terra mons Sion, latera aquilonis,
ciuitas Regis magni*. Pagninus vertit. *Pulcher cli-
mate gaudium vniuersa terra*: & sensus est, eam ciui-
tatem præclaro in tractu, regione, loco scilicet
amæno salubri & vbere, collocatam esse, & sanè
ita fuit; nam non in saluberrimo tantum tractu
posita erat, sed etiam in monte, quod ad muni-
tionem, salubritatem aëris, prospectusque dele-
ctationem facit, & in terræ Chanaam vmbilico;

quare

quare etiam appellatur ab Ezechiele. *Umbilicus* Ezech. 38.
terra. Itaque S. David canit in Psalmis *fundamen-* 12.
ta eius in montibus sanctis; quod nimirum non vnus Pfal. 86.1.
montis vertice esset suffulta, quod vt dixi ad munitionem facit, nam gressu in aduersum subeuntibus, ac proinde fatigatis pauci de superiote loco facile obsistunt, vimque illatam nullo negotio propulsant. Itaque Saul cum Dauidem montis cacumina tenere audiuisset, expeditissimam militum deligit manum, ex vniuersis copiis, qui robore & leuitate membrorum præstantes, & animorum ardore strenui, alacresque ad Dauidem ascendere non dubitarent. *Assumens ergo Saul,* 1. Reg. 24.
quit Scriptura, tria millia electorum virorum ex omni 3.
Israël perrexit ad inuestigandum David, & viros eius,
etiam super abruptissimas petras, quæ solis ibicibus per-
uia sunt. Quod autem in regionis illius medio sita esset Ierusalém, non vno testimonio Scripturæ probari potest. Legimus enim apud Ezechiél. *Ista est* Ezech. 5.
Ierusalem, in medio gentium posui eam, & in circuitu eius 5.
terras. Et in Psalmis. *Operatus est salutem in medio* Psalm. 73.
terra. Christus scilicet Dominus noster, qui extra 12.
illius ciuitatis mœnia Crucem, nostram salutem operatus, ascendit: nec tantum in medio terræ Chanaan sita est Ierusalem, sed medium etiam locum obtinet inter eas regiones, quas olim antiqui cognitæ habuerunt, adeo vt si circini pedem alterum Ierosolymis figas, alterum ad extrema vsque Africæ littora porrigas, fiet, vt illo circumactò, omnes ferè priscis illis temporibus cognitæ regiones concludantur. Habent autem, quæ sic positæ sunt ciuitates eam vel maximam opportunitatem, quòd propter eam quæ cum cæteris ciuitatibus intercedit vicinitatem, bona quibus

§ 14 *Institutio politica ex sacris Scripturis.*

bus abundant cum illis communicant, ea verò quæ defunt, ab illis abundè suppeditantur. Quæ de re nonnulla dicta sunt, cum de mercatura disputaremus.

*An potiores
res situs
earum ur-
bium, qui
ora maris
adiacent.*

Ezech. 27.

3.

Isa. 37. 22.

3 Eadem de causa ditiores ut plurimum sunt eæ ciuitates, quæ mari adiacent, cuiusmodi Tyrus erat, quam à diuitiis, ex negotiatione paratis, & ab institutorum incolarumque frequentia, mirum quantum sacra scriptura celebrat apud Ezechielem. Quanquam sunt qui potius laudent earum ciuitatum situs, quæ paululum recedunt à mari, nam negotiatorum, exterarumque gentium colluione, quanta in maritimis cernitur ciuitatibus non polluantur, per quos, mores si non prauis saltem exoticis & peregrinis importantur, & tamen iis non destituuntur comoditatibus, quibus illi fruuntur, qui tractus mari imminentes incolunt. Talis Ierusalem, quam propterea *Virginem* Prophetæ non semel appellant, quod alienigenarum gentium moribus corrupta non esset, cum tamen rebus omnibus abundaret, quæ mari aduehantur, sub Salomone præsertim Principe, qui classibus in varias regiones destinatis non solum res ad victum cultumque necessarias, sed ad omne deliciarum genus opportunas Ierosolymam inuexit. Si tamen bellicis commoditatibus agamus, quæ mari adiacent ciuitates, & ad resistendum munitiores esse solent, cum facilius tanto aquarum interiectu arceantur hostes, & ad nocendum si fortè aliis bellum inferre necessitas cogat, opportuniore; quippe quæ non terra tantum militem in expeditionem emittere, sed classibus etiam instructis hosticas regiones infestas habere possunt. Hinc apud Isaiam Tyrus dicitur

citur *Fortitudo maris*, quòd à vicinitate maris, & ad se tuendam, & ad alias ciuitates inuadendas esset instructior. Isai. 23. 4.

4 Quod si præter maris vicinitatem illud etiam adsit, quod solo vberè & pingui vrbs nostra sit posita, plurimum sanè commoditatis accesserit, quantumuis enim aliunde importatæ diuitiæ in celebri aliquo emporio abundant, tamen quia bellis interdum, aut aliqua ratione intercluditur mare, multis premi angustiis necesse est ea loca, quæ nec naturalibus regionis diuitiis redundant, nec aliunde aduectis mercibus gaudere possunt. Itaque Hierusalem præter cæteras laudes, quæ in eam conueniunt, à glebarum etiam fœlicitate commendationem habuit, solique feracitate, dicente Domino apud Prophetam. *Vinea facta est dilecto meo, in cornu filio olei*, in Palestinæ scilicet tractu, qui si figuram spectes, cornu refert: filio autem olei, id est pingui & olei abundantia redundante. In huiusmodi autem solo habitantibus, *Omne robur panis, & omne robur aquæ*: ut est apud Isaiam; Quidquid scilicet ad victum necessarium est (quod panis & aquæ nomine vñtato scripturæ loquendi schemate nuncupatur) semper adest, cum interim, qui aridis locis confederunt, rerum penuria frequenter laborare consueuerint. Pinguè solum, & vber vrbi ponēda diligendum. Isai. 5. 1. Isai. 3. 1.

5 Quærat aliquis quis magnitudinis modus in condenda ciuitate statuendus sit, amplane, an angustis finibus circumscripta esse debeat. Huic quæstioni facilis est responsio. Dicendum enim est pro populi illas habitaturi frequentia, vrbes aut laxiores esse debere, aut murorum ambitu contractiores. Si populus cui sedes paratur, magnus Quam ampla ciuitas esse debeat.

816 *Institutio politica ex sacris Scripturis.*

gnus sit, si solum vber, si locus portuosus vnde aduenarum frequentia speretur, magnæ etiam capacitatis, vrbes extruendæ sunt. Contra si paucorum colonia deducenda sit, si steriles campi, si locus remotus à mari, paucos euocet peregrinos, breuiori murorum gyro contenti esse poterimus.

Quanquam rarò accidit vt vniuersæ ciuitati simul condendæ deligatur area, viæ ac plateæ, domus & prætoria, pontes & templa, aliæque illius partes simul omnes describantur, sed incolarum paulatim crescente numero, nouæ subinde domus & palatia excitantur, donec ad summam frequentiam, & amplitudinē perueniatur. Quamuis enim legamus in Scripturis exépli gratia Ecbatana ciuitatem ab Rege Medorum excitatam, murorum ambitu septam, turribusque in miram altitudinem eductis munitam esse, ita enim nar-

Iudith. I. I.

ratur initio libri Iudith. *Arphaxad itaque Rex Medorum subingauerat multas gentes imperio suo, & ipse adificauit ciuitatem potentissimam, quam appellauit Ecbatanis, ex lapidibus quadratis & sectis, fecit muros eius in latitudinem cubitorum septuaginta, & in altitudinem cubitorum triginta, turres vero eius posuit in altitudinem cubitorum centum: Sitque probabile Regem illum multas bello subiugatorum hominum myriadas in eam compulisse, quod verba illa videntur indicare, Rex Medorum subingauerat multas gentes imperio suo: non tamen facile adducor vt credam ab Arphaxad planè inchoatam esse, sed instauratam potius, amplificatam, inceniúmque ambitu munitam fuisse ciuitatem; ita tamen, vt illius aliquod prius vestigium esset. Quo etiam sensu à Nabuchodonosor Rege dictum est apud*

Dan. 4. 27. Danielem. Nonne hac est Babylon magna, quam ego adifica

edificavi in domum Regni, in robore fortitudinis mea, & in gloria decoris mei? Et in libro Geneseos cum dicitur. De terra illa egressus est Assur, & edificavit Genes. 10.
Ninivem & plateas civitatis, & Chale. Resen quoque 11.
inter Ninivem & Chale. Hac est civitas magna. Quan-
tam enim esse oporteret Principis illius poten-
tiam, qui ingentis vastitatis civitatem ab ipsis
fundamentis moliri, & cum nullum esset illius
rudimentum, perficere possit, qualem nobis sacræ
litteræ describunt, cum de Niniue loquuntur,
quam trium dierum iter habuisse ex sacra disci-
mus historia, quæ profectò ingens est amplitudo,
siue triduo tantum poterat circui, siue (quod Ionæ 3.3.
magis est, sed planè videtur superare fidem) à
porta ad oppositam portam per mediam urbem
transcendo trium duntaxat dierum spatio perue-
niri poterat: siue tandem (quod verius esse puto)
totam urbem, vel certè præcipuos vicos & fora
perambulare volenti, trium continentium die-
rum tempus erat necessarium, quod maximam
quidem urbem fuisse ostendit, non tamen por-
tentosæ, & vix cuiquam credibilis magnitudinis,
qualem duo illi priores dicendi modi videntur
exhibere? Temeritas autem sit, tam ingentes ex-
citare structuras & moles, priusquam experimen-
to didiceris salubre ne sit, an graue cœlum, op-
portunum ne culturæ solum an ineptum, com-
modum an incommodum peregrinis & ciuibus:
vix enim fieri potest, ut humano consilio omnia
præcaueamus, & præcipiamus locorum incom-
moda, & vicia, quæ paulatim experiendo ipso tan-
dem temporis cursu sentiuntur.

*De figura
 an scilicet
 quadrata,
 vel potius
 rotunda.*

6 Sed quæ figura vrbs, quadrata-ne an rotan-
 da aptior erit? Magis placet si quadrata non sit,

F f f

neque

neque angulis procurentibus, ut scilicet ex pluribus locis hostis (si quando obsidione eam cinxerit) conspici possit: in quibus enim anguli procurrunt, ea ciuitas difficilius defenditur; quod anguli magis hostem quam ciuem tueantur. Ideo circularem formam in metandis castris aliis prætulisse videtur Saul, nam de Dauide à pascuis properante ad exercitum, in quo fratres eius militabant, dicitur, *Venit ad locum Magala, & ad exercitum.* Magala Hebraicè circulum significat, eoque nomine, si loci proprium nomen non est, castra orbiculari forma contra hostes munita designantur. Quod si quis eam ciuitatem opponat, quæ D. Ioanni visa est in Apocalypsi, de qua ita scribit. *Et ciuitas in quadra posita est, & longitudo eius tanta est quanta & latitudo.* Facilis est responsio. Nam ibi de Beatorum ciuitate sermo est, quam nulli bellorum tumultus concutiunt, quæque nihil ab hostibus timeret extra omne periculum posita, aliam fortè faciem, figuramque habitura si militantis & se se ab hostibus asserentis typo describeretur.

1. Reg. 17.
20.

Apoc. 21.
16.

*De nomine
vrbi imponendo.*

7 Tandem vrbi nomen aliquod apponendum est, ut vel ab ipso auctore nomenclaturam sortiat, vel aliud nanciscatur, quod fausti sit ominis. Et quidem ab auctoribus dictæ sunt multæ, quarum Scriptura meminit, ab Romulo, Alexandro, Antiocho, Seleuco; Roma, Alexandria, Antiochia, Seleucia. Putant enim Principes, nec immeritò ad nominis sui celebritatem facere, si ampliarum ciuitatum conditores ipsi dicantur, & quoties vrbis illius nomen vsurpatur, rerum ab ipsis gestarum memoria renouetur. Itaque Absalon cum nullos liberos genuisset, sibi ad nominis peren-

perennitatem arcum triumphalem aut pyramidem excitarat, ne vlllo vnquam tempore Absalonis memoria posset obsolescere. Porro Absalon, dicitur in Regum historia, crexerat sibi cum adhuc viveret titulum, qui est in valle Regis. Dixerat enim: Non habeo filium, & hoc erit monimentum nominis mei; vocauitque titulum nomine suo, & appellatur manus Absalon vsque ad hanc diem. Quod verò fecit Absalon etiam reliqui faciunt Principes, cum se se obtulerit occasio. Quare de iis omnibus canit S. David. Relinquent alienis diuitias suas, & sepulchra eorum, domus illorum in eternum. Tabernacula eorum in progenie, & progenie vocauerunt nomina sua in terris suis. Psalm. 48. 12.

Quorum verborum sensus est, Potentes viros cum extinguuntur, diuitias & thesauros, quos congefferant aliis relinquere, eorum verò cadauera exigui alicuius conditorij angustiiis contineri, illudque ipsis pro tabernaculo, imò pro domicilio & palatio futurum, quamuis nomen illustre superesse possit, variâque variis locis rerum gestarum monumenta, epigraphæ marmoribus incisæ, pyramides vrbesque de conditorum nomine appellatæ. Quod si magis placeat nomen aliud indere, quod ab Ædificatoris nomine deductum non sit, illud videtur seruandum vt boni sit ominis, aut certè in oppidum illud, propter soli, aut cœli proprietates, aut propter vbertatem camporum, frequentiamue incolarum, aut aliquid simile egregiè conueniat. Id à veteribus Hebræis frequenter videmus vsurpatum. Nam Bethania obedientia domum significat; Berhleem domum panis; Ephrata, vbertas, siue frugifera; Hanoel-Iair oppida illuminationis; Corozain, mysterium; Cariath Sepher, ciuitas litterarum; Ierusalem

820 *Institutio politica ex sacris Scripturis.*

Item *visio pacis*, seu *pulchritudo pacis*. Nam Hebræorum est consuetudo, ut cum pulchrum aliquid significare volunt, frequenter videndi, aut visus vocabulo utantur; ea enim est pulchri facultas, ut oculos rapiat, & conuertat ad se se. Itaque in

- Genes. 2. Genesi dicitur. *Produxit Dominus Deus, de humo*
 9. *omne lignum pulchrum visu.* Et alibi dicitur, eodem
 Genes. 12. tamen libro. *Novi quod pulchra sis mulier:* in He-
 11. bræo est, *Scio quod sis mulier pulchra visu.* & alibi
 quod in vulgata legimus. *Ascendebant septem boves*
pulchra & crasse, alia quoque septem foeda: In Hebræo
 est. *Vacca pulchra visu, & Vacca mala visu.* Ex hoc
 ergo factum est, ut vox visum significans, pro
 ipsa accipiatur pulchritudine, & apud Italos no-
 stros, qui pulchri sunt, à visu dicuntur *Vistosi*.
 Quare quod in historia Regum dicitur de Ba-
 1. Reg. 13. naia, *Ipse quoque interfecit virum Egyptium, virum*
 21. *dignum spectaculo,* ex Hebræo verti potest. *virum*
 Isai. 53. 2. *visu.* & quod legimus apud Isaiam. *Vidimus eum,*
& non erat aspectus: ex Hebræo bene vertas. *Non*
erat visus. Ex quibus intelligitur, Ierusalem no-
 men significare visum, visionem, siue pulchritudi-
 nem pacis, ut ipsa vocis etymologia illud videatur
 spondere, quod Isaias clarius pollicitus est, cum
 Isai. 32. 18. ait. *Sedebit populus meus in pulchritudine pacis, &*
in tabernaculis fiducia, & in requie opulenta. &
 Isai. 66. 12. *alibi.* *Declinabo super eam quasi fluvium*
pacis. & in Psalmis. Orietur in
diebus eius iustitia, &
abundantia
pacis.

*An Peregrini in ciuitates admit-
tendi, & an Cines deductis co-
loniis aliò ablegandi.*

C A P V T VI.

Quari meritò potest futurus ne sit in bene constituta Republ. Peregrinis locus; videmus enim nationes aliquas inter se quietissimè agere, reliquorum verò mortalium cætus refugere, & commercia abnuere, nec intra suos fines peregrinos pati; adeò vt si quis externus in eorum ciuitates pedes intulisse prehensus fuerit, ea res homini illi sit capitalis. In Republ. quidem Hebræorum, vt hinc exordiamur; non solùm aduonis erat locus, sed magnum etiam eorum numerum in ea aliquando fuisse comperio, vt sub Dauidè, ac Salomone, cum Israël's Regnum maximè floruit; nam in secundo Paralipomenon libro dicitur. *Numerauit Salomon omnes viros profelytos, qui erant in terra Israël, & inuenti sunt centum quinquaginta millia, & tria millia sexcenti.* Hos autem omnes ætate, & viribus integris fuisse necesse est; nam laboriosissimo operi, ad lapides scilicet in montanis latomiis cædendos, & ad onera conuehenda, Regis imperio destinati sunt, dicitur enim eodem loco, *Fecitque ex eis septuaginta millia qui humeris onera portarent, & octoginta millia, qui lapides in montibus caderent, tria autem millia, & sexcentos præpositos operum populi.* Oportet autem ex eodem genere senes multos, infantes, mulieres,

An Peregrini in urbem admittendi, aut aliqua occasione sue pacis sue belli tempore eiciendi.

2. Paral. 2.
17.

Ibid. n. 18.

822 *Institutio politica ex sacris Scripturis.*

& inualidos fuisse, qui hoc numero non censerentur. Hi ergo aduenæ, siue profelyti, quanquam se se aggregarant Iudæis, & circumcisione consignati eorum sacra, religionemque susceperant, tamen, ut nomine distinguebantur, ut apparet ex illa S. Lucæ enumeratione, in qua dicitur:

- Act. 2. 11.** *Iudai quoque & profelyti.* ita etiam iure æquales non erant: nam isti in terra promissionis nec agrorum possessiones adipisci poterant, quæ veris tantum Israëlitis cedebant per tribus & familias; nec ad Reipubl. honorifica munia adspirare, quorum ij tantum participes erant, qui Israëlitici seminis prærogatiua gauderent. Quanquam autem hoc ut plurimum seruaretur, ut scilicet ab administranda Republ. aduenæ, siue profelyti arcerentur, probabile tamen est aliquos peculiari priuilegio admissos, quos vel personæ dignitas, vel promerita in Israëllem, ut id consequerentur dignos reddidissent. Talis videtur Achior ille, ex Ammonitarum natione, quæ gens licet ordinaria Dei lege prohiberetur, ne vnquam in Ecclesiam Dei, hoc est in publicorum munerum communionem venire posset, ut ex Deuteronomio discimus, populo tamen Dei aggregatus est, & non solum ciuitatis iure donatus, sed etiam ut
- Deut. 23. 3.** probabiliter sentit D. Thomas, & cum eo Serrarius noster, ut populi honores gerere posset; quod nimirum Ammonitarum Ducem, domi suæ potentem, & opulentum, de Iudæis, eorumque Deo coram Holopherne in omnium Principum conspectu fortiter, & honorificè locutum, modis omnibus ornare rationi consentaneum videretur. Sed hoc ut dixi Achiori ex priuilegio indultum est, & fortè aliis postea eiusdem conditionis, aut
- meriti:

meriti : & sanè si hoc non licuisset , quomodo
Pharisæi tam intenta cura profelytos facere stu-
duissent , gentilibus ad Iudæorum sacra traductis ,
quibus proclive fuisset cum vrgerentur , humi-
lem in ea Republ. profelytorum conditionem ,
qua deterrerentur , obiiicere ? Non tamen negaue-
rim ferè pauperiores fuisse profelytos , & adue-
nas , abiectionisque fortunæ : quod ex eo colligi-
tur , quod exigua fortè aliqua stipe ad vitam to-
lerandam assignata à Salomone ad onera portan-
da deputati sunt , vt supra ex Paralipomenis dixi-
mus , cum interim Israëlita diuitum & ingenuo-
rum more bene haberentur ; ita enim legimus in
historia Regum. *De filiis autem Israël non constituit* 3. Reg. 9.
Salomon seruire quenquam , sed erant viri bellatores & 22.
ministri eius , & Principes , & Duces , & Præfecti cur-
rum & equorum , &c. Quodque in Deuteronomio Deut. 24.
cum pauperibus viduis , ac pupillis aduenæ cen- 19.
ferentur , siue in terra Israël sedes fixas haberent ,
siue in ea peregrinarentur , patriam postea repeti-
turi : vtrosque enim vox Hebræa *גֵּר* & Græca *ἀπο-
σταλ* & complectitur , quibus ad inopiæ solatium
concedebantur manipuli à messoribus per obliuio-
nem in agro relictæ , oliuæque & racemi , qui in
oliuetis & vinetis collectorum manus effugissent.
Hæc ergo aduenarum conditio fuit in Hebræo-
rum Republ. Quod si iam quaratur vniuersim
admittendi ne sint , aut quod barbaris aliquibus
placere dicebamus , procul habendi peregrini :
Respondeo duplex tempus distingui posse , belli
alterum , alterum pacis , & sanè cum hæc conti-
gerit quid pulchrius esse potest , quam conueni-
arum vndique confluentium multitudo , qui aut
mercaturam exercentes , cibaria , vestes , domesticæ

suppellectilis, aut bellici apparatus instrumenta, in ciuitates importare consueuerunt, aut alia aliqua honesta de causa ciuitates illas incolentes, artificijs, industria, professione disciplinarum, pecuniis allatis publico commodare solent, quibus rebus cum abundant ciuitates, nihil desiderare possunt eorum, quæ ad vitam propagandam, iundò ad eam fæliciter ac beatè traducendam facere possunt. Hanc ob causam Tyrij, quos per Prophetam castigat Dominus, sibi nimium quantum placebant, quòd Syri, Damasceni, Carthaginenses, aliæque nationes longiùs dissitæ portum illum subirent, emporiumque frequentarent, ex quo fiebat, vt ciuitas opibus, potentia, delicijs etiam abundaret. Quare apud Ezechielem hæc

Ezech. 27. 3. legimus. *O Tyre, tu dixisti: Perfecti decoris ego sum, & in corde maris sita. Finitimi tui, qui te adificauerunt, impleuerunt decorem tuum;* quo loco Propheta latè institutorum peregrinorum multitudinem recensere pergit, quorum diuitiæ & deliciæ cum Tyriis, in quorum ciuitatem inferebantur, communes fiebant. Nam finitimos populos ciuitatum proximarum euocare solet, mercatores quidem quæstui faciendo imminentes lucri spes ostentata, humilè verò plebem & obscuram annonæ vilitas opportunitasque earum rerum parandarum, quibus vita sustentatur. Quanquam verò peregrini nullam Reipubl. partem attingere debent, nec in curiam admitti, nec exercere solent iudicia. Quare

Genes. 19. 9. Lotho dicebant Sodomitæ; *Ingressus es vt aduena, nunquid vt iudices?* Indulgeri tamen potest, & vero etiam solet in bene temperatis ciuitatibus, vt si multi gentis alicuius, præsertim mercatores, celebre aliquod emporium habitent, quia inter se frequen

frequenter agunt, existuntque controuersia quæ morum illorū, & linguæ non ignaro disceptatore indigent, quædam illis iudicia relinquantur, & ab ipsismet, vel à Principe vnus aliquis, vel plures nationis illius consules aut iudices, qui causas cognoscant, constituentur. Babylone captiui agebant Hebræorum plurimi, iis Rex permittebat vt suos haberent iudices, qui iuxta patrios mores, at leges ius dicerent. Id ita se habuisse discimus ex Susannæ historia apud Daniele, in qua legimus: *Et constituti sunt de populo duo senes iudices illo annò.* Quibus etiam capitalium causarum cognitio permessa videtur, quod Iudæis Romani concedendum non putauerunt, postquam Iudæa in prouinciam redacta est, & Roma missis Præsidibus cœpit gubernari. Atque propterea si Ruperto credimus, aliisque sententiam illius secutis Pilato dicente Iudæis de Christo, *Accipite eum vos; & secundum legem vestram iudicate eum,* *dixerunt Iudæi: Nobis non licet interficere quenquam.* Quod si bellicus aliquis tumultus ingruerit, rursus dispiciendum arbitror, magnus ne sit externorum numerus, meritòque formidandus, an modicus, & à quo nihil admodum incommodi rebus nostris timere possimus; nam si pauci fuerint, si pacati, si armorum tractandorum imperiti, nullam video causam propter quam Regni finibus exigantur; imò plerumque accidere posse arbitror, vt pauci illi obsidium instar obtineant, fiatque vt aduersarius Princeps suorum periculo deterritus (ne scilicet in suos quid grauius confusatur) à violandis externis qui in suo Regno viuunt, abstinere compellatur. Quod si magna sit multitudo peregrinorum, si ingenia acria, parum

Dan. 13.5.

Ioan. 18.

31.

§26 *Institutio politica ex sacris Scripturis.*

- quieta, si rerum nouarum cupida, si rei militaris non planè rudia, tunc diligenter cauendum Principi putauerim, ne quid ab externis istis hominibus publica res detrimenti capiat. Itaque nisi illud euenerit, quod frequenter solet accidere vt
- Isai. 13. 14. scilicet tempore bellici tumultus, *Vnusquisque, vt loquitur Isaias, ad populum suum conuertatur, & singuli ad terram suam fugiant*, Principi cordi esse debbit, vt eos suis finibus pellat, aut certè numerum minuat, quo ciuibus suis securitatem paret, eorumque conatus anteuertat, ne dicere cogatur
- Psal. 53. 4. aliquando Dauidicum illud. *Quoniam alieni insurrexerunt aduersum me*, viribusque extrinsecus aduenientibus intestino malo adiutis extrema ciuitati perniciēs concilietur, locusque fiat Prophe-
- Isai. 25. 2. tæ illius querimonix, qui dicebat. *Quia posuisti ciuitatem in tumulum, urbem fortem in ruinam, domum alienorum vt non sit ciuitas*. Quod etiam timuit Pha-
- Exod. 1. 10. rao cum dicebat suis, *Venite, sapienter opprimamus eum* (Israëlem scilicet) *ne forte multiplicetur*, & si ingruerit contra nos bellum, *addatur inimicis nostris, expugnatisque nobis egrediatur de terra*. Recolendaque
1. Reg. 29. 3. Satraparum Achis prudens sententia, qui Dauidem cum Hebræis sub externo Rege aduersus suos merentem adeo suspectum habuerunt, vt non prius de illo dimittendo Principem suum vrgerē destiterint, quàm quod cupiebant effectum dedissent. Sed forrè miretur aliquis, quamobrem Philistæi, qui Davidis arma suspecta habuerant, nec eum in castris hærere permiserant, ne fortè cum ad pugnam ventum esset proditis Philistæis, Saulis partes adiuuaret, eum tamen in terram Philistæorum præsidio militum vacuum redire permiserunt, nec timuerunt ne fortè dum
ipfi

ipſi verſarentur in caſtris ipſe regionem vaſtaret ac diriperet, prædas ageret, ſtragemque latè daret imbellis turbæ, quæ domi remanſerat, viris bellatoribus in expeditionem egreſſis; nam quod Amalecitæ fecerūt, qui cum Dauidem abeſſe ſenſiſſent, *Impetum fecerūt ex parte aſtrali in Siceleg, & percufferunt Siceleg, & ſuccenderunt eam igni, & captiuas duxerunt mulieres ex ea, à minimo uſque ad magnū;* Eandem opportunitatē nactus præſtare potuiſſet, præſertim tam inſigni iniuria Satraparum prouocatus, qui eum tanquam Regi parum fidum è caſtris exegerant; nec fortè minus placatum ſibi Saulem reddidiſſet, ſi aliam quampiam Regnī Achis partem, turbis excitatis infeſtam reddidiſſet, nam & hoſtium caſtra, cura ac timore compleuiſſet, & copias Philiſtinorum in plures diſtraxiſſet partes, cum patria teſta quæ reliquerant, fumantia procul conſpexiſſent, cedetſque, quas hoſtilis furor perpetraret, animo coniectarent, ad auxilium ſuis ferendum accurrere coacti fuiſſent. Sed fortè prudenter Philiſtæi magis ſibi à Dauide timebant, ſi remaneret in caſtris, cum præſertim agmen vniuerſum clauderet, facileque poſſet in Philiſtæorum terga cum Saule pugnantium mucrones diſtringere, qua etiam ratione Saulem ſibi magis reddidiſſet placatum, ſi ad eos occidendos viros, quibus Philiſtæorum ſtabat imperium opis aliquid cum maxima vigeret neceſſitas contuliſſet. Nec adeo à militum præſidio deſtitutæ Philiſtæorum ciuitates erant, vt à ſexcentis viris ſibi timere poſſent, cū præſertim mœnibus vndique cingerentur, vt facile exterram paucorum hominum vim propulſare poſſent, de regionis enim huius ciuitatibus legimus

1. Reg. 30.

1.

828 *Institutio politica ex sacris Scripturis.*

Deut. 9.1. in Deuteronomio eas fuisse *Ingentes, & ad coelum usque muratas*: Nec si oppidulum Siceleg, quod Dauidi tribuerat Achis, ut ibi cum suis moraretur, Amalecitarum incurſibus, & iniuriæ opportunum fuit, idem de aliis maioribus Philistæorum oppidis credendum est. Nam Siceleg solus Dauid cum suis incolebat, quibus ad bellum egressis propugnatoribus vacua Siceleg est relicta; at verò ciuitates reliquæ, ut frequentiores, ita etiam plurimis in bellicâ expeditionem emissis, multi tamen hæserant domi, qui ingruentem hostem propulsare possent.

*De Asylis,
an licita
sint.*

3. Reg. 11.
40.

Deut. 23.
15.

2 Ad vrbes etiam amplificandas asyla conducunt, de quibus quæri potest, an iure aperiri possint exulibus eiectionisque, qui patria propter patrata crimina, aut ob iustam Principis offensionem exciderant, admissis & in tutelam etiam receptis, quod Ægypti Rex cum Ieroboamo fecisse videtur, qui cum à Salomone sibi periculum imminere sensisset, *Fugit ad Sesac Regem, & fuit ibi usque ad mortem Salomonis*, ut habemus in Regum historia. Et quidem huiusmodi asylis fauere videtur Deuteronomij lex, quæ est huiusmodi. *Non tradas seruum Domino suo, qui ad te confugerit, habitabit tecum in loco qui ei placuerit, & in una urbium tuarum requiescet, ne contristes eum.* Sed lex ista Deuteronomij de iis seruis accipienda est, qui quod malè habeantur à Dominis, eorum sæuitiam fugiunt, tantisper abfuturi dum se dominorum frangat indignatio, ad eos quorum possessio sunt, cum ira subsederit, redituri. Sanè si Principes facinorosos homines tueantur, iure timendum est, ne ipsi ad audendum proiectores impunitate fiant. Adde passim censere omnes, iura legesque amicitia

amicitiæ violari, si eos quos Principes perduelles, aut infensos experti sunt, quique de Republ. malè sunt meriti, Princeps alius, alioqui amicitiam professus, apud se honestè habitos, securos & impunes esse velit. Dium Petrum Herodes detinuerat in custodia, qui mox angeli ministerio eductus, periculum euaserat: commouit ea res Herodem, qui propterea *Tyriis, & Sidoniis iratus* Act. 12. 10. erat, quod Petrum, quem læsæ maiestatis reum ipse faciebat, in suam ipsi fidem recepissent. Quare Sidonij & Tyrij interposita Blasti gratia placatum Regem sibi reddere studuerunt, ne fortè duriorē ipso irato annonam experirentur com meatibus, quibus indigebant, interclusis. Et tandem fœderis ea conditio fuit inter Romanos, & Iudæos his verbis concepta in Machabæorum historia, *Si qui ergo pestilentes refugerunt de regione ipsorum ad vos, tradite eos Simoni Principi Sacerdotum, ut vindicet eos secundum legem suam.* 1. Machab. 15. 21. Nec verò satis commoda videtur hæc ratio ad ciuitates augendas, nam scelestos homines, & criminibus infames, quis credat fidos fore, & quietos ciues si in Reipubl. sinum recipiantur? imò potius suspectos Principi esse debere crediderim, ne si fortè bellicus aliquis tumultus exarserit, vt suorum Principum gratiam ineant, & ad reditum in patriam sibi viam muniant, noui aliquid moliantur in eorum perniciem, apud quos pacatè ad eam diem versati sunt, quo nomine apud Achis Regem Seth quantum poterant Satrapæ contenderunt, & verò etiam euicerunt, vt Dauid à castris procul haberetur, vt huius capitis initio dictum est.

3 Sequitur, vt de Coloniis dicamus, quæ à veteri

1. Reg. 27.

12.

An utilis
Coloniarū
deductio.

836 *Institutio politica ex sacris Scripturis.*

veteribus multas ob causas excogitatae sunt, nimirum ad deuictos populos in fide & officio continendos, ad constituenda variis in locis Imperij propugnacula, ad remunerandos veteranorum militum labores, qui ætate ac laboribus fracti prædiolo aliquo publica auctoritate donati, post impetratam missionem in suo lare, quod vitæ supererat, quietè transigebant, ad ciuitatem urbana plebe (tanquam sanguinis missione in humano corpore facta) exonerandam, qua etiam ratione seditionibus occurrebatur, quæ cum hoc genus hominum corripuerunt, feruere violentiùs solent; tandem ad gentem illam augendam, qua coloniæ emittuntur. Quemadmodum enim arborum rami ab arbore aliqua decisi, in magnas etiam ipsi euadunt arbores, cum fertili panguntur solo, quæ alioqui ad eam magnitudinem non excreuissent, ita pauci etiam homines, qui cum patriam colerent, mutuò se prementes crescere non poterant, in varias distracti regiones, mirum quantum eo laxamento capiant incrementi. Huius rei luculentum habemus in Scripturis testimonium, nam vt canit S. David, *Intrauit Israël in Ægyptum, & Iacob accola fuit in terra Cham, & auxit populum suum vehementer*: tot verò hominum myriadam (nam cum census in deserto, illis ex

Psal. 104.
23. *Ægypto exeuntibus initus est, sexcenta millia virorum superarunt, iis in censum præteritis, qui aut vigesimum annum non attigissent, aut masculini sexus non essent) septuaginta quinque animæ, vt legimus in Apostolorum actis, stirps fuerunt. Nec terra tantam populorum varietatem, nacta esset, nisi post Noe diuisæ fuissent gentes post diluuium, earum Principibus diuersas regiones*

Psal. 104.
23.

Numer. 1.
45.

Act. 7. 14.

Genes. 10.
32.

nes

nes petentibus, in quibus crescente sobole frequentissimæ ciuitates conditæ sunt, terræque tractus incolarum multitudine celebrati. Porro Colonia hanc Reipubl.afferunt vtilitatem, quod cum eiusdem sint nationis, eisdemque legibus, ac moribus, quibus diuturno vsu assueuerunt, viuunt, suæ genti magis fidæ, eiusdemque cum suis à quibus originem ducunt factionis esse consueuerunt, nec faciliè in ritus ac mores alienos degenerare. Philippi ciuitas in Macedonia Romanorum erat colonia, de qua in actis Apostolorum ita legimus, *Inde venimus Philippos, quæ est prima partis Macedonia ciuitas Colonia.* Porro in hanc ciuitatem cum D. Paulus venisset, diuinæque doctrinæ prædicatione ciuium animos commouere cœpisset, multique vt ferè accidit orientis veritatis otores extitissent, eam in primis obtere cœperunt causam, propter quam nouitiam illam religionem, quam noui præcones circumferebant, suscipere non possent, quod scilicet Romanorum genus essent, quibuscum sanguinis propinquitate coniuncti, cultu etiam religionis similes esse debebant nouis sacris, quæ inculcabantur planè repudiatis; ita enim loquebantur:

Annuntiant morem, quem non licet nobis suscipere cum Act. 16. 21.

simus Romani. Itaque Assyriorum Rex cum anno nono Oseæ Regis Samariam cœpisset, Israëlitarumque populum in Assyrios transtulisset, ne scilicet amplius rebellare possent, aut tumultuari, colonias suorum in Regnum Samariæ deduxit, vt illud magis fidum, pacatum, dictoque audiens haberet.

Adduxit autem, inquit Scriptura, Rex 4. Reg. 17.

Assyriorum de Babylone, & de Cutha & de Anah, & 6.

de Emath, & de Sepharuaim, & collocauit eos in ciui- Ibid. n. 24.

tatibus

832 *Institutio politica ex sacris Scripturis.*

ratibus Samaria pro filiis Israël qui possederunt Samariam, & habitauerunt in urbibus eius: & sanè illi consilium processit, nam adeò coloni isti à Regum Assyriorum, Chaldæorum, Medorum, atque Persarum fide non defecerunt, vt etiam pro illorum tuenda ditioe, arcendisquè Iudæis, vt Principibus suis gratificarentur, plus æquo solliciti fuisse reperiantur. Nam cum duæ tribus, Iuda scilicet & Benjamin de Babylone reuertissent, vrbisque Ierusalem incenia, qua denuo moliri, qua collapsa restaurare cæpissent, super hoc Regi Artaxerxi, cui suam fidem probare cupiebant, scripserunt, qua in epistola hæc inter alia leguntur. *Nos memores salis, quod in palatio comedimus, & quia læsiones Regis videre nefas ducimus, misimus & renuntiauius Regi; nec prius ædificatione prohibere Israëlitas destiterunt, quàm suo rescripto Rex & Iudæis ciuitatis ædificandæ, potestatem faceret, & ipsi quietem agere iuberentur.*

1. Esdr. 4.

14.

Beneuolentiam populi, subditorumque, Principem sibi conciliare debere.

C A P V T VII.

Beneuolentiam populi, parari moderatione imperij, & lenitate agendi cum subditis.

I Nter præcipua Regni præsidia meritò beneuolentia populorum in Principem numeranda est, quos quia nec armis cogere, vt ament, nec eorum beneuolentiam auro parare possumus, sed fide, officio, imperandique moderatione, & lenitate,

lenitate, aliisque artibus nobis conciliamus, paucula quædam attingenda sunt, ex quibus intelligere possit Princeps, qua sibi ratione ad eorum voluntates demerendas viam munire possit. Quâvis ergo Principi necessaria sit maiestas, de qua superiore libro satis disputatum est, ab ea tamen si amari velit, fastus omnis, superbæque ostentatio remouenda est, cauendumque ne populi meritò suspicari possint Principem typho potestatis inflatum, alios præ se contemnere, aut etiam auersari, sed potius illi ita agendum est, ut celsitudinis Regiæ fastigium, quantum salua maiestate potest, lenitate agendi demittat, ut scilicet, quantum subditi reuerentur viri Principis auctoritatem, tantum mores placidos, ac faciles suspiciant, & exosculentur. *Rectorem te posuerunt*, inquit Eccles. 32. Ecclesiasticus, *noli extolli, esto in illis, quasi unus ex ipsis*. Quod quamuis à Sapiente de modiperatoribus in conuiujs, quorum Regnū in potandi mensura versabatur, dictum sit, commodè tamen ad alios quoscumque transfertur, qui in alios imperium sortiuntur. Nec verò facilitas hæc, quam Principi commendatam cupio, ita beneuolentiæ gratiam conciliat, ut corrumpat maiestatis decus, nam virtutes hæc specie dispares, ita inter se prudentia iungi, ac temperari possunt, ut alteram altera tueatur ac protegat. Luculentus huius rei testis est Sapiens, cuius illa sunt verba in Ecclesiastico. *Fili in mansuetudine opera tua perface, & super hominum gloriam diligeris*. Cuius loci sensus est, ut alio loco dixisse meminimus, si moribus fueris mitibus, si in subditis gubernandis plus beneuolentia quàm seueritate, cohortatione quàm commotione, charitate quàm potestate agendum putaueris,

Prou. 10.
28.

taueris ; adeò gloriæ & maiestatis dignitatem non amittes, vt potius id sis consecuturus, vt ad dignitatem, quam Principatus fastigium secum affert, beneuolentiæ etiam subditorum cumulus accedat. Vel etiam sensus esse possit, adeò diligere à subditis, vt hominum gloriam, quam cum Principatu consecutus es, populorum æquet beneuolentia, aut etiam superet. *Misericordia & veritas*, inquit Salomon, *custodiunt Regem, & roboratur clementia thronus eius.* Quibus verbis, paucis complexus est Sapiens eas artes, quibus populorum beneuolentiam citrà peccati alicuius culpam, imò cum virtutis laude possit Princeps aucupari, fide nimirum, & constantia dictorum, & conuentorum, quod veritatis voce expressit, & misericordia in subditos, propensaque voluntate, calamitates eorum, miseriaeque subleuandi, sique fontes aliqui plectendi sint, clementia, qua rigor ille iustitiæ mitigatur, & mollescit. Quanquam vulgatus noster interpretes, pro vna Hebraica voce, duplicem posuit in sua interpretatione ; nam quod ipse primò misericordiam dixit, deinde clementiam, vnius & eiusdem Hebraicæ vocis est interpretatio, quæ vtrumque significat, nam *רחם* benignitatem, seu beneficentiam, pietatem, humanitatem, affectusque propensionem ad aliquod bonum, aut officium in aliquem conferendum. Veritas autem constantiam, vt dixi, in pactis, conuentisque significat. Sic cum dicitur in Genesi: *Si facitis misericordiam, & veritatem cum Domino meo, indicate mihi* ; Sensus est, si beneficium hoc in Dominum meum conferre vultis, & collatum constanti voluntate conseruare, indicate mihi. Huc facit, quod de Regno Dauid legimus in Macha-
bæorum

Genes. 24.
49.

bæorum historia, cum dicitur. *David in sua misericordia consecutus est sedem Regni, & sæcula: & sanè mansuetudinem illius, morèsq; facillimos, non alij tantùm laudibus extollunt, sed ipsemet prædicat in Psalmo cum ait. Memento Domine, David, & omnis mansuetudinis eius, cuius fructum vberimum tulit; nam Regnum suum iuxta Salomonis dictum stabilivit, suosque omnes adeò Regiæ incolumitatis amantes, ac studiosos reddidit, ut quia semel capitis periculum adierat, eum in posterum à belli discrimine arcerent, ne fortè, ut ipsi loquebantur, Extingueretur lucerna Israël, mortis scilicet tenebris luculenta illa lampas obrueretur, quæ Israëlẽm vniuersum clarissimo suo splendore recrearet.* Quo exemplo cum aliis huc spectantibus utitur D. Ambrosius ad rem de qua agimus confirmandam, libro de officiis secundo: quem locum, quia insignis est, addere placuit; ita enim scribit. *Ac primum nouerimus nihil tam utile, quàm diligi, nihil tam inutile quàm non amari. Nam odio haberi exitiale ac nimis capitale arbitror. Itaque id agamus, ut omni sedulitate commendemus existimationem, opinionemque nostram, ac primum placiditate mentis, & animi benignitate influamus in affectum hominum: popularis enim & grata est omnibus bonitas, nihilque tam facilè illabitur humanis sensibus. Ea si mansuetudine morum, ac facilitate animi moderatione precepti, & affabilitate sermonis, verborumque honore, patienti quoque sermonum vice, modestiag, adiunetur gratia, incredibile quantum procedit ad cumulum dilectionis. Legimus enim, non solum in priuatis, sed etiam in ipsis Regibus, quantum facilitas blanda affabilitatis profuerit; aut superbia, verborumque obfuerit tumor, ut Regna ipsa labefactaret, & potestatem sol-*

1. Machab.
2. 57.

Psal. 131.
1.

2. Reg. 21.
17.

D. Ambr.
2. de offic.
cap. 7.

836 *Institutio politica ex sacris Scripturis.*

ueret. Iam si quis consilio, usu, ministerio, officiis, popularem comprehendat gratiam, aut si quis periculum suum pro uniuerſa plebe offerat, non est dubium, quod tantum charitatis à plebe in eum refundatur, ut populus salutem eius, & gratiam sibi praeferat. Quantas Moyses à populo Dei illatas absorbebat contumelias, & cum Dominus in insolentes vindicare vellet, se tamen pro populo offerebat frequenter, ut indignationi diuina plebem subduceret. Quam miti sermone post iniurias appellabat populum, solabatur in laboribus, delinibat oraculis, fouebat operibus, & cum Deo constanter loqueretur, homines tamen humili, & grata appellatione affari solebat.

Exod. 33.

Exod. 34.

Deut. 34.

Ameritò estimatus est supra homines, ut & vultui eius non possent intendere, & sepulturam eius non repertam crederent, quia sic sibi totius plebis mentes deuinxerat, ut plus eum pro mansuetudine diligerent, quàm pro factis admirarentur. Quid eius imitator Dauid electus ex omnibus ad plebem regendam, quàm mitis & blandus, humilis spiritu, sedulus corde, facilis affatu? Ante

1. Reg. 17.

1. Reg. 18.

2. Reg. 1.

2. Reg. 3.

regnum se pro omnibus offerebat. Rex cum omnibus aquabat suam militiam, & partiebatur laborem, fortis in bello, mansuetus in Imperio, patiens in conuicio, ferre magis proptus quàm referre iniurias; Ideo tam charus erat omnibus, ut iuuenis ad Regnum etiam inuitus peteretur, resistens cogeretur, senex ne pralio interesset, à suis rogaretur, quod mallent omnes pro ipso periclitari, quàm illum pro omnibus. Ita sibi gratis officiis plebem obligauerat. Primum, ut in discordiis populi exulare in Hebron mallet, quàm in Ierusalem regnare. Deinde ut etiam in hoste positam virtutem diligeret, iustitiam etiam his, qui arma contra se tulerant, aequè ac suis praestandam putaret. Denique fortissimum aduersæ partis propugnatorem Abner Ducem & inferentem praelia, miratus est, & orantem pacis gratiam non aspernatus, ha-

norauit

norauit conuiuio, interemptum infidiis doluit & fleuit, prosequutus exequias honestauit, mortem ultus conscientia fidem prestitit, quam filio inter hereditaria iura transcripsit: magis sollicitus ne innocentis mortem inultam relinqueret, quàm quò suam mortem doleret, non mediocre istud præsertim in Rege, sic obire humilitatis munia, ut communem se exhiberet etiam infimis: alieno periculo cibum non quarere, potum recusare, peccatum fateri, seque ipsum pro populo offerre morti, ut in se Diuina indignatio conuerteretur cum ferienti Angelo offerens se diceret. Ecce ego peccavi, & ego pastor malum feci, & iste grex quid fecit? Fiat manus tua in me.

3. Reg. 4.

1. Reg. 21.

2. Reg. 23.

2. Reg. 24.

Nam quid alia dicam, quod dolum meditantibus os suum non aperiebat, & tanquam non audiens, nullum sermonem referendum putabat. Non respondebat conuiitiis; cum sibi derogaretur, orabat; cum malediceretur, benedicebat; ambulans in simplicitate, & superborum fugitans arrogantiam, sectator immaculatorum, qui cinerem miscebat alimentis suis, cum peccata propria deploraret, & potum suum temperabat fletibus. Meritò sic expetitus est ab vniuerso populo, ut venirent ad eum omnes tribus Israël dicentes. Ecce nos ossa tua, & caro tua sumus, & heri & nudius tertius, cum esset Saul, & regnaret super nos, tu eras qui producebas & inducebas Israël, & dixit tibi Dominus. Tu pasces populum meum Israël. Et quid plura de eo dicam, de quo huiusmodi Dei processit sententia, ut de eo diceret. Inueni David seruum meum, secundum cor meum? Quis enim in sanctitate cordis, & iustitia sicut iste ambulauit, ut imple-ret voluntatem Dei? Propter quem & delinquentibus posteris eius venia data, & prerogativa est reseruata heredibus. Quis igitur non diligeret eum, quem videbat ita charum amicis, ut quia ipse sincerè amicos diligebat, aequè diligi se à suis amicis arbitraretur? Denique

Psal. 37.

Psal. 108.

Psal. 100.

Psal. 101.

2. Reg. 5.

Psal. 88.

21.

Act. 133.

Psal. 39.

3. Reg. 11.

838 *Institutio politica ex sacris Scripturis.*

parentes cum filiis suis, filij præferebant parentibus. Unde graviter indignatus Saul percutere Ionathã filium suum hasta voluit, quia pluris apud eum valere David amicitiam iudicabat, quàm vel pietatẽ, vel auctoritatẽ paternam. Etenim ad incentivũ charitatis cõmunis plurimum proficit, si quis vicem amantibus reddat, nec minus redamare se probeat, quàm ipse amatur, idque amicitia fidelis patet exemplis. Quid enim tam popolare quàm gratia? Quid tam insitum nature, quàm ut diligentem diligas? quid tam inolitum atque impressum affectibus humanis, quàm ut eum amare inducas in animum, à

Ecclef. 19. quo te amari velis? Meritò Sapiens dixit. Perde pecu-

Ecclef. 22. niam propter fratrem & amicum. & alibi. Amicum salutare non erubescam, & à facie illius nõ me abscondam; siquidem vita & immortalitatis medicamentum in ami-

Ecclef. 6. co esse Ecclesiasticus sermo testatur, & summũ in chari-

I. COR. 13. tate præsidium, nemo dubitaverit, cum Apostolus dicat.

Omnia suffert, omnia credit, omnia sperat, omnia sustinet, charitas nunquam cadit. Ideo David non cecidit, quia charus fuit omnibus, & diligì à subiectis quàm timeri maluit. Timor enim temporalis tutaminis servat excubias, nescit diuturnitatis custodiam. Itaque ubi timor discesserit, audacia obrepit, quoniam fidem non timor cogit, sed affectus exhibet. Prima ergo ad commendationem nostri est charitas. Bonum est ergo testimonium habere de plurimorum dilectione. Hinc nascitur fides, ut committere se suo effectori non vereantur etiam alieni, quem pluribus charum adverterint. Similiter etiam per fidem ad charitatem pervenitur, ut qui uni aut duobus præstiterit fidem, tanquam influat in animos uniuersorum, & omnium requirat gratiam. Hactenus D. Ambrosius. Hoc artificio benevolentia populorum captanda abusus est Absalon cum ad Regni fastigium niteretur, nam cum maiestatem non neglexisset,

glexisset, nam fecit sibi curru, & equites, & quinquaginta viros, qui precederent eum, beneuolentia etiam significationibus quantum poterat populares suos satagebat allicere, nam *Manè consurgens* 2. Reg. 15.
1.
Ibid. n. 2.

Absalon stabat iuxta introitum portæ, & omnem virum qui habebat negotium, ut veniret ad Regis iudicium, vocabat Absalon ad se, & dicebat de qua ciuitate es tu? Qui respondens aiebat: Ex una tribu Israël ego sum seruus tuus. Respondebatque ei Absalon. Videntur mihi sermones tui boni, & iusti. Sed non est qui te audiat constitutus à Rege. Dicebatque Absalon: Quis me constituat iudicem super terram, ut ad me veniant, omnes qui habent negotium, & iustè iudicem? Sed & cum accederet ad eum homo ut saluaret eum, extendebat manum suam, & apprehendens, osculabatur eum, faciebatque hoc omni Israël venienti ad Iudicium ut audiretur à Rege, & sollicitabat corda (vel ut alij vertunt, furabatur corda virorum Israël:) & verò illi procedebat consilium; nam plurimos habuit suarum partium sectatores, qui illum ad Regnum pro viribus ad mouere studuerunt, effectumque dedissent, nisi Dominus eorum conatus euertisset, & consilia, non audito Achitophele, infatuasset.

2 Porro annonæ vilitate magnam à populo Princeps inuit beneuolentiam, nam si immodicis rerum venalium pretiis fatigetur, non diuitibus tantum qui supprimendo tritico durio rem annonam faciunt, aut præuolentibus mancipibus, qui quod magnæ plebis parti sufficere posset, soli ipsi mercantur, sed Principi etiam irascitur, eumque conuiciis lacerat, quod genus hoc hominum, qui tantoperè publicæ rei incommodant, compescere negligat, illudque usu venit, quod quodam loco

*Annona
vilitate,
Principes
apud popu-
lum inire
beneuolen-
tiam.*

840 *Institutio politica ex sacris Scripturis.*

- Pfalm. 58.
16. legimus in Psalmo. *Ei si non fuerint saturati, murmurabunt* ; quemadmodum enim cauendum est Principi, ne nimia rerum, quæ ad victum necessaria sunt, laxitate, populus otio marcescat, & in luxuriam soluatur, ita curandum est, ne ciborum aliarumque rerum venalium caritate conficetur ; nam quemadmodum seruilium mancipiorum ingenia molliter tractanda non sunt, nec tamen ad vitam propagandam necessaria subtrahenda,
- Prou. 33.
28. ut quodam loco monet Salomon cum ait, *Cibaria & virga, & onus asino: panis & disciplina & opus seruo*: Ita populus si attollat spiritus, astrictiore disciplina, operibusque faciendis exercendus est & premendus, semper tamen annonæ difficultas, relique frumentariæ inopia omni opere auertenda, ne si plebem fames incesse-rit, odium in Principem concipiat, tandemque diuturno tempore collectum dolorem in caput eius effundat, aut eorum, quibus de medio sublati famam eximendam, cibariis consecuta commoditate crediderit. Æmulanda Principi viro est summi omnium Principis Dei profusa in homines liberalitas ; nam cum oculi omnium in ipsum sperent, ipse dat escam illorum in tempore opportuno, aperit manum suam & implet omne animal benedictione, suo enim tempore operit calum nubibus, & parat terra pluuiam.
- Pfal. 146.
8. *Producit in montibus fœnum, & herbam seruituti hominum, datque iumentis escam ipsorum, & pullis cornuorum inuocantibus eum* : Nullaque est locis tam seposita natio, aut moribus, tam barbara & agrestis, cui diuinum Numen res ad victum necessarias singulari sua prouidentia non suppeditarit ; cumque tam bonus ac liberalis Princeps solem suum oriri faciat super bonos & malos,
- Matih. 5.
45.

& pluat super iustos & iniustos; eos etiam illustrioribus suæ beneficentiæ significationibus fouet, quos ut suos peculiari cura regendos susceperit, ut quondam Hebræorum populum, cuius se Dominus Principem adeò profitebatur, ut iniquè tulerit eorum animos se pastore, ac rege repudiato & abiecto, Regis habendi, iuxta cæterarum nationum morem, cupiditatem incesse. Itaque horreis suis referatis, tantum inde cibariorum deprompsit, quantum non fami solum depellendæ satis esset, sed etiam exquisitorum ciborum cupiditati explendæ: nam *mandauit nubibus de super, & ianuas cæli aperuit, & pluit illis manna ad manducandum, & panem cæli dedit eis. Panem Angelorum manducauit homo, cibaria misit eis in abundantia. Transtulit austrum de cælo, & induxit in virtute sua Africum, & pluit super eos, sicut puluerem, carnes, & sicut arenam maris volatilia pennata, in Deuteronomio verò pollicitus est iis qui Diuinam legem incorruptam seruauerint, rerum omnium ad victum necessariarum vbertatem & copiam, ac proinde temporibus opportunis pluuiam satis, vineis, oliuetis, pascuisque immissurum, frugesque omnis generis largiturum recepit. Si obedieritis, inquit Moses, mandatis meis, quæ ego hodie precipio vobis, ut diligatis Dominum Deum vestrum, & seruiatis ei in toto corde vestro, & in tota anima vestra; dabit pluuiam terra vestra temporaneam, & serotinam, ut colligatis frumentum, & vinum, & oleum, fenumque ex agris ad pascenda iumenta, & ut ipsi comedatis & saturemini. Hoc enim Domino solène fuit, ut populo suo quandiu veram tenuit religionem, nihil deesse sineret, sed largiter omnia, quæ ad victum sunt necessaria suppeditaret, iuxta id quod*

Psalm. 77.

23.

Deut. 11.

13.

842 *Institutio politica ex sacris Scripturis.*

Ioël, 1. 24.
& 26.

per Prophetam prædictum fuerat. *Implebuntur area frumento, & redundabunt torcularia vino, & oleo, & comedetis vescentes, & saturabimini, & laudabitis nomen Domini Dei vestri, qui fecit mirabilia vobiscum, & non confundetur populus meus in sempiternum.* Cum ergo Principibus honestissimum sit pro modulo Dei summi Regis beneficentiam in suos æmulari, curandum illis est sedulò, vt populis illis, quibus præsumt, non solùm ea, quæ ad victum necessaria sunt, non desint; sed etiam abundant oppida generis omnis cibariorum; ita enim fiet, vt sibi populorum voluntates, animosque deuinciat, & cum opus fuerit ad ipsa etiam belli discrimina subeunda paratos habeat.

*Spectaculis
beneuolen-
tiam Prin-
cipi conci-
liari.*

Exod. 32.
6.

3 Post exemptam cibo famem, oculorum succedit cupiditas, spectaculorum scilicet ac lusuum, cuius rei exemplum habemus in Exodo; nam cum ex inauribus populi opere fusorio Aaron vitulum efformasset, illique circa recens idolum circumfusi epulis largiùs indulgissent, ad ludos quibus numen illud nouum colerent, seque ratione aliqua delectarent conuersi sunt. Nam *sedit populus manducare, & bibere, & surrexerunt ludere nabliis, are, tympanis, tybiis, citharis, & in choro saltationibus, vulgarique lasciuias, recepto gentium more festum diem agitantes: & quidem cantantium voces adfuisse, chorosque saltantium, habemus ex scriptura; nam descendens Moses, cum ex edito loco populi fremitum acciperet. Vocem, inquit, cantantium ego audio; cumque appropinquasset ad castra, vidit vitulum, & choros.* Idem Palestinorum ingenium, qui post celebrata inter se conuiuia captiuum Sampsonem adduci iusserunt, vt eo saltante, aut aliqua alia ratione ludete solatium

solatium captarent oculorum. *Latantēque*, inquit Iud. 26. 25. Scriptura, *per conuiuia sumptis iam epulis preceperunt, vt vocaretur Sampson, & ante eos luderet, qui adductus de carcere, ludebat ante eos.* Porro æquum est, & ad beneuolentiam conciliandam Principibus utile, si ab honestis spectaculorum aliquorum voluptatibus populum non prohibeant, iis nimirum quibus saluo ruminis metu, & honore, suo in tempore, & suo in loco frui scelus non sit; nam si de turpibus obscænisque spectaculis loquamur, cuiusmodi nostris temporibus comædiæ sunt, quas meritò publicæ libidinis prostibula, impudiciæ consistoria, obscænitatis magisteria, omniumque turpitudinum theatra possimus appellare, in quibus nihil aliud videas aut audias, quàm agentium strophas, adulterorum fallacias, mulierum impudicitias, scurriles iocos, sordidos parasitos, turpissimos lenones, eas à ciuium oculis procul remouendas censeo; neque enim illis spectandis innocens ad remissionem animi appetitur voluptas, vt vitiorum assertores, blandi turpitudinumque indulgentes patroni, qui hisce libidinum simulachris auctoritatē præstare conantur, dicere consueuerunt, sed inuerecundo sermone, motibusque obscænis, viri ultra muliebre molliem dissoluti, per oculorum & aurium blandimenta simplicium mentibus lethale venenum instillant, omnēque genus corruptelæ, ex quibus libidines exardescunt, alieni thori violantur, matrōnarum pudicitia vitiatur, inimiciæ, rixæ, factiones existunt in ciuitatibus, malumque tandem à priuatis ædibus progressum, integras respublicas corrumpit & euertit; vt libro superiore, cum de libidinis malis disputaremus, Scripturæ testimoniis comprobauimus.

*Quale sit Tyrannidis ingenium, &
de vitanda Tyrannide.*

C A P V T V I I I.

*Tyrāni no-
men non
semper in
vitio poni
in scriptu-
ris.
2. Mach. 7.
27.
Habac. 1.
10.*

*Esther 6.
9.*

Iob 15. 20.

TYRANNI vox sacrae Scripturae phrasi aliquando in vitio ponitur, (vt cum Antiochus in Machabæorum historia *crudelis Tyrannus* appellatur) aliquando Regem tantum Principemve significat, vt cum legimus apud Habacuc, *Et ipse de Regibus triumphabit, & Tyranni ridiculi eius erunt.* Quem locum ita vertit D. Hieronymus. *Ducet ante currum suum captiuos Reges & habebit irrisui.* Septuaginta habent, *καὶ τῶν αὐτοῦ παίζοντων, Et Tyranni ludibria, aut ludicra eius erunt.* In Hebræo est, *& Principes risus illi*, siue significetur Nabuchodonosorem Principibus abufurum ad exercendos lusus, quibus ipse delectabatur, vt Sampson Philistæi, siue potentia ipsius descriptio sit, qui suis fidens viribus nullis aliorum Principum exercitibus, aut munitionibus terreteretur. Sic etiam in libro Esther loquitur Aman. *Homo quem Rex honorare cupit, debet indui vestibus Regiis, & primus de Regis Principibus ac Tyrannis teneat equum eius.* Idem iudicium est de voce Tyrannis, vt cum dicitur in libro Iob. *Cunctis diebus suis impius superbit, & numerus annorum incertus est Tyrannidis eius.* In Hebr. ad verbum. *Numerus annorum absconditi sunt Tyranno.* Quo loco vox Hebr. *עָרִיב* non tam eum significat, qui impotenti dominatu populos premit, quàm robustum, fortem, potentem; ita enim eandem vocem Septuaginta, Vulgatusque variis Scripturae sacrae locis reddiderunt. Itaque
Tyrann

Tyrannus à Rege distat factis non nomine. Eius nos ingenium quale sit describemus, ex quo facile erit intelligere, quàm detestanda res sit Tyrannis, quantòque nisu à Republ. vt certissima illius pestis, amolienda.

2 Ac primum quidem locum inter Tyranni notas, crudelitas obtinet, quæ etiam Tyrannum facit. Itaque non semel Scriptura cum sæuitiam Tyrannorum, virorùmque potentium, qui innocentes opprimunt, notaret, eos leones, aut leonibus similes esse dixit. Ita Salomon in Prouerbiis. *Leo rugiens, & versus esuriens, Princeps impius super populum pauperem*; Et D. Paulus, cum Dei beneficio, se Neronis immanitatem euasisse scriberet ad Timotheum. *Liberatus, inquit, sum de ore leonis*, 2. ad Timot. 4. 17. In Psalmis etiam Principes viri, qui diuitum nomine à vulgata editionis auctore, & Septuaginta interpretibus designantur, leones dicuntur in Hebraico contextu; nam quod est in Psalmis, *Diuites eguerunt, & esurierunt*, D. Hieronymus vertit *Leones*: quo etiam nomine prædiuites Tharsis negotiatores alique diuitiarum, & potentiæ typho in humile hominum genus sæuientes appellantur ab Ezechiele propheta. *Negotiatores, inquit, Tharsis, & omnes leones eius*. Huiusmodi leonem nobis sacra Euangelij historia Herodem exhibet, Matth. 2. 16. qui teneros infantes ab vberibus matrumque complexu auulsos regni sibi, vt ipse arbitrabatur, constituendi causa, in ipsa Bethleem, & finibus eius magno numero detestanda prorsus crudelitate mactauit, ne à filij quidem cæde temperans, si quod grauissimis auctoribus discimus, meretur fidem. Nec minus sæuum Abimelech ingenium, qui, vt dicitur in Iudicum historia, *Venit in domum patris* Iudic. 9. 5.

Prima Tyranni nota, crudelitas.

Prou. 28. 15.

2. ad Timot. 4. 17.

Psal. 77. 11.

Ezech. 38. 13.

Matth. 2. 16.

Iudic. 9. 5.

- patris sui in Ephra, & occidit fratres suos filios Ierobaal septuaginta viros, super lapidem vnum; vt scilicet familiæ illius stirpibus omnibus euulsis, solus ipse Regno potiretur, in quos illud optimè Salomonis conuenire potest, *Qui crudelis est, etiam propinquos abiicit*, cum Tyranni de quibus loquimur non tantum eos abiecerint, sed etiam de medio illata morte sustulerint. Eleganter Isaias Tyrannorum sæuitiam ob oculos ponit, cum Israëliticum populum ab illorum immanitate liberum fore prænunciat, *Contrivit, inquit, Dominus baculum impiorum, virgam dominantium, cedentem populum in indignatione, plaga insanabili, subiicientem in furore gentes, persequentem crudeliter*. Virga enim aut sceptrum, quo Principes quasi pastoralis pedo vti debuissent, ea vt virga quondam Moysis in colubrum conuertitur, qui venenatis suis morsibus miseros mortales absumat. Hanc autem morum inclementiam vocis etiam consequitur asperitas, & inhumanitas, in qua (cum vox animi sit index) crudelitatis eius, de qua nunc dicebamus, eminent notæ. Cum ligna Rhamnum Regem constituissent, vt est in apologo in libro Iudicum, quæ arbor vt pote nullo fructu commendabilis, sed tantum aculeis & spinis aspera, quibus trahentium manus cruentet, tyranni typum præfert, superbè inducitur locuta Tyrannorum more. *Dixerunt omnia ligna, inquit Scriptura, ad Rhamnum, Veni, & impera super nos; quæ respondit eis. Si verè me Regem constituitis, venite, & sub umbra mea requiescite; si autem non vultis, egrediatur ignis de Rhamno, & deuoret cedros Libani*. Tyranno etiam quam Principi conuenientior nota illa, & sæpius memorata responsio Roboami, qui aliquid sibi de
- tributis

tributis remitti postulantes, ita est allocutus:
Pater meus aggrauauit iugum vestrum, ego autem ad- 3.Reg. 12.
dam iugo vestro; pater meus occidit vos flagellis, ego 14.
autem cedam vos scorpionibus. In Iob etiam historia
 quidam de amicis Iob, ita de Deo loquitur. *Qui* Iob 34.19.
non accipit personas Principum, nec cognouit Tyrannum,
cum disceptaret contra pauperem. Ex Hebræo verti
 potest. *Non cognouit clamorem, vel clamantem contra*
pauperem, ut enim mites & moderati Principes
clamores cohibent, nec magis elata voce loquun-
tur, quàm audientium distantia postulet, ut de
Christo ab Isaia prædictum est, cum ait quodam
loco. Non clamabit, neque accipiet personam, neque Isai. 42.2.
audietur vox eius foris. vel ut est apud Matthæum.
Non contendet neque clamabit, neque audiet aliquis in Matth. 12.
plateis vocem eius. Ita superbi & Tyranni stulto- 19.
 rum more in loquendo, *exaltant vocem suam, ut*
 scilicet ea ratione subditis formidabiliores eua-
 dant. Illud tandem Tyrannorum sæuitiam, de
 qua agimus, plerumque exasperat, & diuorem
 subditis reddit, quod eorum iniuriæ, etiam cum
 crudeliter habentur, hilari vultu, non patienter
 tantum ferendæ sunt; nam & inter mortis com-
 minationes & pericula vultu nihil exprobrante,
 sed tranquillo ac læto, quidquid à Principe de-
 cretum fuerit, admittendum est, diligenterque
 prouidendum, ne aliquo vel leui signo inclusus,
 & imo pectore compressus dolor erumpat. Ita
 etiam sub bono Principe Salomone, compositus
 erat Semei, qui cum Regiâ Davidis maiestatem,
 non conuitiis solum, sed lapidibus etiam inge-
 stis violasset, illique Salomon interdixisset, ne ex
 vrbe Ierusalem pedem efferret, aut torrentem
 Cedron transiret, interficiendus si secus faceret;
 Regi

3. Reg. 1. Regi ita respondisse fertur; *Bonus sermo. sicut locu-*
 38. *tus est Dominus meus Rex, sic faciet seruum tuum.*

3 Porro crudelitas, de suspicionibus, timori-
Tyrannos busque nasci plerumque solet, nihil enim non
timidos ef- metuunt Tyranni, cum securitas, serenâque tran-
se. & suspi- quillitas in eorum sit animis, qui nullius sceleris
cionibus conscientia perturbantur: eos enim, ut loquitur
obnoxios. sanctus Iob, *Conturbat formido subita. & alibi. Cum*
 Iob 22. 10. *steterit, non credit vite sue.* Nam si mensæ affederit,

Iob 24. 22. cogitat auro etiam venena potari; si stipatorum
 suorum corona cinctus incedat, timet ne quis
 ancipiti gladio latus hauriat, nullâque hominum
 cōditio ab ista Principis suspitione immunis esse
 potest, non propinqui, non filij, non vxores, non
 coniunctissimi quique amicitiae vinculo, quos
 omnes aut priuatis odiis ductos, aut regnandi
 cupiditate incitatos, aut accepta pecunia corru-
 ptos facile credit, ac propterea eos occidendo
 insidias anteuertendas esse constituit. Eos verò
 maximè Tyrannus formidare consuevit, quos
 genere, opibus, claritate virtutis, rerumque ge-
 starum inter ceteros caput viderit extulisse, quo-
 rum propterea capita demetit, ut se ab illis secu-
 rum præster. Quare de Tyranno legimus in libro

Iob 24. 22. Iob. *Detrahit fortes in fortitudine sua. vel, ut inter-*
 pretantur Septuaginta, *Furore euertit.* Hunc verò
 metu consternatæ mentis terrorem eleganter no-
 bis ponit ob oculos liber Sapientiæ, in quo ita
 de Ægyptiorum metu (quod ad rem nostram
 transferri potest) scribitur cap. decimo septimo.

Sap. 17. 17. *Sive spiritus sibilans, aut inter spissos arborum ramos*
animum sonus suauis, aut vis aquæ decurrentis nimium,
aut sonus validus præcipitatarum petrarum, aut luden-
tium animalium cursus inuisus, aut mugientium valida
bestiarum

bestiarum vox, aut resonans de altissimis montibus Echo, deficientes faciebant illos pra timore: timoris verò causam si quæras, ab eodem Sapiente affertur, cum ait, Cum sit timida nequitia, dat testimonium Sap. 17. 10. *condemnationis, semper enim praesumit saeva perturbata conscientia. Atque ita Reges ac Tyranni cum legibus atque iudiciis non teneantur, naturæ tamen lege, & conscientia iudicio vexantur & torquentur, suorumque scelerum facibus, & furiis ita agitantur, ut partem nullam quietis capere unquam possint. Sonitus terroris, dicitur in libro Iob, semper in auribus illius, & cum pax sit, ille semper insidias suspicatur. Fugit enim impius nemine persequente; ut quodam loco dixit Salomon: contra quod facit* Prou. 18. 1. *iustus, cuius conscientia nullis malefactorum stimulis foditur, ac lancinatur, de quo ita pronuntiat, Iustus autem quasi leo confidens absque terrore* Ibidem. *erit.*

4 Altera Tyrannorum nota, est immensa quædam auri argentique quâ iure, quâ iniuria coaceruandi cupiditas, nullaque iuris, ac legum reuerentia, si huic pecuniarum cogendarum siti repugnare videantur. Iobum arguens, quasi Tyrannum, Eliphaz Themanites, ita in illum inuehitur.

Abstulisti pignus fratrum tuorum, sine causa, & nudos Iob 22. 6. *spoliaſti vestibus. Aquam lasso non dedisti, & esurienti subtraxisti panem, in fortitudine brachij tui possidebas terram, & potentissimus obinebas eam. Viduas dimissiſti vacuas, & lacertos populorum comminuisti. Ac si dicat, sordidè admodum & illiberaliter te gessiſti, qui cum nulla subesset causa, in alienas fortunas audus inuolaſti, violentusque fratres tuos, quos propinquitatis iure, rueri potius debueras, ac fouere non pecuniis tantum, sed ipsis etiam vesti-*

bus spoliasti : pectusque tuum durum , & à misericordia adeò fuit alienum , vt esurientibus faméque enectis , frustulum cibarij panis inuideres , miserósque mortales multis malis vexatos , violento dominatu premeres , exactionibus , tributisque potiùs degluberet , quàm ronderes ; viduas ipsas omni mortalium subsidio destitutas , omnibusque qui sensum habent humanitatis miserandas , rapinis tuis exhaustisti , bonisque omnibus per summam iniuriam euertisti . Sed expressiùs etiam Tyrannorum rapacitatem , ponit ob oculos apologus ille Nathani , quo Dauidis factum prudenter castigauit , errantemque ad crimen detestandum adduxit . *Pauper* , inquit , *nihil habebat omnino , prater ouem vnā paruulā , quā emerat & nutrierat , & quā creuerat apud eum cum filiis eius simul , de pane illius comedens , & de calice eius bibens , & in sinu illius dormiens , eratque illi sicut filia . Cum autem peregrinus quidam venisset ad diuitem , parcens ille sumere de ouibus & de bobus suis , vt exhiberet conuiuium Peregrino illi , qui venerat ad se , tulit ouem viri pauperis , & preparauit cibos homini , qui venerat ad se . Ita locutus est Nathan , cuius narrationis atrocitas , adeò Regis animum commouit , vt iure iurando confirmarit se tantum scelus eius , quod illud admisisset morte vindicaturum . Iratus autem , inquit Scriptura , indignatione Dauid aduersus hominem illum nimis , dixit ad Nathan : *Viuat Dominus , quoniam filius mortis est vir , qui fecit hoc ; ouem reddet in quadruplum , eo quod fecerit verbum istud , & non pepercerit ; quod autem facinus tam immane Dauidi visum est ; id , est Tyrannis familiare , qui pauperes reculis suis quās ad propagandam vitam necessarias habent , spolient , diuitias verò suas , thesau-**

rosque

2. Reg. 12.

3.

Ibid. n. 5.

rósque , aut situm ducere permittant , vt in illos
 conueniat illud D. Iacobi, *Diuitia vestra putrefacta sunt, & vestimenta vestra à tineis comesta sunt, aurum
 & argentum vestrum eruginauit* : aut certè in para-
 sitos Lenones, adulatōresque effundant, quam
 ob causam fortasse diuites à Zacharia *quercus Ba-* Zachar. ii.
san dicti sunt, quos ibi Kaldæus Satrapas provin- 6.
ciarum appellauit. Quemadmodum enim quer-
 cus, quo vberior est glandium prouentus, plures
 pascunt porcorum greges, ita potentum diuitias,
 quas ad pauperum inopiam subleuandam æquius
 fuisset expendere, vltima fæx hominum adulator-
 res quos dixi, & parasiti turpiter absumere con-
 sucuerunt, vtque pecuniis perpetuò abundant
 quas ita prodigant, non verentur terminos trans-
 ferre, diripere greges, & tanquam suos pascere eos,
 asinum pupillorum abigere, & auferre pro pignore bo-
 uem vidua. Subuertunt pauperum viam, & opprimunt
 pariter mansuetos terra. Agrum non suum demerunt,
 & vineam eius, quem vi oppresserint, vindemiant. Nu-
 dos dimittunt homines indumenta sollemes, quibus non
 est indumentum in frigore, quos imbres montium rigant,
 & non habentes velamen amplexantur lapides (antro-
 rum scilicet & cauernarum, in quas sese abdunt
 ad vim frigoris euadendam) vim fecerunt depredan-
 tes pupillos, & vulgum pauperem spoliauerunt. Nudis
 & incedentibus absque vestitu, & esurientibus iulerunt
 spicas. Inter acervos eorum meridiati sunt, qui calcatibus
 torcularibus sitiunt. De ciuitatibus fecerunt viros ge-
 mere, & anima vulneratorum clamauit, vt tandem
 eos finis ille excipiat, qui ibidem exprimitur. Et
 Deus inultum abire non patitur. Cui perlimilis est
 illa conquestio apud Micheam. *Audite Príncipes* Michæ. 3.
Iacob, & Duces domus Israël, nunquid non vestrum est 1.

scire iudicium, qui odio habetis bonum & diligitis malum? qui volenter tollitis pelles eorum, de super ossibus eorum? Qui comederunt carnem populi mei, & pellem eorum de super excoriauerunt, & ossa eorum confregerunt, & conciderunt sicut in lebere, & quasi carnem in medio olle? Hunc autem locum, qui totus per allegoriam tractatur à Propheta, à Chaldaeo paraphraste absque figura, ita ad rem nostram effertur. Violenter populi facultates ab eo rapientes, pecuniamque eorum pretiosam ab eis tollentes, & qui diripuerunt substantiam populi mei, & pecuniam eorum pretiosam tollunt, reliquiasque eorum consumunt, conuersi diuidunt eos, quemadmodum qui concidunt membra in frustra in medio leberis, & particulas in olla medio.

Tyrannos
esse legum
violatores
& contem-
ptores.

Iob 11.12.

§ Legum porro violatio, aut etiam contemptus tyrannidem comitatur. Vir enim vanus, ut est in libro Iob, in superbiam erigitur, & tanquam pulum onagri, se liberum natum putat. In quem locum D. Gregorius ita scribit: Homo quia ad sequentem vitam ducitur, necesse profecto est, ut in cunctis suis motibus, sub dispositione disciplina religetur, & quasi domesticum animal loris vinctum seruiat, atque aternis dispositionibus restrictum viuat. Qui ergo implere cuncta quae desiderat, per effrenatam libertatem querit, quid aliud quàm pullo onagri esse similis concupiscit, ut disciplina hunc lora non teneant, sed ardentem vagus per syluam desideriorum currat? Quia igitur Tyrannus ferum animal, & iugi impatiens fræno aliquo, aut como maxillas suas constringi non patitur, omne ius pessumdat, leges figit atque refigit, veterumque statuta, ac decreta, ludibrio habet, & ut est apud Isaiam, Transgreditur leges, mutat ius, dissipat fœdera sempiterna; quare mirum non est, si quod ibidem Propheta conqueritur. Terra infecta est ab

Psal. 37.9.

Isa. 24.5.

Ibidem.

habita

habitatoribus suis, nullumque incommodi genus in Rempubl. importatum non est. Quemadmodum enim seruatis legibus acceptum referre debemus quidquid boni est in Republ. iuxta Sapientis dictum. *Lex Sapientis fons vite, ut declinet à ruina mor-* tis; ita illis posthabitis, aut neglectis, Rerumpu-
blicarum euersiones & ruinæ consequuntur.

Prou. 13.
17.

6 Rursus Tyranni *rebelles sunt lumini*, ut est in libro Iob; timent enim, ne si praua ipsorum opera in bono collocentur lumine, omnibus appareat quàm distorta sint, & à recta virtutis & iustitiæ regula discordent. Propter hanc causam veritatis præcones oderunt, eosque qui falsitate detecta, sanam doctrinam qua eorum corrigantur prauitates in medium proferunt. Hoc enim proculdubio si vllum aliud hominum genus, illud est de quo sanctus Paulus ad Timotheum scribens ait fore aliquando homines, qui *sanam doctrinam non* sustinebunt, sed ad sua desideria coaceruabunt sibi magistros prurientes auribus, & à veritate quidem auditum auertent, ad fabulas autem conuertentur. Hoc enim quorundam malè sanorum hominum ingenium est, eorum præsertim, qui circa fidem naufragauerunt, ut dogmatis etiam planè falsis, & germanæ Theologorum doctrinæ aduersantibus quædam sibi fingentes somnia, & pseudopphetas quosdam excitantes, qui erroribus patrocinentur, veritati tenebras studeant offundere; in quos egregiè conueniat illud Isaia. *Populus ad* iracundiam prouocans est, & filij mendaces, filij nolentes audire legem Dei, qui dicunt videntibus, *Nolite videre,* & aspicientibus, *Nolite aspicere nobis ea quæ recta sunt,* loquimini nobis placentia, videte nobis errores. Id nimirum agentes, ne omnes intelligant ea, quæ mo-

Tyrannos
doctos ho-
mines ve-
ramque
doctrinam
odisse.

2. Timot.
4.3.

1. Timot.
1.19.

Isa. 30.9.

liuntur, veritati, probitati legum Ecclesiasticarum aut etiam Diuinarum obedientiæ repugnare, cumque semidoctos aliquos, malitia potius instructos, quàm imbutos litteris, quâ prece, quâ pretio pellexerint, vt errores illos propugnent omnia sibi tuta arbitrantur, nec aut stimulos conscientiam fodientes, aut veritatis strenuos satellites, qui veritatem voce scriptisue defendunt audientes, nec metuentes infamiam, quam sibi apud cordatos homines cõciliant cæci, ac tantum non amentes, imò planè amentes qui solida bona terrenis posthabent, lumen veritatis auersantur, tenebras errorum vltro accersunt, & cùm omnibus hominibus miserabiliores sint, se beatos putant, aut etiam prædicant. Tales cum alij, tum ij fuerunt Principes qui Calvinianas & Lutheranas pestes nostra, aut Patrum nostrorum memoria, prauósque illos errores, qui ex ipsis inferni faucibus emerferunt amplexi sunt, vanissimósque illorum buccinatores fouerunt, aut etiam armis tutati sunt, ne quas commeriti fuerant, pœnas darent, qui quantum Reipubl. incommodarint (vt de alijs grauissimis malis nihil dicam) omnis clamat Septentrio, vt rem per se apertissimam exemplis quæ passim in oculos incurrunt confirmare superuacaneum sit. Quantò sapientius illi, qui cum nodi aliqui aut difficultates incidunt, quas facile ipsi per se non expediunt, verentes ne fortè specie veri decipiantur, doctos piosque viros consulunt, ipsâsque rotas academias litteratorum hominum, veritatis indagatrices, & magistras; curântque vt re bene discussa implicata euoluantur, & obscura ab eorum ingenijs, & doctrina lucem accipiant, conspirantésque eorum
senten

sententias amplectuntur, quæ etiam ferè faustum à Domino, & optatis respondentem exitum nanciscuntur. *Sermo dicebatur in veteri prouerbio, ut habemus in 2. Regum lib. qui interrogat, interroget in Abela, & sic perficiebant.* Prouerbio locum fecit Abelæ Israëlitis vrbis opinio Sapientiæ, quod nimirum in ea (ut etiam in Cariath-Sepher, quæ ciuitas à litteris & disciplinarū professione nomē habebat) quoddam esset emporium doctrinarum, quò se conferre consueuerant, qui aliqua de re dubitabant, & quod tulerant responsum, illud *perficiebant*, hoc est, quasi rectè agendi normam sequebantur. Vel certè sensus est, ad rem nostram accommodatus, & sic *perficiebant*, id est, quæ operabant, mentēque ac votis destinabant, Sapiens illud consilium secuti, assequebantur. Utinam hæc mens omnibus sit Principibus, ut veritatem sincerè quærant, ac proinde ibi quærant, vbi non magno negotio, à bona fide agentibus potest inueniri, ac præsertim apud Romanam sedem, omni vetustatis oraculo sanctiorem, & veriozem, quæ meritò eas voces vsurpare potest, quibus illa mulier pro Abela Ioab alloquebatur. *Nonne ego sum, quæ respondeo veritatem in Israël?*

7 Hæ sunt Tyrannorum notæ, quas si Princeps in se ipso deprehenderit, meritò timere poterit, ne subditorum animis impotenti dominatu exasperatis, rebus nouis studere incipiant. Illustre habemus huius rei exemplum in Regum historia, in qua ita legimus. *Factum est autem cum senuisset Samuel, posuit filios suos iudices Israël: Fuitque nomen filij eius primogeniti Ioel, & nomen secundi Abia, indicum in Bersabee: & non ambulauerunt filij illius in viis eius, declinauerunt post auaritiā, acceperuntque*

2. Reg. 10.
18.Iosue 15.
15.

Ibid. n. 19.

Tyrannidē
causam esse
mutatio-
num, &
euerſionum
Rerum pub.
1. Reg. 8. 1.

munera & peruerterunt iudicium. Congregati ergo vniuersi maiores natu Israël venerunt ad Samuelem in Ramatha, dixeruntque ei. Ecce tu senuisti, & filij tui non ambulant in viis tuis, constitue nobis Regem, ut iudicet nos, sicut & vniuersa habent nationes. Imò tyrannidis rigor animos etiam ad deteriora sollicitat. Id enim interdum accidere, & sacrarum historiarum exempla; & tot sæculorum experimenta docuerunt; nec tamen cum id fieri autumo, eorum ego conatus etiam approbo, qui manus suas in Christos Domini audent extendere,

1. Reg. 24.
11. & cap.
26. 11.

qui nouerim Dauidem laudari, quod Sauli inimico suo, à quo querebatur ad necem, quemque abiecerat Dominus, violentas manus afferre noluerit, de quo ita scribit S. Ambrosius in officiorum libris. Quàm honestum quod Dauid, cum potuisset Regi inimico nocere, maluit parcere? quàm etiam utile, quia successorì hoc profuit, ut discerent omnes fidem Regi proprio seruare, nec usurpare imperium, nec vereri, &c. Imò Samuel ipse, qui iam ex viuis excesserat, cum Pythonissæ carminibus euocatus fuisset, signo honoris, eundem Saulem est profecutus: id ex eo colligimus, quòd ad mulierem illam Regio cultu deposito Rex venisset, cum primùm Samuel

1. Reg. 28.
12.

excitatus emerfit. Exclamauit voce magna (Pythonissa) & dixit ad Saul. Quare imposuisti mihi? tu es enim Saul. Cui nimirum tanquam Principi signo aut moru aliquo externo Samuel signum exhibuit reuerentiæ, ex quo Saulem illum esse, mulier est affecuta. Regiæ igitur dignitatis maiestas & sanctitas verenda est, quamuis interdum accidat, ut prauì mores, & execrandi sint.

*Dei Tyrannidis scelus
grauibus
penis vindicare.*

8 *Ut tamen manus hominum euadant Tyranni, certè vindicem Domini dextram, quæ attingit à fine*

à fine usque ad finem fortiter, non euadent; Quo enim ibunt à Spiritu Domini? & quò à facie eius fugient? Si ascenderint in cœlum, illic est; si descenderint in infernum, adest. Si sumpserint pennas suas diluculo, & habitauerint in extremis maris, etenim illuc manus Domini deducet eos, & tenebit eos dextera illius. Vir qui errauerit à via doctrinae (inquit Sapiens) in catu Prou. 21.
gigantum commorabitur. Septuaginta verterent ἀνὴρ 16.
πλανώμενος & ἐξ ὁδοῦ δικαιοσύνης ἐν σιναγωγῇ γιγάντων ἀναπαύσεται, id est, vir qui errauerit à via iustitia, in catu gigantum, vel vt habet Symmachi interpretatio θεομάχων eorum scilicet, qui cum Deo pugnare non verentur (cuiusmodi Tyranni sunt, qui nec homines timent, nec Deum reuerentur) commorabitur aut requiescet. Ex Hebræo verti etiam potest. In catu mortuorum, qui cætus eorum est, qui verè mortui sunt morte secunda, omnique resurrectionis spe destituti. Idémque significare potest vox gigantum, qua voce aliqui putant significari homines virium suarum fiducia omne fas, & ius contemnentes, quorum facinora non absimilia illis essent, quæ de gigantibus Græci memorant: in quam sententiam illud etiam accipiunt, quod habemus in Psalmo. Non saluabitur gigas in multitudine virtutis sue. Itaque hoc sensu nullis magis gigantis nomen conuenit, quàm Tyrannis, qui agresti ingenio, & feroci potentia ad iniustitiam abutuntur, & pleraque omnia violenter administrant.

9 Sed quærat fortasse quispiam quid causæ sit, Cur Deus quòd cum Tyranni In Cathedra sedeant pestilentia, in Rebus.
vel vt D. Augustinus exponit, In Cathedra domi- Tyrannos
nandi, quem tamen dominatum ad pestem con- permittat,
uertunt subditorum, illos tandiu patriatur Domi- Psalm. 1. 1.

858 *Institutio politica ex sacris Scripturis.*

- nus, nec pestes huiusmodi cum primùm populos corripuerint amoliatur. Huic quæstioni satisfacit Eliu in libro Iob cum ait. *Qui regnare facit hominem hypocritam propter peccata populi.* Sæpe enim accidit, ut quis ad honores & magistratus, imò ad Regnum ipsum perueniat, non quòd ipse eo gradu dignus sit, sed quòd peccatis suis populi commeriti sint, ut à tali Principe regerentur. Quare D. Gregorius locum illum enarrans ita scribit. *Nullus qui talem Rectorem patitur, eum quem patitur accuset, quia nimirum sui fuit meriti, peruersi Rectoris subiaccere diuini. Culpam ergo proprii magis accuset operis, quàm iniustitiam gubernantis. Scriptum namque est; Dabo tibi Reges in furore meo. Itaque Reges idolorum cultores, quibus tanquam flagellis ad populum suum corripiendum uti volebat Dominus, Christos suos appellat, & sanctificatos suos. Ego mandavi, inquit per Isaiam, sanctificatis meis, & vocavi fortes in ira mea, exultantes in gloria mea. Vox multitudinis in montibus, quasi populorum frequentium, vox sonitus Regum gentium congregatarum, Dominus exercituum precepit militia belli venientibus de terra procul à summitate cœli Dominus & vasa furoris eius, ut disperdat omnem terram. & de Cyro Rege Persarum hac legimus apud eundem Prophetam. Hac dicit Dominus christo meo Cyro, cuius apprehendi dexteram, ut subiiciam ante faciem eius gentes, & dorsa Regum vertam, & aperiam coram eo ianuas & non claudentur. Ego ante te ibo, & gloriosos terra humiliabo, portas areas conteram, & velles ferreos confringam. Et alibi dicitur. Assur virga furoris mei, & baculus ipse est, in manu eorum indignatio mea. His ergo tanquam furoris sui vasis, virgis, flagellis, ac quasi carnificibus quibusdam utitur Dominus ut de populis pœnasumat, sæuitiam impla*
- Iob 34. 30.
- Moral. lib. 25. cap. 14. 14. alias 20.
- Osee 13. 11.
- Isai. 13. 3.
- Isai. 45. 1.
- Isai. 10. 5.

implacabilem Tyrannorum inducens, magistratuumve molestam asperitatem, ut qui à Domini lege, tramitéque virtutis aberrauerant, in viam salutis redeant, quique tenebris peccatorum obcæcati lumen veritatis non aspiciebant quasi amaro felle (quod Tobia accidisse narratur in Tob. 11. 13. eius historia) lumen veritatis intueri rursus incipiant, quæque facienda cognouerint, operibus perficere aggrediantur. Illud tamen aduertendum est, huiusmodi Tyrannos licet à Domino populos premendi facultatem acceperint, non tamen plus in eos posse, quàm Dominus ipse permiserit, quemadmodum etiam sancto Iob videmus accidisse, quem cum Dominus in patientiæ exemplum, fortunis, liberis, corporis sanitate à Dæmone spoliari permisisset, non tamen omnia in eum permisit, sed animam illius seruari iussit, cum ait, *Ecce in manu tua est, veruntamen animam illius serua.* Tob. 2. 6.

De seditionibus Ciuiumque discordiis, quibus Respublica euertuntur.

C A P V T IX.

EGregiè Galatas monuit D. Paulus. Si inuicem mordetis, inquit, & comeditis, videte ne ab inuicem consumamini. Qua metaphora illos monere voluit, ut à domesticis ciuilibusque discordiis temperarent, quibus Reipubl. corpus non minus pter discor-

Galat. 5.
15.
Ingentibus
malis sub-
iacere Re-
publ. pro-
pter discor-

*dias, tur-
basque ci-
uiles.*

Isai. 9. 20.

Iud. 20. 1.

*Ibid. n. 21.
& 25.*

Ibid. n. 35.

Ibid. n. 37.

Ibid. n. 44.

Iud. 21. 6.

minus consumitur, quàm cum homines vi morbi in rabiem acti sua ipsorum membra, manus videlicet aut brachia morsibus appetentes rodunt, & depascuntur. Hoc enim illud est, quod eodem vsus loquendi Schemate dixit Isaias. *Vnusquisque carnem brachij sui vorabit, Manasses Ephraim, & Ephraim Manassem, simul ipsi contra Indam.* Id planè accidit in ciuili Israëlitarum bello, contra tribum Benjamin; Nam cum habitatores Gabaa, impuri homines, Leuitæ vxore ad suas explendas libidines abusi essent, & ad mortem vsque vexassent, nec Benjamitæ sceleris auctores ad pœnam reliquis postulanti- bus Israëlitis tradere voluissent, bellum ciuile exarsit, cumque mutua cæde ter exercitus concurrissent, plurimi mortales ceciderunt. Nam ex Israëlitis ad quadraginta hominum millia cæsa sunt, ex tribu autem Benjamin, *Filij Israël viginti quinque millia & centum viri, omnes bellatores & educentes gladium, cumque fuga sibi consulere satagerent Benjamitæ, in insidias delati sunt, quas fugientibus intruxerant Israëlitæ, qui cum repente de latibulis surrexissent, & Benjamin terga cadentibus daret, ingressi sunt ciuitatem, & percusserunt eam in ore glady; adeo vt alia decem & octo virorum millia caderentur, facibusque iniectis succensa vrbs tecta absumerentur.* Tantaque fuit tribus illius clades, vt postquam pugnandi ardor ille defederat, intelligerent Israëlitæ vindictâ facinoris illius in magnum torius Reip. incommodum recidisse, nam vt ait Scriptura, *Ducti pœnitentia filij Israël super fratre suo Benjamin caperunt dicere. Ablata est tribus vna de Israël.* Et fortasse pertinacioribus odiis quàm par fuisset, pugnatum est. Sed vt acer esse solet inter propin-
quos

quos amor, ita grauiores & acerbiores sunt inimicitia; cum enim mutuis offensionibus, & odiis certare cæperint, iura propinquitatis, quæ charitatis vincula esse debuissent, apud infensos irarum incitamenta fiunt. Ea etiam causa est, propter quam odia inter parentes aut fratres inter quos maius vinculum est, arctiorque coniunctio, immaniora & diuturniora esse soleant. Vna Dauidis domus, non vnum rei huius de qua disputamus, suppeditat documentum. Nam Amnonem fratrem suum Absalon tanto persecutus est odio, vt sororis dedecus non nisi ferro & cæde putauerit expiandum, quamuis tandiu concepti in fratrem odij pertinaciam texerit, donec illo ad conuiuium euocato, paratæ in beneuolentiæ symbolum dapes trucidati à satellitibus suis Amnonis calido cruore aspergerentur. Nec maior Absalonis in parentem reuerentia: nam quantum potuit, conatus est Regno illum euertere, atque etiã de medio tollere, nihil parentis canos miseratus, in cuius perniciem Israëlẽm vniuersum exciuit, infestisque mucronibus, quamuis irritò conatu fugientis iugulum petiit. Nam de Cain quid attinet dicere, qui cum fratris sui Abelis sacrificia Deo præ suis grata fuisse animaduerneret, tam immane odium concepit in fratrem, vt immerentem & innoxium interficeret, terramque fraterno sanguine primus imbueret.

2. Reg. 13.

19.

2. Reg. 15.

1.

Genes. 4.

8.

2 Porro cum aliàs sit turbis, factionibus, & seditionibus locus, maximè tamen hisce motibus opportunæ sunt Respubl. cum nullus est qui ad Regni sedeat gubernacula, vt interregni tempore solet accidere, impunitate enim proposita, quam Principis scelera vindicantis pollicetur absentia, scelesti

Quibus potissimum, occasionibus, temporibusque discordie gliscant in Republica.

scelerasti & turbulenti homines nihil non audent, Reipublicæque statum aggrediuntur euertere. Quare Scriptura cum tumultum illum, bellumque ciuile Israëlitarum contra Beniamitas recensuisset, aliæque nonnulla incommoda, quæ Reipubl. illa passa fuerat malorum omnium radicem indicans, ita loquitur in extremo libro Iudic.

Iud. 21. 14. cum; *In diebus illis non erat Rex in Israël: sed unusquisque quod rectum sibi videbatur, hoc faciebat.* tunc

Psal. 11. 9. enim ut quodam loco ait S. Dauid, *In circuitu impij ambulant* omnem circa regionem latrocinij infestam habentes, aut alia ratione turbantes, ut cuique fuerit collibitum. Nec multo melior ciuitatis status cum Principes adhuc infantes sunt, aut ætate tenera, & puerili, ut Regiam dignitatem consilij & virium imbecillitas contemnendam reddat. Quare Salomon ita pronuntiat. *Ve*

Ecclef. 10. 16. *tibi terra cuius Rex puer est.* Cuius Reipubl. infelicitatem ad rem de qua agimus accommodatiùs,

Isai. 3. 4. expressiùsque scribit Isaias. *Et dabo, inquit, pueros Principes eorum, & effeminati* (vel ut est in Hebræo *paruuli*, seu, ut interpretatur Kaldæus, *infirmi*) *dominabuntur eis. Et irruet populus, vir ad virum, & unusquisque ad proximum suum, tumultuabitur puer contra senem, & ignobilis contra nobilem;* quæ sanè mala in alijs etiam Rebuspubl. euenire non semel animaduertimus, illud præsertim quod dicitur.

Ibidem. *Tumultuabitur ignobilis contra nobilem:* Nam nullam ferè Aristocratiam fuisse vnquam crediderim, in qua plebs ægrè non tulerit dominatum esse penes paucos quorum potentiæ inuidet, & quibus iniquo animo penitusque inuito subesse solet, in omnes iugi excutiendi occasiones intenta, quamquàm nobilitas dum nimium populares

lares premit & ab omni publico munere plebeij ordinis homines submouet, ac præ se quasi ciuitatis faciem contemnit, malum istud si non creat, saltem in sinu fouet, quod fortasse beneficentia & clementia morum si non sanare, certè mulcere gliscentisque violentiam mitigare posset.

3 Cæterum si Reipublicæ tranquillitatem aliquæ huiusmodi turbæ corripuerint, fuerintque contra ciues arma capienda, semper meminerit Princeps, contra ciues bellum esse, quantumque sanguinis cæde suorum sparserit, tantum Reipub. vires infringi ac debilitari, quæ tot ciuium imminuta capitibus, ad eam deueniet imbecillitatem, vt externa bella si fortè ingruant propulsare non possit, quo nomine Iason in Machabæorum historia meritò reprehenditur. *Iason verò, inquit, non parcebat in cæde ciuibus suis, nec cogitabat prosperitatem aduersum cognatos malum esse maximum, arbitrans hostium & non ciuium se trophæa capturum.* Illa enim ferè pudenda victoria est etiam in iusta causa, quæ Regni vires euertit, ciuium numerum imminuit, manus propinquorum sanguine imbuit, humique iacentem ac prostratum Reipubl. statum relinquit. Quare prudentes & cordati viri, res alioqui bonas, & quæ magno essent vsui, si discordiarum rixarumque fuissent causa, infauito nomine notarunt, vt barbarum illarum causas execrandas esse nullus non intelligeret. Itaque Isaac puteum illum, cuius causa cum pastoribus suis, pastores Geraræ iurgati sunt. *Calumniam & Inimicitias* appellauit, vt in Geneseos historia legimus.

*In discordiis bellisq;
civilibus
quantum
fieri poterit
sanguini
parcendū.*

2. Mach. 5.
6.

Genes. 26.
20. 21.
*De tollendis
discordiis
civilibus
documentum.*

4 Tandem in seditionum discordiarumque amoliendis causis, affectibusque ciuium mitigandis,

864 *Institutio politica ex sacris Scripturis.*

dis, & ad concordiam, mutuamque beneuolentiam traducendis Principis industria desudare debet. Itaque non negligat oblocutorum quod-

Iob. 41. 12. dam genus, qui *halitu suo prunas ardere faciunt*, & inter pacatos ciues, quàm magistratuum impotentiam aut tyrannidem, quàm in tribuendis honoribus inæqualitatem, quàm à maioribus constitutam Reipub. formam carpendo, tranquillum Reipub. statum perturbant, & omnia susdeque euertere moliuntur. *Vir impius*, inquit Salomon, *fodit malum, & in labiis eius ignis ardescit; homo peruersus suscitatur lites, & verbosus separat Principes*: Fodiunt malum, quia similes iis sunt, qui latentes, & ingenti telluris aggere obrutas res magno labore, studioque in lucem educunt, nam sopitas, & obliuione sepultas discordiarum causas existere faciunt, sicque lites suscitant, discordiasque inter priuatos homines, aut etiam inter Reipubl. Principes, ex quo malorum Iliades consequuntur, totiusque Reipubl. euersio, & ruina, quæ tunc præceps ruit, cum ciuium diuisæ sunt linguæ, videturque *iniquitas & contradictio in ciuitate*, vt quodam loco loquutus est

Psalm. 54. 10. Dauid.

*Bellis Respublicas interdum euerti,
& liceat ne bellum gerere, qui-
que finis in suscipiendis bel-
lis spectandus sit.*

C A P V T X.

Sequitur ut de bello dicamus, vique exter-
na, quæ Respublicas interdum euertit, ut
Chananeorum populis accidit, qui Hebræorum
armis sunt subacti, rursusque ipsis Hebræis, qui
Diuino auxilio destituti, exterarum nationum
potentiæ impares Reipubl. suæ ruinam non se-
mel, ciues etiam suos in captiuitatem abductos
spectare coacti sunt. Verum quia nonnulla de
bello ad civilem doctrinam spectantia, non inu-
tiliter disputari possunt, paucis hisce extremi li-
bri capitibus ea complectemur, quæ ad rem no-
stram facere videbuntur, pressè tamen & paucis
quantum homini sacras litteras, non armorum
tractandorum scientiam professo, satis esse vi-
debitur.

I Ac primò illud statuendum est, nullo iure *Licitè esse*
vetitum esse, cum ratio recta suaserit, aliaque ad- *aliquando*
iuncta (de quibus paulo post dicemus) adfuerint, *bellū gere-*
arma contra hostes capere, acie instructa confli- *re probatur*
gere, si resistent occidere, regiones hostium, op- *ex Scriptu-*
pidaque inuadere, vno verbo bellum gerere. Id
sacræ Scripturæ testimoniis, exemplisque proba-
ri facile potest; nam sanctissimi viri, ipsarumque

- Scripturarum præconio laudati, bella gessisse, leguntur Abraham, Moses, Iosue, Gedeó, Sampson, David, Iosias, & Machabæi, & in noui testamenti libris legimus Centurionem, qui Christo Domino dicebat. *Habeo sub me milites, & dico huic vade, & vadit, & alio veni, & venit*, à Domino laudatum, non autem responsum, aut præceptum tulisse, vt abdicata militia, aliud vitæ genus institueret. Quod idem de altero Centurione Cornelio, cuius mentio est in actis Apostolorum, dicendum est, de quo legimus fuisse *virum iustum & timentem Deum*, non autem à Domino, aut sancto Petro à quo baptizatus est prohibitum fuisse, quo minus Principis sui stipendia mereret, aut cum opus esset castra sequeretur. Nec Domini præcursor Ioannes, qui magna libertate in vitia ad se adeuntium inuehebatur, hoc crimen dissimulasset, cum sese illi milites sisterent, & quid facto opus esset interrogarent, vt salutem æternam consequi possent, & tamen eis vt militarent faciebat potestatem, salutaribusque duntaxat monitis instructos dimittebat. *Interrogabant eum*, (inquit S. Lucas) *& milites, dicentes: Quid faciemus & nos? & ait illis. Neminem concutatis, neque calumniam faciatis, & contenti estote stipendiis vestris. Si Christiana disciplina*, inquit D. Augustinus, *omnia bella culparet, hoc potius militibus consilium salutis petentibus in Euangelio diceretur, vt abiicerent arma, seque militia omnino subtraherent, dictum est autem: Neminem concusseritis, nulli calumniam feceritis, sufficiat vobis stipendium vestrum; quibus proprium stipendium sufficere debere præcepit, militare utique non prohibuit. Quid quod Dominus bella quædam vt gererentur ipse præcepit, vt cum Israëlitarum populo iussit,*
- Matth. 8.
- Act. 10.
- Luc. 3.
- Ad Marcellinum cap. 5.

iussit, vt contra Amalechitas expeditio susci-
 retur? Sic enim in historia Regum legimus. *Hac* 1. Reg. 15.
dicat Dominus exercituum. Recensui quaecumque fecit
Amalech Israël, nunc ergo vade & percutere Amalech,
& demolire vniuersa eius, non parcas ei: nec præcepit
 tantum sed etiam miris modis præliantes adiu-
 uit, nam Iosue depugnante bella Domini, solis Iosue 10.
 cursus inhibitus est, pluresque lapidum grandine
 de cælo demissa, ex Israëlitarum hostibus obruti
 sunt, quàm militum gladiis interfecti. Machabæis 2. Mach.
 etiam Angeli equitum specie adfuerunt, quorum 10.
 auxilio illustrem de hostibus suis victoriam re-
 portauerunt, vt dubitari non possit, quin diuino
 consilio bella illa suscepta fuerint, quibus tam
 impensè Dominus fauerit.

2 Sed antequam progrediamur vlteriùs, quan-
 doquidem vt certum statuimus licere Principi
 cum propriæ Reipubl. intererit, bellum suscipe-
 re. Quærat aliquis quid facto opus sit Principi,
 cum inter finitimos bellum exarserit, medium ne
 se vtrisque amicum præbere debeat, nullius par-
 tem fouentem, aut iuantem, an verò satius sit
 alteri parti se adiungere, & pro illorum altero
 stare aduersus alterum. Alicui fortè videri possit
 melius esse neutrum contra alterum iuuare; nam
 qui inter se pugnant Principes, dum illum qui
 medius est sibi conciliare satagunt, aut dum sibi
 ab illo metuunt, officiis in illum beneficiisque
 certabunt. Deinde, quia si contra neminem arma
 expediat, & rebus suis parcat, & ciuium suorum
 sanguini, & insuper idoneus pacis sequester inter
 hostes esse poterit: si verò se turbis immisceat,
 nec aliis prodesse, nec fortè cum voluerit referre
 pedem honestè poterit, & suas res in discrimen

*An utile
 sit Principi
 neutrum con-
 tra alterum
 iuuare, cum
 bellum inter
 finitimos
 exarserit.*

Prou. 16.
17.

adducet ; nam vt docet Sapiens , *sicut qui apprehendit auribus canem , sic qui transit impatiens , & commiscetur rixe alterius.* Quemadmodum enim canes si auribus apprehendantur , facile irritantur , & dentes in prouocantes exerunt : Ita qui aliis inter se contendentibus , cum sua parum aut nihil intersit , se tamen immiscet , exasperatos iracundia animos facile concitat , & alterutrum , si non vtrumque , sibi inimicum reddit. Præterea alia existit vtilitas , quod dum se finitimi bellis attulerunt , atque conficiunt , qui quieti egerunt , si fortè laceffiti iniuria arma iure capere potuerint , integris viribus in hostes coorinuntur , & ex aliorum ruinis sibi parant incrementum ; quod spectasse videtur Rex ille Moabitarum , cum suis animos

4. Reg. 3.
23.

addens ita loquebatur. *Pugnauerunt Reges contra se , & cæsi sunt mutuo , nunc surge ad prædam Moab.* Verius tamen videtur , vtilius esse alteri parti adhærere : nam qui nullam sequitur , nulli etiam amicus esse censetur , & qui se desertum videt

Luc. 11. 23.

iniquo tempore illud vsurpare posse videtur ; *Qui non est mecum , contra me est.* Quare D. Paulus cum Iudæos in diuersa rapi studio religionis animadu-

Act. 23. 6.
7.

uerteret , se Phariseum esse palam professus est , quæ illi professio causa salutis fuit ; contra quam accidit viris labe Galaad , qui propterea quod à bello quod contra Beniamitas vniuersæ tribus indixerant abstinere noluerant , cæsi ipsi sunt , & eorum vrbs capta & eversa est. Nec Laïs ciuitati vtilius fuit quod cum finitimis nec commercia exerceret , nec amicitias coleret , nec fœdere vllò iungeretur , nam propterea cladem ingentem passam esse sacer contextus satis indicat , cum ait :

Iud. 11. 9.
10.

Iud. 18. 28.

Percusserunt eos in ore gladij , urbemque incendio tradiderunt

derunt, nullo penitus ferente presidium, eo quod procul habitarent à Sidone, & cum nullo hominum haberent quidquam societatis, ac negotij. Quæ verò hætenus disputauimus saluo partium iure, bellique iustitia intelligenda sunt; nam si cum honestate utilitas pugnet, nulli dubium esse potest honestatem utilitati antefereendam, nec regnandi, aut Regni amplificandi causa, cuiusquam ius violari posse.

3 Porro conditiones nonnullæ adesse debent, *Quæ conditiones requirantur, ut bellum quod suscipitur, iure suscipiatur.* quæ si desint, bella sunt iniusta, auctoritas nimirum legitima in indicente bellum, iusta belli suscipiendi causa, rectus etiam finis, formaque gerendi, de quibus singillatim pauca attingemus. Iis igitur Principibus, & Rebus publicis, ius est gerendi belli, quæ neminem agnoscunt in rebus temporalibus superiorē, cuiusmodi Reges erant in Scriptura Israëlitarum, Persarum, Assyriorum, Ægyptiorum, quorum frequens mentio est in sacris litteris, quorum etiam bella, clades, victoriæ recensentur. Apud istos igitur ius est gerendi belli, cum id Reipubl. necessitas postulauerit: sed iusta etiam esse debet causa propulsandi nimirum iniuriam, iusque suum, si quis illud violare tentauerit, defendendi. Estque adeò pectori mortaliū insitum bellum suscipiendum non esse, nisi iusta subit causa, ut etiam Tyranni alienorūque Regnorum inuasores, id iure facere videri velint, cuiusmodi fuisse Nabuchodonosor ex sacris litteris legimus, qui cum Hebræos primus, nullaque prouocatus iniuria lacessere, imò in eorum finēs irrumperere non dubitasset, ita tamen locutus est, ac si Hebræi Regium ius violare occupassent, ultroque iniuriam aliquam intulissent. Nam cum misisset ad omnes, qui habitabant in

Iudith 1.

7.

370 *Institutio politica ex sacris Scripturis.*

Cilicia, & Damasco, & Libano, & ad gentes quæ sunt in Carmelo & Cedar, & inhabitantes Galileam, & in campo magno Esdrelon, & ad omnes qui erant in Samaria, & trans flumen Iordanem usque ad Ierusalem, & omnem terram Iesse, quo usque perveniatur ad terminos Æthiopie; Iubens nimirum, ut iugo illius colla submitterent, & Nabuchodonosor Regem suum iussis illius parendo agnoscerent, nec quod

Ibid. n. 12. iniuste postulauerat obtinuisset. Indignatus Nabuchodonosor Rex aduersus terram illam intrauit per thronum, & Regnum suum, quod defenderet se de omnibus regionibus his. Quasi verò fuisset aliqua in re violatus ab illis, qui libertatem suam propugnare statuerant, Regnum autem Nabuchodonosor aggredi, aut alia ratione illi incommodare, ne in animo quidem habuerant. Sed nimirum ita Rex loquebatur, ut omnes existimarent se ius suum defendere, non in alienum inuolare, vimque regionibus illis afferre, quod iustis ipsius postulatis (ut credi volebat) non acquieuisent. Huc spectat rectus in bellis suscipiendis finis, quæ eo fine suscipienda sunt, ut sine iniuria in pace viuamus. Itaque Dominus præcipit in Deuteronomio.

Deut 10. Si quando accesseris ad expugnandam civitatem, offeres ei primum pacem. Nec David cum Golia pugnaturus aliud spectauit quàm populi sui tranquillitatem, & pacem, diuinæque gloriæ amplificationem, quam auctum iri sperabat, si carneam illam turrem gentis palestinae propugnaculum euertere & ad terram affligere potuisset; Quare

1. Reg. 17. Philistæum ita alloquebatur. Dabit te Dominus in manu mea, & percutiam te, & auferam caput tuum à te, & dabo cadauera castrorum Philistinim hodie volatilibus cali, & bestiis terra, ut sciat omnis terra, quia est

est Deus in Israël, & nouerit uniuersa Ecclesia hac, quia non in gladio, nec in hasta saluat Dominus, ipsius enim est bellum, & tradet vos in manus nostras. Tandem quoad modum gerendi bellum illud ut iuste geratur, seruandum est, ut sanguini humano, quantum fieri potest, parcatur. Quare conditionem accepit Saul Israëlque uniuersus, quam proposuerat Goliath cum diceret, *Eligite ex uobis uirum, & descendat ad singulare certamen; Si quiuert pugnare mecum, & percusserit me, erimus uobis serui; Si autem ego preualuerō, & percussero eum, uos serui eritis, & seruietis nobis.* Hoc si optasset Abner, qui post extinctum Saulem exercitum Isboseth cum imperio moderabatur, sane iuste fecisset, ne enim Gentilium suorum sanguis funderetur absque uitio à Ioab Dauidici exercitus Duce postulare potuisset, ut patria aliquot selectorum militum componerentur, quo scilicet paucorum periculo cæteris incolumitas pararetur. *Egressusque est Abner filius Ner, inquit Regum historia, & pueri Isboseth filij Saul de castris in Gabaon, porro Ioab filius Saruia, & filij Dauid egressi sunt, & occurrerunt ei iuxta piscinam Gabaon, & cum in unum conuenissent, è regione sederunt, hi ex una parte piscina, & illi ex altera. Dixitque Abner ad Ioab. Surgant pueri, & ludant coram nobis, & respondit Ioab. surgant: surrexerunt ergo, & transferunt numero duodecim de Benjamin ex parte Isboseth filij Saul, & duodecim de pueris Dauid, apprehensoque unusquisque capite cõparis sui, defixit gladium in latus contrarij, & ceciderunt simul, vocatumque est nomen loci illius, Ager Robustorum in Gabaon.* Verum credibilius est, nullum intercessisse pactum inter illos pacis post duellum incundæ, sed strenuitatis, fortitudinisque duntaxat ostentandæ causa, milites

1. Reg. 17.
8.2. Reg. 2.
12.

- illos depugnasse, quare postquam mutuis vulneribus, duodecim illa pugnatorum paria occubuerunt, exercitus etiam utriusque conflixerunt, ut enim legimus ibidem, *Ortum est bellum durum satis in die illa, fugatusque est Abner, & viri Israël à pueris David.* Nec contra ea quæ diximus obici potest, Dominum præcepisse, ut terræ Chanaan habitatores penitus abolerent, ut habemus in libro Numerorum. Nam bellum inter Davidem & Isboseth ciuile erat, & inter eos gerebatur, qui eiusdem Reipubl. partes erant, eiusdemque Religionis cultores: quod verò cum Chananæis Domino auctore susceperant, eo spectabat ut simul cum impia gente idolis addicta, & omnibus sceleribus cooperta, profanus cultus tolleretur, & Hebræis pacata sedes pararetur, omnisque in ethnicorum vitia prolabendi occasio remoueretur, nationibus illis penitus excisis. Itaque Israëlita, qui Domini voluntatem habebant exploratam, sese, ut id, quod Domino gratum esse sciebant, facerent, nuncupato etiam voto obstrinxerunt, ut eodem Numeri libro legimus. *Israël, inquit, voto se Domino obligans ait, si tradideris populum istum in manu mea, delebo vrbes eius.* Quod votum Domino fuisse gratissimum Scriptura significat, cum ait. *Exaudiuitque Dominus preces Israël, & tradidit Chananaum, quem ille interfecit subuersis urbibus eius, & vocauit nomē loci illius Horma, id est anathema.*
- De facilibus militibus mittendis, & rebus iniuste ablatiis, aut occupatis antequam ad arma veniatur, repetendis.
- 4 Illud tandem aduertendum est, quandoquidem bella tardè suscipienda sunt, eaque duntaxat, quæ pia, & pro defendenda Republ. necessaria fuerint, priusquam exercitus, & arma expediantur, legatos res repetitum mittendos esse; qui si postulata impetrauerint, à violentia erit abstinendum;

nendum; sin minus, bellum erit indicendum, ut
 nimirum & hostes, & quicumque alij, qui quod
 factum fuerit cognouerint, à quo stet iustitia,
 quique recti fines transilierit, intelligant. Nouem
 tribus Israël contra tres, quæ primæ iuxta Iordanem
 sortis suæ funiculum noctæ fuerant, bellum
 cogitabant indicare, quod veram patriamque
 religionem prodidisse dicerentur, ergo certos
 quosdam homines legarunt ex primariis populi
Phinees scilicet filium Eleazari Sacerdotis, & decem Iosue 27.
Principes cum eo, singulos de singulis tribubus, 13.
 qui nimirum diligenter cognoscerent vera ne essent,
 quæ de iplis fama vulgauerat, dicerentque. *Hac*
mandat omnis populus Domini, quæ est ista transgressio
cur reliquistis Dominum Deum Israël adificantes alta-
re sacrilegum, & à cultu illius recedentes? Iephte etiam
 cum primum Principatum auspicatus est, bellum-
 que cum Ammonitis instaret, antequam manus
 armis adinueret, *Misit nuncios ad Regem filiorum* Iud. 11. 12.
Ammon qui ex persona sua dicerent. Quid mihi & tibi
est, quia venisti contra me, ut vastares terram meam?
quibus ille respondit, quia iulit Israël terram meam.
 Cui rursus Iephte factum excusare aggressus est,
 causasque afferre propter quas Israëlita cum de
 Ægypto ascenderent, bellum gessissent contra fi-
 lios Ammon, quod scilicet aditu eos ad promissam
 à Domino regionem armis prohibere instituis-
 sent, contra quos bellare coactus est, ut ad
 possessionem suam adeundam viam ferro aperiret,
 quandoquidem hostilibus alioqui copiis iter
 fuerat interseptum. Qui verò ita circumspectè
 bella suscipiunt, ut pacem potius optent omni-
 que ratione contendunt hostes suos ad officium
 faciendum inducere, eos dixerim *sanctificare bel-* Mich. 3. 5.
 lum,

lum, quod alicubi legimus apud Prophetam; nam & iura sua defendunt, nihilque moluntur, quod diuinæ legis, naturæue præscripto aduersetur; sed arma ipsa quæ tractant, bellumque quod gerunt iustitiæ studio, causæque pietate sanctificant: qui verò secus faciunt, omnesque belli mouendi occasiones arripiunt, ciuicumque securitatem per incertos euentus certaminum in discrimen adducunt, tenuis alicuius compendij cupiditate, certa, grauique iactura victoriam perentes: Ij sanè, vt moderatè loquar, inconsultè faciunt, cum non alibi cunctantior Princeps, esse debeat, quàm in expediendis armis, bellisque suscipiendis, ex quibus omnium malarum rerum pelagus exundat, etiamsi iustissima sint; quam etiam Fortassis ob causam cum Danidi Pestis, Belli, Famisve optio data esset, Pestem bello duxit esse potiore.

2. Reg. 24.
14.

*An pax
perpetua
ineunda
sit, an verò
ad tempus
solum.*

5 Cæterum, quia finis belli pax est; Quærat aliquis satius ne sit pacem cum hostibus quibus reconciliamur ad certum tantum tempus inire, an verò perpetuam, & nulla temporis periodo finiendam? Respondeo pacem perpetuam esse debere, hoc enim ab induciis distinguitur quæ ad certum tempus inter hostes conciliari solent. Si enim ad tempus tantum pax fiat, nec suspiciones inter Principes aut Respubl. amoliri, nec discordiarum fibras, ac radices excindere, nec curis soluti quiete agere poterimus, contra quam optat

1. Timot.
2. 2. 1. 2.

Apostolus, qui fidelibus *obsecrationes, orationes, postulationesque*, indicit, *pro Regibus & omnibus qui in sublimitate sunt, vt quietam & tranquillam vitam agant,* & alibi, propius ad rem nostram, cunctis à Do-

2. Thess. 3.
16.

mino pacis, ita bene precatur; *Ipse autem Dominus pacis*

pacis det nobis pacem sempiternam, ut nimirum in
charitate fundati & radicati, ut idem loquitur ad
 Ephesios scribens, amicitias bona fide, firmiter- Ephes. 3.
 que colamus. Itaque in veteri lege fœdera fre- 17.
 quenter appellantur sempiterna, quod multis
 locis reperitur in Genesi, Numeris, Paralipome- Genes. 9.
 nis, Isaia, & alibi, & pacta salis, hoc est firma, sta- 16. & 17.
 bilia, perennia. Quemadmodum enim sal carnes 7.
 prohibet ne putrescant, easque conseruat; ita pa- Num. 18.
 ctum salis illud est, quod à corruptione & viola- 13.
 tione alienum est, quia scilicet firmum, ratum, 1. Paralip.
 perpetuum est. Quod si fortè fœderum memoria 16. 15.
 temporis longinquitate obsolescat, missis lega- Isai. 24. 9.
 tionibus subinde renouanda est, & conuentorum Nam. 18.
 leges, pactaque instauranda, quod Iudæos cum 19.
 Romanis, & Spartanis fecisse legimus in Macha- 1. Machab.
 bœorum historia. Quemadmodum etiam fœdus 12. 14. 15.
 quod Dominus cum populo suo pepigerat, eius-
 dem voluntate, & iussu frequenter renouabatur,
 ut nimirum obliuioni occurreretur, nec apud di-
 lectam illam Rempubl. legum cum Deo pacta-
 rum memoria posset intercidere.

De belli Duce, eiusque notis.

C A P V T XI.

PPrinceps cui belli incubuerit necessitas, in
 eo curam intendat, ut egregium copiis suis
 Imperatorem parat, nam militaris turba sine
 duce, quid aliud sit quàm corpus sine spiritu,
 quàm Remiges sine gubernatore cursum diri-
 gente?

*Ducē bellī
 optimum
 quarendū,
 cum bellā-
 di necessi-
 tas incu-
 buerit.*

876 *Institutio politica ex sacris Scripturis.*

- gente? viderunt hoc Israëlita, qui cum exercitum ingentem coëgissent, omniumque voluntates in idem conspirarent, ita enim loquitur Scriptura; *Conuenit uniuersus Israël ad ciuitatem quasi homo vnus, eadem mente vnoque consilio*; Ducem nihilominus tam diligenti studio quærendum putauerunt, vt tanquam de re maximi momenti Domini oraculum expeterent. ita enim ibidem
- Iud. 20. 11. Iudicum narrat historia. *Qui surgentes venerunt in domum Dei, hoc est in Silo, consulueruntque Deum, atque dixerunt: Quis erit in exercitu nostro Princeps certaminis contra filios Benjamin? Quibus respondit Dominus. Iudas sit Dux vester.* Nec defunt in Scriptura rei malè gestæ, aut in vltimum discrimen adductæ exempla, propterea quod aut nullus esset exercitui Dux, aut si quis erat, cecidisset in bello;
2. Reg. 4. 1. Cum cecidisset Abner in Hebron. *Omnis Israël perturbatus est, tanto duce destitutus, vnoque Ho-*
- Iudith. 14. 17. *loferne capite truncato, Principes virtutis Assyriorum sciderunt omnes vestimenta sua, & intolerabilis timor & tremor cecidit super eos, & turbati sunt animi eorum valde, & factus est clamor incomparabilis in medio castrorum eorum, cumque omnis exercitus decollatum Holofernem audisset, fugit mens & consilium ab eis, & solo tremore & metu agitati fuga præsidium sumunt, ita vt nullus loqueretur cum proximo suo, sed inclinato capite relictis omnibus euadere festinabant Hebraeos, quos armatos super se venire audientes, fugiebant per vias camporum, & semitas collium.* Vidit etiam Syriæ Rex, cui cum Israëlitis erat bellum, maximum esse in Imperatore momentum; quare ita suis præceperat, *Non pugnabitis contra maiorem & minorem quempiam, nisi contra Regem Israël solum: quod discrimen Rex ille præcauere nisus est, ac pro-*
3. Reg. 22. 31. *inde*

inde Regia abiecta purpura Imperatorioque paludamento, plebeij ac vulgaris militis indurus amiculo, ne scilicet ab hostibus agnosceretur, pugnam ingressus est. Porro, inquit, *Rex Israël munivit habitum suum, & ingressus est bellum.*

Ibid. n. 30.

2 Sed quærat hic aliquis, expediatne Regem ipsum in castris versari, & Imperatorem agere, an satius sit partes suas alteri mandare, qui fide & strenuè Principis sui bella depugnet. Ac sanè Regum munus esse, ante suos in bellum descendere illud suadet, quod non Principes tantum, aut Pastores populorum dicuntur Reges in sacris litteris, sed etiam Duces; nam Dominus cum alloquitur Samuelem, à quo Saul in Regem inungendus erat, ait. *Vnges eum Ducem super populum meum Israël.* & Regni Israëlitici primores cum Davidem admouerent ad Regnum, dicebant; *Ece nos os tuum & caro tua sumus, sed heri & nudius tertius cum esset Saul Rex super nos, tu eras educens & reducens Israël: Dixit autem Dominus ad te. Tu pascos populum meum Israël, & tu eris Dux super Israël.* Et Salomon cum Davidis adhuc superstitis voluntate regnum accepit, non Rex tantum, sed populi etiam Dux appellatur: *Sedebit* (Salomon inquit David) *super solium meum, & ipse regnabit pro me, illique præcipiam, ut sit Dux super Israël, & super Iudam.* Nec aliud fuit populi votum Regem postulantis. *Rex* (inquiunt) *erit super nos, & erimus nos quoque sicut omnes gentes, & indicabit nos Rex noster, & egredietur ante nos, & pugnabit bella nostra pro nobis.* His addi possunt exempla fortissimorum Principum, qui suis ipsi exercitibus præfuerunt, ut Alexander Macedo, cuius laudata est in sacris litteris fortitudo: Saul; David, alique, qui

An debeat Princeps in castris versari, & belli Ducem agere.

1. Reg. 1. 16.

2. Reg. 5. 1.

3. Reg. 1. 35.

1. Reg. 8. 19.

quanto

quanto maiore sunt auctoritate, quàm inferiores
 Duces, tanto faciliùs continent in officio, sua-
 que præsentia militem urgent, vt sese alacriùs
 impendat, periculàque non reformidet, quod
 scilicet se spectante Principe non gratuitò for-
 tem futurum esse confidat. Sed alteri etiam parti
 sua firmamenta non desunt, quibus probatur
 Principem, quo extincto totius Reipubl. status
 periclitari solet, dubiis præliorum euentis exi-
 mendum esse, quod Dauidis milites spectau-
 erunt, nam cum Rex tributo in tres partes exer-
 citu dixisset: *Egrediar & ego vobiscum. Respondit po-*
2. Reg. 10. 2. pulus: Non exibis, si enim fugerimus non magnopere ad
eos (hostes scilicet) de nobis pertinebit, siue media
pars ceciderit è nobis, non satis curabunt, quia tu vnus
pro decem millibus computaris; melius est igitur vt sis
nobis in vrbe presidio, ad quos Rex ait, Quod vobis vi-
detur rectum, hoc faciam. In eandem sententiam ad-
 dita etiam iurisiurandi religione, viri Dauid
 Principem suum ab expeditionibus bellicis pro-
 hibentes, locuti sunt. Nam cum Rex prope ab-
 fuisset à vitæ periculo, Abisai consobrini sui præ-
 sidio ereptus, *1. Reg. 21. 17. Iurauerunt viri Dauid dicentes: Iam*
non egredieris nobiscum in bellum, ne extinguas lucer-
nam Israël. Quare castris abstinuit, bellàque per
 duces suos, Ioab præsertim virum nauum, & mul-
 tis præliis exercitum administravit. Quod ple-
 rumque Principibus faciendum censeo, nisi gra-
 uissimum aliquod periculum vniuersæ immine-
 ret Reipubl. quod nisi præsentem Rege auerti non
 posse putaretur. Tunc enim inducenda sunt illi
 arma, standum in acie, & pro communi salute
 Regni, aut Prouinciarum fortiter depugnandum,
 citra verò huiusmodi periculum minora bella
 Ducibus

Ducibus etiam minoribus arbitror deleganda.

3 Illud etiam monendi sunt Principes, summum rei militaris Præfectum, vnum tantum esse debere, ne fortè æquato inter duos aut plures imperio dissensionibus inter se discordent, remque totam in magnum aliquod periculum adducant.

Duo fratrum paria in rei de qua agimus confirmationem afferri possunt. Machabæi duo Simon & Iudas Mathathiaæ filij; his enim quamvis ut propinguitatis ita amoris vinculo inter se coniunctissimis, populi regendi cum ita credita est, ut Iudas bellicis expeditionibus, cum summo Imperio præesset, Simon verò qui consilio plurimum valebat, tanquam cæterorum in reliquis Pater esset. *Vos ergo filij*, inquit Mathathias, *con-*

fortamini & viriliter agite in lege, quia in ipsa gloriosi eritis. Et ecce Simon frater vester scio quod vir consilij est, ipsum audite semper, & ipse erit vobis Pater. Et Iudas Machabeus fortis viribus à iuuentute sua, sit vobis Princeps militia, & ipseaget bellum populi. Idem iudicium de Mose, & Aaron, quamvis enim Mose populi imperium deprecanti Aaron socius diuino nutu additus fuerit, dicente Domino ad Moysen, *Aaron frater tuus* *Leuites*, *scio quod eloquens sit*, ecce ipse egreditur in occursum tuum, vidensque te latabitur corde, loquere ad eum & pone verba mea in ore eius, & ego ero in ore tuo, & in ore illius, & ostendam vobis quid agere debeatis, ipse loquetur pro te ad populum, & erit os tuum: Quamvis patratis signis, rebus quæ à Moysè proponebantur, auctoritatem conciliauerit, orationeque sua fidem apud populum fecerit, ita enim eodem libro legimus, *Locutusque est* *Aaron omnia verba, qua dixerat Dominus ad Moysen,* *Ibid. n. 30,* *& fecit signa coram populo, & credidit populus.)* sum-

*An vnus
tārum bel-
li Dux, an
verò plures
esse debeat.*

1. Mach. 2.
64.

Exod. 4.
14.

Ibid. n. 30.

ma tamen populi regendi, bellique administrandi potestas penes Moysen fuisse videtur, qui cum imperio cunctis præesset, Reipubl. habenas, & pacis tempore & belli moderaretur. Nec reprehensione aut pœna caruit Barac, qui cum aduersus Sisarã diuinitus Dux electus esset, ad bellum egredi non audebat, nisi Deborah prophetidem sibi sociam expeditionis ascisceret; nam *dixit ad eam Barac; si venis mecum vadam, si nolueris venire mecum, non pergam: quæ dixit ad eum, Ibo quidem tecum, sed in hac vice victoria non reputabitur tibi, quia in manu mulieris tradetur Sisara;* quod ut ab ea prædictum est, ita pianè accidit; nam Iahela temporaria Sisaræ clauo perforante gloriam sublatis hostis, qua Barac fuerat vitio suo fraudatus, consecuta est, iisque qui cum imperio exercitibus præsunt, documentum reliquit, nec vno Duci geminos, nec mulierem viro præferendam aut æquandam fuisse. Sed ad Imperatoris notas deueniamus.

Iud. 4. 8.

Iud. 4. 24.

*In belli
Duce rei
militaris
peritiam,
quæ experientia col-
ligitur re-
quiri.*

4 Primùm igitur rei militaris scientiam, peritiamque longo usu, & exercitatione collectam, in supremo Duce requiro. Neque enim regendis exercitibus ille aptus fuerit, qui nunquam vrbe pedem extulerit, aciem viderit, tubæ sonitum, castrorumque fremitum audiuerit, sed is tandem, qui multa expleuerit stipendia, cum hostibus pedem crebrò contulerit, expertusque didicerit, quomodo extruenda aut explicanda sit acies, locanda castra, cum hostibus confligendum, cæteraque calluerit, quæ militari experientia, melius quàm lectione librorum aut ingenij bonitate Duces assequuntur. Talis sanè Dux Iosue fuit filius Nun, qui frequenter in sacris litteris *Moyse minister* appellatur, quod scilicet eius lateri perpe-

Iosue 1. 1.

tuo

tuò affixus, tam excellentis exemplaris intuitu
 administrandorum bellorum doctrinam excel-
 lentem hauserit; adhuc enim superstite Moyse,
 exercitumque Israëlitiçi populi ductante, difficil-
 limis expeditionibus Mosis iussu non solum in-
 terfuit, sed etiam præfuit, cuius militari pruden-
 tiæ tantum datum est, vt militum delectus, pu-
 gnadique cum hostibus modus illi penitus com-
 mitteretur: ita enim legimus in Exodo. *Dixitq;* Exod. 17.
Moyse ad Iosue, elige viros, & egressus pugna contra 9. & 13.
Amalech. Fugauitq; Iosue Amalech, & populum eius in
ore gladij. Sic Dauidis adhuc pastoris, mox futuri
militis, tum tribuni, tandemque supremi Israël
Ducis tyrocinium assidue verationes imbuebant.
 Fuit autem puerilis illius exercitatio lustrare sal-
 tus, excutere cubilibus feras, edita montium iuga
 superare, horrentibus scopulis gradum inferre, &
 cum obuiis belluis certare, cum fugacibus cursu,
 cum audacibus robore, cum callidis astu. Itaque
 verè apud Saulem penè puer gloriatur, cum
 ait. *Pascebat seruus tuus patris sui gregem, & venie-* 1. R.
bat leo, vel ursus, & tollebat arietem de medio gregis, 34
& persequabar eos & percutiebam, eruebamq; de
rum, & illi consurgebant aduersum me, & con-
fruebam mentum eorum, & suffocabam
Nam & leonem & ursum in-
Que Dauidis facta comine-
Cum leonibus, inquit, lusi quap-
sis similiter fecit sicut in agnis ouium,
 Mox à syluestribus istis pugnis ad arma
 sus meruit in Saulis castris, & post Goliath
 lari certamine prostratum; *Fecit cum Saul tribu-*
num super mille viros, & egrediebatur, & intrabat in
conspetu populi, in omnibus quoque vis suis Dauid pri-
denier

denier agebat. Mox Saule Dauidis caput data opera, occasioneque quæsitâ periculis obiectante
 Ibid.n. 25. (nam *Saul cogitabat tradere Dauid in manus Philistinorum*) regiones hostium populatus, ducentisque viris interfectis eorum præputiis Regi annumeratis, non magis vxoris Michol, quam adamaue-
 rat, nuptias, quàm Regis sibi conciliauit odium, qui cum omnia illius incrementa suspecta haberet, de medio sublatum Dauidem cupiebat, quem Regno diuina destinatione, populûq; illum amore prosequentiis fauore, imminere animaduertebat. Tandem fuga elapsus Dauid multisque modis à Saule iactatus, ad Achis Regem Geth se recepit, indeque excursionibus subinde factis armatum contrahere non sinebat, donec satraparum suspicionibus aliam sibi sedem parare iussus est. Tandemque ad Regnum admotus, cum Hebræorum hostibus tantum gessit bellorum, vt à Domi-
 Par. 28. no *vir bellator appellatus sit*, multique viri bellatores, armorumque tractandorum peritissimi, tanquam ex militari quodam Dauidis ludo extiterint, quorum catalogus texitur in Regum historiarum. Quæ etiam ac summatim insignibus commemoratis, quæ ex loco in-
 oscere poterit. Quæ verò de sunt, de aliis etiam nonnullis, Iephthæ, Ioab, Iuda Machabeis, prius exercituum Imperatores, quàm diuturna tractandorum ar-
 experientia, militaris scientiæ laudem si-
 anissent. Sed de hoc satis.

Illud etiam in exercitus Imperatore videtur optandum, vt vel ad militum benevolentiam colligendam, vel ad inertium metus eximendos, vel ad

ad acres & erectos virtutis exemplo magis ac magis excitandos ea sit virium firmitate, vt cum militibus suis laborum particeps esse possit, isque animi vigor sit, vt ad pericula capeffenda non desit audacia. Itaque corpus exercendum est, vt inedia patiens sit, vigilia, alboris, æstus, cumque ad arma veniendum est, Princeps in prælium descendere non dubitet, si res ita postulet, eoque conseruto vltimus excedat ex acie. Digna sanè strenuo Imperatore vox illa Gedeonis, qua suos excitabat milites. *Quod me facere videritis, inquit, hoc facite,* Iud. 7. 17. *ingrediar partem castrorum, & quod fecero sectamini.* Nec fortius locutus est quàm fecit, nam primus ipse Madianitarum stationes ingressus est, vt ipsa Scriptura docente colligimus, cum ait: *Ingressusque* Ibid. n. 19. *est Gedeon, & trecenti viri, qui erant cum eo in partem castrorum.* Hac etiam de qua loquimur corporis fortitudine animique strenuitate præditus fuit Dauid, de quo præter cætera quæ multis locis de illo sacra prædicant scripturæ, ita legimus in Regum historia. *Ipsè est (Dauid scilicet) quasi tenerri-* 2. Reg. 23. *mus ligni vermiculus, qui octingentos interfecit impetu* 8. *vno.* Quo loco Dauidis fortitudo cum celeberrimi cuiusdam bellatoris fortitudine componitur, cuius Hebraicum nomen in Latinam dialectum translatum, tenerrimum sonat ligni vermiculum, cuius nimirum egregia facta, quo tempore Regum hæc historia conscripta est, omnium ore celebrabatur, illudque præsertim quod vno impetu, vnoque congressu octingentos occidisset. Et sanè Dauidi inter tot bella, terrores, fugas, præsentissimæque vitæ pericula locus non fuit, aut tempus delicias consecretandi cum puer agigaret in montibus parentis ouiculas pascens, cumque in spelun-

cis Saulis metu latitaret, vigiliarum, somnique nec die nec nocte discriminata tempora habere potuit, cibique ac potionis tantum adhibuisse credendus est, non quantum suaderet voluptas, sed quantum sedando naturali desiderio satis esse posset. Eoque aliquando compulsus legimus ut Abimelech sacerdotem in hæc verba rogare coactus sit; *Nunc ergo si quid habes ad manum, vel quinque panes da mihi, vel quidquid inueneris*, ut scilicet ipse famem, quique illum comitabantur, sedare possent. Huiusmodi ergo Ducem milites nacti nihil non audent; tamque præsentis sunt animo, ut difficultatibus oblectari, easque perrumpere non reformident, donec sibi, & Duci cum victoria, gloriam etiam & decus insigne pepererint.

*Prudentia
militari
Ducem præ-
ditum esse
debere.*

6 Cæterum fortitudini prudentia iungenda est, eaque illa regenda, ut scilicet omnia in bello caute Dux circumspectat, ne festinatione præpropera, aut incauta temeritate, rei bene gerendæ occasiones corrumpat, aut etiam in discrimen aliquod adducat. Sunt enim aliqui adeo rudes, & hebetes ut paratas insidias, & pericula quæ in oculos incurrunt non aduertant, auiculis quibusdam incautioribus similes, ante quas cum retia explicentur, & ad capiendum instruuntur, in ea tamen, aut in laqueos ab aucupe positos, se induunt, de quibus fortè accipi potest illud Sapientis. *Frustra*

Prou. i. 17.

*iacitur rete ante oculos pernautorum: ut sensus sit, tanta est quarundam simplicitas auium, ut etiam apertas insidias non declinent, sed retibus aut laqueis quantumuis apparentibus pedes aut collum inferant. Itaque laudandus Samariæ Rex, cui cum Leprosi illi dixissent, *Inimus ad castra Syria, & nullum ibidem reperimus hominem, nisi equos & asinos**

*4. Reg. 7.
10.*

nos

nos alligatos, & fixa tentoria, suspicatus hostes insi-
 dias fugæ simulatione texisse, ita suos allocutus
 est: *Dico vobis, quid fecerint nobis Syri, sciunt quia fa-* Ibid. n. 12.
me laboramus, & idcirco egressi sunt de castris, & lati-
rant in agris, dicentes. Cum egressi fuerint de ciuitate,
capiemus eos viuos, & tunc ciuitatem ingredi poterimus:
 nec prius hostes fuga dilapsos esse credidit, quàm
 missis exploratoribus, desertis castris, sarcinis, ve-
 stibus, ac vasis omnis generis abiectis, panico ter-
 rore diuinitus immisso, se inde Syros timore per-
 cussos proripuisse cognouisset. Quem si Gorgias
 fuisset imitatus, sanè sibi melius, suisque consu-
 luisset: Nam, vt legimus in Machabæorum histo-
 ria, *Veni Gorgias in castra Iuda noctu, & neminem in-* 1. Mach. 4.
uenit, & querebat eos in montibus, quoniam dixit: Fu- 5.
giunt hi à nobis. Sed cum dies factus esset, apparuit Iu-
das in campo, Gorgiâque absente cum hoste con-
fluxit, plurimisque cæsis, castris Gorgiæ, & opu-
lenta præda potitus est. Itaque quod monet Sa-
lomon cum ait, Palpebra tua precedant gressus tuos, Pro. 4. 25.
 sedulò seruandum est, ne scilicet in cippum ali-
 quem, aut laqueum impingat Dux, seròque dice-
 re incipiat. Non putaram. Hanc ob causam Esdras
 amicitiam fœdusque suspectum habuit, quod Is-
 raëlitarum hostes cum ipso pangere satagebant,
 missis nuntiis qui dicerent; *Veni & percutiamus* Esdr. 26. 2.
fœdus pariter: nam prætenso amicitiae & fœderis
 honesto nomine parabantur insidiae; *Ipsi autem,* Ibid. n. 3.
 inquit Esdras, *cogitabant vt facerent mihi malum.*
 Cautè igitur eorum conatus elusit nunciis missis,
 qui dicerent: *Opus grande ego facio, & non possum de-*
scendere, ne forte negligatur cum venero, & descendero
ad vos. Miserunt autem ad me secundum verbum hoc
per quatuor vices, & respondi eis iuxta sermonem prio-
rem.

rem. Ad hanc etiam prudentiam militarem de qua agimus, illud spectat in primis, ut à belli Duce omnis absit temeritas, & omnia cautè & cum cō-filio administrentur. Sic Iosue cum renuntiassent exploratores duo millia militum satis esse ad occupandam Hai, ipse tamen eò tria millia destinavit. Contra verò temeritatis notam meritis est Amasias Rex Iuda, qui cum secundo prælio cum Idumæis conflixisset, successu elatus Ioas Regem Israël suis iam viribus præfidens, prouocauit ad bellum, cuius confidentiam postquam Ioas irrisisset, Cardui parabola, qui cedri Libani filiam in uxorem filio suo deponere non dubitauit, cornua etiam contudit: nam cum prælio decreuissent, qui plus audaciæ quàm virium attulerat, profligatus est, verumque esse Salomonis ostendit oraculum dicentis: *Contritionem præcedit superbia, & ante ruinam exaltatur spiritus.*

Prou. 16.
18.

Plurimū in
belli Duce
existima-
tionem quæ
de ipsius
virtute
habetur,
ad res bene
gerendas
momentū
habere.

Isa 9. 6.

Iudith 1.
11.

7 Porro ex militari prudentia, & fortitudine quasi quædam soboles nascitur existimatio, quæ ad res bene gerendas mirum quantum prodest. Cum titulos, quibus olim decorandus erat, eximius ille Princeps quem describit Isaias, enumerat Propheta, cum *fortem* appellat & *consiliarium*, quorum primum ad bellicam virtutem, secundum ad prudentiam spectat: quare mirum non est si audiat etiam *admirabilis*, quæ laus dotes istas in Imperatore consequitur. Multa præclare gesserat in bello Holofernes, quæ Scriptura enumerat cap. secundo historiæ Iudith: nam *venit ad magnos montes Augæ, qui sunt à sinistro Cilicia, ascenditq; omnia castella eorum, & obtinuit omnem munitionem. Effregit autem civitatem opinatissimam Melothi, prædauiq; omnes filios Tharsis, & filios Ismahel, qui erant con-*

tra

tra faciem deserti, & ad austrum terra Cellon, & transiit Euphraten, & venit in Mesopotamiam, & fregit omnes ciuitates excelsas, qua erant ibi à torrente Mambre, usquequo perueniatur ad mare, & occupauit terminos eius à Cilicia usque ad fines Iapheih, qui sunt ad austrum. Abduxitq; omnes filios Madian, & pradauit omnem locupletationem eorum, omnesq; resistentes sibi occidit in ore gladij: & post hac descendit in campo Damasci, in diebus messis, & succendit omnia sata, omnesq; arbores & vineas fecit incidi. Cum ergo tam multa præclare gessisset, mirum non est, si nomen ipsius fama circumtulit; tantæque existimatio victorias illas consecuta est, vt quod ibidem additur, ceciderit timor illius super omnes inhabitantes terram. Dauid etiam, vt legimus in historia Regum; Fecit sibi nomen cum reuerteretur capta Syria in valle Salinarum casis decem & octo millibus. Nec minor Iudæ Machabæi apud Israëlitici nominis aduersarios fuit existimatio, eo enim cum exercitu adueniente, ne aspectum quidem illius sustinuerunt hostes. Et cognouerunt, inquit, castra Timothei, quia Machabeus est, & fugerunt à facie eius, & percusserunt eos plaga magna; quæ virtutis & fœlicitatis opinio aduersarios conturbat, militum animos confirmat, ciuitatum & prouinciarum ad deditionem sollicitat, voluntates, exercitus integros in fugam vertit, aut Imperatori adiungit, vno verbo difficultates omnes emollit ac perumpit, victoriâsque conciliat. Magnum autem est in fama momentum, initio bellorum, in quam enim partem, aliqua facta fuerit inclinatio, secundo rumore omnia in maius attollente, variè militum animos afficit, nam eorum qui detrimentum aliquod passi sunt, consternat metûque percellit, eos verò, qui

Ibid. n. 15.

1. Reg. 8.

13.

1. Mach. 5.

34.

rem bene gesserunt, ad audendum reddit alacriores. Hoc potissimum argumento vsum videmus Chusai Arachitem cum Absalonem deterreret, ne continuò iis quas habebat copiis, in Dauidem impetum faceret, metum enim iniicere conatus est, ne fortè si aliquid, dum nimis properatur, peccatum esset, pauore vulgato à partibus Absalonis Israëlitas expectatione bellici euentus suspectos abstraheret. *Cum ceciderit*, inquit, *unus quilibet in principio, audiet quicumque audierit, & dicet. Facta est plaga in populo, qui sequebatur Absalon, & fortissimus quisque cuius cor est quasi leonis, pauore soluetur.* Sed de Duce hactenus, ad milites veniamus.

2. Reg. 17.
3.

De Militum delectu, disciplina, exercitatione, & armis.

CAPVT XII.

Locus quidam Isaia explicatur, quo egregy militis descriptio continetur.

Isai. 5. 26.

EXpediti, fortis, & ad tolerandos labores infracti exercitus egregia descriptio est apud Isaia, in qua, quid in milite ad bellum profecturo desiderandum sit, videtur contineri; cum enim exteras nationes immissurum Dominum populo suo minaretur Propheta, ita loquitur. *Et eleuabit, Dominus scilicet, signum in nationibus procul, & sibilabit ad eum de finibus terra, & ecce festinus velociter veniet. Non est deficiens neque laborans in eo, non dormitabit neque dormiet, neque soluetur cingulum renum eius, nec rumpetur corrigia calceamenti eius. Sagitta eius acuta, & omnes arcus eius extensi.*

renti. *Vngula equorum eius, ut silex, & rota eius quasi impetus tempestatis. Rugitus eius ut leonis, rugiet ut catuli leonum, & frendet, & tenebit pradam, & amplexabitur & non erit, qui eruat.* Sanè expediti qui de finibus terræ velociter adesse, ac tantum non aduolare possent. Viribus integris, quod non esset deficiens, aut laborans in eis, ac nocturnas docti excubias, qui neque dormirent, neque dormitarent, sub armorum pondere minimè fatigati, siue standum esset in acie, siue castra aliò transferenda, quippe quorum cingulum renum eorum non solueretur, vestibis bene muniri, ad frigoris & hyemis iniurias perpetiendas, quorum ne corrigia quidem calceamenti rumperetur. Armis probè instructi, sagittis nimirum & arcubus, quibus eo tempore maximus in bellis vsus, nec pedites tantum, sed etiam equites, & currus falcati, iique optimi; nam vngulæ equorum eius ut silex, & curruum rotæ cum equis rapientibus per saxa decurrerent, quasi impetus tempestatis. Ducis verò ac militum tantus vigor animi, ac robur corporis, ut cum leonibus componi possint, rugitus eius ut leonis. Huiusmodi milites qui natus est, is certissimum habet Rēipubl. in bellis, ac pace præsidium; quare idem Isaias alio quodam loco firmamenta commemorans, quæ esset Dominus propter peccata populi ex Hebræorum Republ. sublaturus, *consiliarium scilicet, & sapientem de archiectis, & prudentem eloquij mystici iudicem, & prophetam,* etiam milites, & quidem primo loco commemorat, cum ait. *Fortem & virum bellatorem.* & alibi, ciuibus militum præsidio destitutis auctor est, ut fluviorum instar, quorum aquæ ab vna regione ad aliam maxima velocitate decurrunt,

Isai. 3. 2.

890 *Institutio politica ex sacris Scripturis.*

ita se se ab hostium imperu, quem sustinere non
 Isa. 23. 11. possit subducere satagant. *Transi, inquit, terram
 tuam, quasi flumen filia maris, non est cingulum ultra
 tibi.* Quæ vltima verba aliqui de moenium ambitu
 accipiunt, quo quasi cingulo ædes, ac fora ciui-
 tatis coërcentur; alij de militibus qui baltheis
 militaribus accincti esse solent, vt sensus sit, à
 militibus planè es destituta, ac si Italica lingua
 exprimere volentes omnem periisse equitatum,
 diceremus in Italia, *non c'è restata lancia.*

2 Milites ergo Reipubl. necessarij sunt, quibus
*Huiusmodi milites ad defendendam Rem-
 publ. deli-
 gendos esse.* hostes arceantur, & iura ciuitatis ac Regni facta
 tecta conseruari possint. Sed quia non quilibet
 armis tractandis idonei sunt, quòd quidam cor-
 poris viribus destituantur, quidam animi, dili-
 gens à Duce habendus est delectus, ne si confu-
 sam turbam eduxerit in expeditionem, impedi-
 mentum potius se habere, quàm auxilium suo
 malo tandem intelligat. Quare prudenter facie-
 bat Saul, de quo legimus in libris Regum, *Quem-
 cumque viderat Saul virum fortem, & aptum ad præ-
 lium, sociabat sibi;* non enim tantum multitudo
 quantū virtus in bellis potest, & in magnis etiam
 exercitibus pauci sunt, qui prælia profligant. Ita-
 que idem Saul ex vniuerso Israël's exercitu, in
 quo trecenta ac triginta millia militum cense-
 bantur, tria tantum millia elegit, tantulisque co-
 piis, cum Ionatha filio partitis, rem prosperè
 gessit contra Philistæos. Et elegit, inquit, sibi Saul
 tria millia de Israël, & erant cum Saul duo millia, in
 Machmas & in monte Bethel, mille autem cum Iona-
 tha, in Gabaa Benjamin: porro ceterum populum remi-
 sit unumquemque in tabernacula sua, & percussit Iona-
 thas stationem Philistinorum, quæ erat in Gabaa. Mo-
 ses.

1. Reg. 14.
 § 2.

1. Reg. 13.
 2.

ses etiam Madianitarum ulturus iniurias, cum in Num. 31.
eos, ita iubente Domino, militem educturus es- 3.

set, duodecim tantum hominum millia, ex totidem tribubus elegit, millenos ex singulis, hosque duntaxat ad profligandum populum armis, virisque florentem satis esse duxit, nec eum fefellit opinio; nam quinque regibus cæsis, quorum nomina in Numerorum historia recensentur, plurimisque in bello captis, vicos & castella flammis aboleuerunt, prædam plurimam asportarunt, iumentorum armenta abegerunt, resque Madianitarum mirum in modum affligerunt. Sed operæpretium est ipsa sacre Scripturæ verba audire, quibus deligendorum militum ratio describitur.

Armate, inquit, ex vobis viros ad pugnam, qui possint Ibidem.
ultionem Domini expetere de Madianitis. mille viri de
singulis tribubus eligantur ex Israël, qui mittantur ad
bellum. Minoribus ergo Ducibus ea cura mandatur, ut eos potissimum eligant, quos bene nouerint: hoc enim satis indicat, quod dicitur ex vobis, cumque vna duntaxat tribus, quot erant ad expeditionem necessarij suppeditare posset, ex vniuersis tribubus optimos quosque seligi iussit. Nisi fortè, eo consilio hoc factum dicamus, ut deuictorum hostium gloria non vni tantum tribui priuatim, sed Israëlì vniuerso deberetur, quod sanè vtiliter Duces exercituum imitari possunt. Nam cum exercitus plerumque ex diuersis consent nationibus, non ita sanendum est vni, ut cæteræ negligantur, sed curandum ut ad militare decus omnes pariter (nisi peculiaris aliqua ratio contrarium suadeat) aspirare possint. Illustre etiam militaris delectus exemplum habemus in Gedeone, qui Diuino imbutus spiritu, cum ahi-

num

Iud. 7. 3.

mum adiecisset ad populum suum à Madianitarum imperio asserendum, conuocatis ad arma popularibus suis, non omnes in castris habendos censuit, sed Domino monente, *Locutus est ad populum, & cunctis audientibus predicauit. Qui formidolosus & timidus est, reuertatur. Recesseruntque de monte Galaad, & reuersi sunt de populo viginti duo millia virorum, & tantum decem millia remanserunt. Dixitque Dominus ad Gedeon, adhuc populus multus est, duc illos ad aquas, & ibi probabo illos, & de quo dixerò tibi, ut tecum vadat, ipse pergat, quem ire prohibuero, reuertatur. Cumque descendisset populus ad aquas, dixit Dominus ad Gedeon: Qui lingua lambuerint aquas sicut solent canes lambere, separabis eos seorsum; qui autem curuatis genibus biberint, in altera parte erunt. Fuit itaque numerus eorum, qui manus ad os proicientes lambuerant aquas trecenti viri; omnis autem reliqua multitudo flexo poplite biberat. Et ait Dominus ad Gedeon: In trecentis viris, qui lambuerunt aquas, liberabo vos, & tradam in manu tua Madian, omnis autem reliqua multitudo, reuertatur in locum suum. Sunt qui putent & inter hos Iosephus Iudæus, eos qui toto corpore ad bibendum procubuerunt, fortiores fuisse, & confidentiores, atque propterea nullo ingruentium hostium metu perterritos non timuisse ita sese ad potum cōponere, ut non facile se possent erigere; trecentos verò vno duntaxat inclinato genu propterea lymphas curuata manu ad os admouisse, quòd ab imminetibus hostibus incommodi aliquid formidarent, ac propterea vel ad pugnandum si opus esset, vel etiam ad fugam expediti esse vellent. Eo autem consilio Dominum formidolosos istos delegisse potiùs, quàm fortes, ut reportatam deinde victoriam non suis ascri*

ascriberent viribus, bellatorumque fortitudini, sed planè intelligerent fusos, cælosque Madianitas fuisse, quòd eos Dominus, cui perinde est in paucis ac in multis vincere, in Gedeonis manus tradidisset: verum potius ego crediderim eo delectu confidentissimum quemque, fortissimumque delectum esse, quemadmodum enim qui primo loco dimissi sunt, timidi erant, dictum enim est; *Qui formidolosus, & timidus est, reuertatur*, iique re-

Iud. 7. 3.

3 *Ætatis autem ratio habenda est in eligendo milite, ut neque viribus defecti senes, neque pueri teneri adhuc & delicatuli, sed viri viribus integris militaribusque laboribus pares vocentur ad sagum. Quis autem sit modus ætatis ad bellum aptæ satis exprimitur in historia Numerorum; nam cum census eorum, iussu Domini inicitur, qui ferendis armis apti esse possunt, ij prætereuntur qui vigesimo anno minores essent. Numerate, in-*

De militum deligendum ætate.

Num. 26.

quit, 2.

quit, omnem summam filiorum Israël, à viginti annis & supra per domos & cognationes suas cunctos qui possunt ad bella procedere; nam præterquam quod viribus ac corporibus, nondum ad labores perpetiendos duratis, faciliè succumbunt qui iuniores sunt, animus etiam imbecillus est, & ad micantium gladiatorum, cruorisque conspectum consternatur. Gedeonis filium natu maximum in castris, atque inter armorum strepitum educatum fuisse par est credere, cum tamè parentis iussu, in Zebec & Salmana viros Principes Madianitarum Reges, euaginato gladio iussus est incurrere, eosque concidere, non est ausus; cuius rei rationem illam affert Scriptura quòd puer esset, *Dixitque Iether primogenito suo, surge & interfice eos, qui non eduxit gladium, timebat enim, quia adhuc puer erat. Quia* verò fortes ex fortibus existunt, nec aquilæ imbelles columbas progenerant, aut ex leonibus lepores nascuntur; ij fortes futuri non immeritò creduntur, qui à parentum maiorumque suorum, aut etiam consanguineorum victorum in arte bellica fortium, habuerint commendationem. Ita Davidis domus, fratres scilicet & consobrini à bellica fortitudine laudem consecuti sunt. Nota est Ioab & Abisai Saruix Davidis sororis filiorum strenuitas, Asaelis etiam mira in currendo velocitas, Jonathan etiam filij Samaa fratris David egregium facinus in Regum historia narratur; nam cum bellum gereretur in Geth, occidit virum excelsum qui senos in manibus pedibusque habebat digitos, id est viginti quatuor: & erat de origine Arapha. Mathathiam etiam virum fortissimum, qui primus gentium Iudæos ad profanas religiones trahentium, duròque prementium domina-

Iud. 8. 20.

2. Reg. 21.
10.1. Machab.
2. 24.

tu, iugum excussit, Iudas filius excepit, qui cum ab ipso Marthatia laudatus est, fratribusque in bellicis expeditionibus præpositus, his verbis; *Et Ibid. n. 66.*
Iudas Machabæus, fortis viribus à iuuentute sua, sit vobis Princeps militia, & ipse aget bellum populi; tum rebus gestis, quæ Machabæorum recenset historia, clarissimus fuit. Nec rusticam plebem in sui exercitus milites describere Dux noster dedignabitur, quos ut pote sub diuo & in laboribus enutritos, usus docet hyemem, & æstatem iuxta pati, humi requiescere, famem, sitimque exiguo rerum parabilium gustu sedare, quibus nec locus ullus asper aut arduus est, qui tandem nec ipsam mortem multum formidant, cum vrbanae deliciarum expertes, duritiæ, patientiæque assueti, cum è vitæ statione migrandum est, non dolent se à voluptatibus abstrahi, sed potius quod requiem optatam appetita morte nanciscantur, alacri animo sanguinem vitamque profundunt. Talis fuit Samgar, filius Amath, qui ut erat ad ruris opera succinctus, vomere in teli usum conuerso, sexcentos obtrivit Philistæos. Talis David, qui de post foetantes ad militarem vitam Regiumque fastigium euocatus est. Talis tandem Gedeon, ut de aliis nihil dicam, qui *cum excuteret, atque pur-* *Iud. 6. 11.*
garet frumenta in torculari ad populi sui ducatum, Deo per eum salutem populo parante, euectus est.

Nec prætermittendum est id, quod apud Hebræos diuinæ legis auctoritate sancitum reperio, nosque paulò ante cum de Gedeone ageremus indicauimus, ut scilicet ab exercitu ignaui omnes, ac formidolosi remouerentur: ne dum res armis geritur, in fugam auersi Rempubl. perderent.

Propter

Propter hanc igitur causam immunes erant à militia, qui ædificata noua domo nondum integrum annum, illa vñ fuerant, tum qui plantata vinea, nondum ex ea fructus perceperant, & præter hos, qui desponsata vxore, nondum eam domum duxerant, ne harum rerum desiderio, sibi parentes, & seruantes se relictis voluptatibus, parum fortiter rem gererent. Itaque proclamabant in castris.

Deut. 20.
8.

Quis est homo formidolosus, & corde pauido? vadat & reuertatur in domum suam, ne pauere faciat corda fratrum suorum, sicut & ipse timore perterritus est. Atque vtinam nostris etiam temporibus, aut suam trepidationem fateri non erubescerent timidi, aut belli Duces huiusmodi militum iacturam non formidarent, adeò enim istorum opera exercitus non indigent, vt potius vulgato, & communicato cum aliis pauore plus ipsi turbent aciem, quàm incurrentium hostium cunei, maioremque cladem à suis Respubl. capiat, quos pro se armatos emisit ad bellum, quàm abiis, qui se illius hostes sunt professi.

An Christiana religio milites ignauos faciat, aut minus fortes.

4 Sed tollenda illorum opinio est, aut potius error, qui sibi persuaferunt Christianæ Religionis dogmata militum animos frangere, & ad pericula subeunda remissiores reddere, minusque feroces. Primò, quòd cruentas animalium matationes Christiana Religio in hostias mutauerit incruentas quo sanguinis spectaculo ab oculis mortalium subducto, molliores redduntur animi, & à cædium consuetudine magis abhorrentes. Sic elephanti ad sanguinis, aut rei alterius sanguinem referentis conspectum efferantur, vt habemus in Machabæorum historia, *Et elephantis, inquit, ostenderunt sanguinem vna, & mori, ad*

1 Machab.
6 34.

achem

acuen^{do}s eos in praelium. Secundò, quia Christiana
 religio eos fælices, & beatos prædicat, qui pau-
 peres sunt, qui elatos spiritus non habent, qui
 mites sunt, qui illatas iniurias patienti, & æquo
 animo ferunt, quæ documenta animos deicere
 videntur, & ad accipiendam iniuriam, eos qui ea
 sequuntur, reddere opportunos. Tertiò, quia
 Christianis bona inuisibilia proponuntur in præ-
 mium, quod genus bonorum à sensibus remotum
 segnius animos irritat, quàm ea bona quæ aspe-
 ctabilia sunt, & præsentia. Quà ob causam Moses
 à D. Paulo laudatur, quòd *Fide reliquerit Ægyptum,* Hebr. 11.
non veritus animositatem Regis, inuisibilem enim tam- 27.
quam visibilem sustinuit. Quartò, quòd Christianis
 edicat D. Iacobus ne irascantur, *Ira enim viri,* vt in- Iacob. 1.
 quit ipse, *iustitiam Dei non operatur;* at nemo nescit 20.
 iram coteri esse virtutis, & sine qua excitari, aut
 exeri non possit, ab illa verò quasi animatâ egre-
 gia edere facinora; nam vt est apud Sapientem, Prou. 18.
Spiritus viri sustentat imbecillitatem suã. Sed contra- 14.
 rium multo verius est, ac certius. Primò, quia
 Christiana religio magna proponit præmia, qui-
 bus etiam ad egregia patranda facinora Christia-
 norum animi excitantur. Sic Moyses qui *In remu-* Hebr. 11.
nerationem aspiciebat, vt loquitur D. Paulus, magna 16.
 omnino fecit, quemadmodum & magna contem-
 pserat. Et de Gentilibus quidem illud Apostoli
 dici potest, eos tantos labores posuisse, vt *corru-* 1. Cor. 9.
ptibilem coronam acciperent, nos verò vt incorruptam. 25.
 Secundò, quia corporis valetudo viriumque fir-
 mitas Dei donum est; *Oculi enim Domini contem-* 2. Paral.
plantur uniuersam terram, & præbent fortitudinem 16.9.
his qui corde perfecto credunt in eum. Qualem fortitu-
 dinem Diuino beneficio nactus est Caleb, qui

Iosue 14.
10.

de se ipso verè prædicabat, *Hodie octoginta quinque annorum sum, sic valens ut eo valebam tempore, quando ad explorandum missus sum, illius in me temporis fortitudo usque hodie perseverat, tam ad bellandum quàm ad gradiendum.* Hoc autem Diuino munere illum consecutum fuisse testatur Ecclesiasticus,

Ecclef. 46.
11.

cum ait; *Dedit Dominus ipsi Caleb fortitudinem, & usque in senectutem permansit illi virtus, ut ascenderet in excelsum terra locum, & semen ipsius obtinuit hereditatem, ut viderent omnes filij Israël quia bonum est obsequi sancto Deo;* quam eandem ob causam copiis Israëlitarum, cum ex Ægypto egressi sunt, largi-

Psal. 104.
37.

tus est Dominus, *ut non esset in tribubus eorum infirmus, ut cecinit sanctus Vates.* Tertiò, quia Christiana religio cultores suos docet quàm facilis sit vitæ iactura, maxima, & æterna bona sperantibus, quibus frequenter auditum sit illud

Matth. 10.
28.

Christi Domini: *Nolite timere eos qui occidunt corpus, animam autem non possunt occidere:* ex quo animus pronus sit, ut in ferrum ruat, si sit opus, cui ignauum & pudendum videatur parcere vitæ, olim tanto cum fanore reducturæ. Quartò, quia astricta est, & seuera Christiana disciplina; suos enim ad ieiunia, chameunias, tenuem, parabilémque victum, asperumque corporis cultum condocescit, quæ rudimenta sunt aptissima ad

Iud. 7.5.

efformandos milites, quos Gedeonicis illis similes facit, qui corpora ad potus voluptatem non abiiciebant, sed quod naturæ necessarium erat, erecti ac stantes, aut certè non multum ad blandientia inclinati, capiebant. Quæ verò à contrariæ sententiæ parronis obiiciebantur, dilui facile possunt. Ac primò non negamus conspectu cruoris, & sanguinis efferari animos, ut illis accide-

bat,

bat, quos Sapiencia *comestores viscerum hominum, & Sap. 12. 5.*
deuoratores sanguinis appellauit, sed longo inter-
 uallo dissita sunt inhumana feritas, & virtus mi-
 litaris, quod inficiari non poterit qui ad memo-
 riam reuocauerit, quam imites fuerint Dauid, cæ-
 terique Israëlitarum Duces, de quibus tamen af-
 firmat D. Paulus *per fidem vicisse regna, effugasse aciem Hebr. 11.*
gladij, fortes factos in bello, & castra veruisse exterorum. 32.

Ad secundum, tertiumque argumentum dicimus,
 Christianam Religionem minuere illam quidem
 aut tollere gloriæ, aut diuitiarum cupiditatem :
 accendere tamen in suorum mentibus melioris,
 ac fælicioris vitæ desiderium, ac bonorum quæ
 nulla æui diuturnitas corrumpere possit ; quibus
 propositis multò magis quàm illis generosi ani-
 mi impetus incitari possit. Quod si quosdam me-
 morant profanorum historiæ, qui se in voragines
 præcipites pro Republ. dederunt, aut in confer-
 tas hostium copias ad certam mortem immise-
 runt, vt posthumam captarent famam, cuius ipsi
 fructum nullum viuentes percepturi erant : quis
 negauerit promissione cælestium bonorum tardi-
 ratem imbecillitatis humanæ ad decus, & glo-
 riam, & ad fortiter faciendum stimulari posse?
 Nec verò Christi lege ita commendatur humili-
 tas, aut patientia, aut etiam imperatur, vt cum
 bellica pugnent fortitudine, neque enim virtutū
 chorus sibi aduersus est, aut contrarius ; sed illud
 duntaxat præcipitur, vt moderatè agamus, nec
 licere putemus iniurias illatas persequi, aut vlcis-
 ci auctoritate priuata, vt illi faciebant, de quibus
 dicitur in libro Sapienciæ, *sic fortitudo nostra lex Sap. 2. 11.*
iniustitia. Nec quidquam moderatio illa obest for-
 titudini, nam feroces illi, qui se, cum procyl

absunt à periculò, iactant, & sua prædicant facinora milites gloriosi, cum manus cominus sunt conferendæ, aliis sunt magis trepidi, & ad fugam proniores. *Fily Ephrem mittentes & intendentes arcum conuersi sunt in die belli.* Ad quartum dicimus, aut necesse non esse ab iracundia præsidium petere pugnaturis, aut si necesse sit, non defuturam Christianis militibus, qui ex Psalmo frequenter audiuerint, *Irascimini, & nolite peccare.*

Psal. 4. 5.

De disciplina militari monita quadam.

§ Venio ad disciplinam militarem, seneramque illam militis conformationem ad robur & virtutem, quæ præcipuum est exercituum decus, & stabilimentum, quæ victorias parit & triumphos. Ad hanc autem spectat in primis, vt Ducis imperiis promptè fortiterque pareatur, qui secus fecerint pro magnitudine criminis iustas persoluant pœnas, vt scilicet vel multa imponatur, vel ignauia & dedecoris nota, vel etiam in grauioribus culpis, capitali pœna puniantur. Huc facit 1. Reg. 14. Saulis factum, qui volens meritas à Palestinis pœnas ad satietatem repetere, cum diris deuouisset eum, quicumque intermissa cæde, ante noctem cibum caperet, nolens ante tenebras insequendi, & cædendi finem facere, fortè accidit vt Ionathas cum suo armigero, qui primus victoriæ illius auctor fuerat, abesset à castris, ac propterea parentis imprecationes non exaudiret; itaque cum ad syluam quandam delatus esset, mellisque fauum nactus, mel summa virga intincta comedisset, cum quod acciderat Saul cognouisset ex filio, iurifurandi religione ductus, studioque sancienda disciplinæ militaris, quòd iussionem parentis improbasset triste exemplum sibi quoque salutuosum, sed vt videbatur vniuerso populo salubro

bre statuit edere, ut nimirum Ionathas neci traderetur, quod parentis decretum æquo animo tulit Ionathas, nec mortem deprecatus est. Sed vniuersa multitudo præstantem iuuenis de tota gente optimè meriti, indolem miserata, irato Patri eripuit ac seruauit incolumem. Et sanè ad continendos in officio milites, genus hominum ferrox & contumax, aliqua pœnarum seueritas in loco adhibita plurimum potest, Ducibusque ac legibus reddit obediētes, iisque obtinetur ut custodiæ, vigiliæque, & ordo stationum intensiori seruetur cura, nec passim milites per circumiectos campos, vicósque cum capitis sui periculo, totiusque exercitus discrimine vagentur ad prædam. Ac sanè in Moyſis exercitu magnam disciplinæ militaris curam fuisse oportet, quandoquidem cum ad fines Idumææ peruenisset, Legatis præmissis ad Regem, petiit liberum ad terram ad quam pergebat transitum, potuitque sibi tantum de militis obedientia, disciplinæque militari polliceri, ut fidem sanctè dare non vereretur, se sine cuiusquam iniuria iter facturum, resque omnes venales quibus opus habuisset dato pretio cõempturum, ipso etiam aquæ haustu pecunia redempto. *Obsecramus, inquit, ut nobis transire liceat pro terram tuam, non ibimus per agros, neque per vineas, non bibemus aquas de puteis tuis, sed gradiemur via publica, nec ad dexteram nec ad sinistram declinantes, donec tranſeamus terminos tuos.* Est autem ad disciplinam hanc nouus miles, ex urbana præsertim plebe collectus, diligenter condocere faciendus, nam lasciuiens inter patrias delicias, non se facillè patitur adstringi, sed ad ciuitatis voluptates, commoditatesque subinde animum

Num. 10.

17.

refert, ut Hebraeis Mosem secutis videmus vsu
venisse, de quibus dicitur in libro Numerorum:

Num. 11.

4.

*Vulgus promiscuum, quod ascenderat cum eis, flagra-
uit desiderio, sedens & flens iunctis sibi pariter filiis Is-
raël, & ait: Quis dabit nobis ad vescendum carnes?
Recordamur piscium quos comedebamus in Aegypto
gratis, in mentem nobis veniunt cucumeres, & pepones,
pomaeque, & cepe, & allia. Anima nostra arida est, &
nihil aliud respiciunt oculi nostri nisi man. Itaque se-
ditionem mouere cœperunt, tamque diuturnæ ac
laboriosæ peregrinationis culpam in Mosem con-
ferre, cuius nimirum suasu dicerent reliquisse se
fertillissimam regionem, nuncque non solum eius
vberrate carere, verum etiam pro sperata fœlici-
tate, cum extrema ciborum inopia, aliarumque
rerum ad victum necessariorum egestate luctari.
Sed Dominus qui præcipuam populi illius gere-
bat curam, disciplinam plurimorum morte san-
ciuit; quamuis enim coturnicibus immixtis ca-
stra compleuit, tamen non multò post in insanam
vulgi insolentiam, ac maledicta animaduertit.*

Psal. 77.

31.

*Nam Adhuc esca eorum erant in ore ipsorum, & ira
Dei ascendit super eos, & occidit pingues eorum, & ele-
ctos Israël impeduit. Sed pertinet etiam ad castro-
rum disciplinam, ut arceantur scorta, quibus mol-
liuntur & franguntur in libidinem militum ani-
mi, Numenque sceleribus ad vindictam prouoca-
tur, ut Israëlitis accidit, qui cum filiabus Moab
miscentes corpora, & gentilium idola veneran-
tes, ut à scortis inirent gratiam, grande genti
vniuersæ crearunt malum. Quod cum vidisset Phi-
nees filius Eleazari filij Aeron Sacerdotis, surrexit de
media multitudinis, & arrepto pugio. ingressus est post
virum Israëlitam in lupanar, & perfodit ambos simul,*

Num. 25.

3.

virum

*virum scilicet & mulierem in locis genitalibus, cessavit-
que plaga à filiis Israël, & occisi sunt viginti quatuor
millia hominum.*

6 Transeo ad exercitationem quæ sanè ad for- *De milita-
mandum militem necessaria est, ne scilicet cum ri exerci-
acie instructa, concurrendum erit, ordines dese- tatione.*
rant, aut turbent, Ducis imperium non exaudiât,
armaque tractare nesciant, quibus vel impetant
hostes, vel petitiones illorum excipiant, aut de-
clinent, aliâque huiusmodi, quæ Tyrones per quo-
tidiana exercitia, campestrésquæ meditationes
edocendi sunt. Itaque apud Hebræos exercitatio-
nis huius cura peculiaris exercitato alicui viro
videtur incubuisse; nam inter eos qui à Nabu-
zardan militiæ Regis Babylonis Principe in capti-
uitatem sunt abducti, reperio etiam *Sopher Prin- 4. Reg. 25.
cipem exercitus, qui probabat Tyrones de populo terra, 19.*
& qui exercitibus præerant, frequenter in sacris
litteris Magistri militiæ dicuntur, ut Putiphar *Genes. 37.
eunuchus Pharaonis qui Iosephum emit in ser- 36.*
uum, ut Nabuzardam apud Ieremiam, ut nimi- *Ierem. 39.
rum quemadmodum nomen exercitus, exercita- 9. 10.*
tionem quæ militibus familiaris, & quotidiana
esse debet, reuocat in memoriam, ita ipsi Duces
cum se Magistrorû nomine appellari animaduer-
tunt, recordentur muneris sui, fiantque spectato-
res & moderatores militum, sciamachias & ficta
certamina ineuntium, ut, cum usus tulerit, para-
tum sit agmen, & Ducem sequi, seque in discrimen dare, & non voces tantum imperantis exci-
pere, sed nutibus etiam parere, quæ res si vlla alia
victoriam conciliare solet.

7 Tandem de armis dicendum est, quæ Prin- *De militû
ceps multò antè parata habere debet, quàm belli armis.*

suspicio ingruerit, instruendumque prudentium Principum more copiosum armamentarium, unde cum opus fuerit bellicæ machinæ, omneque telorum genus depromi possit. Sic Salomon de quo legimus in libro Paralipomenon secundo,

2. Paral. 9.

15.

Fecit igitur Rex Salomon, ducentas hastas aureas, de summa sexcentorum aureorum, qui in singulis hastis expendebantur, trecenta quoque scuta aurea trecentorum aureorum, quibus tegebantur singula scuta, posuitque ea Rex in armamentario, quod erat consuetum nemo- re. Quæ postea omnia siue domus Regiæ orna- menta, siue munimenta in Ægyptij Regis præ-

2. Paral. 12.

9.

dam cesserunt. Nam, ut eodem libro dicitur. Recessit Sefac Rex Ægypti ab Ierusalē sublati thesauri domus Domini, & domus Regis omniaque secum tulit, & clypeos aureos, quos fecerat Salomon, pro quibus fecit Rex æneos, & tradidit illos Principibus scutariis, qui custodiebant vestibulum palatii, cumque introiret Rex domum Domini, veniebant scutarii, & tollebant eos, iterumque referebant eos ad armamentarium suum. Quæ vltima verba scutorum illorum usum indicant, ut scilicet iis qua ornati, qua armati Regij stipatores incederent cum Regi prodeundum esset in publicum, militum suorum satellitio circumcincto. Nihil tamen obstat, quin credamus, præter clypeos istos pretiosioris materiæ, alios etiam plures fuisse in armamento conditos, ex ære, aut chalybe, aut ferro, aliâque omnis generis ferramenta armandis militibus destinata, quæ prudentes Principes, cum opus esset, ad manum habere voluerunt. Imo de Roboamo legimus in singulis ciuitatibus armamentaria instituisse, apothecâsque quibus omnis generis comineatus asseruaretur, ut si aliqua occurreret necessitas,

externo

externorum impressiones sustinere ac propulsare possent facile urbium præfecti. De præcipuis quibusdam Roboramento subiectis urbibus legimus in Paralipomenis: *Cumque clausisset eas muris, posuit in eis Principes, ciborumque horrea, hoc est olei, & vini; sed in singulis urbibus fecit armamentarium scutorum, & hastarum. firmanisque eas summa diligentia.* Idem colligendorum armorum studium fuisse in Ozia Rege Iuda discimus ex eodem, in quo hæc habentur. *Preparauit quoque eis Ozias, id est cuncto exercitui, clypeos, & hastas, & galeas, & loricas, arcusque & fundas ad iaciendos lapides, & fecit in Ierusalem diuersi generis machinas, quas in turribus collocauit, & in angulis murorum, ut mitterent sagittas, & saxa grandia.* Antiochi etiam Regis ministri in Machabæorum historia dicuntur, *Edificasse ciuitatem David muro magno & firmo, & turribus firmis, & fecisse eam sibi in arcem, & posuisse ibi arma, & escas, & congregasse spolia Ierusalem.* Quoniam verò quibus est armamentarium multis refertum armis, ij in bellicis tumultibus confidentiores esse solent, quod iis arreptis, plebæque ciuitatis armata, aut vim inferre, aut arcere illatam facili negotio possint, ne occasione ista ad res nouandas, turbandamque Rempubl. subiecti populi excitarentur; reperio Principes aliquos subditos suos ita premere consultum putauisse, ut omnem armorum usum illis prohibuerint, armæque ipsa, eorumque artifices subtraxerint, ut accidit Israëlitis cum Philistæorum imperio subiacerent. Porro, inquit Regum historia, *faber ferrarius non inueniebatur in omni terra Israël, caueruntque Philistim ne forte facerent Hebraei gladium aut lanceam.* Descendebat ergo omnis Israël ad Philistim, ut exacueret unusquisque vome-

2. Paralip.
11.11.

2. Paralip.
26.14.

1. Machab.
1.30.

1. Reg. 13.
19.

rem suum, & ligonem, & securim, & sarculum. Retusa itaque erant acies vomerum & ligonum, & iridentium, & securium, usque ad stimulum corrigendum. Cumque venisset dies praelij, non est inuentus ensis & lancea in manu totius populi, qui erat cum Saule, & Ionatha, excepto Saul, & Ionatha filio eius. Et fortè propter eandem causam currus hostium succendi iussit

- Iosue 11. 6. Dominus, equosque subneruari, ne si fortè populis illis integri relinquerentur, ad instaurandum bellum, incitamento forent. Equos eorum, inquit Dominus ad Iosue, subneruabis, & currus igne combures. Cui etiam præcepto paruit David de quo legimus; *Et capis David ex parte eius mille septingentis equitibus & viginii millibus peditum subneruauit omnes ingales curruum, dereliquit autem ex eis centum currus*; quibus fortasse ad conuehendas sarcinas, aliosque belli vsus indigebat. Hoc Principum studium in parandis sibi armis aut hostium corrumpendis esse debet; sed cuilibet etiam militi curandum est, vt arma omnia polita sint, omni rubigine deterfa, & ad præliorum vsus quam aptissima. Quod apud Isaiam dicitur quodam loco, *Accipite clypeum*. Ex Hebræo verti potest. *ungite clypeum*: Quare laudantur milites illi apud Nahum 2. 3. Nahum, de quorum clypeis dicitur *Clypeus fortium eius ignitus*. Quòd politissima cum essent eorum scuta aduerso feriente sole quasi flammis vomerent, vt etiam dicitur in Machabæorum historia, 1. Machab. 6:39. *ubi legimus; Et vt refulsit sol in clypeos aureos resplenduerunt montes ab eis, & resplenduerunt sicut lampades ignis*. Sanctus etiam David quodam loco Dominum quasi virum pugnatorem exhibens gladium illi tribuit bene politum, quod enim legimus in Psalmo; *Gladium suum vibrauit*, & Hieronymus

ronymus vertit *Acuer*, ex Hebrææ vocis proprietate, quidam verti posse putant, *Expoliet*; alij, quod idem est, *splendificabit*. Ne autem facilè rubiginem contrahant ferramenta, suis vaginis, & inuolucris aptè condenda sunt: Quare Goliæ gladius apud Achimelech dicitur fuisse *inuolutus pallio*, alio scilicet super vaginam integumento, ne facilè puluere fœdaretur. Parique diligentia clypeum milites vindicabant à rubigine, & sordibus, vt ex Isaia colligi potest, apud quem legimus quodam loco; *Et parietem nudauit clypeus*, *Isai. 22. 6.* quæ verba ex Hebræo verti possunt, *scutatus miles nudauit clypeum*. Hoc autem si diligenter milites faciunt, sibi ipsis decus addunt, armorum splendore, & honestamento conspicuos se reddentes, quare dicitur in Psalmo, *Accingere gladio tuo super femur tuum Potentissime, Specie tua & pulchritudine tua*. Quæ verba quidam appositiuè accipiunt, vt sensus sit armis tuis, & gladio tuo muni te, quod munimentum pariter sunt; & corporis etiam species, & ornamentum. *Psal. 44. 4.*

8 Solent autem exercituum Duces, vt explorent an milites armis, & equis bene sint instructi, vt illis stipendia quæ meruerunt persoluant, vt copiarum suarum numerum cognoscant, eas in conspectum dare, antequam ad pugnae discrimen veniatur. Præstitit hoc Saul, de quo dicitur primo Regum: *Præcepit itaque Saul populo, & recensuit eos quasi agnos, ducenta millia peditum, & decem millia virorum Iuda*. Tò *Quasi agnos*, in Hebræo est *בַּתְּחֵלַיִם* batthelaim *in agnis*, vel *cum agnis*. Vatablus, Abulensis, & alij commenti cuiusdam Rabbiorum meminerunt; qui fingunt militū vnumquemque agnū attulisse, sicque numeratis agnis, non

De recensendis militibus.

1. Reg. 15.

non autem militibus, summam totius exercitus fuisse collectam; Id autem propterea fuisse factum, ne inito censu malum aliquod ut postea David, sibi populoque Saul accerferet. Sed Rab-
bini suo more nugantur. Neque enim probabile videtur tantum agnorum numerum in regione non admodum ampla facile inueniri potuisse, quot erant militum capita, nec, si inuenti fuissent, Saulem exercitum non numerasse verè dici potuisset, aut incommodum quod verebatur satis cauisse. Si ergo vulgatæ editionis auctorem sequamur, sensus erit, exercitum ea facilitate qua agni à Pastore numerantur, recensitum fuisse: si verò legamus ut in Hebræo textu nunc habemus בְּשֵׁלַיִם *batthelaim* per *berth*, non בְּשֵׁלַיִם *Cathelaim* per *caph*, ut legit vulgatus, dicemus *Thelaim* loci cuiusdam nomen esse, iuxta quem à Saule lustratus sit exercitus. Quod etiam secuti sunt Septuaginta, qui vocem *Thelaim*, tanquam proprium loci nomen, retinuerunt.

De equestribus copiis, stratagematis, exploratoribus.

C A P V T XIII.

*De equita-
tu.*

EXistimet fortasse aliquis Israëlitarum populo in sacris litteris curruum & equitatus usum planè fuisse interdictum. Hoc enim significare videtur, quod David cecinit in Psalmis.

Psal. 19.8. Hi in curribus, & hi in equis, nos autem in nomine Domini Dei nostri innocabimus. Illi obligati sunt & ceciderunt,

derunt, nos autem surreximus & erecti sumus. Non *Pfalm. 32.*
saluatur Rex per multam virtutem, & gigas non salua- 16.
bitur in multitudine virtutis sua. Fallax equus ad sa- *Pfalm. 75.*
ludem: in abundantia autem virtutis sua non saluabi- 7.
tur. Ab increpatione tua Deus dormitauerunt qui ascen-
derunt equos. Tu terribilis es, & quis resistet tibi? Non *Pfal. 146.*
in fortitudine equi voluntatem habebit, nec in tibiis viri 10.
beneplacitum erit ei. Expressiusque in Deuterono- *Deut. 17.*
mij lege, equitatus videtur prohiberi, cum dici- 16.
tur: Cumque fuerit constitutus (Rex scilicet) non mul-
tiplicabit sibi equos: & quod *Isaias* mala illis inter-
minatur qui praesidium suum in equitatu, & qua-
drigis *Aegyptiorum* collocabant, eodem respe-
xisse videtur. *Va*, inquit, qui descendunt in *Aegy-* *Isai. 31.1.*

ptum ad auxilium, in equis sperantes, & habentes fidu-
ciam super quadrigis, quia multa sunt, & super equiti-
bus, quia prauvalidi nimis, & non sunt confisi super san-
ctum *Isaël*, & Dominum non requisierunt. *Philo*
tamen *Iudæus* rerum, & legum suæ gentis bene
doctus in suo de agricultura tractatu, equitatus
necessitatem & commoda commemorans con-
stanter affirmat, non id voluisse Dominum, vt
equites in suis exercitibus *Israëlitæ* planè non
haberent, sed potius mysterium aliquod, quod
ipse recludere conatur illo interdicto abscondi.
At enim dicat aliquis, ait *Philo*, magnam esse po-
tentiam Regis in equitatu, non minorem vtique
quàm in pedestribus, vel nanalibus copiis, non-
nunquam verò etiam vtiliorem, tunc praesertim
cum sine dilatione opus est expedita celeritate,
temporibus moram non ferentibus, sed ipsum
momentum occasiones vrgentibus, vt cunctatio
non damnum modo, sed cladem quoque illatura
videatur occasione tanquam nube praeteruolante.

Huic

„ Huic nos respondemus nullum belli præsidium
 „ legislatorem nostrum à Principe submouisse, ne-
 „ que copias eius parte aliqua, mutilasse, imò quan-
 „ tum fieri potest augere conatum esse, vt robore
 “ ac multitudine freti socij facile hostium aciem
 „ prouocarent. Quis enim alius sic docuit, vel in-
 „ sidias collocare, vel instruere aciem, vel ordinatè
 „ legiones distribuere, easque tribunis & centurio-
 „ nibus assignare, vt res postulat, nunc pluribus,
 „ nunc paucioribus, vt hic noster legislator, ad om-
 „ nia rei militaris præcepta ritè tradenda confir-
 „ matam habens longo vsu peritiam? Sed ille in
 „ eo quo dixi loco, non facit verba de isto equita-
 „ tu quales Principes solent colligere ad infestan-
 „ dos hostes, tuendosque socios necessariò, sed de
 „ eo qui animæ nostræ inest. Pergitque allegori-
 cam de vitiosis affectibus, ac cupiditatibus com-
 primendis explanationem asserre, quæ sanè inter-
 preatio ad fulciendam Philonis de equitatu Is-
 raëlitis minimè interdicto sententiam non est
 necessaria. Nam firmæ satis coniecturæ asserri
 possunt, quibus ostendatur curruum & equitatus
 vsum planè vetitum Israëlì non fuisse. Nam san-
 ctus David, Diuinæ legis obseruantissimus, cum
 plurimas Regis Adarazer quadrigas in suam re-
 degisset potestatem, plurimos quidem equos sub-
 neruauit iuxta Domini præceptum, de quo alibi
 diximus, non tamen totam illam equorum &
 quadrigarum prædam planè corrupit, dicente
 s. Paralip. Scriptura: *Cepit ergo David mille quadrigas eius, &*
 18.4. *septem millia equitum, ac viginti millia virorum pedi-*
tum, subneruauitque omnes equos curruum, exceptis cen-
tum quadrigis quas reseruaui sibi. Adonias etiam
 David filius, cum paternum Regnum affectaret,
 fecit

fecit sibi, recepto Regum ac Principum more, currus & equites. Samuelque cum ius Regiū populo, Principem importuniùs postulanti, explicaret, ita loquitur. *Filios vestros tollet, & ponet in curribus suis, facietque sibi equitem & præcursores quadrigarum suarum.* Quod sanè effectum dedit Absalon alter filius Dauidis cum ad Regnum aspirare conaretur. Tandem ad Salomonem, cum nondum à pietate, ac religione defecisset, adducebantur per singulos annos equi, & muli, ut habemus in Regum historia, ut scilicet iis equitatus augeretur, aut suppleretur. Nec sanè obstant, aut Dauidis & Prophetarum allata testimonia, aut lex ipsa Deuteronomij, quæ magis videtur vrgeri. Nam eâ lege non magis equorum multitudo prohibetur, quàm ingens pecuniarum, & thesaurorum aceruatio, aut vxorum greges, ut enim dicitur, *Non multiplicabit sibi equos*, etiam de vxoribus & thesauris dicitur: *Non habebit vxores plurimas, neque argenti, & auri immensa pondera.* Nam si ingens equitum multitudo à populi Principe aleretur, periculum sanè erat, ne rei bene gerendæ fiduciam in suis viribus atque equitibus collocarent, quod Dominus qui peculiari prouidentia populi sui res moderabatur, conabatur auertere. Hoc autem est, quod Prophetæ reprehendunt; quare Isaias, *Si reuertamini, inquit, & quiescatis, salui eritis: In silentio, & in spe erit fortitudo vestra. Et nolulistis, & dixistis: Nequaquam, sed ad equos fugiemus, ideo fugietis. Et super veloces ascendemus, ideo velociores erunt qui persequentur vos.* Et alibi studium parandi equitatus æquè prohibens, ac pecuniarum immensam cupiditatem: *Repleta est, inquit, terra, argento & auro, & non est finis thesaurorum*

3.Reg.1.

5.

1.Reg.8.

11.

Deut.17.

16.

Ibid.n.17.

Isai.20.15.

Isai.2.7.

rorum eius, & repleta est terra eius equis, & innumera-
rabiles quadrigæ illius. Illud etiam erat incommo-
dum, quod equis ex Ægypto, aliisque circumie-
ctis regionibus adducendis intenti facilè peregrin-
os mores, superstitiosasque idolorum religiones
combibere nullo negotio poterant, cum præfer-
rim ad eas procline esset nimium quantum Israë-
litarum ingenium. Istam autem negotiationem
fatis frequentem fuisse sub Salomone colligitur

2. Reg. 10.

18. 29.

ex Regum historia, in qua dicitur. *Educebantur
equi Salomoni de Ægypto & de Coa; negotiatores enim
Regis emebant, atque in hunc modum cuncti Reges
Hebræorum & Syria equos venundabant.* Tandem il-
lud etiam periculum erat, ne sibi nimium place-
rent Principes illi, si plurimas equitum tarmas
aluissent, propterea quod magnum est Regij
splendoris, ac potentia argumentum, magnam-
que habet equitatus maiestatem, propter equo-
rum generositatem, phalerarum & currulium or-
namentorum magnificentiam, ex quibus Princi-
pis animus in superbiam, viriumque suarum ni-
miam confidentiam potest extolli. Non itaque
prohibitus in Deuteronomio est equorum usus,
sed tantum immoderatus & nimius. Quo nomi-

2. Paral. 9.

25.

ne reprehendendus Salomon, de quo dicitur. *Ha-
buit Salomon quadraginta millia equorum in stabulis,
& currum equitumque duodecim millia, constituitque
eos in urbibus quadrigarum, & ubi erat Rex in Ierusa-
lem. & alibi: Congregavit Salomon currus, & equites,
& facti sunt ei mille quadringenti currus, & duodecim
millia equitum.*

3. Reg. 10.

26.

2. Paral. 1.

14.

2 Quod ad stratagemata attinet, callidaque
consilia, quibus hostis à solerti Duce, omnesque
rei promouendæ occasiones circumspecte cir-

*De strata-
gematis.*

cum

cumueniri solet, illud esse apud omnes certum arbitror, nimirum licere non tantum petitiones & consilia aduersariorum declinare, & eludere, sed militaribus etiam artificijs, consilia occultando, dissimulando, atque etiam multa simulando, quibus hostes decipiantur, capiantur, aut vincantur, se se hostibus præstare conari. Id quam verum sit, virorum etiam sanctitate præstantium exempla demonstrant; vt Iosue, quem legimus insidias posuisse cum aduersus Haitas Domini iussu copias eduxisset. *Ponite*, inquit Iosue, *insidias post ciuitatem, vt longius recedatis, & eritis omnes parati*: Gedeon etiam qui Domini iussu, & ductu contra Madianitas præliabatur, noto illo stratagemate ingentem illam hostium multitudinem non modo in effusam conuertit fugam, sed Domino panicum immitente terrorem, effecit, vt sese mutua cæde conficerent. Nam trecentis non amplius ex vniuerso exercitu fortissimis viris quos secum adduceret electis, facesque fictilibus includens lagenis, cum silentio ad castra Madianitarum, qui nihil minus suspicabantur; sed vino somnoque sepulti passim in tentoriis strati iacebant, cum armata suorum manu peruenisset, hydriisque con fractis tubas inflasset, castra vniuersa tanto concussit terrore, vt omnes sese in fugam darent, gladiosque in suos conuerterent, ex quo factum est, vt admodum luculentam victoriam Gedeon reportaret. Illud videtur obseruandum necesse esse, vt bellè procedant, ita rem totam disponere, vt omnia suo tempore fiant; neque v.g. qui in concaua aliqua valle delitescunt, prius erumpant quam rei bene gerendæ postulet opportunitas. Quare Iosue signo suis dato, eos ad

Iosue 8. 4.

Iosue 8.
19.

inuadendos hostes euocauit, legimus enim in eius historia: *Cumque eleuasset, inquit, clypeum ex aduerso, ciuitatis insidia, quæ latebant surrexerunt confestim: & pergentes ad ciuitatem ceperunt, & succenderunt eam.* Tandemque illud diligenter prouidendum censeo, ne dum aduersarios putamus incaute agere, ipsi in eorum fraudulentas tendiculas incidamus: ea enim omnia nobis vehementer suspecta esse debent, quæ adeo videntur absurda, ut prudentem belli Ducem luce tam aperta hallucinari turpissimum sit; tunc enim licet suspicari, dolos necti, insidiasque parari, quantumque cauendum est ne occasiones perfocordiam elabi patiamur è manibus, tantum, aut etiam plus curas nostras intendere debemus, ne circumueniamur ab hostibus, in easque angustias compellamur, unde rebus saluis pedem referre non possimus. Si cauissent hoc Benjaminæ cum de ciuitate erumperent, nec simulate effugientes hostes longius ab oppido quam par erat, persecuti essent, nec in paratas insidias, quibus intercepti penè deleti sunt, incidissent.

Iud. 10. 31.

De exploratoribus.

3 Paucula quædam hic de exploratoribus addam, quorum opera non insidias tantum euitaturis, sed iis omnibus qui de rebus bellicis ut Duces, aut Consiliarij iudicaturi sunt, apprimè est necessaria; cum de re aliqua prudenter statuere nequeamus, si nos aliquod rei adiunctum, conditione imprudentes fefellerit. Iraque parum hac in re diligentes fuisse videntur Philistæi, qui tunc primum cognouerunt arcam in castra delatam esse ab Hebræis, cum *vociferatus est omnis Israël clamore grandi, & personuit terra, & audierunt Philistim vocem clamoris, dixeruntque; Quanam est hæc*

1. Reg. 4. 5.

vox

vox clamoris magni, in castris Hebraorum? & cognouerunt quòd arca Domini venisset in castra. Attentior multò Rêx Ierichuntinus, quem exploratores Israëlitaë qui apud Rahab meretricem diuertebant, fallere non potuerunt. *Qui pergentes, inquit* Iosue 2.1. historia Iosue, *ingressi sunt domum mulieris meretricis nomine Rahab, & requieverunt apud eam; Nuntiatumque est Regi Iericho, & dictum. Ecce viri ingressi sunt huc per noctem de filiis Israël, ut explorarent terram.* Quamuis enim diuina prouidentia quæ animum Rahab ad miserationem flexit, eos periculo subtraxit, & ad suos reduxit incolumes; apparet tamen non indiligentes exploratores habuisse Regem, qui rem adeò secretam tam citò cognoscere potuit. Cum ergo aliquod bellum ingruerit, acri homines ingenio, corpore expediti, minimèque timidi, mittendi sunt, qui res aduersatiorum cognoscant, regionis, cœlique naturam, incolarum vires, munitiones ciuitatum, equitum, peditumque numerum, & alia huiusmodi, quæ in deliberationibus, de figendis, aut mouendis castris, de explicanda acie, aut cum hoste configendo, prodesse possunt. Fecit hoc diligenter Moses, qui cum in promissæ regionis limine stetisset, nonnullos exploratores, viros, inter cæteros suæ gētis præcipuos, *Misit ad considerandam terram Chanaan, & dixit ad eos. Ascendite per meridianam plagam, cùmque veneritis ad montes, considerate terram qualis sit, & populum qui habitator est eius, verum fortis sit, an infirmus; si pauci numero an plures, ipsa terra bona, an mala, vrbes quales, muratæ an absque muris, humus pinguis an sterilis, nemorosa an absque arboribus, confortamini, & afferte nobis de fructibus terra.* Quæ omnia diligen-

Num. 13.
18.

ter & strenuè perfecerunt, quadraginta dierum spatio totam eam regionem lustrantes, fructusque eius vberis soli argumentum repottantes. Quamquam quod ad incolarum vires attinet, non mediocriter populi animum conturbarunt, monstra quædam hominum de genere giganteo iactantes; quibus ipsi compositi locustarum instar haberent. *Ibi vidimus*, dicebant, *monstra quædam filiorum Enoc de genere giganteo, quibus comparati, quasi locustæ videbamur.* Quo loco notandum, curandum Principibus esse, vt cum mittuntur exploratores, aut redeunt, id clam populo fiat, ne si aduersi aliquid eos apportare contingat, exercitus consternatio consequatur, vt Mosi accidit, cuius imperium formidolosus populus terroribus illis percussus detrectabat, passim enim

Ibid. n. 33. dictitabant in castris. *Nequaquam ad hunc populum valemus ascendere, quia fortior nobis est.* Porro in exploratoribus requiritur, vt non omnibus rumusculis fidem accommodent, sed ea demum referant ad Ducem; quæ certa fuerint, quippe quæ aut ipsi oculis hauserint, aut idoneis fideque dignis auctoribus cognouerint; tales ij fuisse videntur, de quibus dicitur in libro Iosue, *Quod cum audissent filij Israël, & ad eos certi nuntij detulissent.* Tales etiam Davidis exploratores, de quibus Regum historia. *Misit, inquit, exploratores, & didicit quod illuc venisset certissime;* Saul scilicet cum suis. At quia fieri potest, vt non ita facile Dux idoneum exploratorem nancisci possit, cuius scilicet dictis ita credendum videatur, vt discrimen propter ea quæ ex ipso cognita fuerint subeat, non imprudenter faciet Princeps, si Gedeonis magni apud Hebræos Ducis exemplo, ad loca

cogno

cognoscenda accesserit ipse expeditis aliquibus comitatus, citraque capitis periculum quantum fieri poterit: Tutiùs enim oculis credi solet quàm auribus, meliusque intelliget descendendum ne sit in certamen, an verò abstinendum, sique confligendi steterit sententia, quomodo disponendæ acies, quibus in locis collocandæ insidiæ, aliæque huiusmodi, quæ quomodo tractada sint, vix quispiam qui non viderit, assequi potest. De Gedeone igitur legimus, *Descendit ergo ipse, & Phara puer eius in partem castrorum, ubi erant armatorum vigilia, & mox bonæ spei plenissimus ingentes animos suis addidit dicens: Surgite, tradidit enim Dominus in manus nostras castra Madian.* Illud etiam notandum videtur ex circumiectis populis quibuscum contentiones, & discordias finitimi frequenter exercent, cognoscere posse Principem regionis alicuius naturam, incolarum vires atque ferociam, mores ac religiones, militarem etiam exercitationem, aliæque huiusmodi quæ cum illis bellum inferendum est necessaria, aut certè magno vsui esse possunt; sic Holophernes *Vocavit omnes Principes Moab, & Duces Ammon, & dixit eis: Dicite mihi, quis sit populus iste qui montana obsidet, aut quæ, & quales, & quanta sint ciuitates eorum, quæ etiam sit virtus eorum, aut quæ sit multitudo eorum, vel quis Rex militia illorum, & quare præ omnibus qui habitant in oriente isti contempserunt nos, & non exierunt obuiam nobis, ut susciperent nos cum pace?* Ac sanè si quemadmodum ea interrogabat, quæ bonum Ducem decet cognoscere, ita iis fidem accommodasset, quæ Achior Dux filiorum Ammon, ut pote Hebræorum finitimus verè fideliterque suggessit, saniora fortasse suscepisset consilia, quæ

Iud. 7. 11.

Ibid. n. 15.

Iudith 5.

3.

superbiæ typhus viriûmque suarum confidentia discussit. Illud tandem dicendum superest plurimum Principi prodesse, aut Duci si se in arcana interioraque aduersariorum consilia penetrare possit, quid cogitent aut moliantur per exploratores odorando. Sic Dauid cum Chusai Arachitem obuium habuisset, Principem suum per quoscumque casus sequi paratum, ita eum est allo-

1. Reg. 15. 33. *cutus. Si veneris mecum, eris mihi oneri; si autem in civitatem reuertaris, & dixeris Absalon: Servus tuus sum Rex, sicut fui servus Patris tui, sic ero servus tuus, dissipabis consilium Achitophel: Habes autem tecum Sadoch & Abiathar Sacerdotes, & omne verbum quodcumque audieris de domo Regis, indicabis Sadoch & Abiathar Sacerdotibus. Sunt autem cum eis duo filij eorum Achimaas filius Sadoch, & Ionathas filius Abiathar, & mittetis per eos ad me omne verbum quod audieritis; Quod consilium ut excogitatum fuit prudenter, ita feliciter successit: Nam & Achitophelis consilium salutare id agente Chusai explosum est, & quidquid consiliarij Absalomi censuissent per Achimaas & Ionatham, ut conditum fuerat, cognovit.*

Aliqua de Transfugis.

Judith 6.

4 De transfugis quid sentiendum, & quatenus, illis fidendum sit, satis constare potest ex supra disputatis, cum de Dauide ad Achis Regem Seth transeunte mentio incidit: ea qui voluerit, ne sapius inutiliter reperantur, recognoscere poterit. Illud in præsentia quæri potest, prudenter ne fecerint Bethulix ciues, qui Achior Ammonitem ab Holopherne eiectum, & ad Hebræos transire compulsus, non benignè tantum, sed etiam honorificè apud Oziam gentis Principem hospitio, dato etiam epulo susceperunt, ut habemus in Judith

dith historia. Dubitandi ansam præbet quorundam transfugarum simulatio, quos scimus non solum egregie frontem finxisse mentiundo, & ad diciendum verba aptè probabiliterque composuisse, sed eo etiam fallendi studio prouectos, vt sibi ipsis manus inferrent, seque aut vulneribus cruentarent, aut etiam auriculas, & nares inhonesto vulnere præciderent, vt fidem apud hostes quos decipere parabant, inuenire possent. Quæ res cum Duces omnes admoneat, vt quàm diligentissimè cuncta circumspeciant, ne fortè eos in fraudem contingat impelli; factum etiam Bethulix ciuium, quasi nimium ad credendum faciliū ac simplicium damnare videtur. Respondendum censeo, prudenter illos egisse videri, nam præterquam quod apta, sapiensque eorum, quæ apud Holophernem sibi acciderant, narratio, fidem Achiori conciliabat: fieri etiam potuit, vt viri non procul à Bethulia habitantis grauitas fama-que virtutis Hebræis pridem esset non ignota. Deinde quod caput est, quamquam eum benignè acceperunt, & honorificè, vt dignitas personæ, & ratio postulabat humanitatis; nihil tamen egisse leguntur, quod bono Reipublicæ statui incommodare posset: Nam quāuis probabile existinem, quod alibi dictum est, ciuitate donatum, & priuilegio honoribus gerendis idoneum redditum, tamen priusquam solueretur obsidio, nec adhibitus est ad secreta consilia, nec vllam militarem præfecturam consecutus; sed potius cum apud Oziam hospes versaretur, ita in omnium ac præsertim ipsius Ozix oculis vixit, vt si quid moliretur, aut moueret, statim deprehendi posset. Ipsum verò procul à publicis negotiis quietè egisse, vel ex eo

colligitur, quòd cum Iudith in urbem reuersa, amputato Holophernis capite, magna esset omnium ordinum vt in publica gratulatione còcuratio, ingentesque populi exultantis clamores, & *Iud. 13. 27.* vociferationes; ipse tamen non nisi euocatus ad tantæ rei spectaculum domo prodiisse legatur.

De castris & arcibus.

CAPVT XIV.

De castrorum descriptione, vexillis, &c.
Num. 2. 2.

Descriptionem castrorum populi Hebræi antequam ad promissam venirent regionem, habemus in Numerorum historia. *Singuli,* inquit, *per turmas, signa, atque vexilla, & domos congregationum suarum castra metabuntur: filij Israël per gyrum tabernaculi foederis; ad orientem Iudas figent tentoria;* pergitque minutim explicare quem vnæquæque tribus locum occuparit, qui Duces, Principesque familiarum, quot etiam capita sub vexillis censuerint; ex qua descriptione illud habemus, totam castrorum conformationem quadratam fuisse, quæ figura sanè commoda videtur, quanquam alias etiam metandi formas in vsu fuisse facile crediderim. Sanè de Dauid dicitur in *1. Reg. 17.* Regum historia: *Et venit ad locum Magala.* Tò, *Magala* Hebr. *Rotunditatem* interpretari possumus, vt etiam Septuaginta verterunt; Kaldæus autè dixit *Castra*, vt ex hoc capere possimus coniecturam, locum illum orbiculari figura castra aliquando habuisse, siue Dauid ipse, siue quiuis alius belli Dux, cum suo sibi exercitu confederit. Sed quamcumque

cumque habuerint formam, ut scilicet melius ac commodius Imperator duxerit, multum expedit in sua quosque tentoria ita distributos esse, ut omnis perturbationis tollatur occasio, quod in Hebræorum metaturâ, quam diximus, seruatum videmus, ut scilicet alij seorsim ab aliis, suis locis consisterent, suâque haberent signa & vexilla quibus distinguerentur ab aliis. De quibus vexillis vereor ut verum sit, quod quidam Rabbinii tradiderunt in vexillis scilicet Iudæ fuisse leonem; quod scilicet Iacob morti proximus cum de filiis suis prophetaret, Iudam appellauit leonem, *Catulus*, inquit, *leonis Iuda, ad pradam fili mi ascendisti: requiens accubuisti ut leo, & quasi leena, quis suscitabit eum?* In signis verò Ruben hominis figuram expressam fuisse, quod ipse primus homo esset de semine Iacob, ut dicitur eodem Geneseos cap. *Ruben primogenitus meus*. In signis verò Ioseph fuisse taurum, propterea quod de ipso dicitur in Deuteronomio. *Quasi primogeniti tauri pulchritudo eius*. Tandem tribum Dan colubrum in vexillis suis prætulisse, ex eo coniecturam capientes, quod de eo dicitur in Genesi. *Fiat Dan coluber in via cerastes in semita*. Sed nimitum familiare est Rabbinis vera falsis aspergere, & nugas suas pro solidis, probatisque historiis obtrudere. Si enim satis solida probatio esse possit, quod metaphoris ab aliquibus animalibus desumptis, leones dicantur aut cerastæ; etiam Gad leonem prætulisse dicendus erit; de quo dicitur in Deuteronomio. *Quasi leo requieuit*, imò ipsi Dan non minus leo tribuendus fuit, quàm Iudæ, cum eodē Deuteronomij loco *Dan catulus leonis* appelletur, Isachar verò qui dicitur *Asinus fortis*, non aliud insigne istis aucto-

Apud Abulens. in c. 2. Num. Gen. 49. 9.

Ibid. n. 3.

Genes. 49. 17.

Deut. 33. 20.

Ibid. n. 21. Genes. 49.

14.

1. Reg. 14.
4.

ribus habere poterit, quàm stolidum illud & rude animal, quo Isachar per metaphoram appellatus est. Illud etiam moneandum videtur, castra bene poni in edito aliquo loco, aut tumulo, unde subeuntes hostes faciliè propelli possint, quod passim factitari videmus ab Imperatoribus exercituum, sic Philistæi editum locum castris occupauerant, ad quos Ionathas cum armigero suo adrepere conatus est. *Erant, inquit Scriptura, inter ascensus per quos nitebatur Ionathas transire, ad stationem Philistinorum, eminentes petra ex utraque parte, & quasi in modum dentium scopuli, hinc & inde prærupri.* Sic Benjamitarum reliquiæ post cladem ab Israëlitis acceptam confugerunt ad petram Rhemnon, ut loci beneficio externam vim facilius arcerent, in qua etiam quatuor integros menses ita sederunt, ut ab hostibus nulla ratione potuerint violari. Cauendum tamen est, ne dum locum editum cōfectatur Imperator, longius à fluminibus aut fontibus recedat, laboréntque sui penuria aquarum, adeò ut cum aquatum mittendi erunt, fluminis aut fontis vndam sanguine redimant. Itaque Gedcon iuxta fontem qui vocatur Arad cum suis legitur confedisisse, ne scilicet aquæ ex longinquo, cum militum suorum discrimine petendæ essent. Porro castra aggeribus, vallo, fossâque munienda sunt, ne faciliè ad illa hostes obrepere possint, aut repenti impressione facta nihil tale cogitantes opprimere. Videtur hoc neglexisse Saul, qui cum *castrametatus esset in Gabaa Hachila, ut dicitur in Regum historia;* nec nocturnos adhibuit excubitores, qui somnum suum ab hoste securum redderent, nec castra fossis aut vallo muniuit, quibus David penetrare prohiberetur, sed suis fortè viri-

1. Reg. 26.
3.

bus

bus frētus, hostium paucitate contempta, sese incustoditum composuit ad somnum, non intelligens quā grande periculum adiret, quod tamen non alia ratione euasit, quā eius benignitate in cuius manus inciderat. Maior etiam Amalecitarum socordia, qui quod absente Dauid de Iuda, & de terra Philistiim prædas egerant, & Siceleg ciuitatem igne succenderant, omnia tuta arbitran-tes passim per herbam fusi vino epulisque indulgebant, nulla castrorum muniendorum cura suscepta, quasi nihil ab irritato, violatōque hoste, viribus tamen integro timendum superesset. *Ecce illi* (inquit Scriptura) *super faciem vniuersa terra discumbebant, comedentes & bibentes, & quasi festum celebrantes diem, pro cuncta præda & spolijs, quæ ceperant de terra Philistym, & de terra Iuda. Et percussit eos Dauid à vespere vsque ad vesperam alterius diei, & non euasit ex eis quisquam, nisi quadringenti viri adulescentes, qui ascenderant camelos, & fugerant. Audientibus itaque Dauid, cuius est militare illud præceptum. Circumdate Sion, & complectimini eam, narrate in turribus eius. Ponite corda vestra in virtute eius, & distribuite domos eius ut enarretis in progenie altera. Omnibus sanè castra figentibus, aut arcem aliquam excitantibus, aut custodientibus planè necessarium. Sensus autem esse potest, stationes disponite, excubitores nocturnos diurnosque in mœnibus & propugnaculis collocate, qui eam circumdent & passibus complectantur in circuitu, & per gyrum ambulando. Numerate turres eius* (sic enim Pagninus legit quod in vulgata habemus) *Narrate in turribus*, diligenter cuncta recognoscendo, animūque applicate ad ea munienda, & instauranda quæ vestram operam desiderāt,

siue

1. Reg. 30.

16.

Psalm. 47.

13.

siue ille murus sit, siue antemurale. Quod enim vulgatus dicit. *Ponite corda vestra in virtute eius, & distribuite domos eius.* Idem Pagninus vertit ex Hebræo. *Ponite cor vestrum ad antemurale eius, roborate palatia eius.*

*De arcibus
construen-
dis, earūq;
situ.*

2 Quæ de castris hæcenus disputauimus, ad arces etiam fermè accommodari possunt, de quibus præterea paucula quædam addenda supersunt, quæ nunc explicabimus. Sunt autem arces regni totius propugnacula, quæ ciuitates & oppida minora ab hostium incursionibus tuta reddunt, & in quas belli tempore tanquam tutissimas stationes, sese recipiunt milites, vniuersamque regionem quantumuis hostilibus armis infestam in Principis sui fide retinent, & conseruant. Itaque antiquis illis temporibus video Reges sollicitos fuisse de arcibus excitandis, locisque opportunissimis disponendis, vt hostibus iter in regnum intercluderent, incolæque ab exterius ingruente vi redderent securos. Sic de Baasa legimus in Regum historia. *Ascendit quoque Baasa Rex Israël in Iudam & edificauit Rhama, vt non posset quispiam egredi, vel ingredi de parte Asa Regis Iuda.* Quod iniquissimo animo tulit Asa, quasi quoddam iugum suis ceruicibus esset impositum, quod omni ratione amolendum, & excutiendum putauit. Itaque Syriæ Regem Benadad in Baasan suscitauit, in quem cum Syrus expeditionem adornaret, Baasa eius aduentu audito; *Intermisit edificare Rhama*, vt scilicet se suosque ad tantam belli molem sustinendam compararet. Nec satis habuit Iudæ Rex Asa in aduersarium suum Benadad concitasse, sed munitione euersa Baasæ, aliam munitionem censuit opponendam, quam vt extrueret, subditis suis conue

3. Reg. 15.
17.

Ibid. n. 21.

conuehendæ materiæ ad substructiones faciendas necessitatem imposuit. Ita enim legimus eodem loco : *Rex autem Asa nuntium misit in omnem Iudam , dicens : Nemo sit excusatus. & tulerunt lapides de Rhama , & ligna eius de quibus adificauerat Baasa , & extruxit de eis Rex Asa Gabaa Benjamin , & Masspha .* Qua in re satis apparet planè sibi persuasisse Asa arcem illam ita suo Regno incommodare , vt thesauri omnes domus Domini , & Regij ærarij profundendi potius essent , quàm arcis illius perficiendæ Israëlis Regi concederetur facultas. Nam tulit Asa omne argentum , & aurum quod remanserat , in thesauris domus Domini , & in thesauris domus Regia , & dedit illud in manus seruorum suorum , & misit ad Benadad , vt scilicet in fines Baasæ cum exercitu irrumperet , & ab inchoato opere , quod moliebat , auerteret . Quod cum impetrasset ascendit in Rhama , & munimentum illud iuxta Sapientis dictum solo æquauit . *Ciuitatem fortium , inquit Salomon , ascendit sapiens , & destruxit robur fiducia eius .* commodè enim locus hic de oppidis , arte vel natura munitis accipi potest , quæ propterea *robur fiducia* dicuntur , quòd qui ea insederunt , hostium conatus irritos fore confidant . Sapientis autem est , iuxta Salomonis dictum , eas munitiones solo æquare , quas aut tueri non possis , aut propter periculum , ne ab hostibus occupentur , indeque tuis te armis oppugnent , disturbandas esse prudentes rerum æstimatores iudicauerint , ad quem fortasse sensum trahi possunt verba illa , quæ de Dauid legimus in libris Regum . *Percussit Moab , & mensus est eos funiculo coequans terra .*

Ibid. n. 22.

Ibid. p. 18.

Prou. 27.
22.

2. Reg. 8.
2.

Alia quædam de arcium situ.

3 Bene autem collocantur arces in collibus , editisque locis , in faucibus etiam vallium , præsertim

- rim si opportunitate situs hostium incursionibus,
 2. Esdr. 3. & irruptionibus aditum intercludant. *Nathinæi*
 26. *habitant in Ophel usque contra portam aquarum ad*
Orientem & turrem qua prominebat, vt habemus in
 libro Esdræ. Vox Ophel *לפיל* iuxta aliquorum
 sententiam apud Hebræos *fauces* significat, quas
 Græci *πύλας* vocant; Itali, *Chinse*. Quare nonnulla
 huiusmodi loca arcibus infesta apud eosdem Ser-
 rauallis nomen inuenerunt. Videtur datus locus
 Nathinæis ad custodiendum, ne ad Regiam ho-
 stibus pateret irruptio. Quia verò huiusmodi lo-
 ca in faucibus vallium constituta obscura esse so-
 lent, quod solis radios non faciliè admittant, hinc
 fortè factum est, vt cum quarto libro Regum di-
 4. Reg. 5. citur: *Cumq̃ venissent iam vesp̃ri*, vbi eadem vox
 24. Hebræa recurrit, Septuaginta verterint, *εἰς σκοτει-
 ρόν, in obscurum*. Rabbinī apud D. Hieronymum in
 Isa. 32. 14. illud Isaia, *Tenebra & palpatio*, vocem Ophel, quæ in
 Hebraico textu est, *Tenebræ*, seu *Nubilum* inter-
 pretantur, & fuisse eius nominis turrem putant
 Hierosolymis, quæ tantæ cellitudinis esset, vt vs-
 que ad nubes erigeret caput, vt ibi loquitur Hie-
 ronimus. Quod de Manasse dicitur in Paralipo-
 2. Par. 33. menis; *Post hæc ædificauit murum extra ciuitatem Da-*
 14. *uid, ad Occidentalem in conualle, ab introitu porte pi-*
scium per circuitum usque ad Ophel, & exaltauit illum
vehementer. Tò, per circuitum, ex Hebræo ad verbum
 vertere possis, & *circumdedit*, siue *fecit circuitum, ar-*
cem, aut turrem, & exaltauit illam valde.

De arcium
 propugna-
 toribus.

4 Porro arcibus strenuorum militum manus,
 qui eas tueantur, præficienda est, nec vnquam
 committendum, vt siue fiducia pacis cum hosti-
 bus initæ, siue virium contemptu militibus desti-
 tuantur. Documento nobis esse potest quod de
 ciuitate

ciuitate Hais, sacra historia Iudicum commemo-
 rat. *Euntes, inquit, quinque viri venerunt Hais, vide-* Iud. 18. 7.
runq; populum habitantem in ea absque ullo timore
iuxta consuetudinem Sydomiorum securum & quietum,
nullo eis penitus resistente, magnarumq; opum, & procul
à Sidone, atque à cunctis hominibus separatum. Profecti Ibid. n. 11,
igitur sunt de cognatione Dan sexcenti viri, accincti ar- & 27.
mis bellicis, venerunq; in Hais, ad populum quiescen-
tem atque securum, & percusserunt eos in ore gladij, vr-
bemq; incendio tradiderunt, nullo penitus ferente præs-
dium, eo quòd procul habitarent à Sidone, & cum nullo
hominum haberent quicquam societatis ac negotij. Quæ
 sanè narratio nobis ob oculos ponit supinâ Hai-
 tarum negligentiam, qui cum iniuriæ essent op-
 portuni, propterea quòd procul aberant à Sido-
 niis, aliisque omnibus à quibus auxilium sperare
 possent, si periculum aliquod ingrueret, quod ac-
 cedentibus oppidi diuitiis, & opulentia suspicari
 debuerant, ita salutem suam neglexerunt, ut sex-
 centis dumtaxat viris præda fuerint, patriamque
 incendio abolente perdiderint. Quod sanè illis
 non euenisset, si tantas opes, tam procul ab ami-
 cis positas non incustoditas relinquendas puta-
 uissent, arce ciuitatis, si quam habebant, aut certè
 portis armatorum militum excubiis, munitis.
 Quod si ciuitatem munitam habeas armis, viris-
 que: cauendum est, ne si bellicus aliquis tumultus
 increpuerit è suis stationibus milites prædij
 omnes educantur; accidit enim nonnunquam, ut
 omnibus ad bellandum effusis, destituta ciuitas in
 hostium manus veniat, diripiatur, & extrema
 quæque patiatur. Docet hoc Haitarum clades, qui
 Israëlitarum exercitum fugere arbitantes, *Vocife-* Iosue 8. 16.
rantes pariter & se mutuò cohortantes persecuti sunt
 eos,

eos, & cum recessissent à ciuitate, & ne vnus quidem in
 vrbe Hai & Bethel remansisset, qui non persequeretur
 Israël (sicut eruperant aperta oppida relinquentes) insi-
 dia quæ latebant surrexerunt confestim: & pergentes ad
 ciuitatem ceperunt, & succenderunt eam. Aliquid
 etiam tale passus legitur Dauid, qui cum abesset à
 Siceleg, quo in oppido cum suis habitare tunc
 temporis consueuerat, Amalecita impetum fecerunt
 ex parte australi in Siceleg, & percusserunt Siceleg, &
 succenderunt eam igni, & captiuas duxerunt mulieres
 ex ea, à minimo vsque ad magnum. Quamuis autem
 Amalecitis carò steterit ab acta præda, vt eodem
 capite Regum persequitur historia, tamen tam
 grande incommodum, ciuitatis nimirum incen-
 dium, suorúmque periculum euasisset, si parte mi-
 litum relicta, ab hostium incursionibus securam,
 cum ipse aliò proficisceretur, reliquisset, quod
 laudabiliter fecisse legimus Iudam Machabæum,
 quem cum necessitas vrgeret, vt in Galaaditim
 cum fratre Ionatha proficisceretur, exercitus par-
 tem reliquit Iosepho, vt ab hostium impressioni-
 bus si fortè per Iudæ absentiam aliquid mouerent,
 tutam redderet regionem. Et reliquit, inquit, Iose-
 phum filium Zacharia, & Azariam Duces populi, cum
 residuo exercitu in Iudæa ad custodiam: sed salutaria
 etiam monita addidit, ne scilicet manus confere-
 rent cum hostibus, ne multitudine superati, ipso-
 rum culpa Respub. caperet detrimentum, sed satis
 haberent vim externam propulsare. Et præcepit
 illis dicens. Præstote populo huic, & nolite bellum com-
 mittere aduersum gentes donec reuertamur. Illud tan-
 dem pro paragraphi huius clausula addamus,
 Principibus prodesse populis finitimis in fide, &
 officio continendis, si in eorum arcibus, expensis
 suis

1. Reg. 30.
 1.

1. Mach. 5.
 18.

Ibid. n. 19.

suis Reges milites alant, qui seditiones motusque popularium comprimant, ipsosque Principes vicinos promissis, conuentisque stare compellant. Id iuste parta victoria fieri potest, nam quas vrbes deuicto Principi adimere possis, si hac conditione restituas, vt nationis tuæ praesidiarios milites admittat, in reliquis suo iure, rem omnem politicam administret, non iniuriam facis quod aliquid auferas, sed beneficium non vulgare quod multa, quæ iure belli adimere potuisses, liberaliter per vim subactis remittas. Hoc ipsum fecisse videtur Dauid, de quo ita legimus in libris Regum. *Fecit quoque sibi Dauid nomen cum reueneretur capta Syria in valle Salinarum, caesis decem & octo milibus, & posuit in Idumæa custodes, statuitque praesidium, & facta est vniuersa Idumæa seruiens Dauid: nisi forte regionem pleno iure possedit, quod vulgata hæc verba (facta est Idumæa seruiens Dauid) significare videntur.*

2. Reg. 8.

13.

5 Quod verò attinet ad portas arcium & ciuitatum cum suspicio aliqua belli ingruerit, aut hostium agmina prope absuerint, diligenter militum custodia muniendæ sunt, nec aperiendæ in tenebris, sed clara luce, ne aliqua fortè fraus ab hostibus ad omnes occasiones intentis fieri possit. Præstitit hoc Nehemias, qui se ita scribit præcepisse; *Non aperiuntur porta Ierusalem vsque ad calorem solis, & porta clausæ sunt & oppilata, & posui custodes de habitatoribus Ierusalem singulos per vices suas.* Quare parum consultè fecisse videtur Rex Iericho, qui cum se tenebræ noctis intenderent, tunc demum portas claudere iubebat, vt ex Iosue historia discimus: nam cum Israëlita hostes instarent, eorumque fama vniuersas illas regiones per-

De custodiendis ciuitatibus & arcium portis.

2. Esdr. 7.

3.

Iosue 2. 5.

ualisset, prudens consilium fuisset, si citius claudi-
iussisset, quàm cum pacata circum erant omnia,
nullusque hostis qui pacem turbaret, timeretur.

*Monita quædam ad pugnam
spectantia.*

C A P V T X V.

*In aggre-
diendis ho-
stibus loci
temporisq;
opportuni-
tatem ca-
piendam.
Prou. 20.
Prou. 24.*

Q Vandoquidem bella non viribus tantum
corporis geruntur, sed multo magis pro-
uidentia, & consilio, vt docet Salomon, cuius illa
sunt verba. *Cogitationes roborantur consilijs, & guber-
naculis tractanda sunt bella.* Et alibi. *Vir sapiens for-
tis est, & vir doctus robustus & validus, quia cum dispo-
sitione iuitur bellum, & erit salus, ubi multa consilia sunt.*
Si fuerit cum hoste confliendum, diligenter om-
nia circumspicere debet Imperator, vt si aliquam
rei bene gerendæ occasionem à loco, à tempore,
aliâve circumstantia captare possit, eam præterla-
bi non sinat: fieri enim potest, & vero non semel
vfu venit, vt qui alioqui militum numero, & ro-
bore pares non erant, industria, & consilio mili-
tari etiam superiores euaserint. Sic Abraham cum
Lothi cognati sui, tum Sodomitarum, amicorum,
& vicinorum clade commotus, cum se suosque
ad opem ferendam expediuisset, *Numerauit expe-
ditos vernaculos suos trecentos decem & octo, & persecu-
tus est eos vsque Dan, & diuisis socijs irruit super eos no-
cte, percussiq; eos.* Quod sanè factum, militarem
Abrahami prudentiam commendat; etenim di-
uisis

*Genes. 14.
14.*

uifis copiis, ex multis diuersisque partibus in eos impetum faciendo, terrorem maiorem incussit, speciẽque exhibuit ingentis exercitus, quo omni ex parte se putarent circumfissi, adeò vt nullus ad fugam aditus pateret. Quæ res adeò consternauit hostium animos, vt quisque fuga se periculo studeret eripere. Sic etiam Iosue urbem Ierico expugnaturus non ab vna tantum parte copias admouit, sed exercitu in agmina diuiso, cum vociferatio militum, clangorque tubarum increpauisset, diuinòque miraculo muri corruissent, illicòque ciuitas ad prædam nudata mœnibus apparuisset; *Ingressi sunt singuli per locum contra quem steterant.* Eodem consilio cum Haitas expugnaret vsus est, copiisque diuisis quosdam in insidiis collocauit, alios aperto Marte ad pugnam eduxit; sic tandem Abimelech de quo legimus in Iudicum historia. *Abimelech tulit exercitum suum, & diuisi in tres turmas, tendens insidias in agris, vidensq; quod egrederetur populus de ciuitate, surrexit, & irruit in eos cum cuneo suo, oppugnans, & obsidens ciuitatem, duæ autem turma palantes per campum aduersarios persequabantur.* Porro Abimelech omni die illo oppugnabat urbem, quam cepit interfectis habitatoribus eius, ipsaq; destructa, ita vt sal in ea dispergeret.

Ios. 6. 5.

Ios. 8. 4.

Iud. 9. 43.

2 Opportunum etiam tempus Abram elegit, nocturnum scilicet; nam noctis silentio parui motus, ingentes & horribiles videntur; nec satis cognosci potest paruane sit, an magna hostium manus, omniàque repentina, & quæ magis re ipsa sentiuntur, quàm animi aut sensuum prænotione, vehementius animos hominum commouent, atque perturbant; animo verò perturbato, parua etiam res magnæ videntur, & horribiles. Præter-

An nocturno tempore aggredi hostem expediat.

quam quòd nocturno tempore sopitis, & vino languidis, inermibus etiam, nullòque ordine dispositis cladem inferre non admodum difficile videtur, quo etiam stratagemate Gedeon Madianitarum copias ingentes, trecentorum dumtaxat militum armis pèssumdedit, quamquam ingenti miraculo, suo Duci Deus tam luculentam victoriam de tanta hostium multitudine largitus est. Simile Gorgiæ consilium, dissimili tamen euentu.

1. Mach. 4.

1.

Nam, ut dicitur in Machabæorum historia. *Assumpsit Gorgias quinque millia virorum, & mille equites electos, & mouerunt castra nocte, ut applicarent ad castra Iudeorum, & percuterent eos subito, & filij qui erant ex arce, erant illis Duces.* Sic tandem Iosue quinque Regibus Amorrhæis in vnum collectis, repentinus superuenit, eosque plaga magna contriuit.

Ios. 10. 9.

Irruit itaque Iosue, inquit Scriptura, super eos repente tota nocte ascendens de Galgalis.

3 Vtile etiam est, cum hostibus bello decerne-

*Cum hostibus confli-
gendū cum
aliqua oc-
casione aut
animis sūt
cōsternati,
aut fracti
viribus.*

re, cum animis consternati sunt, aut corporibus imbecilliores. Nam & merus alacritatem frangit, & fames continensque labor vires atterit, corporaque debilitat, ut conferendo certamini parum idonei reddantur. Bonum victoriæ consequendæ omen esse putauit Gedeon, cum somnio territum militem, cum socio sermones miscentem audiuit hordeacei panis nocturnum visum commemorantem, quo impellente Madianitarum tentoria concidissent. Nec eum fefellit coniectura; quemadmodum enim gregario illi militi, diuinitus immisso viso quod futurum erat significauit Dominus, ita planè factum est terrore cunctis iniecto, quoad clangore buccinarum Gedeonis, adèd conterriti sunt, ut nullus auderet resi-

stere,

stere, sed omnes effusam fugam, in qua funditus ceciderunt, occuparent. Simeon etiam & Levi ciuitatem Sichem filij Hemor armis aggressi sunt die tertio postquam circumcissione fuerant consignati, cum scilicet dolor acerbissimus vulnerum esse solet, tantæque in languentes corporum debilitate, cæde debacchati sunt, vt omnes masculos delerent, urbem popularentur, in greges etiam & armenta sæuirent, paruulos & mulieres captiuos abducerent, quæ in domibus, quæque in agris occurrebant, eodem impetu vastantes; nec vllus fuit qui à patriis tectis tãtam cladem posset auertere, quod nimirum dolor ad arma tractanda redidisset ineptos.

Iud. 7. 13.

Genes. 34.

35.

4 Sed quærat fortasse aliquis vtilius ne sit, cum bellum gerendum est, hostium aduentantium impetum domi præstolari, an exercitu expedito in eorundem fines irrumpere, eosque anteuertendo, quam vastitatem nobis meditabatur eorum agris oppidisque vltro inferre. Ac sanè vim externam propulsantes eam commoditatem habent, quod suæ ipsorum regionis bene periti, non mons, non vallis, non fluminis vadum, non occultus ad commeandum trames, non viarum latent compendia, quæ locorum experientia maximas auerzit clades, victoriæque luculentas conciliauit. Rursus commeatus vberior, sponteque suppeditatur, non enim vi extorquetur ab inuitis, sed ab amicis vltro conuehitur. Militum etiam animi alacriores, quippe qui pro aris, & focis, pro vxoribus, liberisque charissimis, pro templis & patria, tandem pro se ipsis se pugnatuuros intelligunt, non autem expedire arma pro gloria dumtaxat Principis sui augenda, quem temeritas ad bella

An expectandi sint hostes intra regnū, an verò in eorum fines irrumpendum.

934 *Institutio politica ex sacris Scripturis.*

mouenda, suorumque sanguine parandum nomen impellat. Contra verò si in alienos fines ipse transilias, tuam regionem ab hostilibus populationibus damnisque propemodum innumeris vindicas, hostiumque vires minuis, atque debilitas; quare aliquibus magis placuisse video consilium hoc, ut occuparent ipsi in hostem transire, ut Schon Rex Amorrhæorum, qui cum suis finibus Israëlitas arcuisset, nec ullis conditionibus acquiescere voluisset, ut per suas regiones ince-

Num. 21.

23.

2. Reg. 5.

17.

4. Reg. 14.

11.

Luc. 14. 31.

ptum iter continuarent, *Exercitu congregato egressus est obuiam in desertum.* David etiam cum primum cognouit Philistæos bellum parare, non illos intra Regni fines expectandos duxit, sed potius illis occurrendum; quod etiam fecisse loas Regem Israël legimus, cum Amasias Iudæ Rex contractis copiis arma moueret. Et idem videtur indicari in Euangelica illa parabola quæ est apud D. Lucam, Regis nimirum euntis committere bellum aduersus alium Regem, in qua particulæ illæ, *Iturus committere bellum, & cum decem millibus occurrere,* Regis illius qui ibi describitur consilium videtur ostendere, non segniter domi desidendo hostem intra suos fines opperientis, sed ultro in eius occursum cum armato milite procedentis. Sed huic dubitationi ita censeo respondendum esse, ut si Princeps pacatum habet regnum, & ab seditionibus, discordiisque ciuilibus tutum, ita ut cum è finibus ipse pedem extulerit, nulli motus timeantur, iustumque exercitum cogere possit, quo viribus non impar, aduenientibus hostibus censeatur, satius est belli incommoda in aduersarium conuertere, quàm agrum tuum hostibus relinquere ferro, ignique vastandum. At si

Princi

Principis externa expeditio res domi incompositas relictura est, si seditiones, intestinique tumultus, meritò formidari possunt, ne ancipiti malo prematur Respublica, melius erit fines suos tueri, vim ingruentem propulsare, victorémque se futurum existinare, si victus ipse non fuerit.

§ Iuuat autem ad animos militum in prælio acuendos, si clangor tubarum, tympanorumque tumultus languentes exsuscitet animos, ut omnium gentium usu passim fieri videmus. Nam canor ille Martius & segnibus vires sufficit, càmque concitat alacritatem, sine qua nec moliri arma, nec cum hoste configere milites possent. Idem de sublati clamoribus iudicium, qui truces, & inconditi ab ingenti exercitu sublati aduersarios terrent, commilitones in prælium incitant, discriminisque in quod se coniiciunt, obuersantem oculis speciem, recordationémque minuere consueuerunt. Fuit hoc Israëlitis familiare, de quibus legimus, *Exercitus egressus ad pugnam vociferatus erat in certamine, & eodem capite, Consurgentes viri Israël & Iuda vociferati sunt, & persecuti sunt Philistæis.* & Gedeon suis mandat: *Quando personuerit tuba in manu mea, vos quoque per castrorum circumum clangite, & conclamate, Domino & Gedeoni.* Populus etiam cum misisset in Silo, & tulisset inde arcam fœderis Domini exercituum sedentis super Cherubim, venissetq; arca in castra, vociferatus est omnis Israël clamore grandi, & personuit terra: quæ vociferatio ut alacritatem addidit Israëlitis, ita terrorem incussit Philistæis, ut ex eadem discimus historia, in qua ita dicitur. *Timueruntq; Philistiim dicentes. Venit Deus in castra, & ingemuerunt dicentes; Vae nobis, non enim fuit tanta exultatio heri & nu-*

De tubis, tympanisq; militari-bus ad animos in prælia acuen-dos.

1. Reg. 17.

20.

Ibid. n. 32.

Iud. 7. 18.

1. Reg. 4. 4.

Ibid. n. 4.

dius tertius, va nobis. Omne sibi malum imminere præcipientes, & præsentia numinis, & aduersariorum alacritate, quam sublato ingenti illo clamore prodiderant.

*De fuga,
hostibusq;
persequen-
dis.*

- 6 Sed quia nonnunquam accidit, vt quantum-
uis Imperator diligenter cuncta circumspexerit,
nec temere descenderit in aciem, quia tamen
communis Mars est, nullóque suo, sed aliorum
vitio fieri potest, vt exercitus prementibus aduer-
sariis pedem referre cogatur, fugáque sibi con-
sulere, ita dispositum militem habeat, vt non illi
accidat, quod Assyriis euenisse legimus in libro
Judith 15. *Judith. Et quoniam, inquit, Assyrii non adunati in fu-
gam ibant precipites, filij autem Israël vno agmine per-
sequentes debilitabant omnes, quos inuenire potuissent;
quódque Dominus suis euenturum minitatur, si
à vera religione deflexerint; Corruent singuli super
fratres suos: Curandum etiam est, vt si agmen ali-
quod, aut insidiis hostium interceptum, aut vi
oppressum euadere non potuerit, alijs saltem
consulatur, & in tutum adducantur: qua in re
prudenter se gessit Iacob, qui cum timuisset ad-
uenientem Esau fratrem suum, Perterritus dimisit
Gen. 32.7. *populum, qui secum erat; greges quoque, & oves, & bo-
ues, & camelos in duas turmas dicens. Si venerit Esau
ad unam turmam, & percusserit eam, alia turma qua re-
liqua est saluabitur.* Solet autem facili negotio cli-
uus aliquis, editusque locus fugam victorum
tueri, eosque ab hostium impressione tutos red-
dere. Sic Sodomorum Reges & Gomorrhæ, cum
victi certamine fuissent; *Qui remanserant, fugerunt
ad montem: quemadmodum etiam Beniamitarum
reliquæ in scopulis petra Remmon, cum ingenti
clade sunt ab Israëlitis attriti, ne penitus deleren-**

*Genes. 14.
10.*

tur

tur confederunt. Mœnibus autem vrbis alicuius
 quæ in proximo sit, sanè tutissimum est se inclu-
 dere, nisi verearis ne impetum hostium portis ac
 muris sustinere possis; tunc enim satius videtur
 per apertos elabi campos, donec te instantibus
 hostium mucronibus planè subduxeris. Cum ve-
 nisset David in Ceilam qui prius per inania, &
 ingenti solitudine vasta loca fugiebat Saulis insi-
 dias, magnam concepit spem Saul illius capiendi;
Tradidit, dicebat, cum Deus in manus meas, conclusus- 1. Reg. 23.
que est introgressus urbem, in qua porta & sera sunt. Et 7.
præcepit Saul omni populo, ut ad pugnam descenderet
in Ceilam, & obsideret David & viros eius. Nec ta-
 men qui alios fugientes persequuntur, omnia
 tuta debent arbitrari, nam redit etiam virtus vi-
 ctis in præcordia, & fuga fingitur, & dolo tra-
 huntur aliquando per metus simulationem in-
 cauti milites instructas insidias, ut Benjamitis
 accidit, de quibus supra dictum est, qui cum Is-
 raëlem per vim cedere existimaret, paulatim pro-
 gressi, deducti sunt ad eum locum, vbi paratis in-
 sidiis circumuenti sunt, & oppressi. Itaque sibi Iud. 20. 32.
 melius Asael consulisset, si Abner quem perse- 2. Reg. 2.
 quebatur, consilium admisisset, qui ei dicebat, 21.
Vade ad dexteram, siue ad sinistram, & apprehende
unum de adolescentibus, & tolle tibi spolia eius. Noluit
 autem Asael omittere quin urgeret eum. Rursumque
 locutus Abner ad Asael, recede, noli me sequi, ut com-
 pellar fodere te in terram, & lenare non poterò faciem
 meam ad Ioab fratrem tuum; qui audire contempsit, &
 noluit declinare, percussit ergo eum Abner auersa hasta
 in inguinè, & transfodit & mortuus est in eodem loco.
 Cautè igitur armati prosequendi sunt, ne, ut dixi,
 aut in insidias deferaris libidine persequendi, aut

duin aliis exitium inferre cogitas, tibi ipsi maru-
rius temeritate, quàm putauisses, accersas.

De obsidio-
nibus. 7 Quod si fuga elapsus Imperator obsidionem
tolerare cogatur, duo inter cætera ab obsessis sa-
tagat obtinere. Primum est, vt animos non des-
pondeant, & ad deditionem facilius quàm par
est, inclinent animos; quemadmodum videmus
accidisse iis, qui Bethuliae obsidebantur, vt nar-
ratur in historia Iudith, nam *Ad Oziam congregati*
omnes viri fœminaque, iuuenes, & paruuli, omnes simul
vna voce dixerunt. Iudicet Deus inter nos, & te, quo-
niam fecisti in nos mala, nolens loqui pacificè cum Assy-
rijs, & propter hoc vendidit nos Deus in manibus eo-
rum, & ideo non est qui adiunet cum prosternamur ante
oculos eorum in sui, & perditione magna. Et nunc con-
gregate vniuersos, qui in ciuitate sunt, vt sponie trada-
mus nos omnes populo Holophernis; melius est enim, vt
captiui benedicamus Dominum viuentes, quàm moria-
mur, & simus opprobrium omni carni, cum viderimus
uxores nostras, & infantes nostros, mori ante oculos no-
stros. Contestamur hodie cælum & terram, & Deum
Patrum nostrorum, qui ulciscitur nos secundum peccata
nostra, vt iam tradatis ciuitatem in manu militia Ho-
lophernis, & sit finis noster breuis in ore gladij, qui lon-
gior efficitur in ariditate suis; & cum hac dixissent fa-
ctus est fleus, & ululatus magnus in Ecclesia ab omni-
bis. Tales quiritationes, lacrymæ, obsessorumque
studia esse solent, contra quæ non minus forti
pectore opus est, quàm blanda comitate, quibus
partim mulceatur exasperatus animus, perpeffio-
ne malorum, partim deditionis consilia constan-
ter disturbentur. Alterum est, vt incommoda to-
lerare patienter assuescant, pro defendenda do-
mo, patria, liberis, ipsaque vita, qua nihil cha-
rius

rius habere possumus. Hoc in Bethulix populo desiderari poterat, ut scilicet spe fortunæ melioris in Domino collocata, patientius sitim ferrent, aliaque obsidionis incōmoda. Hoc ut facilius assequatur Imperator, in ipso obsidionis exordio cōstituat dispensatores, qui com meatum, & cibaria omnia partē distribuatur, ne, si cōtingat obsidionem in longū produci, necessariis vitæ subsidiis destituti, fame compellatur eas ab hoste conditiones accipere, quas illi armis exprimere non potuerunt. De cisternis Bethulix deficientibus ita dicitur in Iudith historia. *Defecerunt cisterna, & collectiones aquarum omnibus habitantibus Bethuliam, ita ut non esset intra ciuitatem, unde satiarentur vel una die, quoniam ad mensuram dabatur populis aqua quotidie.* Quod in cæteris etiam rebus, quæ usu consumuntur seruandum esse, cum par ingruerit necessitas, nemo non videt.

Iudith 7.
11.

8 Cæterum, quia obsidionem tolerantes in ipsis etiam initiis quædam deficere solent, quia nimirum, quamuis intenta cura, sollicitaque animi prouisio adhibeatur, vix ita prospici potest, ut tantus frumenti numerus, aliarumque rerum ad victum necessariorum copia importetur in ciuitates, aut arces, ut diuturno tempore nihil desideretur: curandum est diligenter, ut huic occurratur incommodo, ne postea mœnibus inclusi ad ultimam usque penuriam compulsi, leniendæ famis gratia, non equos tantum, & asinos, sed fœdiora etiam animalia, aut pelles, & lora feruenti aqua macerata, & resoluta, quod aliquando accidisse legimus in veterum historiis, mandere cogantur. Cuius calamitatis luculentum habemus exemplum in Regum historia. Nam cum Bena-

De annona in urbem, qua obsidionem timeret, importanda.

4. Reg. 6. 25. dad Syriæ Rex Samariam obsideret, *Facta est fames magna in Samaria, & iandiu obseſſa, donec venundaretur caput aſini octoginta argenteis, & quarta pars cabi ſtercoris columbarum, quinque argenteis.* Putat Lyranus cum dicitur, *Caput aſini*, totum animal ſignificari, quæ uſitata eſt vernaculæ linguæ phraſis, & etiam latinæ, ut cum dicitur cenſu tot milia capita ciuium eſſe numerata: quo dicendi ſchemate utitur etiam Eccleſiaſticus, *Non eſt caput nequius ſuper caput colubri, & non eſt ira ſuper iram mulieris.* Verùm probabilius cenſeo cum aliis interpretibus, ita locum intelligendum ut verba ſonant, ut ſcilicet eo truculentæ famis amariffimis legibus redacti eſſent Samaritæ, ut aſini caput à cetero corpore reuulſum octoginta argenteis venderetur. Argumento autem eſt, quod neque à columbino ſtercore obſcæna fames abſtinuit, imò, quod eſt maximè miſerandum, nec à propriis liberis, quos matres ad uſum nefariæ dapis conuertere non dubitarunt, & pro infelibus cadauerum reliquiis coram Rege litigare, ut eodem capite legimus, locum Moſis vaticinio facientes, qui ita comminatus fuerat genti ſuæ, ſi Diuinas leges violare fuiſſent auſi. *Comedes fructum uteri tui, & carnes filiorum tuorum, & filiarum tuarum;* & Ezechielis trifti prædictione tanto poſtea denuntiantis. *Patres comedent filios in medio tui, & filij comedent patres ſuos.* Partes ergo prudentis Principis aut Ducis ſunt, mala iſta quantum fieri poterit, antequertere, & annonam cum ſuppetit, largiter in vrbes inducere, ut ſi circumiectam regionem penuria inceſſerit, qui obſidentur non ſolùm vitam tolerare, ſed arma etiam pro defenſione patriæ fortiter, & animoſè tractare poſſint.

9 Tandem cum res ipsa per se loquatur, necesse fortè non fuerit monere eos qui obsidione cinguntur, vt cum foederatis, & suarum partium Principibus aut Ducibus gentis suæ, qui prope absunt, & suppetias ferre possunt, nuntiorum, aut litterarum communione hostium progressiones, consilia, conatus, cognoscere studeant: & vicissim quibus ipsi premantur incommodis, & quibus rebus opus habent, aperiant, vltro, citroque destinatis nuntiis, habitu dissimulato, aliæve necessaria cautione adhibita, ne intercipientur, litterisque eo artificio exaratis, vt si in hostium manus eas deferri cōtingat, intelligi non possint. Huius rei nonnulla excogitari & vsurpari solent artificia, vt cum cartæ circa virgam aliquam certæ mensuræ, quæ apud vtrosque sit, qui illis vti necesse habuerint ita complicantur, coniunguntur, & per extremas margines committuntur, vt cum fuerint inscriptæ, & dein explicatæ, & arcana illius rationis expertibus litteræ truncæ; & mutilæ appareant, membraque earum & apices in partes diuersissimas spargantur: gnaris verò secretioris illius modi, & circa æqualem rudem, quam apud se habent rursus complicantibus, ita concinnè coalescant, & coëant, vt integras incorruptasque epistolas, & quæ nullo negotio legi possint exhibeant. Alij litterarum ordinem mutant, aut aliis elementis pro aliis vtuntur, v.g. B. pro A. D. pro C. vsurpando, aut etiam aliquo alio charactere in ordine alphabetico longius diffuso. Hunc autem modum secreta regendi quæ Scripturæ committuntur, veteribus Hebræis non omnino inusitatum puto, eiusque in Ieremia vestigium aliquod reperio, si D. Hieronymo, aliis-

*De arcanis
litteris.
quas ciffra
vocant, vltro
citroque
mittendis.*

Jerem. 25.
27.

que grauissimis eius prophetiæ interpretibus credimus, qui cum cap. vigesimo quinto Sefac nominatur, putant hypobolimæas esse litteras illas, & pro aliis substitutas, hoc ordine, vt scilicet loco primæ alphabeti, vltima ponatur, loco secundæ penultima, & sic deinceps, qua ratione seruata cum Propheta reuera בבל Babel dicere vellet ששע Sefac tamen dixit per anagrammatismum, idque eo consilio fecisse creditur, vt Chaldæorum qui tunc dominabantur, offensionem cuitaret. Siue ergo ratio hæc placeat, siue alia opportunior, nemo non intelligit esse frequenter necessarium, aliqua arte conari vigilem hostium pro vallo excubantium obsidionem eludere, vt quæ nuntianda sunt, aut cognoscenda litteris exarata fidelibus vltro citrôque commeare possint.

De victoria, & illius usu, victorūque premiis, triumphis, & trophæis.

C A P V T XVI.

Pro victoria Deo gratias agēdas esse.
1. Reg 15.
19.

Ibrum hunc, & opus etiam totum claudent paucula quædam præcepta ad victoriam, eiusque usum spectantia. Si ergo Dominus, qui *Triumphator* à Samuele dicitur, hoc est victoriarum & triumphorum largitor, victoriam de hostibus concesserit, par est Deo gratias ingentes agere, cuius beneficio non solum nostra agmina conseruata sunt, sed etiam tributum, vt hostium

exer

exercitus funderetur. Quod sedulò fecisse videmus viros fortissimos æquè ac sanctissimos Melchisedech & Mosen. Nam ille quidem sacrificium obtulit in gratiarum actionem pro reportata victoria de Chodorlahomor Rege Elamitarum, & fœderatis Regibus vt habemus in Genesi his verbis. *At verò Melchisedech Rex Salem proferens panem* Genes. 14.
& vinum, erat enim Sacerdos Dei altissimi, benedixit 18.
ei, & ait. Benedictus Abram Deo excelsò, qui creauit cælum & terram, & benedictus Deus excelsus, quo
protegente hostes in manibus tuis sunt. Moses verò cum vidisset *Egyptios mortuos, super luttus maris,*
& magnam manum, quam exercuerat contra eos Dominus. Tunc cecinit *Moses, & filij Israël carmen hoc* Exod. 13.
Domino, & dixerunt. Cantemus Domino, gloriose enim 31.
magnificatus est, equum & ascensorem deiecit in mare. Fortitudo mea, & laus mea Dominus, & factus est Exod. 14.
mibi in salutem, iste Deus meus, & glorificabo eum: 1.
Deus Patris mei, & exaltabo eum. & quæ sequuntur. Quæ omnia præclara sunt, qualia nimirum decent virum diuino spiritu afflatum, quique beneficij, quo fuerat affectus, & periculi vnde ereptus, magnitudinem præclare cognosceret. Est autem victoriæ cursus ferè sistendus cum nocte ipsa, ne per occasionem tenebrarum aut insidiis, aut alia ratione exercitus periclitetur; Dauid tamen Amalecitas, qui Siceleg ciuitatem, in qua cum suis Dauid habitabat inuadere, & prædis abactis diripere veriti non sunt; Percussit eos à vespere vsque 1. Reg. 30.
ad vesperam alterius diei. prouectus fortasse desiderio vindicandi iniuriam suis illatam, qui domo fuerant abducti, tectis ciuitatis inflammatis, dirutis, direptis, vt mirum non sit si in gentiles, Israëliticque nominis hostes, indignatione iusta
 Dauid

Dauid excanduerit. Caterum cum hostes non resistunt, sed victoribus cedunt, à cæde, & sanguine temperandum esse, sensus ipse humanitatis persuadet, quod cum in omni bello locum habeat potissimum, tamen verum est in ciuili, cum par sit suis potissimum parcere belli Ducem, quos gentis eiusdem communione aut ciuitatis attingit. Cum Abner Dux quondam Saul cum suis conuersus esset in fugam, victoriamque secutus Ioab fugientes vrgeret: *Exclamauit Abner ad Ioab, & ait. Nunquid vsque ad internecionem tuus mucro desauiet? An ignoras quod periculosa sit desperatio? Usquequo non dicis populo, ut omittat persequi fratres suos? & ait Ioab. Vniuit Dominus si locutus fuisses manè, recessisset populus persequens fratrem suum; Insonuit ergo Ioab buccina, & stetit omnis exercitus, nec persecuti sunt ultra Israël, neque inière certamen.*

2. Reg. 2.
26.

*Victoriam
citra cru-
delitatem
persequen-
dam esse.*

2 Porro non hominibus tantum parcendum est, sed molibus etiam ædificiorum, quæ tibi, tuisque vsui futuræ sunt, pecoribus, arboribusque, quæ succidenda non sunt, aut incendenda; nam præterquam quod in ea sæuire, quæ nullo modo resistunt, aut iniuriam non fecerunt, & ratione etiam carent, barbari furoris est, damnum etiam sibi inferunt, qui talia designant, cum post victoriam non res alienas, sed suas igni ferroque corcumpant. Itaque Dominus, qui Chananæorum populos, ex Israëlitis deleri voluerat, ne illorum sceleribus aut idololatriis contaminarentur, à cæde tamen arborum abstinere manus milites suos iussit, sic enim præcepit in Deuteronomio.

Deut. 20.
19.

Quando obsederis ciuitatem multo tempore, & munitionibus circumdederis ut expugnes eam, non succidas arbores, de quibus vesci potest, nec securibus per circuitum debes

debes vastare regionem, quoniam lignum est, & non homo, nec potest bellantium contra te augere numerum. Si qua autem ligna non sunt pomifera, sed agrestia, & in ceteros apta usus, succide, & instrue machinas, donec capias civitatem, quæ contra te dimicet. Saxitæ etiam immodicæ argumentum est, quod aliquando factum legimus ab iratis Principibus, ut scilicet captis dirutisque civitatibus sal in iis dispergeretur, quod etiam habemus in Scriptura. Porro Abimelech (inquit liber Iudicum) omni die illo oppugnabat urbem quam cepit interfecit habitatoribus eius, ipsaq; destructa, ita ut sal in ea dispergeret.

Iud 9.45.

3 Victoriæ prædatio consequitur, spoliiorumque collectio, in quo idem recurrit præceptum, quod cum de insistendo, fugientibus hostibus, diceremus allatum est, nam cum omnis violenta prædatio cum tumultu coniuncta sit, ac propterea milites ordines deserant, impeditioresque sint ad arma tractanda, propter sarcinam detractorum spoliiorum, hostium non solum insidiis, sed etiam violentiæ sunt opportuni, acciditque frequenter, ut dolenda vicissitudine, qui vicerant, redeuntibus hostibus certamine instaurato turpiter succumberent, propterea quod per campos palantes deprehensi, arcendæ hostium superuenientium impressioni pares non fuerunt. Sapienter itaque suos ita monet Iudas in Machabæorum historia. Non concupiscatis spolia, quia bellum contra nos est, & Gorgias, & exercitus eius prope nos in monte; sed state nunc contra inimicos nostros, & expugnet eos, & sumetis postea spolia securi. Decet autem ex collecta præda Diuinum numen à quo victoria profecta est, suspensis donariis, nobilique aliquo ad rei memoriam anathemate honorare,

De spolijs
detrabēdis
& colligē-
da præda.
Ila. 9.5.

1. Mach. 4.

17.

vt simul posteris olim testimonio sit , & bellicæ maiorum suorum virtutis, & in Deum etiam bonorum omnium auctorem egregiæ pietatis. Sic Abram de spoliis & manubiis deuictorum Regum Melchisedech sacerdoti decimam donauit partem , vt habemus in Genesi , in qua legimus,

- Genes. 14. *Et dedit ei decimas ex omnibus.* Qui locus, quamuis
20. ambiguus esse videatur, cum non magis colligi posse videatur Abramne Melchisedecho , an potius ipse Melchisedech decimam donauerit Abrammo : tamen Septuaginta interpretum grauissima auctoritas ambiguitatem sustulit, cum habeant. *Et dedit ei Abram decimas ex omnibus*; clarissimūque D. Pauli testimonium in epistola ad Hebræos, rem planè reddit indubitatam, cum dicat : *Melchisedech obuiam Abram regresso à cade Regum, & benedixit ei, cui & decimas omnium diuisit Abram.* Et paulò post. *Inueniuntur quantus sit hic, qui decimas dedit de precipuis Abram patriarcha; & deinde. Cuius autem generatio non annumeratur in eis, decimas sumpsit ab Abram.* Similem in Deum liberalitatem exhibuerunt Israëlitarum soluta obsidione Bethulix, & de Assyriis luculenta illa semperque memoranda victoriâ reportata. *Ei factum est post hac, omnis populus post victoriam venit in Ierusalem adorare Dominum, & mox vt purificati sunt, obtulerunt omnes holocausta, & vota, & repromissiones suas.* Quod vulgatus noster interpretes vota dixit, in Græco est *ἐκείνη* spontanea, ea scilicet, quæ sponte, & nullo legis adigente præcepto quisque offerre voluit, siue ex detractis spoliis, vt par est credere, siue ex iis quæ prius pro obtinenda victoria, se daturos Deo nuncupato voto, cum obsidione premerentur, obstrinxerant. Quod verò dicitur

Repro

Repromissiones. Græcus habet *ἀποκατάστασις*, hoc est, *dona*, quæ scilicet liberali prorsus animo, nullâque præcedente aut voti, aut alterius generis obligatione, quisque largitus est Domino; quod exemplum etiâ ipsius Iudith, quod subiungit cõfirmat. Porro Iudith, inquit, *universa vasa bellica Holophernis qua dedit illi populus & conopæum, quod ipsa sustulerat, de cubili ipsius, obtulit in anathema obliuionis; scilicet in donarium, quod conspicuo aliquo loco suspenderetur, hoc enim est ἀνάστυξις.* quæ vox hic habetur non ad inducendam obliuionem, sed potius ut occurreretur obliuioni, semperque memoria eximii illius beneficij renouaretur, cum superbi Ducis spolia spectantibus in oculos incurrerent. Nec militum pietas silenda, qui sub Mose meruerant; nam victoriam adepti de Madianitis, dona dicuntur obtulisse Domino in Numerorum historia. Cumq; accessissent, inquit, *Principes exercitus ad Moysen, & tribuni, centurionesq; dixerunt:* Num. 31. 48.

Nos serui tui recensuimus numerum pugnantium, quos habuimus sub manu nostra. & ne unus quidem defuit. Ob hanc causam offerimus in donarijs Domino; singuli quod in prada auri potuimus inuenire, periscelides & armillas, annulos, & dextralia, ac murenulas, ut deprecis pro nobis Dominum. Susceperuntq; Moyses & Eleazar sacerdos omne aurum in diuersis speciebus, pondus, sedecim millia, septingentos quinquaginta siclos à tribunis & centurionibus. Vnusquisque enim quod in prada rapuerat suum erat, & susceptum intulerunt in tabernaculum testimonij, in monumentum filiorum Israël coram Domino. Et hæc quidem tribuni centurionesque sponte obtulerunt, reliquam enim prædam iusserat Dominus Moysen & Eleazarum sacerdotem, vulgique Principes inter milites

Ibid. n. 16. partiri. Ita enim legimus eodem capite. *Tollite summam eorum, quæ capta sunt ab homine usque ad pecus. Tu & Eleazar sacerdos & Principes vulgi, diuidesq; ex æquo prædam inter eos qui pugnauerunt, egres-
sig; sunt ad bellum, & inter omnem reliquam multitu-
dinem, & separabis partem Domino, ab his qui pu-
gnauerunt, & fuerunt in bello, vnâ animam de quin-
gentis, tam ex hominibus, quàm ex bobus, & asinis, &
ouibus, & dabis eam Eleazaro sacerdoti, quia primitiæ
Domini sunt. Ex media quoque parte filiorum Israël
accipies quinquagesimum caput hominum, & bouum, &
asinorum, & ouium, cunctorum animantium, & dabis
ea Leuitis, qui excubant in custodijs tabernaculi Domi-
ni. Feceruntq; Moyses & Eleazar sicut præceperat Do-
minus. Quæ verba vt meliùs intelligantur: no-
tandum est, non ita iussisse Dominum ex æquo
partiri prædam, vt quantum in singula militum
capita tribuebatur, tantum etiam eis qui non mi-
litauerant tribueretur. Hoc enim iuxta distribu-
tiuæ iustitiæ præscriptum non fuisset, sed tan-
tum prædæ accepit reliqua multitudo, quæ ad
bellandum profecta non est, quantum exercitus
acceperat. Porro cum exercitus duodecim mil-
lium numerum non superasset, vt ex eodem sacro
contextu habetur, reliqui verò in castris hæren-
tes quasi sexcenta millia capitum essent, satis ap-
pareret quàm melior bellatorum, quàm aliorum
conditio fuerit, cum vnus dumtaxat ex his tan-
tùm auferret è præda, quantum ex cæteris qua-
draginta, vel etiam quinquaginta. Quod si dicat
aliquis prædam diuidendam æqualitèr fuisse in-
ter procedentes ad bellum, & remanentes in ca-
stris, iuxta eam legem quam David sanxisse le-
gimus cum pronuntiauit. *Æqua pars erit descen-*
*dentis**

dentis in praelium, & remanentis ad sarcinas, & similiter dividunt. Occurrendum est, legem hanc multò post à Dauide latam esse, nec satis hic conuenire; nam qui ad sarcinas remanent, militant, participesque sunt periculorum, & laborum, non secus atque alij qui prodeunt ad certamen; at verò sexcenta illa hominum millia, quamuis essent in castris, non tamen tunc aduersus hostes Israëliti nominis, arma susceperant, sed in suis tentoriis citra periculum, longè à bellico tumultu conlederant: Quare æquum non erat, vt qui laborem non susceperant, nec discrimen adierant, in fructus aliorum sudore & sanguine partos inuolarent. Quòd si aliqua prædæ portiuncula Diuino iussu aspersi sunt, id factum videtur ad comprimendam inuidiam, pacemque inter eiusdem populi ciues fouendam, aut etiam quia ita animi præparatione dispositi erant, vt si opus esset in expeditionem ire non recusarent. Illud etiam aduertendum est, diuisionem hanc prædæ modo explicato institutam non repugnare iis quæ attulimus, cum tribunorum ac centurionum oblationem commemoraremus, de quo sacer contextus ita loquitur, *Vnusquisque enim quod in præda* Num. 31. *rapuerat, suum erat*: hoc enim de auro tantum intelligendum est, quod in communem partitionem conferendum non erat; sed quisque quod nancisci potuisset, aut prædari sibi reseruabat. Quoniam verò alacrius milites belli discrimina subeunt, si spes aliqua lucri, aut prædæ affulserit, lege Deuteronomij cautum erat, vt cum populo victoria contigisset, præda milites potirentur. *Omnem prædam, inquit, exercitui diuides, & comedes* Deut. 10. *de spolijs hostium tuorum, quæ Dominus Deus tuus* 14.

dederit tibi. Cui præcepto ad vnguem obtemperauit Iosue, capta Hai, vt dicitur in Iosue historia.

Ios. 8. 27. *Iumenta autem & prædam ciuitatis diuiserunt filij Israël sicut præceperat Dominus Iosue.*

*De præmijs
tribuendis
qui victo-
ria fuerint
auctores.*

4 Sed præter prædam hostibus ereptam, contineuerunt etiam munifici Imperatores peculiari-
bus aliquibus præmiis ac donariis, armis, v.g. au-
ro atque præclaro opere decoris, coronis, armil-
lis, redditibus annuis, ac præsertim honoribus
decernendis eorum munerari virtutem, qui egre-
giam nauauerint in bello operam, quique eximio
aliquo facinore reliquos antecelluerint. Com-
munis hic erat Israëlitarum sensus, qui cum in
valle Terebinthi contra Philistæos tenderent,
Goliásque agminum Saulis terror prodiret in
campum, nec ullus cum illo congredi auderet,
ita loquebantur. *Qui percusserit virum, dabit eum
Rex diuitijs magnis, & filiam suam dabit ei, & domum
Patris eius faciet absque tributo in Israël.* Et Saul iam
Dauidi infensus, cum ab inimico suo fautores, &
amicos niteretur abstrahere, eo nititur argumen-
to persuadere, quod habebat in animo, quod sci-
licet Dauid, quippe pauper & priuata fortunæ
homo præmia illis dare non posset, aut mercedem
eorum obsequiorum & studiorum, quibus
illum prosequiebantur. *Audite nunc, inquit, filij Ie-
mini; nunquid omnibus vobis dabit filius Isai agros, &
vineas, & vniuersos vos faciet tribunos, & centuriones?
quoniam conitastis omnes aduersum me.* Idemque
Dauid in eadem Regum historia dicitur præ-
mium esse pollicitus ei, qui percussisset Iebu-
sæum, & tetigisset domatum fistulas; qui locus
cum ad rem nostram faciat, sitque difficilis, &
cognitionem habeat cum iucunditate coniun-

ctam

Etiam, hic nobis explicandus est. His ergo verbis, ut tota res gesta est, describitur in lib. 2. Regum. 1. Reg. 5.
Et abiit Rex, & omnes viri qui erant cum eo in Ierusalem ad Iebusaum habitatorem terra, dictumq³ est David 6.
ab eis: Non ingredieris huc nisi abstuleris cecos, & claudos dicentes, Non ingreditur David huc. Cepit autem David arcem Sion, hac est ciuitas David. Proposuerat enim David in die illa premium, qui percussisset Iebusaum, & tetigisset domatum fistulas, & abstulisset cecos & claudos odientes animam David. Quod ut intelligatur, sciendum est Iebusæos arcis propugnatores loci opportunitate præfidentes cecos & claudos pro arcis pinnis collocasse, quasi defensoribus istis vim omnem Davidis & exercitus eius floccifacere possent, quod genus irrisuonis Davidis industriam exacuit, ad eas omnes artes excogitandas quibus edita illa munitione potiri posset: quare militibus qui eo niti auderent, & verò etiam aspirare possent vsque ad domatum, tectorum scilicet, fistulas, quibus quasi imbricibus ad colligendas aquas pluias utebantur, ac proinde in arcis fastigio, quò perueniendum erat, viscebantur, pollicitus est se præmium tanto ausu non indignum largiturum. Nec defuit militibus virtus & alacritas, qui pro præmij propositi honestamento consequendo, bene periculum tam grande adeundum esse putarent; itaque cum eò peruenissent, maniaque defensoribus nudassent, cæcis & claudis odientibus David, qui scilicet contra ipsum steterant, inuitis arce potitus est. Cæterum quoad virtutis præmia consequenda attinet, haud parum infelix esse solet aulicorum aulaeque conditio, in qua si quid peccatum ab aulicis fuerit, belli ducibus, aut Principis ad-

- Gen. 4.7. ministris , statim illis *In foribus adest peccatum* , rapiuntur in custodias , extremo etiam supplicio puniuntur : si verò aliquid pro Principe aut Republ. fortiter in bello gesserunt , si sapientis aliquius salutarisq; consilij auctores fuerunt in pace , rarò , aut serò , aut fortè nunquam benefacto merces rependitur. Eunuchi qui contra Assuerum coniurauerant , statim *appensi sunt in paubulo* ,
- Esther 2. 23. Mardocheus verò serò , & non nisi casu quodam insignis sui in Regem promeriti præmium tulit. Idem contigit Berzellai , qui non prius à Davide inuitatus est , vt in Regia ciuitate Ierusalem fructum caperet quietis , quàm annis grauis , & viribus adeò fractis esset , vt iam per ætatem aulæ honoribus , & voluptatibus parum esset idoneus , vt ipse sapienter excusans ætatem , Davidi respondit. Octogenarius , inquit , *sum hodie , nunquid vigent sensus mei ad discernendum suauem , aut amarum , aut delectare potest seruum tuum cibus , aut potus , vel audire possum ultra vocem cantorum , aut cantatricum ? quare seruus tuus sit oneri Domino meo Regi ?* Et sanè ita est ; plus multo interdum negotij est id quod meritis fueris obtinere à Principe , aut à ministris eblandiri , quàm rebus præclare gestis aut præmium aliquod mereri , aut honestamentum virtutis. Davidi propter vnum Goliath prostratum Michol in vxorem ex Regis promissione debebatur , sed tamen non nisi centum Philistæorum præputiis numeratis , quod meritis fuerat , potuit obtinere. Verùm non viuentibus tantùm ac superstitibus , sed extinctis etiam debentur præmia , quæ in ipsis locum habere possunt. Sic de Ioiada sacerdote optimè de Republ. meritò legimus. *Sepelieruntq; eum in ciuitate David cum Regibus* ,
1. Reg. 15. 35.
1. Reg. 17. 25.
1. Reg. 18. 27.
2. Par. 24. 16.

gibus, eò quòd fecisset bonum cum Israël, & cum domo eius. Ionathæ etiam sepulchrum, cuius multa extiterunt in gentem suam promerita, honestissimum fuit, vt describitur in Machabæorum historia. Et planxerunt eum, inquit, omnis Israël planctu magno, & luxerunt eum dies multos, & edificauit Simon super sepulchrum patris sui, & fratrum suorum adificium altum visu lapide polio, retro & ante. Et statuit septem pyramidas, unam contra unam patri & matri, & quatuor fratribus, & his circumposuit columnas magnas, & super columnas arma, ad memoriam æternam, & iuxta arma naues sculptas, qua viderentur ab omnibus nauigantibus mare, hoc est sepulchrum quod fecit in Modin, vsque in hunc diem.

1. Mach.
13 26.

§ Sed fauendum etiam est liberis eorum, qui de Republ. rebus præclare gestis bene meriti sunt; quod enim filiis tribuitur, videtur rependi parentibus, qui etiam propterea sibi minus parcent, liberaliùsq; & studiosiùs in Principis obsequium se impendent, susceptis laboribus aditisque periculis, si cognouerint Principum liberalitatis, & beneficentiæ filios, quos ipsi post se reliquerint superstitēs, fore participes. Præstitit hoc Dauid, qui olim à Ionatha Saulis Regis violentiæ subductus, aliisque ornatus beneficiis, charissimi ac fidelissimi amici memoriam, interpositi temporis diuturnitate sibi eripi non est passus, atque ideo Miphibosesther Ionathæ filium, pedibus captum, suæ mensæ perpetuò iussit assidere. Ne timeas, inquit, quia faciens faciam in te misericordiam propter Ionatham patrem tuum, & restituiam tibi omnes agros Saul patris tui, & tu comedes panem in mensa mea semper. Illud tamen cauendum est, ne dum studemus bonorum parentum filiis, aut in eos

Nobilium
parentum,
& bene de
Rep. meri-
torū liberis
fauendum.

2. Reg. 9.
7.

beneficia conferimus, continuò etiam putemus eos semper ad ea mûnera idoneos esse, quibus parentes eorum cum laude præfuerunt. Nam à magnorum parentum indole, ac sapientia, filij nonnunquam degenerant, vt Roboamus, qui

- Ecclef. 47. Salomonis filius, eius nimirum qui *Impletus est,*
 16. *quasi flumen, sapientia,* vt loquitur Ecclesiasticus,
 Ibid. n. 27. ab eodem vocatur *gentis stulticia, & imminutus à*
 Genes. 25. *prudencia.* Quemadmodum etiam Isaac, & Sa-
 27. muel viri sanctitate & prudentia maximè con-
 1. Reg. 8. 3. spicui, filios mirum quantum paternis moribus
 absimiles susceperunt, vt ex sacris litteris ha-
 bebimus.

*De trium-
 phis, & tro-
 phæis.*

- 6 Sequitur, vt aliquid etiam de triumphis, eo-
 rumque pompa & trophæis dicamus: quorum
 vestigium aliquod apparet in sacris litteris. Nam
 1. Reg. 15. Saul post deuictos Amalecitas dicitur *Erexisse si-*
 12. *bi fornecem triumphalem,* arcum D. Hieronymus in-
 terpretatur in traditionibus Hebraicis. *Quando*
uictoria potiebantur, inquit, *faciebant arcum de myr-*
retis & palmis, & oliuis, ob signum uictoria. Hebræi
 pro fornice aut arcu habent *ἡ μάχη*. Septua-
 ginta *χρῆμα*, siue quod trophæis manum impo-
 nerent, ad significandum hostes valida manu de-
 uictos: siue quod trophæa omnia manus appel-
 larentur, ab iis manibus translato vocabulo,
 quæ in biuiis aut triuiis statui solent ad dirigen-
 dos peregrinos, ne aberrantes à via, aliò fortè de-
 flectant, quò iter non intenderant. Quo sensu ac-
 Ezech. 21. cipiendum est illud Ezech. *Et manu capiet coniectu-*
 19. *ram,* eius scilicet manus, quæ est in biuiis, indi-
 cium sequetur. Quia verò cippus suppositus, sti-
 pes erectus, & manus imposita non dissimilem
 à trophæis speciem exhibet, factum putarim, vt
 idem

idem vocabulum , ad vtrumque significandum à sacris Scriptoribus adhiberetur. David etiam cum deiecto , capiteque truncato Philisthæo, reuerteretur , solemnî pompa videtur in ciuitatem inuectus , mulieribus cantatricibus victorem carmine prosequentibus , & cum Saule redeunti obuiam effusis. Porro , inquit Regum historia , cum 1. Reg. 18.
reuerteretur percusso Philistæo David , egressæ sunt mu- 6.
lieres de vniuersis urbibus Israël , cantantes chorosq; du-
centes in occursum Saul Regis in tympanis latitia , &
in sistris , & præcinebant mulieres ludentes atque di-
centes. Percussit Saul mille , & David decem millia.
 Sûntque qui putent etiam David , quemadmo-
 dum Saul sibi aliquando triumphalem arcum ex-
 citasse ; de arcu enim interpretantur, quod 2. Re-
 gum legimus. *Fecit quoque sibi David nomen , cum* 2. Reg. 8.
reuerteretur capta Syria in valle Salinarum. Porro in 13.
 pompa solemnî, triumphorum victores Duces,
 aut curru sublimes vehebantur , aut equo : quem
 morem respexisse videtur David cum canit in
 Psalmo. *Prosperè procede, & regna;* pro quo in He- Psalm. 44.
 bræo est. *Veherè , inequità , inside ;* eodem sensu ; 5.
 qui enim vehuntur curru , aut equo , prosperè
 procedunt , secundo etiam fauore , & aura cir-
 cunfusorum populorum ; regnant autem, aut in-
 sident , cum Regni habenas tractant, & pro arbi-
 trio vt victores consueuerant , moderantur. Tan-
 dem arma victis detracta tholo templorum fixa
 ab antiquis reperio , vt Sauli extincti in templo 1. Reg 31.
 Astharoth à Philisthæis , aut etiam domi habita, 10.
 conspicuo tamen aliquo loco , vt ab omnibus
 cerni possent , vt arma Goliz in tabernaculo Da-
 uid , de quibus dicitur : *Arma verò eius in taberna-* 1. Reg. 13.
culo suo , vel vt interpretantur aliqui , in domo sua 54.

956 *Institutio politica ex sacris Scripturis.*

Beethlemitica. Instituitur autem triumphorū pompa, aut trophæorum, ut virtus illustri loco posita ab omnibus hominum gradibus eum consequatur plausum, quem merita est; ex quo etiam reliqui ciues, qui spectatores triumphis interfuerunt, cum se dederit occasio ita se gerere satagant, ut & ipsi aliis iucundo illustrique spectaculo esse possint.

★ ★
★

L A V S D E O.

F I N I S.



INDEX



INDEX LOCORVM

S. SCRIPTVRÆ.

Hoc Indice continentur tantùm ea loca, quę aliqua ratione explicantur, aut illustrantur : ea enim omnia colligere quę citantur, nimium sanè fuisset, cum totum opus ex sacrarum litterarum testimoniis contextum sit. Prior numerus significat librum, secundus caput, tertius paragraphum, siue numerum margini adscriptum.

Genesis.

- Cap. 2. n. 19. **A**d duxit ea ad Adam, ut videret
quid vocaret ea. l. 3. c. 3. n. 6
3. 16. Sub viri potestate eris & ipse dominabitur tui.
l. 1. c. 5. n. 1
3. 9. Adam ubi es? l. 2. c. 7. 2. n. 3
4. 2. Fuit Abel pastor ouium, & Cain agricola. l. 2.
c. 17. n. 3
4. 4. Abel quoque obtulit de primogenitis gregis sui.
l. 1. c. 7. n. 3
4. 11. Vagus, & profugus eris super terram. l. 3. c. 4. n. 4
4. 20. Tubal pater canentium cithara, & organo. l. 1.
c. 8. n. 3
6. 2. Videntes filij Dei filias hominum, quod essent pul-
chra. l. 2. c. 25. n. 3
6. 3. Non

INDEX LOCORVM

- 6.3. *Non permanebit spiritus meus in homine, quia caro est.* l.2.c.13.n.1
- 9.4. *Carnem cum sanguine non comedetis.* l.2.c.26.n.2
- 11.4. *Celebremus nomen nostrum antequam diuidamur.* l.3.c.5.n.1
- 11.5. *Descendit Dominus ut videret ciuitatem, & turrim.* l.3.c.3.n.14
- 12.11. *Dixit Sarai uxori sua, noui quod pulchra sis, &c. nonnulla ex hoc capite explicantur.* l.2.c.27.n.1
- 14.10. *Vallis autem syluestris habebat puteos multos bituminis.* l.1.c.8.n.2
- 14.20. *Et dedit eis decimas ex omnibus.* l.3.c.16.n.3
- 15.15. *Ibis ad patres tuos in pace, sepultus in senectute bona.* l.2.c.8.n.3
- 18.19. *Vi faciant iudicium, & iustitiam.* l.2.c.15.n.8
- 18.21. *Descendam, & videbo.* l.3.c.3.n.14
- 19.9. *Ingressus es ut aduena, nunquid ut indices?* l.3.c.6.n.1
- 21.9. *Cum vidisset filium Agar Egyptie ludentem cum Isaac filio suo.* l.2.c.3.n.2
- 21.14. *Mane autem surgens Abraham.* l.2.c.24.n.7
- 23.16. *Quadringentos siclos argenti probata moneta.* l.2.c.9.n.1
- 24.49. *Si facitis misericordiam, & veritatem cum domino meo, indicate mihi.* l.3.c.7.n.1
- 25.20. *Nomen putei vocauit calumniam.* l.3.c.9.n.3
- 25.21. *Appellauit eum inimicitias.* l.3.c.9.n.3
- 27.15. *Vestibus Esau valde bonis, quas apud se habebat domi, induit eum.* l.2.c.23.n.1
- 27.27. *Ecce odor filij mei sicut odor agri pleni, &c.* l.2.c.23.n.2
- 29.26. *Non est in loco nostro consuetudinis ut minores ante tradantur ad nuptias.* l.3.c.4.n.8
- 30.37. *Tulis*

S. SCRIPTVRÆ.

- 30.37. Tulit Iacob virgas populeas, &c. l.1.c.10.n.1
 34.25. In consilium eorum non veniat anima mea.
 l.3.c.2.n.5
 36.33. Mortuus est autem Bela, & regnavit pro eo Io-
 bab filius Zare de Bosra. l.1.c.6.n.2
 39.9. Quomodo possum hoc malum facere, & peccare
 in Dominum meum? l.2.c.16.n.2
 41.43. Præco clamabat ut omnes coram eo genua flecte-
 rent. l.1.c.8.n.13
 41.45. Vertitq; nomen eius, & vocavit illum lingua
 Egyptiaca Salvatorem mundi. l.2.c.23.n.8
 43.35. Audierant enim quod ibi comesturi essent pa-
 nem. l.2.c.24.n.1
 44.5. Scyphus quem furati estis, ipse est in quo bibit Do-
 minus meus, & in quo augurari solet. l.2.
 c.32.n.6
 44.15. An ignoratis quod non sit similis mei in augu-
 randi scientia. l.2.c.32.n.6
 48.18. Non ita convenit pater, quia hic est primogeni-
 tus, pone dexteram tuam super caput eius. l.1.
 c.7.n.1
 49.3. Ruben primogenitus meus, tu fortitudo mea, &
 principium doloris mei. l.1.c.7.n.2
 49.5. Simeon, & Levi fratres vasa iniquitatis bellantia.
 l.2.c.27.n.2

Exodus.

- Cap.1.10. Venite sapienter opprimamus eum ne fortè
 multiplicetur, & si ingruerit, cōtra nos bellū,
 addatur inimicis nostris, &c. l.3.c.6.n.1
 1.11. Edificaveruntq; urbes tabernaculorum Pha-
 raoni Phithom, & Ramesse. l.2.c.22.n.2
 4.24. Cum esset in itinere in diversorio occurrit ei Do-
 minus, & volebat occidere eum. l.3.c.3.n.10
 7.11. Voca

INDEX LOCORVM

- 7.11. *Vocauit Pharaos sapientes, & maleficos, &c.* l.2.
c.32.n.1
- 8.20. *Consurge diluculo, & sta coram Pharaone.* l.2.
c.24.n.7
- 11.4. *Morietur omne primogenitum in terra Aegyptiorum, à primogenito Pharaonis, &c.* l.1.
c.6.n.2. & c.7.n.2
- 21.14. *Si quis per industriam occiderit proximum suum, & per insidias, ab altari meo euellatur.* l.2.c.5.n.5.
- 22.28. *Dys non detrahes, & Principi populi tui non maledices.* l.1.c.3.n.2
- 28.30. *Pones in rationali iudicij doctrinam. & veritatem.* l.1.c.8.n.1
- 32.6. *Sedit populus manducare, & bibere, & surrexerunt ludere.* l.2.c.25.n.4. & l.3.c.7.n.3
- 32.29. *Consecrastis manus vestras hodie Domino, unusquisque in filio, & fratre suo ut detur vobis benedictio.* l.2.c.3.n.1
- 34.6. *Deus patiens, & multa miserationis.* l.2.c.13.n.1
- 39.43. *Moses vidit cuncta completa, & benedixit eis.* l.2.c.3.n.5

Leuiticus.

- Cap.2.13. *In omni oblatione tua offeres sal.* l.2.c.16.n.7
- 3.17. *Nec sanguinem, nec adipem comedetis.* l.2.c.15.n.8
- 8.30. *Assumens unguentum quod erat in altari, aspersit super Aaron.* l.2.c.12.n.7.
- 10.9. *Vinum, & omne quod inebriare potest, non bibetis tu, & filij tui.* l.2.c.24.n.5
- 18.4. *Facitis iudicia mea.* l.2.c.15.n.8
- 25.23. *Terra non vendetur in perpetuum, quia mea est, & vos advena, & coloni mei estis, &c.* l.2.c.4.n.4
- Numeri.

S. SCRIPTVRÆ.

Numeri.

- 11.4. *Vulgus promissuum, quod ascenderat cum eis
flagrauit desiderio, &c.* l.3.c.12.n.5
- 11.11. *Numquid ego concepi vniuersam multitudinem
hanc.* l.2.c.13.n.2. & l.1.c.9.n.3
- 11.16. *Congrega mihi seniuaginta viros de senibus Is-
raël, quos tu nosti quod senes sint.* l.3.c.2.n.2
- 11.28. *Domine mi Moyses prohibe eos.* l.2.c.11.n.1
- 15.35. *Morte moriatur homo iste.* l.3.c.4.n.4
- 15.37. *Faciant sibi simbrias per angulos palliorum.* l.2.
c.25.n.3
- 18.19. *Pactum salis.* l.3.c.10.n.5
- 20.17. *Non ibimus per agros neque per vineas, non bi-
bemus aquas de puteis, &c.* l.3.c.12.n.5
- 22.34. *Domine peccaui nesciens quod tu stares contra
me, & nunc si displicet tibi ut vadam, reuer-
tar.* l.1.c.3.n.6
- 23.19. *Non est Deus quasi homo ut mentiarur, nec ut
filius hominis ut muretur.* l.2.c.20.n.2
- 27.1. *Accesserunt filie Salphaad, &c. atque dixerunt,
Date nobis possessionem inter cognatos patris
nostri.* l.1.c.7.n.5
- 27.21. *Ad illius verbum egredietur ipse, & ingredie-
tur.* l.3.c.4.n.3
- 31.27. *Diuides ex aquo pradam inter eos qui pugnaue-
runt.* l.3.c.16.n.3
- 31.53. *Unusquisque quod in prada rapuerat, suum
erat.* l.3.c.16.n.3

Deuteronomium.

Cap.8.9. *Cuius lapides ferrum sunt, & de mō'ibus eius
aris metalla fodiuntur.* l.2.c.17.n.4

INDEX LOCORVM

- 12.8. Non facietis quæ nos hic facimus hodie, singuli
quod sibi rectum videtur. l.1.c.2.n.7
- 17.15. Non poteris alterius gentis hominem Regem
facere, qui non sit frater tuus. l.1.c.6.n.5
- 17.16. Cumq³ fuerit Rex constitutus, non multiplicabis
sibi equos. l.3.c.13.n.1
- 17.17. Non habebit argenti & auri immensa pondera.
l.2.c.17.n.1
- 17.18. Describet sibi Deuteronomium legis huius, &c.
l.3.c.4.n.3
- 19.3. In tres aqualiter partes totam terra tua provin-
ciam diuides, ut habeat è vicino, qui propter
homicidium profugus est quo possit euadere.
l.2.c.5.n.5
- 20.8. Quis est homo formidolosus, & corde pauido? va-
dat & reuertatur in domum suam. l.3.c.12.n.3
- 20.10. Non arabis in boue simul & asino. l.2.c.18.n.9
- 23.2. Non ingrediatur mamzer in Ecclesiam Domini.
l.1.c.7.n.6
- 23.15. Non trades seruum domino suo, qui ad te confu-
gerit. l.3.c.6.n.2
- 24.16. Non occidentur patres pro filijs, nec filij pro pa-
tribus. l.2.c.12.n.3
- 25.4. Non ligabis os bouis terentis in area fruges tuas.
l.2.c.18.n.9
- 28.55. Plagas magnas & perseuerantes. l.2.c.15.n.3
- 32.4. Deus fidelis, & absq³ vllâ iniquitate. l.2.c.15.n.3
- 32.9. Iacob funiculus hereditatis eius. l.2.c.10.n.3
- 32.39. Ego occidam, & ego viuere faciam. l.2.c.13.n.1
- 32.42. Gladius meus deuorabit carnes. l.2.c.16.n.1
- 33.10. Ponent thymiana in furore tuo, & holocau-
stum super altare tuum. l.2.c.3.n.1
- 33.17. Quasi primogeniti Tauri pulchritudo eius. l.1.
c.7.n.3

S. SCRIPTVRÆ.

- 33.19. *Inundationem maris quasi lac sugent & the-
sauros absconditos arenarum. l.2.c.17.n.5*
- 33.25. *Sicut dies iuventutis tua, ita & senectus tua.
l.2.c.26.n.1*
- 33.29. *Negabunt te inimici tui, & tu eorum corda cal-
cabis. l.2.c.15.n.5*
- 34.7. *Moses centum & viginti annorum erat, quan-
do mortuus est, non caligavit oculus eius, nec
dentes eius moti sunt. l.2.c.8.n.2*

Iosue.

- Cap.6.n.26. *Maledictus vir coram Domino, qui su-
scitavit, & edificauerit ciuitatem Hie-
richo in primogenito suo fundamentum
eius iaciat, & in nouissimo liberorum
ponat portas eius. l.2.c.5.n.5*
- 7.19. *Fili mi da gloriam Domino Deo Israël, & confi-
tere, &c. l.2.c.12.n.3*
- 7.26. *Vocatumq; est nomen loci illius Vallis Achor.
l.3.c.4.n.4*
- 10.1. & 3. *Qua cum audisset Adonisedec Rex Hieru-
salem, misit ad Oham Regem Hebron, &c.
dicens ad me, abscondite, &c. l.1.c.6.n.2*

Iudicum.

- Cap.3.15. *Aod, qui utraque manu pro dextera ute-
batur. l.1.c.2.n.2*
- 7.7. *In trecentis viris, qui lambuerunt aquas liberabo
vos. l.3.c.12.n.2*
- 7.27. *Quod me facere videritis, hoc facite. l.3.c.11.n.5*
- 8.14. *Interrogauit nomina Principū, & seniorū Sochoth
& descripsit septuaginta viros. l.2.c.12.n.3*
- P p p 2
- 8.20. *Dixitq;*

INDEX LOCORVM

- 8.20. Dixit q³ Iether primogenito suo, surge, & interfice eos : qui non eduxit gladium, timebat enim, quia adhuc puer erat. l. 3. c. 12. n. 3
- 9.2. Quid vobis est melius ut dominantur vestri septuaginta viri, an ut domineatur unus. l. 1. c. 4. n. 7
- 9.2. Quid est vobis melius ut dominantur vestri septuaginta viri, omnes filij Hieroboam, an ut dominetur vir. l. 1. c. 6. n. 5
- 9.15. Egrediat^r ignis de rhamno, & deuoret cedros Libani. l. 2. c. 14. n. 2
- 9.36. Cum vidisset populum Saul, dixit ad Zebul: Ecce de montibus multitudo descendit. l. 3. c. 2. n. 8
- 9.45. Ita ut Sal in ea dispergeret. l. 3. c. 16. n. 2
- 10.4. Habens triginta filios sedentes super triginta filios asinarum. l. 2. c. 17. n. 3
- 11.1. Iephie Galaadites filius mulieris meretricis. l. 1. c. 7. n. 6
- 17.6. In diebus illis non erat Rex in Israë^l, sed unusquisque quod sibi rectum videbatur, hoc faciebat. l. 1. c. 2. n. 7
- 20.2. Omnes anguli populorum. l. 1. c. 9. n. 2
- 21.24. In diebus illis non erat Rex in Israë^l, sed unusquisque quod rectum sibi videbatur, hoc faciebat. l. 3. c. 9. n. 2

Primus Regum.

- Cap. 1.16. Vnges eam ducem super populum meum Israë^l. l. 3. c. 11. n. 2
- 2.3. Deus scientiarum Dominus est, & ipsi preparantur cogitationes. l. 3. c. 2. n. 6
- 6.19. Percussit de populo septuaginta viros, & quinquaginta millia plebis. l. 1. c. 8. n. 4
- 8.5. Constitue nobis Regem, ut iudicet nos, sicut & vniuersa habent nationes. l. 1. c. 4. n. 5
- 8.7. Audi

S. SCRIPTURÆ.

- 8.7. *Audi vocem populi in omnibus qua loquuntur tibi, non enim te abiecerunt, sed me, ne regnem super eos.* l. 1. c. 4. n. 5
- 8.20. *Rex noster egredietur ante nos, & pugnabit bella nostra pro nobis.* l. 3. c. 11. n. 2
- 10.22. *Ecce absconditus est domus.* l. 1. c. 11. n. 1
- 11.13. *Non occidetur quisquam in die hac, quia hodie fecit Dominus salutem in Israël.* l. 2. c. 13. n. 5
- 12.3. *Si de manu cuiusquam murus accepi.* l. 2. c. 12. n. 1
- 13.54. *Arma vero eius in tabernaculo suo.* l. 3. c. 16. n. 6
- 14.38. *Applicate huc uniuersos angulos populi.* l. 1. c. 9. n. 2
- 14.52. *Quemcumque viderat Saul virum fortem, & aptum ad praelium, sociabat sibi.* l. 3.
- 15.4. *Recensuit eos quasi agnos.* l. 3. c. 12. n. 8
- 15.12. *Erexit sibi fornicem triumphalem.* l. 3. c. 16. n. 6
- 17.20. *Et venit ad locum Magala.* l. 3. c. 5. n. 6. & c. 14. n. 1
- 19.23. *Ei abiit in Aiath in Ramatha.* l. 1. c. 8. n. 1
- 20.1. *Non faciet pater meus quicquam grande vel paruum, nisi prius indicauerit mihi.* l. 3. c. 2. n. 8
- 22.2. *Conuenerunt ad eum omnes qui erant in angustia constituti, & oppressi are alieno, & amaro animo, & factus est eorum princeps.* l. 1. c. 2. n. 4
- 23.9. *Applica Ephod.* l. 2. c. 6. n. 1
- 25.22. *Hac faciat Deus inimicis David, & hoc addat, &c.* l. 2. c. 15. n. 9
- 25.28. *Faciet tibi Dominus domum fidelē.* l. 2. c. 15. n. 3
- 28.6. *Et non respondit ei, neque per somnia, neque per sacerdotes, neque per prophetas.* l. 2. c. 6. n. 1
- 28.9. *Nosti quanta fecerit Saul, & quomodo eraserit Magos, & Hariosolos de terra.* l. 2. c. 32. n. 5
- 28.12. *Exclamaui voce magna, & dixit ad Saul; Quare imposuisti mihi, tu es enim Saul.* l. 3. c. 8. n. 7
- 28.15. *Quare*

INDEX LOCORVM

- 28.15. *Quare inquietasti me, ut suscitaver?* l.2.c.32.n.4
 30.24. *Aequa pars erit descendentis in praelium, & remanentis ad sarcinas.* l.3.c.16.n.3
 31.4. *Irruit etiam ipse super gladium suum, & mortuus est cum eo.* l.1.c.10.n.1

Secundus Regum.

- Cap.5.39. *Ego autem adhuc delicatus & unctus Rex, porro isti filij Samaria duri sunt mihi.* l.3.c.3.n.3
 5.8. *Proposuerat David in die illa primum ei qui percussisset Iebuseum, & tetigisset domatium fistulas, & abstulisset caecos & claudos odientes animam David.* l.3.c.16.n.4
 6.7. *Iratius est Dominus contra Ozam, percussit eum, &c.* l.3.c.3.n.5
 8.2. *Mensus est duos funiculos; unum ad occidendum, & unum ad viuificandum.* l.2.c.12.n.7
 8.13. *Fecit quoque sibi David nomen cum reuertetur capta Syria.* l.3.c.11.n.7. & c.16.n.6
 8.14. *Et posuit in Idumaea custodes statuq; praefidiu.* l.3.c.14.n.4
 9.7. *Faciam in te misericordiam propter Ionathan patrem tuum.* l.3.c.16.n.5
 10.21. *Ecce absconditus est domi.* l.2.c.19.n.1
 12.14. *Quoniam blasphemare fecisti inimicos Domini, propter verbum hoc filius, qui natus est tibi, morte morietur.* l.1.c.10.n.2
 12.28. *Ne cum a me vastata fuerit urbs nomini meo adscribatur victoria.* l.3.c.3.n.7
 12.31. *Populum quoque eius adducens serauit, & circummegit super eos ferrata carpenta, diuisitq; cultris, & iraduxit in typo laterum.* l.2.c.3.n.1
 14.1. *Sj*

S. SCRIPTURÆ.

- 14.1. Si mundi sunt pueri maximè à mulieribus. l.1.
c.8.n.4
- 15.6. Sollicitabat corda virorum Israël. l.1.c.16.n.2
- 15.34. Si veneris mecum,eris mihi oneri;si autem in ci-
uitatem reuerteris, &c. l.3.o.2.n.11
- 16.20. Ingredere ad concubinas patris tui, &c. l.2.
c.31.n.5
- 17.1. Eligam mihi duodecim millia virorum,&c.non-
nulla explicantur & illustrantur ex eo capite.
l.3.c.2.n.8
- 17.9. Cum ceciderit unus quilibet in principio, audiet
quicumque audierit, & dices, facta est plaga in
populo. l.3.c.11.n.7
- 19.35. Octogenarius sum hodie, nunquid vigent sen-
sus mei. l.3.c.16.n.4
- 20.18. Sermo dicebatur in veteri prouerbio, Qui inter-
rogat,interroget in Abela, & sic perficiebat.
l.3.c.8.n.6
- 21.17. Non egredieris nobiscum in bellum,ne extinguas
lucernam Israël. l.3.c.11.n.2
- 23.8. Ipse est quasi tenerrimus ligni vermiculus, qui
octingentos interfecit impetu vno.l.3.c.11.n.5
- 23.21. Ægyptium virum dignum spectaculo. l.3.
c.5.n.7

Tertius Regum.

- Cap.1.20. Verumtamen Domine mi Rex,in te oculi re-
spiciunt totius Israël,ut indices eis quis se-
dere debeat in solio tuo, Domine mi Rex,
post te. l.1.c.6.n.3
- 2.31. Amoue bis sanguinem innocentem, qui effusus est
à loab, à me & à domo patris mei. l.2.c.12.
n.2

INDEX LOCORVM

- 2.38. Bonus sermo ; Sicut locutus est Dominus meus
Rex, sic faciet seruus tuus. l.3.c.8.n.2
- 3.8. Seruus tuus in medio est populi. l.2.c.14.n.1
- 4.1. Et hi principes quos habebat, &c. recensentur &
explicantur nonnulla munera Aulicorum & ad-
ministrorum Salomonis. l.2.c.23.n.7
- 4.8. Azarias filius Nathan super eos qui assistebant
Regi. l.3.c.1.n.2
- 7.26. Duo millia batos capiebat. l.3.c.3.n.12
- 9.10. Postquam adificauerat Salomon duas domos, id
est domū Domini, & domū Regis. l.2.c.22.n.3
- 9.11. Dedit Salomon Hiram viginti oppida in terra
Galilae. l.2.c.16.n.5
- 9.13. Et appellauit eas terram Chabul. l.2.c.16.n.5
- 11.4. Cum Salomon esset senex, deprauatum est cor eius
per mulieres. l.2.c.26.n.1
- 11.5. Colebat Salomon Astarthen Deam Sidoniorum.
l.2.c.26.n.1
- 11.26. Cuius mater erat nomine Sarua, mulier vidua.
l.1.c.8.n.1
- 11.27. Et haec est causa rebellionis, quia Salomon adifi-
cauit Mello, & coaquauit voraginem ciuitatis
David patris sui. l.2.c.22.n.2
- 13.2. Altare, altare, haec dicit Dominus. l.2.c.7.n.3
- 13.18. Et ego Propheta sum similis tui, &c. fefellitq;
eum. l.2.c.7.n.3
- 14.13. Iste solus inferetur de Ieroboam in sepulchrum.
l.1.c.10.n.1
- 15.17. Et fixauit Rhama, ut non posset quispiam
egredi aut ingredi. l.3.c.14.n.2
- 15.26. Qui peccare fecit Israel. l.1.c.10.n.2
- 20.11. Ne gloriatur accinctus aquē ut discinctus. l.2.
c.29.n.4
- 22.19. Vidi Dominum sedentem super solium suum.
&

S. SCRIPTVRÆ.

Et omnem exercitum cali assistentem ei à dextris & à sinistris, &c. & bona pars illius capitis explicatur.

l. 3. c. 1. n. 2

22. 31. Non pugnabitis contra maiorem aut minorem quempiam, nisi contra Regem Israel solum.

l. 3. c. 11. n. 1

22. 31. Rex Israel mutauit habitum suum, & ingressus est bellum.

l. 3. c. 11. n. 1

22. 42. Quia dimisisti virum dignum morte de manu tua, erit anima tua pro anima illius. l. 2. c. 12. n. 1

Quartus Regum.

Cap. 3. 23. Pugnauerunt Reges contra se, & cæsi sunt mutuo, nunc surge ad prædā Moab. l. 3. c. 10. n. 2

3. 27. Accipiensq; filium suum primogenitum, qui regnaturus erat pro eo, obtulit holocaustum super murum.

l. 1. c. 7. n. 1

5. 13. Pater & si rem grandem dixisset tibi Propheta.

l. 2. c. 13 n. 2

5. 24. Cumq; venissent iam vesperi.

l. 3. c. 14. n. 3

6. 11. Coniurbatum est cor Regis Syria pro hac re, &c.

l. 3. c. 2. n. 11

6. 25. Facta est fames magna donec vendicaretur caput asini octoginta argenteis.

l. 3. c. 15. n. 8

16. 18. Musach quoque Sabbathi quod edificauerat in templo, & ingressum Regis exterius conuertit in templum Domini propter Regem Assyriorum.

l. 2. c. 2. n. 3

18. 26. Precamur, ut loquaris nobis seruis tuis Syriacæ.

l. 3. c. 3. n. 13

14. 17. Imposuirq; ei nomen Sedechiam.

l. 2. c. 15. n. 8

25. 6. Locutus est cum eo iudicium.

l. 2. c. 15. n. 8

25. 10. Princeps coquorum destruxit muros Hierusalem.

l. 2. c. 24. n. 6

INDEX LOCORVM

- 25.19. *Sopher Principem exercitus qui probabat tyrones de populo terre.* l.3.c.12.n.6

Paralipomenon primus.

- Cap.12.8. *Facies eorum quasi facies leonis.* l.2.c.30.
n.8

- 21.25. *Dedit Dauid pro loco fyclos iustissimi ponderis sexcentos.* l.2.c.9.n.1

Paralipomenon secundus.

- Cap.2.17. *Numerauit Salomon omnes viros profelytos, qui erant in terra Israël.* l.3.c.6.n.1

- 4.5. *Capiebant tria millia metretas.* l.3.c.3.n.12

- 11.22. *Constituuit in capite alium filium, Manca, ducem super omnes fratres suos, ipsum enim Regem facere cogitabat, quia sapientior fuit & potentior super omnes filios eius.* l.1.c.6.n.3

- 12.11. *Veniebant scutarij & tollebat eos, iterumq; referebat eos ad armamentarium suum.* l.3.c.12.n.7

- 13.7. *Roboam erat rudis, & corde pauido.* l.2.c.32.n.6

- 16.9. *Oculi Domini contemplantur uniuersam terram, & prabent fortitudinem his qui corde perfecto credunt in eum.* l.3.c.12.n.4

- 21.3. *Regnum autem tradidit Ioram, eo quod esset primogenitus.* l.1.c.7.n.1

- 29.35. *Et completus est cultus domus Domini.* l.1.c.10.n.1

Esdra primus.

- Cap.4.1. *Audierunt autem hostes Iuda & Benjamin, quia filij captiuitatis edificarunt templum Domino, &c.* l.2.c.2.n.2

Esdra

S. SCRIPTVRÆ.

Esdra secundus.

- Cap. 3. 26. *Nathinai habitabant in Ophel, usq; contra portam aquarū ad orientem, &c.* l. 3. c. 14. n. 3
3. 31. *Usque ad domum Nathinaorum, & scuta vendentium.* l. 2. c. 17. n. 5

Tobias.

- Nunquam cum ludentibus miscui me.* l. 2. c. 25. n. 4

Iudith.

- Cap. 1. 12. *Iuravit quod defenderet se de omnibus regionibus suis.* l. 2. c. 18. n. 10
1. 22. *Iuravit quod defenderet se de omnibus regionibus suis.* l. 3. c. 10. n. 3
2. 2. *Et habuit cum eis mysteriū consilij sui.* l. 3. c. 1. n. 11
16. 22. *Obtulerunt omnes holocausta, & vota, & repositiones.* l. 3. c. 16. n. 3
16. 23. *Obrulit in anathema obliuionis.* l. 3. c. 16. n. 3

Esther.

- Cap. 1. 10. *Cum Rex incaluisset mero, precepit ut introducerent Reginam Vasthi.* l. 2. c. 25. n. 5
4. 2. *Non enim erat licitum, indutum sacco aulam Regis intrare.* l. 2. c. 14. n. 3
6. 1. *Noctem illam Rex duxit insomnem.* l. 2. c. 29. n. 2
14. 16. *In diebus ostentationis meae.* l. 2. c. 23. n. 1
15. 14. *Deposuit vestimenta ornatus sui.* l. 2. c. 23. n. 1

Iob.

- Cap. 1. 1. *Vir simplex & rectus.* l. 2. c. 15. n. 1
1. 3. *Et*

INDEX LOCORVM

- 1.3. Et fuit possessio eius septem millia ouium, & tria
millia Camelorum. l.2.c.17.n.3
- 1.3. Bratq³, vir ille magnus inter omnes orientales. l.2.
c.23.n.8
- 1.5. Mitebatq³, ad eos, & sanctificabat illos, cōsurgensq³
diluculo offerebat holocaustū pro singulis. l.2.c.24.n.6
- 2.4. Pellem pro pelle, & cuncta qua habet homo, dabit
pro animā suā. l.2.c.24.n.3
- 3.14. Cura Regibus & consilibus terra, qui edificant
sibi solitudines. l.2.c.18.n.10
- 4.2. Conceptum sermonē tenere quis poterit? l.3.c.2.n.9
- 5.2. Parvulum occidit invidia. l.2.c.31.n.1
- 5.7. Homo nascitur ad laborem, & avis ad volatum.
l.2.c.29.n.3
- 5.12. Qui diligit cogitationes malignorū, ne possint im-
plere manus eorum quod coeperant. l.3.c.2.n.6
- 8.2. Spiritus multiplex sermonis oris tui. l.3.c.2.n.9
- 8.14. Sicut tela aranearum fiducia eius. l.2.c.18.n.5
- 10.17. Instauras testes tuos contra me. l.2.c.12.n.3
- 11.12. Vir vanus in superbiam erigitur, & tanquam
pullus onagri se liberū natum putat. l.3.c.8.n.5
- 12.6. Abundant tabernacula praeconum, & audacter
prouocant Deum, cum ipse dederit omnia in
manibus eorum. l.2.c.18.n.1
- 12.12. In antiquis est sapientia, & in multo tempore
prudencia. l.1.c.7.n.3
- 13.8. Nunquid faciem eius accipitis, & pro Deo iuda-
care nitimini. l.2.c.9.n.2
- 13.9. Aut placebit ei quem celare nihil potest, aut deci-
pietur ut homo vestris fraudulētijs? l.2.c.2.n.4
- 13.27. Posui tui in neruo pedem meum, scribis contra me
amaritudines. l.2.c.12.n.3
- 14.10. Homo cum mortuus fuerit, & nudatus atque
consumptus ubi quæso est? l.2.c.18.n.9
- 15.7. Nan

S. SCRIPTVRÆ.

- 15.7. Nunquid primus homo tu natus es? l.1.c.7.n.3
- 15.20. Cunctis diebus suis impius superbit. l.2.c.8.n.3
- 15.20. Numerus annorum incertus est tyrannidis eius.
l.3.c.8.n.1
- 15.28. Habitanit in ciuitatibus desolatis, & in domi-
bus desertis qua in tumulos sunt redacta. l.2.
c.18.n.10. & l.3.c.5.n.1
- 15.32. Antequam dies eius impleantur peribit, & ma-
nus eius arescent, laedetur quasi tineas in primo
flore borris eius, & quasi oliua proyiciens florem
suum. l.2.c.8.n.1
- 18.7. Consilium tuum precipitabit te. l.3.c.1.n.3
- 18.12. Attenuetur fame robur eius. l.2.c.18.n.6
- 18.13. Consumat brachia illius primogenita mors. l.1.
c.7.n.3
- 18.14. Auellatur de tabernaculo suo fiducia eius. l.2.
c.18.n.6
- 20.11. Ossa eius implebuntur vitijs adolescentia eius, &
cum eo in puluere dormient. l.1.c.8.n.1. & l.2.
c.26.n.1
- 21.11. Exultant lufibus, tenent tympanum & citha-
ram, &c. & in puncto ad inferna descendunt.
l.2.c.25.n.4
- 21.16. Verumtamen quia non sunt in manibus eorū bona,
consilium impiorū longè sit à me, quoties lucerna
impiorū extinguetur, & superueniet in eis inun-
datio, &c. quæ sequuntur, explicantur. l.2.c.8.n.1
- 21.22. Super illos stillabat eloquium meum. l.1.c.1.n....
- 22.6. Abstulisti pignus fratrum tuorum sine causa. l.3.
c.8.n.4
- 22.25. Erit omnipotens contra hostes tuos, & argentum
coaceruabitur tibi. l.2.c.18.n.4
- 24.22. Detraxit fortes in fortitudine sua. l.3.c.8.n.3
- 26.5. Gigantes gemunt sub aquis. l.1.c.8.n.1
- 27.16. Si

INDEX LOCORVM

- 27.16. Si comportauerit quasi terram argentum, &c.
iustus vestietur illis & argentum innocens
diuider. l.2.c.18.n.2
- 27.18. Aedificauit sicut tinea domum suam, & sicut
custos fecit umbraculum. l.2.c.18.n.5
- 28.16. Non conferetur tinctis Iudae coloribus. l.2.
c.23.n.1
- 29.16. Causam quam nesciebam diligentissimè inuesti-
gabam. l.2.c.12.n.3
- 29.16. Pater eram pauperum. l.2.c.12.n.2
- 29.25. Cum sederem quasi Rex circumstante exercitu,
eram tamen mœrentiū consolator. l.2.c.12.n.7
- 31.13. Si contempsi subire iudicium cum seruo meo &
ancilla mea cum disceptarent aduersus me.
l.2.c.9.n.2
- 31.24. Si putauī aurum robur meum, si obryso dixi, fi-
ducia mea. l.2.c.18.n.6
- 32.18. Plenus sum sermonibus, & coarctat me spiritus
uteri mei. l.3.c.2.n.9
- 34.19. Nec cognouit tyrannum cum disceptaret contra
pauperem. l.3.c.8.n.2
- 34.30. Qui regnare facit hominem hypocritam propter
peccata populi. l.3.c.8.n.9
- 36.23. Quis poterit scrutari vias eius? aut quis poterit
ei dicere, operatus es iniquitatem? l.3.c.3.n.14
- 37.7. Qui in manu hominum omnia signat, ut singuli
nouerint opera sua. l.2.c.32.n.6
- 38.37. Quis enarrabit cœlorum visionem? & concentum
cali dormire quis faciet? l.1.c.4.n.2
- 40.4. Esto gloriosus, & speciosis induere vestimentis.
l.2.c.23.n.1
- 40.14. Ipse est principium viarum Dei. l.1.c.4.n.3
- 42.15. Deditq; eis pater suus hereditatem inter fra-
tres eorum. l.1.c.7.n.5

S. SCRIPTVRÆ.

Psalterium.

- 1.1. *In cathedra pestilentia non sedit.* l.3.c.8.n.9
 2.1. *Quare fremuerunt gentes, & populi meditati sunt inania?* l.1.c.10.n.1
 2.9. *Et ipse reget eos in virga ferrea.* l.1.c.4.n.4
 2.9. *Tanquam vas figuli confringes eos.* l.2.c.6.n.2
 2.9. *Reges eos in virga ferrea.* l.1.c.9.n.3
 2.10. *Et nunc Reges intelligite, &c.* l.1.c.10.n.1
 5.5. *Manè aſtabo tibi.* l.1.c.8.n.2
 7.1. *Domine Deus meus in te ſperaui, ſaluum me fac ex omnibus perſequentibus me, & libera me, ne quando rapiat ut leo animam meam.* l.1.c.4.n.3
 7.13. *Niſi conuerſi fueritis gladium ſuum vibrabis.* l.2.c.13.n.1
 7.13. *Gladium ſuum vibrabit.* l.3.c.12.n.7
 11.3. *In corde & corde loquuti ſunt.* l.2.c.15.n.1
 11.9. *In circuitu impij ambulant, ſecundum altitudinem tuam multiplicasti filios hominū.* l.1.c.6.n.3
 13.6. *Conſilium inopis confudiſtis.* l.1.c.1.n.6
 14.3. *Qui loquitur veritatem in corde ſuo, qui non egit dolum in lingua ſua.* l.2.c.15.n.1
 15.16. *Funes ceciderunt mihi in præclaris.* l.2.c.10.n.2
 17.26. *Cum ſancto ſanctus eris.* l.2.c.12.n.1
 17.45. *Populus quē nō cognoui ſervivit mihi.* l.2.c.23.n.4
 18.6. *Tanquam ſponſus procedens de thalamo ſuo, exultavit ut gigas ad currendam viam, à ſummo calo egreſſio eius, & occuſus eius uſq; ad ſummum eius, nec eſt qui ſe abſcondat à calore eius.* l.1.c.4.n.2
 22.1. *Dominus regit me.* l.1.c.4.n.4
 24.8. *Dulcis & rectus Dominus.* l.2.c.12.n.7
 24.14. *Firmamentum eſt Dominus timentibus eum.* l.1.c.8.n.2

27.7. *Adiu*

INDEX LOCORVM

- 27.7. *Altius sum & re floruit caro mea.* l.2.c.8.n.3
- 29.12. *Conuertisti plañctum meum in gaudium, &c.*
l.2.c.25.n.4
- 30.20. *Quam magna multitudo dulcedinis tua quam
abscondisti timentibus te.* l.1.c.8.n.2
- 32.16. *Non saluabitur gigas in multitudine virtutis
sua.* l.3.c.8.n.8.
- 33.11. *Diuites eguerunt & esurierunt.* l.2.c.18.n.1
- 35.12. *Non veniat mihi pes superbia.* l.3.c.1.n.3
- 36.34. *Vi hereditate capias terram, cum perierint pec-
catores videbis.* l.2.c.18.n.2
- 37.11. *Cor meum conturbatum est.* l.1.c.11.n.3
- 40.5. *Inimici mei dixerunt mala mihi, Quomodo mo-
rietur, & peribit nomen eius, &c. & qua se-
quuntur, explicantur.* l.2.c.30.n.2
- 44.3. *Speciosis forma præ filiis hominum.* l.2.c.3.n.8
- 44.4. *Accingere gladio tuo super femur tuum potentiissi-
mè. Specie tua & pulchritudine tua.* l.3.c.12.n.7
- 44.5. *Prosperè procede & regna.* l.3.c.16.n.6
- 44.6. *Intède prosperè procede & regna.* l.2.c.15. initio.
- 44.10. *In vestitu deaurato.* l.2.c.23.n.1
- 45.5. *Fluminis impetus latificat ciuitatem Dei.* l.2.
c.2.n.4
- 47.3. *Fundatur exultatione vniuersa terra mons Sion.*
l.3.c.5.n.2
- 47.13. *Circumdæ Sion, & complectimini eam, narrate
in turribus eius.* l.3.c.14.n.1
- 48.1. *Quiq; terrigena & filij hominum.* l.2.c.29.n.3
- 48.12. *Vocauerunt nomina sua in terris suis.* l.3.c.5.n.7
- 49.19. *Os tuum abundauit malitia, & lingua tua con-
cinnabat dolos.* l.2.c.15.n.1
- 49.19. *Constituatur tibi cum benefeceris ei.* l.1.c.1.n.4
- 50.6. *Tibi soli peccavi.* l.3.c.4.n.3
- 50.14. *Spiritu principali confirma me.* l.2.c.16.n.4
- 51.5. *Dile*

S. SCRIPTURÆ.

- 51.5. *Diligentes malitiam super benignitatem, omnia
verba precipitationis.* l.2.c.5.n.5
 51.6. *Dilexisti omnia verba precipitationis.* l.2.c.18.
n.1
 51.9. *Et preualuit in vanitate suâ.* l.2.c.18.n.11
 54.16. *Nequitia in habitaculis eorum in medio eorum.*
l.1.c.11.n.5
 55.6. *Tota die verba execrabantur, aduersum me omnes
cogitationes eorum in malum, inhabitabunt &
abscondent.* l.2.c.30.n.2
 57.5. *Furor illis secundum similitudinem serpentis, sicut
aspidis surda, & obturant aures suas, quæ
non exaudit vocem incantantium, & venefici
incantantis sapienter.* l.2.c.10.n.7
 61.9. *Verumtamen vani filij hominum; mendaces filij
hominum in stateris, ut decipiant ipsi de vani-
tate in idipsum.* l.2.c.29.n.3
 63.2. *Exaudi Deus orationē meā cum deprecor. Maior
pars Psalmi, Confitemini, explicatur.* l.3.c.2.n.5
 65.3. *In multitudine virtutis tuæ mentientur tibi ini-
mici tui.* l.2.c.15.n.5
 71.11. *Adorabunt eum omnes Reges terra, omnes gentes
seruiant ei.* l.1.c.10.n.1
 72.3. *Zelauit super iniquos pacem peccatorum videns,
quia non est respectus morti eorum, & firma-
mentum in plaga eorum, &c. bona pars huius
Psalmi explicatur.* l.2.c.8.n.1
 72.8. *Transferunt in affectum cordis.* l.2.c.29.n.3
 73.12. *Operatus est salutem in medio terre.* l.3.c.5.n.2
 77.9. *Filij Ephren mittentes & intendentes arcum con-
uersi sunt in die belli.* l.3.c.12.n.4
 77.11. *Diuites eguerunt & esurierunt.* l.3.c.8.n.2
 77.54. *Sorte diuisit eis terram in funiculo distributio-
nis.* l.2.c.10.n.2

INDEX LOCORVM

- 77.56. Et percussit omne primogenitum in terra Ægypti, primitias omnis laboris eorum. l.1.c.7.n.2
- 79.1. Dominus regit me, nihil mihi deerit. l.1.c.9.n.3
- 80.16. Inimici Domini mentiti sunt ei. l.2.c.15.n.5
- 80.17. De petra melle saturauit eos. l.2.c.24.n.4
- 81.1. Deus stetit in Synagogâ Deorum. l.1.c.3.n.2
- 81.2. Usquequo iudicatis iniquitatem, & facies peccatorum sumitis? Eripite pauperem, & egenum de manu peccatoris liberate. l.2.c.18.n.3
- 81.5. Moueuntur omnia fundamēta terre. l.1.c.9.n.1
- 82.4. Super populum malignauerunt consilium. l.3.c.2.n.5
- 86.1. Fundamenta eius in montibus sanctis. l.3.c.5.n.2
- 87.11. Nunquid medici suscitabunt. l.2.c.13.n.2
- 89.29. Et testamentum meum fidele ipsi. l.2.c.15.n.3
- 96.3. Ignis ante ipsum precedet. l.2.c.23.n.7
- 100.3. Perambulabam in innocentia cordis mei, in medio domus mea. l.2.c.14.n.1
- 102.13. Quomodo miseretur pater filiorum, misericors est Dominus timentibus se. l.2.c.3.n.2
- 103.20. Herodij domus dux est eorum. l.1.c.9.n.4
- 103.24. Exhibet homo ad opus suum, & ad operationem suam usque ad vesperam. l.2.c.24.n.7
- 103.35. Deficient peccatores à terrâ, ita ut non sint. l.2.c.13.n.2
- 104.22. Ut erudiret Principes eius sicut semetipsum. l.1.c.8.n.4
- 104.23. Intonuit Israël in Ægyptum, & Iacob accola fuit in terra Cham, & auxit populum suum vehementer. l.3.c.6.n.3
- 104.37. Non erat in tribubus eorum infirmus. l.3.c.12.n.4
- 105.26. Et eleuauit manum suam super nos, &c. l.2.c.13.n.1

S. SCRIPTVRÆ.

- 109.1. *Tecum principium.* l.1.c.7.n.1
- 111.9. *Dispersu dedit pauperibus, iustitia eius manet in
faculum faculi.* l.2.c.16.n.1
- 118.37. *Auerte oculos meos ne videant vanitatem.* l.2.
c.25.n.3
- 118.127. *Dilexi mandata tua super aurum & sapa-
zion, propterea ad omnia mandata tua diri-
gebar.* l.3.c.4.n.6
- 121.4. *Illuc ascenderunt tribus tribus.* l.1.c.8.n.2
- 122.2. *Oculi seruorum in manibus dominorum suorum.*
l.2.c.15.n.6
- 124.3. *Non relinquet Dominus virgam peccatorum
super sortem iustorum, vt non exiendant iusti
ad iniquitatem manus suas.* l.2.c.8.n.1
- 126.2. *Vanum est vobis ante lucē surgere.* l.2.c.24.n.7
- 128.6. *Sicut fœnum rectorum, quod priusquam euellatur
exaruit.* l.2.c.8.n.5
- 131.1. *Memento Domine Dauid, & omnis mansuetu-
dinis eius.* l.2.c.1.n.2
- 131.18. *Inimicos eius induam confusione, super ipsum
autem efflorescit sanctificatio mea.* l.2.c.23.n.3
- 135.7. *Fecit luminaria magna, solem in potestatem diei,
lunam & stellas in potestatem noctis.* l.1.c.4.
n.2
- 136.1. *Super flumina Babylonis illic sedimus, &c.* l.2.
c.1.n.1
- 140.5. *Oleum autem peccatoris non impinguet caput
meum.* l.1.c.11.n.4
- 143.7. *Erue me de manu filiorum alienorū.* l.1.c.6.n.5

Prouerbia.

Cap.1.17. *Frustra iacitur rete ante oculos pennatorum.*
l.3.c.11.n.6

INDEX LOCORVM

- 1.24. *Extendi manum meam, & non fuit qui aspiceret.*
l.2.c.13.n.1
- 1.32. *Auersio paruulorum interficiet eos.* l.3.c.8.n.7
- 2.7. *Custodiet Dominus rectorum salutem.* l.1.c.8.
n.2
- 3.9. *Honora Deum de tua substantia.* l.2.c.9.n.1
- 3.27. *Noli prohibere benefacere eum qui potest si vales,
& ipse benefac.* l.2.c.14.n.3
- 3.28. *Ne dicas amico tuo vade, & reuertere, cras tibi
dabo, cum statim possis dare.* l.2.c.14.n.3. &
l.2.c.16.n.6
- 5.15. *Bibe aquam de cisterna tua, &c.* l.2.c.28.n.1
- 6.1. *Fili si sponderis pro amico tuo, defixisti apud ex-
traneum manum tuam, &c.* l.2.c.15.n.9
- 6.30. *Non grandis est culpa, cum quis furatus fuerit.
furatur enim ut esurientem impleat animam.*
l.2.c.15.n.8
- 8.17. *Qui mane vigilant ad me, inuenient me.* l.2.
c.24.n.7
- 10.9. *Qui deprauat vias suas, manifestus erit.* l.2.c.15.
n.6. & l.1.c.11.n.5
- 10.17. *Substantia diuitis, vrbs fortitudinis eius.* l.2.
c.17.n.5
- 11.18. *Impius facit opus instabile.* l.3.c.2.n.6
- 11.19. *Clementia preparat vitam.* l.2.c.13.n.4
- 11.24. *Alij diuidunt propria, & ditiores fiunt, alij rapiunt
non sua, & semper in egestate sunt.* l.2.c.18.n.5
- 12.7. *Verte impios, & non erunt.* l.2.c.13.n.1
- 12.18. *Est qui promittit, & quasi gladio pungitur con-
scientia.* l.2.c.15.n.9
- 12.19. *Novit iustus iumentorum suorum animas, vi-
scera autem impiorum crudelia.* l.2.c.18.n.9
- 12.26. *Qui negligit damnum propter amicum, iustus
est.* l.2.c.16.n.1
- 13.17. *Legi*

S. SCRIPTVRÆ.

- 13.17. *Legatus autem fidelis sanitas.* l.3.c.3.n.13
- 13.17. *Lex sapientis fons vita, ut declinet à ruina mortis.* l.3.c.4.n.1
- 13.24. *Qui parcit virga, odit filium suum; qui autem diligit illum, instanter erudit.* l.2.c.24.n.7
- 14.16. *Innocens credit omni verbo; astutus considerat gressus suos.* l.2.c.31.n.1
- 14.17. *Inspiciens operabitur stultitiam.* l.3.c.2.n.10
- 14.24. *Corona sapientium diuitie eorum.* l.2.c.17.n.1
- 15.2. *Lingua sapientum ornat scientiam.* l.1.c.8.n.5
- 15.2. *Os fatuorum ebullit stultitia.* l.2.c.30.n.7
- 15.23. *Laturus homo in sententia oris sui.* l.3.c.2.n.10
- 16.18. *Contritionem præcedit superbia, & ante ruinam exaltatur spiritus.* l.3.c.11.n.6
- 16.27. *Vir impius fodit malum, & in labijs eius ignis ardescit. homo perversus suscitatur lites, & verbosus separat principes.* l.3.c.9.n.4
- 16.32. *Melior est patiens viro forti, & qui dominatur animo suo, expugnatore urbium.* l.2.c.19.n.2
- 17.7. *Non decent stultum verba composita, nec principem labium mendax.* l.2.c.15.n.2
- 17.9. *Qui altero sermone repetit, separat fœderatos.* l.2.c.15.n.9
- 17.24. *In facie prudentis lucei sapientia.* l.2.c.30.n.8
- 17.27. *Pretiosi spiritus, vir eruditus.* l.1.c.8.n.4
- 18.11. *Substantia diuitis urbs roboris eius, & quasi murus validus circumdans eum.* l.2.c.17.n.7
 & l.2.c.18.n.6
- 18.14. *Spiritus viri sustentat imbecillitatem suam.* l.2.c.19.n.1. & l.3.c.12.n.4

INDEX LOCORVM

- 19.2. *Qui festinus est pedibus offender; stultitia hominis supplantat gressus eius.* l.2.c.31.n.1
- 19.6. *Multi colunt personam potentis, & amici sunt dona tribuentis.* l.2.c.16.n.2
- 19.10. *Non decent stultum delitia, nec seruum dominari principibus.* l.3.c.3.n.7
- 19.12. *Sicut fremitus leonis ira Regis, ita ros super herbam hilaritas eius.* l.2.c.13.n.3
- 19.22. *Homo indigens misericors est, & melior pauper quàm vir mendax.* l.2.c.16.n...
- 20.6. *Multi homines misericordes vocantur; virum autem fidelem quis inueniet?* l.2.c.16.n.4
- 20.25. *Ruina est homini deuorare sanctos.* l.2.c.5.n.5
- 20.26. *Dissipat impios Rex sapiens, & incuruat super eos fornicem.* l.2.c.3.n.1. & c.12.n.2
- 20.28. *Misericordia & veritas custodiunt Regem, & roboratur clementiâ thronus eius.* l.3.c.7.n.1. l.2.c.13.n.3. & l.2.c.16.n.2
- 21.5. *Cogitationes robusti semper in abundantia.* l.2.c.19.n.7
- 21.6. *Qui congregat thesauros lingua mendacij, vanus & excors est, & impingetur ad laqueos mortis.* l.2.c.18.n.5
- 21.8. *Peruersa via viri altera est.* l.2.c.12.n.2
- 21.16. *Vir qui errauerit à via doctrine in cœtu gigantum commorabitur.* l.3.c.8.n.8
- 21.22. *Ciuitatem fortium ascendit sapiens, & destruxit robur fiducia eius.* l.3.c.14.n.2
- 22.3. *Callidus vidit malum, & abscondit; innocens pertransijt, & afflictus est damno.* l.2.c.31.n.1
- 22.9. *Victoriam & honorem acquireret, qui dat munera, animam autem auferet accipientium.* l.2.c.16.n.2.
- 22.20. *Ecce descripsi eam tibi tripliciter, in cogitationibus,*

S. SCRIPTVRÆ.

- bus, & in scientia. l. 1. c. 1. n. 7
22. 29. Vidisti virum velocem in opere suo, coram regibus stabit, nec erit ante ignobiles. l. 3. c. 3. n. 1
23. 5. Facient sibi pennas quasi aquila, & volabunt in cælum. l. 2. c. 16. n. 3
23. 23. Veritatem eme. l. 2. c. 15. n. 9
24. 23. Cognoscere personam in iudicio non est bonum. l. 2. c. 15. n. 8
24. 30. Iuxta 70. Sicut agricultura est homo insipiens. l. 2. c. 16. n. 5
25. 20. Acerum in nithro qui cantat carmina cordi pessimo. l. 1. c. 8. n. 5
26. 1. Quomodo nix in estate, & pluuia in messe, sic indecens est stulto gloria. l. 2. c. 11. n. 2
26. 8. Sicut qui mittit lapidem in aceruum mercurij, ita qui tribuit insipienti honorem. l. 2. c. 11. n. 2
26. 11. Sicut canis qui reuertitur ad vomitum suum, sic imprudens qui iterat stultitiam suam. l. 2. c. 31. n. 1
26. 17. Sicut qui apprehendit auribus canem, sic qui transiit impatiens, & commiscetur rixa alterius. l. 3. c. 10. n. 2
27. 19. Quomodo in aquis resplendent corda prospicientium, sic corda hominum manifesta sunt prudentibus. l. 3. c. 2. n. 8
28. 2. Propter peccata terra multi Principes eius. l. 1. c. 4. n. 7
28. 15. Leo rugiens, & ursus esuriens, princeps impius supra populum pauperem. l. 2. c. 18. n. 1
29. 4. Rex iustus erigit terram, vir auarus destruit eam, & qui tributa extorquet, euertit eam. l. 2. c. 18. n. 9
30. 15. Sanguisuga due sunt filia dicentes, offer, offer. l. 2. c. 18. n. 1

INDEX LOCORVM

- 31.1. Noli Regibus dare vinum, &c. l.2.c.24.n.5
 31.10. Mulierem fortem quis inueniet. l.1.c.5.n.2
 31.19. Manum suam misit ad fortia, & digiti eius apprehenderunt fusum. l.2.c.19.n.7
 31.23. Nobilis in portis vir eius quando sederit cum Senatoribus terra.. l.1.c.5.n.2
 31.30. Fallax gratia, & vana est pulchritudo. l.2.c.25.n.3
 31.31. Laudent eam in portis opera eius. l.1.c.5.n.2

Ecclesiastes.

- Cap.1.7. Omnia flumina intrant in mare, & mare non redundat, ad locum unde exeunt flumina reuertuntur, & iterum fluant. l.1.c.4.n.2
 1.8. Cuncta res difficiles, &c. l.2.c.29.n.3
 1.9.10. Nihil est sub sole nouum, & quid est quod erit? id quod fuit. l.1.c.8.n.6
 1.13. Hanc occupationem pessimam dedit Deus filiis hominum, ut occuparentur in ea. l.1.c.8.n.8
 2.1. Feci mihi cantores & cantatrices, & delicias filiorum hominum. l.2.c.25.n.6
 2.9. Sapientia quoque perseuerauit mecum. l.1.c.11.n.2
 4.13. Melior est puer pauper & sapiens Rege senes & stulto. l.3.c.2.n.2
 7.18. Ne impiè agas multum, & noli esse stultus, ne moriaris in tempore non tuo. l.2.c.8.n.1
 7.28. Ecce hoc inueni vnum & alterum, ut inuenirem rationem quam adhuc quærit anima mea, & non inueni. l.1.c.5.n.2
 8.1. Sapientia hominis lucet in vultu eius. l.2.c.30.n.8
 9.15. Inuentus est vir pauper & sapiens, & liberauit urbem per sapientiam suam. l.2.c.18.n.11
 10.4. Si spiritus potestatem habentis ascenderit super te, locum

S. SCRIPTVRÆ.

locum tuum ne dimiseris , quia curatio cessare
faci peccata maxima. l.2.c.18.n.10

10.5. Est malum quod vidi sub sole , quasi per errorem
ingrediens à facie Principis , positum stultum in
dignitate sublimi , & diuites sedere deorsum.
l.2.c.11.n.1

10.16. Va tibi terra cuius Rex puer est , & cuius Princi-
pes manè comedunt . l.1.c.6.n.2. & l.2.c.31.n.6

10.17. Beata terra , cuius Rex nobilis est. l.1.c.6.n.3

10.20. In cogitatione tua Regi ne detrabas , & in secreto
cubiculi tui ne maledixeris diuiti , quia aues
cali portabunt vocem tuam , & qui habet pen-
nas annuntiabit sententias. l.2.c.19.n.4

Cantica.

Cap.1.15. Ecce tu pulcher es dilecte mi & decorus. l.2.
c.30.n.8

2.9. Similis est dilectus meus caprea , hinnuloq, ceruo-
rum. l.2.c.28.n.1

3.7. En lectulum Solomonis ; sexaginta fortes ambiunt ,
omnes tenentes gladios , &c. l.2.c.23.n.4

3.9. Ferculum fecit sibi Rex Salomon de lignis Libani.
l.2.c.23.n.5

3.11. Egredimini & videte filie Sion Regem Salomo-
nem in diademate quo coronauit illum mater sua
in die desponsationis illius. l.2.c.13.n.1. & l.2.
c.23.n.5

4.9. Vulnerasti cor meum in vno oculorum tuorum.
l.2.c.25.n.3

4.11. Odor vestimentorum tuorum sicut odor thuris.
l.2.c.23.n.2

5.5. Digiti mei pleni myrrha probatissima. l.2.c.9.n.1

8.14. Euge dilecte mi. l.2.c.15.n.5

INDEX LOCORVM

Sapientia.

- Cap.1.4. *In maleuolam animam non introibit sapiētia.*
l.3.c.2.n.5
- 2.11. *Sit fortitudo nostra lex iniustitia.* *l.3.c.12.n.4*
- 3.15. *Bonorum laborum gloriosus est fructus, & qua
 non concidat radix sapientia.* *l.3.c.26.n.4*
- 3.16. *Filii adulterorum in consummationem erunt.* *l.1.
 c.7.n.6. & l.2.c.26.n.4*
- 4.8. *Senectus venerabilis est non diuturna, neque anno-
 rum numero computata, cani autem sunt sensus
 hominis.* *l.3.c.2.n.2*
- 7.17. *Mihi dedit dicere ex sententiā.* *l.1.c.8.n.5*
- 8.5.6. *Quid sapientia locupletius, qua operatur omnia,
 & quis eorum qua sunt, magis quam illa est
 artifex.* *l.2.c.17.n.7*
- 8.20. *Sortitus sum animam bonam, & corpus inconta-
 minatum.* *l.2.c.30.n.8*
- 12.28. *Cum magna reuerentia disponit nos.* *l.3.c.5.n.6*
- 14.29. *Dum confidunt in Idolis, qua sine anima sunt,
 malè iurantes noceri se non sperant.* *l.2.c.15.
 n.3*
- 17.10. *Cum sit timida nequitia dat testimonium con-
 demnationis, semper enim presumit seua per-
 turbata conscientia.* *l.3.c.18.n.3*

Ecclesiasticus.

- Cap.2.4. *Magnificauit opera mea, & edificauit mihi do-
 mos.* *l.2.c.22.n.3*
- 2.17. *Va ijs qui perdiderunt sustententiam.* *l.2.c.31.n.1*
- 3.19. *Fili in mansuetudine opera tua perface, & super
 hominum opera diligeris.* *l.3.c.7.n.1. & l.2.
 c.14.n.2*

S. SCRIPTURÆ.

- 3.24. In superuacuis rebus noli scrutari multipliciter,
& in pluribus operibus eius non eris curiosus.
Multos enim supplantauit suspicio eorum, &
in vanitate delinuit sensus eorum. l.2.c.17.n.7
- 4.10. In indicando esto pupillis misericors ut Pater.
l.2.c.13.n.2
- 5.9. Auarus non impletur pecunia. l.2.c.18.n.1
- 5.11. Non te ventiles in omnem ventum. l.2.c.15.n.2
- 5.11. Saturitas diuitis non finit eum dormire. l.2.
c.24.n.2
- 5.12. Esto firmus in viâ Domini, & in omni veritate
sensus tui. l.2.c.15.n.2
- 6.6. Multi pacifici sint tibi, & consiliarius sit tibi unus
de mille. l.3.c.2.n.8
- 7.5. Penes Reges noli velle videri sapiens. l.3.c.2.n.12
- 7.13. Noli arare mendacium aduersus fratrem tuum.
l.2.c.15.n.1
- 7.14. Noli velle mentiri omne mendacium. Assiduitas
enim illius non est bona. l.2.c.15.n.8
- 7.32. Cunctis sermonibus qui dicuntur, ne accommodes
cor tuum, ne forte audias seruum tuum male-
dice mem tibi. l.2.c.30.n.2
- 8.20. Cum fauis consilium non habeas, non enim po-
terunt diligere nisi quæ eis placent. l.3.c.2.n.8
- 9.3. Ne respicias mulierem multiuolam. l.2.c.25.n.3
- 10.11. Omnis potentatus vita brevis, languor prolixior
grauat medicum, breuem languorem pracidit
medicus, sic & Rex hodie est, & cras morietur.
l.2.c.8.n.1
- 10.12. Breuem languorem pracidit medicus. l.2.c.12.
n.2
- 10.32. Peccantem in animam suam quis iustificabit, &
quis honorificabit exhonorantem animam suam?
l.2.c.26.n.3

11.2. Non

INDEX LOCORVM

- 11.2. *Non laudes virum in specie sua, neque spernas hominem in visu suo. Brevis in volatilibus apes, & initium dulcoris habet fructus eius.* l.2. c.30.n.8
- 12.10. *Non credas inimico tuo in aeternum.* l.2.c.31. n.4
- 13.2. *Pondus super se tollet, qui honestiori se communicat.* l.2.c.18.n.3
- 13.21. *Cor hominis immutat faciem illius, &c.* l.2. c.30 n.7
- 14.3. *Viro cupido & tenaci sine ratione est substantia, & homini luindo ad quid aurum? qui aceruat ex animo suo, iniuste alijs congregat, & in bonis illius alius luxuriabitur. qui sibi nequam est, cui alij bonus erit?* l.2.c.18.n.2
- 14.5. *Qui sibi nequam est, cui bonus esse poterit.* l.3.c.2. n.5
- 14.9. *Insatiabilis est, oculus cupidus, in parte iniquitatis.* l.2.c.18.n.10
- 14.14. *Non defrauderis à die bono, & particula boni doni non te praterat.* l.2.c.25.n.2
- 19.11. *A facie verbi parturit fatuus, tanquam gemitus partus infantis. Sagitta infixæ femori carnis, sic verbum in ore stulti.* l.3.c.2.n.2
- 19.22. *Est solertia certa, & ipsa iniqua est, qui nequiter humiliat se, & interiora eius plena sunt dolo.* l.1.c.11.n.5
- 19.26. *Ex visu cognoscitur vir, & ab occurso faciei cognoscitur sensatus.* l.2.c.30.n.8
- 20.6. *Homo sapiens tacebit usque ad tempus.* l.2.c.31. n.3
- 20.27. *Potior fur quam assiduitas viri mendacis.* l.2. c.15.n.5
- 20.28. *Mores hominum mendacium sine honore, & confu*

S. SCRIPTVRÆ.

confusio illorum cum ipsis sine intermissione.

l. 2. c. 15. n. 5

23. 11. Sicut seruus interrogatus assidue à liuore non minuitur, sic omnis iurans & nominans in toto à peccato non purgabitur. *l. 2. c. 15. n. 9*

24. 5. Ego ex ore Altissimi prodiui, primogenita ante omnem creaturam. *l. 1. c. 7. n. 3*

25. 3. Tres species odiiuit anima mea, &c. Pauperem superbum, diuitem mendacem, senem fatuum & insensatum. *l. 1. c. 6. n. 3. & l. 3. c. 2. n. 2*

25. 22. Non est caput nequius super caput cubri, & non est ira super iram mulieris. *l. 1. c. 5. n. 4*

25. 22. Non est caput nequius super caput colubri, &c. *l. 3. c. 15. n. 8*

26. 25. In duobus contristatum est cor meum. Vir bellator deficiens per inopiam, & vir sensatus contemptus. *l. 2. c. 11. n. 3*

27. 12. Homo sanctus in sapientia manet sicut sol, stultus ut luna mutatur. *l. 2. c. 19. n. 2*

28. 25. Quasi sapientia replebitur, qui tenet aratrum, &c. & nonnulla alia ex eo capite explicantur. *l. 3. c. 2. n. 12*

28. 29. Aurum tuum & argentum tuum confla, & verbis tuis facito stateram, & francos ori tuo rectoros. *l. 2. c. 15. n. 9*

30. 4. Mortuus est pater eius, & quasi non est mortuus, similem enim reliquit post se, &c. reliquit enim defensorem domus contra inimicos & amicis reddentem gratiam. *l. 1. c. 6. n. 3*

30. 18. Bona abscondita in ore clauso quasi appositiones epularum circumposita sepulchro. *l. 2. c. 24. n. 4*

30. 19. Quid proderit libatio idolo? nec enim manducabit, nec adorabitur. *l. 2. c. 24. n. 4*

31. 23. Vigi

INDEX LOCORVM

- 31.23. *Vigilia, cholera, & tortura homini infrunito
somnus sanitatis in homine parco. Dormiet us-
que in mane, & anima ipsius cum ipso delecta-
bitur.* l.2.c.24.n.2
- 31.30. *Diligentes in vino noli prouocare. & multa ex
eo capite explicantur.* l.2.c.24.n.5
- 32.1. *Rectorem te posuerunt, noli extolli, esto in illis
quasi vnus ex ipsis.* l.3.c.7.n.1
- 32.24. *Fili sine consilio nihil facies, & post factum non
pœnitebis.* l.3.c.1.n.5
- 32.26. *A filijs tuis caue, & à domesticis tuis attende.*
l.3.c.2.n.8
- 34.2. *Quasi qui apprehendit umbram, & persequitur
venum, sic & qui attendit ad visa mendacia.*
l.2.c.29.n.3
- 34.25. *Panis egentium vita pauperum est: qui defrau-
dat illum, homo sanguinis est.* l.2.c.22.n.2
- 34.27. *Qui effundit sanguinem, & qui facit fraudem
mercenario, fratres sunt.* l.2.c.18.n.3
- 35.11. *In omni dato hilarem fac vultum tuum.* l.2.
c.16.n.6
- 36.14. *Miserere plebi tue super quam inuocatum est
nomen tuum, & Israël quem coaquasti primo-
genito tuo.* l.1.c.7.n.4
- 37.8. *Omnis consiliarius prodit consilium.* l.3.c.2.n.10
- 37.9. *A consiliario serua animam tuam.* l.3.c.2.n.8
- 37.12. *Cum viro irreligioso tracta de sanctitate, &c.*
l.3.c.2.n.8
- 38.15. *Qui delinquit in conspectu eius qui fecit eum, in-
cidet in manus medici.* l.2.c.24.n.4
- 39.1. *Sapientiam omnium antiquorum inquires sapiēs.*
l.1.c.8.n.6.
- 40.19. *Fily & edificatio ciuitatis confirmabit nomen.*
l.3.c.5.n.1

S. SCRIPTVRÆ.

- 41.17. Sapiētia abscondita, & thesaurus inuisus, quæ
utilitas in virisque. l.2.c.16.n.3
- 44.1. Laudemus viros gloriosos, &c. & multa ex eo ca-
pite explicantur, & sequentibus. v.45.46.47.
49.l.1.c.1.n.2
- 44.1. Laudemus viros gloriosos Patres nostros. l.2.
c.13.n.2
- 45.5. In iracundia eius, impeditus est sol, &c. l.2.c.12.
n.6
- 45.16. Non est indutus illis alienigena aliquis, sed tan-
tum filij ipsius soli, & nepotes eius per omne
tempus. l.1.c.6.n.3
- 46.23. Post hac dormiuit, & votum fecit Regi, & osten-
dit illi finem vitæ suæ. l.3.c.32.n.4
- 47.22. Et incitari stultitiam tuam, vt faceres regnum
partitum. l.2.c.27.n.5
- 47.24. Inclinaſti femora tuâ mulieribus, potestatem
habuisti in corpore tuo. l.2.c.26.n.3

Isaias.

Cap.1.5. Omne caput languidum, & omne cor mœrens.
l.1.c.10.n.1

1.7. Regionem vestram coram vobis alieni deuorant,
& desolabitur sicut in vastitate hostili. l.1.
c.6.n.5

1.21. Quomodo facta est meretrix ciuitas fidelis plena
iudicij; iustitia habitauit in ea, nunc autem ho-
micida. l.2.c.12.n.1

1.24. Heu consolabor super hostibus meis. l.2.c.15.n.5

2.6. Angues habuerunt vt Philistym, & pueris alienis
adhaferunt. l.2.c.28.n.1

2.7. Repleta est terra argento & auro, & repleta est
dolis. l.2.c.18.n.2

2.22. Quic

INDEX LOCORVM

- 2.22. *Quiescite ab homine cuius spiritus in naribus eius.* l.2.c.13.n.1
- 3.1. *Omne robur panis, & omne robur aquae.* l.3.c.5.n.1
- 3.3. *Auferet Dominus senem & honorabilem vultu.* l.3.c.2.n.4
- 3.4. *Dabo pueros principes eorum, & effeminati dominabuntur eis.* l.2.c.2.n.1. & l.3.c.9.n.2
- 3.7. *Non sum medicus; nolite me constituere Principem.* l.2.c.13.n.2
- 3.7. *In domo mea non est panis, neque vestimentum, nolite constituere me Principem populi.* l.2.c.17.n.1
- 3.9. *Agnitio vultus eorum respondi eis, & peccatum suum quasi Sodoma predicauerunt.* l.2.c.26.n.1
- 3.12. *Populum meum exactores spoliauerunt.* l.2.c.17.n.6
- 3.16. *Elevata sum filia Sion, &c. & plaudebant ambulabant pedibus suis.* l.2.c.25.n.4
- 5.1. *Vinea facta est dilecto meo in cornu filio olei.* l.3.c.5.n.4
- 5.23. *Va qui iustificatis impium pro muneribus.* l.2.c.12.n.1
- 5.26. *Elevabit Dominus signum in nationibus, & ecce festinus velociter veniet. & quae sequuntur, explicantur.* l.3.c.12.n.1
- 6.13. *Et adhuc in ea decimatio, & erit in ostensionem.* l.2.c.12.n.4
- 7.4. *Vide ut sileas, noli timere, & cor tuum ne formidet à duabus caudis titionum fumigantium istorum.* l.2.c.2.n.3
- 7.11. *Pete tibi signum à Domino Deo tuo in profundum inferni, siue in excelsum supra; Dixit Achaz, non petam, & non tentabo Dominum.* l.2.c.2.n.3
- 7.13. *Audite ergo domus David, nunquid parum vobis est molestos esse hominibus, quia molesti estis & Deo meo?* l.2.c.2.n.;
91. *Primo*

S. SCRIPTVRÆ.

- 9.1. *Primo tempore alleuiata est terra Zabulon, &c.*
l.3.c.5.n.1
- 9.6. *Vocabitur nomē eius Admirabilis, Consiliarius, &c.*
l.2.c.23.n.2. & l.3.c.11.n.7
- 9.12. *Adhuc manus eius extenta.* l.2.c.13.n.1
- 9.14. *Et non erit Aegypto opus, quod faciat caput &
caudam incuruantem & refranantem.* l.1.c.2.
n.6. & l.2.c.9.n.4
- 9.20. *Vnusquisque carnē brachij sui vorabit.* l.3.c.9.n.1
- 10.6. *Ad gentem fallacem mittam eum.* l.2.c.2.n.4
- 10.13. *Et principes eorum depraedatus est.* l.2.c.18.n.2
- 11.5. *Et erit fides cinctorium renū eius.* l.2.c.15.n.3
- 11.6. *Habitabit lupus cum agno.* l.2.c.3.n.4
- 11.9. *Non nocebunt, & non occident: in vniuerso monte
sancto meo.* l.2.c.3.n.4
- 13.22. *Et sirenes in delubris voluptatis.* l.1.c.11.n.4
- 13.31. *Pilosi saltabunt ibi, & Sirenes in delubris volu-
ptatis.* l.2.c.25.n.4
- 14.5. *Contriuit Dominus baculum impiorum, virgam
dominantium, cadentem populum.* l.3.c.8.n.2
- 14.16. *Vinctis eius non aperuit carcerem.* l.2.c.13.n.5
- 15.7. *Secundum magnitudinem operis, & visitatio eo-
rum: ad Torrentem Salicum ducent eos.* l.2.
c.18.n.2
- 16.7. *Qui latantur super muros cocti lacris, loquimini
plagas suas.* l.1.c.9.n.1
- 17.12. *Multitudo populorum multorum, & multitudo
maris sonantis.* l.2.c.30.n.5
- 19.13. *Receperunt Aegyptum angulum populorum
eius.* l.1.c.9.n.2
- 21.5. *Accipite clypeum.* l.2.c.12.n.7
- 22.6. *Parietem nudauit clypeus.* l.3.c.12.n.7
- 22.10. *Domos Hierusalem numerastis, & destruxistis
domos ad munendum murum.* l.2.c.9.n.1
- R 11
- 23.4. Tyrus

INDEX LOCORVM

- 23.4. Tyrus fortitudo maris. l.3.c.5.n.3
- 23.10. Transi terram tuam quasi flumen filia maris,
non est cingulum ultra tibi. l.3.c.12.n.1
- 24.2. Et eris sicut populus, sic sacerdos; & sicut seruus,
sic dominus eius, &c. l.1.c.2.n.6
- 24.10. Attrita est ciuitas vanitatis. l.1.c.2.n.6
- 24.15. In doctrinis glorificaue Dominum. l.1.c.8.n.1
- 25.1. Cogitationes eius antiquas fideles, amen. l.2.c.15.
n.3
- 25.4. Quasi turbo impellens parietem. l.1.c.9.n.2
- 30.13. Propterea erit nobis iniquitas hæc sicut interruptio
cadens, & requisita in muro excelso, quomam subito, dum non speratur, veniet contritio
eius, & comminuetur, sicut conteritur lagenæ
figuli contritione praua, & non inuenietur
de fragmentis eius testa, in qua portetur igniculus
de incendio, aut hauriatur parum aquæ
de fouea. l.2.c.6.n.2
- 30.24. Tauri tui, & pulli asinorum qui operantur terram
commistum migra comedenti. l.2.c.17.n.3
- 33.16. Aqua eius fideles sunt. l.2.c.15.n.3
- 37.22. Virgo filia Sion. l.3.c.5.n.3
- 40.25. Qui dat secretorum scrutatores quasi non sint.
l.2.c.30.n.7
- 43.24. Seruire me fecisti in peccatis tuis, præbuiisti mihi
laborem in iniquitatibus tuis. l.2.c.13.n.1
- 46.3. Domus Israël, qui portamini à meo viro. l.1.
c.9.n.3
- 49.23. Et erunt Reges nutriti tui, & Regina nutrices
tuæ. l.1.c.9.n.3
- 50.4. Dominus erigit manè, manè erigit mihi aurem, ut
audiam quasi magistrum. l.1.c.8.n.2
- 59.4. Dominus dedit mihi linguam eruditam ut sciam,
sustentare eum qui lapsus est verbo. l.1.c.8.n.5
- 53.3. Non

S. SCRIPTURÆ.

- 53.3. *Non est ei species, neque decor.* l.2.c.30.n.8
 59.6. *Telas aranea texuerunt.* l.2.c.15.n.4
 59.14. *Corruit in platea veritas, & aquitas non potuit ingredi.* l.2.c.15.n.7
 60.16. *Mamilla Regum lactaberis.* l.1.c.9.n.3
 60.17. *Ponam visitationem tuam pacem.* l.2.c.17.n.6
 61.6. *Fortitudinem gentium comedetis, & in gloria eius superbiatis.* l.2.c.5.n.4
 66.21. *Assumam ex ijs Sacerdotes & Leuitas.* l.1.c.6.n.4

Hieremias.

- Cap.2.13. *Quid niteris bonã ostendere viam tuã, &c. in alis tuis inuentus est sanguis, &c.* l.1.c.10.n.2
 4.16. *Ecce auditum est in Hierusalem custodes venire de terra longinqua.* l.1.c.6.n.5
 6.4. *Va nobis quia declinavit dies, quia longiores facta sunt umbra.* l.2.c.29.n.3
 6.28. *Omnes isti Principes declinantes corrupti.* l.1.c.9.n.2
 7.13. *Locutus sum ad vos manẽ consurgens.* l.2.c.24.n.7
 8.8. *Verẽ mendacium operatus est stylus mendax Scribarum.* l.1.c.1.n.4
 8.10. *A propheta usque ad sacerdotem cuncti faciunt mendacium.* l.2.c.15.n.4
 10.7. *Quis non timebit te, ô Rex gentium? tuũ est enim decus inter cunctos sapientes terra, & in vniuersis regnis, &c.* l.1.c.6.n.2
 12.10. *Pastores multi demoliti sunt vineam meam.* l.1.c.4.n.7. & l.1.c.9.n.3
 13.13. *Dic Regi, & dominatrici, humiliamini, & sede-*

INDEX LOCORVM

te, quoniam descendit de capite nostro corona gloria. l.2.c.1.n.1

17.9. Prænum est cor hominis & inscrutabile. l.2.c.30.n.7

20.9. Factus est in corde meo quasi ignis exastuas claususq; in ossibus, & deficiunt ferre non sustinentes. l.3.c.2.n.9

27.6. Ego dedi omnes terras istas in manu Nabuchodonosor Regis Babylonis serui mei. l.1.c.3.n.5

Threni.

Cap.1.1. Quomodo sedet sola ciuitas plena populo. l.2.c.1.n.1

4.1. Mutatus est color optimus. l.2.c.23.n.1

Baruch.

Cap.6.31. Rugiunt clamantes ante Deos suos, sicut in cæna mutui. l.2.c.24.n.4

Ezechiel.

Cap.5.5. Ista est Hierusalem, in medio Gentium posui eam, &c. l.3.c.5.n.2

13.10. Liniebant luto absque paleis. l.2.c.7.n.3

16.49. Hæc fuit iniquitas Sodoma sororis tuæ superbia. l.1.c.11.n.2

16.49. Hæc fuit iniquitas Sodoma, otium ipsius, & filiarum eius. l.2.c.25.n.2

17.4. In vrbe negotiatorum posuit illam. l.2.c.17.n.5

18.20. Anima quæ peccauerit, ipsa morietur. l.2.c.12.n.3

21.19. Et manu capiet coniecturam. l.3.c.16.n.6

22.4. In idolis tuis quæ fecisti polluta es, & appropinquare fecisti dies tuos, & adduxisti tempus annorum tuorum. l.2.c.8.n.1

25.6. Pro

S. SCRIPTVRÆ.

- 25.6. Pro eo quod clausisti manum, & percussisti pedem. &c. l.2.c.23.n.4
- 27.3. O Tyre tu dixisti, perfecti decoris ego sum, & in corde maris sita, finitimi tui qui te edificauerunt, impleuerunt decorem tuum. l.3.c.6.n.1
- 28.5. In multitudine sapientia tua, & in negotiatione tua multiplicasti tibi fortitudinem. l.2.c.17.n.5
- 28.13. Et foramina tua in die qua conditus es, preparata sunt. l.2.c.9.n.2
- 28.13. Aurum opus decoris tui, & foramina tua in die qua conditus es preparata sunt. l.2.c.29.n.3
- 28.14. Tu Cherub extensus & protegens. l.1.c.4.n.3
- 29.18. Rex Babylonis seruire fecit exercitum suum seruitute magna, aduersus Tyrum omne caput decalnatum, & omnis humerus depilatus est. &c. l.1.c.3.n.5
- 34.23. Suscitabo super eas pastorem vnum. l.1.c.4.n.7
- 36.7. Ego leuavi manum meam. l.2.c.13.n.1
- 38.12. Umbilicus terra. l.3.c.5.n.2
- 38.13. Negociatores Tharsis, & omnes leones eius. l.3.c.8.n.2
- 45.9. Separate cōfinia vestra à populo meo. l.2.c.17.n.6

Daniel.

- Cap.2.32. Caput ex auro optimo erat, pectus autem & brachia ex argento. &c. l.1.c.11.n.1
- 4.14. Sententia vigilum decretum est. l.3.c.1.n.2
- 4.27. Nonne hac est Babylon magna quam ego edificavi. l.3.c.5.n.5
- 5.3. Biberunt in eia Rex, & Optimates eius. uxores & concubina eius. l.1.c.10.n.1
- 6.4. Sarrapa quarebant occasionem ut inuenirent Danieli ex latere regis. l.3.c.3.n.5

INDEX LOCORVM

- 7.2. *Quatuor venti celi pugnabant in mari magno.*
l.2.c.30.n.5
- 7.9. *Aspiciebam donec throni positi sunt, &c. millia millium ministrabant ei.* l.2.c.23.n.7
- 8.16. *Et audiui vocem viri inter Vlai, & clamauit, & ait Gabriel, fac intelligere istū visionē.* l.1.c.2.n.3
- 10.13. *Princeps regni Persarum restitit mihi viginti & vno diebus, &c.* l.1.c.2.n.6
- 13.5. *Constitui sunt de populo duo senes indices illo anno.* l.3.c.6.n.1
- 13.54. *Dic sub qua arbore videris eos colloquentes.* l.2.c.28.n.1

Ozeas.

- Cap.1.4. *Visitabo sanguinem Iezrahel super domum Iehu.* l.1.c.10.n.2
- 1.11. *Congregabuntur filij Iuda, & ponent sibi caput unum.* l.1.c.4.n.7
- 2.2. *Auferat fornicationes suas à facie sua, & adulteria de medio vberum suorum.* l.2.c.28.n.1
- 2.8. *Argentum multiplicauit ei, & aurum, quæ fecerunt Baal.* l.2.c.18.n.2
- 2.15. *Et dabo ei vinitores ex eodem loco.* l.1.c.6.n.5
- 3.4. *Quia dies multos sedebunt filij Israël sine Rege, sine Principe, sine Sacrificio, & sine Altari, & sine Ephod, & sine Teraphim.* l.2.c.1.n.1
- 4.11. *Fornicatio & vinum & ebrietas auferunt cor.* l.2.c.24.n.5
- 7.1. *Operati sunt mendacium.* l.2.c.15.n.4
- 7.4. *Omnes calefacti sunt quasi clibanus.* l.1.c.10.n.1
- 11.3. *Ego quasi nutritius Ephraim portabo eos in brachijs meis.* l.1.c.9.n.3
- 12.1. *Ephraim pascit ventum, tota die mendacium multiplicat.* l.2.c.15.n.4
- Ioël.

S. SCRIPTVRÆ.

Ioël.

Cap. 3. 17. Erit Hierusalem sancta, & non transibunt
alieni per eam. l. 1. c. 6. n. 5

Amos.

Cap. 6. 5. Sicut Dauid putauerunt se habere vasa can-
tici. l. 1. c. 11. n. 2

Jonas.

Cap. 3. 3. Ninive erat ciuitas magna itinere trium die-
rum. l. 3. c. 5. n. 5

Micheas.

Cap. 3. 1. Audite principes Iacob & duces, &c. l. 3. c. 8.
n. 4

3. 5. Sanctificant super eum pralium. l. 3. c. 10. n. 4

3. 10. Qui edificatis Sion in sanguinibus & Hierusa-
lem in iniquitate. l. 2. c. 22. n. 2

4. 13. Interficiet Domino rapinas eorum, & fortitudi-
nem eorū Domino vniuersa terra. l. 2. c. 17. n. 5

6. 2. Audiant montes iudicium Domini, & fortia fun-
damenta terra. l. 1. c. 9. n. 2

7. 5. Ab ea qua dormis in sinu tuo, custodi claustra oris
tui. l. 1. c. 5. n. 5

Nahum.

Cap. 2. 8. Clypeus fortium ignitus. l. 3. c. 12. n. 7

3. 17. Custodes tui quasi locusta. l. 2. c. 23. n. 3

Abacuc.

Cap. 1. 10. Et tyranni ridiculi eius erunt. l. 3. c. 8. n. 1

2. 12. Va qui edificat ciuitatem in sanguinibus. l. 2.
c. 22. n. 2

INDEX LOCORVM

Sophon.

Cap.2.5. *Va qui habitatis funiculum maris gens per-*
ditorum. l.2.c.23.n.4

3.9. *Et seruiant ei humero uno.* l.1.c.4.n.6

Zacharias.

Cap.2.9. *Quia ecce ego leuo manum meam super eos.*
l.2.c.13.n.1

6.8. *Requiescere fecerunt spiritum meum in terra A-*
quilonis. l.2.c.13.n.1

11.6. *Quercus Basan.* l.3.c.8.n.4

11.17. *O pastor & idolum.* l.2.c.11.n.2

12.10. *Et plangent eum planctu quasi super unigeni-*
tum, & dolebunt super eum ut doleri solet in
morte primogeniti. l.1.c.7.n.2.

Malachias.

Cap.2.7. *Legem requirent ex ore eius, quia Angelus*
Domini exercituum est. l.3.c.4.n.3

3.6. *Ego Dominus & non mutor.* l.2.c.20.n.2

Machabæorum primus.

Cap.2.6. *Hi viderunt mala que fiebant in populo Iude*
& Hierusalem. l.3.c.3.n.14

2.57. *Dauid in tua misericordia consecutus est sedem*
regni & sacula. l.3.c.7.n.1

6.34. *Elephantis ostenderunt sanguinem vna, & mori*
ad acuen dos eos in prælium. l.3.c.12.n.4

6.39. *Refulsit sol in clypeos aureos, resplenduerunt mon-*
tes, &c. l.3.c.12.n.7

8.3. *In potestatem redegerunt metalla argenti & auri.*
l.2.c.17.n.4

10.45. *Ut quicumque confugerent in templum, quod est*
Hiero

S. SCRIPTURÆ.

Hierosolymis, & in omnibus finibus eius, obnoxij regi in omni negotio dimisterentur. l.2.

c.5.n.5

11.25. *Arce Salinarum.*

l.2.c.17.n.4

14.9. *Iuvenes inducunt se gloria.*

l.2.c.23.n.1

Machabæorum secundus.

Cap.1.3. *Faciatis eius voluntatem corde magno, & animo volenti.*

l.3.c.4.n.6

3.12. *Decipi eos qui vendidissent loco & templo quod per uniuersum mundum honoratur pro sui veneratione & sanctitate omnino impossibile esse.*

l.2.c.5.n.5

4.12. *Ausus es sub ipsa arce gymnasium constituere, & optimos quosque Ephæborum in lupanaribus constituere.*

l.2.c.2.n.2

14.37. *Qui pro affectu pater Iudeorum vocabatur. l.2.*

c.13.n.2

Matthæus.

Cap.6.1. *Attendite ne iustitiam vestram faciatis coram hominibus.*

l.2.c.16.n.1

6.24. *Nemo potest duobus dominis seruire. l.1.c.3.n.6*

6.28. *Considerate lilia agri.*

l.2.c.23.n.2

10.28. *Nolite timere eos qui occidunt corpus. l.3.c.12.n.4*

12.24. *Ex abundantia cordis os loquitur. l.2.c.30.n.7*

13.28. *Vis imus & colligimus ea? ait non, ne forte colligentes zizania, eradicetis, &c. l.2.c.3.n.4*

16.18. *Tu es Petrus, & super hanc petram edificabo Ecclesiam meam.*

l.1.c.4.n.4

16.24. *Non potestis Deo seruire & mammona. l.2.*

c.18.n.2

INDEX LOCORVM

- 17.23. Cum venisset Capharnaum, acceperunt qui didrachma accipiebant ad Petrum. l.2.c.5.n.4
 19.4. Nonne legistis quia qui fecit hominem ab initio, masculum & foeminam fecit eos. l.2.c.28.n.2
 21.30. Iugum meum suauis est, & onus meum leue. l.3.c.4.n.5
 22.21. Reddite quae sunt Caesaris Caesari. l.2.c.17.n.6
 23.4. Digito autem suo nolunt ea mouere. l.1.c.10.n.1
 25.33. Statuet oues quidem à dextris suis, hœdos autem à sinistris. l.1.c.7.n.1
 27.15. Per diem solemnem consueuerat Praefes populo dimittere unum vincitum quem voluissent. l.2.c.13.n.5. & l.3.c.4.n.8

Marcus.

- Cap.7.11. Vos autem dicitis; si dixerit patri aut matri Corban, quod est donum, quodcunque ex me tibi profuerit. l.3.c.4.n.7
 10.42. Scitis quia hi qui videntur principari gentibus, dominantur eis, & principes eorum potestatem habent ipsorum. l.1.c.4.n.5
 14.37. Et ait Petro; Simon dormis. l.1.c.10.n.2

Lucas.

- Cap.4.6. Tibi dabo potestatem hanc vniuersam, & gloriam eorum quia mihi tradita sunt, & cui volo do ea. l.1.c.3.n.5
 9.55. Nescitis cuius spiritus estis. l.2.c.3.n.4
 11.17. Omne regnũ in se diuisum desolabitur, & domus supra domum cadet. Si autem & Sathanas in se ipso diuisus est, quomodo stabit regnum eius? l.3.c.2.n.6

11.23. Qui

S. SCRIPTVRÆ.

- 11.23. *Qui non est mecum, contra me est.* l.3.c.10.n.2
 12.2. *Nihil opertum quod non reueletur.* l.2.c.15.n.6
 12.15. *Cauete ab omni auaritia, quia non in abundan-
 tia cuiusquam vita est ex his qua possidet.* l.2.
 c.18.n.11
 14.12. *Cum facis prandium, &c. Noli vocare amicos
 tuos.* l.2.c.16.n.4
 16.2. *Quid hoc audio de te? redde rationem villicatio-
 nis tue.* l.3.c.3.n.5
 22.25. *Qui potestatem habent super eos benefici vo-
 cantur.* l.2.c.16.n.4

Ioannes.

- Cap.1.13. *Non ex voluntate carnis, nec ex voluntate
 viri.* l.1.c.8.n.6
 21.9. *Soluite templum hoc, & in tribus diebus excitabo
 illud.* l.2.c.15.n.9
 4.53. *Credidit ipse & domus eius tota.* l.1.c.10.n.1
 8.41. *Nos ex fornicatione non sumus nati.* l.1.c.7.n.6
 8.44. *Cum loquitur mendacium ex proprijs loquitur,
 quia mendax est, & pater eius.* l.2.c.15.n.4
 8.57. *Quinquaginta annos nondum habes, & Abra-
 ham vidisti.* l.2.c.30.n.8
 11.46. *Collegerunt Pontifices & Pharisei concilium, &
 dicebant.* l.2.c.2.n.2
 11.49. *Vos nescitis quicquam & cogitatis.* l.3.c.2.n.10
 12.31. *Nunc iudicium est mundi. Nunc Princeps hu-
 ius mundi eicietur foras.* l.1.c.3.n.5
 18.11. *Mitte gladium tuum in vaginam.* l.2.c.3.n.4
 18.31. *Nobis nō licet interficere quemquam.* l.3.c.6.n.1
 21.17. *Pasce oves meas.* l.1.c.4.n.4
 21.23. *Exite ergo sermo iste inter fratres, quia discipulus
 ille non moritur.* l.2.c.15.n.9

Acta

INDEX LOCORVM

Acta Apostolorum.

- Cap. 1. 18. Crepuit medius, & diffusa sunt omnia viscera eius. l. 3. c. 4. n. 4
5. 5. Audiens autem Ananias verba hac, cecidit & expirauit. l. 3. c. 4. n. 4
6. 3. Considerate fratres viros ex vobis boni testimonij. l. 3. c. 3. n. 2
7. 22. Eruditus est Moses omni sapientia Egyptiorum. l. 1. c. 8. n. 1
15. 10. Iugum quod neque patres nostri, neque nos portare potuimus. l. 3. c. 4. n. 5
16. 17. Isti homines serui Dei excelsi sunt, qui annunciant vobis viam salutis. l. 2. c. 3. n. 5
16. 21. Annunciant morem quem non licet nobis suscipere cum simus Romani. l. 3. c. 6. n. 3
19. 18. Repleti sunt ira, & exclamauerunt, dicentes, magna Diana Ephesiorum. l. 2. c. 3. n. 3
19. 19. Multi ex his qui fuerant curiosi sectati, contulerunt libros & combusserunt. l. 2. c. 3. n. 5
20. 35. Beatius est magis dare quā accipere. l. 2. c. 16. n. 4
23. 3. Iudicas me secundum legem, & contra legem iubes me percuti. l. 3. c. 4. n. 3
23. 6. Sciens, quia una pars esset Sadducaorum, & altera Pharisaorum, &c. & soluta est multitudo. l. 2. c. 3. n. 3
25. 16. Non est Romanis consuetudo donare aliquem hominem, priusquam is qui accusatur, praesentes habeat accusatores. l. 2. c. 12. n. 3

Pauli Epistola ad Romanos.

- Cap. 9. 28. Verbum breuiatum faciet Dominus. l. 3. c. 4. n. 5
13. 5. Ideo necessitate subditi estote. l. 1. c. 3. n. 3
13. 6. Ideo & tributa praestatis, ministri enim Dei sunt

S. SCRIPTVRÆ.

in hoc ipsum seruientes. Reddite ergo omnibus debita, cui tributum, tributum; cui vectigal, vectigal.

l. 2. c. 17. n. 6

14. 5. Vnusquisque in suo sensu abundat.

l. 3. c. 1. n. 4

14. 24. Omne quod non est ex fide, peccatū est.

l. 3. c. 1. n. 4

Ad Corinthios prima.

Cap. 5. 1. Omnino auditur inter vos fornicatio, & talis fornicatio, qualis nec inter gentes.

l. 2. c. 26. n. 5

5. 12. Quid mihi de ijs qui foris sūt iudicare?

l. 2. c. 3. n. 4

6. 15. Tollens ergo membra Christi, faciam membra meretricis, &c.

l. 2. c. 26. n. 3

7. 39. Cui vult nubat, tantum in Domino.

l. 2. c. 28. n. 3

8. 4. Idolū nihil est.

l. 2. c. 11. n. 2

11. 10. Ideo debet mulier potestatem habere super caput.

l. 1. c. 5. n. 1

14. 20. Nolite pueri effici sensibus.

l. 2. c. 31. n. 6

14. 40. Omnia honeste, & secundum ordinem fiant.

l. 2. c. 1. n. 3

Ad Corinthios secunda.

Cap. 1. 17. Cum hoc voluissē, nunquid leuitate usus sum, aut quæ cogito secundum carnem cogito, ut sit apud me, aut non.

l. 2. c. 20. n. 1

6. 14. Nolite ingŕi ducere cum infidelibus.

l. 2. c. 28. n. 3

Ad Galatas.

Cap. 2. 2. Ne fortè in vanum currerem aut cucurrissem.

l. 2. c. 3. n. 5

4. 19. Filioli mei quos iterum parturio.

l. 1. c. 9. n. 3

4. 29. Quomodo tunc is qui secundum carnem natus fuerat, persequabatur eum qui secundum spiritum, ita & nunc.

l. 2. c. 3. n. 2

5. 9. Mo

INDEX LOCORVM

- 5.9. *Modicum fermentum totam massam corrumpit.*
l.2.c.3.n.2.
5.15. *Si inuicem mordetis, & comeditis, videte ne ab*
inuicem consumamini. l.3.c.9.n.1.

Ad Ephesios.

- Cap.3.14. *Flecto genua ad Patrem Domini nostri Iesu*
Christi, ex quo omnis paternitas, &c. l.1.c.4.n.3
4.25. *Deponentes mendacium, loquimini veritatem*
unusquisque cum proximo suo, quoniam sumus
inuicem membra. l.2.c.15.n.7
6.12. *Aduersus principes & potestates, aduersus mundi*
rectores tenebrarum harum. l.1.c.3.n.5

Ad Philipenses.

- Cap.3.19. *Quorum Deus venier est.* l.2.c.25.n.5

Ad Colossenses.

- Cap.3.5. *Auaritia qua est simulachrorum seruitus.* l.2.
c.18.n.2

Ad Thessalonicenses prima.

- Cap.5.20. *Omnia probate, quod bonum est tenere.* l.2.
c.3.n.5

Ad Timotheum prima.

- Cap.2.11. *Docere autem mulieri non permitto, neque*
dominari in virum. l.1.c.5.n.1
2.14. *Adam non est seductus, mulier autem seducta in*
in prauaricatione fuit. l.1.c.5.n.3
3.6. *Non Neophytum ne in superbiam elatus in iudi-*
cium incidat diaboli. l.1.c.6.n.5
3.10. *Sic ministrēt nullum crimen habentes.* l.3.c.3.n.2
6.17. *Diui*

S. SCRIPTVRÆ.

- 6.17. Diuitibus huius seculi præcipe non sublime sapere, neque sperare in incerto diuitiarum, sed in Deo viuo, qui præstat nobis omnia abundè ad fruendum. l.2.c.18.n.2

Ad Timotheum secunda.

- Cap.1.17. Sermo eorum vt cancer serpit. l.2.c.3.n.2
2.17. Profana & vaniloquia deuota. l.2.c.3.n.2
3.15. Qua te possunt instruere ad salutem. l.1.c.1.n.5
3.16. Omnis scriptura diuinitus inspirata utilis est, &c. ad erudiendum in iustitia. l.1.c.1.n.1
3.16. Vt perfectus sit homo Dei. l.1.c.1.n.5
4.2. Obsecra, increpa in omni patientia. l.2.c.7.n.3
4.3. Sanam doctrinam non sustinebunt sed ad sua desideria, &c. l.3.c.8.n.6
4.17. Liberatus sum de ore leonis. l.3.c.8.n.2

Ad Titum.

- Cap.1.12. Cretenses semper mendaces, mala bestie, ventres pigri. l.1.c.8.n.6

Ad Hebræos.

- Cap.11.4. Sanguinis effusionem, melius loquentē quàm Abel. l.2.c.12.n.2
12.8. Quod si estis extra disciplinam, cuius participes facti sumus omnes, ergo adulteri, & non filij estis. l.1.c.7.n.6

Epistola Iacobi.

- Cap.1.5. Dat omnibus affluenter, & non improperat. l.2.c.16.n.8
1.8. Vir duplex animo inconstans est in omnibus vijs suis. l.2.c.20.n.1
2.2. Vir

INDEX LOCORVM

- 2.2. *Vir annulum aureum habens in veste candida.*
l.2.c.23.n.1
2.23. *Superexaltat misericordia iudicium.* l.2.c.13.n.1
5.4. *Ecce merces operariorum qui messuerunt regiones
vestras, qua fraudata est vobis, clamat & cla-
mor eorum in aures Domini Sabaoth introiit.*
l.2.c.18.n.3

Petri prima.

- Cap.3.5. *Sara obediebat Abraha, Dominum eum vo-
cans.* l.1.c.5.n.1

Ioannis prima.

- Cap.5.19. *Totus mundus in maligno positus est.* l.2.
c.29.n.3

Apocalypsis.

- Cap.2.12. *Habes & tu tenentes doctrinam Nicolaita-
tarum.* l.2.c.3.n.2
2.20. *Permittis mulierem Iezabel, qua se dicit prophe-
ten docere, & seducere seruos Dei, fornicari &
manducare de Idolothytis.* l.2.c.3.n.2
2.24. *Altitudines Sathana.* l.1.c.1.n.7
14.2. *Audiui vocem Citharædorum citharizantium.*
l.3.c.4.n.6
17.13. *Acqua quas vidisti populi sunt & gentes & lin-
gua.* l.2.c.30.n.5
21.16. *Et ciuitas in quadro posita est.* l.3.c.5.n.6

F I N I S.

